


Marĩp̃aya Kerere
Wereri Turi



New Testament in Siriano

Marĩpaya Kerere Wereri Turi New Testament in Siriano

copyright © 2009 Wycliffe Bible Translators, Inc.

Language: Siriano

Translation by: Wycliffe Bible Translators, Inc.

Copyright Information

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Siriano

© 2009, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents.

For other uses, please contact the respective copyright owners.

2014-08-06

PDF generated using Haiola and XeLaTeX on 7 Nov 2023 from source files dated 29 Jan 2022

1a0774e8-d152-5929-891b-95e0d2238786

Contents

SAN MATEO	1
SAN MARCOS	59
SAN LUCAS	95
SAN JUAN	156
LOS HECHOS	200
ROMANOS	252
1 CORINTIOS	276
2 CORINTIOS	299
GÁLATAS	314
EFESIOS	324
FILIPENSES	332
COLOSENSES	337
1 TESALONICENSES	343
2 TESALONICENSES	348
1 TIMOTEO	351
2 TIMOTEO	357
TITO	362
FILEMÓN	365
HEBREOS	367
SANTIAGO	386
1 SAN PEDRO	392
2 SAN PEDRO	399
1 SAN JUAN	403
2 SAN JUAN	409
3 SAN JUAN	410
SAN JUDAS	411
EL APOCALIPSIS	414

SAN MATEO

Jesucristo ñekūsāmarā āārīturiāmūrīrīdea

(Lc 3.23-38)

¹ Jesucristo ñekūsāmarā iripoegue marā āsū āārīnerā āārīmá. Jesucristo, David parāmi āārīturiagu āārīdi āārīmí. David, Abraham parāmi āārīturiagu āārīdi āārīmí.

² Abraham Isaac pagu, Isaac Jacob pagu,
Jacob Judásā pagu āārīdi āārīmí.

³ Judá pūrā Fares, Zara wāikurā āārīnerā āārīmá. Īgūsā pago Tamar wāikudeo āārímó.
Fares Esrom pagu, Esrom Aram pagu,

⁴ Aram Aminadab pagu, Aminadab Naasón pagu,
Naasón Salmón pagu, ⁵ Salmón Booz pagu āārīdi āārīmí. Īgū pago Rahab wāikudeo āārímó.
Booz, Obed pagu āārīdi āārīmí. Īgū pago Rut wāikudeo āārímó.
Obed Isaí pagu āārīdi āārīmí.

⁶ Isaí Israel bumarā opu David pagu āārīdi āārīmí.
David, Urías marāpo āārīdeo merā Salomón wāikugure pūrākudi āārīmí.

⁷ Salomón Roboam pagu, Roboam Abías pagu,
Abías Asa pagu, ⁸ Asa Josafat pagu,
Josafat Joram pagu, Joram Uzías pagu,

⁹ Uzías Jotam pagu, Jotam Acáz pagu,
Acáz Ezequías pagu, ¹⁰ Ezequías Manasés pagu,
Manasés Amón pagu, Amón Josías pagu,

¹¹ Josías, Jeconíasā pagu āārīdi āārīmí. Īgūsā āārīripoere Israel bumarārē Babilonia marā
gapu ñeā, Īgūsāya nikūgue āānerā āārīmá.

¹² Irasirigu, Jeconías Babilonia nikūgue Salatiel wāikugure pūrākudi āārīmí.
Salatiel Zorobabel pagu, ¹³ Zorobabel Abiud pagu,
Abiud Eliaquim pagu, Eliaquim Azor pagu,

¹⁴ Azor Zadoc pagu, Zadoc Aquim pagu,
Aquim Eliud pagu, ¹⁵ Eliud Eleazar pagu,
Eleazar Matán pagu, Matán Jacob pagu,

¹⁶ Jacob, José pagu āārīdi āārīmí.

José, María marāpu āārīdi āārīmí. María, Jesús masakare taubu “Cristo” wāikugu pago
āārīdeo āārímó.

¹⁷ Abraham merā keopurori, Daviguere marī keotūnumakū, āārīpererā Abraham
parāmerā āārīturiarā catorce burigora masāporewāgānerā āārīmá. David merā Īgū
parāmerā āārīturiarārē keomakū, Babiloniague Israel bumarārē Īgūsā āāburo dupuyuro
keotūnumakū, catorce burigora masāporewāgānerā āārīmá. Dupaturi Babiloniague
Īgūsā ejadero puru, Īgūsā parāmerā āārīturiarārē keopurorimakū, Cristo deyoadero puru
keotūnumakū, catorce burigora masāporewāgānerā āārīmá doja.

Jesucristo deyoadea

(Lc 2.1-7)

¹⁸ Jesucristo deyoaburi āsū waayuro. Īgū pago María, José merā marāpukubo
iriyupo. Īgūsā suro merā āārīrikuburo dupuyuro Ōāgū deyomarīgū turari merā nijīpo
āārīnugāsiayupo. ¹⁹ José igo merā mojōsiabu diayemarē irigu āārīyupu. Irasirigu, igo
nijīpo āārīrīrē masīgū, masaka iūrōgue igore: “Ñerō irideo āārímó”, ārī weresādūabi,
Īgūsā masībirimakūta igore béobu iriadiyupu. ²⁰ Irire Īgū gūñaripoe Marīpure wereboegu,
kērōgue Īgūrē deyoa, āsū ārīyupu:

—José, David parāmi āārīturiagu, Maríare ñerō gũñabirikōāka! Igo, Ōāgũ deyoamarīgũ turari merā nijīpo āārīnugāsiamo. Irasirigu güiro marīrō igo merā mojōsiaka! ²¹ Igo majīgūrē pūrākugokumo. Īgũ Īgũyarā masakare Īgūsā ñerī iridea wajare taubu āārīgukumi. Irasirigu Īgūrē “Jesús”^{*} wāiyegukoa, āriyuru Marīpura wereboegu Josére.

²² I āārīpereri Marīpu Īgũya kerere weredupuyudire gojadorederosũta waayuro. Āsũ ārī gojasũdero āārībú:

²³ Sugo nomeō umámu merā āārībirikerego, sugu majīgũ pūrākugokumo. Īgũ “Emanuel” wāikugukumi, ārī gojasũdero āārībú.[☆]

“Emanuel”, ārīrō: “Marīpu marī merāta āārīmi”, ārīduaro yáa.

²⁴ José kārīadi yobeja, puru Marīpura wereboegu Īgūrē doreaderosũta María merā mojōsiayuru. ²⁵ Irasirikeregu, igo magūrē pūrākuburo dupuyuro igore marāpokubi irirosũ āārīkōāyuru. Igo pūrākũadero puru, majīgūrē “Jesús” wāiyeyuru.

2

Masīrīmasā Jesúre ĩārā waadea

¹ Herodes wāikugu, Judea nikũ marā opu āārīripoe Jesús iri nikũma makā Belēgue deyoayuru. Īgũ deyoadero puru, abe marīriro gapu marā neñukārē ōārō masīrīmasā Jerusalēgue ejañurā. ² Irogue eja, iri makā marārē sērēñañurā:

—Sugu majīgũ deyoadi judío masaka opu āārību, ¿noógue āārīrī? Guaya nikũgue guā āārīmakũ, abe marīriro gapu neñukāmu Īgũ deyoarire ĩmugũ boyopurorimakũ ĩābũ. Irasirirā Īgūrē buremurā aarirā iriabu, ārīñurā.

³ Opu Herodes Īgūsā irasũ arādeare pébokagu, buro gũñarikuyuru. Āārīpererā Jerusalén marāde gũñarikũñurā. ⁴ Irasirigu Herodes āārīpererā paía oparārē, Moisés doredeare buerimasādere siiu need, Īgūsārē sērēñayuru:

—Cristo, Marīpu iriubu, ¿noógue deyoabu āārāyuri? āriyuru. ⁵ Īgũ irasũ arīmakũ, āsũ ārī yuñurā:

—Judea nikũma makā Belēgue deyoagukumi. Iripoegue Marīpura kerere weredupuyudi āsũ ārī gojadi āārīmí:

⁶ Belén wāikuri makāgue sugu Opu deyoagukumi. Īgũ Marīpuyarā Israel bumarārē korebu āārīgukumi.

Irasiriro Belén Judea nikũ āārīrī makārī watope ubu āārīrī makā āārīkerero, gaji makārī nemorō āārīrokoa, ārī gojadi āārīmí, ārī wereñurā Herodere.[☆]

⁷ Īgūsā irasũ arīmakũ pégu, Herodes masīrīmasārē siiu, masaka péberogue sērēñayuru:

—¿Naásũ āārīmakũ neñukāmu deyoari? āriyuru. ⁸ “Irīnugue deyoami”, ārī yuñmakũ pégu, Īgūsārē Belēgue āsũ ārī iriuyuru:

—Iro marārē: “¿Noógue āārīrī, majīgũ deyoadi?” ārī sērēñarā waaka! Īgūrē bokajarā, ōōta goedujarika, yure Īgũ āārīrōrē weremurā! Yude Īgūrē buremugũ waadũakoa, āriyuru Īgūsārē.

⁹⁻¹⁰ Īgũ irasũ arīmakũ pé, Belēgue waakōañurā. Maague waamakũ, neñukāmu, abe marīriro gapu boyoadi Īgūsā dupuyuro waadupuyuyuru, Īgūsā waarī maarē ĩmugũ. Īgūsā neñukāmurē ĩārā, buro usyañurā. Neñukāmu Īgūsā dupuyuro waa, majīgũ Īgũ āārīrī wii weka dujanugājayuru.

¹¹ Irasirirā iri wiigue ñajārā, majīgūrē, Īgũ pago María merā āārīgūrē bokajañurā. Īgūrē ĩā, Īgũ puro ñadukupuri merā ejamejā: “Ōātarimi”, ārī buremuñurā. Īgūsā āiadea kũmarīrē tũpā: oro, incienso, mirra wāikuri sārōrī wajaparire Īgūrē sīñurā. ¹² Puru Īgūsā kārīripoe Marīpu kērōgue wereyuru:

^{*} **1:21** “Jesús”, ārīrō: “Marī Opu marīrē taumi”, ārīduaro yáa. [☆] **1:23** Is 7.14 [☆] **2:6** Mi 5.2

—Musāya makāgue goedujáarā, Herodes puro waarí maarē dujáabirikōāka! Gaji maa gapu dujáaka! āri wereyupu. Irasirirā gaji maa gapu goedujáañurā.

José, María merā majīgūrē Egiptogue āiduriadea

¹³ Masīrīmasā goedujáadero puru, Marīpuru wereboegu Josere kērōgue deyoa, āsū āri wereyupu:

—Yobeka! Majīgūrē, ĩgū pago merā Egipto nikūgue āiduriwāgāka! Yu murē: “Dujarika!” āri weremakūgue dujarika! Herodes majīgūrē āmabu yāmi ĩgūrē wējēbu, āri wereyupu.

¹⁴ ĩgū irasū ārīmakū pégu, José yobe, majīgūrē āi, pago merā űamita Egiptogue waakōāyupu. ¹⁵ Herodes okaropā irogue āārīñurā. Irasiriro Marīpura kerere weredupuyudi Marīpu magūrē ĩgū ārīdeare gojaderosūta waayuro. Marīpu āsū ārīdi āārīmí: “Yu magūrē Egiptogue āārīgūrē siiubu”.

Herodes űma pūrārē wējēbéodoredea

¹⁶ Herodes, masīrīmasā ĩgū puro goedujáabirimakū ĩāgū, guatariakōāyupu. Irasirigu Belén marārē, iri makā turo āārīrādere űma pūrāgārē wējēpeokōādoreyupu. Masīrīmasā ārīdeare gūñagū: “Ōōpāta majīgū masākumi”, āri gūñayupu. Irasirigu pe bojori oparārē, pe bojori doka oparārē wējēbéodoreyupu. ¹⁷ ĩgū irasiriri Jeremías Marīpura kerere weredupuyudi gojaderosūta waayuro. Āsū āri gojadi āārīmí:

¹⁸ Ramā wāikurogue buru bujawereri merā dujaritua, orerākuma. Raquel parāmerā āārīturiarā Israel bumarā nome ĩgūsā pūrārē buru orerākuma. ĩgūsā pūrārē wējēmakū ĩārā, bujawereduúbirimakū, gajerā ĩgūsārē gūñaturamakū iri-masībirikuma, āri gojadi āārīmí.✧

¹⁹ Herodes boadero puru, Marīpuru wereboegu Josere Egiptogue āārīgūrē kērōgue deyoa, āsū āriyupu doja:

²⁰ —Majīgūrē wējēdhanerā boapereakōāma. Irasirigu majīgūrē, pago merā Israel bumarāya nikūgue āi dujáaka doja! āriyupu.

²¹ ĩgū irasū ārīmakū pégu, José yobe, majīgūrē, pago merāta Israel bumarāya nikūgue āiākōāyupu. ²² José gapu Judea nikūgue ejagu, Herodes magū Arquelao wāikugu ĩgū pagu dagure gorawayudi āārīmi, ārīrī kerere pégu, gūiyupu. Irasirigu, kērōgue Marīpu ĩgūrē werederosūta Judea nikūrē taria, Galilea nikūgue waakōāyupu. ²³ Iri nikūguere Nazaret wāikuri makāgue eja, āārīyupu. Irasiriro Marīpura kerere weredupuyunerā gojaderosūta waayuro. Āsū āri gojanerā āārīmá: “‘Cristo, Marīpu iriudi Nazaretmuta āārīmi’, ārīrākuma masaka”, āri gojanerā āārīmá.

3

Juan masakare wāiyerimasū buedea

(Mr 1.1-8; Lc 3.1-9, 15-17; Jn 1.19-28)

¹ Iripoere Juan masakare wāiyerimasū Judea nikū masaka marīrōgue ĩgū puro ejarārē Marīpuyare buenugāyupu. ² Āsū āri werenayupu:

—Musā űerō iririre bujawereka! Musā gūñarīrē gorawayuka! Mérō duyāa, Marīpu ĩgūyarārē doreri ejaburo, āri werenayupu.

³ Iripoeguemu Isaiás Marīpura kerere weredupuyudi, Juan iriburire āsū āri gojadi āārīmí:

Sugu, masaka marīrōgue buru gainírī merā: “Marī Opu aariburi dupuyuro ĩgū aariburi maarē diayema maa ōārī maa āmurā irirosū diayemarē irika!” āri weregukumi, āri gojadi āārīmí.✧

⁴ Juāya suríro camellu poari merā suadea suríro āārīyuro. ĩgūya yujawēñarīdade waibu gasiro merā irideada āārīyuro. Poreroa, mume makānūu marāyare baarikayupu.

⁵ Jerusalén marã, ããrĩperero Judea nikũ marã, dia Jordán wãikũdiya turo marãde ìgũrẽ pèrã ejañurã. ⁶ Ìgũsã ñerõ irideare bujawere, Marĩpũre weretarimakũ ìãgũ, ìgũsãrẽ deko merã wãiyeyupũ dia Jordán wãikũdiyague.

⁷ Juan, wãrã fariseo bumarã, saduceo bumarã ìgũrẽ wãiyedorerã ejamakũ ìãgũ, ãsũ ãrĩyupũ:

—Mũsã ãña irirosũ ñerã ããrã. ¿Noã mũsãrẽ õõguere aaridoreari? “Marĩpũ, gũã ñerõ iriri waja gũare wajamoãbirikõãburo”, ãrĩrã, ¿yũre wãiyedorerã aarari? ⁸ Mũsã: “Gũã ñerõ irideare bujawere, gũñarĩrẽ gorawayuabũ”, ãrĩrã, mũsã ñerõ irideare piri, õãrĩ gapũre irika! Mũsã irasirimakũ, Marĩpũ mũsãrẽ wajamoãbirikumi. ⁹ Mũsã: “Gũã Abraham parãmerã ããrĩturiarã ããrĩmakũ, Marĩpũ gũare wajamoãbirikumi”, ãrĩ gũñabirikõãka! Yũ mũsãrẽ ãsũ ãrã: “Mũsã gũñarĩrẽ gorawayubirimakũ, mũsã Abraham parãmerã ããrĩturiari wajamãã. Marĩpũ i ãtãyeri merã Abraham parãmerã ããrĩturiarã waamakũ irimasĩmi”. ¹⁰ Mũsã ñerĩ iririre piribirimakũ ìãgũ, Marĩpũ mũsãrẽ béogũkumi. Sugu yukũ ñerĩ dukakũdire ìã, kũme merã nugũrĩgue merãta diti, peamegue soebéorosũ mũsãrẽ béogũkumi. ¹¹ Mũsã ñerõ irideare bujawere, mũsã gũñarĩrẽ gorawayumakũ ìãgũ, yũ mũsãrẽ deko merã wãiyegũkoa. Yũ pũrũ aarigũ, yũ nemorõ turagũ ããrĩmi. Yũ gapũ ubu ããrĩgũ, ìgũrẽ neõ sũropebirikoa. Ìgũ mũsãrẽ Õãgũ deyomarĩgũ merã, peame merã wãiyegũkumi. Irasirigũ Õãgũ deyomarĩgũrẽ mũsã merã ããrĩnĩmakũ irigũkumi, ñerĩrẽ soebéorosũ mũsãrẽ ñerĩrẽ béoburo, ãrĩgũ. ¹² Trigo gasirire korobéogũ irirosũ ããrĩmi. Gasirire koro odo, iri yerire baari duripĩri wiigue duripĩgũ irirosũ õãrõ irirãrẽ ìgũ pũroque ããgũkumi. Gasiri gapũre peamegue soebéogũ irirosũ ñerõ irirãrẽ peamegue béogũkumi. Iri peame neõ yaribirikoa, ãrĩ werenayupũ Juan masakare.

Juan Jesúre deko merã wãiyedea
(Mr 1.9-11; Lc 3.21-22)

¹³ Juan masakare dia Jordán wãikũdiyague deko merã wãiyeripoe Jesús Galileague ããrãdi ìgũrẽ wãiyedoregũ waayupũ. ¹⁴ Iroque ejamakũ, Juan ìgũrẽ wãiyedũabiradiyupũ:

—¿Mũ gapũ yũre wãiyerono irigũ yũre wãiyedoregũ aarĩri? ãrĩyupũ.

¹⁵⁻¹⁶ Jesús gapũ ìgũrẽ yũjũyupũ:

—Yũre wãiyeka! Marĩrẽ ããrĩpereri Marĩpũ dorederosũta iriro gããmea.

Ìgũ irasũ ãrĩmakũ pégũ: “Jãũ”, ãrĩ, Jesúre wãiyeyupũ. Wãiyẽ odomakũ, Jesús diague níadi majãnũgãmakũta, ãmũgasi tũpãkõãyuro. Õãgũ deyomarĩgũ buja irirosũ deyogũ dijari, ìgũ weka ejabekamakũ ìãyupũ. ¹⁷ Marĩpũ ãmũgasigue ããrĩgũ ãsũ ãrĩyupũ Jesúre:

—Ìĩ yũ magũ, yũ maĩgũ ããrĩmi. Ìgũ merã bũro usũyãã, ãrĩyupũ.

4

Wãtĩ Jesúre ãrĩmesãdidea
(Mr 1.12-13; Lc 4.1-13)

¹ Pũrũ Õãgũ deyomarĩgũ Jesúre masaka marĩrõgue ããyupũ, wãtĩ ìgũrẽ ãrĩmesãburo, ãrĩgũ.

² Iroguere Jesús cuarenta ñarĩ, cuarenta ñamĩrĩgora baabiriyupũ. Pũrũ ãboakõãyupũ.

³ Ìgũ ãboamakũ ìãgũ, wãtĩ ìgũ pũro eja, ãsũ ãrĩyupũ:

—Diayeta Marĩpũ magũ ããrĩgũ, mũ turaro merã i ãtãyerire pã duparu waamakũ irika! ãrĩyupũ.

⁴ Jesús gapũ ìgũrẽ yũjũyupũ:

—Yũpũya werenĩrĩ gojãdea pũgue: “Baari dita masakare okamakũ iribea. ããrĩpereri Marĩpũya werenĩrĩ gapũ ìgũsãrẽ okamakũ yãã”, ãrĩ gojasũdero ããrĩbũ, ãrĩ wereyupũ Jesús wãtĩrẽ.

⁵ Pũrũ wãtĩ Marĩpũya makã Jerusalẽgue Jesúre ãã, Marĩpũya wii wekague ãĩmũrĩa,

⁶ ìgũrẽ ãsũ ãrĩyupũ:

—Diayeta Marĩpũ magũ aãrĩgũ, yebague parimadijaka! Īgũya werenĩrĩ gojadea pũgue: Marĩpũ Īgũrẽ wereboerãrẽ murẽ koredoregũkumi, neõ ùtãyegue meébejabirikõãburo, aãrĩgũ, aãrĩ gojasũdero aãrĩbũ, aãrĩ wereyupũ wãtĩ Jesũre.✠

⁷ Jesũs Īgũrẽ yũjũyupũ:

—Yũpũya werenĩrĩ gojadea pũgue: “Bũremurĩ marĩrõ Marĩpũre: ‘Mũ turari merã yũre gajino iri ĩmuka!’ aãrĩbirikõãka!” aãrĩ gojasũdero aãrĩbũ, aãrĩ wereyupũ Jesũs wãtĩrẽ.

⁸ Pũrũ wãtĩ Jesũre ùmarĩ buũru wekague aĩmurĩayupũ doja. Irogue aãrĩpereri i ùmũma makãrĩrẽ, masaka oparidere ĩmupeokõãyupũ. ⁹ Irire ĩmupeo, Jesũre ãsũ aãrĩyupũ:

—Mũ ñadũkupuri merã ejamejãja, yũre: “Mũ, yũ Opũ aãrã”, aãrĩ bũremumakũ, i aãrĩpererire murẽ sĩgura, aãrĩyupũ.

¹⁰ Īgũ irasũ aãrĩmakũ, Jesũs ãsũ aãrĩyupũ:

—Satanás, yũ pũrore wirika! Yũpũya werenĩrĩ gojadea pũgue: “Marĩpũ direta bũremuka! Īgũ doreri direta irika!” aãrĩ gojasũdero aãrĩbũ, aãrĩ wereyupũ Jesũs wãtĩrẽ.

¹¹ Īgũ irasũ aãrĩmakũ pégũ, wãtĩ waakõãyupũ. Īgũ waadero pũrũ, Marĩpũre wereboerã Jesũre iritamurã ejañurã.

Jesũs Galilea nikũgue masakare buenũgãdea

(Mr 1.14-15; Lc 4.14-15)

¹² Juãrẽ peresu iridea kerere pégũ, Jesũs Galilea nikũgue waakõãyupũ. ¹³ Iro aãrĩrĩ makã Nazarere tariwãgã, Capernaum wãikũri makãgue ejayupũ. Galilea wãikũri ditaru tũro aãrĩbũ Capernaum. Iri makã Zabulón bumarãya nikũ, Neftalí bumarãya nikũ aãrĩunadero aãrĩbũ. ¹⁴ Jesũs irogue ejagũ, iripoeguemu Marĩpũya kerere weredupuyudi Isaiás gojaderosũta iriyupũ. ãsũ aãrĩ gojadi aãrĩmĩ:

¹⁵ Zabulón bumarãya nikũ, Neftalí bumarãya nikũ aãrĩunadero, judío masaka aãrĩmerãya nikũ aãrã. Ditaru tũro, dia Jordán wãikũdiya abe ñajãrõgue Galilea wãikũri nikũ aãrã.

¹⁶ Iro marã, naĩtĩãrõgue aãrĩrã irirosũ Marĩpũyare masĩbema. Īgũsã masĩbiri waja peamegue waabonerã aãrĩma. Irasũ aãrĩkererã, sĩãgorire ĩãrã irirosũ Īgũsãrẽ taubure ĩãrãkuma. Īgũta Īgũsãrẽ Marĩpũre masĩmakũ irigũ aarigũkumi. Irasirirã boyorogue aãrĩrã irirosũ aãrĩrãkuma, aãrĩ gojadi aãrĩmĩ.✠

¹⁷ Jesũs irogue aãrĩgũ, masakare ãsũ aãrĩ buenũgãyupũ:

—Mũsã ñerĩ iririre bũjawereka! Mũsã gũñarĩrẽ gorawayuka! Mérõ dũyãa, Marĩpũ Īgũyarãrẽ doreri ejaburo, aãrĩyupũ.

Jesũs wapikũrã waaĩ wẽjẽrĩmasãrẽ siiudea

(Mr 1.16-20; Lc 5.1-11)

¹⁸ Jesũs Galilea wãikũri ditaru tũroque ejagũ, Simõrẽ, Īgũ pagũmũ Andrere bokajayupũ. Simõta “Pedro” wãikũyupũ. Īgũsã waaĩ wẽjẽrĩmasã aãrĩñurã. Ditarugue Īgũsãya buidire meéyorã iriñurã. ¹⁹ Jesũs Īgũsãrẽ:

—Nãka, yũ merã! Daporare mũsãrẽ waaĩ wẽjẽrĩmasã aãrĩrĩrẽ piri, Marĩpũya kerere wererimasã aãrĩmakũ irigũkoa, aãrĩyupũ.

²⁰ Īgũ irasũ aãrĩmakũ pérã, mata Īgũsãya buiriyukure pĩkõã, Jesũs merã waakõãñurã.

²¹ Pũrũ Jesũs yoaweyaro waa, Santiagore, Īgũ pagũmũ Juãrẽ bokajayupũ. Īgũsã Zebedeo wãikũgũ pũrã aãrĩñurã. Īgũsãya doódirugue Īgũsã pagũ merã Īgũsãya buiriyukure ãmurã iriñurã. Jesũs Īgũsãrẽ: “Nãka, yũ merã!” aãrĩ siiuyupũ. ²² Īgũ irasũ aãrĩmakũ pérã: “Jãũ”, aãrĩ, Īgũsãya doódirure, pagũre pĩkõã, Jesũs merã waakõãñurã.

Jesũs wãrã masakare buedea

(Lc 6.17-19)

²³ Jesús ããrĩperero Galilea nikũrẽ judío masaka nerẽrĩ wiirigue buegorenayupũ. Õãrĩ kerere, Marĩpũ Ìgũyarãrẽ doregũ ããrĩrĩrẽ bueyupũ. Irasũ ããrĩmakũ pũrĩrikurãrẽ ããrĩpereri Ìgũsã pũrĩrĩrẽ tauyupũ. ²⁴ Ìgũ irasiriri kerere ããrĩperero Siria nikũ marã masĩpereakõãñurã. Irasirirã gajerosũperi sĩrĩrĩ oparãrẽ, pũrĩrikurãrẽ, wãtẽa ñajãsũnerãrẽ, ñamasĩrĩrĩ oparãrẽ, waamasĩmerãdere Jesús pũrogue ããñurã. Irasirigũ ããrĩpererãrẽ tauyupũ Jesús.

²⁵ Ìgũ irasirimakũ Ìãrã, wãrã Galilea nikũ marã, Decápolis wãikũri nikũma makãrĩ marã, Jerusalén marã, Judea nikũ marã, dia Jordán wãikũdiya abe mũrĩro gapũ marã Ìgũ merã waañurã.

5

Jesús buúrugue masakare buedea

¹ Jesús, masaka wãrã Ìgũ pũro ejamakũ Ìãgũ, buúrugue mũrĩa, eja doayupũ. Ìgũ irogue doamakũ, Ìgũ buerã Ìgũ pũro nerẽnũgãjañurã. ² Ìgũsã nerẽnũgãjamakũ Ìãgũ, Jesús Ìgũsãrẽ ãsũ ãrĩ buerũroriyupũ:

“Ãsũ irirãno usuyama”, ãrĩ buedea

(Lc 6.20-23)

³ —“Marĩpũ iritamubirimakũ, Ìgũ gããmerĩrẽ irimasĩña marĩbokoã”, ãrĩ gũñarãno, ãmũgasigue Marĩpũ Ìgũyarãrẽ dorerogue waarãkuma. Irogue ma Ìgũsãya ããrã. Irasirirã usuyama.

⁴ ‘Bũjawereri merã ããrĩrãrẽ Marĩpũ Ìgũsãrẽ gũñaturamakũ irigukumi. Irasirirã usuyama.

⁵ “Gajerã nemorõ ããrã”, ãrĩ gũñamerã, Marĩpũ Ìgũsãrẽ: “Ì nikũrẽ sĩgura”, ãrĩdeare oparãkuma. Irasirirã usuyama.

⁶ ‘Marĩpũ gããmerĩrẽ iridũarã, ãaboarã baadũarã, ñemesiburã iiridũarã irirosũ ããrĩma. Marĩpũ Ìgũsãrẽ iritamugukumi, Ìgũ gããmerĩrẽ iriburo, ãrĩgũ. Ìgũsãrẽ iritamugũ, iirĩ, baayapianerã irirosũ ããrĩmakũ irigukumi. Irasirirã usuyama.

⁷ ‘Gajerãrẽ bopoñarĩ merã Ìãrãrẽ Marĩpũ Ìgũsãrẽ bopoñarĩ merã Ìãgũkumi. Irasirirã usuyama.

⁸ ‘Ñerĩ opamerã Marĩpũre Ìãrãkuma. Irasirirã usuyama.

⁹ ‘Gajerãrẽ õãrõ siuñajãrĩ merã ããrĩmakũ iridũarãrẽ Marĩpũ Ìgũsãrẽ: “Yũ pũrã ããrĩma”, ãrĩgũkumi. Irasirirã usuyama.

¹⁰ ‘Marĩpũ gããmerĩrẽ iriri waja, gajerã Ìgũsãrẽ ñerõ tarimakũ irisũrã ãmũgasigue Marĩpũ Ìgũyarãrẽ dorerogue waarãkuma. Irogue ma Ìgũsãya ããrã. Irasirirã usuyama.

¹¹ ‘Yũre mũsã bũremurĩ waja gajerã mũsãrẽ ñerõ werenĩkerepũrũ, mũsãrẽ ñerõ irikerepũrũ, ããrĩpereri gajerosũperi ñerĩ kere ãrĩkerepũrũ, usuyaka! ¹² Marĩpũya kerere weredupuyunerãrẽ mũsã dupuyuro ããrĩnerãrẽ ãsũta ñerõ irinerã ããrĩmã. Irasirirã mũsãrẽ ñerõ irikerepũrũ, õãrõ usuyari merã ããrĩrikũka! Pũrugue wãro õãrĩ oparãkoa ãmũgasiguere, ãrĩyupũ Jesús.

I ãmũguere Marĩpũyare irirã moã, sĩãgori irirosũ ããrĩma, ãrĩ buedea

(Mr 9.50; Lc 14.34-35)

¹³ Irasũ ãrĩ odo, Jesús ãsũ ãrĩ buenemoyupũ:

—Mũsã ì ãmũguere Marĩpũyare irirã moã okari irirosũ ããrã. Moã okadea okabirimakũ, dupaturi okamakũ irimasĩbirikoa. Béoõãkoa. Béoadero pũrũ, masaka kũrawasiribéoõãkuma. Irasirirã mũsã moã okari irirosũ Marĩpũyare irinĩkõãka!

¹⁴ ‘Mũsã ì ãmũ marãrẽ sĩãgori irirosũ ããrã. Irasirirã Marĩpũyare mũsã irimakũ Ìãrã, Ìgũrẽ masĩrãkuma. Buúru wekague ããrĩrĩ makãrẽ duúmasĩña máa. ¹⁵ Masaka sĩãgodirure sĩãgorã, dupa kũma dokague pĩbirikuma. Sĩãgo, wii dekogue siukuma, iri wii marã ããrĩpererã õãrõ boyorogue ããrĩburo, ãrĩrã. ¹⁶ Ì irirosũ mũsãde Marĩpũyare õãrõ iriri merã

masakare musā ĩgũyarā āārĩrĩrē masĩmakũ irika, ĩgũrē ũmugasigue āārĩgũrē: “Ōātarigu āārĩmi”, ārĩ bũremuburo, ārĩrā!

Jesús Moisés doredeare buedea

¹⁷ 'Musā yũre āsũ ārĩ gũñabirikõāka: “Marĩpũ Moisére doreri pídeare, irasũ āārĩmakũ Marĩpũya kerere weredupuyunerā gojadeare béogu aarigú irikumĩ”, ārĩ gũñabirikõāka! Irire béogu aarigú meta iribũ. Iri āārĩpererire keoro iriyuwarikũgũ aarigú iribũ. ¹⁸ Diayeta musārē werea. Ũmugasi, i nikũ āārĩrõpāta Marĩpũ neõ mérõgā su wāĩ ĩgũ doreri pídeare béobirikumi. Āārĩpereri ĩgũ: “Āsũ irigura”, ārĩdeare keoro iriyuwarikũgũkumi. ¹⁹ Iri dorerire su wāĩrē tarinũgārāno, gajerārē: “Gũa irirosũ irika!” ārĩ buerā, ũmugasigue Marĩpũ ĩgũyarārē dorerogue ĩgũ ĩāmakũ ubu āārĩrā āārĩrākuma. Gajerā gapũ iri dorerire õārõ irirā, gajerārē ĩgũsā irirosũ iridorerā, ũmugasigue ĩgũyarārē dorerogue ĩgũ ĩāmakũ oparā irirosũ āārĩrākuma. ²⁰ Ire musārē werea. Musā, Moisés doredeare buerimasā, fariseo bumarā nemorõ Marĩpũ gāāmerĩrē iribirikererā, Marĩpũ ĩgũyarārē doreroguerē neõ waabirikoa.

*Jesús masaka guarimarē buedea
(Lc 12.57-59)*

²¹ 'Marĩpũ musā ñekūsāmarārē doredeare musā pénerā āārĩbũ. ĩgũsārē āsũ ārĩdi āārĩmĩ: “Masakare wějēbirikõāka! Gajigũre wějēdinorē wajamoāka, ĩgũ wějēdea waja!” ²² Yũ gapũ musārē werea. Sugũ ĩgũyagũ merā guagũ, wajamoāsũgũkumi. ĩgũyagũre: “Mũ wjamáa”, ārĩ bũridagũnorē marĩ oparā wajamoārākuma. ĩgũyagũre: “Waibũ irirosũ pémasĩrĩ opabea mũ”, ārĩgũnorē peamegue waamagoegorāa.

²³ 'Irasirirā Marĩpũya wiima soepeorogue ĩgũrē bũremurā gajino pĩrā waamurā: “Yaagũ yũ merā guami”, ārĩ gũñabokarā, ²⁴ Marĩpũre sĩburire pĩkõā, musāyagũ pũrogue waa: “Yũ mũrē ñerõ irideare kātika!” ārĩ sērēka ĩgũrē! Musā gāme āmuadero pũrũ, dupaturi Marĩpũya wiigũ musā sĩduadeare ĩgũrē sĩrā waaka!

²⁵ 'Sugũ musārē weresāduagũ, weresārĩrē beyerimasũ pũrogue musārē āĩduamakũ, mata maague ĩgũ merā waarā, ĩgũ musārē weresārĩrē āmuka! ĩgũ merā õārõ āmubirimakũ, beyerimasũguere musārē weresāgũkumi. ĩgũ musārē weresāmakũ pégũ, beyerimasũ musārē suraraguere wia, peresu iridoregũkumi. ²⁶ Diayeta musārē werea. Beyerimasũ musārē wajaridoredeare wajaripeobirimakũ, neõ musārē wiubirikumi.

Jesús: “Gajigũ marāpo merā ñerõ iribirikõāka!” ārĩ buedea

²⁷ 'Iripoegue marā weredeare musā pénerā āārĩbũ. Āsũ ārĩnerā āārĩmā: “Gajigũ marāpo merā ñerõ iribirikõāka!” ²⁸ Yũ gapũ musārē werea. Sugũ nomeõrē ñerõ iridũari merā ĩāgũ, ĩgũ gũñarĩgue igo merā ñerõ irisiami.

²⁹ 'Irasirirā musāya koyeru diaye gapũmarũ merā ĩā, ñerõ irirā, irirure gorewe-abéorosũ iri ñerõ iririre pirika! Musā koyerure béomakũ, iriru dita dediria. Ñerõ iririre pirimerā āārĩpereri musāya dupũ merā peamegue béosũrākoa. ³⁰ Musāya diayema mojõ merā ñerõ irirā, iri mojõrē dítítá béorosũ iri ñerõ iririre pirika! Musāya mojõrē béomakũ, iri mojõ dita dediria. Ñerõ iririre pirimerā āārĩpereri musāya dupũ merā peamegue béosũrākoa.

*Jesús masakare: “Musā marāposā nomerē béobirikõāka!” ārĩ buedea
(Mt 19.1-12; Mr 10.11-12; Lc 16.18)*

³¹ 'Iripoegue marā idere ārĩnerā āārĩma: “Sugũ ĩgũ marāpore béoduagũ: ‘I waja merā mũrē béoa’, ārĩ gojari pũrē sĩrõ gāāmea”, ārĩnerā āārĩmā. ³² Yũ gapũ musārē werea. Sugũ, ĩgũ marāpo gajigũ merā ñerõ iribirikererũ igure béogu, igure gajigũ merā marāpũkũmakũ irigũ, igure ñerõ irimakũ irikumĩ. Irasũ āārĩmakũ, ĩgũ béodeo merā marāpokũgũde ñerõ irigũ irikumĩ.

Jesús: “Āsū irigura”, ārīrmarē buedea

³³ Iripoegue marārē weredeare musā pénerā āārībú. Āsū ārī werenerā āārīmá ĩgūsārē: “Marīpu wāi merā āsū irigura”, ārīderosūta marī Opu ĩūrō keoro irika!” ³⁴ Yu gapu musārē werea. Musā gajerārē: “Āsū irigura”, ārīrā, Marīpure wāipeobirikōāka! “Ūmugasima merā āsū irigura”, ārībirikōāka! Ūmugasi, Marīpu doaro ubu āārīrō meta āārā. ³⁵ I nikūma merādere wāipeobirikōāka! I nikū Marīpuya nikū āārā. Irasirio ĩgū kuraña doanīrō irirosū āārā. Jerusalén merādere wāipeobirikōāka! Jerusalén marī Opu turatariguya makā āārā. ³⁶ “Yaa dipuru merā āsū irigura”, ārī wāipeobirikōāka! Musā irasū ārīrī merā neō musāya dipuruma poaire nīrīda, o borerida waamakū irimasībirikoa. ³⁷ “Āsū irigura”, o “Āsū iribirikoa”, ārīrā, wāipeoro marīrō su diayeta wereka! Wāipeori merā: “Āsū irigura”, ārīrā, wāti gāamerīrē irirā yāa.

*Jesús masaka ñerō iri gāmīrmarē buedea
(Lc 6.29-30)*

³⁸ Iripoegue marā weredeare musā pénerā āārībú. Āsū ārīnerā āārīmá: “Murē gajigu muya koyerure pátīāderosūta mude ĩgūya koyerure pátīā gāmika! Muya guikarure ĩgū pānuaderosūta mude ĩgūya guikarure pānu gāmika!” ārīnerā āārīmá. ³⁹ Yu gapu musārē werea. Musārē ñerō iridire irasū ĩākōāka! ĩgūrē ñerō iri gāmibirikōāka! Sugu musāya wayupārā diaye gapure pámakū, kúgapuma wayupārādere pádoreka! ⁴⁰ Sugu murē weresārīrē beyerimasū puro āia: “ĩgūya surīrore sīdoreka, ĩgū yure ñerō iridea waja”, ārī weresāmakū, iriñerē sīka! Irasū āārīmakū, muya wekamañedere sīnemoka ĩgūrē! ⁴¹ Sugu surara gajinorē su kilómetro murē āiwāgādoremakū, gaji kilómetro āiwāgānemobosaka doja! ⁴² Sugu murē gajinorē sērēmakū, sīka ĩgūrē! Gajino murē wayumakū sīka ĩgūrē! “Wayubirikoa”, ārībirikōāka!

*Jesús: “Musārē ĩaturirārē maika!” ārī buedea
(Lc 6.27-28, 32-36)*

⁴³ Gaji iripoegue marā weredeare musā pénerā āārībú. Āsū ārīnerā āārīmá: “Musā merāmarārē maika! Musārē ĩaturirā gapure ĩaturi doo, gāmika!” ārīnerā āārīmá. ⁴⁴ Yu gapu musārē werea. Musārē ĩaturirārē maika! Musārē ñerō werenīrārē: “Ōārō āārīburo”, ārīka! Musārē ĩaturi doorārē ōārō irika! Musārē ñerō ārī bīridamakū, musārē ñerō irimakū, ĩgūsāya āārīburire Marīpure sērēbosaka! ⁴⁵ Irasirirā Marīpu ūmugasigue āārīgū pūrā āārīrākoa. Marīpu ñerārē, ōārādere abe asimakū yāmi. ĩgū dorerire irirā puro, irimerā purudere deko merēmakū yāmi. Irasirirā musāde ĩgū irirosūta masakare sūrosū ōārō irika! ⁴⁶ Musārē maīrā direta maīrā, ĩñeéonorē ūmugasigue wajatabokuri? Romano marā opure niyeru wajaseabosarimasāde ñerā āārīkererā, ĩgūsārē maīrārē maīma. ⁴⁷ Musāyarā direta ōārō bokatīrīñeārā, ĩñeéno ōārīrē gajerā nemorō iribokuri? Marīpure masīmerāde ĩgūsāyarārē ōārō bokatīrīñeāma. ⁴⁸ Irasirirā, Marīpu ūmugasigue āārīgū neō ñerī marīgū āārīrōsūta musāde neō ñerī marīrā āārīka! ārī wereyupu Jesús.

6

Jesús ōārō iririkumarē buedea

¹ Jesús āsū ārī werenemoyupu:

–“Ōārīrē irirā āārā”, ārīrā, masaka ĩūrō musā iririre iri ĩmubirikōāka! Musā irire irasirimakū, Marīpu ūmugasigue āārīgū musā irasiridea wajare sībirikumi. ² Irasirirā boporārē iritamurā, āārīpererārē werebirikōāka! Irigatorimasā irirosū iribirikōāka! ĩgūsā boporārē iritamurā, marī nerērī wiirigue nerēanerā, makā dekogue āārīrā ĩūrō: “Ōārā āārīma”, ārīburo, ārīrā, iri ĩmuma. Diayeta musārē werea. Masaka ĩgūsārē ōārō

ãrĩrĩ merã wajatari opasiama. ³ Mũsã gapũ boporãrẽ gajino sĩrã, masaka ãberogue sĩka!
⁴ Marĩpũ, mũsã irasirimakũ ãgũ, mũsãrẽ õãrõ wajatamakũ irigũkumi.

Jesús Marĩpũrẽ sërẽrĩrẽ buedea
(Lc 11.2-4)

⁵ 'Marĩpũrẽ sërẽrã, irigatorimasã irirosũ iribirikõãka! ãgũsã marĩ nerẽrĩ wiirigue, makã dekogue masaka ãburo, ãrĩrã, sërẽ ãmuma. Diayeta mũsãrẽ werea. Masaka ãgũsãrẽ ãrĩrĩ merã wajatari opasiama. ⁶ Mũsã gapũ Marĩpũrẽ sërẽrã, mũsãya taribugue ñajãa, disipũro bia, gajerã ãberogue ãgũrẽ sërẽka! ãgũ deyomarĩgũ ããrĩkeregũ, mũsã merã ããrĩgũkumi. Irasirigũ, gajerã ãberogue mũsã ãgũrẽ sërẽmakũ ãgũ, mũsãrẽ õãrõ wajatamakũ irigũkumi.

⁷ 'Marĩpũrẽ sërẽrã, ubu ããrĩrĩ werenĩrĩ merã dupaturi sërẽdujabirikõãka! Marĩpũrẽ masĩmerã irasũ yãma. "Wãri werenĩrĩ merã gũa sërẽmakũ, gũare pégũkumi", ãrĩ gũñama.
⁸ ãgũsã irirosũ iribirikõãka! Mũsã sërẽburo dupuyuro Marĩpũ mũsã gããmerĩrẽ masĩsiami.
⁹ Irasirirã ãsũ ãrĩ sërẽrõ gããmea Marĩpũrẽ:

Gũapũ ãmũgasigue ããrĩgũ, ããrĩpererã mũrẽ gopepyari merã bũremuburo.

¹⁰ Mũ ããrĩpererãrẽ doreri aariburo. ãmũgasigue marã mũ gããmerõ irirosũta i nikũ marãde iriburo.

¹¹ ãmũrikũ gũare baari sĩka!

¹² Gajerã gũare ñerõ irideare gũa kãtirosũta mũde gũa ñerõ irideare kãtika!

¹³ Gũa ñerõ iridũamakũ kãmutaka! Ñegũ gũare ñerĩ ãrĩmesãrĩrẽ tau kãmutaka! Mũ sugũta gũare doregũ, turatarigũ, gũa bũremugũ ããrĩnĩgũkoa, ãrĩ sërẽka Marĩpũrẽ!

¹⁴ 'Gajerã mũsãrẽ ñerõ irideare mũsã kãtimakũ ãgũ, Marĩpũ ãmũgasigue ããrĩgũ mũsã ñerõ irideare kãtigũkumi. ¹⁵ Gajerã mũsãrẽ ñerõ irideare mũsã kãtibirimakũ, Marĩpũ mũsã ñerõ irideare kãtibirikumi.

Jesús bererimarẽ buedea

¹⁶ 'Marĩpũrẽ bũremurã bererã, irigatorimasã irirosũ iribirikõãka! ãgũsã bererã, ãgũsãya diapure bũjawererã irirosũ iri ãmuma, masaka ãgũsã bererire ããmasĩburo, ãrĩrã. Diayeta mũsãrẽ werea. Masaka ãgũsãrẽ ãrĩrĩ merã wajatari opasiama. ¹⁷ Mũsã gapũ bererã, mũsã irinarõsũta irika! Mũsãya diapure waakoe, õãrõ wũũapukõãka! ¹⁸ Mũsã irasirimakũ, gajerã mũsã bererire masĩbirikuma. Marĩpũ gapũ deyomarĩgũ ããrĩkeregũ, mũsã merã ããrĩmi. ãgũ dita mũsã gajerã ãberogue iririre ãgũ, mũsãrẽ õãrõ wajatamakũ irigũkumi.

Jesús marĩ ãmũgasigue wajataturire buedea
(Lc 12.33-34)

¹⁹ 'Wãri i nikũmarẽ sea neõ duripĩbirikõãka! I nikũma borewiji boakõãrokoa. Boabirimakũ, burua baadediukõãrãkuma. Baadediubirimakũ, yajarimasã ñajãa, yajakõãrãkuma.
²⁰ Irasirirã mũsã ãmũgasima opaburi gapũrẽ gũñaka! ãmũgasima neõ borewiji boabirikoa. Iroguere burua mũsã opaturire neõ baadediubirikuma. Yajarimasãde neõ ñajãa, yajabirikuma. ²¹ Mũsã i ãmũma direta: "Opadũakoa", ãrĩ gũñarã, irire bũro maĩrãkoa. ãmũgasima gapũrẽ: "Opadũakoa", ãrĩ gũñarã, irire bũro maĩrãkoa.

Jesús masakaya koye sããgodiru irirosũ ããrĩrĩrẽ buedea
(Lc 11.34-36)

²² 'Mũsãya koye mũsãya gũñarĩguere sããgodiru irirosũ ããrã. Mũsã õãrĩ koye oparã irirosũ ããrĩmakũ, mũsãya gũñarĩguere õãrõ sããgoro irirosũ ããrã. Irasirirã Marĩpũyare masĩa. ²³ Mũsã ñerĩ koye oparã irirosũ ããrĩmakũ, mũsãya gũñarĩguere naĩtĩãrõ irirosũ ããrã. Marĩpũyare masĩbea. I naĩtĩãrĩ, ñetaria. Irire masĩbirimakũ ñegorãa.

Jesús: "Niyerure maĩrã, Marĩpũrẽ maĩbema", ãrĩ buedea
(Lc 16.13)

²⁴ Neõ sugũ moãboerimasũ pẽrã oparãrẽ moãboemasĩbirikumĩ. Sugũ opũre maĩgũ, gajigũ gapũre maĩbirikumĩ, o sugũ opũre bũremugũ, gajigũ gapũre yũjubirikumĩ. Niyerudere maĩtarigũ, Marĩpũ gapũre maĩbemi.

Jesús, Marĩpũ ãgũ pũrãrẽ korerimarẽ buedea
(Lc 12.22-31)

²⁵ Irasirigũ mũsãrẽ ire weregũra. Mũsã ããrĩrikurire gũñarã, “¿Ñeénorẽ baarãkuri, ñeénorẽ iirĩrãkuri, ñeénorẽ sãñarãkuri?” ãrĩ gũñarikũbirikõãka! Marĩ okari gapũ, baari nemorõ wajakũa. Marĩya dupũ, surĩ nemorõ wajakũa. ²⁶ Mirãrẽ ãmarõgue wũrãrẽ ãka! ãgũsã baadũarã, otebema. Otedea dukare seabema. Baari duripĩri wiiridere opabema. Marĩpũ ãmũgasigue ããrĩgũ gapũ ãgũsãrẽ baari sĩmi. Mũsã gapũ, mirã nemorõ wajakũtarinũgã. ²⁷ Mũsã bũro gũñarikuri merã neõ mérõgã masãnemobirikoa. Mũsã irasũ gũñarikuri wajakũa.

²⁸ Irire masĩkererã, ¿nasirirã mũsã surĩ sãñaburire gũñarikuri? Makãnúũma goori masãrĩrẽ gũñaka! Iri moãbirikerero, suabirikerero õãrĩ surĩ sãñarõ irirosũ deyoa. ²⁹ Mũsãrẽ werea. Opũ Salomón surĩ õãrĩ sãñadero nemorõ iri goori gapũ õãrĩ deyoa. ³⁰ Iri goorire Marĩpũ õãrĩ goori deyomakũ irikererũ, mérõgã pũrũ ñãidija pereakõãa. Gajinũ gapũ peamegue soebéokõãsũa. Iri mata pereburi ããrĩkererũ, Marĩpũ iri goorire õãrĩ deyomakũ yãmi. Iri goorire õãrĩ ããrĩmakũ irirosũ nemorõ mũsãrẽ õãrõ irigakumĩ. Surĩre sĩgukumĩ. Mũsã gapũ ãgũrẽ mérõgã bũremurĩ opãa. ³¹ Irasirirã: “¿Ñeénorẽ baarãkuri, ñeénorẽ iirĩrãkuri, ñeénorẽ sãñarãkuri?” ãrĩ gũñarikũbirikõãka! ³² Marĩpũre masĩmerã bũro gũñarikuri merã irire ãmaníkõãma. Marĩpũ ãmũgasigue ããrĩgũ gapũ ããrĩpereri mũsã gããmerĩrẽ masĩsiami. Irire mũsãrẽ sĩgukumĩ. ³³ Irasirirã, Marĩpũ mũsã Opũ ããrĩrẽ, ãgũ gããmerĩrẽ, ãgũ dorerire, ããrĩpereri nemorõ gããmerũrorika! Mũsã irasirimakũ, ããrĩpereri mũsã baa, iirĩburire, mũsã surĩ sãñaburidere sĩwekapeogukumĩ. ³⁴ Irasirirã: “¿Naásũ waarokuri ñamigãrẽ?” ãrĩ gũñarikũbirikõãka! Gajinũmarẽ mũsã ñerõ tariburire gũñarikũdupuyubirikõãka! Dapagãma direta gũñaka! Dapagãrẽ mũsã ñerõ tariburi ããrĩsĩãa, ãrĩ wereyupũ Jesús.

7

Jesús, gajerãrẽ: “Ñerã ããrĩma”, ãrĩ werewũabirikõãka! ãrĩ buedea
(Lc 6.37-38, 41-42)

¹ Jesús irire ãrĩ odo, ãrĩnemoyupũ doja:

—Gajerãrẽ: “Ñerã ããrĩma”, ãrĩ werewũabirikõãka! Mũsã werewũabirimakũ ããgũ, Marĩpũ mũsãrẽ: “Ñerã ããrĩma”, ãrĩ ããbirikumĩ. ² Gajerãrẽ: “Õãrõ iribema”, ãrĩ ããrõsũta Marĩpũ mũsãrẽ ããgukumĩ. Gajerãrẽ: “Ãsũ ããrĩma”, ãrĩ ããrõsũta Marĩpũ mũsãrẽ ããgukumĩ. ³ Mũsã ñerõ iridea, koyerugue wãri turu oparosũ ñetariri ããrĩrẽ gũñabirikererã, mũsãyagũ ñerõ iridea, koyerugue nikũyegã oparosũ ããrĩrẽ: “Ñegorãa”, ãrĩ gũñãa. ⁴ Irasirirã mũsã ñerõ iridea, koyerugue wãri turu oparosũ ããrĩrã, mũsãyagũre ããgũyã koyerugue ããrĩrĩ nikũyegãrẽ: “¿Ãrĩbéosi?” ãrĩmasĩbea. ⁵ Mũsã ñerõ iririkurã, irigatorikurã ããrã. Mũsãyã koyerugue ããrĩrĩ turu gapũre ããbéopũroriro irirosũ mũsã ñerõ iririre pirĩpũrorika! Irasiri odo, mũsãyagũre: “Mũ ñerõ iririre pirikõãka!” ãrĩ masãa.

⁶ Marĩpũre ñerõ ãrĩ buridarãrẽ ããgũyã kerere werebirikõãka! ããgũsãrẽ wererã, diayãare õãrĩrẽ sãrã, o yeseare ñaguĩda wajaparidare sãrã irirosũ iribokoa. Diayãa guarã, õãrĩ sĩkererũ, gãmenũgã kũrĩkõãkuma. Yesea iridare noó gããmerõ kũrawasiribéokuma. ããgũsã irirosũ ããrĩrãrẽ, ubugorata Marĩpũyã kerere werebirikõãka!

Jesús: “Marĩpũre sãrãrã, ãsũ ãrĩ sãrãka!” ãrĩdea
(Lc 11.9-13; 6.31)

7 'Marĩpũre sērēka! Īgūrē sērēmakū, sīgukumi. Ōārĩrē āmarā, bokarākoa. Wiigue ñajādũarā oemakū, Marĩpũ disipũro tũpā ñajādoregũ irirosũ musā sērērĩrē pégukumi. 8 Īgūrē sērērānorē sīgukumi. Āmarāno, bokarākuma. Wiigue ñajādũarā oerā irirosũ Īgūrē sērēmakū ĩāgũ, Īgūsārē ñajādoregũ irirosũ Īgūsā sērērĩrē ōārō pégukumi.

9 'Musā pũrā pārē sērēmakū, ūtāyere sĩbirikoa. 10 Waaĩ sērēmakũdere, āñarē sĩbirikoa. 11 Ñerā āārĩkererā, musā pũrārē ōārĩrē sĩmasĩa. Marĩpũ ūmũgasigue āārĩgũ gapũ, musā nemorō ōārĩrē sĩmasĩmi. Irasirigu Īgūrē sērērārē irire sīgukumi.

12 'Musā, gajerā musārē ōārō irimakū gāāmerōsũta musāde Īgūsārē ōārō irika! Moisés gojadea pũgue, Marĩpũya kerere weredupuyunerā gojadea pũguedere irasũta iridoredero āārĩbũ.

Jesús eyabiri disipũrore ñajāri keori merā buedea
(Lc 13.24)

13 'Marĩpũ pũroque ñajādũarā Īgũyare irika! Iroque ñajāmakū diasagorāa. Eyabiri disipũro ñajārō irirosũ āārā. Peamegue waaró gapũ eyari disipũro ñajārō, eyari maarē waaró irirosũ āārā. Iri maarē waamakū diasabea. Irasirirā wārā masaka iroque waarā yāma. 14 Marĩpũ pũro gapũre waamakū diasagorāa. Irasirirā mērāgāta masaka, eyabiri disipũro ñajārōrē, iroque eyabiri maarē bokama. Iroque waarā, Marĩpũ merā ōārō āārĩrākuma.

Jesús yukũre dukũ merā ĩāmasĩsũa, ārĩ buedea
(Lc 6.43-44)

15 'Ōārō pémasĩka! "Marĩpũya kerere weredupuyurimasā āārā", ārĩgatorārē pébirikōāka! Īgūsā oveja guamerā, ōārĩrē irirā irirosũ musā pũroque ejarākuma. Irasirikererā, Īgūsā gũñarĩguere diayéa makānũũ marā guarā irirosũ, ñerā āārĩma. 16 Īgūsā ñerō irimakū musā Īgūsārē: "Ñerā āārĩma", ārĩ ĩāmasĩrākoka. Poragũ iguire dukakũbirikoa. Ñaagũde higo wāĩkũrĩre dukakũbirikoa. 17 Ōādi yukũ ōārĩrē dukakũ. Ñedi gapũ ñerĩrē dukakũ. 18 Yukũ ōādi ñerĩrē dukakũbirikoa. Ñedide ōārĩrē dukakũbirikoa. 19 Ōārĩ dukakũbiridire pábeo, peamegue soekōāma. 20 Irasirirā: "Marĩpũya kerere weredupuyurimasā āārā", ārĩgatorārē Īgūsā iriri merā: "Ārĩgatorikũrā āārĩma", ārĩ ĩāmasĩrākoka musā.

Jesús āārĩpererā masaka Marĩpũ pũroque waabirikuma, ārĩ buedea
(Lc 13.25-27)

21 'Wārā yũre: "Mũta āārā gũa Opũ", ārĩkererā, āārĩpererā ūmũgasigue Yũpũ Īgũyarārē dorerogue ñajābirikuma. Yũpũ ūmũgasigue āārĩgũ gāāmerĩrē irirā dita Īgũ āārĩrōguere ñajārākuma. 22 Yũpũ āārĩpererā ñerārē wajamoārĩnũ ejamakū, wārā yũre: "Gũa Opũ, mũyare masakare buebũ. Mũ wāĩ merā wātēārē béowiu, wārĩ ōārĩrē iri ĩmubũ", ārĩrākuma. 23 Īgūsā irasũ ārĩkererũ: "Musārē neō masĩbiribũ. Ñerĩrē irirā āārā musā. Irasirirā yũ pũrore wirika!" ārĩgũkoa.

Jesús pe wii keori merā buedea
(Mr 1.22; Lc 6.47-49)

24 'Yũ werenĩrĩrē péduripĩgũno, yũ dorerire irigũno, ōārō pémasĩgũ āārĩmi. Sugũ ūtāyegue ūkũārĩ goberi máñajāa, wii ōārō núdi irirosũ āārĩmi. 25 Pũrũ deko merē, dia wáro yura, mirũ bũro wējēpukerepũrũ, iri wii ūkũārō núdea wii āārĩsĩā, neō mirũabirikoa. 26 Yũ werenĩrĩrē pékeregũ, yũ dorerire iribi gapũ sugũ ĩmparogue wii iridi irirosũ āārĩmi. 27 Pũrũ deko merē, dia wáro yura, mirũ bũro wējēpumakū, mata ōjēdija, kōmopereakōākoa, ārĩ wereyupũ Jesús.

28 Īgũ bue odomakū, masaka Īgũ buerire pégukari merā: "Ōātariro buemi", ārĩ gũñañurā. 29 Moisés gojadeare buerimasā irirosũ buebiriypũ. Sugũ doregũ irirosũ bueyupũ Jesús.

8

Jesús kãmi boagure taudea
(Mr 1.40-45; Lc 5.12-16)

¹ Jesús buúrugue aãrãdi dijarimakū iãrã, wãrã masaka ãgũrẽ tũyañurã. ² Sugũ kãmi boagũ Jesúre ãgũ, ãgũ pũro ñadukũpuri merã ejamejã, ãgũrẽ sërëyupũ:

—Yũ Opũ, mũ yũ pũrĩrikũrire taudũagũ taumasĩa, ãrĩyupũ.

³ ãgũ irasũ ãrĩmakũ pégu, Jesús ãgũya mojõ merã ãgũrẽ moãñayupũ.

—Mũrẽ taugũra. Kãmi marĩgũ dujaka! ãrĩyupũ.

ãgũ irasũ ãrĩmakũta, kãmi yariakõãyuro. ⁴ Irasirigu Jesús ãgũrẽ ãrĩyupũ:

—Gajerã masakare mũ tariadeare werebirikõãka! Paĩ pũrogue mũrẽ kãmi yariadeare ãgũrẽ ãmugũ waaka, ãgũ mũrẽ: “Kãmi marĩgũ aãrĩmi”, ãrĩburo, ãrĩgũ. ãgũ irasũ ãrãdero pũrũ, Moisés gojadea pũgue sĩdoredeare sĩka! Mũ irire irimakũ iãrã, masaka mũrẽ kãmi yariadeare masĩrãkuma, ãrĩyupũ Jesús ãgũrẽ.

Jesús surara opũre moãboegũre taudea
(Lc 7.1-10)

⁵ Pũrũ Jesús Capernaugue ejamakũ, romano marã surara opũ ãgũ pũro ejanugã, ãgũrẽ iritamurĩ sërëyupũ:

⁶ —Gũa Opũ, yũre moãboegũ burõ pũrĩrikũgũ yaa wiigũe oyami. Bũari merã burõ pũrĩsũgũ iriami, ãrĩyupũ.

⁷ Jesús ãgũrẽ ãrĩyupũ:

—ãgũrẽ taugũ waagũra.

⁸ Surara opũ ãgũrẽ yũjũyupũ:

—Yũ Opũ, yaa wiire mũrẽ: “Ñajãrika!” ãrĩ masĩbirikoa. Yũ ubu aãrĩgũ aãrã. Irasirigu mũ õõgueta doreri merã yũre moãboegũ tarigũkumi. ⁹ Gajerã oparã yũre dorema. Yũde gajerã surarare dorea. Yũ sugũre: “Waaka!” ãrĩmakũ, waami. Gajigũre: “Aarika!” ãrĩmakũ, aarĩmi. Yũ, yũre moãboegũre: “Ire irika!” ãrĩmakũ, irire yãmi, ãrĩyupũ.

¹⁰ Jesús surara opũ irasũ ãrĩrĩrẽ pégu, péguakõãyupũ. ãgũrẽ tũyarãrẽ ãsũ ãrĩyupũ:

—Diayeta mũsãrẽ werea. ãrĩ surara opũ Israel bumũ aãrĩbirikeregũ, yũre bũremumi. ãrĩ irirosũ yũre bũremugũ neõ sugũ Israel bumũrẽ bokajabiribũ. ¹¹ Mũsãrẽ werea. Wãrã masaka ãrĩ irirosũ yũre bũremurãkuma. ãgũsã aãrĩperero marã judío masaka aãrĩmerã aãrĩkererã, ãmũgasigue Marĩpũ ãgũyarãrẽ dorerogue eja, marĩ ñekũsãmarã Abraham, Isaac, Jacob merã doa, baarãkuma. ¹² Gajerã judío masaka: “Gũa Opũ aãrĩrĩrogue waamurã aãrã”, ãrĩkererũrũ, ãgũsã bũremubiri waja Marĩpũ ãgũsãrẽ naĩtĩãrĩrogue béodediugũkumi. Irogũere pũrĩsũrã burõ ore, bũjawereri merã ãgũsãya guikare kũrĩduútũrãkuma, ãrĩyupũ Jesús.

¹³ Irasũ ãrĩ odo, surara opũre ãrĩyupũ:

—Dujãaka mũya wiigũe! Mũ bũremurõsũta waarokoa mũrẽ moãboegũre, ãrĩyupũ.

ãgũ irasũ ãrĩrĩpoeta, ãgũrẽ moãboegũre pũrĩrĩ tariakõãyuro.

Jesús, Pedro múñekõrẽ taudea
(Mr 1.29-31; Lc 4.38-39)

¹⁴ Pũrũ Jesús Pedroya wiigũe waayupũ. Iri wiigũe ñajãgũ, Pedro múñekõrẽ peyarogue burõ nimakũrikũgo oyagore bokajayupũ. ¹⁵ Irasirigu igoya mojõrẽ moãñayupũ. ãgũ moãñamakũta, nimakũri tariakõãyuro. Iri tarimakũ wãgãñugã, ãgũsãrẽ baari ejoyupo.

Jesús wãrã pũrĩrikũrãrẽ taudea
(Mr 1.32-34; Lc 4.40-41)

¹⁶ Naĩmejãrĩpoe aãrĩmakũ, masaka wãrã wãtẽa ñajãsũnerãrẽ Jesús pũrogue ãijañurã. ãgũ werenĩrĩ merã wãtẽa ãgũsãguere ñajãnerãrẽ béowiuyupũ. Irasũ aãrĩmakũ, aãrĩpererã

pũrĩrikũrãrẽ tauyupũ. ¹⁷ Irire irigu, iripoeguema Marĩpũya kerere weredupuyudi Isaías gojaderosũta iriyupũ. Āsũ arī gojadi āārĩmĩ: “Marĩ turabirire, marĩ sĩrĩrĩrẽ marĩrẽ taubosami”, arī gojadi āārĩmĩ.

*Gajerã Jesũre: “Mũrẽ tũyadũakoa”, ārĩdea
(Lc 9.57-62)*

¹⁸ Jesũs wãrã masaka ĩgũ pũro nerẽmakũ ĩãgũ, ĩgũ buerãrẽ:

—Nãka, ditaru sikoepũgue taribujarã! ārĩyupũ. ¹⁹ ĩgũ irasũ ārĩmakũ, sugũ Moisés gojadeare buerimasũ Jesũs pũro eja, ārĩyupũ:

—Buegũ, mũ noó waaró mũrẽ tũyagũra, ārĩyupũ.

²⁰ Jesũs ĩgũrẽ yũjũyupũ:

—Makãnúũ marã diayéa ĩgũsã kãrĩrĩ toreri opama. Mirãde ĩgũsã kãrĩrõ opama. Yũ āārĩpererã ĩgũ gapũ kãrĩrõ opabea, ārĩyupũ.

²¹ Gajigu ĩgũ buerire tũyagu ĩgũrẽ ārĩyupũ:

—Yũ Opũ, yũpũ boamakũ ĩgũrẽ yãa odo, mũrẽ tũyagũra, ārĩyupũ.

²² Jesũs ĩgũrẽ yũjũyupũ:

—Yũre tũyadũagũ, daporata yũ merã aarika! Yũre bũremumerã, boanerã irirosũ āārĩrãta boanerãrẽ yãaburo, ārĩyupũ.

*Jesũs mirũ, makũrĩrẽ toemakũ iridea
(Mr 4.35-41; Lc 8.22-25)*

²³ Irasũ arī odo, doódirugue ĩgũ buerã merã mũrĩñajãyupũ. ²⁴ ĩgũsã mũrĩñajãa, taribu-jaripoe ditarure mirũ bũro waayuro. Makũrĩ doódirure pãñajãmiũkõãdiyuro. Irasũ waaripoere Jesũs gapũ kãrĩgũ iriyupũ. ²⁵ Irasirirã ĩgũrẽ yobeñurã:

—Gũa Opũ, gũare tauka! Marĩ mirĩmurã yãa, ārĩñurã.

²⁶ ĩgũsã irasũ ārĩmakũ, Jesũs yũjũyupũ:

—¿Nasirirã bũro gũiri mũsã? Yũre méréogã bũremurĩ opãa mũsã, ārĩyupũ.

Irasũ ārĩgũta wãgãñugã: “Mirũ, makũrĩ iropãta, toeaka!” ārĩyupũ. ĩgũ irasũ ārĩmakũ, mirũ, makũrĩde toedijapereakõãyuro. ²⁷ ĩgũ irasirimakũ ĩãgũka, āsũ arī gãme werenĩñurã:

—¿Ñeémũno masakũ āārĩrĩ ñĩ? Mirũ, makũrĩde ĩgũrẽ tarinũgãbea, ārĩñurã.

*Jesũs Gadara marãrẽ wãtẽa ñajãnerãrẽ béowiudea
(Mr 5.1-20; Lc 8.26-39)*

²⁸ Pũrũ Jesũs ditarure taribuja, Gadara marãya nikũgue ejayupũ. Iroguere ejamakũ, pẽrã ũma masãgoberi watopegue āārãnerã ĩgũrẽ bokatĩrĩñurã. ĩgũsã wãtẽa ñajãñũnerã goerã āārĩñurã. Irasirirã iro waarĩ maarẽ masaka neõ waabiriñurã. ²⁹ ĩgũrẽ bokatĩrĩ, āsũ arī gainĩñurã:

—Jesũs, ũmũgasigue marã Opũ magũ, ¿nasirigu aarigũ yãri mũ gũa pũroguere? ¿ĩgũ āārĩpererã ñerãrẽ wajamoãrĩnũ ejabirikerepũrũ, gũare poyarikũmakũ irigu aarĩri mũ? ārĩñurã.

³⁰ ĩgũsã koregue wãrã yesea āma baarã iriñurã. ³¹ Irasirirã wãtẽa Jesũre āsũ arī sereñurã:

—Gũare béowiugũ, sĩĩsã yeseaguere ñajãdoreka! ārĩñurã.

³² —Jãũ, ĩgũsãrẽta ñajãrã waaka! ārĩyupũ Jesũs.

ĩgũ irasũ ārĩmakũ, ĩgũsã pẽrã ũmaguere āārãnerã yeseaguere ñajãñurã. ĩgũsã ñajãmakũta, yesea dupatũrugue ũma mirẽbuãa, ditarugue meébia dijãa, mirĩ boapereakõãñurã.

³³ Irasũ waamakũ ĩãrã, yeseare korerimasã gũkari merã makãgue ũmadujãa, āārĩpererĩ ĩgũsã ĩãdeare, irasũ āārĩmakũ wãtẽa ñajãñũnerãrẽ waadeare wereñurã. ³⁴ Irire pẽrã, iri makã marã āārĩpererã Jesũs pũroguere waa, ĩgũrẽ ĩãrã, turaro merã ĩgũsãya nikũrẽ wiridoreñurã.

9

Jesús dupu buadire taudea
(Mr 2.1-12; Lc 5.17-26)

¹ Irasirigu Jesús doódirugue m̄rĩñajãa, ditarure taribuja, ãḡya makãgue ejayupu. ² Iroguere sugu dupu buadire ãḡu peyaro merã Jesús puero ãijañurã. Jesús, ãḡusã ãḡurẽ buremumakũ ããḡũ, dupu buadire ãsũ ãrĩyupu:

–Gũñaturaka! Yu, mu ñerõ irideare kãtia, ãrĩyupu.

³ ãḡu irasũ ãrĩmakũ p̄erã, surãyeri Moisés gojadeare buerimasã ãsũ ãrĩ gũñañurã: “ãḡu werenĩrĩ merã Marĩp̄ure ñerõ werenĩmi”. ⁴ Jesús gapu ãḡusã gũñarĩrẽ ããmasĩ, ãsũ ãrĩyupu:

–¿Nasirĩã yure ñerõ gũñarĩ musã? ⁵ ¿Naásũ ãrĩrĩ gapu diasaberi ãrĩ buadire: “Yu, mu ñerõ irideare kãtia”, ãrĩrĩ, o “Wãgãñugã, waaka!” ãrĩrĩ gapu diasaberi? ⁶ Yu ããrĩpererã tãḡũ i ãmugue ããrĩrãrẽ ãḡusã ñerõ irideare Marĩp̄u dorero merã kãtimasã. Irasirigu ãrĩ buadire taugura, musãrẽ irire masĩdoregu, ãrĩyupu. Irasũ ãrĩ odo, buadire ãrĩyupu:

–Wãgãñugã, mu oyaderore ãi, m̄uya wiigue waaka! ãrĩyupu.

⁷ ãḡu irasũ ãrĩmakũ p̄egu, buadi ããrãdi wãgãñugã, ãḡya wiigue waakõãyupu. ⁸ Masaka, ãḡu irasũ waarĩre ããrã, ããḡukakõãñurã. Marĩp̄ure: “Oãtaria, mu turari masakure s̄irĩ”, ãrĩ, usuyari s̄ĩñurã.

Jesús Mateore siudea
(Mr 2.13-17; Lc 5.27-32)

⁹ P̄uru Jesús iro merã waa, yure ããbokami. Yu Mateo*, romano marã op̄ure niyeru wajaseabosagu ããrĩbũ. Jesús, yu moãrĩ taribugue doagure ãã, yure: “Nãka, yu merã!” ãrĩmi. ãḡu irasũ ãrĩmakũ p̄egu, wãgãñugã, ãḡu merã waakõãbũ.

¹⁰ P̄uru yaa wiigue Jesús ãḡu buerã merã baaripoe wãrã niyeru wajaseabosarimasã, gajerã ñerõ irirãde baarã ejama. ¹¹ ãḡusã merã ãḡu baamakũ ããrã, fariseo bumarã gapu ãḡu buerãrẽ s̄erẽñama:

–¿Nasirigu musãrẽ buegu niyeru wajaseabosarimasã, ñerõ irirã merã baari? ãrĩma.

¹² ãḡusã irasũ ãrĩmakũ p̄egu, Jesús ãrĩmi:

–P̄urĩrĩ marĩã kúririmas̄urẽ ãmabema. P̄urĩrikurã gapu ãḡurẽ ãmama. ¹³ Marĩp̄uya werenĩrĩ gojadea p̄ugue ãḡusã gojadeare buerã waaka! ãsũ ãrĩ gojasũdero ããrĩbũ iri p̄ugure: “Yure buremurã, waimurãrẽ w̄jẽ soepeomakũ gããmebea. Gajerãrẽ musã bopoñarĩ merã ããmakũ gããmea”, ãrĩmi Marĩp̄u, ãrĩ gojasũdero ããrĩbũ. “Oãrã ããrã”, ãrĩ gũñarãrẽ siugũ aaribiribũ. “Ñerõ irirã ããrã”, ãrĩ gũñarã direta siugũ aarigũ iribũ, ãḡusã ñerõ irideare bujawere, gũñarĩrẽ gorawayuburo, ãrĩgũ, ãrĩmi Jesús fariseo bumarãrẽ.

Jesúre bererimarẽ s̄erẽñadea
(Mr 2.18-22; Lc 5.33-39)

¹⁴ P̄uru Juan masakare wãiyegu buerire t̄uyarã Jesúre s̄erẽñarã ejama:

–Gua Marĩp̄ure buremurã berea. Irasũ ããrĩmakũ fariseo bumarãde berema. ¿Nasirirã mu buerã gapu gua irirosũ iriberi? ãrĩma.

¹⁵ Jesús ãḡusãrẽ yujumi:

–Sugu mojõsiadi bosenu irimakũ, ãḡu siuanerã ãḡu merã ããrĩã bujawerebirikuma. P̄uru ãḡurẽ gajerã ããmakũ, bujawereri merã bererãkuma†.

¹⁶ Masaka maama surĩro gasiro merã bugũñerẽ seretũbirikuma. Irasũ seretũmakũ, maama gasiro ãḡusã koadero p̄uru, tããneeõ, bugũñerẽ wãri gobe yeguenemomakũ irikoa. ¹⁷ Waimurã gasiri merã iridea ajuri bugu ajurigue maama igui dekore

* 9:9 Mateo pe wã opayupu. ãḡuta Levĩ wãikuyupu. † 9:15 Jesús irire irasũ ãrĩgũ: “Yu sugu mojõsiadi bosenu irigu irirosũ ããrã. Yu buerã, mojõsiadi siuanerã irirosũ ããrĩma. Irasirirã, p̄urugue yu ãḡusã merã ããrĩbirimakũ ããrã, bujawereri merã bererãkuma”, ãrĩgũ irimi.

diribirikuma. Irasũ dirimakũ, maama igui deko pãmu, buḡu ajuro sēraturabiri oore-akõãkoa. Irasiriro igui deko, ajurode kõmoko. Irasirirã maama igui dekore maama ajurogue diriro gãamea, ārĩmi Jesús ĩḡũsãrẽ‡.

Jesús Jairo magõrẽ, gajego nomeõ ĩḡũya surĩrore moãñagõrẽ taudea
(Mr 5.21-43; Lc 8.40-56)

¹⁸ Jesús ĩḡũsãrẽ wereripoe judío masaka nerẽrĩ wii opu Jesús puero eja, ñadukupuri merã ejamejã, ĩḡũrẽ ārĩmi:

—Yu magõ daporata kõmoakõãmo. Iгоре m̄ya mojõ merã ñapeogu aarika! Irasirimakũ, dupaturi okagokumo, ārĩmi.

¹⁹ ĩḡũ irasũ ārĩmakũ pé, Jesús wãḡãnuḡã, ĩḡũ merã waami. Ḡua ĩḡũ buerãde ĩḡũ merã waabu. ²⁰ Ḡua maague waaripoe sugo nomeõ Jesús puropu gapu eja, ĩḡũya surĩro yuware moãñayupo. Igo pe mojõma pere su gubu peru pẽrẽbejari bojorigora dí wiriri merã pũrĩrikugo aãrĩyupo. ²¹ ãsũ ārĩ ḡũñayupo: “Ĩḡũya surĩrore yu moãñarĩ merã dita yu pũrĩrikuri tarirokoa”, ārĩ ḡũñayupo. ²² Igo moãñamakũ péña, Jesús ḡãmenuḡã, igore iã, ārĩmi:

—ḡũñaturaka! M̄u yure buremurĩ opáa. Irasirigo m̄u pũrĩrikurire tausũa, ārĩmi. ĩḡũ irasũ ārĩmakũta, pũrĩrĩ marĩḡõ dujamo.

²³ P̄uru Jesús Jairoya wiigue ejami. Irogue ñajãḡu, majĩḡõ boadeore yáaburo dupuyuro bayapeorimasãrẽ, gajerã buro ore, gainĩrãrẽ bokaja, ²⁴ ĩḡũsãrẽ ãsũ ārĩmi:

—Wiriaka m̄usã! Majĩḡõ boabemo. Kãrĩḡõ yámo.

Ĩḡũ irasũ ārĩmakũ pérã, ĩḡũrẽ burima. ²⁵ Jesús ĩḡũsãrẽ wiriadore, boadeo aãrĩrĩ taribugue ñajãa, igoya mojõrẽ ñeãyupu. ĩḡũ ñeãmakũta masãbeja, wãḡãnuḡãyupo. ²⁶ Masaka aãrĩperero iro aãrĩrã Jesús iriadea kerere péperekõãñurã.

Jesús pẽrã koye iãmerãrẽ taudea

²⁷ Jesús iro aãrãdi wiriamakũ, pẽrã koye iãmerã ĩḡũrẽ gainĩ t̄yama:

—David parãmi aãrĩturiagu, ḡuare bopoñaka! ārĩma.

²⁸ Jesús, wiigue ñajãmakũ, koye iãmerãde ñajãa, ĩḡũ purogue ejanuḡãma. Irasirigu Jesús ĩḡũsãrẽ sērẽñami:

—¿Yu m̄usãrẽ koye iãmakũ irimasĩrĩrẽ buremurĩ? ārĩmi.

—Ḡua Op̄u, buremua, ārĩ yujuma.

²⁹ ĩḡũsã irasũ ārĩmakũ péḡu, ĩḡũsãya koyere ñapeomi:

—M̄usã buremurõsũta m̄usãrẽ iãmakũ irĩḡura, ārĩmi.

³⁰ ĩḡũ irasũ ārĩmakũ, ĩḡũsã õãrõ iãkõãma. Irasirigu Jesús ĩḡũsãrẽ ārĩmi:

—Yu m̄usãrẽ taurire gajerãrẽ werebirikõãka! ārĩmi.

³¹ ĩḡũ irasũ ārĩkerep̄u, aãrĩperero iro marãrẽ Jesús ĩḡũsãrẽ iriadeare were-wasiripeokõãñurã.

Jesús werenĩbire werenĩmakũ iridea

³² Koye iãmerã aãrãnerã iri wiire wiriaripoeta, gajerã sugu werenĩbi wãtĩ ñajãsũdire Jesús puero aĩjama. ³³ Jesús ĩḡũrẽ iã, wãtĩ ĩḡũguere ñajãdire béowiumi. ĩḡũ wãtĩrẽ béowiumakũta, werenĩbiradi werenĩnuḡãmi. ĩḡũ irasirimakũ iãrã, aãrĩpererã iãḡuka:

—Marĩ õõ Israel nikũrẽ ãsũ iririnorẽ neõ iãbiribu, ārĩma.

³⁴ Fariseo bumarã gapu Jesúre:

—Ĩĩ, wãtẽa opu turari merã wãtẽãrẽ béowiumi, ārĩ werewuama.

Jesús masakare bopoñarĩ merã iãdea

³⁵ Jesús aãrĩpereri makãrĩrẽ judío masaka nerẽrĩ wiirigue masakare buegorenagu waami. Õãrĩ kerere, Marĩpu ĩḡũyarãrẽ doreḡu aãrĩrĩmarẽ buenami. Irasũ aãrĩmakũ,

‡ 9:17 Masaka, iripoegue iririkudeama, maama bueri merã buemorẽduamakũ iãḡũ, Jesús irasũ ārĩmi.

pūrīrikurārē āārīpereri gajerosūperi sīrīrī oparārē taunami. ³⁶ Masakare ĩgũ, bopoñarī merā ĩgūsārē ĩami. “ĩgūsā bujawererā, gũñaturamerā, oveja sugũ ĩgūsārē korerimasū opamerā irirosū āārīma”, ārī gũñayupu. ³⁷ Irasirigũ āsū ārīmi guare ĩgũ buerārē:

–Marīpuyare neō pémerā, poeague oteri dukā buribejadea irirosū wārā āārīma. ĩgūsārē ĩgũyare weremurā gapũ iri pooere moārīmasā irirosū mérāgā āārīma. ³⁸ Irasirirā marī Opure iri pooe opu irirosū āārīgūrē: “Gajerā muyare weremurārē iriuka!” ārī sērēka! ārīmi Jesús guare.

10

Jesús pe mojōma pere su gubu peru pērēbejarā ĩgũ buedoregũ pímurārē beyedeā (Mr 3.13-19; Lc 6.12-16)

¹ Pũgũ Jesús guare pe mojōma pere su gubu peru pērēbejarā ĩgũ buerā āārīmurārē siiu, guare ĩgũ turarire sīmi, āārīpereri pūrīrērē tau, wātēa masakare ñajānerādere béowiuburo, ārīgũ.

² Āsū wāikurā āārībú gũ Jesús beyenerā: Simón wāikugũ āārīmí. ĩgūrēta “Pedro” wāiyemi Jesús. Simón pagũmũ Andrés wāikũmi. Gajigũ Santiago āārīmí. ĩgũ pagũmũ Juan wāikũmi. ĩgūsā Zebedeo pūrā āārīmá. ³ Gajerā Felipe, Bartolomé, Tomás āārīmá. Yu Mateo, romano marā opure niyeru wajaseabosarimasū āārīdi āārībú. Gajigũ Santiago, Alfeo magũ āārīmí. Gajigũ Tadeo āārīmí. ĩgũta Lebeo wāikũmi. ⁴ Gajigũ Simón, celote wāikuri bumũ āārīmí. Gajigũ Judas Iscariote wāikugũ āārīmí. ĩgũta Jesúre wējēduarāguere ĩgūrē ĩmubu āārīmí.

Jesús ĩgũ buerārē buedoregũ iriudeā (Mr 6.7-13; Lc 9.1-6)

⁵ Jesús guare ĩgũ buerā pe mojōma pere su gubu peru pērēbejarārē turarire sī odo, āsū ārī were iriumi:

–Judío masaka āārīmerā puruguere waabirikōāka! Irasū āārīmakũ, Samaria nikũma makārīguedere waabirikōāka! ⁶ Israel bumarā Marīpuyare masīmerā, oveja dedirinerā irirosū āārīrā pũro gapũ waaka! ⁷ ĩgūsārē āsū ārī wererā waaka: “Mérō duyáa, Marīpu ĩgũyarārē doreri ejaburo”, ārīka! ⁸ Pūrīrikurārē tauka! Boanerārē masũka! Kāmi boarādere tauka! Wātēa masakare ñajānerārē béowiuka! Yu turarire musārē wajamarĩrō sĩa. Irasirirā, yũ musārē wajamarĩrō sīrōsũta wajamarĩrō ĩgūsārē tauka!

⁹ Waarā, neō niyeru oro, plata, cobrere, ¹⁰ musāya aju āābirikōāka! Surí, sapatu musā sāñarī merā dita waaka! Tuariyukure āābirikōāka! Moārīmasā ĩgūsā moārī waja merā wajata baama. Irasirirā musā masakare bueri waja baari musārē sīrākuma.

¹¹ Makārē ejarā, iri makā marā: “ĩta oārō irigũ āārīmi”, ĩgūsā ārīgũ pũro dujaka! Musā iro āārīrōpā ĩgũya wiire āārīka! Waarāgue iri wiire wirika! ¹² Iri wiire ñajārā, wii marārē: “Marīpu musārē siuñajārī sīburo”, ārī oādoreka! ¹³ Musārē oārō bokatīrīñeāmakũ, ĩgūsārē: “Marīpu siuñajārī sīrī merā oārō āārīrikũka!” ārīka! Musārē gāamemerā, i siuñajārī merā āārībirikuma. ¹⁴ Musārē ĩgūsā ñeābirimakũ, musā buerire péduabirimakũ ĩārā, ĩgūsāya wiire, o ĩgūsāya makārē wiriarā, nikũwera musāya guburigue tuadeare mojēbéoka, ĩgūsārē wajamoāburire ĩmurā! ¹⁵ Diayeta musārē werea. Marīpu āārīpererā ñerārē wajamoārīnũ ejamakũ Sodoma, Gomorra marārē wajamoārō nemorō musārē gāamemerārē wajamoāgũkumi.

Jesúre buremurārē gajerā ñerō iriburire weredeā

¹⁶ Yũre oārō péka! Ovejare makānũ marā diayéa guarā watopegue iriurosū ñerā masaka watopegue musārē iriua. Irasirirā oārō pémasĩka! ĩgūsā watopegue ñerō iriro marĩrō āārīrikũka! ¹⁷ Pémasĩka! Masaka musārē ĩgūsā oparārē wiarākuma, musārē wajamoādorerā. Judío masaka ĩgūsā nerērī wiiriguedere musārē tārārākuma. ¹⁸ Irasū

ãārĩmakũ, musã yũre buremurĩ waja, ĩgũsãya makãrĩ marã oparã pũroque, ĩgũsãya nikũ marã oparã pũroque ãĩarãkuma musãrẽ wajamoãdoremurã. Irasirirã musãrẽ iroque ãĩamãkũ, oparãrẽ, judío masaka ãārĩmerãdere yaa kerere wererãkoa musã. ¹⁹ Musãrẽ oparã pũroque ãĩamãkũ: “¿Naásũ ãrĩrãkuri ĩgũsãrẽ?” ãrĩ gũñarĩkũbirikõãka! Oparã musãrẽ sērẽñamakũ, Marĩpũ gũñarĩ sĩrĩ merã wererãkoa. ²⁰ Irasirirã musã gũñarĩ merã werebirikoa. Marĩpũ, Õãgũ deyomarĩgũ merã musãrẽ masĩrĩ sĩrĩ merã werenĩrãkoa.

²¹ 'Iripoere masaka, ĩgũsãyarã yũre buremumãkũ ĩãrã, ĩgũsãrẽ oparãguere wẽjẽdorerã wiarãkuma. Pagũsãmarã ĩgũsã pũrãrẽ oparãguere wẽjẽdorerã wiarãkuma. Gajerã, ĩgũsã pagũsãmarãrẽ ĩãturi, oparãguere wẽjẽdorerã wiarãkuma. ²² Irasirirã masaka ãārĩperero i ãmũ marã yũre musã buremurĩ waja musãrẽ ĩãturi doorãkuma. Marĩpũ gapũ yũre piriro marĩrõ buremugũrẽ taugũkumi. ²³ Su makã marã musãrẽ ñerõ irimakũ, gaji makãgue duriwãgãka! Diayeta musãrẽ werea. ãārĩpereri Israel nikũma makãrĩrẽ musã buegorena odoburo dupuyuro, yũ ãārĩpererã tĩgũ Marĩpũ iriudi i ãmũgue dupaturi aarigũkoa doja.

²⁴ 'Neõ sugũ buegũ, ĩgũrẽ buegũ nemorõ ãārĩbemi. Moãboerimasũde ĩgũ opũ nemorõ ãārĩbemi. ²⁵ Sugũ buegũ ĩgũrẽ buedi irirosũ dujadũamakũ õãgorãa. Moãboerimasũde ĩgũ opũ irirosũ dujadũamakũ õãgorãa. Masaka yũre musã Opũre: “Ĩĩ Beelzebũ, wãtẽa opũ ãārĩmi”, ãrĩrã, musã yaarãdere ñerõ ãrĩ werenĩrãkuma.

*Jesús: “¿Noãrẽ gũiri merã buremurõ gããmerĩ?” ãrĩ weredea
(Lc 12.2-7)*

²⁶ 'Irasirirã musãrẽ ñerõ iridũarãrẽ gũibirikõãka! ãārĩpereri gajerã ĩãberogue irideare, duriroque irideadere pũrũgue masĩsũrokoa. ²⁷ Yũ musãrẽ masaka pẽberogue weredeare ĩgũsã pẽroque wereka! Yũ musãrẽ gajerã ĩãberogue werenĩdeare makã dekogue bure busũro merã wereka! ²⁸ Musãrẽ wẽjẽrã musãya dupũ direta boamakũ irirãkuma. Musãya yũjũpũrãrĩ gapũre boamakũ irimasĩbirikuma. Irasirirã gũibirikõãka! Marĩpũ gapũre gũika! ĩgũ gapũ musãya dupũ, musãya yũjũpũrãrĩrẽ peamegue béomasĩmi. Irasirirã ĩgũrẽ gũiri merã buremuka!

²⁹ 'Masaka pẽrã mirã wajarirã, su niyeru tigã, méréõgã wajakũri tigãrẽ sĩkuma. ĩgũsã méréõgã wajakũkererũ, Marĩpũ gapũ ĩgũsãrẽ õãrõ koremi. ĩgũsãrẽ: “Boaburo”, ãrĩbirikerepũ, neõ sugũgã yebague yuridija, boabemi. ³⁰ Marĩpũ ãārĩpereri musã ãārĩrikũrire masĩgũ, musãya poarire: “Irikũ ããrã”, ãrĩ masĩpeokõãmi. ³¹ Irasirirã gũibirikõãka! Musã, mirã nemorõ wajakũ. Irasirigũ Marĩpũ mirãrẽ korero nemorõ musãrẽ koregũkumi.

*Jesús: “Masakare yũre buremurĩrẽ wereka!” ãrĩdea
(Lc 12.8-9)*

³² 'Sugũ, masaka pẽuro: “Jesũyagũ ããrã”, ãrĩ weremãkũ, yũde Yũpũ ãmũgasigue ããrĩgũ pẽuro ĩgũrẽ: “Yaagũ ããrĩmi ĩĩ”, ãrĩ weregũra. ³³ Sugũ yũre masĩkeregũ, masaka pẽuro: “Ĩgũrẽ masĩbea”, ãrĩ weremãkũ, yũde Yũpũ ãmũgasigue ããrĩgũ pẽuro: “Yũde ĩgũrẽ masĩbea”, ãrĩ weregũra, ãrĩmi Jesús.

*Jesús: “Masakare gãme dukawarirãkuma”, ãrĩ weredea
(Lc 12.51-53; 14.26-27)*

³⁴ Irasũ ãrĩ odo, masakare ãsũ werenemomi:

—Musã yũre: “Ĩgũ i ãmũguere aarigũ, masakare siuñajãrĩ merã ãārĩmakũ irigũ aarimĩ”, ãrĩ gũñabirikõãka! Irasirigũ aarigũ meta iribũ. Yũ ejarita, masakare ĩgũsã basi gãme dukawarimakũ yãa. Irasirirã surãyeri yũre buremurãkuma. Gajerã yũre buremumerã gapũ ĩgũsãrẽ ĩãturirãkuma. ³⁵ Sugũ yũre buremurĩ waja, ĩgũ magũ ĩgũrẽ ĩãturigũkumi. Sugo yũre buremurĩ waja, igo magõ igore ĩãturigũkumo. Sugo mũñekõ yũre buremurĩ waja, igo bepo igore ĩãturigũkumo. ³⁶ Irasirirã su wii marã ĩgũsãyagũ yũre buremumãkũ ĩãrã, ĩgũrẽ ĩãturirãkuma.

³⁷ 'Sugu yare maĩrõ nemorõ ãgũ pagũsãmarã gapure maĩtarinũgãgũ, yaagu ããrĩmasĩbirikumi. Yare maĩrõ nemorõ ãgũ pũrã gapure maĩtarinũgãgũde, yaagu ããrĩmasĩbirikumi. ³⁸ Sugu yare tuyaduari waja curusague pábiatú wẽjẽsũbu irirosũ ããrĩkeregu, neõ piriro marĩrõ yare tuyanĩkõãburo. Yare tuyaduari, yaagu ããrĩmasĩbirikumi. ³⁹ Sugu i ãmũgue ãgũ okarire maĩgũ, peamegue béosũgũkumi. Gajigu yare tuyari waja gajerã ãgũrẽ wẽjẽkererũ, Marĩpu gapũ ãgũrẽ taugũkumi, ãgũ pũrogue ãgũ merã ããrĩburo, ãrĩgũ.

Jesús marĩ ãmũgasigue wajataburire werede

(Mr 9.41)

⁴⁰ 'Sugu musãrẽ yaarãrẽ õãrõ bokatĩrĩñeãgũ, yũdere bokatĩrĩñeãmi. Yare bokatĩrĩñeãgũ, yare iriudidere bokatĩrĩñeãgũkumi. ⁴¹ Marĩpu ãgũya kerere weregure õãrĩ wajatamakũ irigũkumi. Sugu Marĩpuya kerere weregu ããrĩrĩrẽ ããmasĩ, ãgũrẽ õãrõ bokatĩrĩñeãgũ, ãgũ irirosũ õãrĩ wajatagũkumi. Sugu gajigu ãgũ õãgũ ããrĩrĩrẽ ããmasĩ, ãgũrẽ õãrõ bokatĩrĩñeãgũ, ãgũ irirosũ ãgũde õãrĩ wajatagũkumi. ⁴² Sugu ubu ããrĩgũ yare tuyagure gajigu ãgũrẽ iritamudũagu deko yũsari tĩãmakũ ããgũ, Marĩpu ãgũdere õãrõ irigũkumi, ãrĩ weremi Jesús.

11

Juan masakare wãiyerimasũ ãgũ buerire tuyarãrẽ Jesús pũro iriudea

(Lc 1.17; 7.18-35)

¹ Jesús gũare pe mojõma pere su gubu peru pẽrẽbejarã ãgũ buerãrẽ irasũ ãrãdero pũrũ, Galilea nikũgue ããrĩrĩ makãrĩ marãrẽ buegorenagũ waakõãmi.

² Juan masakare wãiyerimasũ peresugue ããrĩyupũ. Irogue ããrĩgũ, Cristo iriri kerere pẽgu, ãgũ buerire tuyarãrẽ Jesũre ãsũ ãrĩ sãrẽñarã waaka:

³ —“¿Mũta ããrĩrĩ, Cristo masakare taugu aaribu iriayupũ, ãgũsã ãrĩdi, o gajigure yũrãkuri gũa?” ãrĩ sãrẽñarã waaka! ãrĩ iriuyupũ.

⁴ Irasirĩã, Jesús pũrogue ejarã, Juan sãrẽñadoredeare ãgũrẽ sãrẽñama. Jesús ãgũsãrẽ yujami:

—Musã pẽrere, musã ããrĩrẽ Juãrẽ wererã waaka! ⁵ Koye ããbiranerã õãrõ ããma. Waa-masĩbiranerã waamasĩakõãma. Kãmi boanerã yaripereakõãsũama. Gãmipũ pẽbiranerã pãakõãma. Boanerãde masãkõãma. Boporã, Marĩpu masakare tauri kerere weremakũ pẽma. ⁶ “Yare bũremurĩrẽ piribi, usuyari opagũkumi”, ãrĩ wererã waaka Juãrẽ! ãrĩmi Jesús.

⁷ ãgũsã waadero pũrũ, Jesús Juãyamarẽ masakare ãsũ ãrĩ werenũgãmi:

—Musã masaka marĩrõgue Juãrẽ ããrã waarã, gũigure gũñaturabire ããrã waarã meta irikuyo. ãgũ turabi, mirũ tãborere wẽjẽpubéorosũ ããrĩbemi. ⁸ Irasũ ããrĩmakũ, musã ãgũrẽ irogue ããrã waarã, õãrĩ suri sãñagũrẽ ããrã waarã meta irikuyo. Õãrĩ suri sãñarãno oparãya wiirigue ããrĩkuma. Juan ãgũsã irirosũ ããrĩbemi. ⁹ Musã irogue ãgũrẽ ããrã waarã, Marĩpuya kerere weredupuyurimasãrẽ ããrã waarã iriyo. Musãrẽ werea. Diayeta Juan Marĩpuya kerere weredupuyunerã nemorõ ããrĩmi. ¹⁰ Marĩpuya werenĩrĩ gojãdea pũgue gojasũdero ããrĩbũ Juan iriburire. Irasirigu Marĩpu ãgũ magũrẽ ãsũ ãrĩdi ããrĩmĩ:

Mũ waaburo dupuyuro yaa kerere weredupuyurimasãrẽ iriugũra mũ waaburore ãmuyudoregu, ãrĩ gojasũdero ããrĩbũ.*

¹¹ 'Musãrẽ diayeta werea. Juan aariburi dupuyuro neõ sugu ãgũ nemorõ yaamarẽ masĩgũ marĩdi ããrĩmĩ. Irasũ ããrĩkererũ, sugu Marĩpu ãmũgasigue ããrĩgũyagu gapũ Juan nemorõ yaamarẽ masĩgũ ããrĩgũkumi. ããrĩpererã nemorõ ubu ããrĩgũ ããrĩkeregu, masĩgũ ããrĩgũkumi.

¹² 'Juan masakare wãiyedi buenũgãdeapoegueta, daporaguedere masaka ãmũgasigue Marĩpu ãgũyarãrẽ dorerogue ããjãduarãrẽ bũro ããrõ tarimakũ yãma. ãgũsã turari merã

* 11:10 Mal 3.1

Īgūsārē peremakū iriduarā iriadima. ¹³ Juan aariburo dupuyuro āārīpererā Marīpuya kerere weredupuyunerā Īgūsā gojadea merā, Moisés gojadea merā Marīpū Īgūyarārē doreri kerere werenerā āārīmá. ¹⁴ Iripoegue Marīpū Īgūya gojadea pūgue: “Yaa kerere weredupuyurimasūrē Elías irirosū āārībure iriugura”, ārīdi āārīmí. Juan irasū ārīsūdita āārīmi. Irire b̄remurō gāāmea. ¹⁵ Gāmipūrī oparā, yu wererire oārō péka!

¹⁶ ‘Masaka dapora marā, ¿ñeémarāno irirosū āārīrī? Majīrā makā dekogue Īgūsā merāmarā merā bira gainí doanírā irirosū āārīma. Āsū ārī gainíma: ¹⁷ “Gua tērediru purimakū, bayabirabu. Bujawereri merā gua bayamakū, orebirabu”, ārīma. ¹⁸ Juan masakare wāiyerimasū pā baabiri, igui deko pāmudeare iirībiri. Īgū irasirimakū Īārā: “Wātī ñajāsūdi āārīmi ĩ”, ārībū mūsā Īgūrē. ¹⁹ Pūru yu āārīpererā tīgū baa, iirīmakū Īārā: “Baapagu, iirīpagu āārīmi”, ārībū. “Romano marā opure niyeru wajaseabosarimasā merāmū, ñerō irirā merāmū āārīmi”, ārībū mūsā yure. Mūsā guare* b̄remubirikererā, gua iririre Īārā: “Marīpū Īgūsārē masīrī sīmi”, ārī masībokoa, ārīmi Jesús.

*Jesús makārī marārē Īgūsā Īgūrē b̄remubirire weredea
(Lc 10.13-15)*

²⁰ Pūru Jesús iroma makārī marārē turimi. Īgūsā wári Īgū Marīpū turari merā iririre iri ĩmumakū Īākererā, Īgūsā ñerō iririre bujawerebiri, neō piribirima. Irasirigu Īgūsārē āsū ārīmi:

²¹ —Mūsā Corazín marā, Betsaida marāde ñerō tarirākoa. Iripoegue marā Tiro, Sidón marā, mūsā ĩūrō Marīpū Īgū turari merā iri ĩmurōsū iri ĩmumakū Īārā, Īgūsā ñerō irideare piribonerā āārīmá. Īgūsā ñerō irideare b̄uro bujawererire ĩmurā, bujawereri surí sāña, nitīrē dipuru weka mawasiripeobonerā āārīmá. Mūsā gapu Marīpū turari merā yu iri ĩmurīrē Īākererā, mūsā ñerō iririre neō piribea. ²² Irasirigu mūsārē werea. Marīpū āārīpererā ñerārē Īgū wajamoārīnū ejamakū, Tiro, Sidón marārē wajamoārō nemorō mūsārē wajamoāgukumi. ²³ Mūsā Capernaum marāde: “Īmugasigue mūrīārākoa”, ārī gūñadāa. Iroguere neō waabirīkoa. Boanerā āārīrōgue béodijusūrākoa. Sodoma marārē yu mūsārē Marīpū Īgū turari merā iri ĩmuderōsūta iri ĩmumakū, iri makā daporadere āārībokoa dapa. ²⁴ Irasirigu mūsārē werea. Marīpū āārīpererā ñerārē Īgū wajamoārīnū ejamakū, Sodoma marārē wajamoārō nemorō mūsā gapure wajamoāgukumi, mūsā ñerō iririre piribiri waja, ārīmi Jesús.

*Jesús: “Yu p̄roguē siuñajārā aarika!” ārīdea
(Lc 10.21-22)*

²⁵ Iripoere Jesús Īgū Pagure āsū ārīmi:

—Au, yu mūrē: “Ōātaria mū”, ārī, usuyari sīa. Mū ũmugasī marā, i nikū marā Opū āārā. Irasirigu: “Masītarinugārā, āārīpererire pémasīa”, ārī gūñarārē m̄yare masīmakū iribea. Majīrā irirosū mūrē b̄remurā gapure m̄yare masīmakū yāa. ²⁶ Au, irasūta āārā. Mū gāāmederosūta usuyari merā irasū yāa, ārīmi Jesús Īgū Pagure.

²⁷ Pūru masakare āsū ārī werenemomi:

—Yuru yure āārīpereri irimasīrīrē sīmi. Neō sugū masakū yu āārīrikurire masībemi. Yuru dita yure masīmi. Neō sugū masakū Yuru āārīrikurire masībemi. Yu dita Īgūrē masīa. Yu Īgūrē masīdorerāde Īgūrē masīma. ²⁸ Mūsā Marīpūre tuyaduarā nukārī ũūma oērā irirosū āārīrā yu p̄ro aarika! Yu mūsārē siuñajārī sīgura. ²⁹ Mūsā yu iridoreri gapure irika! Yu iririkurire masīka! Yu mūsārē bopoñarī merā Īā, iritamugū āārā. Irasirirā yu iridorerire irirā, yu merā oārō siuñajārī bokarākoa. ³⁰ Yu iritamurō merā yaare mūsā irimakū diasabea. Irasirirā yu dorerire irirā, nukūbiri kārāw̄uririre ũūmarōsū āārīrākoa, ārīmi Jesús.

* **11:19** Jesús: “guare”, irasū ārīgū: “Īgū basi iririre, Juan irideare”, ārīgū irimi.

12

Siuñajārīnu āārīmakū, Jesús buerā trigo yerire tūrīdea
(Mr 2.23-28; Lc 6.1-5)

¹ Iripoere judío masaka siuñajārīnu āārīmakū, Jesús trigo otedero watope waamakū, gha ĩgū buerā uaboasīā, trigo yerire tūrī koro baabu*. ² Gha irasirimakū ĩārā, fariseo bumarā Jesúre āsū ārīma:

—Īāka! ¿Nasirirā siuñajārīnurē moādobirikerepuru, mu buerā irasū yári? ārīma.

³ Jesús ĩgūsārē ārīmi:

—¿Iripoeguemu David, ĩgū merāmarā merā uaboagu, ĩgū irideare musā buebiriri? ⁴ ĩgū merāmarā merā Marīpuya wiigue ñajāa, Marīpu ĩūrō peyari pā duparure baadi āārīmí. Marīpu paía āārīmerārē: “Iri pā duparure baabirikōāka!” ārīdi āārīmí. David gapu paí āārībirikeregu, irire baagu, Marīpu ĩūrō ĩgū dorerire tarinugāgū meta iridi āārīmí. ⁵ Paía Marīpuya wiigue moārā, siuñajārīnurē siuñajābema. Siuñajābirikererā, Marīpu dorerire tarinugābema. ¿Iri buebiriri musā, Marīpu Moisére doreri pídea pūguere? ⁶ Musārē werea. Marīpuya wiire buremurō nemorō yu gapure buremurō gāamea. ⁷ Marīpu ĩgūya wereníri gojadea pūgue āsū ārīdi āārīmí: “Yure buremurā waimurārē wējē soepeomakū gāamebea. Gajerārē musā bopoñarī merā ĩāmakū gāamea”, ārīdi āārīmí. Musā irire pémasīrā yu buerā ñerō iribirikerepuru, ĩgūsārē: “Ñerō yāma”, ārībiribokoa. ⁸ Yu āārīpererā tīgū āārīsīā, siuñajārīnurē masaka gajino ĩgūsā iriburire doremasīa, ārīmi Jesús.

Jesús mojō díweredire taudea
(Mr 3.1-6; Lc 6.6-11)

⁹ Irasū ārī odo, waa, judío masaka nerērī wiigue ñajāmi. ¹⁰ Iro sugu masakū mojō díweredi āārīmí. Irasirirā fariseo bumarā Jesúre: “Ñerō yāmi”, ārī weresāduarā, ĩgūrē sērēñama:

—¿Siuñajārīnu āārīmakū, sugu pūrīrikugure taudoreri āārīrī? ārīma.

¹¹ Jesús yujumi ĩgūsārē:

—Siuñajārīnu āārīkerepuru, musāyagu oveja gobegue meñajāmakū ĩārā, ĩgūrē āi wiukōākoa. ¹² Marīpu sugu masakure, oveja nemorō maítarinugāmi. Irasirirā siuñajārīnurē masakare oārō irirā, Moisés doredeare tarinugārā meta yāa, ārīmi.

¹³ Irasū ārī odo, mojō díweredire ārīmi:

—Muya mojōrē soeoka!

Īgūya mojōrē soeomakūta, gaji mojō irirosū oārī mojō dujabu. ¹⁴ ĩgū irasirimakū ĩārā, fariseo bumarā gua wiria: “¿Nasirisīā, marī Jesúre wējērākuri?” ārī gāme wereníñurā.

Iripoeguemu Marīpuya kerere weredupuyudi Jesús ĩgū iriburire gojadea

¹⁵ Jesús ĩgūsā ĩgūrē wējēduarire masī, waakōāmi. ĩgū waamakū, wārā masaka ĩgūrē tuyama. Irasirigu āārīpererā pūrīrikurārē taumi. ¹⁶ ĩgūsārē taugu: “Yaamarē gajerārē werebirikōāka!” ārīmi. ¹⁷ Jesús irasirigu, Marīpuya kerere weredupuyudi Isaías go-jaderosūta irimi. Āsū ārī gojadi āārīmí:

¹⁸ Āsū ārīmi Marīpu: “Ī yure moāboegu, yu beyedi, yu maīgū āārīmi. ĩgū merā usuyāa. Ōāgū deyomarīgūrē ĩgūrē sígura. Irasirigu yu turari merā āārīpererā masakare diayema iririre weregukumi.

¹⁹ ĩgū guaseo, gainībirikumi. ĩgū makā dekogue buro gainígoenamakū neō pébirikuma.

²⁰ Turamerārē bopoñarī merā ĩā, iritamugukumi. Irasirigu, ĩgūsā miūmerēñu biu peaboadiñu irirosū āārīmakū ĩāgū, peabéogu irirosū ĩgūsārē iribirikumi.

* **12:1** Deuteronomio 23.25: Moisés gojadea pūgue āsū ārī gojasūdero āārībú: “Sugu masakū gajiguya poeague waagú, ĩgūya mojōrī merā trigo yerire tūrī koro baaburo. Wiirimajī merā diti āābirikōāburo”, ārī gojasūdero āārībú.

Bujawererārē gũñaturamakũ irigũkumi. Irasirigu, ĩgũsã sĩãgodiru yauboadiru irirosũ ããrĩmakũ ĩãgũ, yaubéogũ irirosũ ĩgũsãrē iribirikumi. ĩgũ Opũ ñajãburi dupuyuro ĩgũsãrē irasirigũkumi. ĩgũ Opũ ñajãdero pũrũ, masakare diayema iririre irimakũ irigũkumi.

²¹ Irasirirã ããrĩperero marã ĩgũ doreburire usũyari merã yúrãkuma”, ãrĩmi, ãrĩ gojadi ããrĩmĩ Isaías.*

*Jesúre: “Wãtĩ turari opami”, ãrĩ werewũadea
(Mr 3.19-30; Lc 11.14-23; 12.10)*

²² Pũrũ masaka wãtĩ ñajãsũdire Jesúre taudorerã ãñjama. ĩgũ wãtĩ ñajãsũdi: werenĩbi, koye ĩãbi ããrĩmĩ. ĩgũsã ãñjamakũ ĩã, Jesús ĩgũrē taumi. ĩgũ irasirimakũ, õãrõ ĩã, werenĩmi.

²³ ããrĩpererã masaka, ĩgũ tarimakũ ĩãgũka, ãsũ ãrĩ gãme sērēñama:

—Ĵĩ David parãmi ããrĩturiagu masakare taubu meta ããrĩkuri? ãrĩma.

²⁴ ĩgũsã irasũ ãrĩmakũ pérã, fariseo bumarã gapũ ãsũ ãrĩma:

—Ĩ wãtẽa opũ Beelzebú turari merã wãtẽãrē béowiumi, ãrĩma.

²⁵ Jesús ĩgũsã gũñarĩrē masĩsĩã, ĩgũsãrē ãsũ ãrĩmi:

—Su nikũ marã ĩgũsã basi dukawari gãmekẽãrã, pereakõãkuma. Su makã marã, o su wii marã ĩgũsã basi dukawari gãmekẽãrã, pereakõãkuma. ²⁶ Irasũta wãtẽa opũ ĩgũyarã wãtẽãrē béowiugũ, ĩgũ basita ĩgũyarãrē dukawari pereakõãmakũ iribokumi. Irasirigu, Ĵnoãrē dorenemobokuri? ²⁷ Mũsã yũre: “Wãtẽa opũ Beelzebú turari merã wãtẽãrē béowiumi”, ãrĩ werewũãã. Mũsã buerire tũyarã gapũ wãtẽãrē béowiurã, Ĵnoã turari merã béowiukuri? Mũsã ĩgũsãrē: “Marĩpũ turari merã wãtẽãrē béowiuma”, ãrã. Irasiriro mũsã yũre werewũari diaye ããrĩbea. ²⁸ Yũ Õãgũ deyomarĩgũ turari merã wãtẽãrē béowiuã. Irasiriro Marĩpũ ĩgũyarãrē doreri mũsã pũroguere ejasiãã, ãrĩ masĩsũã.

²⁹ Irire keori merã mũsãrē werenemogũra. Neõ sugũ masakũ, turagũya wiire ĩgũrē siapũroribirikeregũ, ĩgũ oparire ěmagũ ñajãmasĩbirikumi. ĩgũrē siadero pũrugue merē ĩgũyare ěmamasĩkumi, ãrĩmi†.

³⁰ Irasũ ãrĩ odo, ãsũ ãrĩnemomi:

—Yũre gããmemerã, yũre ĩãturirã ããrĩma. Masakare yũre siiu neeõtamumerã, ĩgũsãrē waawasirimakũ irirã ããrĩma.

³¹ Mũsãrē diayeta werea. Marĩpũ ããrĩpereri masaka ñerõ iririre, ñerõ ãrĩ werenĩrĩdere kãtimasĩmi. Õãgũ deyomarĩgũrē ĩgũsã ñerõ ãrĩ werenĩmakũ tamerãrē neõ kãtibirikumi.

³² Yũ ããrĩpererã tĩgũrē ĩgũsã ñerõ ãrĩ werenĩmakũ, Marĩpũ irire kãtimasĩmi. Õãgũ deyomarĩgũ gapũre ĩgũsã ñerõ ãrĩ werenĩmakũ, irire neõ kãtibirikumi. Dapora, i ùmũ peredero pũruguedere ĩgũsã irasũ ãrĩdeare neõ kãtibirikumi, ãrĩmi Jesús.

*Yukũre irigu dũka merã ĩãmasĩsũã, ãrĩ weredea
(Lc 6.43-45)*

³³ Irasũ ãrĩ odo, Jesús gaji keori merã buenemomi:

—Õãdi yukũ õãrĩrē dukakũã. Ñedi yukũ ñerĩrē dukakũã. Yukũre irigu dũka merã ĩãmasĩsũã‡. ³⁴ Mũsã ãña irirosũ ñerã ããrã. Mũsã ñerã ããrĩsĩã, õãrĩrē werenĩmasĩbea. Marĩ gũñarõsũta marĩ werenĩrĩ wirikõãã. ³⁵ Õãgũ õãrĩ gũñarĩ opami. Irasirigu õãrĩrē werenĩmi. Ñegũ ñerĩ gũñarĩ opami. Irasirigu ñerĩrē werenĩmi. ³⁶ Mũsãrē werea. Marĩpũ ããrĩpererã ñerãrē wajamoãrĩñũ ejamakũ, ããrĩpereri masaka noó gããmerõ werenĩmoãmadeare ĩgũsãrē masĩmakũ irigũkumi. ³⁷ Mũsã õãrõ werenĩdea waja Marĩpũ mũsãrē: “Waja opabema”, ãrĩgũkumi. Mũsã ñerõ werenĩdea waja mũsãrē: “Waja opama”, ãrĩgũkumi, ãrĩmi Jesús fariseo bumarãrē.

* 12:21 Is 42.1-4 † 12:29 Jesús: “Wãtĩ nemorõ turagũ ããrã”, ãrĩgũ, irasũ ãrĩmi. ‡ 12:33 Jesús: “Yukũre irigu dũka merã ĩãmasĩsũã”, ãrĩgũ: “Marĩ, gajerã werenĩrĩrē pérã, ĩgũsã ããrĩrikũrĩre masĩã”, ãrĩgũ irimi.

*Masaka ñerã Jesúre Marĩpu turari merã iri ïmudoredea
(Mr 8.12; Lc 11.29-32)*

³⁸ Pũũ surãyeri fariseo bumarã, Moisés gojadeare buerimasã ïgũrẽ ãrĩma:

—Buegu, Marĩpu turari merã guare iri ïmuka! ãrĩma. “Ïgũ irire irimasĩbi, Marĩpu iriudi meta ããrĩmi”, ãrĩduarã irasũ ãrĩñurã.

³⁹ Jesús yũjumi:

—Mũsã dapora marã masaka ñerã, Marĩpũre gããmemerã ããrã. Mũsã yũre Marĩpu turari merã gajino iri ïmudoredea. Mũsã irasiridorekerepũũ, Marĩpũya kerere weredupuyudi Jonás irideea direta weregũra. ⁴⁰ Jonás urenũ, ure ñami waaí wãgũya paru poekague ããrĩderosũta yũde ããrĩpererã tĩgũ urenũ, ure ñami yeba poekague ããrĩgũkoa. ⁴¹ Iripoegue Nínive marã Jonás Marĩpũya kerere weremakũ pérã, ïgũsã ñerõ irideare bujawere, ïgũsã gũñarĩrẽ gorawayunerã ããrĩmã. Dapora yũ Jonás nemorõ masĩgũ õõgue mũsã merã ããrã. Yũ Marĩpũya kerere werekerepũũ, mũsã ñerõ iririkũrĩre bujawerebea. Irasirirã, Marĩpu ããrĩpererã ñerãrẽ wajamoãrĩnũ ejamakũ, Nínive marã mũsã dapora marãrẽ: “Ñegorabũ”, ãrĩrãkuma. ⁴² Marĩpu ããrĩpererã ñerãrẽ wajamoãrĩnũ ejamakũ, sugo iripoeguemo Sabá nikũ marã opo mũsã dapora marãrẽ: “Ñegorabũ”, ãrĩgokumo. Yoaromogue ããrĩkerego, õõgue i nikũgue aarideo ããrĩmó, marĩ ñekũsãmarã opũ Salomón wãri masĩrĩ merã wererire pégo aarigó. Dapora yũ Salomón nemorõ masĩgũ õõgue mũsã merã ããrã. Yũ mũsã merã ããrĩkerepũũ, mũsã gapũ yũ wererire péduabea, ãrĩmi Jesús.

*Jesús, wãtĩ dupaturi masakũguere ñajãrĩmarẽ weredea
(Lc 11.24-26)*

⁴³ Irasũ ãrĩ odo, keori merã werenemomi doja:

—Wãtĩ masakũguere ããrãdi wiri, pũũ deko marĩrõgue ïgũ siuñajãburore ãmagorenagũ waakumi. ⁴⁴ Ireore bokabi, ãsũ ãrĩ gũñakumi: “Yũ wiridi, yaa wii irirosũ ããrĩmi. Dupaturi yũ wiridiguereta goeñajãgũra doja”, ãrĩ gũñakumi. Irasirigũ ïgũguere dupaturi goeñajãgũ, gajino marĩrĩ wii, õãrõ ãmu, ooaweadea wiire irirosũ bokajakumi. ⁴⁵ Irasirigũ gajerã wãtẽa su mojõma pere gaji mojõ peru pẽrẽbejarã ïgũ nemorõ ñerãrẽ siiu, ïgũsã ããrĩpererã merã masakũguere ããrĩnikõãkumi. Irasirigũ masakũ ïgũ dupuyuro ããrĩrikũdero nemorõ ñerõ ããrĩkumi. Dapora marã Marĩpũre gããmemerã, yũre péduamerã irasũta ñerõ waarãkuma, ãrĩmi Jesús.

*Jesús pago ïgũ pagupũrã merã ïgũrẽ ïãgõ ejadea
(Mr 3.31-35; Lc 8.19-21)*

⁴⁶ Jesús masakare wereripoe ïgũ pago, ïgũ pagupũrã merã ïgũ ããrĩrĩ wii disipũro ejayupo ïgũ merã werenidũago. ⁴⁷ Sugũ igore ïã, Jesúre weremi:

—Mũpo, mũ pagupũrã disipũro níama, mũ merã werenidũarã, ãrĩmi.

⁴⁸ Ïgũ irasũ ãrĩmakũ pégu, Jesús ïgũrẽ ãrĩmi:

—¿Noã ããrĩrĩ yũpo, yũ pagupũrã? ãrĩmi.

⁴⁹ Irasũ ãrĩgũ, guare ïgũ buerãrẽ soepu, ãsũ ãrĩmi:

—Ïisã, yũpo, yũ pagupũrã irirosũ ããrĩma. ⁵⁰ Yũpũ ãmũgasigue ããrĩgũ gããmerĩrẽ irirãno, yũ pagũmũ, yũ pagũmo, yũpo irirosũ ããrĩma, ãrĩmi Jesús.

13

*Jesús oterimasũ keori merã buedea
(Mr 4.1-9; Lc 8.4-8)*

¹ Irinata Jesús wiigue ããrãdi ditarugue waa, iri ditaru tũro eja doami. ² Masaka wãrã ïgũ pũro nerẽmakũ ïãgũ, doódirugue mũrĩñajãa, eja doami. ããrĩpererã masaka ïmparogue dujanũgãma ïgũ buerire pémurã. ³ Irasirigũ wãri keori merã ïgũsãrẽ ãsũ ãrĩ buemi:

—Sugũ oterimasũ ïgũya oteri yerire meéwasirigũ waakumi. ⁴ Ïgũ meéwasiriwãgãmakũ, gaji yeri maague yurikoa. Iro yuriadea yerire mirã eja, baapeokõãkuma. ⁵ Gaji

yeri ütāyerikurogue yurikoa. Iro sīmerērōgā nikū āārīmakū, iro yuriadea yeri mata puriadikoa. ⁶Iri nikū sīmerērōgā āārīmakū, puriñajādi, p̄r̄u abe asimakū, nugūrī marīsīā, ñaī, boakōākoa. ⁷Gaji yeri pora watopegue yurikoa. Pora gap̄ puritarim̄r̄ia, oteri gap̄re wējēkōākoa. ⁸Gaji yeri oārī nikūgue yurikoa. Iri yeri puri, oārō dukakukoa. Suñu cien yeri, gajiñu sesenta yeri, gajiñu treinta yeri dukakukoa. ⁹Musā gāmpūrī oparā, yu wererire péduripika! ārīmi Jesús.

*Jesús buerā ĩgūrē: “¿Nasirigu keori merā bueri?” ārī sērēñadea
(Mr 4.10-12; Lc 8.9-10)*

¹⁰ P̄r̄u gua ĩgū buerā ĩgū p̄ro waa, ĩgūrē sērēñabu:

—¿Nasirigu masakare keori merā bueri? ārību.

¹¹ Jesús ḡare yuj̄mi:

—Marīpu ĩgūyarārē doregu āārīr̄rē, iripoegue masībirideare musārē masīmakū yāmi. Gajerā ĩgūrē buremumerā gap̄re irasiribemi. ¹² ĩgūyare masīrānorē masīnemomakū irigukumi. Irasirirā wāro masīrī oparākuma. Gajerā ĩgūrē buremumerā ĩgūyare masīmerārē ĩgūsā mérō masīadideare pémasībirimakū irigukumi. ¹³ Irasirigu yu ĩgūsārē keori merā buea. ĩgūsā Marīpu iririre ĩākererā, ĩāmasībema. ĩgūyare pékererā, péduripibema. Neō pémasībema. ¹⁴ Irasirirā Marīp̄ya kerere weredupuyudi Isaías gojaderosūta yāma. Āsū ārī gojadi āārīmī:

Āsū ārīmi Marīpu: “Yaare pékererā, musā neō pémasībea. Yu iririre ĩākererā, musā neō ĩāmasībea.

¹⁵ Yaa werenīr̄rē péduabirisīā, musā neō pémasībea. Gāmpūrī pémerā, koye ĩāmerā irirosū āārā. Musā irasū āārīmerā, yaare ĩāmasī, oārō pémasībokoa. Yu pémasīrī sīr̄rē oparā yare buremubokoa. Irasirigu musārē taubokoa”, ārīmi Marīpu, ārī gojadi āārīmī Isaías.*

¹⁶ Gua gap̄re ārīmi:

—Musā gap̄re pémasīa. Irasirirā usuyāa. Yu iririre ĩārā, yu wererire pérā, yare buremua.

¹⁷ Diayeta musārē werea. Wārā iripoegue marā Marīp̄ya kerere weredupuyunerā, gajerā Marīp̄re buremunerā musā dapora ĩārīrē buro ĩāduanerā āārādima. Irire ĩāduakererā, irire ĩābirinerā āārīmā. Musā dapora pére buro péduakererā, pébirinerā āārīmā.

Jesús oterimasū keori merā ĩgū bueadeare: “Āsū ārīduaro yāa”, ārī werede
(Mr 4.13-20; Lc 8.11-15)

¹⁸ Irasirirā oārō péka! Yu oterimasū keori merā bueadeare musārē weregura. Iri āsū ārīduaro yāa. Marīpu ūmugasigue āārīgū ĩgūyarārē doreri kere, oteri yeri irirosū āārā. ¹⁹ Surāyeri masaka iri kerere pékererā, pémasībema. Maa buriri maa irirosū āārīma. Iri kerere péadero p̄r̄u, oteri yeri iri maague yuridea yerire mirā baapeoderosū, wātī aari, ĩgūsā péadideare ēmapeokōāmi. ²⁰⁻²¹ Gajerā masaka ütāyerikuri yeba irirosū āārīma. Iri kerere pérā, mata usuyari merā: “Ōāgorāa”, ārī gūñama. Irire pékererā, oteri yeri ütāyerikurogue yuriadero p̄r̄u, puri, nugūrī puriñajābiriderosū waama. Mérōgā p̄r̄u ĩgūsā Marīp̄yare péduari waja gajerā ĩgūsārē ñerō irimakū ĩārā, o ñerō tarisīā, mata ĩgūyare pirikōāma. ²² Gajerā masaka porakuri yeba irirosū āārīma. Iri kerere pékererā, oteri yeri porakurogue yuriadero p̄r̄u, pora gap̄ puritarim̄r̄ia wējēderosū, i ūmumarē buro gūñarikuma. Doebiridere buro gāāmenemoma. Irasirirā Marīp̄yare kātima. Otediñu duka marīdiñu irirosū dujama. ²³ Gajerā masaka oārī nikū irirosū āārīma. Marīp̄ya kerere pérā, oārō pémasīma. Irasirirā oteri yeri oārī nikūgue yuriadero p̄r̄u, puri oārō dukakuderōsū oārīrē yāma. Surāyeri cien yeri, gajerā sesenta yeri, gajerā treinta yeri dukakurosū irirā āārīma, ārīmi Jesús.

* 13:15 Is 6.9-10

Jesús trigo otedea watopegue ñerĩ tá oteri keori merã buedea

²⁴ Jesús irasũ ãrĩ odo, gaji keori merã buemi:

—Marĩpu ãmugasigue ããrĩgũ ĩgũyarãrẽ doreri i irirosũ ããrã. Sugu pooe opu ĩgũya poeegue õãrĩ yerire otekumi. ²⁵ Su ñami merã ããrĩpererã kãrĩripoe ĩgũrẽ ĩãturigu poeegue eja, ĩgũ trigo otedea watopegue ñerĩ táre otekumi. Ote odo, waakõakumi. ²⁶ Trigo yeri puriwiriadero puru, ñerĩ táde purikoa. Puru trigo dukakukoa. Iri dukakumakũ ĩãrã, iri pooe opure moãboerimasã ñerĩ tá ããrĩmakũ ĩãmasĩkuma.

²⁷ Irasirirã iri pooe opure wererã waakuma:

—Gua opu, ĩnasiriro õãrĩ yeri direta m̃aya poeere otesũdero ããrĩkererũ, ñerĩ táde puriyuri? ãrĩkuma. ²⁸ ĩgũsã irasũ ãrĩmakũ pégu, ãsũ ãrĩkumi:

—Yure ĩãturigu iri ñerĩ táre otekumi, ãrĩkumi.

ĩgũ irasũ ãrĩmakũ pérã, ĩgũrẽ moãboerimasã s̃erẽñakuma doja:

—ĩÑerĩ táre gua taáseabéorã waamakũ gããmekuri m̃? ãrĩkuma.

²⁹ —Taáseabirikõaka! Ñerĩ táre taásearã trigodere duuabokoa. ³⁰ Iri, ñerĩ tá merãta puri masãkõãburo. Trigo ñaĩmakũ, gajerã duka seaboerimasãrẽ ãsũ ãrĩ iriugura: “Ñerĩ táre taáseap̃rori, dupa dotori siaka, irire soemurã! Puru trigore seaka, irire yu durip̃ri wiigue durip̃murã!” ãrĩgura, ãrĩkumi, ãrĩmi Jesús.

Jesús mostaza wãikuri yegã puri masãdea keori merã buedea
(Mr 4.30-32; Lc 13.18-19)

³¹ Irasũ ãrĩ odo, gaji keori merã buemi:

—Marĩpu ãmugasigue ããrĩgũ ĩgũyarãrẽ doreri sugu masakũ ĩgũya poeegue suye oteriye mostaza wãikuri yegãrẽ oterosũ ããrã. ³² Iri oteri yegã ããrĩpereri oteri yeri nemorõ méri yegã ããrĩkoa. Irasũ ããrĩkerero, otemakũ, puru yukũ wãdi irirosũ puri masãkoa. Irasirirã wãrã irigu dup̃rigue ĩgũsãya suri suakuma, ãrĩmi Jesús*.

Jesús pã wemasãrĩ morẽrĩ poga keori merã buedea
(Lc 13.20-21)

³³ Puru gaji keori merã buemi:

—Marĩpu ãmugasigue ããrĩgũ ĩgũyarãrẽ doreri i irirosũ ããrã. Sugo nomeõ pã dup̃rure iribo, mérõgã pã wemasãmakũ iriri poga merã trigo pogare morẽkumo. Irire wemasãseyaburo, ãrĩgõ, irasirikumo. Irasiriro Marĩpu ĩgũyarãrẽ doreri iri pã wemasãrĩ morẽrĩ poga irirosũ ããrã, ãrĩmi†.

Jesús masakare keori merã buenadea
(Mr 4.33-34)

³⁴ Jesús masakare i ããrĩpereri buerire weregu, keori merã dita buenami. Keori marĩrõ ĩgũsãrẽ buenabirimi. ³⁵ Irasirigu Marĩp̃ya kerere weredupuyudi gojaderosũta irimi. ãsũ ãrĩ gojadi ããrĩmĩ Jesús masakare wereburimarẽ:

Keori merã weregukoa. Iri merã weregu, Marĩpu i ãm̃rẽ iridero purugue marã neõ masĩbirideare dapora marãrẽ weregura, ãrĩ gojadi ããrĩmĩ.*

Jesús ñerĩ tá, trigo otedea watopegue puri masãdeare buenemodea

* **13:32** Jesús i kere merã buegu: “Marĩpu ãmugasigue ããrĩgũrẽ b̃remurã mérãgã ããrĩngãkererũ, purugue gajerã ĩgũsã merã ĩgũrẽ b̃remunugãmakũ, wãrã ããrĩrãkuma; o sugu Marĩp̃re b̃remunugãgũ, mérõgã b̃remurĩ opami. Purugue, mostaza wãikuri yegãrẽ otedero puru yukũ wãdi puri, masãrõsũ Marĩpu iritamurĩ merã wãro ĩgũrẽ b̃remurĩ opagukumi”, ãrĩ buegu irimi. † **13:33** Jesús i kere merã buegu: “Marĩp̃re b̃remurã ããrĩperero i ãm̃guere ĩgũyarãrẽ doregu ããrĩrẽ masakare buerã waamakũ, ããrĩpereri buri marã watopegue wãrã irire pé, ĩgũrẽ b̃remunugãrãkuma; o sugu Marĩp̃re b̃remunugãgũ Marĩpu ĩgũyarãrẽ doregu ããrĩrẽ buenígũ, Marĩpu iritamurĩ merã Marĩpu doreri direta irid̃agukumi”, ãrĩ buegu irimi. ☆ **13:35** Sal 78.2

³⁶ Pɯɾɯ Jesús masakare seretu odo, wiigüe ñajãmi. Īgũ ñajãmakũ ãã, gɯa ĩgũ buerã ĩgũ pɯrogue ñajãa, ĩgũrẽ sêrẽñabu:

—Trigo otedea watopegue ñerĩ tá puri masãdea keorire werenemoka! ¿Naásũ arĩduaro iriari? arĩbu.

³⁷ Gɯa irasũ arĩmakũ pégu, Jesús yɯjumi:

—Yɯ aarĩpererã tĩgũ, iri pooe opɯ oãrĩ yeri otedi irirosũ aãrã. ³⁸ Poee gapɯ i ãmɯ irirosũ aãrã. Marĩpɯ ĩgũyarãrẽ dorerogue aarĩmurã gapɯ oãrĩ yeri irirosũ aarĩma. Wãtĩyarã ñerĩ tá irirosũ aarĩma.

³⁹ Wãtĩ poee opɯre ĩaturigu irirosũ aarĩmi. I ãmɯ pererinɯ iri otedea dukare searinɯ irirosũ aãrã. Marĩpɯre wereboerã, poee opɯre dukã seaboerimasã irirosũ aarĩma.

⁴⁰ Iri ñerĩ táre ĩgũsã taáseadeare peamegue soebéoderosũta i ãmɯ pererinɯ ejamakũ waarokoa. ⁴¹ Irasũ waaripoe yɯ aarĩpererã tĩgũ, yɯre wereboerãrẽ iriugukoa. Irasirirã ĩgũsã masakare ñerĩ irimakũ irirãrẽ, Marĩpɯ dorerire tarinugãrãdere neeõrãkuma. ⁴² Neeõ odo, perebiri peamegue ĩgũsãrẽ béorãkuma. Irogue bɯro pũrĩsũrã ĩgũsãya guikare kũrĩduútú orerãkuma. ⁴³ Marĩpɯ gããmerĩrẽ irirã gapɯ ãmɯgasigüe ĩgũyarãrẽ dorerogue aarĩrã, abe ãmɯmɯ irirosũ gosewasirirãkuma. Mɯsã gãmpĩrĩ oparã, yɯ wererire péduripĩka!

Jesús wáro niyeru yáapídea keori merã buedea

⁴⁴ Gaji mɯsãrẽ werea. Marĩpɯ ãmɯgasigüe aarĩgũ ĩgũyarãrẽ doreri i irirosũ aãrã. Sugɯ masakɯ wáro niyeru gajigɯya nikũ poekague yáapídeare bokakumi. Irire bokagɯ, bɯro ɯɯyakumi. Irasirigu ĩgũ bokadeare bɯro gããmesĩã, dupaturi yáapĩkõãkumi doja. Irasirigu aarĩpereri ĩgũyare gajerãrẽ duakumi. Īgũ duadea waja merã iri nikũrẽ wajarikumi‡.

Jesús perla wãikɯriye keori merã buedea

⁴⁵ Gaji mɯsãrẽ werea doja. Marĩpɯ ãmɯgasigüe aarĩgũ ĩgũyarãrẽ doreri i irirosũ aãrã. Sugɯ wajaririmasũ wajapari yeri perla wãikɯri yerire ãma wajaridɯakumi. ⁴⁶ Iri yerire ãmagũ, wajapatariri yere bokakumi. Iri yere bɯro gããmesĩã, aarĩpereri ĩgũyare duakumi. Īgũ duadea waja merã iri yere wajarikumi.

Jesús buidi keori merã buedea

⁴⁷ Gaji mɯsãrẽ werea doja. Marĩpɯ ãmɯgasigüe aarĩgũ ĩgũyarãrẽ doreri, waaĩ wějẽrĩmasã buidi meéyo, aarĩpererã waaĩ aarĩrãkɯ ñeãrõ irirosũ aãrã. ⁴⁸ ĩgũsãya buidire waaĩ ɯɯrimakũ ĩãrã, waaĩ wějẽrĩmasã ĩmparogue tũãmajã, waairé beyekuma. Oãrã waairé ĩgũsãya puuirigue seasãkuma. Ñerãrẽ béokõãkuma. ⁴⁹ I ãmɯ pererinɯ aarĩmakũ, masakare ãsũta waarokoa. Marĩpɯre wereboerã oãrãrẽ, ñerãrẽ beyerã aarirãkuma. ⁵⁰ Beye odo, ñerãrẽ perebiri peamegue béorãkuma. Irogue bɯro pũrĩsũrã ĩgũsãya guikare kũrĩduútú orerãkuma, arĩmi Jesús.

Jesús iripoeguema buerire, maama bueridere weredea

⁵¹ Pɯɾɯ gɯare sêrẽñami:

—¿I aarĩpererire pémasĩrĩ mɯsã? arĩmi.

—Éũ, pémasĩã, arĩ yɯjubɯ.

⁵² Gɯa irasũ arĩmakũ, arĩmi:

—Sugɯ Moisés gojadeare buerimasũ Marĩpɯ ãmɯgasigüe aarĩgũ ĩgũyarãrẽ doregu aarĩrĩmarẽ masĩgũ, wii opɯ irirosũ aarĩgukumi. Irasirigu wii opɯ, iripoegue ĩgũ opadeare, maama ĩgũ oparidere aĩwiugɯ irirosũ, maama buerire, iripoeguema bueridere oãrõ masĩrĩ merã weregukumi, arĩmi Jesús gɯare.

‡ 13:44 Jesús i kere merã buegu: “Masakũ aarĩpereri ĩgũyare gããmerõ nemorõ Marĩpɯyare gããmegũ aarĩkumi”, arĩ buegu irimi.

Jesús Nazarete gue goedujáadea
(Mr 6.1-6; Lc 4.16-30)

⁵³ Jesús iri keori merã were odo, iro ããrãdi waa, ⁵⁴ ìgũ masãdea makãgue ejami. Irogue eja, judío masaka nerẽrĩ wiigüe buemi. Masaka, ìgũ buemakũ pérã, péguakakõãma. Àsũ ãrĩ gãme wereníma:

—¿Noógue bueyuri, ñi iropã masĩbu? ¿Nasirisĩã, iri ìmurĩrẽ irimasĩyuri? ⁵⁵ Ìi taboa moãdi magũ ããrĩmi. Ìgũ pago María wãikũmo. Santiago, José, Simón, Judas ìgũ pagupũrã ããrĩma. ⁵⁶ Ìgũ pagupũrã nomede i makã marãta ããrĩma. Ìgũ marĩ irirosũ ããrĩkeregũ, ¿nasirisĩã, i ããrĩpererire masĩrĩ? ãrĩma.

⁵⁷ Irasirirã ìgũrẽ buremudũabirima. Jesús gapũ ìgũsãrẽ ãrĩmi:

—Ããrĩpererogue sugũ Marĩpũya kerere weredupuyugũre gajerã buremuma. Ìgũya nikũ marã, ìgũya wii marã gapũ ìgũrẽ buremubema, ãrĩmi.

⁵⁸ Irasirigũ Jesús, ìgũsã ìgũrẽ buremubirimakũ ìãgũ, iri makãrẽ wãri Marĩpũ turari merã iri ìmubirimi.

14

Juan masakare wãiyerimasũ boadea
(Mr 6.14-29; Lc 9.7-9)

¹ Iripoere Herodes Galilea nikũ marã opũ, Jesús iriri kerere péyupũ. ² Irire pégu, ìgũrẽ moãboerãrẽ ãsũ ãrĩyupũ:

—Ìgũ irire irasũ irigũ, Juan masakare wãiyerimasũta boadigue masãdi ããrĩkumi. Irasirigũ wãri iri ìmurĩrẽ irikumi, ãrĩyupũ.

³ Juan boaburi dupuyuro Herodes ìgũ pagũmũ Felipe marãpo Herodías wãikugore ãma, marãpokũmakũ ìãgũ, ⁴ ãsũ ãrĩdi ããrĩmi:

—Mũ pagũmũ marãpore marãpokũgũ, Marĩpũ dorerire tarinũgãgũ yãa, ãrĩdi ããrĩmi. Irasirigũ Herodes ìgũrẽ ñeã, peresu iridi ããrĩmi. ⁵ Ìgũ Juãrẽ wẽjẽdũadi ããrĩmi. Judío masaka gapũ: “Ìi Juan Marĩpũya kerere weredupuyurimasũ ããrĩmi”, ãrĩ gũñanerã ããrĩmã. Irasirigũ Herodes: “Juãrẽ yũ wẽjẽmakũ yũ merã guabokuma”, ãrĩgũ, ìgũsãrẽ gũidi ããrĩmi. ⁶ Pũrũ Herodes ìgũ deyoadea bosenu irigũ iridi ããrĩmi. Ìgũ irasiririnũrẽ Herodías magõ ìgũ siiuanerã ìũrõ baya ìmudeo ããrĩmó. Igo baya ìmumakũ ìãgũ, Herodes bureo usũyadi ããrĩmi. Irasirigũ igore: ⁷ “Ãrĩgatoro marĩrõ, mũ yũre sërẽrĩnorẽ sīgũra”, ãrĩdi ããrĩmi. ⁸ Ìgũ irasũ ãrĩmakũ pégo, igo pagore: “¿Ñeéonorẽ sërẽgokuri yũ?” ãrĩdeo ããrĩmó. Irasirigo igo pago sërẽdoreaderosũta ìgũrẽ sërẽdeo ããrĩmó:

—Juan masakare wãiyerimasũya dipurure dititã, soropa wãripa merã ìgũya dipurure yũre sĩka! ãrĩdeo ããrĩmó.

⁹ Igo irasũ ãrĩmakũ pégu, Herodes bureo bujaweredi ããrĩmi. Ìgũ siiuanerã péuro: “Ãrĩgatoro marĩrõ, mũ yũre sërẽrĩnorẽ sīgũra”, ãrãdi ããrĩsĩã, gũyasĩrĩgũ, igore: “Mũrẽ sĩbirikoa”, ãrĩmasĩbiridi ããrĩmi. Irasirigũ, igo ìgũrẽ sërẽrõsũta iridi ããrĩmi. ¹⁰ Irasirigũ, ìgũyagũ surara Juan peresugue ããrĩgũ pũro waa, ìgũya dipurure dititãdi ããrĩmi. ¹¹ Pũrũ soropa merã ìgũya dipurure ãrĩri, Herodías magõrẽ wiadi ããrĩmi. Ìgũ wiamakũ ñeã, igo pagore ãã sĩdeo ããrĩmó.

¹² Juan boadero pũrũ, ìgũ buerire tũyanerã ìgũya dupũre ãiwãgã, yãarã waanerã ããrĩmã. Yãa odo, Juan boadeare Jesũre wererã ejama.

Jesús cinco mil ãmarẽ baari ejodea
(Mr 6.30-44; Lc 9.10-17; Jn 6.1-14)

¹³ Juãrẽ wẽjẽadea kerere pégu, Jesús doódirugue mũrĩñajãa, masaka marĩrõgue gũa ìgũ buerã merã waakõãmi. Ìgũ irogue waarĩre pérã, masaka ìgũsãya makãrĩrẽ wiri, ìgũ dupuyuro maague waa, ejasianerã ããrĩmã. ¹⁴ Gũa ditaru gaji koepũgue taribujaja, Jesús

doódirugue sãñadi majãñugã, wárã masakare bokajami. Irasirigu ìgùsãrê bopoñarĩ merã ìã, pũrĩrikurã ìgùsã àirianerãrê taumi. ¹⁵ Naĩmejãwãgãripoe gũa Jesús buerã ìgũ pũro waa, ãsũ àrĩbu ìgũrê:

—Naĩmejãrõgue yãa. Òõ masaka marĩrõgue ããrã. Irasirigu masakare waadoreka! Makãrĩgue ìgùsã baaburire wajarirã waaburo, ãrãdibu.

¹⁶ Gũa irasũ àrĩmakũ pégu, Jesús àrĩmi:

—Waabirikõáburo. Mũsã ìgùsãrê baari sĩka! àrĩmi.

¹⁷ Gũa ìgũrê àrĩbu:

—Su mojõma pã duparu, waaídere pẽrãta opãa, àrĩbu.

¹⁸ —Irire yũre àirika! àrĩmi Jesús.

¹⁹ Pũru masakare tá weka doadoremi. Irasirigu su mojõma pã duparure, pẽrã waairé ãĩ, ãmũgasigue ìãmu, Marĩpũre: “Mũrê usuyari sĩa”, àrĩmi. Àrĩ odo, iri pã duparure pea, gũare ìgũ buerãrê sĩmi masakare gueredoregu. Irasirirã gũa ìgùsãrê irire guerebu. ²⁰ Irasirirã ããrĩpererã baayapiakõãma. Pũru ìgùsã baadũáadeare pe mojõma pere su gubu peru pẽrẽbejari puuirigora seasã, utũudobobũ. ²¹ Iro baanerã: nome, majĩrã keoña marĩrõ ãma direta keomakũ cinco mil gora ããrĩmã.

Jesús deko weka waadea
(Mr 6.45-52; Jn 6.16-21)

²² Pũru Jesús gũa ìgũ buerãrê doódirugue mũrĩñajãdore, ditarugue ìgũ dupuyuro taribujadoremi. Ìgũ gapũ iroguue dujami dapa masakare seretubu. ²³ Seretu odo, buũru wekague sugata waayupu Marĩpũre sërẽgũ waagũ. Ñami ejaripoe sugata ããrĩyupu iroguere. ²⁴ Gũa gapũ ditaru dekogue ããrĩbũ. Mirũ bũro waabu. Irasiriro makũrĩ doódirure pátũpaukõãbu. Irasirirã taribujajabiribu dapa.

²⁵ Pũru ãgãbo wereripoe Jesús ditarugue buaja, gũa pũroguue deko weka aarimĩ. ²⁶ Ìgũ deko weka aarimakũ, gũa ìgũrê ìãmasĩbirisĩã, ìãgũkakõãbu. Gũiri merã: “Masaku boadi wãtĩ ããrĩmi”, àrĩ gainĩbu.

²⁷ Gũa gũimãkũ ìãgũ, Jesús gũare ãsũ àrĩmi:

—Gũñaturaka! Yũta ããrã. Gũimerãta! àrĩmi.

²⁸ Ìgũ irasũ àrĩmakũ pégu, Pedro àrĩmi ìgũrê:

—Mũ, yũ Opũ ããrĩgũ, yũre deko weka waa, mũ pũroguue aaridoreka! àrĩmi.

²⁹ —Jãũ, aarika! àrĩmi Jesús.

Irasũ àrĩmakũ pégu, Pedro doódirugue sãñadi dujinũgã, deko weka Jesús pũroguue waami.

³⁰ Ìgũ irasũ waakeregu, mirũ bũro wẽjẽpumakũ ìãgũ, gũigorami. Irasirigu mirĩdijagu:

—Yũ Opũ, yũre tauka! àrĩ gainĩmi.

³¹ Ìgũ irasũ àrĩmakũta, Jesús ìgũya mojõrê ñeã: “Yũre mérõgã bũremurĩ opãa. ¿Nasirigu yũre bũremuturaberi?” àrĩmi.

³² Pũru Jesús Pedro merã doódirugue aari, mũrĩñajãmakũ, mirũ waadea toekõãbu.

³³ Irasũ waamakũ ìãrã, gũa doódirugue ããrĩrã ñadũkupuri merã Jesús pũro eja doa, ìgũrê:

—Mũ diayeta Marĩpu magũ ããrã, àrĩ bũremubu.

Jesús Genesaret marãrê pũrĩrikurãrê taudea
(Mr 6.53-56)

³⁴ Pũru taribujaja, Genesaret* wãĩkũri nikũgue ejabu. ³⁵ Iro marã Jesúre ìãmasĩsĩã, ããrĩpererã iro ããrĩrãrê ìgũ ejari kerere wereñurã. Irasirirã ããrĩpererã pũrĩrikurãrê taudorerã ìgũ pũroguue ãĩjama. Ìgũrê ãsũ àrĩ sërẽma:

³⁶ —Mũya surĩro yuwa direta ìgùsãrê moãñadoreka! àrĩma. Irasirirã ããrĩpererã pũrĩrikurã ìgũya surĩrore moãñanerã ìgùsã sĩrĩrĩ opadeare tarisũma.

* **14:34** Genesaret wãĩkũri nikũ, Galilea wãĩkũri ditaru tũro ããrĩyuro.

15

*Masakare ñerã waamakũ iririre buedea
(Mr 7.1-23)*

¹ Pũru surãyeri fariseo bumarã, Moisés gojadeare buerimasãde Jerusalẽgue ããrãnerã Jesús pũro eja, ãgũrẽ sãrẽñama:

² —¿Nasirirã mũ buerã, marĩ ñekũsãmarã iriunaderosũ iriberi? Marĩ ñekũsãmarã baaburi dupuyuro mojõkoederosũ iribema, ãrĩma.

³ Jesús ãgũsãrẽ yũjũmi:

—Yũde mũsãrẽ sãrẽñagũra. ¿Nasirirã Marĩpũ doreri gapũre irirono irirã, mũsã ñekũsãmarã iriunadeare yãri? ⁴ Marĩpũ ãsũ ãrĩdi ããrĩmĩ: “Mũpũre, mũpore bũremuka! Sugũ ãgũ pagũsãmarãrẽ ñerõ werenĩgũ wẽjẽdoresũgukumi”, ãrĩdi ããrĩmĩ. ⁵ ãgũ irasũ ãrĩkererũ, mũsã gapũ masakare ãgũsã pagũsãmarãya ããrĩburire buerã, ãsũ ãrã: “Sugũ ãgũ pagũre, o ãgũ pagore: ‘Yũ mũsãrẽ sũboadeare Marĩpũre sũpeokõãbũ. Irasirigũ mũsãrẽ iritamumasĩbirikoa’, ãrĩmakũ õãgorã”, ãrĩ buea. ⁶ Irasũ buerã, masakare ãgũsã pagũsãmarãrẽ iritamubirimakũ, Marĩpũ dorerire ubu ããbẽomakũ yãa, mũsã ñekũsãmarã iriunadeare iritayadorerã. ⁷ Masaka ãũrõ dita õãrõ yãa mũsã. ãgũsã ããberogue ñerõ iririkurã ããrã. Iripoegue Marĩpũya kerere weredupuyudi Isaiás diayeta gojadi ããrĩmĩ mũsã irigatorire gojagũ. ãsũ ãrĩ gojadi ããrĩmĩ:

⁸ ãsã masaka ãgũsãya disĩ merã yũre õãrõ werenĩkererã, ãgũsãya yũpũrãrĩgue yũre neõ bũremubema.

⁹ Irasiriro ãgũsã yũre bũremurã nerẽrĩ wajamáa. ãgũsã bueri, yũ doreri meta ããrã. Masaka doreri ããrã, ãrĩ gojadi ããrĩmĩ, ãrĩ yũjũmi Jesús fariseo bumarãrẽ.✠

¹⁰ Irasũ ãrĩ odo, masakare ãgũ pũro siiu, ãsũ ãrĩmi:

—Yũ wererire õãrõ pẽkũĩnũ pẽka! ¹¹ Sugũ masakũya disigue baari ñajãri, ãgũrẽ ñegũ waamakũ iribea. ãgũya disigue wiriri gapũ, ãgũrẽ ñegũ waamakũ yãa, ãrĩmi.

¹² ãgũ irasũ ãrãdero pũru, gũa ãgũ buerã ãgũ pũro waa, ãgũrẽ ãrĩbũ:

—¿Mũ masĩrĩ? Mũ irasũ ãrãdeare pẽrã, fariseo bumarã guakõãma, ãrĩbũ.

¹³ Gũa irasũ ãrĩmakũ, Jesús ãsũ ãrĩ yũjũmi:

—Yũpũ ãmũgasigue ããrĩgũ ããrĩpereri ãgũ otebirideare nugũrĩ merãta duua bẽogu irirosũ ãgũsãrẽ bẽogukumi. ¹⁴ Irasirirã ãgũsãrẽ irasũ ããkõãka! ãgũsã Marĩpũyare masĩbirikererã, gajerã ãgũyare masĩmerãrẽ buema. Irasirirã koye ããmerã gajerã koye ããmerãrẽ tũãdupuyurã irirosũ ããrĩma. Sugũ koye ããbi gajigũ koye ããbire tũãdupuyuwãgãgũ, ãgũsã pẽrãgueta gobegue meẽñajãkõãrãkuma, ãrĩmi Jesús.

¹⁵ ãgũ irasũ ãrĩmakũ pẽgũ, Pedro gapũ Jesũre ãrĩmi:

—Gũare wereka! Masakũ ãgũya disĩ wiriri keori, ¿naásũ ãrĩduaro yãri? ãrĩmi.

¹⁶ Jesús yũjũmi:

—¿Mũsãde pẽmasĩberi dapa? ¹⁷ ããrĩpereri marĩ baari, marĩya disigue ñajãa, parugue waa, pũru tariwereakõãa. ¹⁸ Masaka werenĩrĩ, ãgũsãya disĩ wiriri ããrã. ãgũsã gũñarĩgue ñerĩrẽ oparã ñerõ werenĩma. Iri ãgũsãrẽ ñerã waamakũ yãa. ¹⁹ ãgũsã gũñarĩgue ñerĩ oparã ãsũ ããrĩma. Ñerĩ gũñarã, masakare wẽjẽbẽorã, gajigũ marãpo, gajego marãpũ merã ñerõ irirã, ãma nome merã, nome ãma merã ñerõ gãmebirarã, yajarã, ãrĩgatorã, masakare ñerõ kere wererã ããrĩma. ²⁰ Iri ñerĩ ãgũsã gũñarĩgue opari, ãgũsãrẽ ñerã waamakũ yãa. Masaka ãgũsã ñekũsãmarã iriunaderosũ baaburi dupuyuro mojõkoebirimakũ, ãgũsãrẽ ñerã waamakũ iribea, ãrĩmi Jesús.

*Judío masako ããrĩbeo Jesũre bũremudea
(Mr 7.24-30)*

²¹ Pɥɥ Jesús Tiro, Sidón wāikuri makārī āārīrōgue waami. ²² Irogue ejamakū, sugo nomeō Canaán nikūmo irogue āārīgō Jesús pɥro gainíjamo:

—Yɥ Opɥ, David parāmi āārīturiagu yɥre bopoñaka! Yɥ magō wātī ñajāsūdeo buro ñerō tarigo yámo, ārīmo.

²³ Igo irasū ārīmakū pékeregɥ, Jesús igore yɥjubirimi. Irasirirā gɥa ĩgū buerā ĩgūrē ārībɥ:

—Waadoreka igore! Marīrē ñerō gainí tɥyawāgārimo, ārībɥ.

²⁴ Gɥa irasū ārīmakū pégu, Jesús igore ārīmi:

—Yɥpɥ yɥre, Israel bumarā oveja dedirinerā irirosū āārīrā direta iritamudoregɥ iriumi, ārīmi.

²⁵ Igo Israel bumo āārībirikerego, Jesús guburi pɥro ñadukɥpuri merā ejamejā, āsū ārīmo:

—Yɥ Opɥ, yɥre iritamuka! ārīmo.

²⁶ Jesús igore yɥjɥmi:

—Wii opɥ ĩgū pūrā baarire ěma, diayéare ejomakū ōābea, ārīmi.

²⁷ ĩgū irasū ārīkerepɥɥ, igo gapɥ ĩgūrē ārīmo doja:

—Yɥ Opɥ, irasū āārīkerepɥɥ, diayéa gapɥ wii marā baawasiridijurire baaboema, ārīmo.

²⁸ Igo irasū ārīmakū, Jesús igore yɥjɥmi:

—Mɥ yɥre bɥremurī opataria. Mɥ sērērōsūta waarokoa, ārīmi.

ĩgū irasū ārīripoeta, igo magōguere wātī ñajādi wiriakōāyɥpɥ. Irasirigo tariyupo.

Jesús wárā pūrīrikurārē taudea

²⁹ Jesús irogue āārādi waa, Galilea wāikuri ditaru turo tariwāgāmi. Pɥɥ buúrugue mārīa, eja doami. ³⁰ ĩgū iro doamakū, wárā masaka ejama. Waamasīmerārē, koye ĩāmerārē, werenímasīmerārē, poyarimasārē, wárā gajerā pūrīrikurārē ĩgū pɥro āijapíma. Irasirigɥ Jesús ĩgūsārē taumi. ³¹ Irasirimakū ĩārā, masaka ĩāgukakōāma. Werenímasībirinerā werenímakū ĩārā, poyarimasā āārīñerā tarimakū ĩārā, waamasībirinerā waamasīmakū ĩārā, koye ĩābirinerā ĩāmakū ĩārā, ĩāgukakōāma. Irasirirā Marīpɥre: “Marī Israel bumarā Opɥ, turatarigɥ āārīmi”, ārī, ɥsɥyari sīma.

Jesús cuatro mil āmarē baari ejodea (Mr 8.1-10)

³² Pɥɥ Jesús gɥare ĩgū buerārē siiu, ārīmi:

—Īsā masakare bopoñarī merā ĩāa. Yɥ merā ɥrenɥgora āārīsīama. ĩgūsārē baari pereakōāa. ĩgūsārē ɥa merā ĩgūsāya wiirigue goedujāamakū gāāmebirikoa. ĩgūsā baamerāta waarā, maa dekota turari perea kōmoakōābokuma, ārīmi.

³³ ĩgū irasū ārīmakū, gɥa ĩgū buerā ĩgūrē ārībɥ:

—¿Nasirisīā, marī ōō masaka marīrōgue ĩsā wárā masaka baaburire bokabokuri? ārībɥ.

³⁴ Jesús gɥare sērēñami:

—¿Diíkɥ pā duparure opari mɥsā? ārīmi.

—Su mojōma pere gaji mojō peru pērēbejari duparu, irasū āārīmakū waaí mērāgā opāa, ārī yɥjubɥ.

³⁵ Irasirigɥ Jesús masakare yebague doadore, ³⁶ su mojōma pere gaji mojō peru pērēbejari pā duparure, waaigādere āi, Marīpɥre ɥsɥyari sīmi. Odo, pā duparure, waaigādere pea, gɥare sīmi. Irasirirā gɥa irire masakare guerebɥ. ³⁷ Irasirirā āārīpererā irire baayapiakōāma. Pɥɥ ĩgūsā baadɥāadeare su mojōma pere gaji mojō peru pērēbejari puuirigora seasā, ɥtɥudobobɥ. ³⁸ Iro baanerā: nome, majīrā keoña marīrō ɥma direta keomakū, cuatro mil gora āārīmá. ³⁹ Pɥɥ Jesús masakare seretu odomakū, doódirugue mārīñajāa, Magdala wāikurogue ĩgū merā waakōābɥ.

16

*Fariseo bumarã, saduceo bumarã Jesúre Marĩpu turari merã iri ĩmudoredea
(Mr 8.11-13; Lc 12.54-56)*

¹ Jesús Magdala wãikurogue ejadero puru, fariseo bumarã, saduceo bumarã ĩgũrẽ ĩãrã ejarã: “Marĩpu turari merã iri ĩmurĩrẽ irika!” ãrĩma. “ĩgũ irire irimasĩbi, diayeta Marĩpu iriudi meta ããrĩmi”, ãrĩduarã, irasũ ãrĩma. ² Jesús gapu ĩgũsãrẽ yujumi:

—Musã ñamika abe õãrõ diiañajãmakũ ĩãrã: “Õãrĩ ñami ããrĩrokoa”, ãrã. ³ Boyoripoe ñĩpimakũ ĩãrã: “Dekonũ ããrĩrokoa”, ãrã. ðmarõmarẽ ĩãrã: “Ãsũ waarokoa”, ãrĩ masĩa. Irire õãrõ masĩkererã, inu Marĩpu turari merã yu iri ĩmurĩ gapure ĩãrã, neõ õãrõ pémasĩbea. ⁴ Dapora marã masaka ñerã, Marĩpure gããmemerã ããrĩma. Yure Marĩpu turari merã gajino iri ĩmudorema. ĩgũsã irasiridorekerepuru, Marĩpuya kerere weredupuyudi Jonás iridea direta weregura, ãrĩmi.

Irasũ ãrĩ odo, ĩgũsãrẽ béowãgã, gajerogue waakõãmi.

*Jesús fariseo bumarã, saduceo bumarã ñerĩ buerire werede
(Mr 8.14-21)*

⁵ Puru gua ditarugue taribujarã, pãrẽ kãtikõãnerã ããrĩbũ. ⁶ Irasirigu Jesús guare ãrĩmi: —Fariseo bumarã, saduceo bumarã ĩgũsã pã wemasãrĩ morẽrĩrẽ õãrõ pémasĩka! ãrĩmi.

⁷ ĩgũ irasũ ãrĩrĩrẽ gua gapu pémasĩbiribu. Irasirirã gua basi gãme ãsũ ãrĩ werenĩbu: —Marĩ pãrẽ ãrĩbiradeare ĩãgũ, irasũ ãrĩkumi, ãrĩbu.

⁸ Gua irasũ ãrĩrĩrẽ masĩsĩa, guare sërẽñami:

—¿Nasirirã: “Pãrẽ ãrĩbirabu”, ãrĩ gãme werenĩrĩ musã? Yure mérõgã buremurĩ opãa musã. ⁹ ¿Musã pémasĩberi dapa? ¿Yu cinco mil ãmarẽ su mojõma pã duparure dukawa ejodeare gãñaberi musã? ĩgũsã baayapiadero puru, ¿diĩku puuirigora ĩgũsã baaduaadeare musã seasã utudobori? ¹⁰ ¿Puru yu su mojõma pere gaji mojõ peru pẽrẽbejari pã duparure dukawa, cuatro mil ãmarẽ ejodeadere gãñaberi musã? ĩgũsã baayapiadero puru, ¿diĩku puuirigora ĩgũsã baaduaadeare musã seasã utudobori? ¹¹ ¿Nasirirã musã yu wererire pémasĩberi? Yu: “Fariseo bumarã, saduceo bumarã pã wemasãrĩ morẽrĩrẽ õãrõ pémasĩka!” ãrĩgũ, pãrẽ ãrĩgũ meta iriabu, ãrĩmi.

¹² ĩgũ irasũ ãrĩmakũ pérã, gua pémasĩbu. Pã wemasãrĩ morẽrĩrẽ ãrĩgũ meta irimi. Fariseo bumarã, saduceo bumarã ãrĩgatori merã bueri gapure: “Õãrõ pémasĩka!” ãrĩgũ irimi.

*Pedro Jesúre: “Mũ Cristo ããrã”, ãrĩ werede
(Mr 8.27-30; Lc 9.18-21)*

¹³ Puru Jesús Cesarea Filipino wãikuri makã purogue waami. Irogue eja, guare ĩgũ buerãrẽ sërẽñami:

—Masaka yure ããrĩpererã tĩgũrẽ, ¿naásũ ãrĩ gãñarĩ? ãrĩmi.

¹⁴ Gua ĩgũrẽ yujubu:

—Surãyeri murẽ: “Juan masakare wãiyerimasũ ããrĩmi”, ãrĩma. Gajerã: “Elías ããrĩmi”, gajerã: “Jeremías ããrĩmi, o gajigu Marĩpuya kerere weredupuyurimasũ ããrĩmi”, ãrĩma, ãrĩbu.

¹⁵ Irasũ ãrĩmakũ, Jesús guare sërẽñami:

—Musãkoa yure, ¿naásũ ãrĩ gãñarĩ? ãrĩmi.

¹⁶ ĩgũ irasũ ãrĩmakũ pégu, Simón Pedro ĩgũrẽ ãrĩmi:

—Mũ, Marĩpu iriudi, Cristo ããrã. Marĩpu okanĩgũ magũ ããrã mũ, ãrĩmi.

¹⁷ Irasũ ãrĩmakũ, Jesús ĩgũrẽ yujumi:

—Simón, Jonás magũ, mũ yure yujuri, masaka murẽ werede meta ããrã. Yuru ãmugasigue ããrĩgũ irire murẽ masĩmakũ yãmi. Irasirigu mũ usuyari opãa. ¹⁸ Murẽ werea. Mũ “Pedro”* wãikua. I ãtãye weka turari wiire iribodersũ yu mũ merã yaarãrẽ yure

* 16:18 “Pedro”, ãrĩrõ: “ãtãye”, ãrĩduaro yãa.

buremuturarã ããrĩmakũ irigũkoa. Irasirigu wãtĩ ìgũ turari merã yũre buremurãrẽ neõ tarinũgãbirikumi. ¹⁹ Yũ marẽ Marĩpũ ìgũyarãrẽ doreroguema sawire sũgũkoa, mũ iroguemarẽ iridoreburire. Irasirigu mũ Marĩpũ ãmũgasigue ããrĩgũ dorerosũta: “I ãmũguere ãsũ waabirikõãburo”, ãrĩmakũ, irire waabirimakũ irigũkumi. Mũ ìgũ dorerosũta: “I ãmũguere ãsũ waaburo”, ãrĩmakũ, irire waamakũ irigũkumi, ãrĩmi Jesús.

²⁰ Jesús irasũ ãrãdero pũrũ, gũare ãrĩmi:

–Gajerã masakare yũre: “Marĩpũ iriudi, Cristo ããrĩmi ìĩ”, ãrĩ werebirikõãka! ãrĩmi.

Jesús ìgũ boaburire weredea

(Mr 8.31-9.1; Lc 9.22-27)

²¹ Ìgũ irasũ ãrĩrĩnũ merãta Jesús gũare ìgũ buerãrẽ ìgũ boaburire werenũgãmi:

–Yũre Jerusalẽgue waaró ããrã. Iroguemarã: judío masaka mũrã, paía oparã, Moisés gojadeare buerimasã yũre bũro ñerõ tarimakũ irirãkuma. Yũre wẽjẽrãkuma. Ìgũsã irasirikerepũrũ, ãrenũ waaró merã Marĩpũ yũre masũgũkumi, ãrĩmi.

²² Ìgũ irasũ ãrĩmakũ pégũ, Pedro Jesũre yoaweyarogue ãã, ìgũrẽ ãsũ ãrĩmi:

–Yũ Opũ, irire ãrĩbirikõãka! Marĩpũ, mũ ãrĩrõsũ marẽ waamakũ kãmutaburo. Mũ ãrĩrõsũ marẽ waabirikõãburo, ãrĩmi.

²³ Ìgũ irasũ ãrĩmakũ pégũ, Jesús gãmenũgã, ìgũrẽ ãsũ ãrĩmi:

–Satanás, yũ pũrore wirika! Mũ, Marĩpũ yũre dorerire iribirimakũ iridũagu yãa. Marĩpũ gããmerĩrẽ gũñabea. Masaka gũñarõsũ gũñãa mũ, ãrĩmi.

²⁴ Ìgũ irasũ ãrĩ odo, gũare ãrĩmi:

–Sugũ yũre tũyadũagu ìgũ iridũarire piriburo. Irasirigu yũre tũyadũari waja curusague pábiatũ wẽjẽsũbu irirosũ ããrĩkeregũ, neõ piriro marĩrõ yũre tũyanĩkõãburo. ²⁵ Sugũ i ãmũgue ìgũya okari direta maĩgũ peamegue béosũgũkumi. Gajigu gapũ yũre tũyari waja gajerã ìgũrẽ wẽjẽkerepũrũ, Marĩpũ pũrogu ìgũ merã ãsũyari bokagũkumi. ²⁶ Sugũ masakũ i ãmũmarẽ ããrĩpereri opakeregũ, ìgũ boari pũrũ waaburi gapũre gũñabiri waja peamegue waagũ, õãrĩrẽ neõ wajatabirikumi. Irasirigu i ãmũgue opari direta gũñagũ, ìgũ boadero pũrũ, peamegue béosũgũkumi. Iroguere ìgũ wiridũagu i ãmũgue opari merã neõ wajarimasĩbirikumi. ²⁷ Yũ ããrĩpererã tũgũ, Yũpũ gosewasiriri merã, ìgũrẽ wereboerã merã i ãmũguere dupaturi aarigũ, ããrĩpererã masakare ìgũsã irideakũ keoro wajarigũkoa. ²⁸ Diayeta werea yũ. Surãyeri mũsã õõguere ããrĩrã mũsã boaburo dupuyuro yũ ããrĩpererã tũgũ, Opũ ñajãmakũ ìãrãkoa, ãrĩmi Jesús.

17

Jesús ìgũ deyori gorawayudea

(Mr 9.2-13; Lc 9.28-36)

¹ Su mojõma pere gajĩ mojõ suru pẽrẽbejarinũrĩ pũrũ, Jesús Pedrore, Santiagore, ìgũ pagũmũ Juãrẽ ãmarĩ buúrũgue siiu mũrĩãmi. ² Iri buúru wekague ìgũsã mũrĩjadero pũrũ, ìgũsã ìũrõ ìgũ deyori gorawayuakõãyũpũ. Ìgũ diapu abe ãmũmũ irirosũ gosewasiriyuro. Ìgũya surĩro goserĩne, õãrõ borero waayuro. ³ Irasũ waaripoeta iripoegue marã Moisés, Elías Jesús merã weretamunĩmakũ ìãñũrã. ⁴ Ìgũsãrẽ ìãgũ, Pedro Jesũre ãrĩyũpũ:

–Gũa Opũ, marĩ õõ ããrĩmakũ õãtaridũãa. Mũ gããmemakũ, õõguere ãre wiigã irigũra. Mũya wii, Moiséya wii, Elíaya wii irigũra, ãrĩyũpũ.

⁵ Ìgũ irasũ ãrĩ werenĩripoe, õãrõ gosewasiriri mikãyebo ìgũsãrẽ túbiakõãyuro. Iri yebo poekague Marĩpũ ãsũ ãrĩ werenĩmakũ pẽñũrã:

–Ìĩ yũ magũ, yũ maĩgũ ããrĩmi. Ìgũ merã bũro ãsũyãa. Õãrõ péka ìgũrẽ! ãrĩyũpũ.

⁶ Irasũ ãrĩmakũ pẽrã, Jesús buerã bũro güiri merã, ejamejã, ìgũsãya diapurire yebague moomejãkõãñũrã. ⁷ Ìgũsã irasirimakũ ìãgũ, Jesús ìgũsã pũro waa, ìgũsãrẽ moãña:

–Wãgãnũgãka! Gũibirikõãka! ãrĩyũpũ.

⁸ Īgũ irasũ āřĩmakũ ĩũrã, gajerãrẽ ĩãbiriñurã. Jesús direta ĩãñurã.

⁹ Pũũ buúrugue ããrãnerã dijariñurã. Irogue dijariũ Jesús ĩgũsãrẽ turaro merã āřĩyũũ: –Dapora mũsã ĩãdeare gajerãrẽ werebirikõãka! Yũ ããřĩpererã tĩgũ boa, masãdero pũũgugue irire wereka! āřĩyũũ.

¹⁰ Īgũ irasũ āřĩmakũ, ĩgũ buerã ĩgũrẽ sērẽñãñurã:

–¿Nasirĩã Moisés gojadeare buerimasã: “Cristo, Marĩpũ iriubu aariburo dupuyuro Elías aaripũrorigũkumi”, āřĩrĩ? āřĩ sērẽñãñurã.

¹¹ Jesús ĩgũsãrẽ yũjũyũũ:

–Mũsã āřĩrõsũta Elías aaripũrorigũkumi ããřĩpererire ãmuyubu. ¹² Yũ gapũ ãsũ āřĩ weregũra mũsãrẽ. Elías ejasiami. Īgũ ejakerepũũ, masaka ĩgũrẽ ĩãmasĩbirima. Irasirĩã ĩgũsã gããmerõ iriduarire ĩgũrẽ ñerõ irima. Īgũrẽ iriderosũta yũ ããřĩpererã tĩgũrẽ ñerõ irirãkuma, āřĩyũũ.

¹³ Īgũ irasũ āřĩmakũ pãrãgue, pãmasĩñurã. “Īgũ: ‘Elías ejasiami’, āřĩgũ, Juan masakare wãĩyẽdire āřĩgũ yãmi”, āřĩ masĩñurã pama.

Jesús ñamasĩrĩrĩ opagũre taudea

(Mr 9.14-29; Lc 9.37-43)

¹⁴ Pũũ ĩgũsã buúrugue ããrãnerã wãrã masaka pũro dijajama. Īgũsã dijajamakũ ĩãgũ, sugũ masakũ aari, Jesús pũro ñadũkũpuri merã ejamejã, ĩgũrẽ āřĩmi:

¹⁵ –Yũ Opũ, yũ magũrẽ bopoñaka! Īgũ ñamasĩrĩrĩ opagũ ããřĩmi. Bũro ñerõ tarinami. Irasirigũ peamegue meẽmejãma, diaguedere meẽbianokõãmi. ¹⁶ Irasirigũ ĩgũrẽ mũ buerã pũrogue ãĩjadabu. Īgũsã ĩgũrẽ taumasĩbirama, āřĩmi.

¹⁷ Īgũ irasũ āřĩmakũ pãgũ, Jesús yũjũmi:

–Mũsã dapora marã, yũre bũremurĩ opamerã, diayemarẽ neõ pãmasĩmerã ããrã. ¿Noópã yoarĩpoe mũsã merã ããřĩgũkuri? ¿Noópã yoarĩpoe mũsã yũre bũremubirire gũñaturagũkuri? Majĩgũrẽ õõ gapũ ãřĩka! āřĩmi.

¹⁸ Īgũrẽ ãĩjamakũ, Jesús wãtĩ majĩgũguere ããřĩgũrẽ: “Wirika ĩgũrẽ!” āřĩmi. Jesús ĩgũrẽ béowiumakũta, majĩgũ tariakõãmi.

¹⁹ Pũũ gũa Jesús buerã gajerã pãberogue ĩgũrẽ sērẽñabu:

–¿Nasirĩã gũa gapũ wãtĩrẽ béowiumasĩbirayuri? āřĩbũ.

²⁰ Jesús yũjũmi:

–Mũsã Marĩpũre mërõgã bũremurĩ opasĩã, ĩgũrẽ béowiumasĩbirabu. Diayeta mũsãrẽ werea. Mũsã bũremurĩ opari mostaza wãĩkũri yegãpã irirosũ ããřĩkerepũũ, i buúrure: “Sõõgue waaburo”, āřĩ masĩbokoã. Mũsã irasũ āřĩmakũ, i buúru mũsã dorerosũta waabokoã. Marĩpũre bũremurĩ oparã ããřĩpererire irimasĩã. ²¹ ĩno wãtĩrẽ béowiuduarã, bereri merã Marĩpũre bũro sērẽrõ gããmeã, āřĩmi.

Jesús ĩgũ boaburire werenemodea

(Mr 9.30-32; Lc 9.43-45)

²² Pũũ Galilea nikũgue gũa waagorenabu. Irogue Jesús gũare āřĩmi:

–Masaka yũre ããřĩpererã tĩgũrẽ ñeã, gajerãguere wiarãkuma. ²³ Īgũsã yũre wẽjẽrãkuma. Yũre wẽjẽaderõ pũũ, urenũ waaró merã Marĩpũ yũre masũgũkumi, āřĩmi. “Yũre wẽjẽrãkuma”, āřĩmakũ pãrã, gũa bũro bũjawerebũ.

Marĩpũya wiima ããřĩburire niyeru wajasearire sērẽñãdeã

²⁴ Pũũ gũa Jesús merã Capernaugue waabu. Irogue ejadero pũũ, Marĩpũya wiima ããřĩburire niyeru wajaseabosarimasã Pedro pũro eja, ĩgũrẽ sērẽñãma:

–¿Mũsãrẽ buegũ Marĩpũya wiima ããřĩburire niyeru wajariri? āřĩma.

²⁵ Pedro ĩgũsãrẽ yũjũmi:

–Wajarimi, āřĩmi.

Pũũ Pedro wiigũe ñajãã, Jesũre sērẽñãburipoeta Jesús gapũ ĩgũrẽ sērẽñãpũrorimi:

—Simón, ¿naásũ gũñarĩ mũ? I mũmarã oparã masakare niyeru wajaseaduarã, ¿noã gapure wajaseakuri? ¿Īgũsāyarārē, o gajero marã Īgũsāya nikũgue ejanerã gapure wajaseakuri? ārĩmi.

²⁶ —Gajero marã gapure wajaseakuma, ārĩ yũjũmi Pedro.

Īgũ irasũ ārĩmakũ, Jesús ārĩmi:

—Irasirigũ sugũ opũ Īgũyarārē wajaseabirikumi. ²⁷ Marĩpũyarã marĩ āārĩkererã, Marĩpũya wiima āārĩburire niyeru wajaseabosarārē marĩ merã guamakũ iribirikoa. Irasirirã wajarirãkoa. Wejerida āĩ, ditarugue waaĩ wējēgũ waaka! Baapũrorigũre túwea āĩka! Īgũya disigue niyeru tire bokagũkoa. Pũru iriti merã marĩ pērãyare Marĩpũya wiima āārĩburire wajarigũ waaka! ārĩmi.

18

Jesús sugũ gajerã nemorõ āārĩgũyamarē weredea
(Mr 9.33-37; Lc 9.46-48)

¹ Iripoere gũa Jesús buerã Īgũ pũro eja, sērēñabũ:

—Īmũgasigue Marĩpũ Īgũyarārē dorerogue, ¿noã gũa watopere āārĩpererã nemorõ āārĩgũkuri? ārĩbũ.

² Gũa irasũ ārĩmakũ, Jesús majĩgũrē siiu, Īgũrē gũa watopegue āĩnũ, ārĩmi:

³ —Diayeta mũsārē werea. “Majĩgũ irirosũ āārã, gajerã nemorõ āārĩbea”, ārĩ gũñaka! Mũsã: “Gajerã nemorõ āārã”, ārĩ gũñarĩrē gorawayumerã, Īmũgasigue Marĩpũ Īgũyarārē dorerogue neõ waabirikoa. ⁴ Sugũ Īgũ basi: “Yũ ubu āārĩgũ, majĩgũ irirosũ āārã”, ārĩ gũñagũ, Marĩpũ Īmũgasigue āārĩgũ ĩũrõ gajerã nemorõ āārĩmi. ⁵ Sugũ yaagũre, ĩĩ majĩgũ irirosũ āārĩgũrē õārõ bokatĩrĩñeãgũ yũdere bokatĩrĩñeãmi.

Gajerārē ñerõ irimakũ iribirikõãka! ārĩ weredea
(Mr 9.42-48; Lc 17.1-2)

⁶ ‘Sugũ yũre bũremurārē ĩĩ majĩgũ irirosũ āārĩrārē ñerõ irimakũ irigũno, bũro wajamoãũgũkumi. Irasiriro Īgũ gajerārē ñerõ irimakũ iriburi dupuyuro masaka Īgũrē wáriye ũtãye merã wũnugũgue siasiu, wadiyague meéyomakũ õãboko. ⁷ I Īmũguere masakare ñerõ irimakũ iriri āārã. Irasirirã ñerõ tarima. I Īgũsārē ñerõ irimakũ iriri āārĩnĩkõãrokoa. Gajerārē ñerõ irimakũ irigũno gapũ ñetariro tarigũkumi.

⁸ ‘Irasirirã mũsãya mojõ, o gubu merã ñerõ irirã, iri mojõrē, o iri gubure dititã béorosũ iri ñerõ iririre pirika! Su mojõ, o su gubu opakrererã, Marĩpũ pũrogue waamakũ õãtarirokoa. Ñerõ iririre pirimerã gapũ perebiri peamegue béosũrãkuma. Īgũsã pe mojõ, o pe gubu opakrererã, peamegue waamakũ ñetarirokoa. ⁹ Mũsãya koyeru merã ĩã, ñerõ irirã, irirure goreweabéorosũ iri ñerõ iririre pirika! Su koyeru opakrererã, Marĩpũ pũrogue waamakũ õãtarirokoa. Ñerõ iririre pirimerã gapũ perebiri peamegue béosũrãkuma. Īgũsã pe koyeru opakrererã, peamegue waamakũ ñetarirokoa.

Jesús oveja dediridi keori merã buedea
(Lc 15.3-7)

¹⁰ ‘Neõ sugũ ĩĩsã majĩrārē ubu ĩãbéobirikõãka! Mũsārē werea. Īmũgasigue Yũpũre wereboerã Īgũsārē korerã Īgũ merã āārĩnĩkõãma, Īgũsārē Īgũ iritamudorerire irimurã.

¹¹ Yũ āārĩpererã tĩgũ dediribonerārē taugũ aarigũ iribũ.

¹² ‘Yũ wererire, ¿naásũ gũñarĩ? Ovejare korerimasũ cien oveja opagũ, sugũ oveja dedirimakũ ĩãgũ, gajerã noventa y nueve ovejare makã tũro Īgũsã baarogue duripĩkõã, dediriadire āmagũ waakumi. ¹³ Diayeta mũsārē werea. Īgũrē bokagũ, gajerã noventa y nueve dediribiranerã nemorõ Īgũrē usuyakumi. ¹⁴ Āsũta Marĩpũ Īmũgasigue āārĩgũ ĩĩsã majĩrã irirosũ āārĩrārē dedirimakũ gããmebemi, ārĩmi Jesús.

*“Muyagu murē ñerō irimakū āsū irika!” ārīdea
(Lc 17.3)*

¹⁵ Irasū ārī odo, āsū ārī werenemomi:

—Muyagu murē ñerō irimakū, gajerā péberogue ĩgū merā irire wereníka! ĩgū irire õārō merā āmuduagu: “Murē ñerō iribu! Kātika yu irideare!” ārīmakū, musā dupaturi usuyari merā gāme wapikurākoa. ¹⁶ ĩgū irire āmuduabirimakū, sugu o pērārē siiu, dupaturi ĩgū puro waaka! ĩgūsā péurogue ĩgū murē ñerō irideare wereka! Irasiriro Marīpuya werenírī gojadea pūgue dorederosūta pērā o urerā iri ñerō irideare wererire pédero puru: “Diyeta irasū waabu”, ārī masīrākuma. ¹⁷ Murē ñerō iridi ĩgūsā péurogue āmuduabirimakū, āārīpererā yure buremurā merā nerē, ĩgūsārē ĩgū ñerō irideare wereka! ĩgūsā péuroguedere āmuduabirimakū ĩārā, ĩgūrē: “Marīpure buremubi, o romano marā opure ñegū niyeru wajaseabosarimasū irirosū āārīmi”, ārī ĩāka!

¹⁸ ‘Diyeta musārē werea. Musā Marīpu ũmugasigue āārīgú dorerosūta: “I ũmugwere āsū waabirikõāburo”, ārīmakū, irire waabirimakū irigukumi. Musā ĩgū dorerosūta: “I ũmugwere āsū waaburo”, ārīmakū, irire waamakū irigukumi.

¹⁹ ‘Gajidere musārē werea. Musā pērā surōsū gūñarī merā: “Āsū Marīpure sērērā!” ārīmakū, Yupu ũmugasigue āārīgú musā sērērōsūta irigukumi. ²⁰ Pērā, o urerā yure buremurā nerēmakū, yude ĩgūsā watopegue āārā, ārīmi Jesús.

²¹ Irasū ārīmakū pégu, Pedro Jesús puro ejanugā, āsū ārī sērēñami ĩgūrē:

—Yu opu, ¿diikugora yaagu yure ĩgū ñerō irimakū kātigukuri? ¿Su mojõma pere gaji mojõ peru pērēbejarigora ĩgū yure ñerō irimakū kātigukuri? ārīmi.

²² Jesús ĩgūrē yujumi:

—“Su mojõma pere gaji mojõ peru pērēbejarigora ĩgū yure ñerō irimakū kātigukoa”, ārībirikõāka! ĩgū ñerō irinariku kātika! ārīmi.

Jesús sugu moāboerimasū ĩgū merāmu ñerō irideare kātidabi keori merā buedea

²³ Irasū ārī odo, keori merā buemi guare Jesús:

—Irasiriro Marīpu ũmugasigue āārīgú ĩgūyarārē doreri āsū āārā. Sugu opu ĩgūrē moāboerimasārē ĩgūsā ĩgūrē wajamorīrē wajaridorekumi. ²⁴ ĩgūsā ĩgūrē wajamorīrē āmunugāripoe gajerā ĩgūyarā sugu wáro wajamogūrē ĩgū puro āīakuma. ²⁵ ĩgū wajorīrē wajarimasībirimakū ĩāgū, ĩgū opu ĩgūyarārē: “ĩgūrē, ĩgū marāpore, ĩgū pūrārē ĩgū opari āārīpereri merā gajerāguere duarā waaka!” ārīkumi. “Irasirigu ĩgūsārē duari waja merā ĩgū yure wajorīrē wajarigukumi”, ārīkumi.

²⁶ Irasū ārīmakū pégu, wáro wajamogū gapu ñadukupuri merā ejamejā, ĩgū opure buro sērēkumi: “Yu opu, guare gajerāguere duabirikõāka! Yúka dapa! Bopoñaka yure! Murē yu wajorīrē āārīpererire wajaripeokõāgukoa”, ārīkumi.

²⁷ Irasū ārīmakū pégu, ĩgūrē bopoñarī merā ĩā, ĩgūrē wiukumi. “ĩgū wajorodea pereakõāa”, ārī, irire kātipeokõākumi. ²⁸ ĩgū irasiriadero puru, wáro wajorodi waa, gajigu ĩgū merāmu ĩgū opure moāboerimasūrē bokajakumi. ĩgū merāmu gapu ĩgūrē mérõgā wajorokumi. ĩgūrē bokajagu, mata ĩgūya wānugūrē buro ñeā: “Murīgora, yure mu wajorōrē wajoripurumuka!” ārīkumi.

²⁹ ĩgū irasū ārīmakū, ĩgū merāmu gapu ñadukupuri merā ejamejā, ĩgūrē buro sērēkumi: “Yúka dapa! Bopoñaka yure! Murē yu wajorōrē āārīpererire wajaripeokõāgukoa”, ārīkumi. ³⁰ ĩgū buro sērēmakū pékeregū, ĩgūrē yujubirikumi. Irasirigu ĩgūrē peresugue iridorekumi. “Yure ĩgū wajorōrē wajaripeomakūgue wiuka!” ārīkumi.

³¹ Wáro wajorodi ĩgūrē mérõgā wajorogūrē irasirimakū ĩārā, gajerā moāboerimasā buro bujawereri merā ĩgū iriadea āārīpererire ĩgūsā opure wererā waakuma. ³² Irire pégu, ĩgūsā opu wáro wajorodire siiu, āsū ārīkumi: “Mu ñetaria. Mu yure buro sērēmakū,

m̄u ȳure wajamodeare k̄atipeokōābu. ³³ Ȳu irasirikerep̄u, m̄u gap̄u m̄u merām̄urē ĩgū m̄urē m̄erōgā wajamodeare k̄atibirayuro. M̄u ȳure wajamodeare ȳu k̄atiderosūta ĩgū m̄urē wajamodeadere m̄u k̄atimakū ōātariboakuyo. ¿Nasirigu ĩgūrē bopoñabirari m̄u?” ārikumi.

³⁴ 'Irasū āri odo, ĩgū merā b̄uro guagu, ĩgūrē peresu irikumi b̄uro wajamoādoge. ĩgū wajamorīrē wajaripeobi neō wiribirikumi, āri weremi Jesús.

³⁵ P̄u āsū ārinemomi:

—Ȳu ūm̄ugasigue āārīgū m̄usārē irasūta wajamoāgukumi, m̄usāyarā ĩgūsā m̄usārē ñerō irideare m̄usā ōārō merā k̄atibirimakū, ārimi.

19

Jesús masakare: “M̄usā marāposā nomerē béobirikōāka!” āri buedea (Mr 10.1-12; Lc 16.18)

¹ Jesús irire wereadero p̄u, Galilea nikūgue āārādi gua ĩgū buerā merā Judea nikūgue waa, dia Jordán wāik̄adiya gaji koep̄ugue waami. ² Irogue waamakū ĩārā, wārā masaka ĩgūrē t̄uyama. Irasirigu irogue p̄ur̄irik̄ārē taumi.

³ Irasirimakū ĩārā, surāyeri fariseo bumarā Jesús p̄uro eja, ĩgūrē ñerī ĩgū werenimakū irid̄uarā, s̄erēñama:

—¿Sugu masakū ĩgū gāāmerō ĩgū marāpore béomakū, marī doreri āārīkuri? ārima.

⁴ Jesús ĩgūsārē ȳjumi.

—¿Marīp̄uya werenīrī gojadea p̄urē buebiriri m̄usā? Āsū āri gojasūdero āārībú: “Neōgoraguere Marīp̄u i ūm̄urē irigu, ūm̄u, nomeō iridi āārīmī”, āri gojasūdero āārībú.

⁵ Āsū āri gojanemosūdero āārībú doja: “Sugu ūm̄u ĩgū pagusāmarārē wiri, ĩgū marāpo merā āārīgukumi. Irasirirā ĩgūsā p̄erā āārīkererā, Marīp̄u ĩūrō su dup̄ta irirosū āārīrākuma”, āri gojasūdero āārībú. ⁶ Irasirirā p̄erā irirosū āārībema. Su dup̄ta irirosū āārīma. Marīp̄u ĩgūsārē su dup̄ta irirosū āārīmakū iridero p̄u, gajigu ĩgūsārē gāme béomakū iribirikōārō gāāmea, ārimi Jesús.

⁷ ĩgū irasū ārīmakū p̄erā, fariseo bumarā s̄erēñama doja:

—M̄u irasū ārīkerep̄u, Moisés gap̄u āsū āri gojadi āārīmī: “Sugu ĩgū marāpore béod̄agu: ‘I waja merā m̄urē béoa’, āri gojari p̄urē s̄irō gāāmea”, āri gojadi āārīmī. ¿Nasirigu irasū āri gojayuri? ārima.

⁸ Jesús ĩgūsārē ȳjumi:

—M̄usā ñekūsāmarā Marīp̄u dorerire irid̄uabirimakū ĩāgū: “M̄usā marāposā nomerē béomasīa”, āri gojadi āārīmī Moisés. ĩgū irasū āri gojakerep̄u, neōgoragueta Marīp̄u m̄usā marāposā nomerē béomakū gāāmebiridi āārīmī. ⁹ M̄usārē werea. Sugo marāp̄uk̄ugo gajigu merā ñerō iribirikerep̄u, igo marāp̄u gap̄u igore béo, gajegore marāpok̄ugu, igo merā ñerō irigu yāmi. Gajigu béodeore marāpok̄uḡude igo merā ñerō irigu yāmi, ārimi.

¹⁰ ĩgū irasū ārīmakū p̄erā, gua ĩgū buerā ārīb̄u:

—ĩgūsā marāposā nomerē béo, gajego merā āārīmakū ōābea. Irasirirā marāpo marīmakū ōābokoa, ārīb̄u.

¹¹ Jesús guare ȳjumi:

—Āārīpererā masaka marāpo, o marāp̄u marīrāta āārībokatīūbirikuma. Marīp̄u marāpok̄udorebirinerā, o marāp̄uk̄udorebirinerā dita bokatīūmasīma. ¹² Surāyeri ūma marāpok̄umasībema. ĩgūsā watopegue surāyeri ūma deyoarāgueta poyarimasā āārīnerā nomerē marāpok̄umasībema. Masaka gajerā ūmarē marāpok̄umasībirimakū yāma. Gajerā ūma, Marīp̄u ūm̄ugasigue āārīgū ĩgūyarārē doreguya direta irid̄uarā marāpok̄ubema. Irasirirā marāpo, o marāp̄u marīrā āārībokatīūd̄uarā, āsūta āārīnīkōāburo, ārimi Jesús.

Jesús majrāya āārīburire Marīp̄ure s̄erēbosadea (Mr 10.13-16; Lc 18.15-17)

13 Pw̄u masaka majĩrãrẽ Jesús pw̄o ãijama, ãgũsãrẽ ñapeo, Marĩpw̄e ãgũsãya ããrĩburire sërẽbosadorerã. ãgũsã ãijamakũ ãrãrã, gwa ãgũ buerã ãgũsãrẽ bokatĩrĩ: “ãgũrẽ garibobirikõãka!” ãrĩbũ. 14 Jesús gapũ gw̄are ãrĩmi:

—Majĩrã yũ pw̄ogue aariburo. Kãmutabirikõãka ãgũsãrẽ! Ũmũgasigue Marĩpw̄e ãgũyarãrẽ dorerogue ããrĩmurã, ãsã majĩrã yũre usũyari merã bokatĩrĩñeãrã irirosũ ããrĩma, ãrĩmi.

15 Irasirigũ majĩrãrẽ ñapeo, Marĩpw̄e ãgũsãya ããrĩburire sërẽbosa odo, gajerogue waakõãmi doja.

*Sugũ maamũ wãri doebiri opagũ Jesús merã werenídea
(Mr 10.17-31; Lc 18.18-30)*

16 Pw̄u sugũ maamũ Jesús pw̄ogue eja, ãgũrẽ sërẽñami:

—Õãgũ buegũ, yũ ãmũgasigue perebiri okari opadũagũ, ¿ñeéno õãrĩrẽ irigũkuri? ãrĩmi.

17 Jesús ãgũrẽ ãrĩmi:

—¿Nasirigũ yũre: “Õãgũ ããrã”, ãrĩrĩ? Marĩpw̄e sugũta õãgũ ããrĩmi. Mũ ãmũgasigue perebiri okari opadũagũ, Marĩpw̄e dorerire irika! ãrĩmi.

18 ãgũ irasũ ãrĩmakũ pégu, maamũ ãsũ ãrĩ sërẽñami doja:

—¿Dĩ gapũre irigũkuri? ãrĩmi.

Jesús ãgũrẽ yũjũmi:

—Masakare wẽjẽbirikõãka! Gajigũ marãpo merã ñerõ iribirikõãka! Yajabirikõãka! Gajerãyamarẽ ãrĩgatori merã werebirikõãka! 19 Mũpw̄e, mũpore gopeyari merã bũremuka! Mũ basi maĩrõsũta mũ pw̄o ããrĩrãrẽ maĩka! ãrĩmi.

20 ãgũ irasũ ãrĩmakũ, maamũ Jesũre ãrĩmi doja:

—Iri doreri ããrĩpererire majĩgũgueta neõ tarinũgãbiribũ yũ. ¿Ñeéno dũyari, yũre yũ irinemoburi? ãrĩmi.

21 Jesús ãgũrẽ ãrĩmi:

—Mũ, Marĩpw̄e ãrĩrõ ãgũ dorerire iripeodũagũ, mũ oparire duagũ waaka! Mũ duadea wajare boporãrẽ sĩka! Irasirigũ ãmũgasiguere wãri õãrĩ opagũkoa. Irasiri odo, yũ merã aarika! ãrĩmi.

22 ãgũ irasũ ãrĩmakũ pégu, maamũ ãgũ wãri oparire maĩsĩã, bũro bũjawereri merã waakõãmi.

23 ãgũ bũjawereri merã waamakũ ããgũ, Jesús gw̄are ãgũ buerãrẽ ãrĩmi:

—Diayeta mũsãrẽ werea. Wãri doebiri oparãrẽ Marĩpw̄e ãmũgasigue ããrĩgũ ãgũyarãrẽ doreroguere waamakũ diasagorã. 24 Mũsãrẽ dupaturi werea. Camellu awiru gobegãrẽ ñajãtariweremasĩbirikumi. I nemorõ wãri doebiri opagũre Marĩpw̄e ãgũyarãrẽ doreroguere waamakũ diasã, ãrĩmi.

25 ãgũ irasũ ãrĩmakũ pérã, gwa ãgũ buerã pégũka, ãsũ ãrĩ gãme sërẽñabu:

—Iro merẽ, ¿noã gapũ Marĩpw̄e tausũmurã ãgũ pw̄ogue waamurã ããrĩbokuri? ãrĩbũ.

26 Jesús gw̄are ãã, ãrĩmi:

—Masaka ãgũsã basi ãgũsã iriri merã Marĩpw̄e pw̄ogue waamasĩbema. Marĩpw̄e dita masakare ãgũ pw̄o ããrĩmurã waamakũ irimasĩmi. ããrĩpererire irimasĩmi, ãrĩmi.

27 ãgũ irasũ ãrĩmakũ pégu, Pedro ãgũrẽ ãrĩmi:

—Gwa Opũ, gwa mũrẽ tũyarã, ããrĩpereri gwa opadeare pípeokõãbũ. Irasirirã gwa gapũ, ¿ñeénorẽ oparãkuri? ãrĩmi.

28 Jesús gw̄are ãsũ ãrĩ yũjũmi:

—Diayeta mũsãrẽ werea. I ãmũ peredero pw̄u ããrĩpereri maama gorawayuripoe yũ ããrĩpererã tĩgũ ãmũgasi gosewasirirogue Opũ doarogue doagũkoa. Yũ iro doamakũ, mũsãde yũre tũyarã, pe mojóma pere su gubu peru pẽrẽbejari oparã doarigue doarãkoa. Irasirirã mũsã Israel bumarãrẽ pe mojóma pere su gubu peru pẽrẽbejari buri marãrẽ dorerãkoa. 29 Yũ merã waarã, ãgũsãya wiirire, ãgũsã pagũpũrãrẽ, pagũsãmarãrẽ, pũrãrẽ, ãgũsãya pooerire pípeorã, wãri õãrĩ wajatarãkuma. ãgũsã iro dupuyuro opaderosũ cien

nemorō opanemorākuma. Irasū āārīmakū Marīpu merā perebiri okari oparākuma. ³⁰ Wārā daporare oparā āārīrā, p̄r̄uḡuere ubu āārīrā dujarākuma. Wārā daporare ubu āārīrā gap̄u, p̄r̄uḡuere oparā āārīrākuma, ārī weremi Jesús ḡuare ĩḡū buerārē.

20

Jesús igui poee moārā keori merā buedea

¹ Irasiriḡu dupaturi Jesús keori merā buemi doja:

—Marīpu ūm̄uḡasigue āārīḡū ĩḡūyarārē doreri āsū āārā. Suḡu igui poee op̄u boyo-dujimejāripoe ĩḡūya poeere moām̄urārē siiuḡu waakumi. Āsū ārīkumi: ² “Sun̄u moārī waja suti niyeru ti wajariḡura”, ārīkumi ĩḡūsārē. P̄r̄u ĩḡūsārē ĩḡūya poeegue moādoreḡu iriukumi. ³ P̄r̄u goeripoe dupuyuro nueve hora āārīmakū, makā dekogue waa, gajerā moārī opamerārē bokajakumi. ⁴ ĩḡūsārē bokaja, ārīkumi: “M̄usāde yaa poeere moārā waaka! Keoro wajariḡura”, ārīkumi. Irasirirā ĩḡūya poeegue moārā waakuma. ⁵ P̄r̄u poee op̄u goeripoe āārīmakū, ñamika tres hora āārīmakūdere gajerārē moādorekumi doja. ⁶ P̄r̄u ñamikague cinco hora āārīmakū, makā dekogue waakumi doja. Irogue eja, gajerā moārī opamerārē bokaja, ĩḡūsārē sērēñakumi: “¿Nasirirā dapagārē moābirikererā doaneākōārī m̄usā?” ārīkumi. ⁷ “Neō suḡu ḡuare: ‘Moārā waaka!’ ārībirami”, ārī yujukuma. Irasiriḡu poee op̄u ĩḡūsārē: “M̄usāde yaa poeere moārā waaka! Keoro wajariḡura”, ārīkumi. Irasirirā ĩḡūsāde ĩḡūya poeere moārā waakuma.

⁸ ‘Abe ñajāripoeḡe āārīmakū, poee op̄u ĩḡūya poeere siu moāḡūrē āsū ārīkumi: “Moārārē siu, moārā ejatūnunerārē wajarip̄rori, ĩḡūsā ejaburi dupuyuro ejanerārē wajari odo, ejap̄rorianerārē wajaritūnuka!” ārīkumi. ⁹ Irasiriḡu, cinco hora āārīmakū moān̄uḡānerārē sun̄u moārī wajataropā suti niyeru ti wajarikumi. ¹⁰ ĩḡū irasū wajarimakū ĩārā, moāp̄rorianerā: “ḡua gap̄uere ĩḡūsā nemorō wajariḡukumi”, ārī ḡūñadikuma. ĩḡūsādere s̄urosūta wajarikōākumi. ¹¹ Irasū wajarimakū ĩārā, poee op̄u merā gua, ĩḡūrē ārīkuma: ¹² “Īsā ḡua p̄r̄uḡue ejanerā gap̄u su horata moāama. ḡua gap̄u sun̄u oārō moāneākōāb̄u. B̄uro abe asiripoe moāb̄u. ḡua irasū moāneākerep̄ru, s̄urosū wajarikōāb̄u m̄u”, ārīkuma. ¹³ ĩḡūsā irasū ārīmakū p̄ḡu, poee op̄u gap̄u suḡu ĩḡūsā watope āārīḡūrē ārīkumi: “Ȳu merām̄u, ȳu m̄urē ñerō iriḡu meta yāa. Ȳu m̄urē: ‘Suti niyeru ti wajariḡura’, ārīmakū p̄ḡu: ‘Jáu’, ārāb̄u m̄u. Irasiriḡu ȳu ārāderosūta m̄urē keoro wajariab̄u. ¹⁴ Irasiriḡu ȳu wajariadeare āi, waakōāka! Īrē m̄u p̄r̄uḡue ejadidere m̄urē wajariaderopāta wajariḡura. ¹⁵ I yaa niyeru āārā. Irasiriḡu ȳu ḡāāmerō wajarimasā. Gajerārē ȳu oārō sīmakū ĩāḡū, ḡȳure ĩāturiri m̄u?” ārīkumi poee op̄u.

¹⁶ ‘I keori ārīrōsūta Marīpu ĩḡūyarā āārīp̄rorinerārē, ĩḡūsā p̄r̄u ĩḡūyarā āārīrādere s̄urosū oārīrē sīḡukumi, ārī weremi Jesús ḡuare.

Dupaturi Jesús ĩḡū boaburire weredea

(Mr 10.32-34; Lc 18.31-34)

¹⁷ Jesús Jerusalén waarī maague waagū, ḡuare pe mojōma pere su gubu peru p̄r̄eḡejarā ĩḡū buerārē gajerā p̄berogue siiuwāḡā, ārīmi:

¹⁸ —Oārō péka! Marī Jerusalēḡue waarā yāa. Irogue ȳu āārīpererā t̄ḡū, paía oparāḡuere, irasū āārīmakū Moisés gojadea buerimasāḡuere wiasūḡukoa. ĩḡūsā ȳure: “Boaburo”, ārīrākuma. ¹⁹ Irasirirā judío masaka āārīmerāḡuere ȳure wiarākuma. ĩḡūsā ȳure burida, tārā, curusague pábiatú wējērākuma. ĩḡūsā ȳure wējēadero p̄r̄u, uren̄u waaró merā masāḡukoa, ārīmi Jesús.

Santiago, Juan pago Jesúre sērēdea

(Mr 10.35-45)

²⁰ P̄r̄u Zebedeo marāpo igo p̄r̄ā Santiago, Juan merā Jesús p̄rogue eja, ĩḡūrē sērēbo ñaduk̄upuri merā ejamejāmo.

21 Igo irasirimakū, Jesús igore sērēñami:

—¿Ñeénorē gāāmerī m̄? ārīmi.

Igo ĩgūrē yujumo:

—M̄, Op̄ ñajāgū, ĩsā ȳ pūrā pērārē m̄ merā doremurā sóoka! Suḡare m̄ diaye gap̄, gajiḡare kúgap̄ doadoreka! ārīmo Jesúsre.

22 Igo irasū ārīmakū pégu, Jesús igo pūrārē ārīmi:

—M̄sā ȳre sērērīrē pēmasībea. Ȳ buro ñerō tariḡakoa. ¿Ȳ ñerō tarirosū m̄sāde ñerō tarirā, bokatīūrākuri? ārīmi.

Īgūsā yujuma:

—Bokatīūkōārākoa, ārīma.

23 Jesús ĩgūsārē ārīmi:

—Diayeta āārā. Ȳ irirosū m̄sāde ñerō tarirākoa. Ȳ gap̄ m̄sārē ȳ diaye, kúgap̄ doamurārē beyemasībea. Ȳp̄ āmusiadi āārīmī irire. Irasirirā ĩgū beyenerā dita ȳ diaye, kúgap̄ doarākuma, ārīmi.

24 Ḡa pe mojōmarā ĩgū buerā gap̄ Santiago, Juan ĩgūsā Jesúsre sērērīrē pérā, ĩgūsā merā guab̄. 25 Ḡa guamakū ĩāgū, Jesús āārīpererārē ḡare siiu need, āsū ārī weremi:

—I nikū marā oparā Marīp̄re b̄remumerā gap̄ ĩgūsāyarārē dorerā, turaro merā dorema. Īgūsā doka marāde irasūta dorema. Irire masīa m̄sā. 26 M̄sā tamerā ĩgūsā irirosū iribirikoa. M̄sā watopeguere op̄ āārīduagu, m̄sārē moāboegu irirosū āārīburo.

27 Suḡ m̄sā watopegue āārīgā, gajerā nemorō āārīduagu, moāboegu irirosū āārīburo.

28 Ȳde irasūta āārā. Ȳ āārīpererā tīgū masaka ȳre iritamuburo, ārīgū meta aaribú. Ȳ gap̄ ĩgūsārē iritamugū aaribú. Irasiriḡ wārā masakare ȳ boari merā ĩgūsā ñerō iridea wajare wajaribosagu aarigū irib̄, ārīmi Jesús ḡare.

Jesús pērā koye ĩāmerārē taudea

(Mr 10.46-52; Lc 18.35-43)

29 P̄r̄ Jericógue āārānerā ḡa wirimakū, wārā masaka Jesúsre t̄yama. 30 Ḡa waarí maa turo, pērā koye ĩāmerā doama. Jesús iro tariwāgārīrē péñarā āsū ārī gainíma:

—Ḡa Op̄, David parāmi āārīturiagu, ḡare bopoñaka! ārīma.

31 Īgūsā irasū ārī gainímakū, masaka gap̄ ĩgūsārē: “Toeaka!” ārīma. Īgūsā irasū ārīkerep̄r̄, ĩgūsā gainíadero nemorō gainínemoma:

—Ḡa Op̄, David parāmi āārīturiagu, ḡare bopoñaka! ārīma.

32 Īgūsā irasū ārīmakū pé, Jesús dujanugāja, ĩgūsārē siiu, āsū ārī sērēñami:

—¿Ñeénorē ȳ m̄sārē irimakū gāāmerī? ārīmi.

33 —Ḡa Op̄, ḡare koye ĩāmakū irika! ārī yujuma.

34 Īgūsā irasū ārīmakū, Jesús ĩgūsārē bopoña, ĩgūsāya koyere moāñami. Īgū moāñamakūta, ĩākōama. Irasirirā Jesúsre t̄yama.

21

Jesús Jerusalēgue ejadea

(Mr 11.1-11; Lc 19.28-40; Jn 12.12-19)

1 Ḡa Jesús merā Jerusalēgue ejaburo dupuyuro Betfagé wāikuri makāgue ejar̄orib̄. Betfagé, buúru Olivos wāikuri buúru p̄ro āārībú. Jesús irogue ejaḡ, ḡa merāmarā pērārē 2 āsū ārī iriumi:

—Si makā marī bokatīūrō āārīrī makāgue waaka! Irogue ejarā, burra ĩgūsā sianúadeore majīgū merā bokajarākoa. Īgūsārē bokajarā, ĩgūsā siadeadare kura, ārīka! 3 M̄sārē: “¿Nasirimurā ĩgūsārē kurari?” ārīmakū pérā: “Marī Op̄ gāāmeami. Dapora wiagukumi doja”, ārīka! ārī iriumi.

⁴ Ire irasũ irigũ, Marĩpũya kerere weredupuyudi gojaderosũta irimi. Āsũ āĩ gojadi āārĩmĩ:

⁵ Jerusalén marārē āsũ āĩ wereka: “Mũsā Sión* marā ĩāka! Mũsā Opũ mũsā pũrogue mũsārē iritamugũ aarĩmi.

Ubu āārĩgũ irirosũ burra majĩgũ weka peyawāgārimi”, āĩ gojadi āārĩmĩ.✧

⁶ Irasirirā Jesús iriuanerā iri makāgue waa, ĩgũ iridoreaderosũta iriñurā. ⁷ Burrore, pago merā Jesús pũrogue āĩjamakũ, gũaya surĩ wekamarē túwea, ĩgũsā weka peobũ. Gũa irasiriadero pũrũ, Jesús, majĩgũ wekague mũrĩbejami. ⁸ Mũrĩbeja, Jesús Jerusalēgue peyawāgāmakũ ĩārā, masaka wārā ĩgũsāya weka sãnarĩ surĩre túwea āĩ, ĩgũ waarĩ maarē sēõpĩdupuyuma ĩgũrē buremurā. Irasũ āārĩmakũ, gajerā yuku dupũri pũrikũre diti āĩ, maarē pĩdupuyuma, ĩgũ waarĩ maa õārĩ maa āārĩburo, ārĩrā. ⁹ Irasirirā ĩgũ dupuyuro waarā, ĩgũ pũrũ tũyarā āsũ āĩ gainĩma:

—Opũ David parāmi āārĩturiagũre usũyari sĩrā! ĩĩ Marĩpũ marĩrē taugũ iriudi õārõ aariburo. Marĩpũre: “Õātaria mũ āārĩpererā Opũ ũmũgasigue āārĩgũ”, āĩ, usũyari sĩrā! ārĩma.

¹⁰ Jesús Jerusalēgue ejamakũ, irogue āārĩrā ĩāgũkapereakõāma. Wārā ĩgũsā basi āsũ āĩ gāme sērēñama:

—¿Noā āārĩrĩ ĩĩ? ārĩma.

¹¹ Gajerā masaka yũjũma ĩgũsārē:

—Ĩĩ Marĩpũya kerere weregũ Jesús wāĩkũgũ āārĩmi. Galilea nikũma makā Nazaretmũ āārĩmi, ārĩma.

Jesús Marĩpũya wiigũe duarārē béowiudea

(Mr 11.15-19; Lc 19.45-48; Jn 2.13-22)

¹² Pũrũ Jesús Marĩpũya wiigũe ñajāmi. Ñajāa, doebiri duarārē, ĩgũsā duarire wajarirādere bokajagũ, ĩgũsārē béowiumi. Niyeru gorawayurimasāya niyeru sãnarĩ kũmarĩrē yomeéwiunokõāmi. Bujare dua doanĩrāya doaripēĩdere irasũta irimi. ¹³ ĩgũsārē āsũ ārĩmi:

—Marĩpũ ĩgũya werenĩrĩ gojadea pũgue āsũ ārĩdi āārĩmĩ: “Yaa wii, yũre buremurā yũre sērērĩ wii āārā”, ārĩdi āārĩmĩ. Mũsā gapũ yajarimasāya wii irirosũ āārĩmakũ yāa, ārĩmi.

¹⁴ Jesús Marĩpũya wiigũe āārĩripoe koye ĩāmerā, waamasĩmerāde ĩgũ pũrogue ejama. ĩgũsā ejamakũ ĩāgũ, ĩgũsārē taumi. ¹⁵ Paĩa oparā, Moisés gojadeare buerimasā gapũ ĩgũ turari merā iri ĩmumakũ ĩārā, iri wiigũe majĩrā ĩgũrē: “Opũ David parāmi āārĩturiagũ õātaria mũ”, ārĩ gainĩmakũ pérā, ĩgũ merā guama. ¹⁶ Irasirirā Jesũre āsũ ārĩma:

—¿ĩĩsā majĩrā ārĩrĩrē pėri mũ? ārĩma.

Jesús yũjũmi:

—Pėa. ¿Marĩpũya werenĩrĩ gojadea pũrē ire buebiriri mũsā? Āsũ ārĩ gojasũdero āārĩbũ: Mũ majĩrārē, mirĩrāgārē õārõ usũyari merā mũrē bayapeomakũ iribũ, ārĩ gojasũdero āārĩbũ, ārĩmi Jesús ĩgũsārē.✧

¹⁷ Irasũ ārĩ odo, ĩgũsārē béowāgā, Betania wāĩkũri makāgue waakõāmi. Irogue eja, kārĩmi.

Jesús higueraagũre ñaĩnũgāmakũ iridea

(Mr 11.12-14, 20-26)

¹⁸ Gajĩnũ boyoripoe Jesús Jerusalēgue goedujāagũ, ũaboakõāmi. ¹⁹ Irasũ ũaboagũ, maa tũro nĩdi higuera wāĩkũdire ĩāgũ, irigũ dukare āmagũ waadimi. Dũka marĩbũ irigũ gapũ. Pũrĩ dita āārĩbũ. Dũka marĩmakũ ĩāgũ, Jesús āsũ ārĩmi:

—Igũ yukũ neõ dupaturi dukakũbirikoa, ārĩmi.

Ĩgũ irasũ ārĩrĩ merāta, irigũ ñaĩnũgākõābũ. ²⁰ Irigũ irasũ waamakũ ĩārā, gũa ĩgũ buerā ĩāgũkakõābũ.

* **21:5** Zacarías 9.9: Iripoegue marā Jerusalén wāĩkũri makārēta “Sión” ārĩnerā āārĩmā. ✧ **21:5** Zac 9.9 ✧ **21:16** Sal 8.2

—¿Nasiro mata irigu ñaĩakõãrĩ? ãrĩ sêrêñabu Jesúre.

²¹ Jesús gũare yujumi:

—Diayeta mũsãrê werea. Mũsã: “Marĩpu ãsũ irimasĩbirikumi”, ãrĩ gũñarõ marĩrõ ãgũrê bũremurã, yũ irigũre ñaĩmakũ iriaderosũ mũsãde irimasĩrãkoa. Irigũre yũ iriadero nemorõ diasarire irimasĩrãkoa. Irasirirã Marĩpũre: “I buúrure dia wádiyague béoka!” ãrĩmakũ, mũsã ãrĩrõsũta waarokoa. ²² Mũsã Marĩpũre bũremurĩ merã sêrêmakũ, mũsã sêrêrõsũta Marĩpu mũsãrê irigũkumi, ãrĩmi Jesús.

*Judío masaka oparã Jesúre: “¿Noã murê doreri?” ãrĩ sêrêñadea
(Mr 11.27-33; Lc 20.1-8)*

²³ Pũru Jesús Marĩpũya wiigũe ñajãmi. Ñgũ irogũe bueripoe paía oparã, gajerã judío masaka murã Ñgũ pũrogũe waa, Ñgũrê sêrêñama:

—¿Noã murê doreri, mũ irire irasirimakũ? ¿Noã murê: “Ãsũ irika!” ãrĩrĩ? ãrĩma.

²⁴ Jesús Ñgũsãrê yujumi:

—Yũde mũsãrê sêrêñagũra. Mũsã yujumakũ, yũde mũsãrê yujugũra. ²⁵ Juan masakare deko merã wãiyemakũ, ¿noã Ñgũrê wãiyedoregũ iriuri, Marĩpu, o masaka? ãrĩmi.

Ñgũ irasũ ãrĩmakũ pérã, Ñgũsã basi ãsũ ãrĩ gãme wereníma:

—¿Naásũ ãrĩ yujurãkuri marĩ? “Marĩpu Juãrê doredi ããrĩmĩ”, marĩ ãrĩmakũ, Jesús marĩrê: “¿Nasirirã Ñgũ weredeare bũremubiriri mũsã?” ãrĩbokumi. ²⁶ ããrĩpererã masaka: “Juan Marĩpũya kerere weredupuyudi ããrĩmĩ”, ãrĩ gũñama. Marĩ: “Masaka Juãrê wãiyedorenerã ããrĩmã”, ãrĩmakũ, masaka marĩ merã guabokuma, ãrĩma. ²⁷ Irasirirã Jesúre ãsũ ãrĩ yujuma:

—Juãrê wãiyedoredire gũa masĩbea, ãrĩma.

Ñgũsã irasũ ãrĩmakũ, Jesús Ñgũsãrê ãrĩmi:

—Mũsã yũre: “¿Noã murê irire iridoreri?” ãrĩ sêrêñadeare yũde mũsãrê yujubea, ãrĩmi.

Jesús sugũ pũrã pũrã keori merã buedea

²⁸ Jesús irasũ ãrĩ odo, Ñgũsãrê keori merã buemi:

—¿Naásũ ãrĩ gũñarĩ, yũ ãsũ ãrĩ weremakũ pérã? Sugũ pũrã pũrã opakumi. Sugũre ãsũ ãrĩkumi: “Makũ, igũi otedea poogue moãgũ waaka!” ãrĩkumi. ²⁹ “Waabea”, ãrĩ yujukumi. Pũru: “Waagũra”, ãrĩ gũña, poogue moãgũ waakumi. ³⁰ Pũru Ñgũsã pagũ gajigũ Ñgũ magũ pũro waakumi. Ñgũ ãrãderosũta Ñgũdere: “Poogue moãgũ waaka!” ãrĩkumi. Ñgũ: “Jáũ”, ãrĩkeregũ, waabirikumi. ³¹ ¿Níũ gapũ pagũ dorerire iriyurĩ? ãrĩ sêrêñami Jesús.

—Ñgũ moãdorepũroriadi gapũ iriyurũ, ãrĩ yujuma.

Ñgũsã irasũ ãrĩmakũ, Jesús ãrĩmi:

—Mũsãrê diayeta werea. Mũsã romano marã opũre niyeru wajaseabosarimasãrê, ãma merã gãmebira wajatarimasã nomerê: “Ñerã ããrĩma”, ãrĩkerepũru, Ñgũsã gapũ mũsã nemorõ Marĩpu Ñgũyarãrê dorerogũre waarãkuma. ³² Juan masakare wãiyedi mũsãrê: “Ãsũ irika, Marĩpu dorerire irirã!” ãrĩ buegũ aarikerepũru, mũsã Ñgũ buerire neõ bũremubiribũ. Ñsã romano marã opũre niyeru wajaseabosarimasã, ãma merã gãmebira wajatarimasã nome gapũ Ñgũ buerire pérã, irire bũremuma. Ñgũsã irasirimakũ ããkererã, mũsã gapũ mũsã ñerõ iririre bũjawere, mũsã gũñarĩrê neõ gorawayubiribũ. Ñgũ buerire neõ bũremubiribũ, ãrĩmi Jesús.

*Jesús ñerã moãrã keori merã buedea
(Mr 12.1-12; Lc 20.9-19)*

³³ Jesús dupaturi ãsũ ãrĩ werenemomi:

—Gaji keori merã yũ weremakũ péka doja! Sugũ masakũ Ñgũya nikũrê pooe opakumi. Iri poore iguidarire otekumi. Ote odo, iri poore tũrore sãrĩsãkõãkumi. Iro ãtãyegũ igũĩ kũrabipiri gobere irikumi. Wii ãmarĩ wiigãrê irikumi, iri poore korerã õãrõ ãã

koreburo, ārīgū. Irasiri odo, gajerārē iri pooere wayukumi. “Yaa oteri dukare deko merā sīrākoa, yu musārē iri pooere wayuri waja”, ārikumi. Irasū ārī odo, gajerogue waakōākumi. ³⁴ Puru igui nīripoe ejamakū, ĩgūrē moāboerārē ĩgūya pooere moārā purogue ĩgūya oteri dukare deko merā sērēdoregū iriukumi. ³⁵ Iri pooere moārā gapu ĩgū iriuanerā irogue ejamakū ĩārā, ĩgūsārē ñerō irikuma. Sugure buru pá, gajigure wējē, gajigure ütāyeri merā deakuma. ³⁶ ĩgūsā irasiriadeare pégu, iri poe opu gajerā ĩgūrē moāboerārē ĩgū iriupurorianerā nemorō iriukumi. ĩgūsā ejamakū ĩārā, iri pooere moārā ĩgūsādere irasūta ñerō irikuma doja.

³⁷ ĩgūsā irasiriadero puru, poe opu ĩgū magūrē iriukumi. “Yu magū gapure buremurākuma”, ārī gūñadikumi. ³⁸ Iri pooere moārā gapu ĩgū magū ejamakū ĩārā, ĩgūsā basi āsū ārī gāme wereníkuma: “Ī purugure i pooere opabu āārīmi. ĩgūrē wējēkōārā! Irasirirā marī basi i pooere oparākoa”, ārikuma. ³⁹ Irasirirā ĩgūrē ñeā, poe turogue āiwāgā, wējēbéokōākuma, ārīmi Jesús.

⁴⁰ Irasū ārī odo, judío masaka oparārē sērēñami:

—Iri pooere moārā ĩgū magūrē wējēadero puru, poe opu irogue ejagu, ¿nasirigukuri ĩgūsārē? ārīmi.

⁴¹ ĩgūrē yujuma:

—ĩgūsā ñerārē bopoñarō marīrō wējēkōāgukumi. Puru gajerārē ĩgūya pooere wayugukumi. ĩgūsā gapu ĩgū igui oteri dukare deko merā ĩgūrē sīrākuma, ārīma.

⁴² ĩgūsā irasū ārīmakū, Jesús āsū ārīmi ĩgūsārē:

—¿Musā Marīpuya werenīrī gojadea pūrē ire buebiriri? Āsū ārī gojasūdero āārībú: Suye ütāye wii iririmasā ĩgūsā béoadeaye merā gajigu gapu oārō turari wii irigukumi. Marīpu irasiridi āārīmí. Marī ĩgū irasirideare ĩārā: “Oātaria”, ārī gūñāa, ārī gojasūdero āārībú.✧

⁴³ Irasirigu musārē werea yu. Marīpu ĩgūyarārē dorerogue āārīmurārē ĩgū oārī sīrīrē musārē sībirikumi. Musārē ĩgū sīboadeare gajerā ĩgū dorerire irirā gapure sīgukumi. ⁴⁴ Sugu i ütāye weka meémejāgū, matākōāgukumi. I ütāye gapu ĩgū weka meébejaro, ĩgūrē oārī pogagāgue meémutūbéokōārokoa, ārīmi Jesús. ((Jesús i keori merā weregu: “Sugu yure gāāmebi wajamoāsūgukumi”, ārīgū irimi.))

⁴⁵ Paía oparā, fariseo bumarā iri keori merā Jesús irasū ārī weremakū pérā: “Marīrē ārīgū irasū ārikumi”, ārīñurā. ⁴⁶ Irasirirā ĩgūrē ñeāduadiñurā peresu irimurā. Irasū ñeāduakererā, āsū ārī gūñañurā: “Masaka Jesúre: ‘Marīpuya kerere weredupuyugu āārīmi’, ārīma”, ārīñurā. Irasirirā ĩgūsārē gūisīā, Jesúre ñeāmasībiriñurā.

22

Jesús sugū mojōsiari bosenu iriri keori merā buedeā

¹ Jesús dupaturi gaji keori merā ĩgūsārē buenemomi. Āsū ārīmi:

² —Marīpu ũmugasigue āārīgū ĩgūyarārē doreri āsū āārā. Su nikū marā opu ĩgū magū mojōsiari bosenu irikumí. ³ Irasirigu opu ĩgūrē moāboerārē: “Yu magū mojōsiari bosenu ĩārā aarika!” ĩgū ārīnerārē siiudoregū iriukumi. ĩgūsā siimakū ĩgūsā gapu: “Waabea”, ārikōākuma. ⁴ Irasirigu opu gajerā ĩgūrē moāboerārē iriukumi doja. “Yu siiunerārē āsū ārī wererā waaka: ‘Yure moāboerārē yaarā wekure, gajerā yaarā ejojā oārō diikurārē wējēdoresiabu. Āārīpereri yu magū mojōsiari bosenu baaburi āmu odosiabu. Irasirirā: Bosebaarā aarika!’ ārī wereka ĩgūsārē!” ārī iriukumi. ⁵ ĩgū siiunerā gapu irire pékererā, bosenu ĩārā waabirikuma. Sugu ĩgūya poeegue waakōā, gajigu ĩgū moārīrē ĩāgū waakōākumi. ⁶ Gajerā gapu opure moāboerārē ñeā, pá, wējēbéokōākuma. ⁷ ĩgūsā irasiririre pégu, opu buru guakumi. Irasirigu ĩgūyarā surarare iriukumi, ĩgūsārē

✧ 21:42 Sal 118.22-23

wějēanerārē wajamoãdoregu. Irasirirã ĩgũyarã surara ĩgũsãrē wějēpeokõã, ĩgũsãya makãrē soebéokõãkuma. ⁸ Pũũ opũ gajerã ĩgũrē moãboerãrē ãsũ ãrĩkumi: “Yũ magũ mojjõsiari bosenu marē ãmusiabu. Yũ siuunerã gapũ ñerã ããrĩsĩã, aaribirikuma. ⁹ Irasirirã ããrĩpererã makã dekoma maarĩgue ããrĩrãrē musã bokajarãrē siurã waaka!” ãrĩkumi. ¹⁰ ĩgũ irasũ ãrĩmakũ, ĩgũrē moãboerã waa, ããrĩpererã ĩgũsã bokajarãrē: ñerãrē, õãrãrē siu, opũya wiigue ãĩakuma. Irasirirã, ĩgũ bosenu iriri taribure uturiakõãkuma.

¹¹ Pũũ opũ ĩgũsãrē ĩãgũ ñajãgũ, sugũre mojjõsiari bosenu ma surĩro sãñabire ĩãkumi. ¹² Irasirigũ ĩgũrē ãsũ ãrĩ sērēñakumi: “Yũ merãmu, ¿nasirigũ mojjõsiari bosenu ma surĩro sãñabirikeregu, ñajãriari mu?” ãrĩkumi. ĩgũ irasũ ãrĩ sērēñamakũ pégũ, ĩgũ gapũ yujubirikumi. ¹³ ĩgũ yujubirimakũ ĩãgũ, opũ ĩgũrē moãboerãrē ãsũ ãrĩkumi: “Ĩrē ñeã, ĩgũya mojjõrĩrē, guburidere sia, ãi wiria, naĩtĩãrõgue ĩgũrē béorã waaka! Irogue bũro pũrĩsũgũ ĩgũya guikare kũrĩduútũ oregukumi”, ãrĩkumi, ãrĩ weremi Jesús.

¹⁴ Irasũ ãrĩ odo, ãsũ ãrĩnemomi:

–Ĩĩ opũ keori irirosũ Marĩpũ wãrã siiukerepũũ, ĩgũ beyerã gapũ mérãgã ããrĩma, ãrĩmi.

Romano marã opũ masakare niyeru wajasearire Jesúre sērēñadea
(Mr 12.13-17; Lc 20.20-26)

¹⁵ Jesús irasũ ãrãdero pũũ, fariseo bumarã waakõãma. ĩgũrē weresãduarã: “Ĩgũrē diaye yujubirimakũ irimurã ire sērēñarã!” ãrĩ gãme werenĩñurã. ¹⁶ Irasirirã surãyeri ĩgũsã buerire tũyarãrē, Herodeya bumarã merã Jesús pũrogue iriũñurã. ĩgũsã Jesús pũrogue ejarã, ĩgũrē ãrĩma:

–Buegu, gũa mu iririkũrire masĩa. Mu ãrĩgatoro marĩrõ werenĩa. “¿Naásũ gũñarĩ masaka yũre?” ãrĩ gũñarõ marĩrõ Marĩpũyare diayeta ĩgũsãrē buea. Oparãrē, ubu ããrĩrãdero ããrĩpererãrē sũrosũta ĩãa. ¹⁷ Irasirigũ gũare wereka! ¿Naásũ gũñarĩ mu? Romano marã opũ marĩrē niyeru wajasearire marĩ wajarimakũ, ¿õãgorari, o õãberi? ãrĩma Jesúre.

¹⁸ Jesús gapũ ĩgũsã ĩgũrē ñerõ iridũarire masĩsĩã, ãsũ ãrĩmi:

–Irigatorikũrã ããrã musã. ¿Nasirirã yũre ñerõ yujumakũ iridũari musã? ¹⁹ Niyeru tire musã romano marã opũre wajarihuri tire ãĩrika! ãrĩmi.

Ĩgũ irasũ ãrĩmakũ pérã, sunũ moãrĩ waja wajataropã wajakũri tire ãĩãma. ²⁰ ĩgũsã iri tire ãĩjamakũ, ĩgũsãrē sērēñami:

–I tiguere, ¿noãya diapu keori, noãya wãĩ tuuyari? ãrĩmi.

²¹ –Romano marã opũya diapu keori, ĩgũya wãĩta tuuyãa, ãrĩ yujuma.

Ĩgũsã irasũ ãrĩmakũ pégũ, Jesús ĩgũsãrē ãsũ ãrĩmi:

–Iro merē romano marã opũya ããrĩrĩrē ĩgũrē sĩka! Marĩpũya gapũre Marĩpũre sĩka! ãrĩmi.

²² ĩgũ irasũ ãrĩmakũ pérã, pégũka, ĩgũrē piriwãgãkõãma.

Saduceo bumarã, Marĩpũ boanerãrē masũburire Jesúre sērēñadea
(Mr 12.18-27; Lc 20.27-40)

²³ Irinũrẽta surãyeri saduceo bumarã Jesús pũrogue ejama. ĩgũsã: “Masaka boanerãgue masãbirikuma”, ãrĩ bũremurã ããrĩmã. Irasirirã Jesúre ãsũ ãrĩma:

²⁴ –Buegu, Moisés ãsũ ãrĩdi ããrĩmĩ: “Sugũ marãpokũdi pũrã marĩkeregu ĩgũ marãpore boaweomakũ, ĩgũ pagũmu igore dúunorẽgũkumi. Irasirirã, igo merã ĩgũ pũrãkũrã, ĩgũ tĩgũ dagũ pũrã irirosũta ããrĩrãkuma”, ãrĩdi ããrĩmĩ. ²⁵ Iripoegue gũa watopeguere sugũ pũrã su mojjõma pere gaji mojjõ peru pērẽbejarã ããrĩunanerã ããrĩmã. ĩgũsã tĩgũ gapũ marãpokũ, pũrã marĩgũta boakõãyupũ. Irasirigũ ĩgũ dagũ dokamũta ĩgũ marãpo ããrĩdeore dúunorẽyupũ. ²⁶ ĩgũde ĩgũ tĩgũ dagũ irirosũta pũrã marĩgũta boakõãyupũ. ĩgũsã pérã dokamũde pũrã marĩgũta boakõãyupũ. Irasũ dita pũrã marĩrãta boapereakõãñurã.

²⁷ ĩgũsã pũũ ĩgũsã marãpode boakõãyupo pama. ²⁸ ĩgũsã su mojjõma pere gaji mojjõ

peru pērēbejarā ũma āārīpererā igore marāpokũñurā. Irasirirā boanerā masāmakũ, ¿niño marāpogora āārīgokuri? ārī sērēñama.

²⁹ Jesús ĩgũsārē yujumi:

—Mũsā diaye gũñabea. Marĩpũya werenĩrĩ gojadeare, Marĩpũ turaridere masĩbea.

³⁰ Boanerā ĩgũsā masādero pũrũ, ĩgũsā ũmũgasigue Marĩpũre wereboerā irirosũ āārĩrākuma. Iroguere marāpokũbirikuma. ĩgũsā pũrā nomedere nomesubirikuma.

³¹ ¿Marĩpũya werenĩrĩ gojadea pũgue boanerā ĩgũsā masāburire mũsā buebiriri? Āsũ ārĩdi āārĩmĩ: ³² “Yũ Abraham, Isaac, Jacob Opũ āārā”, ārĩdi āārĩmĩ. Irasirirā ĩgũsā boanerā āārĩkererā, Marĩpũ merā okarā āārĩma. Irasirigũ Marĩpũ okarā Opũ āārĩmĩ. Boanerā neõ dupaturi masābirikõāmũrā Opũ āārĩbemi, ārĩmĩ Jesús.

³³ ĩgũ irasũ ārĩmakũ pérā, masaka: “Õārõ buemi”, ārĩ péguakakõāma.

*“¿Dĩ gapũ Marĩpũ doreri gajĩ doreri nemorõ āārĩrĩ?” ārĩ sērēñadea
(Mr 12.28-34)*

³⁴ Jesús saduceo bumarārē ĩgũsā ĩgũrē sērēñanemomasĩbirimakũ iririre pérā, fariseo bumarā nerēma. ³⁵ Irasirigũ sugũ ĩgũsā merāmũ, Moisés gojadeare buerimasũ Jesũre diaye yujũbirimakũ iridũaguũ, āsũ ārĩ sērēñami:

³⁶ —Buegũ, ¿dĩ gapũ Marĩpũ doreri gajĩ doreri nemorõ āārĩrĩ? ārĩmĩ.

³⁷ Jesús ĩgũrē yujumi:

—Mũya yujũpũrā merā, mũ āārĩrikuri merā, āārĩpereri mũ gũñarĩ merā Marĩpũre mũ Opũre maĩka! ³⁸ I doreri, gajĩ nemorõ āārĩtarinũgārĩ āārā. ³⁹ I doreri pũrũma āsũ ārā: “Mũ basi maĩrõsũta mũ pũro āārĩrārē maĩka!” ⁴⁰ Marĩ i pe dorerire irirā, āārĩpereri Moisés doredeare, Marĩpũya kerere weredupuyunerā buedeare irirā yāa, ārĩmĩ Jesús.

*“¿Noã parāmi āārĩturiagu āārĩrĩ Cristo?” ārĩ sērēñadea
(Mr 12.35-37; Lc 20.41-44)*

⁴¹ Fariseo bumarā iroguere nerēanerā āārĩripoe Jesús ĩgũsārē sērēñami:

⁴² —¿Naāsũ gũñarĩ mũsā Cristo, Marĩpũ iriudire? ¿Noã magũ āārĩrĩ ĩgũ? ārĩmĩ.

—Cristo, David parāmi āārĩturiagu āārĩmĩ, ārĩ yujũma.

⁴³ ĩgũsā irasũ ārĩmakũ péguũ, Jesús ĩgũsārē ārĩmĩ:

—David, Cristo ñekũ āārĩkeregũ, ¿nasirigũ Õāgũ deyomarĩgũ ĩgũrē weredorederosũta Cristore: “Yũ Opũ āārĩmĩ”, ārĩyuri? David āsũ ārĩ gojadi āārĩmĩ:

⁴⁴ Marĩpũ yũ Opũre āsũ ārĩmĩ: “Õõ, yũ diaye gapũ doaka, yũ merā dorebu!

Irasirirĩpoe mũrē ĩaturirārē mũ dorerire tarinũgānemobirimakũ irigũra”, ārĩmĩ.*

⁴⁵ David, Cristo ñekũ āārĩkeregũ, ĩgũrē: “Yũ Opũ āārĩmĩ”, ārĩdi āārĩmĩ. ¿Nasirigũ, Cristo, David parāmi āārĩturiagu āārĩkerepũrũ, David ĩgũrē irasũ ārĩyuri? ārĩmĩ Jesús.

⁴⁶ ĩgũ irasũ ārĩrĩrē pérā, neõ ĩgũrē yujũmasĩbirima. Irasirirā gũirā, ĩgũrē dupaturi sērēñanemobirima.

23

*Jesũ fariseo bumarārē, Moisés gojadeare buerimasārē ĩgũsā ñerõ iririre werede
(Mr 12.38-40; Lc 11.37-54; 20.45-47)*

¹ Pũrũ Jesús masakare, gũa ĩgũ buerādere ārĩmĩ:

² —Moisés gojadeare buerimasā, fariseo bumarā, Marĩpũ Moisére doreri pídeare: “Āsũ ārĩdũaro yāa”, ārĩ wererā āārĩma. ³ Irasirirā ĩgũsā wererire õārõ iritũyaka mũsā! ĩgũsā iririkuri gapũre ĩākũbirikõāka! ĩgũsā wererosũta iribema. ⁴ Masakare dorerā: “Āsũ irika!” ārĩrā, ĩgũsārē gajino bũro nũkũrĩ kõātārĩrā irirosũ āārĩmakũ yāma. Masaka ĩgũsā dorerire bokatĩũbirikerepũrũ, ĩgũsārē neõ iritamubema, ĩgũsā dorerire iriburo, ārĩrā.

* 22:44 Sal 110.1

⁵ 'Masaka iāmakū dita ōārīrē iri ĩmuma. Marīpuya werenírī ĩgūsā gojadea pūrī sārī kūmarīgā gajerāya nemorō eyari kūmarīgārē ĩgūsāya diapuserorire, ĩgūsāya dukaridere siatúma, masaka ĩgūsārē: “Marīpuyare ōārō masĭma”, ārīdorerā. Irasū āārīmakū, ĩgūsāya dipuru peyari gasirore gajerāya nemorō yoari yuradari opari gasirire peyama, masaka ĩgūsārē: “Marīpure b̄remutarima”, ārīdorerā. ⁶ Bosenurī āārīmakū, oparā doarigue dita doadumama. Marī nerērī wiiriguedere ñajārā, ōārī doaripērīgue dita doadumama. ⁷ Makā dekoguere masakare ōārō b̄remurī merā ĩgūsārē bokatīrī ōādoremakū gāāmema. Gajerārē ĩgūsārē: “Ḡuare buerā āārīma”, ārīmakū gāāmema.

⁸ ĩgūsā irasū ārīkerepuru, musā gapu masakare: “Musā guare buerā āārā”, ārīdorebirikōāka! Musā sugu pūrāta āārā. Yu musārē buegu suguta āārā. ⁹ I ūmuguerē neō sugu masakare: “Ḡuapu āārīmi”, ārībirikōāka! Ūmugasigue āārīgú dita Marīpu āārīmi*. ¹⁰ Neō sugu musā watopegue āārīgūrē: “Marī opu āārīmi”, ārībirikōāburo. Yu, Marīpu iriudi Cristo, suguta musā Opu āārā. ¹¹ Musā watopegue āārīgú gajerā nemorō āārīgú, musārē moāboerimasū irirosū musārē iritamugū āārīgukumi. ¹² Sugu ĩgū basi: “Gajerā nemorō āārā”, ārī gūñagūnorē Marīpu ĩgūrē ubu āārīgú dujamakū irīgukumi. Gajigu: “Gajerā nemorō āārībea”, ārī gūñagū gapure Marīpu ĩgūsā opu āārīmakū irīgukumi.

¹³ 'Musā Moisés gojadeare buerimasā, fariseo bumarā irigatorikurā āārā. Musā bueri merā masakare ūmugasigue Marīpu ĩgūyarārē dorerogue waabonerārē kāmutarā yāa. Musāde iroguere waabirikoā. Gajerā iroguere waaduarādere kāmūtāa. Irasirirā ñerō tarirākoa.

¹⁴ 'Musā Moisés gojadeare buerimasā, fariseo bumarā irigatorikurā āārā. Wapiweyarā nome wajamomakū iā, ĩgūsāya wiirire ēmanokōāa. ĩgūsārē bopoñabirikererā, yoaripoe Marīpure sērē ĩmugatoa, masaka musārē: “Marīpure ōārō b̄remuma”, ārīburo, ārīrā. Irasirirā ñerō tarirākoa. Marīpu musārē gajerā nemorō wajamoāgukumi.

¹⁵ 'Musā Moisés gojadeare buerimasā, fariseo bumarā irigatorikurā āārā. Dia wádiyague taribuja, yoaroma makārīgue musā buerire t̄yabure āmarā waāa. ĩgūrē boka, musā bueri merā ĩgūrē musā nemorō perebiri peamegue waabu āārīmakū yāa. Irasirirā ñerō tarirākoa.

¹⁶ 'Musā koye iāmerā gajerārē t̄ādupuuyuwāgāmasīmerā irirosū masakare Marīpuyare keoro buebea. Irasirirā ñerō tarirākoa. ĩgūsārē āsū ārī buea: “Sugu: ‘Marīpuya wii merā āsū irigura’, ārī wāipeodeare iribirimakū, waja opabemi”, ārā. Idere āsū ārī buea: “Gajigu: ‘Marīpuya wiima oro merā āsū irigura’, ārī wāipeodeare iribirimakū, waja opami”, ārā.

¹⁷ Koye iāmerā irirosū Marīpuyare diaye gūñamerā, pémasīmerā āārā musā. Marīpu ĩgūya wiire, iri wiima oro nemorō ōārī āārītarinugāmakū yāmi. Irasirigu marīrē, ¿dí gapure b̄remurī merā gūñamakū gāāmerī, orore, o ĩgūya wii gapure? ¹⁸ Musā idere āsū ārī buea: “Sugu: ‘Marīpuya wiima soepeoro merā āsū irigura’, ārī wāipeodeare iribirimakū, waja opabemi”, ārā. Idere āsū ārī buea: “Gajigu: ‘Iri soepeoro weka peodea merā āsū irigura’, ārī wāipeodeare iribirimakū, waja opami”, ārā. ¹⁹ Koye iāmerā irirosū Marīpuyare diaye gūñamerā, pémasīmerā āārā musā. Marīpu ĩgūya wiima soepeorore, marī iro weka peodea nemorō ōārī āārītarinugāmakū yāmi. Irasirigu marīrē, ¿dí gapure b̄remurī merā gūñamakū gāāmerī, soepeorore, o iro weka peodea gapure? ²⁰ Irasirigu sugu: “Marīpuya wiima soepeoro merā āsū irigura”, ārī wāipeogu, āārīpereri iri soepeoro weka peyari merādere wāipeogu irikumi. ²¹ Sugu: “Marīpuya wii merā āsū irigura”, ārī wāipeogu, Marīpu iri wiigū āārīgú merādere wāipeogu irikumi. ²² Sugu: “Ūmugasima merā āsū irigura”, ārī wāipeogude, Marīpu iroguere Opu doarogue doagu merādere wāipeogu irikumi.

²³ 'Musā Moisés gojadeare buerimasā, fariseo bumarā irigatorikurā āārā. Irasirirā ñerō tarirākoa. Musā oteri mutārīgā: menta, anís, comino wāikuri baari morērīnorē sea neō, dukawa, pe mojōma diruri irikoa. Sudiru Marīpuya wiigū āākoa, ĩgū dorerire

* **23:9** Jesús irire ārīgú: “I ūmuguerē neō sugu masaku Marīpu āārīnīgā irirosū mámi”, ārīgū irimi.

irimurã. Irasirikererã, iri nemorõ õãrĩ gapure iribeã. Diayema iririre, gajerãrẽ bopoñarĩ merã ããrĩrẽ, Marĩpũre bũremurĩrẽ neõ iribeã. Irasirirã mũsã oterire Marĩpũre sĩduũro marĩrõ diayemadere irika! Gajerãrẽ bopoñaka! Marĩpũre bũremuka! ²⁴ Koye ããmerã gajerãrẽ tũãdupuyuwãgãmasĩmerã irirosũ masakare Marĩpũyare keoro buebeã. ããrĩpereri mũsã doreri gapure irikererã, iri nemorõ doreri gapure neõ iribeã.

²⁵ 'Mũsã Moisés gojadeare buerimasã, fariseo bumarã irigatorikũrã ããrã. Irasirirã ñerõ tarirãkoa. Mũsã masaka ãũrõgue dita õãrõ irirã, soropa weka gapũ dita õãrõ koeadeapa irirosũ ããrã. Irasirirã mũsã basi wãri opadũarã gajerãyare yajarã, iripa poekague koeña marĩrĩpa gurari utariripa irirosũ ããrã. ²⁶ Mũsã fariseo bumarã, koye ããmerã irirosũ, Marĩpũyare pẽmasĩmerã ããrã. Irasirirã mũsã gũñarĩrẽ gorawayupũrorika, soropa poeka gapure õãrõ koeadeapa irirosũ ããrĩmurã. Irasirirã, soropa weka gapũdere õãrõ koeadeapa irirosũ ããrĩrãkoa.

²⁷ 'Mũsã Moisés gojadeare buerimasã, fariseo bumarã irigatorikũrã ããrã. Irasirirã ñerõ tarirãkoa. Mũsã masãgoberi irirosũ ããrã. Masaka, iri masãgoberire ãtã majĩrĩ boreri merã õãrõ wũkãdea majĩrĩ merã biamakũ ããrã: “Õãrõ deyoa”, ãrĩ ããma. Iri õãrõ deyokerepũrũ, poekague boanerãya gõãrĩ, ããrĩpereri ñerĩ boadeã sãñãkoa. ²⁸ Mũsãde i irirosũta ããrã. Masaka mũsãrẽ ããmakũ, õãrã irirosũ ããrã. Irasũ ããrĩkererã, poekague mũsã gũñarĩguere ñerĩrẽ opataria. Irasirirã irigatorikũrã, ñerõ iririkũrã ããrã.

²⁹ 'Mũsã Moisés gojadeare buerimasã, fariseo bumarã irigatorikũrã ããrã. Irasirirã ñerõ tarirãkoa. Mũsã, iripoegue marã Marĩpũya kerere weredupuyunerãya masãgoberire õãrõ ãmua. Gajerã õãrõ irinerãya masãgoberi weka weanũdeadere õãrõ ãmua. ³⁰ ãmu odo, ãsũ ãrĩ werenĩã: “Marĩ ñekũsãmarã darã Marĩpũya kerere weredupuyunerãrẽ wẽjẽnerã ããrĩmã. Gũã ãgũsã ããrĩdeapoeque ããrĩnerã tamerã ãgũsãrẽ wẽjẽtamubiribokuyo”, ããrã. ³¹ Mũsã irire irasũ ããrĩrã, mũsã basita: “Gũã Marĩpũya kerere weredupuyunerãrẽ wẽjẽnerã parãmerã ããrĩturiarã ããrã”, ããrĩrã yãã. ³² Irasirirã mũsã ñekũsãmarã ñerõ iripũroriwãgãriderosũta iriyuwarikũkõãka mũsãde!

³³ 'Mũsã ñerõ iririkũrã ããrã irirosũ ããrã. Mũsã ñerõ iriri waja Marĩpũ mũsãrẽ peamegue bẽoburire neõ duribirikõã. ³⁴ Irasirigũ yũ mũsã pũroque Marĩpũya kerere weredupuyurãrẽ, ãgũyare masĩrãrẽ, mũsãrẽ buerimasãdere iriugũra. Yũ irasũ iriukerepũrũ, mũsã gapũ surãyerire wẽjẽrãkoa. Gajerãrẽ curusague pãbiatũ wẽjẽrãkoa. Gajerãrẽ mũsã nerẽrĩ wiirigue tãrã, noõ ãgũsã waarĩ makãrĩ waamakũ tũyagorenarãkoa ãgũsãrẽ ñerõ iridũarã. ³⁵ Irasirirã ããrĩpererã masaka õãrãrẽ wẽjẽdea waja, mũsã waja opãã. Mũsã ñekũsãmarã Abel diayemarẽ iridire wẽjẽpũroriwãgãrĩrã, Zacarĩas Berequĩas magũguere wẽjẽtũnunerã ããrĩmã. ãgũrẽ Marĩpũya wiima soepeoro Marĩpũ ããrĩrĩ taribu watopegue wẽjẽnerã ããrĩmã. ³⁶ Diayeta mũsãrẽ wereã. ããrĩpererãrẽ ãgũsã wẽjẽdea waja dapora marã wajakũrãkuma.

Jesús Jerusalén marãrẽ bũjawereri merã weredeã
(Lc 13.34-35)

³⁷ 'Mũsã Jerusalén marã, Marĩpũya kerere weredupuyurãrẽ wẽjẽkõãã. Marĩpũ iriunerãrẽ ãtãyeri merã deã wẽjẽã. Wãri yũ mũsãrẽ ãgãbo igo pũrãrẽ igoya kẽdupũri merã neeõnũrõsũ neeõnũ koredũadibũ. Mũsã gapũ yũ irasũ irimakũ neõ gããmebiribũ. ³⁸ Irasiriro mũsã ããrĩrĩ makã, bẽodeã makã dujarokõã. ³⁹ Diayeta mũsãrẽ wereã. Dapora merãta mũsã yũre ããnemobirikõã. Pũrũgue mũsã: “Marĩpũ iriudi õãtarigũ ããrĩmi, õãrõ aariburo”, ããrĩrãgue, yũre dupaturi ããrãkoa doja, ããrĩmi Jesús.

24

Jesús: “Marĩpũya wii bẽosũrokoa”, ããrĩ weredeã
(Mr 13.1-2; Lc 21.5-6)

¹ Jesús Marĩpũya wiigũ ããrãdi wiriadero pũrũ, gũã ãgũ buerã ãgũ pũro wãã, ããsũ ããrĩbũ:

—Ĩaka i wiire! Ōārī wii, wári wii āārā, ārībũ.

² Jesús gapũ yujumi:

—Musā i wiire daporare ĩādāa. Diayeta musārē werea. I wiima āārīpereri musā ĩādea, i ūtāyeride mutādiwapereakōārokoa. Neō suye ūtāye gajiyē weka weamūrīadeade dujabirikoā, ārīmi.

Jesús: “I ūmũ pereburi dupuyuro āsũ waarokoa”, ārī weredeā

(Mr 13.3-23; Lc 21.7-24; 17.22-24)

³ Pũũ Olivos wāikũri buúrugue eja, irogue doami Jesús. Iro ĩgũ doamakũ, gũā ĩgũ buerā ĩgũ pũrogue eja, gajerā péberogue sērēñabũ:

—Guare wereka! ¿Naásũ āārīmakũ, mũ ārāderosũ waarokuri? ¿Ñeeno iri ĩmugukuri, mũ dupaturi aarigũ? ¿Naásũ waarokuri, i ūmũ pereburi dupuyuro? ārībũ.

⁴ Jesús yujumi:

—Ōārō pémasĩka! Gajerā musārē ārīgatorire pébirikōāka! ⁵ Wárā ārīgatorimasā aarirākuma. “Marĩpũ iriudi, Cristo āārā yũ”, ārīrākuma. ĩgũsā ārīgatomakũ pérā, wárā masaka ĩgũsārē bũremurākuma. ⁶ Masaka musā pũro gāmewējērĩrē pérā, yoarogue marā gāmewējērĩ kerere pérā, gũkabirikōāka! Irasũta waarokoa. Irasũ waakererũ, i ūmũ pereburo dũyarokoa dapa. ⁷ Su bumarā gaji bumarā merā gāmekēārākuma. Su nikũ marā gaji nikũ marā merā gāmewējērākuma. Masaka wárā ūaboari merā boarākuma. Gajerā pũrĩrikũ ñerō tarirākuma. Wári makārĩguere nikũ ñomerokoa. ⁸ I āārīpereri merā masaka ñerō taripũroriwāgārīrākuma.

⁹ Irasirirā gajerā musārē ñeā, āĩa, oparāguere ñerō iridorerā wiarākuma. Musārē wējērākuma. Yũre bũremurĩ waja āārīpererā i ūmũ marā musārē ĩāturi doorākuma. ¹⁰ Irasũ waaripoe wárā yũre bũremuadinerā bũremuduúrākuma. Irasirirā gāme ĩāturi doo, ĩgũsā merāmarā āārādinerārē ĩgũsārē ĩaturirāguere wiarākuma. ¹¹ Wárā: “Marĩpũya kerere weredupuyurimasā āārā”, ārīgatorākuma. Irasirirā wárā masaka ĩgũsārē bũremurākuma. ¹² Masaka iro dupuyuro ñerō iridero nemorō ñerō irirākuma. Irasirirā wárā ĩgũsā gāme maĩrĩrē pirirākuma. ¹³ ĩgũsā musārē ñerō irikererũ, musā yũre neō bũremuduúbirimakũ, Marĩpũ musārē taugũkumi, ĩgũ pũro āārīnĩkōāburo, ārīgũ. ¹⁴ Marĩpũyare wererā āārīpererā i ūmũ marārē ĩgũyarārē doregũ āārĩrĩ kerere wererākuma, āārīpereri bumarā irire masĩburo, ārĩrā. ĩgũsā āārīpererā iri kerere péperedero pũ, i ūmũ pererokoa.

¹⁵ Iripoegue Marĩpũya kerere weredupuyudi Daniel i ūmũ pereburo dupuyuro waaburire āsũ ārĩ gojadi āārĩmĩ: “Ñegũ Marĩpũre ĩaturĩgu Marĩpũya wii ñerĩ marĩrĩ wiigue ñajāgũkumi”, ārĩ gojadi āārĩmĩ. ((Irasirirā iri wiigue ĩgũ āārĩmakũ ĩārā, i pũrē buerāno: “I ūmũ pereburo yāa”, ārĩ masĩrākuma.)) ¹⁶ Ñegũ irogue āārĩmakũ ĩārā, Judea nikũ marā buurĩgue ūmaduriburo. ¹⁷ Sugũ ĩgũya wii wekague āārĩgũ, wii poekague ĩgũyare āĩgũ ñajābita ūmaduriburo. ¹⁸ Sugũ ĩgũya poegue āārĩgũde, ĩgũya surĩre wiigue āĩgũ dujáabita ūmaduriburo. ¹⁹ Irasũ waarĩnrĩrē nijĩpagosā nome, ĩgũsā pũrā mirĩrāgā oparā nomede ñerō tarirākuma. ²⁰ Irasirirā Marĩpũre āsũ ārĩ sērēka: “Puĩbũre, siuñajārĩnũ* āārĩmakũ, guare i irasũ waabirikōāburo”, ārĩka ĩgũrē! ²¹ Irasũ waarĩnrĩrē masaka bũro ñerō tarirākuma. Marĩpũ i ūmũrē iripũroridero pũrũre masaka ñerō taridero nemorō ñerō tarirākuma. I ĩgũsārē ñerō waaburi neō dupaturi irasũ waanemobirikoā. ²² Irasirĩgu Marĩpũ masakare i ñerō waarĩre: “Yoaripoe waabirikōāburo”, ārĩgũkumi. ĩgũ irasiribiri-makũ, neō sugũ masakũ taribiribokumi. Irasirĩgu ĩgũ beyenerārē bopoñasĩā, ĩgũsārē ñerō waarĩre: “Iropāta waaburo”, ārĩgũkumi.

²³ Gajerā musārē: “Ĩaka! Ōōta Cristo āārĩmĩ”, ārĩmakũ pérā, o gajerā musārē: “Cristo sōōgue āārāmi”, ārĩmakũ pérā, bũremubirikōāka! ²⁴ Wárā ārīgatorimasā aarirākuma. Surāyeri: “Yũ Cristo āārā”, ārīrākuma. Gajerā: “Marĩpũya kerere weredupuyurimasũ

* 24:20 Judío masaka siuñajārĩnũ, sábado āārā.

ãārã”, ãrĩrākuma. Mũsārē ĩgũsã ãrĩgatorire bũremudorerã, wãri gajino iri ĩmurākuma. Irasirikererã, Marĩpũ beyenerãrē ĩgũrē bũremuduũmakũ irimasĩbirikuma. ²⁵ Iri waaburi dupuyuro yũ mũsãrē weresiãã, irire masĩburo, ãrĩgũ. ²⁶ Irasirirã gajerã masaka mũsãrē: “Cristo sũo masaka marĩrũgũe ããrãmi”, ãrĩmakũ pãrã, ĩãrã waabirikũãka! Gajerã mũsãrē: “Ĩãka! I wiima taribugũe ããrĩmi”, ãrĩmakũ pãrã, ĩgũsãrē bũremubirikũãka! ²⁷ Yũ ããrĩpererã tĩgũ gũñaña marĩrũ i mũmũgũe dupaturi aarigũkoa. Ũmarũgũe, abe mũrĩiro gapũ, ĩgũ ñajãrũ gapũ bupu miãrũ irirosũ aarigũkoa. ²⁸ Mĩmũa nerẽmakũ ĩãrã, masaka sugũ waĩbu boadi ããrĩrũrẽ masĩkuma. I irirosũ yũ aarimakũ ĩãrã, ĩgũsã wajamoãũburire masĩrākuma, ãrĩ weremi Jesũs.

Jesũs ããrĩpererã tĩgũ: “Ãsũ aarigũkoa”, ãrĩ weredeã
(Mr 13.24-37; Lc 21.25-33; 17.26-30, 34-36)

²⁹ Irasũ ãrĩ odo, gũare ãsũ ãrĩnemomi:

—Masaka ñerũ taririnũrĩ pũrũta abe mũmũmũ naĩtĩãkũãgũkumi. Abe ñamimũ boy-onemobirikumi. Neñũkã mũmũgasĩgũe ããrĩrã yuridijarĩrãkuma. Ũmarũgũe marã turarãde naradari merã bẽosũrãkuma. ³⁰ Irasũ waarĩpoere masaka yũ ããrĩpererã tĩgũ mũmũgasĩgũe merã aarimakũ ĩãrãkuma. Irasirirã ããrĩpereri i mũmũma makãrĩ marã yũ wãri Marĩpũ turari merã, ĩgũ gosewasiriri merã mikãyebori weka aarimakũ ĩãrã, gũirã orerãkuma. ³¹ Yũ aarĩgũ, yũre wereboerãrē ããrĩperero i mũmũguere iriugũkoa. Puridĩru bũro bũsũmakũ, ĩgũsã yũ beyenerãrē ããrĩpererogũe ããrĩrãrē neẽrãkuma.

³² Ire mũsã masĩburo, ãrĩgũ, hĩgueragũ keori merã weregũra. Irĩgũ pũ maamamakũ ĩãrã: “Bojori waaburo mẽrũgã dũyãã”, ãrĩ masĩã. ³³ Irĩgũ waarũsũta i ããrĩpereri yũ ãrĩrĩ irasũ waamakũ ĩãrã: “Cristo dupaturi aariburo mẽrũgã dũyãã”, ãrĩ masĩrãkoa. ³⁴ Diayeta mũsãrē wereã. I ããrĩpereri yũ ãrĩrĩ, dapora marã pereburo dupuyuro irasũ waarokoa. ³⁵ Ũmũgasi, i nikũde pereãkũãrokoka. Yũ werenĩrĩ gapũ neũ perebirikoka. ããrĩpereri yũ ãrĩrũsũta waayũwarĩkũrokoka.

³⁶ Yũ dupaturi aarĩburĩnũrẽ, iri horare neũ sugũ masĩbirikumi. Marĩpũre wereboerã mũmũgasĩgũe ããrĩrãde masĩbema. Yũ Marĩpũ magũde masĩbeã. Yũpũ sugũta masĩmi.

³⁷ Noẽ ããrĩdeãpoe marãrẽ waaderosũta yũ ããrĩpererã tĩgũ aariburo dupuyurogãrẽ waarokoa. ³⁸ Irĩpoere i nikũ Marĩpũ miũburo dupuyuro masaka õãrũ baa, ĩĩrĩ, moĩõsia, ĩgũsã pũrã nomerẽ nomesu ããrĩrĩkũnerã ããrĩmã. Noẽsã doõdirugũe ñajãrĩnũgũedere irasũta irĩnĩkũãnerã ããrĩmã. ³⁹ Gũñaña marĩrũ merã wãro deko merẽ, i nikũ mirĩpereãkũãdero ããrĩbũ. ĩgũsãde mirĩpereãkũãnerã ããrĩmã. Irasũta yũ ããrĩpererã tĩgũde gũñaña marĩrũ merã i mũmũguere dupaturi aarigũkoa. ⁴⁰ Irasũ waarĩpoere pãrã poeogũe moãrã ããrĩrãkuma. Sugũ yũre bũremũgũ ãĩãũgũkumi. Gajĩgũ yũre bũremubi irogueta bẽowãgãũgũkumi. ⁴¹ Nomede pãrã nome ojodũka biurã ããrĩrãkuma. Sugo yũre bũremũgũ ãĩãũgũkumo. Gajego yũre bũremũbeo irogueta bẽowãgãũgũkumo.

⁴² Õãrũ pẽmasĩka! Yũ mũsã Opũ dupaturi aarĩburi horare neũ masĩbeã mũsã. ⁴³ Ire õãrũ masĩka! Wĩi opũ ĩgũya wĩire sugũ yajarĩmasũ ñami merã ejaburi horare masĩgũ, kãrĩrũ marĩrũ korekumi, ĩgũya wĩire ñajãburire kãmutabu. ⁴⁴ Yũ ããrĩpererã tĩgũ gũñaña marĩrũ aarigũkoa. Irasirirã, wĩi opũ irirosũ mũsãde yũ aarĩburire õãrũ yũro gããmeã, ãrĩmi Jesũs.

Jesũs pãrã moãboerĩmasã keori merã buedeã
(Lc 12.41-48)

⁴⁵ Pũrũ Jesũs gajĩ keori merã gũare buenemomi:

—Sugũ moãboegũ ĩgũ opũre bũremũgũ, pẽmasĩgũ ãsũ irĩkumi. ĩgũ opũ gajerogũe waagũ, ĩgũrẽ ĩgũya wĩire gajerãrẽ ĩgũrẽ moãboerãrẽ koredoregũ pĩkumi. Irasirĩgũ ĩgũrẽ ĩgũsãrẽ baarire keoro siũ baadoregũ pĩkumi. ⁴⁶ Irasirĩgũ ĩgũ opũ ĩgũya wĩi goedũjajamakũ ĩãgũ, ĩgũrẽ moãboegũ ĩgũ doredorosũta irĩdi ããrĩsĩã, mũsũyakumi. ⁴⁷ Diayeta mũsãrẽ wereã. ĩgũ pĩderosũta ĩgũ keoro irĩdeare ĩãgũ, ĩgũ opũ ĩgũrẽ ããrĩpereri ĩgũyare koredoregũ pĩgũkumi.

48-49 Īgūrē moãboegu ñegũ gapu ãsũ irikumĩ. “Yũ opu mata goebirikumi”, ãrĩ gũñagũ, gajerã ĩgũ opu moãboerãrē ñerõ pábira, mejãrikurã merã iirĩ baagorenakumi. ⁵⁰ ĩgũ irasirigorenarĩnurē gũñaña marĩrõ ĩgũ opu goejakumi. ĩgūrē moãboegu gapu: “Ĩgũ iri hora goegukumi”, ãrĩ masĩbirikumĩ. ⁵¹ ĩgũ opu goejagu ĩgūrē moãboegu ñerõ irideare pégu, ĩgūrē burõ wajamoãgukumi. Irasirigu irigatorikurãrē béorogue ĩgūrē béogukumi. Iroguere ĩgũ burõ pũrĩsũgũ ĩgũya guikare kũrĩduútũ oregukumi, ãrĩmi Jesús.

25

Jesús pe mojõmarã maamarã nome keori merã buedea

¹ Pũru Jesús dupaturi keori merã guare ãsũ ãrĩ buemi doja:

—Marĩpu ãmugasigue ããrĩgũ ĩgũyarãrē doreri ãsũ ããrã. Pe mojõmarã nóome ããrĩkuma. Su ñami ĩgũsãya sãgõri duparu merã mojõsiadi bokatĩrĩrã waakuma. ² Su mojõmarã nome sãgõri duparu ĩgũsã ãĩaburire õãrõ ãmuyubirikuma. Gajerã su mojõmarã nome gapu ĩgũsã ãĩaburire õãrõ ãmuyukuma. ³ ãmuyunerã nome ĩgũsãya sãgõri duparure ãĩakererã, ĩgũsã gorawayuburire uye ãĩabirikuma. ⁴ ãmuyurã nome gapu ĩgũsãya sãgõri duparure ãĩ, gaji uye ĩgũsã gorawayuburire ãĩakuma. ⁵ Irasirirã, mojõsiadi mata ejabirimakũ, ĩgũsãrē wuja ejamakũ kãrĩakõãkuma. ⁶ Pũru ñami deko ããrĩmakũ, gajerã masaka: “Mojõsiadi aarisiami. ĩgūrē bokatĩrĩrã aarika!” ãrĩ gainĩmakũ pékuma. ⁷ ĩgũsã gainĩmakũ pérã, yobe, ĩgũsãya sãgõri duparure ãmukuma. ⁸ Uye gorawayuburire ãĩabiranerã nome gapu, gajerã gaji uye ãĩãnerã nomerē ãsũ ãrĩkuma: “Guaya sãgõri duparu yariro yãa. Irasirirã mérõgã mũsãya uye guadere sĩka!” ãrĩ sãrẽadikuma. ⁹ ãmuyunerã nome gapu ãsũ ãrĩ yujakuma: “Guaya uye mũsãrē sĩmakũ, mũsãrē, guadere ejabiribokoa. Irasirirã uye duarã pũro mũsã basi wajarirã waaka!” ãrĩkuma. ¹⁰ Irasirirã ãmuyubiranerã nome uye wajarirã waakõãkuma. ĩgũsã waadero pũru, mojõsiadi ejakumi. ĩgũ ejamakũ ããrã, ãmuyunerã nome gapu ĩgūrē bokatĩrĩkuma. Irasirirã ĩgũ merã bosenu iriri wiigüe ããrã ñajãkõãkuma. ĩgũsã ñajãperemakũ, iri wii marã disipũrore biakõãkuma. ¹¹ Pũrugue ãmuyubiranerã nome gapu ejakuma. “Gua opu, guadere tũpãsóoka!” ãrĩkuma. ¹² ĩgũsã irasũ ãrĩmakũ pégu, mojõsiadi ãsũ ãrĩ yujakumi: “Diayeta yũ mũsãrē masĩbea”, ãrĩkumi ĩgũsã nomerē, ãrĩ weremi Jesús.

¹³ Irasũ ãrĩ odo, guare ãrĩmi:

—Yũ ããrĩpererã tĩgũ dupaturi aariburĩnurē, iri horadere neõ masĩbea mũsã. Irasirirã ãmuyunerã nome mojõsiadi bokatĩrĩrã waamurã ĩgũsãya sãgõri duparure ãmuyuderõsũ mũsãde yũ aariburire õãrõ ãmuyuka! ãrĩmi Jesús.

Jesús sugũ opu ĩgūrē moãboerãrē niyeru sĩrĩ keori merã buedea

¹⁴ Irasũ ãrĩ odo, gaji keori merã guare ĩgũ buerãrē buenemomi doja:

—Marĩpu ĩgũyarãrē doregu, sugũ wii opu irirosũ ããrĩmi. Wii opu gaji nikũgüe waabu, ĩgūrē moãboerãrē siiu, ĩgũya niyerure koredoregu pĩkumi.

¹⁵ Irasirigu, ĩgũsãrē: “Õõpã merã wajatanemorãkuma”, ãrĩ ããmasĩsã, ĩgũya niyeru wajapari tirire dukawakumi. Sugũre su mojõma tiri, gajigũre pe ti, gajigũre su ti sĩkumi. ĩgũsãrē sĩ odo, waakõãkumi. ¹⁶ Irasirigu su mojõma tiri opagu, mata iri tiri merã gajino wajari, dua, gaji su mojõma tiri wajatanemokumi. Irasirigu pe mojõma tiri opakumi. ¹⁷ Pe ti opagude irasũta gaji pe ti wajatanemokumi. Irasirigu wapikuri tiri opakumi. ¹⁸ Su ti opagu gapu yebague gobe má, iri gobegüe ĩgũ opu sãdea tire yãapĩkõãkumi.

¹⁹ Yoadero pũru, wii opu goekumi. Goeja, ĩgũya niyeru tiri merã ĩgũsã wajatanemod-eare ãmubu, ĩgūrē moãboerãrē siiukumi. ²⁰ Irasirigu su mojõma tiri sĩsũdi ĩgũ opu pũrogu eja, pe mojõma tiri ĩgūrē wiakumi. “Yũ opu, su mojõma tiri yũre sĩbu mũ”, ãrĩkumi. “Ĩãka! Iri tiri merã gaji su mojõma tiri wajatanemobũ”, ãrĩkumi ĩgũ opu. ²¹ ĩgũ irasũ ãrĩmakũ

pégũ, ìgũ opũ àrĩkumi: “Õãgoráa. Mũ yũre moãboegũ òãgũ àãrã. Yũ dorederosũta yũ mérõgã mũrẽ pídea merã òãrõ iriyo. Irasirigũ wári yaare koredoregũ pígyara. Yũ merã àãrĩgũ, usuyari merã àãrĩka!” àrĩkumi ìgũ opũ ìgũrẽ. ²² Pũrũ pe ti sĩsũdide ìgũ opũ pũrogue eja, ìgũrẽ àsũ àrĩkumi: “Yũ opũ, pe ti yũre sĩbũ mũ. Ìãka! Iri tiri merã gaji pe ti wajatanemobũ”, àrĩkumi. ²³ Ìgũ irasũ àrĩmakũ pégũ, ìgũ opũ àrĩkumi: “Õãgoráa. Mũ yũre moãboegũ òãgũ àãrã. Yũ dorederosũta yũ mérõgã mũrẽ pídea merã òãrõ iriyo. Irasirigũ wári yaare koredoregũ pígyara. Yũ merã àãrĩgũ, usuyari merã àãrĩka!” àrĩkumi ìgũ opũ ìgũrẽ.

²⁴ Pũrũ su ti sĩsũdi gapũ, ìgũ opũ pũrogue eja, ìgũrẽ àsũ àrĩkumi: “Yũ opũ, mũrẽ moãboerãrẽ bũro turaro merã moãdoregũ àãrã. Mũ basi moãbirikeregũ, ìgũsãrẽ oterire otedore, ìgũsãrẽ oteri dukare seadore, irire mũ basita opáa. Mũrẽ moãboerãya moãrĩ merã wajatarire mũ basita opáa. Irire masĩa yũ. ²⁵ Irasirigũ mũrẽ gũigũ, yebague gobe má, iri gobegue mũya niyeru tire yáapĩkõãbũ. Ìãka! I ti àãrã mũya niyeru ti”, àrĩkumi ìgũ opũrẽ.

²⁶ Ìgũ irasũ àrĩmakũ pégũ, ìgũ opũ àrĩkumi: “Mũ yũre moãboegũ ñegũ àãrã. Térìkũgũ àãrã. Mũ yũre àsũ àrã: ‘Mũ basi moãbirikeregũ, mũrẽ moãboerãrẽ oterire otedore, ìgũsãrẽ oteri dukare seadore, irire mũ basita opáa. Mũrẽ moãboerãya moãrĩ merã wajatarire mũ basita opáa. Irire masĩa yũ’, àrã mũ yũre. ²⁷ Mũ irasũ àrĩgũ, ¿nasirigũ, yũ mũrẽ sĩdea tire niyeru duripĩri wiigũ duripĩbiriri? Irogue duripĩmakũ, i wii moãrã iri ti merã wáro wajatanemobosabokuma mũrẽ. Irasirigũ, yũ goejamakũ, mũ yũre ìgũsã iriri merã wajatanemobosadeare wiaboakuyo”, àrĩkumi ìgũ opũ ìgũrẽ. ²⁸ Irasũ àrĩ odo, gajerãrẽ irogue àãrĩrãrẽ àrĩkumi: “Ìgũrẽ niyeru tire ãma, pe mojõma tiri opagũ gapũre sĩa! ²⁹ Sugũ wári opagũ sĩnemosũgũkumi. Irasirigũ ìgũ wári opadero nemorõ opagũkumi. Gajigũ opabi ìgũ mérĩgã opadideare ãmapeokõãsũgũkumi. ³⁰ Ì yũre moãboegũ keoro iribire naĩtĩãrõgue béokõãka! Iroguere bũro pũrĩsũgũ ìgũya guikare kũrĩduútũ oregũkumi”, àrĩkumi ìgũsã opũ, àrĩ weremi Jesús.

Jesús i ãmũ marãrẽ wajamoãburire weredea

³¹ Irasũ àrĩ odo, gũare àrĩnemomi:

—Yũ àãrĩpererã tĩgũ, àãrĩpererã yũre wereboerã merã i ãmũ marãrẽ doregũ aarigũ, gosewasiriri merã Opũ doarogue doagũkoa. ³² Yũ irogue doamakũ, yũre wereboerã àãrĩpereri buri marã masakare yũ diaye neeõrãkuma. Ìgũsãrẽ neeõ odomakũ, sugũ ejorã koregũ ovejare, cabrare boje dukawanúrõsũ yũ ìgũsãrẽ dukawanúgũkoa. ³³ Yũre bũremurãrẽ oveja irirosũ àãrĩrãrẽ yũ diaye gapũ nũgũkoa. Yũre bũremumerãrẽ cabra irirosũ àãrĩrãrẽ yũ kũgapũ nũgũkoa. ³⁴ Yũ irasiridero pũrũ, yũ àãrĩpererã Opũ, yũ diaye gapũ nĩrãrẽ àsũ àrĩ weregũkoa: “Yũrũ mũsãrẽ òãrõ irisiami. I ãmũrẽ irigũgueta mũsãya àãrĩburire ìgũyarãrẽ doreroguere ãmuyusiami. Irasirirã ìgũ merã àãrĩrã aarika! ³⁵ Yũ ãboamakũ ìãrã, mũsã yũre baari ejobũ. Yũ ñemesibumakũ, mũsã yũre iiriri tĩãbũ. Yũ mũsã pũro gãmeñajãgũ ejamakũ, yũre kãrĩrõ wayubũ. ³⁶ Surí marĩgũ yũ àãrĩmakũ ìãrã, mũsã yũre surĩre sãbũ. Pũrĩrikũmakũ, mũsã yũre ìãrã ejabũ. Peresugue yũ àãrĩmakũdere yũre ìãrã ejabũ”, àrĩgũkoa. ³⁷ Yũ irasũ àrĩmakũ pãrã, yũ diaye gapũ nĩrã Yũrũ: “Õãrã, waja opamerã àãrĩma”, àrĩ ìãnerã yũre sãrẽñarãkuma: “Gũa Opũ, ¿naásũ àãrĩmakũ, mũ ãboamakũ gũa mũrẽ baari ejori? ¿Naásũ àãrĩmakũ, mũ ñemesibumakũ mũrẽ iiriri tĩãrĩ? ³⁸ ¿Naásũ àãrĩmakũ, mũ gũa pũro gãmeñajãgũ ejamakũ, kãrĩrõ wayuri? ¿Naásũ àãrĩmakũ, mũ surí marĩgũ àãrĩmakũ gũa mũrẽ surí sãrĩ? ³⁹ ¿Naásũ àãrĩmakũ, mũ pũrĩrikũmakũ, o peresugue mũ àãrĩmakũdere gũa mũrẽ ìãrã ejari?” àrĩrãkuma yũre. ⁴⁰ Ìgũsã irasũ àrĩmakũ pégũ, yũ àãrĩpererã Opũ, ìgũsãrẽ àsũ àrĩ yũjũgũkoa: “Diayeta mũsãrẽ werea. Mũsã sugũ yaarã watopegue àãrĩpererã nemorõ ubu àãrĩgũrẽ òãrõ irirã, yũreta òãrõ irirã iribu”, àrĩgũkoa ìgũsãrẽ.

41 Īgūsārē irasū ārī odo, yu kúgaru nířārē āsū ārī wereguko: “Yuru wajamoāsūmurā āārā musā. Yu purore wirika! Perebiri peamegue waaka! Yuru iri peamerē wātēa opu, ĩgūyarā merā āārīburore āmuyusiami. 42 Yu haboamakū ĩārā, musā yure baari ejobiribu. Yu nemesibumakū, musā yure iiriri tīābiribu. 43 Yu musā puro gameñajāgū ejamakū, yure kārīrō wayubiribu. Surí marīgū yu āārīmakū, musā yure surí sābiribu. Yu pūrīrikumakū, peresugue yu āārīmakūdere musā yure ĩārā ejabiribu”, ārīguko ĩgūsārē. 44 Yu irasū ārīmakū pérā, ĩgūsā yure sērēñarākuma: “Gua Opu, ĩnaāsū āārīmakū, mu haboamakū, nemesibumakū, gua puro gameñajāgū ejamakū, surí opabirimakū, pūrīrikumakū, peresugue mu āārīmakū gua murē iritamubiriri?” ārīrākuma yure. 45 Īgūsā irasū ārīmakū, yu āārīpererā Opu ĩgūsārē āsū ārī wereguko: “Diayeta musārē werea. Musā sugu yaarā watopegue āārīpererā nemorō ubu āārīgūrē iritamumerā, yureta iritamumerā iribu”, ārīguko ĩgūsārē. 46 Puru ĩgūsā perebiri peamegue wajamoāsūrākuma. Yuru: “Ōārā, waja opamerā āārīma”, ārī ĩānerā garu ĩgū purogue perebiri okarire oparākuma, ārī weremi Jesús.

26

Oparā Jesúre ñeāburire āmudea

(Mr 14.1-2; Lc 22.1-2; Jn 11.45-53)

1 Jesús iri āārīpererire bue odo, guare ĩgū buerārē ārīmi:

2 —Penu dnyāa, pascua bosenu ejaburo. Irire musā masīa. Iri bosenu āārīmakū, yu āārīpererā tīgūrē ñeā, oparāguere wiarākuma, curusague pábiatú wējēdoremurā, ārīmi.

3 Iripoere paía oparā, Moisés gojadeare buerimasā, judío masaka murāde Caifás paía opuya wii disipuroma yebague nerēñurā. 4 Irogue nerērā, ĩgūsā Jesúre ārīgatori merā ñeā, wējēburire āmuñurā.

5 Irire āmurā:

—Bosenu āārīmakū, ĩgūrē ñeābirikōārā! Masaka marī merā guarā, marīrē gainí turibokuma, ārīñurā.

Sugo nomeō Jesúre sārōrī piupeodea

(Mr 14.3-9; Jn 12.1-8)

6 Īgūsā ĩgūrē wējēburire āmuripoere Jesús Betania wāikuri makāgue Simón kāmi boadiya wiigue āārīmí. 7 Irogue ĩgū āārīmakū, sugo nomeō suru sūrōdiru opago, Jesús puro ejamo. Igo opadiru “alabastro” wāikuri utāye merā iridiru, sārōrī wajapari opadiru āārībú. Jesús baa doanírīpoe ĩgūya dipurure iri sārōrīrē piupeomo. 8 Igo irasū piupeomakū ĩārā, gua Jesús buerā guarā āsū ārību:

—¿Nasirigo iri irasiriwasiribéokōārī? 9 Iri sārōrīrē duago, wáro niyerure wataboakumo. Iri niyeru merā boporārē iritamuboakumo, ārību.

10 Jesús, gua irasū ārīmakū pégu, guare ārīmi:

—¿Nasirirā igore garibori musā? Ire yure irasirigo, oārīrē irigo yámo. 11 Boporā musā watopeguere āārīnikōārākuma. Yu tamerārē musā merā āārīnīmakū ĩābirikoa. 12 Igo i sārōrī yure piupeogo, yaa dupure ĩgūsā yure yāaburo dupuyuro āmuyugo irirosū irigo yámo. 13 Diayeta musārē werea. Marīpu masakare tauri kerere wererā āārīperero i umugue waagorenarā, iri yure irideadere gajerārē wererākuma, igore gūñaburo, ārīrā, ārīmi Jesús guare.

Judas Iscariote Jesúre wējēdarāguere ĩgūrē ĩmuburire āmudea

(Mr 14.10-11; Lc 22.3-6)

14 Jesús irasū ārādero puru, sugu gua Jesús buerā pe mojōma pere su gubu peru pērēbejarā watopemu Judas Iscariote wāikugu paía oparā merā werenígū waayuru.

15 Īgūsārē ārīyuru:

—Yu Jesúre musārē wiamakū, ĩnoópā niyeru wajarirākuri yure? ārīyuru.

Īgũ irasũ ārĩmakũ pérã, ĩgũrẽ treinta niyeru tiri plata merã iridea tirire wajariñurã.
 16 Īgũsã wajarimakũ, Judas: “¿Naásũ āārĩmakũ ĩgũsãrẽ yũ Jesúre wiamakũ õãkuri?” ārĩ gũñayurũ.

Jesús ĩgũ buerã merã baatũnudea

(Mr 14.12-25; Lc 22.7-23; Jn 13.21-30; 1 Co 11.23-26)

17 Pũrũ pã wemasãrĩ morẽña marĩrĩ baari bosenu pũroririnũ āārĩmakũ, gũa Jesús buerã ĩgũ pũrogue waa, ĩgũrẽ sērẽñabũ:

—¿Noógue mũ pascua bosenu baaburire āmumakũ gããmekuri? ārĩbũ.

18 Īgũ gũare ārĩmi:

—Jerusalẽgue waaka! Iro mũsã bokajagũre ãsũ ārĩka: “Gũare buegũ mũrẽ ãsũ ārĩ weredoreami: ‘Yũ ñerõ tariburo mērõgã ðuyáa. Pascua bosenu āārĩmakũ, yũ buerã merã mũya wiigue baagũkoa’, ārãmi”, ārĩka! ārĩmi Jesús.

19 Irasirĩã, pascua bosenu āārĩmakũ, Jesús doreaderosũta gũa baaburire āmunerã āārĩmã.

20 Naĩmejãripoe Jesús gũa ĩgũ buerã pe mojõma pere su gubu peru pẽrẽbejarã merã baa doanĩmi. 21 Gũa baaripoe gũare ārĩmi:

—Diyeta mũsãrẽ werea. Sugũ mũsã watope āārĩgã yũre wẽjẽduarãguere yũre ĩmugũkumi, ārĩmi.

22 Īgũ irasũ ārĩmakũ pérã, gũa bũro bujawereri merã sugũno dita ĩgũrẽ sērẽñayobũ:

—Gũa Opũ, ¿yũ āārĩrĩ mũrẽ ĩmubu? ārĩbũ.

23 Gũa irasũ ārĩ sērẽñamakũ, gũare yũjũmi:

—Yũ merã i pare pã yosa baagũta āārĩmi yũre wẽjẽduarãguere yũre ĩmubu. 24 Marĩpũya werenĩrĩ gojadea pũgue gojaderosũta yũ āārĩpererã tĩgũrẽ waaró yáa. Yũre ĩmubu gapũre ñetariro waarokoa. Īgũ deyoabirimakũ õãboyo, ārĩmi Jesús.

25 Īgũ irasũ ārĩmakũ, Judas Jesúre wẽjẽduarãguere ĩgũrẽ ĩmubu sērẽñami:

—Gũare buegũ, ¿yũ mũrẽ ĩmubu āārĩrĩ? ārĩmi.

Jesús ĩgũrẽ yũjũmi:

—Éũ, mũta āārã, ārĩmi.

26 Irasũ ārĩ odo, gũa baaripoe Jesús pãrẽ ãĩ, Marĩpũre: “Mũrẽ usũyari sĩa”, ārĩ, pãrẽ pea, gũare ĩgũ buerãrẽ ãsũ ārĩ gueremi:

—Ire baaka! Yaa dupũ āārã, ārĩmi.

27 Pũrũ iirĩripare ãĩ, Marĩpũre: “Mũrẽ usũyari sĩa”, ārĩ, gũare iripare sũ, ãsũ ārĩmi:

—Mũsã āārĩpererã ire iirĩka! 28 I yaa dí āārã. Yũ boagũ, dí béori merã wãrã masaka ñerõ iridea wajare wajaribosagũkoa. Irasirigũ yaa dí béori merã Yũpũ ĩgũsãrẽ: “Õãrõ irigura”, ārĩdeare iriyuwarikũgũkumi. Irasirigũ ĩgũsã ñerõ irideare kãtigũkumi. 29 Mũsãrẽ werea. Igui dekore marĩ dapora iirĩrosũ yũ dupaturi neõ iirĩnemobirikoa. Pũrũ Yũpũ ĩgũyarãrẽ dorerogue mũsã merã maama igui dekore iirĩgũkoa, ārĩmi Jesús gũare.

Jesús Pedrorẽ: “Yũre masĩkeregũ: ‘Masĩbea’, ārĩgũkoa”, ārĩ weredea

(Mr 14.26-31; Lc 22.31-34; Jn 13.36-38)

30 Pũrũ Marĩpũre bayapeo odo, gũa iri wiigue āārãnerã wiria, Olivos wãĩkũri buúrũgue waabũ. 31 Irogue ejagũ, Jesús gũare ārĩmi:

—Dapagã ñami mũsã āārĩpererã gũñaturaro marĩrõ yũre béowãgãperekõãrãkoa. Mũsã irasiriburire Marĩpũya werenĩrĩ gojadea pũgue ãsũ ārĩ gojasũdero āārĩbũ: “Yũ oveja koregũre wẽjẽmakũ irigũkoa. Irasirimakũ, ĩgũyarã oveja ũmawasiriakõãrãkuma”, ārĩ gojasũdero āārĩbũ. 32 Yũ boadigue masãdero pũrũ, mũsã dupuyuro Galileague waadupuyugũkoa, ārĩmi gũare.

33 Īgũ irasũ ārĩmakũ pégũ, Pedro ãsũ ārĩ yũjũmi:

—Gajerã āārĩpererã mũrẽ béowãgãkerepũrũ, yũ gapũ mũrẽ neõ béowãgãbirikoa, ārĩmi.

³⁴ Jesús Pedrore ārīmi:

—Diayeta mūrē werea. Dapagā ñami āgābo wereburo dupuyuro m̄ yare masīkereḡu, urea gajerārē: “Masībea”, ārīgatogakoa, ārīmi.

³⁵ Pedro ĩgūrē ārīmi:

—Ȳu m̄ merā boabu āārīkereḡu: “Masībea”, ārīgatobirikoa, ārīmi.

Āārīpererā ḡua ĩgū buerā, Pedro ĩgū ārīrōsūta ārīb̄u Jesúre.

Jesús Getsemanígue Marīp̄ure sērēdea

(Mr 14.32-42; Lc 22.39-46)

³⁶ P̄ur̄u Jesús ḡua ĩgū buerā merā waa, Getsemaní wāīkurogue eja, ḡuare ārīmi:

—Ōōta doaka m̄sā dapa! Sōōgue Marīp̄ure sērēḡu waagú yáa, ārīmi.

³⁷ Irasū ārī odo, Pedrore, Zebedeo pūrā pērāguereta siiuwāgāmi. ĩgū b̄uro gūñarik̄u, b̄ujawereyup̄u. ³⁸ Irasū b̄ujawereḡu, ĩgū siiuwāgānerārē ārīyup̄u:

—B̄uro b̄ujawereri merā kōmoma goero péñakoa. Ōōta dujaka! M̄sāde ȳu kārīberosūta kārīmerāta ȳure yúka! ārīyup̄u.

³⁹ Irasū ārī odo, yoawayaro waanemo, yebague ĩgūya diapure moomejā, Marīp̄ure āsū ārī sērēyup̄u:

—Au, ȳu ñerō tariburire taud̄uagu taumasīa. Ȳu irasū ārīkerep̄ur̄u, ȳu gāāmerōsū iribirikōāka! M̄u gāāmerōsū gap̄u ȳure waaburo, ārīyup̄u.

⁴⁰ Irasū ārī sērē odo, urerā ĩgū buerā p̄urogue ejagu, ĩgūsā kārīrārē bokaja, Pedrore ārīyup̄u:

—¿Nasirirā su horanogāgora m̄sā ȳure kārīmerāta yúmasīberi? ⁴¹ Kārīmerāta! Marīp̄ure sērēka, wātī ārīmesārīrē iribokoa, ārīrā! M̄sā gūñarī merā ōārīrē irid̄uadāa. Irire irid̄uakererā, bokatiūbea, ārīyup̄u.

⁴² Irasū ārī odo, dupaturi waa, Marīp̄ure sērēyup̄u doja:

—Au, i ȳu ñerō tariburire taud̄uabi, m̄u gāāmerōsū irika! ārīyup̄u.

⁴³ P̄ur̄u ĩgū buerā urerā p̄uro dupaturi ejagu, kārīrārēta bokajayup̄u doja. ĩgūsārē w̄uja pūrītariyuro. ⁴⁴ ĩgūsārē ĩākōā, dupaturi Marīp̄ure sērēḡu waayup̄u doja. ĩgū sērēaderosūta sērēyup̄u. ⁴⁵ P̄ur̄u ĩgūsā p̄uro eja, ārīyup̄u:

—¿M̄sā siuñajā, kārīrā yári dapa? Ȳure āārīpererā tīgūrē ñerāguere ĩgūsā wiari hora ejasiáa. ⁴⁶ Wāgānugāka! Náka, waarā! Ȳure wējēduarāguere ȳure ĩmubu aarisiami, ārīyup̄u Jesús.

Jesúre ñeāwāgādea

(Mr 14.43-50; Lc 22.47-53; Jn 18.2-11)

⁴⁷ ĩgū irasū ārī wereripoe Judas, ḡua Jesús buerā pe mojōma pere su gubu peru pērēbejarā watopem̄u āārādi ejami. Wārā masaka sareri majīrī, yuk̄u dukari oparā ĩgū merā ejama. ĩgūsā paía oparā, judío masaka m̄rā ĩgūsā iriuanerā āārīmá. ⁴⁸ ĩgūsā ejaburi dupuyuro Judas ĩgūsārē Jesúre ĩmubu āsū ārī weredi āārīmí: “Ȳu ĩgūya wayupārā mimigūta āārīgukumi. ĩgūrē ñeāka!” ārīdi āārīmí. ⁴⁹ Irasiriḡu Jesús p̄uro ejagu, ĩgūrē ārīmi:

—Ḡuare bueḡu, ¿āārīrī m̄u? ārī, ĩgūya wayupārārē mimimi.

⁵⁰ ĩgū irasirimakū ĩāgū, Jesús ĩgūrē ārīmi:

—Ȳu merām̄u, ¿nasiriḡu aariḡu iriari? M̄u iriḡura, ārādeare irika! ārīmi.

Irasirirā masaka Jesús p̄uro eja, ĩgūrē ñeāwāgākōāma.

⁵¹ ĩgūsā ĩgūrē ñeāwāgāripoe suḡu ĩgū buegu ĩgūya sareri majīrē tūāwea āi, paía opure moāboeḡuya gāmpūrē dititá dijukōāmi. ⁵² ĩgū irasirimakū ĩāgū, Jesús gap̄u ĩgūrē ārīmi:

—M̄uya sareri majīrē duripikōāka! Sareri majī merā gajerā merā gāmewējērāno, sareri majī merāta wējēsūrākuma. ⁵³ ¿M̄sā masīberi? Ȳup̄ure ȳu sērēmakū, daporata ĩgūrē wereboerārē pe mojōma pere su gubu peru pērēbejari burigora ȳure iritamumurārē

iriubokumi. ⁵⁴ Yu sērēmakū, Marīpuya werenírí gojadea pūgue gojaderosū waabiribokoa, ārīmi Jesús.

⁵⁵ Irasū ārī odo, masakare ārīmi:

—¿Nasirirā sarerī majīrī merā, yukū dukari merā sugū yajarimasūrē ñeārā aarirā irirosū yure ñeārā aaríri? Ɛmurikū Marīpuya wiigū yū musārē bue doanímakū, musā yure neō ñeābiribū. ⁵⁶ Daporare i āārīpereri musā yure irasirirā, Marīpuya kerere weredupuyunerā gojaderosūta irirā yáa, ārīmi Jesús.

Īgūrē ñeāmakū ĩārā, gua ĩgū buerā ĩgūrē sugureta ũmaweonúwāgākōābū.

Jesúre oparā purogue āiadea

(Mr 14.53-65; Lc 22.54-55, 63-71; Jn 18.12-14, 19-24)

⁵⁷ Irasirirā Jesúre ñeānerā paía opū Caifáya wiigūe āiāñurā. Iri wiiguere Moisés gojadeare buerimasā, judío masaka murāde nerēsiañurā. ⁵⁸ Pedro gapū yoawayaro Jesúre tuyañajāa, Caifáya wii disiparo ñajārōma yebague eja, Marīpuya wiire korerā surara merā doayupū. “¿Naásū iriyuwarikurākuri?” ārīgū, irogue ĩā doaníyupū.

⁵⁹ Paía oparā, judío masaka murā, āārīpererā oparā irogue nerēanerā Jesúre ārīgatori merā weresāmurārē āmarā iriñurā ĩgūrē wējēmurā. ⁶⁰ Īgūsā purogue wārā masaka ārīgatori merā ĩgūrē weresārā ejakererā: “Īgū i ñerō iridea waja boaburo”, ārī weresārīrē neō bokabiriñurā. Pūru gajerā pērā ĩgūrē ārīgatori merā weresārā ejañurā.

⁶¹ Āsū ārīñurā:

—Ī ĩsū ārīmi: “Marīpuya wiire béomasā. Ɛrenū waaró merāta iri wiire dupaturi iri odomasā”, ārīmi, ārīñurā.

⁶² Īgūsā irasū ārīmakū pégu, paía opū wāgānugā, Jesúre ārīyupū:

—¿Īgūsārē yujuberi mu? ¿Nasirirā murē irasū ārī weresārī? ārīyupū.

⁶³ Jesús gapū yujubiriyupū. Īgū yujubirimakū ĩāgū, paía opū ĩgūrē ārīyupū:

—Marīpū okanígū péuro diaye wereka! ¿Muta āārīrī, Cristo Marīpū magū? ārīyupū.

⁶⁴ Jesús ĩgūrē ārīyupū:

—Īgūta āārā mu ārīrōsūta. Idere musārē werea. Pūru yū āārīpererā tīgūrē Yūpū turagu diaye gapū doamakū ĩārākoa. Ɛmugasima mikāyebori weka yū aarimakūdere ĩārākoa, ārīyupū.

⁶⁵ Īgū irasū ārīmakū pégu, paía opū ĩgū guarire ĩmugū, ĩgūya surírore tūāyegue, āsū ārīyupū:

—Ī irasū ārī werenígū, Marīpūre ñerō ārīgū yámi. ¿Nasirimurā gajerā ĩgūrē weresārīrē neō pénemobokuri marī? Musā, ĩgū basita Marīpūre ñerō ārīrīrē pésiáa. ⁶⁶ ¿Naásū gūñarī? ārīyupū.

—Marīpūre ĩgū ñerō ārīrī waja boaburo, ārī yujūñurā.

⁶⁷ Irasū ārī odo, ĩgū diapure síku eotú, ĩgūrē doteñurā. Gajerā ĩgūya diapure pá, ⁶⁸ āsū ārīñurā:

—Mu Cristo āārīgū, ārībokaka: “¿Noā murē pári?” ārīñurā.

Pedro Jesúre masíkeregū: “Masībea”, ārīdea

(Mr 14.66-72; Lc 22.56-62; Jn 18.15-18, 25-27)

⁶⁹ Iri wii poekague ĩgūsā irasiriripoere Pedro disiparo ñajārōma yebague doaníyupū. Īgū irogue doamakū, sugo paía opūre moāboego ĩgū pūro eja, ĩgūrē ārīyupo:

—Mude Jesús Galileamu merā āārīdita āārā, ārīyupo.

⁷⁰ Igo irasū ārīmakū pégu, Pedro āārīpererā iro āārīrā péurogue ārīgatori merā:

—Mu irasū ārīrīrē pémasībirikoa yū, ārīyupū.

⁷¹ Pūru iri wii tūroma sārīrō disipurogue waayupū. Irogue gajego ĩgūsārē moāboego ĩgūrē ĩāgō, iro āārīrārē ārīyupo:

—Jesús Nazaretmu merā āārīdita āārīmi ĩi, ārīyupo.

⁷² Pedro ārīgatori merā dupaturi yujūyupū:

—Marĩpu péuro diayeta werea. Yũ ìgũrẽ masĩbea, ãrĩyupu.

⁷³ MÉRÔGĀ pũrũta masaka irogue ããrĩrã Pedro pũrogue waa, ìgũrẽ ãrĩñurã:

—Mũ diayeta Jesús buerã merãmũta ããrã. Pémasĩrõta ìgũsã irirosũ werenia, ãrĩñurã.

⁷⁴ Ìgũsã irasũ ãrĩmakũ, Pedro yũjũyupu:

—Marĩpu péuro diayeta werea. Yũ mũsãrẽ diaye werebirimakũ, Marĩpu yũre wajamoãburo. Ìgũrẽ neõ masĩbea yũ, ãrĩyupu.

Ìgũ irasũ ãrĩripoeta ãgãbo wereyupu. ⁷⁵ Pedro, ãgãbo weremakũ pégu, Jesús ìgũrẽ: “Ãgãbo wereburo dupuyuro mũ yũre masĩkeregu, urea: ‘Masĩbea’, ãrĩgatogukoa”, ãrãdeare gũñabokayupu. Irire gũñaboka, wiria, bujawereri merã buro oreyupu.

27

Jesúre Pilato pũro ãĩjãdea

(Mr 15.1; Lc 23.1-2; Jn 18.28-32)

¹ Boyodujimejãripoe ããrĩpererã paía oparã, judío masaka mũrã merã nerẽ: “Ãsũ iri, Jesúre wějẽrã”, ãrĩ ãmuñurã. ² Irasũ ãrĩ ãmu odo, Jesúre sia, ãĩwãgã, Poncio Pilato wãikũgũre Judea nikũ marã opũre wiañurã.

Judas Iscariote boadea

³ Ìgũsã Jesúre wějẽrãkuma, ãrĩrĩrẽ pégu, Judas gapũ buro bujawereri merã ìgũ Jesúre ìmuadeare gũñayupu. Irasirigu treinta niyeru tiri plata merã iridea tiri ìgũsã ìgũrẽ wajaridea tirire paía oparãrẽ, judío masaka mũrãrẽ wiagu waayupu. Irogue eja, ìgũsãrẽ ãrĩyupu:

⁴ —Yũ ñetariro iriakubu. Yũ ñerĩ iribire oparãguere wiadire: “Boaburo”, ãrãñurã, ãrĩyupu.

Ìgũ irasũ ãrĩmakũ, ìgũrẽ yũjũñurã:

—Mũ irasiriadea guaya meta ããrã. Mũya ããrã, ãrĩñurã.

⁵ Ìgũsã irasũ ãrĩmakũ pégu, Judas Marĩpũya wiigue niyeru tirire meéwasiribéo, waakõãyupu. Waa, pũgubudare siasiu, ìgũ basi ìgũya wãnugũrẽ túsãnú, parimadija, boakõãyupu.

⁶ Paía oparã niyeru tirire sea neeõrã, ãsũ ãrĩñurã:

—I niyeru ìgũsã masakũre wějẽburi waja wajariadea ããrã. Irasirirã i niyerure Marĩpũya wiima duripiri kũmague pímasĩbirikoa. Marĩrẽ doreri irasiridorebea, ãrĩñurã.

⁷ Pũrũ ãsũ ãrĩñurã: “I niyeru merã diari sorori weagũya nikũrẽ wajarimakũ õãrokoa. Irasirirã gajero marã õõgue boamakũ, iri nikũ ìgũsãrẽ yáaburi nikũ ããrĩrokoa”, ãrĩñurã.

⁸ Irasirirã masaka iri nikũrẽ: “Dí béodea nikũ ããrã”, ãrĩ wãiyema. Daporaguedere irasũta wãikũkõã. ⁹ Ìgũsã irasirimakũ, Jeremías Marĩpũya kerere weredupuyudi gojaderosũta waabu. ãsũ ãrĩ gojadi ããrĩmĩ: “Israel bumarã treinta niyeru tiri plata merã iridea tirire ìgũrẽ wajarideare ãĩma. ¹⁰ Irasirirã iri tiri merã diari sorori weagũya nikũrẽ wajarima. Irasirirã, Marĩpu yũre: ‘Ãsũ irirãkuma’, ãrĩ gojadorederosũta yáma”, ãrĩ gojadi ããrĩmĩ.

Pilato Jesúre sěrẽñãdea

(Mr 15.2-5; Lc 23.3-5; Jn 18.33-38)

¹¹ Pilato, Jesúre ìgũ pũrogue ìgũsã ãĩjamakũ, ìgũrẽ sěrẽñayupu:

—¿Mũta ããrĩrĩ judío masaka Opũ? ãrĩyupu.

—Mũ ãrĩrõsũta ìgũta ããrã, ãrĩ yũjũyupu Jesús.

¹² Paía oparã, judío masaka mũrã ìgũrẽ weresãrĩ gapũre yũjubiriyupu. ¹³ Irasirigu Pilato ìgũrẽ ãrĩyupu:

—¿Ããrĩpereri ìgũsã mũrẽ weresãrĩrẽ péberi mũ? ãrĩyupu.

¹⁴ Jesús gapũ neõ yũjubiriyupu. Ìgũ yũjubirimakũ ìãgũ, Pilato ìãgũkakõãyupu.

*Jesúre wějědoredea**(Mr 15.6-20; Lc 23.13-25; Jn 18.38-19.16)*

¹⁵ Bojoriku pascua bosenu ããrĩmakũ, Pilato sugu peresugue ããrĩgũrẽ masaka wiu-doregure wiunayupu. ¹⁶ Iripoere sugu Barrabás wãĩkugu peresugue ããrĩyupu. Masaka ĩgũ ñerõ irideare masĩñurã. ¹⁷ Irasirigu ĩgũsã nerẽmakũ ĩãgũ, Pilato ĩgũsãrẽ sěrẽñayupu:

—¿Nií gapure yu wiumakũ gããmerĩ musã? ¿Barrabáre, o Jesús: “Cristo” ĩgũsã ãrĩgũ gapure? ãrĩyupu.

¹⁸ Wárã masaka Jesúre buremumakũ ĩãrã, oparã ĩgũrẽ ĩãturisĩã, Pilato purogue ãĩãnerã ããrĩmã. Pilato gapu ĩgũsã ĩãturirire masĩkõãyupu. Irasirigu Jesúre wiudũadiyupu.

¹⁹ Puru Pilato masaka weresãrĩrẽ beyerimasũ doarogue doaripoe, ĩgũ marãpo ĩgũrẽ kere iriuyupo: “Ĩgũ diayema irigure gajerosũ neõ iribirikõãka! Dapagã ñami ĩgũrẽ waaburire buru goero kěãkubu”, ãrĩ kere iriuyupo.

²⁰ Paía oparã, judío masaka murã gapu masakare ãsũ ãrĩdoreñurã: “ ‘Barrabáre wiuka, Jesús gapure wějěka!’ ãrĩka!” ãrĩdoreñurã. ²¹ Puru Pilato masakare dupaturi sěrẽñayupu doja:

—¿Ĩgũsã pěrãrẽ nií gapure yu wiumakũ gããmerĩ musã? ãrĩyupu.

—Barrabás gapure wiuka! ãrĩ yujũñurã.

²² ĩgũsã irasũ ãrĩmakũ pégu, Pilato sěrẽñayupu:

—¿Nasirigukuri yu, ĩ Jesús: “Cristo” ĩgũsã ãrĩgũ gapure? ãrĩyupu.

Ããrĩpererã:

—Curusague pábiatú wějěka ĩgũrẽ! ãrĩ yujũñurã.

²³ Irasirigu Pilato ãsũ ãrĩyupu:

—¿Ñeéno ñerĩrẽ iriari ĩ, musã irasũ ãrĩmakũ? ãrĩyupu.

Masaka gapu dupaturi gainínemoñurã:

—Curusague pábiatú wějěka ĩgũrẽ! ãrĩñurã.

²⁴ ĩgũsã ĩgũrẽ péduabirimakũ, ĩgũsã guari merã gainĩmakũ pégu, Pilato dekore ãĩwãgãrĩdoreyupu. Iri merã masaka ĩũrõ mojõkoe, ãsũ ãrĩyupu:

—Ĩrẽ waja opabire wějědoreri, yu doreri meta ããrã. Musã doreri ããrã, ãrĩyupu.

²⁵ ĩgũ irasũ ãrĩmakũ pěrã, ããrĩpererã masaka ãsũ ãrĩñurã:

—Gua murẽ ĩrẽ wějědoreri waja, gua, gua pũrã ããrĩpererã merã waja oparãkoa, ãrĩñurã.

²⁶ ĩgũsã irasũ ãrĩmakũ pégu, Pilato Barrabáre peresugue ããrĩgũrẽ wiuyupu. Puru surarare Jesúre tãrãdore, ĩgũrẽ ĩgũsãrẽ wiayupu, ĩgũrẽ curusague pábiatú wějědoregu.

²⁷ Irasirirã surara Jesúre Pilatoya wiima yebague ãĩjañurã. Irogue ããrĩpererã surarare Jesús puro neeõñurã. ²⁸ Puru ĩgũya surĩrore túwea ãĩ, opaya surĩro irirosũ deyoriñe diariñerẽ ĩgũrẽ sãñurã. ²⁹ Pora merã iriadea berore ĩgũya dipurure peoñurã. Irasiri odo, yukure diaye gapu moãsua, ĩgũ puro ñadukupuri merã ejamejã, ĩgũrẽ ãsũ ãrĩ buridañurã:

—Buremurã aarika judío masaka Opure! ãrĩñurã.

³⁰ ĩgũrẽ síku eotú, ĩgũsã moãsuadire tũãwea ãĩ, irigu merãta ĩgũya dipurure pánañurã.

³¹ ĩgũrẽ burida odo, ĩgũsã sãdea surĩrore túwea, ĩgũya surĩro gapure sãñurã doja. Sã odo, curusague pábiatú wějěmurã ĩgũrẽ ãĩ wiriakõãñurã.

*Jesúre curusague pábiatúdea**(Mr 15.21-32; Lc 23.26-43; Jn 19.17-27)*

³² ĩgũsã ĩgũrẽ ãĩwãgãrã, sugu masakure Simón wãĩkugu Cirenemurẽ bokatĩrĩma. ĩgũrẽ Jesús kõãdea curusare kõãdorema.

³³ ĩgũrẽ irasũ ãĩwãgãrã, Gólgota wãĩkurogue ãĩjama. “Gólgota”, ãrĩrõ: “Masaku dipuru boaweadea pero”, ãrĩduaro yáa. ³⁴ Irogue eja, igui deko sũĩrĩ merã morẽdeare Jesúre tĩãdima. Jesús irire iirĩña, puru iirĩbirimi.

³⁵ Īgūrē curusague pábiatú āiwāgūnú odo, surara Īgū surí sãñadeare: “Ubu ārīboka birarā: ‘¿Noārē dujarokuri?’ ” ārīma, irire Īgūsā basi gāme dukawamurā. Īgūsā irasirirā, Marīpuya kerere weredupuyudi gojaderosūta irima. Āsū ārī gojadi āārīmí: “Yaa suríre Īgūsā basi ārīboka bira dukawarākuma”, ārī gojadi āārīmí. ³⁶ Irasiriadero p̄r̄u, surara curusa p̄ro eja doama, Jesúre korerā. ³⁷ “Ī Āsū iridea waja boami”, ārīrā: “Īta judío masaka Op̄u āārīmí”, ārī gojadesa majīrē curusague Jesúya dipuru weka pábiatúma.

³⁸ Pērā yajarimasādere curusarigue pábiatú āiwāgūnúma. Sugure Īgū diaye gap̄u, gajigure Īgū kúgap̄u pábiatú āiwāgūnúma. ³⁹ Masaka Jesús p̄ro tariwāgānarā, ñerō ārī b̄rida, Īgūsāya dipure yure, ārīma:

⁴⁰ —M̄u āsū ārī wereníb̄u: “Marīpuya wiire béo, p̄r̄u uren̄u waaró merāta iri wiire dupaturi iri odogūkoa”, ārīb̄u. Irasiriḡu m̄u basi tauka! M̄u diayeta Marīp̄u magū āārīgū, curusague merā dijarika! ārīma.

⁴¹ Irasūta paía oparā, Moisés gojadeare buerimasā, fariseo bumarā, judío masaka murāde ārī b̄ridama. Āsū ārī gāme wereníma:

⁴² —Gajerā gap̄ure taumi. Īgū basi gap̄u taumasībemi. “Israel bumarā Op̄u āārā”, ārīmí. Irasirirā, curusague merā Īgū dijarimakū ĩārā, marī Īgūrē b̄remurākoa. ⁴³ Īgū: “Marīp̄ure b̄remua, Īgū magū āārā”, ārīmí. Irasiriḡu Īgū ārīderosūta Marīp̄u Īgūrē maīgū, iritamuburo, ārī b̄ridama.

⁴⁴ Yajarimasā Jesús p̄ro curusarigue pábiatú āiwāgūnúsuānerāde irasūta Īgūrē ñerō ārī b̄ridama.

Jesús boadea

(Mr 15.33-41; Lc 23.44-49; Jn 19.28-30)

⁴⁵ Goeripoe āārīmakū, i nikū āārīpererogue naĩtĩākōāb̄u. Ūre hora gora naĩtĩāb̄u. ⁴⁶ Ūre hora ejamakūta Jesús b̄ro gainími:

—Elí, Elí, ¿lama sabactani? ārīmí. Irasū ārīgū: “Ȳu Op̄u, ȳu Op̄u, ¿nasiriḡu yure béori m̄u?” ārīgū irimi.

⁴⁷ Surāyeri irogue āārīrā, Īgū irasū ārī gainímakū pérā:

—Marīp̄uya kerere weredupuyudire Elíare siiuḡu yámi, ārīma.

⁴⁸ Mata suḡu Īgūsā merām̄u ūmawāgā, igui deko piari yosadea ȳs̄ure yuk̄u yuwague siatú, āiwāgā, Jesúre iirīburo, ārīgū, soemuúmi. ⁴⁹ Īgū irasirimakū ĩārā, gajerā gap̄u āsū ārīma:

—Iropāta irika! Elías Īgūrē tauḡu aarimakū ĩāñarā dapa marī, ārīma.

⁵⁰ Jesús dupaturi b̄ro gainínemo, kōmoakōāmi. ⁵¹ Īgū kōmomakūta, Marīp̄uya wii poekama taribu disip̄ro kām̄utari gasiro ūmarō gap̄u merā yegue dijari, deko merā yeguesiajayuro. Nikū b̄ro ñomeb̄u. Ūtāyeri pagayeride waariakōāb̄u. ⁵² Masāgoberi tūpākōāyuro. Wārā Marīp̄ure b̄remurā boanerā masāñurā. ⁵³ Jesús masādero p̄r̄u, Īgūsā masāgoberigue āārīnerā wiria, Marīp̄uya makāgue Jerusalēgue waañurā. Īgūsā irogue ejamakū, masaka wārā Īgūsārē ĩāñurā.

⁵⁴ Romano marā surara op̄u Īgūyarā surara merā Jesúre koreanerā, nikū ñomemakū, āārīpereri irasū waaríre ĩārā, b̄ro gūka, gūiri merā āsū ārīma:

—Ī ĩ diayeta Marīp̄u magū āārādañumi, ārīma.

⁵⁵ Wārā nome yoaweyarogue Jesúre ĩūnima. Īgūsā Galileague Jesúre iritamugorenanerā nome āārímá. ⁵⁶ Īgūsā nome watopeguere María Magdalena wāik̄ugo, gajego María wāik̄ugo Santiago, José pago, gajego Zebedeo marāpo āārímá.

Jesúya dup̄ure masāgobegue pídea

(Mr 15.42-47; Lc 23.50-56; Jn 19.38-42)

⁵⁷ P̄r̄u naĩmejāripoe āārīmakū, José wári opaḡu, Arimatea wāik̄uri makām̄u irogue ejami. Īgū Jesús buerire t̄yaḡu āārīmí. ⁵⁸ Irasiriḡu Pilato p̄rogoe waa, Jesúya dup̄ure

yáabu sērēyupɯ. Īgũ ārī sērēmākũ pégu, Pilato surarare Jesúya dupɯre sīdoreyupɯ ĩgũrē.
⁵⁹ Irasirigɯ José waa, Jesúya dupɯre āidiju, ōārī suríro gasiro gurari marĩrī gasiro merā ĩgũya dupɯre ōmayupɯ. ⁶⁰ Ōma odo, ĩgũrē yáabodea masāgobegue píyupɯ. Iri gobe, maama gobe ūtāyegue mádea gobe āārīyuro. Irogue Jesúya dupɯre pí odo, wári majĩ ūtā majĩ merā iro ñajārōrē ōārō biakōā, waakōāyupɯ. ⁶¹ Īgũ irasiriripoe María Magdalena, gajego María merā iri gobe bokatĩūrō ĩũdoanĩñurā.

Surara Jesúya dupɯre pídea gobere koredea

⁶² Gajinɯ gapɯ judío masaka siuñajārĩnɯ* āārĩmakũ, paía oparā, fariseo bumarā Pilato pɯrogue waañurā. ⁶³ Āsũ ārĩñurā Pilatore:

—Gua opɯ, sōō āārĩdi okagugue ārĩgatorikugɯ ārĩdeare gua gũñáa. Āsũ ārĩmi: “Yɯ boa, ɯrenɯ pɯrɯ masāgukoa”, ārĩmi. ⁶⁴ Irasirigɯ mɯyarā surarare ɯrenɯgora ĩgũya dupɯre píaderogue koredoregɯ iriuka, ĩgũ buerā ñami merā ĩgũya dupɯre yajabirikōāburo, ārĩgũ! Īgũsā yajadero pɯrɯ masakare: “Jesús boadigue masākōāmi”, ārĩbokuma. Irasiriro ĩgũ ārĩgatodea nemorō ĩgũsā ārĩgatori gapɯ ñetarirokoa, ārĩñurā.

⁶⁵ Īgũsā irasũ ārĩmakũ, Pilato yɯjuyupɯ:

—Jáɯ, ĩsā yaará surara ōōgue āārĩma. Īgũsārē āāka, iri masāgobe gajerosũ waari, ārĩrā! Irasirirā mɯsā bokatĩūrō ĩgũsārē koredoreka! ārĩyupɯ.

⁶⁶ Īgũ irasũ ārĩmakũ, ĩgũsā waa, iri gobe biadea ūtā majĩrē ōārō wītābiatoñurā, masaka ĩgũsā ñajādeare ĩāmasĩrāra, ārĩrā. Irasũ āārĩmakũ, surarare iri gobere ōārō koredoreñurā.

28

Jesús masādea

(Mr 16.1-8; Lc 24.1-12; Jn 20.1-10)

¹ Judío masaka siuñajārĩnɯ pɯrɯ, gajinɯ boyodujimejārĩpoe gajĩ semana ñajārĩnɯ āārĩmakũ, María Magdalena, gajego María merā Jesúre pídea gobere ĩārā waañurā.

² Gũñaña marĩrō níkũ bɯro ñomeyuro. Irasũ waaripoe marĩ Opɯre wereboegɯ ūmugasigue merā dijari, masāgobere ĩgũsā biadea ūtā majĩrē tũpā, iri majĩ weka doayupɯ.

³ Īgũ bupu miārōsũ ōārō gosewasirigɯ āārĩyupɯ. Īgũya suríro ōārō borero āārĩyuro.

⁴ Surara iri gobere koreanerā ĩgũrē ĩārā, bɯro gũiri merā narada, kōmorā irirosũ waañurā. ⁵ Pɯrɯ Marĩpɯre wereboegɯ irogue ĩārā waanerā nomerē ārĩyupɯ:

—Gũibirikōāka! Yɯ masā, mɯsā Jesús ĩgũsā curusague pábiatú wějēadire āmarā yáa. ⁶ Īgũ ōōrē mámi. Īgũ ārĩderosũta masāsiami. Īgũya dupɯre ĩgũsā píaderore ĩārā aarika! ⁷ Pɯrɯ mumurō merā ĩgũ buerārē: “Īgũ boadi āārĩkeregɯ, masāmi. Mɯsā dupuyuro Galileague waagukumi. Irogue ĩgũrē ĩārākoa”, ārĩ wererā waaka! Irire mɯsārē weregɯ aarigú iriabu, ārĩyupɯ Marĩpɯre wereboegɯ.

⁸ Īgũ irasũ ārĩmakũ pérā, masāgobere ĩārā waanerā nome gũikererā, mumurō merā ɯsuyari merā Jesús buerārē wererā ūmadujáañurā. ⁹ Īgũsā ūmadujáarā nomerē Jesús ĩgũsārē bokatĩrī, ōādoreyupɯ. Īgũrē ĩārā, ĩgũ pɯro ñadukɯpuri merā ejamejā, ĩgũya guburire ñeā, ĩgũrē bɯremuñurā.

¹⁰ Jesús ĩgũsārē āsũ ārĩyupɯ:

—Gũibirikōāka! Yaará yɯ buerārē: “Galileague waaka!” ārĩ wererā waaka! Irogue yure ĩārākuma, ārĩyupɯ.

Surara ĩgũsā ĩādeare werede

¹¹ Īgũsā nome Jesús buerārē wererā waaripoe surāyeri surara masāgobere koreanerā Jerusalēgue waañurā. Irogue eja, paía oparārē āārĩpereri masāgobegue waadeare werepeokōāñurā. ¹² Īgũsā irasũ ārĩ weremakũ pérā, paía oparā, judío masaka mɯrā merā

* **27:62** Judío masaka siuñajārĩnɯ, sábado āārā.

nerẽñurã. Irasirirã ãgũsã: “¿Nasirirãkuri?” ãrĩ ãmu odo, surarare wáro niyerure sĩ, ¹³ ãsũ ãrĩñurã:

—Masakare ãsũ ãrĩka: “Ñami merã gũa kãrĩripoe Jesús buerã masãgobegue eja, ãgũya dupure yajakõãnerã ããrãma”, ãrĩka! ¹⁴ Pilato musã irasũ ãrĩ kerere pémakũ, gũa ãgũ merã werenírãkoa, musãrẽ wajamoãbirikõãburo, ãrĩrã, ãrĩñurã.

¹⁵ ãgũsã irasũ ãrĩmakũ pérã, surara niyerure ñeã, waakõãñurã. Purũ paía oparã ãgũsãrẽ weredoreaderosũta gajerãrẽ wereñurã. Irasirirã, ãgũsã irasũ ãrĩrĩ kerere wárã judío masaka pénerã ããrĩmã. Daporaguedere ãgũsã ãrĩgatodeare bũremukõãma dapa.

*Jesús ãgũ buerãrẽ ãgũyare buedoregũ pídea
(Mr 16.14-18; Lc 24.36-49; Jn 20.19-23)*

¹⁶ Purũ gũa Jesús buerã pe mojõma pere su gubu suru pẽrẽbejarã Galileague waa, buúruegũ ãgũ gũare waadoredea buúruegũ waabu. ¹⁷ Irogue eja, Jesúre ããrã, ãgũrẽ bũremubũ. Surãyeri gũa merã waanerã gapũ: “¿ãgũta ããrĩkuriye ãrĩ?” ãrĩ gũñama. ¹⁸ Irasirigũ Jesús gũa purũ aari ejanugã, ãsũ ãrĩmi:

—Yurũ yure ããrĩpererogue i nikũ, ãmũgasiguedere dorebure sóosiami. ¹⁹ Irasirirã ããrĩpereri buri marã masakare yaa kerere buerã waaka, ãgũsãde musã irirosũta yaa buerire tũyaburo, ãrĩrã! Yurũ wãĩ merã, yũ wãĩ merã, Õãgũ deyomarĩgũ wãĩ merã ãgũsãrẽ deko merã wãiyeka! ²⁰ ããrĩpereri yũ musãrẽ doredeare ãgũsãrẽ bueka, irire iriburo, ãrĩrã! Ire masĩka musã! Yũ musã merã ããrĩnikõãgũkoa. I ãmũ pereadero purũguedere musã merã ããrĩnikõãgũkoa, ãrĩ weremi gũare Jesús.

Iropãta ããrã.

SAN MARCOS

Juan masakare wāiyerimasū buedea

(Mt 3.1-12; Lc 1.80; 3.1-9, 15-17; Jn 1.19-28)

¹ Marīpū magū Jesucristoya kere wereri, āsū nūgādero āārībū:

² Iripoegue Isaías Marīpūya kerere weredupuyudi, Marīpū īgū magūrē ārīdeare gojadi āārīmī. Marīpū īgū magūrē āsū ārīdi āārīmī:

Mū waaburo dupuyuro yaa kerere weredupuyubure iriugūkoa, mū waaburore āmuyudoregū.✠

³ Īgū masaka marīrōgue būro gainírī merā āsū ārī weregūkumi:

“Marī Opū aariburi dupuyuro īgū aariburi maarē diayema maa ōārī maa āmurā irirosū diayemarē irika!” ārī gainīgūkumi, ārī gojadi āārīmī.✠

⁴ Irasirigū Juan masaka marīrōgue masakare wāiyepūroriwāgārigū, āsū ārī werenayupū īgūsārē:

—Mūsā űerō irideare būjawereka! Mūsā gūñarīrē gorawayuka! Deko merā wāiyesūanerā dujaka! Irasirirā mūsā űerō irideare kātisūrākoa. ⁵ Āārīpererā Judea nikū marā, Jerusalén marāde īgū wererire pérā ejañurā. Īgūsā űerō irideare Marīpūre weretaripeomakū īāgū, Juan īgūsārē dia Jordán wāikūdiyague wāiyeyupū.

⁶ Juāya surī camellua poari merā suadea āārīyuro. Īgūya yūjūwēñarīda waibū gasiro merā irideada āārīyuro. Poreroa, mume makānūū marāyare baarikūyupū. ⁷ Masakare āsū ārī werenayupū:

—Gajigū yū pūgū aaribu, yū nemorō turagū āārīmī. Yū gapū ubu āārīgū, īgūrē neō sūropebirikoa. ⁸ Yū mūsārē deko merā wāiyea. Īgū gapū Ōāgū deyomarīgū merā wāiyegūkumi. Irasirigū Ōāgū deyomarīgū mūsā merā āārīnīkōāgūkumi mūsārē iritamubu, ārīyupū.

Juan Jesúre deko merā wāiyedea

(Mt 3.13-17; Lc 3.21-22)

⁹ Iripoere Jesús Galilea nikūma makā, Nazaret wāikūri makāgue āārādi, Juan pūroque ejayupū. Īgū ejamakū, Juan īgūrē dia Jordán wāikūdiyague wāiyeyupū. ¹⁰ Īgū wāiye odomakū, Jesús diague āārādi majānūgāgūta űmūgasi tūpāmakū īāyupū. Ōāgū deyomarīgū buja irirosū deyogū īgū weka dijariyupū. ¹¹ Irasū waaripoe Marīpū űmūgasigue merā Jesúre āsū ārī werenīyupū:

—Mū yū magū, yū maīgū āārā. Mū merā būro űsuyāa, ārīyupū.

Wātī Jesúre ārīmesādidea

(Mt 4.1-11; Lc 4.1-13)

¹² Jesúre Juan wāiyeri pūrugāta Ōāgū deyomarīgū masaka marīrōgue āīayupū.

¹³ Irasirigū Jesús iroque waa, cuarenta nūrīgora makānūū marā waimūrā guarā watopegue āārīyupū. Īgū iroque āārīmakū, wātēa opū Satanás wāikūgu īgūrē ārīmesādīyupū. Marīpūre wereboerā īgūrē iritamurā ejañurā.

Jesús Galilea nikūgue masakare buenūgādea

(Mt 4.12-17; Lc 4.14-15)

¹⁴ Herodes Juārē peresugue sóodobodero pūgū, Jesús Galilea nikūgue masakare Marīpūya kerere weregorenagū wāgāyupū. ¹⁵ Āsū ārī werenayupū:

—Marĩpu iripoegue: “Āsũ waarokoa”, ārĩdea ejasiáa. Daporare mérõgã duyáa, ĩgũyarārẽ doreri ejaburo. Irasirirã musã ñerõ iririre bajawereka! Musã gũñarĩrẽ gorawayuka! ĩgũ masakare tauri kere gapure buremuka! ārĩyupu Jesús.

Jesús wapikurã waaĩ wějērĩmasārẽ siiudea

(Mt 4.18-22; Lc 5.1-11)

¹⁶ Pũru Jesús Galilea wāĩkuri ditaru taro waagú, Simõrẽ, ĩgũ pagumu Andrére bokajayupu. ĩgũsã waaĩ wějērĩmasã āārĩsĩã, ditarugue ĩgũsãya buidire meéyorã iriñurã. ¹⁷ Jesús ĩgũsārẽ āsũ ārĩyupu:

—Náka, yu merã! Daporare musārẽ waaĩ wějērĩmasã āārĩrĩrẽ piri, masakare Marĩpuya kerere wererimasã āārĩmakũ irigũkoa.

¹⁸ ĩgũ irasũ ārĩmakũ pérã, mata ĩgũsãya buiriyukure irota píkõã, ĩgũ merã waakõãñurã.

¹⁹ Pũru Jesús yoawayaro waa, Zebedeo pũrã Santiagore, ĩgũ pagumu Juārẽ doódirugue ĩgũsãya buiriyukure āmu sãñanĩmakũ ĩāyupu. ²⁰ Jesús ĩgũsārẽ siiuyupu. ĩgũ siumakũ pérã: “Jáa”, ārĩ, ĩgũsãya doódirugue ĩgũsã pagu Zebedeore, ĩgũrẽ iritamurã merã pí, Jesús merã waakõãñurã.

Wātĩ ñajãsũdi Jesúre bokatĩrĩdea

(Lc 4.31-37)

²¹ ĩgũ merã waa, Capernaum wāĩkuri makāgue ejañurã. Iroque judío masaka siuñajārĩnu* āārĩmakũ, Jesús ĩgũsã nerērĩ wiiguet† ñajãa, masakare buenugāyupu. ²² Moisés gojadeare buerimasã irirosũ buebiriyupu. Ōārõ doreri opagu irirosũta bueyupu. ĩgũ irasũ buemakũ pérã, pégukakõãñurã. ²³ Iri wiiguere ĩgũsã merã sugu wātĩ ñajãsũdi āārĩyupu. Āsũ ārĩ gainíyupu:

²⁴—Jesús Nazaretmu, ¿nasiribu guu puro aarĩri? ¿Guare peamegue béogu aarigú yári? Yu murẽ ĩamasĩkõãa. Mu, Mupu iriudi, õatarigu āārã, ārĩyupu.

²⁵ Jesús wātĩrẽ:

—Werenĩbita! Wirika ĩgũrẽ! ārĩyupu.

²⁶ ĩgũ irasũ ārĩmakũ pégu, wātĩ masakure meémejã, naradamakũ iri, buro gainí, wiriakõāyupu. ²⁷ Jesús wātĩrẽ béowiumakũ ĩārã, āārĩpererã masaka ĩāguka, ĩgũsã basi āsũ ārĩ gāme sērẽñañurã:

—¿Ñeéno āārĩrĩ, ñeéno maama bueri āārĩrĩ i? ĩĩ wātẽārẽ ĩgũ turaro merã wiridoremakũ, neõ ĩgũrẽ tarinugābema, ārĩñurã.

²⁸ Mérõgã puruta āārĩperero Galilea nikũ marã Jesús iriadea kerere péseyakõãñurã.

Jesús, Simón Pedro máñekõrẽ taudea

(Mt 8.14-15; Lc 4.38-39)

²⁹ Jesús nerērĩ wiiguet āārãdi Santiago, Juan merã wiria, Simón, Andréya wiiguet waayupu. ³⁰ Simón máñekõ buro nimakurikugo peyarogue oyayupo. Irasirirã Jesúre: “Sĩrĩgõ yámo”, ārĩ wereñurã. ³¹ Irasũ ārĩmakũ pégu, Jesús igo puro ejanugã, igoya mojõrẽ ñeã tũāwāgũnũmakũta nimakuri tariakõāyuro. Iri tarimakũ, ĩgũsārẽ baari ejoyupo.

Jesús wárã pũrĩrikurãrẽ taudea

(Mt 8.16-17; Lc 4.40-41)

³² Abe ñajãdero pũru naĩmejāripoe iri makã marã āārĩpererã pũrĩrikurãrẽ, wātẽa ñajãsũnerãdere Jesús purogue āĩjañurã. ³³ Irasirirã āārĩpererã iri makã marã ĩgũ āārĩrĩ wii disipurogue nerẽñurã. ³⁴ Jesús wárã pũrĩrikurãrẽ tauyupu. Wárã wātẽa masakare ñajãnerãdere béowiuyupu. Wātẽa, Jesús Marĩpu magũ āārĩrĩrẽ masĩñurã. Irasirigu Jesús: “Werenĩmerãta!” ārĩyupu.

* **1:21** Judío masaka siuñajārĩnu, sábadõ āārã. † **1:21** Judío masaka nerērĩ wii, sinagoga wāĩkuri wii āārã. Iroque ĩgũsã siuñajārĩnu āārĩmakũ nerẽ, Marĩpuya werenĩrĩ gojadea pũgue gojadeare buenama.

*Jesús Galilea nikũgue masakare buedea**(Lc 4.42-44)*

³⁵ Jesús gajin_u gap_u naĩtĩaweyaripogãta yobe, iri makã turo masaka marĩrõgue Marĩpure sērēgũ waayur_u. ³⁶ Simón, ĩgũ merãmarã merã Jesús marĩmakũ ĩãgũ, ĩgũrē ãmagũ waayur_u. ³⁷ ĩgũrē bokag_u:

—Ăãrĩpererã masaka mũrē ãmarã iriama, ãrĩyur_u.

³⁸ ĩgũ irasũ ãrĩmakũ, Jesús ãsũ ãrĩyur_u:

—Nãka, gaji makãrĩ õõ pũro weya ããrĩrĩ makãrĩ marãdere bueg_u waadũakoa. Ire iributa i ãmũguere aaribũ.

³⁹ Irasirig_u ããrĩperero Galilea nikũgue judío masaka nerẽrĩ wiirig_u buegorenagũ, wãtẽa masakare ñajãnerãrē béowiunayur_u.

*Jesús kãmi boagũre taudea**(Mt 8.1-4; Lc 5.12-16)*

⁴⁰ Jesús irasiriripoe sug_u kãmi boag_u ĩgũ pũro eja, ñadakũpuri merã ejamejãja, ĩgũrē sērēyur_u:

—M_u, y_u pũrĩrikũrere taudũag_u taumasĩa, ãrĩyur_u.

⁴¹ ĩgũ irasũ ãrĩmakũ pég_u, Jesús bũro bopoñarĩ merã ĩgũrē ĩã, ĩgũya mojõ merã moãña, ãsũ ãrĩyur_u:

—Mũrē taugũra. Kãmi marĩgũ dujaka!

⁴² ĩgũ irasũ ãrĩrĩ merãta kãmi yaripereakõãyuro. Irasirig_u kãmi marĩgũ dujayur_u.

⁴³⁻⁴⁴ Jesús ĩgũrē turaro merã ãsũ ãrĩyur_u:

—Gajerã masakare m_u tariadeare werebirikõãka! Paĩ pũroque mũya kãmi yariadeare ĩgũrē ĩmugũ waaka, ĩgũ mũrē: “Õãa, kãmi marĩgũ ããrã”, ãrĩburo, ãrĩgũ! ĩgũ irasũ ãrãdero pũr_u, Moisés gojadea pũgue sĩdoredeare sĩka! M_u irire irimakũ ĩãrã, masakade mũya kãmi yariadeare masĩrãkuma.

⁴⁵ Jesús ĩgũrē: “Gajerãrē y_u mũrē tauadeare werebirikõãka!” ãrĩkererũr_u, kãmi boadi gap_u irire masaka ããrĩperero marãrē wererũroriyur_u. Irasirig_u Jesús masaka ĩũrõ makãrĩguere ñajãmasĩbiriyrũ. Makã tũroque dita waanayur_u. Iroque ĩgũ ããrĩkererũr_u, masaka ããrĩperero marã ĩgũ pũroque ĩãrã ejanañurã.

2*Jesús dupũ buadire taudea**(Mt 9.1-8; Lc 5.17-26)*

¹ Mērõgã pũr_u Jesús dupaturi Capernaugue goedujáayur_u. ĩgũ goejadero pũr_u, iro marã masaka ĩgũ wiig_u ããrĩrĩrē masĩñurã. ² Irasirirã mata wãrã masaka iri wiire nerē, disipũrogueta ãtũriwirinũgãjakõãñurã. Jesús ĩgũsãrē Marĩpũya kerere wereg_u iriyur_u.

³ ĩgũ wereripoe wapikũrã ãma dupũ buadire Jesús pũroque ãĩjañurã. ⁴ Masaka wãrã ããrĩmakũ, ĩgũrē ãĩñajãmasĩbiriñurã. Irasirirã iri wii wekague mũrĩa, Jesús weka su gobe ãĩwea, ĩgũ oyaro merãta ĩgũrē dijuñurã. ⁵ Jesús, ĩgũsã ĩgũrē bũremumakũ ĩãgũ, buadire ãsũ ãrĩyur_u:

—Y_u, m_u ñerõ irideare kãtia.

⁶ ĩgũ irasũ ãrĩmakũ pérã, surãyeri Moisés gojadeare buerimasã iri wiig_u doarã Jesũre ãsũ ãrĩ gũñañurã: ⁷ “¿Nasirig_u ĩ ĩgũ werenĩrĩ merã Marĩpure ñerõ ãrĩrĩ? Masaka ñerõ irideare neõ sug_u masakũ kãtimasĩbirikumi. Marĩpũ sugũta masĩkumi”, ãrĩ gũñañurã.

⁸ Jesús ĩgũsã gũñarĩrē ĩãmasĩ, ãsũ ãrĩyur_u:

—¿Nasirirã irasũ gũñarĩ mũsã? ⁹ ¿Naásũ ãrĩrĩ gap_u diasaberi ĩ buadire: “Y_u, m_u ñerõ irideare kãtia”, ãrĩrĩ, o “Wãgãnũgã, m_u oyarore ãĩkõã waaka!” ãrĩrĩ gap_u diasaberi?

¹⁰ Y_u ããrĩpererã tĩgũ i ãmũgue ããrĩrãrē ĩgũsã ñerõ irideare Marĩpũ dorero merã kãtimasĩa.

Irasirigu ñi buadire taugura, musārē irire masĩdoregu, ārĩyupũ. Irasũ ārĩ odo, buadire ārĩyupũ:

11 —Yũ murē āsũ ārā: Wāgānugā, mũ oyaderore āikōā, mũya wiigue waaka!

12 Īgũ irasũ ārĩrĩ merāta āārĩpererā masaka ĩũrō wāgānugā, ĩgũ oyaderore āĩ, waakōāyupũ. Irasiririre ĩārā, ĩāgũka, Marĩpũre: “Ōātaria mũ, neō āsũ iririnorē ĩāñamerā āārĩbú”, ārĩ, usuyari sĩñurā.

Jesús Levire siiudea

(Mt 9.9-13; Lc 5.27-32)

13 Pũrũ Jesús dupaturi ditaru tũrogue waayupũ. Irogue wárā masaka ĩgũ pũro nerēmakũ ĩāgũ, ĩgũsārē bueyupũ. 14 Pũrũ iro āārādi waa, Alfeo magũrē Levĩ* wāikũgũre ĩgũ moārĩ taribugue doagũre ĩāyupũ. Īgũ romano marā opũre niyeru wajaseabosagu āārĩyupũ. Jesús ĩgũrē ĩā:

—Nāka, yũ merā! ārĩyupũ.

Īgũ irasũ ārĩmakũ pégũ, Levĩ wāgānugā, ĩgũ merā waakōāyupũ.

15 Jesús Levĩya wiigue waamakũ ĩārā, wárā niyeru wajaseabosarimasā, gajerā ñerō irirāde ĩgũrē tũyañurā. Levĩya wiigue eja, Jesús ĩgũsā merā ĩgũ buerā merā baa doanĩyupũ.

16 Jesús ĩgũsā merā baa doanĩmakũ ĩārā, fariseo bumarā, Moisés gojadeare buerimasāde Jesús buerārē āsũ ārĩñurā:

—¿Nasirigu musārē buegũ niyeru wajaseabosarimasā, ñerō irirā merā iirĩ, baari?

17 Īgũsā irasũ ārĩmakũ pégũ, Jesús ārĩyupũ:

—Pũrĩrĩ marĩrā kũririmasũrē āmabema. Pũrĩrikũrā gapũ ĩgũrē āmama. Yũ: “Ōārā āārā”, ārĩ gũñarārē siiugũ aaribiribũ. “Ñerō irirā āārā”, ārĩ gũñarā gapũre siiugũ aaribú, ārĩyupũ.

Jesũre bererimarē sērēñadea

(Mt 9.14-17; Lc 5.33-39)

18 Juan buerā, fariseo bumarāde bererā iriñurā. Irasirirā gajerā masaka Jesús pũro eja, ĩgũrē sērēñañurā:

—Juan buerā, fariseo bumarā buerire tũyarāde Marĩpũre bũremurā berenama. ¿Nasirirā mũ buerā gapũ ĩgũsā irirosũ iriberi?

19 Jesús ĩgũsārē yũjũyupũ:

—Sugũ mojõsiadi bosenu irimakũ, ĩgũ siiuanerā ĩgũ merā āārĩrā, berebirikuma. 20 Pũrũ ĩgũrē gajerā āĩāmakũ, bũro bũjawererĩ merā bererākuma.

21 Masaka maama surĩro gasiro merā bũgũñerē seretũbirikuma. Irasũ seretũmakũ, maama gasiro ĩgũsā koeadero pũrũ, tũāneeō, bũgũñerē wári gobe yeguenemomakũ irikoa. 22 Waimũrā gasiri merā iridea ajuri bũgũ ajurigue maama igui dekore diribirikuma. Irasũ dirimakũ, maama igui deko pāmu, bũgũ ajuro sērāturabiri, oore-akōākoa. Irasiriro igui deko, ajurode kōmoko. Irasirirā maama igui dekore maama ajurogue diriro gāāmea, ārĩyupũ†.

Siuñajārĩnũ āārĩmakũ, Jesús buerā trigo yerire tũrĩdea

(Mt 12.1-8; Lc 6.1-5)

23 Sunũ, judío masaka siuñajārĩnũ āārĩmakũ, Jesús trigo otedero watope waamakũ, ĩgũ buerā trigo yerire tũrĩ, koro, baawāgāñurā‡. 24 Fariseo bumarā, Jesús buerā irasirimakũ ĩārā, Jesũre ārĩñurā:

—Īāka! ¿Nasirirā siuñajārĩnũrē moādobirikerepũrũ, mũ buerā irasũ yári?

25 Jesús ĩgũsārē yũjũyupũ:

* 2:14 Levĩ pe wāĩ opayupũ. ĩgũta Mateo wāikũyupũ. † 2:22 Fariseo bumarā, Moisés gojadeare buerimasā iripoegue marā iriunadeama bueri, maama bueri merā buemorēduamakũ ĩāgũ, irasũ ārĩyupũ Jesús. ‡ 2:23 Deuteronomio 23.25: Moisés gojadesa pũgue āsũ ārĩ gojasũdero āārĩbú: “Sugũ masakũ gajigũya poegue waagá, ĩgũya mojõrĩ merāta trigo yerire tũrĩ, koro, baaburo. Wiirimajĩ merā diti āĩbirikōāburo”, ārĩ gojasũdero āārĩbú.

—¿Iripoegue opa David igũ merãmarã merã uaboagu, igũ irideare buebiriri? ²⁶ Igũ merãmarã merã Marĩpuya wiigüe ñajãa, Marĩpũ iũrõ peyari pã duparure baadi ããrĩmĩ. Abiatar paia opa ããrĩripoe irasiridi ããrĩmĩ. Marĩpũ paia ããrĩmerãrẽ: “Iri pã duparure baabirikõãka!” ãrĩdi ããrĩmĩ. David gapu paĩ ããrĩbirikeregu, irire baagu, Marĩpũ iũrõ igũ dorerire tarinugãgũ meta iridi ããrĩmĩ, ãrĩyupu.

²⁷ Irasũ ãrĩ odo, ãsũ ãrĩyupu doja:

—Iripoegue Marĩpũ masakaya ããrĩburire siuñajãrĩnrẽ igũsãrẽ pídi ããrĩmĩ. Masaka gapu inunorẽ igũsã iriburire doremasĩbema. ²⁸ Yu ããrĩpererã tĩgũ ããrĩsĩã, siuñajãrĩnrẽ masakare gajino igũsã iriburire doremasĩã, ãrĩyupu Jesús.

3

Jesús mojõ diíweredire taudea (Mt 12.9-14; Lc 6.6-11)

¹ Gajinu Jesús judío masaka nerẽrĩ wiigüe ñajãyupu doja. Iri wiigüe sugu masakũ diayema mojõ gapu diíweredi ããrĩyupu. ² Fariseo bumarã, Moisés gojadeare buerimasã Jesúre iãduripituya: “Siuñajãrĩnrẽ ããrã, irasirirã ñi mojõ diíweredire igũ taumakũ igũrẽ weresãrã!” ãrĩ gũñañurã. ³ Jesús mojõ diíweredire:

—Wãgãnugã, masaka iũrõgue ejanugãgũ aarika! ãrĩyupu. ⁴ Irasũ ãrĩ odo, gajerã iri wii ããrĩrãrẽ ãsũ ãrĩ sãrẽñayupu:

—¿Siuñajãrĩnrẽ Marĩpũ marĩrẽ ñeonorẽ iridoreyuri, õãrĩrẽ, o ñerĩrẽ, masakare taurire, o wẽjãrĩrẽ?

Igũsã gapu igũrẽ yujubiriñurã. ⁵ Irasirigu Jesús igũsãrẽ guari merã iãyupu. Igũsã pémasĩduabirimakũ iãgũ, bujawereyupu. Irasirigu mojõ diíweredire:

—Muya mojõrẽ soeoka! ãrĩyupu.

Igũ irasũ ãrĩmakũ pégu, soeoyupu. Igũ soeomakũ, igũya mojõ õãkõãyuro. ⁶ Irire iãrã, fariseo bumarã iri wiigüe ããrãnerã wiria, Herodes merãmarã merã nerẽ: “¿Nasirisĩã, marĩ igũrẽ wẽjãrãkuri?” ãrĩ gãme werenĩñurã.

Jesús ditaru turogue wãrã masakare buedea

⁷ Jesús gapu igũ buerã merã ditaru turogue waakõãyupu. Gajerã masaka Galilea nikũ marã wãrã igũrẽ tuyañurã. ⁸ Judea nikũ marã, Jerusalén marã, Idumea nikũ marã, dia Jordán wãikũdiya gajikoepu marã, gajerã Tiro, Sidón wãikũri makãrĩ turo marãde Jesús iriri kerere pérã, igũrẽ iãrã ejañurã. ⁹⁻¹⁰ Jesús wãrã pũrĩrikurãrẽ taugu iriyupu. Igũ irasũ taumakũ iãrã, ããrĩpererã pũrĩrikurã igũ parogue ejanugãñurã igũrẽ moãñamurã. Irasirigu, igũsã wãrãgora ããrĩmakũ iãgũ, Jesús igũ buerãrẽ suru doódirure ãmudoreyupu, masaka igũrẽ kũñarõgãgora ejanugãbirikõãburo, ãrĩgũ. ¹¹ Wãtãa igũrẽ iã, igũ iũrõ ñadũkupuri merã ejamejã:

—Mu ãmugasigue marã opa magũ ããrã, ãrĩ gainĩñurã.

¹² Igũsã irasũ ãrĩmakũ, Jesús wãtããrẽ turaro merã:

—Yaamarẽ werenĩmerãta! ãrĩyupu.

Jesús pe mojõma pere su gubu peru pẽrẽbejarã igũ buedoregu pímurãrẽ beyedea (Mt 10.1-4; Lc 6.12-16)

¹³ Gajinu Jesús buúru wekague marĩa, igũ gããmerãrẽ siiuyupu. Igũ siiumakũ pé, igũ puero nerẽñurã. ¹⁴ Irasirigu Jesús pe mojõma pere su gubu peru pẽrẽbejarã igũ merã ããrĩmurãrẽ, Marĩpuya kerere igũ buedoremurãrẽ beyeyupu. ¹⁵ Igũsãrẽ igũ turarire sũyupu, pũrĩrikurãrẽ tau, wãtãa masakare ñajãnerãdere béowiuburo, ãrĩgũ.

¹⁶ ãsũ wãikurã ããrĩñurã: Simón wãikugu ããrĩyupu. Igũrẽta “Pedro” wãiyeyupu Jesús.

¹⁷ Gajigu Santiago, igũ pagumu Juan igũsã Zebedeo wãikugu pũrã ããrĩñurã. Jesús igũsãrẽ “Boanerges” wãiyeyupu. “Boanerges”, ãrĩrõ: “Bupua masã”, ãrĩduaro yãa. ¹⁸ Gajerã:

Andrés, Felipe, Bartolomé*, Mateo, Tomás, Santiago ããrĩñurã. Santiago, Alfeo magũ ããrĩyupũ. Gajerã: Tadeo, Simón ããrĩñurã. Simón, celote wãikũri bumũ ããrĩyupũ. ¹⁹ Gajigũ Judas Iscariote wãikũgũ ããrĩyupũ. Īgũta Jesũre wẽjẽduarãguere Īgũrẽ ĩmubu ããrĩyupũ.

Jesũre: “Wãtĩ turari opami”, ããrĩ werewũadea
(Mt 12.22-32; Lc 11.14-23; 12.10)

Pũrũ Jesũs Īgũ buerã merã su wiigũe ñajãyupũ. ²⁰ Dupaturi wãrã masaka Īgũ pũro nerẽñurã doja. Irasirigũ Jesũs, Īgũ buerã merã baamasĩbiriyupũ. ²¹ Jesũya wererã irasũ waarĩre pãrã: “Niãrõtãrĩakõãkumi”, ããrĩñurã. Irasirirã gajerogue Īgũrẽ ãĩaduãrã ejadiñurã.

²² Gajerã Moisés gojadeare buerimasã Jerusalẽgue merã aaranerã ãsũ ããrĩñurã:

—Īĩ, wãtẽa opũ Beelzebũ ñajãsũdi ããrĩmi. Irasirigũ Beelzebũ turari merã wãtẽãrẽ bẽowiumi, ããrĩñurã.

²³ Īgũsã irasũ ããrĩmakũ pẽgũ, Jesũs masakare siiu, su keori merã ãsũ ããrĩ wereyupũ:

—¿Nasirigũ Satanás Īgũ basita bẽowiuobokuri? ²⁴ Su nikũ marã Īgũsã basi dukawari gãmekẽãrã, pereakõãkuma. ²⁵ Su wii marã Īgũsã basi dukawari gãmekẽãrã, pereakõãkuma.

²⁶ Satanás Īgũyarã merã dukawari gãmekẽãgũ, Īgũ basita yuwarikũdijakõãkumi.

²⁷ Neõ sugũ masakũ, turagũya wiire Īgũrẽ siapũroribirikeregũ, Īgũ oparire ěmagũ ñajãmasĩbirikumĩ. Īgũrẽ siadero pũrugũe merẽ Īgũyare ěmamasĩkumi, ããrĩyupũ. Jesũs wãtĩ nemorõ turagũ ããrã, ããrĩgũ, irasũ ããrĩyupũ.

²⁸ Pũrũ ãsũ ããrĩnemoyupũ:

—Mũsãrẽ diayeta werea. Marĩpũ ããrĩpereri masaka ñerõ iririre, Īgũsã ñerõ ããrĩ werenĩrdere kãtimasĩmi. ²⁹ Ōãgũ deyomarĩgũrẽ Īgũsã ñerõ ããrĩ werenĩmakũ tamerãrẽ neõ kãtibirikumi. Irasũ waja opanĩkõãrãkuma, ããrĩyupũ.

³⁰ Īgũsã Īgũrẽ: “Wãtĩ ñajãsũdi ããrĩmi ĩĩ”, ããrĩ werewũari waja irasũ ããrĩyupũ Jesũs.

Jesũs pago Īgũ pagupũrã merã Īgũrẽ ĩãgõ ejadea
(Mt 12.46-50; Lc 8.19-21)

³¹ Īgũ iro ããrĩripoe Jesũs pago, Īgũ pagupũrã merã ejayupo. Īgũ ããrĩrĩ wii disipũrogueta ejanũgãja, iro ããrĩrãrẽ Jesũre siiudoreñurã. ³² Irasirirã Jesũs pũro doarã Īgũrẽ ããrĩñurã:

—Mũpo, mũ pagupũrã disipũroguẽ mũrẽ ãmarã ejañurã.

³³ Jesũs gapũ ãsũ ããrĩyupũ:

—¿Noã ããrĩrĩ yũpo, yũ pagupũrã?

³⁴ Iririre ããrĩ odo, Īgũ pũro doarãrẽ ĩã, ãsũ ããrĩyupũ:

—Īĩsã, yũpo, yũ pagupũrã irirosũ ããrĩma. ³⁵ Marĩpũ gããmerĩrẽ irirãno, yũ pagũmũ, yũ pagũmo, yũpo irirosũ ããrĩma, ããrĩyupũ.

4

Jesũs oterimasũ keori merã buedea
(Mt 13.1-9; Lc 8.4-8)

¹ Gajinũ Jesũs dítaru tũrogue buenũgãyupũ doja. Masaka wãrã Īgũ pũro nerẽñurã. Īgũsã wãrã nerẽmakũ ĩã, Jesũs doódirugue mũrĩñajãa, eja doayupũ. Masaka ĩmparogue dujanũgãñurã Īgũ buerire pẽmurã. ² Irasirigũ wãri keori merã Īgũsãrẽ ãsũ ããrĩ bueyupũ:

³ —Ōãrõ pẽka! Sugũ oterimasũ Īgũ oterire otegũ waakumi. ⁴ Īgũ irire meẽwasiriwãgãmakũ, gajĩ yeri maague yurikoa. Iro yuriadea yerire mirã eja, baapeokõãkuma. ⁵ Gajĩ yeri ãtãyerikũrogue yurikoa. Iro nikũ sĩmerẽrõgã ããrĩmakũ, iri yeri mata puriadikoa. ⁶ Puriñajãdi, pũrũ abe asimakũ nugũrĩ marĩsĩã, ñãĩ, boakõãkoa. ⁷ Gajĩ yeri pora watopegue yurikoa. Pora gapũ puritarimũrĩã, iro yuridea yerire wẽjẽkõãkoa. Irasiriro dukã marĩrĩta boakõãkoa. ⁸ Gajĩ yeri õãrĩ nikũgue yurikoa. Iri yeri puri, masã,

* **3:18** “Bartolomé”, ããrĩrõ: “Tolomé magũ”, ããrĩduaro yãa. Īgũta Natanael wãikũgũ ããrĩdi ããrĩmĩ. San Juan 1.43-51: Jesũs Natanaere siiudea kere ããrã.

õãrõ dukakukoa. Suñu treinta yeri, gajiñu sesenta yeri, gajiñu cien yeri dukakukoa, ãrĩyupu.

⁹ Irire were odo:

—Gãmipũrĩ oparã, yu wererire pèduripĩka! ãrĩyupu Jesús.

*Jesús buerã ìgũrẽ: “¿Nasirigu keori merã bueri?” ãrĩ sêrẽñadea
(Mt 13.10-17; Lc 8.9-10)*

¹⁰ Masaka waadero pũru, Jesús sugũta ããrĩmakũ ããrã, ìgũ buerã pe mojõma pere su gubu peru pèrẽbejarã, gajerã ìgũ merã ããrĩrãde iri keori merã bueadeare:

—¿Naásũ ãrĩduaro iriari, guare mu bueadea? ãrĩñurã. ¹¹ Irasũ ãrĩmakũ pègu, Jesús ìgũsãrẽ ãrĩyupu:

—Marĩpu ìgũyarãrẽ doregu ããrĩrĩrẽ iripoegue masĩbirideare musãrẽ masĩmakũ yãmi. Yu gajerãrẽ ìgũrẽ buremumerã gapure keori merã dita buea. ¹² Irasirirã Marĩpu iririre ããkererã, ããmasĩbema. ìgũyare pèkererã, õãrõ pèmasĩbema. Marĩpu, ìgũsã ñerõ iriri gapure pirimakũ ããgũ, kãtibokumi, ãrĩyupu.

*Jesús oterimasũ keori merã ìgũ bueadeare: “Ãsũ ãrĩduaro yãa”, ãrĩ weredea
(Mt 13.18-23; Lc 8.11-15)*

¹³ Jesús gaji ìgũsãrẽ ãrĩnemoyupu doja:

—¿Musã, iri keori merã yu bueadeare pèmasĩberĩ? Irire pèmasĩmerã, ¿nasiri gaji gapure pèmasĩbokuri? ¹⁴ Marĩpuya kerere weregu, oteri yerire otegu irirosũ ããrĩmi. ¹⁵ Surãyeri masaka buriri maa irirosũ ããrĩma. Marĩpuya kerere pèadero pũru, oteri yeri iri maague yuridea yerire mirã baapeoderosũ, wãtẽa opu Satanás aari, ìgũsã pèadideare emapeokõami. ¹⁶⁻¹⁷ Gajerã masaka ããtayerikuri yeba irirosũ ããrĩma. ìgũsã Marĩpuya kerere usuyari merã pema. Irire pèkererã, oteri yeri ããtayerikurogue yuriadero pũru, puri nugũrĩ puriñajãbiriderosũ waama. Irasirirã mérõgã pũru ìgũsã Marĩpuyare pèduari waja gajerã ìgũsãrẽ ñerõ irimakũ ããrã, o ñerõ tarirã, ìgũsã pèadeare pirikõama. ¹⁸ Gajerã masaka porakuri yeba irirosũ ããrĩma. Marĩpuya kerere pema. Irire pèkererã, oteri yeri porakurogue yuriadero pũru, pora gapu puritarimurĩa wèjèderosũ, ¹⁹ i umama gapure buru gũñarikuma. “Wãri oparã õãrõ ããrĩrãkoa”, ãrĩ gũñarĩ, gajinorẽ buru gããmenemorĩ Marĩpuya kerere pèadideare kãtimakũ yãa. Otediñu duka marĩdiñu irirosũ dujama. Irasirirã Marĩpuyare iribema. ²⁰ Gajerã masaka õãrĩ nikũ irirosũ ããrĩma. Marĩpuya kerere õãrõ pèduripĩma. “Õãgorãa”, ãrĩ, Marĩpuyare õãrõ yãma. Irasirirã otediñu wãri dukakurosũ ããrĩma. Surãyeri treinta yeri, gajerã sesenta yeri, gajerã cien yeri dukakurosũ ããrĩma, ãrĩyupu Jesús.

*Jesús sããgodiru keori merã bueadea
(Mt 5.15-16; Lc 8.16-18)*

²¹ Gaji Jesús ãrĩnemoyupu doja:

—Masaka sããgodirure ãã, dupa kũma dokague, o kãrĩrõ dokaguedere pĩbirikuma. Ubu gapu umarõgue siukuma, õãrõ sããgoburo, ããrã. ²² Masaka ããberogue duripideare sããgorogue ããmasĩrõ irirosũ ããrĩpereri masaka masĩbirideare masĩsũrokoa. Irasiriro yayedea irirosũ neõ ããrĩbirikoa. ²³ Gãmipũrĩ oparã, yu wererire õãrõ pèduripĩka!

²⁴ Irasũ ãrĩ odo, ãsũ ãrĩnemoyupu doja:

—Musã pèrere õãrõ pèmasĩka! Mérõgã pèmasĩduarã, mérõgã pèmasĩrãkoa. Wãro pèmasĩduarã, wãro pèmasĩrãkoa. Marĩpu ìgũya kerere musã pèmasĩduaropã pèmasĩrĩrẽ sīgukumi. Irasũ ããrĩmakũ, wãro pèmasĩduarãrẽ sĩnemogukumi. ²⁵ Irasirigu ìgũya kerere õãrõ pèmasĩrãrẽ wãri pèmasĩrĩ sĩnemogukumi. Gajerã pèmasĩmerã gapure ìgũsã pèmasĩadideare emasũrãkuma. Irasirirã neõ pèmasĩmerã ããrĩrãkuma, ãrĩyupu.

Oteri masãrĩ keori merã bueadea

²⁶ Irasũ ãrĩ odo, gaji keori merã bueyupu doja:

—Marĩpu ãgũyarãrẽ doreri ãsũ ããrã. Sugũ masakũ ãgũya poeague oteri yerire meéwasirigu irirosũ ããrã. ²⁷ ãgũ irasũ meéwasiriadero purũ, ñami merã kãrĩkumi. Purũ boyoripoe yobekumi. Ëmarĩ, ñamirĩ tarikoa. ãgũ oteadea yeri puri masãkoa. ãgũ gapũ irire: “Irasũ waakoa”, ãrĩ masĩbirikumi. ²⁸ Iri yeri yeba poekague ããrĩsĩã, puri, pũrĩ wiripurori, purũ dupañerĩgã wiri, ðuka yeri deyoakoa. Purũgue pama õãrõ ðuka buribejakoa. ²⁹ Iri buribeja odomakũ ãã, ãgũrẽ moãboerãrẽ irire sea duripĩmurãrẽ iriukumi, ãrĩyupũ Jesús.

Jesús mostaza wãikuri yegã puri masãdea keori merã buedea
(Mt 13.31-32; Lc 13.18-19)

³⁰ Irasũ ãrĩ odo, gaji ãrĩnemoyupũ doja:

—Marĩpu ãgũyarãrẽ doreri, ¿ñeéno irirosũ ããrĩkuri? ¿Ñeéno keori merã weregakuri? ³¹ I irirosũ ããrã. Suye oteriye mostaza wãikuri yegãrẽ oterosũ ããrã. Iri oteri yegã ããrĩpereri oteri yeri nemorõ mérĩ yegã ããrã. ³² Irasũ ããrĩkerero, otemakũ, purũ yukũ wãdi ðupuri padi masãkoa. Irasirirã mirã irigu ðupurigue, yusurogue ãgũsãya surĩ suakuma, ãrĩyupũ Jesús ãgũ buerãrẽ, ãgũsã merã ããrĩãdere.

Jesús masakare keori merã buenadea
(Mt 13.34-35)

³³ Jesús masakare ãsũ buenayupũ. Marĩpũya kerere weregũ, wãri keori merã masaka pémasĩrõgueta buenayupũ. ³⁴ ãgũsãrẽ buegũ, keori merã dita buenayupũ. ãgũ buerã merã dita ããrĩgũ gapũ: “Ãsũ ãrĩðharo yãa iri”, ãrĩ werenayupũ ãgũsãrẽ.

Jesús mirũ, makũrĩrẽ toemakã iridea
(Mt 8.23-27; Lc 8.22-25)

³⁵ Jesús masakare oteri keori merã bueadeanũ naĩmejãripoe ãgũ buerãrẽ ãsũ ãrĩyupũ:

—Nãka, ditaru sikoepũgue taribujarã!

³⁶ ãgũ irasũ ãrĩmakũ pé, masakare seretu, ãgũ sãñadea doódirugue murĩñajãa, ãgũrẽ ãrĩ taribujakõãñurã. Gajerã gaji doóriduparu merã wapikũwãgãñurã. ³⁷ ãgũsã taribujaripoe mirũ buru waa, makũrĩ ãgũsãya doódirure páñajãmiũakõãdiyuro. Buru goero waayuro ãgũsãrẽ.

³⁸ Jesús gapũ wejaturoma doaripẽrõgue peyari gasiro merã õõtú kãrĩbejakõãyupũ. Irasirirã ãgũ buerã ãgũrẽ ãsũ ãrĩ yobeñurã:

—¿Gũare buegũ, mũ ããberi? Marĩ mirĩmurã yãa, ãrĩñurã. ³⁹ ãgũsã irasũ ãrĩmakũ pégũ, Jesús wãgãñugã, mirũrẽ, makũrĩdere toedoreyupũ:

—Iropãta, toeaka! ãrĩyupũ. ãgũ irasũ ãrĩmakũ, mirũ, makũrĩ buru waadea toedi-japereakõãyuro.

⁴⁰ Purũ Jesús ãgũ buerãrẽ ãrĩyupũ:

—¿Nasirirã gũiri mũsã? ¿Yure buremurĩ opaberi dapa mũsã iropã gũirã?

⁴¹ ãgũsã gapũ buru gũka, ãsũ ãrĩ gãme werenĩñurã:

—¿Ñeémũno masakũ ããrĩrĩ ãrĩ? Mirũ, makũrĩgueta ãgũrẽ tarinũgãbea, ãrĩñurã.

5

Jesús Gerasamũrẽ wãtẽa ñajãnerãrẽ béowiudea
(Mt 8.28-34; Lc 8.26-39)

¹ Jesús ãgũ buerã merã ditarure taribuja, Gerasa* marãya nikũgue ejayupũ. ² Jesús doódirugue ããrãdi majãñũgãripoe sugũ masakũ wãtĩ ñajãñũdi, masãgoberi watopegue ããrãdi Jesũre bokatĩrĩyupũ. ³ ãgũ masãgoberi watopegue ããrĩgũ ããrĩyupũ. Neõ sugũ ãgũrẽ pũguburi merã, kõmedari merãdere siapĩmasĩbiriñurã. ⁴ Wãri ãgũya guburire, mojørĩdere kõmedari merã siapĩnadiñurã. ãgũsã siapĩriku, ãgũsã siadeadarire tũãtawasiri béonokõãyupũ.

* 5:1 Gerasa, Gadara wãikuri makãrĩ Decãpolis wãikuri nikũgue ããrĩyuro.

Neō sugu ĩgūrē tarinugāmasĩbiriñurā. ⁵ Ūmarikũ, ñamirikũ buurĩgue, masāgoberi watopegue gainĩgorenayupu. ĩgũ basita ūtāyeri merā ĩgũya dupare pá kāmítúnayupu. ⁶ Jesúre yoarogueta ĩāgũ, ūmawāgāri, ĩgũ ĩūrō ñadukũpuri merā ejamejāyupu. ⁷⁻⁸ Jesús āriyupu:

—Wātĩ, mu ñajādire wirika!

Irasũ ārimakũ pégu, buro gainĩrĩ merā āsũ āriyupu:

—Jesús, ūmugasigue āārĩpererā nemorō turagu magũ, ¿nasiribu yári mu yure? Mupu ūmugasigue āārĩgũ péuro murē sērēa. Yure poyarikũmakũ iribirikōāka!

⁹ Jesús ĩgūrē sērēñayupu:

—¿Naásũ wāikuri mu?

—Wárā āārā gu. Irasirigu Legión wāikua yu, āriyupu.

¹⁰ Irasũ ārĩ odo, Jesúre buro sērēyupu doja:

—Guare i nikūrē béowiubirikōāka! āriyupu. ¹¹ Iro buúru puero wárā yesea āma baarā iriñurā. ¹² ĩgūsārē ĩārā, wātēa Jesúre sērēñurā:

—Guare yeseaguere ñajādoregu iriuka!

¹³ —Jáu, ĩgūsārēta ñajārā waaka! āriyupu Jesús wātēārē. ĩgũ irasũ ārimakũ, masakugue āārānerā wiria, yesea dos mil āārĩrārē ñajāñurā. ĩgūsā ñajāmakũ, yesea ūma mirēbuáa, ditarugue meébia dijáa, mirĩ boapereakōāñurā.

¹⁴ Irasũ waamakũ ĩārā, yeseare korerimasā gukari merā ūmadujáa, ĩgūsāya makā marārē, iri makā turo marādere wererā waañurā. ĩgūsā weremakũ pérā, masaka āārĩpererā: “¿Naásũ waáyuri?” ārĩ, ĩārā ejañurā. ¹⁵ Jesús puero ejarā, wātēa ñajāsũdi āārādire iro doagure ĩāñurā. Surĩro sāñadi, oārō pémasĩrĩ merā āārĩyupu. Masaka ĩgūrē ĩārā, buro güiñurā. ¹⁶ Jesús masakure wātēārē béowuadeare ĩānerā yeseare waadeadere wereñurā. ¹⁷ Irire pérā, Gerasa marā Jesúre: “Waaka guaya nikūrē!” ārĩñurā.

¹⁸ ĩgūsā irasũ ārimakũ pégu, Jesús doódirugue marĩñajāyupu. ĩgũ marĩñajāmakũ, wātēa ñajāsũdi āārādi Jesúre: “Yude mu merā waadũakoa”, ārĩ sērēadiyupu. ¹⁹ ĩgũ irasũ ārimakũ pégu, Jesús ĩgūrē āsũ āriyupu:

—Yu merā waabirikōāka! Muya wiigue goedujáaka! Murē mu Opũ oārō iriadeare, ĩgũ bopoñarĩ merā ĩādeare muya wii marārē weregu waaka! āriyupu.

²⁰ ĩgũ irasũ ārimakũ pégu, Decápolis† wāikurogue waa, iroma makārĩ marārē āārĩpereri Jesús ĩgūrē irideare werenugāyupu. Āārĩpererā ĩgũ wererire pérā, pégukakōāñurā.

*Jesús Jairo magōrē, gajego nomeō ĩgũya surĩrore moāñagōrē taudea
(Mt 9.18-26; Lc 8.40-56)*

²¹ Jesús Gerasa marāya nikũgue āārādi doódirugue marĩñajāa, gaji koepugue taribujakōāyupu. ĩgũ iroque ejamakũ ĩā, ditaru turogue wárā masaka ĩgũ puero nerēñurā. ²² ĩgũ iroque āārĩripoe sugu judío masaka nerērĩ wii oparā merāmu Jairo wāikugũ ejayupu. Jesúre ĩāgũ, ĩgũya guburi puero ñadukũpuri merā ejamejāja, ĩgūrē buro sērēyupu:

²³ —Yu magō kōmobogue iriamo. Muya mojōrĩ merā ñapeo, igore taugu aarika! Mu irasirimakũ, okagokumo, āriyupu. ²⁴ ĩgũ irasũ ārimakũ pégu, Jesús ĩgũ merā waayupu. ĩgũ waamakũ, wárā masaka ĩgūrē kũñarōgā tuuyañurā. ²⁵ ĩgūsā watopegue sugo nomeō pe mojōma pere su gubu peru pērēbejari bojorigora dí wiriri merā pũrĩrikũgo āārĩyupo. ²⁶ Wárā kúrimasā igore kúrikerepu, neō taribiriuro. Igo niyeru opadideare āārĩpereri ĩgūsārē wajaripeokerepu, sōo gapu buro waayuro. ²⁷⁻²⁸ Igo, Jesús pũrĩrikurārē taurire péyupo. Irasirigo masaka watopegue waa: “ĩgũya surĩrore yu moāñamakũ, pũrĩrĩ yure tarirokoa”, ārĩ güñarĩ merā, Jesús puupu gapu ejanugā, ĩgũya surĩrore moāñayupo. ²⁹ Mata igo dí wiriadea tariakōāyuro. “Yure pũrĩrĩ tarikoa”, ārĩ péñayupo. ³⁰ Igo moāñamakũta,

† 5:20 Gerasa, Gadara wāikuri makārĩ Decápolis wāikuri nikũgue āārĩyuro.

Jesús ìgũ turaro merã sugo pũrĩrikugore tauadeare masĩkõãyupũ. Irasirigu masakare gãmenugã ìã:

—¿Noã yaa surĩrore moãñarĩ? ãrĩyupũ.

³¹ Ìgũ irasũ ãrĩmakũ pérã, ìgũ buerã ìgũrẽ ãrĩñurã:

—¿Mũ ìãberi? Wárã masaka mārẽ kãñarõgã tuuyama. ¿Nasirigu ìgũsãrẽ: “¿Noã yare moãñarĩ?” ãrĩ sērẽñarĩ?

³² Jesús gapũ masaka ããrĩpererãrẽ ìãyupũ, ìgũrẽ moãñadeore ìãbokabu. ³³ Jesús igo pũrĩrikũri tariadeare masĩmakũ ìã, gũi naradari merã ìgũya guburi pũro ñadũkũpuri merã ejamejã, ããrĩpererire diaye ãrĩrĩ merã werepeokõãyupo.

³⁴ Jesús igure ãrĩyupũ:

—Mũ yare buremurĩ opáa. Irasirigo mũ pũrĩrikũrere tausũa. Ƴsũyari merã waaka! Mũ pũrĩrikũadea tariakõãa, ãrĩyupũ.

³⁵ Jesús irasũ ãrĩripoe Jairoya wiigüe ããrãnerã ejañurã:

—Mũ magõ kõmoakõãmo. Iropãta marĩrẽ buegũre garibonemoka! ãrĩñurã.

³⁶ Ìgũsã irasũ ãrĩkerepũrũ, Jesús Jairore ãsũ ãrĩyupũ:

—Gũibirikõãka! Buremurĩ opaka yare!

³⁷ Irasirigu Jesús masakare: “Aaribirikõãka!” ãrĩ, Pedro, Santiago, ìgũ pagũmũ Juãrẽ siiu, Jairoya wiigüe ìgũsã merã waayupũ. ³⁸ Iri wiigüe ejagu, wárã masaka bũro busuro orerãrẽ bokajayupũ. ³⁹ Jesús, wiigüe ñajãa, ìgũsãrẽ ãsũ ãrĩyupũ:

—¿Nasirĩã mũsã iropã busuro oreri? Igo majĩgõ boabemo. Kãrĩgõ yámo.

⁴⁰ Ìgũ irasũ ãrĩmakũ pérã, ìgũrẽ bũriñurã. Irasirigu Jesús ããrĩpererãrẽ wiriadoreyupũ. Ìgũsã wiriadero pũrũ, majĩgõ pagũsãmarãrẽ, ìgũ merãmarãrẽ igo peyarogue siiu ñajãyupũ.

⁴¹ Ñajãja, igoya mojõrẽ ñeã, igure:

—Talita, cumi, ãrĩyupũ. “Talita, cumi”, ãrĩrõ: “ ‘Majĩgõ, wãgãnũgãka!’ ãrã”, ãrĩduaro yáa.

⁴² Ìgũ irasũ ãrĩmakũta, majĩgõ wãgãnũgã, waamasĩyupo. Igo pe mojõma pere su gubu peru pẽrẽbejari bojori opago ããrĩyupo. Masaka, igo masãmakũ ìãrã, ìãgũkatariakõãñurã.

⁴³ Jesús gapũ ìgũsãrẽ turaro merã:

—Igo masãdeare gajerãrẽ werebirikõãka! ãrĩyupũ. Irasũ ãrĩ odo, igo pagũsãmarãrẽ: “Igre baari ejoka!” ãrĩyupũ.

6

Jesús Nazaregue goedujáadea (Mt 13.53-58; Lc 4.16-30)

¹ Pũrũ Jesús iro ããrãdi ìgũya nikũgue goedujáayupũ. Ìgũ buerãde ìgũ merã waañurã.

² Judío masaka siuñajãrĩnũ ããrĩmakũ, Jesús ìgũsã nerẽrĩ wiigüe ñajãa, masakare buenũgãyupũ. Wárã masaka iro ããrĩã ìgũ buemakũ pérã, pégũkakõãñurã:

—¿Noógue bueyuri ñi iropã masĩbu? ¿Noã ìgũrẽ iropã masĩrĩrẽ sĩyuri, ìgũ turari merã iri ìmuburire? ³ Ñi taboa merã gajino irigu ããrĩmi. María magũ, Santiago, José, Simón, Judasã tĩgũ ããrĩmi. Ìgũ pagũpũrã nomede õõ marĩya makãta ããrĩma, ãrĩ gãme werenĩñurã ìgũsã basi. Irasirirã ìgũrẽ buremudũabirĩñurã.

⁴ Jesús gapũ ìgũsãrẽ ãrĩyupũ:

—Ããrĩpererogue sugũ Marĩpũya kerere weredupuyugũre gajerã buremuma. Ìgũya nikũ marã, ìgũya wererã, ìgũya wii marã gapũ ìgũrẽ buremubema, ãrĩyupũ.

⁵ Irasirigu iro ããrĩgũ, wári Marĩpũ turari merã iri ìmubiriyupũ. Surãyerita pũrĩrikũrãrẽ ìgũya mojõrĩ merã ñapeo tauyupũ. ⁶ Iro marã ìgũrẽ buremubirimakũ ìãgũ, gũkatariakõãyupũ. Pũrũ iri makã tũroma makãrĩ marãrẽ buegũ waayupũ.

Jesús ìgũ buerãrẽ buedoregũ iriudea (Mt 10.5-15; Lc 9.1-6)

⁷ Irasirigu Jesús igũ buerã pe mojõma pere su gubu peru pẽrẽbejarãrẽ siiu needõ: “Yu turari merã wãtẽa masakare ñajãnerãrẽ béowiurã waaka!” ãrĩ, igũsã ããrĩpererãrẽ pẽrã dita dukawa iriuyupu. ⁸ Igũsãrẽ iriugu, gajino baari, aju, niyeru ããadorebiriypu. Igũsã tuari yuku direta ããadoreypu. ⁹ Igũsã sãñarĩ merã dita waadoreypu. Gaji igũsã suri sãñaburi ããadorebiriypu. ¹⁰ Asũ ãrĩyupu:

—Sugu musãrẽ õãrõ bokatĩrĩneãmakũ, igũya wiita dujaka! Iri makãrẽ wiri waarãgue iri wiire wirika! ¹¹ Su makã marã musãrẽ gããmebirimakũ iãrã, musã werenĩrẽ pẽduabirimakũ iãrã, iri makãrẽ tariwãgã, iri makãma nikũwera musãya guburigue tuadeare mojẽbéokõaka! Igũsã musãrẽ gããmebiri waja irasirika, igũsãrẽ Marĩpu wajamoãburire pẽmasĩburo, ãrĩrã! Yu musãrẽ diayeta werea. Marĩpu ããrĩpererã ñerãrẽ wajamoãrĩnu ejamakũ, Sodoma, Gomorra marãrẽ wajamoãrõ nemorõ igũsãrẽ wajamoãgukumi, ãrĩyupu.

¹² Igũ irasũ ãrãdero puru, waakõãñurã. Waa, masakare: “Musã ñerõ irideare bujawereka! Musã gũñarĩrẽ gorawayuka!” ãrĩñurã. ¹³ Irasũ ããrĩmakũ, wãrã wãtẽa masakare ñajãnerãrẽ béowiuñurã. Wãrã purĩrikurãrẽ uye merã wãkã, tauñurã.

Juan masakare wãiyerimasũ boadea

(Mt 14.1-12; Lc 9.7-9)

¹⁴ ããrĩperero marã masaka Jesús igũ iriri kerere pẽseyakõãñurã. Herodes, Galilea nikũ marã opude pẽyupu. Irire pẽgu, asũ ãrĩyupu:

—Juan masakare wãiyerimasũ boadigue masãdi ããrĩkumi. Irasirigu turari merã wãri iri ñmurĩrẽ irikumi, ãrĩyupu.

¹⁵ Gajerã gapu ãrĩñurã:

—Igũ, Elías iripoegue Marĩpuya kerere weredupuyudi ããrĩkumi.

Gajerã ãrĩñurã:

—Igũ, sugu iripoeguemu, Marĩpuya kerere weredupuyudi irirosũ ããrĩgũ ããrĩkumi, ãrĩñurã.

¹⁶ Herodes irire pé, asũ ãrĩyupu:

—Igũ, Juan ããrĩkumi. Yu igũrẽta igũya dipurure dititãdorebu. Daporare dupaturi masãkumi doja, ãrĩyupu.

¹⁷⁻¹⁸ Juan boaburi dupuyuro Herodes igũ pagumu Felipe marãpore ãma, igore marãpokudi ããrĩmĩ. Igo Herodías wãikãdeo ããrĩmõ. Igũ irasirimakũ iã, Juan Herodere:

—Mu pagumu marãpore marãpokugu, Marĩpu dorerire tarinugãgũ yãa, ãrĩdi ããrĩmĩ. Igũ irasũ ãrĩrĩ waja Herodes igũyarã ãmarẽ Juãrẽ peresu iridoredi ããrĩmĩ.

¹⁹⁻²⁰ Herodías gapu Juãrẽ purĩsũgũ iãdeo ããrĩmõ. Irasirigo igũrẽ wẽjẽduadeo ããrãdimõ. Herodes gapu Juãrẽ: “Õãrĩrẽ irigu, õãgũ ããrĩmĩ”, ãrĩ gũña, buremurĩ merã igũrẽ gũidi ããrĩmĩ. Juan weremakũ pẽgu, buro gũñarikudi ããrĩmĩ. Irasũ gũñarikukeregu, usuyari merã igũ wererire pẽdi ããrĩmĩ. Irasirigu igũrẽ wẽjẽdorebiridi ããrĩmĩ. Irasirigo Herodías igũrẽ wẽjẽduakerego, wẽjẽdoremasĩbirideo ããrĩmõ. ²¹ Puru Herodías igũrẽ wẽjẽduadeo ããrĩsã, õãrõ bokadeo ããrĩmõ. Herodes igũ deyoadeanu ããrĩmakũ, igũya nikũ marã oparãrẽ, igũyarã surara oparãrẽ, gajerã Galilea marã oparãdere siiu, igũsã merã bosebaadi ããrĩmĩ.

²² Igũ siuanerã merã baari taribugue baaripoe Herodías magõ ñajãa, igũsã iũrõ baya ñmudeo ããrĩmõ. Igo baya ñmumakũ iãrã, Herodes, igũ siuanerãde usuyanerã ããrĩmã. Irasirigu Herodes igore ãrĩdi ããrĩmĩ:

—Mu gããmerĩnorẽ sãrẽka yare! Mu sãrẽrĩrẽ murẽ sĩgura, ãrĩdi ããrĩmĩ.

²³ Irasirigu iro ããrĩrã pẽuro: “Ãrĩgatoro marĩrõ mu sãrẽrõsũta murẽ sĩgukoa. Yu opari, yaa nikũ ããrĩrĩ deko ejatuaropã murẽ sĩgukoa”, ãrĩdi ããrĩmĩ. ²⁴ Igũ irasũ ãrĩmakũ pẽgo, igo pago puro waa, sãrẽñadeo ããrĩmõ:

—¿Ñeonorẽ sãrẽgokuri yu?

—Juan masakare wāiyerimasūya dipurure sērēka! āri yujudeo āārīmó.

²⁵ Igo pago irasū āārimakū pégo, mata opu Herodes purogue waa, ĩgūrē āārideo āārīmó:

—Daporata Juan masakare wāiyerimasūya dipurure dititá, soropa wáripa merá sīmakū gāāmekoa.

²⁶ Igo irasū āārimakū, opu Herodes buro bujaweredi āārīmí. ĩgū siiuanerā péuro: “Mu sērērīrē murē sīgura”, ārādi āārīsīā, gūyasīrīgū, igore: “Mu sērērīrē sībirikoa”, āārimasībiridi āārīmí. ²⁷ Irasirigū mata ĩgūyagu surarare peresu iriri wiigue Juāya dipurure dititá āāiwāgāridoregu iriudi āārīmí. ²⁸ Irasirigū surara irogue waa, Juāya dipurure dititá, soropa merā āāidi āārīmí. Āija, Herodías magōrē wiadi āārīmí. ĩgū igore iripare wiamakū, ñeā, igo pagore āā sīdeo āārīmó.

²⁹ Juan buerā ĩgūrē waadea kerere pérā, irogue waa, ĩgūya dupure āāiwāgā, yāañurā.

Jesús cinco mil āmarē baari ejodea

(Mt 14.13-21; Lc 9.10-17; Jn 6.1-14)

³⁰ Jesús ĩgūyare buedoregu iriuanerā ĩgū puro goedujajarā, ĩgūsā iriadeare ĩgūsā masakare bueadeare werepeokōañurā.

³¹ ĩgūsā goedujajadero puru, wārā masaka ĩgūsā puro gāmeñajārā ejañurā. Irasirirā Jesús buerā baamasībiriñurā. Irasirigū Jesús ĩgūsārē:

—Náka, marī dita masaka marīrōgue siuñajārā! āriyupu. ³² Irasirigū Jesús ĩgū buerā merā doódirugue murīñajāa, ĩgūsā dita masaka marīrōgue waakōañurā. ³³ ĩgūsā waamakū ĩārā, wārā masaka Jesúre ĩāmasīñurā. Irasirirā āārīpereri makārī marā maague waa, Jesús ejaburogue ũmajasiañurā. ³⁴ Jesús doódirugue sāñadi majānugāja, wārā masakare ĩāyupu. ĩgūsārē ĩāgū: “Īsā oveja sugū ĩgūsārē koregu opamerā irirosū āārīma”, āri gūñayupu. Irasirigū ĩgūsārē bopoñarī merā ĩā, wāri buenugāyupu. ³⁵ Namika āārīmakū, Jesús buerā ĩgū puro waa, ĩgūrē āārīñurā:

—Ōō masaka marīrōgue āārā. Namikague āārīsīāa. ³⁶ Irasirigū masakare waadoreka! Makārīgue, makārī turoma wiirigue baari wajarirā waaburo. Marī ōōguere baari opabea, āārīñurā.

³⁷ Jesús gapu:

—Musā ĩgūsārē baari sīka! āriyupu.

ĩgū irasū āārimakū pérā:

—¿Gua ĩgūsā baaburire wajarirā waamakū gāāmekuri? ĩgūsā baaburi doscientos nurī moā wajataropā wajakurokoa, āārīñurā.

³⁸ Jesús ĩgūsārē āriyupu:

—¿Díku pā duparu opari musā? ĩārā waaka!

—Jáu, āri, baarire ĩārā waa:

—Su mojōma pā duparu āārā, waaí pērāta āārīma, āārīñurā.

³⁹ Irasirigū Jesús ĩgūsārē āriyupu:

—Masakare tá weka boje yebori dita doayodoreka! ⁴⁰ Irasirirā su yebore cien, gajī yebore cincuenta doajañurā. Āārīpererā irasū dita doajañurā. ⁴¹ ĩgūsā eja doaperemakū, Jesús su mojōma pā duparu, pērā waairé āi, ũmagasigue ĩāmu, Marīpūre: “Murē usuyari sīa”, āriyupu. Āri odo, iri pā duparure pea, ĩgū buerārē sīyupu, masakare gueredoregu. Waaídere irasūta iriyupu, āārīpererārē gueredoregu. ⁴² Irasirirā āārīpererā ōārō baayapiakōañurā. ⁴³ Puru ĩgūsā baadūáadeare Jesús buerā seasārā, pe mojōma pere su gubu peru pērēbejari puuirigora utaudoboñurā. ⁴⁴ Pā duparure baanerā: nome, majirā keoña marīrō ũma direta keomakū, cinco mil gora āārīñurā.

Jesús deko weka waadea

(Mt 14.22-27; Jn 6.16-21)

⁴⁵ Pɔɔ Pɔɔ Jesús ĩgũ buerãrẽ doódirugue mɔrĩñajãdore, Betsaida wãĩkɔri makãgue ĩgũ dupuyuro taribujadoreyupɔ. ĩgũsã taribujaripoe Jesús masakare: “Ōãrõ waaka!” ãrĩ seretuyupɔ. ⁴⁶ Seretu odo, buúrugue Marĩpɔre sërẽgũ mɔrĩayupɔ. ⁴⁷ Naĩwãgãriripoe Jesús sugũta buúru wekague ããrĩyupɔ. ĩgũ buerã gapɔ ditaru dekogora ããrĩñurã. ⁴⁸ Mirũ ĩgũsãrẽ taribujamasĩña marĩrõ ĩgũsã diaye wẽjẽpumakũ ĩãyupɔ Jesús. Pɔɔ boyo mɔrĩriripoe ditarugue buaja, deko weka ĩgũsã pɔro aari, ejanugã, ĩgũsãrẽ tariwãgãbu irirosũ iriyupɔ. ⁴⁹ ĩgũ irasũ deko weka ejanugãmakũ ĩãrã: “Masakɔ boadi wãtĩ ããrĩmi”, ãrĩ gũña, bɔro gɔkari merã gainĩñurã. ⁵⁰ ããrĩpererã ĩgũrẽ ĩãrã, bɔro gɔkãñurã. ĩgũsã gɔkamakũ ĩãgũ, mata Jesús ĩgũsãrẽ ãrĩyupɔ:

—Gũñaturaka! Yũta ããrã. Gũimerãta!

⁵¹ ĩgũ irasũ ãrãdero pɔɔ, ĩgũsã sãñadiru doódirugue mɔrĩñajãyupɔ. ĩgũ mɔrĩñajãmakũta, mirũ toekõãyuro. Irasũ waamakũ ĩãrã, ĩãgɔkatariakõãñurã. ⁵² ĩgũ pã duparure Marĩpɔ turari merã iri ĩmuadeare pẽmasĩbiriñurã. ĩgũyamarẽ õãrõ pẽmasĩturabiriñurã.

Jesús Genesaret marãrẽ pũrĩrikũrãrẽ taudea
(Mt 14.34-36)

⁵³ Jesús doódirugue mɔrĩñajãmakũ, ĩgũ merã taribuja, Genesaret* wãĩkɔri nikũgue eja, doódirure siatúpau majãkõãñurã. ⁵⁴ ĩgũsã majãmakũ, mata masaka Jesúre ĩãmasĩñurã. ⁵⁵ Irasirirã ĩgũsãya nikũ ããrĩpererogue ũmawãgã, pũrĩrikũrãrẽ ĩgũsã peyari merãta ĩgũ ããrĩrõgue ãĩjañurã. ⁵⁶ ããrĩperero ĩgũ waaró ĩgũ ejaburi dupuyuro paga makãrĩ marã, mutã makãrĩgã marã, makãrĩ tɔro marãde pũrĩrikũrãrẽ wiiri disipɔrorigue ãĩwiupĩñurã. ĩgũsã pɔro ĩgũ ejamakũ ĩã, ĩgũrẽ:

—Mɔya surĩro yuwa direta ĩgũsãrẽ moãñadoreka! ãrĩ sërẽñurã. Irasirirã ããrĩpererã ĩgũya surĩrore moãñarã ĩgũsã pũrĩrikũadeare tarisũñurã.

7

Masakare ñerã waamakũ iririre buedea
(Mt 15.1-20)

¹ Pɔɔ fariseo bumarã, Moisés gojadeare buerimasãde Jerusalẽgue ããrãnerã eja, Jesús pɔro nerẽñurã. ² Irasũ nerẽrã, ĩgũsã: “Baaburi dupuyuro mojõkoeka!” ãrĩdeare surãyeri Jesús buerã mojõkoero marĩrõ baamakũ ĩãrã, ĩgũsãrẽ werewũãñurã. ³ Fariseo bumarã, ããrĩpererã judío masaka ĩgũsã ñekũsãmarã iriunaderosũ ĩgũsãya mojõrĩrẽ mojõkoepɔrori baanañurã. ⁴ ĩgũsã baari duarogue ejanerãde mojõkoepɔrorisĩã, baanañurã. Wãri gaji ĩgũsã ñekũsãmarã iriunadeare iritũyañurã. Irasirirã ĩgũsã ñekũsãmarã: “Ãsũ dita irika!” ãrĩdeare irirã, ĩgũsã ĩirĩriduparure, ĩgũsã ĩirĩburi duripĩriduparure, ĩgũsãya kõmesororire, ĩgũsã doaripẽrĩrẽ koenañurã. ⁵ Irasirirã fariseo bumarã, Moisés gojadeare buerimasãde Jesúre ãsũ ãrĩ sërẽñañurã:

—¿Nasirirã mɔ buerã marĩ ñekũsãmarã iriunaderosũ baaburi dupuyuro mojõkoeberi? ãrĩñurã.

⁶ Jesús ĩgũsãrẽ ãrĩyupɔ:

—Mũsã masaka ĩãberogue ñerõ iririkũrã, irigatorikũrã ããrã. Iripoegue Marĩpɔya kerere weredupuyudi Isaías mũsã dapora irigatorire gojagu, diayeta ãsũ ãrĩ gojadi ããrĩmĩ: Masaka ĩgũsãya disi merã yũre õãrõ werenĩkererã, ĩgũsãya gũñarĩgue yũre neõ bɔremubema.

⁷ Irasiriro ĩgũsã yũre bɔremurã nerẽrĩ wajamãa. ĩgũsã bueri, yũ doreri meta ããrã. Masaka doreri ããrã, ãrĩ gojadi ããrĩmĩ.*

⁸ Irasirirã mũsã ñekũsãmarã iriunaderosũ irimurã Marĩpɔ dorerire pirikõãa, ãrĩyupɔ Jesús.

* **6:53** Genesaret wãĩkɔri nikũ, Galilea wãĩkɔri ditaru tɔro ããrĩyuro. ✧ **7:7** Is 29.13

⁹ Āsū ārīnemoyupū doja:

—Mūsā ñekūsāmarā doredeare irituyarā, Marīpū doreri gapure béokōāa. ¹⁰ Iripoegue Moisés āsū ārī gojadi āārīmī: “Mupure, mupore buremuka! Sugu ĩgū pagusāmarārē ñerō werenígū wējēdoresūgukumi”, ārī gojadi āārīmī. ¹¹ Mūsā gapū masakare āsū ārī buea: “Sugu ĩgū pagure, o ĩgū pagore: ‘Yū mūsārē sīboadeare Marīpūre sīpeokōābu. Irasirigu mūsārē iritamumasībirikoa’, ārīmakū ōāgorāa”, ārī buea. ¹² Mūsā masakare irasū ārī buerā, masakare ĩgūsā pagusāmarārē iritamubirimakū yāa. ¹³ Irasirirā mūsā ñekūsāmarā pídeare gajerārē irire irituyadorerā, ĩgūsārē Marīpū doreri gapure ubu ĩāmakū yāa. Gaji wāri irinorē yāa, ārīyupū Jesús fariseo bumarārē.

¹⁴ Irasū ārī odo, Jesús masakare siiu, āsū ārīyupū:

—Yū wererire āārīpererā ōārō pékūñú, péka! ¹⁵ Masakaya disigue ñajāri ĩgūsārē ñerā waamakū iribea. ĩgūsāya disi wiriri gapū, ĩgūsārē ñerā waamakū yāa. ¹⁶ Gāmpūrī oparā, yū wererire péduripíka! ārīyupū. ¹⁷ Pūru Jesús masaka merā āārādi, wiigue ñajākōāyupū. Irogue ĩgū buerā ĩgū keori merā wereadeare sērēñañurā. ¹⁸ ĩgūsā sērēñamakū pégu, ārīyupū:

—¿Mūsāde pémasīberi dapa? Āārīpereri baari masakaya disigue ñajāri, ĩgūsārē ñerā waamakū irimasībea. ¿Irire pémasīberi mūsā? ¹⁹ ĩgūsā baadea ĩgūsā gūñarīgue ñajābea. ĩgūsāya paru gapū ñajāa, pūru tariwiria, ārīyupū. Irire ārīgū: “Āārīpereri baari ōārī āārā”, ārīgū iriyupū. ²⁰ Gaji ārīnemoyupū doja:

—Masaka ĩgūsā gūñarīguere opari gapū, ĩgūsārē ñerā waamakū yāa. ²¹ ĩgūsā gūñarīgue ñerī oparā, āsū āārīma. Ñerī gūñarā, gajerā marāposā nomerē gāmebirarā, nome merā ñerī iririkurā, masakare wējēbéorā, ²² gajerāyare yajarā, gajigu oparinorē buro uaribejarā, gajerārē ñerō irirā, ārīgatorā, ñerā, gajino oparārē ĩāturirā, gajerārē ñerō kere wererā, “Gajerā nemorō āārā yū”, ārī gūñakererā pémasīrī marīrō irirā āārīma. ²³ Iri āārīpereri ñerī masaka gūñarīgue opari ĩgūsārē ñerā waamakū yāa, ārīyupū Jesús ĩgū buerārē.

Judío masako āārībeo Jesúsre buremudea

(Mt 15.21-28)

²⁴ Pūru Jesús iro āārādi waa, Tiro, Sidón wāikuri makārī turogue ejayupū. Irogue eja, su wiigue ñajāyupū masaka ĩgū āārīrōrē masībirikōāburo, ārīgū. Irasirikeregu, masīkōāsūyupū. ²⁵ Sugo nomeō wātī ñajāsūdeo pago ĩgū ejadeare pégo, mata ĩgū pūro waa, ĩgūya guburi pūro ñadukupuri merā ejamejāyupo. ²⁶ Igo judío masako āārībeo āārīyupo. Igo deyoadea makā Sirofenicia wāikuri makā āārīyuro. Jesús pūro ñadukupuri merā ejamejāja, ĩgūrē sērēyupo:

—Wātīrē béowiuka yū magōrē! ārīyupo. ²⁷ Jesús igore ārīyupū:

—Wii opu pūrā baarire ēma, diayéare ejomakū ōābea.

²⁸ Igo ĩgūrē yujyupū:

—Irasūta āārā yū Opū. Irasū āārīkerepūru, diayéagueta baari peyaro doka majīrā baawasiridijurire baaboema, ārīyupo.

²⁹ Jesús igore ārīyupū:

—Mū ōārō yujūa. Irasirigo mūya wiigue goedujāaka! Wātī mū magōrē ñajādi wirisiami, ārīyupū.

³⁰ ĩgū irasū ārādero pūru, igoya wiigue goedujāa, igo magōrē peyarogue oyagore bokajayupo. Wātī igore ñajādi wiriasiyupū. Irasirigo tariyupo.

Jesús sugu werenírī kukugure gāmpū pébire taudea

³¹ Jesús Tiro wāikuri makā turogue āārādi dupaturi wiri, Sidón wāikuri makārē tariwāgā, Decápolis wāikuri nikūrē tariwere, Galilea wāikuri ditarugue ejayupū doja.

³² Irogue ejamakū ĩā, iro marā sugu gāmpū pébire werenírī kukugure Jesús pūro āā:

—Muya mojõrĩ merã ñapeoka ïgũrẽ! ãrĩ sërẽñurã. ³³ Irasirigu Jesús masaka ñãbero gapu ïgũrẽ ãia, mojõsũrĩ merã pébiya gãmipũrĩrẽ soesóo, síku eoepo, ïgũya nedirure moãñayupu. ³⁴ Pupu ãmugasigue ñãmu, siuñajãñugãja, ãsũ ãrĩyupu:

—Efata! ãrĩyupu. “Efata”, ãrĩrõ: “Toyoka!” ãrĩduaro yãa.

³⁵ Ñgũ irasũ ãrĩmakũta, pébiya gãmipũrĩ toyoakõãyuro. Mata ïgũya nediru turadea niirõãmakũ, õãrõ werenímasĩyupu. ³⁶ Jesús gapu ïgũrẽ taumakũ ñãnerãrẽ: “Gajerãrẽ werebirikõãka!” ãrĩyupu. Ñgũ: “Werebirigorakõãka!” ãrĩkerepupu, ïgũsã gapu gajerãrẽ werepeokõãñurã. ³⁷ Buro ñãguka, usuyari merã ãsũ ãrĩñurã:

—Ñãrĩpererire õãrõ yãmi. Gãmipũ pémerãrẽ õãrõ pémakũ yãmi. Werenímasĩmerãdere õãrõ werenímasĩmakũ yãmi, ãrĩñurã.

8

Jesús cuatro mil ãmarẽ baari ejodea (Mt 15.32-39)

¹ Pupu dupaturi wãrã masaka Jesús pupogue nerẽanerãrẽ baari peremakũ ñãgũ, ïgũ buerãrẽ siiu, ãrĩyupu:

² —Urenugora waãa, ñisã masaka yu merã ããrĩrõ. Ñgũsãrẽ baari pereakõãa. Irasirigu ïgũsãrẽ bopoñarĩ merã ñãa. ³ Surãyeri yoarogue aarinerã ããrĩmã. Ñgũsã baamerãrẽta ïgũsãya wiirigue goedujãadoremakũ, maa dekota turabiriakõãbokuma, ãrĩyupu.

⁴ Ñgũ irasũ ãrĩmakũ pérã, ïgũ buerã yuññurã:

—¿Nasirisã, õõ masaka marĩrõguere baari boka ejobokuri marĩ ïgũsãrẽ?

⁵ Jesús ïgũsãrẽ sërẽñayupu:

—¿Dĩku pã duparu opari musã?

—Su mojõma pere gaji mojõ peru pẽrẽbejari duparu opãa, ãrĩ yuññurã.

⁶ Irasirigu Jesús masakare yebague doadore, iri pã duparure ãi, Marĩpupe: “Murẽ usuyari sã”, ãrĩyupu. Irasiri odo, pã duparure pea, ïgũ buerãrẽ sĩyupu, masakare gueredoregu. ⁷ Waaigãdere mérãgã opañurã. Jesús ïgũsãgãrẽ ãi, Marĩpupe: “Murẽ usuyari sã”, ãrĩ, iridere ïgũ buerãrẽ masakare gueredoreyupu. ⁸ Ñãrĩpererã irire baayapiakõãñurã. Pupu ïgũsã baadũãadeare Jesús buerã su mojõma pere gaji mojõ peru pẽrẽbejari puuiri seasã utudoboñurã. ⁹ Iro baanerã: nome, majĩrã keoña marĩrõ ãma direta keomakũ, cuatro mil gora ããrĩñurã. ¹⁰ Pupu Jesús ïgũsãrẽ seretu, ïgũ buerã merã doódirugue marĩñajãa, Dalmanuta wãikari makã tãroguere waayupu.

Fariseo bumarã Jesúre Marĩpu turari merã iri ñmudoredea (Mt 16.1-4; Lc 12.54-56)

¹¹ Pupu fariseo bumarã Jesús merã werenĩrã ejañurã. Irasũ ejarã: “Marĩpu turari merã iri ñmurĩrẽ irika!” ãrĩñurã. “Ñgũ irire irimasĩbi, Marĩpu iriudi meta ããrĩmi”, ãrĩduarã, irasũ ãrĩñurã. ¹² Ñgũsã irasiridoremakũ pégu, Jesús burõ bujawereri merã siuñajãñugãja, ãrĩyupu:

—Musã dapora marã masaka, ¿nasirimurã Marĩpu turari merã iri ñmurĩrẽ ñãduari? Diayeta musãrẽ werea. Marĩpu turari merã iri ñmurĩrẽ musã ñũrõ neõ iribirikoa, ãrĩyupu.

¹³ Ñgũsãrẽ irasũ ãrĩ odo, ïgũsã iro nĩrõta, doódirugue marĩñajãa, ditaru sikoepugue taribujakõãyupu ïgũ buerã merã.

Jesús Fariseo bumarã, Herodeya bumarã ñerĩ buerire weredea (Mt 16.5-12)

¹⁴ Iroguere taribujarã, ïgũsã baaburire kãtikõãñurã. Doódirugue suruta pã opañurã.

¹⁵ Irasirigu Jesús ïgũsãrẽ goepeyari merã wereyupu:

—Fariseo bumarã, Herodeyarãya pã wemasãrĩ morẽrĩrẽ õãrõ pémasĩka! ãrĩyupu.

¹⁶ Ñgũ buerã gapu ïgũ irasũ ãrĩrĩrẽ pémasĩmerã, ïgũsã basi ãsũ ãrĩ gãme werenĩñurã:

—Marĩ pã opabirimakũ ããgũ, irasũ ãrĩkumi, ãrĩñurã.

¹⁷ Jesũs, ãgũsã irasũ ãrĩrĩrẽ masĩkõãyurũ. Irasirigũ ãgũsãrẽ ãrĩyurũ:

—¿Nasirirã: “Pã opabea”, ãrĩ gãme werenĩrĩ? ¿Masĩberi? ¿Pemasĩberi musã dapa? ¹⁸ ¿Koye opakrerã, ããberi? ¿Gãmipũrĩ opakrerã, pẽberi? ¿Yũ irideare gũñaberi musã? ¹⁹ ¿Yũ cinco mil masaka ãmarẽ pe mojõma pã duparure yũ dukawa sĩdeare gũñaberi? ãgũsã baayapiadero purũ, ¿diĩku puuiri ãgũsã baadũãadeare seasã utũudobori? ãrĩyurũ Jesũs.

—Pe mojõma pere su gubu peru pẽrẽbejari puuiri, ãrĩ yũñurã.

²⁰ ãgũsã irasũ ãrĩmakũ pẽgũ:

—Purũ su mojõma pere gaji mojõ peru pẽrẽbejari pã duparure cuatro mil masakare yũ sĩdero purũ, ¿diĩku puuiri ãgũsã baadũãadeare seasã utũudobori?

—Su mojõma pere gaji mojõ peru pẽrẽbejari puuiri, ãrĩ yũñurã.

²¹ ãgũsã irasũ ãrĩ yũñumakũ, ãgũsãrẽ:

—¿Musã irire gũñakererã, pẽmasĩberi dapa? ãrĩyurũ Jesũs.

Jesũs Betsaidamũrẽ koye ããbire taudea

²² Ditarure taribuja, purũ Betsaida wãĩkuri makãrẽ ejañurã. ãgũsã irogue ejamakũ ããrã, iro marã sugũ koye ããbire Jesũs puro ãã:

—Mũya mojõ merã moãñaka, ãgũrẽ taridoregũ! ãrĩ, burũ sẽrẽñurã. ²³ ãgũsã irasũ ãrĩmakũ pẽgũ, Jesũs koye ããbiya mojõrẽ ñeã, iri makã turogue ãgũrẽ tũãwãgã, sĩku merã ãgũya koyere eopeoyurũ. Irasiri odo, ãgũya mojõrĩ merã ãgũrẽ ñapeo:

—¿Mũrẽ gajino deyori? ãrĩ sẽrẽñayurũ Jesũs. ²⁴ ãgũ ããpã, ããdiyurũ. Irasirigũ Jesũre:

—Masakare ããdãã. ãgũsã yuku irirosũ deyorã waanamakũ ãã, ãrĩyurũ.

²⁵ ãgũ irasũ ãrĩmakũ, Jesũs dupaturi ãgũya mojõrĩ merã ãgũya koyere ñapeoyurũ doja. Iropãgueta ããrĩpereri õãrõ deyoyuro ãgũ ããmakũ. ²⁶ Irasirigũ Jesũs ãgũrẽ:

—Mũya wiigue diayeta goedujãakõãka! Makãguere waabirikõãka! I mũrẽ yũ iriadeare gajerã masakare iro ããrĩãrẽ werebirikõãka! ãrĩyurũ.

Pedro Jesũre: “Mũ Cristo ããrã”, ãrĩ weredeã

(Mt 16.13-20; Lc 9.18-21)

²⁷ Purũ Jesũs ãgũ buerã merã Cesarea Filipo wãĩkuri makã turo ããrĩrĩ makãrĩgue waañurã. Maa waagũ, ãgũ buerãrẽ ãsũ ãrĩ sẽrẽñayurũ:

—Masaka yũre, ¿naãsũ ãrĩ gũñarĩ? ãrĩyurũ.

²⁸ ãgũ buerã ãgũrẽ yũñurã:

—Surãyeri mũrẽ: “Juan, masakare wãĩyerimasũ ããrĩmi”, ãrĩma. Gajerã: “Elías ããrĩmi”, gajerã: “Marĩpũya kerere weredupuyurimasã merãmũ ããrĩmi”, ãrĩma, ãrĩñurã.

²⁹ —Mũsãkoa yũre, ¿naãsũ gũñarĩ? ãrĩ sẽrẽñayurũ.

Pedro ãgũrẽ yũñayurũ:

—Mũ, Marĩpũ iriudĩ, Cristo ããrã, ãrĩyurũ.

³⁰ ãgũ irasũ ãrĩmakũ, Jesũs ãgũsãrẽ:

—Yũ ããrĩrĩkũrĩre gajerãrẽ werebirikõãka! ãrĩyurũ.

Jesũs ãgũ boaburire weredeã

(Mt 16.21-28; Lc 9.22-27)

³¹ Purũ ãgũsãrẽ ãsũ ãrĩ buenũgãyurũ:

—Yũ ããrĩpererã ãgũ burũ ñerõ tarigukoa. Judío masaka mũrã, paía oparã, Moisés gojadeare buerimasã yũre gããmemerã yũre wẽjẽrãkuma. Yũre wẽjẽkererũ, urenu waaró merã masãgũkoa doja, ãrĩyurũ Jesũs. ³² ãgũsãrẽ pẽmasĩma õãrõ wereyurũ. ãgũ irasũ ãrĩmakũ pẽgũ, Pedro gapũ Jesũre gajero gapũ ããjanũgã, ãgũrẽ turaro merã: “Irire ãrĩbirikõãka!” ãrĩyurũ. ³³ Jesũs gapũ gãmegoronũgã, ãgũ buerãrẽ ãã, Pedrorẽ ãrĩyurũ:

—Satanás, yũ purore wirika! Mũ, Marĩpũ yũre dorerire kãmutadũagu yãã. Mũ gũñarĩ, Marĩpũ gũñarĩ ããrĩbea. Masaka gũñarõsũ gũñãã mũ, ãrĩyurũ.

³⁴ Irasũ ãrĩ odo, masakare, ìgũ buerãrẽ siiu, ãrĩyupũ:

—Sugũ yũre tũyadũagũ ìgũ iridũarire piriburo. Irasirigũ yũre tũyari waja curusague pábiatú wějēsũbu irirosũ ããrĩkeregũ, neõ piriro marĩrõ yũre tũyaníkõãburo. ³⁵ Sugũ i ãmũgue ìgũya okari direta maĩgũ, peamegue waagũkumi. Gajigũ yũre bũremugũ, Marĩpũ masakare tauri kerere ìgũ wereri waja gajerã ìgũrẽ wějẽkerepũ, ìgũ gapũ tarigũkumi.

³⁶ Sugũ masakũ i ãmũmarẽ ããrĩpereri opakeregũ, ìgũ boari pũrũ waaburi gapũre gũñabiri waja peamegue waagũ, õãrĩrẽ neõ wajatabirikumi. ³⁷ Irasirigũ peameguere wiridũagũ, i ãmũ opari merã neõ wajarimasĩbirikumi. ³⁸ Dapora marã ñerã Marĩpũre gããmemerã ããrĩma. Noó yũre, yũ werenĩrĩrẽ masĩkererã, gũyasĩrĩrĩ merã yũre: “Masĩbea”, ãrĩmakũ, yũde gũyasĩrĩrĩ merã ìgũsãrẽ: “Masĩbea”, ãrĩgũkoa. Yũ ããrĩpererã tĩgũ, Yũpũ gosewasiriri merã, ìgũrẽ wereboerã õãrã merã i ãmũguere dupaturi aarigũ, yũre gũyasĩrĩnerãrẽ yũde gũyasĩrĩgũkoa, ãrĩ wereyupũ Jesús ìgũsãrẽ.

9

¹ Jesús ãrĩnemoyupũ doja:

—Diayeta mũsãrẽ werea. Surãyeri mũsã õõguere ããrĩrã, mũsã boaburo dupuyuro, Marĩpũ ìgũ turaro merã ìgũyarãrẽ doreri aarimakũ ìãrãkoa, ãrĩyupũ.

Jesús ìgũ deyori gorawayudea
(Mt 17.1-13; Lc 9.28-36)

² Jesús, su mojõma pere gaji mojõ suru pẽrẽbejarinũrĩ pũrũ Pedrore, Santiagore, Juãrẽ ãmarĩ buúrugue ìgũsã direta siiu marĩayupũ. Irogue ìgũsã ìũrõ ìgũ deyori gorawayuakõãyupũ. ³ Ìgũya surĩro goseriñe, õãrõ borero waayuro. Neõ sugo nomeõ suri koego irasũ boreri waamakũ irimasĩgõ mámo. ⁴ Irasũ waaripoeta iripoegue marã Moisés, Elías deyoanugã, Jesús merã weretamunĩmakũ ìãñũrã. ⁵⁻⁶ Irasirirã bũro gũiñũrã. Pedro naásũ ãrĩmasĩbirisã, Jesúre:

—Gũare buegũ, marĩ õõ ããrĩmakũ õãtaridũáa. Irasirirã urre wiigã irirãra. Mũya wii, Moiséya wii, Eliaya wii irirãra, ãrĩyupũ. ⁷ Ìgũ irasũ ãrĩripoe su yebo mikãyebo dijari ìgũsãrẽ túbiakõãyuro. Iri yebo poekague Marĩpũ ãsũ ãrĩ werenĩmakũ pẽñũrã:

—Ìĩ yũ magũ, yũ maĩgũ ããrĩmi. Ìgũrẽ õãrõ péka!

⁸ Irasũ ãrĩmakũ, Pedrosã gãmenugã ìũrã, Moisére, Eliare ìãbiriñũrã. Jesús direta nĩmakũ ìãñũrã.

⁹ Pũrũ Jesús buúru wekague ìgũrẽ waamakũ ìãdeare: “Gajerãrẽ werebirikõãka!” ãrĩ dijariyupũ.

—Yũ ããrĩpererã tĩgũ boa, masãdero pũrugue irire gajerãrẽ wereka! ãrĩyupũ. ¹⁰ Irasirirã ìgũ doreaderosũta gajerãrẽ werebirikererã, ìgũsã basi gãme ãsũ ãrĩ sãrẽñañũrã:

—“Yũ boa, masãdero pũrũ”, ãrĩgũ, ¿nasirigũ irasũ ãrãyuri? ãrĩñũrã. ¹¹ Irasirirã Jesúre ãsũ ãrĩ sãrẽñañũrã:

—¿Nasirirã Moisés gojadeare buerimasã: “Cristo, Marĩpũ iriubu aariburi dupuyuro Elías aaripũrorigũkumi”, ãrĩrĩ? ãrĩ sãrẽñañũrã.

¹² Jesús ìgũsãrẽ yũjũyupũ:

—Mũsã ãrĩrõsũta Eliata aaripũrorigũkumi, ããrĩpererire ãmuyubu. Marĩpũya werenĩrĩ gojadea pũgue yũre ããrĩpererã tĩgũrẽ waaburire ãsũ ãrĩ gojasũdero ããrĩbũ:

Ìgũta bũro ñerõ tarigũkumi. Masaka ìgũrẽ gããmebirikuma, ãrĩ gojasũdero ããrĩbũ.✠

¹³ Yũ gapũ mũsãrẽ: “Elías ejasiami”, ãrã. Ìgũ irasũ ejamakũ, masaka ìgũsã gããmerõ iridũarire ìgũrẽ ñerõ irima. Ìgũrẽ waaburire iripoegue Marĩpũya werenĩrĩ gojadea pũgue gojaderosũta ìgũrẽ irisiamã, ãrĩyupũ Jesús Pedrosãrẽ.

Jesús sugũ majĩgũrẽ wãtĩ ñajãsũdire taudea
(Mt 17.14-21; Lc 9.37-43)

14 Jesús Pedrosã merã buúrugue ããrãdi dijajagu, gajerã ìgũ buerã pũro wárã masaka nerëanerãrë bokajayupu. Moisés gojadeare buerimasãde ããrĩñurã. Ìgũ buerã merã gãme guaseorã iriñurã. 15 Pũru Jesúre ìãrã, ããrĩpererã ìãguka, ìgũ pũro ùmawãgã, ìgũrë õãdoreñurã.

16 Jesús ìgũ buerãrë:

—¿Ñeënorë gãme guaseoari, mũsã ìgũsã merã? ãrĩ sërëñayupu.

17 Ìgũ sërëñamakũ pégu, sugũ ìgũsã watope ããrĩgũ Jesúre ãrĩyupu:

—Buegu, mũrë yũ magũrë wãtĩ ñajãsũdire ããriabu. Wãtĩ ìgũrë werenĩbirimakũ irinami.

18 Noó ìgũ waaró wãtĩ ìgũrë yebague ñeã meépiunokõãmi. Ìgũ irasirimakũ ìgũya disigue sũmu wiri, ìgũya guikare kũrĩduútúa, buanokõãmi. Yũ mũ buerãrë: “Majĩgũrë wãtĩrë béowiubosaka!” ãrãdabu. Neõ bokatĩũbirama, ãrĩyupu.

19 Jesús ìgũsãrë ãrĩyupu:

—Mũsã yũre bũremurĩ opabirigorakõãa. ¿Noópã yoaripoe mũsã merã ããrĩgũkuri? ¿Noópã yoaripoe mũsã yũre bũremubirire gũñaturagũkuri? Majĩgũrë õõ gapũ ãrika! ãrĩyupu.

20 Irasirirã majĩgũrë Jesús pũro ããñurã. Ìgũ pũro ãĩjamakũ, wãtĩ Jesúre ìãgũ, majĩgũrë narada, yebague tũrũjamejã, sũmutumakũ iriyupu. 21 Irasũ waamakũ ìãgũ, Jesús ìgũ pagũre sërëñayupu:

—¿Dĩipoegue ãsũ waanũgãrĩ ìgũ? ãrĩyupu.

Ìgũ pagũ yũjũyupu:

—Majĩgũgãgueta irasũ ããrĩmĩ. 22 Wãtĩ ìgũrë wëjẽduagu peamegue meémejã, diaguedere meébiamakũ irinami. Irasirigu mũ gũare iritamumasĩgũ, bopoñarĩ merã ìã, gũare irita-muka! ãrĩyupu Jesúre.

23 Jesús ãrĩyupu ìgũrë:

—Marĩpu, mũ yũre bũremumakũ ìãgũ, mũya ããrĩburire irigu, ããrĩpererire irimasĩmi, ãrĩyupu.

24 Ìgũ irasũ ãrĩmakũ pégu, majĩgũ pagũ ãsũ ãrĩ gainíyupu:

—Mũrë bũremua. Nemorõ bũremumakũ irika yũre! ãrĩyupu.

25 Jesús, wárã masaka ìgũsã pũro ùma nerëmakũ ìãgũ, wãtĩrë wiridoreyupu:

—Ìĩ majĩgũrë werenĩbirimakũ, pébirimakũ iridi ìgũrë wirika! Dupaturi ìgũrë ñajãbita pama! ãrĩyupu.

26 Ìgũ irasũ ãrĩmakũ pégu, wãtĩ gainí, majĩgũrë bũro naradari merã yebague tũrũjamejamakũ, kõmoadi irirosũ waamakũ irisã, ìgũrë wiriyupu. Irasũ waamakũ ìãrã, ããrĩpererã masaka: “Kõmoakõãmi”, ãrĩñurã. 27 Jesús ìgũya mojrë ñeã, ìgũrë tũãwãgũnúmakũ, wãgãñũgãyupu.

28 Pũru Jesús, wiigũ ñajãjamakũ, ìgũ buerã masaka péberogue ìgũrë sërëñañurã:

—¿Nasirirã gũa gapũ wãtĩrë béowiumasĩbirayuri?

29 Jesús ìgũsãrë yũjũyupu:

—Ìĩno wãtĩrë béowiuduarã, bereri merã Marĩpure bũro sërëõ gããmea, ãrĩyupu.

Jesús ìgũ boaburire werenemodea

(Mt 17.22-23; Lc 9.43-45)

30-31 Pũru Jesús irogue ããrãdi ìgũ buerã merã waa, Galilea nikũgue tariwerewãgãyupu. Ìgũ waaróre gajerã masĩmakũ gããmebiradiyupu. Ìgũ buerãrë buegu irasiriyupu. ãsũ ãrĩ bueyupu ìgũsãrë:

—Masaka yũre ããrĩpererã tĩgũrë ñeã, gajerãguere wëjẽdorerã wiarãkuma. Ìgũsã yũre wëjẽadero pũru, urenũ waaró merã masãgũkoa doja, ãrĩyupu. 32 Ìgũ irasũ ãrĩrĩrë ìgũsã gapũ pémasĩbirĩñurã. Pémasĩbirikererã, ìgũrë gũirã: “¿Naásũ ãrĩduagu iriari, irasũ ãrĩgũ?” ãrĩ sërëñabirĩñurã.

Jesús sugu gajerã nemorõ ããrĩgũyamarẽ weredea
(Mt 18.1-5; Lc 9.46-48)

³³ Jesús Capernaugue eja, pũũ wiigũe ñajãja, ãgũ buerãrẽ sãrẽñayupũ:

—Musã maa aarirã, ¿ñeénorẽ gãme werení guaseowãgãrirã iriari? ãrĩyupũ.

³⁴ ãgũ irasũ ãrĩmakũ pérã, yujubiriñurã. Maa aarirã, ãgũsã basi: “¿Noã marĩ watopere ããrĩpererã nemorõ ããrĩgũkuri?” ãrĩ werení guaseowãgãrirã iriñurã. Irasirirã Jesúre yujubiriñurã. ³⁵ ãgũsã yujubirimakũ ãgũ, Jesús eja doaja, ãgũ buerã pe mojõma pere su gubu peru pãrẽbejarãrẽ siiu, ãsũ ãrĩyupũ:

—Sugũ ããrĩpererãrẽ doregũ ããrĩduagũ ããrĩpererãrẽ moãboegũ irirosũ ããrĩpererãrẽ iritamurõ gããmea, ãrĩyupũ.

³⁶ Irasũ ãrĩ, majĩgũrẽ ãgũsã dekogue ãinú, ãgũrẽ kõã, ãgũya gosowekague ãipeco, ãrĩyupũ:

³⁷ —Sugũ yaagũre ãi majĩgũ irirosũ ããrĩgũrẽ õãrõ bokatĩrĩñeãgũ yũdere bokatĩrĩñeãmi. Yũre bokatĩrĩñeãgũ yũ ãireta bokatĩrĩñeãgũ meta yãmi. Yũpũ yũre iriudidere bokatĩrĩñeãmi, ãrĩyupũ Jesús.

Jesús: “Marĩrẽ ããturibi, marĩ merãmũ ããrĩmi”, ãrĩ weredea
(Mt 10.42; Lc 9.49-50)

³⁸ Pũũ Juan Jesúre ãrĩyupũ:

—Guare buegũ, sugũ masakũ mũ wãĩ merã wãtããrẽ: “Wirika musã ñajãdire!” ãrĩ béowiumakũ ããbu. ãgũ, marĩ merã ããrĩbirimakũ ããrã, ãgũrẽ: “Irire neõ irinemobirikõãka!” ããrãbu, ãrĩyupũ.

³⁹ Jesús gapũ ãrĩyupũ:

—Kãmutabirikõãka ãgũrẽ! Neõ sugũ yũ wãĩ merã gajino iri ãmugũ, pũũ yũre ñerõ wereníbirikumi. ⁴⁰ Marĩrẽ ããturibi, marĩ merãmũta ããrĩmi. ⁴¹ Diayeta musãrẽ werea. Musãrẽ: “Cristoyarã ããrĩma”, ãrĩ, musãrẽ deko tĩãrãnorẽ diayeta Marĩpũ ãgũsãrẽ wajatari opamakũ irigũkumi.

Gajerãrẽ ñerõ irimakũ iribirikõãka! ãrĩ weredea
(Mt 18.6-9; Lc 17.1-2)

⁴² 'Sugũ yũre bũremurãrẽ ãi majĩgũ irirosũ ããrĩrãrẽ ñerõ irimakũ irigũno, bũro wãjamoãũgũkumi. Irasiriro, ãgũ gajerãrẽ ñerõ irimakũ iriburi dupuyuro masaka ãgũrẽ wãriye ãtãye merã wãnugũgue siasiu, wãdiyague meéyomakũ õãbokoa. ⁴³ Irasirirã musãya mojõ merã ñerõ irirã, iri mojõrẽ dititã béorosũ ñerõ iririre pirika! Su mojõ merãta Marĩpũ pũroque waamakũ õãtarirokoa. Ñerõ iririre pirimerã gapũ perebiri peamegue béosũrãkuma. ãgũsã pe mojõ opakerrerã, iroque waamakũ ñetarirokoa. Iroguere peame neõ yaribirikoa. ⁴⁴ Beka iroque waarãrẽ baaníkõãrãkuma. Neõ boabirikuma. Peame neõ yaribirikoa.

⁴⁵ 'Musãya gubu merã ñerõ irirã, iri gubure dititã béorosũ ñerõ iririre pirika! Su gubu merãta, Marĩpũ pũroque waamakũ õãtarirokoa. Ñerõ iririre pirimerã gapũ perebiri peamegue béosũrãkuma. ãgũsã pe gubu opakerrerã, iroque waamakũ ñetarirokoa. Iroguere peame neõ yaribirikoa. ⁴⁶ Beka iroque waarãrẽ baaníkõãrãkuma. Neõ boabirikuma. Peame neõ yaribirikoa.

⁴⁷ 'Musãya koyeru merã ãã, ñerõ irirã, irirure gorewea, béorosũ ñerõ iririre pirika! Su koyeruta opakerrerã, Marĩpũ ãgũyarãrẽ dorerogue waamakũ õãtarirokoa. Ñerõ iririre pirimerã gapũ perebiri peamegue béosũrãkuma. ãgũsã pe koyegueta opakerrerã, iroque waamakũ ñetarirokoa. ⁴⁸ Beka iroque waarãrẽ baaníkõãrãkuma. Neõ boabirikuma. Peame neõ yaribirikoa.

⁴⁹ 'I ãmũguere ããrĩpererã Marĩpũre bũremurã moã okari irirosũ ããrĩrã, peamegue ãjũ pũrĩsũrõsũ ñerõ tariri merã õãrõ ããrĩrãkuma. ⁵⁰ Moã okamakũ õãgorãa. Irasirirã gajerã merã õãrõ ããrĩrã moã okari irirosũ ããrã. Moã okadea okabirimakũ, dupaturi okamakũ

irimasĩbirikoa. Irasirirã moã okari irirosũ ããrĩka! Gajerã merã õãrõ ããrĩnikõãka! ãrĩ wereyupũ Jesús ãgũsãrẽ.

10

Jesús masakare: “Musã marãposã nomerẽ béobirikõãka!” ãrĩ buedea
(Mt 19.1-12; Lc 16.18)

¹ Jesús Capernaugue ããrĩdi waa, Judea nikũgue eja, dia Jordán wãikũdiya gaji koepũgue ejayupũ doja. Irogue wãrã masaka ãgũ pũro nerẽmakũ ããgũ, ãgũ irinarõsũta dupaturĩ ãgũsãrẽ bueyupũ. ² ãgũ bueripoe fariseo bumarã Jesũre ñerĩ werenĩmakũ iridũarã, ãsũ ãrĩ sãrẽñarã ejañurã:

–Sugũ masakũ ãgũ marãpore béomakũ, ¿marĩ doreri ããrĩkuri? ãrĩñurã.

³ Jesús ãgũsãrẽ yũjũyupũ:

–¿Naásũ doreyuri Moisés musãrẽ?

⁴ ãgũ irasũ ãrĩmakũ, ãgũrẽ ãsũ ãrĩñurã:

–“Sugũ masakũ ãgũ marãpore béoduaguũ: ‘I waja murẽ béoa’, ãrĩ gojari pũrẽ sĩrõ gããmea”, ãrĩ gojadi ããrĩmĩ, ãrĩñurã.

⁵ ãgũsã irasũ ãrĩmakũ, ãsũ ãrĩyupũ Jesús:

–Musã ñekũsãmarã Marĩpũ dorerire iridũabirimakũ ããgũ: “ãgũsã marãposã nomerẽ béoduarã, béokõãburo”, ãrĩ gojadi ããrĩmĩ Moisés. ⁶ ãgũ irasũ ãrĩ gojakerepũrũ, neõgoragueta Marĩpũ i ãmurẽ irigu, ãmũũ, nomeõ iridi ããrĩmĩ. ⁷ Sugũ ãmũũ ãgũ pagũsãmarãrẽ wiri, ãgũ marãpo merã ããrĩgũkumi. ⁸ Irasirirã ãgũsã pãrã ããrĩkererã, Marĩpũ iũrõ su dupũta irirosũ ããrĩrãkuma. Irasirirã pãrã ããrĩbema. Su dupũta irirosũ ããrĩma. ⁹ Marĩpũ ãgũsãrẽ su dupũta irirosũ ããrĩmakũ iridero pũrũ, gajigu ãgũsãrẽ gãme béomakũ iribirikõãrõ gããmea, ãrĩyupũ.

¹⁰ Jesús irasũ ãrĩ odo, ãgũ buerã merã wiigue ñajãkõãyupũ. Irogue ãgũ buerã irire sãrẽñanemoñurã doja. ¹¹ Jesús ãgũsãrẽ yũjũyupũ:

–Sugũ masakũ ãgũ marãpore béodi gajego merã marãpokũgu, igo merã ñerõ irigu yámi.

¹² Nomeõde igo marãpũre béogo, gajigu merã marãpũkũgo, ãgũ merã ñerõ irigo yámo, ãrĩyupũ.

Jesús majĩrãya ããrĩburire Marĩpũre sãrẽbosadea
(Mt 19.13-15; Lc 18.15-17)

¹³ Pũrũ masaka majĩrãrẽ Jesũre moãñadorerã ãgũ pũro ãĩjañurã. ãgũsã ãĩjamakũ ããrã, ãgũ buerã gapũ ãgũsãrẽ bokatĩrĩ: “ãgũrẽ garibobirikõãka!” ãrĩñurã. ¹⁴ ãgũsã irasũ ãrĩmakũ pégũ, Jesús ãgũsã merã gua, ãsũ ãrĩyupũ:

–Majĩrã yũ pũrogue aariburo. Kãmutabirikõãka ãgũsãrẽ! Marĩpũ ãgũyarãrẽ dorerogue ããrĩmurã ãĩsã majĩrã yũre usũyari merã bokatĩrĩñearã irirosũ ããrĩma. ¹⁵ Diayeta musãrẽ werea. ãĩsã majĩrã Marĩpũre ãgũsã Opũre gããmerã irirosũ ããrĩmerãno, ãgũyarãrẽ doreroguere waabirikuma, ãrĩyupũ.

¹⁶ Irasũ ãrĩ odo, majĩrãrẽ ãĩ, kõã, ãgũsãrẽ ñapeo, Marĩpũre ãgũsãya ããrĩburire sãrẽbosayupũ.

Sugũ maamũ wãri doebiri opagũ Jesús merã werenĩdea
(Mt 19.16-30; Lc 18.18-30)

¹⁷ Jesús irogue ããrãdi waaripoe sugũ maamũ ãmaja, ãgũ ñadũkupuri merã Jesũya guburi pũro ejamejãja, sãrẽñayupũ:

–Õãgũ buegũ, yũ ãmũgasigue perebiri okarire wajatadũaguũ, ¿ñeonorẽ irigũkuri? ãrĩyupũ.

¹⁸ Jesús ãgũrẽ yũjũyupũ:

–¿Nasirigu yũre: “õãgũ”, ãrĩrĩ? Marĩpũ sugũta õãgũ ããrĩmi. ¹⁹ Mũ, ãgũ doreri pídeare masĩa: “Masakare wẽjẽbirikõãka! Gajigu marãpo merã ñerõ iribirikõãka! Yajabirikõãka!

Gajerã irideare ãrĩgatori merã werebirikõãka! Gajerãyare ãrĩgatori merã ãĩbirikõãka! Mu pagusãamarãre goepeyari merã buremuka!” ãrĩ wereyuru Jesús ìgũrẽ.

²⁰ Maamu Jesũre yujuyuru:

—Buegu, iri doreri ããrĩpererire majĩgũgueta tarinugãbiribu yu, ãrĩyuru.

²¹ Jesús ìgũrẽ maĩrĩ merã ìã, ãsũ ãrĩyuru:

—Murẽ su wãĩ duyãa. Mu oparire duagu waaka! Mu duadea wajare boporãrẽ sĩka! Irasirigu ãmugasiguere wãri õãrĩ opagũkoa. Irasiri odo, yu merã aarika! ãrĩyuru.

²² Ìgũ irasũ ãrĩmakũ pégu, ìgũ wãri oparire maĩsĩã, buru bujawereri merã waakõãyuru.

²³ Ìgũ bujawereri merã waamakũ ìãgũ, Jesús ìgũ buerãrẽ ìã, ãrĩyuru:

—Wãri doebiri oparãrẽ Marĩru ìgũyarãrẽ doreroguerẽ ìgũsã waadũamakũ diasagorãa, ãrĩyuru.

²⁴ Ìgũ irasũ ãrĩmakũ, ìgũsã gapu péguka, pémasĩbiriñurã. Jesús dupaturi werenemoyuru doja ìgũsãrẽ:

—Yu buerã, mũsãrẽ werea. Masaka: “Wãri opari merã õãrõ waarokoa yure”, ãrĩ gũñarãrẽ Marĩru ìgũyarãrẽ doreroguerẽ ìgũsã waamakũ diasagorãa. ²⁵ Camellu awiru gobegãgue ñajãtariweremasĩbirikumĩ. I nemorõ, wãri doebiri opagure Marĩru ìgũyarãrẽ doreroguerẽ waamakũ diasãa, ãrĩyuru.

²⁶ Ìgũ irasũ ãrĩmakũ pérã, nemorõ péguka, ìgũsã basi gãme sërẽñanurã:

—Iro merẽ, ¿noã gapu Marĩru tausũmurã ìgũ pũroguẽ waamurã ããrĩbokuri? ãrĩñurã.

²⁷ Jesús ìgũsãrẽ ìã, ãrĩyuru:

—Masaka ìgũsã basi ìgũsã iriri merã Marĩru pũroguẽ waamasĩbema. Marĩru dita ìgũsãrẽ ìgũ pũro ããrĩmurã waamakũ irimasĩmi. Ìgũ dita ããrĩpererire irimasĩmi, ãrĩyuru.

²⁸ Ìgũ irasũ ãrĩmakũ pégu, Pedro ìgũrẽ ãrĩyuru:

—Gua Oru, gua murẽ tuyarã, ããrĩpereri gua opadeare pípeokõãbu, ãrĩyuru.

²⁹ Jesús yujuyuru:

—Diyeta mũsãrẽ werea. Yu merã Marĩruya kerere wererã waarã, ìgũsãya wiirire, ìgũsã pagupũrãrẽ, pagusãamarãrẽ, pũrãrẽ, ìgũsãya pooerire pípeorã, wãri õãrĩ wãjatarãkuma. ³⁰ Ìgũsã iro dupuyuro opaderosũ i ãmuguerẽ cien nemorõ ìgũsãya wiiri, ìgũsã pagupũrã, pagosã nome, pũrã, ìgũsãya pooeri oparãkuma. Ìgũsã, jaarã ããrĩmakũ ìãrã, gajerã ìgũsãrẽ ñerõ tarimakũ irikerepuru, wãri õãrĩ wãjatarãkuma. I ãmu peremakũ, ãmugasigue perebiri okari oparãkuma. ³¹ Wãrã daporare wãri oparã, pũrũguere neõ gajino opamerã dujarãkuma. Opamerã gapu, pũrũguere wãri oparã dujarãkuma, ãrĩyuru Jesús.

Dupaturi Jesús ìgũ boaburire weredeã

(Mt 20.17-19; Lc 18.31-34)

³² Pũru Jesús Jerusalẽgue waarĩ maague ìgũ buerã dupuyuro majãyuru. Ìgũ dupuyumakũ ìãrã, ìãgũkakõãñurã. “¿Marĩrẽ iroguẽ naãsũ waarokuri?” ãrĩ gũña, gũiri merã ìgũ pũru tuyañurã. Irasirigu Jesús ìgũ buerã pe mojõma pere su gubu peru pẽrẽbejarãrẽ siiu, ìgũrẽ waaburire werenugãyuru doja:

³³ —Õãrõ péka! Marĩ Jerusalẽgue waarã yãa. Iroguẽ yu ããrĩpererã tĩgũ, paía oparãguere, Moisés gojadeare buerimasãguere wiasũgũkoa. Ìgũsã yure: “Boaburo”, ãrĩrãkuma. Irasirirã judío masaka ããrĩmerãguere wiarãkuma. ³⁴ Ìgũsã yure burida, síku eotúbira, buru tãrãrãkuma. Irasiri odo, yure wẽjẽrãkuma. Ìgũsã yure wẽjẽadero pũru, ãrenu waaró merã masãgũkoa, ãrĩyuru Jesús.

Santiago, Juan merã Jesũre sërẽdeã

(Mt 20.20-28)

³⁵ Pũru Zebedeo pũrã Santiago, Juan Jesús pũro waa ejanugã, ìgũrẽ ãsũ ãrĩ sërẽñurã:

—Guare buegu, gua sërẽrõsũta guare irika! ãrĩñurã.

³⁶ Jesús ìgūsārē sērēñayurḡ:

—¿Ñeénorē yḡ irimakū gāāmerī mḡsā?

³⁷ Ìgūrē yḡjuñurā:

—Mḡ Opḡ ñajāgū, gḡadere mḡ merā doremurā sóoka! Sugḡre mḡ diaye gapḡ, gajigḡre kúgapḡ doadoreka! ārīñurā.

³⁸ Jesús ìgūsārē ārīyurḡ:

—Mḡsā yḡre sērērīrē pémasībea. Yḡ bḡro ñerō tarigḡkoa. ¿Yḡ ñerō tarirosū mḡsāde ñerō tarirā, bokatīūrākuri? ¿Yḡre ìgūsā wējērōsū mḡsādere ìgūsā wējēmākū, bokatīūrākuri? ārīyurḡ.

³⁹ —Bokatīūkōārākoa, ārī yḡjuñurā.

Jesús ìgūsārē ārīyurḡ:

—Yḡ irirosū mḡsāde ñerō tari, boarākoa. ⁴⁰ Yḡ gapḡ mḡsārē yḡ diaye, kúgapḡ doamurārē beyemasībea. Yḡrḡ āmusiadi āārīmī irire. Irasirirā ìgū beyenerā dita yḡ diaye, kúgapḡ doarākuma, ārīyurḡ.

⁴¹ Gajerā Jesús buerā pe mojōmarā gapḡ Santiago, Juan ìgūsā Jesúre sērērīrē pérā, ìgūsā merā guañurā. ⁴² Ìgūsā guamakū ìāgū, Jesús ìgūsārē ìgū pḡro siiu need, ārīyurḡ:

—I nikū marā oparā Marīpḡre bḡremumerā ìgūsāyarārē turaro merā dorema, ìgūsā dorerire iridorerā. Irire masīa mḡsā. ⁴³ Mḡsā tamerā ìgūsā irirosū iribirikoa. Mḡsā watopeguere opḡ āārīdḡagḡ, mḡsārē moāboegḡ irirosū āārīrō gāāmea. ⁴⁴ Sugḡ mḡsā watopegue āārīgú gajerā nemorō āārīdḡagḡ, āārīpererārē moāboegḡ irirosū āārīburo. ⁴⁵ Yḡde irasūta āārā. Yḡ āārīpererā tīgū masaka yḡre iritamuburo, ārīgū meta aaribú. Yḡ gapḡ ìgūsārē iritamugū aaribú. Irasirigḡ wārā masakare yḡ boari merā ìgūsā ñerō iridea wajare wajaribosagḡ aarigú iribḡ, ārīyurḡ Jesús.

Jesús Bartimeo wāikḡgḡre koye ìābire taudea

(Mt 20.29-34; Lc 18.35-43)

⁴⁶ Pḡrḡ Jesús ìgū buerā merā Jericógue ejayurḡ. Iri makārē tariwāgāmakū, wārā masaka ìgūsā merā waañurā. Ìgūsā waarī maa tḡro sugḡ koye ìābi doayurḡ. Ìgū Bartimeo wāikḡgḡ, Timeo magū āārīyurḡ. Ḳmḡrikḡ iri maa tḡro masakare niyeru sērē doanínayurḡ.

⁴⁷ Masaka: “Jesús Nazaretmḡ aarīmi”, ārīmakū pégḡ, āsū ārī gainínugāyurḡ:

—Jesús, David parāmi āārīturiagḡ, yḡre bopoñarī merā ìāka! ārīyurḡ.

⁴⁸ Ìgū irasū ārī gainímakū pérā, wārā masaka: “Toeaka!” ārādiñurā. Ìgūsā irasū ārīkerepḡrḡ, ìgū gapḡ ìgū gainíadero nemorō:

—David parāmi āārīturiagḡ, yḡre bopoñarī merā ìāka! ārī gainíyurḡ.

⁴⁹ Ìgū irasū ārīmakū pé, Jesús dujanugāja, masakare:

—Siiurika ìgūrē! ārīyurḡ.

Ìgū irasū ārīmakū pérā, gajerā ìgūrē siiu: “Ḳsḡyaka! Wāgānugāka! Mḡrē siiumi”, ārīñurā.

⁵⁰ Ìgūsā irasū ārīmakū pé, ìgūya surīro wekamañerē túweapí, pari wāgānugā, Jesús pḡro ejanugājayurḡ. ⁵¹ Jesús ìgūrē sērēñayurḡ:

—¿Ñeénorē yḡ mḡrē irimakū gāāmerī? ārīyurḡ.

Bartimeo yḡjuyurḡ:

—Buegḡ, yḡre koye ìāmakū irika! ārīyurḡ.

⁵² Jesús ìgūrē ārīyurḡ:

—Mḡ yḡre bḡremurī opāa. Irasirigḡ tausūa, ārīyurḡ.

Ìgū irasū ārīmakūta, koye ìābiradi ōārō ìāmasīakōāyurḡ. Pḡrḡ maague Jesúre tḡyawāgāyurḡ.

11

*Jesús Jerusalēgue ejadea**(Mt 21.1-11; Lc 19.28-40; Jn 12.12-19)*

¹ Pɥɥɥ Jesús ĩgũ buerã merã Jerusalēgue ejaburo dupuyuro, Betfagé, Betania wãĩkuri makãrĩ pɥro ejarɥroriyupɥ. Iri makãrĩ Olivos wãĩkuri buúru ããrĩdujimejãrõ ããrĩyuro. Irogue ejagɥ, Jesús pērã ĩgũ buerãrē ãsũ ãrĩ iriuyupɥ:

² —Si makã marĩ bokatiũrõ ããrĩrĩ makãgue waaka! Irogue ejarã, sugɥ burrore ĩgũsã sianúadire neõ suñarõ peyasũña marĩgũrē bokajarãkoa. ĩgũrē kura, ãrĩka! ³ Sugɥ mɥsãrē: “¿Nasirimurã yári?” ãrĩmakũ: “Marĩ Opɥ gãameami. Dapora wiagukumi doja”, ãrĩka! ãrĩ iriuyupɥ.

⁴ ĩgũ irasũ ãrĩmakũ, pērã waa, maa tɥro ããrĩrĩ wii disipɥro burrore ĩgũsã sianúadire bokaja, ĩgũrē kurañurã. ⁵ ĩgũsã irasirimakũ ĩãrã, iro ããrĩrã sērēñañurã:

—¿Nasirirã yári? ¿Nasirimurã burrore kurari? ãrĩñurã.

⁶ ĩgũsã irasũ ãrĩmakũ pērã, Jesús ãrãderosũta wereñurã. ĩgũsã irasũ ãrĩ weremakũ pērã: “Ãĩaka!” ãrĩ yɥɥñurã. ⁷ Pɥɥɥ burrore Jesús pɥrogue ãĩãñurã. Ãĩja, ĩgũsãya wekama surĩre túwea, burro weka peoñurã. Jesús ĩgũ wekague mɥrĩbeja waayupɥ. ⁸ Masaka wárã ĩgũsãya wekama surĩre túwea ãĩ, ĩgũ waaburi maarē sēõpĩdupuyũñurã ĩgũrē buremurã. Gajerã yukɥ dupɥri pũrikũrĩre diti, maarē pĩdupuyũñurã, ĩgũ waarĩ maa õãrĩ maa ããrĩburo, ãrĩrã.

⁹ Irasirirã ĩgũ dupuyuro waarã, ĩgũ pɥɥ tɥyarãde ãsũ ãrĩ gainĩñurã:

Marĩ Opɥre ɥɥyari sĩrã! ĩĩ Marĩpɥ marĩrē taugɥ iriudi õãrõ aariburo.

¹⁰ Marĩ Opɥ ñajãburi õãrõ aariburo. Marĩ ñekũ David opɥ ããrĩderosũta õãrõ ããrĩburo.

Marĩpɥre: “Õãtaria mɥ ããrĩpererã Opɥ ɥmɥgasigue ããrĩgũ”, ãrĩ, ɥɥyari sĩrã! ãrĩñurã.✧

¹¹ Irasirigɥ Jesús Jerusalēgue eja, Marĩpɥya wiigüe ñajãa, ããrĩpereri iri wiimague ããrĩrĩrē ĩãpeokõãyupɥ. ĩã odo, Betaniague ĩgũ buerã pe mojõma pere su gubu peru pērēbejarã merã waayupɥ. ĩgũsã irogue waaripoere ñamikague ããrĩsiayuro.

*Jesús higuera gɥ dũka marĩdire ñãĩmakũ iridea**(Mt 21.18-19)*

¹² Gajinɥ gapɥ Betaniague ããrãnerã Jerusalēgue goedujãañurã doja. Jesús irogue goedujãagɥ, ɥaboakõãyupɥ. ¹³ Yoarogue merã higuera wãĩkũdire õãrõ pũrikũdire ĩã: “Dũkakũkoa”, ãrĩgũ ĩãgũ waadiyupɥ. Irigɥ gapɥ dũka marĩyuro. Dũkakũripoe ããrĩbiriyoero. Irasirigɥ pũrĩ direta bokajayupɥ. ¹⁴ Irigɥ dũka marĩmakũ ĩãgũ, Jesús ãsũ ãrĩyupɥ:

—Igɥ dũkare masaka neõ dupaturi baabirikuma. Neõ dũkakũbirikoa, ãrĩyupɥ.

Ĩgũ irasũ ãrĩmakũ, ĩgũ buerã péñurã.

*Jesús Marĩpɥya wiigüe duarãrē béowiudea**(Mt 21.12-17; Lc 19.45-48; Jn 2.13-22)*

¹⁵ Pɥɥɥ Jerusalēgue eja, Jesús Marĩpɥya wiigüe ñajãyupɥ. Irogue doebiri duarãrē, wajarirãdere béowiuyupɥ. Niyeru gorawayurimasãya niyeru sãñarĩ kũmarĩrē yomeéwiunokõãyupɥ. Bujare dua doanĩrãya doaripēridere irasũta iriyupɥ. ¹⁶ “Neõ duari ãĩ ñajãbirikõãka, Marĩpɥya wiiguere!” ãrĩyupɥ Jesús masakare. ¹⁷ ãsũ ãrĩ bueyupɥ ĩgũsãrē:

—Marĩpɥ ĩgũya werenĩrĩ gojadea pũgue ãsũ ãrĩdi ããrĩmĩ: “Yaa wii, yɥre buremurã yɥre sērērĩ wii wãĩkũrokoa. Irasirirã ããrĩpereri nikũ marã i wiigüe yɥre sērēã aarirãkuma”, ãrĩdi ããrĩmĩ. Mɥsã gapɥ, ĩgũ irasũ ãrĩkerepɥɥ, yajarimasãya wii irirosũ ããrĩmakũ yãa, ãrĩyupɥ Jesús.

✧ 11:10 Sal 118.25-26

18 Īgũ irasũ ārĩmakũ, ããrĩpererã masaka pégukakõãñurã. Irasirirã paia oparã, Moisés gojadeare buerimasãde ĩgũrẽ gũñurã. “¿Nasiri ĩrẽ wějērākuri?” ārĩ gũñamañurã. 19 Pũũ naĩmejāripoe Jesús ĩgũ buerã merã iri makārẽ wiriwāgākõāyupũ doja.

Jesús buerã higueraḡũ boanḡgãdire ĩãdea
(Mt 21.20-22)

20 Gajinũ boyoripoe maague waarã, higueraḡũ nugũrĩḡue merãta ñañḡgãdire ĩãñurã.

21 Pedro iriḡũre Jesús ārãdeare gũña, ĩgũrẽ ārĩyupũ:

—Bueḡũ, ĩãka! Iḡũ higueraḡũ mũ boadoredi boakõãsiayo, ārĩyupũ.

22 Jesús yũjũyupũ:

—Marĩpũre bũremuka! 23 Diayeta mũsãrẽ werea. Sugũ Marĩpũre bũremugũ, ĩgũrẽ: “I buúrure dia wádiyague béoka!” ārĩmakũ, ĩgũ ārãderosũta waarokoa. Mũsã: “Marĩpũ ãsũ irimasĩbirikumi”, ārĩ gũñarõ marĩrõ: “Īgũrẽ yũ sērẽaderosũta waarokoa”, ārĩ bũremumakũ, Marĩpũ diayeta irasirigũkumi. 24 Irasirigũ mũsãrẽ irire wereḡũra doja. Marĩpũre sērẽrã: “Yũ sērẽrõsũta waarokoa yũre”, ārĩ bũremumakũ, mũsã sērẽrõsũta irigũkumi. 25 Irasirirã Marĩpũre mũsã sērẽburo dupuyuro gajerã mũsãrẽ ñerõ iridea waja ĩḡũsã merã guarire pirika! ĩḡũsã ñerõ irideare kãtika! Irasirimakũ ĩãḡũ, Mũsãpũ ãmũgasigue ããrĩḡũ mũsã ñerõ irideare kãtigũkumi. 26 Gajerã mũsãrẽ ñerõ irideare mũsã kãtibirimakũ ĩãḡũ, ĩḡũde mũsã ñerõ irideare kãtibirikumi, ārĩyupũ Jesús.

Judío masaka oparã Jesúre: “¿Noã mũrẽ doreri?” ārĩ sērẽñãdea
(Mt 21.23-27; Lc 20.1-8)

27 Īgũ irasũ ārãdero pũũ, dupaturi Jerusalḡgue waañurã doja. Irogue eja, Jesús Marĩpũya wiigũe waanamakũ ĩãrã, paia oparã, Moisés gojadeare buerimasãde, judío masaka mũrã merã ĩḡũ pũrogue waa ejanḡgã, 28 ĩḡũrẽ sērẽñãñurã:

—¿Noã mũrẽ doreri mũ irasirimakũ? ¿Noã mũrẽ: “Ãsũ irika!” ārĩrĩ? ārĩñurã.

29 Jesús ĩḡũsãrẽ yũjũyupũ:

—Yũde mũsãrẽ sērẽñḡũra. Mũsã yũjũmakũ, yũde mũsãrẽ yũjũḡũra. 30 ¿Noã Juãrẽ masakare deko merã wãĩyedoreḡũ iriuyuri, Marĩpũ, o masaka? Yũjũka! ārĩyupũ Jesús.

31 Īgũ irasũ ārĩmakũ pérã, ĩḡũsã basi ãsũ ārĩ ḡãme werenĩñurã:

—“Marĩpũ Juãrẽ doredi ããrĩmĩ”, marĩ ārĩmakũ, Jesús marĩrẽ: “¿Nasirirã ĩḡũ weredeare bũremubiriri mũsã?” ārĩbokumi. 32 ããrĩpererã masaka: “Diayeta Juan Marĩpũya kerere weredupuyudi ããrĩmĩ”, ārĩ gũñama. Marĩ: “Masaka Juãrẽ wãĩyedorenerã ããrĩmã”, ārĩmakũ, masaka marĩ merã ḡuabokuma, ārĩñurã. Masakare ḡũisã, irire irasũ ārĩñurã.

33 Irasirirã: “Masĩbirikoa”, ārĩ yũjũñurã Jesúre.

Irasirigũ Jesús ĩḡũsãrẽ ārĩyupũ:

—Mũsã yũre: “¿Noã mũrẽ irire doreri?” ārĩ sērẽñãdeare yũde mũsãrẽ yũjũbea, ārĩyupũ.

12

Jesús ñerã moãrã keori merã buedea
(Mt 21.33-46; Lc 20.9-19)

1 Pũũ Jesús paia oparãrẽ, Moisés gojadeare buerimasãrẽ, judío masaka oparãrẽ keori merã ãsũ ārĩ wereyupũ:

—Sugũ masakũ ĩḡũya pooegue iguidarire otekumi. Ote odo, iri pooe turo ãtãyeri merã sãrĩsãkumi. Ëtãyegue igui kũrabipiri gobere irikumi. Wii ãmarĩ wiigãrẽ irikumi, iri pooere korerã õãrõ ĩã koreburo, ārĩḡũ. Irasiri odo, gajerãrẽ iri pooere wayu: “Yaa oteri dukare yũre deko merã sĩrãkoa, yũ mũsãrẽ iri pooere wayuri waja”, ārĩkumi. Irasũ ārĩ odo, gajerogue waakõãkumi. 2 Pũũ igui ñĩripoe ejamakũ, ĩḡũrẽ moãboegũre ĩḡũya pooere moãrã pũrogue iriukumi, ĩḡũya pooema oteri dukare deko merã sērẽdoreḡũ. 3 Iri pooere moãrã ḡapũ ĩḡũ irogue ejamakũ ĩãrã, ĩḡũrẽ ñeã, pákuma. Neõ gajino sĩrõ marĩrõ ĩḡũrẽ

iridujukuma. ⁴ Pɔɔri iri pooe opɔɔ gajigu ŋgūrē moãboegure iriukumi doja. Ŋgūrē dipurure pá, kãmitúkuma. Ŋgūrē bɔrida, iridujukuma. ⁵ Iri pooe opɔɔ gajigure iriukumi doja. Ŋgūrē wējékōākuma. Pɔɔri wárã iriukumi doja. Surãyerire pá, gajerãrē wējékōākuma.

⁶ 'Irasirigu iri pooe opɔɔ magũ, ŋgũ bɔro maŋgũ dita dɔyakumi. “Yɔ magũrē bɔremurãkuma”, ãrĩ gũñarĩ merã ŋgūrē iriutũnuadikumi. ⁷ Iri pooere moãrã gapɔ ŋgũ magũ ejamakũ ãrã, ŋgũsã basi ãsũ ãrĩ gãme wereníkuma: “Ŋita pɔɔguere i pooere opabu ããrĩmi. Ŋgūrē wējékōãrã! Irasirirã marĩ basi i pooere oparãkoa”, ãrĩkuma. ⁸ Irasirirã ŋgūrē ñeã, wējē, pooe tɔrogue ŋgũya dupɔre ãiwãgã béokōākuma, ãrĩyupɔ Jesús.

⁹ Irasũ ãrĩ odo, ŋgũsãrē sērēñayupɔ:

—Iro merē pooe opɔɔ, ¿nasirigukuri ŋgũya pooere moãrãrē? ãsũ irigakumi. Irogue waa, ŋgũsãrē wējē, ŋgũya pooere gajerã gapɔre sɔgukumi.

¹⁰ ¿Mɔsã Marĩpɔya werenĩrĩ gojadesã pũrē ire buebiriri? ãsũ ãrĩ gojasũdero ããrĩbú: Suye ãtãye wii iririmasã ŋgũsã béoadeaye merã gajigu gapɔ ããrĩ turari wii irigakumi.

¹¹ Marĩpɔ irasiridi ããrĩmĩ. Marĩ ŋgũ irasirideare ããrã: “Ŋãtaria”, ãrĩ gũñãã, ãrĩ gojasũdero ããrĩbú, ãrĩ wereyupɔ Jesús ŋgũsãrē.✧

¹² Judío masaka oparã ŋgũ i keori merã irasũ ãrĩ weremakũ pérã: “Marĩrē: ‘Ŋgũsã irirosũ ñerã ããrã’, ãrĩgũ irikumi”, ãrĩ pémasĩ, ŋgūrē ñeã, peresu iridũadiñurã. Irasiridũakererã: “Masaka ŋgūrē marĩ irasirimakũ ããrã, marĩ merã guabokuma”, ãrĩ gũñãñurã. Irasirirã ŋgũsãrē gũi, Jesúre pirikõã, gajerogue waakõãñurã.

*Romano marã opɔɔ masakare niyeru wajasearire Jesúre sērēñadea
(Mt 22.15-22; Lc 20.20-26)*

¹³ Pɔɔri Jesúre weresãdũarã, surãyeri fariseo bumarãrē, Herodeya bumarãdere Jesús pɔrogue ŋgūrē wãri sērēña, diaye yɔjubirimakũ iridorerã iriũñurã. ¹⁴ Ŋgũsã iriuanerã Jesús pɔrogue ejarã, ãsũ ãrĩñurã:

—Buegɔ, mɔ iririkũrere masã. Mɔ ãrĩgatoro marĩrõ werenia. Marĩpɔyare diayeta buea. “¿Naásũ gũñarĩ masaka yãre?” ãrĩ gũñarõ marĩrõ diayeta ŋgũsãrē werea. Oparãrē, ubu ããrĩãdere ããrĩpererãrē sɔrosũta ãã. Irasirigu gɔare wereka! Romano marã opɔɔ marĩrē niyeru wajasearire marĩ wajarimakũ, ¿õãgorari, o õãberi? ¿Wajariro gããmerĩ, o wajaribirikõãrõ gããmerĩ? ãrĩñurã.

¹⁵ Jesús gapɔ ŋgũsã irigatori merã ŋgūrē ñerõ iridũarere masĩsãã, ãsũ ãrĩyupɔ:

—¿Nasirirã yɔ ñerõ yɔjubmakũ iridũari mɔsã? Niyeru tire yãre ãrĩka! Iri tire ããmurã! ãrĩyupɔ.

¹⁶ Ŋgũ irasũ ãrĩmakũ pérã, suti ããñurã. Jesús ŋgũsãrē sērēñayupɔ:

—I tiguere, ¿noãya diapu keori, noãya wãĩ tuuyari? ãrĩyupɔ.

—Romano marã opɔɔ diapu keori, ŋgũ wãĩta tuuyãã, ãrĩ yɔjubñurã.

¹⁷ Irasirigu Jesús ŋgũsãrē ãrĩyupɔ:

—Iro merē romano marã opɔɔ ããrĩrĩrē ŋgūrē sĩka! Marĩpɔya gapɔre Marĩpɔre sĩka! ãrĩyupɔ.

Ŋgũ irasũ ãrĩmakũ pégɔkakõãñurã.

*Saduceo bumarã, Marĩpɔ boanerãrē masũrĩrē Jesúre sērēñadea
(Mt 22.23-33; Lc 20.27-40)*

¹⁸ Pɔɔri surãyeri saduceo bumarã Jesús pɔrogue ejañurã. Ŋgũsã: “Masaka boanerãgue masãbirikuma”, ãrĩ bɔremurã ããrĩñurã. Irasirirã Jesúre ãsũ ãrĩñurã:

¹⁹ —Buegɔ, Moisés marĩrē ãsũ ãrĩ gojapidi ããrĩmĩ: “Sugɔ marãpokɔdi pũrã marĩkeregũ igore boaweomakũ, ŋgũ pagɔmɔ igore dúunorẽgɔkumi. Irasirirã, ŋgũ igo merã pũrãkũrã ŋgũ tĩgũ dagɔ pũrã irirosũta ããrĩrãkuma”, ãrĩdi ããrĩmĩ. ²⁰ Iripoeguere sugɔ pũrã su mojõma pere gaji mojõ peru pẽrẽbejarã ããrĩunanerã ããrĩmã. Ŋgũsã tĩgũ gapɔ marãpokɔ, pũrã

✧ 12:11 Sal 118.22-23

marĩgũta boakõâyupu. ²¹ Irasirigu ĩgũ dagu dokamũta ĩgũ marãpo ããrĩdeore dúunorẽyupu. ĩgũde, ĩgũ tĩgũ dagu irirosũta pũrã marĩgũta boakõâyupu. ĩgũsã pẽrã dokamũde pũrã marĩgũta boakõâyupu. ²² Irasũ dita pũrã marĩrãta boapereakõãñurã. ĩgũsã puru ĩgũsã marãpode boakõâyupo pama. ²³ ĩgũsã su mojõma pere gaji mojõ peru pẽrẽbejarã ãma igore marãpokũadiñurã. Irasirirã boanerã masãmakũ, ¿niño marãpogora ããrĩgokuri? ãrĩñurã.

²⁴ Jesús ĩgũsãrẽ yũjũyupu:

—Mũsã diaye gũñabea. Marĩpũya werenĩrĩ gojadeare, ĩgũ turaridere mũsã neõ masĩbea. ²⁵ Boanerã ĩgũsã masãdero puru, ĩgũsã ãmũgasigue Marĩpũre wereboerã irirosũ ããrĩrãkuma. Iroguere marãpokũbirikuma. ĩgũsã pũrã nomedere nomesubirikuma. ²⁶ ¿Moisės gojadea pũguere boanerã ĩgũsã masãburire buebiriri? Iripoeguere yukũgãgue ãjũrõgue Marĩpu Moisére ãsũ ãrĩdi ããrĩmĩ: “Yũ Abraham, Isaac, Jacob Opũta ããrã”, ãrĩdi ããrĩmĩ. ²⁷ Irasirirã ĩgũsã boanerã ããrĩkererã, Marĩpu merã okarã ããrĩma. Irasirigu Marĩpu boanerã dupaturi masãbirimurã Opũ ããrĩbemi. Okarã, boanerãgue dupaturi masãmurã Opũ ããrĩmi. Irasirirã mũsã: “Boanerã masãbirikuma”, ãrĩ gũñarã, diaye gũñabea, ãrĩyupu Jesús.

*“¿Dĩ gapũ Marĩpu doreri gaji doreri nemorõ ããrĩrĩ?” ãrĩ sẽrẽñadea
(Mt 22.34-40)*

²⁸ ĩgũsã Jesús merã werenĩripoe sugu Moisés gojadeare buerimasũ ĩgũsã puru ejayupu. Jesús ĩgũ õãrõ yũjũrĩre pé, ãsũ ãrĩ sẽrẽñayupu ĩgũrẽ:

—¿Dĩ gapũ Marĩpu doreri gaji doreri nemorõ ããrĩrĩ?

²⁹ Jesús ĩgũrẽ yũjũyupu:

—Gaji doreri nemorõ ããrĩrĩ i ããrã: “Israel bumarã õãrõ péka! Marĩpu sugũta mũsã Opũ ããrĩmi. ³⁰ Irasirirã mũsãya yũjũpũrãrĩ merã, mũsã ããrĩrikuri merã, ããrĩpereri mũsã gũñarĩ merã, mũsã turari merã Marĩpũre mũsã Opũre maĩka!” ³¹ I doreri purũma ãsũ ãrã: “Mũ basi maĩrõsũta mũ purũ ããrĩrãrẽ maĩka!” I pe dorerita gaji ããrĩpereri doreri nemorõ ããrã, ãrĩyupu Jesús.

³² ĩgũ irasũ ãrĩmakũ, Moisés gojadeare buerimasũ ãsũ ãrĩ yũjũyupu:

—Buegu, irasũta ããrã. Mũ ãrĩrĩ diayeta ããrã. Marĩpu sugũta ããrĩmi. Gajigu ĩgũ irirosũ ããrĩgũ mámi. ³³ Marĩrẽ marĩya yũjũpũrãrĩ merã, marĩ gũñarĩ merã, ããrĩpereri marĩ turari merã Marĩpũre maĩrõ gããmea. Marĩ basi maĩrõsũta gajerãrẽ maĩrõ gããmea. Marĩpũre bũremurã ĩgũ ĩũrõ waimũrã wẽjẽ soepeomakũ õãgorãa. I nemorõ Marĩpũre, masakadere marĩ maĩmakũ õãtaria, ãrĩyupu.

³⁴ ĩgũ pẽmasĩrĩ merã õãrõ yũjũmakũ ĩã, Jesús ĩgũrẽ ãrĩyupu:

—Mérõ dũyãa, Marĩpu mũ Opũ ããrĩrĩrẽ mũ pẽmasĩburo, ãrĩyupu.

Jesús irire irasũ ãrãdero purũ, neõ sugu ĩgũrẽ sẽrẽñanemobiriñurã.

*“¿Noã parãmi ããrĩturiagu ããrĩrĩ Cristo?” ãrĩ sẽrẽñadea
(Mt 22.41-46; Lc 20.41-44)*

³⁵ Jesús Marĩpũya wiigue buegu, ãsũ ãrĩ sẽrẽñayupu:

—¿Nasirirã Moisés gojadeare buerimasã: “Cristo, David parãmi ããrĩturiagu ããrĩmi”, ãrĩrĩ? ³⁶ David, Cristo ñekũ ããrĩkeregu, Õãgũ deyomarĩgũ ĩgũrẽ weredorederosũta ãsũ ãrĩ gojadi ããrĩmi:

Marĩpu yũ Opũre ãsũ ãrĩmi: “Õõ, yũ diaye gapũ doaka, yũ merã dorebu! Irasiriripoe mũrẽ ĩãturirãrẽ mũ dorerire tarinũgãnemobirimakũ irigura”, ãrĩmi, ãrĩ gojadi ããrĩmi David.*

³⁷ David, Cristo ñekũ ããrĩkeregu, ĩgũrẽ: “Yũ Opũ ããrĩmi”, ãrĩdi ããrĩmi. ¿Nasirigu, Cristo, David parãmi ããrĩturiagu ããrĩkerepurũ, David ĩgũrẽ irasũ ãrĩyuri? ãrĩyupu Jesús.

Wãrã masaka iri wiigue ããrĩrã ĩgũ wererire mũsũyari merã pẽñurã.

Jesús Moisés gojadeare buerimasã yamarẽ weredea
(Mt 23.1-36; Lc 11.37-54; 20.45-47)

³⁸ Jesús ãsũ ãrĩ buenemoyurũ:

—Moisés gojadeare buerimasã ñerõ iririre õãrõ pémasĩka! Oparã irirosũ surí yoari sãña, masaka iũrõgue waagorenama. Makã dekoguere masakare õãrõ buremurĩ merã ãgũsãrẽ bokatĩrĩ õãdoremakũ gããmemã. ³⁹ Marĩ nerẽrĩ wiiriguere ñajãrã, õãrĩ doaripẽrĩgue dita doadũama. Bosenũrĩ ããrĩmakũdere oparã doarigue dita doadũama. ⁴⁰ Wapiweyarã nome wajamomakũ ãã, ãgũsãya wiirire ãmanokõãma. ãgũsãrẽ bopoñarĩ merã ããbirikererã, yoaripoe Marĩpũre sãrẽ ãmugatoma, masaka ãgũsãrẽ: “Marĩpũre õãrõ buremuma”, ãrĩburo, ãrĩrã. ãgũsã irasiriri waja, Marĩpũ ãgũsãrẽ gajerãrẽ wajamoãrõ nemorõ wajamoãgũkumi, ãrĩyurũ Jesús.

Wapiweyo bopogo Marĩpũya wiigue igo niyeru tiri sãdea
(Lc 21.1-4)

⁴¹ Pũrũ Jesús Marĩpũya wiima ãgũsã ãmuburi niyeru neeõrĩ kũma pũro masaka ãgũsã niyeru sãmakũ ãã doanĩyurũ. Wãri doebiri oparã iri kũmaguere wãro niyeru sãñurã. ⁴² Sugo wapiweyo iri kũma pũro ejanugã, pe tigã mérõgã wajakari tirigãrẽ sãyupo. ⁴³ Iri tirire igo sãmakũ ããgũ, Jesús ãgũ buerãrẽ siiu, ãrĩyurũ:

—Diyeta mũsãrẽ werea. Igo wapiweyo bopogo niyeru sãgõ, Marĩpũ iũrõ gajerã ããrĩpererã sãdero nemorõ sãmo. ⁴⁴ Gajerã wãri doebiri oparã wãro sãkerepũrũ, ãgũsãya wãro dũyãa. Igo gapũ bopogo ããrĩkerẽgo, igo baari wajariboadeare ããrĩpereri sãpeokõãmo Marĩpũre buremugõ, ãrĩyurũ Jesús.

13

Jesús: “Marĩpũya wii béosũrokoa”, ãrĩ weredea
(Mt 24.1-2; Lc 21.5-6)

¹ Jesús Marĩpũya wiigue ããrãdi wiriaripoe sugũ ãgũ buegũ ãsũ ãrĩyurũ:

—Gũare buegũ, ããka i wiire pagari ãtãyeri merã iridea wii miẽrẽ, ãrĩyurũ.

² Jesús ãgũrẽ yũjũyurũ:

—Mũsã i wiire wãri wiire daporare ããdãa. Pũrũgue neõ suye ãtãye gajiyẽ weka weamũrĩadeade dujabirikoã. ããrĩpereri mũtãdijapereakõãrokoa, ãrĩyurũ Jesús.

Jesús: “I ãmũ pereburi dupuyuro ãsũ waarokoa”, ãrĩ weredea
(Mt 24.3-38; Lc 21.7-36)

³ Pũrũ Jesús ãgũ buerã merã Olivos wãĩkuri buúru Marĩpũya wii bokatĩũrõ ããrĩrĩ buúrugue waayurũ. Jesús irogue eja doamakũ, Pedro, Santiago, Juan, Andrés ãgũrẽ ãgũsã seyaro sãrẽñãñurã:

⁴—Gũare wereka! ¿Naásũ ããrĩmakũ, mũ ããrãderosũ waarokuri? ¿Ñeéno iri ãmugakuri, iri ããrĩpereri irasũ waaburi dupuyuro? ãrĩñurã.

⁵ Jesús ãgũsãrẽ yũjũyurũ:

—Õãrõ pémasĩka! Gajerã mũsãrẽ ãrĩgatorire pébirikõãka! ⁶ Wãrã ãrĩgatorimasã aarirãkuma. “Yũ Marĩpũ iriudi Cristo ããrã”, ãrĩrãkuma. ãgũsã irasũ ãrĩgatomakũ pérã, wãrã masaka ãgũsãrẽ buremurãkuma.

⁷ Masaka mũsã pũro gãmewẽjẽrĩrẽ pérã, yoarogue marã gãmewẽjẽrĩ kerere pérã, gũkabirikõãka! Irasũta waarokoa. Irasũ waakerepũrũ, i ãmũ pereburo dũyarokoa dapa. ⁸ Su bumarã, gaji bumarã merã gãmewẽjẽrãkuma. Su nikũ marã, gaji nikũ marã merã gãmewẽjẽrãkuma. Wãri makãrĩguere nikũ ñomerokoa. Masaka wãrã wãboari merã boarãkuma. I ããrĩpereri merã masaka ñerõ taripũroriwãgãrĩrãkuma.

⁹ Gajerã mũsãrẽ ñeã, ãã, oparãguere ñerõ iridorerã wiarãkuma. Mũsã judío masaka nerẽrĩ wiirigue ããrĩmakũ, mũsãrẽ pãrãkuma. Mũsã yãre buremurĩ waja makãrĩ marã oparã pũroque, iri nikũ marã oparã pũroque ããsũrãkoa. Irasirimakũ, mũsã Marĩpũya

õārĩ kerere wererākoa ĩgūsārē. Irasirirā mūsā basi õārõ pémāsĩka! ¹⁰ I ũmũ pereburo dupuyuro Marĩpũyare wererā āārĩpereri buri marārē ĩgũya kerere wererākuma. ¹¹ Masaka mūsārē oparā pũrogue āĩāmakũ: “¿Naásũ ārĩrākuri ĩgūsārē?” ārĩ gũñarikũmerāta waaka! Oparā mūsārē sērēñamakũ, Marĩpũ gũñarĩ sĩrĩ merā wererākoa. Irasirirā mūsā basi werenĩbirikoa. Ōāgũ deyomarĩgũ iritamurĩ merā, ĩgũ werenĩrĩ sĩrĩ merā wererākoa.

¹² I ũmũ pereburo dupuyuro masaka ĩgūsā pagupũrārē, ĩgūsā tĩrārē oparāguere wējēdorerā wiarākuma. Pagusāmarā ĩgūsā pũrārē, pũrā ĩgūsā pagusāmarārē oparāguere wējēdorerā wiarākuma. ¹³ Yũre mūsā buremurĩ waja āārĩperero marā masaka mūsārē ĩāturi doorākuma. Mūsārē ĩgūsā ñerõ irikererũ, yũre buremurĩrē piribirimakũ, Marĩpũ mūsārē taugũkumi.

¹⁴ I ũmũ pereburo dupuyuro ñegũrē Marĩpũre ĩaturĩgũre ĩārākoa. Marĩpũya wiigũre ĩgũrē āārĩdorebiridea wiigũre nĩmakũ ĩārākoa. Iripoegũ Marĩpũya kerere weredupuyudi Daniel ĩgũrē gojadi āārĩmĩ. ĩgũ gojadeare buegũno, pémāsĩburo. Ąsũ ārĩ gojadi āārĩmĩ: “Iro ĩgũ nĩmakũ ĩārā, Judea nikũgũre āārĩrā buurĩgũre ũmaduriburo”. ¹⁵ Irasũ waaripoere masakare ñerõ waarokoa. Sugũ ĩgũya wii wekague āārĩgũ wii poekague ĩgũyare āĩgũ ñajābirikõāburo. ¹⁶ Sugũ ĩgũya pooerĩgũre āārĩgũde ĩgũya surĩre wiigũre āĩgũ dujābirikõāburo. ¹⁷ Irasũ waarĩnrĩrē nijĩpagosā nome, gajerā ĩgūsā pũrā mirĩrāgā oparā nomede bũro ñerõ tarirākuma. ¹⁸ Irasirirā Marĩpũre āsũ ārĩ sērēka: “Puĩbũ āārĩmakũ, irasũ waabirikõāburo”, ārĩ sērēka!

¹⁹ Irasũ waarĩnrĩrē masaka ñerõ tarirākuma. Marĩpũ i ũmũrē iripũroridero pũrũre masaka ñerõ taridero nemorõ ñerõ tarirākuma. I ĩgūsārē ñerõ waaburi neõ dupaturĩ irasũ waanemobirikoa. ²⁰ Irasirĩgũ Marĩpũ masakare i ñerõ waarĩre: “Yoarĩpoe waabirikõāburo”, ārĩgũkumi. ĩgũ irasiribirimakũ, neõ sugũ masakũ taribiribokumi. Irasirĩgũ ĩgũ beyenerārē bopoñasĩā, ĩgūsārē ñerõ waarĩre: “Iropāta waaburo”, ārĩgũkumi.

²¹ Irasũ ñerõ waaripoere gajerā mūsārē: “Īāka! Ōõta Cristo āārĩmĩ”, o “Sõõ āārāmi Cristo”, ārĩmakũ pérā, buremubirikõāka! ²² Wārā ārĩgatorikũrā aarirākuma. Surāyeri: “Yũ Marĩpũ iriudi Cristo āārā”, o “Marĩpũya kerere weredupuyurimasā āārā”, ārĩrākuma. Irasirirā masakare ĩgūsā ārĩgatorire buremudorerā, wārĩ gajino iri ĩmurākuma. Irasirikererā, Marĩpũ beyenerārē ĩgũrē buremuduũmakũ irimasĩbirikuma. ²³ Iri irasũ waaburi dupuyuro mūsārē i āārĩpererire weresiāa. Irasirirā õārõ pémāsĩka! ārĩ wereyupũ Jesũs ĩgũ buerārē.

Jesũs i ũmũgũre ĩgũ dupaturĩ aariburire weredeā
(Mt 24.29-35, 42-44; Lc 21.25-36)

²⁴ Jesũs āsũ ārĩ werenemoyupũ ĩgūsārē:

–Irasũ ñerõ waarĩnrĩ pũrũ, abe ũmũmũ naĩtĩākõāgũkumi. Ñamimũde boyonemobirikumi. ²⁵ Neñukā ũmũgasĩgũre āārĩrā yuridijarirākuma. Ūmarõgũre marā turarāde naradari merā bėosũrākuma. ²⁶ Irasũ waaripoere masaka yũ āārĩpererā tĩgũ, bũro turari merā, gosewasiriri merā mikāyebogue i nikũguere dupaturĩ aarimakũ ĩārākuma. ²⁷ Yũre wereboerārē āārĩperero i nikũguere iriugũra. Irasirirā yaarārē Marĩpũ beyenerārē āārĩpererogũre āārĩrārē yũ pũrogũre neeõrākuma.

²⁸ Ire mūsā masĩburo, ārĩgũ, hĩgueragũ keori merā weregũra. Irĩgũ pũ maamamakũ ĩārā: “Bojori waaburo mérõgā dũyāa”, ārĩ masĩa. ²⁹ Irĩgũ waarõsũta i āārĩpereri yũ ārĩrĩ irasũ waamakũ ĩārā: “Marĩpũ iriudi dupaturĩ aariburo mérõgā dũyāa”, ārĩ masĩrākoka. ³⁰ Diayeta mūsārē werea. I āārĩpereri yũ ārĩrĩ, dapora marā ĩgūsā boapereburo dupuyuro irasũ waarokoa. ³¹ Ūmũgasi, i nikũde pereakõārokoka. Yũ werenĩrĩ gapũ neõ perebirikoa. Ąārĩpereri yũ mūsārē ārĩrõsũta waayuarĩkũrokoka.

³² Yũ dupaturĩ aariburĩnrē, iri horare neõ sugũ masĩbemi. Marĩpũre wereboerā ũmũgasĩgũre āārĩrāde masĩbema. Yũ Marĩpũ magũde masĩbea. Yũrũ sugũta masĩmi.

³³ 'Musāde y_u aariburin_urē masībea. Irasirirā ōārō pémasīrī merā yúka! “G_uare iritamuka!” ārī sērēka Marīp_ure! ³⁴ I keori merā musārē wereg_ura. Wii op_u yoarogue gāmeñajāgū waaburi dupuyuro ĩgūrē moāboerārē ĩgūya wiire koredorekumi. Surāyerire ĩgū moārīrē píkumi. Gajig_ure wii disip_uro koredorekumi, ĩgū dujariburire ōārō yúdoreg_u. ³⁵ Irasiri odo, waakōākumi. ĩgūrē moāboerā gap_u ĩgū dujariburin_urē neō masībirikuma. Ñamika, o ñami deko, āgābo wereripoe, o boyoripoe aaribokumi. ĩgūsā ōārō yúbirimakū, ĩgū gūñaña marīrō aarigú, ĩgūsārē kārīrārē bokajagakumi. Wii op_ure moāboerā ĩgū dujariburin_urē ĩgūsā masībiriderosūta musāde y_u dupaturi aariburin_urē masībea. ³⁶ Gūñaña marīrō y_u aariburire masīrā, y_ure ōārō pémasīrī merā yúka! Sug_u kārīgū irirosū āārīgú y_ure ōārō yúbirikumi. ĩgū irirosū āārībirikōāka! ³⁷ Y_u musārē ārīrīrē āārīpererārē ārīg_ura. Ōārō pémasīrī merā yúka! ārī wereyup_u Jesús ĩgū buerārē.

14

Oparā Jesúre ñeāburire āmudea
(Mt 26.1-5; Lc 22.1-2; Jn 11.45-53)

¹ Pen_u pascua bosenu, judío masaka pā wemasārī morēña marīrī baari bosenu d_uyaripoe paía oparā, Moisés gojadeare buerimasā nerēñurā. Jesúre ārīgatori merā ĩgūsā ĩgūrē ñeā, wējēburire āmuñurā. ² Irire āmurā, āsū ārīñurā:

—I bosenu āārīmakū ĩgūrē ñeābirikōārā! Masaka marī merā guarā, marīrē gainí turibokuma, ārīñurā.

Sugo nomeō Jesúre sūrōrī piupeodea
(Mt 26.6-13; Jn 12.1-8)

³ Jesús Betania wāik_uri makāgue, Simón kāmi boadiya wiigue āārīyup_u. ĩgū iri wiigue āārīrā merā baa doaniripoe sugo nomeō suru sūrōdiru opago Jesús p_uro ejanugāyupo. Igo opadiru “alabastro” wāik_uri ūtāye merā iridiru, sūrōrī “nardo” wāik_uri wajapari opadiru āārīyuro. Irirure tūpā, Jesúya dipurare piupeoyupo.

⁴ Gajerā iri wiigue āārīrā igo irasirimakū ĩārā, gua, āsū ārī gāme werenīñurā:

—¿Nasirigo iri sūrōrīrē irasiriwasiribéokōārī? ⁵ Igo irire duamakū, trescientos niyeru tiri su bojori moā wajataropā wiriboakuyo. Iri waja merā boporārē iritamuboakumo, ārīñurā. Igo irasiririre suyubirīñurā.

⁶ Jesús gap_u ĩgūsārē ārīyup_u:

—Igre garibobirikōāka! ¿Nasirirā igore garibori? Igo y_ure ōārīrē yāmo. ⁷ Boporā musā watopeguere āārīnīkōārākuma. Irasirirā ĩgūsārē iritamud_uarā iritamumasīa. Y_u tamerārē musā merā āārīnīmakū ĩābirikoa. ⁸ Igo ōārō irid_uaro bokatiūrō y_ure ōārō iriamo. Yaa dup_ure masāgobegue ĩgūsā pīburi dupuyuro āmuyugo, y_ure sūrōrī piupeosiamo. ⁹ Diayeta musārē werea. Marīp_u masakare tauri kerere wererā āārīperero i āmugue waagorenarā, igo y_ure irideadere gajerārē wererākuma, igore gūñaburo, ārīrā, ārīyup_u Jesús.

Judas Iscariote Jesúre wējēd_uarāguere ĩgūrē ĩmuburire āmudea
(Mt 26.14-16; Lc 22.3-6)

¹⁰ P_ur_u Judas Iscariote wāik_ug_u sug_u Jesús buerā pe mojōma pere su gubu peru pērēbejarā watopem_u paía oparā p_uroque waa, ĩgū Jesúre ĩgūsāguere ĩgūrē ĩmuburire werenīyup_u.

¹¹ ĩgū irasū ārīmakū pérā, us_uyari merā: “ĩgūrē m_u g_uare ĩmumakū, niyeru m_urē wajarirākoa”, ārīñurā.

Irasirig_u Judas: “¿Naāsū āārīmakū ĩgūsārē y_u Jesúre wiamakū ōākuri?” ārī gūñayup_u.

Jesús ĩgū buerā merā baatūnudea
(Mt 26.17-29; Lc 22.7-23; Jn 13.21-30; 1 Co 11.23-26)

12 Pɛɛ judío masaka pã wemasãrĩ morẽña marĩrĩ baari bosenu pɛroririnu ããrĩmakũ, Marĩpɛ iũrõ oveja majĩrãrẽ wẽjẽ baañurã. Irinũta Jesús buerã ãgũrẽ ãsũ ãrĩ sãrẽñañurã:

—¿Noógue mɛ pascua bosenu baaburire ãmumakũ gããmekuri? ãrĩñurã.

13 Ìgũsã irasũ ãrĩmakũ pé, Jesús ãgũ buerã pãrãrẽ ãsũ ãrĩ iriyuyupɛ:

—Jerusalégue waaka! Irogue sugɛ dekosoro kããwãgãgũ mɛsãrẽ bokatĩrĩgũkumi. Ìgũrẽ tɛyaka! 14 Ìgũ, wiigue ñajãmakũ, iri wii opɛre: “Gɛare buegɛ, ãsũ ãrĩ sãrẽñadoreami: ‘¿Dĩ taribugue yɛ buerã merã i pascua bosenu baaagũkuri?’ ãrãmi”, ãrĩka! 15 Mɛsã irasũ ãrĩmakũ pé, wãri taribu ãmarógue ãmuadea taribuguerẽ ãmugũkumi. Irogue marĩ baaburire ãmuka! ãrĩyupɛ Jesús.

16 Irasirirã iri makãgue waa, irogue eja, Jesús wereaderosũta bokaja, pascua bosenu baaburire ãmuñurã.

17 Pɛɛ naĩmejãripoe Jesús ãgũ buerã pe mojõma pere su gubu peru pãrẽbejarã merã iri taribugue baagɛ ejayupɛ. 18 Ìgũsã baa doanĩripoe Jesús ãgũsãrẽ ãrĩyupɛ:

—Diayeta mɛsãrẽ werea. Sugɛ mɛsã watopemɛ yɛ merã baa doanígũta yɛre wẽjẽduarãguere yɛre ãmugũkumi, ãrĩyupɛ.

19 Ìgũ irasũ ãrĩmakũ pãrã, bũro bũjawereri merã sugɛno dita ãgũrẽ sãrẽñayoñurã:

—¿Yɛ ããrĩrĩ marẽ ãmubu? ãrĩñurã. Gajerãde irasũ dita ããrĩñurã.

20 Jesús ãgũsãrẽ yɛjɛyupɛ:

—Sugɛ mɛsã pe mojõma pere su gubu peru pãrẽbejarã watopemɛ yɛ merã baagũta ããrĩmi. 21 Marĩpɛyã werenĩrĩ gojãdea pũgue gojãderosũta yɛre ããrĩpererã tĩgũrẽ waarõ yãa. Yɛre ãmubu gapɛre ñetariro waarokoa. Ìgũ deyoabirimakũ õãboyo, ãrĩyupɛ.

22 Jesús, ãgũsã baaripoe pãrẽ ãrĩ, Marĩpɛre: “Mɛrẽ mɛyari sã”, ãrĩ, pea, ãgũsãrẽ ãsũ ãrĩ guereyupɛ:

—Ire baaka! Yaa dupɛ ããrã, ãrĩyupɛ.

23 Pɛɛ iirĩripere ãrĩ, Marĩpɛre: “Mɛrẽ mɛyari sã”, ãrĩ, ãgũsãrẽ iripere sĩyupɛ. Irasirirã ããrĩpererã iirĩñurã.

24 Ìgũsãrẽ ãsũ ãrĩyupɛ:

—I yaa dí ããrã. Yɛ masakare boabosagɛ yaa dí béori merã wãrãrẽ Yɛpɛ: “Ìgũsãrẽ õãrõ irigũra”, ãrĩdeare iriyuwarikũgũkoa. 25 Diayeta mɛsãrẽ werea. Igui dekore marĩ dapora iirĩrosũ yɛ dupaturi neõ iirĩnemobirikoa. Pɛɛ Yɛpɛ ãgũyarãrẽ dorerogue mɛsã merã maama igui dekore iirĩgũkoa, ãrĩyupɛ Jesús ãgũ buerãrẽ.

Jesús Pedrora: “Yɛre masĩkeregɛ: ‘Masĩbea’, ãrĩgũkoa”, ãrĩ weredea

(Mt 26.30-35; Lc 22.31-34; Jn 13.36-38)

26 Pɛɛ Marĩpɛre bayapeo odo, Olivos wãĩkari buúrũgue waakõãñurã doja. 27 Irogue Jesús ãgũsãrẽ ãrĩyupɛ:

—Mɛsã ããrĩpererã gũñaturaro marĩrõ yɛre béowãgãperekõãrãkoa. Mɛsã irasiriburire Marĩpɛyã werenĩrĩ gojãdea pũgue ãsũ ãrĩ gojasũdero ããrĩbũ: Yɛ oveja koregure wẽjẽmakũ irigũkoa. Irasirimakũ, ãgũyarã oveja ãmawasiriakõãrãkuma, ãrĩ gojasũdero ããrĩbũ.*

28 Yɛ boadigue masãdero pɛɛ, mɛsã dupuyuro Galileague waadupuyugũkoa, ãrĩyupɛ.

29 Pedro gapɛ Jesúsre ãrĩyupɛ:

—Ìgũsã ããrĩpererã mɛrẽ béowãgãkerekerepɛ, yɛ gapɛ mɛrẽ neõ béowãgãbirikoa, ãrĩyupɛ.

30 Jesús ãgũrẽ yɛjɛyupɛ:

—Mɛrẽ diayeta werea. Dapagã ñami ãgãbo pea wereburi dupuyuro mɛ yɛre masĩkeregɛ urea gajerãrẽ: “Masĩbea”, ãrĩgatogũkoa, ãrĩyupɛ.

31 Pedro ãgũrẽ ãrĩyupɛ:

—Yɛ mɛ merã boabu ããrĩkeregɛ: “Masĩbea”, ãrĩgatobirikoa, ãrĩyupɛ.

—Ñãrĩpererã ãgũ buerã Pedro ãrĩrõsũ dita ãrĩñurã.

* 14:27 Zac 13.7

Jesús Getsemanígue Marĩpũre sērēdea
(Mt 26.36-46; Lc 22.39-46)

³² Pũru Getsemaní wāikũrogue ejañurã. Irogue Jesús ïgũ buerãrẽ:

—Õõta doaka mũsã dapa! Marĩpũre sērēgũ waagú yáa, ãrĩyupũ.

³³ Irasũ ãrĩ odo, Pedro, Santiago, Juãrẽ siiuwãgãyupũ. ïgũ bũro gũñariku, bujawereyupũ.

³⁴ ïgũsãrẽ ãrĩyupũ:

—Bũro bujawereri merã kũmoma goero peñakoa. Kãrĩmerãta õõ doa yúka! ãrĩyupũ.

³⁵⁻³⁶ Irasũ ãrĩ odo, yoaweyaro waanemo, yebague moomejãja, Marĩpũre ãsũ ãrĩ sērēyupũ:

—Au, ããrĩpererire irimasĩa mũ. Iyũ ñerõ tariburire taudũagu tauka! Yũ irasũ ãrĩkerepũ, yũ gããmerõsũ iribirikõaka! Mũ gããmerõsũ gapũ yũre waaburo, ãrĩyupũ.

³⁷ Pũru ïgũsã pũrogue ejagu, ïgũsã kãrĩrãrẽ bokajayupũ. Pedrore ãrĩyupũ:

—Simón, ¿kãrĩgũ yári? ¿Nasirigu su horanogora yũre kãrĩbita yúmasĩberi? ³⁸ Kãrĩmerãta! Marĩpũre sērēka, wãtĩ ãrĩmesãrĩrẽ iribokoa, ãrĩrã! Mũsã gũñarĩ merã õãrĩrẽ iridũadãa. Irire iridũakererã, bokatĩũbea, ãrĩyupũ.

³⁹ Irasũ ãrĩ odo, Marĩpũre ïgũ sērēaderosũta dupaturi sērēgũ waayupũ doja. ⁴⁰ Dupaturi ïgũsã pũro ejagu, kãrĩrãrẽta bokajayupũ doja. ïgũsãrẽ wũja pũrĩtariyuro. Irasirirã, naásũ ãrĩ yũjũmasĩbiriñurã.

⁴¹ Ureagora kãrĩrãrẽ bokajagu, Jesús ïgũsãrẽ ãrĩyupũ:

—Siuñajã, kãrĩka pama! Iropãta ejãa. Yũre ããrĩpererã tĩgũrẽ ñerãguere wiari hora ejasiãa. ⁴² Wãgãñũgãka! Náka, waarã! Yũre wējẽdũarãguere yũre ïmubu aarisiami, ãrĩyupũ Jesús.

Jesúre ñeãwãgãdea
(Mt 26.47-56; Lc 22.47-53; Jn 18.2-11)

⁴³ ïgũ irasũ ãrĩ wereripoe Judas, Jesús buerã pe mojõma pere su gubu peru pērēbejarã watopemũ ããrãdi ejayupũ. Wãrã masaka sareri majĩrĩ, yukũ dukari opanerã Jesús pũrore ïgũ merã ejañurã. ïgũsã paía oparã, Moisés gojadeare buerimasã, judío masaka mũrã iriuanerã ããrĩñurã. ⁴⁴ ïgũsã Jesús pũro ejaburi dupuyuro Judas ïgũsãrẽ ãsũ ãrĩ weredi ããrĩmĩ: “Yũ ïgũya wayupãrãrẽ mimigũta ããrĩgũkumi. ïgũrẽ ñeã, õãrõ sia, ããka!” ãrĩdi ããrĩmĩ.

⁴⁵ Judas, Jesús pũro ejagũta: “Gũare buegũ”, ãrĩ, ïgũya wayupãrãrẽ mimiyupũ.

⁴⁶ ïgũ mimimakũ ããrã, Judas merã aaranerã Jesúre turaro merã ñeãwãgãñurã.

⁴⁷ Sugũ Jesús buegũ gapũ paía opũre moãboegũre sareri majĩ merã ïgũya gãmipũrẽ ditiã dijukõãyupũ. ⁴⁸ Jesús gapũ ïgũsãrẽ ãrĩyupũ:

—¿Nasirirã sareri majĩrĩ merã, yukũ dukari merã sugũ yajarimasũrẽ ñeãrã aarirã irirosũ yũre ñeãrã aariri? ⁴⁹ Umariku Marĩpũya wiigũe mũsã watopegue buebu. Irogũere mũsã yũre neõ ñeãbiribũ. Mũsã irasiriri Marĩpũya werenĩrĩ gojadea pũgue gojaderosũta waaró yáa yũre, ãrĩyupũ Jesús.

⁵⁰ Jesúre ñeãmakũ ããrã, ããrĩpererã ïgũ buerã sugũreta ïmaweonũwãgãkõãñurã.

⁵¹ Sugũ maamũ ïgũ õmasiariñe merã dita Jesúre tũyayupũ. ïgũdere ñeãkõãñurã. ⁵² ïgũsã ïgũrẽ ñeãmakũ, ïgũ õmasiariñerẽ meépĩ, surĩ marĩgũ ïmaduriwãgãkõãyupũ.

Jesúre oparã pũrogue ããdea
(Mt 26.57-68; Lc 22.54-55, 63-71; Jn 18.12-14, 19-24)

⁵³ Pũru Jesúre paía opũ pũrogue ããjañurã. Irogũere paía oparã, Moisés gojadeare buerimasã, judío masaka mũrã ããrĩpererã nerẽñurã. ⁵⁴ Pedro gapũ yoaweyaro Jesúre tũyañajã, paía opũya wii disipũro ñajãrõma yebague eja, Marĩpũya wiire korerã surara merã peame tũro sũma doanĩyupũ.

⁵⁵ Paía oparã, judío masaka murã, ããrĩpererã iroque nerẽanerã Jesúre ãrĩgatori merã weresãmurãrẽ ãmarã iriñurã ãgũrẽ wẽjẽmurã. Irasirikererã, bokabiriñurã. ⁵⁶ Wárã gajerã ãrĩgatori merã Jesúre weresãkerepũ, keoro ejabiriyuro. ⁵⁷ Gajerãde wãgãñugãja, ãrĩgatori merã ãsũ ãrĩ weresãñurã:

⁵⁸ —Gua, ãgũ ãsũ ãrĩmakũ pébũ: “Marĩpũya wii masaka iridea wiire béokõãgura. Pũũ ãrenũ waaró merã gaji wii, masaka iribiri wiire irigũra”, ãrĩmi, ãrĩñurã.

⁵⁹ ãgũsã irasũ ãrĩrĩde keoro ejabiriyuro.

⁶⁰ Irasirigũ paía opũ ãgũsã watopegue wãgãñugãja, Jesúre sërẽñayupũ:

—¿ãgũsãrẽ yũjũberĩ mũ? ¿Nasirirã murẽ irasũ ãrĩ weresãrĩ? ãrĩyupũ.

⁶¹ Jesús gapũ yũjũbiriyupũ. ãgũ yũjũbirimakũ ãã, paía opũ dupaturi sërẽñayupũ doja:

—¿Mũ Marĩpũ õatarigũ magũ Cristota ããrĩrĩ?

⁶² Jesús ãgũrẽ ãrĩyupũ:

—Yũ ãgũta ããrã. Yũ ããrĩpererã tĩgũrẽ Yũpũ turagũ diaye gapũ doamakũ ããrãkoa. ãmũgasima mikãyebori weka yũ aarimakũdere ããrãkoa, ãrĩyupũ Jesús.

⁶³ ãgũ irasũ ãrĩmakũ pégũ, paía opũ ãgũ guarire ãmugũ, ãgũya surĩrore tũãyegue, ãsũ ãrĩyupũ:

—¿Nasirimurã gajerã ãgũrẽ weresãrĩrẽ pénemobokuri marĩ? ⁶⁴ Mũsã, ãgũ basita Marĩpũre ñerõ ãrĩrĩrẽ pésiãã. ¿Naásũ gũñarĩ? ãrĩyupũ.

ãgũ irasũ ãrĩmakũ pérã, ããrĩpererã ãsũ ãrĩñurã:

—Marĩpũre ãgũ ñerõ ãrĩrĩ waja boaburo, ãrĩñurã.

⁶⁵ Irasirirã surãyeri Jesúre síku eotú, surĩro gasiro merã ãgũya koyere siabiato, ãgũrẽ pá:

—“¿Noã murẽ pári?” ãrĩbokaka! ãrĩñurã. Marĩpũya wiire korerã Jesúre ãã, ãgũya diapure bũro pánañurã.

Pedro Jesúre masĩkeregũ: “Masĩbea”, ãrĩdea

(Mt 26.69-75; Lc 22.56-62; Jn 18.15-18, 25-29)

⁶⁶ Pedro gapũ paía opũya wii disipũro ñajãrõma yebague doanĩyupũ. Iro ãgũ doaripoe sugo nomeõ paía opũre moãboego ejayupo. ⁶⁷ ãgũ peame tũro sũma doanĩmakũ ããgõ, ãgũrẽ ãsũ ãrĩyupo:

—Mũde Jesús Nazaretmũ merã ããrĩdita ããrã, ãrĩyupo.

⁶⁸ Pedro ãrĩgatori merã ãsũ ãrĩ yũjũyupũ igore:

—ãgũrẽ masĩbea. Mũ irasũ ãrĩrĩrẽ pémasĩbirikoa yũ, ãrĩyupũ.

Irasũ ãrĩ, iri wii tũroma sãrĩrõ disipũroque wiriaripoeta ãgãbo wereyupũ.

⁶⁹ Moãboego Pedrore dupaturi ãã, iro ããrĩrãrẽ ãrĩyupo doja:

—ãã, Jesús merãmũta ããrĩmi, ãrĩyupo.

⁷⁰ Pedro dupaturi igore ãrĩgatoyupũ doja:

—ããrĩbea yũ, ãrĩyupũ.

Mérõgã pũrũta iro ããrĩã Pedrore ãrĩñurã doja:

—Mũ diayeta Jesús buerã merãmũta ããrã. Mũ Galileamũta ããrã. Pémasĩrõta ãgũsã irirosũ werenia, ãrĩñurã.

⁷¹ ãgũsã irasũ ãrĩmakũ, Pedro ãrĩyupũ:

—Marĩpũ péuro diayeta werea. Yũ mũsãrẽ diaye werebirimakũ, Marĩpũ yũre wãjãmõãburo. Yũ mũsã werenĩgũrẽ masĩbea, ãrĩyupũ.

⁷² ãgũ irasũ ãrĩripoeta dupaturi ãgãbo wereyupũ. Pedro, ãgãbo weremakũ pégũ, Jesús ãgũrẽ: “ãgãbo pea wereburo dupuyuro mũ yũre masĩkeregũ, urea: ‘Masĩbea’, ãrĩgatogũkoa”, ããrãdeare gũñaboka, bũro oreyupũ.

15

Jesúre Pilato pũro ãñjãdea

(Mt 27.1-2, 11-14; Lc 23.1-5; Jn 18.28-38)

¹ Boyodujimejãripoe ããrĩpererã judío masaka oparã, paía oparã, murã, Moisés gojadeare buerimasã nerẽ: “¿Nasirirãkuri marĩ Jesúre?” ãrĩ werenĩñurã. Werení odo, ãgũrẽ sia, ãiwãgã, Pilatore wiañurã. ² Pilato Jesúre sërẽñayupũ:

—¿Muta ããrĩrĩ judío masaka Opũ? ãrĩyupũ.

—Mu ãrĩrĩõsũta ãgũta ããrã, ãrĩ yũjuyupũ Jesús.

³ Paía oparã Jesúre: “Íĩ ñerõ iridi ããrĩmi”, ãrĩ, wári weresãñurã.

⁴ ãgũsã irasũ ãrĩmakũ pégu, Pilato dupaturi Jesúre ãsũ ãrĩ sërẽñayupũ:

—¿Neõ yũjuberi? Péka! ãgũsã murẽ wári weresãrã yáma, ãrĩyupũ.

⁵ Jesús gapũ neõ yũjubiriyupũ. Irasirigu Pilato ãgũkakõãyupũ.

Jesúre wějẽdoredea

(Mt 27.15-31; Lc 23.13-25; Jn 18.38-19.16)

⁶ Bojorikũ pascua bosenu ããrĩmakũ, Pilato sugũ peresugue ããrĩgũrẽ masaka wiu-doregũre wiunayupũ. ⁷ Iripoere Barrabás wãikũgũ gajerã romano marã oparãrẽ béoduarã masakare wějẽnerã merã peresugue ããrĩyupũ. ⁸ Iri bosenu ããrĩmakũ, Pilato pũrogue wárã masaka nerẽ:

—Mu bojorikũ irinarõsũta irika doja! ãrĩ sërẽñurã.

⁹ Pilato ãgũsãrẽ yũjuyupũ:

—¿Musã judío masaka Opũre yũ wiumakũ gããmerĩ? ãrĩyupũ. ¹⁰ Pilato, paía oparã Jesúre ãaturisã, ãgũsã ãgũrẽ wiamakũ masĩgũ, irasũ ãrĩyupũ. ¹¹ Paía oparã gapũ masakare: “Barrabáre wiuka!” ãrĩ gainídoreñurã.

¹² ãgũsã irasũ ãrĩmakũ pé, Pilato ãgũsãrẽ sërẽñayupũ:

—Musã judío masaka Opũ, ãrĩgũ merã gapũre, ¿nasirimakũ gããmekuri?

¹³ ãgũ irasũ ãrĩmakũ, bũro gainĩrĩ merã:

—Curusague pábiatú wějẽka ãgũrẽ! ãrĩñurã.

¹⁴ Pilato ãgũsãrẽ ãrĩyupũ:

—¿Ñeéno ñerĩrẽ iriari ãgũ, musã irasũ ãrĩmakũ?

ãgũsã gapũ dupaturi:

—Curusague pábiatú wějẽka ãgũrẽ! ãrĩ gainĩñurã.

¹⁵ Irasirigu Pilato ãgũsã ãgũ merã õãrõ dujamakũ iridũagũ, ãgũsã gããmerõsũta Barrabáre wiuyupũ. Jesús gapũre tárãdore, pũru surarare wiayupũ, ãgũrẽ curusague pábiatúdogũ.

¹⁶ Irasirirã surara Jesúre Pilatoya wii disipũroma yebague ãijañurã. Irogue ããrĩpererã surarare Jesús pũro neeõñurã. ¹⁷ Pũru suriro bũro diariñerẽ ãgũrẽ sãñurã. ãgũya dipurure pora bero ãgũsã iriadea berore peoñurã. ¹⁸ Pũru: “Bũremurã aarika judío masaka Opũre!” ãrĩ gainĩñurã.

¹⁹ ãgũya dipurure yukũ dukã merã pá, ãgũrẽ síku eotúbiranañurã. ãgũrẽ bũridarã ñadũkupuri merã ejamejãjanañurã. ²⁰ Pũru irasiri bũrida odo, suriro diariñerẽ túwea, ãgũya surirore sãñurã doja. Irasiri odo, ãgũrẽ curusague pábiatú wějẽmurã ããkõãñurã.

Jesúre curusague pábiatúdea

(Mt 27.32-44; Lc 23.26-43; Jn 19.17-27)

²¹ ãgũrẽ ããrã, sugũ Cirenemũ Simón wãikũgũre poogue ããrãdi dujarigure bokatĩrĩñurã. ãgũ Alejandro, Rufo wãikũrã pagũ ããrĩyupũ. ãgũrẽ bokatĩrĩ, Jesús kõãdea curusare kõãdoreñurã.

²² Gólgota wãikũrogue Jesúre ãijañurã. “Gólgota”, ãrĩrõ: “Masakũ dipuru boaweadea pero”, ãrĩduaro yáa. ²³ Irogue eja, Jesúre igui deko mirra wãikũri merã morẽadeare tíadiñurã. Jesús gapũ iirĩbiriyupũ. ²⁴⁻²⁵ Pũru irogue ñamigãgã nueve hora ããrĩmakũ Jesúre curusague pábiatú ãiwãgãnũkõãñurã pama. Odo, ãgũya surire: “¿Noãrẽ dujarokuri?” ãrĩboka birañurã, irire ãgũsã basi gãme dukawamurã.

26 “Íĩ àsũ iridea waja boami”, ãrĩrã: “Íĩta judío masaka Opũ ããrĩmi”, ãrĩ gojadea majĩrẽ curusague Ígũ weka pábiatúnũrã. 27 Jesús merã pẽrã yajarikũrãrẽ gajĩ curusarigue pábiatú ãiwãgũnúũrã. Sugũre Ígũ diaye gapũ, gajigũre kúgapũ pábiatú ãiwãgũnúũrã. 28 Jesúre Ígũsã irasirimakũ, Marĩpũya werenĩrĩ gojadea pũgue gojaderosũta waayuro: “Ígũ ñerĩ irigũ irirosũ ñerã merã wẽjẽsũgũkumi”, ãrĩ gojasũdero ããrĩbã.

29 Masaka irogue ããrĩrã Jesús pũro ejanugãja, bũridari merã Ígũrẽ Ígũsãya dipure sagui, ñerõ werenĩũrã.

—Jũú, mũ Marĩpũya wiire béo, pũrũ mũrenũ waaró merãta iri wiire dupaturi iri odogũkoa, ãrĩ werenĩbũ. 30 Irasirigũ mũ basi tauka! Curusague merã dijarika! ãrĩũrã. 31 Paía oparã, Moisés gojadeare buerimasãde Ígũrẽ àsũ ãrĩ bũridañũrã:

—Gajerã gapũre taumi. Ígũ basi gapũ taumasĩbemi. 32 Diayeta Cristo, Israel bumarã Opũ ããrĩgũ, curusague merã Ígũ dijarimakũ ããrã, marĩ Ígũrẽ bũremurãkoa, ãrĩ bũridañũrã. Ígũ merã pábiatú ãiwãgũnúũnerãde irasũta ãrĩ bũridañũrã.

Jesús boadea

(Mt 27.45-56; Lc 23.44-49; Jn 19.28-30)

33 Goeripoe ããrĩmakũ, i nikũ ããrĩpererogue naĩtĩãkõãyuro. Ñre hora gora naĩtĩãyuro. 34 Ñre hora ejamakũta Jesús bũro gainíyupũ:

—Eloi, Eloi, ¿lama sabactani? ãrĩyupũ. Irasũ ãrĩgũ: “Yũ Opũ, yũ Opũ ¿nasirigu yũre béori mũ?” ãrĩgũ iriyupũ. 35 Surãyeri iro ããrĩrã, Ígũ irasũ ãrĩ gainĩmakũ pẽrã:

—Péka! Marĩpũya kerere weredupuyudire Elíare siiugũ yámi, ãrĩũrã. 36 Sugũ Ígũsã merãmũ ãmwãgã, igui deko piari yosadea yũsũre yukũ yuwague siatú, Jesúre iirĩburo, ãrĩgũ soemuúyupũ. Irasũ soemuúgũ, àsũ ãrĩyupũ:

—Íãñarã marĩ, Ígũ curusague ããrĩgũrẽ Elías ãĩdijugũ aarimakũ, ãrĩyupũ.

37 Jesús bũro gainĩ, kõmoakõãyupũ. 38 Ígũ kõmomakũta Marĩpũya wii poekama taribu disipũro kãmutari gasiro ãmarõ gapũ merã yegue dijari, deko merã yeguesiajayuro.

39 Jesús boamakũ ããgũ, romano surara opũ:

—Íĩ diayeta Marĩpũ magũ ããrãdañumi, ãrĩyupũ.

40 Nomedede yoaweyarogue Jesúre ãũnĩũrã. Ígũsã nome watopeguere María Magdalena ããrĩyupo. Gajego María Santiago, Ígũ tĩgũ José pago ããrĩyupo. Gajego Salomé ããrĩyupo.

41 Jesús Galileague ããrĩmakũ, Ígũrẽ iritamunerã nome ããrĩũrã. Gajerã nome wãrã ããrĩũrã, Jerusalẽgue Ígũ merã waanerã nome.

Jesúya dupũre masãgobegue pídea

(Mt 27.57-61; Lc 23.50-56; Jn 19.38-42)

42-43 Naĩmejãripoe ããrĩmakũ, judío masaka siuñajãrĩnũ ñajãburo dupuyuro José, Arimatea wãikũri makãmũ Pilato pũro eja. Judío masaka oparã watopemũ ããrĩyupũ. Ígũ Marĩpũ Ígũyarãrẽ doreburire yũgũ iriyupũ. Irasirigũ gũiro marĩrõ Pilato pũro eja, Jesúya dupũre yáabu sãrẽyupũ.

44 Ígũ irasũ ãrĩ sãrẽmakũ, Pilato pégũkakõãyupũ. Irasirigũ surara opũre siiu:

—¿Jesús ããrĩrõta boakõãrĩ? ãrĩ sãrẽñayupũ.

45 Surara opũ Ígũrẽ: “Boakõãmi”, ãrĩ yũjũmakũ pégũ, Pilato Josére Jesúya dupũre ãĩdijudoreyupũ.

46 Irasirigũ José õãrĩ surĩro gasiro wajari, Jesúya dupũre ãĩdiju, iri gasiro merã õmayupũ. Pũrũ su gobe masãgobe ãtãyegue mádea gobegue píyupũ. Irasiri odo, iri gobere ãtã majĩ merã biayupũ. 47 Ígũ Jesúya dupũre yáamakũ, María Magdalena, gajego María José pago ããrĩũrã.

16

*Jesús masādea**(Mt 28.1-10; Lc 24.1-12; Jn 20.1-10)*

¹ Judío masaka siuñajārīnu* tariadero puru, María Magdalena, gajego María, Santiago pago, gajego Salomé, sūrōrī wajariñurā Jesúya dupure piupeomurā. ² Semana āārīpuroririnurē† ĩgūsā nome ñamigāgā, abe mūrīripoe Jesúya dupure yáadea masāgobegue waañurā. ³ Irogue waarā:

—¿Noā marīrē iri masāgobe biadea ūtā majīrē tūpābosarākuri? ārī wereníwāgāñurā.

⁴ Irogue ejarā, iri gobere biadea ūtā majī miērē gajerogue oyamakū ĩañurā. ⁵ Irasirirā iri gobegue ñajāa, sugu maamu diayemapārē gapu surīro yoaro ōārō borero sãñadi doamakū ĩañurā. ĩgūrē ĩārā, ĩagukakōāñurā.

⁶ ĩgū gapu ĩgūsāno merē ārīyupu:

—Gukabirikōāka! Mūsā Jesús Nazaretmurē, ĩgūsā curusague pábiatú wējēadire āmarā yāa. Masāsiami. Ōōrē mámi. ĩāka, ĩgūsā ĩgūrē píaderore! ⁷ ĩgū buerārē, irasū āārīmakū Pedrore wererā waaka! ĩgū mūsā dupuyuro Galileague waasiami. Irogue mūsā ĩgūrē ĩārākoa ĩgū ārīderosūta, ārīyupu.

⁸ ĩgū irasū āārīmakū pé, buro guka naradari merā waakōāñurā. Buro gūisīā, gajerārē ĩgūsā ĩādeare werebiriñurā.

*Jesús María Magdalenarē deyoadea**(Jn 20.11-18)*

⁹ Jesús semana āārīpuroririnū boyoripoe, ĩgū masādero puru María Magdalenarē deyoapuroriyupu. Igo su mojōma pere gajī mojō peru pērēbejarā wātēārē ĩgū béowiusūdeo āārīyupo. ¹⁰ Jesús igore deyoadero puru, ĩgū buerārē igo ĩādeare werego waayupo. ĩgūsā buro bujawereri merā orerā iriñurā. ¹¹ Igo ĩgūsārē: “Jesús okami, ĩgūrē ĩābu”, ārī wererire pérā, bremubiriñurā.

*Jesús ĩgū buerire tūyarā pērārē deyoadea**(Lc 24.13-35)*

¹² Puru Jesús gajerā pērārē makā turogue waarārē deyoayupu. ĩgū deyoapurorigu, deyoderosū deyobiriyupu. Irasirirā ĩgūrē ĩāmasībiriñurā.

¹³ ĩgūrē ĩāmasī, puru ĩgū buerā āārīrōgue waa, Jesús ĩgūsārē deyoadeare wereñurā. ĩgūsādere bremudhabiriñurā.

*Jesús ĩgū buerārē ĩgūyare buedoregu pídea**(Mt 28.16-20; Lc 24.36-49; Jn 20.19-23)*

¹⁴ Jesús ĩgū boa, masādero puru, ĩgū buerā pe mojōma pere su gubu suru pērēbejarārē ĩgūsā baa doanírōgue deyoa, ārīyupu:

—¿Nasirirā, yu masādea kerere pékererā, bremuberi, ĩgūsā mūsārē werekerepuru? Bremurī opabea mūsā, ārīyupu.

¹⁵ Puru ĩgūsārē āsū ārīyupu doja:

—Āārīpererogue marārē Marīpu masakare tauri kerere wererā waaka! ¹⁶ Yure bremurā, deko merā wāīyesūrā tausūrākuma. Yure bremumerā gapu peamegue béosūrākuma. ¹⁷ Yure bremurā yu wāī merā, yu turaro merā wātēārē masakaguere ñajānerārē béowiurākuma. Gajī masā ya ĩgūsā dupuyuro werenímasībiriideare wereníurākuma. ¹⁸ Āñarē ñeāmakū, ĩgūsārē ñerō waabirikoā. Nima iirīmakūdere pūrībirikoā. Pūrīrikurārē ĩgūsāya mojōrī merā ñapeomakū, ĩgūsārē pūrīrī tarirokoā, ārīyupu Jesús ĩgū buerārē.

* 16:1 Judío masaka siuñajārīnu, sábadō āārā. † 16:2 Semana āārīpurorinuno, domingo āārā.

Jesús ãmugasigue marĩadea
(Lc 24.50-53)

¹⁹ Marĩ Opũ Jesús irasũ ãrĩ were odoadero pũũ, Marĩpũ ãgũrẽ ãmugasigue ãĩmarĩayũ. Irasirigũ irogue ejagũ, Marĩpũ diaye gapũ eja doayũ. ²⁰ ãgũ buerã ãgũ masakare tauri kerere ããrĩpererogue wererã waañurã. ãgũsã irasũ weregorenamakũ, marĩ Opũ Jesús ãgũsãrẽ iritamuníkõãyũ. Irasirigũ ãgũ turari merã ãgũsãrẽ iri ãmurĩrẽ irimakũ irinayũ, masakare ãgũsã wererire: “Diayeta ããrã”, ãrĩ bũremudoregũ. Iropãta ããrã.

SAN LUCAS

Lucas, opɔ Teófilo wāikɔgɔre gojadea

¹⁻² Opɔ Teófilo, yɔ mɔrɛ òǎdorea. Gɔa watopere Jesús irinɔgǎdeare Ìǎnerǎ gɔare Ìgɔya kerere buema. Wǎrǎ gajirǎ, Ìgɔsǎ gɔare buederosùta keoro gojanɔgǎsianerǎ ǎǎrǐmǎ. ³⁻⁴ Yɔde ǎǎrǐpereri Jesús irinɔgǎdeare masǐpeodɔagɔ, òǎrò buebɔ. Irasirigɔ mɔrɛ gajirǎ buedeare: “Diayeta ǎǎrǎ”, ǎrǐ masǐburo, ǎrǐgɔ, irire keoro gojáa.

Marǐpɔre wereboegɔ Juan masakare wǎiyerimasǎ deyoaburire weredea

⁵ Herodes, Judea nikù marǎ opɔ ǎǎrǐripoe sugɔ paí Zacarías wāikɔgɔ ǎǎrǐyupɔ. Ìgɔ, paí Abías wāikɔgɔya bumɔ ǎǎrǐyupɔ. Ìgɔ marǎpo Isabel wāikɔgɔ, paí Aarón wāikɔgɔ parǎmeò ǎǎrǐturiagogue ǎǎrǐyupɔ. ⁶ Ìgɔsǎ pǎrǎgueta Marǐpɔ Ìǎròrɛ diayemarɛ irirǎ, Moisére doreri pídeare tarinɔgǎbiriñurǎ. Irasirirǎ gajirǎ Ìgɔsǎrɛ: “Nerǐ irirǎ ǎǎrǐmǎ”, ǎrǐmasǐbiriñurǎ. ⁷ Isabel pǔrǎ marǐgòno ǎǎrǐyupɔ. Irasirirǎ pǔrǎ marǐrǎta, muñuakòǎñurǎ.

⁸ Sunɔ Zacaríaya bumarǎrɛ Marǐpɔya wiigue Marǐpɔ Ìǎrò moǎrǐ ǎǎrǐyuro. Irasirirǎ, Ìgɔ paíare iridorederosùta irirǎ irogu waañurǎ. ⁹ Irogu ejadero pɔrɔ, Ìgɔsǎ paía irinaròsù Zacaríare sǔròrǐ soemubure beyebokañurǎ. Irasirigɔ Zacarías Marǐpɔya wiima taribugue soemugɔ ñajǎyupɔ. ¹⁰ Ìgɔ irire soemuripoe iri taribu wirinɔgǎrògue wǎrǎ masaka Marǐpɔre sǎrɛrǎ iriñurǎ. ¹¹ Ìgɔ soemuripoe sugɔ Marǐpɔre wereboegɔ sǔròrǐ soemurò diaye gapɔ Zacaríare deyoayupɔ. ¹² Zacarías Ìgɔrɛ Ìǎgɔ, Ìǎguka, nasirimasǐbiriypɔ. Bɔro gúiyupɔ. ¹³ Ìgɔ gúimakù Ìǎgɔ, Marǐpɔre wereboegɔ gapɔ ǎsù ǎrǐyupɔ:

—Zacarías, gúibirikòǎka! Marǐpɔ mɔ sǎrɛrǐrɛ pémi. Mɔ marǎpo Isabel sugɔ majǐgɔ pǔrǎkɔgokumo. Ìgɔrɛ “Juan” wǎiyeka! ¹⁴ Ìgɔ merǎ bɔro ɔsɔyagɔkoa. Wǎrǎ gajirǎ Ìgɔ deyoamakù, ɔsɔyarǎkuma. ¹⁵ Ìgɔ Marǐpɔ Ìǎròrɛ ubu ǎǎrǐgɔ meta ǎǎrǐgɔkumi. Igui deko pǎmurǐrɛ, siburidere neò iirǐbirikumɔ. Ìgɔ deyoaburi dupiyurogueta Òǎgɔ deyomarǐgɔrɛ opatarisiagɔkumi. ¹⁶ Wǎrǎ Israel bumarǎrɛ Marǐpɔre gúñaduúnerǎrɛ dupaturǐ gúñamakù irigɔkumi doja. ¹⁷ Marǐ Opɔ aariburi dupiyuro Elías Marǐpɔya kerere weredupiyudi werederosùta Òǎgɔ deyomarǐgɔ turari merǎ masakare weregɔkumi. Pagɔsǎmarǎ Ìgɔsǎ pǔrǎ merǎ òǎrò ǎǎrǐburo, ǎrǐgɔ; tarinɔgǎrǐmasǎdere oparǎ dorerire òǎrò yɔjɔburo, ǎrǐgɔ, Marǐpɔyare weregɔkumi. Irasirigɔ masaka marǐ Opɔre òǎrò ɔsɔyari merǎ bokatǐrǐñeǎburo, ǎrǐgɔ, irire weregɔkumi, ǎrǐyupɔ Marǐpɔre wereboegɔ Zacaríare.

¹⁸ Ìgɔ irasù ǎrǐmakù pégɔ, Zacarías sǎrɛñayupɔ:

—¿Nasirigɔ yɔ ire: “Diayeta ǎǎrǎ”, ǎrǐmasǐbukuri? Yɔ bɔgɔrogora ǎǎrǎ. Yɔ marǎpode bɔro ǎǎrǐmo, ǎrǐyupɔ.

¹⁹ Ìgɔ irasù ǎrǐmakù pégɔ, ǎsù ǎrǐ yɔjɔyupɔ:

—Yɔ Marǐpɔre wereboegɔ, Gabriel wāikɔgɔ, Marǐpɔ pɔro ǎǎrǐgɔ ǎǎrǎ. Ìgɔta yure iriuami, mɔrɛ ì òǎrǐ kerere weredoregɔ. ²⁰ Dapagorare yɔ wererire mɔ bɔremubiri waja, werenǐbi dujagɔkoa. Mɔ magɔ deyoadero pɔrɔ, werenígɔkoa doja. Marǐpɔ: “Irasù waaburo”, ǎrǐmakù, yɔ mɔrɛ ǎrǎderosùta waarokoa, ǎrǐyupɔ Gabriel Zacaríare.

²¹ Ìgɔ irasù ǎrǐ wereripoere masaka, iri taribu wirinɔgǎrògue ǎǎrǐrǎ Zacaríare yúrǎ iriñurǎ. “¿Naásù waayuri, Ìgɔ iropa yoaripoe deyomarǐgɔ?” ǎrǐ gúñañurǎ. ²² Zacarías iri taribugue ǎǎrǎdi wirijagɔ, Ìgɔsǎrɛ weredɔagɔ, neò werenǐmasǐbiriypɔ. Irasirigɔ Ìgɔya mojòrǐ merǎ irikeoyupɔ. Masaka, Ìgɔ irasirimakù Ìǎrǎ: “Iri taribugue Marǐpɔ Ìmuadeare Ìǎgɔkakòǎkumi”, ǎrǐ gúñañurǎ.

²³ Zacarías Marǐpɔya wiigue Marǐpɔ Ìǎrò moǎrǐrɛ iripeo, Ìgɔya wiigue goedujǎakòǎyupɔ. ²⁴ Pɔrɔ Ìgɔ marǎpo Isabel nijǐpo ǎǎrǐnɔgǎyupɔ. Su mojòmarǎ abe

neõ wiriro marĩrõ igoya wiigue ããrĩkõãyupo. ²⁵ Æsũ ãrĩ gũñayupo: “Marĩpũ, yũ pũrã marĩgõ ããrĩdeore iritamugũ irasũ yámi, masaka yũre ããbéobirikõãburo, ãrĩgũ”.

Marĩpũre wereboegũ Marĩare Jesús deyoaburire werede

²⁶ Isabel nijĩpo ããrĩnugãdero pũũ, su mojõma pere gaji mojõ suru pẽrẽbejari abe waaró merã Marĩpũ ããrĩnugãdero wereboegũ Gabriere Galilea nikũma makã Nazaret wãikũri makãgue, ²⁷ sugo nomeõ Marĩa wãikũgo, neõ sugũ ããrĩbeo pãrogue iriuyupũ. Igo, José wãikũgo opũ David parãmi ããrĩturiagu merã marãpũkũbo iriyupo. ²⁸ Gabriel, igo ããrĩrõgue ñajãa, igore:

—Mũrẽ õãdorea. Marĩpũ mũrẽ õãrõ irigũ ããrĩmi. Ìgũ marĩ Opũ mũ merã ããrĩmi. Æãrĩpererã nome nemorõ mũrẽ õãrõ iritarinugãgũkumi, ãrĩ õãdoreyupũ.

²⁹ Marĩa, ããrĩnugãdero ããrĩnugãdero, ããrĩnugãdero irasũ ããrĩrẽ pẽgo, pẽgũkakõãyupo. “¿Naásũ ããrĩnugãdero irikuri ããrĩnugãdero ããdoreri?” ãrĩ, bũro gũñayupo. ³⁰ Igo gũkamakũ ããrĩnugãdero, Marĩpũre wereboegũ ããrĩyupũ:

—Marĩa, gũbirikõãka! Marĩpũ ããrĩnugãdero mũ ããrĩ bokabũ. Mũ merã ããrĩyupũ. ³¹ Irasirigo mũ dapagorare nijĩpo ããrĩnugãgokoa. Sugũ majĩgũ pũrãkũgokoa. Ìgũrẽ “Jesús” wãiyegokoa. ³²⁻³³ Ìgũ ubu ããrĩgũ meta ããrĩgũkumi. Marĩpũ ããrĩpererã nemorõ turagu, ããrĩnugãdero: “Yũ magũ ããrã mũ”, ããrĩgũkumi. David, mũ magũ ñekũ, Israel bumarã opũ ããrĩdi ããrĩmi. Marĩpũ Davire opũ píderosũta mũ magũdere Opũ pígũkumi Israel bumarãrẽ dorenĩbure. Ìgũ doreri neõ perebirikoa, ããrĩyupũ.

³⁴ Ìgũ irasũ ããrĩmakũ pẽgo, Marĩa ããrĩnugãdero sãrĩnugãdero:

—¿Nasiriro yũre irasũ waabukuri, yũ neõ sugũ ããrĩnugãdero merã ããrĩbirikeremakũ? ããrĩyupo.

³⁵ Igo irasũ ããrĩmakũ pẽgu, ããrĩnugãdero ããrĩyupũ:

—Õãgũ deyoamarĩgũ mũguere dijarigũkumi. Marĩpũ ããrĩpererã Opũ turari, su ããrĩnugãdero túbĩaro irirosũ ejarokoa mũrẽ. Irasirigũ mũ magũ deyoabu, Marĩpũyagu õãgũ ããrĩgũkumi. Masaka ããrĩnugãdero: “Marĩpũ magũ ããrĩmi”, ããrĩnugãdero. ³⁶ Mũ basudeo Isabede, bũro ããrĩkerego, sugũ majĩgũ pũrãkũgokomo. Masaka igore: “Pũrã marĩgõ ããrĩmo”, ããrĩkeremakũ, su mojõma pere gaji mojõ suru pẽrẽbejari abegora opasiamo. ³⁷ Marĩpũre ããrĩnugãdero iridũari, neõ diasabea, ããrĩyupũ.

³⁸ Ìgũ irasũ ããrĩmakũ pẽgo, Marĩa ããrĩyupũ:

—Yũ marĩ Opũre moãboego ããrã. Marĩpũ, mũ ããrĩrõsũta iriburo yũre, ããrĩyupo.

Igo irasũ ããrĩdero pũũ, Marĩpũre wereboegũ waakõãyupũ.

Marĩa Isabere ããrĩnugãdero waadea

³⁹ Irinũrĩta Marĩa mumurõ merã Judea nikũ ããrĩnugãdero watopegue ããrĩrĩ makãgue waayupo. ⁴⁰ Irogue eja, Zacarĩaya wiigue ñajãa, Isabere õãdoreyupo. ⁴¹ Igo õãdorerire pẽmakũ, Isabel magũ igoya patoregue ããrĩnugãdero bũro gãmeñayupũ. Igo, Õãgũ deyoamarĩgũrẽ opatariyupo. ⁴² Irasirigo turaro merã ããrĩnugãdero ããrĩyupo:

—Marĩpũ ããrĩpererã nome nemorõ mũrẽ õãrõ iritarinugãmi. Mũ magũdere õãrõ yámi. ⁴³ Mũ, yũ Opũ pago yũre ããrĩnugãdero ejamakũ õãtaria. ⁴⁴ Mũ õãdorerire yũ pẽmakũta, yũ magũ yaa patoregue ããrĩnugãdero bũro ããrĩnugãdero merã gãmeñami. ⁴⁵ Marĩpũre wereboegũ mũrẽ wereadeare: “Keoro waarokoa”, ããrĩ bũremusĩã, õãrõ ããrĩnugãdero merã ããrã, ããrĩyupo Isabel Marĩare. ⁴⁶ Irasirigo Marĩa ããrĩnugãdero ããrĩyupo:

Yaa yũpũrãgue yũ Opũre: “Õãtaria mũ”, ããrĩ, ããrĩnugãdero sĩa.

⁴⁷ Marĩpũ yũre taugũ merã bũro ããrĩnugãdero.

⁴⁸ Yũ ubu ããrĩgõ ããrĩkeremakũ, Marĩpũ yũre ããrĩnugãdero moãboegore gũñami. Irasirĩrã dapagora merã masaka yũre: “Marĩpũ igore õãrõ iridea merã bũro ããrĩnugãdero ããrĩnugãdero”, ããrĩnugãdero ããrĩnugãdero.

⁴⁹ Marĩpũ turatarigũ yũre wãri õãrĩrẽ yámi. Ìgũ õãrĩnugãdero, neõ ñerĩ opabi ããrĩmi.

⁵⁰ Æãrĩpererã gopeyari merã ããrĩnugãdero ããrĩnugãdero bopõñanĩkõãgũkumi.

- 51 Īgũ turari merã wári ðãrĩrẽ iri ĩmumi. “Gũa gajirã nemorõ ããrã”, ãrĩ gũnarãnorẽ ubu ããrĩrã dujamakũ yámi.
- 52 Oparãrẽ ubu ããrĩrã dujamakũ yámi. Ubu ããrĩrã: “Gajirã nemorõ ããrĩbea”, ãrĩ gũnarã gapure oparã dujamakũ yámi.
- 53 Hãboarimasãrẽ wári ðãrĩ sĩmi. Wári oparã gapure neõ gajino opamerã dujamakũ yámi.
- 54-55 Marĩ ñekũsãmarãrẽ: “Iritamugũra”, ãrĩderosũta Abrahãrẽ, ĩgũ parãmerã ããrĩturiarãdere iritamunĩkõãmi. Irasirigũ marĩ Israel bumarãrẽ, ĩgũrẽ moãboerãrẽ ĩgũ ãrĩdeare neõ kãtiro marĩrõ bopoñarĩ merã iritamunĩkõãmi, ãrĩyupo Marĩa.*
- 56 Marĩa, Isabel merã urerã abegora ããrĩyupo. Pũrũ igoya wiigue goedujãkõãyupo.

Juan masakare wãiyerimasã deyoadea

- 57 Pũrũ Isabel majĩgũ deyoarinopoe nijĩwãgũdero pũrũ, igo magũ deyoayupũ.
- 58 Irasirirã igo pũro ããrĩrã, igoyarã, Marĩpũ igore ðãrõ iridea kerere pérã, igore usuyatamurã waañurã. 59 Igo magũ deyoadero pũrũ, su mojõma pere gaji mojõ ureru pẽrẽbejarinurĩ waaró merã majĩgũrẽ ĩgũya dũpũma gasirogãrẽ* wiirirã waañurã. ĩgũrẽ ĩgũ pagũ “Zacarías” wãirẽ wãiyedũadiñurã. 60 Isabel gapũ ĩgũsãrẽ:

— ããrĩbea. ĩgũ: “Juan” wãikũgũkumi, ãrĩyupo.

61 Igo irasũ ãrĩmakũ pérã, igore:

— ¿Nasirigũ irasũ wãikũbukuri? Neõ mũyarã irasũ wãikũrã máma, ãrĩñurã.

- 62 Irasirirã Zacarĩare: “¿Mũ naásũ wãiyedũakuri?” ãrĩrã, mojõrĩ merã irikeo, sẽrẽñañurã. 63 Irasirigũ Zacarías su taboa majĩ sẽrẽ, iri majĩgue:

— “Juan wãikũgũkumi”, ãrĩ gojayupũ. ĩgũ gojarire ĩãrã, gũkakõãñurã. 64 Irire gojagũta Zacarías werenĩbi ããrãdi werenĩakõãyupũ doja. Irasirigũ Marĩpũre: “Õãtaria mũ”, ãrĩ, usuyari sĩyupũ. 65 ããrĩpererã Zacarías pũro ããrĩrã, ĩgũ werenĩmakũ pérã, gũkakõãñurã. ããrĩpererogue Judea nikũ marã ãtãyuku watopegue ããrĩrãrẽ Juan deyoadeare wereñurã.

- 66 ĩgũ deyoadea kerere pérã, ããrĩpererã gũña, ãsũ ãrĩ gãme sẽrẽñañurã:

— ĩĩ majĩgũ bũgũro waagũ, ¿naásũ ããrĩrikũgũkuri Marĩpũ turari merã deyoadi? ãrĩñurã.

Zacarías Marĩpũre bayapeodea

- 67 Zacarías, Õãgũ deyomarĩgũrẽ opatarigũ Marĩpũ ĩgũrẽ weredorerire ãsũ ãrĩ wereyupũ:

68 Marĩpũre Israel bumarã Opũre usuyari sĩrã! Marĩ ĩgũyarã pũrogoe marĩrẽ taugũ aarĩmi.

- 69 Irasirigũ marĩrẽ taubure turatarigũre iriugũkumi. ĩgũ, David Marĩpũre moãboerimasũ ããrĩdi parãmi ããrĩturiagũgue ããrĩmi.

70 Iripoegue Marĩpũ, ĩgũya kerere weredupiyurimasã ñerĩ marĩrã merã marĩrẽ tauburire ãsũ ãrĩ weredi ããrĩmĩ:

- 71 “ããrĩpererã mũsãrẽ ĩãturĩrãrẽ, wajarãkũrãrẽ, mũsãrẽ tariweremakũ irigũra”, ãrĩ weredi ããrĩmĩ.

72 Irasirigũ marĩ ñekũsãmarãrẽ: “ ‘Mũsãrẽ bopoñarĩ merã ĩãgũ, ðãrõ irigũra’, ãrĩdeare neõ kãtibirĩkoa”, ãrĩ weredi ããrĩmĩ.

73 Irire Marĩpũ marĩ ñekũ Abrahãrẽ weredi ããrĩmĩ.

74 Irasirigũ marĩrẽ ĩãturĩrãrẽ wijatagũkumi, gũiri marĩrõ ĩgũ dorerire iritũyaburo, ãrĩgũ.

75 ããrĩperero marĩ okaro bokatĩũrõ marĩrẽ ĩgũyarã, diayemarẽ irirã ããrĩmakũ irigũkumi, ãrĩyupũ Zacarías.

Irasũ ãrĩ odo, ĩgũ magũgãrẽ ãrĩyupũ:

* 1:54-55 1 S 2.1-10; Sal 113.5-9; Gn 17.7 * 1:59 Gn 17.1-14: Iripoegue Marĩpũ Abrahãrẽ ĩgũ pũrã ãmarẽ: “Yaarã ããrĩburo”, ãrĩgũ, ĩgũsãya dũpũma gasirogãrẽ wiiridoredi ããrĩmĩ. Pũrũ iri dorerire Moisere pídi ããrĩmĩ. Irasirirã judío masaka Abraham parãmerã ããrĩturiarã iri dorerire irirã, ĩgũsã pũrã ãmarẽ su mojõma pere gaji mojõ ureru pẽrẽbejarinurĩ waaró merã ĩgũsã deyoadero pũrũ irasũ yáma.

- 76 Makũ, masaka mũrẽ: “Marĩpũ ããrĩpererã nemorõ turagũya kerere weredupiyurimasũ ããrĩmi”, ãrĩrãkuma. Mũ, marĩ Opũ aariburi dupiyuro ãgũ aariburi maarẽ diayema maa ãmugũ irirosũ ãgũyare weregũ waagũkoa.
- 77 Marĩpũyarãrẽ ãsũ ãrĩ weregũkoa: “Marĩpũre: ‘Gũa ñerõ irideare kãtika!’ ãrĩ sãrẽmakũ, mũsãrẽ kãtigũkumi. Irasirigũ mũsãrẽ perebiri peamegue waabonerãrẽ taugũkumi”, ãrĩgũkoa.
- 78 Marĩpũ marĩrẽ bopoñarĩ merã maĩsĩã, ãmũ, maamanũ boyoro irirosũ waamakũ irigũkumi, ãmũgasigue merã marĩrẽ taubure iriugũ.
- 79 Naĩtĩãrõgue ããrĩrãrẽ boyori sĩgũkumi perebiri peamegue waabonerãrẽ ãgũrẽ masĩburo, ãrĩgũ. Irasirigũ marĩrẽ ãgũ merã õãrõ siñajãrĩ bokamakũ irigũkumi, ãrĩ wereyupũ Zacarías.*
- 80 Majĩgũ õãrĩ gũñarĩ merã, Marĩpũ turari merã masãyupũ. Masaka marĩrõgue yoaripoe ããrĩyupũ. Irogue ããrĩgũta Israel bumarãrẽ buenũgãyupũ.

2

Jesús deyoadea (Mt 1.18-25)

1 Marĩpũ magũ deyoaburi dupiyuro romano marã opũ Augusto wãikũgũ ãgũya nikũ marãrẽ ããrĩpererãrẽ keoñabu, ãgũsã wãirẽ gojatúdoreyupũ. 2-3 Irasirirã ããrĩpererã masaka ãgũsã ñekũsãmarã deyoadea makãrĩgue ãgũsã wãirẽ gojatúrã waañurã. Siria nikũ marã opũ Cirenio wãikũgũ ããrĩripoe gojatúnũgãñurã.

4 Irasirigũ Josede, Galilea nikũma makã Nazaregue ããrãdi, Judea nikũma makã Belẽgue waayupũ. Belén, David deyoadea makã ããrĩyuro. ãgũ, David parãmi ããrĩturiagu ããrĩsĩã, irogue waayupũ. 5 ãgũ marãpo ããrĩbo María merã ãgũ wãirẽ gojatũgũ waayupũ. María gapũ nijĩpo ããrĩyupo. 6 Irasirigo irogue ããrĩgõ, nijĩwãgũyupo. 7 Kãrĩrĩ wĩi uturimakũ ãã, José, María merã wekũa wiigue kãrĩrã waañurã. Iri wiigue María neõ pũrãkũbeo ããrĩdeo, majĩgũ pũrãkũnũgãyupo. ãgũ deyoamakũ, surĩ gasiri merã õma, wekũa baari korogue ãgũrẽ sãyupo.

Marĩpũre wereboerã oveja korerimasãrẽ deyoadea

8 Belén tãroque ovejare korerimasã ããrĩñurã. Ñamirikũ irogue dita ãgũsãyarã ovejare koreboyoanañurã. 9 Irogue ãgũsãrẽ gũñaña marĩrõ sugũ Marĩpũre wereboegũ deyoayupũ. ãgũ deyoamakũ, Marĩpũ gosesiriri ãgũsãrẽ boyoyuro. Irasũ waamakũ ããgũka, bũro gũñurã. 10 Marĩpũre wereboegũ ãsũ ãrĩyupũ ãgũsãrẽ:

—Gũibirikõaka! Mũsãrẽ õãrĩ kerere ãirigũ yãa, ããrĩpererã masaka usũyaburire.

11 Dapagã ñami, David deyoadea makãguere mũsãrẽ taubu deyoami. ãgũ Marĩpũ iriudi, Cristo mũsã Opũ ããrĩmi. 12 Mũsã majĩgũrẽ ããrã waarã, surĩ gasiri merã õmadire, wekũa baari korogue sãñagũrẽ bokajarãkoa. Irasirirã ãgũrẽ ããrã: “Diayeta ããrãñumi”, ãrĩrãkoa, ãrĩyupũ.

13 ãgũ irire ãrĩripoeta gajirã wãrã Marĩpũre wereboerã deyoa, Marĩpũre bũremurã ãsũ ãrĩ bayañurã:

14 Marĩpũ ãmũgasigue ããrĩgũrẽ: “Õãtaria mũ”, ãrĩ, usũyari sĩrã! I ãmũgue ãgũ merã õãrõ ããrĩrã siñajãrĩ opaburo, ãrĩ bayañurã.

15 Marĩpũre wereboerã ãmũgasigue mũrĩladero pũrũ, ovejare korerimasã ãgũsã basi gãme werenĩñurã:

—Nãka, dapagorata Belẽgue! Marĩpũre wereboegũ marĩrẽ wereaderosũta ããrã waarã! ããrĩñurã.

* 1:79 Mal 3.1; Is 9.2

¹⁶ Irasirirã mumurõ merã ããrã waañurã. Irogue eja, Josere, Mariare bokajañurã. Majĩgũ gapure wekũ baari korogue sãñagũrẽ ããñurã. ¹⁷ Ìgũrẽ ããrã, iro ããrĩrãrẽ Marĩpure wereboegu majĩgũyamarẽ wereadeare wereñurã. ¹⁸ Ìgũsã irire weremakũ pérã, ããrĩpererã péguakakõãñurã. ¹⁹ María gapũ ããrĩpereri Ìgũsã wererire pégo, igoya yũjũpũrãgueta gũñaduripiyupo. ²⁰ Ovejare korerimasã Marĩpure wereboegu wereaderosũta ããrĩpereri Ìgũsã péadea, ããdea keoro waamakũ ããrã, Marĩpure: “Õãtaria mũ”, ãrĩ, usuyari merã goedujãakõãñurã.

Jesúre Marĩpure wiigwe ããidea

²¹ Pũũ su mojõma pere gaji mojõ ureru pẽrẽbejarinũrĩ waarõ merã majĩgũrẽ Ìgũya dũpũma gasirogãrẽ wiiriñurã. Wiiri odo, Marĩpure wereboegu Mariare, igo nijĩpo ããrĩburo dupiyuro ãrĩderosũta Ìgũrẽ “Jesús” wãiyeyñurã.

²² Pũũ Moisés: “Ãsũ irika ãmũrẽ pũrãkũadero pũũ!” ãrĩdeare iripeo, José, María merã Jesúre Jerusalẽgue ããñurã, Marĩpure wiigwe Marĩpure: “Mũyagũ ããrĩmi”, ãrĩ ãmurã waarã. ²³ Irire irirã, Marĩpure dorederosũta iriñurã. Ãsũ ãrĩ gojasũdero ããrĩbũ Marĩpure doreri gojãdea pũgue: “Ããrĩpererã ãma deyoapũrorirã Marĩpure ããrĩburo”, ãrĩ gojasũdero ããrĩbũ. ²⁴ Irasirirã José, María merã Jerusalẽgue Marĩpure dorederosũta irirã waañurã. Ãsũ ãrĩ gojasũdero ããrĩbũ doja: “Pẽrã buja, o Ìgũsã marĩmakũ buja irirosũ deyorãgã pẽrã sũka, Marĩpure ãũrõ wẽjẽ soepeoburo, ããrã”.

²⁵ Iripoere Jerusalẽguere sugũ bũgũro Simeón wãikũgũ ããrĩyupũ. Ìgũ õãgũ, Marĩpure bũremugũ ããrĩyupũ. Israel bumarãrẽ taugũ aaribure yũgũ iriyupũ. Õãgũ deyomarĩgũ Ìgũ merã ããrĩnĩkõãyupũ. ²⁶ Iripoegwe Õãgũ deyomarĩgũ Ìgũrẽ ãsũ ãrĩ weredi ããrĩmi: “Cristo, Marĩpure iriubure ããbita boabirikoa mũ”, ãrĩdi ããrĩmi. ²⁷⁻²⁸ Jesúre Ìgũ pagũsãmarã Jerusalẽgue ããjarinũrẽ Õãgũ deyomarĩgũ Simeõrẽ Marĩpure wiigwe waadoreyupũ. Marĩpure dorederosũta Jesúre iri wiigwe ããjamakũ ãã, Simeón Ìgũrẽ kõã, Marĩpure usuyari sũ, ãsũ ããrĩyupũ.

²⁹ Yũ Opũ, mũ iripoegwe ãrĩderosũta keoro yãa. Irasirigũ dapagorare yũ mũrẽ moãboegu usuyari merã boamasã.

³⁰ Ìĩ majĩgũrẽ masakare taubure yaa koye merã ããa.

³¹ Ìgũrẽ masĩdoregũ, ããrĩpererã masaka ãũrõgwe iriubũ.

³² Ìgũta judío masaka ããrĩmerãrẽ mũrẽ masĩmakũ irigũ, sũãgori sũgũ irirosũ irigũkumi.

Ããrĩpererã masaka: “Marĩpure Ìgũyarã Israel bumarãrẽ õãrõ iritamumi”, ããrĩrãkuma, ããrĩyupũ Simeón.*

³³ Simeón majĩgũyamarẽ irasũ ããrĩmakũ pérã, Ìgũ pagũsãmarã péguakakõãñurã. ³⁴ Simeón Ìgũsãrẽ: “Marĩpure mũsãrẽ õãrõ iriburo”, ããrĩ odo, Jesús pagore ãsũ ããrĩyupũ:

– Ìĩ majĩgũ Marĩpure beyedi ããrĩmi. Wãrã Israel bumarã Ìgũrẽ bũremumerã perebiri peamegwe béodijusũrãkuma. Ìgũrẽ bũremurã gapũ ãmũgasigwe ããmũrĩãsũrãkuma. Marĩpure turari merã Ìgũ iri ãmũmakũ ããrã, wãrã masaka ñerõ werenĩrãkuma Ìgũrẽ. ³⁵ Irasiriri merã ããrĩpererã masaka Ìgũsãya yũjũpũrãrĩgwe gũñarĩrẽ masĩsũrokoa. Mũ gapũ i merã mũya yũjũpũrãrẽ sareri majĩ merã saremakũ pũrĩsũrõsũ bũro bũjaweregokoa, ããrĩyupũ Simeón Mariare.

³⁶ Gajigo Marĩpure wiigwe Marĩpure kerere weredupiyugode ããrĩyupũ. Igo Ana wãikũgo, Fanuel magõ, Aser bumo, búro ããrĩyupũ. Maamogora marãpũkũdeo ããrãdimo. Pũũ, su mojõma pere gaji mojõ peru pẽrẽbejari bojori waarõ merã igo marãpũ boakõãyupũ. ³⁷ Irasirigo wapiweyo dujayupo. Ìgũsã Jesúre Marĩpure wiigwe ããjaripoere ochenta y cuatro bojorigora opayupo. Iri wiigwe ãmũrikũ, ñamirikũ bereri merã Marĩpure sãrẽnayupo. ³⁸ Jesúre ããjamakũ ããgõ, Ìgũ pũro aari ejanũgã, Marĩpure usuyari sũyupo. Pũũ ããrĩpererã Jerusalén marãrẽ taubure yũrãrẽ Jesús deyoadearẽ wereyupo.

* 2:32 Is 42.6; 49.6; 52.10

Nazaretgue goedujáadea

³⁹ José, María Jerusalégue ããrãnerã, Marĩpũ dorederosũta ããrĩpereri iripeo, Galilea nikũ Ìgũsãya makã Nazaretgue goedujáakõãñurã. ⁴⁰ Irogue majĩgũ turagu õãrõ masĩgũ masãyupũ. Marĩpũ Ìgũrẽ õãrõ iritamuyupũ.

Jesús Marĩpũya wiigie waadea

⁴¹ Bojorikũ Jesús pagusãmarã pascua bosenuĩ ããrĩmakũ, Jerusalégue waanañurã. ⁴² Jesús pe mojõma pere su gubu peru pẽrẽbejari bojori oparipoe Ìgũsã irinarõsũ Ìgũ merã iri bosenuĩ irogue taurã waañurã. ⁴³ Iri bosenu tariadero pũũ, Ìgũsãya makãgue Nazaretgue goedujáakõãñurã. Jesús gapũ Jerusalégueeta dujakõãyupũ. Ìgũ pagusãmarã Ìgũ irogue dujarire masĩbiriñurã. ⁴⁴ “Gajirã marĩ merãmarã merã aarikumi”, ãrĩ gũñadiñurã. Pũũ Jerusalẽrẽ Ìgũsã wiriadeanu ñamika ããrĩmakũ, Ìgũsã merãmarã watopegue Ìgũrẽ ãmadiñurã. ⁴⁵ ãma, Ìgũrẽ bokabiri, maa deko merãta gãme dujáakõãñurã doja Jerusalégue ãmarã waarã.

⁴⁶ Ërenũ pũũ Marĩpũya wiigie Moisés gojadeare buerimasã watopegue doagure bokañurã. Ìgũsã werenĩrĩrẽ pé, Ìgũsãrẽ sãrẽñanayupũ. ⁴⁷ Ìgũ masĩrĩ merã wererire, Ìgũ õãrõ yujũrere pãrã, ããrĩpererã pégukakõãñurã. ⁴⁸ Ìgũ irogue doamakũ Ìãrã, Ìgũ pagusãmarã Ìãgukakõãñurã. Pago Ìgũrẽ ãrĩyupo:

—Makũ, ¿nasirigu gũare irasiriari mũ? Yũ, mũpũ merã buro gũñarikari merã mũrẽ ãmaabũ, ãrĩyupo.

⁴⁹ Jesús pagore ãsũ ãrĩ yujũyupũ:

—¿Nasirirã yũre ãmaarĩ? Yũpũyare yũre iriro gããmea Ìgũya wiiguere. ¿Irire masĩberi mũsã? ãrĩyupũ.

⁵⁰ Ìgũ irasũ ãrĩrĩrẽ Ìgũ pagusãmarã gapũ pãmasĩbiriñurã.

⁵¹ Pũũ Jesús Ìgũsã merã Nazaretgue goedujáakõãyupũ. Ìgũ irinĩrõsũta Ìgũsã dorerire tarinũgãrõ marĩrõ yujũnayupũ. Ìgũ pago gapũ ããrĩpereri Ìgũ Jerusalégue iriadeare igoya yujũpũrãgue gũñaduripĩyupo. ⁵² Jesús wãri masĩrĩ merã masãyupũ. Marĩpũ Ìgũrẽ: “Õãgũ ããrĩmi”, ãrĩ Ìãyupũ. Masakade ããrĩpererã irasũta ãrĩ Ìãñurã.

3

Juan masakare wãiyerimasã buedea

(Mt 3.1-12; Mr 1.1-8; Jn 1.19-28; 8.31-47)

¹ Pe mojõma pere su gubu pẽrẽbejari bojori Tiberio wãikũgu romano marã opu ããrĩrĩ ñajãdero pũũ, gajirã Ìgũ dokamarã Ìsãkũ ããrĩñurã: Poncio Pilato, Judea nikũ marã opu ããrĩyupũ. Herodes, Galilea nikũ marã opu ããrĩyupũ. Ìgũ pagũmũ Felipe: Iturea, Traconite, pe nikũ marã opu ããrĩyupũ. Gajigu Lisantias, Abilinia nikũ marã opu ããrĩyupũ. ² Gajirã pãrã: Anás, Caifás wãikũrã paía oparã ããrĩñurã. Ìgũsã oparã ããrĩripoere Zacarías magũ Juãrẽ masaka marĩrõgue ããrĩgũrẽ Marĩpũ Ìgũyare weredoreyupũ.

³ Irasirigu Juan ããrĩperero dia Jordán wãikũdiya tũrogue masaka irogue ejarãrẽ:

—Mũsã ñerõ irideare bũjawereka! Mũsã gũñarĩrẽ gorawayu, wãiyedoreka! Irasirimakũ, mũsãrẽ Marĩpũ mũsã ñerõ irideare kãtigukumi, ãrĩ werenayupũ. ⁴ Juan irire irigu, iripoegue Marĩpũya kerere weredupiyudi Isaías gojaderosũta iriyupũ. ãsũ ãrĩ gojadi ããrĩmi:

Masaka marĩrõgue sugũ buro gaguinĩrĩ merã weregukumi: “Marĩ Opũ aariburi dupiyuro Ìgũ aariburi maarẽ diayema maa õãrĩ maa ãmurã irirosũ diayemarẽ irika!

⁵ Dupa tũrũrĩ ããrãdeare yasurope piusũrokoa. Ëtãyuku ããrãdeade keoro dujarokoa. Maarĩ dupaberori ããrãdeade diayema maarĩ dujarokoa. Goberikuri maarĩde su bãparogueta dujarokoa.

⁶ Marĩpũ marĩrẽ taubure iriumakũ, ããrĩpererã masaka ããrĩmakũ”, ãrĩ gojadi ããrĩmĩ.*

⁷ Wárã masaka Juan pũroque wãiyedorerã ejañurã. Juan ãgũsãrẽ ãrĩyupũ:

—Mũsã ãña irirosũ ñerã ããrã. ¿Noã mũsãrẽ õõguere aaridoreari? Marĩpũ, gũã ñerõ iriri waja wajamoãbirikõãburo, ãrĩrã, ¿mũsã yũre wãiyedorerã aarari? ⁸ Mũsã: “Gũã ñerõ irideare bujawere, gũñarĩrẽ gorawayuabũ”, ãrĩrã, mũsã ñerõ irideare piri, õãrĩ gapũre irika! Mũsã: “Gũã Abraham parãmerã ããrĩturiarã ããrĩmakũ, Marĩpũ gũare wajamoãbirikumĩ”, ãrĩ gũñabirikõãka! Yũ mũsãrẽ ãsũ ãrã: “Mũsã gũñarĩrẽ gorawayubirimakũ, mũsã Abraham parãmerã ããrĩturiari wajamãã. Marĩpũ i ãtãyeri merã Abraham parãmerã ããrĩturiarã waamakũ irimasĩmĩ”. ⁹ Mũsã ñerĩ iririre piribirimakũ ããgũ, Marĩpũ mũsãrẽ bẽogukumi. Sugũ yukũ ñerĩ dukakũdire ãã, kõme merã nugũrĩgue merãta diti, peamegue soebẽorosũ mũsãrẽ bẽogukumi, ãrĩyupũ Juan.

¹⁰ ãgũ irasũ ãrĩmakũ pãrã, Juãrẽ sãrẽñañurã:

—¿Gũare nasiriro gããmerĩ?

¹¹ Juan ãgũsãrẽ yũjũyupũ:

—Sugũ peñe surĩro opagũ, opabire suñe sĩburo. Baari opagũ, baari opabire dukawaburo, ãrĩyupũ.

¹² Gajirã romano marã oparãrẽ niyeru wajaseabosarã, Juan pũro wãiyedorerã ejañurã. ãgũsãde Juãrẽ sãrẽñañurã:

—Gũare buegũ, ¿gũare nasiriro gããmerĩ?

¹³ ãgũsã irasũ ãrĩmakũ, Juan ãrĩyupũ:

—Mũsã oparã mũsãrẽ wajaseadoreaderopata wajaseaka! ãgũsã doreadero nemorõ wajaseabirikõãka! ãrĩyupũ.

¹⁴ Gajirã surara Juãrẽ sãrẽñañurã:

—¿Gũakoare nasiriro gããmerĩ? ãrĩñurã.

ãgũsã irasũ ãrĩmakũ, ãsũ ãrĩ yũjũyupũ:

—Gajirã oparire ãmabirikõãka! ãgũsãrẽ niyeru ãmadũarã ãrĩkatori merã ãgũsã iribirideaguereta weresãbirikõãka! Mũsã moã wajatari merã usũyaka! ãrĩyupũ.

¹⁵ Masaka: “¿Naásũ ããrĩmakũ Marĩpũ iriubu aarigũkuri?” ãrĩ gũñarã iriñurã. Irasirirã, Juan wererire pãrã: “¿Ñi Juan, Cristo ããrĩkuri?” ãrĩ gũñañurã. ¹⁶ Juan ããrĩpererã masakare ãsũ ãrĩyupũ:

—Yũ mũsãrẽ deko merã wãiyea. Gajigũ yũ pũrũ aarigũ, yũ nemorõ turagũ ããrĩmĩ. Yũ gapũ ubu ããrĩgũ, ãgũrẽ neõ sũropebirikoa. ãgũ aarigũ, mũsãrẽ Õãgũ deyomarĩgũ merã, peame merã wãiyegũkumi. Irasirigũ mũsãrẽ Õãgũ deyomarĩgũ mũsã merã ããrĩnĩmakũ irigũkumi, ñerĩrẽ soebẽorosũ mũsãrẽ ñerĩrẽ bẽoburo, ãrĩgũ. ¹⁷ Trigo gasirire korobẽogũ irirosũ ããrĩmĩ. Gasirire koro odo, iri yerire baari duripĩri wiigũ duripĩgũkumi. Iri gasiri gapũre peamegue soebẽokõãgũkumi. Iri peame neõ yaribirikoa, ãrĩyupũ. ¹⁸ Juan gaji wãri irasũ wereri merã masakare: “ãsũ irika!” ãrĩ werenayupũ. Irasirigũ iri merã Marĩpũya õãrĩ kerere werenayupũ.

¹⁹ Iripoere opũ Herodes ãgũ pagũmũ Felipe marãpore Herodĩas wãikũgore ãma, marãpokũyupũ. Iri waja, gaji wãri ñerõ iridea waja, Juan ãgũrẽ: “Mũ irasirimakũ ñetaria”, ãrĩ wereyupũ. ²⁰ Herodes, Juan wererire pãrono irigũ, ñerõ irinemo, ãgũrẽ peresu iriri wiigũ sõodoreyupũ.

*Juan Jesũre deko merã wãiyedea
(Mt 3.13-17; Mr 1.9-11)*

²¹ Juan peresu iriri wiigũ sõosũburi dupiyuro ããrĩpererã masaka ãgũ pũro wãiyedorerã ejarãrẽ wãiyeyupũ. Jesũde ãgũ pũroque wãiyedoregũ ejayupũ. Juan ãgũrẽ wãiyee odomakũ,

* 3:6 Is 40.3-5

Jesús Marĩpure sērēripoe ũmugasi tũpākõãyuro. ²² Ōãgũ deyomarĩgũ, buja irirosũ deyogu dijari, Jesús weka ejabejayupũ. Marĩpu ũmugasigue ããrĩgũ ãsũ ãrĩyupũ Jesúre:
—Mũ yũ magũ, yũ maĩgũ ããrã. Mũ merã burũ usuyáa, ãrĩyupũ.

Jesucristo ñekũsãmarã ããrĩturiadea
(Mt 1.1-17)

²³ Jesús treinta bojori opagũ masakare buenugãyupũ. Masaka Jesúre: “José magũ ããrĩmi ñĩ”, ãrĩ gũñadiñurã.

José, Elí magũ ããrĩyupũ. ²⁴ Elí Matat magũ,
Matat Leví magũ, Leví Melqui magũ,
Melqui Jana magũ, Jana José magũ,
José Matatías magũ, ²⁵ Matatías Amós magũ,
Amós Nahum magũ, Nahum Esli magũ,
Esli Nagai magũ, Nagai Maat magũ,
²⁶ Maat Matatías magũ, Matatías Semeí magũ,
Semeí José magũ, José Judá magũ,
²⁷ Judá Joana magũ, Joana Resa magũ,
Resa Zorobabel magũ, Zorobabel Salatiel magũ,
Salatiel Neri magũ, Neri Melqui magũ,
²⁸ Melqui Adi magũ, Adi Cosam magũ,
Cosam Elmodam magũ, Elmodam Er magũ,
Er Josué magũ, ²⁹ Josué Eliezer magũ,
Eliezer Jorim magũ, Jorim Matat magũ,
Matat Leví magũ, ³⁰ Leví Simeón magũ,
Simeón Judá magũ, Judá José magũ,
José Jonán magũ, Jonán Eliaquim magũ,
Eliaquim Melea magũ, ³¹ Melea Mainán magũ,
Mainán Matata magũ, Matata Natán magũ,
Natán opũ David magũ ããrĩdi ããrĩmí.
³² David Isai magũ, Isai Obed magũ,
Obed Booz magũ, Booz Salmón magũ,
Salmón Naasón magũ, ³³ Naasón Aminadab magũ,
Aminadab Aram magũ, Aram Esrom magũ,
Esrom Fares magũ, Fares Judá magũ,
Judá Jacob magũ ããrĩdi ããrĩmí.
³⁴ Jacob Isaac magũ, Isaac Abraham magũ ããrĩdi ããrĩmí.
Abraham Taré magũ, Taré Nacor magũ,
Nacor Serug magũ, ³⁵ Serug Ragau magũ,
Ragau Peleg magũ, Peleg Heber magũ,
Heber Sala magũ, ³⁶ Sala Cainán magũ,
Cainán Arfaxad magũ, Arfaxad Sem magũ,
Sem Noé magũ ããrĩdi ããrĩmí.
Noé Lamec magũ, Lamec Matusalén magũ,
³⁷ Matusalén Enoc magũ, Enoc Jared magũ,
Jared Mahalaleel magũ, Mahalaleel Cainán magũ,
Cainán Enós magũ, Enós Set magũ,
Set Adán magũ ããrĩdi ããrĩmí.
³⁸ Adán neõgorague Marĩpu iridi, ĩgũ magũ ããrĩdi ããrĩmí.

4

Wātī Jesúre ārīmesādidēa
(Mt 4.1-11; Mr 1.12-13)

¹ Jesús Ōāgū deyomarīgūrē opatariakōāyurū. Irasirigū Ōāgū deyomarīgū ĩgū dia Jordán wāikūdiyague āārādire masaka marīrōgue āāyurū. ² Iroque Jesús cuarenta narīgōra āārīyurū. Iroque āārīripoe wātī ĩgūrē ārīmesāgū ejayurū. Iri cuarenta narīrē Jesús neō baabiriyurū. Irasirigū ūaboakōāyurū. ³ ĩgū ūaboamakū ĩāgū, wātī Jesúre āsū ārīyurū:

—Diayeta Marīrū magū āārīgū, mū turaro merā i ūtāyere pā waamakū irika! ārīyurū.

⁴ Jesús ĩgūrē yūjūyurū:

—Yūpūya werenīrī gojadea pūgue: “Baari dita masakare okamakū iribeā. Āārīpereri Marīpūya werenīrī garū ĩgūsārē okamakū yāa”, ārī gojasūdero āārībū, ārī wereyurū Jesús wātīrē.

⁵ Pūrū wātī Jesúre ūtāū wekague āīmūrīayurū. Iroque suñarōta āārīpereri i ūmūma makārīrē ĩmupeokōāyurū. ⁶ Irire ĩmupeo odo, āsū ārīyurū:

—I yūre sīdea āārā. Irasirigū yū sīduagure sīgūkoa, ĩgū i āārīpereri opū āārīburo, ārīgū. ⁷ Mū yūre űadakūpuri merā ejamejāja, būremumakū, i āārīpereri mūrē sīgura, ārī wereyurū wātī Jesúre. ⁸ Jesús ĩgūrē yūjūyurū:

—Satanás, yū pūrore wirika! Yūpūya werenīrī gojadea pūgue: “Marīrū ditare būremuka! ĩgū doreri ditare irika!” ārī gojasūdero āārībū, ārī wereyurū Jesús wātīrē.

⁹ Pūrū wātī Jesúre Jerusalēgue āā, Marīpūya wii wekague āīmūrīa, ĩgūrē āsū ārīyurū doja:

—Diayeta Marīrū magū āārīgū, ōōgue merā yebague parimadijaka! ¹⁰⁻¹¹ Marīpūya werenīrī gojadea pūgue āsū ārī gojasūdero āārībū:

Marīrū ĩgūrē wereboerārē mūrē koredoregūkumi, neō ūtāyegue meébejabirikōāburo, ārīgū, ārī gojasūdero āārībū, ārī wereyurū wātī Jesúre.*

¹² Jesús ĩgūrē ārīyurū:

—Yūpūya werenīrī gojadea pūgue: “Būremurī marīrō Marīpūre: ‘Mū turari merā yūre gajino iri ĩmuka!’ ārībirikōāka!” ārī gojasūdero āārībū, ārī wereyurū Jesús wātīrē.

¹³ Irasirigū wātī Jesúre gajī ārīmesārī bokabiri, waakōāyurū dapa.

Jesús Galilea nikūgue masakare buenūgādeā
(Mt 4.12-17; Mr 1.14-15)

¹⁴ Pūrū Jesús masaka marīrōgue āārādi Galilea nikūgue goedujáayurū. Ōāgū deyomarīgū turarire opatariyurū. Āārīperero Galilea nikū marā ĩgū iridea kerere masīpereakōāñurā.

¹⁵ Jesús iroque ejagū, makārīkū judío masaka nerērī wiirigue* buenayurū. ĩgū buemakū pérā, āārīpererā: “Ōārō buemi”, ārī būremuñurā.

Jesús Nazaregue goedujáadeā
(Mt 13.53-58; Mr 6.1-6; Jn 4.44)

¹⁶ Pūrū Jesús Nazaregue ĩgū masādeā makāgue goedujáayurū. ĩgū irinarōsūta judío masaka siñajārīnū† āārīmakū, ĩgūsā nerērī wiigū waa, űajāyurū. Iri wiigū Marīpūya werenīrī gojadea pūrē bue ĩmubu wāgānūgāyurū. ¹⁷ Irasirigū iri wii koregū Jesúre Marīpūya kerere weredupiyudi Isaías gojadea pūrē sīyurū. ĩgū sīmakū, Jesús iri pūgue āsū ārī gojadeare boka, bue ĩmuyurū:

¹⁸ Yū Opū, Ōāgū deyomarīgū yū merā āārīmakū yāmi, ĩgū dorerire iriburo, ārīgū. ĩgūyare iridoregū yūre beyepīdi āārīmī.

* 4:10-11 Sal 91.11-12 * 4:15 Judío masaka nerērī wii, sinagoga wāikūri wii āārā. Iroque ĩgūsā siñajārīnū āārīmakū nerē, Marīpūya werenīrī gojadea pūgue gojadeare buenama. † 4:16 Judío masaka siñajārīnū, sábadō āārā.

Irasirigu boporārē ĩgūya kerere weredoregũ, buro bujawererārē usuyamakũ iridoregũ, peresugue āārĩrārē taudoregũ, koye ĩāmerārē ĩāmakũ iridoregũ, ñerō irisūrārē taudoregũ yũre iriudi āārĩmĩ.

19 Marĩ Opũ ĩgūyarārē taugũ aariburire weredoredi āārĩmĩ, ārĩ gojadi āārĩmĩ Isaías, ārĩ bue ĩmuyupũ Jesús.*

20 Bue ĩmu odo, ĩgũ bueadea pūrē tūrā, iri wii koregũre wia, eja doayupũ. Āārĩpererā iri wiigũe āārĩrā ĩgūrē ĩāduúbiriñurā. 21 Jesús āsũ ārĩ werenugāyupũ ĩgūsārē:

—Dapagā merā yũ mūsārē bue ĩmumakũ, Isaías gojaderosũta waāa.

22 Jesús irasũ ārĩmakũ pérā, āārĩpererā pégũkakōāñurā. “Ōārĩ werenĩrĩ merā weremi”, ārĩ gũñañurā. Irasũ gũñakererā, ĩgūsā basi gāme sērēñañurā:

—¿ĩ José magũ meta āārĩrĩ? ārĩñurā.

23 Jesús, ĩgūsā irasũ ārĩmakũ pégu, ĩgūsārē āsũ ārĩyupũ:

—Masaka ĩgūsā ārĩnarōsũ mūsā yũre: “Mũ ōārō kúrigũ āārĩrĩrē ĩmugũ, mũ basita kúrika!” ārĩkoa. Gajidere ārĩkoa: “Gũa, mũ Capernaugue iri ĩmudea kerere pébũ. Irasirigũ iroguere mũ iriderosũta i makā, mũ masādea makādere iri ĩmuka!” ārĩkoa, ārĩyupũ.

24 Irasũ ārĩ odo, āsũ ārĩnemoyupũ:

—Diayeta mūsārē werea. Neō sugũ Marĩpũya kerere weredupiyurimasārē ĩgūya nikũ marā ōārō bokatĩrĩñeābema. 25 Irasirigũ mūsārē ire ōārō masĩmakũ gāāmea. Iripoegue Elías Marĩpũya kerere weredupiyudi āārĩdeapoere masaka Marĩpũre bũremubiri waja, ure bojori gaji bojori dekogora neō deko merēbiridero āārĩbũ. Āārĩpererogũ baaride marĩdero āārĩbũ. Marĩya nikūrē wārā wapiweyarā nome āārĩnerā āārĩmā. 26 ĩgūsā wārā āārĩkeremakũ, Marĩpũ Elĩare ĩgūsārē iritamudoregũ neō iriubiridi āārĩmĩ. Gaji nikũmo Sarepta wāĩkũri makāmo Sidón pũro āārĩgō gapũre iritamudoregũ Elĩare iriudi āārĩmĩ. 27 Eliseo Marĩpũya kerere weredupiyudi āārĩdeapoedere wārā kāmĩ boarā marĩya nikūrē āārĩunanerā āārĩmā. ĩgūsā wārā āārĩkeremakũ, Marĩpũ Eliseore ĩgūsārē taudoregũ neō iriubiridi āārĩmĩ. Siria nikũmũ Naamán wāĩkũgũ gapũre taudoregũ Eliseore iriudi āārĩmĩ, ārĩ wereyupũ Jesús.

28 Jesús irasũ ārĩmakũ pérā, āārĩpererā iri wiigũe āārĩrā ĩgũ merā buro guañurā.

29 Irasirirā wāgāñugā, ĩgūrē ñeā, āĩākōāñurā. Iri makā ũtāũ weka iridea makā āārĩyuro. Irasirirā iri makā turogue ĩgūrē āĩa, túmeédijudũarā iriadiñurā. 30 Jesús gapũ ĩgūsā watopeta tariwerewāgākōāyupũ.

*Wātĩ ñajāsũdi Jesúre bokatĩrĩdea
(Mr 1.21-28)*

31 Pũrũ Jesús Capernaugue waayupũ. Iri makā Galilea nikũgue āārĩyuro. Iroguere eja, judío masaka siñajārĩnũ āārĩmakũ, ĩgūsā nerērĩ wiigũe ĩgūsārē bueyupũ. 32 Sugũ doregũ irirosũ ōārō masĩrĩ merā ĩgũ buemakũ pérā, pégũkakōāñurā.

33 Iri wiiguere ĩgūsā merā sugũ wātĩ ñajāsũdi āārĩyupũ. Āsũ ārĩ gaguinĩyupũ:

34 —Jesús Nazaretmũ, ¿nasiribu gũa pũro aarĩri? ¿Gũare peamegue béogũ aarĩgũ yári? Yũ mũrē ĩāmasĩkōāa. Mũ, Marĩpũ iriudi, ōātarigũ āārā, ārĩyupũ.

35 Jesús wātĩrē:

—Werenĩbita! Wirika ĩgūrē! ārĩyupũ.

ĩgũ irasũ ārĩmakũ, wātĩ masaka ĩũrō ĩgũ ñajādire yebague túmeépĩ, ñerō iriro marĩrō wiriakōāyupũ. 36 Jesús wātĩrē béowiumakũ ĩārā, āārĩpererā masaka ĩāgũka, ĩgūsā basi āsũ ārĩ gāme werenĩñurā:

—¿Ñeéno werenĩrĩ āārĩrĩ i? ĩgũ turaro merā wātēārē wiriadoremakũ, mata wiri-anokōāma, ārĩñurā.

37 Pũrũ Jesús iriadeare āārĩperero iri makā turo marārē weresiriñurā.

* 4:19 Is 61.1-2

Jesús, Simón Pedro máñekõrẽ taudea
(Mt 8.14-15; Mr 1.29-31)

³⁸ Jesús, nerẽri wiigüe aãrãdi wiria, Simõya wiigüe waayupũ. Simón máñekõ bũro nimakurikũgo iriyupo. Jesús ejamakũ iãrã, igore taudorerã ìgũrẽ sêrẽñurã. ³⁹ Ìgũsã irasũ sêrẽmakũ pégu, Jesús igo pũro waa ejanũgã: “Pũrĩrĩ tarika igore!” ãrĩyupũ. Ìgũ irasũ ãrĩrĩ merãta igore nimakuri aãrãdea tariakõãyuro. Irasirigo wãgãnũgã, ìgũsãrẽ baari ejoyupo.

Jesús wãrã pũrĩrikurãrẽ taudea
(Mt 8.16-17; Mr 1.32-34)

⁴⁰ Ñamika, abe ñajãdero pũru, iri makã marã ããrĩpererã gajirosũperi pũrĩrikurãrẽ Jesús pũroguẽ ãijañurã. Jesús pũrĩrikurãrẽ, ìgũya mojõrĩ merã ñapeo, tauyupũ. ⁴¹ Wãrã wãtẽa masakare ñajãnerãdere béowiuyupũ. Wãtẽa wirirã, Jesũre ãsũ ãrĩ gaguinĩñurã:

—Mũ, Marĩpu magũ aãrã, ãrĩñurã. Ìgũsã Jesũre, ìgũ Cristo, Marĩpu iriudi ããrĩrĩrẽ masĩñurã. Irasirigu Jesús wãtẽãrẽ werenidorebiriyupũ.

Jesús Galilea nikũgue masakare buedea
(Mr 1.35-39)

⁴² Gajinu boyoripoe Jesús makã tũro masaka marĩrõgue waayupũ. Ìgũ waadero pũru, masaka ìgũrẽ ãma, ìgũ pũroguẽ ejañurã. Ìgũrẽ: “Gũa merã dujaka dapa!” ãrãdiñurã.

⁴³ Jesús gapũ ìgũsãrẽ ãrĩyupũ:

—Marĩpu ìgũyarã Opũ ããrĩrĩrẽ yure weredoregu iriudi ããrĩmĩ. Irasirigu gaji makãrĩ marãdere ire weregu waagũra, ãrĩyupũ.

⁴⁴ Irasirigu ããrĩperero Galilea nikũ marãrẽ judío masaka nerẽri wiirigüe buegore-nayupũ.

5

Jesús ìgũ buerãrẽ wãrã waaĩ wẽjẽmakũ irideia
(Mt 4.18-22; Mr 1.16-20; Jn 21.3, 6)

¹ Gajinu Jesús Genesaret* wãikuri ditaru tũroguẽ ããrĩmakũ, wãrã masaka ìgũ pũrore utarinũgãjañurã Marĩpũya kerere péduarã. ² Jesús iri ditaru tũro waaĩ wẽjẽrĩmasãya doóriduparu peru masaka marĩrĩ payamakũ ìãyupũ. Waaĩ wẽjẽrĩmasã gapũ ìgũsãya buiriyukure koerã iriñurã. ³ Jesús Simõyarugüe marĩñajãa, ìgũrẽ soewijudoreyupũ. Soewijupau odomakũ ìã, Jesús irirugüe eja doa, masakare buenũgãyupũ. ⁴ Bue odo, Simõrẽ ãsũ ãrĩyupũ:

—Doódiru merã ditaru deko ãkũãrõgue wija, mũsãya buiriyukure meéyoka waaĩ ñeãmurã, ãrĩyupũ.

⁵ Simón ìgũrẽ yujuyupũ:

—Gũare buegu, dapagã ñamirẽ wẽjẽboyoakõãdabu. Neõ wẽjẽbirakubu. Mũ dorerosũta buidire meéyoñagũra doja, ãrĩyupũ.

⁶ Ìgũsã meéyomakũ, waaĩ wãrã ñajãa, buidire ooreakõãdiñurã. ⁷ Wãrã ñajãmakũ ìã, ìgũsã merãmarã gajiru doódirugüe ããrĩrãrẽ buadeañurã, ìgũsãrẽ ñeãtamudorerã. Irasirirã ìgũsã eja, waaire seasãmakũ, perugüeta mirĩboyakõãyuro.

⁸ Irasũ waamakũ ìãgũ, Simón Pedro Jesús pũro ñadukũpuri merã ejamejãja, ìgũrẽ ãrĩyupũ:

—Yũ Opũ, mũ õãtarigu aãrã. Yũ gapũ ñegũ aãrã. Irasirigu yũ pũrore ããrĩbirikõãka! ãrĩyupũ.

⁹ Simón, wãrã waaĩ ñajãmakũ ìãgũkagũ, irasũ ãrĩyupũ. Ìgũ merã ããrĩrãde ìãgũkakõãñurã.

¹⁰ Gajiru doódiru ããrĩrã ìgũ merãmarã Zebedeo pũrã Santiago, Juan ããrĩñurã. Ìgũsãde ìãgũkakõãñurã. Jesús gapũ Simõrẽ ãrĩyupũ:

* 5:1 Genesaret wãikuri nikũ, Galilea wãikuri ditaru tũro ããrĩyuro. Irasiriro Galilea ditaruta Genesaret wãikũyuro.

—Güibirikōāka! Dapagorare mu waaí wějērīmasū āārīrīrē piri, Marīpaya kerere masakare wererimasū āārīgukoa, āriyupū.

¹¹ Irasirirā īgūsāya doóriduparure ditaru turo tūāmajūpíkōā, āārīpereri īgūsāyare píkōā, Jesús merā waakōāñurā.

Jesús kāmi boagure taudea
(Mt 8.1-4; Mr 1.40-45)

¹² Pūru Jesús su makāgue āārīripoe sugū kāmi boagu ejayupū. Jesúre īāgū, īgū puro nādūkupuri merā ejamejā, īgūya diapure yebague moomejāja, īgūrē sērēyupū:

—Yu Opū, mu yu pūrīrikurire tauduagu taumasīa, āriyupū.

¹³ Īgū irasū ārīmakū pégu, Jesús īgūya mojō merā īgūrē moāña, āsū āriyupū:

—Mūrē taugura. Kāmi marīgū dujaka! āriyupū. Īgū irasū ārīrī merāta kāmi yaripereakōāyuro. ¹⁴ Irasirigu turaro merā Jesús īgūrē āriyupū:

—Gajirā masakare mu tariadeare werebirikōāka! Paire mūrē kāmi yariadeare ĩmugū waaka! Īgū mūrē īāgū: “Kāmi marīgū āārā”, ārīgukumi. Pūru Moisés gojadea pūgue sīdoredeare sīka! Mu irire irimakū īārā, āārīpererā masaka mūrē kāmi yariadeare masīrākuma, āriyupū.

¹⁵ Jesús īgūrē: “Gajirārē mu tariadeare werebirikōāka!” ārīkeremakū, āārīpererogue marā masaka Jesús īgūrē iriadeare pépereakōāñurā. Irasirirā wārā masaka īgū pūrogu īgū buerire pérā, īgūsā pūrīrikuridere taudorerā, ejañurā. ¹⁶ Jesús gapu masaka marīrōgue Marīpure sērēgū waanayupū.

Jesús dupu buadire taudea
(Mt 9.1-8; Mr 2.1-12)

¹⁷ Sunu Jesús buemakū, surāyeri fariseo bumarā gajirā Moisés gojadeare buerimasāde irogu doañurā. Īgūsā āārīperero Galilea nikūma makārī marā, Judea nikūma makārī marā, Jerusalén marā āārīñurā. Jesús pūrīrikurārē taubu, Marīpu turarire opayupū. ¹⁸ Īgū bueripoe gajirā iro marā sugū dupu buadire īgū oyaro merāta āijañurā. Īgūrē wiigūe āiñajāa, Jesús pūrogu pīduarā iriadiñurā. ¹⁹ Masaka wārā āārīmakū, āiñajāmasībiri, iri wii wekague mūrīa, su gobe āiwea, īgūrē masaka watopegue īgū oyaro merāta Jesús puro dijuñurā. ²⁰ Jesús, īgūsā īgūrē buremumakū īāgū, buadire āriyupū:

—Yu, mu ñerō irideare kātia.

²¹ Īgū irasū ārīmakū pérā, fariseo bumarā, Moisés gojadeare buerimasā āsū ārī gūñañurā: “¿Ñeémano masakū āārīrī ĩi? Īgū werenírī merā Marīpure ñerō ārīmi. Masaka ñerō irideare neō sugū masakū kātimasībirikumi. Marīpu sugūta masīkumi”, ārīñurā.

²² Jesús īgūsā gūñarīrē īāmasī, āsū āriyupū:

—¿Nasirirā irasū gūñarī musā? ²³ ¿Naāsū ārīrī gapu diasaberi ĩi buadire: “Yu, mu ñerō irideare kātia”, ārīrī, o “Wāgānugā, waaka!” ārīrī gapu diasaberi? ²⁴ Yu āārīpererā tīgū i ũmugue āārīrārē īgūsā ñerō irideare Marīpu dorero merā kātimasīa. Irasirigu ĩi buadire taugura, musārē irire masīdoregu, āriyupū. Irasū ārī odo, buadire āriyupū:

—Yu mūrē āsū ārā. Wāgānugā, mu oyaderore āi, mūya wiigūe waaka! āriyupū.

²⁵ Īgū irasū ārīrī merāta īgūsā ĩūrō wāgānugā, īgū oyaderore āi, īgūya wiigūe waagū, Marīpure: “Ōātaria mu”, ārī, usuyari sīyupū. ²⁶ Masaka, Jesús irasiririre īāguka, īgūsāde Marīpure: “Ōātaria mu”, ārī, usuyari sīñurā. Buro güiri merā āsū ārīñurā:

—Dapagārē neō marī īābirideare īāa, ārīñurā.

Jesús Levíre siiudea
(Mt 9.9-13; Mr 2.13-17)

²⁷ Pw̄u Jesús iro merã waa, Leví† wãikugure bokajayupw̄. Leví romano marã opure niyeru wajaseabosagu ããrĩyupw̄. Īgũ moãrĩ taribugue doamakũ ĩãgũ, Jesús ĩgũrẽ ãrĩyupw̄:
—Nãka, yw̄ merã!

²⁸ Īgũ irasũ ãrĩmakũ pégu, Leví wãgãñugã, ĩgũ moãdea ããrĩpererire pípeo, Jesús merã waakõãyupw̄. ²⁹ Pw̄u Leví ĩgũya wiigwe eja, Jesúre bosenu iripeoyupw̄. Wárã niyeru wajaseabosarimasã, gajirã masaka ĩgũsã merã baa doanĩñurã. ³⁰ Jesús ĩgũsã merã doamakũ ĩãrã, fariseo bumarã, Moisés gojadeare buerimasã Jesús buerãrẽ ãsũ ãrĩ werewũañurã:

—¿Nasirirã niyeru wajaseabosarimasã, ñerõ irirã merã iirí, baari mw̄sã? ãrĩñurã.

³¹ Jesús ĩgũsãrẽ yw̄juyupw̄:

—Pũrĩrĩ marĩrã kúririmasũrẽ ãmabema. Pũrĩrikurã gapw̄ ĩgũrẽ ãmama. ³² Yw̄: “Õãrã ããrã”, ãrĩ gũñarãrẽ siiugw̄ aaribiribu. “Ñerõ irirã ããrã”, ãrĩ gũñarã ditare siiugw̄ aarigũ iribu, ĩgũsã ñerõ irideare bw̄jawere, gũñarĩrẽ gorawayuburo, ãrĩgũ, ãrĩyupw̄.

Jesúre bererimarẽ sêrẽñãdea

(Mt 9.14-17; Mr 2.18-22)

³³ Jesús irasũ ãrĩmakũ pérã, ĩgũrẽ sêrẽñãñurã:

—Juan buerã, fariseo bumarã buerire tayarãde Marĩpwe bw̄remurã bere, ĩgũrẽ sêrẽnama. ¿Nasirirã mw̄ buerã gapw̄ õãrõ iirí, baari? ãrĩñurã.

³⁴ Jesús ĩgũsãrẽ yw̄juyupw̄:

—¿Sugw̄ mojõsw̄adi bosenu irimakũ, mw̄sã ĩgũ siiuanerãrẽ ĩgũ merã ããrĩãrẽ bw̄jawereri merã beremakũ irimasĩbukuri? ³⁵ Pw̄u ĩgũrẽ gajirã ãĩãmakũ, bw̄jawereri merã bererãkuma, ãrĩyupw̄.

³⁶ Irire ãrĩ odo, keori merã ĩgũsãrẽ ãsũ ãrĩ wereyupw̄ doja:

—Masaka neõ surĩro maamañerẽ tábirikuma bw̄gũñerẽ seretúmurã. Irasũ seretúrã, maamañerẽ poyanorẽrã irikuma. Maama gasiro merã bw̄gũñerẽ seretúadero õãrõ deyobirikoa. ³⁷ Waimurã gasiri merã iridea ajuri bw̄gũ ajurigue maama igui dekore diribirikuma. Irasũ dirimakũ, maama igui deko pãmu, bw̄gũ ajuri sêrãturabiri, oore-akõãkoa. Irasiriro igui deko, ajuride kõmoko. ³⁸ Irasirirã maama igui dekore maama ajurigue diriro gããmea. ³⁹ Masaka igui deko pãmurĩrẽ iirirã, maama igui dekore gããmebirikuma, maama buerire péduaberosũ. “Igui deko pãmudea gapw̄, maama igui deko nemorõ õãã”, ãrĩrãkuma, ãrĩyupw̄ Jesús ĩgũsãrẽ.

6

Siñajãrĩñw̄ ããrĩmakũ, Jesús buerã trigo yerire tãrĩdea

(Mt 12.1-8; Mr 2.23-28)

¹ Gajinw̄, judío masaka siñajãrĩñw̄ ããrĩmakũ, Jesús trigo otedero watope waamakũ, ĩgũ buerã trigo yerire tãrĩ koro baawãgãñurã*. ² ĩgũsã irasirimakũ ĩãrã, surãyeri fariseo bumarã ĩgũsãrẽ sêrẽñãñurã:

—¿Nasirirã siñajãrĩñw̄rẽ moãdorebirikeremakũ, irasũ yãri mw̄sã? ãrĩñurã.

³ Jesús ĩgũsãrẽ yw̄juyupw̄:

—¿Mw̄sã iripoeguw̄ David ĩgũ merãmarã merã w̄aboagu, ĩgũ irideare buebiriri? ⁴ ĩgũ merãmarã merã Marĩpweya wiigwe ñajãa, Marĩpwe ĩũrõ peyari pã duparure baadi ããrĩmĩ. Marĩpwe paia ããrĩmerãrẽ: “Iri pã duparure baabirikõãka!” ãrĩdi ããrĩmĩ. David gapw̄ paia ããrĩbirikeregw̄, irire baagu, Marĩpwe ĩũrõ ĩgũ dorerire tarinugãgũ meta iridi ããrĩmĩ, ãrĩyupw̄.

⁵ Irasũ ãrĩ odo, ãsũ ãrĩyupw̄ doja:

† 5:27 Leví pe wãĩ opayupw̄. ĩgũta Mateo wãikuyupw̄. * 6:1 Deuteronomio 23.25: Moisés gojadea pũgue ãsũ ãrĩ gojasũdero ããrĩbũ: “Sugw̄ masaku gajigw̄ya poegwe waagũ, ĩgũya mojõrĩ merã trigo yerire tãrĩ koro baaburo. Wiirimajĩ merã diti ãĩabirikõãburo”, ãrĩ gojasũdero ããrĩbũ.

—Y_u ããrĩpererã tĩgũ ããrĩsĩã, siñajãrĩnũrẽ masaka gajino ïgũsã iriburire doremasĩa, ãrĩyupũ Jesús.

Jesús mojõ diíweredire taudea
(Mt 12.9-14; Mr 3.1-6)

⁶ Gajinu siñajãrĩnu ããrĩmakũ, Jesús judío masaka nererĩ wiigüe ñajãa, ïgũsãrẽ bueyupũ. Iri wiigüe sugũ masakũ diayema mojõ gapũ diíweredi ããrĩyupũ. ⁷ Fariseo bumarã, Moisés gojadeare buerimasã Jesúre buro ïãduripítuya: “Siñajãrĩnu ããrã, irasirirã ñi mojõ diíweredire ïgũ taumakũ, ïgũrẽ weresãrãra”, ãrĩ gũñañurã. ⁸ Jesús ïgũsã gũñañirẽ ïãmasĩ, mojõ diíweredire:

—Wãgãnugã, masaka ïürögüe ejanugãgũ aarika! ãrĩyupũ. ïgũ irasũ ãrĩmakũ pégu, mojõ diíweredi wãgãnugã, Jesús pũro ejanugãyupũ. ⁹ ïgũ ejanugãmakũ, Jesús gajirã irogüe ããrĩrãrẽ ãsũ ãrĩyupũ:

—Mũsãrẽ sërẽñaduakoa. ¿Siñajãrĩnũrẽ Marĩpu marĩrẽ ñeénorẽ iridoreyuri, õãrĩrẽ, o ñerĩrẽ, masakare taurire, o wějërĩrẽ? ãrĩyupũ.

¹⁰ Sërẽña odo, masaka ããrĩpererãrẽ ïã, mojõ diíweredire ãrĩyupũ:

—Mũya mojõrẽ soeuka!

ïgũ irasũ ãrĩmakũ pégu, soeuyupũ. ïgũ soeumakũ, ïgũya mojõ õãkõãyuro. ¹¹ ïgũ irasirimakũ ïãrã, fariseo bumarã, Moisés gojadeare buerimasã buro guañurã: “¿Nasirirãkuri marĩ ïĩrẽ?” ãrĩ gãme werenĩñurã.

Jesús pe mojõma pere su gubu peru pẽrẽbejarã ïgũ buedoregu pímurãrẽ beyede
(Mt 10.1-4; Mr 3.13-19)

¹² Irinũrĩrẽ Jesús ãtãũgüe Marĩpure sërẽgũ waayupũ. Irogüe iri ñamirẽ Marĩpure sërẽboyoakõãyupũ. ¹³ Boyoripoe ïgũ buerire tayarãrẽ siu needõ, ïgũsã watopegüe ããrĩrãrẽ pe mojõma pere su gubu peru pẽrẽbejarã ãmarẽ beyeyupũ: “Mũsãrẽ yaa kerere buegorenaturãrẽ beyepía”, ãrĩyupũ. ¹⁴ ïsãku ããrĩñurã: Simón wãikũgũ ããrĩyupũ. ïgũrẽta “Pedro” wãiyeyupũ Jesús. Simón pagũmũ Andrés; gajirã: Santiago, Juan, Felipe, Bartolomé†, ¹⁵ Mateo, Tomás, Santiago ããrĩñurã. Santiago, Alfeo magũ ããrĩyupũ. Gajigũ Simón ããrĩyupũ. ïgũ celote wãikuri bumũ ããrĩyupũ. ¹⁶ Gajigũ Judas ããrĩyupũ. ïgũ Santiago magũ ããrĩyupũ. Gajigũ Judas Iscariote wãikũgũ ããrĩyupũ. ïgũta Jesúre wějẽduarãguere ïgũrẽ ïmubu ããrĩyupũ.

Jesús wãrã masakare buedea
(Mt 4.23-25)

¹⁷ Jesús iri ãtãũgüe ããrãdi ïgũsã merã dijija, iri ãtãũ ããrĩdijimejãrõgüe ããrĩyupũ. ïgũ beyeanerã, gajirã wãrã ïgũ buerire tayarã merã ããrĩyupũ. Gajirã wãrã ããrĩperero Judea nikũ marã, Jerusalén marã, wãdiya tũro marã Tiro, Sidón marã ããrĩñurã. ïgũsã Jesús pũro ïgũ buerire pérã, ïgũsã pũrĩrikũrere taudorerã ejanerã ããrĩñurã. ¹⁸ Jesús wãtẽa ñajãsũnerãdere tauyupũ. ¹⁹ ïgũ ããrĩpererãrẽ Marĩpu turaro merã taumakũ ïãrã, ããrĩpererã masaka ïgũrẽ moãñaduãñurã.

Jesús usũyari, bũjawereridere buedea
(Mt 5.1-12)

²⁰ Pũrũ Jesús ïgũ buerãrẽ ïã, ãsũ ãrĩyupũ:

—Marĩpu mũsã Opũ ããrĩmi. Irasirirã boporã ããrĩkererã, usũyaka!

²¹ Dapagorare mũsã ãboari merã ããrĩrã, pũngũguere yapirãkoa. Irasirirã usũyaka!

’Dapagorare buro bũjawereri merã orerã, pũngũguere usũyari merã bũrirãkoa. Irasirirã usũyaka!

† 6:14 “Bartolomé”, ãrĩrõ: “Tolomé magũ”, ãrĩduaro yãa. ïgũta Natanael wãikũgũ ããrĩdi ããrĩmĩ. San Juan 1.43-51: Jesús Natanaere siiudea kere ããrã.

22 'Mũsã yũre ããrĩpererã tĩgũrẽ bũremumakũ ããrã, gajirã mũsãrẽ ããturi doorãkuma. Mũsãrẽ: “Gũa merã ããrĩmerãta!” ããrĩ bẽorãkuma. Mũsãrẽ ñerõ werenĩrãkuma. “Ñerã ããrĩma”, ããrĩ werewũarãkuma. Ĩgũsã irasũ ããrĩkeremakũ, usũyari merã ããrĩrikũka!
23 Iripoegue marĩ ñekũsãmarã Marĩpũya kerere weredupiyunerãrẽ irasũta iriunanerã ããrĩmã. Irasirirã dapagora marã mũsãrẽ mũrãrõta ñerõ irimakũ ããrã, bũro usũyaka! Bũro usũyari merã ããrĩrikũka! Mũsã ãũmũgasigue waamakũ, Marĩpũ õãrĩ wãro wajatari sĩgũkumi mũsãrẽ.

24 'Mũsã i ãũmũmarẽ wãri oparã gapũ usũyari bokasiãa. Pũrũguere usũyari neõ bokabirikoa. Irasiriro mũsãrẽ ñegorãa.

25 'Mũsã dapagorare yapirã, pũrũguere bũro ãaboarãkoa. Usũyari neõ bokabirikoa. Irasiriro mũsãrẽ ñegorãa.

'Dapagorare Marĩpũyare bũridarã, pũrũguere bũro bũjawereri merã orerãkoa. Usũyari neõ bokabirikoa. Irasiriro mũsãrẽ ñegorãa.

26 'Masaka ããrĩpererã mũsãrẽ: “Õãrã ããrĩma”, ããrĩkeremakũ, usũyari neõ bokabirikoa. Iripoegue mũsã ñekũsãmarã Marĩpũyare ããrĩkatori merã wererimasãrẽ: “Õãrã ããrĩma”, ããrĩunanerã ããrĩmã.

*Jesús: “Mũsãrẽ ããturirãrẽ maĩka!” ããrĩ buedea
(Mt 5.38-48; 7.12)*

27 'Yũ werenĩrĩrẽ õãrõ pẽduripĩrãnorẽ ããsũ ããrĩ weregũra. Mũsãrẽ ããturirãrẽ maĩka! Mũsãrẽ doorãrẽ õãrõ irika! 28 Mũsãrẽ: “Ñerõ waaburo”, ããrĩrãrẽta õãdoreka! Mũsãrẽ ñerõ ããrĩ bũridarãrẽta Marĩpũre ĩgũsã õãrõ ããrĩburire sẽrẽbosaka! 29 Sugũ masakũ mũsãya wayupãrãrẽ pãmakũ, gajipãrẽ gapũdere pãdoreka! Mũsãya surĩro wekamañerẽ ãmamakũ, mũsãya camisadere sĩka! 30 ããrĩpererã mũsãrẽ gajino sẽrẽãnorẽ sĩka! Sugũ masakũ mũsã oparire ããĩmakũ, ĩgũrẽ: “Wiaka!” ããrĩbirikõãka! 31 Gajirã mũsãrẽ õãrõ irimakũ gããmerõsũta mũsãde ĩgũsãrẽ õãrõ irika!

32 'Mũsãrẽ maĩrã ditare maĩmakũ õãbea. Mũsã irasũ maĩrĩ wajamãa. Gajirã, ñerã ããrĩkererã, ĩgũsãrẽ maĩrãrẽ maĩkuma. 33 Mũsãrẽ õãrõ irirã ditare õãrõ irimakũ õãbea. Mũsã irasiriri wajamãa. Ñerãde ĩgũsãrẽ õãrõ irirãrẽ õãrõ irikuma. 34 Gajirãrẽ wayurã ĩgũsãrẽ: “Gũa wayuadeare keoro wiaka doja!” ããrĩmakũ õãbea. Mũsã irasiriri wajamãa. Ñerõ irirãde gajirã ñerãrẽ wayukuma. ĩgũsã wayuadeare: “ããrĩpereri wiarãkuma doja”, ããrĩ gũñakuma. 35 Irasirirã ñerã irirosũ iribirikõãka! Mũsãrẽ ããturirãdere maĩka! ĩgũsãrẽ õãrõ irika! ĩgũsãrẽ wayurã, mũsã wayuadeare: “Wiaka doja!” ããrĩbirikõãka! Irasirirã wãri õãrĩ wajatari bokarãkoa. Marĩpũ ããrĩpererã nemorõ turagũ pũrã ããrĩrãkoa. Masaka Marĩpũre usũyari sĩbirikeremakũ, ĩgũsãrẽ bopoñarĩ merã ããmi dapa. Ñerã ããrĩkeremakũ, ĩgũsãrẽ irasũ ããmi dapa. 36 Irasirirã mũsãde Mũsãpũ ãũmũgasigue ããrĩgũ masakare bopoñarĩ merã ããrõsũta gajirãrẽ bopoñarĩ merã ããka!

*Jesús: “Gajirãrẽ: ‘Ñerã ããrĩma’, ããrĩ werewũabirikõãka!” ããrĩ buedea
(Mt 7.1-5; Jn 13.16; 15.20)*

37 'Gajirãrẽ: “Ñerã ããrĩma”, ããrĩ werewũabirikõãka! Mũsã werewũabirimakũ ããgũ, Marĩpũ mũsãrẽ: “Ñerã ããrĩma”, ããrĩ ããbirikumi. Gajirã mũsãrẽ ñerõ irimakũ ããrã: “Marĩpũ ĩgũsãrẽ wajamoãburo”, ããrĩbirikõãka! Mũsã irasũ ããrĩbirimakũ, Marĩpũ mũsãrẽ: “Wajamoãgũra”, ããrĩbirikumi. Gajirã mũsãrẽ ñerõ irideare kãtika! Mũsã kãtimakũ, Marĩpũde mũsã ñerõ irideare kãtigũkumi. 38 Gajirãrẽ sĩka! Mũsã sĩmakũ, Marĩpũ mũsãrẽ wãri õãrĩ sĩgũkumi. Ajuro wãri ajuro gajino utũriri ajuro õãrõ ñadiuadea ajuro irirosũ sĩgũkumi. Mũsã gajirãrẽ sĩderopata Marĩpũ mũsãrẽ sĩgũkumi, ããrĩyupũ Jesús.

39 Irasũ ããrĩ odo, keori merã wereyupũ doja:

–Sugũ masakũ koye ãabi gajigũ koye ãabire tũãdupiyuwãgãmasĩbirikumi. Ìgũsã pẽrãgueta maarẽ ãamerã gobegue meẽñajãkõãkuma. ⁴⁰ Sugũ buerimasũ Ìgũ buerã nemorõ masĩkumi. Ìgũ buerãde Ìgũ buederosũ buepeosĩã, Ìgũsãrẽ buedi masĩderosũta Ìgũsãde masĩrãkuma.

⁴¹ Mũsã ñerõ iridea, koyerugue wári turu oparosũ ñetariri ããrĩrĩrẽ gũñabirikererã, mũsãyagũ ñerõ iridea, koyerugue nikũyegã oparosũ ããrĩrĩrẽ: “Ñegorãã”, ãrĩ gũñãã.

⁴² Irasirirã mũsã ñerõ iridea, koyerugue wári turu oparosũ ããrĩrã, mũsãyagũre Ìgũya koyerugue ããrĩrĩ nikũyegãrẽ: “¿Ãibéosi?” ãrĩmasĩbea. Mũsã ñerõ iririkurã, irikatorikurã ããrã. Mũsãya koyerugue ããrĩrĩ turu gapũre ãibéopũroriro irirosũ mũsã ñerõ iririre piripũrorika! Irasiri odo, mũsãyagũre: “Mũ ñerõ iririre pirikõãka!” ãrĩ masĩã, ãrĩyupũ Jesús.

Jesús yukure dũka merã ããmasĩsũã, ãrĩ buedea

(Mt 7.17-20; 12.34-35)

⁴³ Irasũ ãrĩ odo, gajĩ keori merã wereyupũ doja:

–Yukũ õãdi ñerĩ dukakũbirikoa. Yukũ ñedide õãrĩ dukakũbirikoa. ⁴⁴ ããrĩpereri yukure dũka merã ããmasĩsũã. Poragũ higo wãĩkarire dukakũbirikoa. Ñaagũde iguire dukakũbirikoa. ⁴⁵ Irasirigũ sugũ masakũ õãgũ, yukũ õãrĩ dukakũdi irirosũ ããrĩmi. Ìgũ gũñarĩgue õãrĩ gũñarĩ opasĩã, õãrĩrẽ yãmi. Gajigũ ñegũ, Ìgũ gũñarĩgue ñerĩ gũñasĩã, ñerĩrẽ yãmi. Marĩ gũñarĩgue gũñarõsũta werenĩrãkoa. Irasirirã masaka ñerĩ gũñarĩ oparã, ñerĩ werenĩrãkuma. Õãrĩ gũñarĩ oparã gapũ õãrĩ werenĩrãkuma.

Jesús pe wii keori merã buedea

(Mt 7.24-27)

⁴⁶ ¿Nasirirã mũsã yũre: “Yũ Opũ ããrã mũ”, ãrĩkererã, yũ dorerire neõ iriberi? ⁴⁷ Sugũ yũ pũro eja, yũ werenĩrĩrẽ pẽduripĩ, pũru yũ dorerire irigũ, ãsũpero irigũ irirosũ ããrĩmi. ⁴⁸ Sugũ ãtãyegue ãkũãrĩ goberi mãñajãã, wii õãrõ nugũdi irirosũ ããrĩmi. Pũru dia wãro yura, Ìgũya wiiguere deko ãma meétũkeremakũ, neõ mirũabirikoa. ⁴⁹ Yũ werenĩrĩrẽ pẽkeregũ, yũ dorerire iribi gapũ sugũ Ìmpĩparogue wii iridi irirosũ ããrĩmi. Dia wãro yuraro, Ìgũya wiire ãmabéokõãkoa. Irasiriro ããrĩpereri kũmopereakõãkoa, ãrĩ wereyupũ Jesús masakare.

7

Jesús surara opũre moãboegũre taudea

(Mt 8.5-13)

¹ Jesús masakare irire were odo, Capernaugue waakõãyupũ. ² Iroguere romano marã surara opũ ããrĩyupũ. Ìgũrẽ moãboegũ sĩrĩgũ kũmorĩ pũrogãgue ããrĩyupũ. Surara opũ Ìgũrẽ bũro mãĩyupũ. ³ Irasirigũ, Jesús iridea kerere pẽgũ, judío masaka mũrãrẽ Jesús pũrogue iriuyupũ, Ìgũrẽ moãboegũre taugũ aaridoregũ. ⁴ Ìgũsã Jesús pũrogue ejarã, Ìgũrẽ turaro merã ãsũ ãrĩ sẽrẽñurã:

–Surara opũ gũare mũ pũro iriuadi, õãgũ ããrĩmi. Irasirigũ Ìgũrẽ iritamuka! ⁵ Ìgũ judío masakũ ããrĩbirikereregũ, marĩya nikũ marãrẽ bũro mãĩmi. Ìgũta Ìgũya niyeru merã gũã nerẽrĩ wiire moãdoremi. Irasirigũ Ìgũrẽ iritamuka! ãrĩñurã.

⁶ Irire pẽgũ, Jesús Ìgũsã merã waayupũ. Surara opũ, Ìgũya wii pũro Ìgũsã ejawãgãrimakũ ããgũ, Ìgũ merãmarãrẽ Jesũre ãsũ ãrĩ weredoregũ iriuyupũ:

–Yũ Opũ, mũrẽ garibonemodũabirikoa. Yũ ubu ããrĩgũ ããrĩsĩã, yaa wiire mũ ñajãrimakũ, bũro gũyasĩrĩkoa. ⁷ Irasirigũ yũde mũ pũrogue waabea. Mũ werenĩrĩ turari merã yũre moãboegũre: “Sĩrĩrĩ tarika Ìgũrẽ!” ãrĩmakũ tarigũkumi. ⁸ Gajirã oparã yũre dorema. Yũde gajirã surarare dorea. Yũ sugũre: “Waaka!” ãrĩmakũ, waami. Gajigũre: “Aarika!” ãrĩmakũ, aarĩmi. Yũ, yũre moãboegũre: “Ire irika!” ãrĩmakũ, irire yãmi, ãrĩka Jesũre! ãrĩ iriuyupũ.

⁹ Īgũ weredoreadeare ĭgũsã weremakũ pégu, Jesús gũkakõãyupũ. Īgũrẽ tũyarãrẽ gãmenugã ĩã, ãsũ ãrĩyupũ:

—Mũsãrẽ werea. Sĩĩ surara opũ Israel bumũ ããrĩbirikeregu, yũre bũremumi. Israel bumarã watopeguere sĩĩ irirosũ yũre bũremugũrẽ neõ bokajabiribu, ãrĩyupũ Jesús.

¹⁰ Īgũ irasũ ãrãdero pũrũ, surara opũ iriuanerã ĭgũya wiigũe goedujããñurã. Irogue goedujajarã, sĩrĩgũ ããrãdire tariadiguere bokajañurã.

Jesús wapiweyo magũrẽ masũdea

¹¹ Pũrũ Jesús Capernaugue ããrãdi Naĩn wãĩkũri makãgue waayupũ. Īgũ buerã, gajirã masaka wãrã ĭgũ merã waañurã. ¹² Iri makãrẽ ejaripoe iri makã marã, sugũ masakũ boadire kõãwãgãriñurã ĭgũrẽ yãarã waarã. Īgũ wapiweyo magũ, sugũ ããrĩgũ ããrãdiyupũ. Īgũ pago ĭgũrẽ yãamurã merã waamakũ, wãrã masaka wapikũwãgãriñurã. ¹³ Igore ĩãgũ, marĩ Opũ Jesús bũro bopoñarĩ merã ĩã, ãsũ ãrĩyupũ:

—Orebirikõãka!

¹⁴ Irasirigu Jesús masãpore pũro ejanugã, moãñayupũ. Īgũ moãñamakũ ĩãrã, iri porere kõãrã dujanugãñurã. Jesús boadire ãsũ ãrĩyupũ:

—Yũ murẽ ãrã: “Wãgãñugãka!”

¹⁵ Īgũ irasũ ãrĩmakũ, boadi wãgãdoã, werenĩnugãyupũ. Irasirigu Jesús ĭgũrẽ pagore wiayupũ. ¹⁶ Irire ĩãrã, ããrĩpererã masaka ĩãgũkakõãñurã. Marĩpũre: “Oãtaria mũ”, ãrĩ, usũyari sĩñurã. Īgũsã basi ãsũ ãrĩ gãme werenĩñurã:

—Ĩ Marĩpũya kerere wererimasũ, turatarigu, marĩ watopeguere ejami.

Idere ãrĩñurã:

—Marĩpũ ĩrẽ iriuñumi ĭgũyarãrẽ iritamudoregu, ãrĩñurã.

¹⁷ Irasirirã ããrĩpererogũ Judea nikũ marã, iri nikũ tũro marãde Jesús ĭgũrẽ masũdea kerere péperekõãñurã.

Juan masakare wãĩyerimasũ ĭgũ buerire tũyarãrẽ Jesús pũrogue iriudea (Mt 11.2-19)

¹⁸ Juan masakare wãĩyerimasũ peresugue ããrĩripoe ĭgũ buerire tũyarã ããrĩpereri Jesús irideare ĭgũrẽ wererã waañurã. Juan irire pégu, ĭgũsã merãmarã pẽrãrẽ siiu:

¹⁹ —Jesũre ãsũ ãrĩ sẽrẽñarã waaka! “¿Mũta ããrĩrĩ Cristo gũare taugu aaribu iriayupũ, ĭgũsã ãrĩdi, o gajigũre yũrãkuri gũa?” ãrĩ sẽrẽñarã waaka! ãrĩ iriuyupũ. ²⁰ Irasirirã, Jesús pũro ejarã, ĭgũrẽ ãrĩñurã:

—Juan masakare wãĩyerimasũ gũare murẽ ãsũ ãrĩ sẽrẽñadoreami: “¿Mũta ããrĩrĩ Cristo gũare taugu aaribu iriayupũ, ĭgũsã ãrĩdi, o gajigũre yũrãkuri gũa?”

²¹ Īgũsã ejaripoere Jesús wãrã pũrĩrikũrãrẽ, wãtẽa ñajãsũnerãrẽ, koye ĩãmerãdere taugu iriayupũ. ²² Irasirigu Jesús ãsũ ãrĩ yũjuyupũ Juan iriuanerãrẽ:

—Mũsã ĩãrĩrẽ, mũsã pẽrĩre, Juãrẽ wererã waaka! Koye ĩãbiranerã õãrõ ĩãma. Waa-masĩbiranerã waamasĩakõãma. Kãmi boanerã yariperekõãsũama. Gãmipũ pẽbiranerã pẽakõãma. Boanerãde masãkõãma. Boporã, Marĩpũ masakare tauri kerere weremakũ pẽma. ²³ “Yũre bũremurĩrẽ piribi, usũyari opagũkumi”, ãrĩ wererã waaka Juãrẽ! ãrĩyupũ Jesús.

²⁴ Īgũsã waadero pũrũ, Jesús Juãyamarẽ masakare ãsũ ãrĩ werenũgãyupũ:

—Mũsã masaka marĩrõgue Juãrẽ ĩãrã waarã, gũigũre gũñaturabire ĩãrã waarã meta irikuyo. Īgũ turabi, mirũ tãborere wẽjãpubéorosũ ããrĩbemi. ²⁵ Irasũ ããrĩmakũ, mũsã ĭgũrẽ irogue ĩãrã waarã, õãrĩ surĩ sãñagũrẽ ĩãrã waarã meta irikuyo. Oãrĩ surĩ sãñarãno oparãya wiirigũe ããrĩkuma. Juan ĭgũsã irirosũ ããrĩbemi. ²⁶ Mũsã irogue ĭgũrẽ ĩãrã waarã, Marĩpũya kerere weredupiyurimasũrẽ ĩãrã waarã iriyo. Mũsãrẽ werea. Juan diayeta Marĩpũya kerere weredupiyunerã nemorõ ããrĩmi. ²⁷ Marĩpũya werenĩrĩ gojãdea pũgue gojasũdero ããrĩbũ Juan iriburire. Irasirigu Marĩpũ ĭgũ magũrẽ ãsũ ãrĩdi ããrĩmi:

Mu waaburo dupiyuro yaa kerere weredupiyubure iriugura, mu waaburore amuyudoregu, ari gojasuidero aaribu.*

28 'Musare werea. Juan aariburi dupiyuro neo sugu igu nemoro yaamarē masigu maridi aarimi. Irasu aarikerepuru, sugu Maripu umugasigue aariguyagu gapu Juan nemoro yaamarē masigu aarigukumi. Aariperera nemoro ubu aarigu aarikeregu, masigu aarigukumi, ariyupu Jesus.

29 Igu irasu aririre pera, aariperera masaka, romano mara opare niyeru wajaseabosarimasade Juan waiyesunerā aarisia: "Maripu diayeta irigu aarimi", ari masinura. 30 Fariseo bumarā, Moisés gojadeare buerimasā gapu Juare waiyedorebirinerā aarisia, Maripu igusare iriduarire gaamebiriura. 31 Irasirigu marī Opu Jesus asu arinemoypu:

—Masaka dapagora marā, zheemarano irirosu aariri? 32 Majira makā dekogue igusa meramarā merā bira gaguini doanira irirosu aarima. Asu ari gaguina: "Gua tēdiru purimakū, bayabirabu. Bajawereri merā gua bayamakū, orebirabu", ari. 33 Juan masakare waiyerimasu pa baabirimakū, igui deko pamudeare iiribirimakū iara, igure: "Wati najasudi aarimi ii", aribu musa. 34 Puru yu aariperera tigu baa, iirimakū iara: "Baapagu, iiripagu aarimi", aribu. "Romano mara opare niyeru wajaseabosarimasā meramu, nerō irira meramu aarimi", aribu musa yure. 35 Musa yaamarē, Juayamarē masibirikeremakū, guare masira gapu: "Diayeta Maripu iriunerā aarima", ari masima, ariyupu Jesus.

Jesús, fariseo buma Simón waiyuguya wiigie ejadea

36 Igu irasu aradero puru, sugu fariseo buma Jesure iguya wiigie baadoregu siuayupu. Irasirigu Jesus iguya wiigie waa, eja, baari peoro puro eja, doayupu. 37 Sugo nomeo iri makamo, nerō iririmaso, Jesus fariseoya wiigie baagu ejadea kerere pé, irogue waayupo. Suru borewariru "alabastro" waiyuri utaye merā iridirure oaro sarori opadirure aiayupo. 38 Aia, Jesus purupu gapu ejanugaja, igo nerō irideare buro bajawereri merā gūna, ore, Jesus puro meedoaja, iguya guburi wekare igoya kódeko meébejamakū ia, igoya poanapu merā túkoe bojoyupo. Túkoe bojo, buremurī merā iguya guburire mimi, igo sarori aiadea merā iguya guburire pípeoyupo. 39 Igo irasirimakū iagu, fariseo buma Jesure baadoregu siuadi igu basi gūnayupu: "Igo iguya guburire moañagō nerō iririmaso aarimo. Ii diayeta Maripuya kerere wereru aarigu, irire masisiabukumi", ari gūnayupu.

40 Jesus igu gūnarire iamasi, igure ariyupu:

—Simón, yu mare gajino weredukoa, ariyupu.

—Buegu, wereka yure! ariyupu Simón.

41 Igu irasu arimakū pegu, Jesus i keori merā wereyupu igure:

—Sugu masakare niyeru wayurimasu aarikumi. Pera uma wajamokuma igure. Sugu wari niyeru koeri quinientos moarinri wataropa wajamokumi. Gajigu meri koeriga cincuenta moarinri wataropa wajamokumi. 42 Igu pēra, igusa wajamorire wajariri opabirimakū iagu, niyeru wayudi igusare peraguereta: "Tropata, musa wajamorī pereburo. Irire katigukoa", arikumi. Irasirimakū, zni gapu niyeru wayudire buro maikuri? waro wajamodi, o mērogā wajamodi gapu, ariyupu Jesus.

43 Simón yuyupu:

—Waro wajamodi gapu buro maibukumi, ariyupu.

—Diayeta yuja mu, ariyupu Jesus igure.

44 Irasu ari odo, Jesus nomeore ia, Simore ariyupu:

—Zigo yure iriadeare iari mu? Muya wiigie yu najajamakū, mu yure yaa guburi koeburire deko sibirabu. Igo gapu yaa guburire igoya kódeko merā koe, igoya poanapu merā túkoe bojoamo. 45 Yu oadoremakū, mu yure bokatiri paba, mimibirabu. Igo gapu yu najajadero purugue yaa guburire mimiadeo neō mimiduúbemo. 46 Mu gapu yaa dipurure

uye òãrĩ sãrõrĩ merã pípeobirabu. Igo gapu yaa guburire sãrõrĩ pípeoamo. ⁴⁷ Irasirigu Simón, yu mure werea. Igo ñerõ iridea wãri ããrĩkeremakũ, yu irire kãtia. Yu irasirimakũ, yure bũro maĩmo. Gajigu gapu, yu ìgũ ñerõ irideare kãtimakũ: “Yu mérõgãta ñerõ irideare opãa”, ãrĩ gũñasiã, yure sirũta maĩmi, ãrĩyupu Jesús.

⁴⁸ Ìgũrẽ irasũ ãrĩ odo, nomeõrẽ ãsũ ãrĩyupu:

—Mu ñerõ irideare kãtia yu, ãrĩyupu.

⁴⁹ Ìgũ irasũ ãrĩmakũ pãrã, gajirã masaka iri wiigüe ìgũ merã baadoregu siuanerã ãsũ ãrĩ gãme werenĩnurã:

—¿Ñeémũno masakũ ããrĩrĩ ñ, irasũ ñerõ irideare kãtigu? ãrĩnurã.

⁵⁰ Jesús gapu nomeõrẽ ãrĩyupu doja:

—Yure buremusiã, perebiri peamegue waabodeo tausũsiãa. Irasirigo òãrõ siñajãrĩ merã waaka! ãrĩyupu.

8

Nome Jesúre iritamudea

¹ Pũru Jesús paga makãrĩ marãrẽ, mutã makãrĩgã marãdere Marĩpu ìgũyarãrẽ doreri kerere weregorenagũ waayupu. Ìgũ buerã pe mojõma pere su gubu peru pẽrẽbejarã ìgũ merã waañurã. ² Nomede ìgũ merã waañurã. Pũrĩrikurã ããrĩnerã Jesús taunerã nome ããrĩnurã. Gajirã nome, wãtãa ñajãnerãrẽ Jesús béowiusũnerã ããrĩnurã. Sugo María Magdalena wãikũgo ããrĩyupo. Igo su mojõma pere gaji mojõ peru pẽrẽbejarã wãtããrẽ Jesús béowiusũdeo ããrĩyupo. ³ Gajigo Juana wãikũgo, Cuza wãikũgu marãpo ããrĩyupo. Cuza Herodeya wiigüe moãboerimasã opu ããrĩyupu. Gajigo Susana wãikũgo ããrĩyupo. Gajirã nomede wãrã Jesús merã waañurã ìgũ buerire pãduarã. Ìgũsã nome, ìgũsã opari merã Jesúre, ìgũ buerãdere iritamuñurã.

Jesús oterimasã keori merã buedea

(Mt 13.1-9; Mr 4.1-9)

⁴ Wãrã masaka wãri makãrĩ marã Jesús puo ìgũrẽ ìãduarã nerẽñurã. Ìgũsã wãrã nerẽmakũ, Jesús i keori merã ãsũ ãrĩ bueyupu ìgũsãrẽ:

⁵ —Sugu oterimasũ ìgũya oteri yerire meésirigu waakumi. Ìgũ meésiriwãgãmakũ, gaji yeri maague yurikoa. Masaka iri maague waarã, iro yuriadea yerire kũramutũkõãkuma. Mirãde iri yerire boka, baapeokõãkuma. ⁶ Gaji yeri ãtãyerikũrogue yurikoa. Iri yeri puriadikoa. Puriadi, deko marĩmakũ ñã, boakõãkoa. ⁷ Gaji yeri pora watopague yurikoa. Pora gapu puritarimãrĩa, oteri gapure wẽjẽkõãkoa. ⁸ Gaji yeri òãrĩ nikũgue yurikoa. Iri yeri òãrõ puri, wãri dukakũkoa. Su dupañu cien yerigora dukakũkoa, ãrĩyupu.

Iri keori merã were odo, ìgũsãrẽ turaro merã ãsũ ãrĩyupu doja:

—Musã gãmipũrĩ oparã, yu wererire pãduripĩka! ãrĩyupu Jesús masakare.

Jesús buerã ìgũrẽ: “¿Nasirigu keori merã bueri?” ãrĩ sãrẽñãdea

(Mt 13.10-17; Mr 4.10-12)

⁹ Pũru ìgũ buerã ìgũrẽ sãrẽñañurã:

—¿Naásũ ãrĩduaro iriari, guare mu wereadea? ãrĩñurã. ¹⁰ Jesús ìgũsãrẽ yujuyupu:

—Marĩpu ìgũyarãrẽ doregu ããrĩrĩrẽ iripoegue masĩbirideare dapagorare musãrẽ masĩmakũ yãmi. Gajirã gapure keori merã dita buea. Irasirirã ìgũsã Marĩpu iririre ìãkererã, ìãmasĩbirikuma. Ìgũyare pãkererã, pãmasĩbirikuma.

Jesús oterimasã keori merã ìgũ bueadeare: “Ãsũ ãrĩduaro yãa”, ãrĩ weredea

(Mt 13.18-23; Mr 4.13-20)

¹¹ Yu iri keori merã bueadea ãsũ ãrĩduaro yãa. Iri oteri yeri Marĩpũya werenĩrĩ irirosũ ããrã. ¹² Surãyeri masaka Marĩpũya werenĩrĩrẽ pãkererã, pãmasĩbema. Maa bũriri maa irirosũ ããrĩma. Ìgũya werenĩrĩrẽ pãdero puu, oteri yeri iri maague yuridea yerire mirã

baapeoderosũ, wātĩ ĩgũsã gũñarĩgue eja, ĩgũsã péadideare ĩmapeokõãmi. ĩgũsã Marĩpũre bũremubiri, tausũbirikõãburo, ãrĩgũ, irasũ yámi. ¹³ Gajirã masaka ũtãyerikũri yeba irirosũ ããrĩma. ĩgũsã Marĩpũya werenĩrĩrẽ ɥsũyari merã pékeremakũ, oteri yeri ũtãyerikũrogue yuriadero pũrũ, nugũrĩ marĩderosũ ĩgũsãrẽ waáa. Irasirirã yoaweyaripoe bũremuadima. Pũrũ Marĩpũyare iridũari waja gajirã ĩgũsãrẽ ñerõ irimakũ ĩãrã, mata ĩgũyare pirikõãma. ¹⁴ Gajirã masaka porakũri yeba irirosũ ããrĩma. Marĩpũya werenĩrĩrẽ pékererã, oteri yeri porakũrogue yuriadero pũrũ, pora gapũ puritarimãrĩa, wẽjẽderosũ, i ũmũmarẽ bũro gũñarikũma. Irasirirã wári oparire gũñataria, ĩgũsã gããmerõ iridũasĩã, Marĩpũya werenĩrĩrẽ kãtima. ¹⁵ Gajirã masaka õãrĩ nikũ irirosũ ããrĩma. Irasirirã Marĩpũya werenĩrĩrẽ õãrõ pérã, péduripĩma. Õãrĩ gũñarĩrẽ oparã, Marĩpũyare iridũarã ããrĩma. Gajirã ĩgũsãrẽ ñerõ irikeremakũ, ĩgũyare piribema. Wári õãrĩ dukakũdiñũ irirosũ ããrĩma, ãrĩyupũ.

Jesús sĩagodiru keori merã buedea

(Mt 5.15-16; Mr 4.21-25)

¹⁶ Pũrũ gaji keori merã bueyupũ doja:

—Masaka sĩagodirure sĩagorã, kõmesoro merã muúpĩbrikũma. Kãrĩrõ dokaguedere doobirikũma. Ũmarõ, wii dekogue siukũma. Irasirirã gajirã iri wiire ñajãrã, sĩagodiru ũjũgorore õãrõ ĩã, ñajãkũma. ¹⁷ ããrĩpereri masaka iripoegue masĩbirideare masĩsũrokoa. Masaka ĩãberogue duripĩdeare sĩagoro ããrĩrõgue ĩãmasĩrõ irirosũ masĩsũrokoa. Yayedea irirosũ neõ ããrĩbirikoa.

¹⁸ Irasirirã Marĩpũya werenĩrĩrẽ pérã, õãrõ pémasĩka! Irire õãrõ péduripĩgũnorẽ Marĩpũ wári pémasĩrĩ sĩnemogũkumi. Gajigũ õãrõ pébrikeregũ: “Masĩa yũ”, ãrĩ gũñami. ĩgũ irasũ ãrĩ gũñakeregũ, õãrõ pémasĩbemi. ĩgũ pémasĩadideare ĩmasũgũkumi. Irasirigũ neõ pémasĩbi dujagũkumi pama, ãrĩyupũ Jesús.

Jesús pago, ĩgũ pagupũrã merã ĩgũrẽ ĩãgõ ejadea

(Mt 12.46-50; Mr 3.31-35)

¹⁹ Pũrũ Jesús pago, ĩgũ pagupũrã merã ĩgũrẽ ĩãgõ ejayupo. Masaka wárã ĩgũ pũrogue ããrĩmakũ, ejamasĩbiriypo. ²⁰ Irasirigũ sugũ irogue ããrĩgũ Jesúsre wereyupũ:

—Mũpo, mũ pagupũrã merã mũrẽ ĩãũarã, masaka pũrũpũgue níama, ãrĩyupũ.

²¹ ĩgũ irasũ ãrĩmakũ pégu, Jesús ãsũ ãrĩ yũjũyupũ:

—Marĩpũya werenĩrĩrẽ õãrõ péduripĩrã, ĩgũyare õãrõ iritũyarã, yũpo, yũ pagupũrã irirosũ ããrĩma, ãrĩyupũ.

Jesús mirũ, makũrĩrẽ toemakũ iridea

(Mt 8.23-27; Mr 4.35-41)

²² Sunũ Jesús ditaru tũrogue ããrĩgũ, ĩgũ buerã merã doódirugue mũrĩñajãa, ĩgũsãrẽ:

—Náka, ditaru sipãrẽgue taribujarã! ãrĩyupũ.

—Jáũ, ãrĩ, waakõãñurã. ²³ Iro taribujagũ, Jesús kãrĩñajãkõãyupũ. Pũrũ ditaruguerẽ bũro mirũ waayuro. Doódiruguerẽ makũrĩ páñajãa, miũkõãdiyuro. Bũro goero waayuro ĩgũsãrẽ. ²⁴ Irasũ waamakũ ĩãrã, Jesúsre yobeñurã:

—Gũare buegũ, marĩ mirĩmurã yáa, ãrĩ gaguinĩñurã.

Ĩgũsã irasũ ãrĩmakũ pégu, Jesús yobe, mirũ, makũrĩrẽ toedoreyupũ. ĩgũ toedoremakũ, mirũ, makũrĩ bũro waadea toedijapereakõãyuro. ²⁵ Pũrũ ĩgũ buerãrẽ ãrĩyupũ:

—¿Mũsã yare bũremurĩ opaberi?

Ĩgũsã gapũ gũkanerã ããrĩsĩã, ĩãgũka, ĩgũsã basi gãme sërẽñañurã:

—¿Ñeémũno masakũ ããrĩrĩ ĩĩ? ĩgũ mirũrẽ, makũrĩrẽ toedoremakũ toedijakõãa, neõ tarinũgãbea ĩgũrẽ, ãrĩñurã.

*Jesús Gadaramurē wātēa ñajānerārē béowiudea
(Mt 8.28-34; Mr 5.1-20)*

²⁶ Puru Galilea nikū bokatīūrō, Gadara wāikurogue taribujajañurā. ²⁷ Jesús doódirugue āārādi majānugāmakū, sugu masakū iri makāmū ĩgū puro ejanugāyupu. ĩgū wātēa ñajāsūdero puru yoakōāyuro. Neō surí sãñabi, wiiguere āārībi, masāgoberi watopegue dita āārīgú āārīyupu.

²⁸⁻²⁹ Wātī masakure wári ñeā meémejānayupu. Irasirirā masaka ĩgūrē ñeā, ĩgūya mojóirē, guburidere kōmedari merā suanadiñurā ĩgūrē biadobomurā. ĩgū gapu ĩgūsā suarikū, tūātanokōāyupu. Irasirigu wātī ĩgūrē masaka marīrōgue waamakū irinayupu.

Jesús wātīrē: “Wirika mū ñajādire!” ārīyupu. Masakū Jesúre ĩāgū, ĩgū puro ñadukupuri merā ejamejā, buro gaguinīyupu:

—Jesús, ũmugasigue marā Opū āārīpererā nemorō turagu magū, ¿nasiribu yári mū yure? “Yure poyarikūmakū iribirikōāka!” ārī, buro sērēa, ārīyupu.

³⁰ Jesús ĩgūrē sērēñayupu:

—¿Ñeému wāikuri mū? ārīyupu.

—“Legión” wāikua yū, ārī yujuyupu. “Legión”, ārīrō: “wárā”, ārīduaro yáa. Wárā wātēa ñajasūdi āārīsā, irasū wāikuyupu. ³¹ Wātēa masakugue ñajānerā Jesúre:

—Guare buro ũkūārī gobegue waadobirikōāka! ārī sērēñurā.

³² Iro ũtāūgue wárā yesea āma baarā iriñurā. ĩgūsārē ĩārā, wātēa Jesúre sērēñurā:

—Yeseague guare ñajādoreka!

—Jáu, ĩgūsāguereta ñajārā waaka! ārīyupu. ³³ ĩgū irasū ārīmakū, wātēa masakugue āārānerā wirirā, yeseague ñajāñurā. ĩgūsā ñajāmakū, yesea ũma mirēbuáa, ditarugue meébia dijáa, mirī boapereakōāñurā.

³⁴ Irasū waamakū ĩārā, yeseare korerimasā gukari merā ũmadujáa, ĩgūsāya makā marārē, iri makā turo marādere wererā waañurā. ³⁵ Irire pérā: “¿Naásū waáyuri?” ārī, Jesús puro ĩārā waañurā. Irogu eja, wātēa béowiusūdire bokajañurā. Jesús puro, suríro sãñadi, oārō pémasīrī merā doayupu. Masaka ĩgūrē ĩārā, buro güiri merā ĩāñurā.

³⁶ Wātēārē béowiumakū ĩānerā irogu ejarārē irire wereñurā.

³⁷ Irire pérā, āārīpererā Gadara nikū marā buro güisā, Jesúre: “Waaka oōrē!” ārīñurā. ĩgūsā waadoremakū pégu, Jesús doódirugue marīñajāyupu.

³⁸ ĩgū marīñajāmakū ĩāgū, wātēa béowiusūadi Jesúre:

—Yude mū merā waadukoa, ārī sērēadiyupu.

Jesús gapu ĩgūrē ārīyupu:

—Yū merā waabirikōāka! ³⁹ Muya wiigugue goedujáaka! Āārīpereri Marīpu murē oārī iriadeare weregu waaka! ārīyupu.

ĩgū irasū ārīmakū pégu, ĩgūya makāgue waakōāyupu. Irogu eja, Jesús ĩgūrē oārī iriadeare āārīpererā ĩgūya makā marārē wereyupu.

*Jesús Jairo magōrē, gajigo nomeō ĩgūya suríro moāñagōrē taudea
(Mt 9.18-26; Mr 5.21-43)*

⁴⁰ Jesús Gadara nikūgue āārīripoe wárā masaka Galilea nikūgue ĩgūrē yúrā iriñurā. Irasirirā, ĩgū taribujajamakū ĩārā, buro usuyari merā bokatīrñurā. ⁴¹ Iripoere sugū judío masaka nerērī wii opu Jairo wāikugu Jesús purogue ejayupu. Eja, Jesúsya guburi puro ñadukupuri merā ejamejāja, ĩgūrē: “Yaa wiigugue waaka!” ārī, buro sērēyupu. ⁴² ĩgū magō buro sīrīgō kōmorī purogāgue āārīyupo. Igo sugota āārīyupo. Pe mojóma pere su gubu peru pērēbejari bojori opayupo. Jesús Jairoya wiigugue waamakū, wárā masaka ĩgūrē kñarōgā tuuyañurā.

⁴³ ĩgūsā watopegue sugo nomeō pe mojóma pere su gubu peru pērēbejari bojorigora dí wiriri merā purīrikugo āārīyupo. Irasirigo igo opadea niyerure kūrirmasārē wajari

peremejākōāyupo. Īgūsā kúrikeremakūta, igo pūrīrikuri neō taribiriyuro. ⁴⁴ Jesús iro waamakū ĩāgō, ĩgū pũrũpũ gapũ waa ejanũgā, ĩgũya suriro yuware moāñayupo. Igo moāñamakūta, igo dí wiririadea tariakōāyuro.

⁴⁵ Irasirigu Jesús sērēñayupũ:

—¿Noā yũre moāñarĩ? ārĩyupũ.

Āārĩpererā: “Gũa neō moāñabea”, ārĩñurā.

Pedro, ĩgũ merāmarā merā:

—Gũare buegũ, ¿nasirigu irasũ ārĩ sērēñarĩ? Masaka wārā kũñarōgā tuuyama mũrē, ārĩñurā.

⁴⁶ Jesús gapũ ĩgūsārē ārĩyupũ:

—Sugo nomeō moāñañumo yũre. Igo moāñamakū, yũ turari merā igo pūrīrikurire tauayo. Irire masĩa yũ, ārĩyupũ.

⁴⁷ ĩgũ irasũ ārĩmakū pégo: “Yũ iriadeare masĩmi”, ārĩ gũña, bũro gũi naradari merā ĩgũ guburi pũro ñadũkupuri merā ejamejāja, āārĩpererā péuro Jesúre: “Yũ mũya surirore moāñamakūta yũ pūrīrikũadea tariakōābũ”, ārĩ weryupo. ⁴⁸ Jesús igore ārĩyupũ:

—Mũ yũre bũremurĩ opáa. Irasirigo mũ pūrīrikurire tausũa. Ũsũyari merā waaka! ārĩyupũ.

⁴⁹ Jesús irasũ ārĩripoe sugũ masakũ Jairoya wii āārādi ejayupũ, Jairore weregũ ejagũ:

—Mũ magō kōmoakōāmo. Marĩrē buegũre garibonemobirikōāka! ārĩyupũ.

⁵⁰ ĩgũ irasũ ārĩmakū pégũ, Jesús Jairore āsũ ārĩyupũ:

—Gũibirikōāka! Bũremurĩ opaka yũre! Mũ magō tarigokumo, ārĩyupũ.

⁵¹ Irasirigu Jairoya wiigue eja, gajirārē ñajādobiriyupũ. Pedrore, Juārē, ĩgũ tĩgũ Santiagore, boadeo pagusāmarā ditare siiu ñajāyupũ. ⁵² ĩgūsā ñajājaripoere āārĩpererā iri wiigue āārĩrā bũro orerā iriñurā. Jesús ārĩyupũ ĩgūsārē:

—Orebirikōāka! Majĩgō boabemo. Kārĩgō yámo.

⁵³ ĩgũ irasũ ārĩmakū pérā, oeanerā gapũ ĩgũrē bũriñurā. “Igo boadeare masĩa gũa”, ārĩ gũñañurā. ⁵⁴ Jesús gapũ boadeo pũro ejanũgā, igoya mojōrē ñeā, turaro merā igore āsũ ārĩyupũ:

—Majĩgō, wāgānũgāka!

⁵⁵ ĩgũ irasũ ārĩmakū, igoya yũjupũrā goeyuro. Irasirigo mata wāgādoakōāyupo. Jesús igo pagusāmarārē: “Baari ejoka igore!” ārĩyupũ. ⁵⁶ Igo okamakū ĩārā, igo pagusāmarā gũkatariakōāñurā. Jesús igore ĩgũ masũadeare gajirārē weredobiriyupũ.

9

Jesús ĩgũ buerārē buedoregũ iriudea (Mt 10.5-15; Mr 6.7-13)

¹ Pũrũ Jesús ĩgũ buerārē pe mojōma pere su gubu peru pērēbejarārē siiu need, ĩgũ turarire sĩyupũ: “Iri turari merā āārĩpererā wātēārē béowiumasĩrākoa. Pūrĩrĩdere tau-masĩrākoa”, ārĩyupũ. ² Irasirigu ĩgūsārē Marĩpũ ĩgũyarārē doreri kerere weredoregũ, pūrīrikurādere taudoregũ āsũ ārĩ iriuyupũ:

³ —Waarā, gajinorē neō āābirikōāka! Mũsā tuadire, ajuro, baari, niyeru, gaji surĩ mũsā gorawayuburidere āābirikōāka! ⁴ Makā ejarā, mũsā ejadea wiita āārĩkōāka! Iri makārē waarāgue iri wiire wirika! ⁵ Gaji makā marā masaka mũsārē gāāmebirimakū, iri makārē diayeta tariakōāka! Irasũ tariarā, nikũwera mũsāya guburigue tuadeare mojēbéokōāka! ĩgūsā mũsārē gāāmebiri waja Marĩpũ ĩgūsārē wajamoāburire masĩburo, ārĩrā, irasirika! ārĩyupũ Jesús.

⁶ ĩgũ irasũ ārĩ odoadero pũrũ, waakōāñurā. Irasirirā āārĩpereri makārĩgue Marĩpũ masakare tauri kerere weregorenarā, pūrīrikurādere taugorenarā waañurā.

Juan masakare wāīyerimasā boadea
(Mt 14.1-12; Mr 6.14-29)

⁷ Iripoere Galilea nikū marā opu Herodes āārīpereri Jesús iriri kerere péyupu. Gajirā Jesúre masīmerā: “Īgū, Juan masakare wāīyerimasāta boadigue masādi āārīkumi”, ārīñurā. Herodes gapu irire pégu: “¿Nasiriro irasū waáari?” ārī, buro gūñarikuyupu. ⁸ Gajirā: “Elías iripoegue āārīunadi deyoakumi”, ārīñurā. Gajirā: “Sugu Marīpuya kerere weredupiyudi iripoegue āārīunadi masākumi”, ārīñurā. ⁹ Herodes gapu āsū ārīyupu: “Yuta Juārē Īgūya dipurure dititádorebu. ¿Niino gapu āārībukuri iropa wári werenisūgū?” ārīyupu. Irasirigu Jesúre buro ĩaduadiyupu.

Jesús cinco mil āmarē baari ejodea
(Mt 14.13-21; Mr 6.30-44; Jn 6.1-14)

¹⁰ Jesús ĩgū buerā buedoregu iriunerā goedujajarā, ĩgūsā irideare werepeokōāñurā ĩgūrē. Pupu Jesús ĩgūsārē masaka marīrōgue Betsaida wāīkuri makā turogue siuayupu.

¹¹ ĩgūsā iroque waarī kerere pérā, wārā masaka Jesúre tuyañurā. Jesús ĩgūsārē ōādore, Marīpu ĩgūyarārē doreri kerere wereyupu. Pūrīrikurā ĩgūrē taudorerārē tauyupu.

¹² Namika āārīmakū, Jesús buerā pe mojōma pere su gubu peru pērēbejarā ĩgū puro eja, ĩgūrē ārīñurā:

—Masakare waadoreka! Ōō puro āārīrī makārīma wiirigue ĩgūsā kārīrī, baari āmarā waaburo. Ōō marī āārīrōguere neō gajino máa, ārīñurā.

¹³ Jesús gapu ārīyupu:

—Musā ĩgūsārē baari sīka!

Īgūsā yujūñurā:

—Gua pā duparu su mojōma duparuta, waaídere pērāta opáa. Mérōgā baari āārā. Masaka gapu wārāgora āārīma. Irasirirā gua gaji baari wajarirā waamerā ĩgūsārē ejobirikoa, ārīñurā.

¹⁴ Wārā masaka āārīñurā ĩgūsā merā. Ūma ditare keomakū, cinco mil āārīñurā. Irasirigu Jesús ĩgū buerārē ārīyupu:

—Masaka āārīpererārē boje yebori cincuenta dita dukawa, ĩgūsārē doadoreka! ārīyupu.

¹⁵ Irasirirā ĩgū buerā ĩgū ārīrōsūta āārīpererā masakare doadoreñurā. ¹⁶ Masaka doapere-makū, Jesús su mojōma pā duparure, pērā waairé āi, ūmugasigue ĩāmu, Marīpura usuyari sī, irire peayupu. Pea, ĩgū buerārē masakare gueredoregu sīyupu. ¹⁷ Irasirirā āārīpererā masaka irire baayapiakōāñurā. Pupu ĩgūsā baaduāadeare Jesús buerā pe mojōma pere su gubu peru pērēbejari puuirigora seasā utudoboñurā.

Pedro Jesúre: “Mú Cristo āārā”, ārī werede
(Mt 16.13-19; Mr 8.27-29; Jn 6.68-69; 12.24-25)

¹⁸ Gajinu Jesús ĩgū sugata Marīpura sērēgū iriyupu. ĩgū buerā ĩgū merā āārīñurā. Irasirigu Jesús ĩgūsārē āsū ārī sērēñayupu:

—Masaka yure, ¿naásū ārī gūñarī? ārīyupu.

¹⁹ ĩgūsā yujūñurā:

—Surāyeri mūrē: “Juan, masakare wāīyerimasā āārīmi”, ārīma. Gajirā: “Elías iripoegue āārīunadi āārīmi”, gajirā: “Sugu Marīpuya kerere weredupiyudi iripoegue āārīunadi, masādi āārīmi”, ārīma, ārīñurā.

²⁰ Irasū ārīmakū, Jesús ĩgūsārē sērēñayupu:

—Musākoa yure, ¿naásū ārī gūñarī? ārīyupu.

Pedro ārīyupu ĩgūrē:

—Mú, Marīpu iriudi, Cristo āārā, ārīyupu.

Jesús ĩgū boaburire werede
(Mt 16.20-28; Mr 8.30-9.1; Jn 12.24-25)

²¹ Pedro irasũ ārĩrĩrē pégu, Jesús ĩgũ buerārē buro turaro merā: “Gajirārē ire were-birikōāka!” ārĩyupũ. ²² Irasũ ārĩ odo, āsũ ārĩyupũ doja:

—Yure āārĩpererā tĩgũrē buro ñerō tariro āārā. Judío masaka mūrā, paía oparā, Moisés gojadeare buerimasā yure gāamebirisā, gajirārē yure wējēdorerākuma. ĩgũsā yure wējēadero pũũ, urenũ waaró merā Marĩpũ yure masũgũkumi, ārĩyupũ.

²³ Pũũ āārĩpererā masakare ārĩyupũ:

—Yure tũyadũarāno ĩgũsā iridũarire piriburo. Irasirirā yure tũyari waja curusague pábiatú, wējēsũmurā irirosũ āārĩkererā, piriro marĩrō yure tũyanĩkōāburo. ²⁴ I ũmũgue ĩgũsāya okari ditare maĩrāno perebiri peamegue béosũrākuma. Gajirā gapũ yure tũyari waja, masaka ĩgũsārē wējēkeremakũ, Marĩpũ pũrogoe waarākuma, ĩgũ merā ōārō āārĩnĩmurā. ²⁵ Sugũ masakũ i ũmũmarē āārĩpereri opakeregũ, ĩgũ boari pũũ waaburi gapũre gũñabiri waja peamegue waagú, ōārĩrē neō wajatabirikumi. ²⁶ Masaka yure, yaa kerere gũyasĩrĩmakũ, yude ĩgũsārē gũyasĩrĩgũkoa. Yũ āārĩpererā tĩgũ yũ goesiriri merā, Yũpũ, ĩgũrē wereboerā ōārā goesiriri merā dupaturi aarigũkoa. Irasũ aarigú, yure gũyasĩrĩnerārē gũyasĩrĩgũkoa. ²⁷ Diayeta mũsārē werea. Surāyeri mũsā ōōgue āārĩrā, mũsā boaburi dupiyuro Marĩpũ ĩgũyarārē doregũ āārĩrĩrē ĩārākoa, ārĩyupũ Jesús.

Jesús ĩgũ deyori gorawayudea
(Mt 17.1-8; Mr 9.2-8)

²⁸ ĩgũ irasũ ārādero pũũ su mojōma pere gaji mojō urenũ pērēbejarinũrĩ waadero pũũ, Jesús ũtāũ wekague Marĩpũre sērēgũ waagú, Pedro, Santiago, Juārē siiu marĩayupũ.

²⁹ Irogoe Marĩpũre sērēripoe ĩgũya diapu deyori gorawayuakōāyuro. ĩgũya surĩro buro borero kũmijũrĩñe waayuro. ³⁰ Irasũ waaripoe ĩgũ pũro ũma pērā deyoa, ĩgũ merā weretamunĩñurā. ĩgũsā iripoegue marā Moisés, Elías āārĩñurā. ³¹ ĩgũsāde goesiriri merā deyoañurā. Iripoegue: “ĩgũrē āsũ waarokoa”, ārĩderosũta Jerusalēgue ĩgũ boaburire Jesús merā werenĩñurā.

³² Pedrosā buro wũjakũkererā, kārĩrō marĩrō Jesús goesiririre, ĩgũ merā āārĩrārē ĩañurā. ³³ Moisés, Elías Jesús pũro āārānerā waaripoe Pedro ārĩyupũ:

—Guare buegũ, marĩ ōōgue āārĩmakũ ōātaridũáa. Irasirirā ure wiigā irirāra. Mũya wii, Moiséya wii, Elíaya wii irirāra, ārĩyupũ.

ĩgũ irasũ ārĩkereguta, ĩgũ ārĩrĩrē neō pémasĩbiriyupũ. ³⁴ ĩgũ irasũ ārĩripoe su yebo ĩĩmikāyebo túbiayuro ĩgũsārē. Iri ĩgũsārē túbiamakũ, buro gũĩñurā. ³⁵ Marĩpũ ĩĩmikāyebo poekague āsũ ārĩ werenĩmakũ péñurā:

—Ī yũ magũ, yũ beyedi āārĩmi. ĩgũrē ōārō péka! ārĩyupũ.

³⁶ Marĩpũ werenĩadero pũũ, Jesús ditare ĩañurā. Pedrosā gapũ Jesús i nikũgue āārĩrĩñurĩrē neō sugũ masakũre ĩgũsā ĩādeare werebiriñurā.

Jesús sugũ majĩgũrē wātĩ ñajāsũdire taudea
(Mt 17.14-21; Mr 9.14-29)

³⁷ Gajinũ gapũ ĩgũsā ũtāũgue āārānerā dijijadero pũũ, wārā masaka Jesúre bokatĩrĩñurā. ³⁸ Sugũ masakũ ĩgũsā watopegue āārĩgú turaro merā ārĩyupũ:

—Guare buegũ, yũ marē buro sērēa. Yũ magũ suguta āārĩgũrē bopoñarĩ merā ĩāka!

³⁹ Wātĩ ĩgũrē ñeā, gũñaña marĩrō gaguinĩ, naradamakũ irinami. Irasirigũ majĩgũ ĩgũya disigue sũmu wirisũnami. Wātĩ ĩgũrē buro ñerō tarimakũ irinami. ĩgũrē neō piridũabemi.

⁴⁰ Mũ buerārē wātĩrē buro béowiudoreadabũ. ĩgũsā neō bokatĩũbirama, ārĩyupũ.

⁴¹ Jesús yũjũyupũ:

—Mũsā dapagora marā, yure bũremurĩ opamerā, diayemarē neō pémasĩmerā āārā. ¿Noópa yoaripoe mũsā merā āārĩgũkuri? ¿Noópa yoaripoe mũsā yure bũremubirire gũñaturagũkuri? ārĩyupũ. Irasũ ārĩ odo, wātĩ ñajāsũdi pagure:

—Mũ magũrē āirika! ārĩyupũ.

⁴² Majīgũ Jesús pũro waa ejanugãmakũ, wãtĩ ĩgũrẽ yebague túmeépikõãyupũ. ĩgũrẽ dupaturi bũro naradamakũ iriyupũ. Jesús gapũ wãtĩrẽ: “Majĩgũrẽ wirika!” ãrĩ, tauyupũ. Irasiri odo, ĩgũrẽ pagũre wiayupũ. ⁴³ Masaka ããrĩpererã Marĩpũ wãri turari merã iririre ĩãrã, ĩãgukakõãñurã.

Jesús dupaturi ĩgũ boaburire weredea
(Mt 17.22-23; Mr 9.30-32)

Ĩgũsã ããrĩpererã Jesús iriadeare: “Õãtaria”, ãrĩ gũñaripoeta Jesús ĩgũ buerãrẽ ãrĩyupũ:

⁴⁴ –Yũ musãrẽ wererire õãrõ pèduripĩka! Kãtibirikõãka! Masaka yũre ããrĩpererã tĩgũrẽ ñeã, gajirãguere wiarãkuma, ãrĩyupũ.

⁴⁵ ĩgũsã gapũ ĩgũ irasũ ãrĩrĩrẽ õãrõ pèmasĩbiriñurã. Marĩpũ ĩgũsãrẽ irire pèmasĩmakũ iribiriyupũ dapa. Irasirirã Jesúre gũirã: “¿Naásũ ãrĩduagu iriari, mũ irasũ ãrĩgũ?” ãrĩ sèrẽñabiriñurã.

Jesús sugũ gajirã nemorõ ããrĩgũyamarẽ weredea
(Mt 18.1-5; Mr 9.33-37; Jn 13.20)

⁴⁶ Pũrũ ĩgũ buerã ãsũ ãrĩ guaseonugãñurã: “Marĩ watopere, ¿noã marĩ ããrĩpererã nemorõ ããrĩrĩ?” ãrĩñurã. ⁴⁷ Jesús ĩgũsã gũñarĩrẽ ĩãmasĩkõãyupũ. Irasirigũ sugũ majĩgũrẽ ĩgũ pũro ãĩnú, ãrĩyupũ:

⁴⁸ –Sugũ yaagũre, ĩĩ majĩgũ irirosũ ããrĩgũrẽ õãrõ bokatĩrĩñeãgũ, yũdere bokatĩrĩñeãmi. Yũre õãrõ bokatĩrĩñeãgũ, yũre iriudidere bokatĩrĩñeãmi. Sugũ musã watopemũ: “Gajirã nemorõ ããrĩbea”, ãrĩ gũñagũ, gajirã nemorõ ããrĩmi, ãrĩyupũ.

Jesús: “Marĩrẽ ĩãturibi, marĩ merãmũ ããrĩmi”, ãrĩ weredea
(Mr 9.38-40)

⁴⁹ Pũrũ Juan Jesúre ãrĩyupũ:

–Guare buegũ, sugũ masakũ mũ wãĩ merã wãtẽãrẽ: “Wirika musã ñajãdire!” ãrĩ béowiumakũ ĩãbũ. ĩgũ, marĩ merãmũ ããrĩbirimakũ ĩãrã, ĩgũrẽ: “Irire neõ irinemobirikõãka!” ãrãbũ, ãrĩyupũ.

⁵⁰ Jesús gapũ ãrĩyupũ:

–Kãmutabirikõãka ĩgũrẽ! Sugũ marĩrẽ ĩãturibi, marĩ merãmũta ããrĩmi, ãrĩyupũ.

Jesús Santiagore, Juãrẽ weredea

⁵¹ Pũrũ Jesús ãmũgasigue mũrĩaburi dupiyuro ejawãgãrĩripoe: “Jerusalẽgue waagũra”, ãrĩyupũ. ⁵² ĩgũ waaburi dupiyuro gajirãrẽ Samaria nikũgue ããrĩrĩ makãgue ĩgũ kãrĩburore ãmayudoregũ iriuyupũ.

⁵³ Samaria marã gapũ judío masaka merã gãmesũribirisĩã, Jesús Jerusalẽgue waaburire pèrã, ĩgũrẽ bokatĩrĩñeãduabiriñurã. ⁵⁴ Jesús buerã Santiago, Juan Samaria marã ĩgũrẽ bokatĩrĩñeãduabirimakũ ĩãrã, ãsũ ãrĩñurã:

–Gũa Opũ, ¿iripoegue Elías Marĩpũya kerere weredupiyudi iriderosũ, ãmũgasima peamerẽ diju, ĩgũsãrẽ wẽjẽdoremakũ gããmekuri? ãrĩñurã.

⁵⁵ ĩgũsã irasũ ãrĩmakũ pé, Jesús ĩgũsãrẽ gãmenugã, ĩã, ãrĩyupũ:

–Irasũ ãrĩbirikõãka! Musãrẽ irasũ werenĩmakũ irigũre masĩbea. Musã werenĩrĩ Õãgũ deyomarĩgũ wereri ããrĩbea. ⁵⁶ Yũ ããrĩpererã tĩgũ masakare béogũ aaribiribũ. ĩgũsãrẽ taugũ aarigũ iribũ, ãrĩyupũ. Irasũ ãrĩ odo, gajĩ makãgue waakõãyupũ doja.

Gajirã Jesúre: “Mũrẽ tũyadũakoa”, ãrĩdea
(Mt 8.19-22)

⁵⁷ ĩgũsã maague waamakũ, sugũ masakũ ĩgũsã pũro eja, Jesúre ãrĩyupũ:

–Yũ Opũ, mũ noó waaró mũrẽ tũyagũra, ãrĩyupũ.

⁵⁸ Jesús ĩgũrẽ yũjũyupũ:

—Makānūu marā diayéa ĩgūsā kārĩrĩ toreri opama. Mirāde ĩgūsā kārĩrõ opama. Yu āārĩpererā tĩgũ gapu kārĩrõ opabea, ārĩyupu.

⁵⁹ Pupu Jesús gajigure ārĩyupu:

—Náka, yu merā!

Ĩgũ gapu yujyupu:

—Yu Opu, yupu boamakū ĩgūrē yáa odo, mūrē tuyagura, ārĩyupu.

⁶⁰ Jesús ĩgūrē yujyupu:

—Yure b̄remumerā, boanerā irirosū āārĩrāta boanerārē yáburo. Mu gapu Marĩpu ĩgũyarārē doreri kerere weregu aarika! ārĩyupu.

⁶¹ Gajigu Jesúsre ārĩyupu:

—Yu Opu, mūrē tuyagura. Yu mūrē tuyaburi dupiyuro yaa wii marārē seretugu waadukoa dapa, ārĩyupu.

⁶² Jesús ĩgūrē ārĩyupu:

—Sugu masakū moānugāgũ waadi, moādubi gāmenugādujāagu, moābirikumi. Marĩpu dorerire irituyanugāgũ, ĩgũ gāāmerĩrē piribi, gāmenugādujāagu irirosū āārĩkumi. Irasirigu Marĩpuyare oārõ irituyabirikumi, ārĩyupu.

10

Jesús setenta y dos ĩgũ buerārē iriudea

¹ Pupu marĩ Opu Jesús gajirā setenta y dos ūmarē beye, pērā dita dukawa, ĩgūsārē āārĩpereri ĩgũ waaburi makārĩguere ² āsũ ārĩ iriuyupu:

—Wārā masaka Marĩpuyare neõ pémerā, poeque oteri duka b̄ribejadea irirosū āārĩma. ĩgūsārē Marĩpuyare weremurā gapu, iri pooere moārĩmasā irirosū mérāgā āārĩma. Irasirirā marĩ Opure: “Gajirā m̄yare weremurārē iriuka!” ārĩ sērēka! ³ M̄sāde Marĩpuyare wererā waaka! Oveja majĩrārē makānūu marā diayéa watopegue iriurosū yu m̄sārē ñerā āārĩrõguere iriua, Marĩpuyare weredoregu. ⁴ M̄sāya ajuri, niyeru āābirikõāka! Gubu suri, m̄sā sāñarĩ merā dita waaka! Maague masakare bokajarā, oādore yoaripoe weretamunĩbirikõāka!

⁵ ‘Su wiino ñajārā, iri wii marārē: “Marĩpu m̄sārē siñajārĩ s̄buro”, ārĩ oādorep̄rorika!

⁶ Iri wii marā Marĩpu siñajārĩ s̄rĩrē opaduarā m̄sārē oārõ bokatĩrĩñeārā, Marĩpu siñajārĩ s̄rĩ merā oārõ āārĩrikurākuma. M̄sārē gāamemerā, i siñajārĩ merā āārĩbirikuma. ⁷ M̄sā ejadea wiita dujaka! Iri wii marā m̄sārē ejorire baa, iirika! Sugu moārĩmasū ĩgũ moārĩ waja keoro wajatakumi. M̄sā Marĩpuyare buerā, moārĩmasā irirosū āārā. M̄sārē iri wii marā ejori, m̄sā ĩgūsārē Marĩpuyare bueri waja āārā. Irasirirā gaji wiirigue āārĩgorenabirikõāka! ⁸ M̄sā su makāgue ejarā, iro marā m̄sārē oārõ bokatĩrĩñeā, ĩgūsā baari ejomakū, oārõ baaka! ⁹ Iri makā marā p̄rĩrikurārē tauka! Āsũ ārĩ wereka: “Mérõ d̄yāa, Marĩpu doreri m̄sā p̄roque aariburo”, ārĩka!

¹⁰ ‘Gaji makāgue m̄sā ejamakū, iro marā m̄sārē bokatĩrĩñeābirimakū, wiriwāgārā, āsũ ārĩka ĩgūsārē: ¹¹ “M̄sāya makāma nikūwera guaya guburire tuadeare mojēbéoa. M̄sā guare gāāmebiri waja Marĩpu m̄sārē wajamoāburire masĩmakū irirā, irasū yáa. Ire oārõ pémasĩka! M̄sā guare gāāmebirikeremakū, mérõ d̄yāa, Marĩpu doreri aariburo”, ārĩka ĩgūsārē! ¹² M̄sārē werea. Marĩpu āārĩpererā ñerārē wajamoārĩnu ejamakū, m̄sārē gāāmebirinerārē Sodoma marārē wajamoārõ nemorõ wajamoāgukumi, ārĩyupu Jesús.

Jesús makārĩ marārē ĩgūsā ĩgūrē b̄remubirire weredea (Mt 11.20-24)

¹³ Pupu Jesús gaji makārĩ marārē āsũ ārĩyupu:

—M̄sā Corazín marā, Betsaida marāde ñerõ tarirākoa. Iripoegue marā Tiro, Sidón marā, m̄sā ĩūrõ Marĩpu ĩgũ turari merā iri ĩmurõsū iri ĩmumakū ĩārā, ĩgūsā ñerõ irideare piribonerā āārĩmā. ĩgūsā ñerõ irideare b̄ro b̄jawererire ĩmurā, b̄jawereri suri sāña,

nitikurogue doabonerã ããrĩmá. Ìgũsã ñerõ irideare piri, õãrĩ gapure iribonerã ããrĩmá. Mũsã gapu Marĩpu turari merã iri ìmurĩrẽ ìãkererã, mũsã ñerõ iririre neõ piribea. ¹⁴ Irasirigu mũsãrẽ werea. Marĩpu Ìgũ ããrĩpererã ñerãrẽ wajamoãrĩnũ ejamakũ, Tiro, Sidón marãrẽ wajamoãrõ nemorõ mũsãrẽ wajamoãgukumi. ¹⁵ Mũsã Capernaum marã: “Ûmugasigue mũrĩãrãkoa”, ãrĩ gũñadãa. Iroguere neõ waabirikoa. Boanerã ããrĩrõgue béodijusũrãkoa, ãrĩyupu.

¹⁶ Irasũ ãrĩ odo, Ìgũ buerãrẽ ãrĩyupu:

—Mũsã wererire péduripirãno yu wereridere péduripíma. Mũsãrẽ gããmemerãno yudere gããmebema. Yure gããmemerãno yure iriudidere gããmebema, ãrĩyupu.

Jesús setenta y dos iriunerã goedea

¹⁷ Pũpu Jesús setenta y dos iriunerã buro usuyari merã goejañurã:

—Gũa Opũ, wãtẽãrẽ mu dorero merã, mu wãĩ merã gũa béowiumakũ, õãrõ yujũama, ãrĩñurã.

¹⁸ Jesús ãrĩyupu Ìgũsãrẽ:

—Bupu miãrõ irirosũ wãtẽa opu Satanás ùmugasigue ããrãdi, yurimadijarimakũ ìãbũ.

¹⁹ Õãrõ péka! Yu mũsãrẽ turari sĩbũ, ãñarẽ, korebabare kũrapeo, ããrĩpereri wãtĩ turaridere neõ ñerõ irisũrõ marĩrõ tarinũgãburo, ãrĩgũ. ²⁰ Mũsã wãtẽãrẽ wiridoremakũ Ìgũsã õãrõ yujũadeare usuyabirikõãka! Mũsã Marĩpuyarã ããrĩmakũ, ùmugasigue mũsã wãĩ gojatúsũdero ããrĩbũ. Iri gapure usuyaka! ãrĩyupu.

Jesús Ìgũ Pagure usuyari sĩdea

(Mt 11.25-27; 13.16-17)

²¹ Ìgũ irasũ ãrĩripoe Õãgũ deyomarĩgũ Jesúre buro usuyamakũ iriyupu. Irasirigu Jesús Ìgũ Pagure ãsũ ãrĩyupu:

—Aũ, yu mũrẽ: “Õãtaria mu”, ãrĩ, usuyari sĩa. Mu ùmugasĩ marã, i nikũ marã Opũ ããrã. Irasirigu: “Masĩtarinũgãrã, ããrĩpererire pémasĩa”, ãrĩ gũñãrãrẽ mũyare masĩmakũ iribea. Majĩrã irirosũ mũrẽ buremurã gapure mũyare masĩmakũ yãa. Aũ, irasũta ããrã. Mu gããmederosũta usuyari merã irasũ yãa, ãrĩyupu.

²² Pũpu masakare ãrĩyupu:

—Yupu yure ããrĩpereri irimasĩrĩrẽ sĩmi. Neõ sugũ masakũ yu ããrĩrikũrere masĩbemi. Yupu dita masĩmi. Neõ sugũ masakũ Yupu ããrĩrikũrere masĩbemi. Yu dita masĩa. Yu Ìgũrẽ masĩdorerãde Ìgũrẽ masĩma, ãrĩyupu.

²³ Irasũ ãrĩ odo, Ìgũ buerãrẽ ìã, Ìgũsã ditare ãsũ ãrĩyupu:

—Mũsãya koye merã yure ìãa. Irasirirã usuyãa. ²⁴ Mũsãrẽ werea. Wãrã iripoegue marã Marĩpuya kerere weredupiyunerã, irasũ ããrĩmakũ oparã iripoegue ããrĩnerã mũsã dapagora ìãrĩrẽ ìãdũanerã ããrãdima. Irire ìãdũakererã, ìãbirinerã ããrĩmá. Mũsã dapagora périre pédũakererã, pébirinerã ããrĩmá, ãrĩyupu.

Jesús õãgũ Samariamũ keori merã weredeã

²⁵ Pũpu sugũ Moisés gojadeare buerimasũ Jesúre diaye yujũbirimakũ iridũagu wãgãnũgã, Ìgũrẽ ãsũ ãrĩ sêrẽñayupu:

—Buegũ, ¿ñeonorẽ yure iriro gããmerĩ, ùmugasigue perebiri okari opabu? ãrĩyupu.

²⁶ Jesús Ìgũrẽ yujũyupu:

—¿Naásũ ãrĩ gojasũyuri, Moisés gojadeã pũgue? Mu irire buegũ, ¿naásũ péñarĩ? ãrĩyupu.

²⁷ Moisés gojadeare buerimasũ Ìgũrẽ yujũyupu:

—Ãsũ ãrĩ gojasũdero ããrĩbũ: “Marĩpu mu Opũre buro maĩka! Mũya yujũpũrã merã, mu ããrĩrikũri merã, mu turari, ããrĩpereri mũya gũñarĩ merã Ìgũrẽ maĩka! Mu basi maĩrõsũta mu puo ããrĩãdere maĩka!” ãrĩ gojasũdero ããrĩbũ, ãrĩyupu.

²⁸ Irire pégu, Jesús Ìgũrẽ ãrĩyupu:

—Diyeta yujũa mu. Irire irigu, ùmugasigue perebiri okarire opagũkoa, ãrĩyupu.

29 Moisés gojadeare buerimasũ gapu masaka igũrẽ: “Oãgũ aãrĩmi”, aãrĩ gũñamakũ gããmegũ, Jesũre sãrẽñayupu doja:

—¿Noã aãrĩrĩ, yu puo aãrĩrã? aãrĩyupu.

30 Igũ irasũ aãrĩmakũ pẽgu, Jesũs keori merã wereyupu igũrẽ:

—Sugu masakũ Jerusalẽgue aãrãdi Jericó waarĩ maague buáakumi. Igũ iroque buáamakũ, yajarimasã igũrẽ bokatĩrĩ, ñeã, igũ opadea aãrĩpererire emapeo, igũya suridere túwea, aã, igũrẽ buro pá, kãmitú, waakõakuma. 31 Igũsã irasũ iriadero puu, sugu paĩ iri maarẽ waakumi. Igũrẽ iãkeregũ, yoarogue iãtariakõakumi. 32 Igũ puu, gajigu Levíya bumũ iri maarẽ waakumi. Igũde igũrẽ iãkeregũ, yoarogue iãtariakõakumi. 33 Puu sugu Samariamũ iri maarẽ waakumi. Igũrẽ iãboka, buro bopoñarĩ merã igũrẽ iãkumi. 34 Irasirigu igũ puo waa ejanugã, igũya kãmirẽ uye, igui deko pãmudea merã pípeo, surĩ gasiri merã õmakumi. Oma odo, igũyagu burro wekague aãpeo, igũrẽ aãkõakumi. Aã, su wii naarĩmasã kãrĩrĩ wiigue eja, iroque igũrẽ korekumi dapa. 35 Gajinu gapu igũya niyeru penũ moã wajataropa iri wii opure sũkumi. “Oãrõ koreka iãrẽ!” aãrĩkumi. “Dupaturi aarigũ, mure wajarinemogura iãrẽ koreri waja”, aãrĩkumi, aãrĩyupu Jesũs. 36 Irire were odo, Moisés gojadeare buerimasũrẽ sãrẽñayupu:

—¿Naásũ gũñarĩ mu irire pẽgu? ¿Niĩno gapu iĩsã urerã watopemu yajarimasã pádire igũ puo aãrĩgũrẽ irirosũ õãrõ iriyuri? aãrĩyupu.

37 Moisés gojadeare buerimasũ yujuyupu:

—Igũrẽ bopoñarĩ merã iã iritamudi gapu, aãrĩyupu.

Igũ irasũ aãrĩmakũ, Jesũs igũrẽ aãrĩyupu:

—Mũde ñ bopoñarĩ merã iãdi iriderosũta gajirãrẽ irigu waaka! aãrĩyupu.

Jesũs Marta, Maríaya wiigue ejadea

38 Puu Jesũs igũ buerã merã waa, su makãgue ejayupu. Iri makãguere sugo Marta wãikugo igũrẽ bokatĩrĩñeã, igoya wiigue ñajãdoreyupu. 39 Jesũs iri wiigue ñajãjamakũ, Marta pagamo María wãikugo igũya guburi puo eja doayupu igũ werenĩrĩrẽ pẽduago. 40 Marta gapu aãrĩpereri igo moãrĩrẽ buro gũñarikuyupu. Irasirigo igo pagamo Jesũya guburi puo doamakũ iãgõ, igũ puo waa, igũrẽ aãrĩyupu:

—Gua opu, yu sugota aãrĩpererire moãgõ irikõãdáa. ¿Mu iãberi, yu pagamo yure neõ iritamubirimakũ? Igore iritamudoreka yure! aãrĩyupu.

41 Igo irasũ aãrĩmakũ pẽgu, Jesũs yujuyupu:

—Marta, mu wãri gajino moãrĩrẽ gũñarikua. 42 Su wãrẽta iriro gãamea marĩrẽ. María i õãrĩrẽ beyemo. Irasirirã, yu werenĩrĩrẽ igo pẽdamakũ, gajirã neõ igore irire pirimakũ iribirikuma, aãrĩyupu.

11

Jesũs Marĩpũre sãrẽrĩrẽ buedea

(Mt 6.9-15; 7.7-11)

1 Sunũ Jesũs gajiroque Marĩpũre sãrẽgũ iriyupu. Igũ sãrẽ odomakũ, sugu igũ buegu aãrĩyupu igũrẽ:

—Gua opu, Juan masakare wãiyerimasũ igũ buerãrẽ Marĩpũre sãrẽrĩrẽ buederosũ guadere bueka! aãrĩyupu.

2 Jesũs igũsãrẽ aãrĩyupu:

—Marĩpũre sãrẽrã, aãrĩrã:

“Gua puũ umugasigue aãrĩgũ, aãrĩpererã mure goepeyari merã buremuburo. Mu aãrĩpererãrẽ doreri aariburo. Umugasigue marã mu gããmerõ irirosũta i nikũ marãde iriburo.

3 Umuriku guare baari sũka!

4 Gajirã guare ñerõ irideare gua kãtirosũta mude gua ñerõ irideare kãtika! Gua ñerõ iridũamakũ kãmutaka!

Ñegũ guare ñerĩ ãrĩmesãrĩrẽ tau kãmutaka!” ãrĩka Marĩpũre sãrẽrã! ãrĩyupũ Jesús.

5 Irasũ ãrĩ odo, keori merã wereyupũ ãgũsãrẽ:

—Yũ ire weremakũ pãrã, ¿naásũ gũñarĩ mũsã? Ñami deko ããrĩmakũ, sugũ masaku ãgũ merãmũya wiigũe waa, ãgũrẽ ãsũ ãrĩ sãrẽkumi: “Yũ merãmũ, Ƴreru pã duparu sĩka yũre! 6 Gajigũ yũ merãmũ yaa wiigũe naagũ ejãami. Yũ ãgũrẽ gajino mẽrõ ejorino neõ opabirakubũ. Irasirigũ mũrẽ sãrẽgũ aarabũ”, ãrĩkumi. 7 ãgũ irasũ ãrĩmakũ pãkeregũ, wii poekague ããrĩgũ gapũ ãsũ ãrĩ yũjukumi: “Yũre garibobirikõãka! Makãpũrore õãrõ biakõãsiabũ. Yũ pũrã yũ merã kãrĩrãgũe yãma. Wãgãnũgã, mũrẽ sĩgũ waasubirikoa”, ãrĩkumi ãgũrẽ. 8 Ire mũsãrẽ werea. ãgũ merãmũ ããrĩkeremakũ, ãgũrẽ sĩbirikumi. Sĩbirikeregũ, ãgũrẽ piriro marĩrõ sãrẽmakũ ãã, ãgũrẽ: “Garibonemobirikõãburo”, ãrĩgũ, ããrĩpereri ãgũ gããmerĩrẽ sĩkõãkumi pama. 9 Irasirigũ mũsãrẽ werea. Marĩpũre sãrẽka! Mũsã sãrẽmakũ, sĩgũkumi. Õãrĩrẽ ãmarã, bokarãkoa. Wiigũe ñajãduarã oemakũ, Marĩpũ makãpũro tũpã ñajãdoregũ irirosũ mũsã sãrẽrĩrẽ pãgũkumi. 10 ãgũrẽ sãrẽãnorẽ sĩgũkumi. ãmarãno bokarãkuma. Wiigũe ñajãduarã oerã irirosũ ãgũrẽ sãrẽmakũ ããgũ, ãgũsãrẽ ñajãdoregũ irirosũ ãgũsã sãrẽrĩrẽ õãrõ pãgũkumi. 11 Mũsã pũrã pãrẽ sãrẽmakũ, Ƴtãyere sĩbirikoa. Waaĩ sãrẽmakũdere ãñarẽ sĩbirikoa. 12 ãgãbo diu sãrẽmakũ, korebabare sĩbirikoa. 13 Ñãrã ããrĩkererã, mũsã pũrãrẽ õãrĩrẽ sĩmasĩã. Marĩpũ Ƴmũgasigũe ããrĩgũ gapũ mũsã nemorõ õãrĩrẽ sĩmasĩmi. Irasirigũ Õãgũ deyomarĩgũrẽ sĩgũkumi ãgũrẽ sãrẽãrẽ, ãrĩyupũ Jesús.

*Jesũre: “Wãtĩ turari opami”, ãrĩ werewũadea
(Mt 12.22-30; Mr 3.20-27)*

14 Pũrũ Jesús wãtĩ masakũre werenĩmasĩbirimakũ irigũre bẽowiyũgũ iriyupũ. Wãtĩrẽ bẽowiumakũ, werenĩbiradi werenĩakõãyupũ. Masaka, ãgũ irasirimakũ ããrã, ããgũkakõãñũrã.

15 Gajirã gapũ Jesũre ãsũ ãrĩ werewũãñũrã:

—Ĩĩ wãtẽa opũ Beelzebũ turaro merã wãtẽãrẽ bẽowiumi, ãrĩñũrã.

16 Gajirãde ãgũrẽ:

—Mũ diayeta turari opagũ, iri turari merã gajino Ƴmũgasimarẽ iri ãmuka! ãrĩñũrã.

17 Jesús gapũ ãgũsã gũñarĩrẽ masĩsĩã, ãsũ ãrĩyupũ:

—Su nikũ marã ãgũsã basi dukawari gãmekẽãrã, pereakõãkuma. Su wii marã ãgũsã basi dukawari gãmekẽãrã, pereakõãkuma. 18 Mũsã yũre: “Wãtẽa opũ Beelzebũ turari merã wãtẽãrẽ bẽowiumi”, ãrĩ werewũãã. Yũre ãgũ turari merã wãtẽãrẽ bẽowidoregũ, ãgũ basi ãgũyarãrẽ bẽobukumi. Irasirirã ãgũsã basi dukawari gãmekẽãrã, pereakõãbukuma. 19 Iri irasũ ããrĩmakũ, mũsã buerire tũyarã gapũ wãtẽãrẽ bẽowiyũrã, ¿noã turari merã bẽowiyũkuri? Mũsã ãgũsãrẽ: “Marĩpũ turari merã wãtẽãrẽ bẽowiyũma”, ãrã. Irasiriro mũsã yũre werewũari diaye ããrĩbea. 20 Yũ gapũ Marĩpũ turari merã wãtẽãrẽ bẽowiumakũ, Marĩpũ doreri mũsã pũroguere ejasiãã, ãrĩ masĩsũã.

21 ‘Sugũ wii opũ turagũ ããrĩpereri mojókũgũ, ãgũya wiimarẽ õãrõ koremasĩkumi. Gajirã ãgũ oparire ẽmamasĩbirikuma. 22 “I mojókũsĩã, yaa wiire õãrõ koremasĩã”, ãrĩ gũñakeremakũ, gajigũ ãgũ nemorõ turagũ gapũ ãgũrẽ tarinũgã, ããrĩpereri ãgũ mojókũrere ẽmagũkumi. Irasirigũ ãgũ oparire ãĩpeo, ãgũ merãmarãrẽ gueregũkumi. 23 Yũre gããmemerã, yũre ããturirã ããrĩma. Masakare yũre siiu neeõtamumerã, ãgũsãrẽ waasirimakũ irirã ããrĩma, ãrĩyupũ.

*Jesũs, wãtĩ dupaturi masakũguere ñajãrĩmarẽ weredeã
(Mt 12.43-45)*

24 Irasũ ãrĩ odo, gajĩ keori merã ãgũsãrẽ wereyupũ doja:

—Wãtĩ masakũguere ããrãdi wiri, pũrũ deko marĩrõgũe ãgũ siñajãburore ãmagorenagũ waakumi. Irore bokabi, ãsũ ãrĩ gũñakumi: “Yũ wiridi, yaa wii irirosũ ããrĩmĩ. Dupaturi yũ

wiridiguereta goeñajãgura doja”, ãrĩ gũñakumi. ²⁵ Irasirigũ ãgũguere dupaturi goeñajãgũ, gajino marĩrĩ wii, õãrõ ãmu, ooaweadea wiire irirosũ bokajakumi. ²⁶ Irasirigũ gajirã wãtẽa su mojõma pere gaji mojõ peru pẽrẽbejarã ãgũ nemorõ ñerãrẽ siiu, ãgũsã ããrĩpererã merã masakũguere ããrĩnikõãkumi. Irasirigũ masakũ ãgũ dupiyuro ããrĩrikũdero nemorõ ñerõ ããrĩkumi, ãrĩyupũ Jesũs.

Jesũs diayema usũyarimarẽ werede

²⁷ Jesũs irire wereripoe sugo nomeõ masaka watopegue ããrĩgõ gaguiniyupo:

—Mũrẽ pũrãkũ masũdeo usũyatarikumo, ãrĩyupo Jesũre.

²⁸ Jesũs gapũ igore ãrĩyupũ:

—Marĩpũya werenĩrĩrẽ pẽrã, ãgũ dorerire irirã gapũ õãrõ usũyarãkuma, ãrĩyupũ.

Masaka ñerã Jesũre Marĩpũ turari merã iri ãmudoredea

(Mt 12.38-42; Mr 8.12)

²⁹ Pũrũ Jesũs ãgũ pũro masaka wãrã nerẽwãgãrĩripoe ãsũ ãrĩ wereyupũ ãgũsãrẽ:

—Dapagora marã masaka ñetarirã ããrĩma. Yũre Marĩpũ turari merã gajino iri ãmudorekeremakũ, Marĩpũya kerere weredupiyudi Jonás iridea ditare weregũra.

³⁰ Iripoegue Marĩpũ Jonãrẽ Nĩnive wãikũri makã marãrẽ weredorederosũ yũre ããrĩpererã tĩgũrẽ dapagora marã masakare weredoremi. ³¹ Marĩpũ ããrĩpererã ñerãrẽ wajamoãrĩnu ejamakũ, sugo iripoeguemo Sabã nikũ marã opo musã dapagora marãrẽ: “Ñegorabu”, ãrĩgokumo. Yoaromogue ããrĩkerego, õõgue i nikũgue aarideo ããrĩmó, marĩ ñekũsãmarã opũ Salomón wãri masĩrĩ merã wererire pẽgo aarigó. Dapagora yũ Salomón nemorõ masĩgũ õõgue musã merã ããrĩkeremakũ, musã gapũ yũ wererire pẽdũabea. ³² Iripoegue Nĩnive marã Jonás Marĩpũya kerere weremakũ pẽrã, ãgũsã ñerõ irideare bujawere, ãgũsã gũñarĩrẽ gorawayunerã ããrĩmã. Dapagora yũ Jonás nemorõ masĩgũ õõgue musã merã ããrã. Yũ Marĩpũya kerere werekeremakũ, musã ñerõ iririkũrĩre bujawerebea. Irasirirã, Marĩpũ ããrĩpererã ñerãrẽ wajamoãrĩnu ejamakũ, Nĩnive marã musã dapagora marãrẽ: “Ñegorabu”, ãrĩrãkuma, ãrĩyupũ.

Jesũs masakaya koye sããgodiru irirosũ ããrĩrĩrẽ buede

(Mt 5.15; 6.22-23)

³³ Irasũ ãrĩ odo, gaji keori merã wereyupũ:

—Masaka sããgodirure sããgorã, deyomarĩrõgue duúbirikuma. Dupa kũma dokaguedere pĩbirikumã. Sããgo, wii dekogue siukumã, gajirã iri wiire ñajãrã iri sããgodiru boyorore õãrõ ãã ñajãburo, ãrĩrã. ³⁴ Musãya koye musãya gũñarĩguere sããgodiru irirosũ ããrã. Musã õãrĩ koye oparã irirosũ ããrĩmakũ, musãya gũñarĩguere õãrõ sããgoro irirosũ ããrã. Irasirirã Marĩpũyare masĩa. Musã ñerĩ koye oparã irirosũ ããrĩmakũ, musã gũñarĩguere naĩtĩãrõ irirosũ ããrã. Marĩpũyare masĩbea. ³⁵ Irasirirã pẽmasĩka, musãya gũñarĩgue sããgori, naĩtĩãrĩ waabirikõãburo, ãrĩrã! ³⁶ Musãya gũñarĩgue sããgori, naĩtĩãrõ marĩrõ irirosũ ããrĩmakũ, ããrĩpereri Marĩpũyare pẽmasĩrãkoa. Irasirirã sããgori boyorogue ããrõsũ õãrõ pẽmasĩrĩ merã ããyare iritũyarãkoa, ãrĩyupũ Jesũs.

Jesũs fariseo bumarãrẽ, Moissẽ gojadeare buerimasãrẽ ãgũsã ñerõ iririre werede

(Mt 23.1-36; Mr 12.38-40; Lc 20.45-47)

³⁷ Jesũs irasũ ãrĩ odoadero pũrũ, sugũ fariseo bumũ ãgũya wiigũ baadoregũ siuayupũ ãgũrẽ. Irasirigũ Jesũs ãgũ merã waa, ãgũya wiigũ ñajãa, eja doayupũ ãgũ merã baabu.

³⁸ Fariseo bumũ gapũ judío masaka irinĩrõsũ Jesũs baaburi dupiyuro ãgũ mojõkoebirimakũ ããgũ, ããgũkakõãyupũ. ³⁹ ãgũ ããgũkamakũ ããgũ, marĩ Opũ Jesũs ãgũrẽ ãrĩyupũ:

—Musã fariseo bumarã masaka ããrõgue dita õãrõ irirã, soropa weka gapũ dita õãrõ koeadeapa irirosũ ããrã. Irasirirã gajirãyare yajadũarã, ñerĩ ditare iridũarã ããrĩsãã, iripa poekague gũrari utũriro irirosũ ããrã. ⁴⁰ Irasirirã neõ pẽmasĩbea. Marĩpũ, marĩya dũpũre

irigũ, marĩ gũñarĩdere iridi ããrĩmĩ. ¿Irire pémasĩberi mũsã? ⁴¹ Mũsã oparire gajirãrẽ sĩrã, òãrõ gũñarĩ merã sĩka! Irasirirã soropa poeka gapũdere koeadeapa irirosũ ããrĩrãkoa.

⁴² Mũsã fariseo bumarã bũro ñerõ tarirãkoa. Mũsã oteri mutãrĩgã: menta, ruda wãikũri baari morẽrĩnorẽ, ããrĩpereri oteridari dukakũrinogãdere sea neeõ, keoro dukawa, pe mojõma diruri irikoa. Sudiru Marĩpũya wiigũe ãã: “Ìgũrẽ yũ sĩrĩ ããrã”, ãrĩ, irogue píkoa, ìgũ dorerire irimurã. Irasirikererã, gajirãrẽ diayema iririre iribea. Marĩpũre maĩbea. Irasirirã mũsã oterire ìgũrẽ sĩduũro marĩrõ diayemadere irika! Marĩpũre maĩrĩ merã bũremuka!

⁴³ Mũsã fariseo bumarã bũro ñerõ tarirãkoa. Mũsã nerẽrĩ wiiriguere nerẽrã, òãrĩ doarigue dita doaduãa. Makã dekoguere masakare mũsãrẽ gopepyari merã bokatĩrĩ òãdoremakũ gããmea.

⁴⁴ Mũsã Moisés gojadeare buerimasã, fariseo bumarãde bũro ñerõ tarirãkoa. Mũsã masãgoberi irirosũ ããrã. Irasirirã masaka iri goberi ããrĩrõ weka tãpĩtariarã, iri goberi poekague ããrĩrĩrẽ masĩberosũ mũsã ñerõ oparire masĩbema, ãrĩyupũ Jesús.

⁴⁵ Ìgũ irasũ ãrĩmakũ pégũ, sugũ Moisés gojadeare buerimasũ ãrĩyupũ ìgũrẽ:

—Buegũ, mũ fariseo bumarãrẽ irasũ ãrĩgũ, gũadere ãrĩ turigũ yãa, ãrĩyupũ.

⁴⁶ Jesús gapũ ìgũrẽ ãsũ ãrĩyupũ:

—Mũsãde, Moisés gojadeare buerimasã bũro ñerõ tarirãkoa. Mũsã gajirãrẽ: “Ãsũ irika!” ãrĩ, dorerã, ìgũsãrẽ gajino bũro nukũrĩ kòãtãrĩrã irirosũ ããrĩmakũ yãa. Irasirirã iri dorerire bokatĩũbema. Ìgũsã mũsã dorerire bokatĩũbirikeremakũ, ìgũsãrẽ neõ iritamubea iri dorerire iriburo, ãrĩrã.

⁴⁷ Irasirirã mũsã bũro ñerõ tarirãkoa. Iripoegue marã Marĩpũya kerere weredupiyunerã masãgoberi weka weanũdeare mũsã ãmua. Ìgũsãrẽta mũsã ñekũsãmarã wẽjẽnerã ããrĩmã. ⁴⁸ Ìgũsã irasũ wẽjẽdero pũrũgue, dapagora mũsã ìgũsã iripoegue irideare iriwekabejakõãa, ìgũsã wẽjẽnerãya masãgoberi weka weanũdeare ãmurã. Irasirirã mũsã ìgũsã wẽjẽdeare: “Ñegorabu”, ãrĩ gũñabea. Mũsã ñekũsãmarã Marĩpũya kerere weredupiyunerãrẽ gããmebiriderosũ mũsãde yũre gããmebea.

⁴⁹ Irasirigũ iripoegue Marĩpũ ìgũ masĩrĩ merã ãsũ ãrĩdi ããrĩmĩ: “Yaa kerere weredupiyurimasãrẽ, yaare buerimasãdere iriugũra. Irire buemakũ ìã, surãyerire masaka wẽjẽrãkuma. Gajirãrẽ ñerõ iridũarã, noó ìgũsã waaró tũyagorenarãkuma”, ãrĩdi ããrĩmĩ Marĩpũ. ⁵⁰⁻⁵¹ Marĩpũ i ãmurẽ iriadero pũrũ, Abere ìgũ tĩgũ wẽjẽdi ããrĩmĩ. Pũrũ Marĩpũya kerere weredupiyunerãrẽ wẽjẽnerã ããrĩmã. Pũrũ Zacariãdere Marĩpũya wiima soepeoro Marĩpũ ããrĩrĩ taribu watopegue wẽjẽnerã ããrĩmã. Irasirigũ Marĩpũ ããrĩpererãrẽ ìgũsã wẽjẽdea waja dapagora marãrẽ wajamoãgũkumi.

⁵² Mũsã Moisés gojadeare buerimasã bũro ñerõ tarirãkoa. Mũsã Marĩpũyare masĩkererã, mũsã basi irire iridũabea. Irasirirã gajirãrẽ irire masĩdũarãrẽ masĩbirimakũ yãa, ãrĩyupũ Jesús.

⁵³ Ìgũ irasũ ãrãdero pũrũ, Moisés gojadeare buerimasã, fariseo bumarãde ìgũ merã guatariakõãñurã. Irasirirã bũro ìgũrẽ werewũa, wãri ìgũrẽ sẽrẽñanũgãñurã. ⁵⁴ Ìgũ diaye yũjubirimakũ pérã, ìgũrẽ weresãdũarã, irasiriñurã.

12

Jesús fariseo bumarã irikatorire weredea

¹ Ìgũsã irasiriripoe Jesús pũro masaka wãrã nerẽñurã. Ìgũsã wãrã ããrĩsĩã, gãme kũratĩãnokõãñurã. Jesús ìgũ buerãrẽ ãsũ ãrĩ werenũgãyupũ:

—Fariseo bumarã irikatorire òãrõ pémasĩka! Ìgũsã irikatori pã wemasãrĩ morẽrĩ irirosũ ããrã. ² ããrĩpereri gajirã ìãberogue irideare, durirogue irideadere pũrũgue masĩsũrokoa. ³ Mũsã naĩtĩãrõgue irirosũ gajirã péberogue werenĩdeare boyorogue irirosũ

Marĩpu ìgūsārē pémakū irigukumi. Músā wii poekague yayero werenídeadere makā dekogue gaguinirōsū gajirārē òārō pémakū irigukumi.

*Jesús: “¿Noārē güiri merā b̄remurō gāāmerĩ?” āĩ weredea
(Mt 10.26-31)*

⁴ Músārē yu merāmarārē werea. Músārē wējērā, músāya dupu ditare boamakū irirākuma. Puruquere músārē neō ñerō irinemobirikuma. Irasirirā músārē wējēduarārē güibirikōāka! ⁵ Yu músā gopeyari merā güibure weregura. Marĩpu gapure güiri merā b̄remuka! Masakare ìgūsā okarire ěmamasĩmi. Ìgū ěmadero puru, ìgūsārē perebiri peamegue béomasĩmi. Irasirirā ìgū gapure güiri merā b̄remuka!

⁶ Masaka su mojōmarā mirā wajarirā, pe niyeru koegā, mérōgā wajakuri koerigārē sīkuma. Ìgūsā mérōgā wajakakeremakū, Marĩpu gapu ìgūsārē òārō koremi. Neō sugure kātibemi. ⁷ Marĩpu āārĩpereri músā āārĩrikurire masīgū, músāya poarire: “Irikū āārā”, āĩ masĩpeokōāmi. Irasirirā güibirikōāka! Músā, mirā nemorō wajakua. Irasirigu Marĩpu mirārē korero nemorō músārē koregukumi.

*Jesús: “Masakare yure b̄remurĩrē wereka!” āĩdea
(Mt 10.32-33; 12.32; 10.19-20)*

⁸ Músārē werea. Sugū, masaka péuro: “Jesúyagu āārā”, āĩ weremakū, yu āārĩpererā tīgūde Marĩpūre wereboerā péuro: “Yaagu āārĩmi ĩ”, āĩ weregukoa. ⁹ Sugū yure masĩkeregu, masaka péuro: “Ìgūrē masĩbea”, āĩ weremakū, yu āārĩpererā tīgūde Marĩpūre wereboerā péuro: “Yude ìgūrē masĩbea”, āĩ weregukoa.

¹⁰ Sugū yure āārĩpererā tīgūrē ñerō āĩ werenímakū, Marĩpu kātimasĩmi. Òāgū dey-omarīgū gapure ñerō āĩ werenímakū, neō kātibirikumi.

¹¹ Masaka músārē ìgūsā nerērĩ wiiri oparā purogue, weresārĩrē beyerimasā purogue, o makārĩ marārē dorerā purogue músārē ìgūsā weresāmurā āĩmakū: “¿Naásū yujurākuri, o naásū ārĩrākuri ìgūsārē?” āĩ, buro güñarikubirikōāka! ¹² Ìgūsā músārē sērēñamakūta, Òāgū deyomarīgū masĩrĩ sĩrĩ merā ìgūsārē wererākoa, ārĩyupu Jesús.

Jesús: “Wári doebiri oparārē goegorāa”, āĩ weredea

¹³ Puru sugū masaka watopegue āārĩgū Jesúre ārĩyupu:

—Buegu, guapu boagu ìgū opadeare guare pími. Irasirigu yu tīgūrē irire keoro dukawa, yudere sīdoreka! ārĩyupu.

¹⁴ Jesús gapu ìgūrē yujuyupu:

—Músāpu pídeare músārē dukawabu āārĩbea yu, ārĩyupu.

¹⁵ Irasū ārĩ odo, āārĩpererārē ārĩyupu:

—Pémasĩka músā! Doebirire, gajinodere wáro gāāmebirikōāka! Masaka wári oparā, òārĩ okari gapure opabema, wári opari ditare güñarā, ārĩyupu.

¹⁶ Irasū ārĩ odo, keori merā wereyupu ìgūsārē:

—Sugū masakū wári doebiri opakumi. Ìgū otedeade wárigora dukakukoa. ¹⁷ Irasirigu ìgū basi güñakumi: “¿Nasirigukuri? Yaa oteri duka sea duripíburi wii máa”, ārĩkumi. ¹⁸ Puru güñakumi doja: “Āsū irigura. Yu gajino duripĩri wii āārĩpuroridea wiire béo, nemorō wári wii irigura. Iri odo, iri wiigue yaa oteri dukare āārĩpereri, yaa doebiridere duripígura. ¹⁹ Puru yu basi āsū ārĩgura: ‘Wári doebiri opáa. Wári bojorima baaburidere opáa. Irasirigu siñajā, baa, iirĩ, usuyagura’, ārĩkumi. ²⁰ Marĩpu gapu ìgūrē ārĩkumi: “Mu neō pémasĩbi āārā. Dapagā ñamita boagukoa. Mu boamakū, ¿noā oparākuri mu duripiadeare?” ārĩkumi. ²¹ Irasūta waarākuma, masaka ìgūsāya doebiri ditare güñarā. Ìgūsāya āārĩburi ditare güña, wári doebirire duripĩrākuma. Irasirikererā, Marĩpūre güñamerā, ìgū ìūrōrē boporā irirosū āārĩrākuma, ārĩyupu Jesús.

Jesús, Marĩpu ĩgũ pũrãrẽ korerimarẽ buedea
(Mt 6.25-34)

²² Pũru Jesús ĩgũ buerãrẽ ãsũ ãrĩyupu doja:

—Irasirigu musãrẽ ire weregura. Musã ããrĩrikurire gũñarã: “¿Ñeénorẽ baarãkuri, ñeénorẽ iirĩrãkuri, ñeénorẽ sãñarãkuri?” ãrĩ, bũro gũñarikubirikõãka! ²³ Marĩ okari gapu, baari nemorõ wajakua. Marĩya dupu, surĩ nemorõ wajakua. Irasiriro musã ããrĩrikuri, musã opari nemorõ wajakua. ²⁴ Mirãrẽ gũñaka! ĩgũsã baaduarã, otebema. Otedea dukare seabema. Baari duripĩri wiiridere opabema. Marĩpu gapu ĩgũsãrẽ baari sĩmi. Musã gapu, mirã nemorõ wajakutarinũgãa. ²⁵ Musã bũro gũñarikuri merã neõ mérõgã masãnemobirikoa. ²⁶ Musã irasũ gũñarikuri wajamarĩkeremakũ, ¿nasirirã gajinorẽ bũro gũñarikuri? Musã gũñarikuri merã ããrĩpererire neõ irimasĩbirikoa.

²⁷ ‘Makãnúuma goori masãrĩrẽ gũñaka! Iri moãbirikerero, suabirikerero, õãrĩ surĩ sãñarõ irirosũ deyoa. Musãrẽ werea. Opu Salomón surĩ õãrĩ sãñadero nemorõ iri goori gapu õãrĩ deyoa. ²⁸ Iri goori makãnúugue mata purideya goori ããrĩkeremakũ, Marĩpu õãrĩ goori deyomakũ irikeremakũ, mérõgã pũru ñãĩdija pereakõãa. Gajinu gapu peamegue soebéokõãsũa. Iri mata pereburi ããrĩkeremakũ, Marĩpu iri goorire õãrĩ deyomakũ yãmi. Iri goorire õãrĩ ããrĩmakũ irirosũ nemorõ musãrẽ õãrõ irigukumi. Musã ĩgũrẽ mérõgã bũremukeremakũ, musãrẽ surĩ sĩgukumi. ²⁹ Irasirirã ãmũrikũ musã baaburire, musã iirĩburire bũro gũñarikuri merã ãmãbirikõãka! ³⁰ I ãmũ marã Marĩpũre bũremumerã bũro gũñarikuri merã irire ãmanĩkõãma. ĩgũsã irasũ ããrĩkeremakũ, Marĩpu musã gããmerĩrẽ masĩsiami. Irire musãrẽ sĩgukumi. ³¹ Irasirirã musã Marĩpũre masĩrã, ĩgũ musã Opu ããrĩrĩrẽ gããmepũrorika! Musã irasirimakũ, musã baa, iirĩburire, musã surĩ sãñaburidere sĩwekapeogukumi.

Jesús marĩ ãmũgasigue wajataburire buedea
(Mt 6.19-21)

³² ‘Musã yaarã, mérãgã, oveja su yebo marã irirosũ ããrã. Irasũ ããrĩkererã, gũibirikõãka! Musãpu ãmũgasigue ããrĩgũ ĩgũyarãrẽ dorerogue musã ĩgũ merã ããrĩmakũ gããmemi, ĩgũ merã doreburo, ãrĩgũ. ³³ Irasirirã musã oparire duaka! Iri duadea wajare niyerure boporãrẽ sĩka! ãmũgasiguemarẽ gũñaka! Irasirirã irogue perebiri wajatarire, ajurogue doebiri neõ perebirire oparosũ oparãkoa. Irogue wajatarire yajarimasã ñajãa, ãĩmasĩbirikuma. Buruade baadedeubirikuma. ³⁴ Musã i ãmũma ditare: “Opadũakoa”, ãrĩ gũñarã, irire bũro maĩrãkoa. ãmũgasima gapũre: “Opadũakoa”, ãrĩ gũñarã, irire bũro maĩrãkoa.

Jesús i ãmũgue dupaturi aariburi dupiyuro õãrõ ãmuyudoredea

³⁵ ‘Yu i ãmũgue dupaturi aariburi dupiyuro õãrõ ãmuyuanerãgue ããrĩka! Sĩãgodirure sĩãgoanerã irirosũ yũre yũka! ³⁶ Sugu masakũ, mojõsũadi pũrogue mojõsũari bosenu waamakũ, ĩgũrẽ moãboerã ĩgũ dujariburire yũkuma. ĩgũsã opu ĩgũya wiigue goedu-jaja, ñajãdũagu makãpũrore ĩgũ dotemakũ pérã, ĩgũrẽ moãboerã mata tũpãkuma. ĩgũsã yũrosũta musãde yũ dujariburire yũka! ³⁷ ĩgũsã opu goemakũ, ĩgũ doreaderosũta irirã, usũyarãkuma. ĩgũsã irasirimakũ ĩãgũ, ĩgũsã opu ĩgũsãrẽ moãboegu irirosũ ĩgũsãrẽ: “Baari peoro pũro doarã aarika!” ãrĩgukumi ĩgũsãrẽ baari ejobu. ³⁸ ĩgũrẽ moãboerã ĩgũ ñami deko ããrĩmakũ, o boyoripoe ããrĩmakũ, ĩgũ goeburire õãrõ yũanerã ããrĩsĩã, usũyarãkuma. ³⁹ Ire masĩka! Sugu wii opu ĩgũya wiigue yajarimasũ ejaburi horare masĩgũ, ĩgũrẽ yũkumi ĩgũya wiigue ñajãburire kãmutabu. ⁴⁰ Irasirirã musãde õãrõ yũka! Yu ããrĩpererã tĩgũ gũñaña marĩrõ aarigũkoa. Irasirirã yaare iririre neõ piriro marĩrõ yũre yũka musã! ãrĩyupu Jesús.

Jesús pẽrã moãboerimasã keori merã buedea
(Mt 24.45-51)

⁴¹ ĩgũ irasũ ãrĩmakũ, Pedro gapu sẽrẽñayupu:

—Gua Opu, i keori merā weregu, ɔgu ditare weregu yári, o ããrĩpererãrẽ wereri? ãrĩyupu.

⁴² Igũ irasũ ãrĩmakũ, Jesús gaji keori merā ãsũ ãrĩ wereyupu Igũsãrẽ doja:

—Sugu moãboerimasũ Igũ opure b̃remugũ ðãrõ pémasĩgũ ãsũ irikumi. Igũ opu gajirogue waagú, Igũrẽ: “Yaa wii marãrẽ ðãrõ koreka!” ãrĩ píkumi. Irasirigu baaripoe ããrĩmakũ, gajirã moãboerimasãrẽ baarire keoro ejokumi. ⁴³ Irasirigu, Igũ opu Igũya wii goedu-jajamakũ ããgũ, Igũ opu dorederosũta iriadi ããrĩsãã, ðãrõ usuyakumi. ⁴⁴ Diaye musãrẽ werea. Igũ irasirimakũ ããgũ, Igũ opu ããrĩpereri Igũyare Igũrẽ koredoregu pígakumi. ⁴⁵ Gajigu moãboerimasũ ñegũ gapu ãsũ irikumi. “Yu opu yoaripoe deyobemi”, ãrĩ gũñagũ, gajirã Igũ opure moãboerãrẽ ãmarẽ, nomedere ñerõ pábira, baa, iiri, mejãkumi. ⁴⁶ Igũ irasiriripoe gũñaña marĩrõ Igũ opu goejakumi. Igũrẽ moãboegu gapu: “Igũ iri hora goegukumi”, ãrĩmasĩbirikumi. Irasirigu Igũ opu goejagu, Igũ ñerõ irideare pégu, Igũrẽ buro wajamoãgukumi. Marĩpue b̃remumerãrẽ béorogue Igũrẽ béogukumi.

⁴⁷ Irasirigu sugu moãboerimasũ Igũ opu iridorerire masĩkeregũ, ðãrõ ãmubiri, irire neõ iribirimakũ ããgũ, Igũ opu Igũrẽ wajamoã, buro tãrãgukumi. ⁴⁸ Gajigu moãboerimasũ gapu Igũ opu iridorerire masĩbi, irire iribirimakũ ããgũ, Igũ opu Igũrẽ sirũweyata tãrãgukumi. Marĩpu masakare Igũ iridorerire masĩmakũ yámi. Irasirigu ðãrõ masĩgũrẽ Igũ iridorerire ðãrõ iridoremi. Pũgu Igũrẽ masĩnemomakũ irigu, Igũ iridea nemorõ ðãrĩrẽ iridoremi, ãrĩyupu Jesús.

*Jesús: “Masakare gãme dukawarirãkuma”, ãrĩ weredea
(Mt 10.34-36)*

⁴⁹ Pũgu Jesús Igũsãrẽ ãrĩyupu doja:

—Béoadearẽ peame merã soebéorosũ i ãmũ marã ñerõ iririre béogu aarigú iribũ. Dapagoragãta iri ñerĩ ããrĩpererire soebéomakũ ããduasiadaa. ⁵⁰ Yu ñerõ tarigukoa. Yu ñerõ tariburire gũñagũ, buro bujawereri merã ããrĩrikua. Irasirigu irire tariwerepeogugue buro usuyagukoa. ⁵¹ Musã yure: “Igũ i nikũguere aarigú, masakare siñajãrĩ merã gãme ããrĩrikumakũ irigu aarimĩ”, ɔãrĩ gũñarĩ? Irasũ ããrĩbea. Musãrẽ werea. Masakare Igũsã basi gãme dukawarimakũ irigu aaribú. Irasirirã surãyeri yure b̃remurãkuma. Gajirã yure b̃remubirikuma. ⁵² Dapagã merã su wii marã su mojó marã yaa kerere péadero pũgu, Igũsã basi gãme dukawarirãkuma. Urerã, pẽrã merã, pẽrã, urerã merã gãme ããturirãkuma. ⁵³ Surãyeri masaka yure b̃remunugãdero pũgu, gajirã yure b̃remubiridero pũgu, ãsũ waarãkuma. Sugu Igũ magũrẽ ããturigukumi yure b̃remumakũ ããgũ. Gajigu Igũ pagure ããturigukumi. Gajigo igo magõrẽ ããturigokumo. Gajigo igo pagore ããturigokumo. Sugo múñekõ igo bepore ããturigokumo. Sugo bepo igo múñekõrẽ ããturigokumo yure b̃remumakũ ããgõ, ãrĩyupu Jesús.

*Masaka Jesús iririre ããmasĩbiridea
(Mt 16.1-4; Mr 8.11-13)*

⁵⁴ Pũgu Jesús masakare ãsũ ãrĩ wereyupu doja:

—Musã abe ñajãrõ gapu ããmĩkãyeborire ããrã: “Deko merẽburo yãa”, ãrã. Musã ããrãderosũta waãa. ⁵⁵ Sur gapu merã mirũ aarimakũ: “Asirinũ ããrĩrokoa”, ãrã. Musã ããrãderosũta asirinũ ããrã. ⁵⁶ Musã irikatorikũrã, i nikũmarẽ, ãmarõmarẽ ããrã: “Õãrĩnũ, o ñerĩnũ waarokoa”, ãrĩ masã. Irire ðãrõ masĩkererã, ɔnasirirã inũrĩrẽ Marĩpu turari merã yu iri ãmuri gapure ããrã, neõ ðãrõ pémasĩberĩ? ãrĩyupu.

*Marĩrẽ ããturigure ðãrõ merã gãme ããmudoredea
(Mt 5.25-26)*

⁵⁷ Irasũ ãrĩ odo, ãsũ ããrĩnemoyupu doja:

—ɔMusã diayema iririre ãã beyemasĩberĩ dapa? ⁵⁸ Sugu musãrẽ weresãduamakũ, Igũ merã oparã pũrogu waarã, Igũrẽ: “Dupaturĩ irasũ iribirikoa”, ãrĩ gãme ãmuka! Musã

Īgūrē āmubirimakū, weresārīrē beyerimasūguere mūsārē weresāgukumi. Puru beyerimasū mūsārē peresu iridoregū, suraraguere wiagukumi. ⁵⁹ Mūsārē werea. Beyerimasū mūsārē wajaridorerire mūsā wajaripeobirimakū, neō mūsārē wiubirikumi, ārīyupu.

13

Jesús masakare: “Mūsā gūñarīrē gorawayuka!” ārīdea

¹ Jesús irasū ārīripoe gajirā Īgūrē āsū ārī wereñurā:

—Galilea marā Marīpu ĩūrō waibure wējē, soepeo buremuripoe Pilato gapu Īgūsārē wējēyupu. Īgū irasū wējēmakū, waibu dí merā masaka dí morēākōāyuro, ārīñurā. ² Īgūsā irasū ārīmakū pégu, Jesús ārīyupu:

—Pilato wējēnerārē, ¿naásū gūñarī? ¿Īgūsā irasū wējēsūrā, gajirā Galilea marā nemorō ñerā āārīdea waja boayuri? ³ Āārībea. Mūsārē werea. Mūsāde ñerī iririre bujoweremerā, mūsā gūñarīrē gorawayumerā, boarā, perebiri peamegue waarākoa. ⁴ Irinugue gajirā dieciocho masakare Siloé wāikuri wii ũmarī wii Īgūsā weka turidija, tāū wējēyuro. ¿Naásū gūñarī mūsā Īgūsārē waadeare? ¿Īgūsā irasū boarā, gajirā Jerusalén marā nemorō ñerā āārīdea waja boayuri? ⁵ Āārībea. Mūsārē werea. Mūsāde ñerīrē bujoweremerā, mūsā gūñarīrē gorawayumerā, boarā, perebiri peamegue waarākoa, ārīyupu Jesús.

Jesús higeragu duka marīdi keori merā weredea

⁶ Jesús Īgūsārē irasū ārī odo, keori merā wereyupu:

—Pooe opu Īgūya poeegue Īgū otedi higeragu wāikudire opakumi. Sunu: “Dukakukoa”, ārī, ĩāgū waakumi. Neō bokabirikumi. Duka marīkoa. ⁷ Bokabirisīā, iri poe moāgūrē werekumi: “Īāka! Ũre bojorigora igu dukare āmadāa. Duka máa. Irasirigu irigure pábéokōāka! Duka marīkerero, gajino oteboaderore kāmutanía”, ārīkumi. ⁸ Īgū irasū ārīmakū pégu, Īgūrē moāboegu āsū ārīkumi: “Yu opu, i bojorigora tamerārē níñaburo dapa. Yu irigu purore nikūrē sea odo, waibu gura merā ũjātūñagura. ⁹ Yu irasū iriadero puru, gajipoe iriro dukakubukoa. Duka marīmakū ĩāgū, pábéodoreka!” ārīkumi, ārī wereyupu Jesús.

Siñajārīnu āārīmakū, Jesús dupamutīrō nígōrē taudea

¹⁰ Sunu judío masaka siñajārīnu āārīmakū, Jesús Īgūsā nerērī wiigue buegu iriyupu. ¹¹ Iro sugo nomeō dieciocho bojorigora pūrīrikugo āārīyupo. Wātī igore dupamutīrō nímakū iriyupu. Irasirigo diaye nímasībiriyo. ¹² Igo irasū āārīmakū ĩāgū, Jesús igore: “Aarika!” ārī siiuyupu:

—Nomeō, mu pūrīrikuri tausūsiáa, ārīyupu.

¹³ Irasū ārīgūta, igore Īgūya mojōrī merā ñapeoyupu. Īgū ñapeomakūta, diaye níyupo. Puru Marīpure: “Ōātaria mu”, ārī, usuyari sīnugāyupo. ¹⁴ Jesús siñajārīnu igore taumakū ĩāgū, iri nerērī wii opu gapu Īgū merā guayupu. Irasirigu, masakare āsū ārīyupu:

—Semanariku, marī moārīnūrī, su mojōma pere gajī mojō suru pērēbejarinūrī āārā. Irasirirā mūsā pūrīrikurā taudoreduarā, irinūrīrē taudorerā aarika! Dapagāno marī siñajārīnūrē irinorē iribirikōārō gāāmea, ārīyupu.

¹⁵ Īgū irasū ārīmakū pégu, marī Opu Jesús āsū ārīyupu:

—Mūsā irikatorikurā āārā. Mūsā wekure, o burrore oparā siñajārīnu āārīkeremakū, Īgūsārē suadeadarire kura, Īgūsārē deko iirīdorerā āībuáa. ¹⁶ Igo Abraham parāmeō āārīturiagore wātēa opu Satanás dieciocho bojorigora pūrīrikumakū irimi. Iro merē siñajārīnu āārīmakū, ¿igore taubirikōārō gāāmeadayuri? ārīyupu Jesús. ¹⁷ Īgū irasū ārīmakū pērā, Jesúre ĩaturirā āārīpererā gūyasīrīperekōāñurā. Gajirā gapu āārīpereri Jesús ōārī iririre ĩārā, usuyañurā.

Jesús mostaza wāikuri yegã puri masãdea keori merã weredeã
(Mt 13.31-32; Mr 4.30-32)

¹⁸ Puru arĩyuru doja:

—Marĩpu ĩgũyarãrẽ doreri, ĩñeeno irirosũ aãrĩkuri? ĩÑeeno keori merã weregũkuri? ¹⁹ I irirosũ aãrã. Suye oteriyẽ mostaza wāikuri yegãrẽ oterosũ aãrã. Iri yegãrẽ sugũ masaku ĩgũya poogue otekumi. ĩgũ oteadero puru, yuku wádi irirosũ puri, masãkoa. Irasirirã mirã wárã irigũ dupurigue ĩgũsãya suri suakuma, arĩyuru.

Jesús pã wemasãrĩ morẽrĩ poga keori merã weredeã
(Mt 13.33)

²⁰ Dupaturi keori merã werenemoyuru:

—Marĩpu ĩgũyarãrẽ dorerire, ĩñeeno keori merã werenemogũkuri? ²¹ I irirosũ aãrã. Pã wemasãrĩ morẽrĩ poga irirosũ aãrã. Sugo nomeo pã irigo, mérõgã pã wemasãmakũ iriri poga merã trigo pogare morẽkumo. Igo irasũ morẽadero puru, iri poga mérõgã aãrĩkerero, wemasãseyakõãkoa, arĩyuru.

Jesús eyabiri makãpurore ñajãri keori merã weredeã
(Mt 7.13-14, 21-23)

²² Puru Jesús Jerusalẽgue waagũ, paga makãrĩrẽ, mutã makãrĩgãdere buetariwãgãyuru.

²³ Iroque sugũ masaku ĩgũrẽ asũ arĩ sãrẽñayuru:

—Yu Opu, ĩMarĩpu perebiri peamegue waabonerãrẽ taumurã mérãgã aãrĩkuri? arĩyuru.

Ĩgũ irasũ arĩmakũ pẽgu, Jesús i keori merã wereyuru:

²⁴ —Marĩpu purogue ñajãduarã, ĩgũyare irika! Musãrẽ werea. Wárã ĩgũ purogue ñajãduakererã, ñajãmasĩbirikuma. Iroque ñajãduamakũ diasagorã. Eyabiri makãpuro ñajãrõ irirosũ aãrã. ²⁵ Marĩpu, sugũ wii opu irirosũ aãrĩmi. Wii opu wãgãngã, makãpurore biadero puru, musã gapu makãpurogue aãrĩrã ĩgũya wiire ñajãduarã, asũ arĩrãkoa ĩgũrẽ: “Gua opu, guare tũpãsoogu aarika!” arĩrãkoa. Irasũ arĩkeremakũ, wii opu gapu: “Musãrẽ masĩbea. Noó marã aãrĩrã aãrĩkoa”, arĩgũkumi. ²⁶ ĩgũ irasũ arĩmakũ, musã gapu asũ arĩrãkoa: “Gua mu merãta baa, iiri iribu. Guaya makãguedere buegorenabu”, arĩrãkoa. ²⁷ Musã irasũ arĩmakũ, asũ yũjugũkumi: “ ‘Musãrẽ masĩbea. Noó marã aãrĩrã aãrĩkoa’ arĩsiãa. Musã ñerõ irirã aãrã. Irasirirã aãrĩpererã waaka! Yu purore wirika!” arĩgũkumi wii opu musãrẽ. ²⁸ Irasirirã, Abraham, Isaac, Jacob, aãrĩpererã Marĩpuya kerere weredupiyunerã merã Marĩpu ĩgũyarãrẽ dorerogue aãrĩmakũ iãrã, musã gapu makãpurogue beosunerã aãrĩsiã, pũrĩsũrã musãya guikare kũrĩduútũ orerãkoa. ²⁹ Irasũ waaripoere norte marã, sur marã, abe marĩriro marã, abe ñajãrõ marã Marĩpu ĩgũyarãrẽ dorerogue eja, usuyari merã baa doanĩrãkuma. ³⁰ Irasirirã dapagorare ubu aãrĩrã, puruguerẽ oparã dujarãkuma. Dapagorare: “Oparãgora aãrã”, arĩrã gapu puruguerẽ ubu aãrĩrã dujarãkuma, arĩyuru Jesús.

Jesús Jerusalén marãrẽ ĩãgũ oredea
(Mt 23.37-39)

³¹ Jesús irasũ arĩripoe surãyeri fariseo bumarã ĩgũ purogue eja, asũ arĩñurã:

—Herodes marẽ wẽjẽduami. Irasirigũ gajirogue waaka! arĩñurã.

³² Jesús gapu ĩgũsãrẽ yũjũyuru:

—Asũ arĩ wererã waaka, ĩgũ arĩkatorikugure: “Dapagãrẽ, ñamigãdere asũta irigura. Wãtẽãrẽ beowiugũkoa. Pũrĩrikurãrẽ taugũkoa. Irasirigũ ñamigã sinu gapu odogũkoa”, arãmi, arĩ wereka ĩgũrẽ! ³³ Dapagã, ñamigã, ñamigã sinu gapudere Jerusalẽgue waagura. Iro marã Marĩpuya kerere weredupiyunerãrẽ wẽjẽnerã aãrĩmã. Irasirigũ yure Marĩpuya kerere weredupiyugure ĩgũsã wẽjẽbure iri makãgue aãrĩrõ gããmea.

³⁴ ‘Musã Jerusalén marã Marĩpuya kerere weredupiyurimasãrẽ wẽjẽkõãa. ĩgũ iri-unerãrẽ utãyeri merã dea wẽjẽa. Wári yu musãrẽ, agãbo igo pũrãrẽ, igoya kẽdupuri merã

neeõnúrõsũ neeõnúduadibu. Mũsã gapũ yũ irasũ irimakũ neõ gããmebiribu. ³⁵ Irasiriro mũsã ããrĩrĩ makã, béodea makã dujarokoa. Mũsãrẽ diayeta werea. Mũsã yũre dupaturi ããbirikoa. Pũrũgue mũsã: “Marĩpũ iriudi õãtarigu õãrõ aariburo”, ãrĩrã, yũre dupaturi ããrãkoa doja, ãrĩyupũ Jesús.

14

Jesús sugũ bijiri pũrĩrikũgũre taudea

¹ Sunũ Jesús, judío masaka siñajãrĩnũ ããrĩmakũ, sugũ fariseo bumarã opũya wiigue baagũ waayupũ. Irogue ããrĩrã gajirã fariseo bumarã ãgũrẽ ããnũrũnikõãñurã. ² ãgũsã baaro pũrogue sugũ masakũ bijiri pũrĩrikũgũ Jesús diaye ããrĩyupũ. ³ Irasirigu Jesús, Moisés gojadeare buerimasãrẽ, fariseo bumarãdere ãsũ ãrĩ sãrẽñayupũ:

—Siñajãrĩnũ ããrĩmakũ, ¿sugũ pũrĩrikũgũre taudoreri, o taudoreberi? ãrĩyupũ.

⁴ ãgũ irasũ ãrĩmakũ pérã, neõ yũjubiriñurã. ãgũsã yũjubirimakũ ããgũ, Jesús bijiri pũrĩrikũgũre tauyupũ. Odo, ãgũrẽ: “Õãrõ waaka!” ãrĩyupũ. ⁵ Pũrũ ãgũsãrẽ sãrẽñayupũ doja:

—Siñajãrĩnũ ããrĩkeremakũ, mũsãyagũ burro, o mũsãyagũ wekũ gobegue meẽñajãdire ããrã, ¿mata ãi wiubiribukuri? ãrĩyupũ.

⁶ ãgũsã gapũ, ãgũ irasũ ãrĩ sãrẽñarĩrẽ yũjũmasĩbiriñurã.

Mojõsũari bosenu siiusũnerãya keori merã weredea

⁷ Jesús fariseo bumarã opũya wiigue ããrĩgũ, iri wiimũ siiuanerã ejamakũ ããyupũ. ãgũsã õãrĩ doaripãrĩrẽ beyeñurã, oparã irirosũ doamurã. ãgũsã irasirimakũ ããgũ, Jesús i keori merã wereyupũ ãgũsã ããrĩpererãrẽ:

⁸⁻⁹ —Sugũ wii opũ mojõsũari bosenu irigu mũsãrẽ siuadero pũrũ, mũsã ãgũya wiigue ejarã, oparã doarire beye doabirikõãka! Iri wii opũ gajirã ãgũ siiuanerãrẽ mũsã nemorõ gopeyarã ejamakũ ããgũ, mũsãrẽ ãsũ ãrĩgũkumi: “ãrĩsã gapũre mũsã doarire sũka! Mũsã gapũ sõõgue doarã waaka!” ãrĩgũkumi. ãgũ irasũ ãrĩmakũ pérã, mũsã gũyasĩrĩrĩ merã ubu ããrĩrã doarigue doarã waarãkoa. ¹⁰ Irasirirã, wii opũ mũsãrẽ siiumakũ, ubu ããrĩrã doarigue doaka! Mũsã irasirimakũ ããgũ, iri wii opũ mũsãrẽ: “Oparã doarigue doarã aarika!” ãrĩgũkumi. ãgũ irasirimakũ ããrã, gajirã ãgũ siiuanerã mũsãrẽ bũremurĩ merã ããrãkuma. ¹¹ Sugũ ãgũ basi: “Gajirã nemorõ ããrã”, ãrĩ gũñagũnorẽ Marĩpũ ãgũrẽ ubu ããrĩgũ dujamakũ irigũkumi. Gajigu: “Gajirã nemorõ ããrĩbea”, ãrĩ gũñagũ gapũre Marĩpũ ãgũrẽ gajirã nemorõ ããrĩmakũ irigũkumi, ãrĩyupũ.

¹² Irasũ ãrĩ odo, ãgũrẽ siuadire ãsũ ãrĩyupũ:

—Mũ bosenu irigu, mũ merãmarãrẽ, mũ pagupũrãrẽ, mũyarãrẽ, doebiri oparãrẽ siu-birikõãka! Mũ ãgũsãrẽ siiumakũ, mũrẽ ãgũsãde siu gãmibukuma. ãgũsã irasiriri merã ãgũsã baadeare mũrẽ ejo gãmibukuma. ¹³ Mũ bosenu irigu, boporãrẽ, poyarimasãrẽ, guburi bũanerãrẽ, koye ããmerãrẽ siuka! ¹⁴ Mũ irasirimakũ, Marĩpũ mũrẽ õãrõ irigũkumi. ãgũsãrẽ mũ siuidea waja, ãgũsã mũrẽ siu gãmibirikuma. Irasirigu Marĩpũ diayemarẽ irirã boanerãrẽ masũrĩnũ ããrĩmakũ, mũrẽ õãrĩrẽ wãjarigũkumi, ãrĩyupũ Jesús.

Jesús bosebaarinũ keori merã buedea

¹⁵ ãgũ irasũ ãrĩmakũ pãgũ, sugũ irogue baa doanígũ ãgũrẽ ãrĩyupũ:

—Marĩpũ ãgũyarãrẽ dorerogue ãgũ pũro baa doanĩrã bũro mũsũyarãkuma, ãrĩyupũ.

¹⁶ ãgũ irasũ ãrĩmakũ, Jesús keori merã wereyupũ ãgũrẽ:

—Sugũ wãri bosebaarinũ irigu wãrã masaka siukumi. ¹⁷ ãgũ siuadero pũrũ, bosenu ããrĩrĩnũrẽ ãgũrẽ moãboegũre ãgũ siiuanerãrẽ weredoregũ iriukumi. “Aarika! ããrĩpereri bosenumarẽ ãmusiami”, ãrĩ weredorekumi. ¹⁸ ãgũ irire weremakũ pérã, ããrĩpererã: “Masĩña máa, waabirikoa”, ãrĩkuma. ãgũ siupũrorisũadi moãboegũre ãsũ ãrĩkumi: “Da-pagorata nikũ wãjari odo. Irore ããgũ waabu yãa. Irasirigu mũ opũre: ‘Masĩña máa,

waabirikoa', ārāmi, ārī wereka!" ārīkumi. ¹⁹ Gajigu āsū ārīkumi: "Wekua pe mojōmarā wajariabu. Īgūsārē keoñagū waabu yāa. Irasirigu mu opure: 'Masīña máa, waabirikoa', ārāmi, ārī wereka!" ārīkumi. ²⁰ Gajigu āsū ārīkumi: "Yu dapagorata mojōsua odoa. Irasirigu iri bosenurē waabirikoa", ārīkumi. ²¹ Īgū irasū ārīmakū, moāboegu gapu goedujāa, Īgū opure Īgūsā ārādeare werekumi. Īgū weremakū pégu, opu buro gua, āsū ārīkumi Īgūrē moāboegure: "Murīgorāa. Makā dekoma maarīgue āārīrārē āmagú waaka! Irasirigu boporārē, poyarimasārē, koye iāmerārē, gubu buanerārē mumurō merā yaa wiigue āirika!" ārīkumi. ²² Puru moāboegu Īgū opure werekumi: "Yu opu, mu doreaderosūta masakare siuabu. Wii gapure uturibema dapa", ārīkumi. ²³ Īgū irasū ārīmakū pégu, Īgū opu Īgūrē dorekumi doja: "Maarīgue waaka! Paga maarīgue, mutā maarīgāgue mu bokajarārē turaro merā siuwāgārika! Irasirimakū, yaa wiire uturirākuma. ²⁴ Diayeta murē werea. Neō sugu yu siupuroriadinērā baaboadideare mérōgā baabirikuma", ārīkumi opu Īgūrē moāboegure, ārī wereyupu Jesús.

*Jesús: "Sugu yure tuyadumamakū diasagorāa", ārī weredea
(Mt 10.37-38)*

²⁵ Wārā masaka Jesúre tuyañurā. Irasirigu Īgūsārē gāmenugā iā, āsū ārīyupu:

²⁶ —Sugu yaa buerire buetuyadumagu, Īgū pagure, pagore, marāpore, pūrārē, pagupūrārē, pagupūrā nomerē, Īgū basi maīrō nemorō yu gapure maīrō gāamea. ²⁷ Sugu yure tuyadumari waja curusague pábiatú wējēsūbu irirosū āārīkeregu, yure neō piriro marīrō yure tuyanikōāburo. Yure tuyadumabi, yu buegu āārīmasībirikumi. ²⁸ Sugu, musā watopegue āārīgú, umarī wiire iriburo dupiyuro: "¿Neeno merā iripeogukuri?" ārī gūñagū, iri wiire iriburi wajakuburire keopurorikumi. ²⁹ Wajakuburire keopuroribi, iri wiire iripeobirikumi. Īgū iripeobirimakū iārā, gajirā Īgūrē buridakuma. ³⁰ "Iāka! Īi wiire iriadiñumi. Iripeomasībiriñumi", ārī buridakuma Īgūrē. ³¹ Su nikū marā opu, gajigu opu merā gāmewējēburo dupiyuro Īgūyarā surarare keopurorikumi. "¿Yu diez mil surara merā, gajigu veinte mil surara opagu merā gāmewējēgū waagú bokatīūbukuri?" ārī gūñakumi. ³² Keoña: "Bokatīūbirikoa", ārīkumi. Irasirigu, gajigu opu Īgūyarā surara merā gāmewējēgū aarimakū, yorogue Īgū āārīmakūta: "Gāmewējēbirikōārā", ārī kere iriukumi Īgūyagure. ³³ I irirosūta yu buerā āārīdumārā musā iriburire oārō gūñadupiyuro gāamea. Āsū āārā. Musā gāamerirē piridumamerā yu buerā āārīmasībea.

*Moā oārō okari irirosū āārīrō gāamea, ārī weredea
(Mt 5.13; Mr 9.50)*

³⁴ Moā oārō okari āārīmakū oāgorāa. Moā okadea okabirimakū, dupaturi okamakū irimasīña máa. ³⁵ Moā okabirimakū oābea. Béokōārō gāamea. Irasirirā musā moā okabirimakū béosūburi irirosū neō āārībirikōāka! Gānipūrī oparā, ire oārō péka! ārī wereyupu Jesús.

15

*Jesús oveja dederidi keori merā buedea
(Mt 18.10-14)*

¹ Gajinu wārā romano marā opure niyeru wajaseabosarimasā, ñerō iririmasāde Jesús puro Īgū buerire pérā ejañurā. ² Īgūsā irasū ejamakū iārā, fariseo bumarā, Moisés gojadeare buerimasāde Jesúre āsū ārī werewumañurā:

—Īi ñerārē bokatīrīñeā, Īgūsā merā baami, ārīñurā.

³ Īgūsā irasū ārīmakū pégu, Jesús i keori merā wereyupu Īgūsārē:

⁴ —Oveja korerimasū cien oveja opagu, sugu oveja dederimakū iāgū, noventa y nueve ovejare makā turo Īgūsā baarogue duripíkōā, dederiadire āmagú waakumi. Īgūrē bokagugue āmuduúkumi. ⁵ Īgūrē bokagu, usuyari merā Īgūrē āikōā, ⁶ Īgūya wiigue āi

dujáakõäkumi. Ái dujaja, ìgũ pũro ããrĩrãrẽ, ìgũyarãrẽ siiu neeõkumi. “Yaagu oveja dederiadire bokáabu. Irasirirã yu merã usuyaka!” ãrĩkumi.

⁷ Mũsãrẽ werea. Sugu ñerõ irigu, oveja dederiadi irirosũ ããrĩmi. Irasirigu ìgũ ñerõ iririre bujawere, ìgũ gũñarĩrẽ gorawayumakũ, Marĩpu pũro ããrĩrã bũro usuyama. Gajirã wãrã masaka ìgũsã noventa y nueve oveja, makã turogue duripínerã irirosũ ããrĩrã, ãsũ ãrĩ gũñadima: “Ñerõ iribea gũa gapũ. Irasirirã gũa ñerõ iririre bujawereri opabea”, ãrĩ gũñama. Ìgũsã irasũ ãrĩ gũñamakũ, Marĩpu pũro ããrĩrã usuyabema.

Jesús niyeru koe dederidea keori merã buedea

⁸ Sugo nomeõ pe mojõma niyeru koeri wajapari koeri opakumo. Su koe dederimakũ ìãgõ, sããgodirure sããgo, wiire ooa, õãrõ ãmapeokumo. Iri koere bokagogue ãmaduúkumo. ⁹ Iri koere bokago, igo pũro ããrĩrãrẽ, igoyarãrẽ siiu neeõkumo. “Yaa niyeru koe, dederiadea koere bokáabu. Irasirirã yu merã usuyaka!” ãrĩkumo. ¹⁰ Mũsãrẽ werea. Sugu ñerĩrẽ irigu ìgũ ñerĩ iririre bujawere, ìgũ gũñarĩrẽ gorawayumakũ, Marĩpũre wereboerã bũro usuyarãkuma. Ìgũ dederiboadi dederibirimakũ ìãrã, bũro usuyarãkuma, ãrĩyupu Jesús.

Jesús sugu pẽrã pũrãkũdi keori merã buedea

¹¹ Irasũ ãrĩ odo, Jesús gaji keori merã bueyupu doja:

—Sugu masakũ pẽrã ãma pũrãkũkumi. ¹² Sunũ pagũmũ gapũ pagũre ãsũ ãrĩkumi: “Au, mũ boagu, yũre sĩburire dapagorata yũre sĩweoka!” ãrĩkumi. Ìgũ irasũ ãrĩmakũ pégũ, ìgũ pũrã pẽrãguereta ìgũ oparire dukawa, sĩkumi. ¹³ Mẽrõgã purũta, pagũmũ gapũ ìgũ pagũ sããdeare ããrĩpereri duapeokõäkumi. Pũrũ ìgũ duadea waja niyeru merã yoarogue gaji nikũgue waakõäkumi. Irogue eja, ìgũya niyerure ñerõ iriri merã irisiripeokõäkumi. ¹⁴ Ìgũya niyeru irisiribéoadero pũrũ, iri nikũguere baari perekõãkoa. Irasirigu bũro uaboapũrorinũgãkumi. ¹⁵ Irasirigu, sugu iri nikũmũ pũro, moãrĩ ãmagũ waakumi. Ìgũ gapũ ìgũrẽ ìgũya moãrĩ ããrĩrõgue yeseare koredoregũ iriukumi. ¹⁶ Yapidũagu, yeasea baarireta baadũadikumi. Neõ gajirã ìgũrẽ baari ejobirikuma. ¹⁷ Irasirigu ãsũ ãrĩ gũñanũgãkumi: “Yũpũya wiire wãrã ìgũrẽ moãboerã ããrĩkeremakũ, baari wãro dũyanabu. Yu gapũ õõguere bũro uaboari merã kõmogũgue irikoa. ¹⁸ Irasirigu yũpũ pũrogoe goedujãagũra doja. ãsũ ãrĩgũra ìgũrẽ: ‘Au, yũ Marĩpu ìũrõrẽ ñerõ irikubu. Mũdere irasũta irikubu’, ãrĩgũra. ¹⁹ ‘Ñegũ ããrã. Yũre: “Yu magũ ããrã”, ãrĩbirikõãka! Irasirigu yũre sugu mũrẽ moãboegũ irirosũ opaka!’ ãrĩgũra yũpũre”, ãrĩ gũñakumi. ²⁰ Irasũ ãrĩ gũña, maague waa, ìgũ pagũya wiigue goedujãakõäkumi.

Ìgũ yoarogue aarimakũta, ìgũ pagũ ìgũrẽ ìã, bũro bopoñakumi. Pũrũ ãmawãgã, ìgũrẽ bokatĩrĩ, pãbũa, mimi irikumi. ²¹ Irasirigu ìgũ pagũre ãrĩkumi: “Au, yũ Marĩpu ìũrõrẽ ñerõ irikubu. Mũdere irasũta irikubu. Ñegũ ããrã. Yũre: ‘Yu magũ ããrã’, ãrĩbirikõãka! Irasirigu yũre sugu mũrẽ moãboegũ irirosũ opaka!” ãrĩkumi ìgũ pagũre. ²² Ìgũ irasũ ãrĩkeremakũ, ìgũ pagũ gapũ ìgũrẽ moãboerãrẽ ãrĩkumi: “Murĩgorãa. Surĩ õãrĩrẽ ãrã waa, sãka! Mojõsũrũ tũsãrĩ berodere sãka! Gubu surĩdere sãka! ²³ Wekũ majĩgũ õãrõ diikũgũre ãrã waa, wẽjẽka, ìgũrẽ baa, yũ magũ goejari bosenu irimurã. ²⁴ Ì yũ magũ boakõäkumi, ãrãdi goejami. Okami. Dederidire marĩ bokãa”, ãrĩkumi. Pũrũ bosenu irinũgãkuma.

²⁵ Ìgũsã bosenu iriripoe, masã tĩgũ gapũ poeegue ããrĩkumi. Irogue ããrãdi goedujarigu, wii pũro ejagu, ìgũsã bayarire pékumi. ²⁶ Ìgũsã bayamakũ pégũ, sugu ìgũ pagũre moãboegũre siiu, sãrẽñakumi: “¿Naásũ waáari wiiguere?” ãrĩkumi. ²⁷ “Mũ pagũmũ pũrĩrĩ marĩgũ, õãgũ goejami. Irasirigu mũpũ usuyari merã wekũ majĩgũ diikũgũre wẽjẽdoreami”, ãrĩ yũjukumi moãboegũ ìgũrẽ. ²⁸ Ìgũ irasũ ãrĩ weremakũ pégũ, masã tĩgũ gapũ bũro guakumi. Wiigue ñajãbirikumi. Ìgũ ñajãbirimakũ ìãgũ, ìgũ pagũ wiria, ìgũrẽ: “Ñajãrika!” ãrãdikumi. ²⁹ “Au, péka! Yu wãri bojori mũ dorerire neõ suñarõ tarinũgãrõ marĩrõ mũrẽ

moãbosabu. Yu irasirikeremakũ, neõ sugu waibu sibiribu, yu merãmarã merã bosenu iriburo, arĩgũ. ³⁰ Iĩ mu magũ gapu ñerã nome merã muyare irisiribéodi aãrĩmĩ. Irire irisiribéo odo, ĩgũ goejamakũ, weku diikugure ĩgũrẽ wějẽ, ejoa”, arĩkumi ĩgũ pagure. ³¹ “Maku, mu yu merã aãrĩnikõaa. Irasiriro aãrĩpereri yu opari muya dita aãrã. ³² Iĩ mu pagumu boakõakumi, arãdi goejami. Okami. Dederidire marĩ bokãa. Irasirirã ĩgũ goejamakũ, marĩ bosenu iri usuyamakũ õãgorãa”, arĩkumi ĩgũ magũrẽ, arĩ wereyupu Jesús.

16

Jesús, wári doebiri opaguyare koreboegu keori merã werede

¹ Jesús irasũ arĩ odo, ĩgũ buerãrẽ i keori merã wereyupu:

—Sugu masaku wári doebiri opagu aãrĩkumi. Irasirigu, ĩgũyare koregure opakumi. Gajirã gapu ĩgũ õarõ korebirimakũ ĩarã, ĩgũ opugure: “Muya niyerure irisirigu iri-ami”, arĩ weresãkuma. ² ĩgũsã weresãmakũ pégu, ĩgũyare koregure siu: “Gajirã yaa niyeru mu irisirire weresãma. Yaare mu moãrĩrẽ gojatúri pũrẽ yure ĩmuka! Irasirigu yaare korenemobirikõaka pama!” arĩkumi ĩgũ opu ĩgũrẽ. ³ ĩgũ irasũ arĩmakũ, niyeru koregu asũ arĩ gũñakumi: “Yu opu yure béowiubu yami. Yu turabea. Irasirigu turaro moãrĩrẽ bokatũbirikoa. Gajirãrẽ niyeru sêrẽ doanĩgũ, guyasĩrĩgorakoa. ¿Nasirigukuri yu?” arĩ gũñakumi. ⁴ Puru gũñanemokumi doja: “Dapagorare yu iriburire masĩsĩaa. Yure moãrĩ marĩmakũ, yu asũ irimakũ ĩarã, yure gajirã ĩgũsãya wiirigue ñajãdorerãkuma”, arĩ gũñakumi. ⁵ Irasirigu, ĩgũ opure wajamorãrẽ suguno ditare siu, sêrẽñakumi ejapurorigure: “¿Yu opure noõpa wajamorĩ mu?” arĩ sêrẽñakumi. ⁶ Wajamogũ ĩgũrẽ yujakumi: “Cien dukari olivo wãĩkudi uyere wajamokoa”, arĩkumi. ĩgũ irasũ arĩ weremakũ, asũ arĩkumi ĩgũrẽ: “Doaka, murĩgorãa! Mu wajamorĩrẽ gojatúdea pũ, i pũ aãrã. Iri pũrẽ aĩ, gaji pũguere cincuenta dukarita gojatúka!” arĩkumi. ⁷ Puru gajigure sêrẽñakumi: “¿Mukoa, noõpa wajamorĩ?” arĩkumi. Wajamogũ ĩgũrẽ yujakumi: “Cien trigo ajuri wajamokoa”, arĩkumi. ĩgũ irasũ arĩmakũ, asũ arĩkumi ĩgũrẽ: “Mu wajamorĩrẽ gojatúdea pũ, i pũ aãrã. Iri pũrẽ aĩ, gaji pũguere ochenta ajurita gojatúka!” arĩkumi. ⁸ ĩgũ opu, ĩgũ irasũ õarõ irikatomeremakũ ĩãgũ: “Mu ñegũ aãrĩkeregũ, mu masĩrĩ merã õarõ niyerure moãmasĩa”, arĩkumi. I umugue marã Marĩpure masĩbirikererã, Marĩpuyarã ĩgũsãya niyerure moãmasĩrõ nemorõ moãmasĩma, arĩ wereyupu Jesús.

⁹ Irasũ arĩ odo, asũ arĩ werenemoyupu:

—Musã i umuma oparire boporãrẽ sika, musãrẽ maĩburo, arĩrã! Musã irasũ sĩmakũ, musã opadea pereadero puru umugasigue musã ejamakũ, irogu aãrĩrã musãrẽ usuyari merã bokatĩrĩñeãrãkuma.

¹⁰ Sugu mérĩgã opari merã õarõ irigu, wári opari merãdere õarõ irigukumi. Gajigu mérĩgã opari merã õarõ iribi, wári opari merãdere õarõ iribirikumi. ¹¹ Musã i umuma merã õarõ iribirimakũ, ¿noã Marĩpuyare diaye õarĩ oparire sĩbukuri musãrẽ? ¹² Gajiguyare musã õarõ iribirimakũ, ¿noã musã õarõ aãrĩburire sĩbukuri musãrẽ?

¹³ Neõ sugu moãrĩmasũ pẽrã oparãrẽ moãboemasĩbirikumi. Sugu opure maĩgũ, gajigu gapure maĩbirikumi, o sugu opure buremugũ, gajigu gapure yujubirikumi. ĩgũsã irirosũta niyerure maĩtarigu, Marĩpu gapure maĩbemi, arĩyupu Jesús.

¹⁴ ĩgũ irasũ arĩmakũ pẽrã, fariseo bumarã gapu niyerure maĩrã aãrĩsĩã, ĩgũrẽ buridañurã. ¹⁵ ĩgũsã irasũ buridamakũ pégu, Jesús ĩgũsãrẽ wereyupu:

—Musã, masaka ĩũrõrẽ õarõ iriadãa. ĩgũsã, musã iririre ĩarã: “Õarã diayemarẽ irirã aãrĩma”, arĩrĩrẽ buru péduãa. Marĩpu gapu musã gũñarĩrẽ masĩmi. Masaka ĩgũsã basi iririre: “Õãtaria”, arĩ gũñadima. Marĩpu gapu ĩgũsã iririre: “Ñetaria”, arĩ ĩãmi.

Jesús, Marĩpu dorerire, ĩgũ marĩ Opu aãrĩrĩrẽ werede

16 Juan masakare wāiyedi ejaburo dupiyuro Marīpū ĩgū Moisére doreri pídea merā, ĩgūya kerere weredupiyunerā buedea merā marīrē doredi āārīmí. Dapagora gapure Juan ejadero pūru, Marīpūya ōārī kerere, ĩgūyarārē dorerire yu werea. Yu irire were-makū pérā, masaka ĩgūsā turari merā ĩgūyarārē doreroguerere buro ñajādūama.

17 'Ĕmugasi, i nikūde pererokoa. Iri perekeremakū, Marīpū Moisére doreri pídeare neō béobirikumi. Iri doreri merā āārīpereri ĩgū: “Āsū irigūra”, ārīdeare iriyuwarikugukumi ĩgū ārīderosūta, ārīyupū Jesús.

*Jesús masakare: “Mūsā marāposā nomerē béobirikōāka!” ārī buedea
(Mt 19.1-12; Mr 10.1-12)*

18 Irasū ārī odo, āsū ārīnemoyupū:

—Sugū ĩgū marāpore béo, gajigo merā marāpokugū, igo merā ñerō irigū yámi. Gajigu béodeore marāpokugūde igo merā ñerō irigū yámi, ārīyupū.

Jesús doebiri wári opagūya, gajigu Lázaro wāikugūya keori merā buedea

19 Pūru Jesús gajiki keori merā wereyupū doja:

—Sugū wári doebiri opagū āārīdi āārīmí. Surí wajaparire sāñadi āārīmí. Irasirigū wári opagū āārīsīā, ũmūrikū bosenu irigū irirosū ōārī ditare baarikūdi āārīmí. 20 Gajigu bopogu Lázaro wāikugū, ĩgūya dupū āārīperero kāmikugū wári doebiri opagūya wii makāpuro doanadi āārīmí. 21 Wári doebiri opagū baamakū, bopogu gapū ĩgū baasiridijuri pogare baayapidugū, sea, baadi āārīmí. ĩgū iro doaripoe diayéa ĩgū puro eja, ĩgūya kāmire neerēnerā āārīmá.

22 'Pūru bopogu boakōādi āārīmí. ĩgū boamakū, Marīpū wereboerā paraíso wāikūrogue Abraham āārīrōgue ĩgūrē āimūrīānerā āārīmá. Mérōgā pūru wári doebiri opagūde boakōādi āārīmí. ĩgū boamakū, ĩgūrē yāanerā āārīmá. 23 Irasirigū doebiri opagū āārādi boanerā āārīrōgue ejagu, buro poyari merā āārīdi āārīmí. ĩgū irogue āārīgú, ũmūgasigue ĩāmu, Abrahāre yoarogue āārīmakū ĩādi āārīmí. Lázarodere ĩgū merā āārīmakū ĩādi āārīmí. 24 Irasirigū buro gaguinīdi āārīmí: “Yu ñekū Abraham, bopoñarī merā ĩāka yure! Lázarore iriuka! ĩgū yure ĩgūya mojōsūrū merā dekore yosa, yaa nediture yusañajāmakū irigū aariburo. Yu ipeameguere buro poyagu irikoa”, ārīdi āārīmí. 25 ĩgū irasū ārīkeremakū, Abraham gapū ĩgūrē āsū ārīdi āārīmí: “Makū, okagu āārīgúgue āārīpererire ōārīrē opabu mu. Lázaro gapure ũmūrikū ñerō waabu. Dapagorare mu ñerō tariripoere ĩgū gapū ōōguere usuyari merā āārīkōāgū yámi.

26 'Gaji āsū āārā. Ĕkūārī gobe miē āārā. Irasirirā ōōguere āārīrā mu pūroguerere waamasībema. Mu pūrogue āārīrā ōōgue aaridūakererā, aarimasībema”, ārīdi āārīmí Abraham. 27 ĩgū irasū ārīmakū, doebiri opadi āsū ārīdi āārīmí: “Yu ñekū Abraham, mūrē buro sērēa. Lázarore yūpūya wiigū iriuka! 28 Yu su mojōma pererā pagupūrākū. Lázarore weredoregū iriuka, ĩgūsārē ōōguere ñerō waarōguere aaribirikōāburo, ārīgū”, ārīdi āārīmí. 29 ĩgū irasū ārīmakū, Abraham gapū yūjūdi āārīmí: “Marīpū ĩgū dorerire Moisére pídeare, Marīpūya kerere weredupiyunerā gojadedere opama mu pagupūrā. Irasirirā irire bue, būremuburo”, ārīdi āārīmí. 30 ĩgū irasū ārīmakū, doebiri opadi gapū yūjūdi āārīmí: “Yu ñekū Abraham, ĩgūsā irire opakkererā, ōārō būremubirikuma. Lázaro boadigue masā, ĩgūsā puro waa, ĩgūsārē weremakū, ĩgūsā ñerō iririre bujawere, ĩgūsā gūñarīrē gorawayurākuma. Irasirirā ōārī gapure irirākuma pama yu pagupūrā”, ārīdi āārīmí.

31 ĩgū irasū ārīmakū, Abraham gapū ĩgūrē āsū ārī weredi āārīmí: “Mu pagupūrā Marīpū ĩgū dorerire Moisére pídeare, ĩgūya kerere weredupiyunerā gojadedere būremumerā, Lázaro boadigue masā, ĩgūsārē weremakūdere Marīpū būremubirikuma”, ārīdi āārīmí Abraham, ārī wereyupū Jesús.

17

Gajirārē ñerō irimakā iribirikōāka! ārī weredea (Mt 18.6-7, 21-22; Mr 9.42)

¹ Jesús ĩgū buerārē āsū ārī wereyupũ:

—Masakare ñerō irimakū iriri, āārīnikōārokoa. Gajirārē ñerō irimakū irigũno gapũ ñetariro tarigũkumi. ² Sugũ yũre buremugārē majīgũ irirosū āārīgūrē ñerō irimakū irigũ, buro wajamoāsũgũkumi. Irasiriro, ĩgū gajigũre ñerō irimakū iriburi dupiyuro masaka ĩgūrē wáriye ũtāye merā wánugũgue suasiu, wádiyague meéyomakū oābukoa. ³ Irasirirā oārō pémasĩka musā! Mũyagũ mūrē ñerō irimakū ĩāgũ: “Irinorē iribirikōāka!” ārĩka ĩgūrē! Irasirigũ ĩgū ñerō iriadeare bujawere, ĩgū gũñarĩrē gorawayumakū ĩāgũ, ĩgū ñerō iriadeare kātika! ⁴ Irasirigũ sunūrē su mojōma pere gaji mojō peru pērēbejarigora mūrē ñerō irimakū ĩāgũ, irikũta mūrē kātiri sērēgũ ejamakū, kātika! ārĩyupũ.

Marĩpũre buremurĩrē weredea (Mt 13.31-32)

⁵ Jesús irasū ārĩmakū pérā, ĩgū buerā āsū ārĩñurā:

—Gũare Marĩpũre buremunemomakū irika!

⁶ ĩgūsā irasū ārĩmakū, marĩ Opũ Jesús ārĩyupũ:

—Marĩpũre musā buremurĩ opari, mostazayegā irirosū mérōgā āārĩkeremakū, igũ sicómoro wāikũdire: “Tũāduuawāgā, wádiyague ejanugārō waaka!” ārĩbukoa. Musā buremurĩ merā doremakū, musā ārĩrōsũta waakoa, ārĩyupũ.

Sugũ moāboerimasũ iririre weredea

⁷ Irasū ārĩ odo, āsū ārĩnemoyupũ doja:

—Musā watopegue āārĩgũ sugũ moāboegũre opakumi. ĩgũ poogũe moākumi, o wekũare korekumi. ¿ĩgũ moā odo, wiigũe dujajamakū ĩārā, ĩgūrē: “Murĩgora, baagũ aarĩka!” ārĩbukuri? ⁸ Ārĩbirikoa. Āsū gapũ ārĩkoa: “Yũ baaburire āmuka! Pũrũ yũ baa, iirĩ iriripoere yũre baari sīnemobu yũka! Yũ baa odoadero pũrũ, mũde baagũkoa pama”, ārĩkoa musārē moāboegũre. ⁹ ¿ĩgũ musā moādorere oārō irimakū ĩārā, ĩgūrē: “Oāa, mũ merā usũyáa”, ārĩbukuri? Ārĩbirikoa. ¹⁰ Musāde ĩgũ irirosũta āārĩpereri Marĩpũ dorere iri odo, āsū ārĩka! “Gũa ĩgūrē moāboerā, ubu āārĩrā āārā. ĩgũ doreri gũare pídea ditare iriabũ”, ārĩka! ārĩyupũ.

Jesús pe mojōmarā kāmĩ boarārē taudea

¹¹ Gajinũ Jesús Jerusalēgue waagũ, Samaria nikũ, Galilea nikũ watope tariwāgāyupũ.

¹² Iro āārĩrĩ makāgue ĩgũ ejaripoe pe mojōmarā ũma kāmĩ boarā ĩgūrē bokatĩrĩrā aarĩñurā. Kāmĩ boarā āārĩsĩā, yoaweyarogue dujanugā, suro merā gaguinĩñurā:

¹³ —Jesús, buegũ, gũare bopoñarĩ merā ĩāka! ārĩñurā.

¹⁴ Jesús ĩgūsārē ĩāgũ, āsū ārĩyupũ:

—Paĩare musāya dupũre ĩmurā waaka! ārĩyupũ.

ĩgūsā maague waaripoe ĩgūsāya kāmĩ yaripereakōāyuro. Kāmĩ marĩrā dujañurā.

¹⁵ Irasirigũ sugũ ĩgūsā watopemũ ĩgũya kāmĩ yarimakū ĩāgũ, Jesús pũrogue gāmedujarigũ, busũro merā Marĩpũre: “Oātaria mũ”, ārĩ, usũyari sĩyupũ. ¹⁶ Jesús pũro ejaagũ, ĩgũya guburĩ pũro ñadũkũpuri merā ejamejāja, ĩgũya diapure yebague moomejāja, Jesúre: “Oāa”, ārĩ, usũyari sĩyupũ. ĩgũ Samariamũ āārĩyupũ. ¹⁷ Jesús, ĩgũ sugũta irasirimakū ĩāgũ, āsū ārĩyupũ:

—Pe mojōmarā āārāma kāmĩ tausũanerā. ¿Gajirā su mojōma pere gaji mojō wapikũdiru pērēbejarā gapũ noógue āārĩkuri? ¹⁸ ĩĩ gũaya nikũmũ āārĩbi dita Marĩpũre usũyari sīgũ gāmedujariañumi. ¿Nasirirā gajirā ĩgũ merā āārānerā gapũ aaribirayuri? ārĩyupũ.

¹⁹ Irasū ārĩ odo, ĩgūrē āsū ārĩyupũ:

—Wāgānugā, waaka! Mũ Marĩpũre buremurĩ opasĩā, kāmĩ marĩgũ dujabũ, ārĩyupũ.

*Jesús, Marĩpu doreri ejaburire weredea
(Mt 24.23-28, 36-41)*

²⁰ Iro aãrĩrã fariseo bumarã Jesúre àsũ arĩ sērēñañurã:

—¿Naásũ aãrĩmakũ, Marĩpu ìgũyarãrē doreri ejarokuri? arĩñurã. Ìgũsã irasũ arĩmakũ pégu, yujuyupu:

—Marĩpu ìgũyarãrē doreri ejamakũ, musã ìãmasĩbea. ²¹ “Marĩpu ìgũyarãrē doreri oõgue aãrãbu, o sõõgue aãrã”, arĩmasĩña máa. Ìgũyarãrē doreri musã watopegue aãrĩsíaa, arĩyupu.

²² Irasũ arĩ odo, ìgũ buerãrē àsũ arĩyupu:

—Purugue yu aãrĩpererã tĩgũ i ùmugue dupaturi aariburire buro ìãdũarãkoa. Yu aariburi dupiyuro sunu yure ìãdũakererã, neõ sunu ìãbirikoa. ²³ Gajirã musãrē àsũ arĩrãkuma. “Ìãka! Cristo oõta aãrĩmi”, o gajirã: “Cristo sõõgue aãrãmi”, arĩrãkuma. Ìgũsã irasũ arĩkeremakũ, ìgũsãrē neõ tũyabirikõãka! ²⁴ Yu aãrĩpererã tĩgũ i ùmugue dupaturi aarigũ, bupu aãrĩperero ùmarõrē gũñaña marĩrõ miãrõsũ, gũñaña marĩrõ aarigũkoa.

²⁵ Yu dupaturi aariburo dupiyuro yure buro ñerõ tariro aãrã. Dapagora marã yure gããmebirikuma. ²⁶ Noé aãrĩdeapoe marãrē waaderosũta yu aãrĩpererã tĩgũ aariburo dupiyurogãrē waarokoa. ²⁷ Noé aãrĩdeapoere masaka baa, iirĩ, mojósaunanerã aãrĩmã.

Ìgũsã pũrã nomerē nomesunanerã aãrĩmã. Noé doódiru wádirugue ñajãrĩñugedere irasũta irinikõãunanerã aãrĩmã. Pũru Marĩpu ìgũsã aãrĩpererãrē miúbéopeokõãdi aãrĩmĩ. Irasũta waarokoa yu dupaturi aarimakũdere. ²⁸ Lot aãrĩdeapoedere murãrõta iriunanerã aãrĩmã.

Baa, iirĩ, wajari, dua, ote, wiirire iriunanerã aãrĩmã. ²⁹ Ìgũsã irasũ iriripoe ìgũsãya makã Sodoma wãikuri makãrē Lot wirideanũrē deko merẽrõsũ, ùmugasima peame, azufre wãikuri poga ùjũdijari, ìgũsãrē wẽjẽpeokõãdero aãrĩbũ. ³⁰ Yu aãrĩpererã tĩgũ gũñaña marĩrõ i ùmugue dupaturi aarirĩnũrē masakare irasũta waarokoa.

³¹ Irasũ waaripoere sugũ ìgũya wii wekague aãrĩgũ, wii poekague ìgũyare aĩgũ dijabirikõãburo. Murãrõta gajigu ìgũya pooegue aãrĩgũ, ìgũya wiigüe dujáabirikõãburo. ³² Lot marãpo igoya makãrē ìãgãmedujugo, moã turu irirosũ poyanũgãdeare gũñaka! ³³ Sugũ ìgũya aãrĩburi ditare gũñagũ perebiri peamegue waadederigũkumi. Gajigu yaare gũñagũ tarigũkumi. Marĩpu purogue waagũkumi ìgũ merã õãrõ aãrĩnĩbu.

³⁴ Musãrē werea. Irasũ waaburi ñamirẽ, pẽrã peyarogue kãrĩrãkuma. Sugũ yure buremugũ aĩsũgũkumi. Gajigu yure buremubi dujagũkumi. ³⁵ Nomede pẽrã ojodũka biurã aãrĩrãkuma. Sugo yure buremugõ aĩsũgokumo. Gajigo yure buremubeo dujagokumo.

³⁶ Pẽrã pooeguerẽ moãrã aãrĩrãkuma. Sugũ aĩsũgũkumi. Gajigu dujagũkumi, arĩyupu.

³⁷ Ìgũ irasũ arĩmakũ pẽrã, ìgũ buerã sērēñañurã:

—Gua Opũ, ¿noógue irasũ waarokuri? arĩñurã.

Jesús yujuyupu:

—Mimua nerẽmakũ ìãrã, masaka sugũ waibu boadi aãrĩrõrẽ masĩkuma. I irirosũ yu aarimakũ ìãrã, ìgũsã wajamoãsũburire masĩrãkuma, arĩ wereyupu Jesús.

18

Jesús sugo wapiweyo, weresãrĩrē beyerimasã keori merã buedea

¹ Pũru Jesús ìgũ buerãrē buegu, àsũ arĩyupu: “Musã Marĩpũre sērẽrã, piriro marĩrõ gũñaturari merã sērẽka!” arĩyupu. Irasirigu i keori merã wereyupu. ² Àsũ arĩyupu:

—Su makãrē sugũ weresãrĩrē beyerimasũ aãrĩkumi. Ìgũ Marĩpũre, masakadere buremubirikumi. ³ Iri makãrẽta sugo wapiweyo aãrĩkumo. Igo ìgũ purogue ìgũrẽ iritamurĩ sērẽgõ waanakumo: “Yure ìãturigure wajamoãdoreka!” arĩnakumo. ⁴ Igo irasũ arĩriku, igore: “Iribirikoa”, arĩnakumi. Ìgũ irasũ arĩkeremakũ, wãri ìgũrẽ sērẽ, garibokumo. Igo gariborire piribirimakũ ìãgũ, àsũ arĩ gũñakumi ìgũ basi: “Yu Marĩpũre, masakadere

buremubi aarikeremakū, ⁵ igo yare garibotarimo. Yare irasū garibogo yare gariboreamakū yámo. Irasirigu igore iaturigure igo weresarirē pé, igurē wajamoadoregukoa pama”, arikumi, arī wereyupu Jesús.

⁶ Irasū arī odo, marī Opure werenemoyupu:

—Īi weresarirē beyerimasū ñegū aarikereru, igo sērēnirirē pékumi. Īgū irasirideare oārō pémasika musā! ⁷ Īgū nemorō Marīpu gapu Īgū beyenerārē umarī, ñamirī Īgurē buro sērēnirārē iritamugukumi. “Iritamubirikoa”, arībirikumi Īgūsārē. ⁸ Musārē werea. Marīpu gajirā Īgūsārē ñerō irimakū iāgū, Īgūsā sērērē pé, yooboro marīrō Īgūsārē iritamugukumi. ¿Īgū irasū oārō pégu aarikeremakū, yu aarīpererā tīgū i umague dupaturi aarigū, Marīpure buremurārē Īgurē sērērārē bokagukuri? arīyupu.

Jesús fariseo bumu, gajigu romano marā opure niyeru wajaseabosarimasū keori merā bueadea

⁹ Jesús irasū arī odo, gajī keori merā bueyupu. “Gua gapu oārā aārā. Gajirā gapu ñerō irirā aarīma”, arī gūñarārē i keori merā asū arī wereyupu:

¹⁰ —Pērā ūma Marīpuya wiigue Īgurē sērērā waakuma. Sugu fariseo bumu, gajigu romano marā opure niyeru wajaseabosarimasū aarīkuma. ¹¹ Fariseo bumu gapu ejanugā, iāmu, asū arī werenikumi: “Gua pu, yu mūrē usuyari sīa. Yu, gajirā yajarimasā, ñerī iririmasā, nome merā ñerō iririmasā irirosū aarībea. Irasū aarīmakū, neō ĩi romano marā opure niyeru wajaseabosarimasū irirosū aarībea. Irasirigu mūrē usuyari sīa. ¹² Semanariku penu berea mūrē buremugū. Pe mojōma niyeru koeri wajatagu, su koe mūrē sīa. Aarīpereri yu wajatarire mūrē irasū dita sīa”, arīkumi. ¹³ Niyeru wajaseabosarimasū gapu neō ñajārōgue dujanugā, muúsiunugāja, Īgū ñerī oparire gūña, bujawere, umugasigue neō iāmurō marīrō Īgūya koretibire pá, asū arīkumi Marīpure: “Yu ñegū aārā, irasirigu yare bopoñarī merā iāka!” arīkumi. ¹⁴ Musārē werea. Īi niyeru wajaseabosarimasū, Marīpu iūrō oāgūgue Īgūya wiigue dujáakumi. Fariseo bumu gapu, Marīpu iūrō waja opaguta Īgūya wiigue dujáakōākumi. Asū aārā. Sugu Īgū basi: “Gajirā nemorō oāgū aārā”, arī gūñagūnorē Marīpu Īgurē ubu aarīgū aarīmakū irigukumi. Gajigu Marīpure: “Ñerō iriabū, irasirigu yare bopoñarī merā iāka!” arīgū gapure Marīpu Īgū iūrō oāgū aarīmakū irigukumi, arī wereyupu Jesús.

*Jesús majirāya aarīburire Marīpure sērēbosadea
(Mt 19.13-15; Mr 10.13-16)*

¹⁵ Puru masaka majirāgārē Jesúre moañadorerā Īgū puro aijañurā. Īgūsā aijamakū iārā, Jesús buerā Īgūsārē bokatirī: “Īgurē garibobirikōāka!” arīñurā. ¹⁶ Jesús gapu majirāgārē Īgū puro siu, Īgū buerārē arīyupu:

—Majirā yu purogue aariburo. Kāmutabirikōāka Īgūsārē! Marīpu Īgūyarārē dorerogue aarīmurā, iisā majirā yare usuyari merā bokatirīñeārā irirosū aarīma. ¹⁷ Diayeta musārē werea. Iisā majirā Marīpure Īgūsā Opure gāamerā irirosū aarīmerāno, Īgūyarārē doreroguere waabirikuma, arīyupu.

*Sugu maamu wari doebiri opagu Jesús merā werenidea
(Mt 19.16-30; Mr 10.17-31)*

¹⁸ Puru sugu judío masaka oparā merāmu Jesúre sērēñayupu:

—Oāgū buegu, yu umugasigue perebiri okarire wajatadugu, ¿ñeonorē irigukuri? arīyupu.

¹⁹ Jesús Īgurē arīyupu:

—¿Nasirigu yare: “oāgū”, arīrī? Marīpu suguta oāgū aarīmi. ²⁰ Mu, Īgū doreri pídeare masīa: Gajigu marāpo merā ñerō iribirikōāka! Masakare wējēbirikōāka! Yajabirikōāka! Gajirāyamarē arīkatori merā werebirikōāka! Mu pagusāmarārē gopeyari merā buremuka! arīyupu.

21 Īgũ irasũ ārĩmakũ pégu, Jesúre yujuyupũ:

—Iri doreri āārĩpererire majĩgũgāgueta iripeosiabũ yũ, ārĩyupũ.

22 Īgũ irasũ ārĩmakũ pégu, Jesús ĩgũrẽ āsũ ārĩyupũ:

—Mũrẽ su wāĩ dũyáa. Āārĩpereri mũ oparire duagu waaka! Mũ duadea wajare boporãrẽ guereka! Irasirigu ũmũgasiguere wári õārĩ opagũkoa. Odo, yũ merã aarika! ārĩyupũ.

23 Īgũ irasũ ārĩmakũ pégu, ĩgũ gapũ ĩgũ wári oparire maĩsĩã, bũro bujawereri merã āārĩnũgāyupũ. 24 Īgũ bujaweremakũ ĩãgũ, Jesús āsũ ārĩyupũ:

—Wári doebiri oparãrẽ Marĩpũ ĩgũyarãrẽ dorerogue ĩgũsã waadũamakũ diasatari-akõãa. 25 Camellu awiru gobegãgue ñajãtariweremasĩbirikumi. I nemorõ wári doebiri opagũre Marĩpũ ĩgũyarãrẽ dorerogue waamakũ diasãa, ārĩyupũ.

26 Īgũ irasũ ārĩmakũ pérã, masaka āsũ ārĩñurã:

—Iro merẽ, ¿noã gapũ Marĩpũ tausũmurã ĩgũ pũrogue waamurã āārĩbukuri? ārĩñurã.

27 Jesús ĩgũsãrẽ ārĩyupũ:

—Masaka ĩgũsã basi ĩgũsã iriri merã Marĩpũ pũrogue waamasĩbema. Marĩpũ dita ĩgũsãrẽ ĩgũ pũro āārĩmurã waamakũ irimasĩmi, ārĩyupũ.

28 Īgũ irasũ ārĩmakũ pégu, Pedro ĩgũrẽ ārĩyupũ:

—Gua Opũ, gua mũrẽ tũyarã, āārĩpereri gua opadeare pípeokõãbũ, ārĩyupũ.

29 ĩgũrẽ Jesús āsũ ārĩ yujuyupũ:

—Diyeta mũsãrẽ werea. Marĩpũ ĩgũyarãrẽ doreri kerere wererã waarã, ĩgũsãya wiirire, marãposã nomerẽ, ĩgũsã pagũpũrãrẽ, pagũsãmarãrẽ, pũrãrẽ pípeorã, wári õārĩ wajatarãkuma. 30 ĩgũsã iro dupiyuro opaderosũ i ũmũguere nemorõ wári õārĩ wajatarãkuma. Pũrũ i ũmũ peremakũ, ũmũgasigue perebiri okari oparãkuma Marĩpũ merã āārĩnĩmurã, ārĩyupũ.

Dupaturi Jesús ĩgũ boaburire werede

(Mt 20.17-19; Mr 10.32-34)

31 Pũrũ Jesús ĩgũ buerãrẽ pe mojõma pere su gubu peru pẽrẽbejarã ditare siiuwãgã, ārĩyupũ:

—Õãrõ péka! Marĩ Jerusalẽgue waarã yáa. Irogue āārĩpereri Marĩpũya kerere weredupiyunerã yũre āārĩpererã tĩgũrẽ gojaderosũta yũre waarokoa. 32 Irasirirã yũre ñeã, judío masaka āārĩmerãguere wiarãkuma. ĩgũsã yũre bũrida, ñerõ werení, síku eotúbirarãkuma. 33 Yũre bũro tãrãrãkuma. Irasiri odo, wẽjẽrãkuma. ĩgũsã yũre wẽjẽadero pũrũ, mũrenũ waaró merã masãgũkoa, ārĩyupũ.

34 ĩgũ buerã ĩgũ irasũ ārĩ wererire āārĩpererire neõ pémasĩbiriñurã. Marĩpũ irire ĩgũsãrẽ pémasĩmakũ iribiriyupũ dapa.

Jesús Jericómũrẽ koye ĩãbire taudea

(Mt 20.29-34; Mr 10.46-52)

35 Pũrũ Jesús Jericó wãĩkũri makã tũrogue ejaripoe ĩgũ waarĩ maa tũro sugũ koye ĩãbi niyeru sãrẽ doanĩyupũ. 36 Irasirigu masaka wãrã ĩgũ pũro tariwãgãnamakũ pégu, iro āārĩrãrẽ sãrẽñayupũ: “¿Nasirirã masaka wãrã tariwãgãnarĩ?” ārĩyupũ.

37 —Jesús Nazaretmũ aarigũ yámi, ārĩñurã.

38 ĩgũsã irasũ ārĩmakũ pégu, āsũ ārĩ gaguinĩyupũ:

—Jesús, David parãmi āārĩturiagu, yũre bopoñarĩ merã ĩãka! ārĩyupũ.

39 ĩgũ irasũ ārĩ gaguinĩmakũ, masaka ĩgũ dupiyuro āārĩrã gapũ ĩgũrẽ: “Toeaka!” ārĩñurã. ĩgũsã irasũ ārĩkeremakũ, ĩgũ gaguinĩadero nemorõ gaguinĩnemoyupũ:

—David parãmi āārĩturiagu, yũre bopoñarĩ merã ĩãka! ārĩyupũ.

40 ĩgũ irasũ ārĩmakũ pé, Jesús dujanũgãja, masakare: “Āĩrika ĩgũrẽ!” ārĩyupũ. ĩgũ irasũ ārĩmakũ pérã, gajirã ĩgũrẽ āĩwãgãñurã. ĩgũ pũrogue āĩjamakũ, Jesús ĩgũrẽ sãrẽñayupũ:

41 —¿Neénorë yu murë irimakü gããmerĩ? arĩyupu.

—Yu Opu, yure koye ãmakü irika! arĩ yujuyupu.

42 —Jáu, ãaka pama! Mu yure buremurĩ opáa. Irasirigu tausüa, arĩyupu Jesús ãgürë.

43 Ìgü irasü arĩmaküta, õãrõ ãmasãakõãyupu. Irasirigu Jesúre tuyawãgã, Marĩpure: “Õãtaria mu”, arĩ, usuyari sĩyupu. Æãrĩpererã ãgürë irasü waamakü ããrãde, Marĩpure usuyari sĩñurã.

19

Jesús Zaqueore ããbokadea

1 Puru Jesús Jericógue eja, iri makãrë tariwãgãgü iriyupu. 2 Irore sugu masakü Zaqueo wãikugü wãri doebiri opagu, romano marã opure niyeru wajaseaboerimasã opu ããrĩyupu. 3 Ìgü Jesúre ããduadiyupu. Masaka wãrã watopeguere umabi ããrĩsã, Jesúre neõ ããbokabiriyupu. 4 Irasirigu umadupiyuwãgã, Jesús tariwãgãburo puromu yukü sicómoro wãikudigue murĩayupu ãgürë: “Ìãgura”, arĩgü. 5 Jesús irigu puro tariagu, umarõgue peyagure ããboka, ãgürë ãsü arĩyupu:

—Zaqueo, murĩgora, dijirika! Yu dapagãrë muya wiita dujagukoa, arĩyupu.

6 Ìgü irasü arĩmakü pé, Zaqueo mumurõ merã dijiri, Jesúre buro usuyari merã bokatĩrĩgü waayupu. 7 Ìgü irasirimakü ããrã, Æãrĩpererã masaka werewuãñurã: “¿Nasirigu Jesús ñegüya wiigüe dujagu waáari?” arĩñurã. 8 Irasirigu Zaqueo ãgüya wiigüe ejadero puru, wãgãnuãgã, marĩ Opu Jesúre arĩyupu:

—Yu Opu, péka! Gajino boporãrë yu oparire deko merã dukawagura. Yu gajirãrë arĩkatori merã yajadeare wapikuri ããrĩnemorõ ãgüsãrë wiagura, arĩyupu.

9 Jesús irire pégu, iri wii ããrĩrãrë ãsü arĩyupu:

—Dapagã merã ãgü, ãgüya wii marã, ãgüsã ñerõ iridea wajare tausüma. Ìgüde Abraham parãmi ããrĩturiagu, yure buremugü ããrĩmi. 10 Yu Æãrĩpererã tĩgü perebiri peamegue waadederibonerãrë ãma, taugu aarigü iribu, arĩyupu.

Jesús pe mojõma niyeru koeri keori merã buedea

11 Jesús Zaqueo merã werenimãkü masaka péñurã. Ìgü Jerusalén turogue ããrĩmakü ããrã, ãsü güñañurã: “Güñaña marĩrõ Marĩpu ãgüyarãrë dorero ejaburo yãa”, arĩ güñañurã. Irasirigu Jesús keori merã ãgüsãrë 12 ãsü arĩ wereyupu:

—Sugu masakü, opu ñajãburo dupiyuro yoarogue gaji nikügüe waakõãkumi. Ìgürë opu sóoadero puru, ãgüya nikürë goekumi. 13 Ìgü waaburo dupiyuro ãgürë moãboerã pe mojõmarãrë siiukumi. Siiu, ãgüsãkü su koe wajapari niyeru koe sã, ãgüsãrë ãsü arĩkumi: “Yu irogue ããrĩripoe i niyeru koe merã gajino wajari, duaka, gaji niyeru koeri wajatanemomurã!” arĩkumi. 14 Irasü arĩ odo, opu ñajãbu waakõãkumi pama. Ìgüya nikü marã gapu ãgürë gããmebirikuma. Irasirirã, ãgü waadero puru, gajirãrë ãgürë weredorerã iriukuma. Irasirirã ãgürë: “Mu, gu opu ããrĩmakü gããmebea”, arĩkuma. 15 Ìgüsã ãgürë gããmebirikeremakü, ãgüsã opu ñajãkumi. Opu ñajãa odo, ãgüya nikügüe goedujãakumi. Irasü goedujajagu, ãgürë moãboerãrë ãgüsã niyeru koe merã wajatanemoadeare masibu, ãgüsãrë siiukumi. 16 Ìgü puro ejapurorigu ãsü arĩkumi: “Yu opu, mu niyeru koe yure sãdea koe merã gaji pe mojõma koeri wajatanemobu”, arĩkumi. 17 Ìgü irasü arĩmakü pégu, ãgü opu arĩkumi: “Õãgorãa. Mu yure moãboegu õãgü ããrã. Yu dorederosüta yu mérõgã murë pídea merã õãrõ iriyo. Irasirigu pe mojõma makãrĩrë doregu ããrĩgukoa”, arĩkumi ãgü opu ãgürë. 18 Puru gajigu ãsü arĩkumi: “Yu opu, mu niyeru koe yure sãdea koe merã gaji su mojõma koeri wajatanemobu yude”, arĩkumi. 19 Ìgü irasü arĩmakü pégu, ãgü opu arĩkumi: “Su mojõma makãrĩrë doregu ããrĩgukoa”, arĩkumi.

20 Puru gajigu ãsü arĩkumi: “Yu opu, muya niyeru koe õõ ããrã. Iri koere suriro gasiro merã õma, duripibu. 21 Mu gajirãrë buro turaro merã moãdoregu ããrã. Mu

basi moãbirikeregu, otebi ããrĩkeregu, mure moãboerãre oterire otedore, ãgũsarẽ oteri dukare seadore, irire mu basita opaa. Irasirigu mure gũiabũ”, ãrĩkumi ãgũ opure. ²² ãgũ irasũ ãrĩmakũ pẽgu, ãgũ opu ãrĩkumi: “Mu yure moãboegu ñegũ ããrã. Irasirigu mure wajamoãgura. Mu yure wereri merãta mure weregura. Mu yure ãsũ ãrã: ‘Mu gajirãre buru turaro merã moãdoregu ããrã. Mu basi moãbirikeregu, otebi ããrĩkeregu, mure moãboerãre oterire otedore, ãgũsarẽ oteri dukare seadore, irire mu basita opaa’, ãrã mu yure. ²³ Mu irasũ ãrĩgũ, çnasirigu yu mure sãdea koere niyeru duripiri wiigwe duripibiriri? Irogue duripimakũ, i wii moãrã iri koe merã wãro wajatanemobosabukuma mure. Irasirigu, yu goejagu, mu yure ãgũsã iriri merã wajatanemobosadeare ñeãboakuyo”, ãrĩkumi ãgũ opu ãgũrẽ. ²⁴ Irasũ ãrĩ odo, gajirãre ãgũ pũro ããrĩrãre ãrĩkumi: “ãgũrẽ niyeru koere ema, pe mojõma koeri opagu gapure sika!” ãrĩkumi. ²⁵ ãgũ irasũ ãrĩmakũ, ãgũsã ãsũ ãrĩkuma ãgũrẽ: “Gua opu, pe mojõma koeri opagu opasiami”, ãrĩkuma. ²⁶ ãgũsã irasũ ãrĩmakũ, opu ãsũ ãrĩ yujakumi: “Musãre werea. ããrĩpererã ãgũsã opari merã õãrõ irirã õãrĩrẽ sãnemosũrãkuma. Gajirã õãrõ irimerã ãgũsã meroãgã opadideare emapeokõãsũrãkuma. ²⁷ Dapagorata yure ãaturirãre yure opu ñajãmakũ gããmemerãre yu pũrogu ãrĩka! Yu ãũrõ wẽjeka ãgũsarẽ!” ãrĩkumi opu ãgũrẽ moãboerãre, ãrĩ wereyupu Jesũs.

Jesũs Jerusalẽgue ejadea

(Mt 21.1-11; Mr 11.1-11; Jn 12.12-19)

²⁸ Irasũ ãrĩ odo, gajirã dupiyuro Jerusalẽgue waayupu doja. ²⁹ Irogue waa, Betfagẽ, Betania wãĩkuri makãrĩ pũro ejarũroriyupu. Iri makãrĩ, Olivos wãĩkuri ãtãũ ããrĩdujimejãrõgue ããrĩyuro. Irogue ejagu, ãgũ buerã pẽrãre ãsũ ãrĩ iriuyupu:

³⁰ —Si makã marĩ bokatũũrõ ããrĩrĩ makãgue waaka! Iro ejarã, sugũ burrore ãgũsã suanũadire neõ suãarõ peyasũña marĩgũrẽ bokajarãkoa. ãgũrẽ kura, õõgue ãrĩka! ³¹ Sugu musãre: “çNasirimurã ãgũrẽ kurari?” ãrĩmakũ: “Marĩ Opu gããmeami”, ãrĩka! ãrĩ iriuyupu.

³² ãgũ irasũ ãrĩmakũ, ãgũ buerã pẽrã makãgue waañurã. Irogue Jesũs ãgũ ãrãderosũta waayuro. ³³ Irasirirã burrore ãgũsã kuramakũ ããrã, ãgũ oparã ãgũsarẽ sereñañurã:

—çNasirimurã burrore kurari? ãrĩñurã.

³⁴ ãgũsã irasũ ãrĩmakũ pẽrã, ãsũ ãrĩ yujũñurã:

—Marĩ Opu ãgũrẽ gããmeami, ãrĩñurã.

³⁵ Pũru burrore Jesũs pũrogu ããñurã. ããrã, ãgũsãya wekama surire tũwea, burro weka peo, Jesũre ãgũ wekague mũrĩbejamakũ iriñurã. ³⁶ Jesũs peyawãgãrimakũ, masaka ãgũsãya wekama surire tũwea ãrĩ, ãgũ waaburi maarẽ seõpĩdupiyũñurã ãgũrẽ buremurã. ³⁷ Irasirirã Jerusalẽn pũrogu eja, Olivos wãĩkuri ãtãũ dijarirã, ããrĩpererã Jesũre buremurã ãgũrẽ irogue tũyanerã ããrĩpereri ãgũ Marĩpu turaro merã iri ãmumakũ ããdeare gũñarã, usuyari merã Marĩpũre: “Õãtaria mu”, ãrĩ, buru gaguiniñurã ãgũrẽ buremurã. ³⁸ ãsũ ãrĩñurã: Marĩ Opu usuyari sãrã! ãrĩ Marĩpu marĩrẽ taugu iriudi õãrõ aariburo. ãmugasigwe ããrĩrã siñajãburo.

ãgũsãde Marĩpũre: “Õãtaria mu ããrĩpererã Opu ããrĩgũ”, ãrĩ, usuyari sãburo, ãrĩñurã.✧

³⁹ ãgũsã irasũ ãrĩmakũ pẽrã, surãyeri fariseo bumarã irogue ããrĩrã Jesũre ãrĩñurã:

—Buegu, mu buerãre wereka! Toedoreka ãgũsarẽ! ãrĩñurã.

⁴⁰ ãgũsã irasũ ãrĩmakũ, Jesũs ãgũsarẽ yujũyupu:

—Musãre werea. ãgũsã usuyari merã werenĩbirimakũ, Marĩpu i ãtãyerire gaguiniñurã iribukumi, ãrĩyupu. ⁴¹ Pũru Jesũs Jerusalẽn tũro eja, iri makãrẽ ããrã, oreypupu. ⁴² ãsũ ãrĩyupu:

—Jerusalẽn marã, dapagã Marĩpu musãre õãrõ siñajãrĩ sãduarire pẽmasĩmakũ õãtariboakuyo. Marĩpu irasũ sãduakeremakũ, musã irire neõ pẽmasĩduabea. Irasirigu Marĩpu musãre irire pẽmasĩdorebemi. ⁴³ Irasiriro musãre ñerõ waarĩnu ejarokoa. Musãre ãaturirã musãya makã tũrore wea kãmutamejãjarãkuma. Musã wiriboadeare ããrĩpererogwe

biapeokōārākuma m̄sārē ñeāmurā. ⁴⁴ Irasirirā m̄sārē yebague wējēmeépírākuma. M̄sārē iri makā marā āārīpererārē wējēpeokōārākuma. Ʋtāyeri weadeade neō gajiyē weka dujabirikoā. M̄sārē Marīp̄m̄ ĩgū taud̄marin̄m̄ ejakeremakū, m̄sā ĩgūrē ĩāmasībiriidea waja, ĩgūrē béodea waja irasū waarokoa, ārī wereyup̄m̄ Jesús.

Jesús Marīp̄m̄ya wiigüe duarārē béowiudea
(Mt 21.12-17; Mr 11.15-19; Jn 2.13-22)

⁴⁵ P̄m̄m̄ Jerusalēgue ejaḡm̄, Jesús Marīp̄m̄ya wiigüe ñajāyup̄m̄. Irogue ñajāa, doebiri duarārē, ĩgūsā duarire wajarirādere bokaja, ĩgūsārē béowiuyup̄m̄. ⁴⁶ ĩgūsārē āsū ārīyup̄m̄:

—Marīp̄m̄ ĩgūya werenĩrī gojadea pūgue āsū ārīdi āārīmī: “Yaa wii, yure b̄remurā yure sērērī wii āārā”, ārīdi āārīmī. M̄sā gap̄m̄ yajarimasāya wii irirosū āārīmakū yāa, ārīyup̄m̄ Jesús.

⁴⁷ Ʋmarik̄m̄ Jesús Marīp̄m̄ya wiigüe masakare bueḡm̄ waanayup̄m̄. ĩgū irasū bueḡm̄ ejamakū ĩā, Moisés gojadeare buerimasā, paía oparā, gajirā judío masaka oparāde: “¿Nasiri ĩgūrē wējērākuri?” ārī gūñamañurā. ⁴⁸ ĩgūsā ĩgūrē wējēduakeremakū, masaka āārīpererā ĩgū werenĩrīrē ōārō p̄nurāñurā. Irasirirā Jesúre wējēduarā: “Āsū irirā, ĩgūrē wējēmurā”, ārī, āmumasībiriñurā.

20

Judío masaka oparā Jesúre: “¿Noā m̄rē doreri?” ārī sērēñadea
(Mt 21.23-27; Mr 11.27-33)

¹ Gajin̄m̄ Jesús Marīp̄m̄ya wiigüe āārīrārē Marīp̄m̄ masakare tauri kerere bueḡm̄ iriyup̄m̄. ĩgū irasū buemakū, paía oparā, Moisés gojadeare buerimasā, judío masaka m̄rā merā ĩgū p̄rogue eja, ² ĩgūrē sērēñañurā:

—Wereka ḡware! ¿Noā m̄rē doreri, m̄ irasirimakū? ¿Noā m̄rē: “Āsū irika!” ārīrī? ārīñurā.

³ Jesús ĩgūsārē ȳj̄yup̄m̄:

—Yude m̄sārē sērēñaḡm̄ra. Ȳj̄j̄ka ȳdere! ⁴ Juan masakare deko merā wāiyemakū, ¿noā ĩgūrē wāiyedoreḡm̄ iriuyuri, Marīp̄m̄, o masaka? ārīyup̄m̄.

⁵ ĩgū irasū ārīmakū p̄rā, ĩgūsā basi āsū ārī gāme werenĩñurā:

—¿Naāsū ārī ȳj̄rākuri marī? “Marīp̄m̄ Juārē doredi āārīmī”, marī ārīmakū, Jesús marīrē: “¿Nasirirā ĩgū weredeare b̄remubiriri m̄sā?” ārībukumi. ⁶ Āārīpererā masaka: “Diayeta Juan Marīp̄m̄yare weredupiyudi āārīmī”, ārī gūñama. Marī: “Masaka Juārē wāiyedorenerā āārīmā”, ārīmakū, masaka marīrē ūtāyeri merā dearākuma, ārīñurā. ⁷ Irasirirā Jesúre āsū ārī ȳj̄ñurā:

—Juārē wāiyedoredire ḡma masībea, ārīñurā.

⁸ ĩgūsā irasū ārīmakū, Jesús ĩgūsārē ārīyup̄m̄:

—Iro merē m̄sā yure: “¿Noā m̄rē irire doreri?” ārī sērēñadeare yude m̄sārē ȳj̄bea, ārīyup̄m̄.

Jesús ñerā moārā keori merā buedea
(Mt 21.33-44; Mr 12.1-11)

⁹ P̄m̄m̄ Jesús i keori merā masakare āsū ārī buen̄ḡyup̄m̄:

—Suḡm̄ masakā ĩgūya pooegüe iguidarire otekumi. Ote odo, gajirārē iri pooere wayu: “Ȳm̄ otedea dukare deko merā s̄rākōa, ȳm̄ m̄sārē iri pooere wayuri waja”, ārīkumi. Irasū ārī odo, gajirogue waakōākumi. Yoaripoe deyomarīkumi. ¹⁰ P̄m̄m̄ igui ñiripoe āārīmakū, ĩgūrē moāboeḡm̄re ĩgūya pooema oterī dukare deko merā sērēdoreḡm̄ iriukumi. Pooere moārā gap̄m̄ ĩgū iriuadire irogue ejamakū ĩārā, ĩgūrē pākuma. Neō sutō iguitō s̄rō marīrō ĩgūrē iridujukuma. ¹¹ P̄m̄m̄ pooe op̄m̄ gajiḡm̄ ĩgūrē moāboeḡm̄re iriuadikumi doja. Pooere moārā gap̄m̄ ĩgūdere pá, ñerō irikuma. Neō gajino s̄rō marīrō ĩgūdere iridujukuma.

12 Pɔrɔ pooe opɔ gajigɔ ɪgũrɛ moãboegɔre iriuadikumi doja. Pooere moãrã gapɔ ɪgũrɛ kãmitú, iri pooe turogue béokõãkuma.

13 ɪgũsã irasiriadero pɔrɔ, pooe opɔ ãsũ ãrɪ gũñakumi: “¿Nasirigukuri yɔ?” ãrɪkumi. “Ãsũ irigɔra. Yɔ magũ yɔ maɪgũrɛ iriugɔra. ɪgũrɛ iriumakũ, ɪgũrɛ bɔremurãkuma”, ãrɪ gũñadikumi. 14 Irasirigɔ ɪgũ magũrɛ iriukumi. ɪgũ irogue ejamakũ ɪãrã, pooe moãrã gapɔ ɪgũsã basi ãsũ ãrɪ gãme wereníkuma: “Íta pɔrɔguere i pooere opabu ããrɪmi. ɪgũrɛ wɛjɛkõãrã! Irasirirã marɪ basi i pooere oparãkoa”, ãrɪkuma. 15 Irasirirã ɪgũrɛ ñeã, pooe turogue ãiwãgã, wɛjɛbéokõãkuma, ãrɪyupɔ Jesús.

Irasũ ãrɪ odo, ɪgũsãrɛ sɛrɛñayupɔ:

—Mɔsã péñamakũ, ɪgũ magũrɛ wɛjɛadero pɔrɔ, ¿nasirigukuri pooe opɔ ɪgũya pooere moãrãrɛ? ãsũ irigɔkumi. 16 Irogue waa, ɪgũsãrɛ wɛjɛ, iri pooere gajirã gapɔre sɪgɔkumi, ãrɪyupɔ Jesús.

ɪgũ irasũ ãrɪmakũ pérã, masaka gapɔ ãsũ ãrɪñurã:

—Neõ marɪrɛ irasũ waabirikõãburo, ãrɪñurã.

17 Jesús gapɔ ɪgũsãrɛ ɪã, ãsũ ãrɪ sɛrɛñayupɔ:

—Marɪpɔya werenírɪ gojadea pũgue ãsũ ãrɪ gojasũdea, ¿naásũ ãrɪduaro yãri? ãsũ ãrɪ gojasũdero ããrɪbú:

Suye ãtãyere wii iririmasã béoadeaye merã gajigɔ gapɔ õãrõ turari wii irigɔkumi.✧

18 Sugɔ i ãtãye weka meémejãgũ, mutãkõãgɔkumi. I ãtãye gapɔ ɪgũ weka meébejaro ɪgũrɛ õãrɪ pogagãgue meémutúbéokõãrokoa, ãrɪyupɔ Jesús.

Romano marã opɔ masakare niyeru wajasearire Jesúre sɛrɛñadea

(Mt 21.45-46; 22.15-22; Mr 12.12-17)

19 Paía oparã, Moisés gojadeare buerimasãde ɪgũ i keori merã irasũ ãrɪ weremakũ pérã: “Marɪrɛ: ‘Pooe moãrã irirosũ ñerã ããrã’, ãrɪgũ irikumi”, ãrɪ péña, ɪgũrɛ peresu irimurã buro ñeãduadiñurã. Irasũ ñeãduakererãta: “Masaka, ɪgũrɛ marɪ irasirimakũ ɪãrã, marɪ merã guarãkuma”, ãrɪñurã. Irasirirã ɪgũsãrɛ gũisã, ñeãmasɪbiriñurã. 20 Irasirirã: “Gajinũ ɪgũrɛ ñeãrãra”, ãrɪ, ɪãnurãtɔyañurã. ɪgũ ñerõ yɔjɔmakũ weresãmurã péduarã iriadiñurã. Irasirirã gajirãrɛ irikatorãrɛ ɪgũ pɔro iriũñurã ɪgũ werenírɪrɛ pédorerã. “ɪgũrɛ sɛrɛñarã waarã, masaka ɪũrõrɛ diaye irirã irirosũ ããrɪka!” ãrɪ, ɪgũsãrɛ iriũñurã. “Jesús ñerõ werenímakũ pérã, iri nikũ marã opɔ pɔrogue peresu iridorerã ãiwãgãrãra”, ãrɪrã, ɪgũsãrɛ iriũadiñurã. 21 ɪgũsã Jesús pɔrogue ejarã, ãsũ ãrɪñurã:

—Buegɔ, mɔ iririkurɪre masã. Mɔ ãrɪkatoro marɪrõ werenía. Marɪpɔyare diayeta buea. “¿Naásũ gũñarɪ masaka yɔre?” ãrɪ gũñarõ marɪrõ diayeta ɪgũsãrɛ werea. Oparãrɛ, ubu ããrɪrãdere ããrɪpererãrɛ surosũta ɪãa. 22 Irasirigɔ gɔare wereka! Romano marã opɔ marɪrɛ niyeru wajasearire marɪ wajarimakũ, ¿õãgorari, o õãberi? ãrɪñurã Jesúre.

23 Jesús gapɔ ɪgũsã ñerõ iriduarire masɪsã, ɪgũsãrɛ ãrɪyupɔ:

24 —Niyeru koere ãrɪka! I koeguere, ¿noãya diapu keori, noãya wãɪ tuuyari? ãrɪyupɔ.

—Romano marã opɔya diapu keori, ɪgũ wãɪta tuuyãa, ãrɪ yɔjɔñurã.

25 ɪgũsã irasũ ãrɪmakũ pégɔ, Jesús ɪgũsãrɛ ãsũ ãrɪyupɔ:

—Iro merɛ romano marã opɔya ããrɪrɪrɛ ɪgũrɛ sɪka! Marɪpɔya gapɔre Marɪpɔre sɪka! ãrɪyupɔ.

26 Irasirirã masaka péuro neõ ɪgũrɛ ñerõ ãrɪ werenímakũ irimasɪbiriñurã. Ubu gapɔ ɪgũ yɔjɔrɪre pérã pégɔka, toekõãñurã.

Saduceo bumarã, Marɪpɔ boanerãrɛ masũburire Jesúre sɛrɛñadea

(Mt 22.23-33; Mr 12.18-27)

27 Pɔrɔ surãyeri saduceo bumarã Jesús pɔrogue ejañurã. ɪgũsã: “Masaka boanerãgue masãbirikuma”, ãrɪ bɔremurã ããrɪñurã. Irasirirã Jesúre ãsũ ãrɪñurã:

✧ 20:17 Sal 118.22

28 –Buegɯ, Moisés marĩrẽ ʼsũ ʼrĩ gojapídi ʼãrĩmí: “Sugɯ marāpokɯdi pūrā marĩkeregu igore boaweomakũ, ĩgũ pagɯmɯ igore dúunorẽgɯkumi. Irasirirā, ĩgũ igo merā pūrākɯrā ĩgũ tĩgũ dagɯ pūrā irirosũta ʼãrĩrākuma”, ʼrĩ gojapídi ʼãrĩmí.

29 ʼIripoeguere sugɯ pūrā, su mojõma pere gaji mojõ peru pērẽbejarā ʼãrĩunanerā ʼãrĩmá. ĩgũsā tĩgũ gapɯ marāpokɯ, pūrā marĩgũta boakõāyupɯ. 30 Irasirigɯ ĩgũ dagɯ dokamɯta ĩgũ marāpo ʼãrĩdeore dúunorẽyupɯ. ĩgũde, ĩgũ tĩgũ dagɯ irirosũta pūrā marĩgũta boakõāyupɯ. 31 ĩgũsā pērā dokamɯde pūrā marĩgũta boakõāyupɯ. Irasũ dita pūrā marĩrāta boapereakõāñurā. 32 ĩgũsā pɯɯ ĩgũsā marāpode boakõāyupo pama. 33 ĩgũsā su mojõma pere gaji mojõ peru pērẽbejarā ũma igore marāpokɯadiñurā. Irasirirā boanerā masāmakũ, ¿niño marāpogora ʼãrĩgokuri? ʼrĩñurā.

34 Jesús ĩgũsārẽ yɯjɯyupɯ:

–I ũmɯgue ʼãrĩrā, ũma, nome merā marāpokɯma. ĩgũsā pūrā nomedere nome-suma. 35 ĩgũsā irasirikeremakũ, ũmɯgasigue ʼãrĩmurā gapɯ irasũ ʼãrĩbirikuma. Marĩpɯ: “Õārā ʼãrĩma”, ʼrĩ ĩārā, boanerāgue masā, pɯɯ ĩgũ pɯrogue mɯrĩārākuma. Iroguere marāpokɯbirikuma. ĩgũsā pūrā nomedere nomesubirikuma. 36 Marĩpɯre wereboerā irirosũ neõ dupaturi boabirimurā ʼãrĩsĩā, irasiribirikuma. ĩgũsā Marĩpɯ masũnerā, ĩgũ pūrā ʼãrĩrākuma. 37 Iripoeguere Moisés ĩgũ yukɯgāgue ũjũrõgue waadeare gojadi ʼãrĩmí. ĩgũ iroguere ʼãrĩmakũ, Marĩpɯ ʼsũ ʼrĩdi ʼãrĩmí ĩgũrẽ: “Yɯ Abraham, Isaac, Jacob Opɯta ʼãrā”, ʼrĩdi ʼãrĩmí. I merā boanerā masāburire marĩ masā. 38 Abraham, Isaac, Jacob boanerā ʼãrĩkererā, Marĩpɯ merā okarā ʼãrĩma. Irasirigɯ Marĩpɯ boanerā dupaturi masābirimurā Opɯ ʼãrĩbemi. Okarā Opɯ ʼãrĩmí. ʼãrĩpererā masaka boakererā, Marĩpɯ ĩũrõ okarā ʼãrĩma, ʼrĩyupɯ Jesús.

39 ĩgũ irasũ ʼrĩmakũ pērā, surāyeri Moisés gojadeare buerimasā ʼsũ ʼrĩñurā:

–Buegɯ, mɯ õārõ yɯjɯa, ʼrĩñurā. 40 Irasirirā neõ dupaturi gaji ĩgũrẽ sērẽñadɯbiriñurā.

*“¿Noā parāmi ʼãrĩturiagɯ ʼãrĩrĩ Cristo?” ʼrĩ sērẽñadea
(Mt 22.41-46; Mr 12.35-37)*

41 Jesús gapɯ ʼsũ ʼrĩyupɯ:

–¿Nasirirā Moisés gojadeare buerimasā: “Cristo, David parāmi ʼãrĩturiagɯ ʼãrĩmí”, ʼrĩrĩ? 42 David, Salmos wāikɯrĩ gojadea pũgue ʼsũ ʼrĩ gojadi ʼãrĩmí:

Marĩpɯ, yɯ Opɯre ʼsũ ʼrĩmí: “Õõ, yɯ diaye gapɯ doaka yɯ merā dorebu!

43 Irasiriripoe mɯrẽ ĩāturirārẽ mɯ dorerire tarinɯgānemobirimakũ irigɯra”, ʼrĩmí, ʼrĩ gojadi ʼãrĩmí David.✧

44 David, Cristo ñekũ ʼãrĩkeregɯ, ĩgũrẽ: “Yɯ Opɯ ʼãrĩmí”, ʼrĩdi ʼãrĩmí. ¿Nasirigɯ, Cristo, David parāmi ʼãrĩturiagɯ ʼãrĩkeremakũ, David ĩgũrẽ irasũ ʼrĩyuri? ʼrĩyupɯ Jesús.

*Jesús, Moisés gojadeare buerimasārẽ: “Ñerõ yáa”, ʼrĩ weresādea
(Mt 23.1-36; Mr 12.38-40; Lc 11.37-54)*

45 ʼãrĩpererā masaka péurogue Jesús ĩgũ buerārẽ ʼsũ ʼrĩyupɯ:

46 –Moisés gojadeare buerimasā ñerõ iririre õārõ pémasĩka! Oparā irirosũ surí yoari sãña, masaka ĩũrõgue waagorenama. Makā dekoguere masakare õārõ bɯremurĩ merā bokatĩrĩ õādoremakũ gāāmema. Nerẽrĩ wiiriguere ñajārā, õārĩ doaripẽrĩgue dita doadɯama. Bosenɯrĩ ʼãrĩmakũdere oparā doariguge dita doadɯama. 47 Wapiweyarā nome wajamomakũ ĩā, ĩgũsāya wiirire ēmanokõāma. ĩgũsārẽ bopoñarĩ merā ĩābirikererā, yoaripoe Marĩpɯre sērẽ ĩmukatoma, masaka ĩgũsārẽ: “Marĩpɯre õārõ bɯremuma”, ʼrĩburo, ʼrĩrā. ĩgũsā irasiriri waja Marĩpɯ ĩgũsārẽ gajirā nemorõ wajamoāgɯkumi, ʼrĩyupɯ Jesús.

21

Wapiweyo bopogo Marĩpuya wiigue niyeru koeri sãdea (Mr 12.41-44)

¹ Jesús Marĩpuya wiigue ããrĩgú, iri wiima ĩgúsã ãmuburi niyeru neeõrĩ kũmague wári doebiri opará ĩgúsã niyeru sãmakũ ĩãyupu. ² Sugo wapiweyo bopogode iri kũmague pe koegã, mérõgã wajakuri koerigãrẽ sãmakũ ĩãyupu. ³ Iri koerire igo sãmakũ ĩãgũ, ãsũ ãrĩyupu:

—Diayeta mũsãrẽ werea. Igo wapiweyo bopogo i kũmague niyeru sãgõ, Marĩpũ ĩũrõ gajirã ããrĩpererã ĩgúsã sĩadero nemorõ sãamo. ⁴ Gajirã wári doebiri opará wáro sĩkeremakũ, ĩgúsãya wáro dũyáa. Igo gapũ bopogo ããrĩkerego, igo baari wajariboadeare sĩpeokõãmo Marĩpure bũremugõ, ãrĩyupu.

Jesús Marĩpuya wiire béoburimarẽ werede (Mt 24.1-2; Mr 13.1-2)

⁵ Surãyeri ĩgũ buerã Marĩpuya wiimarẽ ĩãrã, ãsũ ãrĩñurã:

—Õãrĩ ãtãyeripa merã iridea wii ããrã. Masaka iri wiire ĩgúsã sĩdeade õãrĩ ããrã, ãrĩñurã. ĩgúsã irasũ ãrĩmakũ pégu, Jesús ĩgúsãrẽ ãrĩyupu:

⁶ —Mũsã i wiimarẽ dapagorare ĩãdáa. Sunũ i wiima ããrĩpereri marĩ ĩãdea, i ãtãyeride mutãdijapereakõãrokoa. Neõ suye ãtãye gajiye weka weamũrĩadeade dujabirikoa, ãrĩyupu.

Jesús: “I ãmũ pereburi dupiyuro ãsũ waarokoa”, ãrĩ werede (Mt 24.3-28; Mr 13.3-23)

⁷ ĩgũ irasũ ãrĩmakũ pérã, ĩgũrẽ sërẽñañurã:

—Gũare buegu, ¿naásũ ããrĩmakũ mũ ãrãderosũ waarokuri? ¿Ñeeno iri ĩmugukuri, iri irasũ waaburi dupiyuro? ãrĩñurã.

⁸ Jesús yũjũyupu:

—Õãrõ pémasĩka! Gajirã wárã ãrĩkatorimasã aarirãkuma. “Yũ Marĩpũ iriudi, Cristo ããrã”, ãrĩrãkuma. “Dapagorare i ãmũ pereburo aarisiáa”, ãrĩrãkuma. ĩgúsã ãrĩkatorire pébirikõãka! ⁹ Masaka mũsã pũro gãmewějẽrĩrẽ pérã, gajirogue marã ĩgúsã oparãrẽ béori kerere pérã, gũkabirikõãka! I ãmũ pereburi dupiyuro irasũ waapũrorirokoa. Irasũ waakeremakũ, i ãmũ pereburo dũyarokoa dapa, ãrĩyupu.

¹⁰ Irasũ ãrĩ odo, ĩgúsãrẽ ãsũ ãrĩnemoyupu doja:

—Su bumarã, gaji bumarã merã gãmewějẽrãkuma. Su nikũ marã, gaji nikũ marã merã gãmewějẽrãkuma. ¹¹ Wári makãrĩguere nikũ bũro ñomerokoa. Masaka wárã ãaboari merã boarãkuma. Pũrĩrikuri merã ñerõ tarirãkuma. Ñmũgasiguere bũro goeri, wári gajino deyoarire ĩãrã, masaka bũro gũirãkuma.

¹² I ããrĩpereri irasũ waaburo dupiyuro mũsã yũre bũremurĩ waja gajirã mũsãrẽ ñeã, ñerõ irirãkuma. Irasirirã marĩ judío masaka nerẽrĩ wiirigue mũsãrẽ weresã, peresu irirãkuma. Makãrĩ marã opará pũroguere ãĩãnarãkuma mũsãrẽ wajamoãdorerã. ¹³ ĩgúsã iroguere mũsãrẽ ãĩjamakũ, mũsã gapũ Marĩpuya õãrĩ kerere wererãkoa ĩgúsãrẽ. ¹⁴ ĩgúsã mũsãrẽ opará pũroguere ãĩwãgãmakũ ĩãrã, oparãrẽ yũjũburire gũñarikũbirikõãka! “¿Naásũ ãrĩrãkuri ĩgúsãrẽ?” ãrĩ gũñarikũbirikererãta ããrĩka! ¹⁵ Mũsã werenĩmakũ iritamugũra. Mũsãrẽ irasũ iritamugũ, masĩrĩ merã õãrĩ werenĩrĩ merã weremakũ irigũra. Mũsã irasũ weremakũ pérã, mũsãrẽ ĩãturirã gapũ mũsã werenĩrĩrẽ bokatĩũbirikuma. “Iri diaye ããrĩbea”, ãrĩmasĩbirikuma. ¹⁶ Surãyeri mũsã pagusãmarã, mũsã pagupũrã, mũsãya makã marã, mũsã merãmarãde mũsãrẽ oparãguere wějẽdorerã wiarãkuma. Irasirirã mũsãrẽ surãyerire wějẽrãkuma. ¹⁷ Yũre mũsã bũremurĩ waja ããrĩperero marã masaka mũsãrẽ ĩãturi doorãkuma. ¹⁸ ĩgúsã irasirikeremakũ, sudagã mũsãya poadagã neõ dederibirikoa. ¹⁹ Irasirirã mũsãrẽ ñerõ irikeremakũ, yũre bũremurĩrẽ pirimerã, Marĩpũ pũroguere perebiri okari oparãkoa.

²⁰ 'Irasirirā wārā surara Jerusalén turo gāmegorobiatumakū iārā, iri makārē ĩgūsā béoburo mérōgā d̄uyáa, ārī masīrākoa. ²¹ Irasū waamakū iārā, Judea nikūgue āārīrā ūtāyukugue ūmaduriburo. Jerusalēgue āārīrāde iri makārē wiriburo. Iri makā turo āārīrā Jerusalēguere dupaturi goedujāabirikōāburo. ²² Irasū waarinurī Marīpū ñerārē wajamoārīnurī āārīrokoa. Irasiro āārīpereri ĩgūya werenīrī gojadea pūgue gojaderosūta waarokoa. ²³ I nikū marā buro pūrīrō péñarākuma. Marīpū ĩgūsārē buro wajamoāgukumi. Irasū waamakū, nijīpagosā nome, ĩgūsā pūrā mirīrāgā oparā nomede buro ñerō tarīrākuma. ²⁴ Surāyeri i makā marā gāmewējērōgue boarākuma. Boamerā gapure āārīpereri nikūgue āīwāgā, peresu irirākuma. Judío masaka āārīmerā Jerusalērē ñerō irirākuma. Irasirirā iri makā marārē tarinugārākuma. Marīpū, judío masaka āārīmerārē: “Iri makā marārē neō opabirikōāka pama!” ārīmakūgue opaduūrākuma.

Jesús i ūmugue ĩgū dupaturi aariburire weredea

(Mt 24.29-35, 42-44; Mr 13.24-37)

²⁵ 'I ūmū pereburi dupiyuro abe ūmumū, abe ñamimū, neñukāde deyori gorawayuakōārākuma. Wādiya turaro busuri, makūrī nikūguere buro ejarokoa. Irasirirā i ūmū marā āārīpererā buro gūkari merā diaye gūñamasībirikuma. ²⁶ Ūmarōgue marā turarā naradari merā béosūrākuma. Irasū waamakū iārā, masaka i ūmū pereburire: “¿Aarisiakuri?” ārī gūñarā, buro gūiri merā kōmorā irirosū neō gūñajabirikuma. ²⁷ Irasū waaripoere masaka yū āārīpererā tīgū, wáro Marīpū turari merā, ĩgū gosesiriri merā ĩmikāyebogue i nikūguere yū dupaturi aarimakū iārākuma. ²⁸ Yū ārīderosūta iri goerire waapurorimakū iārā, musā yaarā āārīrā gūibirikōāka! Gūñaturari merā ūmugasigwe ĩāmuka! Mérōgā d̄uyáa, Marīpū musārē pereburi peamegue waabonerārē tauri ejaburo, ārīyupū Jesús.

²⁹ Irasū ārī odo, i keori merā ĩgūsārē werenemoyupū:

—Higueragu, o gajigu yukū noó gāamedire iāka! ³⁰ Irigu pū maamamakū iārā: “Bojori waaburo mérōgā d̄uyáa”, ārī masīa. ³¹ Irigu waarósūta i āārīpereri yū ārīrī irasū waamakū iārā: “Marīpū ĩgūyarārē doreri aariburo mérōgā d̄uyáa”, ārī masīrākoa. ³² Diayeta musārē werea. I ūmū marā boapereburo dupiyuro i āārīpereri yū ārīrī irasū waarokoa. ³³ Ūmugasī, i nikūde pereakōārōkoa. Yū werenīrī gapū neō perebirikoa. Āārīpereri yū ārīrōsūta waayuwarikurokoa.

³⁴⁻³⁵ 'Yū dupaturi aariburinurē neō masībea musā. Irasirirā ōārō pémasīka! Bosenurīrē irirā, ñerīrē iribirikōāka! Mejābirikōāka! I ūmumarē buro gūñarikūbirikōāka! Musā ire irasirimerā, gūñaña marīrō i ūmuguere yū aarimakū iārā, gūkabirikoa. Waibu gūñaña marīrō weadeadague ĩgū meésiajarosūta gūñaña marīrō yū aarirīnū masakare āārīpereri nikū marārē waarokoa. ³⁶ Irasirirā ōārō pémasīrī merā yūka! Marīpure āsū ārī sērēnikōāka! “I ūmū peremakū, gūare iritamuka! Turarire sīka, gūare ōārō tariburo, ārīgū! Irasirirā gūa āārīpererā tīgūrē gūiro marīrō bokatīrīrākoa”, ārī sērēka ĩgūrē! ārīyupū Jesús.

³⁷ Jesús ūmurīkū Marīpūya wiigwe buenayupū. Ūnamirīkū bue odogū, Olivos wāīkūdi ūtāūgue waa, irogue āārīboyoanayupū. ³⁸ Boyoripoe āārīmakū, āārīpererā masaka Marīpūya wiigwe ĩgū buerire pērā waanañurā.

22

Judas Iscariote Jesúre wējēduarāguere ĩgūrē ĩmuburire āmudea

(Mt 26.1-5, 14-16; Mr 14.1-2, 10-11; Jn 11.45-53)

¹ Iriopere judío masaka pā wemasārī morēña marīrī baari bosenu, mérōgā d̄uyayuro. Iri bosenu pascua wāīkūyuro. ² Paía oparā, Moisés gojadeare buerimasā Jesúre wējēduarā: “¿Nasiri ĩgūrē wējērākuri marī?” ārīñurā. ĩgūsā Jesúre wējēduakererā, masakare gūiñurā.

³ Iripoere wātī, Judas Iscariote wāikuguguerē ñajāyupũ ñerō iridoregũ. Judas, Jesús buerā pe mojōma pere su gubu peru pērēbejarā watopemũ āārādiyupũ. ⁴ Wātī ñajādero pũũ, Judas paía oparā, Marīpũya wiire korerā surara oparā pũro waayupũ. Irogue eja, ĩgũ Jesúre ĩmuburire ĩgūsā merā wereniyupũ. ⁵ ĩgũ irasũ āāĩmakũ pérā, usuyari merā: “ĩgūrē mũ gũare ĩmumakũ, mūrē niyeru wajarirākoa”, āāĩñurā. ⁶ Judas: “Jáũ”, āāĩ, pũũ: “¿Naásũ āāĩmakũ, masaka ĩāberogue oparāguere yũ Jesúre wiamakũ ōārokuri?” āāĩ gũñayupũ.

Jesús ĩgũ buerā merā baatũnudea

(Mt 26.17-29; Mr 14.12-25; Jn 13.21-30; 1 Co 11.23-26)

⁷ Pũũ pā wemasāĩ morēña marĩĩ baari bosenu āāĩñugārĩnu āāĩyuro. Irinu pascua bosenu iririnu āāĩmakũ, Marĩpũ ĩūrō oveja majĩgūrē ĩgūsā wējērĩnu āāĩyuro. ⁸ Irinuta Jesús Pedrore, Juārē āsũ āāĩ iriyupũ:

—Marĩ pascua bosenu baaburire āmurā waaka!

⁹ ĩgũ irasũ āāĩmakũ pérā, āsũ āāĩ sērēñañurā:

—¿Noógue marĩ pascua bosenu baaburire āmumakũ gāāmekuri? āāĩñurā.

¹⁰⁻¹¹ Jesús ĩgūsārē yũjuyupũ:

—Jerusalégue waaka! Irogue sugũ dekosoro kōāwāgāgūrē bokajarākoa. ĩgūrē tũyaka! ĩgũ ñajāri wiigüe ejarā, iri wii opũre: “Gũare buegũ, āsũ āāĩ sērēñadoreami: ‘¿Díĩ taribugue yũ buerā merā i pascua bosenu baa gũkuri?’ āāĩmi”, āāĩka! ¹² Mũsā irasũ āāĩmakũ pé, wári taribu, āmarōgue ĩgūsā āmu odoadea taribure ĩmugũkumi. Irogue marĩ baaburire āmuka! āāĩyupũ Jesús.

¹³ Irasirirā iri makāgue waa, irogue eja, Jesús wereaderosũta bokaja, pascua bosenu baaburire āmuñurā.

¹⁴ ĩgūsā baaripoe ejamakũ, Jesús ĩgũ buerā pe mojōma pere su gubu peru pērēbejarā merā baa doanĩyupũ. ¹⁵ Irogue baa doanĩgũ, ĩgūsārē āāĩyupũ:

—Yũ boaburo dupiyuro i pascua bosenu baarire mũsā merā bũro baadũāa. ¹⁶ Mũsārē werea. I bosenu marĩ dapagora irirosũ yũ dupaturi neō irinemobirikoa. Pũũ Yũpũ ĩgũyarārē dorerogue dupaturi iriyuwarikũgũkoa, āāĩyupũ.

¹⁷ Irasũ āāĩ odo, iirĩripare āĩ, Marĩpũre: “Mūrē usuyari sĩa”, āāĩ, ĩgūsārē āsũ āāĩyupũ:

—Ire āĩ, dukawa iirĩka! ¹⁸ Mũsārē werea. I igui dekore marĩ dapagora iirirosũ yũ dupaturi neō iirĩnemobirikoa. Yũpũ ĩgũyarārē doreri ejadero pũrugue dupaturi iirĩgũkoa doja, āāĩyupũ.

¹⁹ Pũũ pārē āĩ, Marĩpũre: “Mūrē usuyari sĩa”, āāĩ, pārē pea, ĩgūsārē āsũ āāĩ guereyupũ:

—I yaa dũpũ āārā. Yũ mũsā ñerō iridea waja boagũkoa. Irasirirā mũsā dapagora iriaderosũ nerē, pārē baariku, yũ mũsārē boabosarire gũñaka! āāĩyupũ.

²⁰ ĩgūsā baa odoadero pũũ, pārē āāĩaderosũta iirĩripadere āĩ, ĩgūsārē āsũ āāĩyupũ:

—Yũ mũsārē boabosagu, yaa dí béori merā Yũpũ mũsārē: “Ōārō irigũra”, āāĩdeare iriyuwarikũgũkoa.

²¹ Dapagorare yũre wējēduarāguere yũre ĩmubu ōō yũ merā baa doanĩmi. ²² Marĩpũ āāĩaderosũta yũre āāĩpererā tĩgūrē waaró yāa. Yũre ĩmubu gapũre ñetariro waarokoa, āāĩyupũ.

²³ ĩgũ irasũ āāĩmakũ pérā, ĩgūsā basi āsũ āāĩ gāme sērēñañurā:

—¿Noā marĩ watopēguere irasiribukuri? āāĩñurā.

Jesús buerā: “Marĩ watopere, ¿noā āāĩpererā nemorō āāĩgũkuri?” āāĩ guaseodea

²⁴ Pũũ Jesús buerā āsũ āāĩ gāme guaseoñurā:

—Marĩ watopere, ¿noā āāĩpererā nemorō āāĩgũkuri? āāĩñurā.

²⁵ Jesús gapũ ĩgūsārē āāĩyupũ:

—I nikũ marā oparā Marĩpũre bũremumerā gapũ ĩgūsāyarārē dorerā, turaro merā dorema. Irasirirā ĩgūsā oparārē: “Masakare ōārō iritamurā āāĩma”, āāĩma. ²⁶ Mũsā

tamerã i nikũ marã oparã irirosũ iribirikõãka! Æsũ gapu irika! Musã watopeguere sugu gajirã nemorõ ããrĩdũagu, musã nemorõ ubu ããrĩgũ maamu irirosũ ããrĩburo. Musãrẽ doredũagu, moãboegu irirosũ musãrẽ iritamugũ ããrĩburo. ²⁷ Musã gũñamakũ, ¿niino gapu gajigu nemorõ ããrĩgũ ããrĩrĩ? ¿Baa doanígũ gapu, o ãgũrẽ baari ejogu gapu ããrĩrĩ? Æsũ ããrã. Baa doanígũ gajigu nemorõ ããrĩmi. Yu gapu musã watopegue ããrĩgũ, musãrẽ moãboegu irirosũta musãrẽ iritamugũ aaribũ.

²⁸ Masaka yure ñerõ irikeremakũ, musã yu merã ããrĩnĩkõãbu. ²⁹ Irasirigu, Yuru yure ãgũyarã Opu píderosũ, yu musãdere oparã sóogura. ³⁰ Irasirirã, yu ãgũyarã Opu ããrĩrõgue musãde, yu merã iiri, baa doanírãkoa. Irogue musã pe mojõma pere su gubu peru pẽrẽbejari oparã doarire doarãkoa. Irasirirã Israel bumarãrẽ pe mojõma pere su gubu peru pẽrẽbejari buri marãrẽ dorerãkoa, ãrĩyuru.

*Jesús Pedrose: “Yure masĩkeregu: ‘Masĩbea’, ãrĩgũkoa”, ãrĩ weredea
(Mt 26.31-35; Mr 14.27-31; Jn 13.36-38)*

³¹ Irasũ ãrĩ odo, marĩ Opu Jesús Pedrose ãsũ ãrĩyuru:

—Simón, yure péka! Wãtẽa opu Satanás Yurure sãrẽadami, trigo gasirire koro, yusasiribéoro irirosũ musãrẽ yure buremurĩrẽ pirimakũ iridũagu. ³² ãgũ irasũ iridũakeremakũ, yu gapu muya ããrĩburire Yurure sãrẽbosabu, mu yure buremurĩrẽ piribirikõãburo, ãrĩgũ. Irasirigu yure dupaturĩ õãrõ gũñaturadero puru, muyarã yure buremurãrẽ gũñaturamakũ irika! ãrĩyuru.

³³ ãgũ irasũ ãrĩmakũ pégu, Pedro ãrĩyuru:

—Yu Opu, murẽ peresu irirã, yudere mu merãta peresu iriburo. Murẽ wẽjẽrã, yudere mu merãta wẽjẽburo, ãrĩyuru.

³⁴ Jesús ãgũrẽ ãrĩyuru:

—Pedro, murẽ werea. Dapagã ñami ãgãbo wereburo dupiyuro yure masĩkeregu urea gajirãrẽ: “Masĩbea”, ãrĩkatogakoa, ãrĩyuru.

Jesúre ãgũsã ñeãburo dupiyuro waadea

³⁵ Irasũ ãrĩ odo, Jesús ãgũ buerãrẽ ãsũ ãrĩ sãrẽñayuru doja:

—¿Sõõ ããrĩdeapoere musã niyeru, surĩ ããrĩ ajuri, gubu surĩ opamerã musãrẽ yu iriudeapoere ñeãnorẽ gããmenemorĩ?

—Neõ gajino gããmenemobiribu, ãrĩ yujũñurã.

³⁶ ãgũsã irasũ ãrĩmakũ, ãrĩyuru doja:

—Dapagora gapure surĩ, niyeru ããrĩ ajuri oparã, irire ããka! Musãrẽ sareri majĩrĩ marĩmakũ ããrã, musãya surĩ wekamarẽ dua, su majĩ wajarika! ³⁷ Ire musãrẽ werea. Marĩpuya werenĩrĩ gojadea pũgue gojaderosũta yure waaró yáa. Æsũ ãrĩ gojasũdero ããrĩbũ: “ ãgũde ñegũ irirosũ ñerã watopeguere ããrĩdi ããrĩmi’, ãrĩsũgukumi”, ãrĩ gojasũdero ããrĩbũ, ãrĩyuru. ãgũ irasũ ãrĩmakũ pẽrã, ãgũ buerã ãgũrẽ ãrĩñurã:

³⁸ —Gua Opu, pe majĩ sareri majĩrĩ opãa, ãrĩñurã.

—Õãsiãa, ãrĩ yujuyuru Jesús.

*Jesús Getsemanígue Marĩpura sãrẽdea
(Mt 26.36-46; Mr 14.32-42)*

³⁹ Puru Jesús ãgũ irinarõsũ Olivos wãikudi ãtãũgue waakõãyuru. ãgũ buerãde ãgũ merã waañurã. ⁴⁰ Irogue ejagu, Jesús ãgũsãrẽ ãrĩyuru:

—Marĩpura sãrẽka, wãtĩ ãrĩmesãrĩrẽ iribukoa, ãrĩrã, ãrĩyuru.

⁴¹ Irasũ ãrĩ odo, ãgũ suguta yoawayaro waa, ñadukupuri merã ejamejãja, Marĩpura ãsũ ãrĩ sãrẽyuru:

⁴² —Au, yu ñerõ tariburire taudũagu, tauka! Yu irasũ ãrĩkeremakũ, yu gããmerõsũ iribirikõãka! Mu gããmerõsũ gapu yure waaburo, ãrĩyuru.

⁴³ Īgū irasū āřĩmakū, Marĩpũre wereboegũ ãmũgasigue ããrãdi Jesũre deyoayupũ ĩgũrẽ gũñaturamakū irigũ. ⁴⁴ Jesús bũro pũrĩsũgũ Marĩpũre sãrẽadero nemorõ ĩgũrẽ sãrẽnemoyupũ doja. Īgũ ñajãsuririta dí yeri pagayeri wiri, yebague yuriyuro.

⁴⁵ Marĩpũre irasū āřĩ sãrẽ odo, wãgãñũgã, ĩgũ buerã pũrogue ejagũ, bũro bujawereri merã kãrĩrãrẽ bokajayupũ. ⁴⁶ Irasirigũ ĩgũsãrẽ āřĩyupũ:

—¿Nasirirã kãrĩrĩ? Yobeka! Marĩpũre sãrẽka, wãtĩ āřĩmesãrĩrẽ iribukoa, āřĩrã, āřĩyupũ.

Jesũre ñeãwãgãdea

(Mt 26.47-56; Mr 14.43-50; Jn 18.2-11)

⁴⁷ Īgũ irasū āřĩ wereripoe masaka wãrã ejañurã. Judas pe mojõma pere su gubu peru pãrẽbejarã buerã watopemũ ããrãdi masakare dupiyuyupũ. Jesús pũro eja, ĩgũrẽ bokatĩrĩ, ĩgũya wayupãrãrẽ mimiyupũ. ⁴⁸ Īgũ irasū mimimakū ĩãgũ, Jesús gapũ ĩgũrẽ āřĩyupũ:

—Judas, ¿yũre ããrĩpererã tĩgũrẽ yũre ĩãturirãguere wiagũ, yaa wayupãrãrẽ mimirĩ mũ? āřĩyupũ.

⁴⁹ Īgũ irasū āřĩmakū, Jesús buerã ĩgũrẽ masaka ñeãburire masĩrã: “Gũa Opũ, ¿gũa sareri majĩrĩ merã ĩgũsã merã gãmekẽãsi?” āřĩñurã.

⁵⁰ Irasū āřĩ, sugũ Jesús buegũ ĩgũya sareri majĩ merã paía opũre moãboagũre diaye gapũma gãmipũrẽ dititã dijukõãyupũ. ⁵¹ Īgũ irasirimakū ĩãgũ, Jesús āřĩyupũ:

—Iropata irika! Inorẽ irinemobita! āřĩyupũ.

Āřĩ odo, gãmipũ ããrãderore moãñayupũ. Īgũ moãñamakū, ĩgũya gãmipũ õãkõãyuro doja.

⁵² Irasiri odo, ĩgũrẽ ñeãmurãrẽ: paía oparãrẽ, Marĩpũya wiire korerã surara oparãrẽ, judío masaka mũrãdere āřĩyupũ:

—¿Nasirirã sareri majĩrĩ merã, yukũ dukari merã sugũ yajarimasũrẽ ñeãrã aarirã irirosũ yũre ñeãrã aarĩri? ⁵³ Ĕmũrikũ Marĩpũya wiigue mũsã merã yũ ããřĩmakū, yũre neõ ñeãbiribũ. Irasū ããřĩkeremakū, dapagora mũsã yũre ñerõ iriripoe ejasiãa. Wãtĩ naĩtĩãrõgue ããřĩgũ mũsãrẽ dorerire irirã yãa mũsã, āřĩyupũ.

Pedro Jesũre masĩkeregũ: “Masĩbea”, ãrĩdea

(Mt 26.57-58, 69-75; Mr 14.53-54, 66-72; Jn 18.12-18, 25-27)

⁵⁴ Pũrũ Jesũre ñeã, paía opũya wiigue ãĩãñurã. Īgũsã ĩgũrẽ ãĩãmakū, Pedro ĩgũsãrẽ yoaweyarogue tũyayupũ. ⁵⁵ Irogue ejarã, makãpũro ñajãrõma yeba dekogue peame diiũñurã. Irasirirã irime tũro sũma doanĩñurã. Pedro ĩgũsã pũro eja, ĩgũsã watopegue doayupũ. ⁵⁶ Sugo moãboerimasõ, ĩgũ peame tũro doamakū ĩãgõ, ĩgũrẽ õãrõ ĩã, gajirãrẽ ãsũ āřĩ wereyupo:

—Ĩde ĩgũ merã ããřĩdita ããrãmi, āřĩyupo.

⁵⁷ Igo irasū āřĩmakū pãgũ, Pedro āřĩkatori merã:

—Yũ ĩgũrẽ neõ masĩbea, āřĩ yũjũyupũ. ⁵⁸ Mẽrõgã pũrũ gajigũ ĩgũrẽ ĩã, ãsũ āřĩyupũ:

—Mũde Jesús buerã merãmũta ããrã, āřĩyupũ.

—Neõ ããřĩbea yũ, āřĩyupũ Pedro.

⁵⁹ Su hora pũrũ gajigũ gajirãrẽ ãsũ āřĩ wereyupũ:

—Ĩĩ diayeta ĩgũ merã ããřĩdita ããřĩmi. Galileamũta ããřĩmi, āřĩyupũ.

⁶⁰ Īgũ irasū āřĩmakū, Pedro yũjũyupũ:

—Yũ, mũ werenĩgũrẽ masĩbea, pẽmasĩbirikoa, āřĩyupũ.

Īgũ irasū āřĩripoeta ãgãbo wereyupũ. ⁶¹ Īgũ weremakū, marĩ Opũ Jesús yoaweyarogue ããřĩgũ Pedore ĩã gãmeuyupũ. Īgũ irasū ĩãmakū, Pedro, Jesús ĩgũrẽ: “Dapagã ñami ãgãbo ĩgũ wereburo dupiyuro mũ yũre masĩkeregũ, urea: ‘Masĩbea’, āřĩkatogũkoa”, āřĩdeare gũñabokayupũ. ⁶² Irire gũñaboka, wiria, bujawereri merã bũro oreyupũ.

Jesũre ñerõ iri bũridadea

(Mt 26.67-68; Mr 14.65)

⁶³ Jesúre korerã surara ãgũrẽ burida, páñurã. ⁶⁴ Irasũ ãgũrẽ párá, suríro gasiro merã ãgũya koyere suabiato:

—¿Noã murẽ pári? Áñbokaka! áññurã.

⁶⁵ Wári gaji ñerõ áñ buridañurã.

Jesúre opará p̄rogue ãñadea

(Mt 26.59-66; Mr 14.55-64; Jn 18.19-24)

⁶⁶ Gajinu gapu boyodujimejãripoe judío masaka murã, paía opará, Moisés gojadeare buerimasãde nerẽñurã. Puru ãgũsã nerẽrõgue Jesúre ãñja, ãsũ áñ sãrẽñañurã:

⁶⁷ —Wereka guare! ¿Mu, Marĩpu iriudi Cristota ãññĩ? áññurã.

Jesús ãgũsãrẽ yujuyupu:

—Musãrẽ: “Yu ãgũta ããrã”, áñmakũ, yure buremubirikoa. ⁶⁸ Musãrẽ gajinorẽ yu sãrẽñamakũ, yure yujubirikoa. ⁶⁹ Musã yure buremubirikeremakũ, mérõgã puru Yupu turatarigu yure ãñĩpererã tĩgũrẽ ãgũ diaye gapu doamakũ irigukumi, áñyupu.

⁷⁰ ãgũ irasũ áñmakũ pérã, ãñĩpererã ãgũrẽ sãrẽñañurã:

—¿Irasũ áñgũ, Marĩpu magũta ãññĩ mu? áññurã.

—ãgũta ããrã musã áñrõsũta, áñ yujuyupu Jesús.

⁷¹ ãgũ irasũ áñmakũ, ãsũ áññurã:

—Nasirimurã gajirã ãgũrẽ weresãñrẽ p̄nemobirikoa marĩ! ãgũ werenĩrẽ marĩ basita p̄siãa, áññurã.

23

Jesúre Pilato p̄ro ãñjadea

(Mt 27.1-2, 11-14; Mr 15.1-5; Jn 18.28-38)

¹ Irasũ áñ odo, ãñĩpererã wãgãñgã, Jesúre opu Pilato wãñkugu p̄rogue ãññurã. ² Jesúre irogue ãñjarã, ãsũ áñ weresãñgãñurã:

—ãñ marĩya nikũ marãrẽ ñerõ iridoremakũ péabu. Romano marã opu niyeru wãjasearire: “Wajaribirikõãka!” áññrẽ péabu. Gajidere: “Yu judío masaka Opu, Cristo ããrã”, áñami, áññurã.

³ ãgũsã irasũ áñmakũ pégu, Pilato Jesúre sãrẽñayupu:

—¿Muta ãññĩ, judío masaka Opu?

—Mu áñrõsũta ãgũta ããrã, áñ yujuyupu Jesús.

⁴ ãgũ irasũ áñmakũ, Pilato paía oparãrẽ, masaka irogue ãññrãrẽ áñyupu:

—ãñrẽ neõ ñerĩ iridea máa, yu ãñmakũ, áñyupu.

⁵ ãgũ irasũ áñkeremakũ, ãgũsã gapu burõ weresãñemoñurã:

—ãgũ bueri merã masaka oparãrẽ tarinãgãmakũ iriami. Galilea nikũgue irire irinãgãmi. Dapagorare i makãguedere irasũta irigu eñãami, áññurã.

Jesúre Herodes p̄ro ãñjadea

⁶ ãgũsã irasũ áñmakũ pégu, Pilato gapu sãrẽñayupu:

—¿ãñ Galileamuta ãññĩ? áñyupu.

⁷ “Iromuta ãññĩ”, áñ, ãgũsã yujumakũ pégu, Pilato surarare: “Jesúre Galilea nikũ marã opu Herodes p̄ro ãñãka!” áñyupu. Iripoe Herodes Jerusalẽgue ãññyupu. ⁸ Iro dupiyuro Herodes Jesús iridea kerere pédi ãññĩ. Irasirigu yoaripoe ãgũrẽ burõ ãñduagu iriadiyupu. Jesús ãgũ turari merã iri ãñmumakũ ãñduagu iriadiyupu. Irasirigu ãgũ p̄ro ãgũsã Jesúre ãññamakũ ãñgũ, burõ usuyayupu. ⁹ Wári Jesúre sãrẽñadiyupu. ãgũ sãrẽñakeremakũ, Jesús gapu ãgũrẽ neõ yujubiriyupu. ¹⁰ Paía opará, Moisés gojadeare buerimasãde Herodes p̄ro ejanerã, Jesúre turaro merã weresãñurã. ¹¹ Puru Herodes ãgũya surara merã Jesúre burida, ñerõ iriñurã. ãgũrẽ buridarã, õãñ surírore opuyãñerẽ sãñurã. Irasiri odo, Herodes:

“Īgūrē Pilato p̄rogoe āñaka doja!” āriyup̄. ¹² Herodes, Pilato merā iro dupiyuroguere gāme ĩad̄abirinerā āārīkererā, irin̄a merā gāmes̄riñurā.

Jesúre wējēdoredea

(Mt 27.15-26; Mr 15.6-15; Jn 18.39-19.16)

¹³ P̄ru Pilato paía oparārē, judío masaka oparārē, masakadere siiu need, ¹⁴ āsū āriyup̄:
—M̄sā ĩrē ȳ p̄ro āñarā: “Ī masakare ñerō iridoremi”, ārāb̄u m̄sā ȳre. M̄sā ĩūrō, ȳ ĩrē sērēñapeob̄u. M̄sā ĩrē weresākeremakū, ĩ ñerō iridea máa, ȳ ĩamakū. ¹⁵ Herodede: “Īrē neō ñerī iridea máa”, ārāyup̄. Dupaturi ĩrē ȳ p̄ro iriuañumi doja. Irasiriro ĩrē wējēdoreri máa. M̄sāde ire masā. ¹⁶ Irasiriḡu ȳ ĩgūrē tārādoreḡukoa. P̄ru ĩgūrē wiuḡra, ārādiyup̄ Pilato.

¹⁷ Pilato, bojorik̄u pascua bosenu āārīmakū, suḡu peresugue āārādire ĩgūsā wiudoreḡure wiunayup̄. ¹⁸ Irasirirā, Pilato: “Jesúre wiuḡra”, ĩgū ārīmakū pérā, āārīpererā masaka suro merā āsū āri gaguinín̄gāñurā:

—Jesúre wējēkōāka! Barrabás gap̄re wiuka! ārīñurā.

¹⁹ Ī Barrabáre iro dupiyuro Jerusalēgue oparārē ĩgū béod̄adea waja, gajirārē ĩgū wējēdea waja, peresu irinerā āārīmá. ²⁰ Pilato Jesús gap̄re wiud̄adiyup̄. Irasiriḡu masakare ĩgūrē wiuburire dupaturi sērēñayup̄ doja. ²¹ ĩgū Jesúre wiud̄akeremakū, ĩgūsā gaguiníadero nemorō gaguiníñurā doja:

—Curusague pábiatú wējēka ĩgūrē! Wējēkōāka ĩgūrē! ārīñurā.

²² ĩgūsā irasū ārīmakū, Pilato urea waaró merā ĩgūsārē āsū ārādiyup̄ doja:

—¿Ñeéno ñerīre iriari ĩ, m̄sā irasū āri gaguinímakū? Ȳ ĩamakū, neō ĩgūrē ñerī iridea máa. Irasiriro ĩrē wējēdoreri máa. Irasiriḡu ĩgūrē tārādore, wiuḡra, ārādiyup̄.

²³ ĩgū irasū ārīmakū, masaka, paía oparāde b̄ro gaguinínemo: “Curusague pábiatú wējēka ĩgūrē!” ārīñurā. Pilato, ĩgūsā irasū āri gaguinímakū neō bokatīñurā: “M̄sā gāāmerō irika!” āriyup̄. ²⁴ Irasiriḡu, ĩgūsā ārīrōsūta Jesúre curusague pábiatú wējēdoreyup̄. ²⁵ P̄ru ĩgūsā sērērōsūta Barrabáre peresugue āārīgūrē, oparārē béod̄adire, masakare wējēdi gap̄re wiuyup̄. Irasiri odo, Pilato: “M̄sā gāāmerōsū irika Jesúre!” āriyup̄.

Jesúre curusague pábiatúdea

(Mt 27.32-44; Mr 15.21-32; Jn 19.17-27)

²⁶ Jesúre curusague wējēm̄urā ĩgūsā āiwāgāripoe suḡu Simón wāik̄uḡu Cirene wāik̄uri makām̄u Jerusalén t̄rogoe āārādi goedujariyup̄. Irasirirā ĩgūrē bokatīñurā, ñeā, Jesús kōādea curusare kōāt̄yadoreñurā.

²⁷ Wārā masaka Jesúre waaburire ĩārā ĩgūrē t̄yañurā. ĩgūsā watopegue nome ĩgūrē ĩārā, gaguiní b̄jawereri merā oret̄yañurā. ²⁸ ĩgūsā oremakū pégu, Jesús ĩgūsārē ĩāgāmeu, āsū āriyup̄:

—Jerusalén marā nome ȳre orebirikōāka! M̄sā basi, m̄sā p̄rāya āārīburire oreka!

²⁹ P̄rugue masaka ñetariro tarirākuma. Āsū ārīrākuma: “Neō p̄rākumerā, miññamerā nome āārīmakū oāt̄aribuyo”, ārīrākuma. ³⁰ ĩt̄ayukure āsū ārīrākuma: “Ḡare t̄ū wējē, dedeukōāburo”, ārīrākuma. ³¹ Masaka ȳre waja opabire ñerō irimakū, waja oparā gap̄ ñetariro tarirākuma, āriyup̄.

³² Jesúre āiwāgārā, p̄rā ñerō iririmasādere ĩgū merā wējēsūmurārē āiwāgāñurā.

³³ ĩgūsārē āiwāgārā, masak̄u dipuru boaweadea pero wāik̄urogue eja, Jesúre curusague pábiatú āiwāgūñurā. ñerō iririmasādere curusarigue pábiatú āiwāgūñurā. Suḡure ĩgū diaye gap̄u, gajiḡure ĩgū kúgap̄u pábiatú āiwāgūñurā. ³⁴ ĩgūsā Jesúre curusague pábiatú āiwāgūñumakū, Jesús āriyup̄:

—Au, ĩgūsā ñerō iririre kātika! ĩgūsā ȳre irasiririre pémasībema, āriyup̄.

Surara ĩgũ suri sãñadeare: “Ubu ãrĩboka birarã: ‘¿Noãrẽ dujarokuri?’ ” ãrĩñurã irire ĩgũsã basi gãme dukawamurã. ³⁵ Masaka iroque ããrĩrã ĩãníñurã. Oparãgueta Jesúre ãsũ ãrĩ buridañurã:

—Gajirã gapure taumi. Irasirigu diayeta Cristo, Marĩpu beyedi ããrĩgũ ĩgũ basi tauburo, ãrĩñurã.

³⁶ Surarade ĩgũrẽ buridañurã. ĩgũ puro waa ejanugãrã, igui deko sũĩrĩrẽ ĩgũrẽ iirídoreadiñurã. ³⁷ Irire irirã, ĩgũrẽ ãsũ ãrĩñurã:

—Mũ diayeta judío masaka Opũ ããrĩgũ, mũ basi tauka! ãrĩñurã.

³⁸ “Ĩĩ ãsũ iridea waja boami”, ãrĩrã: “Ĩĩta judío masaka Opũ ããrĩmi”, ãrĩ gojadea majĩrẽ curusague ĩgũ weka pábiatũñurã. Griego ya merã, latín ya merã, hebreo ya merã gojasũyuro.

³⁹ Sugũ ñerõ iridi, Jesús merã ĩgũsã pábiatũ ãĩwãgũnúdi Jesúre ñerõ ãrĩ turiyupũ:

—Mũ diayeta Cristo ããrĩgũ, mũ baside tau, guadere tauka! ãrĩyupũ.

⁴⁰ ĩgũ irasũ ãrĩmakũ pégu, gajigu gapũ ĩgũrẽ ãsũ ãrĩyupũ:

—Irasũ ãrĩbirikõãka! ¿Marĩpure gũiberi irasũ ãrĩgũ? Marĩrẽ suro merã wajamoãma.

⁴¹ Marĩ gapure marĩ ñerĩ iridea waja diayeta wajamoãma. ĩĩ gapũ ñerĩrẽ neõ iribi ããrĩmi, ãrĩyupũ.

⁴² Irasũ ãrĩ odo, Jesúre ãsũ ãrĩyupũ:

—Jesús, mũyarã Opũ ñajãgũ, yũdere gũñaka! ãrĩyupũ.

⁴³ —Diayeta mũrẽ werea. Dapagãta yũ merã paraíso wãĩkurogue ããrĩgukoa, ãrĩyupũ Jesús ĩgũrẽ.

Jesús boadea

(Mt 27.45-56; Mr 15.33-41; Jn 19.28-30)

⁴⁴ Pũru goeripoe ããrĩmakũ, i nikũ ããrĩpererogue naĩtĩãkõãyuro. Ure hora gora naĩtĩãyuro.

⁴⁵ Abede deyomarĩyupũ irasũ waaripoere. Marĩpũya wii poekama taribu makãpũro kãmutari gasiro deko merã yeguesiajakõãyuro. ⁴⁶ Irasirigu Jesús turaro merã ãsũ ãrĩ gaguĩnĩyupũ:

—Aũ, yaa yũjũpũrãrẽ mũrẽ wiãã, ãrĩyupũ.

Irasũ ãrĩgũta, kõmoakõãyupũ.

⁴⁷ Romano marã surara opũ irasũ waamakũ ĩãgũ, Marĩpure usũyari sũyupũ. ãsũ ãrĩyupũ:

—Diayeta ĩĩ ñerõ iribi ããrãdañumi, ãrĩyupũ.

⁴⁸ ããrĩpererã masaka iro Jesúre waarĩre ĩãrã ejanerã ĩgũ boamakũ ĩãrã, burõ bujawererĩ merã ĩgũsãya koretibirire páwãgã, ĩgũsãya wiirigue dujãakõãñurã. ⁴⁹ ããrĩpererã Jesús merãmarã, Galileague ĩgũrẽ tũyanerã nomede yoarogue Jesúre irasũ waarĩre ĩãníñurã.

Jesúya dũpũre masãgobegue pídea

(Mt 27.57-61; Mr 15.42-47; Jn 19.38-42)

⁵⁰⁻⁵¹ Iroque sugũ José wãĩkũgũ Judea nikũmũ, Arimatea wãĩkũri makãmũ ããrĩyupũ. ĩgũ õãgũ, diayemarẽ irigu, Marĩpu ĩgũyarãrẽ doreri ejaburire yũgũ ããrĩyupũ. ĩgũ judío masaka oparã watopemũ ããrĩkeregũ, Jesúre ĩgũsã: “Wẽjẽka!” ãrĩmakũ pégu: “Jãũ”, ãrĩbiridi ããrĩmĩ. ⁵² Irasirigu Pilato pũroque waa, Jesúya dũpũre yãabu sãrẽyupũ. ⁵³ Sãrẽ odo, Jesúya dũpũre curusague ããrĩrĩ dũpũre ãĩdiju, õãrĩ suri gasiro merã õmayupũ. Õma odo, ãtãyegue mádea gobegue píyupũ. Iri gobe neõ sugũ boadire yãasũña marĩrĩ gobe ããrĩyuro. ⁵⁴ José Jesúre yáarinũ judío masaka siñajãrĩnũ ããrĩburire ĩgũsã ãmuyurĩnũ ããrĩyuro. I siñajãrĩnũ ñajãburo mérégã dũyayuro.

⁵⁵ Galileague Jesúre tũyanerã nome masãgobegue José waamakũ ĩãrã, waañurã. Iri gobegue Jesúya dũpũre ĩgũ pímakũ ĩãñurã. ⁵⁶ ĩgũsã irasũ ĩãdero pũrũ, ĩgũsã ããrĩrĩ wiigue dujãakõãñurã. Dujaja, sũrõrĩrẽ ĩgũya dũpũre pípeoburire ãmuñurã. ãmu odo, siñajãrĩnũ ããrĩmakũ, Moisés dorederosũta siñajãñurã.

24

*Jesús masādea**(Mt 28.1-10; Mr 16.1-8; Jn 20.1-10)*

¹ Semana āārīpuroiririnu* āārīmakū, boyodujimejāripoe ĩgūsā nome dupaturi Jesúya dupure yáadea masāgobegue waañurā. ĩgūsā sūrōrī āmuadeare āiññurā. Gajirā nomede ĩgūsā merā wapikuwāgāñurā. ² Irogue ejarā, iri gobe biadea ūtā majirē gajirogue oyamakū ĩññurā. ³ Irire ĩārā, diayeta ñajākōāñurā. Irogue ñajājarā, neō marī Opu Jesúya dupure bokabiriññurā. ⁴ Irasirirā buro guka, naásū irimasībiriññurā. “¿Naásū waáayuri?” ārī gūñaripoeta gūñaña marīrō pērā ūma suri gosesiriri sññarā ĩgūsā puro nímakū ĩññurā. ⁵ ĩgūsārē ĩārā, buro güiri merā muúsiañurā. ĩgūsā irasirimakū ĩārā, ūma ĩgūsārē ārīññurā:

—¿Nasirimurā boanerārē yáarogue okagure āmarī? ⁶ Ōōrē mámi. Masāsiami. Gūñaka, ĩgū masā merā Galileague āārīgú masārē ārīdeare! ⁷ Āsū ārīmi: “Yū āārīpererā tīgū āārīgú masaka ñerāguere wiasūgukoa. ĩgūsā yure curusague pábiatú wējēmakū, ūrenu waaró merā Marīpu yure masūgukumi”, ārīmi, ārīññurā.

⁸ ĩgūsā irasū ārīmakū pērā, Jesús ārīdeare gūñabokañurā. ⁹ Irasirirā masāgobegue āārānerā goedujajarā, āārīpereri ĩgūsā ĩādeare Jesús buerā pe mojōma pere su gubu suru pērēbejarārē wereññurā. Irasū āārīmakū, gajirārē Jesúre buremurā āārīpererārē irire wereññurā. ¹⁰ Jesús buerārē iri kerere wererā ejanerā nome ĩsākū āārīññurā: María Magdalena, Juana, gajigo María Jacob pago, irasū āārīmakū gajirā nome āārīññurā. ¹¹ ĩgūsā ĩādeare werekeremakū, Jesús buerā gapu buremubiriññurā. “Irasū ārīkōārā yáma ĩsā nome”, ārī gūñañurā.

¹² Pedro gapu masāgobegue ĩāgū ūmawāgāyupu. Iri gobegue ĩāgū ejagu, Jesúya dupure ōmadea gasiro gajiro gapu túpeodea gasiro ditare ĩāyupu. Irire ĩāguka: “¿Naásū waáayuri?” ārī gūña, ĩgū āārīrī wiigüe dujáakōāyupu.

*Emaús wāikuri makā waarí maague Jesús pērārē deyoadea**(Mr 16.12-13)*

¹³ Jesús masādeanurēta pērā ĩgū buerire tayarā Emaús wāikuri makā waarí maague waarā iriññurā. Emaúgue waaró, Jerusalén merā wiriwāgāmakū pe mojōma pere su gubu suru pērēbejari kilómetro yoaro āārīyuro. ¹⁴ Maa waarā, āārīpereri Jesúre waadeare wereniññurā. ¹⁵ Irire wereniripoe Jesús ĩgūsā puro aari, ĩgūsā merā waayupu. ¹⁶ ĩgū, ĩgūsā merā waamakū ĩākeremakū, gajino ĩgūsārē ĩgūrē ĩāmasībirimakū iriyuro.

¹⁷ Jesús ĩgūsārē sērēñayupu:

—¿Ñeéonorē werenirā yári, masā maa waarā? ārīyupu.

ĩgū irasū ārīmakū pērā, buro bujawereri merā maa deko dujanugāñurā. ¹⁸ Cleofas wāikugu Jesúre āsū ārī yujuyupu:

—Āārīpererā inarī Jerusalēgue waadeare masīma. ¿Mū suguta irogue āārādi irasū waadeare masīberi? ārīyupu.

¹⁹ ĩgū irasū ārīmakū, Jesús ĩgūsārē:

—¿Naásū waáari? ārīyupu.

ĩgūrē ārīññurā:

—Jesús Nazaretmurē ĩgūsā iriadeare werenirā iriabu. ĩgū Marīpuya kerere weregu āārādimi. Āārīpererā masaka ĩūrō, Marīpu ĩūrōgedere ĩgū turari sīrī merā irigu, ĩgūyare weregu āārādimi. ²⁰ Paía oparā, gajirā marī oparā merā ĩgūrē wējēdorerā, romano marā oparārē wiáama. ĩgūsā irasū wiamakū, curusague pábiatú wējēama. ²¹ “ĩgū marīrē taubu, marī Israel bumarā Opu āārību, marī yúdi āārīmi”, ārī gūñadibu guā ĩgūrē. Irasiriro dapagā merā ūrenu waáa, ĩgūrē wējēadero puru. ²² Surāyeri guā merāmarā nome, ĩgūsā

* 24:1 Semana āārīpuroiririnu, domingo āārā.

wereri merã guare gukamakũ iriama. Dapagã ñamigãgora ïgũrẽ yáaderogue ejañurã. ²³ Irogue eja, ïgũya dupure bokamerãta, gna purogue goedujajama. “Irogue guare kërõ irirosũ waamakũ, Marĩpũre wereboerãrẽ ïãbu”, ãrãma. Marĩpũre wereboerã ïgũsãrẽ: “Jesús okami”, ãrãdeadere wereama guare ïgũsã nome. ²⁴ Pũru gajirã gna merãmarã ïgũrẽ yáaderogue eja, ïgũsã nome ãrãderosũta ïãñurã. ïgũsãde Jesũre ïãbirañurã, ãrĩ wereñurã Cleofasã Jesũre.

²⁵ ïgũsã irasũ ãrĩmakũ pégu, Jesús ïgũsãrẽ ãrĩyupũ:

—Mũsã pémasĩmerã ããrã. ¿Noõpa yoaripoe Marĩpũya kerere weredupiyunerã gojadeare õãrõ pémasĩrĩ merã buremubirikõãrĩ mũsã? ²⁶ Marĩpũ iriudi Cristo ïgũ ãmugasigue mũrĩaburo dupiyuro, ïgũyarã Opũ ñajãburo dupiyuro ïgũrẽ ñerõ tarigukumi, ãrĩ gojanerã ããrĩmã. ¿Ire masĩberi mũsã? ãrĩyupũ.

²⁷ Jesús irasũ ãrĩ odo, Marĩpũya kerere weredupiyunerã gojadea pũgue ããrĩpereri ïgũsã ïgũrẽ gojayudeare: “Ãsũ ãrĩduaro yãa”, ãrĩ wereyupũ ïgũsãrẽ. Moisés gojadeare werenugãyupũ. Pũru ããrĩpererã Marĩpũya kerere weredupiyunerã gojadeare wereyupũ.

²⁸ Pũru ïgũsã waaró Emaúgue ejamakũ, Jesús iri makãrẽ tariwãgãgũ irirosũ iriyupũ.

²⁹ ïgũ irasũ tariwãgãmakũ ïãrã, ïgũrẽ ãsũ ãrĩñurã:

—Gua merã dujaka! Ñamikague ããrã. Naĩmejãrõgue yãa, ãrĩñurã.

Irasirigu Jesús ïgũsã merã waa, ïgũsãya wiigüe ñajãkõãyupũ ïgũsã merã dujagu. ³⁰ Pũru ïgũsã merã baa doanígũ, pãrẽ ãĩ, Marĩpũre: “Mũrẽ usuyari sĩa”, ãrĩ, pãrẽ pea, ïgũsãrẽ guereyupũ. ³¹ ïgũ irasirimakũ ïãrãgueta: “Jesũta ããrĩmi”, ãrĩ ïãmasĩñurã. ïgũsã ïãmasĩmakũta, dederiakõãyupũ ïgũsãrẽ. ³² ïgũ irasũ dederiadero pũru, ïgũsã basi ãsũ ãrĩ gãme werenĩñurã:

—Maague ïgũ marĩrẽ: “Marĩpũya werenĩrĩ gojadeare: ‘Ãsũ ãrĩduaro yãa’”, ãrĩ werenĩmakũ pérã, bure usuyari merã: “Õãtaria”, ãrĩ péñabu, ãrĩñurã.

³³ Irasirirã mata Jerusalẽgue gãme dujáakõãñurã. Irogue eja, Jesús buerã, pe mojõma pere su gubu suru pẽrẽbejarã nerẽanerãrẽ, gajirã ïgũsã merãmarãdere bokajañurã. ³⁴ ïgũsã ejamakũ ïãrã, iro nerẽanerã ãsũ ãrĩñurã:

—Diayeta marĩ Opũ masãñumi. Simõrẽ deyoayupũ, ãrĩñurã.

³⁵ ïgũsã irasũ ãrĩmakũ pérã, Emaúgue waanerãde ïgũsãrẽ maague waadeare wereñurã. Jesús pãrẽ pea, ïgũsãrẽ ïgũ sĩmakũ, ïgũrẽ ïãmasĩadeare wereñurã iro nerẽanerãrẽ.

Jesús ïgũ buerãrẽ deyoadea

(Mt 28.16-20; Mr 16.14-18; Jn 20.19-23)

³⁶ ïgũsã irire irasũ ãrĩ werenĩripoe Jesús ïgũsãrẽ deyoa, ãsũ ãrĩ õãdoreyupũ:

—¿Ããrĩrĩ mũsã? Siñajãrĩ merã ããrĩrikũka! ãrĩyupũ.

³⁷ ïgũ deyoamakũ, ïãgũkakõãñurã. “Boadi yũjupũrã deyoamakũ ïãrã irikoa marĩ”, ãrĩ gũñañurã. Irasirirã bure gũiñurã. ³⁸ ïgũsã gũimakũ ïãgũ, Jesús ïgũsãrẽ ãrĩyupũ:

—¿Nasirirã ïãgũkari mũsã? ¿Nasirirã yũre ïãrã: “ïgũ boadi dupaturi okabiribukumi”, ãrĩ gũñarĩ mũsã? Irire gũñabirikõãka! ³⁹ ïãka, yaa mojõrĩrẽ, yaa guburidere! Yũta ããrã. Yũre moãñaka! Irasirirã masĩrãkoa yũ ããrĩrĩrẽ. Sugu boadi ïgũ yũjupũrã merã deyoagu dupũ opabemi. Diĩ, gõãrĩ opabi ããrĩkumi. Yũ gapũ diĩre, gõãrĩrẽ opãa, ãrĩyupũ Jesús. ⁴⁰ Irasũ ããrĩgũta, ïgũya mojõrĩrẽ soeu, ïgũya guburidere ïmuyupũ ïgũsãrẽ.

⁴¹ ïgũsã gapũ mérõgã buremurĩ opakerrerã, bure usuyari merã: “¿Diayeta ïgũta ããrĩkuri?” ãrĩ gũñañurã.

ïgũsã irasũ mérõgã buremurĩ opamakũ, Jesús masĩkõãyupũ. Irasirigu ïgũsãrẽ sërẽñayupũ:

—¿Musã baari opari õõrê? ãrĩyupũ. ⁴² Ìgũ irasũ ãrĩmakũ pé, waaí mupũadea dukare sĩñurã. Mume dekodere ìgũrê sĩñurã baaburo, ãrĩrã. ⁴³ Irire sĩmakũ, ìgũsã ìũrõ ãi baayupũ. ⁴⁴ Baa odo, Jesús ìgũsãrê wereyupũ doja:

—Sõõ ããrĩdeapoe musã merã ããrĩgũ, yũ musãrê werederosũta dapagorare yũre waabũ. Moisés yaamarê gojaderosũta yũre waabũ. Marĩpũya kerere weredupiyunerã gojaderosũta, Salmos wãĩkũri pũrê gojanerãde ìgũsã yũre gojaderosũta waabũ. ããrĩpereri Marĩpũ ìgũsãrê irasũ gojadorederosũta yũre waabũ, ãrĩyupũ Jesús. ⁴⁵ Irasũ ãrĩ odo, Marĩpũya werenĩrĩ gojadeare ìgũsãrê pémasĩmakũ iriyupũ. ⁴⁶ Æsũ ãrĩyupũ:

—Iripoegue Marĩpũya kerere weredupiyunerã gojadea pũgue ãsũ gojasũdero ããrĩbũ: “Cristo, Marĩpũ iriudi boakõãgũkumi. Ìgũ boagu, urenu waaró merã masãgũkumi doja. ⁴⁷ Ìgũ masãdero pũrũ, ìgũrê bũremurã ìgũya wãĩ, ìgũ turaro merã ããrĩpereri nikũ marãguere ìgũya kerere weregorenarãkuma. Jerusalén marãrê werepũroriwãgãrãkuma. Æsũ ãrĩ wererãkuma: ‘Musã ñerĩ iririre bujawereka! Musã gũñarĩrê gorawayuka! Irasirigu Marĩpũ musã ñerĩ irideare kãtigũkumi’”, ãrĩrãkuma, ãrĩ gojasũdero ããrĩbũ. ⁴⁸ Musã i ããrĩpereri yũre waadeare ìãnerã ããrã. Irasirirã irire gajirãrê wererãkoa. ⁴⁹ Yũpũ iripoegue ãrĩderosũta yũ musãrê Õãgũ deyomarĩgũrê iriugũra, ìgũ musãguere ããrĩnĩkõãburo, ãrĩgũ. Irasirirã õõ Jerusalèta dujaka dapa, ìgũ musãrê ãmũgasima turarire sĩgũ aarimakũ, ãrĩyupũ Jesús.

*Jesús ãmũgasigue mũrĩadea
(Mr 16.19-20)*

⁵⁰ Pũrũ Jesús ìgũsãrê Betania wãĩkũri makã tũrogue ãĩayupũ. Irogue eja, Jesús ìgũya mojõrĩ soemu: “Yũpũ musãrê õãrõ iritamuburo”, ãrĩyupũ. ⁵¹ Irasũ ãrĩgũta ìgũsãrê pĩkõã, ãmũgasigue ãĩmũrĩãkõãsũyupũ. ⁵² Ìgũsã, ìgũ mũrĩãmakũ ìãrã: “Õãtarigu ããrĩmi”, ãrĩ bũremuñurã. Pũrũ bũro usũyari merã Jerusalègue goedujãakõãñurã. ⁵³ Æmũrikũ Marĩpũya wiigue ìgũrê: “Õãtaria mũ”, ãrĩ, usũyari sĩnañurã.

Æsũ ããrã. Irasũta ããrĩburo.
Lucas

SAN JUAN

Jesucristo Marĩpuya werenĩrĩrẽ weregũ marĩ irirosũ dupũkũgũ ããrĩnũgãrĩmarẽ gojadea

¹ Neõgoragueta i ùmũ ããrĩburi dupiyuro Jesucristo Marĩpuya werenĩrĩrẽ weregũ ããrĩsiadi ããrĩmĩ. Marĩpũ merã ããrĩgũ, Marĩputa ããrĩmĩ. ² Neõgoragueta ìgũ Marĩpũ merã ããrĩsiadi ããrĩmĩ. ³ Irasirigu Marĩpũ ìgũ merã i ùmũma ããrĩburi ããrĩpererire iridi ããrĩmĩ. Irasiriro i ùmũma ããrĩpereri Marĩpũ ìgũ merã iridea ããrã. ⁴ Jesucristo, Marĩpũ merã perebiri okarire sĩgũ ããrĩmĩ. I okari merã masakare sĩãgori sĩgũ ããrĩmĩ. Irasirigu ìgũsãrẽ Marĩpũre masĩmakũ yámi. ⁵ Marĩpũre masĩmerã naĩtĩãrõgue ããrĩrã irirosũ ããrĩma. Jesucristo sĩãgori sĩgũ ããrĩgũ ìgũsãrẽ Marĩpũre masĩmakũ yámi. Naĩtĩãrĩ sĩãgorire neõ yaumasĩbea.

⁶ Jesucristo i ùmũgue aariburi dupiyuro Marĩpũ Juan* wãĩkũgũre iriudi ããrĩmĩ. ⁷ Juan, Jesús masakare sĩãgori sĩgũ ããrĩgũ ìgũ i ùmũgue aariburire weremi, ããrĩpererã irire pérã ìgũrẽ bũremuburo, ãrĩgũ. ⁸ Juan masakare sĩãgori sĩgũ ããrĩgũ meta ããrĩmĩ. ìgũsãrẽ Jesucristo aariburi gapũre weredupiyudi ããrĩmĩ. ⁹ Jesucristo diayeta ããrĩpererã masakare sĩãgori sĩgũ ããrĩgũ i ùmũgue ããrĩrãrẽ Marĩpũre masĩmakũ irigu aaridi ããrĩmĩ.

¹⁰ Jesucristo i ùmũguere ããrĩdi ããrĩmĩ. Marĩpũ ìgũ merã i ùmũrẽ irikeremakũ, i ùmũ marã gapũ ìgũrẽ neõ masĩbirinerã ããrĩmã. ¹¹ Ìgũya nikũgue aarikeremakũ, ìgũya nikũ marã gapũ ìgũrẽ bokatĩrĩñeãbirinerã ããrĩmã. ¹² Ìgũrẽ bokatĩrĩñeã, bũremurã gapũre Marĩpũ pũrã ããrĩmakũ yámi. ¹³ Ìgũsã pagusãmarã ìgũsãrẽ pũrãkũrã, Marĩpũ pũrã ããrĩmakũ iribema. Irasũ ããrĩmakũ, ìgũsã pagũ ìgũ gããmerõ iriri merã ìgũsãrẽ Marĩpũ pũrã ããrĩmakũ iribemi. Marĩpũ gapũ ìgũsãrẽ ìgũ pũrã ããrĩmakũ yámi.

¹⁴ Jesucristo, Marĩpũya werenĩrĩrẽ weregũ marĩ irirosũ dupũkũgũ ããrĩnũgãdero pũrũ, i ùmũgue gũa merã ããrĩgũ, masakare bũro maĩrĩ merã, diaye werenĩgũ ããrĩmĩ. Gũa ìgũ gosesiririre ìãbũ. Ìgũ Marĩpũ magũ sugũ ããrĩgũ, ìgũ irirosũta turagũ, õãgũ ããrĩmĩ. ¹⁵ Juan masakare wãiyedi Jesucristore ìãgũ, gũare ãsũ ãrĩ weremi:

— Ìĩ ããrĩmĩ yũ mũsãrẽ weredi. Mũsãrẽ ãsũ ãrĩ werebũ: “ Ìgũ yũ pũrũ aarikeregũ, yũ deyoaburo dupiyuro ããrĩsiadi ããrĩmĩ. Irasirigu yũ nemorõ ããrĩmĩ”.

¹⁶ Jesucristo marĩrẽ maĩtarigu ããrĩsĩã, marĩ ããrĩpererãrẽ õãrõ iritamuníkõãmi. ¹⁷ Marĩpũ ìgũ dorerire Moisés merã marĩrẽ pídi ããrĩmĩ. Jesucristo merã gapũre Marĩpũ ìgũ marĩrẽ maĩrĩrẽ, ìgũ werenĩrĩ diaye ããrĩrĩrẽ ìmumi. ¹⁸ Neõ sugũ masakũ Marĩpũre ìãdi mámi. Jesucristo ìgũ magũ sugũ ããrĩgũ gapũ ìgũ Pagũ merã ããrĩsĩã, marĩrẽ ìgũrẽ masĩmakũ yámi.

Juan masakare wãiyerimasã Jesucristoyare weredea (Mt 3.11-12; Mr 1.7-8; Lc 3.15-17)

¹⁹ Judío masaka oparã Jerusalén ããrĩrã paĩare, Levíya bumarãdere Juan pũrogu ìgũrẽ: “¿Noã ããrĩrĩ mũ?” ãrĩ sãrẽñadorerã iriuñurã. ²⁰ Ìgũsã irasũ ãrĩ sãrẽñarã ejamakũ, Juan ìgũsãrẽ pémasĩma õãrõ ãsũ ãrĩ yũjumi:

— Yũ, Cristo Marĩpũ masakare taudoregũ iriudi ããrĩbea, ãrĩmĩ.

²¹ Irasirirã ìgũrẽ dupaturi sãrẽñama doja:

— Iro merẽ, ¿niĩno gapũ ããrĩrĩ? ¿Iripoeguemu Marĩpũya kerere weredupiyudi Elías ããrĩrĩ? ãrĩma.

Juan ìgũsãrẽ yũjumi:

— Ìãrĩbea, ãrĩmĩ.

Ìgũ irasũ yũjumakũ pérã, dupaturi ìgũrẽ sãrẽñama doja:

* **1:6** Jesucristo i ùmũgue aariburi dupiyuro Marĩpũ iriudi, Juan wãĩkũgũ masakare wãiyedi ããrĩmĩ.

—¿M_u, sōō ããrīdeapoe masaka Marīp_uya kerere weredupiyug_u aaribu ããrāyup_u, ĩgūsã ãrīdi ããrīrī? ãrīma.

Juan yuj_umi:

—Ããrībea.

²² Irasirirã ĩgūrē ãsū ãrīma:

—¿Niño gap_u ããrīrī? G_uare iriuanerã ĩgūsã p_uroque m_u yuj_urire g_ua ãĩãmakū gããmema. Irasirig_u wereka g_uare! M_u basi, ¿naásū ãrī gũñarī? ãrīma.

²³ Irasirig_u Juan iripoeguem_u Isaías Marīp_uya kerere weredupiyudi gojadea merã ĩgūsãrē ãsū ãrī yuj_umi:

—Masaka marīrōgue sug_u b_uro busuro merã were gaguinígorenagū ãsū ãrī werea: “Marī Op_u aariburi dupiyuro ĩgū aariburi maarē diayema maa òãrī maa ãmurã irirosū diayemarē irika!” ãrī werea, ãrīmi Juan.

²⁴⁻²⁵ ĩgū irasū ãrī yuj_umakū pérã, fariseo bumarã iriuanerã ĩgūrē sērēñama doja:

—M_u, Cristo Marīp_u iriudi, o Elías, o sōō ããrīdeapoe Marīp_uya kerere weredupiyudi ããrã, ãrībi, ¿nasirig_u masakare wãiyeri?

²⁶ Juan ĩgūsãrē ãrīmi:

—Y_u masakare deko merã wãiyea. Sug_u m_usã watopeguere m_usã masībi ããrīmi. ²⁷ ĩgū, y_u p_uru aarikereg_u, y_u nemorō ããrīmi. Y_u ubu ããrīgū, ĩgūrē neō saropebirikoa, ãrīmi.

²⁸ Juan ĩgū masakare wãiyenarōgue Betania wãikuro, dia Jordán wãikudiya abe m_urīro gap_u i ããrīpererire ĩgūsãrē weremi.

Marīp_u Jesúre oveja majīgū irirosū ããrīgūrē iriudi ããrīrmarē Juan weredea

²⁹ Gajin_u gap_u Juan, Jesús ĩgū p_uro aarimakū ĩãgū, g_uare ãsū ãrīmi:

—Ĩãka! ĩi Marīp_u iriudi, oveja majīgū† irirosū ããrīmi. ĩgū boari merã i ãm_u marãrē ĩgūsã ñerō iridea wajare peremakū irig_ukumi. ³⁰ ĩta ããrīmi y_u m_usãrē iro dupiyuro ãsū ããrīmi, ãrī weredi. “Ĩgū y_u p_uru aarikereg_u, y_u deyoaburo dupiyuro ããrīsiadi ããrīmí. Irasirig_u y_u nemorō ããrīmi”, ãrī wereb_u. ³¹ Y_ude ĩgūrē: “Marīp_u iriudi ããrīmi”, ãrīmasībirib_u. ĩgūrē masībirikereg_u, Israel bumarã masakare deko merã wãiyeg_u aarigū irib_u, ĩgūsã ĩgūrē masīburo, ãrīgū, ãrīmi.

³² Irasū ãrī odo, Juan ãsū ãrī werenemomi doja:

—Òãgū deyomarīgū ãm_ugasigue merã buja irirosū deyog_u dijari, Cristo weka ejamakū ĩãb_u. ³³ Marīp_u y_ure masakare deko merã wãiyedoredi dupiyurogue ãsū ãrīmi: “M_u Òãgū deyomarīgū dijari, sug_u masak_u weka ejamakū ĩãg_ukoa. ĩgūta masakare Òãgū deyomarīgū merã wãiyeg_ukumi, ĩgū ĩgūsã merã ããrīnikōãburo, ãrīgū”, ãrīmi Marīp_u y_ure.

³⁴ Irasū waamakū ĩãgū: “Ĩgūta Marīp_u magū ããrīmi”, ãrī masīb_u. Irasirig_u m_usãrē irire werea, ãrīmi Juan.

Jesús buerã ĩgū merã ããrīp_uroridea

³⁵ Gajin_u gap_u irogueta Juan dupaturi ããrīmí doja. G_ua pērã ĩgū buerã ĩgū merã ããrīb_u.

³⁶ Jesús g_ua p_uro tariamakū ĩãgū, Juan ãsū ãrīmi:

—Ĩãka! ĩi oveja majīgū irirosū Marīp_u iriudi ããrīmi.

³⁷ ĩgū irasū ãrīmakū pérã, g_ua pērã Juan buerã Jesúre t_uyab_u. ³⁸ Irasirig_u, g_ua ĩgūrē t_uyamakū gãmen_ugã ĩã:

—¿Ñeénorē gããmerī? ãrīmi.

G_ua ĩgūrē ãrīb_u:

—¿Bueg_u, noógue ããrãrī m_u?

† 1:29 Exodo 29.38-43; Números 28.1-4,9, 16-19; 29.7-8: Iripoegue Marīp_u Moisére ĩgū dorerire ãsū ãrī pídi ããrīmí: “Israel bumarãrē ãsū ãrīka: ‘M_usã y_u dorerosūta y_ure b_uremurã, oveja majīgūrē òãgūrē y_u ĩūrō wējē soepeoka! M_usã irasirimakū ĩãgū: ‘M_usã ñerō iridea wajare opamerã ããrã, m_usãrē wajamoãbirikoa’, ãrī ĩãg_ukumi’, ãrīka!” ãrīdi ããrīmí.

39 Īgũ guare ārĩmi:

—Īārā aarika!

Irasirirā gũa ĩgũ merā waa, ĩgũ kārĩrõgue ñamika cuatro hora āārĩmakũ ejabu. Irogue eja, iri ñamirē ĩgũ merā āārĩbũ. 40 Gũa pērā: yũ, Andrés merā Juan weredeare pénerā āārĩsĩā, Jesúre tuyabu. Andrés, Simón Pedro pagumu āārĩmĩ.

41 Gajinu gapu, Andrés ĩgũ tĩgũ Simón Pedrose āmapurumugũ waami. Īgũ pũrogue eja, ĩgũrē ārĩyupu:

—Marĩpu iriudi Mesíare bokajabu, ārĩyupu. “Mesías”, ārĩrõ: “Cristo”, ārĩduaro yáa.

42 Irasirigu Andrés Simõrē Jesús pũrogue āĩjami. Jesús ĩgũrē ĩāgũ, āsũ ārĩmi:

—Mũ, Simón wāikũgu Jonás magũ āārā. Pũru mu “Cefas” wāikũgukoa, ārĩmi. “Cefas”, ārĩrõ: “Pedro”, ārĩduaro yáa.

Jesús Felipere, Natanaere siiudea

43 Gajinu gapu Jesús: “Galilea nikũgue waagura”, ārĩ, Felipere bokaja:

—Náka, yũ merā! ārĩmi.

44 Felipe Betsaida wāikuri makāmu āārĩmĩ. Pedro, Andrésāde iri makā marāta āārĩmā.

45 Jesús ĩgũrē: “Náka!” ārĩmakũ pégu, Felipe Natanaere siiugu waami. Īgũ pũrogue eja, ĩgũrē ārĩyupu:

—Moisés ĩgũya doreri gojadea pũgue ĩgũ gojadire bokajabu. Marĩpũya kerere weredupiyunerāde ĩgũrēta gojanerā āārĩmā. Īgũsā gojadi Jesús Nazaretmũ, José magũ āārāmi, ārĩyupu Felipe.

46 Īgũ irasũ ārĩmakũ pégu, Natanael gapu ĩgũrē ārĩyupu:

—Neõ sugu Nazaretmũ õārõ irigu mámi, ārĩyupu.

Felipe gapu ĩgũrē ārĩyupu:

—Náka, ĩmusi.

47 Jesús, Natanael ĩgũ pũro ejarimakũ ĩāgũ, āsũ ārĩmi:

—Īĩ õāgũ, diayeta Israel bumũgora, ārĩkatori marĩgũ āārĩmi.

48 Īgũ irasũ ārĩmakũ pégu, Natanael ĩgũrē sērēñami:

—¿Naásũpero merā yũre masĩrĩ mu?

Jesús ārĩmi:

—Felipe, mũrē siiuburi dupiyuro higuera gu doka mu āārĩmakũ ĩābũ, ārĩmi.

49 Īgũ irasũ ārĩmakũ pégu, Natanael ĩgũrē ārĩmi:

—Buegu, mu Marĩpu magũ, Israel bumarā Opũ āārā, ārĩmi.

50 Jesús ĩgũrē ārĩmi:

—Yũ mũrē: “Higuera gu doka mu āārĩmakũ ĩābũ”, ārĩrĩ ditare pésĩā, yũre buremua. Pũrugũere i nemorõ Marĩpu turari merā yũ iri ĩmurĩrē ĩāgũko, ārĩmi.

51 Āsũ ārĩnemomi doja:

—Diayeta mũsārē werea. Pũrugũere umũgasi tũpāmakũ ĩārāko. Irasũ tũpāmakũ, Marĩpũre wereboerā yũ āārĩpererā tĩgũ pũrore mũrĩāna, dijarina irimakũ ĩārāko, ārĩmi Jesús.

2

Jesús Caná wāikuri makāgue mojõsũadiya bosenure ĩāgũ waadea

1 Jesús Felipere, Natanaere siiudero pũru, urenũ waaró merā, Galilea nikũguere Caná wāikuri makārē sugu mojõsũadiya bosenu āārĩbũ. Jesús pagode iri bosenure ĩāgõ waamo.

2 Gũa Jesús buerādere, ĩgũ merā iri bosenure ĩādorerā siiuma. 3 Pũru iri bosenu ma igui deko peremakũ ĩāgõ, Jesús pago ĩgũrē ārĩmo:

—Igui deko pereakõābũ ĩgũsārē.

4 Igo irasũ ārĩmakũ pégu, Jesús ārĩmi:

—¿Nasirigo irire yũre wereri mu? Masaka yũre masĩburo duyakõāa dapa, ārĩmi.

⁵ Igo gapu, ĩgũ irasũ āŗikeremakũ, tĩāboerārē āŗĩmo:

—Yũ magũ musārē dorerosũta irika!

⁶ Iri wiiguere su mojõma pere gaji mojõ suru pērēbejari sorori ũtāyeri merā iridea sorori āārĩbũ. Judío masaka Marĩpu dorederosũ irirā ĩgũsā gurari koeburi deko duripĩri sorori āārĩbũ. Sororiku wáro deko cincuenta o setenta litros ejari sorori āārĩbũ.

⁷ Jesús tĩāboerārē āŗĩmi:

—I sororire deko piusā ũtudoboepokõāka! āŗĩmi.

Īgũ irasũ āŗĩmakũ pérā, iri sororire piusā, ũtudoboepokõāma. ⁸ ĩgũsā odomakũ, Jesús āŗĩmi:

—Mérõ āĩsĩā, bosenu siiu irigure tĩārā waaka! āŗĩmi.

“Jáu” āŗĩ, āĩāma.

⁹ Iri bosenu siiu irigu Jesús dekoreta igui deko iriadeare masĩbirimi. Tĩāboerā dita irire masĩma. Irasirigu iri bosenu siiu irigu irire iirĩñagũ, mojõsũadire siiu, āsũ āŗĩmi:

¹⁰ —Gajirā igui deko õārĩrē tĩādorepũrorikuma. Pũru ĩgũsā siuanerā wáro iirĩadero pũru, igui deko ubu āārĩrĩrē tĩādorekuma pama. Mu gapu igui deko õārĩrē duripĩayo gũare tĩātũnubu, āŗĩmi.

¹¹ Jesús Galilea nikũma makā Caná wāĩkũri makāgue irire irigu, Marĩpu turaro merā iri ĩmupũrorimi. ĩgũ irasirimakũ ĩārā, gũa ĩgũ buerā: “Diayeta Marĩpu iriudi āārĩmi”, āŗĩ bũremubũ.

¹² Pũru Jesús Capernaum wāĩkũri makāgue waakõāmi. ĩgũ pago, ĩgũ pagupũrā, gũa ĩgũ buerāde ĩgũ merāta waabũ. Iri makāgue eja, yoaweyaripoe āārĩbũ.

*Jesús Marĩpũya wiigue duarimasārē béowiudea
(Mt 21.12-13; Mr 11.15-18; Lc 19.45-46)*

¹³ Pascua bosenu mérõ dũyaripoe Jesús Jerusalén wāĩkũri makāgue waami. ¹⁴ Irogue ejagu, Marĩpũya wiigue ñajāa, wekũa, oveja, buja duarimasārē bokajami. Irasũ āārĩmakũ, niyeru gorawayurimasā ĩgũsāya kũmarĩ pũro doarārē bokajami. ¹⁵ ĩgũsā irasirimakũ ĩāgũ, pũgubu merā tārāridari iri, ĩgũsārē, ĩgũsāyarā ovejare, wekũare makāgue tārānũrũwiumi. Niyeru gorawayurimasārē ĩgũsāya niyeru kũmarĩrē túmeépĩsirimi.

¹⁶ Irasiri odo, buja duarimasārē āsũ āŗĩmi:

—Īsārē āĩwiriaka! Yũpũya wiire doebiri duari wii iribirikõāka! āŗĩmi Jesús.

¹⁷ ĩgũ irasũ āŗĩmakũ pérā, gũa ĩgũ buerā Marĩpũya werenĩrĩ gojadea pũgue āsũ āŗĩ gojadeare gũñabokabũ:

Yũ Opũ, mũya wiire bũro maĩa. ĩgũsā iri wiire ñerõ irimakũ ĩāgũ, bũro bũjawereri merā āārā, āŗĩ gojasũdero āārĩbũ.*

¹⁸ Judío masaka oparā Jesús irasirimakũ ĩārā, ĩgũrē sērēñama:

—¿Nasirigu ĩgũsārē béowiuari? Marĩpu irire mũrē iridoremakũ, ĩgũ turari merā iri ĩmuka, gũa masĩma õārõ! āŗĩma.

¹⁹ Jesús ĩgũsārē āŗĩmi:

—I wiire musā béomakũ, mũrenũ merāta yũ dupaturi odonũgũkoa doja, āŗĩmi.

²⁰ ĩgũ irasũ āŗĩmakũ pérā, āŗĩma:

—I wiire irirā, cuarenta y seis bojorigora irima. ¿Nasiribu mũ gapu mũrenũ merāta odobukuri?

²¹ Jesús iri wiire weregu, ĩgũya dũpu gapure weregu irimi. ²² Jesús boa, masādero pũru, gũa ĩgũ buerā ĩgũ irasũ āŗĩdeare gũña, pémasĩbũ. Irasirirā Marĩpũya werenĩrĩ gojadea pũgue ĩgũrē gojadeare, ĩgũ weredeaderere: “I diayeta āārĩyo”, āŗĩ bũremubũ.

Jesús āārĩpererā masaka gũñarĩrē ĩāmasĩdea

²³ Pascua bosenu āārĩmakũ, Jesús Jerusalēgue āārĩmĩ. Masaka ĩgũ Marĩpu turari merā iri ĩmumakũ ĩārā, wārā: “Marĩpu iriudi āārĩmi”, āŗĩ bũremuma. ²⁴ ĩgũsā irasũ

* 2:17 Sal 69.9

buremukeremakū, Jesús gapu āārīpererā ĩgūsā gūñarīrē ĩāmasĩkōāmi. Irasirigu ĩgūsārē: “Yure gūñaturari merā buremuníkōārākuma”, ārī ĩābirimi. ²⁵ Masaka gūñarīrē oārō ĩāmasĩgū āārīsīā: “¿Naāsū gūñarī ĩgūsā?” ārī sērēñabirikeregu, ĩāmasĩmi.

3

Nicodemo Jesús merā werenidea

¹ Sugū judío masaka oparā merā fariseo bumū Nicodemo wāikugū āārīmī. ² Su ñami Jesúre ĩāgū ejayupu. ĩgū pūroque eja, ĩgūrē ārīyupu:

—Buegu, Marīpu mū merā āārīmī. Irasirigu ĩgū turari merā mū iri ĩmumasīa. Mū iri ĩmurīrē ĩārā, gūa masīa. Marīpu marē iriudi āārīmī gūare buedoregu, ārīyupu.

³ ĩgū irasū ārīmakū pégu, Jesús ĩgūrē ārīyupu:

—Diayeta mūrē werea. Sugū masakū dupaturi deyoagu irirosū āārīgú dita Marīpu ĩgūyarārē doreroque waamasīmi, ārīyupu.

⁴ ĩgū irasū ārīmakū pégu, Nicodemo Jesúre sērēñayupu:

—¿Nasiri irasū waabukuri? Sugū masakū buguroque dupaturi deyoabu, ĩgū pagoya patoreguere ñajāmasībirikumi, ārīyupu.

⁵ Jesús ĩgūrē yujuyupu:

—Diayeta mūrē werea. Sugū masakū deko merā, Ōāgū deyomarīgū merā deyoagu dita Marīpu ĩgūyarārē doreroque waamasīmi. ⁶ Masaka pūrākumakū, ĩgūsā pūrā masakata āārīma. Ōāgū deyomarīgū ĩgū merā deyoarā gapure Marīpu pūrā āārīmakū yāmi. ⁷ Irasirigu mū: “Āārīpererā dupaturi deyoarā irirosū āārīrō gāāmea”, ārīrē pégu, pégukabirikōāka! ⁸ Mirū noó gāāmerō wējāpuwāgāa. Iri busurire péa. Irire pékererā, sōō merā aara, iro waaró yāa, ārī masīña máa. Irasūta āārā, Ōāgū deyomarīgū ĩgū merā deyoarārē Marīpu pūrā āārīmakū iriri āsū waaró yāa, ārī masīña máa, ārīyupu Jesús.

⁹ ĩgū irasū ārīmakū pégu, Nicodemo āsū ārī sērēñayupu Jesúre doja:

—¿Nasiro irasū āārībukuri? ārīyupu.

¹⁰ Jesús ĩgūrē yujuyupu:

—¿Mū Israel bumarārē Marīpuyare buegu āārīkeregu, ire masīberi? ¹¹ Diayeta mūrē werea. Gūa masīrē, gūa ĩādeare mūsārē werea. Mūsā gapu irire buremubea. ¹² Yū i ũmuma ubu āārīrē weremakū mañurē buremubea. ¿Nasirimurā ũmugasimarē yū wereri gapure buremubukuri?

¹³ Neō sugū masakū ũmugasiguere mūrīa, purū dijaridi mámi. Yū sugūta āārīpererā tīgū ũmugasigu āārīdi oō i ũmugue dijaribū.

¹⁴ ĩripoegue masaka marīroque Moisés kōme merā āña keori irideare yukugue āīsīu, āīwāgūnūdi āārīmī. I āña keorire yukugue āīsīu, āīwāgūnūderosū masaka yure āārīpererā tīgūrē curusague pábiatú, āīwāgūnūrākuma. ¹⁵ Irasirirā āārīpererā yure buremurāno perebiri peamegue waabirikuma. ũmugasiguere perebiri okari gapure oparākuma.

Jesús Nicodemorē: “Marīpu i ũmū marārē buro maĩmi”, ārī weredea

¹⁶ Marīpu i ũmū marārē buro maĩsīā, ĩgū magū sugū āārīgūrē iriudi āārīmī. ĩgūrē buremurāno perebiri peamegue waabirikuma. ũmugasiguere Marīpu merā perebiri okari gapure oparākuma. ¹⁷ Marīpu ĩgū magūrē masakare peamegue waabonerārē taudoregu i ũmuguerē ĩgūrē iriudi āārīmī. Masakare wajamoādooregu meta i ũmuguerē ĩgūrē iriudi āārīmī.

¹⁸ Marīpu ĩgū magūrē buremurārē neō wajamoābirikumi. ĩgūrē burenumerā gapure: “Wajamoāgura”, ārī weresiāmi. ĩgū magūrē sugūta āārīgūrē buremubiridea waja ĩgūsārē wajamoāgukumi. ¹⁹ Marīpu magū i ũmuguerē aarimī, masakare Marīpūre masīmakū iribu. Irasirigu ĩgūsārē sīāgori sīgū āārīmī. ĩgūrē burenumerā gapu ĩgūrē gāāmebema. ĩgūsā ñerī iriri gapure buro gāāmema. Irasirirā boyorogue āārīmerā, naītārōgue āārīduarā

irirosū āārīma. Irasirigu Marīpu īgūsārē wajamoāgukumi. ²⁰ Āārīpererā ñerō irirā Marīpu magūrē gāamebema. Boyorogue āārīduamerā irirosū āārīma, gajirā īgūsā ñerō iririre masībirikōāburo, āārī. ²¹ Marīpu yare keoro irirā gapu īgū magūrē gāamema. Boyorogue āārīduarā irirosū āārīma, gajirā īgūsā ōārīrē irimakū īārā: “Marīpu īgūsārē iritamumi”, āārī masīburo, āārī, āārī wereyupu Jesús.

Juan masakare wāiyerimasā Jesúyare werede

²² Puru Jesús guare īgū buerārē Judea nikūgue siiuwāgāmi. Irogue eja, iro marā merā yoaweyaripoe āārī, īgūsārē wāiyerā iribu. ²³ Juāde masakare Enón wāikuri makāgue wāiyeyupu. Enón, Salim wāikuri makā puro āārībú. Irogue dia wādiya āārībú. Irasirirā masaka īgū purogue wāiyedorerā waanañurā. ²⁴ Gajirā īgūrē peresu iriburi dupiyuro āārīyuro.

²⁵ Iripoere surāyeri Juan buerā sugu judío masakū merā īgūsā koerikuri merā guaseopuroriñurā. ²⁶ Puru Juan purogue waa, īgūrē āsū āārī wereñurā:

—Buegu, dia Jordán wāikudiya gaji koepugue mu merā āārīdi, guare mu weredi, dapagorare masakare wāiyegu iriami. Āārīpererā īgū purogue waarā iriama, āārīñurā.

²⁷ Īgūsā irasū āārīmakū pégu, Juan āārīyupu:

—Sugu masakū Marīpu turari merā ōārīrē iriri, Marīpu īgūrē pídea āārā. ²⁸ Musā yu weredeare pébu. “Marīpu iriudi Cristo āārībea yu”, āārību. Yu Cristo āārībirikeremakū, Marīpu gapu Cristo aariburi dupiyuro yare īgūyare weredupiyudoregu iriumi. ²⁹ Āsū āārā. Sugu mojōsumakū, nomeō īgū merā āārīgō waakumo. Īgū merāmu, mojōsumakū īāgū, īgū werenīmakū pégu, buro usuyakumi. Irasirigu mojōsumadi merāmu usuyaderosūta masaka Cristo merā waamakū īāgū, yude usuyari opataria. ³⁰ Masaka Cristore tayarō gāamea. Yu gapure tayarōduúkoārō gāamea, āārīyupu Juan.

Jesucristo ūmagasigue merā dijaridi āārīmi, āārī werede

³¹ Irasū āārī odo, Juan āsū āārīnemoyupu doja:

—Ūmagasigue merā dijaridi āārīpererā nemorō masīgū āārīmi. Sugu masakū i ūmumu, i ūmumarē werenīkumi. Ūmagasigue merā dijaridi gapu āārīpererā nemorō masīgū āārīmi. ³² Īgū īādeare, īgū pédeare weremi. Īgū irire werekeremakū, neō sugu īgū wererire buremubemi. ³³ Īgū wererire buremurā gapu: “Marīpu diaye āārīrīmarē āārīkatori marīrō āārīgū āārīmi”, āārī īmuma. ³⁴ Marīpu Cristore īgū iriudire Ōāgū deyomarīgūrē opatarimakū iridi āārīmí. Irasirigu Cristo Marīpuya werenīrē weremi. ³⁵ Marīpu īgū magū Cristore buro maīmi. Irasirigu īgūrē āārīpereri, āārīpererārē doregu āārīmakū iridi āārīmí. ³⁶ Marīpu magūrē buremurā ūmagasigue īgū merā perebiri okarire opama. Īgū magūrē buremuduamerā gapu iri okarire neō opabirikuma. Marīpu īgūsārē buro wajamoāgukumi, āārīyupu Juan.

4

Jesús Samaria nikūmo merā werenīdea

¹ Jesús buerā, Juan buerā nemorō wārā āārīrī kerere, Jesús, Juan nemorō masakare wāiyeri kerere, fariseo bumarā péñurā. ² Īgūsā iri kerere pékeremakū, Jesús gapu īgū basi masakare wāiyebirimi. Gua īgū buerā gapu īgūsārē wāiyebu. ³ Fariseo bumarā iri kerere pédeare masīgū, Jesús Judea nikūgue āārādi, Galilea nikū gapu guare siiu, goedujáami.

⁴ Galileague goedujáagu, Samaria nikūgue tariwāgāmi. ⁵ Iro tariwāgāgū, iri nikūma makā Sicar wāikuri makāgue ejami. Iri makā, Jacob iripoeguemu īgū magū Josére sīdea nikū puro āārībú. ⁶ Irogure deko gobe Jacob iridea gobe āārībú. Jesús yoaro aaradi, garibore, iri gobe puro siñajā eja doami. Goeripoe ejaburi dupiyuro āārībú. ⁷⁻⁸ Īgū irogue doaripoeta gua īgū buerā makāgue baari wajarirā waabu. Gua waadero puru, iri gobegure sugo nomeō Samariato deko wāgo ejayupo.

Igo irogue ejamakũ ããgũ, Jesús igore ãrĩyupũ:

—Yũre deko tĩãka!

⁹ Ñgũ irasũ ãrĩmakũ pégo, Ñgũrẽ ãrĩyupo:

—¿Nasirigũ mũ judío masakũ ããrĩkeregũ, yũre Samariamorẽ: “Deko tĩãka!” ãrĩ sërẽrĩ? ãrĩyupo. Iripoere judío masaka Samaria marã merã neõ gãmesuribirima. Irasirigo irasũ ãrĩyupo Ñgũrẽ.

¹⁰ Igo irasũ ãrĩmakũ, Jesús ãrĩyupũ:

—Mũ Marĩpũ masakare sĩrĩrẽ masĩgõ, yũdere masĩgõ, yũre: “Okari sĩrĩ dekore sĩka*”! ãrĩ sërẽboakuyo. Mũ sërẽmakũ, yũ iri dekore sĩboakuyo, ãrĩyupũ.

¹¹ Ñgũ irasũ ãrĩmakũ, Ñgũrẽ ãrĩyupo doja:

—Mũ deko ãĩburi sorore opabea, i gobe ãkũãgorãa. ¿Noógue mũ i okari sĩrĩ deko bokagũkuri? ¹² Iripoegue marĩ ñekũ Jacob i gobema dekore iirĩdi ããrĩmĩ. Ñgũ pũrã, Ñgũyarã ejorãde iirĩnerã ããrĩmã. Ñgũ marĩrẽ i gobere pídi ããrĩmĩ. ¿Mũ gapũ Ñgũ nemorõ masĩgũ ããrĩrĩ? ãrĩyupo.

¹³ Jesús igore yũjũyupũ:

—Ããrĩpererã i gobema deko iirĩrã, dupaturi ñemesiburi oparãkuma. ¹⁴ Yũ sĩburi gapũre iirĩrã, neõ ñemesiburi opabirikuma. Ñgũsãrẽ Ñgũsãya yũjũpũrãrĩguere deko ãmayoro irirosũ ããrĩrokoa. Irasirirã i merã perebiri okari oparãkuma, ãrĩyupũ.

¹⁵ Ñgũ irasũ ãrĩmakũ pégo, Ñgũrẽ ãrĩyupo:

—Iri dekore sĩka yũre! Mũ yũre sĩmakũ, yũ neõ dupaturi ñemesiburi opabirikoã. Irasũ ããrĩmakũ, i gobeguere neõ dupaturi deko wãgo aaribirikoa pama, ãrĩyupo.

¹⁶ Jesús igore ãrĩyupũ:

—Mũ marãpũre siiugo waaka! Ñgũrẽ siiu, õõgue Ñgũ merã dupaturi aarika! ãrĩyupũ.

¹⁷ Igo Ñgũrẽ yũjũyupo:

—Yũ, marãpũ marĩgõ ããrã.

Jesús igore ãrĩyupũ:

—Mũ yũre: “Marãpũ marĩgõ ããrã”, ãrĩgõ, diayeta yũjũa. ¹⁸ Mũ su mojõmarã ãma merã marãpũkũsiadibũ. Dapagora mũ merã ããrĩgũ mũ marãpũ diaye ããrĩbemi, mũ Ñgũrẽ neõ mojõsũabiribũ. Irasiriro mũ yũjũri diayeta ããrã.

¹⁹ Ñgũ irasũ ãrĩmakũ pégo, ãrĩyupo:

—“Mũ Marĩpũya kerere weredupiyurimasũ ããrĩkoa”, ãrĩ gũñãa yũ. ²⁰ Gũa ñekũsãmarã Samaria marã sigũ ãtããgue Marĩpũre bũremunerã ããrĩmã. Mũsã judío masaka gapũ gũare: “Jerusalẽgue Marĩpũre bũremurõ ããrã. Irogue Marĩpũre bũremurã waaka!” ãrã gũare mũsã, ãrĩyupo.

²¹ Igo irasũ ãrĩmakũ pégu, Jesús ãsũ ãrĩyupũ:

—Yũ werenĩrĩrẽ péka! Pũrũgue mũsã i ãtããguere, Jerusalẽguedere Marĩpũre bũremurã waabirikoã. Mũsã irasiriburo mérõgã dũyãa. ²² Mũsã Samaria marã mũsã bũremugũrẽ masĩbea. Gũa judío masaka gapũ gũa bũremugũrẽ õãrõ masĩa. Ñgũ masakare taubu judío masakũ ããrĩmĩ. ²³ Marĩpũre diayeta bũremurã Ñgũsãya yũjũpũrãrĩgue bũremurãkuma. Marĩpũ Ñgũrẽ bũremurãrẽ ãsũta bũremurõ gããmemi. Ñgũrẽ ãsũ bũremuripoe ejaro, dapagorare ejasiãa. ²⁴ Marĩpũ deyomarĩgũ ããrĩmĩ. Irasirigũ Ñgũrẽ bũremurãya yũjũpũrãrĩgue ããrĩmĩ. Irasirirã Ñgũsãya yũjũpũrãrĩgue diayeta Ñgũrẽ bũremurõ gããmea Ñgũsãrẽ, ãrĩyupũ.

²⁵ Ñgũ irasũ ãrĩmakũ, Ñgũrẽ ãrĩyupo:

* **4:10** Jn 11.25: Jesús ãrĩmĩ: —Yũ boanerãrẽ masãmakũ irigũ, Ñgũsãrẽ okari sigũ ããrã. Yũre bũremugũ boadigue ããrĩkeregũ, okagũkumi. Jn 14.6: Jesús ãrĩmĩ: —Yũ dita Yũpũ pũrogue waarĩ maa irirosũ ããrã. Yũ diayema ããrĩrĩrẽ masakare masĩmakũ irigũ, Ñgũsãrẽ okamakũ irigũ ããrã. Yũ merãta Yũpũ pũrogue waarãkuma.

—Y_u masĩa. Mesías, Marĩp_u iriudi Cristo aarigukumi. Īgũ aarigú, marĩrẽ ããrĩpererire weregukumi, ãrĩyupo.

²⁶ Igo irasũ ãrĩmakũ pégu, ãsũ ãrĩ deyoromuyup_u:

—Y_u m_u merã werenígũ Marĩp_u iriudita ããrã, ãrĩyup_u Jesús.

²⁷ Īgũsã irasũ weretamuripoe g_{ua} baari wajarirã ejanerã Jesús p_urogoe goedujajab_u. Īgũ sugo nomeõ Samariamo merã werenĩmakũ ĩãrã, ĩãgukakõãb_u. Īgũrẽ neõ: “¿Ñeéonorẽ gããmeari? o ¿ñeénomarẽ igo merã werenĩari?” ãrĩ sērẽñabirib_u Jesúre.

²⁸ P_ur_u nomeõ igo deko wárisorore irota béodobokõã, makãgue waakõãmo. Irogoe ejago, masakare wereyupo:

²⁹ —Náka, musãde ĩãrã aarika! Sõõ sug_u ãmá_u ããrãmi. Īgũ ããrĩpereri y_u irideare masĩpeokõãmi, irire werepeokõãmi y_ure. ¿Īgũ Cristo, Marĩp_u iriudi ããrĩkuri? ãrĩyupo igoya makã marãrẽ.

³⁰ Igo irasũ ãrĩmakũ pérã, Jesús p_urogoe ĩgũrẽ ĩãrã waañurã. ³¹ Īgũsã ĩgũ p_uro aariburi dupiyuro g_{ua} ĩgũrẽ ãrĩb_u:

—Bueg_u, g_{ua} murẽ ãriadea baarire baaka! ãrĩ sĩadib_u.

³² Jesús gap_u g_uare ãrĩmi:

—Y_u baari opáa, irire musã masĩbea.

³³ Īgũ irasũ ãrĩmakũ pérã, g_{ua} basi ãsũ ãrĩ gãme sērẽñapurorib_u:

—¿Gajipoe irirã gajirã ĩgũrẽ baari ejoayuri? ãrĩb_u.

³⁴ Jesús gap_u g_uare ãrĩmi:

—Y_ure iriudi gããmerĩrẽ irig_u, ĩgũ y_ure moãdoredeare iriyuwarikug_u, baayapig_u irirosũ ããrã. ³⁵ Musã ãsũ ãrã: “Wapikurã abe duyáa, ĩgũsã otedea dukã sĩburo”. Y_u gap_u musãrẽ ãsũ ãrã: “Īgũsã otederore ĩãka! Dukã borerire searipoe ejasiáa”. ³⁶ Sug_u otedea dukare searimasũ ĩgũ moãdea wajare wajatami. Marĩp_uyã werenĩrĩrẽ wereg_u ĩgũ irirosũ ããrĩmi. Īgũ wererire pérã, y_ure b_uremuma. Irasirirã ãmugasigue perebiri okarire oparãkuma. Īgũsã, ĩgũ otedea dukã seari irirosũ ããrĩma. Irasirirã oterimasũ, ĩgũ otedea dukare searimasũ irirosũ ããrĩrã, usuyama, masaka y_ure b_uremumakũ ĩãrã. ³⁷ Masaka ãsũ ãrĩ werew_uakuma: “Sug_u masak_u otekumi. P_ur_u gajig_u i otedea dukare seakumi”, ãrĩkuma. Īgũsã irasũ ãrĩ werew_uadea diayeta ããrã. ³⁸ Iripoegue Marĩp_uyã werenĩrĩrẽ weredupiyunerã oterimasã irirosũ ããrĩnerã ããrĩmã. Dapagora y_u musãrẽ iriua. Musã ĩgũsã iripoegue otedea dukare searimasã irirosũ ããrã. Irasirirã ĩgũsã moãdea wajare musã wajatarã irirosũ ããrã. Īgũsã moãderoguere moãwekabejarã irirosũ irirã yáa, ãrĩmi Jesús.

³⁹ Samariamo makãgue ejadero p_ur_u: “Sõõ ããrãdi ããrĩpereri y_u irideare masĩpeokõãmi”, ãrĩmakũ pérã, wãrã iri makã marã Jesúre b_uremuñurã. ⁴⁰ Irasirirã Jesús p_uro aarirã, ĩgũrẽ: “G_{ua} merã dujaka!” ãrĩ sērẽma. Īgũsã irasũ ãrĩmakũ pégu, Jesús ĩgũsã merã pen_u dujami.

⁴¹ Īgũ wererire pérã, gajirãde wãrã ĩgũrẽ b_uremuma. ⁴² Irasirirã nomeõrẽ ãrĩma:

—G_{ua} m_u wereadea ditare pérã, Jesúre b_uremuadab_u. Dapagora tamerãrẽ g_{ua} basi ĩgũ wererire pésĩã, ĩgũrẽ b_uremua. G_{ua} masĩa. Īgũ diayeta Marĩp_u iriudi, i ãm_u marãrẽ peamegue waabonerãrẽ taug_u ããrĩmi, ãrĩma.

Jesús Galilea nikũ marã op_u dokam_u magũrẽ taudea

⁴³ Jesús pen_u Samariague ããrãdi, Galilea nikũgue waami. ⁴⁴ Iro dupiyuro Jesús ãsũ ãrĩdi ããrĩmĩ: “Marĩp_uyã kerere weredupiyug_ure ĩgũyã nikũ marã ĩgũrẽ b_uremubema”, ãrĩdi ããrĩmĩ. ⁴⁵ Galileague ejamakũ, iro marã ĩgũrẽ õãrõ bokatĩrĩñeãma. Iro dupiyuro ĩgũsãde Jerusalẽgue pascua bosenu ĩãrã ejanerã ããrĩmã. Irasirirã ããrĩpereri Jesús irogoe irideare ĩãnerã ããrĩmã.

⁴⁶ Jesús Galileague ejadero p_ur_u, Caná wãĩkuri makãgue ĩgũ dekoreta igui deko iridea makãgue goemi. Iri makãguere sug_u Galilea marã op_u dokam_u ããrĩmĩ. Īgũ magũ

Capernaum wāikuri makāgue āārīgú, pūrīrikugū iriyupū. ⁴⁷ Irasirigū opū dokamū, Jesús Judeague āārādi ĩgū Galileague ejari kerere pégu, Jesús pūro aarimí. Āsū ārī sērēmi ĩgūrē:

—Yū magū boabu iriami. ĩgūrē taubosagu aarika! ārīmi.

⁴⁸ ĩgū irasū ārīmakū pégu, Jesús ārīmi:

—Marīpu turari merā yū iri ĩmurīrē ĩābirikererā, neō yūre buremubea musā, ārīmi.

⁴⁹ Opū dokamū gapū Jesúre ārīmi:

—Gua Opū, yū magū boaburo dupiyuro aarika!

⁵⁰ Jesús ĩgūrē ārīmi:

—Mūya wiigie dujáaka! Mū magū okagakumi, ārīmi.

Opū dokamū, ĩgū irasū ārīrīrē pégu, buremurī merā ĩgūya wiigie dujáakōāmi. ⁵¹ ĩgūya wiigie ejawāgārīripoe ĩgūrē moāboerā bokatīrī wereñurā:

—Mū magū okami, ārīñurā.

⁵² ĩgūsā irire ārīmakū pégu: “¿Naásū āārīmakū oārī?” ārī sērēñayupū. ĩgūsā ĩgūrē ārīñurā:

—Ñamika goeripoe pūrugāta nimakuri tariabu ĩgūrē, ārīñurā.

⁵³ Irasū ārīmakū pégu, ĩgū pagū ārīyupū: “Jesús yūre: ‘Mū magū okagakumi’, ārī wereripoeta nimakuri tariakuyo”, ārīyupū. Irasirigū, āārīpererā ĩgūya wii marā merā Jesúre buremuyupū.

⁵⁴ Jesús Judea āārādi dupaturi Galileague ejadero pūru, opū dokamū magūrē ĩgū tauadea merā Caná wāikuri makāgue pea Marīpu turari merā iri ĩmumi.

5

Jesús dūpu bñadire taudea

¹ Pūru Jesús Jerusalēgue judío masaka bosenu ĩāgū waami. ² Iri makā tūro sārīrōgue su makāpūro “Oveja” wāikuri makāpūro pūro wári gobe deko gobe ĩgūsā iridea gobe āārībú. Iri gobe hebreo ya merā “Betzata” wāikubū. Iri gobe tūroguere su mojōma taridupabu tīaña marīrī āārībú. ³⁻⁴ Iri taridupabugue wārā masaka pūrīrikurā oyama. Koye ĩāmerā, waamasīmerā, guburi bñasūnerā āārīmá. Gajipoere Marīpūre wereboegu iri gobegue dijajanayupū. Irogue dijajagu, dekore gāmeñamakū irinayupū. ĩgū irasiriadero pūru, iri gobegue buañajāpūrorīgūno ĩgū sīrīrē tarisūnayupū. Irasirirā deko gāmeñaburire yūrā irogue oyama. ⁵ Irogue sugū dūpu bñadi oyami. ĩgū treinta y ocho bojorigora pūrīrikugū āārīyupū. ⁶ Jesús iri gobe tūro tariwāgāgū, ĩi bñadi oyagūre ĩāmi. “Yoaripoe pūrīrikugū āārīmi”, ārī masīkōāmi. Irasirigū ĩgūrē āsū ārī sērēñami:

—¿Mū pūrīrikurire taumakū gāāmerī? ārīmi.

⁷ ĩgū Jesúre yūjūmi:

—Yū Opū, sugū yūre iritamugū neō mámi. Deko gāmeñamakū, yū iri gobe ñajādūamakū, gajirā yū dupiyuro ñajāpūrorinama, ārīmi.

⁸ Jesús ĩgūrē ārīmi:

—Wāgānugāka! Mū oyarore āīaka! ārīmi.

⁹ Irasū ārīmakūta, ĩgū pūrīrikuri taribū. Irasirigū wāgānugā, ĩgū oyarore tuútūrā, āīākōāmi. Jesús ĩgūrē tauadeanu judío masaka siñajārīnu* āārībú.

¹⁰ Irasirirā judío masaka oparā Jesús tausūadi ĩgū oyarore āīāmakū ĩārā, ĩgūrē ārīñurā:

—Dapagā marī siñajārīnu āārā. Mū oyarore kōāgū, marī dorerire tarīnugāgū yāa, ārīñurā.

¹¹ ĩgū ĩgūsārē yūjūyupū:

—Yūre tauadi: “Mū oyarore āīaka!” ārāmi.

¹² ĩgū irasū ārīmakū pérā, ĩgūrē āsū ārī sērēñañurā:

—Irire mūrē irasū ārādi, ¿noāno āārārī?

* 5:9 Judío masaka siñajārīnu, sábado āārā.

¹³ Jesús buadire tauadero puru, iro aārĩrã masaka wárã watopegue waakõãmi. Irasirigu buadi aārãdi ĩgũrẽ tauadire: “Īgũta aārĩmi”, aārĩ masĩbiriypuru. ¹⁴ Puru Jesús Marĩpuru wiigue ĩgũrẽ bokajagu, aārĩmi:

—Pemasĩka! Dapagorare mu pũrĩrikuri marĩgũ aārã. Irasirigu ñerĩrẽ irinemobirikõãka! Dupaturi ñerĩrẽ irigu, mu pũrĩrikadero nemorõ ñerõ tarigukoa, aārĩmi.

¹⁵ Īgũ irasũ arãdero puru, buadi aārãdi judío masaka oparã purogue waa, ĩgũsarẽ wereypuru:

—Yure tauadi Jesús wãikugu aārĩmi, aarĩypuru.

¹⁶ Irire pérã, judío masaka oparã ĩgũsã siñajãrĩnu aārĩmakũ Jesús buadire tauadea waja ĩgũrẽ ñerõ iripurori, wẽjẽduadiñurã.

¹⁷ Īgũsã ĩgũrẽ ñerõ iriduumakũ ĩãgũ, Jesús ĩgũsarẽ aārĩmi:

—Yuru piriro marĩrõ moãgũ yãmi. Yude moãa, aārĩmi.

¹⁸ Īgũ irire aarĩmakũ pérã, judío masaka oparã dupiyuro ĩgũrẽ wẽjẽduadero nemorõ wẽjẽduadiñurã. Īgũsã siñajãrĩnu aārĩmakũ buadire ĩgũ tauadea waja, ĩgũ Marĩpuru: “Yuru”, aarĩrĩ waja ĩgũrẽ irasũ wẽjẽduadiñurã. “Īgũ: ‘Yuru’, aarĩgũ, ĩgũ basi: ‘Yu Marĩpuru suro merã aārã’, aarĩgũ yãmi”, aarĩ gũñañurã.

Jesús ĩgũ Pagu ĩgũrẽ dorerosũta ĩgũ iririre weredea

¹⁹ Irasirigu Jesús ĩgũsarẽ asũ aarĩ weremi:

—Diayeta musãrẽ werea. Yu Marĩpuru magũ yu gããmerõ neõ iribeaa. Yuru iririre ĩãgũ, iri ditare yãa. ²⁰ Yuru yure ĩgũ magũrẽ maĩmi. Irasirigu aarĩpereri ĩgũ iririre yure ĩmumi. I dapagorare ĩgũ turari merã yu iridea nemorõ gajire yure iridoregukumi. Īgũ turari merã irire yu iri ĩmumakũ ĩãrã, ĩãgũkarãkoa musã. ²¹ Yuru boanerãrẽ masũ, okari sĩrõsũta yude yu okari sĩduarãrẽ sigukoa. ²² Yuru masaka ñerõ iridea waja ĩgũsarẽ wajamoãbemi. Yu gapuru aarĩpereri ĩgũ turarire pími, ĩgũsarẽ wajamoãbure. ²³ Aarĩpererã ĩgũrẽ buremurõsũta yudere buremuburo, aarĩgũ, yure irasiridoremi. Yure ĩgũ magũrẽ buremumerã Yurudere buremubema. Īgũ yure iriudi aarĩmi.

²⁴ Diayeta musãrẽ werea. Yu werenĩrẽ pérã, yure iriudire buremurã, umugasigue Yuru merã perebiri okari opama. Wajamoãsũbirikuma. Īgũsã perebiri peamegue waabonerã tarisiamaa. ²⁵ Diayeta musãrẽ werea. Peamegue waabonerã yu Marĩpuru magũ werenĩmakũ pãripoe dapagorare ejasiãa. Yu wererire pérã, yure buremurã Marĩpuru merã okarãkuma. ²⁶ Yuru masakare okari sigũ aarĩmi. Irasirigu yu ĩgũ magũrẽ ĩgũ irirosũta ĩgũsarẽ okari sĩmakũ yãmi. ²⁷ Yu aarĩpererã tĩgũ aarã. Irasirigu Yuru yure masaka ñerõ iridea waja ĩgũsarẽ wajamoãdoremi. ²⁸ Musã ire pérã, pãgukabirikõãka! Sunu boanerã aarĩpererã yu werenĩmakũ pãrãkuma. ²⁹ Īgũsã, yu werenĩmakũ pérã, masãgoberigue aarĩnerã masã, wiripereakõãrãkuma. Oarĩrẽ irinerã masãrãkuma, umugasigue perebiri okari opamurã. Ñerĩ irinerã gapu masãrãkuma, perebiri peamegue wajamoãsũmurã.

Jesús ĩgũyamarẽ werenemodea

³⁰ Yu gããmerõ neõ irimasĩbeaa. Yuru yure iriudi gããmerĩrẽ, ĩgũ yure masakare wajamoãdorerosũta yãa. Irasirigu ĩgũsarẽ wajamoãgũ diayeta yãa. ³¹ Yu basi: “Yu Marĩpuru magũ ĩgũ iriudi aarã”, aarĩ weremakũ: “Mu werenĩrĩ neõ diaye aarĩbeaa”, aarĩbukoa musã. ³² Gajigu aarĩmi yaamarẽ weregu. Īgũ Yuru aarĩmi. Īgũ yaamarẽ wereri diayeta aarã. Irire yu oarõ masã. ³³ Musã gajirãrẽ Juãrẽ masakare wãiyerimasũrẽ yaamarẽ sãrẽñadorerã iriubu. Īgũde yaamarẽ diayeta weremi. ³⁴ Yu gapu sugu masakare yure: “Marĩpuru iriudi aarĩmĩ”, aarĩ werebure neõ amabeaa. Irasũ amabirikeregu, Juan yaamarẽ weredeare: “Diayeta aarã”, aarĩ werea, musã yure buremu, peamegue waabirikõãburo, aarĩgũ. ³⁵ Juan musãrẽ siãgodiru irirosũ aarĩmĩ. Īgũ wereri siãgodiru ujũgoro irirosũ aarĩbũ. Īgũ wererire pérã, yoaweyaripoe musã usuyadibu. ³⁶ Juan weredea nemorõ yu iriri merã

yɛ āārīrikurire masīsūa. Yɛpɛ turari merā īgū yɛre iriyuwarikudoredeare irigɛ yáa. I merā yɛre īgū iriudi āārīrīrē masīsūa. ³⁷ Yɛpɛ yɛre iriudi, yaamarē ōārō weremi. Īgū irasū werekeremakū, īgū werenírīrē mɛsā neō pébea. Īgū deyorire neō iābea. ³⁸ Yɛre Yɛpɛ iriudire mɛsā neō bɛremubea. Irasirirā īgūya kerere neō péduripíbea. ³⁹ Yɛpɛya werenírī gojadea pūrē mɛsā ōārō bueníkōāa. “Gɛa i pūrē buerā, Marīpɛ merā perebiri okarire bokarākoa”, ārī gūñáa mɛsā. Iri pūguere yaamarēta gojasūdero āārībú. ⁴⁰ Iri pūguere yaamarē irasū gojasūkeremakū, mɛsā gapɛ yɛre gāāmebea. Irasirirā i okari yɛ sīrīrē opabirikoa.

⁴¹ Masakare yaamarē ōārō werenímurārē āmabea. ⁴² Yɛ mɛsā masaka āārīrikurire masīa. Mɛsā Marīpɛre maírā meta āārā. ⁴³ Yɛpɛ gāāmerōsūta yɛ aarikeremakū, mɛsā yɛre gāāmebea. Gajigɛ gapɛ īgū basi īgū gāāmerō aarimakū, mɛsā īgūrē gāāmerākoa. ⁴⁴ ¿Nasirirā yɛre bɛremubukuri mɛsā? Mɛsā basi: “Ōārō yáa”, ārī gāme werenírīrē gāāmea. Marīpɛ sugɛ āārīgú mɛsārē: “Ōārō yáa”, ārī werenírī gapɛre gāāmebea. ⁴⁵ Mɛsā yɛre gāāmebiri waja: “Īgū Paguguerere guare weresāgukumi”, ārī gūñabirikōāka! “Moisés dorerire irirā, Marīpɛ merā ōārō āārīrākoa”, ārī gūñakeremakū, Moisés gapɛ mɛsārē weresāgukumi. ⁴⁶ Moisés īgū gojadea pūgue yaamarē gojadi āārīmí. Irasirirā īgū gojadeare bɛremurā, yɛdere bɛremuboayo mɛsā. ⁴⁷ Moisés gojadeare mɛsā bɛremumerā, ¿nasirirā yɛ wereri gapɛre bɛremubukuri? ārīmi Jesús.

6

Jesús cinco mil āmarē baari ejodea

(Mt 14.13-21; Mr 6.30-44; Lc 9.10-17)

¹ Jesús Jerusalēgue dupɛ buadire taudero pɛrɛ, gɛa īgū buerā īgū merā Galilea wāikuri ditaru gaji koepɛgue taribujabɛ. Iri ditaruta “Tiberias” wāikɛbɛ. ² Masaka Jesús īgū turari merā pūrīrikurārē taumakū iāsīā, wárā īgūrē tɛyama. ³ Ditaru gaji koepɛgue īgū ejadero pɛrɛ, gɛa merā útāūgue mɛrīa, doami. ⁴ Irinɛ judío masaka bosenu, pascua bosenu ejaburo mérōgā dɛyabɛ. ⁵ Jesús wárā masaka īgū pɛro aarimakū iāgū, Felipere sērēñami:

—¿Noogue marī īsā masaka āārīpererā baaburire wajarirākuri? ārīmi.

⁶ Jesús īgū basi īgū iriburire masīkeregu: “Felipe yɛre, ¿naásū yɛjugukuri?” ārīgū, irasū ārīmi. ⁷ Felipe īgūrē yɛjumi:

—Marī dosciento nɛrī moādea waja wajataropa pā duparu wajari, masakare marī gueremakū, neō ejabirikoa, ārīmi.

⁸ Īgū irasū ārīmakū pégu, gɛa merāmu Andrés, Simón Pedro pagɛmu Jesúre ārīmi:

⁹—Ōō īi majīgū su mojōma pā duparu, pērā waaí opami. Masaka gapɛ wárāgora āārīma. Irasiriro īgūsārē baari neō ejabirikoa.

¹⁰ Īgū irasū ārīmakū pégu, Jesús guare īgū buerārē ārīmi:

—Masakare āārīpererārē doadoreka! ārīmi.

Iro ōārō tákuro āārībú. Irasirirā iri weka doama. Őma ditare keomakū, cinco mil gora āārīmá. ¹¹ Īgūsā eja doaperemakū iāgū, Jesús pā duparure āi, Marīpɛre: “Ōāa”, ārī, usɛyari sīmi. Irasiri odo, guare āārīpererā iro doarārē irire gueredoremi. Waaídere gueredoremi. Irasirirā āārīpererārē īgūsā baadɛaropa guereyobɛ. ¹² Īgūsā yapimakū iāgū, Jesús guare īgū buerārē ārīmi:

—Īgūsā baadɛarire seaka! Ubugorata kōmobukoa, ārīmi.

¹³ Su mojōma pā duparure masaka baadɛáadeare seasārā, pe mojōma pere su gubu peru pērēbejari puuirigora ɛtɛudobobɛ. ¹⁴ Masaka Jesús Marīpɛ turari merā īgūsārē baari sīmakū iārā, āsū ārīmi:

—Diayeta āārā. “Īi Marīpɛya kerere weredupiyurimasū i ɛmɛgue aaribu āārāyɛpɛ”, īgūsā ārīdita āārīmi.

¹⁵ Irasirirã Jesúre turaro merã ãã, ìgũsã Opũ ããrĩbure sóodũarã iriadima. Ìgũ gapũ irire masĩkõãmi. Irasirigũ dupaturi sugũta ùtãũgue mũrĩãkõãmi.

Jesús deko weka waadea

(Mt 14.22-27; Mr 6.45-52)

¹⁶ Naĩtĩãwãgãrĩripoe ããrĩmakũ, gũã ìgũ buerã ditarugue buabũ. ¹⁷ Buaja, doódirugue ñajãã, Capernaugue taribujapũroribũ. Naĩtĩãrõgue iribũ. Jesús gũã pũrogue ejabirimi dapa. ¹⁸ Gũã taribujamakũ, mirũ bũro wẽjãpuwãgãribũ. Pagari makũrĩ wãgãbũ. ¹⁹ Su mojõma kilómetro gũã waadero pũrũ, gũayaru pũro Jesús deko wekague aarimakũ ìãbũ. Ìgũ irasũ aarimakũ ìãrã, bũro gũibũ. ²⁰ Jesús gapũ gũare ãrĩmi:

—Yũta ããrã. Gũimerãta!

²¹ Ìgũ irasũ ãrĩmakũ pérã, gũã ìgũrẽ õãrõ bokatĩrĩ ñajãdorebũ. Ìgũ ñajãdero pũrũ, mata gũã waaderoguerẽ ejabũ.

Masaka Jesúre ãmadea

²² Gajinũ gapũ masaka ditaru gaji koepũgue dujanerã iri ñamirẽ gũayaru suru dujadiru merã gũã taribujamakũ, Jesús gũã merã waabirideadere masĩñurã. ²³ Irogue ìgũsã ããrĩripoere gaji doóriduparu Tiberias wãĩkũrĩ makãgue ããrãdea duparu, Jesús Marĩpũre: “Õãã”, ãrĩ, mũyari sĩ, masakare baari gueredero pũroweyague ejayuro. ²⁴ Irasirirã Jesús, gũã ìgũ buerã marĩmakũ ìãrã, iri doóriduparugue ñajãã, Capernaugue taribujañurã Jesúre ãmarã waarã.

Jesús pã irirosũ ìgũ ããrĩrĩmarẽ weredea

²⁵ Ditarure taribuja, Jesúre bokajarã, ìgũrẽ sërẽñama:

—Buegũ, ¿naásũ ããrĩmakũ õõguere aarari mũ? ãrĩma.

²⁶ Jesús ìgũsãrẽ ãrĩmi:

—Diayeta mũsãrẽ werea. Yũ Marĩpũ turari merã iri ìmurĩrẽ ìãkererã, ìgũ iriudi yũ ããrĩrĩrẽ bũremubea. Irasirirã, yũ mũsãrẽ ejodeare baayapinerã dita ããrĩsĩã, yũre ãmãã. ²⁷ Mũsã baari pereburi gapũ ditare wajatamurã, moãbirikõãka! Gaji baari yũ ããrĩpererã tũgũ sĩburi gapũre ãmaka! Iri baarire ãmarã, Marĩpũ merã pereburi okari oparãkoa. Yũpũ yũre irire mũsãrẽ sĩdoregũ ããrĩmi. Ìgũ iriudi yũ ããrĩrĩrẽ mũsãrẽ ìmusiami, ãrĩmi.

²⁸ Ìgũ irasũ ãrĩmakũ pérã, ìgũrẽ sërẽñama:

—¿Nasirirãkuri Marĩpũ iridorerire õãrõ iriyuwarikũmurã?

²⁹ Jesús ìgũsãrẽ yũjũmi:

—Marĩpũ mũsãrẽ iridoreri ãsũ ããrã. Yũre ìgũ iriudire bũremudoremi, ãrĩmi.

³⁰ Ìgũ irasũ ãrĩmakũ pérã, ìgũrẽ ãrĩma:

—Gũare mũrẽ bũremudoregũ, ¿ñeonorẽ mũ turari merã iri ìmugũkuri? ¿Naásũperire iri ìmugũkuri? ³¹ Masaka marĩrõgue marĩ ñekũsãmarã manã wãĩkũrĩre baanerã ããrĩmã. Marĩpũya werenĩrĩ gojãdea pũgue ãrĩderosũta ãmũgasima baarire ìgũsãrẽ sĩdi ããrĩmĩ, ãrĩma Jesúre.

³² Ìgũsã irasũ ãrĩmakũ pégũ, Jesús ìgũsãrẽ ãrĩmi:

—Diayeta mũsãrẽ werea. Moisés ãmũgasima baarire mũsãrẽ sĩbiridi ããrĩmĩ. Yũputa baari ãmũgasima, diayemarẽ mũsãrẽ sĩgũ ããrĩmi. ³³ Yũ ãmũgasigue ããrĩdi Marĩpũ iriudi, ìgũ baari irirosũ ããrĩgũ, i ãmũ marãrẽ okari sĩgũ ããrã, ãrĩmi.

³⁴ Ìgũ irasũ ãrĩmakũ pérã, ìgũrẽ ãrĩma:

—Gũã Opũ, iri baarire gũare sĩnĩkõãka!

³⁵ Jesús ìgũsãrẽ ãrĩmi:

—Yũ okarire sĩgũ, baari irirosũ ããrĩgũ ããrã. Yũre tũyagũ, neõ uaboabi irirosũ ããrĩgũkumi. Yũre bũremugũ, neõ ñemesibubi irirosũ ããrĩgũkumi. ³⁶ Dupiyuro yũ mũsãrẽ ãrĩderosũta, mũsã gapũ yũre ìãkererã, bũremubea dapa. ³⁷ ããrĩpererã Yũpũ yũre sĩnerã yũre tũyarãkuma. Ìgũsãrẽ yũ neõ béobirikoa. ³⁸ ãmũgasigue ããrĩdi yũ gããmerĩrẽ irigũ aarigũ

meta iribu. Yure iriudi gãamerĩ gapure irigu aaribú. ³⁹ Yure iriudi àsũ gãamemi. Īgũ yure sĩnerãrẽ neõ sugure yu dedeubirimakũ gãamemi. I ùmũ peremakũ, yu ĩgũsãrẽ masũmakũ gãamemi. ⁴⁰ Yurũ yure iriudi ããrĩpererã yure ĩgũ magũrẽ ĩãrã, yure buremurã ĩgũ merã perebiri okarire opamakũ gãamemi. Irasirigu i ùmũ peremakũ, ĩgũsãrẽ masũgũkoa, ãrĩmi Jesús.

⁴¹ Jesús: “Yu ùmũgasigue merã dijaridea baari irirosũ ããrĩgũ ããrã”, ãrĩrĩrẽ pérã, judío masaka oparã ĩgũrẽ werewũama. ⁴² Āsũ ãrĩma:

—¿Ī Jesús, José magũ ããrĩberi? Marĩ ĩgũ pagũ, ĩgũ pagore masĩa. ¿Nasirigu ĩgũ: “Ëmũgasigue ããrĩdi dijaribu”, ãrĩrĩ?

⁴³ Īgũsã irasũ ãrĩmakũ pégu, Jesús àsũ ãrĩ yũjumi:

—Mũsã yure werewũarire pirika! ⁴⁴ Neõ sugũ ĩgũ gãamerõ yure tũyabirikumi. Yurũ gapũ yure iriudi masaka yure buremumakũ irigu ããrĩmi. I ùmũ peremakũ, yure buremurãrẽ masũgũkoa. ⁴⁵ Marĩrũya kerere weredupiyunerã àsũ ãrĩ gojanerã ããrĩmã: “Marĩrũ ããrĩpererãrẽ buegũkumi”. Irasirirã ããrĩpererã Yurũya buerire pé buremurã, ĩgũyare masĩrã yure tũyarãkuma.

⁴⁶ Neõ sugũ masakũ Yurũrẽ ĩãgũ mámi. Yu sugũta ĩgũ merã ããrĩdi ĩgũrẽ masĩa. ⁴⁷ Diayeta mũsãrẽ werea. Yure buremugũ Yurũ merã perebiri okari opami. ⁴⁸ Yu baari irirosũ ããrĩgũ okari sĩgũ ããrã. ⁴⁹ Mũsã ñekũsãmarã masaka marĩrõgue manãrẽ baanerã ããrĩmã. Irire baakererã, boanerã ããrĩmã. ⁵⁰ Yu ùmũgasigue merã dijaridea baari gapure werea. Irire baagũ, neõ boabirikumi. ⁵¹ Yu ùmũgasigue merã dijaridea baari okari sĩrĩ irirosũ ããrĩgũ yũta ããrã. I baarire baagũ, Yurũ merã okanígũkumi. I baari yu sĩrĩ, yaa dũrũ ããrã. I ùmũ marã Yurũ merã okaníkõãburo, ãrĩgũ, yaa dũrũrẽ sĩgũkoa, ãrĩmi Jesús.

⁵² Īgũ irasũ ãrĩmakũ pérã, judío masaka oparã ĩgũsã basi gãme guaseo, àsũ ãrĩma:

—¿Nasirigu marĩrẽ ĩgũya dũrũrẽ baadoregu sĩbukuri?

⁵³ Īgũsã irasũ ãrĩmakũ pégu, Jesús ãrĩmi:

—Diayeta mũsãrẽ werea. Yu ããrĩpererã tĩgũ ããrã. Mũsã yaa dũrũrẽ baamerã, yaa díre iirĩmerã okari opabea. ⁵⁴ Yaa dũrũrẽ baagũ, yaa díre iirĩgũ, Yurũ merã perebiri okari opami. I ùmũ peremakũ, ĩgũrẽ masũgũkoa. ⁵⁵ Yaa dũrũrẽ diayema baari ããrã. Yaa dí diayema iirĩrĩ ããrã. ⁵⁶ Yaa dũrũrẽ baagũ, yaa díre iirĩgũ yu merã õãrõ ããrĩmi. Yũde ĩgũ merã õãrõ ããrã. ⁵⁷ Yurũ yure iriudi okanígũ ããrĩmi. Īgũ okanígũ ããrĩsĩã, yũdere okanímakũ yámi. Irasirigu yure baagure yu irirosũ okanímakũ irigũkoa. ⁵⁸ Yu irire ãrĩgũ, ùmũgasigue merã dijaridea baarire werea. I baari, manã mũsã ñekũsãmarã baadea irirosũ ããrĩbea. Īgũsã irire baakererã, boanerã ããrĩmã. Ëmũgasigue merã dijaridea baari gapure baagũno, okaníkõãgũkumi, ãrĩmi Jesús.

⁵⁹ Jesús Capernaugue judío masaka nerẽrĩ wiigue buegu, irire weremi.

Jesús werenĩrĩrẽ pérã perebiri okari opaburire werede

⁶⁰ Īgũ irasũ ãrĩ buemakũ pérã, wãrã Jesũre tũyarã àsũ ãrĩ gãme werenĩma ĩgũsã basi:

—Īgũ wereri marĩ pémakũ, diasagorãa. ¿Noã ire bokatĩũbukuri? ãrĩma.

⁶¹ Īgũsã werenĩrĩrẽ Jesús pékõãmi. Irasirigu ĩgũsãrẽ sãrẽñami:

—¿Yu wererire péduabirikuri? ⁶² Yu ããrĩpererã tĩgũ yu ããrĩderogue murĩãmakũ ĩãrã, ¿naãsũ gũñabukuri mũsã? ⁶³ Õãgũ deyomarĩgũ masakare okarire sĩmi. Īgũsãya dũrũ gapũ ĩgũsãrẽ okamakũ irimasĩña máa. Yu wererire pérã Õãgũ deyomarĩgũ okari sĩrĩrẽ opama. ⁶⁴ Irasũ ããrĩkeremakũ, gajirã mũsã merãmarã gapũ yure buremubema dapa, ãrĩmi Jesús.

Neõgoraguere ĩgũrẽ buremumerã ããrĩmurãrẽ, irasũ ããrĩmakũ ĩgũrẽ wẽjẽduarãguere ĩgũrẽ ĩmubure masĩsiayurũ. ⁶⁵ Āsũ ãrĩmi:

—Āsū ārī wereabu musārē. Neō sugu ĩgū gāāmerō yare t̄yabirikumi. Yuru, yare b̄remumakū irigu āārīmi. ĩgū irasiribirimakū, neō suguno yare b̄remubiribukumi, ārīmi Jesús.

⁶⁶ ĩgū irasū ārīrīrē pérā, wárā Jesúre t̄yanerā neō t̄yanemobirima. ⁶⁷ ĩgūsā irasirimakū ĩāgū, Jesús ḡhare pe mojōma pere su gubu peru p̄rēbejarā ĩgū buerāre s̄rēñami:

—¿Musāde yare t̄yaduúrā yári? ārīmi.

⁶⁸ ĩgū irasū ārīmakū pégu, Simón Pedro ĩgūrē yajumi:

—Gua Oru, ¿noārē gua t̄yabukuri? Mu wereri, ḡhare Marīpu merā perebiri okari opamakū yāa. ⁶⁹ Gua mūrē b̄remusiāa. Gua ire masīsiāa. Mu ōāgū, Marīpu iriudi āārā, ārīmi.

⁷⁰ ĩgū irasū ārīmakū pégu, Jesús ḡhare ārīmi:

—Yu musārē pe mojōma pere su gubu peru p̄rēbejarāre beyebu. Yu irasirikeremakū, sugu musā merā āārīgú wātīyagu āārīmi.

⁷¹ Jesús irasū ārīgū, Judare Simón Iscariote magūrē ārīgū iriyupu. Judas pe mojōma pere su gubu peru p̄rēbejarā gua merā āārīkeregu, Jesúre w̄jēduarāguere ĩgūrē ĩmubu āārīmi.

7

Jesús pagupūrā ĩgūrē b̄remud̄abiridea

¹ Jesús masakare irire buedero puru, Galilea nikūgue naagū waami. Judío masaka oparā ĩgūrē w̄jēduarire masīgū, Judea nikūguere āārīduabirimi. ² Iripoere judío masaka ñekūsāmarā masaka marīrōgue āārīrā, wiirigā irideare gūñarī bosenu ejaburo dupiyuro āārībú. ³ Irasirirā Jesús pagupūrā ĩgūrē ārīma:

—Ōōrē dujabita, Judeague bosenure ĩāgū waaka! Irasirirā iroque mu buerā mu turari merā iri ĩmurīrē ĩārākuma. ⁴ Masaka mūrē masīmakū gāāmegū, mu turari merā iri ĩmurīrē āārīpererā ĩūrō iri ĩmugū waaka! ĩgūsā ĩāberogue iribirikōāka! ārīma.

⁵ ĩgū pagupūrā āārīkererā, Jesúre b̄remubirima. ⁶ Irasirigu Jesús ĩgūsārē ārīmi:

—Masaka ĩgūsā yare masīburo d̄yakōāa dapa. Musārē iri bosenure ĩārā waad̄amakū ōāgorāa. ⁷ I ũmu marā musārē ĩaturibema. Yu gapure ĩgūsā ñerō irideare yu weremakū ĩaturima. ⁸ Musā bosenure ĩārā waaka! Yure yu waaburo d̄yakoa dapa. Irasirigu iri bosenure ĩāgū waabea dapa, ārīmi Jesús.

⁹ ĩgū irire ārādero puru, Galileague dujami.

Jesús ĩgūsā wiirigā iriri bosenure ĩāgū waadea

¹⁰ ĩgū pagupūrā bosenure ĩārā waadero puru, Jesúde masaka ĩmurō marīrō waami, ĩgūsā ĩgū waarire masībirikōāburo, ārīgū. ¹¹ Iri bosenure judío masaka oparā ĩgūrē āmarā iriñurā. Āsū ārī s̄rēñañurā:

—¿Noogue āārīkuri ĩgū? ārīñurā.

¹² Wárā masaka Jesúyamarē werenírā iriñurā. Gajirā: “Ōāgū āārīmi”, ārīñurā. Gajirā gapu: “Ōāgū meta, masakare ārīkatorikugu āārīmi”, ārīñurā.

¹³ Judío masaka oparāre gūirā, āārīpererā péuroque: “Jesús āsū āārīmi”, ārī werebirīñurā.

¹⁴ Jesús iroque eja, iri bosenu dekok̄aripoe Marīpuya wiigue ñajāa, masakare buemi.

¹⁵ ĩgū buemakū pérā, judío masaka oparā péguka, āsū ārīma:

—Ī buebiridi āārīkeregu, ¿nasirigu ōārō masīrī?

¹⁶ ĩgūsā irasū ārīmakū pégu, Jesús ĩgūsārē ārīmi:

—Yu bueri, yaa meta āārā. Yure iriudiya bueri gapu āārā. ¹⁷ Marīpu gāāmerīrē irid̄arā yu buerire pérā: “Marīpu ĩgūrē buedorerosūta buemi. ĩgū gāāmerō werebemi”, ārīrākuma.

¹⁸ Sugu ĩgū gāāmerō weregu, gajirārē: “ĩgū ōārō weremi”, ārī b̄remumakū irid̄agu

ãārĩmi. Gajigu Marĩpu ĩgũrẽ iriudi gããmerĩrẽ weregu gapu masakare: “Marĩpu õãtarimi”, ãrĩ buremumakũ yámi. ĩgũ ãrĩkatori marĩrõ diayeta weregu ãārĩmi.

¹⁹ ‘Moisés Marĩpu doreri gojadea pũrẽ musãrẽ pídi ãārĩmí. Musã gapu neõ sugu iri dorerire iribea. ¿Nasirirã musã yure wějẽduari? ãrĩmi.

²⁰ Masaka ĩgũrẽ ãrĩma:

—Mu wãtĩ ñajãsũdi ããrã. ¿Noã murẽ wějẽduari?

²¹ Jesús ĩgũsãrẽ ãrĩmi:

—Suñarõ siñajãrĩnu ãārĩmakũ yu sugu pũrĩrikugure taumakũ ĩãrã, musã ãārĩpererã ĩãgũkakõãbu. ²² Iripoegue Moisés musã pũrã ãmarẽ ĩgũsãya dupuma gasirogãrẽ* wi-iridoredi ãārĩmí. ĩgũ irire doreburo dupiyuro musã ñekũsãmarã irasirisianerã ãārĩmã. Irasirirã musã majĩrãgãrẽ su mojõma pere gaji mojõ ureru pẽrẽbejarinurĩ waaró merã ĩgũsã deyoadero puru siñajãrĩnu ãārĩkeremakũ, ĩgũsãrẽ irasirinãa. ²³ Irasirirã Moisés dorederosũta irirã, siñajãrĩnu ãārĩkeremakũ musã majĩrãgã ãmarẽ ĩgũsãya dupuma gasirogãrẽ wiiria. Siñajãrĩnu ãārĩmakũ yu sugure ãārĩpereri ĩgũya dupumarẽ õamakũ iribu. ¿Nasirimurã yu merã guari musã? ²⁴ Musã yu irideare ĩãdero puru: “Ñerõ irimi”, ãrĩ werewuabirikõãka! Yu irideare õãrõ keoro pemasĩ odorãgue werenĩka! ãrĩmi Jesús.

Jesús ãmugasigue merã aaribũ, ãrĩ weredea

²⁵ ĩgũ irasũ ãrĩripoere gajirã Jerusalén marã ãsũ ãrĩ werenĩma:

—¿ĩ marĩ oparã wějẽduagu meta ããrĩrĩ? ²⁶ ĩgũ ãārĩpererã ĩũrõgue buegu yámi. Suguno gaputa ĩgũrẽ gajino neõ ãrĩbema. Gajipoe irirã marĩ oparã: “ĩ diayeta Cristo, Marĩpu iriudi ãārĩmi”, ¿ãrĩ gũñabukuri? ²⁷ Marĩ ĩ aariderore masĩa. Cristo, Marĩpu iriugu gapure aarimakũ, ĩgũ ãārĩderoquere masĩbirikoa. Irasirigu Cristo ãārĩbirikumi ĩ, ãrĩma.

²⁸ Jesús Marĩpuya wiigue bueripoe ĩgũsã irasũ ãrĩ werenĩmakũ pẽgu, buro busuro merã ãsũ ãrĩ weremi:

—Musã yure masĩa, ãrã. ĩgũ aariderodere masĩa, ãrã. Yu gããmerõ aaribiribu. Yure iriudi keoro irigu ãārĩmi. Musã ĩgũrẽ masĩbea. ²⁹ Yu ĩgũ purogue ããrĩdi ããrĩsĩã, ĩgũrẽ masĩa. ĩgũta yure iriumi, ãrĩmi Jesús.

³⁰ ĩgũ irasũ ãrĩmakũ pẽrã, ĩgũrẽ peresu iridũakererã, ñeãbirima. ĩgũ ñerõ tariburinu duyabu dapa. Irasirirã ĩgũrẽ ñeãbirima. ³¹ Gajirã wãrã masaka ĩgũrẽ buremuma. ãsũ ãrĩma:

—Neõ sugu, ĩ nemorõ Marĩpu turari merã iri ĩmugũ mámi. Irasirigu ĩ Cristo, Marĩpu iriudi ãārĩmi.

Fariseo bumarã Jesúre peresu iridoredea

³² Fariseo bumarã, masaka Jesúre: “ĩ Marĩpu iriudi ãārĩmi”, ãrĩrĩrẽ pẽñurã. Irasirirã ĩgũsã paia oparã merã Marĩpuya wiire korerã surarare ĩgũrẽ ñeã, peresu iridorerã iriudĩñurã.

³³ Irasirigu Jesús masakare ãsũ ãrĩmi:

—Yoaweyaripoe musã merã ããrĩgũkoa. Puru yure iriudi purogue waagũkoa. ³⁴ Yu ããrĩburore musã waamasĩbirikoa. Irasirirã yure ãmakererã, neõ bokabirikoa.

³⁵ ĩgũ irasũ ãrĩmakũ pẽrã, judío masaka oparã ĩgũsã basi ãsũ ãrĩ gãme sërẽñama:

—Ĩgũ marĩrẽ: “Yure musã neõ bokabirikoa”, ãrĩgũ, ¿noógue waagũkuri? ¿ĩgũ judío masaka griego ããrĩrõgue makãrĩ waanerã purogue griego masakare buegu waabukuri?

³⁶ ĩgũ marĩrẽ: “Yu ããrĩburore musã waamasĩbirikoa. Irasirirã yure ãmakererã, neõ bokabirikoa”, ãrĩrĩ, ¿naásũ ãrĩduaro iriayuri? ãrĩma.

* **7:22** Gn 17.1-14: Iripoegue Marĩpu Abrahãrẽ ĩgũ pũrã ãmarẽ: “Yaarã ããrĩburo”, ãrĩgũ, ĩgũsãya dupuma gasirogãrẽ wiiridoredi ãārĩmí. Puru iri dorerire Moisére pídi ãārĩmí. Irasirirã judío masaka Abraham parãmerã ããrĩturarã iri dorerire irirã, ĩgũsã pũrã ãmarẽ su mojõma pere gaji mojõ ureru pẽrẽbejarinurĩ waaró merã ĩgũsã deyoadero puru irasũ yáma.

Jesús okari sîrî dekomarê weredea

³⁷ Îgûsâ bosenu iritûnurînu dupanugora âârîmakû, Jesús wâgânugâ, buro busuro merâ masakare âsû ârî weremi:

—Nemesiburâ yu pûroque iirîrâ aarika! ³⁸ Marîpûya werenîrî gojadea pûgue âsû ârî gojasûdero âârîbû: “Yure buremurâya yujupûrârîguere okari sîrî deko ûmayoro irirosû âârînikôârokoa”, ârî gojasûdero âârîbû, ârîmi.

³⁹ Jesús irire ârîgû: “Yure buremurâ Ôâgû deyomarîgûrê oparâkuma”, ârîgû irimi. Jesús ûmugasigûe mûrîaburo dupiyuro Ôâgû deyomarîgû ejabirimi dapa.

Masaka dukawaridea

⁴⁰ Jesús ârîrîrê pérâ, gajirâ âsû ârîma:

—Î diayeta Marîpûya kerere weredupiyurimasû: “Marî pûro aaribu âârâyupû”, Îgûsâ ârîdi âârîmi.

⁴¹ Gajirâ âsû ârîma:

—Î, Cristo Marîpû iriudi âârîmi.

Gajirâ gapû:

—Cristo, ¿nasiribu Galileamû âârîbukuri? ârîma. ⁴² Marîpûya werenîrî gojadea pûgue âsû gojasûdero âârîbû: “Cristo Marîpû iriubu, opu David parâmi âârîturiagu âârîgukumi. David deyoadea makâ Belén wâikûrî makâgue deyoagukumi”, ârî gojasûdero âârîbû.

⁴³ Irasirîrâ Jesûre surosû gûñabirisîâ, gâme dukawariakôâma. ⁴⁴ Surâyeri Jesûre ñeâ, peresu iridûakererâ, iribirima.

Judío masaka oparâ Jesûre buremubiridea

⁴⁵ Irasirîrâ Marîpûya wiire korerâ surara Jesûre ñeâdorerâ iriunerâ, paía oparâ, fariseo bumarâ pûroque goedujáañurâ. Îgûsâ goedujajamakû îârâ, Îgûsârê sêrêñañurâ:

—¿Nasirîrâ Jesûre ñeâ, âiribirari?

⁴⁶ Surara Îgûsârê yujañurâ:

—Neõ sugû Îgû irirosû werenîgû mámi.

⁴⁷ Îgûsâ irasû ârîmakû pérâ, fariseo bumarâ Îgûsârê ârîñurâ:

—¿Mûsâde Îgû ârîkatori merâ weremakû: “Diayeta weremi”, ârî buremurî? ⁴⁸ Neõ sugû marî oparâ, neõ sugû gûa fariseo bumarâ Îgûrê buremugû mámi. ⁴⁹ Sîisâ masaka gapû Îgû wererire buremurâ, Marîpû Moisére doreri pídeare masîbema. Wajamoâsûmurâ âârîma.

⁵⁰ Nicodemo fariseo bumû iro dupiyuro ñami merâ Jesûre îâgû ejadi, Îgûsâ merâ âârîyupû. Îgûsâ irasû ârîmakû pégu, Îgûsârê ârîyupû:

⁵¹ —Marîrê doreri âsû ârâ. Sugû masakû Îgû irideare weremakû marî péburo dupiyuro Îgûrê: “Ñerõ iribû”, ârî wajamoâmasîbea, ârîyupû.

⁵² Îgû irasû ârîmakû pérâ, âsû ârî yujañurâ:

—¿Mûde Îgû irirosû Galileamû âârîrî? Marîpûya werenîrî gojadea pûrê bueka! Iri pûrê buegu: “Neõ sugû Galileamû Marîpûya kerere weredupiyurimasû mámi”, ârî masîgukoa.

Ûmû merâ ñerõ irigore weresâdea

⁵³ Îgûsâ irasû ârâdero pûru, Îgûsâya wiirigûe dujáakôañurâ.

8

¹ Jesús gapû ûtâû Olivos wâikûdigûe waami. ² Gajinû gapû boyoripoe âârîmakû, Marîpûya wiigûe waami doja. Îgû ejamakû îârâ, masaka âârîpererâ Îgû pûro nerêma. Irasirigû eja doa, Îgûsârê buenugâmi. ³ Moisés gojadeare buerimasâ, fariseo bumarâ sugo nomeõrê gajigû igo marâpû âârîbi merâ igo ñerõ irigore bokajañurâ. Irasirîrâ Jesús bueripoe iri wiigûe âârîpererâ masaka îûrõ igore âññajânú, Jesûre ârîma:

4 —Buegu, igo marāpukugo āārīkerego, gajigu merā ñerō irigore bokajabu. 5 Moisés Marīpu doreri gojadea pūgue igo nomeō irirosū irigonorē ūtāyeri merā dea wējēdoredi āārīmí. Mukoa, ¿naásū āārī?

6 “¿Naásū yujugukuri?” āārīā, ĩgūrē irasū ārī sērēñadima. “Īgū keoro yujubirimakū, marī oparāguere weresārākoa”, ārī gūñañurā. Īgūsā irasū sērēñamakū pégu, Jesús gapu muúbia doaja, nikūgue ĩgūya mojōsūrū merā gojami. 7 Īgūsā ĩgūrē sērēñaduúbirimakū pégu, Jesús wāgānugā, āsū ārīmi:

—Mūsā merāmu ñerō iribino igore ūtāye merā deapuroriburo.

8 Irasū ārī odo, dupaturi muúbia doaja, nikūgue gojami doja. 9 Īgū irasū ārīmakū pérā, ĩgūsā ñerī irideare pémasī, gūyasīrīrī merā, murā sugu puru, gajigu puru wiriapurorima. Irasirirā Jesúre suguta nomeō iro dujago merā pikōā, waakōāma. 10 Jesús wāgānugā, igore ārīmi:

—¿Noógue āārīrī murē weresānerā? ¿Neō sugu murē wajamoādoregu márī?

11 —Mámi, yu Opu, ārī yujumo.

Igo irasū ārīmakū, Jesús igore ārīmi:

—Yude murē wajamoādorebea. Irasirigo waaka! Dupaturi ñerīrē neō irinemo-birikōāka!

Jesús i ūmu marārē sīāgori sīgū āārīrīmarē weredeā

12 Jesús dupaturi masakare āsū ārī weremi:

—Yu i ūmu marārē sīāgori sīgū āārā. Yure tūyarā naītīārōgue āārīrā irirosū āārībema. Boyorogue āārīrā irirosū āārīma. Irasirirā yu okari sīrīrē oparākuma.

13 Īgū irasū ārīmakū pérā, fariseo bumarā ārīma:

—Mu basi mu āārīrikurire werea. Irasiriro mu werenírī neō wajamāa.

14 Jesús ĩgūsārē āsū ārī yujumi:

—Yu aariderore, yu waaburodere yu masīa. Mūsā gapu irire neō masībea. Irasirigu yu basi yu āārīrikurire werekeremakū, yu werenírī diayeta āārā. 15 Mūsā i ūmu marā irirosū yure werewhāa. Yu gapu neō sugure mūsā irirosū werewhabea. 16 Yu masaka āārīrikurire: “I gapu oāa, i gapu oābea”, ārīgū, keoro ārā. Yu suguta yu gāāmerō irire ārībea. Yuru yure iriudi merā irire irasū yāa. 17 Mūsārē doreri gojadea pūgue āsū ārā: “Pērā masaka ĩgūsā ĩdeare surosū weremakū: ‘Diayeta āārā’, ārī buremurō gāāmea”, ārī gojasūdero āārībú. 18 Yu basi yu āārīrikurire werea. Yuru yure iriudide yu āārīrikurire weremi, ārīmi.

19 Īgū irasū ārīmakū pérā, ĩgūrē sērēñama:

—¿Noógue āārīrī muru?

Jesús ĩgūsārē yujumi:

—Mūsā yure, Yurudere masībea. Yure masīrā, Yurudere masīboayo.

20 Jesús irasū ārī weregu, Marīpuya wiigue āārīmí. Masaka niyeru sīrā, ĩgūsā sārī kūmarī puru āārīmí. Īgū ñerō tariburinu ejabiribu dapa. Irasirirā neō sugu ĩgūrē ñeā, peresu iribirima.

Jesús: “Yu waaburore mūsā waamasībirikoa”, ārī weredeā

21 Jesús dupaturi judío masaka oparārē weremi:

—Yu āārīderogue waagukoa. Yu waadero puru, mūsā yure āmarākoa. Mūsā ñerī iridea waja, waja oparā boarākoa. Yu waaburoguere mūsā waamasībirikoa.

22 Īgū irasū ārīmakū pérā, gāme sērēñama:

—¿Nasirigu: “Yu waaburoguere mūsā waamasībirikoa”, ārīrī? ¿Īgū basi wējē boagukuri irasū ārīgū?

23 Jesús ĩgūsārē ārīmi:

—Mūsā gapu i ūmugue āārīrā, i ūmu marā āārā. Yu gapu ūmugasigue āārīdi, i ūmumu meta āārā. 24 Irasirigu mūsārē: “Mūsā ñerī iridea waja, waja oparā boarākoa”, ārābu.

Musã: “Y_u ìgũ àãrã*”, ãrĩ wereadeare b_uremubirisĩã, musã ñerĩ iridea waja, waja oparã boarãkoa.

²⁵ Irasũ ãrĩgũ p_érã ìgũr_é s_êr_êñama:

—¿Noãno ããrĩrĩ m_u?

Jesús ìgũsãr_é y_uj_umi:

—Buen_ugãgũgueta musãr_é: “Y_u ìgũ àãrã”, ãrĩ weresiab_u. ²⁶ Y_u musãyamar_é, musã ñer_ô iridea waja musãr_é wajamoãburire wered_uari, wãri àãrã. Y_ure iriudi gap_u diaye weremi. Irasirigu ìgũ weremakũ y_u p_édea ditare musã i ùm_u marãr_é werea, ãrĩmi.

²⁷ Jesús: “Y_ure iriudi”, ãrĩgũ, ìgũ Pag_ureta werenígũ irimi. Ìgũsã gap_u irire p_émasĩbirima.

²⁸ Irasirigu Jesús ìgũsãr_é ãrĩmi:

—Y_ure ããrĩpererã tígũr_é musã curusague pábiatú ãiwãgũnúrãkoa. Musã irasũ irirã: “Y_u ìgũ àãrã”, ãrĩ wereadeare: “Diayeta àãrã”, ãrĩ masĩrãkoa. Y_u gããmer_ô ne_ô iribi, irasũ ããrĩmakũ Y_up_u y_ure buedea ditare y_u wereg_u ããrĩrĩr_é masĩrãkoa. ²⁹ Y_ure iriudi y_u merã ããrĩmi. Ìgũ gããmerĩ ditare irinía. Irasirigu ìgũ y_ure ne_ô béobemi.

³⁰ Jesús irasũ ãrĩmakũ p_érã, wãrã masaka ìgũr_é b_uremuma.

Jesús Marĩp_u pũrãyamar_é, ñer_ô iririmasãyamar_é weredea

³¹ Jesús, judío masaka: “Marĩp_u iriudi ããrĩmi”, ãrĩ b_uremurãr_é ãsũ ãrĩmi:

—Y_u werenĩrĩr_é b_uremuduúmerã, diayeta y_u buerã àãrã. ³² Irasirirã diayema ããrĩrĩr_é masĩrãkoa. Irire masĩrã, ñer_ô iririre pirirãkoa. Moãboanerã musã op_ure wirianerã irirosũ ããrĩrãkoa.

³³ Ìgũ irasũ ãrĩmakũ p_érã, ìgũr_é ãrĩma:

—G_ua Abraham parãmerã ããrĩturiarãgue àãrã. Irasirirã ne_ô gajirãyarã ìgũsãr_é moãboerã ããrĩbea. Irasirigu: “Moãboanerã musã op_ure wirianerã irirosũ ããrĩrãkoa”, ãrĩgũ, ¿naásũ ãrĩd_uagu irasũ ãrĩrĩ m_u?

³⁴ Jesús ìgũsãr_é ãrĩmi:

—Diayeta musãr_é werea. ããrĩpererã ñerĩr_é irirã, ñerĩr_é iridoreg_uyarã ìgũ dokamarã irirosũ ããrĩma. ³⁵ Sug_u moãboeg_u wii op_u magũ irirosũ ne_ô ããrĩbemi. Wii op_u magũ gap_u ìgũ pag_uya wiim_u ããrĩnĩk_ôãkumi. ³⁶ Y_u, ùm_ugasigue ããrĩgũ magũ àãrã. Irasirigu musãr_é ñerĩr_é iridoreg_uyarã irirosũ ããrĩbirimakũ irig_u, diayeta moãboanerã musã op_ure wirianerã irirosũ ããrĩmakũ irig_ukoa. ³⁷ Y_u musã Abraham parãmerã ããrĩturiarire masĩã. Irasũ ããrĩkererã, musã y_u wererire p_éd_uabea. Irasirirã y_ure w_éj_éd_uãã. ³⁸ Y_up_u y_ure masĩmakũ irideare musãr_é werea. Musã gap_u musãp_u dorerire yáã.

³⁹ Ìgũsã ìgũr_é ãrĩma:

—Abraham g_ua ñekũ ããrĩdi ããrĩmĩ.

Jesús gap_u ìgũsãr_é ãrĩmi:

—Musã diayeta Abraham parãmerã ããrĩturiarã ããrĩrã ìgũ iriunaderosũta iririk_uboayo.

⁴⁰ Y_up_u y_ure diaye wererire musãr_é y_u werekeremakũ, y_ure w_éj_éd_uãã. Abraham gap_u musã irirosũ ne_ô irasiribiridi ããrĩmĩ. ⁴¹ Musã musãp_u irirosũta yáã.

Ìgũ irasũ ãrĩmakũ p_érã, ãrĩma:

—G_ua, pag_u marĩrã irirosũ ããrĩbea. Marĩp_u sug_uta g_uap_u ããrĩmi.

⁴² Jesús ìgũsãr_é ãrĩmi:

—Y_up_u diayeta musãp_u ããrĩmakũ, musã y_ure maĩboayo. Y_u ìgũ merã ããrĩdita ò_ô musã p_urogue aaribú. Y_u gããmer_ô aaribirib_u. Y_up_u y_ure iriumi. ⁴³ ¿Nasirirã y_u wererire p_émasĩberĩ musã? Musã y_u wererire p_éd_uabirisĩã, p_émasĩbea. ⁴⁴ Musãp_u wãtĩ ããrĩmi. Musã ìgũyarã àãrã. Irasirirã ìgũ gããmerĩr_é irid_uãã. Ne_ôgorag_ueta masakare w_éj_éb_éodi

* **8:24** Exodo 3.13-15: Iripoegue Moisés Marĩp_ure s_êr_êñadi ããrĩmĩ: “Israel bumarã y_ure: ‘M_u iriudi wãĩ, ¿naásũ ããrĩrĩ?’ ãrĩ s_êr_êñamakũ, ¿naásũ ãrĩ wereg_ukuri?” Marĩp_u ìgũr_é ãsũ ãrĩdi ããrĩmĩ: “Y_u wãĩ ‘YO SOY EL QUE SOY’ àãrã. Irasirigu Israel bumarãr_é ãsũ ãrĩ wereka: ‘YO SOY y_ure musãguere weredoreg_u iriumi’, ãrĩka!” ãrĩdi ããrĩmĩ. “YO SOY EL QUE SOY”, ãrĩr_ô: “Y_u ããrĩnĩgũta àãrã, o ìgũta àãrã y_u”, ãrĩd_uaro yáã.

ããrĩgú yámi. Ìgũguere diayema neõ máa. Irasirigu ìgũ neõ diayemarẽ werebemi. Neõgoraguere masakare ãrĩkatopuroridi ããrĩmí. Irasirigu ìgũ irasũ ãrĩkatorikugũ ããrĩsĩã, ãrĩkatori ditare weremi. ⁴⁵ Yũ gapũ diayemarẽ werea. Irasirirã yũ wererire pérã, musã irire buremubea. ⁴⁶ ¿Noã yũre: “Mũ ãsũ irigu, ñerõ iriabũ”, ãrĩ masĩbukuri? Yũ musãrẽ diayemarẽ werekeremakũ, ¿nasirirã yũ wererire buremuberi? ⁴⁷ Yũpũ pũrã ìgũ werenírĩrẽ péma. Musã gapũ ìgũ pũrã ããrĩbirisĩã, irire péduabea, ãrĩmi Jesús.

Cristo Abraham dupiyuro ããrĩdeamarẽ weredea

⁴⁸ Jesús irasũ ãrĩmakũ pérã, judío masaka ìgũrẽ ãrĩma:

—Gũa: “Mũ Samariamũ, wãtĩ ñajãsũdi ããrã”, ãrĩrã, diayeta ãrĩrã yáa.

⁴⁹ Jesús ìgũsãrẽ ãrĩmi:

—Yũ wãtĩ ñajãsũdi ããrĩbea. Yũ iriri merã masaka Yũpũre: “Õãtaria mũ”, ãrĩmakũ yáa. Musã gapũ yũ iririre ìãkererã: “Ñerĩrẽ irigu ããrĩmi”, ãrã. ⁵⁰ Yũre: “Õãrõ yáa”, ãrĩ buremurãrẽ ãmabea yũ. Yũpũ gapũ masakare yũre buremumakũ gããmemi. Ìgũta yũ iririre ìãgũ, yũre: “Õãrõ yáa”, ãrĩmi. ⁵¹ Diayeta musãrẽ werea. Yũ wererire irigu neõ boabirikumi.

⁵² Ìgũ irasũ ãrĩmakũ pérã, ìgũrẽ ãrĩma:

—Dapagora gũa ire masĩa. Mũ wãtĩ ñajãsũdi ããrã. Abraham iripoegue boakõãdi ããrĩmí. Marĩpũya kerere weredupiyunerãde boakõãnerã ããrĩmã. Mũ gapũ: “Yũ wererire irigu neõ boabirikumi”, ãrã. ⁵³ ¿Gũa ñekũ Abraham nemorõ ããrĩrĩ mũ? Ìgũ, Marĩpũya kerere weredupiyunerãde boakõãnerã ããrĩmã. ¿Noã ããrĩrĩ mũ irasũ ãrĩ weregũ?

⁵⁴ Jesús ìgũsãrẽ ãrĩmi:

—Yũ, yũ basi õãrõ werenírĩ wajamãa. Yũpũ gapũ musã: “Gũapũ ããrĩmi”, ãrĩgũ gapũ yũre õãrõ weremi. ⁵⁵ Musã gapũ Yũpũre neõ masĩbea. Yũ ìgũrẽ masĩa. Yũ: “Ìgũrẽ masĩbea”, ãrĩgũ, musã irirosũ ãrĩkatorikugũ ããrĩbukoa. Yũ gapũ ìgũrẽ õãrõ masĩa. Irasũ ããrĩmakũ, ìgũ wererire yáa. ⁵⁶ Musã ñekũ Abraham yũ i ãmũgue aariburire masĩdi ããrĩmí. Irasirigu yũ aarimakũ ìãgũ, bũro usuyari merã ããrĩdi ããrĩmí.

⁵⁷ Ìgũsã Jesúre ãrĩma:

—Mũ cincuenta bojori opabirikeregũ, ¿nasirigu Abrahãrẽ ìãdi ããrĩbukuri?

⁵⁸ Jesús ìgũsãrẽ ãrĩmi:

—Diayeta musãrẽ werea. Abraham dupiyuro ããrĩdi yũta ããrã.

⁵⁹ Ìgũ irasũ ãrĩmakũ pérã, ìgũsã ãtãyeri ãĩ, ìgũrẽ dea wẽjẽduamakũ, Marĩpũya wiigũ ããrãdi ìgũsã watope duriwiriakõãmi.

9

Deyoagũgueta koye ìãmasĩbire Jesús taudea

¹ Gajinũ Jesús maague waagú, deyoagũgueta koye ìãmasĩbire bokajami. ² Gũa ìgũrẽ ìãrã, Jesúre sërẽñabũ:

—Buegũ, ¿noã ñerõ iridea waja ìgũ koye ìãmasĩbi deyoayuri? ¿Ìgũ pagũsãmarã ñerõ iridea waja, o ìgũ basi ìgũ ñerõ iridea waja ìgũrẽ irasũ waayuri? ãrĩbũ.

³ Jesús gũare ãrĩmi:

—Ìgũ ñerõ iridea, ìgũ pagũsãmarã ñerõ iridea ìgũ deyoagũgueta koye ìãmasĩbi ããrĩmakũ iribiribũ. Marĩpũ ìgũ turari merã ìgũrẽ õãrĩ iririre masakare ìmugũkumi. Irasirigu ìgũ koye ìãmasĩbi deyoami. ⁴ Ɖmũ merã masaka moãmasĩrã irirosũ dapagora Marĩpũ yũre iriugũ pídeare marĩrẽ iriro gããmea. Ñami merã moãmasĩmerã irirosũ pũrũgue ìgũ pídeare irimasĩbirikoa pama. ⁵ Yũ i ãmũguere ããrĩgú, masakare sĩãgori sĩgũ ããrã. Irasirigu ìgũsãrẽ Marĩpũre masĩmakũ yáa, ãrĩmi.

⁶ Irasũ ãrĩ odo, nikũgue síkure eomeépí, iri merã morẽ, koye ìãmasĩbiya koyeguere túwãkãmi. ⁷ Irasiri odo, ìgũrẽ ãrĩmi:

—Siloé wāikuri deko gobegue ĩgūsā iridea gobegue m̄ya koyere koeg̃u waaka! ārīmi. “Siloé”, ārīrō: “Iriug̃u”, ārīduaro yāa.

Īgū irasū ārīmakū p̄eg̃u, koye ĩāmasībi irogue ĩgūya koyere koeg̃u waakōāmi. Koe odo, koye ĩāmasīgūgue dujariyup̃u. ⁸ Īgūya wiig̃ue dujajamakū, ĩgūya wii p̄uro āārīrā, iro dupiyuro ĩgū niyeru s̄ērēdi āārīmakū ĩānerā, s̄ērēñañurā:

—¿Ī dupiyuro niyeru s̄ērē doanídita āārīrī?

⁹ Gajirā ārīñurā:

—Īgūta āārīmi.

Gajirā gap̃u ārīñurā:

—Īgū āārībemi. Īgū irirosū deyog̃u āārīmi.

Īgūsā irasū ārīmakū p̄eg̃u, koye ĩāmasībi āārādi gap̃u āsū ārīyup̃u:

—Īgūta āārā ỹu.

¹⁰ Īgū irasū ārīmakū, masaka ĩgūrē s̄ērēñañurā:

—M̄u ĩāmasībiradi āārīg̃ú, ¿nasirig̃u dapagorare irasū ĩāmasīrī?

¹¹ Īgūsārē ỹj̃uyup̃u:

—Jesús wāikug̃u ĩgūya síku nikū merā moāmorē, ỹu koyere túwūkāmi. Túwūkā odo, ỹure: “Siloé wāikuri deko gobegue ĩgūsā iridea gobegue m̄ya koyere koeg̃u waaka!” ārāmi. Ỹu irogue waa, koyere koe odo, ĩāmasīp̄uroriab̃u.

¹² Īgū irasū ārīmakū, ĩgūrē s̄ērēñañurā doja:

—M̄urē irasiriadi, ¿noóg̃ue āārārī?

—Masībirikoa. Noó āārīg̃ú āārīkumi, ārīyup̃u.

Fariseo bumarā koye ĩāmasībi āārīdire s̄ērēñadea

¹³ P̄uru ĩgūsā koye ĩāmasībiridire fariseo bumarā p̄rogue āāñurā. ¹⁴ Jesús ĩgūya síku nikū merā moāmorē, koye ĩāmasībire taudeanu judío masaka siñajārīnu āārībú. ¹⁵ Irasirirā fariseo bumarā koye ĩāmasībiridire s̄ērēñañurā:

—¿Nasirig̃u dapagorare oārō ĩārī?

Īgūsārē ỹj̃uyup̃u:

—Sug̃u ĩgūya síku nikū merā moāmorē, yaa koyere túwūkāmi. Irasirig̃u yaa koyere koeadero p̄ur̃u, ĩāmasīp̄urorib̃u.

¹⁶ Īgū irasū ārīmakū, surāyeri fariseo bumarā merāmarā ārīñurā:

—Īgūrē irasiridi, marī siñajārīn̄rīma dorerire iribi āārīmi. Irasirig̃u Marīp̄u iriudi āārībemi.

Gajirā gap̃u ārīñurā:

—Īgū ñerō irig̃uno āārīg̃ú, i iri ĩmurīrē irimasībiriboayup̃u. Irasirirā ĩgūsā surosū gūñabirisīā, dukawariñurā. ¹⁷ Irasirirā dupaturi koye ĩāmasībiridire s̄ērēñañurā doja:

—M̄ukoa, ¿naásū ārīrī m̄urē koye ĩāmasīmakū iridire?

Īgū ỹj̃uyup̃u:

—Īgū Marīp̄u kerere weredupiyug̃u āārīmi, ārā ỹu, ārīyup̃u.

¹⁸⁻¹⁹ Judío masaka oparā gap̃u: “Ī koye ĩāmasīg̃ú, dupiyuro koye ĩāmasībi āārīdi āārībemi”, ārī gūñadiñurā. Irasirirā ĩgū pag̃usāmarārē siiu, s̄ērēñañurā:

—“¿Ī m̄u mag̃ú neō deyoag̃ug̃ueta koye ĩāmasībi āārīdi āārīmi”, ārīrī? Īgū diayeta koye ĩāmasībiridi āārīg̃ú, ¿nasiri dapagorare oārō ĩāmasīrī?

²⁰ Īgū pag̃usāmarā ỹj̃uñurā:

—Ire gua masīa. Ī gua mag̃uta āārīmi. Īgū deyoag̃ug̃ueta koye ĩāmasībiridita āārīmi.

²¹ Īgū dapagora koye ĩāmasīrī gap̃ure, ĩgūrē ĩāmakū irididere masībea. Īgūrē s̄ērēñaka! B̄ug̃uro āārīmi. Īgū basi musārē ỹj̃umasīmi.

²² Judío masaka oparā dupiyurogue āsū ārīñurā:

—Jesúre: “Marĩpu iriudi Cristo ããrĩmi”, ãrĩgũnorẽ marĩ nerẽrĩ wiirigue neõ ñajãdorebirikõãrã! ãrĩñurã. Irasirirã, Ìgũsã ãrĩdeare pénerã ããrĩsã, koye Ìãmasĩbiridi pagusãmarã Ìgũsãrẽ güigorañurã. ²³ Irasirirã Ìgũsãrẽ: “Buguro ããrĩmi. Ìgũrẽ sërẽñaka!” ãrĩñurã.

²⁴ Judío masaka oparã irire pérã, dupaturi koye Ìãmasĩbiridire siiu, Ìgũrẽ ãrĩñurã doja:

—Marĩpu mu wererire pémi. Irasirigu Ìgũ péurogue guare diaye wereka! Gũa ire masã. Jesús ñerõ irigu ããrĩmi.

²⁵ Ìgũsã irasũ ãrĩmakũ pégu, Ìgũsãrẽ ãsũ ãrĩ yujuyupu:

—Jesúre Ìgũ ñegũ, o õãgũ ããrĩrĩrẽ masĩbirikoa yu. I ditare masã. Yu dupiyuroguere koye Ìãmasĩbi ããrĩbũ. Dapagorare Ìãa, ãrĩyupu.

²⁶ Ìgũ irasũ ãrĩmakũ pérã, dupaturi Ìgũrẽ sërẽñañurã doja:

—¿Nasiriri Ìgũ murẽ? ¿Nasirigu Ìgũ murẽ koye Ìãmasĩmakũ iriri?

²⁷ Ìgũ yujuyupu Ìgũsãrẽ:

—Irireta musãrẽ weresiabu. Yu irasũ ãrĩ werekeremakũ, musã gapu yu wererire péduabirabu. ¿Nasirirã dupaturi yu irire weremakũ péduari? ¿Musãde Ìgũ buerã ããrĩduakuri?

²⁸ Ìgũ irasũ ãrĩmakũ pérã, Ìgũrẽ turiñurã:

—Mu Ìgũ buegu ããrã. Gũa gapu Moisés gojadeare buerã ããrã. ²⁹ Ire gũa masã. Marĩpu Moisére weredi ããrĩmí. Jesúre iriudi gapure gũa masĩbea.

³⁰ Ìgũsã irasũ ãrĩmakũ, Ìgũsãrẽ ãsũ ãrĩ yujuyupu:

—Musã irasũ ãrĩmakũ, pégukakõãkoa. Ìgũ yure koye Ìãmasĩmakũ irikeremakũ, musã Ìgũrẽ iriudire masĩbea, ãrã. ³¹ Marĩ ire õãrõ masã. Marĩpu ñerõ irirã Ìgũrẽ sërẽmakũ pébemi. Ìgũrẽ buremugũ, Ìgũ dorerire irigure Ìgũ sërẽrĩ ditare pémi. ³² Marĩ neõ sugu deyoaguguetã koye Ìãmasĩbire Ìãmakũ irigu ããrĩrĩrẽ pébea. ³³ Marĩpu Jesúre iriubirimakũ, yure koye Ìãmasĩmakũ iribiriboañumi, ãrĩyupu.

³⁴ Ìgũ irasũ ãrĩmakũ pérã, ãrĩñurã:

—Mu deyoaguguetã ñerĩ merã deyoadi ããrĩkeregu, ¿irire wereduari guare buebu? ãrĩñurã.

Irasirirã judío masaka nerẽrĩ wiigue Ìgũrẽ ñajãdorebiriñurã.

Jesús Ìgũyare pémerã koye Ìãmasĩmerã irirosũ ããrĩma, ãrĩ weredeã

³⁵ Jesús koye Ìãmasĩbiridire Ìgũsã béowiuadeare pémi. Irasirigu Ìgũrẽ bokajagu, sërẽñami:

—¿Marĩpu magũ ããrĩpererã tígũrẽ buremurĩ mu?

³⁶ Ìgũ Jesúre ãrĩmi:

—Yu Opu, ¿noã ããrĩrĩ Ìgũ? Wereka yure! Ìgũrẽ masĩgũ, buremugura.

³⁷ Jesús Ìgũrẽ ãrĩmi:

—Mu Ìgũrẽ Ìãsiãa. Yu mu merã werenígũ, Ìgũta ããrã.

³⁸ Irire ãrĩmakũ pégu, Jesús puro ñadukupuri merã ejamejã, Ìgũrẽ:

—Yu Opu, murẽ buremua, ãrĩmi.

³⁹ Puru Jesús ãsũ ãrĩmi:

—Yu masaka irideare: “I gapu õãa, i gapu õãbea”, ãrĩgũ, i umuguerẽ aaribũ. Yuru gããmerĩrẽ masĩmerã, koye Ìãmasĩmerã irirosũ ããrĩma. Irasirigu koye Ìãmasĩmerã irirosũ ããrĩrãrẽ Ìgũ gããmerĩrẽ masĩburo, ãrĩgũ, “Gũa õãrõ masã”, ãrĩ güñarã gapure koye Ìãmasĩmerã irirosũ waaburo, ãrĩgũ aaribũ.

⁴⁰ Ìgũ irasũ ãrĩmakũ pérã, surãyeri fariseo bumarã Ìgũrẽ ãrĩma:

—¿Mu irire ãrĩgũ, guadere: “Koye Ìãmasĩmerã irirosũ ããrã”, ãrĩgũ yári?

⁴¹ Jesús Ìgũsãrẽ ãrĩmi:

—Musã koye Ìãmasĩmerã irirosũ Yuru gããmerĩrẽ masĩmerã ããrĩã, musã ñerĩ iridea wajare opabiribukoa. “Gũa õãrõ masã”, ãrĩã ããrĩsã, musã ñerõ iridea wajare opãã dapa, ãrĩmi.

10

Jesús oveja korerimasū iririkuri keori merā weredeā

¹ Jesús irire āri odoadero puru, keori merā āsū āri weremi:

—Diayeta musārē werea. Oveja korerimasū ĩgūsārē duripiri sārīrō makāpurore űajāgū irirosū iribino, yajarimasū āārīkumi. Makāpuro marīrōgue űajākumi. ² Makāpuro űajāgū gapu oveja korerimasū āārīkumi. ³ Makāpurore koregu tūpākumi, oveja korerimasūrē űajāridoregu. Oveja korerimasū űajāmakū, oveja ĩgū werenīmakū pékuma. ĩgūyarārē ĩgūsā wāi merā oekumi. Irasū oegu, ĩgūsārē siu wiukumi. ⁴ ĩgūyarā āārīpererārē oe, siu wiu odo, ĩgūsārē dupiyuwāgākumi. Oveja ĩgū werenīrērē masīrā āārīsīā, ĩgūrē tuyakuma. ⁵ Gajigure ĩgūsā ĩāmasībire tuyabirikuma. ĩgū werenīrērē masīmerā āārīsīā, ĩgūrē gūi űmaduriwāgākōākuma.

⁶ Jesús iri keori merā ĩgūsārē weremakū pérā gapu pémasībirima. “Āsū ārīduaro irikoa i”, ārīmasībirima.

Jesús ovejare ōārō koregu irirosū āārīrīmarē weredeā

⁷ Irasirigu Jesús ĩgūsārē werenemomi doja:

—Diayeta musārē werea. Yu ovejare duripiri sārīrō makāpuro irirosū āārā. ⁸ Āārīpererā űerā yu dupiyuro aarinerā, yajarimasā irirosū āārīma. Yaarā oveja irirosū āārīrā gapu ĩgūsārē pébema. ⁹ Yu makāpuro irirosū āārā. Yure buremurā iri makāpurore űajārā irirosū āārīma. ĩgūsārē peamegue waabonerārē taugukoā. Oveja gūiro marīrō ĩgūsārē duripiri sārīrō makāpurore űajārā, wirirā ĩgūsā baaburi bokarā irirosū āārīrākuma.

¹⁰ Yajarimasā ovejare yajamurā, wējēmurā, poyanorēmurā aarīma. Yu gapu ĩgūsārē okarire opamakū irigu aaribū. Āārīpereri ōārīrē opaburo, ārīgū, aaribū. ¹¹ Yu ovejare ōārō koregu irirosū āārā. Ovejare ōārō koregu wējēsūbu āārīkoregu, ĩgūsārē béobirikumi. ĩgūsā ōārō āārīburire boabosagukumi. ¹² Gajigu moārīmasū gapu ĩgū moāwajatari ditare gūñami. Ovejare ōārō koregu irirosū āārībemi. Oveja ĩgūyarā āārībema. Irasirigu makānūumu diayée ovejare űeā wējēgū aarimakū ĩāgū, ovejare béo, gūi űmaduriwāgākōāmi. ĩgūsārē béowāgādero puru, makānūumu diayée ovejare űeāmakū ĩārā, gajirā oveja űmasiriwāgākōāma. ¹³ Moārīmasū ĩgū moāwajatari ditare gāāmemi. Irasirigu ovejare ĩgūsā ōārō āārīburire gūñabemi.

¹⁴⁻¹⁵ Yu ovejare ōārō koregu irirosū āārā. Yuru yure masīmi. Yude Yuru masīa. I irirosū yaarā ovejare yu masīa. Yaarāde yure masīma. Irasirigu yu okarire maībea. ĩgūsā ōārō āārīburire boabosagukoā. ¹⁶ Gajirā oveja gaji duripiri sārīrō marā irirosū āārīma. ĩgūsāde yaarā āārīma. ĩgūsādere āīgukoā. Yu werenīrērē pérākuma. Irasirirā yaarā āārīpererā su buta āārīrākuma. Yu suguta ĩgūsārē koregukoā.

¹⁷ Yaarā ōārō āārīburire boabosagukoā. Yu okarire maībi āārīsīā, irasirigukoā masā, dupaturi okabu. Yu irasiribu āārīmakū, Yuru yure maīmi. ¹⁸ Yu gāāmebirimakū, neō sugū yure boamakū irimasībiribukumi. Yu gāāmerō merā boagukoā. Yu turaro merā yu gāāmerērē irimasīgū āārīsīā, yu gāāmerō merā boa, puru masāgukoā. Yuru yure irireta iridoremi, ārīmi Jesús.

¹⁹ ĩgū irasū ārīmakū pérā, judío masaka dupaturi surosū ĩgūrē gūñabirisīā, dukawarima.

²⁰ Gajirā wārā ĩgūsā merāmarārē ĩgūyamarē ārīma:

—ĩgū wātī űajāsūdi, niāsūgū yāmi. ¿Nasirirā ĩgūrē péri masā?

²¹ Gajirā gapu ārīma:

—Wātī űajāsūdi, ĩgū irirosū ōārō werenībiribukumi. Koye ĩāmasībidere ĩāmakū iri-masībiribukumi, ārīma.

Judío masaka Jesúre gāāmebiridea

²² Puibu ããrĩmakũ, Jerusalẽgue judío masaka bosenu irima. Iripoegue marã Marĩpũya wiire iripeodeare gũñarĩ bosenu ããrĩbũ. ²³ Iri bosenuẽ Jesús, Pórtico de Salomón wãikũri taribu Marĩpũya wii tũro biaña marĩrĩ taribugue waagorenami. ²⁴ Irogue ããrĩmakũ ããrĩ, judío masaka oparã ããrĩ pũro nerẽ, ããrĩ sãrẽñama:

—¿Naásũ ããrĩmakũ guare õãrõ diaye weregakuri? ¿Mũ Cristo, Marĩpũ iriudita ããrĩrĩ?

²⁵ Jesús ããrĩsãrẽ yũjũmi:

—Mũsãrẽ weresiabu. Mũsã gapũ yũ wererire bũremubea. Yũ, Yũpũ yũre dorerosũta ããrĩ turari merã iri ããrĩrĩ irinagũ yãa. I merã yũ ããrĩrikũre masĩsũa. ²⁶ Yũ ããrĩ turari merã iri ããrĩrĩ ããrĩkerẽ, mũsã gapũ yũre bũremubea. Mũsã yaarã ããrĩbirĩsã, yũre bũremubea. Yũ dupiyuro werederosũta mũsã gajĩgũyarã oveja irirosũ ããrĩ. ²⁷ Yaarã oveja yũ werenĩrĩrẽ masĩma. Yũ ããrĩsãrẽ masĩa. Irasirirã yũre tũyama. ²⁸ Yũ ããrĩsãrẽ ããrĩsigue perebiri okari opamakũ yãa. Irasirirã perebiri peamegue neõ waabirikuma. Yũ ããrĩsãrẽ korea. Gajirã ããrĩsãrẽ neõ yũre ããrĩsãrẽ. ²⁹ Yũpũ ããrĩsãrẽ yũre sĩdi ããrĩmĩ. ããrĩ ããrĩpererã nemorõ turagu ããrĩmĩ. ããrĩ ããrĩsãrẽ koremi. Gajirã ããrĩsãrẽ neõ ããrĩdere ããrĩsãrẽ. ³⁰ Yũ, Yũpũ merã sugũta ããrĩ, ããrĩmĩ Jesús.

³¹ ããrĩ irasũ ããrĩmakũ pãrã, dupaturi judío masaka ããrĩyeri ããrĩ, ããrĩ dea wãjẽdũarã.

³² ããrĩsãrẽ irasiridũamakũ ããrĩ, Jesús ããrĩsãrẽ ããrĩmĩ:

—Yũ, Yũpũ yũre dorederosũta wãri ããrĩ turari merã iri ããrĩrĩ iribu. Mũsã irire ããrĩ. ¿Ñeeno yũ iridea waja mũsã yũre ããrĩyeri merã dea wãjẽdũari?

³³ ããrĩsãrẽ ããrĩmĩ:

—Mũ õãrõ iriri waja guã mũrẽ ããrĩyeri merã dea wãjẽdũabea. Mũ Marĩpũre ããrĩ werenĩrĩ waja mũrẽ ããrĩyeri merã dea wãjẽdũaa. Mũ masakũ ããrĩkerẽgu: “Marĩpũ ããrĩ yũ”, ããrĩ werenĩa.

³⁴ ããrĩsãrẽ irasũ ããrĩmakũ pãrã, Jesús ããrĩsãrẽ ããrĩmĩ:

—Marĩpũ ããrĩ ããrĩ ããrĩmĩ ããrĩ ããrĩsãrẽ doreri gojãdeã pũgue: “Mũsã yũ irirosũ ããrĩ”, ããrĩ ããrĩmĩ. ³⁵ Marĩ ire masĩa. Marĩpũ ããrĩyũ werenĩrĩ gojãdeã pũgue ããrĩrĩ diayeta ããrĩ. Marĩrẽ neõ irire: “Diaye ããrĩbeã”, ããrĩ masĩña mãã. Irasiriro iri pũguere ããrĩyũ kerere pãrãrẽ: “Yũ irirosũ ããrĩma”, ããrĩrĩ diayeta ããrĩ. ³⁶ Marĩpũ yũre beyesã, i ããrĩguere iriumi. Irasũ ããrĩkeremakũ: “Yũ Marĩpũ magũ ããrĩ”, ããrĩdea waja mũsã gapũ yũre: “Marĩpũre ããrĩ werenĩmĩ”, ããrĩ. ¿Nasirirã yũre irasũ ããrĩrĩ mũsã? ³⁷ Yũpũ yũre dorerosũta ããrĩ turari merã yũ iri ããrĩbirĩmakũ ããrĩ, yũ wereri gapũre bũremubirikõãka! ³⁸ Yũpũ yũre dorerosũta yũ iri ããrĩmakũ ããrĩ, yũ wererire bũremubirikũrẽ, yũ iriri gapũre: “Marĩpũ turari merã iriri ããrĩ”, ããrĩ bũremuka! Mũsã irire ããrĩ bũremurã, Yũpũ yũguere õãrõ ããrĩrĩrẽ, irasũ ããrĩmakũ yũ ããrĩ merã sugũta ããrĩrĩrẽ masĩrãkoã.

³⁹ ããrĩ irasũ ããrĩmakũ, ããrĩrẽ peresu iridũarã ããrĩdũarã iriadima doja. ããrĩ gapũ ããrĩsãrẽ duriwiriakõãmi.

⁴⁰ Wiria, Juan masakare wãiyepũroriderogue dia Jordán wãikũdiya gaji koepũgue dupaturi waa, irogue ããrĩ. ⁴¹ Masaka wãrã ããrĩrẽ ããrĩ ejama. ããrĩ ããrĩmĩ:

—Juan masakare wãiyedi Marĩpũ turari merã iririre iri ããrĩbirĩkerẽgu, ããrĩpereri Jesũyamarẽ weredeã diayeta ããrĩ, ããrĩmĩ.

⁴² Irasirirã wãrã irogure Jesũre bũremuma.

11

Lázaro boadeã (Lc 10.38-42)

¹⁻² Iripoere Betania wãikũri makãmũ Lázaro wãikũgu pũrĩrikũgu iriyupũ. Iri makã, ããrĩ tũrã nome Marĩa, Marta wãikũrãya makã ããrĩbũ. Marĩa marĩ Opũ Jesũya gubure sãrõrĩ merã piupeo, igo poari merã tũkoebo ããrĩmõ. ³ Lázaro pũrĩrikũmakũ ããrĩ, ããrĩ tũrã nome gajirã merã Jesũre kere iriũñurã:

—Gua Opu, mu maĩgũ pũrĩrikũgũ yámi, ãrĩ kere iriuñurã.

⁴ Jesús iri kerere pégu, ãrĩmi:

—Iri pũrĩrĩ ĩgũrẽ boamakũ iriburi ããrĩbea. Iri merã Marĩpu masakare ĩgũ turarire ĩmugukumi. ĩgũ irire ĩmugũ, yũ ĩgũ magũ ããrĩrĩrẽ, ĩgũ turari opagũ ããrĩrdere ĩmugukumi.

⁵⁻⁶ Irasirigũ Jesús Martare, igo pagumore, Lázaro bureo maĩsĩã, Lázaro pũrĩrikũri kere péadero purũ, penũ ĩgũ ããrĩrõguere dujanemomi. ⁷ Penũ purũ guare ĩgũ buerãrẽ ãrĩmi:

—Náka, dupaturi Judea nikũgue waarã doja!

⁸ Gua ĩgũrẽ ãrĩbu:

—Buegũ, irinũgue marĩ irogue ããrĩmakũ, judío masaka murẽ útãyeri merã dea wẽjẽduama. ¿Nasirigũ mu irogue dupaturi waadũari?

⁹ Gua irasũ ãrĩmakũ, Jesús keori merã guare ãsũ ãrĩ weremi:

—Sunurẽ pe mojõma pere su gubu peru pẽrẽbejari horagora ããrã. Irasirirã, i ãmũguere sĩagori ããrĩyumakũ, iri boyori merã masaka noó waaró waarã, gubutũabirikuma. ¹⁰ Nami merã sĩagori marĩrõ waarã gapũ gubutũama.

¹¹ ĩgũ irire ãrĩ odo, guare ãrĩmi:

—Marĩ merãmu Lázaro kãrĩakõãmi. Yũ ĩgũrẽ yobegũ waagũkoa.

¹² Gua ĩgũrẽ ãrĩbu:

—Gua Opu, Lázaro kãrĩmakũ, ĩgũ sĩrĩrĩ tarirokoa, ãrĩbu.

¹³ Jesús: “Kãrĩakõãmi”, ãrĩgũ, ĩgũ kõmoadeare weregũ iridi ããrĩmĩ. Gua gapũ: “Ĩgũ kãrĩrĩrẽ weremi”, ãrĩ gũñadibũ. ¹⁴ Irasirigũ Jesús pémasĩma õãrõ guare weremi:

—Lázaro boakõãmi. ¹⁵ Yũ usũyáa, yũ marĩrõ boami. ĩgũ boari merã musã yure buremunemorãkoa. Náka, marĩ ĩgũrẽ ĩãrã! ãrĩmi.

¹⁶ Jesús irire ãrĩmakũ pégu, Tomás “Sũduadi” ĩgũsã ãrĩgũ guare ãrĩmi:

—Marĩ Jesús merã waarã! ĩgũ irogue boamakũ, marĩde ĩgũ merãta boakõãrã!

Jesús boanerãrẽ masãmakũ irigũ, okari sĩgũ ããrĩrĩmarẽ weredeã

¹⁷ Jesús Betaniague ejamakũ, iro marã ĩgũrẽ werema:

—Wapikũrinũ taria, Lázaro dagũre ĩgũsã yáadero purũ, ãrĩma.

¹⁸ Betania, Jerusalén purõgã, pe kilómetro gaji kilómetro deko yoaro ããrĩbũ. ¹⁹ Irasirirã judío masaka wãrã Lázaro boadeã kerere pãrã, Marta, Mariãre ĩãrã waañurã, ĩgũsãrẽ ĩã gũñaturaburo, ãrĩrã. ²⁰ Jesús ĩgũsã purõ ejaburi kerere pégo, Marta ĩgũrẽ bokatĩrĩgõ aarimó. Mariã gapũ wiigueta dujakõãdeo ããrĩmó. ²¹ Marta Jesús purõ ejago, ĩgũrẽ ãrĩmo:

—Yũ Opu, mu õõgue ããrĩmakũ, yũ pagũmu boabiriboadi ããrãmi. ²² Yũ masĩa. Mu Marĩpure sãrẽmakũ, ããrĩpereri mu sãrẽrõsũta irigũkumi.

²³ Jesús igore ãrĩmi:

—Mu pagũmu dupaturi okagũkumi.

²⁴ Igo ĩgũrẽ ãrĩmo:

—Yũ masĩa. I ãmũ peremakũ ããrĩpererã boanerã masãmakũ, ĩgũde dupaturi okagũkumi.

²⁵ Igo irasũ ãrĩmakũ, Jesús ãsũ ãrĩmi:

—Yũ boanerãrẽ masãmakũ irigũ, ĩgũsãrẽ okari sĩgũ ããrã. Yure buremugũ boadigue ããrĩkeregũ, okagũkumi. ²⁶ Irasirirã okarã yure buremurãno neõ boabirikuma*. ¿Mu ire buremurĩ?

²⁷ Igo ĩgũrẽ ãrĩmo:

—Yũ Opu, murẽ buremua. Mu, Cristo Marĩpu magũ, i ãmũgue aarigũkumi, ĩgũsã ãrĩdi ããrã.

Jesús Lázaro yã dũpũre yáadeã masãgobe purõ oredeã

* **11:26** Jesús: “Okarã yure buremurãno neõ boabirikuma”, ãrĩgũ, ĩgũsã ãmũgasigue perebiri okaburire, perebiri peamegue neõ waabiriburire werenígũ irimi.

28 Marta irasũ ārĩ odo, igo pagũmo Mariare siiugo waamo. Gajirã péberogã igore àsũ ārĩyupo:

—Marĩrẽ buegũ ejasiami. Mũrẽ siiuami.

29 Igo irasũ ārĩmakũ pégo, mata María ĩgũ pũroguẽ mumurõ merã aarimó. 30 Jesús makãgue ejabirimi dapa. Marta ĩgũrẽ bokatĩrĩaderogueta ãārĩmĩ. 31 Judío masaka wiigũ Mariare ĩã gũñaturaburo, ārĩrã, igo merã ãārãnerã, igo mumurõ merã waamakũ ĩãrã, igore tũyawãgãñurã. “Igo pagũmũ yãa masãgobegue orege waagó irikumó”, ārĩ gũñãñurã.

32 María Jesús pũroguẽ ejago, ĩgũrẽ ĩã, ĩgũ guburi pũro ñadũkũpuri merã ejamejã:

—Yũ Opũ, mũ òõgue ãārĩmakũ, yũ pagũmũ boabiriboadi ãārãmi, ārĩmo.

33-34 Igo, igore tũyanerã merã oremakũ ĩãgũ, Jesús bũro bopoña, bũjawereri merã ĩgũsãrẽ ĩã:

—¿Noógue ĩgũrẽ yáari mũsã? ārĩ sērẽñami.

Ĩgũsã ĩgũrẽ ārĩma:

—Gua Opũ, ĩãgũ aarika!

35 Jesús oremi.

36 ĩgũ oremakũ ĩãrã, judío masaka ārĩma:

—Ĩãka! Noópogora ĩgũrẽ maĩayuriye!

37 Gajirã ĩgũsã merãmarã gapũ ārĩma:

—Koye ĩãmasĩbire ĩãmakũ iridi ãārĩmi. ¿Lázaro boaburi dupiyuro ĩgũrẽ ĩãgũ taukõãboayuri?

Jesús Lázarore masũdea

38 Jesús bũro bũjawereri merã masãgobe pũro waami. Iri gobe ãtãtore ãārĩbũ. Iri gobe ñajãrõrẽ wári majĩ ãtã majĩ merã biasũbũ.

39 Jesús ārĩmi:

—Ëtã majĩrẽ ãĩ weanũka!

Ĩgũ irasũ ārĩmakũ pégo, Marta boadi tĩgõ ārĩmo:

—Yũ Opũ, ĩgũya dũpũ daro ãrĩasiakuyo. Wapikũrinũ tarisiãa, ĩgũ boadero pũrũ.

40 Jesús gapũ igore ārĩmi:

—Mũrẽ wereabũ: “Yũre bũremugõ Marĩpũ turarire ĩãgokoa”, ãrãbũ.

41 ĩgũ irasũ ārĩ odomakũ, ĩgũsã ãtã majĩrẽ ãĩ weanũma. Jesús ãmũgasigue ĩãmu, Marĩpũre àsũ ārĩmi:

—Aũ, yũ sērẽrĩrẽ mũ pésiabũ. Irasirigũ mũrẽ: “Õãa”, ārĩ, mũyari sĩa. 42 Yũ masĩa. Yũ mũrẽ sērẽrĩrẽ irasũ pénikõãa. Yũ irire masĩkeregũ, õõ nĩrã yũ mũ iriudi ãārĩrĩrẽ masĩburo, ārĩgũ, ĩgũsã péurogue mũrẽ: “Yũ sērẽrĩrẽ mũ pésiabũ”, ārĩ werea.

43 Irasũ ārĩ odo, Jesús bũro bũsũro merã ārĩmi:

—Lázaro, irore wirika!

44 ĩgũ irasũ ārĩmakũta, masãgobegue wiririmi. ĩgũya mojõrĩ, guburire surĩ gasiri merã dũrasũdi, ĩgũya diapure surĩro gasiro merã õmasũdi ãārĩmĩ. Irasirigũ Jesús ĩgũsãrẽ:

—Kuranoka ĩgũ waamakũ! ārĩmi.

Judío masaka oparã Jesúre ñeãdũadea

(Mt 26.1-5; Mr 14.1-2; Lc 22.1-2)

45 Wãrã judío masaka María merã masãgobegue wapikũnerã Jesús iriadeare ĩãrã, ĩgũrẽ bũremuma. 46 Gajirã ĩgũsã merãmarã gapũ fariseo bumarã pũroguẽ waa, Jesús iriadeare ĩgũsãrẽ wereñurã. 47 Irasirirã fariseo bumarã, irasũ ãārĩmakũ paĩa oparã gajirã judío masaka oparã merã nerẽ, àsũ ārĩ werenĩñurã:

—¿Nasirĩkuri marĩ? Jesús wári turari merã iri ĩmũgũ yãmi. 48 Marĩ ĩgũrẽ: “Iropata irika!” ãrĩbirimakũ, ãārĩpererã masaka ĩgũrẽ bũremurãkuma. Irasirirã romano marã oparã aarirãkuma, Marĩpũya wiire béo, marĩrẽ marĩya nikũrẽ ãmamurã, ãrĩñurã.

⁴⁹ Sugũ ĩgũsã merãmu, Caifás wãikũgu iri bojorire paía opu ããrĩmĩ. ĩgũsã irire irasũ ãrĩmakũ pégu, ĩgũsãrẽ ãrĩyupu:

—Mũsã irima ããrĩpererire neõ masĩbea. ⁵⁰ Ire pémasĩbea. Sugũta marĩ judío masakaya ããrĩburire boabosamakũ õãrokoa. ĩgũ boabirimakũ, marĩ ããrĩpererã judío masaka gapu pereakõãbukoa.

⁵¹ ĩgũ Jesús judío masakaya ããrĩburire boabosaburire weregũ, ĩgũ basi gũñarĩ merã irasũ ãrĩbiriyupu. Iri bojorire ĩgũ paía opu ããrĩmakũ, Marĩpu ĩgũrẽ irire ãrĩmakũ iriyupu.

⁵² Jesús boagu, judío masakaya ããrĩburire, irasũ ããrĩmakũ ããrĩpererã Marĩpu pũrã ããrĩperero ããrĩrãdere ĩgũsãya ããrĩburidere boami, su buta ããrĩburo, ãrĩgũ. ⁵³ Caifás ĩgũsãrẽ irasũ ãrãdero purũ: “¿Nasiri Jesũre wẽjẽrãkuri marĩ?” ãrĩ werenĩrã iriñurã.

⁵⁴ Jesús, ĩgũsã ĩgũrẽ wẽjẽduarire masĩkõãmi. Irasirigu judío masaka oparã ĩũrõgue neõ waagorenabirimi. Judea nikũma makã, masaka marĩrõ puro ããrĩrĩ makã Efraín wãikũri makãgue waakõãmi. Irogue gũa ĩgũ buerã merã dujami.

⁵⁵ Iripoere pascua bosenu gũa judío masaka bosenu ããrĩburo mérõgã duyabu. Irasirirã bosenu dupiyuro masaka wãrã gaji makãrĩ marãde Jerusalẽgue iri bosenu marẽ baaburo dupiyuro Marĩpu dorederosũta koerã waama ĩgũ ĩgũsãrẽ: “Ñerĩ opamerã, õãrã ããrĩma”, ãrĩ ĩãburo, ãrĩrã. ⁵⁶ ĩgũsã irogue ejarã, Jesũre ãmagorenañurã. Marĩpũya wiigue ããrĩrã, ãsũ ãrĩ gãme wereniñurã:

—¿Naásũ gũñarĩ? ¿Bosenu rẽ ĩãgũ aarigũkuri, o aaribirikuri?

⁵⁷ Paía oparã, fariseo bumarã masakare doreñurã. ãsũ ãrĩñurã:

—Jesũ ããrĩrõrẽ masĩrã, gũare wereka! ĩgũrẽ ñeã, peresu iriduarã irasũ ãrĩñurã.

12

María Jesũya guburire sãrõrĩ piupeodea (Mt 26.6-13; Mr 14.3-9)

¹ Su mojõma pere gaji mojõ suru pẽrẽbejarinũrĩ pascua bosenu waaburi dupiyuro Jesús Betaniague waami. Iri makã, Lázaro boadiguere Jesús masũdiya makã ããrĩbũ. ² Irogue Jesũre bosenu iripeoma. Marta baarire gueremo. Lázaro ĩgũ merã baa doami. Gũade ĩgũsã merã baabu. ³ Gũa ĩgũsã merã baaripoe María suru sũrõdiru wãdiru su litro deko opadirure Jesús puro ãija, ĩgũya guburire piupeomo. Iri sãrõrĩ “nardo” wãikũri sãrõrĩ, gajino merã morẽña marĩrĩ, wajapari sãrõrĩ ããrĩyuro. Irire piupeo odo, igoya poañapu merã ĩgũya guburire túkoemo. Iri wii ããrĩperero sũrõseyakõãbu. ⁴ Igo irasirimakũ ĩãgũ, gũa Jesús buerã watopenu Jesũre wẽjẽduarãguere ĩgũrẽ ĩmubu Judas Iscariote ãsũ ãrĩmi:

⁵ —¿Nasirigo i sãrõrĩrẽ duabirari? Irire duago, trescientos nũrĩ moãdea wajare wãjataropa wajataboakuyo. Irasirigo iri niyerure boporãrẽ sĩboakuyo, ãrĩmi.

⁶ Yajarikũsã, irasũ ãrĩmi. Boporãrẽ iritamudũagu meta ããrĩmĩ. ĩgũ gũaya niyeru ajurore koregu ããrĩmĩ. Iri ajurogue gũa niyeru duripĩrĩre yajanokõãmi.

⁷ Jesús ĩgũrẽ ãrĩmi:

—Iropata ãrĩka! Igo iri sãrõrĩ duripĩadeare yãre piupeogo, ĩgũsã yãre yãaburi dupiyuro iriburire irasũ yãmo.

⁸ Boporã mũsã merã ããrĩnĩkõãrãkuma. Yũ gapũ mũsã puro ããrĩnĩbirikoa.

Judío masaka oparã Lázarore wẽjẽduadea

⁹ Jesús Betaniague ããrĩrĩ kerere pẽrã, judío masaka wãrã irogue ĩgũrẽ ĩãrã aarirã, ĩgũ ditare ĩãrã aaribirima. Lázaro boadiguere Jesús masũdidere ĩãrã aarimã. ¹⁰⁻¹¹ Jesús ĩgũrẽ masũmakũ ĩãdero purũ, wãrã judío masaka paía oparã bueri gapũre tũyanemobiri, Jesũre bũremupũroriñurã. Irasirirã paía oparã Jesũre wẽjẽduarosũta Lázarodere wẽjẽduañurã.

Jesũs Jerusalẽgue ejadea

(Mt 21.1-11; Mr 11.1-11; Lc 19.28-40)

12 Gajinu gapu wárã masaka Jerusalëgue pascua bosenure ããrã ejanerã, Jesús iroque waaburi kerere péñurã. 13 Irasirirã beje pũ diti ãiwãgã, ãgũrẽ ãsũ ãrĩ gaguini bokatĩrĩã aarimã:

—Marĩ Opure ushyari sirã! Ñ Marĩpu marĩrẽ taugũ iriudi õãrõ aariburo. Ñgũ marĩ Israel bumarã Oputa ããrĩmi, ãrĩma.

14 Jesús burrore bokaja, ãgũ weka murĩbejami. Irasirigu Marĩpuya werenĩrĩ gojadea pũgue ãrĩderosũta irimi. ãsũ ãrĩ gojasũdero ããrĩbũ:

15 Jerusalén marã güibirikõãka!

Ñãka! Musã Opu burro weka peyawãgãrimi, ãrĩ gojasũdero ããrĩbũ.*

16 Gũã ãgũ buerã iri gojadeare pemasĩbiribũ. “Dapagora Jesús iri gojaderosũta irigu yãmi”, ãrĩ güñabiribũ. Umugasigue ãgũ murĩadero purũ, iri gojadeare güñaboka, pemasĩbũ. “Marĩpuya werenĩrĩ gojadea pũgue ãrĩderosũta Jesũre waabũ”, ãrĩ güñabũ.

17 Jesús Lázarore ãgũsã yãadea gobere wiridore, ãgũrẽ masũmakũ ããnerã gajirãrẽ ãgũsã ããdeare wererã irima. 18 Irasirirã wárã masaka Lázarore Jesús masũdea kerere pénerã ããrĩsã, Jesũre bokatĩrĩã aarimã. 19 ãgũsã irasirimakũ ããrã, fariseo bumarã ãgũsã basi ãsũ gãme ãrĩ werenĩñurã:

—Ñãka! ããrĩpererã ãgũ merã dita waarã yãma. Marĩ neõ ãgũsã iririre kãmutamasĩbea.

Surãyeri griego masaka Jesũre ããduadea

20 Jerusalëgue pascua bosenu ããrĩmakũ, Marĩpure buremurã ejanerã watopere surãyeri griego masaka ããrĩmã. 21 ãgũsã Jesũre ããduarã, Felipere wererã aarimã. Felipe Betsaida wãikuri makãmu ããrĩmĩ. Betsaida, Galilea nikũgue ããrĩrĩ makã ããrĩbũ. ãsũ ãrĩma ãgũrẽ:

—Jesũre ããduakoa gũã.

22 ãgũsã irasũ ãrĩmakũ pégu, Felipe Andrére weregu waami. Irasirirã ãgũsã pẽrãgueta Jesũre wererã waama. 23 Jesús, griego masaka ãgũrẽ ããduarire pégu, gũare ãrĩmi:

—Mérõgã duyãa yũ ããrĩpererã tĩgũ boa, masã, umugasigue murĩaburo. 24 Diayeta musãrẽ werea. Oteri yere otebirimakũ, suyeta dujarokoa. Iri yere otedero purũ, yeba poekague boa, purũ puri wiri, wãri dũka sũkoa. 25 Sugũ ãgũ i umugue okarire maĩgũno, perebiri peamegue waagũkumi. ãgũ i umugue okarire maĩbi gapu umugasigue perebiri okari opagũkumi. 26 Yũ dorerire iridũagu, yũre tuyaburo. Yũre tuyagu, yũ ããrĩburoguere yũ merã ããrĩgũkumi. Yũpu yũ dorerire irigure: “Õãrõ irigu yãmi”, ãrĩ, ãgũrẽ õãrõ irigũkumi.

Jesús ãgũ boaburire weredea

27 ‘Dapagorare yũ burõ bujawereri merã ããrã. ¿Naásũ ãrĩgũkuri? “Aũ, yũ ñerõ tariburore tauka!” ¿ãrĩgũkuri? Iririre ãrĩbea. Ñerõ taributa i umuguerere aaribũ, ãrĩmi. 28 Irasũ ãrĩ odo, ãgũ Pagure: “Aũ, mu turagu ããrĩrĩrẽ masakare ãmuka!” ãrĩmi.

Ñgũ irasũ ãrĩmakũ, Marĩpu umugasigue ããrĩgũ werenĩrĩrẽ pébu. ãsũ ãrĩmi:

—Yũ turagu ããrĩrĩrẽ masakare ãmusiabũ. Iririre dupaturi ãmugura doja.

29 Masaka iroque ããrĩrã ãgũ werenĩrĩrẽ pérã, ãrĩma:

—Bupu busũkumi.

Gajirã ãrĩma:

—Marĩpure wereboegu Jesũre werenĩami.

30 Jesús gapu ãsũ ãrĩmi:

—Yũpu irire werenĩgũ, yũre pédoregu meta werenĩami. Musã gapure pédoregu werenĩami. 31 Dapagorare waarĩ merã, i umũ marã ãgũsã ñerĩ irideã waja wãjamoãsũrãkuma. Irasũ ããrĩmakũ, ñegũ i umũ marãrẽ doregu béosũgũkumi. 32 Curusague ãgũsã yũre pábiatũ, ãiwãgũnúmakũ, ããrĩpererã masakare siiugũkoa, yũ merã ããrĩburo, ãrĩgũ.

* 12:15 Zac 9.9

³³ Irasũ ārĩgũ, ĩgũ curusague boaburire weregũ irimi. ³⁴ ĩgũ ārĩrĩrẽ pérã, masaka ĩgũrẽ ārĩma:

—Marĩpũya werenĩrĩ gojadea pũgue ĩgũsã bue ĩmumakũ pébu. “Marĩpũ iriudi Cristo okaníkõagukumi”, ārĩ bue ĩmuma. ¿Nasirigu mũ gapũ: “Āārĩpererã tĩgũrẽ curusague pábiatú, āĩwãgũnũrākuma”, ārĩrĩ? ¿Noã āārĩrĩ āārĩpererã tĩgũ?

³⁵ ĩgũsã irasũ ārĩmakũ, Jesús ārĩmi:

—Yũ masakare sĩãgori sĩgũ āārã. Yoaweyaripoe mũsã pũroque āārĩgũkoa dapa, Marĩpũre masĩburo, ārĩgũ. Irasirirã sĩãgori merã õarõ waamasĩrã irirosũ āārĩka! Naĩtĩārõgue waagorenagũno, ĩgũ waaburore neõ masĩbirikumi. ³⁶ Yũ mũsãrẽ sĩãgori sĩgũ āārĩgũ mũsã merã āārã, Marĩpũre masĩburo, ārĩgũ. Irasirirã, mũsã merã yũ āārĩtũnuburo dupiyuro yũre bũremuka! Yũre bũremurã, boyorogue āārĩrã irirosũ, yaarã āārĩrãkoa.

Irasũ ārĩ odo, ĩgũsãrẽ duriwãgãkõami.

Judío masaka Jesúre bũremubiridea

³⁷ Jesús wári Marĩpũ turari merã iri ĩmumakũ ĩãkererã, ĩgũrẽ bũremubirima. ³⁸ Marĩpũya werenĩrĩ gojadea pũgue Isaías gojaderosũta irima. Āsũ ārĩ gojadi āārĩmĩ Isaías:

Gũa Opũ, masaka gũa mũya kere wererire pékererã, bũremubema. Mũ turari merã mũ iri ĩmurĩrẽ ĩãkererã: “Gũa Opũ iriri āārã i”, ārĩbema, ārĩ gojadi āārĩmĩ.✠

³⁹ ĩgũsã Marĩpũre bũremumasĩbirideadere Isaías gajirogue Marĩpũya werenĩrĩ gojadea pũgue āsũ ārĩ gojadi āārĩmĩ:

⁴⁰⁻⁴¹ Marĩpũ ĩgũsãrẽ koye ĩãmasĩmerã irirosũ āārĩmakũ iridi āārĩmĩ. ĩgũyare pémasĩbirimakũ iridi āārĩmĩ.

Irasirirã ĩgũ turari merã iri ĩmurĩrẽ ĩãkererã, irire neõ ĩãmasĩbema. ĩgũyare pékererã, irire neõ pémasĩbema. ĩgũrẽ neõ bũremudũabema.

Ĩgũrẽ bũremumakũ, ĩgũsãrẽ taubukumi, ārĩ, Isaías Jesús turarire, ĩgũ goesiririre ĩadi āārĩsĩã, irasũ ārĩ gojadi āārĩmĩ.✠

⁴² Gajirã Jesúre bũremubirikeremakũ, wárã judío masaka, ĩgũsã oparãgueta ĩgũrẽ bũremuñurã. Irasũ bũremukererã, fariseo bumarãrẽ gũisĩã, gajirãrẽ Jesúre ĩgũsã bũremurĩrẽ werebiriñurã. Fariseo bumarã ĩgũsãrẽ: “Neõ marĩ judío masaka nerẽrĩ wi-igũe ñajãnemobirikõãka!” ārĩbukuma, ārĩrã, irasiriñurã. ⁴³ Irasirirã Jesúre bũremukererã, gajirã masaka, Marĩpũ nemorõ ĩgũsãrẽ: “Õarã āārĩma”, ārĩmakũ gããmeñurã.

Masaka Jesús wererire pédũabiri waja wajamoãsrãkuma, ārĩ gojadea

⁴⁴ Jesús masaka péburo, ārĩgũ, bũro bũsũro merã āsũ ārĩ weremi:

—Yũre bũremugũ yũ ditare bũremubemi. Yũpũ yũre iriudidere bũremumi. ⁴⁵ Yũre ĩãgũ, yũre iriudidere ĩami. ⁴⁶ Yũ sĩãgori sĩgũ āārĩgũ i ũmũguere yũre bũremurã yũre iriudire masĩmerã irirosũ āārĩbirikõãburo, ārĩgũ aaribũ. Irasirirã naĩtĩārõgue āārĩrã irirosũ āārĩbirikuma. ⁴⁷ Yũ wererire pékererã, irire irimerãrẽ yũ wajamoãbirikoa. Yũ i ũmũguere masakare wajamoãgũ aaribiribũ. Ubu gapũ taugũ aaribũ, ĩgũsã perebiri peamegue waabirikõãburo, ārĩgũ. ⁴⁸ Yũre gããmemerã, yũ wererire pédũamerã wajamoãsrãkuma. ĩgũsãrẽ wajamoãbu, Yũpũ āārĩmi. I ũmũ peremakũ, yũ ĩgũya werenĩrĩ wererire pébiridea waja ĩgũsãrẽ wajamoãgukumi. ⁴⁹ Yũ gããmerõ werebea. Yũpũ yũre iriudi ĩgũ weredorerosũta werea. ĩgũ yũre buedorerosũta buea. ⁵⁰ Yũpũ dorerosũta irigũno, ũmũgasigue perebiri okarire opagukumi. Irasirigũ Yũpũ yũre weredorerosũta mũsãrẽ werea, ārĩmi Jesús.

13

Jesús ĩgũ buerãya guburire koedea

✠ 12:38 Is 53.1 ✠ 12:40-41 Is 6.10

¹ Pascua bosenu waaburo mérōgā dūyabu. Jesús i ūmurē wiri, ĩgū Pagu puro waaburo mérōgā dūyarire masīsiami. ĩgūyarā i ūmugue āārīrārē neō maĩduúbirimi. ĩgūsārē burō maĩrīrē ĩmuburo mérōgā dūyabu.

²⁻⁴ Wātī Judare Simón Iscariote magūrē ĩgūya gūñarĩgue Jesúre wējēduarāguere ĩgūrē ĩmudoresiadi āārīmí. Jesús ĩgū Pagu puro merā aarideare, puru ĩgū irogue waaburire masīmi. Marĩpu ĩgū Pagu āārĩpererārē dorebure pídeadere masīmi. Irasirigu gūa ĩgū buerā merā baa doaníadi, wāgānugā, ĩgūya suríro wekamañerē túwea, túkoeri gasiro merā ĩgūya yujurure sūami. ⁵ Sūa odo, soropa merā deko piusā, gūare ĩgū buerārē gūaya guburire koenugāmi. Sugūya guburire koe odo, ĩgū sūadea gasiro merā túkoemi. Gajirāya guburidere irasū dita irimi.

⁶ ĩgū Simón Pedroya guburire koebu irimakū ĩāgū, Pedro ĩgūrē ārīmi:

–Yū Opū, ¿yaa guburire koeri mu?

⁷ Jesús ĩgūrē ārīmi:

–Dapagora yū iririre mu pémasībea. Purugue pémasīgukoa.

⁸ Pedro ĩgūrē ārīmi:

–Yaa guburire mu neō koebirikoa.

Jesús ĩgūrē ārīmi:

–Murē yū koebirimakū, yaagu āārībirikoa.

⁹ ĩgū irasū ārīmakū pégu, Simón Pedro ĩgūrē ārīmi:

–Yū Opū, yaa guburi ditare koebirikōāka! Yaa guburire koegu, yaa mojōrī, yaa dipurudere koeka!

¹⁰ ĩgū irasū ārīmakū, Jesús āsū ārīmi:

–Sugu masakū ōārō guadigue dupaturi guuabirikumi. Naagorena odoadero puru, ĩgūya guburi ditare koekumi. Āārĩpererā musā gurari marīrā irirosū āārā. Irasū āārĩkeremakū, sugu musā merāmu ñegū, gurarikugu irirosū āārīmi.

¹¹ Jesús, Judas ĩgūrē wējēduarāguere ĩgūrē ĩmuburire masīsiami. Irire masīsīā: “Sugu musā merāmu ñegū, gurarikugu irirosū āārīmi”, ārĩgū irimi.

¹² Gūaya guburire koe odo, ĩgūya wekamañerē sāña, ĩgū doaderogue dupaturi eja doaja, gūare āsū ārīmi:

–¿Yū musārē dapagora iririre pémasīrī musā? ¹³ Musā yure: “Gūare buegu, gūa Opū āārā”, ārīrā, keoro werea. Diayeta yū musārē buegu, musā Opū āārā. ¹⁴ Yū musārē buegu, musā Opū āārĩkeregu, musāya guburire koeabu. Irasirirā musādere musāya guburire gāme koero gāāmea. ¹⁵ Musā gāme iritamumakū gāāmegū, musārē irasiri ĩmuabu, yū musārē iriaderosūta iriburo, ārĩgū. ¹⁶ Diayeta musārē werea. Neō sugu moāboerimasū, ĩgū opu nemorō āārĩbirikumi. Sugu iriusūdi, ĩgūrē iriudi nemorō āārĩbirikumi. ¹⁷ Musā ire pémasīrā, ire irirā, ūsuyari merā āārĩrākoa.

¹⁸ Yū irire ārĩgū, musā āārĩpererārē ārībea. Yū beyenerārē masīa. Marĩpūya werenírī gojadea pūgue ārīderosūta keoro waarokoa. Āsū ārī gojasūdero āārībá: “Yū merā baaguta yure ĩaturigu dujami”, ārī gojasūdero āārībá. ¹⁹ I waaburi dupiyuro yū musārē werea. Irasirirā yū weredea keoro waadero puru: “ĩgū āārā yū*”, ārĩdeare burēmurākoa. ²⁰ Diayeta musārē werea. Yū iriunerārē ōārō merā bokatĩrĩñeāgūno, yūdere bokatĩrĩñeāmi. Yure ōārō merā bokatĩrĩñeāgū, yure iriuididere bokatĩrĩñeāmi, ārīmi Jesús.

Judas Jesúre wējēduarāguere ĩgūrē ĩmuburire weredea
(Mt 26.20-25; Mr 14.17-21; Lc 22.21-23)

* **13:19** Exodo 3.13-15: Iripogue Moisés Marĩpure sērēñadi āārīmí: “Israel bumarā yure: ‘¿Mu iriudi wāi naásū āārĩrī?’ ārĩ sērēñamakū, ¿naásū ārĩ weregukuri?” Marĩpu ĩgūrē āsū ārĩdi āārīmí: “Yū wāi ‘YO SOY EL QUE SOY’ āārā. Irasirigu Israel bumarārē āsū ārĩ wereka: ‘YO SOY yure musāguere weredoregu iriumi’, ārĩka!” ārĩdi āārīmí. “YO SOY EL QUE SOY”, ārĩrō: “Yū āārĩngūta āārā, o ĩgū āārā yū”, ārĩduaro yāa.

²¹ Irasũ arĩ odo, Jesús bũro bujawereri merã aãrĩmĩ. Guare pémasĩma õãrõ ãsũ arĩ weremi:

—Diayeta musãrẽ werea. Sugũ musã merãmu yũre wẽjẽduarãguere yũre ãmugukumi.

²² Ìgũ irasũ arĩmakũ pérã, gũa: “¿Noãrẽ irasũ arĩrĩ?” arĩrã, gãme ãã oya doanĩbu. ²³ Yũ Juan, Jesús buegu ìgũ maĩsũgũ, ìgũ pũrogã doabu. ²⁴ Simón Pedro ìgũya mojõ merã yũre soepumi, Jesũre ìgũ irasũ arĩrĩrẽ sãrẽñadoregu. ²⁵ Irasirigu yũ Jesús pũrogã gãme doaweya, ìgũrẽ sãrẽñabu:

—Yũ Opũ, ¿noã aãrĩrĩ ìgũ?

²⁶ Jesús yũre arĩmi:

—Yũ pãrũrẽ moãwa, yosa, ìgũrẽ sũgũkoa. Ìgũta aãrĩmi yũre ãmubu.

Irasũ arĩ odo, pãrũrẽ moãwa, yosa, Judare Simón Iscariote magũrẽ sĩmi. ²⁷ Judas ire ñeãmakũ, mata wãtĩ ìgũguere ñajãdi aãrĩmĩ. Irasirigu Jesús Judare arĩmi:

—Mũ iriburire iripurumuka!

²⁸ Jesús ìgũrẽ irasũ arĩrĩrẽ pékererã, gũa irogue baa doanĩrã irire pémasĩbiribu. ²⁹ Surãyeri gũa ãsũ arĩ gũñabu: “Judas gũa niyerure koregu aãrĩmi. Irasirigu Jesús ìgũrẽ gũa bosenũ baaburire wajaridoregu iriuami, o boporãrẽ niyerure sĩdoregu iriuami”, arĩbu. ³⁰ Judas iri pãrũrẽ moãwa, yosadeare ñeã odogũta gũa pũrogue aãrĩdi wiriakõami. Ìgũ wiriaripoe ñamigue aãrĩbũ.

Jesús maama dorerire weredeia

³¹ Judas waadero pũrũ, Jesús guare arĩmi:

—Dapagora Marĩpu yũ aãrĩpererã tĩgũ yũ turagu aãrĩrĩrẽ masakare ãmugukumi. Irasũ aãrĩmakũ, yũ merã ìgũ turagu aãrĩrĩdere ãmugukumi. ³² Yũ merã ìgũ turagu aãrĩrĩrẽ ãmugũ, yũ turagu aãrĩrĩdere ãmugukumi. Dapagorata iripurumugukumi. ³³ Yaarã, yũre péka! Yoaweyaripoeta musã merã aãrĩgũkoa. Musã yũre ãmarãkoa. Irasirigu yũ judío masakare dupiyurogue arĩderosũta dapagora musãdere: “Yũ waaburore musã waamasĩbea”, arĩ werea. ³⁴ Maama dorerire musãrẽ píguara. ãsũ arã. Gãme maĩka! Yũ musãrẽ maĩrõsũta gãme maĩka! ³⁵ Musã gãme maĩmakũ ããrã, aãrĩpererã masaka musãrẽ yũ buerã aãrĩrĩrẽ masĩrãkuma, arĩmi Jesús.

Jesús Pedrorẽ: “Yũre masĩkeregũ: ‘Masĩbea’, arĩgũkoa”, arĩ weredeia
(Mt 26.31-35; Mr 14.27-31; Lc 22.31-34)

³⁶ Simón Pedro Jesũre sãrẽñami:

—Yũ Opũ, ¿noógue waagũkuri mũ? arĩmi.

Jesús ìgũrẽ arĩmi:

—Yũ dapagora waaburoguere mũ yũ merã waamasĩbea. Pũrũ yũ pũrogue waagũkoa.

³⁷ Ìgũ irasũ arĩmakũ pégu, Pedro ìgũrẽ arĩmi:

—Yũ Opũ, ¿nasiribu dapagorata yũ mũ merã waamasĩbirikuri? Ìgũsã yũre wẽjẽduakeremakũ, yũ mũrẽ béobirikoa. Mũya aãrĩburire boabosagũkoa.

³⁸ Jesús ìgũrẽ arĩmi:

—“Mũya aãrĩburire boabosagũkoa”, arã mũ. ¿Aãrĩrõta yũre iribosagũkuri? Diayeta mũrẽ werea. ãgãbo wereburo dupiyuro mũ yũre mũrea gajirãrẽ: “Ìgũrẽ masĩbea”, arĩgũkoa, arĩmi.

14

Jesũre bũremurã Marĩpu pũro waaburire weredeia

¹ Jesús guare ãsũ arĩmi:

—Bũro gũñarikũbirikõãka! Marĩpũre bũremuka! Yũdere bũremuka! ² Yũpũ pũrogueere su wii wãri taridupabu opari wii irirosũ aãrã. Irogue musã aãrĩburore ãmuyugu waagũkoa. Iri diaye aãrĩbirimakũ, musãrẽ irire werebiriboayo. ³ Musã aãrĩburore ãmu

odo, dupaturi aarigukoa musârê ããabu. Irasirirã musãde yu purogue yu merã ããrãrãkoa. ⁴ Musã yu waaburore, yu iroguue waaburi maarê masã, ãrĩmi Jesús.

⁵ Tomás ìgũrê ãrĩmi:

—Gua Opu, mu waaburore masĩbea. ¿Nasiri mu waaburi maarê gua masĩrãkuri?

⁶ Jesús ìgũrê ãrĩmi:

—Yu dita Yupu purogue waarĩ maa irirosũ ããrã. Yu diayema ããrĩrĩrê masakare masĩmakũ irigu, ìgũsãrê okamakũ irigu ããrã. Yu merãta Yupu purogue waarãkuma. ⁷ Musã yure masĩrã, Yupudere masĩboayo. Dapagora merã ìgũrê masĩsiãa. Ìgũrê ìãsiãa.

⁸ Ìgũ irasũ ãrĩmakũ, Felipe ìgũrê ãrĩmi:

—Gua Opu, Marĩpure ìmuka guare! Iropata gããmea gua.

⁹ Jesús ìgũrê ãrĩmi:

—Felipe, yu yoaripoe musã merã ããrĩkeremakũ, ¿yure masĩberi? Sugũ yure ìãgũno, Yupudere ìãmi. ¿Nasirigu mu yure: “Marĩpure ìmuka guare!” ãrĩrĩ? ¹⁰ ¿Yupu yuguere ããrĩrĩrê, irasũ ããrĩmakũ yu ìgũ merã ããrĩrĩrê buremuberi? Yu musârê weregu, yu gããmerõ werebea. Yupu yuguere ããrĩgũ yu merã iri ìmugũ yãmi. ¹¹ Yu musârê: “Yupu yuguere ããrĩmi, irasũ ããrĩmakũ yu ìgũ merã ããrã”, ãrĩ wererire: “Diayeta ããrã”, ãrĩ buremuka! Musã yu wererire pédero puru buremumerã, Yupu turari merã yu iri ìmurĩ gapure gũñaka! Irire gũñarã, yu wereridere buremuka! ¹² Diayeta musârê werea. Yure buremugũ, yu iriderosũta irigukumi. Yu, Yupu purogue waabu yãa. Yu waamakũ, yure buremugũ yu nemorõ wãri Yupu turari merã iri ìmurĩrê irigukumi. ¹³ Musã yure buremumakũ, ããrĩpereri musã yu wãĩ merã yure sêrêrĩrê pégukoa. Irasirigu musã yure sêrêrõsũta irigukoa. Yu irasiriri merã musârê Yupu turagu ããrĩrĩrê masĩmakũ irigukoa. ¹⁴ Musã yu wãĩ merã yure sêrêrõsũta irigukoa.

Jesús: “Õãgũ deyomarìgũrê musârê iriugũra”, ãrĩ werede

¹⁵ Musã yure maĩrã, yu dorerire irirãkoa. ¹⁶ Yupure musãya ããrĩburire sêrêbosagukoa. Irasirimakũ, Yupu gajigũre iriugukumi, musârê iritamuburo, ãrìgũ. Ìgũ iriubu musã merã ããrĩnikõãgukumi. ¹⁷ Ìgũ Õãgũ deyomarìgũ musârê diayemarê masĩmakũ irigu ããrĩmi. I ùmu marã yure buremumerã gapu ìgũrê masĩbema. Irasirirã ìgũrê bokatĩrĩñeãmasĩbema. Ìgũ musã merã ããrĩmi. Irasũ ããrĩmakũ, musãguere ããrĩnikõãgukumi. Irasirirã ìgũrê masĩa. ¹⁸ Yu musârê béowãgãbirikoa. Musã merãta ããrìgũ aarigukoa doja. ¹⁹ Mérõgã duyãa yu waaburo. Yu waadero puru, i ùmu marã yure buremumerã neõ ìãbirikuma. Musã gapu yure ìãrãkoa. Yu okãa. Irasirirã musãde okarãkoa. ²⁰ Yu aariburinurê yu, Yupu merã sugũta ããrĩrĩrê masĩrãkoa. Irasũ ããrĩmakũ, musã yu merã ããrĩrĩrê, yu musãguere ããrĩrĩrê masĩrãkoa. ²¹ Yu dorerire masìgũ irire irigu yure maìgũta ããrĩmi. Yupu yure maìgũrê maìgukumi. Yude ìgũrê maìgukoa. Ìgũrê yaamarê õãrõ masĩmakũ irigukoa, ãrĩmi Jesús.

²² Ìgũ irasũ ãrĩmakũ, gajigu Judas wãikũgu Jesure sêrêñami. Judas Iscariote meta ããrĩmi.

—Gua Opu, ¿nasirigu gua ditare mu ããrĩrikurire masĩmakũ irigukuri? ¿Nasirigu i ùmu marã gapure irire masĩmakũ iribirikuri?

²³ Jesús ìgũrê ãrĩmi:

—Yure maìgũ yu dorerire irigukumi. Yupu ìgũrê maìgukumi. Yupu, irasũ ããrĩmakũ yu ìgũ merã ããrĩrã aarirãkoa. ²⁴ Yure maìbi gapu yu dorerire iribemi. Yu musârê wereri, yaa werenĩrĩ ããrĩbea. Yupu yure iriudiya gapu werenĩrĩ ããrã.

²⁵ Yu musã merã ããrìgũ, i ããrĩpererire musârê werea. ²⁶ Yu sêrêmakũ, Yupu Õãgũ deyomarìgũrê musãguere iriugukumi. Irasirigu Õãgũ deyomarìgũ musârê iritamubu ããrĩsĩã, ããrĩpererire buegukumi. ããrĩpereri yu musârê weredeare gũñamakũ irigukumi.

²⁷ Yu musârê siñajãrĩ merã ããrĩmakũ irigukoa. Yu siñajãrĩ merã ããrìgũ irirosũ musãdere siñajãrĩ merã ããrĩmakũ irigukoa. Yu musârê siñajãrĩ merã ããrĩmakũ iriri, i ùmuma irirosũ ããrĩbea. Buro gũñariku, guibirikõãka! ²⁸ Yu musârê: “Waa, dupaturi musã merãta ããrìgũ

aarigukoa doja”, āri weremakū pébu musā. Yurū yu nemorō āārīmi. Irasirirā īgū purogue yu waaburire pédero puru, musā yure diaye maīrā, usuyari merā āārīboayo. ²⁹ Yu musārē ire wereyugu iriabu. Irasirirā ire keoro waamakū, yu musārē weredeare: “Diayeta guare weremi”, āri buremurākoa.

³⁰ I ūmu marārē doregu ñegū āārīmi. Īgū aaribu yāmi. Irasirigu yu musārē mérōgā wereninemogura. Īgū yure neō doremasībemi. ³¹ Yu, Yurū gapure maīa. Irasirigu īgū yure doreri gapure yāa, yu īgūrē maīrīrē i ūmu marārē masīburo, ārīgū. Wāgānugāka! Náka waarā! ārīmi Jesús.

15

Jesús iguida keori merā werede

¹ Jesús keori merā guare āsū āri weremi:

—Yu diayeta iguida irirosū āārā. Yurū iridare koregu irirosū āārīmi. ² Yaarā iridama dūpuri irirosū āārīma. Yurū iguidare koregu duka marīrī dūpuri ditibéogu irirosū yāmi. Gaji dukakuri dūpuri gapure ditiwea āmugū irirosū yāmi dukakunemoburo, ārīgū. ³ Musā yu weredeare buremurā āārā. Irasirigu Yurū musārē ñerī opamerā āārīmakū irisiami. ⁴ Yu merā ōārō āārīka! Irasirigu musāguere ōārō āārīnikōāgukoa. Su iguidama dūpuri iridaguere marīrō iri dūpuri seyaro dukakubirikoa. I irirosūta yu merā ōārō āārīmerā neō ōārī duka sībiri dūpuri irirosū āārīma.

⁵ Yu iguida irirosū āārā. Musā yaarā iridama dūpuri irirosū āārā. Yu merā ōārō āārīnīrāno, yude īgūsāguere ōārō āārīnīmakū, īgūsā ōārō dukakuri dūpuri irirosū āārīma. Musā yu merā ōārō āārīmerā, ōārīrē neō irimasībea. ⁶ Yu merā ōārō āārīmerā ditibéodea dūpuri bojegue ñaī oyanīrī dūpuri sea, peamegue soebéoro irirosū āārīrākuma.

⁷ Musā yu merā ōārō āārīnīrā, yu buerire kātīmerā, musā gāāmerīnorē Yurū: “Sīka!” āri sērēmakū, sīgukumi. ⁸ Musā wāri ōārī dukakuri dūpuri irirosū āārīmakū īārā, gajirā masaka Yurū: “Ōātarigu āārīmi”, āri masīrākuma. Irasirirā musā wāri ōārī irirā, diayeta yu buerā āārīrīrē gajirārē masīmakū yāa. ⁹ Yurū yure maīrōsūta yude musārē maīa. Irasirirā yu musārē maīgū merā āārīnīka, yu maīrīrē masīmurā! ¹⁰ Yu, Yurū yure maīgū dorerire irigu, īgū merā ōārō āārīnikōāa. Irasūta musāde yu dorerire irirā, yu musārē maīgū merā ōārō āārīnikōāa.

¹¹ Ire musārē werea musā yu merā usuyaburo, ārīgū. Irasirirā usuyari opatarirākoa. ¹² Yu doreri āsū ārā. Yu musārē maīrōsūta gāme maīka! ¹³ Sugū masakū īgū merāmarārē boabosagu, gajirā nemorō īgūsārē maīmi. ¹⁴ Musā yu dorerire irirā yu merāmarā āārā. ¹⁵ Dapagorare yu musārē: “Yure moāboerā āārā”, ārībirikoa. Moāboerā īgūsā opu iririre masībirikuma. Yu gapu Yurū yure weredeare musārē werepeobu. Irasirigu musārē: “Yu merāmarā”, ārā. ¹⁶ Musā yure beyebiribu. Yu gapu musārē beyebu wāri ōārīrē irirā waaburo, ārīgū. Musā ōārī iriri, ōārī duka neō boabiri irirosū āārā. Irasirirā musā yure buremumakū, Yurū musā yu wāi merā īgūrē sērērōsūta musārē sīgukumi. ¹⁷ Yu musārē dorea. Musā basi gāme maīka!

I ūmu marā Jesúre, īgūyarārē iāturiburire werede

¹⁸ I ūmu marā musārē iāturimakū īārā, yure iāturipurorideare masīka! ¹⁹ Musā diayeta i ūmu marā āārīmakū, īgūsā merāmarārē maīrōsūta musādere maībukuma. Yu musārē i ūmu marā watopegue āārīrārē beyebu. Irasirirā i ūmu marāgora āārībea. Musā īgūsā irirosū āārībirimakū īārā, i ūmu marā musārē iāturima. ²⁰ Yu musārē ārīdeare gūñaka! “Neō sugū moāboerimasū, īgū opu nemorō āārībirikumi”, ārību. Īgūsā yure ñerō irirā, musādere ñerō irirākuma. Yu buerire pérā, musā bueridere pérākuma. ²¹ I ūmu marā yure iriudire masībema. Irasirirā musā yure buremumakū īārā, musārē āārīpereri ñerī irirākuma.

²² Yu īgūsārē weregu aaribirimakū, neō ñerī iridea wajare opabiribukuma. Dapagorare yu īgūsārē weredero puru: “Ñerī iridea wajare opabea gu”, ārīmasībema. ²³ Yure

ĩaturigu Yũpũdere ĩaturimi. ²⁴ Yũ, Yũpũ turari merã iri ĩmugũ, gajirã neõ iribirideare iribũ. Yũ ĩgũ turari merã iri ĩmubirimakũ, neõ waja opabiribukuma. ĩgũsã yũ iri ĩmurĩrẽ ĩãma. Irire ĩãdero pũrũ, yũre, Yũpũdere ĩaturima. ²⁵ I ĩaturiri, Marĩpũya werenĩrĩ gojadea pũgue gojaderosũta keoro waaró yãa. Āsũ ãrĩ gojasũdero ããrĩbũ: “ĩgũsã yũre: ‘Ñerõ yãmi’, ãrĩmasĩbirikererã, ĩaturima”, ãrĩ gojasũdero ããrĩbũ.

²⁶ ’Õãgũ deyomarĩgũ, mũsãrẽ iritamugũ aarigũkumi. ĩgũ mũsãrẽ diayema ããrĩrĩrẽ masĩmakũ irigũkumi. Yũ ĩgũrẽ Yũpũ merã ããrĩgũrẽ mũsãrẽ iriugũkoa. ĩgũ yaamarẽ weregũkumi mũsãrẽ. ²⁷ Yũ mũsãrẽ buepũrorimakũgueta yũ merã ããrĩbũ. Irasirirã mũsãde yaamarẽ wererãkoa, ãrĩmi Jesũs.

16

¹ Jesũs gũare ãsũ ãrĩnemomi doja:

—Yũ mũsãrẽ irire wereabũ, yũre piribirikõãburo, ãrĩgũ. ² Judío masaka ĩgũsã nerẽrĩ wi-irigue mũsã ããrãnerãrẽ bẽowĩurãkuma. Gajipoe gajirã mũsãrẽ wẽjẽrã: “Marĩpũ gããmerĩrẽ yãa”, ãrĩ gũñarãkuma. ³ Yũre, Yũpũdere masĩmerã ããrĩsĩã, irasirirãkuma. ⁴ Yũ irire werea mũsã, ĩgũsã irasirimakũ ĩãrã: “Jesũs gũare irireta weremi”, ãrĩ gũñaburo, ãrĩgũ.

Jesũs, ’Õãgũ deyomarĩgũ irimarẽ weredea

’Yũ neõgorague mũsã merã ããrĩsĩã, ire werebiribũ. ⁵ Dapagorare yũre iriudi pũrogue waagũkoa. Yũ mũsãrẽ ire werekeremakũ, neõ sugũ yũre: “¿Noógue waagũkuri?” ãrĩ sãrẽñabea. ⁶ Irasirirã yũ waaburire weremakũ pãrã, yũ waaburo gapũre sãrẽñabirisĩã, bũro bujawereri merã ããrã. ⁷ Diayeta mũsãrẽ werea. Yũ waadero pũrũ, õãrokoa mũsãrẽ. Yũ waabirimakũ, ’Õãgũ deyomarĩgũ mũsãrẽ iritamubu aaribiribukumi. Yũ irogue waagũ, ĩgũrẽ mũsãrẽ iriugũkoa, mũsã merã ããrĩnikõãburo, ãrĩgũ. ⁸ ĩgũ aarigũ, i ãmũ marãrẽ ĩgũsã ñerõ irirã ããrĩrĩrẽ, yũ diayema irigu ããrĩrĩrẽ, ĩgũsã ñerõ iridea waja Marĩpũ ĩgũsãrẽ wajamoãburire masĩmakũ irigũkumi. ⁹ ĩgũsã yũre bũremubirisĩã, ñerã ããrĩma. ¹⁰ Yũ, Yũpũ pũrogue waamakũ, mũsã yũre ĩãnemobirikoa. Yũ irogue waamakũ, ’Õãgũ deyomarĩgũ aarigũkumi, i ãmũ marãrẽ yũ diayema irigu ããrĩrĩrẽ masĩmakũ iribu. ¹¹ I ãmũ marãrẽ doregũ ñegũ ĩgũsãrẽ ñerĩ iridoreri waja, Yũpũ ĩgũrẽ wajamoãdoresiami. Irasirigu ’Õãgũ deyomarĩgũ aarigũ, ĩgũsãrẽ Yũpũ ĩgũrẽ wajamoãdoredeare masĩmakũ irigũkumi.

¹² ’Wãri ããrã mũsãrẽ yũ wereburi. Dapagorare yũ ire weremakũ, mũsã pãmasĩbiribukoa. ¹³ ’Õãgũ deyomarĩgũ gapũ aarigũkumi. ĩgũ mũsãrẽ diayema ããrĩrĩrẽ masĩmakũ irigũkumi. Irasirigu mũsãrẽ i ããrĩpererire buegũkumi. ĩgũ gããmerõ werebirikumi. Yũpũ ĩgũrẽ weredorerire, pũrugue waaburidere mũsãrẽ weregũkumi. ¹⁴ Yũ ĩgũrẽ wererire pãdeare mũsãrẽ masĩmakũ irigu, yũ õãrõ ããrĩrĩrẽ masĩmakũ irigũkumi. ¹⁵ ããrĩpereri Yũpũ opari, yaa ããrã. Irasirigu yũ mũsãrẽ: “’Õãgũ deyomarĩgũ mũsãrẽ yaamarẽ masĩmakũ irigũkumi”, ãrãbũ.

Bũjawerenerã, mũsãyari merã ããrĩburire weredea

¹⁶ ’Mérõgã pũrũ mũsã yũre ĩãnemobirikoa. Yoaweyaripoe pũrũ yũre ĩãrãkoa doja. I Yũpũ pũrogue waadero pũrũ, irasũ waarokoa, ãrĩmi.

¹⁷ ĩgũ irasũ ãrĩmakũ pãrã, gũa surãyeri ãsũ ãrĩ gãme werenĩbũ:

—¿Naásũ ãrĩdũaro irikuri ĩgũ irasũ ãrĩrĩ? ĩgũ marĩrẽ: “Mérõgã pũrũ mũsã yũre ĩãnemobirikoa. Yoaweyaripoe pũrũ yũre ĩãrãkoa doja”. Ire ãrĩ odo: “I Yũpũ pũrogue waadero pũrũ, irasũ waarokoa”, ãrĩmi. ¹⁸ ĩgũ marĩrẽ: “Mérõgã pũrũ”, ãrĩmakũ, ¿naásũ ãrĩdũaro irikuri? ĩgũ irasũ ãrĩrĩrẽ marĩ pãmasĩbea, ãrĩbũ.

¹⁹ Jesũs ĩgũrẽ gũa sãrẽñadũarire masĩkõãmi. Irasirigu gũare ãrĩmi:

—Yũ mũsãrẽ: “Mérõgã pũrũ mũsã yũre ĩãnemobirikoa. Yoaweyaripoe pũrũ yũre ĩãrãkoa doja”, ¿ãrĩ wererire gãme sãrẽñarã yãri? ²⁰ Diayeta mũsãrẽ werea. Yũ boamakũ ĩãrã, bũro

bujawereri merã orerãkoa. I ùmu marã yure buremumerã gapu usuyari merã ããrĩrãkuma. Musã bujawererã, puru usuyarãkoa. ²¹ Æsũ ããrã. Nomeo majĩgũ kũaburo dupiyurogã, igore pũrĩrĩrẽ bujawereri merã gũñakumo. Majĩgũgã deyoadore iãgõ, usuyakumo. Igore pũrĩadeare gũñanemobirikumo. ²² Musãde irasũta dapagorare bujawereri merã ããrã. Puru yu musãrẽ dupaturi iãgũ aarigũkoa. Yu irasirimakũ iãrã, musã usuyari opatarirãkoa. Musã irasũ usuyari merã ããrĩmakũ, gajirã musãrẽ bujaweremakũ irimasĩbirikuma.

²³ Irinurẽ yure neo sërẽñabiriko. Diayeta musãrẽ werea. Musã yure buremumakũ iãgũ, Yurũ ããrĩpereri musã yu wãĩ merã ãgũrẽ sërẽrĩrẽ pégũ, musã sërẽrõsũta sīgũkumi. ²⁴ Iro dupiyurogue musã yu wãĩ merã Yurũre neo sërẽbiribu. Dapagorare yu wãĩ merã ãgũrẽ sërẽka! Musã irasũ sërẽmakũ, musã sërẽrõsũta sīgũkumi. Irasirirã usuyari opatarirãkoa.

Jesús i ùmu marã ñerãrẽ tarinũgãdeare weredea

²⁵ Yu keori merã musãrẽ wereabu. Puru keori merã werebiriko. Irasirirã, Yurũyamarẽ yu wererire õãrõ pemasĩrãkoa. ²⁶ Musã Yurũyamarẽ õãrõ pemasĩrinurẽ yu wãĩ merã ãgũrẽ sërẽrãkoa. Irasũ ãrĩgũ: “Musãya ããrĩburire yu ãgũrẽ sërẽbosagũkoa”, ãrĩgũ meta yãa. ²⁷ Yurũ musãrẽ maĩmi. Irasirirã musã yu wãĩ merã musã basi ãgũrẽ sërẽrãkoa. Musã yure maĩa. Irasũ ããrĩmakũ musã yure: “Marĩpu purogue ããrĩdi, ãgũ iriudi ããrã”, ãrĩ buremua. ²⁸ Yu, Yurũ purogue ããrĩdi, i ùmũguere aaribũ. Dapagorare i ùmũgue ããrĩdi, Yurũ purogue waagũkoa doja, ãrĩmi Jesús.

²⁹ ãgũ irasũ ãrĩmakũ pérã, gũa ãgũ buerã ãgũrẽ ãrĩbu:

—Dapagorare keori merã mu gũare werebea. Irasirirã mu wererire pemasĩa.

³⁰ Dapagorare gũa masĩa. Mu ããrĩpererire masĩpeokõãa. Gajirã murẽ sërẽñabirikeremakũ, ãgũsã gũñarĩgue sërẽñaduarire mu masĩa. Irasirirã: “Marĩpu purogue ããrĩdi, ãgũ iriudi ããrã”, ãrĩ buremua, ãrĩbu.

³¹ Jesús gũare ãrĩmi:

—¿Dapagorare buremurĩ? ³² Mérõgã dũyãa, musã yure béowãgãburo. Musãya wiirigue waasiri, yure suguta dujamakũ irirãkoa. Musã irasirikeremakũ, Yurũ gapu yu merã ããrĩmi. Irasirigũ yu suguta ããrĩbea. ³³ Musã yu merã õãrõ siñajãrĩ opaburo, ãrĩgũ, musãrẽ i ããrĩpererire wereabu. Musã i ùmũgue ããrĩripoe i ùmu marã musãrẽ ñerõ tarimakũ irirãkuma. ãgũsã irasirikeremakũ, yu merã gũñaturaka! Yu i ùmu marã ñerãrẽ tarinũgãdigue ããrã. Irasirirã yu merã gũñatura usuyaka! ãrĩmi Jesús.

17

Jesús ãgũ buerãya ããrĩburire Marĩpũre sërẽbosadea

¹ Jesús irasũ ãrĩ odo, ùmũgasigue ããmu, ãgũ Pagũre ãsũ ãrĩmi:

—Au, dapagorare mu ãrĩderosũta yure waaburi ejasiãa. Irasirigũ masakare yu mu magũ, mu iriudi ããrĩrĩrẽ ãmuka! Mu irasirimakũ, yu mu turagu, mu õãgũ ããrĩrĩrẽ ãgũsãrẽ ãmũgũkoa. ² Mu yure masaka ããrĩpererãrẽ doregu píbu, mu yure sĩnerãrẽ ùmũgasigue perebiri okari opamakũ iridoregu. ³ Masaka mu diayeta Marĩpu sugũ ããrĩgũ ããrĩrĩrẽ, irasũ ããrĩmakũ yu Jesucristo mu iriudi ããrĩrĩrẽ masĩrã, ùmũgasigue perebiri okari opamurã ããrĩma.

⁴ I ùmũguere mu yure iridoredeare yu iriyuwarikũbu. Irasirigũ i ùmu marãrẽ mu turagu, õãgũ ããrĩrĩrẽ ãmubu. ⁵ Au, mu i ùmurẽ iriburo dupiyuro yu mu merã õãrõ ããrĩbu. Mu ããrĩrikũrere opabu. Irasirigũ dapagorare mu ããrĩrõgue yu mu merã õãrõ ããrĩmakũ murãrõta irika!

⁶ Mu yure sĩnerãrẽ i ùmu marã watope ããrĩrãrẽ beyenerãrẽ mu ããrĩrikũrere masĩmakũ iribu. Mu yure sĩnerã mũyarã ããrĩma. Mu dorerire irima. ⁷ Dapagorare masĩma. ããrĩpereri yu opari, mu yure sĩdea ããrã. ⁸ Mu yure weredoredeare ãgũsãrẽ werebu. Yu wererire pérã, buremuma. Yu diayeta mu purõ ããrĩdi ããrĩrĩrẽ masĩma. Yu mu iriudi ããrĩrĩrẽ: “Diayeta ããrã”, ãrĩ buremuma.

⁹ Y_H ĩgūsāya āārĩburire sērēbosáa. Gajirā i ũm_H marā y_Hre b_Hremumerāya āārĩburi gap_Hre sērēbosabea. Y_Hre b_Hremurā m_H y_Hre sīnerā m_Hy_Harā āārĩma. Irasirig_H ĩgūsāya āārĩburire sērēbosáa. ¹⁰ Āārĩpererā yaarā, m_Hy_Harā āārĩma. Irasirirā m_Hy_Harāde, yaarā āārĩma. ĩgūsā yaarā āārĩsīā, y_H oārō āārĩrikurire masakare masĩmakū yāma.

¹¹ Y_H i ũm_Hguere dujabiriko. M_H y_Hre sīnerā gap_H i ũm_Hguere dujarākuma. A_H, m_H oāgū āārā. M_H wāi merā m_H turari merā ĩgūsārē koreka, marĩ sug_H āārĩnĩrōsūta ĩgūsāde suro merā āārĩnĩkōāburo, ārĩgū. ¹² Y_H i ũm_Hguere m_H y_Hre sīnerā merā āārĩgú, m_H turari merā ĩgūsārē oārō koreb_H. Neō sug_H dederibirima. Sug_Hta peamegue waadederibu āārĩmi. M_Hya werenĩrĩ gojadea pūgue ārĩderosūta iri irasū waab_H.

¹³ Dapagorare y_H m_H p_Hrogue waabu yāa. Y_H waaburi dupiyuro i ũm_Hgue āārĩgú i āārĩpererire y_Hre b_Hremurārē werea, ĩgūsāde y_H irirosūta m_Hy_Hari opatariburo, ārĩgū. ¹⁴ M_Hya kerere ĩgūsārē wereb_H. Y_H i ũm_Hm_H āārĩbea. Irasirirā y_Hre b_Hremurāde i ũm_H marā irirosū āārĩbema. Irasirirā i ũm_H marā y_Hre ĩāturirosūta y_Hre b_Hremurādere ĩāturima. ¹⁵ Y_H m_Hrē: “Y_Hre b_Hremurārē i ũm_Hrē āāka!” ārĩ sērēbea. Āsū gap_H ārĩ sērēa. ĩgūsārē oārō koreka, wātĩ ñerĩ iridorerire pébirikōāburo, ārĩgū! ¹⁶ Y_H i ũm_Hm_H āārĩbea. Irasirirā y_Hre b_Hremurāde i ũm_H marā irirosū āārĩbema. ¹⁷ M_Hya kere diayema āārā. Irasirig_H iri merā ĩgūsārē m_H dorerire irirā āārĩmakū irika! ¹⁸ M_H y_Hre m_Hya kerere i ũm_H marārē weredoreg_H iriuderōsūta y_Hre b_Hremurārē m_Hya kerere i ũm_H marārē weredoreg_H iriua. ¹⁹ ĩgūsāya āārĩburire m_H dorerire irig_H yāa, ĩgūsāde diayeta m_H dorerire iriburo, ārĩgū.

²⁰ Y_H ĩgūsāya āārĩburi ditare sērēbosabea. ĩgūsā m_Hya kere wererire pérā, gajirāde y_Hre b_Hremurākuma. Irasirig_H y_H ĩgūsāya āārĩburidere sērēbosáa. ²¹ Y_H irire sērēbosáa, y_Hre b_Hremurā āārĩpererā suro merā āārĩburo, ārĩgū. A_H, m_H y_Hguere oārō āārā. Y_H m_H merā āārā. Irasirirā marĩ āārĩrōsūta ĩgūsā marĩ merā oārō āārĩburo. ĩgūsārē suro merā āārĩmakū irika, i ũm_H marā y_H m_H iriudi āārĩrĩrē b_Hremuburo, ārĩgū! ²² M_H āārĩrikurire y_Hre sīb_H. Irasirig_H ĩgūsārē y_H irirosū āārĩrikumakū irib_H, y_H m_H merā sug_H āārĩrōsūta ĩgūsāde suro merā āārĩburo, ārĩgū. ²³ Y_H ĩgūsāguere āārā. M_H y_Hguere āārā. Marĩ ĩgūsā merā āārā, ĩgūsā diayeta suro merā āārĩburo, ārĩrā. ĩgūsā suro merā āārĩmakū ĩārā, i ũm_H marā y_H m_H iriudi āārĩrĩrē, m_H y_Hre maĩrōsūta y_Hre b_Hremurārē maĩrĩrē masĩrākuma.

²⁴ A_H, m_H i ũm_Hrē iriburo dupiyuro y_Hre maĩb_H. Irasirig_H m_H āārĩrikurire y_Hre sīb_H. Y_Hre m_H sīnerārē y_H āārĩburogue y_H merā āārĩmakū gāāmea m_H y_Hre āārĩrikurĩ sīdeare masīburo, ārĩgū. ²⁵ A_H, m_H keoro irig_H āārā. I ũm_H marā y_Hre b_Hremumerā m_Hrē masībema. Y_H gap_H m_Hrē masīa. Y_Hre b_Hremurā y_H m_H iriudi āārĩrĩrē masīma. ²⁶ M_H āārĩrikurire ĩgūsārē masĩmakū irib_H. Y_H ĩgūsāguere āārĩgú m_Hrē irasū masĩmakū irinĩkōāguko, m_H y_Hre maĩrōsūta ĩgūsāde gāme maĩburo, ārĩgū, ārĩmi Jesús.

18

Jesúre peresu ñeāwāgādea

(Mt 26.47-56; Mr 14.43-50; Lc 22.47-53)

¹ Jesús ĩgū Pagure sērē odoadero p_Hr_H, g_H ĩgū buerā merā Jerusalērē wiri, Cedrón wāikurĩ ũmayuridijari mārē taribuja, olivos wāikurĩ yuku otederogue waami. ² Iro dupiyuro wārĩ Jesús irogue g_Hare siiuwāgānami. Irasirig_H Judas Jesúre ĩāturirāguere ĩgūrē ĩmubu irore masĩmi. ³ Jesús g_H merā irogue ejadero p_Hr_H, Judas subu surara merā aarimí. Gajirā surara Marĩp_Hya wiire korerāde ĩgū merā aarimá. ĩgūsā paía oparā, fariseo bumarā iriunerā surara āārĩmá. ĩgūsā mojókurĩ merā, sīāgoriduparu, sīāgori tururi merā aarimá. ⁴ Jesús ĩgūrē waaburire masĩsiami. Irasirig_H, ĩgūsā ĩgū p_Hro ejarimakū, bokatĩrĩ sērēñami:

—¿Noārē āmarĩ m_Hsā?

⁵ ĩgūrē y_Hj_Hma:

—Jesús Nazaretmurē āmāa.

Jesús ĩgūsārē ārīmi:

—Īgūta āārā yu*.

Judas Jesúre wējēduarāguere ĩgūrē ĩmubu surara merā āārīmí. ⁶ Jesús: “Īgūta āārā yu”, ārīmakū pérā, duusirimawāgā, yebague meémejakōāma. ⁷ Jesús ĩgūsārē dupaturi sērēñami doja:

—¿Noārē āmarī musā?

Īgūrē yujuma:

—Jesús Nazaretmurē āmāa.

⁸ Jesús ĩgūsārē ārīmi:

—Yu musārē: “Yu ĩgūta āārā”, ārī weresiabu. Yure āmarā, ĩsā yu merāmarārē waadoreka!

⁹ Īgū: “Yuru yure sīnerārē neō sugure dedeubiribu”, ārīdeare keoro waaburo, ārīgū, irire irasū ārīmi. ¹⁰ Īgūsā Jesúre ñeāmurā irimakū ĩāgū, Simón Pedro sareri majīrē opagu tūāwea āī, paía opure moāboegure Malco wāikugure diaye garuma gāmpūrē dítitá dijukōāmi.

¹¹ Jesús garu Pedrorē ārīmi:

—Muya sareri majīrē duripíka! Yuru yure ñerō taridorederosūta ñerō tarigura, ārīmi.

Jesúre paía opu prerogative āīdea

(Mt 26.57-58; Mr 14.53-54; Lc 22.54; Jn 11.49-50)

¹² Īgū irasū ārīmakū, surara, ĩgūsā opu, Marīpuya wiire korerā surara Jesúre ñeā, suama. ¹³ Sua odo, ĩgūrē Anás wāikuguya wiigüe āiwāgāpuroroma. Anás, Caifás wāikugu máñekū āārīmí. Caifás iri bojore paía opu āārīmí. ¹⁴ Īgūta iro dupiyuro judío masaka oparārē: “Suguta masakū marī judío masakaya āārīburire boabosamakū oārokoa”, ārīdi āārīmí.

Pedro Jesúre masīkeregu: “Masībea”, ārīdea

(Mt 26.69-70; Mr 14.66-68; Lc 22.55-57)

¹⁵ Īgūsā Jesúre āīāmakū, yu, Simón Pedro merā Jesúre yoaweyarogue ĩātuyabu. Paía opu yure masīmi. Irasirigu yu Jesúre ĩātuyawāgā, paía opuya wii makāpuroroma yebague ñajābu. ¹⁶ Pedro garu iri wii turo ñajāri makāperogüe dujanugāmi. Īgū iro dujanugāmakū ĩāgū, yu iri makāpuro korego merā werení, Pedrorē siiu ñajābu. ¹⁷ Īgū ñajāmakū, makāpuro korego Pedrorē sērēñamo:

—¿Mu sī buerā merāmu āārīberi?

Pedro igore ārīmi:

—Āārībea yu.

¹⁸ Yusa gorabu. Irasirirā iri wii moāboerimasā, surara merā ĩgūsā peame diudeame turo sūma níma. Pedrorē ĩgūsā pūrota sūma ními.

Paía opu Jesúre sērēñadea

(Mt 26.59-66; Mr 14.55-64; Lc 22.66-71)

¹⁹ Paía opu Anás Jesúre sērēñayuru:

—¿Noā āārīrī mu buerā? ¿Ñeonorē ĩgūsārē bueri? ārīyuru. ²⁰ Jesús ĩgūrē yujayuru:

—Yu āārīpererā péurogue buebu. Marī judío masaka nerērī wiirigüe, irasū āārīmakū Marīpuya wiiguedere masaka nerērōgue buebu. Gajirogue durisīā, neō buebiribu.

²¹ ¿Nasirigu yure sērēñari? Yu buerire sērēñaduagu, yure pénerārē sērēñaka! Īgūsā yu wereare masīma, ārīyuru.

* **18:5** Exodo 3.13-15: Iripoegue Moisés Marīpūre sērēñadi āārīmí: “Israel bumarā yure: ‘¿Mu iriudi wāi naāsū āārīrī?’ ārī sērēñamakū, ¿naāsū ārī werēgukuri?’” Marīpū ĩgūrē āsū ārīdi āārīmí: “Yu wāi ‘YO SOY EL QUE SOY’ āārā. Irasirigu Israel bumarārē āsū ārī wereka: ‘YO SOY yure musāguere weredoregu iriumi’, ārīka!” ārīdi āārīmí. “YO SOY EL QUE SOY”, ārīrō: “Yu āārīnīgūta āārā, o ĩgūta āārā yu”, ārīduaro yāa.

²² Īgũ irasũ ārĩmakũ pégu, Marĩpaya wii koregu surara ĩgũ mojõ merã Jesúya diapure pá, ĩgũrẽ ārĩyupũ:

—¿Nasirigu irasũ yujuri paía opure? Irasũ ārĩbita ĩgũrẽ!

²³ Jesús ĩgũrẽ yujuyupũ:

—Yũ ñerõ werenĩmakũ: “Ñeéno werenía”, ārĩka yure! Yũ diayema gapure keoro weremakũ, ¿nasirigu yure pári?

²⁴ Jesús irasũ ārãdero purũ, Anás ĩgũrẽ ĩgũsã suadire paía opu Caifás purogue iriuyupũ.

Pedro Jesúre masĩkeregu, dupaturi: “Masĩbea”, ārĩdea

(Mt 26.71-75; Mr 14.69-72; Lc 22.58-62)

²⁵ Irasiriripoe Simón Pedro peame turota sũma níkõãmakũ ĩārã, iro ãārĩrã ĩgũrẽ sērẽñama:

—¿Mũ sũ buerã merãmũ meta ãārĩrĩ?

Pedro ĩgũsãrẽ ārĩmi:

—Ãārĩbea yũ.

²⁶ Īgũ irasũ ārãdero purũ, sugũ paía opure moãboegu Pedro ĩgũya gãmipũ dítitadiyagu Pedrore ārĩmi:

—Yũ olivos otederogue mũ ĩgũ merã ãārĩmakũ ĩãbũ.

²⁷ Pedro dupaturi: “Ãārĩbea, ĩgũ merã ãārĩbirabũ”, ārĩmi. Irire ārĩripoeta, ãgãbo weremi.

Pilato Jesúre sērẽñadea

(Mt 27.1-2, 11-14; Mr 15.1-5; Lc 23.1-5)

²⁸ Purũ Jesúre Caifáya wii ãārãdire Pilato purogue ãĩãma. Boyoripoe ãārĩbũ. Pilato romanomũ judío masakare doregu ãārĩmĩ. Jesúre ĩgũ purogue ãĩārã, ĩgũya wiiguere ñajãbirima. “Marĩ judío masaka, ĩgũ judío masakũ ãārĩbiya wiiguere ñajãrã, marĩ dorerire tarinũgãbukoa. Irasirirã pascua bosenu baaburire baabiribukoa”, ārĩ gũñama. ²⁹ ĩgũsã ñajãbirimakũ ĩãgũ, Pilato ĩgũsã merã werenĩgũ wiririmi. ĩgũsãrẽ sērẽñami:

—¿Neénorẽ iriari ĩĩ, mũsã yure wajamoãdorerã aarimakũ?

³⁰ ĩgũsã Pilatore ārĩma:

—Ĩĩ ñerĩ iribirimakũ, mũrẽ wiarã aaribiriboakuyo.

³¹ ĩgũsã irasũ ārĩmakũ, Pilato ārĩmi:

—Ãĩaka! Mũsãrẽ doreri ārĩrõsũta mũsã basi ĩgũrẽ wajamoãka!

Ĩgũsã ĩgũrẽ ārĩma:

—Gua judío masaka sugure mũ guare: “Wějẽka!” ārĩrõ marĩrõ wějẽmasĩbea.

³² ĩgũsã irire irasũ ārĩrã, Jesúre ĩgũ curusague boaburire iro dupiyuro weredeia keoro waamakũ irima†. ³³ ĩgũsã irasũ ārĩmakũ pégu, Pilato wiigüe gãmenũgã ñajãa, Jesúre siiu, sērẽñayupũ:

—¿Mũta judío masaka Opũ ãārĩrĩ?

³⁴ Jesús ĩgũrẽ ārĩyupũ:

—¿Mũ basi gũñarõ merã yure irasũ sērẽñarĩ, o gajirã mũrẽ yaamarẽ wereari?

³⁵ Pilato ĩgũrẽ ārĩyupũ:

—Yũ judío masakũ meta ãārã. Mũya níkũ marã judío masaka, irasũ ãārĩmakũ paía oparã mũrẽ õõ yũ purogue ãĩjama. ¿Ñeénorẽ iriari mũ?

³⁶ Jesús ārĩyupũ:

—Yũ Opũ ãārĩrĩ, i ãmũma ãārĩbea. I ãmũma ãārĩmakũ, yaarã gãmekẽãbukuma, judío masaka yure ñeã, peresu iribirikõãburo, ārĩrã. Yũ Opũ ãārĩrĩ, gajiroguema ãārã.

³⁷ ĩgũ irasũ ārĩmakũ pégu, Pilato ĩgũrẽ ārĩyupũ:

—¿Mũ irasũ ārĩgũ: “Opũ ãārã”, ārĩrĩ?

† 18:32 Judío masaka sugũ ñerõ irigure ãtãyeri merã dea wějẽnerã ãārĩmã ĩgũrẽ wajamoãrã. Romano masaka gapũ ĩgũrẽ wajamoãrã, curusague pábiatũ wějẽnerã ãārĩmã.

Jesús ìgūrē ārīyupũ:

—Mũ ārīrōsũta Opũ āārā. Yũ deyoabũ i ũmũ marāguere diayemarē werebu. Āārīpererā diayema āārīrē pēdũarā, yũ wererire péma.

³⁸ Ĭgũ irasũ ārīmakũ, Pilato ìgūrē ārīyupũ:

—¿Néeno āārīrī diayema?

*Judío masaka Pilatore: “Jesúre wējēka!” ārī doredea
(Mt 27.15-31; Mr 15.6-20; Lc 23.13-25)*

Irasũ ārī odo, Pilato judío masaka oparā merā werenígũ wiriri, ìgūsārē ārīmi doja:

—Ĭrē neō ñerī iridea máa yũ ìāmakũ. ³⁹ Bojorikũ pascua bosenu āārīmakũ, musā irinarōsũta sugũ peresu āārīgūrē yũre wiudorea. ¿Musā judío masaka Opũre musārē wiumakũ gāāmekuri?

⁴⁰ Ĭgũ irasũ ārīmakũ pérā, ìgūsā gaguiníma:

—Ĭgūrē wiubirikōāka! Barrabás gapũre guare wiuka! ārīma. Barrabás yajarimasũ āārīmí.

19

¹ Ĭgūsā irasũ ārī gaguinímakũ pégu, Pilato ìgũyarā surarare Jesúre tārādoreyupũ. ² Jesúre tārā odo, pora bero iri, ìgũya dipurure peoñurā. Peo odo, opũya suríro irirosũ deyoriñe diiañiweyariñerē ìgūrē sãñurā. ³ Sã odo, ìgũ pũro ejanugã, ãsũ ārī buridañurā:

—Ōārō āārīburo judío masaka Opũ! ārīñurā, Irasũ ārīrãta, ìgūsãya mojōrī merā ìgũya diapure páñurā.

⁴ Pilato dupaturi masakare weregũ wiriri, ãsũ ārīmi:

—Ĭgūrē neō ñerī iridea máa yũ ìāmakũ. Irasirigũ musārē masīburo, ārīgũ, ìgūrē siiu wiugura musārē ìādoregu.

⁵ Irasũ ārī odo, Jesúre siiu wiumi. Irasirigũ, Jesús pora berore peyadi, opũya surírore sãñadi ìgũ wiririmakũ, Pilato masakare ārīmi:

—Ĭāka! Ĭita āārīmi ìgũ.

⁶ Paía oparā, Marīpũya wii korerā surara Jesúre ìārā, gaguinínugãma:

—Ĭgūrē curusague pábiatú wējēka! Curusague pábiatú wējēka! ārī gaguiníma.

Pilato ìgūsārē ārīmi:

—Yũ ìāmakũ, ìgūrē neō ñerī iridea máa. Irasirirā musā ìgūrē āiaka! Musā basita ìgūrē curusague pábiatú wējērā waaka!

⁷ Judío masaka oparā ìgūrē ārīma:

—Ĭgũ: “Yũ Marīpũ magũ āārā”, ārīmi. Guare doreri irasũ ārīgũnorē wējēdorea.

⁸ Ĭgūsā: “Ĭgũ: ‘Yũ Marīpũ magũ āārā’, ārīmi”, ārīmakũ pégu, Pilato ìgũ dupiyuro gũiadero nemorō gũimi. ⁹ Irasirigũ Jesúre dupaturi siiu ñajãa, sērēñayupũ doja:

—¿Noóũmũ āārīrī mũ? ārīyupũ.

Jesús gapũ ìgūrē neō yũjubiriyupũ.

¹⁰ Ĭgũ yũjubirimakũ ìāgũ, Pilato ìgūrē ārīyupũ:

—¿Nasirigũ yũre yũjuberi? Yũ yaarā surarare mũrē peresu āārīgūrē wiudoremakũ, mũrē wiurākuma, o ìgūsārē mũrē curusague pábiatú wējēdoremakũ, mũrē pábiatú wējērākuma. ¿Irire masīberi mũ?

¹¹ Jesús ìgūrē yũjuyupũ:

—Mũ yũre irasũ iridoreri, Yũpũ ũmũgasigue āārīgũ mũrē pídea āārā. Irasirigũ yũre mũguere wiadi, mũ nemorō waja opamí, ārīyupũ.

¹² Ĭgũ irasũ ārīmakũ pégu, Pilato Jesúre: “¿Nasiri wiugũkuri yũ ìgūrē?” ārī pémaádiyupũ. Ĭgūrē irasũ wiudũamakũ ìārā, judío masaka gapũ gaguiníma:

—M_u ĩgũrẽ wiugu, romano marã opu merãmu ããrĩbirikoa. Sugu: “Yu judío masaka opu ããrã”, ãrĩgũno romano marã opure marĩrẽ doregure béodugũ, ĩgũrẽ ĩaturigu yámi, ãrĩma.

¹³ ĩgũsã irasũ ãrĩmakũ pégu, Pilato Jesúre wiigue ããrĩgũrẽ ütã majĩrĩ merã ĩgũsã iridea yebague wiriridoremi. ĩgũ, masaka weresãrĩrẽ beyerimasũ doarogue eja doami. Iri ütã majĩrĩ merã ĩgũsã iridea yeba, hebreo ya merã Gabata wãikubũ. ¹⁴ Irasũ waarínũ, gũa pascua bosenũma baaburi ãmurĩnũ ããrĩbũ. Goeripoe dupiyuro ããrĩbũ. Pilato ĩgũ doarogue eja doa, judío masakare ãsũ ãrĩ weremi:

—Ĩta ããrĩmi mũsã Opũ.

¹⁵ ĩgũ irasũ ãrĩmakũ pérã, judío masaka gaguiníma:

—Boaburo ĩgũ. Boaburo. Curusague pábiatú wějẽka ĩgũrẽ! ãrĩma.

Pilato ĩgũsãrẽ ãrĩmi:

—¿Yu yaarã surarare mũsã Opure curusague pábiatú wějẽdoremakũ gããmerĩ mũsã?

Paía oparã ĩgũrẽ yũjũma:

—Gũa opu, romano marã opu ããrĩmi. Gajigu gũa opu mámi.

¹⁶ ĩgũsã irasũ ãrĩmakũ pégu, Pilato Jesúre ĩgũsãrẽ wiami, curusague pábiatú wějẽdoregu. Irasirirã ĩgũrẽ ãĩãkõãma.

Jesúre curusague pábiatú wějẽdea

(Mt 27.32-44; Mr 15.21-32; Lc 23.26-43)

¹⁷ Irasirigu Jesús curusare kõã, “Masakũ dipuru boaweadea pero” wãikurogue waami. Hebreo ya merã Gólgota wãikubũ. ¹⁸ Irogue eja, Jesúre curusague pábiatúma. Gajirã pẽrãrẽ pábiatúma. Sugure ĩgũ diaye gapũ, gajigure ĩgũ kúgapũ curusague pábiatú ãĩwãgũnúma. Jesúre ĩgũsã deko ãĩwãgũnúma. ¹⁹ Pilato taboa majĩrẽ ĩgũ gojadea majĩrẽ curusague Jesús dipuru weka pábiatúdoreyupũ. ãsũ ãrĩ gojasũdero ããrĩbũ: “Ĩ Jesús Nazaretmũ, judío masaka Opũ ããrĩmi”. ²⁰ Hebreo ya merã, latín ya merã, griego ya merã gojadea ããrĩbũ. Jesúre curusague ĩgũsã pábiatú ãĩwãgũnúdero, makã pũrogã ããrĩbũ. Irasirirã wárã judío masaka irogue aari, iri gojadeare ĩã buema. ²¹ Paía oparã judío masaka ããrĩsĩã, Pilato gojadeare gããmebirĩnũrã. Irasirirã ĩgũrẽ wererã waañurã. ãsũ ãrĩñurã:

—Mũ: “Ĩ judío masaka Opũ ããrĩmi”, ãrĩ gojadeare gorawayuka! ãsũ gapũ gojaka: “Ĩ: ‘Judío masaka opu ããrã’, ãrĩmi”, ãrĩ gojaka! ãrĩñurã.

²² Pilato gapũ ĩgũsãrẽ ãrĩyupũ:

—Yu gojadeare gorawayubirikoa, ãrĩyupũ.

²³ Jesúre curusague pábiatú ãĩwãgũnúaderõ pũrũ, wapikurã surara ĩgũya surĩ ããrãdeare sea, ĩgũsãkũ suñeno dita gãme dukawama. Suñe surĩro su gasirota suadea surĩro, eañeãña marĩrõ merã iridea gasiro ããrĩbũ. ²⁴ Iri surĩro irasũ ããrĩmakũ ĩãrã, gãme ãrĩ werenĩma:

—Ĩne surĩrore yeguebirikõãrã! Ubu ãrĩboka birarã! “¿Noãrẽ dujarokuri?” ãrĩma.

Ĩgũsã irasirimakũ, Marĩpũya werenĩrĩ gojadea pũgue gojaderosũta keoro waabũ. ãsũ ãrĩ gojasũdero ããrĩbũ: “Yaa surĩre: ‘¿Noãrẽ dujarokuri?’ ãrĩboka birarãkuma, irire gãme ĩgũsã basi dukawamurã”, ãrĩ gojasũdero ããrĩbũ. Iri pũgue gojaderosũta surara irasirima.

²⁵ Jesúya curusa pũro ĩgũ pago, igo tĩgõ, María Cleofas marãpo, María Magdalena níma.

²⁶ Jesús, ĩgũ pagore, irasũ ããrĩmakũ yũ ĩgũ maĩsũgũ igo pũro nímakũ ĩãgũ, igore ãrĩmi:

—Meõ, ĩ mũ magũ ããrĩmi.

²⁷ Irasũ ãrĩ odo, yure:

—Igo, mũpo ããrĩmo, ãrĩmi.

Irasirigu Jesús pagore yaa wiigue ãã opabũ.

Jesús boadea

(Mt 27.45-56; Mr 15.33-41; Lc 23.44-49)

²⁸ Jesús irasũ ãrĩ odo: “Ããrĩpereri Yũpũ yũre iridoregũ pĩdeare iripeo odosiáa”, ãrĩ masĩmi. Irasirigũ ãsũ ãrĩmi:

—Ñemesibukoa yũre. Irire ãrĩgũ, Marĩpũya werenĩrĩ gojadea pũgue gojadeare iriyuwarikumi.

²⁹ Irogue suru borewariru igui deko sũrĩ deko utũuduru ããrĩbũ. Irasirirã iro ããrĩrã Jesús irasũ ãrĩmakũ pérã, iri igui deko sũrĩ merã yurayũsu merã yosa, hisopo wãikũdima dũpũ yuwague sũatũ, Jesũya disire soemuũma. ³⁰ Jesús iri yurayũsu igui deko sũrĩ yosadeare mimimi. Mimi odo, ãsũ ãrĩmi:

—Ããrĩpereri iripeo odosiáa, ãrĩmi. Ire ãrĩgũta, ĩgũya dipurure mumusiudija, ĩgũya yũjũpũrãrẽ Marĩpũre wia, boakõãmi.

Surara Jesũre curusague boadire saredea

³¹ Jesús boarinũ gũa pascua bosenũma baaburire ãmurĩnũ ããrĩbũ. Gajinũ gapũ gũa judío masaka siñajãrĩnũ, irasũ ããrĩmakũ pascua bosenũ gũa iririnũ, ubu ããrĩrĩnũ meta ããrĩbũ. Irinũrẽ boanerã curusarigue ããrĩmakũ judío masaka oparã gããmebirima. Irasirirã Pilato pũroque ĩgũrẽ sãrẽrã waañurã: “Mũyarã surarare curusarigue pãbiatũsũnerãrẽ mata boaburo, ãrĩrã, ĩgũsãya ñigã gõãrĩrẽ pãnuadoreka! Pũrũ ĩgũsãya dũpũrere ãĩdiju, gajirogue pĩdoreka!” ãrĩñurã. ³² Irasirirã surara Jesús merã curusarigue pãbiatũsũnerãya ñigã gõãrĩrẽ pãnuama. Sugũre irasũ iripũrori, gajigũdere irasũta irima. ³³ Jesús pũro waa ejanũgãrã, boadiguere ĩãma. Irasirirã ĩgũya ñigã gõãrĩrẽ pãnuabirima.

³⁴ Sugũ surara ĩgũya sareri merã Jesũre ĩgũya arupãma doka saremi. ĩgũ saremakũ, mata ĩgũya dí, deko merã wiribũ. ³⁵ Yũ, i waamakũ ĩãbũ. Irasirigũ yũ i pũrẽ gojagũ, diayema ããrĩrĩrẽ mũsãrẽ werea. Yũ ire masĩa. Yũ ĩãdea diayeta waabũ. Yũ wereri diayeta ããrã. Irasirigũ mũsãrẽ irire werea, mũsãde Jesũre bũremuburo, ãrĩgũ. ³⁶ Surara Jesũya ñigã gõãrĩrẽ pãnuabirimakũ, Marĩpũya werenĩrĩ gojadea pũgue ãrĩderosũta waabũ. Iri pũgue ãsũ ãrĩ gojasũdero ããrĩbũ: “Ĩgũya gõãrĩrẽ, neõ su gõãrẽ pãnuabirima”, ãrĩ gojasũdero ããrĩbũ. ³⁷ Gajirogue Marĩpũya werenĩrĩ gojadea pũgue ãsũ ãrĩ gojasũdero ããrĩbũ: “Ĩgũsã saredire ĩãrãkuma”, ãrĩ gojasũdero ããrĩbũ.

José Jesũya dũpũre masãgobegue ãĩwãgã yáadea (Mt 27.57-61; Mr 15.42-47; Lc 23.50-56)

³⁸ Jesús boadero pũrũ, José Arimatea wãikũri makãmũ Pilatore Jesũya dũpũre sãrẽgũ waayupũ. José judío masaka oparãrẽ gũisã, Jesũre bũremugũ ããrĩrĩrẽ gajirãrẽ werebiridi ããrĩmĩ. Pilato ĩgũrẽ: “Jãu, ĩgũya dũpũre ãĩaka!” ãrĩmakũ, José curusa pũro waa, Jesũya dũpũre ãĩdijumi. ³⁹ Nicodemode wãri sũrõrĩrẽ treinta kilo nakũrĩrẽ ãĩjami, Jesũya dũpũre õãrõ ãmubu. ĩgũ iro dupiyuro ñami merã Jesũre werenĩgũ ejadi ããrĩmĩ. ĩgũ ãĩdea: mirra wãikũri sũrõrĩ, áloes wãikũri sũrõrĩ merã morẽdea ããrĩyuro. ⁴⁰ Irasirirã ĩgũsã pérã Jesũya dũpũre iri sũrõrĩ merã piupeo, õãrĩ surĩ gasiri merã õmama. Judío masaka ĩgũsã boanerãya dũpũre yáaburi dupiyuro ãmunaderosũta irima. ⁴¹ Jesũre curusague pãbiatũ wẽjẽdero pũro pooe ããrĩbũ. Iri poeeguere masãgobe ãtãyegue mádea gobe ããrĩbũ. Iri gobere neõ sugũ boadire yáabirima dapa. ⁴² Gũa judío masaka siñajãrĩnũ ejaburo iribũ. Irasirirã iri gobe curusa ãĩwãgũnũadero pũrogã ããrĩmakũ, Jesũya dũpũre irogue yáama.

20

Jesús masãdea (Mt 28.1-10; Mr 16.1-8; Lc 24.1-12)

¹ Judío masaka siñajãrĩnũ* waadero pũrũ, boyoburo dupiyurogã Marĩa Magdalena ĩgũsã Jesũya dũpũre yáaderogue ĩãgõ waayupo. Irogue ejago, iri gobere biadea ãtã majĩrẽ

* 20:1 Judío masaka siñajãrĩnũ, sãbado ããrã.

bojegue ããrĩmakũ ãyũyupo. ² Irasirigo, gũa pẽrã Simón Pedro, irasũ ããrĩmakũ yũ Jesús maĩsũgũ pũrogue ũmawãgãrimo. Igo gũa pũrogue ejago, gũare ãrĩmo:

—Marĩ Opũya dũpũre ãĩkõãnerã ããrãma. Ìgũrẽ Ìgũsã píaderore marĩ masĩbea, ãrĩmo.

³ Igo irasũ ãrĩmakũ pẽrã, yũ, Pedro merã Ìgũsã Jesúya dũpũre yáaderogue ãrã waabu. ⁴ Irogue waarã, gũa pẽrãgueta ũmawãgãbu. Yũ gapũ Pedrore ũmatariwãgã, masãgobegue ejapũroribu. ⁵ Irogue ejagu, iri gobere muúbia ã sũobũ. Irasũ ã sũogũ, Jesúya dũpũre õmadea surĩ gasiri ditare ãbu. Iri gobegue ñajãbiribu. ⁶ Mẽrõgã pũrũ Simón Pedro ejami. Irogue eja, iri gobegue ñajã, Ìgũde Jesúya dũpũre õmadea surĩ gasiri ditare ãmi. ⁷ Ìgũya dipurure Ìgũsã õmadea surĩro gasirodere ãmi. Iri gasiro túpeasũbu. Gaji surĩ gasiri merã peyabiribu. ⁸ Pedro irasũ ñajãmakũ ãgũ, yũde iri gobegue ejapũroridi ñajã, iri ditare ãgũ, bũremubu. ⁹ Gũa, Jesúya dũpũre masãgobegue marĩmakũ ãakererã, Marĩpũya werenĩrĩ gojadea pũgue Jesús boadigue masãgũkumi, ãrĩdeare pẽmasĩbiribu. Keoro waarokoa, ãrĩ gũñabiribu. ¹⁰ Irire ã odorã, gũaya wiigũe goedujãakõãbu.

Jesús María Magdalenarẽ deyoadea

(Mr 16.9-11)

¹¹ María gapũ masãgobegueta dujãa, bũro oreyupo. Oregota, iri gobegue muúbia ã sũoyupo. ¹² Irasũ ã sũogo, pẽrã Marĩpũre wereboerãrẽ boreri surĩ sãñarãrẽ Jesúya dũpũ peyaderogue Ìgũsã doamakũ ãyũyupo. Sugũ, Ìgũya dipuru ããrĩdero gapũ, gajigu, Ìgũya guburi ããrĩdero gapũ doañurã. ¹³ Ìgũsã igore sẽrẽñañurã:

—¿Nasirigo orego yãri?

Igo Ìgũsãrẽ ãrĩyupo:

—Yũ Opũya dũpũre ãĩkõãnerã ããrãma. Ìgũrẽ Ìgũsã píderore yũ masĩbea, ãrĩyupo.

¹⁴ Irire ãrĩ odo, gãmenugã ãgõ, Jesúre iro nímakũ ãyũyupo. Ìgũrẽ ãkeregõ: “Jesúta ããrĩmi”, ãrĩ ããmasĩbiriyupo.

¹⁵ Jesús igore ãrĩyupũ:

—¿Nasirigo orego yãri? ¿Noãrẽ ãmarĩ?

Igo gapũ: “Ì, i pooere koregũ ããrĩkumi”, ãrĩ gũñagõ, Ìgũrẽ ãrĩyupo:

—Mũ Ìgũya dũpũre gajirogue ãñadi, yũre wereka! ¿Noógue píari? Mũ weremakũ, Ìgũya dũpũre ãgõ waagorãa.

¹⁶ Igo irasũ ãrĩmakũ, Jesús igore ãrĩyupũ:

—María.

Ìgũ irasũ ãrĩmakũ pẽgo, gãmenugã, hebreo ya merã Ìgũrẽ:

—Rabuni, ãrĩyupo. “Rabuni”, ãrĩrõ, hebreo ya merã: “Buegũ”, ãrĩduaro yãa.

¹⁷ Jesús igore ãrĩyupũ:

—Yũre pirika! Yũpũ pũrogue mũrĩabea dapa. Gajirã yaarã pũrogue waaka! Ìgũsãrẽ ãsũ ãrĩ wereka: “Jesús ãrãmi: ‘Yũpũ pũrogue waabu yãa. Ìgũ mũsãdere mũsãpũta ããrĩmi. Ìgũ yũ Opũ, irasũ ããrĩmakũ mũsãdere mũsã Opũta ããrĩmi’, ãrãmi”, ãrĩka Ìgũsãrẽ!

¹⁸ Ìgũ irasũ ãrĩmakũ pẽgo, María Magdalena gũa Jesús buerã pũrogue aari, gũare igo marĩ Opũre ããdeare, Ìgũ igore weredoreadeare weremo.

Jesús Ìgũ buerãrẽ deyoadea

(Mt 28.16-20; Mr 16.14-18; Lc 24.36-49)

¹⁹ Irinũ semana ããrĩpũrorinũta† ñamigue gũa Jesús buerã gũaya wiigũe nerẽrã, judío masaka oparãrẽ gũirã, makãpũrorire õãrõ biabu. Gũa irogue ããrĩripoe Jesús gũa dekogue deyoa, gũare õãdoregũ, ãsũ ãrĩmi:

—Mũsã õãrõ siñajãrĩ merã ããrĩrikuka!

²⁰ Irasũ ãrĩ odo, Ìgũya mojõrĩrẽ, Ìgũrẽ arupãma doka sarederore gũare ãmumi. Gũa Ìgũrẽ marĩ Opũre ããrã, bũro mũnyabu. ²¹ Dupaturi Jesús gũare ãrĩmi doja:

† 20:19 Semana ããrĩpũrorinũno, domingo ããrã.

—Ōārō siñajārī merā āārīrikuka mūsā! Yuru yare iriuderosūta yude mūsārē iriua, ārīmi.

²² Irasū ārī odo, guare puripeo, āsū ārīmi:

—Ōāgū deyomarīgūrē bokatīrīñeāka, mūsārē iritamubure! ²³ Mūsā masakare īgūsā ñerō irideare kātimakū, īgūsā ñerō irideare kātisūrākuma. Mūsā gajirārē īgūsā ñerō irideare kātibirimakū, īgūsā ñerō irideare kātisūbirikuma, ārīmi Jesús.

Tomás Jesúre masādire iādea

²⁴ Jesús guare deyoamakū, Tomás Jesús buegu “Suduadi” īgūsā ārīdi gua merā āārībirimi.

²⁵ Puru īgū gua merā āārīmakū, īgūrē ārību:

—Gua marī Opure iābu.

Tomás gapu guare ārīmi:

—Īgūya mojōrīgue īgūsā pábiadea goberire iābi, iri goberire yaa mojōsūrū merā puuñabi, irasū āārīmakū īgū arupāma dokare īgūsā saredea gobere yaa mojō merā soesooñabi, īgū masādea kerere neō buremubirikoa.

²⁶ Su semana Jesús guare deyoadero puru, gua īgū buerā dupaturi wiigue nerēbu. Iripore Tomás gua merā āārīmi. Iri wii biadea wii āārīkeremakū, Jesús ñajāa, gua dekogue deyoa, guare oādoregu, āsū ārīmi:

—Mūsā siñajārī merā ōārō āārīrikuka!

²⁷ Irasū ārī odo, Tomārē ārīmi:

—Īāka yaa mojōrīrē! Mū mojōsūrū merā yaa mojōrīgue īgūsā pábiadea goberire puuñaka! Mū mojō merā yu arupāma doka īgūsā saredea gobere soesooñaka! Yu masādeare: “Diaye āārībea”, āārībirikōāka! “Diaye āārā”, ārī buremuka!

²⁸ Īgū irasū ārīmakū, Tomás āsū ārīmi:

—Mū, yu Opure, yu buremugū āārā.

²⁹ Jesús īgūrē ārīmi:

—Mū yure iāsīā: “Diayeta boadigue masādi āārā”, ārī buremua. Gajirā gapu yare iābirikererā, yu boadigue masādeare buremurākuma. Irasirirā īgūsā buro usuyari merā āārīrākuma, ārīmi.

Ipūgue āārīrē nasiriburo, ārī gojadea

³⁰ Jesús gua merā āārīgū, wāri gajī Marīpu turari merā iri ĩmurīrē irimi. Iri āārīpereri īgū irideare i pūguere gojapeobirību. ³¹ Irire gojapeobirikeregu, surāyeri Jesús irideare gojāa, īgū Marīpu iriudi Cristo āārīrē, īgū diayeta Marīpu magū āārīrē buremuburo, āārīgū. Irasū āārīmakū mūsā īgūrē buremurī merā okari opaburo, āārīgū, irasū ārī gojāa.

21

Jesús dupaturi īgū buerārē deyoadea

¹ Puru Jesús Tiberias wāikuri ditaru turo dupaturi guare īgū buerārē deyoami. Guare deyoagu āsū irimi. ² Gua iroque āārīrā ĩsāku āārībú: Simón Pedro, Tomás “Suduadi” īgūsā ārīdi, Natanael Galilea nikūma Caná wāikuri makāmu, gua pērā Zebedeo pūrā, irasū āārīmakū gajirā pērā āārībú.

³ Gua iroque āārīripoe Simón Pedro ārīmi:

—Waaí wējēgū waagú yāa.

—Gude mū merā waarāra, ārību.

Irasū ārī, buāa, doódiru merā waabu. Iri ñamirē waaí wējēboyotamuakōādibu.

⁴ Boyowāgariripoe Jesús ditaru turo nímakū iābu. Īgūrē iākererā, iāmasībirikubu. ⁵ Irasirigu guare ārīmi:

—¿Waaí wējēārī?

—Neō wējēbirakubu, ārī yujubu.

⁶ Gua irasū ārīmakū pégu, Jesús ārīmi:

—Doódiru diaye gapu buidire meéyoka! Iro gapu waaí wējērākoa. Īgū ārīrōsūta meéyomakū, wārā waaí ñajāma. Wārā waaí ñajāmakū, buidire doódirugue neō āīsāturabiribu. ⁷ Irasū waamakū ĩāgū, yu Jesús maīsūgū Pedrore ārībū:

—Īgūta marī Opū āārīmi.

Yu irasū ārīmakū pégu, Simón Pedro ĩgūya wekama surírore túweadi, sãña, ditarugue meébia báwāgāmi. ⁸ Gūa ĩgū merāmarā ditaru turore cien metros yoaro pagarā, buidire waaí wārā ñajādire guayaru merā tūānumuabū. ⁹ Majānugārā, peame nitī dita gose oyanīrīme weka waairé Jesús mupūnugūnerārē, pādere ĩābū.

¹⁰ Jesús guare ārīmi:

—Gajirā waaí, mērā musā wējērārē ārīka!

¹¹ Īgū irasū ārīmakū, Simón Pedro doódirugue ñajāa, buidire ĩmparogue tūāmajāmi. Pagarā waaí ñajānerā ciento cincuenta y tres āārīmá. Wārā waaí ñajānerā āārīkererā, buidire neō yeguebirima.

¹² Jesús guare ārīmi:

—Baa yoberā aarika!

Gūa neō sugūno ĩgūrē: “¿Noāno āārīrī mu?” ārī sērēñabiribu. “Īgū marī Opūta āārīmi”, ārī masībū. ¹³ Jesús peame pūro waa, pā, waairé āi, guare gueremi.

¹⁴ Jesús boadigue masādero pūru, pea guare deyoasiami. Irasirigu ditaru turogue deyoagu, urea guare ĩgū buerārē deyoagu irimi.

Jesús Pedro merā werenídea

¹⁵ Gūa baadero pūru, Jesús Simón Pedrore sērēñami:

—Simón, Jonás magū, ¿mu ĩisā nemorō yure maīrī?

Pedro ĩgūrē ārīmi:

—Yu Opū, murē maīa. Mu irire masīa.

Jesús ārīmi:

—Irasirigu ovejare koregu oveja majīrārē ōārō korerosūta yure buremurārē majīrā irirosū āārīrārē ōārō koreka!

¹⁶ Irasū ārī odo, dupaturi Simón Pedrore sērēñami doja:

—Simón, Jonás magū, ¿yure maīrī mu?

—Yu Opū, murē maīa. Mu irire masīa, ārīmi.

Jesús ārīmi doja:

—Ovejare koregu ovejare ōārō korerosūta yure buremurārē ōārō koreka! ārīmi.

¹⁷ Irasū ārī odo, dupaturi Simón Pedrore sērēñami:

—Simón, Jonás magū, ¿diayeta yure maīrī mu?

Urea ĩgūrē irasū sērēñamakū pégu, Simón Pedro buro bujawereri merā āārīmí. Īgūrē ārīmi:

—Yu Opū, mu āārīpereri masīa. Murē yu maīrīrē masīa.

Irasirigu Jesús ĩgūrē ārīmi:

—Ovejare koregu ovejare ōārō kererosūta yure buremurārē ōārō koreka! ¹⁸ Diayeta murē werea. Mu maamu āārīgú suríre sãña, mu gāāmerō noó waaduro waaunabu. Pūru bugoro āārīgú, muya mojōrīrē soemugūkoa. Gajigu murē suríre sāgukumi. Mu waaduberogue murē āīwāgāgukumi.

¹⁹ Jesús, Simón Pedro ĩgū boaburi merā masakare Marīpu turagu, ōāgū āārīrīrē masīmakū iriburire irasū ārī weremi. Irire were odo, Jesús ĩgūrē ārīmi:

—Yure tūyaka!

Jesús Juārē ĩgū maīgūrē weredea

²⁰ Pedro gāmenugā, yu ĩgūsārē tūyawāgāmakū ĩāmi. Yu, Jesús maīgū, iro dupiyuro Jesús pūro baa doanīgū ĩgūrē: “Yu Opū, ¿noā murē wējēduarāguere murē ĩmubu āārīkuri?” ārī sērēñadi āārībū. ²¹ Pedro yure ĩāgū, Jesúre sērēñami:

—Y_u Op_u, ¿naásũ waarokuri ãgũrẽ?

²² Jesús ãgũrẽ ãrĩmi:

—Y_u i ãmũguere dupaturi aariripoeta ãgũ okamakũ y_u iridũarire, o iridũabirire mũya meta ããrã. Irire gũñarikũbirikõãka! Y_ure tũyaka!

²³ Jesús irasũ ãrĩrĩ kerere pérã, gajirã ãgũrẽ bũremurã: “Juan boabirikumi”, ãrĩ gãme weresirima. Jesús: “Juan boabirikumi”, ãrĩdi meta ããrĩmĩ. “Y_u i ãmũguere dupaturi aariripoeta ãgũ okamakũ y_u iridũarire, o iridũabirire mũya meta ããrã”, ãrĩdi ããrĩmĩ.

²⁴ Y_u Jesús bueg_u, y_u ããdeare i pũrẽ gojáa. Irasirirã mũsã y_u gojarire: “Diayeta ããrã”, ãrĩ masĩa.

²⁵ Jesús wári gaji irimi. Iri ããrĩpererire y_u gojapeomakũ, wári pũrĩ ããrĩbukoa. Y_u péñamakũ, masaka iri pũrĩrẽ i ãmũguere duripídũamakũ, utũriakõãbukoa.

Iropata ããrã.

Juan

LOS HECHOS

Jesús ĩgũ buedoregũ beyenerãrẽ: “Õãgũ deyomarĩgũ aarigũkumi”, ãrĩ weredeã
(Lc 1.1-4)

¹ Opũ Teófilo, yũ mũrẽ gojadupiyudea pũguere Jesús neõgorague irinũgãdeare, ĩgũ buedea ããrĩpererire gojabũ. ² ĩgũ ãmũgasigue mũrĩaburo dupiyuro Õãgũ deyomarĩgũ turaro merã ĩgũ buedoregũ beyenerãrẽ: “Ãsũ irirãkoa”, ãrĩ weredeãdere gojabũ. ³ Jesús ĩgũ boa, masãdero pũrũ, ĩgũsãrẽ cuarenta nũrĩgora deyoayupũ. Irasirigũ ĩgũ dupaturi okarire ĩgũsãrẽ õãrõ masĩmakũ iriyupũ. Marĩpũ ĩgũyarãrẽ doreri kerere ĩgũsãrẽ wereyupũ.

⁴ Jesús ĩgũsã merã ããrĩgũ, ĩgũsãrẽ ãsũ ãrĩyupũ:

—Jerusalẽta dujaka dapa! Iripoegue Yũpũ: “Õãgũ deyomarĩgũrẽ mũsãrẽ iriugũra”, ãrĩdeare yũka! Irire weresiabũ. ⁵ Juan mũsãrẽ deko merã wãiyedi ããrĩmĩ. Yũ gapũ mérõgã pũrũ mũsãrẽ Õãgũ deyomarĩgũ merã wãiyegũkoa, ĩgũ mũsã merã ããrĩnĩkõãburo, ãrĩgũ, ãrĩyupũ.

Jesús ãmũgasigue mũrĩadeã

⁶ Pũrũ ãtãũ Olivos wãĩkũdigue Jesús merã nerẽ, ĩgũrẽ sãrẽñañurã:

—Gũã Opũ, ¿dapagorare gajigũ gũaya nikũmũrẽ gũare dorebure, opũ pĩgũkuri? ãrĩñurã.

⁷ Jesús ĩgũsãrẽ yũjũyupũ:

—Yũpũ sugũta masĩmi. ĩgũ irasũta waaburo, ãrĩmakũ irasũta waarokoa. Mũsãya meta ããrã i. ⁸ Mérõgã pũrũ Yũpũ Õãgũ deyomarĩgũrẽ iriugũ, mũsãrẽ ĩgũ turarire opamakũ irigũkumi. ĩgũ irasirimakũ, mũsã gũiro marĩrõ gũñaturari merã masakare yaa kerere wererã waarãkoa. Jerusalén marãrẽ, Judea nikũ marãrẽ, Samaria nikũ marãrẽ, ããrĩperero i nikũgue ããrĩrãrẽ wererã waarãkoa, ãrĩyupũ Jesús ĩgũ buedoregũ beyenerãrẽ.

⁹ ĩgũ irasũ ãrĩ wereadero pũrũ, Marĩpũ ãmũgasigue ĩgũrẽ ãĩmũrĩãkõãyupũ. ĩgũsã ĩgũrẽ ĩãmutũyamakũ, su yebo ĩĩmikãyebo túbiakõãyuro. Irasirirã ĩgũrẽ neõ ĩãnemobiriñurã.

¹⁰ ĩgũsã ĩãmutũyaripoe gũñaña marĩrõ pãrã ãma surĩ boreri sãñanerã ĩgũsã pũro deyoa, ¹¹ ãsũ ãrĩñurã:

—Galilea marã, ¿nasirirã ãmũgasire ĩãmunĩrĩ? Jesús ãmũgasigue mũrĩagũta dupaturi i ãmũguere aarigũkumi doja. Mũsã ĩgũrẽ mũrĩãmakũ ĩãrõsũta aarimakũ ĩãrãkoa, ãrĩñurã.

Judare gorawayurã, Matías wãĩkũgũre beyedeã

¹² Irasiri, pũrũ Jesús buedoregũ beyenerã Olivos wãĩkũdi ãtãũgue ããrãnerã dijãã, Jerusalẽgue dujããkõãñurã doja. Iri makã pũrogã ããrĩyuro iri ãtãũ. ¹³ Dujaja, ĩgũsã kãrĩrĩ taribu ãmarõma taribugue ñãjãkõãñurã. ĩĩsãkũ ããrĩñurã: Pedro, Santiago, Juan, Andrés, Felipe, Tomás, Bartolomé, Mateo, Simón celote wãĩkũri bumũ, Santiago Alfeo magũ, Judas Santiago magũ ããrĩñurã. ¹⁴ Gajirãde ĩgũsã merã nerẽñurã: Jesús pagupũrã, Jesús pago María, gajirã nome ããrĩñurã. Ëmũrikũ iri taribugue Marĩpũre sãrẽmurã nerẽñañurã.

¹⁵ Sunũ ĩgũsã merã gajirã Jesũre bũremurã ciento veinte gora nerẽñurã. Irasirigũ Pedro ĩgũsã watopegue wãgãnũgã, ĩgũsãrẽ ãsũ ãrĩyupũ:

¹⁶⁻¹⁷ —Yaarã, gũã Judas merã pe mojõma pere su gubu peru pãrẽbejarãgora ããrãdibũ. Jesús gũare beyederosũta ĩgũdere beyeadimi, gũã merã ĩgũya kerere weredoregũ. Judas gapũ Jesũre peresugue ñãwãgãmurãrẽ ĩgũrẽ ĩmumi. Õãgũ deyomarĩgũ Judas waaburire Davire iripoegue gojadorederosũta diayeta waabũ. ¹⁸ ĩgũ Jesũre oparãguere ĩmudea wajare ĩgũsãrẽ wia, makã ojarogue waa, dipuru gapũ merã meẽmejã, ĩgũya paru meẽ ooreakõã, gũramisĩ wirisiri kõmoakõãyupũ. Irasirirã oparã iri niyeru merã ĩgũ meẽmejãdea nikũrẽ wajariñurã. ¹⁹ Judas irasũ waadeare ããrĩpererã Jerusalén marã pãperekõãñurã. Irasirirã, ĩgũ irasũ waaderore: “Acældama” wãĩyeñurã. “Acældama”, ãrĩrõ,

Īgūsā ya merā: “Dí béodero”, āriđuaro irikoa. ²⁰ Iripoegue Salmos wāikuri pūgue āsū āri gojasūdero āārībú Judare:

Īgūya wii āāridero masaka marīrō dujaburo. Neō sugu Īgū āāriderore dupaturi āārībirikōāburo, āri gojasūdero āārībú.✧

Āsū āri gojasūdero āārībú doja:

Gajigu Īgūya moādeare gorawayuburo, āri gojasūdero āārībú.✧

²¹⁻²² Irasirirā marīrē sugu Judas gorawayugure beyero gāāmea. Sugu, gua merā āārīdire, Juan marī Opu Jesúre deko merā wāiyemakū ĩādire, āārīpereri Jesús irideare ĩādire, Marīpu Īgūrē ūmugasigue āimurīāmakū ĩādire beyero gāāmea. Irasirigu, Jesús boadigue masādeare gua merā weregu waagukumi, āriyupu Pedro.

²³ Īgū irasū ārimakū pé, pērārē beyeñurā. Sugu José wāikuyupu. Gajirā Īgūrēta “Justo”, gajirā “Barsabás” wāiyenerā āarīmá. Gajigu Matías wāikuyupu. ²⁴⁻²⁵ Beye odo, āsū āri sērēñurā Marīpure:

—Gua Opu, mu āārīpererā masaka gūñarīrē ōārō masā. Judas Īgū dapagora āārīrōgue waagú, mūya kere weredoredeare pirikōāmi. Sugu Īgū gorawayubure beyesiabu mu. Irasirigu mu beyeadire ĩmuka guare! āriñurā.

²⁶ Irasū āri odo, peye ūtāyegāgue Matías, José wāirē goja, puuigāgue sā, suye āi ĩāñurā. Matías wāi gojatúadeayere āi bokañurā. Irasirirā Matiare: “Gua pe mojōma pere su gubu suru pērēbejarā āārānerā merā Jesúya kerere weregu waagukoa”, āriñurā Īgūrē.

2

Ōāgū deyomarīgū Jesúre bremurāre ejadea

¹ Pentecostés* wāikuri bosenu āarīmakū, āārīpererā Jesúre bremurā Īgūsā nerēdea wiigueta nerēñurā. ² Puru gūñaña marīrō ūmugasigue mirū buro aarirósū, Īgūsā āārīrōguere buro busu dijiriyuro. ³ Irasū waaripoe peame ūjūrī pūrā dijari, nediru irirosū deyori masakakure dipu weka deyoayuro. ⁴ Āārīpererā Ōāgū deyomarīgūrē opatari, Īgū iritamurī merā gaji masā ya Īgūsā dupiyuro werenībirideare werenīnugāñurā.

⁵ Iripoere wārā judío masaka āārīpereri nikū marā Jerusalēgue ejanerā āarīmá. Īgūsā bremurīrē ōārō tayarimasā āarīñurā. ⁶ Irasū busurire pérā, Jesúre bremurā pūroque nerēwāgāñurā. Iroque masakaku Īgūsāya werenīrī merā Jesúre bremurā werenīmakū péñurā. Irasū waarire pémasībiriñurā. ⁷⁻⁸ Irasirirā ĩāguka, āsū āri gāme werenīñurā:

—¿Nasirirā Īgūsā Galilea marā āārīkererā, marī yare ōārō werenīrī? Marī deyoadea nikū marā irirosū werenīma. ⁹ Marī gajiro marā āārā. Partia marā, Media marā, Elam marā, Mesopotamia marā, Judea marā, Capadocia marā, Ponto marā, Asia marā, ¹⁰ Frigia marā, Panfilia marā, Egipto marā, Libia Cirene wāikuri nikū turo marā āārā. Marī Roma marāde ōōguere naarīmasā āārā. ¹¹ Surāyeri judío masaka, gajirā judío masaka āārībirikererā, judío masaka irirosū bremurā ōōguere āārā. Creta marā, Arabia marāde marī merā āarīma. Irasirirā marī āārīpererā gajiro marā āārīkererā, marī ya merā ĩisā ōārō werenīmakū péa. Īgūsā Marīpu ōārō iridea kerere werenīrā yāma, āriñurā.

¹² Irasirirā āārīpererā pégukakōāñurā.

—¿Nasiriro irasū waari? āri gāme werenīñurā.

¹³ Gajirā gapu:

—Mejārā yāma, āri buridañurā.

Pedro masakare werede

¹⁴ Īgūsā irasū ārimakū pégu, Pedro gajirā pe mojōma pere su gubu suru pērēbejarā Jesús buedoregu beyenerā merā wāgānugā, buro busuro werenīyupu:

✧ 1:20 Sal 69.25 ✧ 1:20 Sal 109.8 * 2:1 Pascua bosenu waadero puru, cincuenta narī puru, Pentecostés wāikuri bosenu waayuro.

—Musã ããrĩpererã judío masaka òõgue Jerusalègue ããrĩrã òãrõ péka yu wererire!
 15 Musã gũare: “Mejárã yáma”, ãrĩ gũñarã, diaye gũñabea. Goeripoe dupiyuro ããrã dapa. Irasirirã gũa mejárã meta yáa. 16 Gũa irasũ werenírĩrẽ Joel Marĩpũya kerere weredupiyudi ãsũ ãrĩ gojadi ããrĩmĩ:

17-18 Marĩpũ ãsũ ãrĩmĩ: “I ãmũ pereburo dupiyuro Õãgũ deyomarĩgũrẽ iriugũra, masaka ããrĩpereri buri marãrẽ. Irasirirã musã pũrã ãma, nomede yaa kerere wererãkuma. Maamarã kërõ irirosũ, mũrã kërõgue yu ãmurĩrẽ ããrãkuma. Yu dorerire irirãrẽ ãmarẽ, nomedere Õãgũ deyomarĩgũrẽ iriugũra. Irasirirã, yaa kerere wererãkuma.
 19 Yu ãmũgasiguere gajirosũperi deyoamakũ irigũra. I nikũdere dí, peame, ãmĩkã deyoamakũ irigũra.

20 Abe ãmũmũ naĩtĩãgũkumi. Abe ñamimũ dí irirosũ deyogu waagũkumi. Musã Opũ i ãmũguere dupaturi aariburo dupiyuro irasũ waarokoa. Ìgũ aarirĩnũ goerinũ ããrĩrokoa. Ubu ããrĩrĩnũ ããrĩbirikoa.

21 ‘Yu Opũ, tauka yũre!’ ãrĩgũnorẽ taugũra”, ãrĩmĩ Marĩpũ, ãrĩ gojadi ããrĩmĩ Joel.✠

22 ‘Musã Israel bumarã yu wererire òãrõ péka! Marĩpũ Jesũre Nazaretmũrẽ iriudi ããrĩmĩ. Jesũs musã pũroque ããrĩgũ, Marĩpũ turari merã pũrĩrikũrãrẽ tau, wãtẽa masakare ñajãnerãrẽ béowiu, boanerãrẽ masũdi ããrĩmĩ. Irasirigũ Jesũs, Marĩpũ iriudi ããrĩsĩã, ãgũ turari merã irire iri ãmudi ããrĩmĩ. Irire musã òãrõ masĩa. 23 Musã ñerãrẽ ãgũrẽ curusague pábiatũ wẽjẽdoremakũ, Marĩpũ iripoegue Jesũre irasũ waarokoa, ãrĩderosũta waabũ. 24 Irasũ waakeremakũ, Marĩpũ gapũ ãgũ boadiguere masũkõãdi ããrĩmĩ. Boanerã ããrĩrõrẽ ãgũrẽ wiudi ããrĩmĩ. Irasirimakũ, boari Jesũre tarinũgãmasĩbiridero ããrĩbũ. 25 Iripoegue David ãsũ ãrĩ gojadi ããrĩmĩ, Jesũs Marĩpũre werenĩburire:

Yu Opũ, mũrẽ ããrĩkõãa. Mũ yu diaye gapũ, yu merã ããrĩnĩkõãa. Irasirigũ yu neõ gũibebe.

26-27 Yaa yũpũrãgue bũro usũyari merã ããrã. Irasirigũ usũyari merã werenĩa. Yu boamakũ, boanerã ããrĩrõgue béobirikoa. Yu masãgobegue ããrĩmakũ, yaa dupũ neõ boabirikoa. Yũre dupaturi okamakũ irigũkoa doja. Irasirigũ yu gũiro marĩrõ ããrĩgũkoa.

28 Mũ, yu dupaturi okaburire yũre òãrõ masĩmakũ yáa. Irasirigũ yu merã mũ ããrĩmakũ, bũro usũyari merã ããrã, ãrĩ gojadi ããrĩmĩ David.✠

29 ‘Yaarã, yu musãrẽ diayeta weregũra. Marĩ ñekũ David boadi ããrĩmĩ. Marĩ ñekũsãmarã ãgũrẽ yãanerã ããrĩmã. Ìgũya masãgobe i makãguere ããrã dapa. 30-31 Iripoegue Marĩpũ Davire ãsũ ãrĩ weredi ããrĩmĩ:

Yu mũrẽ diayeta werea: “Pũrũguere mũ parãmi i nikũ marã Opũ ããrĩgũkumi. Yu mũrẽ píderosũta pígũkoa ãgũdere”, ãrĩdi ããrĩmĩ.

David Marĩpũya kerere weredupiyugũ ããrĩdi ããrĩmĩ. Irasirigũ Jesũre Marĩpũ píburire masĩsĩã, ãsũ ãrĩ weredi ããrĩmĩ ãgũ masãburire:

Ìgũ boadero pũrũ, boanerã ããrĩrõgue neõ béosũbirikumi. Ìgũya dupũ masãgobegue neõ boabirikoa, ãrĩ gojadi ããrĩmĩ.✠

32 Marĩpũ Jesũre boadiguere masũdi ããrĩmĩ. Ìgũrẽ masũadero pũrũ, gũa ããrĩpererã ãgũrẽ ããbũ. “Dupaturi okami”, ãrĩ masĩa. 33 Ìgũ Pagũ ãgũrẽ masũ, ãmũgasiguere ãĩmũrĩã, ãgũ diaye gapũ dobodi ããrĩmĩ. Ìgũ ãrĩderosũta Jesũre Õãgũ deyomarĩgũrẽ iriudi ããrĩmĩ. Irasirigũ Jesũs gũare Õãgũ deyomarĩgũrẽ iriumi. Irasirirã musã, ãgũ gũaguere ejamakũ ããa. Ìgũ iritamurĩ merã gũa werenĩmakũ péa. 34-35 David† gapũ ãgũ boadero pũrũ, Jesũs mũrĩaderosũ mũrĩabiridi ããrĩmĩ. Ìgũ boaburo dupiyuro ãsũ ãrĩ gojadi ããrĩmĩ, Marĩpũ Jesũre ãrĩdeare gojagu:

✠ 2:21 Jl 2.28-32 ✠ 2:28 Sal 16.8-11 ✠ 2:30-31 Sal 132.11 † 2:34-35 David ãgũ boadero pũrũ, ãgũ dupũ merã ãmũgasiguere mũrĩabiridi ããrĩmĩ. Irasirigũ Jesũs mũrĩaderosũ mũrĩabiridi ããrĩmĩ.

Marĩpu yu Opure asũ arĩmi: “Õõ yu diaye gapu doaka, yu merã dorebu! Irasiriripoe mure ãaturirãrẽ mu dorerire tarinugãnemobirimakũ irigura”, arĩmi, arĩ gojadi arĩmi.*

³⁶ Irasirirã musã Israel bumarã arĩpererã õarõ pemasika! Marĩpu Jesure, musã curusague pábiatú wējẽdire marĩ Opu arĩmakũ iridi arĩmi. Marĩpu igurẽ iriudi arĩmi, marĩre tauburo, arĩgũ, arĩ wereyupu Pedro masakare.

³⁷ Igũ irasũ arĩmakũ pẽrã, igũsãya yujupũrãrigue buro bujawereri merã gũnariku, Pedore, gajirã Jesús buedoregu beyenerãrẽ asũ arĩ sereñañurã:

—Guayarã, ¿nasirirãkuri gu?

³⁸ Pedro igũsarẽ yujuyupu:

—Musã ñerõ irideare bujawere, musã gũnarĩrẽ gorawayuka! Irasirirã musã arĩpererã Jesucristore buremua, arĩ, guare deko merã wãiyedoreka! Musã irasirimakũ, Marĩpu musã ñerõ irideare kãtigukumi. Õãgũ deyomarĩgurẽ iriugukumi, musã merã arĩnikõaburo, arĩgũ. ³⁹ Marĩpu arĩderosũta musãrẽ, musã pũrã arĩturiarãrẽ, gajiro marãdere arĩpererã igũ beyenerãrẽ Õãgũ deyomarĩgurẽ iriugukumi, arĩyupu.

⁴⁰ Irire arĩ odo, gaji wãri werenemoyupu Pedro igũsarẽ:

—Õarõ pemasika musã! I nikũ marã Jesure wējẽnerã ñerã arĩma. Igũsã ñerõ iridea waja Marĩpu igũsarẽ wajamoãgukumi. Igũsã ñerã irirosũ neõ irinemobirikõaka pama! Irasiribirimakũ, Marĩpu igũsarẽ wajamoãgũ, musã gapure wajamoãbirikumi, arĩyupu.

⁴¹ Wãrã igũ wererire õarõ pẽñurã. Irasirirã deko merã wãiyesũñurã Jesure buremurĩrẽ ãmurã. Irasirirã Jesure buremupurorinerã merã arĩnugãñurã. Pedro igũsarẽ weread-eanu merãta wãrã tres mil gora masaka buremunugãñurã. ⁴² Irasirirã umariku Jesure buremupurorinerã merã nerẽñañurã, igũ buedoregu beyenerã buerire pẽmurã. Irasũ nerẽnarã, Marĩpure sere, pãrẽ dukawa, siiu baanañurã.

Jesure buremupurorinerã iridea

⁴³ Jesús buedoregu beyenerã igũ iriderosũta wãri Marĩpu turari merã iri ãmunãñurã. Irasirirã pũrĩkurãrẽ tau, wãtẽa masakare ñajãnerãrẽ beowiu, boanerãrẽ masũnañurã. Igũsã irasirimakũ ãrã, masaka arĩpererã ãgukanañurã. ⁴⁴ Arĩpererã Jesure buremurã su bumarã irirosũ õarõ arĩrikũñurã. Irasirirã igũsã oparire gãme sãnañurã. ⁴⁵ Gajinorẽ oparã, irire dua, iri waja merã gajino opamerãrẽ sãnañurã. ⁴⁶ Umariku arĩpererã surosũ gũnarĩ oparã Marĩpuya wiigue nerẽñañurã. Igũsãya wiirigue pãrẽ dukawa, õarõ usuyari merã siiu baanañurã. ⁴⁷ Marĩpure: “Õãtaria mu”, arĩ, usuyari sãnañurã. Gajirã masaka igũsarẽ: “Õãrã arĩma”, arĩ ãñurã. Umariku marĩ Opu Jesús gajirãrẽ igũrẽ buremumakũ iriyupu. Irasirirã igũrẽ buremurã wãrã arĩñurã.

3

Sugu waamasĩbire waamasĩmakũ iridea

¹ Sunu, ñamika tres arĩmakũ Pedro, Juan merã Marĩpuya wiigue waañurã. Iri horata masaka Marĩpure sereñañurã. ² Iri wiima makãpurore sugu masakũ deyoagugeta waamasĩbi arĩdi doayupu. Iri makãpuro: “Õãrĩ makãpuro” wãikuyuro. Umariku igũ merãmarã igũrẽ arĩwãgã, iri makãpurore dobonañurã, iri wii ñajãrãrẽ niyeru sere doanidorã. ³ Pedrosã iri wii ñajãmurã iriripoe igũsarẽ ãrã, niyeru sereyupu. ⁴ Igũsã pẽrãgueta igũrẽ ãrã, Pedro gapu igũrẽ arĩyupu:

—Guare ãka!

⁵ Igũ irasũ arĩmakũ: “Yure niyeru sĩmurã irikuma”, arĩ gũnarĩ merã buro ãyupu. ⁶ Pedro gapu igũrẽ arĩyupu:

—Niyerure opabea. Irire opabirikeregu, yu opari merã mure iritamugura. Jesucristo Nazaretmu wã merã, igũ turaro merã wãgãngã waaka! arĩyupu.

* 2:34-35 Sal 110.1

⁷ Pedro ìgùrè irasũ àrìgùta, diayema mojòrè ñeã, tũãwãgũnúyupũ. Irasirimakũta, ìgũya guburi, ìgũya ãñagubuyeri turanugãjayuro. ⁸ Irasirigu pari wãgãñugãja, waapũrori, pũru ìgũsã merã Marĩpũya wiigue Marĩpũre: “Õãtaria mũ”, àrĩ gaguiní, pariñajãyupũ. ⁹⁻¹⁰ Ìgũ mũyari merã Marĩpũre: “Õãtaria mũ”, àrĩ, pariñajãmakũ ìãrã, iri wiigue ããrĩrã ããrĩpererã ìgùrè ìãmasĩ:

—Ìĩ, i wii òãrĩ makãpũrogue niyeru sèrè doaníadita ããrĩmi, àrĩñurã. Irasirirã ìgũ waamasĩmakũ ìãrã, “¿Naásũ waari?” àrĩ ìãgũkakõãñurã.

Pedro masakare Marĩpũya wiigue weredeã

¹¹ Waamasĩbiradi Pedrosãrè duúbirimakũ, ããrĩpererã masaka iri wii ããrĩrã ìãgũkari merã, ìgũsã pũrogue “Pórtico de Salomón” wãikũrogue ùmanerèñurã. ¹² Ìgũsã irasũ ùmanerèmakũ ìãgũ, Pedro ìgũsãrè àrĩyupũ:

—Mũsã, Israel bumarã, ¿nasirirã iropa gũkari? ¿Nasirirã gũare bũro ìãrĩ? “Ìgũsã Marĩpũre bũremurĩ merã, ìgũsã turaro merã ìrè waamasĩmakũ iriama”, àrĩ gũñabirikõãka! ¹³ Jesús ìgũ turaro merã ìgùrè waamasĩmakũ iriami. Marĩ ñekũsãmarã Abraham, Isaac, Jacob Marĩpũre ùmũgasigue ããrìgùrè bũremunerã ããrĩmã. Marĩpũ ìgũ magũ Jesùre, ìgũ doreri òãrò iridire: “Õãtarigu ããrĩmi”, àrĩdi ããrĩmí. Mũsã gapũ ìgùrèta oparãguere wiabũ. Pilato ìgùrè wiudũakeremakũ, mũsã gapũ gããmebiribu. ¹⁴ Jesús òãgũ, ñerĩrè neò iribi ããrĩkeremakũ, ìgùrè neò wiudorebiribu. Sugu ñegũ masakare wèjèdi gapũre wiudorebũ mũsã. ¹⁵ Irasirirã, Jesús marĩrè okari sìgũ gapũre wèjèdorebũ. Ìgũ boadero pũru, Marĩpũ gapũ ìgùrè masũdi ããrĩmí. Gũa ìgùrè Marĩpũ masũdire ìãbũ, àrĩ masĩa. ¹⁶ Jesũta ìgũ turaro merã ìĩ waamasĩbiradire mũsã ìãmasìgùrè waamasĩmakũ iriami. Gũa Jesús taumasĩrĩrè bũremumakũ ìãgũ, ìgùrè tauami. Mũsã ããrĩpererã ìgũ tauadire ìgũ waamasĩmakũ ìãa.

¹⁷ Yaarã, mũsã, mũsã oparãde Jesùre: “Marĩpũ magũta ããrĩmi”, àrĩ pémasĩbirisĩã, ìgùrè wèjèdorebũ. ¹⁸ Iripoegue Marĩpũ ìgũya kerere weredupiyunerã ããrĩpererãrè: “Cristo yũ iriubu ñerò tarigũkumi”, àrĩderosũta Jesùre waabũ. ¹⁹ Irasirirã mũsã ñerò irideare bũjawere, mũsã gũñarĩrè gorawayuka! Marĩpũ dorerire irika! Irasirimakũ, Marĩpũ mũsãrè mũsã ñerò irideare kãti, siñajãrĩ merã ããrĩrikũmakũ irigũkumi. ²⁰ Irasirigu mũsãrè Cristore dupaturi iriugũkumi. Cristo, Marĩpũ beyedi mũsãrè taugũ, Jesũta ããrĩmí. ²¹ Jesucristo ùmũgasigue mũrĩadi, irogueta ããrĩmi dapa. Marĩpũ iripoegue ìgũ iriburire ìgũya kerere weredupiyunerãrè weredorederosũta ããrĩpererire òãrò ãmu, pũru Jesùre iriugũkumi. ²² Iripoegue Moisés irimarè marĩ ñekũsãmarãrè ãsũ àrĩdi ããrĩmí:

Pũrugue Marĩpũ marĩ Opũ sugũ ìgũya kerere werebure iriugũkumi. Yũre iriuderosũta ìgũdere iriugũkumi. Ìgũde marĩyagũta ããrìgũkumi. ããrĩpereri ìgũ wererire péka! Ìgũ dorerire òãrò iritũyaka!

²³ Ìgũ dorerire iritũyamerã gapũ béosũrãkuma. Irasirirã Marĩpũyarã merã neò ããrĩnemobirikuma pama, àrĩdi ããrĩmí Moisés.✠

²⁴ ããrĩpererã iripoegue marã Marĩpũya kerere weredupiyunerãkũ, Samuel pũru marãde dapagora waarire irasũta àrĩ gojanerã ããrĩmã. ²⁵ Iripoegue Marĩpũ marĩ ñekũ Abrahãrè: “Yũ, mũ parãmi ããrĩturiagu merã i ùmũ marã ããrĩpererãrè òãrò irigũra”, àrĩdi ããrĩmí. Ìgũya kerere weredupiyunerãrè ìgũ Abrahãrè àrĩdeare weredoredi ããrĩmí marĩ ñekũsãmarãrè. Irasirigu Marĩpũ ìgũsãrè àrĩderosũta mũsãrè iridi ããrĩmí. ²⁶ Irasirigu ìgũ magũ Jesús boadiguere masũ, marĩrè judío masakare iriupũroridi ããrĩmí, marĩrè òãrĩ gapũre iri, marĩ ñerò iririre piriburo, àrìgũ, àrĩ wereyupũ Pedro ìgũsãrè.

4

Pedrore, Juãrè oparã pũrogue ããideã

1-2 Pedro, Juan merã masakare wereníripoe paía, Marĩpũya wii korerã surara opu, gajirã saduceo bumarã ejañurã. Pedrosã masakare: “Jesús boadero pũũ masãdi ããrĩmĩ. Irasirirã marĩde boadero pũũ ããrĩpererã masãrãkoa”, ãrĩ buenañurã. Īgũsã irasũ ãrĩ buemakũ pérã, saduceo bumarã, masaka boanerã masãrĩrẽ buremubirisĩã, Īgũsã merã buro guañurã. 3 Irasirirã abe ñajãripoe ããrĩmakũ, Pedrosãrẽ ñeã, iri ñamirẽ peresu iriñurã. 4 Irasirikeremakũ, gajirã wárã Jesúya kerere pénerã, Īgũrẽ buremunugãrã ããrĩñurã. Irasirirã dupiyurogue Jesúre buremupũrorinerã merã wárã ããrĩñurã. Ūma ditare keomakũ, cinco mil ããrĩñurã.

5 Pedrosãrẽ peresu iriadero pũũ, gajinũ gapũ Jerusalẽgue judío masaka oparã, gajirã murã, gajirã Moisés gojadeare buerimasã nerẽñurã. 6 Gajirãde, paía opu Anás, Caifás, Juan, Alejandro, gajirã paía opũyarã Īgũsã merã ããrĩñurã. 7 Irogue nerẽ, Pedrosãrẽ Īgũsã pũro ãiridore, Īgũsã ejamakũ:

—¿Noã musãrẽ doreri, noã musãrẽ inorẽ irasiridoreri? ãrĩ sërẽñañurã.

8-9 Pedro Ōãgũ deyomarĩgũrẽ opatarisĩã, ãsũ ãrĩ yũjuyupũ Īgũsãrẽ:

—¿Musã judío masaka oparã, murãde guare ĩĩ waamasĩbiradire õãrõ iriadeare, Īgũrẽ tauadeare sërẽñarã yári? 10 Musãrẽ ire weregũra, ããrĩpererã Israel bumarã õãrõ pémasĩburo, ãrĩgũ. Jesucristo Nazaretmũ turaro merã, Īgũ wãĩ merã ĩĩ waamasĩbiradi waamasĩami. Musã Īgũrẽta curusague pábiatú wẽjẽdorebu. Īgũ boadero pũũ, Marĩpũ gapũ Īgũrẽ masũ, dupaturi okamakũ iridi ããrĩmĩ. 11 Iripoegue Marĩpũya kerere weredupiyudi ãsũ ãrĩ gojadi ããrĩmĩ: “Suye ãtãye wii iririmasã Īgũsã béoadeaye merã gajigũ gapũ õãrõ turari wii irigũkumi”, ãrĩ gojadi ããrĩmĩ. Jesús iri ãtãye Īgũsã béoadeaye irirosũ ããrĩmĩ. Marĩpũ Īgũrẽ beyedi ããrĩmĩ marĩrẽ taubure. 12 I nikũguere Jesús suguta marĩrẽ taugũ ããrĩmĩ. Gajigũ marĩrẽ taugũ neõ mámi. Marĩpũ Īgũrẽta iriudi ããrĩmĩ marĩrẽ taubure, ãrĩ wereyupũ Pedro Īgũsãrẽ.

13 Judío masaka oparã Pedro, Juan buebirinerã ããrĩkererã, õãrõ gũñaturari merã, pémasĩrĩ merã weremakũ pérã, pégũkakõãñurã. Īgũsãrẽ: “Diayeta Jesús merãmarãta ããrĩma”, ãrĩ ñãmasĩñurã. 14 Waamasĩbiradi Pedrosã pũro nímakũ ñãrã, Īgũsãrẽ: “Ñerõ irirã iriabu”, ãrĩ werewũamasĩbiriñurã.

15 Irasirirã, Īgũsãrẽ Īgũsã nerẽrĩ taribugue ããrĩrãrẽ wiriadoreñurã, Īgũsã basi gãme werenímurã:

16 Āsũ ãrĩñurã:

—¿Nasirirãkuri Īgũsãrẽ? ĩĩ waamasĩbiradire Īgũsã waamasĩmakũ iriadeare Jerusalén marã pépereakõãñurã. Irasirirã: “Iribirama”, ãrĩmasĩbirikoa marĩ. 17 Gajirãrẽ irire neõ pénemomakũ iribirikõãrõ gããmea marĩrẽ. Irasirirã: “Jesúyamarẽ gajirãguere neõ werenemobirikõãka pama!” ãrĩrã Īgũsãrẽ, ãrĩ wereníñurã.

18 Irasũ ãrĩ werení odo, Pedrosãrẽ siiu, ãsũ ãrĩñurã:

—Gajirãguere neõ Jesúyamarẽ werenemobirikõãka! Neõ Īgũya kerere buenemobirikõãka! ãrĩñurã.

19 Īgũsã irasũ ãrĩkeremakũ, Pedro, Juan gapũ ãsũ ãrĩ yũjuñurã Īgũsãrẽ:

—¿Marĩpũ musã guare dorerire irimakũ gããmerĩ, o Īgũ doreri gapũre gũã irimakũ gããmerĩ? ¿Naásũ gũñarĩ musã irire? 20 Gũã Īgũ dorerire iritũyarã ããrã. Irasirirã gũã ñãdeare, gũã pédeare neõ wereduúmasĩña máa, ãrĩñurã.

21-22 Īgũsã irasũ ãrĩmakũ pérã, judío masaka oparã gapũ dupaturi ãrĩñurã:

—Jesúyamarẽ neõ werenemomerãta pama! Irire pirimerã, wajamoãsũrãkoa, ãrĩñurã. Gajirã gapũ usũyari merã Marĩpũre: “Mũ ĩĩ waamasĩbiradire tauadea õãtariabu”, ãrĩñurã. Īgũ cuarenta bojori nemorõ opagũ ããrĩyupũ. Irasirirã oparã gapũ Pedrosãrẽ: “Ñerõ irirã iriama”, ãrĩmasĩbiri, wajamoãmerãta Īgũsãrẽ wiukõãñurã.

Jesúre buremurã Marĩpũre iritamurĩ sërẽdea

²³ Pedrosã iroque ããrãnerã wiria, ïgũsã merãmarã pũroque waakõãñurã. Iroque eja, paía oparã, judío masaka mũrã ïgũsãrẽ ãrãdeare ïgũsã merãmarãrẽ wereñurã. ²⁴ ïgũsã weremakũ pérã, ããrĩpererã iro ããrĩrã Marĩpũre sërẽñurã:

—Gua Opũ, mũ diayeta ãmũgasi, i nikũ, dia wádiya, i ãmũma ããrĩpererire iridi ããrã.

²⁵ Iripoegue gua ñekũ Davire mũrẽ moãboegure Õãgũ deyomarĩgũ merã ãsũ ãrĩ were-doredi ããrĩbũ:

Judío masaka ããrĩmerã Marĩpũ merã bũro guama. Israel bumarãde Marĩpũyare: “Gããmebea”, ãrĩ gũñadima.

²⁶ I nikũ marã oparã Marĩpũ merã gãmekẽãduarã nerẽrãkuma. ïgũ beyedi merãdere irasũta gãmekẽãrãkuma, ãrĩ weredoredi ããrĩbũ.✠

²⁷ Mũ weredorederosũta diayeta waabũ. I makãguere opũ Herodes, Poncio Pilato, gajirã Israel bumarã, gajirã judío masaka ããrĩmerã nerẽma Jesús mũ magũrẽ wẽjẽmurã. ïgũ õãgũ, mũ beyedi ããrĩmi. ²⁸ Irasirirã, iripoegue mũ turaro merã mũ beyedire: “Irasũ waarokoa ïgũrẽ”, ãrĩderosũta irima. ²⁹ Gua Opũ, dapagora paía oparã mũya kerere: “Werebirikõãka! Mũsã irire wererã, wajamoãsũrãkoa”, ãrãma gũare. ïgũsã irasũ ãrãdeare gũñaka mũ! Gua mũrẽ moãboerã ããrã. Irasirigũ gũare mũyare gajirãrẽ gũiro marĩrõ weremakũ irika! ³⁰ Gũare mũ turaro merã pũrĩrikarãrẽ taumakũ irika! Irasirigũ gũare mũ turaro merã Jesús mũ magũ, õãgũ wãĩ merã iri ïmurĩrẽ irimakũ irika! ãrĩ sërẽñurã Marĩpũre.

³¹ ïgũsã irasũ ãrĩ sërẽaderõ pũrũ, ïgũsã ããrĩrĩ wii gãmeñayuro. ããrĩpererã Õãgũ deyomarĩgũrẽ opatariñurã. Irasirirã, ïgũ iritamurĩ merã gũiro marĩrõ Marĩpũya kerere wererã waañurã.

Jesúre bũremurã ïgũsã oparire gãme dukawadea

³²⁻³³ Irasirirã Jesús buedoregũ beyenerã Marĩpũ turaro merã masakare: “Marĩ Opũ Jesús boadero pũrũ masãdi ããrĩmĩ. ïgũ dupaturi okadero pũrũ, gua ïgũrẽ ïãbũ”, ãrĩ wereñurã. ããrĩpererã Jesúre bũremurã surosũ gũñañurã. Irasirirã ïgũsã oparire: “Yaa ããrã”, ãrĩrõ marĩrõ gãme dukawañurã. Marĩpũ ïgũsãrẽ ããrĩpererãrẽ õãrõ iritamuyupũ. ³⁴⁻³⁵ Irasirirã wiiri oparã, nikũ oparã, gajirãrẽ irire duañurã. ïgũsã duadea wajare Jesús buedoregũ beyenerãrẽ sınañurã. Jesús buedoregũ beyenerã irire ïgũsã watope ããrĩrãrẽ gajino opamerãrẽ dukawañurã. Irasirirã ïgũsã watopegue boporã marĩñurã pama. ³⁶ Iripoere sugũ Jesúre bũremugũ José wãikũgũ ããrĩyupũ. ïgũ Chipre wãikũri ñũgũrõmũ, Levíya bumũ ããrĩyupũ. Jesús buedoregũ beyenerã ïgũrẽ “Bernabé” wãiyẽñurã. “Bernabé”, ãrĩrõ, griego ya merã: “Masakare õãrõ yũjũpũrãkũmakũ irigũ”, ãrĩduaro irikoa. ³⁷ ïgũ nikũ opagũ ããrĩsĩã, su poee ejatuaro gajirãrẽ duayupũ. ïgũ duadea wajare Jesús buedoregũ beyenerãrẽ sĩpeokõãyupũ.

5

Ananías, Safira merã ãrĩkatodea

¹ Gajigũ Ananías wãikũgũ ïgũ marãpo Safira merã su poee ejatuaro nikũrẽ duayupũ. ² ïgũ duadea wajare ïgũ basi deko merã duripíkõãyupũ. Irasirigũ ããrĩpereri niyerure Jesús buedoregũ beyenerãrẽ sĩpeobirikeregũ: “Iropata wajariama”, ãrĩkatoyupũ. ïgũ marãpo ããrĩpereri ïgũ irasiriadeare masĩyupo. ³ Pedro ãsũ ãrĩyupũ ïgũrẽ:

—Ananías, ¿nasirigũ wãtĩrẽ mũya gũñarĩguere ñajãdoreari? ïgũ ñajãmakũta, mũya nikũ duadea wajare gũare sĩpeobirikeregũ, mũ Õãgũ deyomarĩgũrẽ ãrĩkatoa. ⁴ Iri nikũ mũ duaburo dupiyuro mũya nikũ ããrĩbũ. Mũ duadea waja mũya niyeruta ããrã. Noó mũ sĩduaropa sĩboakuyo. ¿Nasiribu irasũ ãrĩkatori? Gua ditare ãrĩkatogũ meta yãa. Marĩpũdere ãrĩkatoa mũ, ãrĩyupũ.

✠ 4:26 Sal 2.1-2

⁵ Īgũ irasũ āĩmakũ pégu, mata Ananías meémejá kōmoakōāyupũ. Īgũ irasũ waadea kerere pérã, āāĩpererã bũro gũĩñurã. ⁶ Īgũ kōmoadero pũrũ, gajirã maamarã ñajãja, Īgũya dũpũre surĩro gasiro merã õma, āĩwiriakōāñurã Īgũrẽ yáarã waarã.

⁷ Ũre hora pũrũ, Ananías marãpo āārãdeo ñajãjayupo. Īgũ boadeare neõ masĩbiriyo. ⁸ Igo ñajãmakũ ĩāgũ, Pedro igore sērẽñayupũ:

—Wereka yũre! ¿Mũsãya pooere duarã, iropata niyeru wajatari mũsã? āĩyupũ. Igo Īgũrẽ yũyũyupo:

—Iropata wajatabu, āĩyupo.

⁹ Pedro āĩyupũ igore:

—¿Nasirirã mũsã, marĩ Opũ Ōāgũ deyomarĩgũrẽ āĩkatoari? “Gũa irasirimakũ masĩbirikumi”, ¿āĩ gũñadari mũsã? ĩāka! Mũ marãpũre yáarã ejanerã sĩĩsã dujarima. Mũya dũpũdere āĩwiriarākuma, mũ marãpũya dũpũre āĩwiriaderosũta, āĩyupũ. ¹⁰ Īgũ irasũ āĩmakũta, igode Pedroya guburi pũro meémejá kōmoakōāyupo. Irasirirã maamarã igo kōmoadeoguere bokaja, igoya dũpũre āĩwiria, igo marãpũ dagũre Īgũsã yáadero pũrogueta igodere yáañurã. ¹¹ Irasirirã āāĩpererã Jesũre bũremurã, gajirãde Ananías, Safirare waadea kerere pérã, bũro gũĩñurã.

Jesús buedoregũ beyenerã Marĩpũ turaro merã iri ĩmudea

¹² Iripoere masaka watopegue Jesũs buedoregũ beyenerãrẽ Marĩpũ Īgũ turari merã wári iri ĩmurĩrẽ irimakũ iriyupũ. Āāĩpererã Jesũre bũremurã Marĩpũya wii tũro biaña marĩrĩ taribu “Pórtico de Salomón” wāĩkũri taribugue nerẽñañurã. ¹³ Masaka Īgũsãrẽ: “Ōārã āāĩma”, āĩkeremakũ, gajirã gapũ Īgũsãrẽ gũĩñurã. Īgũsã merã neõ nerẽdũabiriñurã. ¹⁴ Gajirã gapũ marĩ Opũ Jesũre wárã ũma, nomede bũremuñurã. ¹⁵ Irasirirã pũrĩrikũrãrẽ Īgũsã peyari gasiri merã Pedro waaburi maa tũro píñurã. “Pedro Īgũsãrẽ ñapeobirikeremakũ, Īgũ wātĩ meépiro Īgũsã weka ejamakũ, Īgũsãrẽ pũrĩrĩ tarirokoa”, āĩrĩ gũñarã, irasiriñurã. ¹⁶ Wárã Jerusalén tũro marãde pũrĩrikũrãrẽ, wātẽa ñajãsũnerãrẽ iroguẽ āĩñañurã. Irasirirã Jesũs buedoregũ beyenerã Īgũsã āāĩpererãrẽ taunañurã.

Oparã Jesũs buedoregũ beyenerãrẽ ĩãturidea

¹⁷ Irasirirã paía opũ, gajirã Īgũ merãmarã saduceo bumarãde Jesũs buedoregũ beyenerãrẽ bũro ĩãturi, ¹⁸ Īgũsã merã bũro gua, Īgũsãrẽ ñeã, peresu iriñurã. ¹⁹ Irasirikeremakũ, sugũ Marĩpũre wereboegũ iri ñamita peresu wii makãpũrorire tũpã, Īgũsã āāĩrĩ taribugue ñajãja, Īgũsãrẽ āsũ āĩrĩ āĩwiriayupũ:

²⁰ —Marĩpũya wiigũe waaka! Iroguẽ eja, Marĩpũ Jesũre bũremurãrẽ Īgũ merã õārõ āāĩmakũ iriburi kerere wereka masakare! āĩyupũ Marĩpũre wereboegũ Īgũsãrẽ.

²¹ Īgũ irasũ āĩmakũ pérã, Īgũsã peresu āārãnerã wiriakōāñurã. Gajinũ gapũ boyoripoe āāĩmakũ, Marĩpũya wiigũe ñajãa, masakare buenũgãñurã, Marĩpũre wereboegũ Īgũsãrẽ weredoreaderosũta.

Īgũsã iroguẽ bueripoe paía opũ gapũ, Īgũ merãmarãde, Pedrosã peresu āārãnerã wiriadeare masĩbiriñurã dapa. Irasirirã Īgũsã Israel bumarã oparãrẽ āāĩpererãrẽ neeõñurã. Īgũsã nerẽperemakũ ĩārã, surarare peresu iriri wiigũe Jesũs buedoregũ beyenerãrẽ Īgũsã biadoboanerãrẽ āĩridoreñurã. ²² Irasirirã surara Īgũsãrẽ āĩrã waadiñurã. Iroguẽ eja, Pedrosãrẽ neõ bokabiriñurã. Īgũsãrẽ bokabirisĩã, oparãguere wererã dujáakōāñurã doja.

²³ Dujaja, oparãrẽ:

—Peresu iriri wii makãpũrori õārõ biadea makãpũrori āārãdabu. Iroguẽ biadoboanerãrẽ korerãde iri makãpũrorikũ níadama. Irasũ āāĩkeremakũ, gua Īgũsã āārãdeã taribure makãpũro tũpãmakũ neõ marãma, āĩñurã.

²⁴ Īgũsã irasũ āĩmakũ pérã, paía opũ, Marĩpũya wii marã surara opũ, paía oparãde: “¿Naásũ waayuri Īgũsãrẽ?” āĩrĩ gũñarikuñurã. ²⁵ Īgũsã irasũ gũñarikuñurã sugũ masakũ Īgũsã pũro eja:

—Mũsã peresu irianerã Marĩpũya wiigũe ããrãma. Masakare buerã iriama, ãrĩyupũ.

²⁶ Ĩgũ irasũ ãrĩmakũ pérã, Marĩpũya wii marã surara opũ, Ĩgũyarã surara merã Ĩgũsãrẽ ñeãrã waañurã. Irogue eja, Ĩgũsãrẽ ñeã, paía oparã pũro ãĩãñurã doja. Masakare gũisĩã, Ĩgũsãrẽ tãrãbiriñurã. “Gũa Ĩgũsãrẽ tãrãmakũ ããrã, masaka gũare ãtãyeri merã deabukuma”, ãrĩ gũñañurã. ²⁷ Ĩgũsãrẽ judío masaka oparã pũro ãĩjamakũ, paía opũ Ĩgũsãrẽ turiyupũ:

²⁸ —Gũa mũsãrẽ: “Jesúyare neõ buenemobirikõãka!” ãrãdibũ. Gũa irasũ ãrĩkeremakũ, mũsã ããrĩperero Jerusalén marãrẽ buegorenãa. Jesús boadea waja gũare waja opamakũ iridũarã yãa mũsã, ãrĩyupũ.

²⁹ Ĩgũ irasũ ãrĩmakũ, Pedro gajirã Jesús buedoregũ beyenerã merã Ĩgũrẽ ãsũ ãrĩ yũjũyupũ:

—Masaka doreri nemorõ Marĩpũya gapũre iriro gããmea. Gũa mũsã dorerire irirã, Marĩpũ doreri gapũre iribiribukoa. ³⁰ Mũsã Jesúre curusague pábiatú wẽjẽdoredire Marĩpũ, marĩ ñekũsãmarã Opũ gapũ Ĩgũrẽ masũdi ããrĩmĩ. ³¹ Ĩgũrẽ masũ odo, ãmũgasigue ãĩmũrĩagũ, Ĩgũ diaye gapũ dobodi ããrĩmĩ. Marĩrẽ taubure, marĩ Opũ ããrĩbure irasiridi ããrĩmĩ. Irasirigũ marĩ judío masaka marĩ ñerõ irideare bujawere, gũñarĩrẽ gorawayumakũ kãtigukumi. ³² Gũa ããrĩpereri Jesús irideare ããnerã ããrã. Irasirirã irire werea. Õãgũ deyomarĩgũde gũare irire pémasĩmakũ yãmi. Irasirirã Ĩgũ iritamurĩ merã werea. Marĩpũ dorerire pérãnodere Õãgũ deyomarĩgũrẽ iriugukumi, ãrĩ wereyupũ Pedro paía opũre.

³³ Ĩgũ irasũ ãrĩmakũ pérã, oparã gapũ guataria, Pedrosãrẽ wẽjẽdũadiñurã. ³⁴ Sugũ fariseo bumũ Gamaliel wãĩkũgũ gapũ wãgãñũgãyupũ Ĩgũsãrẽ werebu. Ĩgũ judío masaka oparã merãmũ Moisés gojadeare buerimasũ ããrĩyupũ. Masaka Ĩgũrẽ: “Õãgũ ããrĩmĩ”, ãrĩ bũremuñurã. Ĩgũ wãgãñũgã, surarare: “Ĩĩsãrẽ ãĩwiriaka dapa!” ãrĩyupũ. ³⁵ Ĩgũsãrẽ ãĩwiriadero pũrũ, oparãrẽ ãsũ ãrĩyupũ:

—Mũsã Israel bumarã, mũsã Ĩgũsãrẽ iridũarire õãrõ gũñaka! ³⁶ Teudas wãĩkũgũ waadeare gũñaka! Irinũguere Ĩgũ masakare: “Masĩtarinũgãgũ ããrã yũ”, ãrĩdi ããrãdimi. Irasirirã wãrã cuatrocientos ãma Ĩgũ merãmarã ããrĩnerã ããrãdima Ĩgũ buerire péduarã. Pũrũ gajirã Ĩgũrẽ wẽjẽkõãnerã ããrĩmã. Ĩgũrẽ wẽjẽadero pũrũ, Ĩgũ merãmarã ããrãdinerã waasiriakõãnerã ããrĩmã. Irasũ waadero pũrũ, Ĩgũ buedea pereakõãdero ããrĩbũ. ³⁷ Pũrũ i nikũ marãrẽ Ĩgũsã keoripoe gajigũ Judas wãĩkũgũ Galileamũ ããrĩdi ããrãdimi. Wãrã Ĩgũ merãmarã ããrĩnerã ããrãdima. Pũrũ gajirã Ĩgũdere wẽjẽkõãnerã ããrĩmã. Ĩgũrẽ wẽjẽadero pũrũ, Ĩgũ merãmarã ããrãdinerã waasiripereakõãnerã ããrĩmã. ³⁸ Irasirigũ mũsãrẽ werea. Sũĩsãrẽ, marĩ peresugue biadoboanerãrẽ wiuka! Mũsã Ĩgũsãrẽ iridũarire iribirikõãka! Ĩgũsã bueri, Marĩpũya bueri ããrĩbero, pereakõãrokoa Teudas, Judas buedea perederosũta. ³⁹ Ĩgũsã bueri, Marĩpũya bueri ããrĩrõ, neõ perebirikoa. Ĩgũsãrẽ irire pirimakũ iribirikoa. Irasirirã irire õãrõ pémasĩka! Ĩgũsã bueri, diayeta Marĩpũya bueri ããrĩmakũ, mũsã Ĩgũsãrẽ wẽjẽdũarã, Marĩpũ merã gãmekẽãduarã irirosũ iribirikoa, ãrĩyupũ Gamaliel.

⁴⁰ Ĩgũ irasũ ãrĩmakũ pérã: “Jãũ, marĩrẽ diayeta weremi ãĩ”, ãrĩ péñurã. Irasirirã Jesús buedoregũ beyenerãrẽ siiu, surarare tãrãdoreñurã. “Jesúyare neõ werenemobirikõãka!” ãrĩñurã. Irasũ ãrĩ odo: “Waaka!” ãrĩ, wiuñurã Ĩgũsãrẽ pama. ⁴¹ Irasirirã Jesús buedoregũ beyenerã judío masaka oparã pũro ããrãnerã waakõãñurã. “Marĩ Jesúyare bueri waja marĩrẽ tãrãdoreama gũyasĩrĩburo, ãrĩrã”, ãrĩñurã. “Marĩpũ gapũ marĩrẽ: ‘Irire bokatĩũkõãma’, ãrĩ masĩmi”, ãrĩñurã. Irasirirã oparã Ĩgũsãrẽ ñerõ irikeremakũ, bũro usũyañurã. ⁴² Irasirirã ãmũrikũ Marĩpũya wiigũe, wiiriguedere masakare: “Jesúta Marĩpũ iriudi, Cristo ããrĩmĩ”, ãrĩ buenañurã.

6

Jesús buedoregũ beyenerã Ĩgũsãrẽ iritamumũrãrẽ beyedea

¹ Irasirirā irinurĩrē wārā judío masaka Jesúre buremunugãñurā. Surāyeri hebreo ya merā werenĩñurā. Gajirā griego ya merā werenĩñurā. Īgūsā wapiweyarā nomerē ũmurikũ Īgūsā baarire keoro guerebirimakũ ĩārā, hebreo ya merā werenĩrā gapure turiñurā. ² Irasirirā Jesús buedoregũ beyenerā Jesúre buremurārē āārĩpererārē Īgūsā purogue siiu needõ, āsũ ārĩ wereñurā:

—Gua baarire guererā, Marĩpũya kere gapure wereduũmakũ õābiribukoa. ³ Irasirirā musā gũayarā, Jesúre buremurā musā watope āārĩrārē su mojõma pere gaji mojõ peru pērēbejarāgora beyeka! “Õārõ masĩrā, Õāgũ deyomarĩgũ turarire opatarirā āārĩma”, musā ārĩ ĩārārē beyeka! Musā beye odomakũ, gua Īgūsārē baari gueremurārē sóorākoa. ⁴ Irasirirā gua ũmurikũ Marĩpũre sērē, Īgũyare buerākoa, ārĩñurā.

⁵ Īgūsā irasũ ārĩmakũ pérā, āārĩpererā: “Jáũ, irasũta irirāra”, ārĩ, Esteban wāĩkũgure beyeñurā. Īgũ Jesúre õārõ buremugũ, Õāgũ deyomarĩgũrē opatarigũ āārĩyupũ. Gajirā Felipe, Prócoro, Nicanor, Timón, Parmenas, Nicolás wāĩkũrārē beyeñurā. Nicolás Antioquĩamũ judío masakũ āārĩbirikeregũ, judío masaka irirosũ buremugũ āārĩyupũ. ⁶ Īgūsārē beye odo, Jesús buedoregũ beyenerā puro āĩñurā. Īgūsā āĩjamakũ ĩārā, Marĩpũre: “Õārõ iritamuka Īgūsārē!” ārĩ sērēbosa, Īgūsāya dipu weka mojõrĩ merā ñapeoñurā.

⁷ Irasirirā Marĩpũya kerere weregorenamakũ, wārā masaka irire péñurā. Wārā Jerusalén marā masaka, paĩade Jesúre buremunugãñurā.

Estebārē peresu iridoredea

⁸ Esteban Marĩpũ iritamurĩ merā Īgũ turaro merā pũrĩrikũrārē tau, gaji õārĩ iri ĩmurĩrē iriyupũ masaka wārā watopere. ⁹ Īgũ irasirimakũ ĩārā, surāyeri judío masaka “Esclavos Libertado” wāĩkũri bumarā Īgũ merā guaseopũrorĩñurā. Īgūsā: Cirene marā, Alejandría marā, Cilicia marā, Asia marā su wii judío masaka Īgūsā nerērĩ wiigue nerēnarā āārĩñurā. ¹⁰ Esteban, Õāgũ deyomarĩgũ Īgũrē õārĩ masĩrĩ sĩrĩ merā werenĩmakũ pérā, Īgũrē neõ werenĩ bokatĩubiriñurā. ¹¹ Irasirirā masaka ĩāberogue gajirārē niyeru wajari: “Āsũ ārĩkatoka masakare!” ārĩñurā:

—“Esteban Moisése, Marĩpũre ñerõ werenĩmakũ péabu gua”, ārĩka! ārĩñurā. ¹² Irasirirā Īgūsā ārĩkatadoresũanerā irire weremakũ pérā, iri makā marā, murā, Moisés gojadeare buerimasāde Esteban merā bure gua, Īgũrē ñeā, oparā puro āĩñurā. ¹³ Īgũrē iroque āija, gajirārē āsũ ārĩkatonemodoreñurā doja:

—Ĩĩ ũmurikũ Marĩpũya wiire, Moisés gojadedere ñerõ werenĩgorenami. ¹⁴ Masakare: “Jesús Nazaretmũ, Marĩpũya wiire béogũkumi. Moisés marĩrē pídeadere gorawayugũkumi”, ārĩmakũ péabu gua, ārĩkatoñurā oparārē.

¹⁵ Īgūsā irasũ ārĩmakũ pérā, oparā āārĩpererā iroque doarā Estebārē bure ĩañurā. Īgūsā ĩāmakũ, Īgũya diapu Marĩpũre wereboegũya diapu irirosũ deyoyuro.

7

Esteban oparārē weredea

¹ Īgūsā Estebārē ĩārĩpoe paía opu Īgũrē sērēñayupũ:

—¿Diayeta ārĩrĩ, Īgūsā murē weresārā? ārĩyupũ.

² Esteban yũjũyupũ Īgũrē:

—Yaarā, yũre õārõ péka! Marĩ ñekũ Abraham, Harán wāĩkũri makāgue waaburo dupiyuro Mesopotamiague āārĩdi āārĩmĩ Caldea masaka āārĩrõgue. Īgũ iroque āārĩpoe Marĩpũ õārõ goesiriri merā Īgũrē deyoa, ³ āsũ ārĩdi āārĩmĩ: “I nikũrē, mũyarārē béowāgāka! Mũ waamakũ, yũ gaji nikũ mũ āārĩburi nikũrē ĩmugũkoa”, ārĩdi āārĩmĩ Marĩpũ Abrahārē. ⁴ Marĩpũ irasũ ārĩmakũ pégũ, Abraham Caldea nikũ āārĩdi Harāgue waadi āārĩmĩ. Iroque ejadero purũ, Īgũ pagũ boadi āārĩmĩ. Īgũ boadero purũ, Marĩpũ Abrahārē wiridoredi āārĩmĩ doja. Irasirigũ Abraham õõ, marĩ āārĩrĩ nikũrē ejadi āārĩmĩ

pama. ⁵ Īgũ õõgue ejamakũ, Marĩpu ĩgũrẽ neõ nikũrẽ sĩbiridi ããrĩmĩ dapa. Sĩbirikeregu, ĩgũrẽ: “Pũrugue m̃ya, m̃ parãmerã ããrĩturiarãya nikũ ããrĩrokoa”, ãrĩdi ããrĩmĩ. Īgũ irasũ ãrĩripoere Abraham neõ pũrã marĩdi ããrĩmĩ dapa. ⁶ Gaji Marĩpu ĩgũrẽ ãrĩnemodi ããrĩmĩ doja: “M̃ parãmerã ããrĩturiarã gaji nikũgue waarãkuma dapa. Cuatrocientos bojorigora iri nikũ marãrẽ moãboerãkuma. Īgũsãrẽ moãdore, pãbirarãkuma. ⁷ Yũ gapũ iri nikũ marãrẽ wajamoãgura ĩgũsã irasiriri waja. Yũ ĩgũsãrẽ wajamoã odoadero pũrũ, m̃ parãmerã ããrĩturiarã iri nikũrẽ wirirãkuma. Wiri, yũ ĩgũsãrẽ sĩburi nikũgue eja, yũre bũremurã yũ dorerire irirãkuma”, ãrĩdi ããrĩmĩ Marĩpu Abrahãrẽ. ⁸ Īgũ irasũ ãrãdero pũrũ, ãsũ iridoredi ããrĩmĩ doja: “Ããrĩpererã ãmarẽ ĩgũsãya dupũma gasirogãrẽ* wiirika! Irasirirã musã yũ werenĩrĩ bũremurĩrẽ yũre ĩmurãkoa”, ãrĩdi ããrĩmĩ. Irasirigu Abraham ĩgũ magũ Isaare su semana ĩgũ deyoadero pũrũ, ĩgũrẽ wiiridi ããrĩmĩ. Murãrõta Isaade ĩgũ magũ Jacore iridi ããrĩmĩ. Jacode murãrõta ĩgũ pũrãrẽ pe mojõma pere su gubu peru pẽrẽbejari buri ããrĩmurãrẽ iridi ããrĩmĩ.

⁹⁻¹⁰ Ĵacob pũrã marĩ ñekũsãmarã ĩgũsã pagumũrẽ Josere ĩãturiã, Egiptogue waarãrẽ duanerã ããrĩmã, iro marãrẽ moãboegu ããrĩburo, ãrĩrã. Marĩpu gapũ ĩgũ merã ããrĩnikõãdi ããrĩmĩ ĩgũrẽ iritamugũ. Īgũ ñerõ tarikeremakũ, ããrĩpereri ĩgũ ñerõ taririre taudi ããrĩmĩ. Wãri masĩrĩ sĩdi ããrĩmĩ. Irasirigu faraõn† Egiptomũ i nikũ marã opũ Josere beyedi ããrĩmĩ, ĩgũ dokamũ opũ ããrĩburo, ãrĩgũ. Īgũya wiimadere moãdoregu sõodi ããrĩmĩ.

¹¹ Pũrũ ããrĩperero Egiptoguerẽ, Canaãnikũguedere baari pereakõãdero ããrĩbũ. Irasirirã masaka bũro ñerõ tarinerã ããrĩmã. Marĩ ñekũsãmarã uaboanerã ããrĩmã. ¹² Irasirigu Egiptogue trigo ããrĩrĩ kerere pẽgu, Jacob ĩgũ pũrãrẽ marĩ ñekũsãmarãrẽ: “Wajarirã waaka!” ãrĩ iriudi ããrĩmĩ. Īgũ irasũ ãrĩmakũ pẽrã, neõ waarã irinerã ããrĩmã iroguerẽ. Irogue eja, baari wajari odo, gãme dujarikõãnerã ããrĩmã doja. ¹³ Īgũsã baari wajariadeare baapeo, dupaturi wajarirã waanerã ããrĩmã doja. Iripoeta pama Josẽ ĩgũsãrẽ: “Musã pagumũta ããrã yũ”, ãrĩ weredi ããrĩmĩ. Irasirigu Egipto marã opũ Josẽ tĩrãrẽ masĩdi ããrĩmĩ. ¹⁴ Pũrũ Josẽ ĩgũ tĩrã merã kerere iriudi ããrĩmĩ ĩgũ pagure. “Yũpũ, ĩgũyarã merã aariburo”, ãrĩ iriudi ããrĩmĩ. Jacoyarã setenta y cinco gora ããrĩnerã ããrĩmã. ¹⁵ Josẽ kere iriuadeare pẽgu, Jacob ĩgũ pũrã merã Egiptogue waadi ããrĩmĩ. Jacob irogue boadi ããrĩmĩ. Īgũ pũrã, marĩ ñekũsãmarãde boanerã ããrĩmã. ¹⁶ Pũrugue ĩgũsã parãmerã ããrĩturiarã ĩgũsãya gõãrĩrẽ Siquem wãĩkuri makãgue Abraham, Hamor pũrãrẽ ĩgũ ãtãgobe wajaridea gobegue pĩmurã ããrĩnerã ããrĩmã.

¹⁷ Marĩpu Abrahãrẽ: “M̃ parãmerã ããrĩturiarãrẽ i nikũrẽ sĩgũra”, ãrĩdero ejawãgãripoe Abraham parãmerã ããrĩturiarã Egiptogue ããrĩrã wãrã masãporenerã ããrĩmã. ¹⁸ Īgũsã irogue ããrĩmakũ, Josẽ boadero pũrũ yoadero pũrũ, gajigu iri nikũ marã opũ ñajãdi ããrĩmĩ doja. Īgũ, Josẽ õãrõ irideare õãrõ masĩbiridi ããrĩmĩ. ¹⁹ Irasirigu marĩ ñekũsãmarã wãrã masãporemakũ ĩãgũ, ĩgũsãrẽ tarinũgãduagu, ñerõ iridi ããrĩmĩ. Ũma pũrã deyoarãrẽ boaburo, ãrĩgũ, bẽdoredi ããrĩmĩ. ²⁰ Iripoeta Moises deyoadi ããrĩmĩ. Īgũ Marĩpu ĩũrõrẽ õãgũ ããrĩdi ããrĩmĩ. Irasirirã ĩgũ deyoadero pũrũ, ĩgũ pagusãmarã ĩgũsãya wiigüe urerã abegora duri merã ĩgũrẽ masũnerã ããrĩmã. ²¹ Īgũrẽ duũnemomasĩmerã, diague puui merã paubõnerã ããrĩmã. Pũrũ Egipto marã opũ magõ ĩgũrẽ boka, igoya wiigüe ãĩmajã, igo magũ diaye irirosũ masũdeo ããrĩmõ. ²² Moises iri wiigüe masã, ããrĩpereri Egipto marã buerire buepeodi ããrĩmĩ. Irasirigu ĩgũ masĩrĩ merã werenĩ, ããrĩpereri õãrõ iridi ããrĩmĩ.

²³ Pũrũ cuarenta bojori opagu ĩgũyarãrẽ Israel bumarãrẽ ĩãduagu, ĩgũsã pũrogue waadi ããrĩmĩ. ²⁴ Irogue ejagu, sugũ Egiptomũ ĩgũyagure ñerõ irimakũ ĩãdi ããrĩmĩ.

* **7:8** Gn 17.1-14: Iripoegue Marĩpu Abrahãrẽ ĩgũ pũrã ãmarẽ: “Yaarã ããrĩburo”, ãrĩgũ, ĩgũsãya dupũma gasirogãrẽ wiiridoredi ããrĩmĩ. Pũrũ iri dorerire Moiserẽ pĩdi ããrĩmĩ. Irasirirã judio masaka Abraham parãmerã ããrĩturiarã iri dorerire irirã, ĩgũsã pũrã ãmarẽ su mojõma pere gaji mojõ ureru pẽrẽbejarinũrĩ waarõ merã ĩgũsã deyoadero pũrũ irasũ yãma. † **7:9-10** “Faraõn”, ãrĩrõ, Egipto marã ya merã: “opũ”, ãrĩduaro yãa.

Irasirigu ĩgũrẽ gãmbosagu Egiptomurẽ wẽjẽkõadi ããrĩmĩ. ²⁵ ĩgũ basi: “Marĩpu yaarãrẽ wijatadoregu iriuami, ĩgũsã irire õãrõ pẽmasĩkuma”, ãrĩ gũñadi ããrĩmĩ. ĩgũsã gapu ĩgũ gũñarõsũ gũñabirinerã ããrĩmã. ²⁶ Gajinu gapu Moises ĩgũsã purogue waadi ããrĩmĩ doja. Irogue ejagu, gajirã ĩgũyarã pẽrã ĩgũsã basi gãmekẽãmakũ ĩãdi ããrĩmĩ. “Iropata gãmekẽãka! ĩNasirimurã su bumarã ããrĩkererã, iropa gãmekẽãkõãrĩ?” ãrĩdi ããrĩmĩ Moises ĩgũsãrẽ. ²⁷ ĩgũ irasũ ãrĩmakũ pẽgu, buru pãdi gapu, Moiserẽ túmeenu: “ ‘ĩNoã murẽ guã opu, guãre dorebu ããrĩburo’, ãrĩ sóoari? ²⁸ ĩNamika Egiptomurẽ mu wẽjẽaderosũ yũdere wẽjẽduagu yãri?” ãrĩdi ããrĩmĩ Moiserẽ. ²⁹ ĩgũ irasũ ãrĩmakũ pẽguka, Moises Egiptore wiri, gaji nikũ Media wãikuri nikũgue waadi ããrĩmĩ. Irogue ĩgũsã watopegue ããrĩgũ, iromorẽ marãpoku, pẽrã ũma pũrãkudi ããrĩmĩ.

³⁰ Moises cuarenta bojorigora iri nikũguere ããrĩdi ããrĩmĩ. Iriku bojori puru Sinai wãikudi ãtãũ puru, masaka marĩrõgue waadi ããrĩmĩ. Irogue sugu yukugã dupuri watopegue peame ãjũmakũ ĩãdi ããrĩmĩ. Marĩpure wereboegu iri peame ãjũrĩ pũrã dekgue deyoadi ããrĩmĩ ĩgũrẽ. ³¹ Moises iri peame ãjũmakũ ĩãgũ, ĩãgukakõadi ããrĩmĩ. “ĩNaásũ waari?” ãrĩ, iri yukugã purugãgue ĩãgũ waagũ, marĩ Opu ãsũ ãrĩ werenĩmakũ pẽdi ããrĩmĩ: ³² “Yũ, mu ñekũsãmarã: Abraham, Isaac, Jacob Opu ããrã”, ãrĩdi ããrĩmĩ. ĩgũ irasũ ãrĩmakũ pẽgu, buru gũi narada, neõ ĩãnemodũabiridi ããrĩmĩ. ³³ Marĩpu ĩgũrẽ: “Yũ puruota nĩa mu. Irasirigu mũya gubu surĩre túweaka, yũre burẽmurĩrẽ ĩmubu. ³⁴ Yaarã Egiptogue ããrĩrãrẽ buru poyamakũ ĩãa. ĩgũsã buru burawererĩ merã gaguinĩmakũ pẽa. Irasirigu ĩgũsãrẽ taubu dijijabu. Irasirigu murẽ Egiptogueta iriugura ĩgũsãrẽ iritamudoregu”, ãrĩ weredi ããrĩmĩ Marĩpu Moiserẽ.

³⁵ ĩ Moisereta marĩ ñekũsãmarã ĩgũrẽ gããmemerã: “ ‘ĩNoã murẽ guã opu, guãre dorebu ããrĩburo’, ãrĩ sóoari?” ãrĩnerã ããrĩmã. Marĩpu gapu ĩgũrẽ: “ĩgũsã opu pĩgura murẽ”, ãrĩ, ĩgũrẽ iriudi ããrĩmĩ ĩgũsãrẽ taudoregu. Marĩpu ĩgũrẽ wereboegu yukugã dupuri watopegue peame ãjũderogue deyoadi merã ĩgũrẽ iriudi ããrĩmĩ. ³⁶ Irasirigu Moises Egiptogue eja, Marĩpu turaro merã wãri iri ĩmurĩrẽ iridi ããrĩmĩ. Puru marĩ ñekũsãmarãrẽ Egiptogue ããrãnerãrẽ siuwãgã, wãdiya deko diadiyague eja, Marĩpu turaro merã irasũta iridi ããrĩmĩ doja. Puru cuarenta bojorigora masaka marĩrõgue ĩgũsã waagorenamakũdere, irasũta iridi ããrĩmĩ doja. ³⁷ Moisereta marĩ ñekũsãmarã Israel bumarãrẽ ãsũ ãrĩ weredi ããrĩmĩ: “Purugue marĩyagure Marĩpu iriugukumi ĩgũya kerere werebure. Yũre ĩgũ iriuderosũta ĩgũdere iriugukumi. ĩgũ wererire õãrõ pẽduripĩka!” ãrĩ weredi ããrĩmĩ. ³⁸ Marĩ ñekũsãmarã masaka marĩrõgue nerẽmakũ, Moises ĩgũsã merã ããrĩdi ããrĩmĩ. Irogue Sinai wãikudi ãtãũgue Marĩpure wereboegu ĩgũrẽ weredi ããrĩmĩ. ĩgũ irasũ weremakũ pẽadeare Moises marĩ ñekũsãmarãrẽ weretaudi ããrĩmĩ. Marĩ irire pẽmakũ, Marĩpu marĩrẽ ĩgũ merã õãrõ ããrĩmakũ yãmi. Iri neõ perebirikoa.

³⁹ Moises irire werekeremakũ, marĩ ñekũsãmarã gapu neõ burẽmubirinerã ããrĩmã. ĩgũdere burẽmubiri: “Egiptogue dujãakõãrã”, ãrĩ gũñanerã ããrĩmã. ⁴⁰ Irasirirã Moises ãtãũgue ããrĩripoe ĩgũ tĩgũ Aarõrẽ: “Marĩrẽ Egiptogue ããrĩrãrẽ ãrĩdi, ĩnaásũ waayuri? Marĩ neõ masĩbea”, ãrĩnerã ããrĩmã. Irasirirã Aarõrẽ: “Keori weabosaka guãre! I keori weadea merã kõãdupiyurãkoa, marĩ waaburi maarẽ ĩmuburo, ãrĩrã”, ãrĩnerã ããrĩmã. ⁴¹ Irasũ ãrĩ odo, sugu weku majĩgũ keori oro merã weanerã ããrĩmã. Puru ĩgũsãyarã waimurã ejorãrẽ wẽjẽ, soeponerã ããrĩmã iri weadeare burẽmurã. Puru irire usuyari merã ĩãrã, bosenu irinũgãnerã ããrĩmã. ⁴² ĩgũsã weadeare burẽmumakũ ĩãgũ, Marĩpu ĩgũsãrẽ bẽodi ããrĩmĩ, ĩgũsã gããmerõ iriburo, ãrĩgũ. Irasirirã neñukãrẽ, abeare burẽmunũgãnerã ããrĩmã. Marĩpũya kerere weredupiyunerã ãsũ ãrĩ gojanerã ããrĩmã Marĩpu ãrĩdeare gojarã:

Musã, Israel bumarã masaka marĩrõgue cuarenta bojori ããrĩrã, yu gapure musãyarãrẽ waimurã ejorãrẽ wẽjẽ soepeo burẽmubiribu.

⁴³ Irasirirã musã Moloc wãikugũ keorire b̄remurã, ãgũrẽ b̄remurĩ wiire, musã surí gasiri merã iridea wiire kōãgorenabũ.

Gajigũ Refán wãikugũ neñukãmũ keori musã weadeadere b̄remubũ. Musã iri keorire weabũ b̄remuduarã. Irasirigũ, musã yure b̄remubiridea waja musãrẽ Babilonia wãikuro koregue béogura, ãrĩ gojanerã ããrĩmã.✠

⁴⁴ Irasũ ãrĩ odo, Esteban oparãrẽ Marĩpũya wiima gapure wereyupũ doja:

—Marĩ ñekũsãmarã masaka marĩrõgue ããrĩrã, Marĩpũre b̄remurĩ wii, waimurã gasiri merã ãgũsã iridea wiire opanerã ããrĩmã. Iri wiiguere Marĩpũ pe mojõma doreri gojadea majĩ ùtã majĩ ããrĩdero ããrĩbũ. ãgũsã iri wiire iriburo dupiyuro Marĩpũ Moisére iri wii keorire: “Ãsũpero irika!” ãrĩdi ããrĩmĩ. Irasirirã marĩ ñekũsãmarã iri wiire Marĩpũ dorederosũta keoro irinerã ããrĩmã. ⁴⁵ ãgũsã boadero pũrũ, ãgũsã pũrũ marã iri wiire opaturianerã ããrĩmã. Pũrũ Josué ãgũsãrẽ siiuwãgãmakũ, iri wiire ãgũsã noó waaró ãñãnerã ããrĩmã. ãgũsã õõgue ejamakũ, Marĩpũ i nikũ marãrẽ judío masaka ããrĩbirinerãrẽ béokõãdi ããrĩmĩ. Yoaripoe marĩ ñekũsãmarã Marĩpũre iri wiigue b̄remunerã ããrĩmã. David opũ ñajãdero pũrũguedere opanerã ããrĩmã. ⁴⁶ Marĩpũ Davire ãgũ ãũrõ õãrõ iridire usuyari merã ããdi ããrĩmĩ. Irasirigũ David Marĩpũre ãsũ ãrĩdi ããrĩmĩ: “Gua ñekũ Jacob b̄remudi ããrã mũ. Irasirigũ yũ marẽ wãri wii mũ ããrĩburi wiire iribosasi”, ãrĩdi ããrĩmĩ. ãgũ irasiridũakeregũ, iri wiire iribiridi ããrĩmĩ. ⁴⁷ ãgũ magũ Salomón gapũ iri wiire iridi ããrĩmĩ pama. ⁴⁸ Irasirikeremakũ, Marĩpũ gapũ ããrĩpererãrẽ doregũ ããrĩsĩã, masaka iridea wiirigue dita ããrĩbemi. Iripoegue ãgũya kerere weredupiyudi ãsũ ãrĩ gojadi ããrĩmĩ Marĩpũ ãrĩdeare gojagũ:

⁴⁹ Yũ, ããrĩpererã Opũ ããrã. Ëmũgasi yũ doaro irirosũ ããrã. I nikũ yaa guburi kũraña doanĩrõ irirosũ ããrã. Irasirirã, yũ ããrĩburi wiire irimasĩbea musã.

⁵⁰ Yũta ããrĩpererire iribũ, ãrĩmi Marĩpũ, ãrĩ gojasũdero ããrĩbũ.✠

⁵¹ Esteban irasũ ãrĩ odo, ãsũ ãrĩ werenemoyupũ doja:

—Musã Marĩpũ dorerire tarinũgã. ãgũrẽ masĩmerã irirosũ ãgũ wererire neõ pẽdũabea. Õãgũ deyomarĩgũ dorerire neõ iridũabea. Marĩ ñekũsãmarã iriderosũta iririkũkõã.

⁵² ãgũsã ããrĩpererã Marĩpũya kerere weredupiyunerãrẽ ñerõ waamakũ irinerã ããrĩmã. Gajirãrẽ: “Jesús marĩrẽ taubu, Marĩpũ doreri iribu aarigũkumi”, ãrĩ wererãrẽ wẽjẽnerã ããrĩmã. ãgũrẽta ãgũ ejadero pũrũ, musã gapũ ñeã, gajirãrẽ wia wẽjẽdorebũ. ⁵³ Marĩpũ ãgũrẽ wereboerã merã ãgũ dorerire marĩ ñekũsãmarãrẽ pĩkeremakũ, musã irire bũro tarinũgã, ãrĩ wereyupũ Esteban oparãrẽ.

Estebãrẽ wẽjẽdea

⁵⁴ ãgũ irasũ ãrĩmakũ pẽrã, bũro guari merã ãgũsãya guikare kũrĩduútũñurã. ⁵⁵ Esteban gapũ Õãgũ deyomarĩgũrẽ opatariyupũ. Ëmũgasigue ããmu, Marĩpũ goesiririre ããyupũ. Marĩpũ diaye gapũ Jesús nĩmakũ ããyupũ. ⁵⁶ Esteban ãgũrẽ ããgũ: “ããka!” ãrĩyupũ. “Ëmũgasi tũpãmakũ ãã. Jesús ããrĩpererã tũgũ Marĩpũ diaye gapũ nĩmakũ ãã yũ”, ãrĩyupũ oparãrẽ.

⁵⁷⁻⁵⁸ ãgũ irasũ ãrĩmakũ pẽdũamerã, bũro gaguinĩ, ãgũsãya gãmipũrĩrẽ biañurã. Suro merã ùmawãgã, ãgũrẽ ñeã, iri makã tũroque ããñurã. ãgũsãya surĩ wekamarẽ túwea pí, sugũ maamũ Saulo wãikũgũre irire koredoreñurã. Odo, Estebãrẽ ùtãyeri merã dea wẽjẽñurã.

⁵⁹ ãgũsã irasirimakũ, Esteban ãsũ ãrĩ sẽrẽyupũ:

—Jesús yũ Opũ, yũ kõmomakũ, yaa yũjũpũrãrẽ ñeãka! ãrĩyupũ. ⁶⁰ Pũrũ ãgũya ñadũkupuri merã ejamejãja, bũro gaguinĩrĩ merã:

—Yũ Opũ, kãtika, ãsãrẽ yure ãgũsã irasiririre, ãrĩyupũ. Irasũ ãrĩ, kõmoakõãyupũ pama.

8

Saulo Jesũre b̄remurãrẽ ñerõ iridea

1 Saulo ìgūsā Estebārē dea wējēmakū ìāgū: “Ōārō irirā irasū yāma”, ārī gūñayurū. Irineta Jesure b̄remumerā ìgūrē b̄remurārē Jerusalēgue āārīrārē ñerō irinugāñurā. Irasirimakū ìā, Jesure b̄remurā gapū āārīpererā Judea nikūgue, Samaria nikūgue waasiriakōāñurā. Jesús buedoregū beyenerā dita Jerusalēguere dujañurā. Gajirogue waabiriñurā. 2 Gajirā ūma Marīp̄ure b̄remurā Estebāya dup̄ure yáarā, b̄uro ore b̄jawereñurā. 3 Saulo gapū neō sugū Jesure b̄remugū marīkōāburo, ārīgū, Jesure b̄remurāya wiirigue ñajāa, ūmarē, nomedere ñeā, peresu iribu āñayurū.

Felipe Samaria marārē buedea

4 Ìgū irasirimakū, Jesure b̄remurā Jerusalērē wirirā, noó ìgūsā waaró Marīp̄u masakare tauri kerere werenañurā. 5 Felipe wāikugū Samaria nikū āārīrī makāgue waa, iroque eja, iro marārē Jesucristoya kerere werenayurū. 6 Ìgū iri kerere weremakū pérā, ìgū Marīp̄u turaro merā iri ìmumakū ìārā, ìgū p̄uro nerēnañurā ìgū wererire ōārō pémurā. 7 Wárā wātēa ñajāsūnerārē tauyurū. Wātēa gapū ìgūsāguere āārīnerā b̄uro gaguinīrī merā wiriñurā. Wárā dup̄u b̄uarārē, waamasīmerādere tauyurū. 8 Irasirimakū ìārā, iri makā marā b̄uro usyañurā.

9 Iri makārē sugū Simón wāikugū yé āārīyurū. Ìgū yoaripoe yéa iririkurire irigore-namakū ìārā, Samaria marā ìāgukanokōāñurā. “Yū masītarinugāgū āārā”, ārī werenayurū ìgūsārē. 10 Irasirirā āārīpererā iri makā marā oparā, oparā āārīmerāde ìgūrē: “Ì ìmugasigū marā Op̄u irirosū turari opagū āārīkumi”, ārī gūñadiñurā.

11 Ìgū sōō gapū merā wári yéa iririkurire irimakū ìārā, wárā masaka ìgūrē b̄remuñurā. 12 Felipe gapū Samaria marārē: “Marīp̄u āārīpererā Op̄u āārīmi. Ìgū magū Jesucristo marīrē taugū āārīmi”, ārī wereyurū. Ūma, nome, ìgū wererire pé b̄remumakū ìāgū, ìgūsārē deko merā wāiyeyurū. 13 Simōde Jesure: “B̄remua yū”, ārīmakū pégu, Felipe ìgūdere wāiyeyurū. P̄urū Felipe merā waagorenayurū. Felipe Marīp̄u turaro merā iri ìmumakū ìāgū, ìāgukanokōāyurū.

14 Jesús buedoregū beyenerā Jerusalēgue āārīrā: “Samaria marā Marīp̄uyare ōārō b̄remunugāñurā”, ārīrī kerere pérā, Pedro, Juārē ìādorerā iriñurā. 15 Iroque ejarā, Jesure b̄remurārē Marīp̄ure sērēbosañurā, Ōāgū deyomarīgūrē bokatīrīñeāburo, ārīrā. 16 Ìgūsā marī Op̄u Jesure b̄remunugādero p̄urū, ìgū wāi merā dita wāiyesūñurā. Ōāgū deyomarīgū ìgūsārē ejabiriyurū dapa. 17 Irasirirā Pedrosā ìgūsāya mojōrī merā Jesure b̄remunugānerāya dipu weka ñapeoñurā. Ìgūsā ñapeomakū, Ōāgū deyomarīgū ìgūsāguere ejayurū.

18 Pedrosā ñapeomakū, Ōāgū deyomarīgū ejamakū ìāgū, Simón gapū ìgūsā turarire gāāmegū, niyeru merā wajarid̄adiyurū. Āsū ārīyurū:

19 –Iri turarire sīka ȳdere! Yū ñapeorāguere Ōāgū deyomarīgū ejamakū irid̄akoa, ārīyurū.

20 Ìgū irasū ārīmakū, Pedro ìgūrē yuj̄yurū:

–M̄u Marīp̄u turari sīrīrē: “Niyeru merā wajariḡkōa” ārī gūñarī waja, m̄ya niyeru, m̄ merāta béosūrokoa. 21 Marīp̄u ìūrōrē m̄ gūñarī diaye āārībea. Irasirigū ḡua irirosū irimasībirikōa. 22-23 M̄ ñerō iririre iripautariadi āārā. Irasirigū m̄ ñerō iririre b̄jawere, m̄ gūñarīrē gorawayuka! Marīp̄ure sērēka, m̄ ñerō gūñarīrē kātiburo, ārīgū. Gajipoe irigū irire kātibukumi m̄ ìgūrē sērēmakū, ārīyurū.

24 Irasū ārīmakū pégu, Simón ìgūsārē ārīyurū:

–M̄sā Marīp̄ure sērēbosaka, ȳre m̄sā ārādea waabirikōāburo, ārīrā, ārīyurū.

25 Pedrosā, Jesús irimakū ìādeare, ìgū buemakū pédeare iri makā marārē were odo, Jerusalēgue goedujāañurā. Goedujāarā, wárā masakare Samaria nikū āārīrī makārī marādere Jesúya kerere werewāgāñurā.

Felipe Etiopíam̄rē weredea

²⁶ Pɩɩ sugɩ Marĩpɩre wereboegɩ Felipere ʼsũ ʼrĩyupɩ:

—Jerusalén merá ʼãrĩnɩgãwãgãrĩ maa, Gaza wãĩkɩrĩ makã buari maague waaka! Iri maa masaka marĩrõgue ʼãrĩwãgãa, ʼrĩyupɩ.

²⁷ Ĩgũ irasũ ʼrĩmakũ pé, Felipe iri maague buagɩ, sugɩ Etiopíamɩrẽ bokajayupɩ. Ĩgũ iri nikũ marã opo dokamɩ, ʼãrĩpereri igoya niyerure korerimasũ ʼãrĩyupɩ. Ĩgũ Jerusalégue Marĩpɩre bɩremugũ ejadi ʼãrĩyupɩ. ²⁸ Irogue ejadi Ĩgũya nikũgue goedujáagɩ, Ĩgũya tũrũdiru caballua tũãdiru wekague doagɩ, Isaías Marĩpɩya kerere weredupiyudi gojadea pũrẽ buegɩ iriyupɩ. ²⁹ Ĩgũ bueripoe Ōãgũ deyomarĩgũ Felipere:

—Iriru pɩroweya waaka! ʼrĩyupɩ.

³⁰ Ĩgũ irasũ ʼrĩmakũ pé, Felipe iriru pɩro ũmawãgã, Etiopíamɩ Isaías gojadea pũrẽ buemakũ péyupɩ. Ĩgũ irire buemakũ pégu:

—¿Mɩ buerire pémasĩrĩ? ʼrĩ sērẽñayupɩ.

³¹ Ĩgũ gapɩ yɩjuyupɩ:

—¿Nasiri pémasĩbukuri, yɩ gajigɩ yɩre i irasũ ʼrĩduaro yáa, ʼrĩgũ marĩkeremakũ? Marĩñajãka, irire yɩre buebu, ʼrĩyupɩ Felipere.

³² Ĩgũ bueri ʼsũ ʼrĩyuro:

Ovejare ñeã wějêderosũta Ĩgũdere ñeã wějêrãkuma. Oveja majĩgũrẽ Ĩgũya poarire Ĩgũsã peramakũ, Ĩgũ gaguinĩbiriderosũta ñĩ masakude gaguinĩbirikumi.

³³ Masaka Ĩgũrẽ bɩridarãkuma. Ĩgũ ñerõ iribirikeremakũ, neõ sugɩ Ĩgũrẽ: “Waja opabemi”, ʼrĩbirikuma.

Irasirirã, Ĩgũ i nikũgue ʼãrĩripoe Ĩgũya nikũ marã Ĩgũrẽ ñerõ iri, wějêrãkuma. Ĩgũsã ñerõ irideare neõ sugɩ werepeomasĩbirikumi, ʼrĩ gojadea ʼãrĩyuro.*

³⁴ Irire bue odo, Felipere sērẽñayupɩ:

—Wereka yɩre! ¿Noãrẽ gojagɩ iriyuri Isaías, Ĩgũ basi, o gajigugue?

³⁵ Felipe ʼsũ ʼrĩ yɩjuyupɩ Ĩgũrẽ:

—Iri Jesúre ʼrĩ gojadea ʼãrã, ʼrĩyupɩ. Irasirigɩ Jesúyare Ĩgũ õãrõ iridea kerere wereyupɩ Ĩgũrẽ. ³⁶ Irasũ wereníwãgãrã, ditarugue ejañurã. Iri ditarure ĩãgũ, Etiopíamɩ Felipere:

—Īaka! Deko ʼãrã. ¿Mɩ yɩre wãiyemakũ õãgorabukuri? ʼrĩyupɩ.

³⁷ Felipe gapɩ Ĩgũrẽ:

—Mɩ Jesucristore õãrõ bɩremumakũ, mɩrẽ deko merã wãiyegɩra, ʼrĩyupɩ. Etiopíamɩ Ĩgũrẽ ʼrĩyupɩ doja:

—Jesucristore bɩremua yɩ. Ĩgũta Marĩpɩ magũ ʼãrĩmĩ, ʼrĩyupɩ.

³⁸ Irasirigɩ Etiopíamɩ Ĩgũya tũrũdiru wejatugɩre dujupídore, Ĩgũsã pẽrã dijinugã, ditarugue ñumuwija, Felipe Ĩgũrẽ deko merã wãiyeyupɩ. ³⁹ Ĩgũrẽ wãiyey odo, ñumuwãgãrĩripoe gũñaña marĩrõ merã Ōãgũ deyomarĩgũ Felipere gajirogue ʼãĩkõãyupɩ. Etiopíamɩ Ĩgũrẽ dupaturi ĩãnemobirikeregɩ, Ĩgũrẽ waadeare gũña, bɩro ɩsuyari merã Ĩgũya makãgue dujãkõãyupɩ. ⁴⁰ Felipe gapɩ Ōãgũ deyomarĩgũ Ĩgũrẽ ʼãĩadero pɩɩ, Azote wãĩkɩrĩ makãgue ejayupɩ. Irogue eja, makãrĩkɩ Jesúya kerere weregorenagũ, Cesarea wãĩkɩrĩ makãgue weretũnujayupɩ.

9

Saulo Jesúre bɩremunugãdea (Hch 22.6-16; 26.12-18)

¹ Felipe buegorenaripoe Saulo gapɩ Jesúre bɩremurãrẽ ĩaturigɩ: “Wějêpeokõãgura”, ʼrĩrĩrẽ piribirisĩã, paía opɩ pɩrogue waa, ʼsũ ʼrĩyupɩ:

²—Yɩre papera pũ ʼãmubosaka, Damascogue waaburire. Iri pũrẽ marĩ nerẽrĩ wiiri marã oparãrẽ wiabu yáa. Iri makã marã Jesúre bɩremurãrẽ ũma, nomerẽ, noó yɩ bokajarãrẽ

* 8:33 Is 53.7-8

ñeã ãirigura Jerusalégue peresu iribu, ãrĩ sērēyupũ Saulo paía opare. ³ Iri pūrē sñadero pupũ, Saulo gajirã merã Damascogue waakõãyupũ. Ìgũ iri makã ejabu iriripoe gũñaña marĩrõ ùmugasigue merã burõ kũmijũrõ Ìgũ purõre gosesiridijuyuro. ⁴ Irasũ waamakũ, Saulo yebague meémejëgũ, ãsũ ãrĩ werenímakũ péyupũ:

—Saulo, ¿nasirigũ yare ñerõ yári mũ?

⁵ Ìgũ irasũ ãrĩmakũ pégu: “¿Noã ããrĩrĩ mũ?” ãrĩyupũ.

—Yũ Jesús, mũ ñerõ iriguta ããrã. Mũ yare ñerõ irigũ, mũ basita ñerõ yáa, ãrĩyupũ.

⁶ Ìgũ irasũ ãrĩmakũ, Saulo burõ güi naradari merã:

—Yũ Opũ, ¿naásũpero gapũ yũ irimakũ gããmerĩ? ãrĩyupũ.

Ìgũ irasũ ãrĩmakũ, Ìgũrẽ:

—Wãgãnugã, makãgue waaka! Irogue sugũ yũ murẽ iridoreburire weregũkumi, ãrĩyupũ Jesús Saulore.

⁷ Saulo merã waanerãde Jesús werenírĩrẽ pérã gũka, werenímasĩbirĩñurã. Irire pékererã, Jesús gapure neõ ããbirĩñurã. ⁸ Saulo yebague oyadi wãgãnugãja, ããpãgũ, neõ ããbiriyupũ. Irasirirã Ìgũ merãmarã Ìgũrẽ tũãwãgãñurã Damascogue waarã. ⁹ Irogue eja, ùrenugora koye ããbiri, neõ baabiri, ããbirĩ iriyupũ.

¹⁰ Damascoguere sugũ Jesúre burẽmugũ Ananías wãikũgũ ããrĩyupũ. Kërõ irirosũgue Jesús Ìgũrẽ wereniyupũ:

—¿Ananías, ããrĩrĩ mũ?

—Yũ Opũ, õõta ããrã, ãrĩ yũjũyupũ.

¹¹ Ìgũ irasũ ãrĩmakũ, Jesús Ìgũrẽ:

—Wãgãnugãka! “Diyema maa” wãikũri maague waaka! Iri maague waagú, Judaya wiigũ ñajãa, sugũ Tarsomurẽ Saulo wãikũgũre sērẽñaka! Dapagorare Ìgũ yare sērẽgũ yámi. ¹² Ìgũdere neãgue kërõ irirosũ ããrĩrĩ merã ãmuabũ. Mũ Ìgũ purõ ñajãa, Ìgũya dipurure ñapeori merã dupaturi Ìgũya koye ããburire ãmuabũ. Mũ wãidere ãmuabũ Ìgũrẽ, ãrĩyupũ Jesús Ananíare.

¹³ Ìgũ irasũ ãrĩmakũ pégu, ãsũ ãrĩyupũ:

—Yũ Opũ, Ìgũ murẽ burẽmurãrẽ Jerusalégue ããrĩrãrẽ ñerõ iriadeare wãrã masaka yare wereama. ¹⁴ I makã marãdere murẽ burẽmurãrẽ ããrĩpererã mũ wãĩ merã Marĩpũre sērẽrãrẽ peresu iribu, paía oparã: “Ãsũ irika!” ãrĩ iriuadea pũ merã ejáayupũ, ãrĩ wereyupũ.

¹⁵ Ìgũ irasũ ãrĩkeremakũ, Jesús gapũ:

—Ìgũ purõgue waaka! Ìgũ yũ beyesũdi ããrĩmi. Irasirigũ yaa kerere gaji nikũ marãrẽ, Ìgũsã oparãrẽ, Israel bumarãdere weregũkumi. ¹⁶ Irire weregorenagũ, burõ ñerõ tarigũkumi. Yũ basi Ìgũrẽ weregũra, ãrĩyupũ.

¹⁷ Ìgũ irasũ ãrĩmakũ pé, Ananías Judaya wiigũ waa, iri wiigũ ñajãa, Saulore bokaja, Ìgũya dipurure ñapeo, ãsũ ãrĩyupũ:

—Yaagũ Saulo, péka yare! Marĩ Opũ Jesúta murẽ maague deyoadi yare iriuami, murẽ dupaturi koye ããburo, ãrĩgũ. Õãgũ deyomarĩgũdere opatariburo, ãrĩgũ, iriuami, ãrĩyupũ.

¹⁸ Ìgũ irasũ ãrĩripoeta Sauloya koyeguere waaĩ nutũrĩ irirosũ deyori tuuyadea yurisiridijakõãyuro. Õãrõ ããkõãyupũ doja. Irasirigũ wãgãnugã, deko merã wãiyesũadi dujayupũ. ¹⁹ Purũ baa, turakõãyupũ. Iri makãguere yoaweyaripoe Jesúre burẽmurã merã dujayupũ dapa.

Saulo Damasco marãrẽ Jesúyare buenugãdea

²⁰ Iro ããrĩgũ, judío masaka nerẽrĩ wiirigũ waa, irogue ããrĩrãrẽ: “Jesús, Marĩpũ magũ ããrĩmi”, ãrĩ werenayupũ. ²¹ Ìgũ weremakũ pérã, ããrĩpererã pégũka, Ìgũsã basi ãsũ ãrĩ gãme werenĩñurã:

—Ī Jerusalēgue Jesúre b̄remurārē ĩgũ wāi merā Marĩp̄ure s̄ērērārē w̄jēdoredita āārĩmi. Dapagorare i makāguedere oō marārē Jesúre b̄remurārē ñeāgũ aarigũ iriañumi Jerusalēgue āia, paia oparāguere wiabu, āriñurā.

²² ĩgũsā irasũ ārikeremakũ, Saulo gap̄ ũmurikũ judío masakare, Damascogue āārĩrārē güiro marĩrō oārō merā: “Jesús diayeta Marĩp̄uriudi, Cristo āārĩmi”, āri werenayup̄. ĩgũ irasũ āri weremakũ pérā, ĩgũrē: “Ārikatogũ yāmi ĩ”, āri masĩbiriñurā.

Saulo judío masakare duriwāgādea

²³ Yoadero p̄ur̄, surāyeri judío masaka Saulore ĩgũsā w̄jēburire werenimurā nerēñurā.

²⁴ Irasirirā ũmurikũ, ñamirikũ makā turo ĩgũsā ütā koeri merā weadea sārĩrō makāp̄urore koreñañurā ĩgũrē w̄jēduarā. Saulo gap̄ ĩgũsā ĩgũrē w̄jēduarire masĩkōāyup̄.

²⁵ Irasirirā su ñami Jesúre b̄remurā wāri puui merā ĩgũrē iri sārĩrōma gobegue yótaudijuñurā. Āsũ irisĩā, Saulo iri makārē wiriyup̄.

Saulo Jerusalēgue goedujáadea

²⁶ P̄ur̄ Jerusalēgue goedujayup̄ doja. Irogue ejagũ, Jesúre b̄remurā merā āārĩduadiyup̄. ĩgũsā gap̄ ĩgũrē güigorañurā. “Jesúre b̄remugũ āārĩbemi ĩ”, āriñurā.

²⁷ ĩgũsā irasirimakũ ĩāgũ, Bernabé gap̄ Saulore Jesús buedoregũ beyenerā p̄uro āiayup̄. Irogue eja, ĩgũsārē Saulo maague waagũ ĩgũ Jesúre ĩādeare, Jesús ĩgũ merā wereniadeare, ĩgũ Damascogue Jesúya kerere güiro marĩrō merā wereadeadere ĩgũsārē wereyup̄.

²⁸⁻²⁹ ĩgũ irasũ āri wereadero p̄ur̄, Saulo ĩgũsā merā āārĩnugāyup̄. Irasirigũ ĩgũsā merā Jerusalēgue güiro marĩrō marĩ Op̄ Jesúya kerere weregorenayup̄. Iri kerere weregorenagũ, surāyeri judío masaka, griego ya merā werenirārē were, ĩgũsā merā gāme wereniyup̄. ĩgũsā gap̄ ĩgũ wererire péduabirisĩā, ĩgũrē w̄jēduadiñurā. ³⁰ Irasirirā ĩgũsā w̄jēduamakũ ĩārā, Jesúre b̄remurā gap̄ ĩgũrē Cesarea wāikuri makāgue āia, irogue eja, ĩgũya makā Tarsogue iriukōāñurā pama.

³¹ ĩgũ irogue waadero p̄ur̄, āārĩpererā Jesúre b̄remurā Judea marā, Galilea marā, Samaria marā siñajārĩ merā dujañurā. Ōāgũ deyomarĩgũ iritamurō merā b̄remunemoñurā. Jesúyare goepeyari merā iritayañurā. Gajirā wārā ĩgũrē b̄remunugāñurā.

Pedro Enearē taudea

³² Pedro āārĩpereri makārĩ marārē Jesúre b̄remurārē ĩāgorenagũ waagũ, Lida wāikuri makāguedere ejayup̄. ³³ Irogue eja, sugũ Eneas wāikugare bokajayup̄. Su mojōma pere gaji mojō ureru p̄rēbejari bojorigora ĩgũya wiiguere dup̄ buadi peyayup̄. ³⁴ Pedro ĩgũrē āriyup̄:

—Eneas, Jesucristo m̄rē taugũkumi. Wāgānugā, m̄ peyaderore āmu duripíka!

ĩgũ irasũ āri makũta, Eneas wāgānugākōāyup̄. ³⁵ Āārĩpererā Lida marā, Sarón marāde ĩgũrē ĩārā, iripoegue ĩgũsā b̄remunadeare piri, Jesús gap̄ure b̄remunugāñurā.

Pedro Dorcare masũdea

³⁶ Gaji makā Jope wāikuri makāgue sugo nomeō Jesúre b̄remugō “Tabita” wāikugo āārĩyupo. Griego ya merā “Dorcās” wāikuyupo. Igo oārĩrē irigo, boporārē oārō iritamugō āārĩyupo. ³⁷ Iripore Pedro Lidague āārĩripoe igo p̄ur̄rikũ kōmoakōāyupo. Igo kōmoadero p̄ur̄, ĩgũsā irinaderosũta igo merāmarā igoya dup̄ darore koeñurā. Koe odo, ũmarōma taribugue píñurā. ³⁸ Jope, Lida p̄rogā āārĩyuro. Irasirirā Jope marā Jesúre b̄remurā Pedro Lidague āārĩmakũ pérā, ũma p̄rārē ĩgũ p̄rogue iriuñurā. Irogue ejarā, ĩgũrē:

—Mumurō merā Jopegue waaka! āriñurā.

³⁹ ĩgũsā irasũ āri makũ pégu, mata Pedro ĩgũsā merā Jopegue waayup̄. Irogue ejarā, ĩgũrē Dorcas boadeo peyari taribugue siu marĩñurā. ĩgũ iri taribugue ejamakũ, wapiweyarā nome Pedro p̄uro nerēnugāñurā. Orerāta, igo ĩgũsārē surí eabosadeare ĩmuñurā

ĭgũrẽ. ⁴⁰ Pedro iri taribugue āārĩrārẽ āārĩpererārẽ wiriadoreyupũ. ĭgũsā wiriadero pũrũ, ñadũkũpuri merā ejamejāja, Marĩpũre sērẽyupũ. Sērẽ odo, boadeore gāmenũgā ĭā:

—Tabita, wāgānũgāka! ārĩyupũ.

ĭgũ irasũ ārĩmakũta, koye ĭāpā, Pedrore ĭāgõta wāgādoayupo. ⁴¹ Pedro igoya mojõgue ñeā, tũāwāgũnú, pũrũ wapiweyarā nomerẽ gajirā Jesũre bũremurādere siiumu, ĭgũsārẽ wiayupũ igore. ⁴² Āārĩpererā Jope marā igore ĭgũ masũadea kerere pẽpereakõāñurā. Irasirirā wārā Jesũre bũremunũgāñurā. ⁴³ Pedro yoaripoe Jopeguere sugũ Simón wāikũgũ, waimurā gasirire āmurĩmasũya wiigũe āārĩyupũ.

10

Cornelio Pedrore siudoredea

¹ Cesareaguere Cornelio wāikũgũ wārā surara, “Italiano” wāikũri bumarā opũ āārĩyupũ. ² Cornelio, āārĩpererā ĭgũya wii marā merā Marĩpũre goepeyari merā bũremuñurā. Irasirigũ judío masaka boporārẽ iritamugũ wāri niyeru sĩnayupũ. Ĕmarikũ Marĩpũre sērẽnayupũ. ³ Sunũ ñamika tres āārĩmakũ, kērõ irirosũgue sugũ Marĩpũre wereboegu deyoa, ĭgũ pũro ñajāmakũ ĭāyupũ. Ñajāa, ĭgũrẽ:

—Cornelio, ārĩyupũ.

⁴ Cornelio bũro gũiri merā ĭgũ ditare ĭā:

—Yũ Opũ, ¿ñeonorẽ gāāmerĩ? ārĩyupũ.

ĭgũ irasũ ārĩmakũ, Marĩpũre wereboegu ĭgũrẽ ārĩyupũ:

—Marĩpũ mũ sērẽrĩrẽ pẽmi. Mũ boporārẽ niyeru sĩrĩdere ĭāmi. ⁵ Irasirigũ Simón Pedro wāikũgũre siudoregũ, Jopegue iriuka mũyarā ũmarẽ! ⁶ ĭgũ gajigũ Simón wāikũgũ waimurā gasirire āmurĩmasũya wiigũe āārĩmi. Iri wii wādiya tũro āārā, ārĩyupũ.

⁷ Marĩpũre wereboegu irasũ ārĩ odo, waadero pũrũ, Cornelio ĭgũrẽ moāboerā pẽrārẽ, gajigũ surara ĭgũrẽ iritamugũrẽ Marĩpũre goepeyari merā bũremugũrẽ siuyupũ.

⁸ ĭgũsārẽ siiu, āārĩpereri Marĩpũre wereboegu ĭgũrẽ wereadeare wereyupũ. Were odo, ĭgũsārẽ Jopegue iriukõāyupũ.

⁹ ĭgũsā waadeanũ gajinũ gapũ goeripoe āārĩmakũ, Jopegue ejamurā iriripoe Pedro ĭgũ āārĩrĩ wii wekague Marĩpũre sērẽgũ mũrĩayupũ. ¹⁰ ĭgũ irogue āārĩgũ bũro mũboa, baadũadiyupũ. Iri wii marā ĭgũsā baari āmuripoe kērõ irirosũ waasũ, ũmũgasi tũpāmakũ ĭāyupũ. ¹¹ Irasũ tũpāmakũ, suñe surĩro irirosũ deyori gasiro wapikũri tũrori sũadea gasiro miẽ, yebague dijarimakũ ĭāyupũ. ¹² Iri gasiro poekaguere āārĩpererā waimurā: paárā, yebague sĩgũwāgārā, wārā sāñañurā. ¹³ Marĩpũ ĭgũrẽ:

—Pedro, wāgānũgā, ĭĩsārẽ wẽjẽ baaka! ārĩyupũ.

¹⁴ ĭgũ irasũ ārĩmakũ:

—Yũ Opũ, yũ ĭgũsānorẽ neõ baañabea. Ñerārẽ, mũ guare baadorebirinerārẽ neõ baabea, ārĩyupũ.

¹⁵ Marĩpũ ĭgũrẽ dupaturi ārĩnemoyupũ doja:

—Yũ: “Õārā āārĩma”, ārĩrārẽ, ĭgũsārẽ: “Ñerā, baaya marĩrā āārĩma”, ārĩbirikõāka! ¹⁶ Ĕrea ĭgũrẽ irire ĭmuadero pũrũ, iri gasirore ũmũgasigue āĩmũrĩākõāyupũ doja. ¹⁷ Pedro: “¿Naásũ ārĩdũaro irikuri iri yũre ĭmuadea?” ārĩ gũñarikũripoe Cornelio iriuanerā ĭgũ āārĩrĩ wii makāpũro: “¿Simõya wii noõgue āārĩrĩ?” ārĩ sērẽñarā ejañurā. ¹⁸ Irogue eja, iri wii marārẽ: “¿Õõta āārĩrĩ, Simón Pedro wāikũgũ?” ārĩ oeñurā. ¹⁹ Pedro ĭgũ ĭādeare gũñagũ iriyupũ dapa. ĭgũ irire gũñaripoe Õāgũ deyomarĩgũ ĭgũrẽ:

—ĭāka! Ĕma urerā āmarā yāma mũrẽ. ²⁰ Murĩgora dijapurumuka! “¿Naásũ waarokuri yũre?” ārĩ, neõ gũñarikũro marĩrõ ĭgũsā merā waaka! Yũ ĭgũsārẽ iriuanũ mũrẽ, ārĩyupũ Pedrore.

²¹ ĭgũ irasũ ārĩmakũ pẽgũ, Pedro dija, ĭgũsārẽ:

—Yuta ããrã musã ãmagú. ¿Nasirirã aarari? ãrĩyupũ.

²² Ìgũsã Ìgũrẽ ãrĩñurã:

—Surara opũ Cornelio wãikũgũ guare iriuami. Ìgũ òãrĩrẽ irigũ, Marĩpũre goepeyari merã buremugũ ããrĩmi. ããrĩpererã judío masaka Ìgũrẽ: “Òãgũ ããrĩmi”, ãrĩ ìãma. Sugu Marĩpũre wereboegũ murẽ Ìgũya wiigũe waadoregũ siiudoreayupũ. Mu Ìgũ pũro waa-makũ, mu wererire pégũkumi. Irasirirã murẽ siiurã aarirã iriabũ, ãrĩñurã.

²³ Ìgũsã irasũ ãrĩmakũ pégũ, Pedro: “Ñajãrika! Òõ kãrĩka dapagã ñamirẽ!” ãrĩyupũ. Gajinũ gapũ Ìgũsã merã waakõãyupũ. Gajirãde Jope marã Jesúre buremurã Ìgũsã merã wapikũwãgãñurã.

²⁴ Gajinũ gapũ Cesareaguere ejañurã. Cornelio gapũ, Ìgũyarãrẽ, Ìgũ merãmarãdere Ìgũya wiigũe siiu needõ, Pedrore yúyupũ. ²⁵ Pedro Ìgũya wii ejamakũ, Cornelio makãpũrogue bokatĩrĩgũ wiria, ñadũkũpuri merã ejamejãyupũ Ìgũrẽ buremugũ. ²⁶ Ìgũ irasirimakũ ìã, Pedro gapũ Ìgũrẽ tããwãgũnú:

—Wãgãñũgãka! Yũde mu irirosũta masakũ ããrã, ãrĩyupũ.

²⁷ Ìgũya wiigũe weretamu ñajãrã, Pedro wãrã masaka irogue nerẽanerãrẽ bokajayupũ.

²⁸ Irasũ bokajagũ, Ìgũsãrẽ ãrĩyupũ:

—Gũa judío masaka ããrĩrã, judío masaka ããrĩmerãya wiiriguere ñajãrã, Moisés guare pídeare tarinũgãbukoa. Musã irire òãrõ masã. Marĩpũ gapũ gaji bumarãrẽ: “Ñerã ããrĩma”, ãrĩdorebirami yũre. ²⁹ Irasirigũ mu iriuanerã yũre siiurimakũ, “Waabea”, ãrĩrõ marĩrõ mata aarabũ. Dapagora yũ òõgue ejasã, musãrẽ: “¿Nasiribu yũre siiuari?” ãrĩ sërẽñadũakoa, ãrĩyupũ.

³⁰ Cornelio Ìgũrẽ ãrĩyupũ:

—Wapikũrinũ taria i horanota tres ããrĩmakũ, i wii yũ bere, Marĩpũre sërẽripoe gũñaña marĩrõ sugũ ùmu suríro bũro goseriñe sãñagũ deyoa: ³¹ “Cornelio, Marĩpũ mu sërẽrĩrẽ pémi. Mu boporãrẽ iritamurĩdere ìãmi”, ãrĩmi yũre. ³² “Muyarã ùmarẽ iriuka, Jopegue Simón Pedro wãikũgũre siiudoregũ. Ìgũ gajigũ Simón wãikũgũ waimarã gasirire ãmugũya wiigũe wãdiya tũro ããrĩrĩ wiigũe ããrĩmi. Ìgũ mu pũro ejagũ, murẽ weregũkumi”, ãrĩ weremi yũre. ³³ Irasirigũ mata yaarã ùmarẽ murẽ siiudoregũ iriuabũ. Irasirigũ mu guã pũro òãrõ aarayo. Marĩ ããrĩpererã òõrẽ Marĩpũ ìũrõ ããrã. Irasirirã ããrĩpereri murẽ Marĩpũ weredorerire mu guare weremakũ péduakoa, ãrĩyupũ Cornelio Pedrore.

Pedro Cornelioya wii ããrĩrãrẽ weredeã

³⁴ Ìgũ irasũ ãrĩmakũ pégũ, Pedro ãsũ ãrĩ werenũgãyupũ Ìgũsãrẽ:

—Yũ dapagoragueta pémasã. Diayeta ããrã. Marĩpũ marĩ ããrĩpererãrẽ surosũ ìãmi.

³⁵ Irasirigũ ããrĩpereri bumarã Ìgũrẽ buremu, òãrĩrẽ irirãnorẽ ìãbéobirikumi. ³⁶ Marĩpũ Ìgũya kerere judío masakare pídi ããrĩmí. “Jesucristo merã siñajãrĩ bokarãkuma”, ãrĩdi ããrĩmí. Ìgũta ããrĩpererã Opũ ããrĩmi. ³⁷ ããrĩpereri guã judío masaka ããrĩrĩ nikũgue waadeare òãrõ masĩkoa musã. Juan masakare bue, Ìgũsãrẽ deko merã wãiyemi. Ìgũ irasiriadero pũrũ, Jesús Galileague buenũgãmi. ³⁸ Idere masĩkoa musã. Ìĩ Jesús Nazaretmurẽ Marĩpũ Òãgũ deyomarĩgũ merã Ìgũrẽ turarire sĩdi ããrĩmí. Marĩpũ Ìgũ merã ããrĩnikõãdi ããrĩmí. Irasirigũ Jesús masakare òãrĩrẽ irigorenami. Noó Ìgũ waaró ããrĩpererã wãtĩ doreri irirãrẽ taumi. ³⁹ Gũa judío masaka ããrĩrĩ nikũgue Jerusaléguedere ããrĩpereri Ìgũ irideare ìãbũ. Irogue Ìgũrẽ curusague pábiatú wějẽma.

⁴⁰ Ìgũsã wějẽkeremakũ, urenũ waaró merã Marĩpũ gapũ Ìgũrẽ masũkõãdi ããrĩmí. Ìgũrẽ masũ, pũrũ guare deyoamakũ irimi, Ìgũ dupaturi okarire masĩburo, ãrĩgũ. ⁴¹ Jesús ããrĩpererã masakare deyoabiridi ããrĩmí. Gũa ditare deyoami. Ìgũ deyoamakũ, guã Ìgũ merã baa, iiribũ. Iripoegueta Marĩpũ guare beyedi ããrĩmí, Jesúre Ìgũ masũadire ìãmurãrẽ. ⁴² Marĩpũ Jesúreta masaka ããrĩpererã okarãrẽ, boanerãdere: “Òãrãrẽ taugũkoa,

ñerã gapure wajamoãgukoa!” ãrĩ beyebure pídi ããrĩmí. Irire masakare weredoremi guare Jesús. ⁴³ ããrĩpererã Jesúre b̄remurãrẽ Marĩp̄u ãgũsã ñerõ irideare kãtigakumi, ãrĩrĩrẽ gojanerã ããrĩmã ããrĩpererã Marĩp̄uya kerere weredupiyunerã, ãrĩ wereyup̄u Pedro Cornelioya wii nerẽanerãrẽ.

Judío masaka ããrĩmerãde Õãgũ deyomarĩgũrẽ opanugãdea

⁴⁴ Pedro werenĩrĩrẽ pérãguere Õãgũ deyomarĩgũ dijijayup̄u. ⁴⁵⁻⁴⁶ Ìgũ ejadero p̄ur̄u, ãgũsã gajirã ya merã werenĩmasĩbirideare werenĩnugã, usuyari merã Marĩp̄ure: “Õãtarĩgũ ããrã m̄u”, ãrĩ b̄remuñurã. Ìgũsã irasũ ãrĩmakũ pérã, Pedro merã irogue ejanerã judío masaka Jesúre b̄remurã pégukakõãñurã. “Marĩp̄u Õãgũ deyomarĩgũrẽ iriumi judío masaka ããrĩmerãdere”, ãrĩñurã. ⁴⁷ Irasirĩgũ Pedro ãgũ merãmarãrẽ ãrĩyup̄u:

—Marĩp̄u Õãgũ deyomarĩgũrẽ marĩ judío masakare iriuderosũta ãsãdere iriumi. Irasirirã ãgũsã Õãgũ deyomarĩgũrẽ opamakũ ããrã, marĩ ãgũsãrẽ deko merã wãiyebirikõãrã, ãrĩmasĩña máa. ⁴⁸ Irasirirã: “M̄usã Jesucristore b̄remurã ãgũyarã ããrã”, ãrĩ wãiyeka ãgũsãrẽ! ãrĩ wereyup̄u Pedro ãgũ merãmarãrẽ.

Ìgũsãrẽ wãiyeadero p̄ur̄u, Pedrosãrẽ: “Yoaweyaripoe dujaka ḡua merã dapa!” ãrĩñurã.

11

Pedro Jerusalén marãrẽ Jesúre b̄remurãrẽ weredea

¹ Jesús buedoregũ beyenerã, gajirã ãgũrẽ b̄remurã Judeague ããrĩrã: “Judío masaka ããrĩmerãde Marĩp̄uyare b̄remuma”, ãrĩrĩ kerere péñurã. ² Pedro Cesareague ããrãdi Jerusalẽgue dujajamakũ ããrã, iro marã judío masaka Jesúre b̄remurã ãgũrẽ ãsũ ãrĩ werew̄ua, s̄erẽñañurã:

³ —¿Nasirĩgũ judío masakũ ããrĩkeregũ, judío masaka ããrĩmerãya wiigũ ñajãa, ãgũsã merã baáari?

⁴ Ìgũsã irasũ ãrĩmakũ, Pedro ããrĩpereri ãgũrẽ irogue waadeare ãsũ ãrĩ wereyup̄u:

⁵ —Ȳu Jopague ããrĩgũ, Marĩp̄ure s̄erẽripoe k̄erõ irirosũ waabũ ȳure. Ëm̄ugasigũe suñe surĩro irirosũ deyori gasiro wapikuri turori suadea gasiro miẽ, ȳu p̄uro dijarimakũ ããrã. ⁶ Ȳu iri gasiro poekaguere: “¿Ñeeno ããrĩrĩ?” ãrĩ, õãrõ ããrĩgũ, ããrĩpererã waimurã: paárã, makãñũ marã, yebague s̄ĩgũwãgãrã, wãrã sãñamakũ ããrã. ⁷ Ȳu ãgũsãrẽ ããrĩripoe Marĩp̄u ȳure: “Pedro, wãgãnugãka! ãgũsãrẽ wẽjẽ baaka!” ãrĩmakũ pébũ. ⁸ Ȳu gapũ ãgũrẽ ȳujubũ: “Baabea ȳu Op̄u. Gajirã waimurã ḡua judío masaka baaya marĩrã ããrĩma. Neõ suñarõ ãgũsãnorẽ baañabi ããrĩkubũ”, ãrĩbũ ãgũrẽ. ⁹ Ȳu irasũ ãrĩmakũ, Marĩp̄u ãm̄ugasigũe ããrĩgũ dupaturi ãrĩmi doja: “Ȳu baadorerãrẽ: ‘Baaya marĩrã ããrĩma’”, ãrĩbirikõaka! ãrĩmi ȳure. ¹⁰ Ërea ãgũ irire ãm̄uadero p̄ur̄u, iri gasirore ããrĩpererã merã ãm̄ugasigũe ããrĩrĩãkõãmi doja. ¹¹ Irasiriripoeta urerã ãma Cesarea marã ȳure siudorerã iriuanerã ȳu ããrĩrĩ wiiguere ejama. ¹² Õãgũ deyomarĩgũ ȳure: “ Ìgũsã judío masaka ããrĩmerã merã waabea, ãrĩ gũñabita waaka!” ãrĩmi. Irasirĩgũ ȳu Jope marã Jesúre b̄remurã su mojõma pere gajĩ mojõ suru p̄erẽbejarã merã waa, Cesareague eja, ḡua ããrĩpererã Cornelioya wiigũ ñajãbũ. ¹³ Ḡua iro ñajãjamakũ, Cornelio guare: “Sugũ Marĩp̄ure wereboegũ yaa wii ñajãjamakũ ããrã. ãgũ ȳure: ‘Jopague ãma m̄uyarãrẽ iriuka, Simón Pedro wãikugũe siudoregũ!’ ãrĩmi”, ãrĩ weremi. ¹⁴ “ Ìgũ murẽ Marĩp̄uyare weremakũ b̄remugũ, m̄u, m̄uyarã ããrĩpererã õãrõ tarirãkoa. Ëm̄ugasigũere Marĩp̄u merã õãrõ usuyari bokarãkoa, ãrĩ weremi ȳure Marĩp̄ure wereboegũ”, ãrĩmi Cornelio. ¹⁵ Irasirĩgũ ȳu ãgũsãrẽ werenugãripoe Õãgũ deyomarĩgũ marĩrẽ neõgora ãgũ dijijaderosũta ãgũsãguere dijijami. ¹⁶ Irasirĩmakũ ããrã, Jesús ãrĩdeare gũñabokabũ. ãsũta ãrĩmi: “Juan m̄usãrẽ deko merã wãiyedi ããrĩmí. Ȳu gapũ m̄usãrẽ Õãgũ deyomarĩgũ merã wãiyegũkoa, ãgũ m̄usã merã ããrĩnikõãburo, ãrĩgũ”. ¹⁷ Marĩp̄u marĩrẽ iriuderosũta Õãgũ deyomarĩgũrẽ iriumi, judío

masaka ããrĩmerãdere, marĩ Opũ Jesucristore ïgũsã bũremumakũ. ïgũ irasirimakũ ïãgũ, Marĩpũre: “Irasiribirikõãka ïgũsãrẽ!” ãrĩmasĩbiribũ yũ, ãrĩ wereyupũ Pedro iro ããrĩrãrẽ.

¹⁸ ïgũ wereadero pũrũ, toeperea:

—Marĩpũ judío masaka ããrĩmerãdere ïgũsã ñerõ irideare bũjawere, piridoremi, ïgũsãde ãmũgasigũe ïgũ merã õãrõ usũyari bokaburo, ãrĩgũ, ãrĩ, usũyari sĩñurã Marĩpũre.

Antioquía marã Jesúre bũremudea

¹⁹ Estebãrẽ wẽjẽadero pũrũ, Jesúre bũremurãrẽ ñerõ iriñurã. Irasirirã surãyeri Feniciague, gajirã Chipre nũgũrõgue, gajirã Antioquíague duriwãgãñurã. ïgũsã iroque ejarã, Jesúya kerere wereñurã judío masaka ditare. ²⁰ Surãyeri Jesúre bũremurã Chipre marã, Cirene marã ããrĩñurã. ïgũsã Antioquíague eja, judío masaka ããrĩmerãrẽ Jesúya kerere wereñurã. “Jesús, marĩrẽ taugũ, ããrĩpererã Opũ ããrĩmi”, ãrĩ wereñurã ïgũsãrẽ. ²¹ Marĩpũ irasũ ãrĩ wererãrẽ õãrõ iritamuyupũ. Irasirirã ïgũsã weremakũ pérã, iro marã wárã Jesúre bũremunũgãñurã. ïgũsã dupiyuro bũremudeare pirikõãñurã.

²² “ïgũsãde Jesúre bũremuma”, ãrĩrĩ kerere pérã, Jerusalén marã Jesúre bũremurã Bernabére Antioquíague iriũñurã: “¿Naásũ waáari?” ãrĩ ïãgũ waaka!” ãrĩrã. ²³ Irasirigu iroque eja, Marĩpũ ïgũsãrẽ ïgũ iritamuadeare ïã, bũro usũyari merã:

—Marĩ Opũ Jesúre õãrõ bũremunĩka! ïgũrẽ bũremurĩrẽ neõ piribirikõãka! ãrĩ wereyupũ ïgũsãrẽ. ²⁴ Bernabé Õãgũ deyomarĩgũrẽ opatarigũ, õãgũ, Jesúre õãrõ bũremugũ ããrĩyupũ. Irasirirã ïgũ weremakũ pérã, wárã masaka Jesúre bũremuñurã.

²⁵ Pũrũ Bernabé Antioquíague ããrãdi Saulore Tarsogue ããrĩgũrẽ ãmagú waayupũ. ²⁶ ïgũrẽ bokaja, ïgũsã pẽrãgueta Antioquíague goedujaja, Jesúre bũremurã merã su bojorigora iri makãguere ããrĩñurã. Iroguere wárã masakare Jesúyare bueñurã. Iripoe merãta iro marãrẽ Jesúre bũremurãrẽ: “Cristoyarã, Cristiano ããrĩma”, ãrĩ wãĩyepũroriñurã.

²⁷ Bernabé, Saulo merã Antioquíague ããrĩripoe gajirã Jerusalén marã Marĩpũya kerere weredupiyurã iroguere waañurã. ²⁸ Sugũ ïgũsã merã, Agabo wãikũgu ããrĩyupũ. ïgũ iroque eja, Õãgũ deyomarĩgũ masĩrĩ sĩrĩ merã iro marãrẽ:

—Ããrĩpereroguerẽ masaka usũboarãkuma, ãrĩ wereyupũ ïgũsãrẽ. Claudio wãikũgu romano marã opũ ñajãdero pũrũ Agabo ïgũ ãrĩdea waayuro. ²⁹ ïgũ irasũ ãrĩmakũ pérã, Antioquía marã Jesúre bũremurã ãsũ ãrĩñurã:

—Marĩ Judeague ããrĩrãrẽ Jesúre bũremurãrẽ marĩ niyeru oparire, marĩ sĩrõ bokatĩũrõ iriurã! ãrĩñurã. ³⁰ Irasirirã niyeru neõ, Bernabé, Saulo merã: “Jesús buedoregu beyenerãrẽ iritamurãrẽ wiaka!” ãrĩ iriũñurã.

12

Santiagore wẽjẽdea, Pedrore peresu iridea

¹ Iripoere Herodes wãikũgu Judea marã opũ, surãyeri Jesúre bũremurã Jerusalẽgue ããrĩrãrẽ ñerõ irinũgãyupũ. ² Irasirigu ïgũyarã surarare Santiagore Juan tĩgũrẽ sareri majĩ merã wẽjẽdoreyupũ. ³ ïgũrẽ wẽjẽmakũ ïãrã, judío masaka usũyañurã. Herodes ïgũsã usũyamakũ ïãgũ, Pedrore ñeãdore, peresu iriyupũ. Irasiriripoe pã wemasãrĩ morẽña marĩrĩ baari bosenu pascua bosenu ããrĩyuro. ⁴ ïgũrẽ peresu iriadero pũrũ, wapikũri bu surarare gorawayu koredoreyupũ. Iri burikũ wapikũrã dita ããrĩñurã. “Pascua bosenu pũrũ, ãĩwiugũra masaka ïũrõgue ïgũrẽ wẽjẽdorebu”, ãrĩ gũñadiyupũ Herodes. ⁵ Irasirirã Pedrore surara õãrõ korenĩkõãñurã. ïgũ iroque ããrĩripoe Jesúre bũremurã gapũ Marĩpũre bũro sërẽbosanĩkõãñurã.

Marĩpũ Pedrore peresugũe ããrĩgũrẽ taudea

⁶ Herodes Pedrore masaka iūrōgue iḡūrē āiwiuburi ñamirē pērā surara watopegue peda kōmeda merā s̄as̄uadi kāriyup̄. Gajirā surara pērā mak̄ap̄uro wiriarore koreñurā. ⁷ Āārīpererā kāriripoe gūñaña marīrō suḡu Marīp̄ure wereboeḡu Pedro āārīrī taribugue deyoayup̄. Irasiro iri taribu poekague oārō boyosiriakōāyuro. Marīp̄ure wereboeḡu Pedroya dukare tūkare, iḡūrē yobeyup̄.

—Murīgora wāgānugāka! āriyup̄. Iḡū irasū ārīmakūta, Pedroya mojōrīrē iḡūsā kōmedari s̄adea kuradijakōāyuro. ⁸ Marīp̄ure wereboeḡu iḡūrē:

—Yujutúka! M̄ya gubu surīre s̄añaka! āriyup̄.

Iḡū irasū ārīmakū pégu, yujutú, iḡūya gubu surīre s̄añayup̄. Iḡū s̄aña odomakū, āriyup̄ doja:

—Wekamañe surīrore s̄añaka! Náka, yu merā! āriyup̄.

⁹ Iḡū irasū ārīmakū pégu, Pedro iḡūrē tuyawiriayup̄. “¿Diayeta Marīp̄ure wereboeḡu yure āiwiriagu irikuri? Gajipoe irigu kēgū iribukoa”, āri gūñayup̄. ¹⁰ Marīp̄ure wereboeḡu, Pedro merā surara korerā āārīp̄rorirārē tari, p̄ru gajirārē tari, iri wii ñaj̄ap̄roriri kōme mak̄ap̄urogue ejañurā. Iro iḡūsā ejamakū, iri mak̄ap̄uro basi t̄p̄ākōāyuro. Iri mak̄ap̄urore tariwiria, yoaweyaro waa, Marīp̄ure wereboeḡu dederiakōāyup̄. Pedro suḡuta dujayup̄ pama. ¹¹ Marīp̄ure wereboeḡu dederiadero p̄ru, Pedro iḡūrē waadeare oārō pémasī:

—Diayeta Marīp̄u yure wijatadoreḡu, iḡūrē wereboeḡure iriuañumi Herodes yure ñerō iribirikōāburo, āriḡū, gaji āārīpereri judío masaka yure ñerō irid̄arire k̄amutadoreḡu, āri gūñayup̄.

¹² Irire gūñawāgā, Maríaya wiiḡue ejayup̄. Igo, Juan Marcos wāik̄ugu pago āārīyupo. Iri wiiḡuere masaka wārā nerē, Marīp̄ure s̄ērēbosarā iriñurā iḡūrē. ¹³ Irogue ejagu, Pedro iri wii t̄aro ñaj̄ari mak̄ap̄urore doteyup̄. Iḡū dotemakū pégo, sugo Rode wāik̄ugo iri wii marārē moāboego: “¿Noā āārīrī?” āri iḡō waayupo. ¹⁴ Iḡū werenírīrē pémasī, mak̄ap̄urore t̄p̄ābeota us̄yari merā ūmañaj̄aa, iro nerēanerārē: “Pedro mak̄ap̄uro āārīḡū kárinami”, āri wereyupo. ¹⁵ Igo irasū ārīmakū pérā, igore: “M̄u irasū ārīmoāmakōāgō yáa”, āri, igo wererire b̄remubiriñurā.

Igo gap̄u iḡūsārē: “Diayeta ārā yu”, āriyupo.

“Iro merē Pedroya yujup̄rā āārīkoā”, āriñurā.

¹⁶ Pedro gap̄u mak̄ap̄urore doteḡu iriyup̄ dapa. Irasirimakū waa, iri mak̄ap̄urore t̄p̄ā, iḡū iro nímakū iārā, ḡukakōāñurā. ¹⁷ Iḡū gap̄u iḡūya mojō merā irikeo, iḡūsārē toedoreyup̄. P̄ru wiiḡue ñaj̄aja, iḡū peresu āārīḡūrē Marīp̄u iḡūrē āiwiriadeare wereyup̄u iḡūsārē:

—Irire wereka, Santiagore, gajirā Jesúre b̄remurārē! āri were odo, gajirogue waakōāyup̄.

¹⁸ P̄ru boyoripoe peresu korerā Pedro marīmakū iārā: “¿Naásū waáyuri?” āri gāme gaguiniñurā iḡūsā basi. ¹⁹ Irasirigu Herodes iḡūyarā surarare Pedrore āmadoreyup̄. Iḡūsā bokabirimakū iḡū, Pedrore koreadinerārē b̄ro s̄ērēña, iḡūsā yujubirimakū, iḡūsārē wējēdoreyup̄. P̄ru Judeare wiri, Cesareague āārīḡū waayup̄u Herodes.

Herodes boadea

²⁰ Iripore Herodes Tiro, Sidón wāik̄uri makārī marā merā b̄ro guayup̄. Iri makārī marā baari, Herodeya nikū marā duadea āārīyuro. Irasirirā, iḡū guamakū iārā: “Ḡuare baari duabiribukumi”, āri, iḡū p̄rogu irire āmurā waañurā. Irogue eja, Herodeya wii koreḡu Blasto wāik̄uḡu: “Iritamuka ḡuare!” āriñurā. Iḡū: “Jáa”, ārīmakū pérā: “Herodere wereníbosaka, iḡū ḡua merā guanemobirikōāburo, āriḡū!” āriñurā iḡūrē. ²¹ Irasirigu Herodes iḡūsā merā werenídarin̄u ejamakū, op̄u s̄añarī surīre s̄aña, masaka iūrō op̄u doarogue doa, iḡūsārē wereníyup̄u. ²² Iḡū irasū werenímakū pérā, masaka gaguiniñurā:

—Ī ðō werenígū masakū āārībemi. Ɛmugasigue marā Opū āārīmi, āārīñurā.

²³ Īgūsā irasū āārīmakū pégu, Herodes Īgūsārē: “Masakuta āārā yū”, āārībiryupū. Irasirigu Marīpūre bñremubiri waja, mata Marīpūre wereboegu Herodere pūrīrikumakū iriyupū. Irasirigu Herodes beka baaweasū boakōāyupū. ²⁴ Iri irasū waadero pūru, Jesúre bñremurā Marīpūya kerere āārīpereroguerē weregorenāñurā. Wārā masaka irire péñurā. ²⁵ Bernabé, Saulo merā Jerusalégue gajirā Jesúre bñremurārē iritamu odo, Antioquíague gāme dujáañurā. Juan Marcos wāikūgude Īgūsā merā waayupū.

13

Bernabé, Saulo merā Jesúya kerere buenūgādea

¹ Antioquíaguere Jesúre bñremurā watopegue surāyeri Marīpūya kerere weredupiyurā, gajirā masakare buerimasā āārīñurā. Bernabé Īgūsā merāmū āārīyupū. Gajigu Simón wāikūgu āārīyupū. Īgūrēta masaka: “Nīgū” ārī wāīyeñurā. Gajigu Lucio wāikūgu Cirenemu āārīyupū. Gajigu Manaén wāikūgu, Herodes Galilea marā opu dagū merā suro merā masādi āārīyupū. Gajigu Saulo āārīyupū. ² Sunū Īgūsā bere, Marīpūre sērēripoe Ōāgū deyomarīgū Īgūsārē wereyupū:

—Bernabé, Saulore beyepíka! Īgūsā yure moāboemurā, yū beyesūnerā āārīma, ārīyupū.

³ Īgū irasū āārīmakū pérā, Īgūsā bere, Marīpūre sērē odo, Īgūsāya dipure ñapeo, seretu iriuñurā.

Bernabé, Saulo merā Chipre marārē buedea

⁴ Pūru Bernabé, Saulo merā Ōāgū deyomarīgū Īgūsārē iriuderosūta Seleucia wāikūri makāgue waa, irogue eja, doódiru merā Chipre wāikūri nūgūrōgue waañurā. ⁵ Iri nūgūrōma makā Salamina wāikūri makārē eja, judío masaka nerērī wiirigue Marīpūya kerere wereñurā. Juan Marcode Īgūsārē iritamugorenayupū. ⁶ Pūru iri nūgūrōrē tariwerewāgā, Pafos wāikūri makāgue ejañurā. Irogue ejarā, sugū judío masakure yé āārīgūrē bokajañurā. Īgū Barjesús wāikūgu āārīyupū. Griego ya merā Elimas wāikūyupū. Iri makā marārē: “Ɛmugasigue marā Opūya kerere weredupiyurimasū āārā yū”, āārīkatogorenayupū. ⁷ Sergio Paulo wāikūgu merāmū āārīyupū. Sergio Paulo iri nūgūrō marā opu, wāri masīgū āārīyupū. Īgū Marīpūya kerere péduagu, Bernabé, Saulore siudoreyupū. ⁸ Irasirirā Īgūsā Īgū pūrogu wererā waañurā. Elimas, yé āārīgū gapū Sergio Paulo Jesúre bñremumakū gāāmebiriyupū. Irasirigu Īgūsā wererire kāmūtaduadiyupū. ⁹ Irasirimakū, Saulo Ōāgū deyomarīgūrē opatarigu, Īgūrē bñro ĩāyupū. Saulota, “Pablo” wāikūyupū. ¹⁰ Āsū ārīyupū:

—Mū āārīkatorikūgu, ñegū, āārīpereri ðārō iririre kāmūtaduagu, wātī irirosū āārā. Marī Opūya diayemarē gorawayuduagu āārā. ¹¹ Mū irasiriri waja marī Opū mūrē wajamoāgukumi. Irasirigu mū koye ĩābi dujagukoa. Marī Opū mūrē wajamoārōpa abe gosesiririre ĩābirikoa, ārīyupū Pablo Īgūrē. Īgū irasū āārī merāta Īgūrē naĩĩākōāyuro. Neō koye ĩābi dujayupū. Irasirigu Īgūrē tūāwāgābure āmayupū. ¹² Īgū irasū waamakū ĩāgū, Sergio Paulo marī Opū Jesúya buerire pégukakōāyupū. Irasirigu Jesúre bñremuyupū.

Pablo, Bernabé merā Pisidia nikūma makā Antioquia wāikūri makāgue ejadea

¹³ Pūru Pablo Īgū merāmarā merā Pafogue āārānerā wiri taribuja, Perge wāikūri makāgue ejañurā. Iri makā Panfilia wāikūri nikūgue āārīyuro. Īgūsā Pergegue eja-makū, Juan Marcos gapū Īgūsārē iro pí, Jerusalégue gāme dujáakōāyupū doja. ¹⁴ Pūru Pergegue āārānerā gajī makā Antioquia wāikūri makāgue waañurā. Iri makā Pisidia wāikūri nikūgue āārīyuro. Irogue eja, judío masaka siñajārīnu* āārīmakū Īgūsā nerērī

* **13:14** Judío masaka siñajārīnu, sábado āārā.

wiigüe† ñajãa, doañurã. ¹⁵ Iri wii marã oparã Moisés gojadeare, Marĩpuya kerere weredupiyunerã gojadeare bueadero puru, Pedrosãrẽ siiu:

—Guayarã, masakare weredarã, wereka, ìgüsãrẽ õãrõ ããrĩrikuburo, ãrĩrã! ãrĩñurã.

¹⁶ Ìgüsã irasũ ãrĩmakũ pégu, Pablo wãgãnugã, ìgũya mojõ merã irikeo, ìgüsãrẽ wereyupu:

—Musã Israel bumarã, gajirã ìgüsã irirosũ Marĩpure buremurã, õõ ããrĩrã, yu wererire õãrõ péka! ¹⁷ Marĩpu, gua judío masaka Israel bumarã buremugũ, gua ñeküsãmarãrẽ beyedi ããrĩmi. Irasirigu iripoegue ìgüsã Egiptogue ããrĩrãrẽ wãrã masãporemakũ iridi ããrĩmi. Puru iri nikũgue ããrĩrãrẽ ìgũ turaro merã ãiwiridi ããrĩmi. ¹⁸ Ìgüsã Egiptore wiridero puru, cuarenta bojorigora masaka marĩõgue waagorenanerã ããrĩmã. Irogue ìgüsã ìgũ dorerire tarinugãkeremakũ, Marĩpu ìgüsãrẽ õãrõ koredi ããrĩmi. ¹⁹ Puru ìgüsã Canaán nikũgue ejamakũ, iri nikũ marãrẽ su mojõma pere gaji mojõ peru pẽrẽbejari buri marãrẽ Marĩpu béosiã, gua ñeküsãmarãrẽ pídi ããrĩmi iro ããrĩdoregu. ²⁰ Marĩpu ìgüsãrẽ iri nikũgue pídero puru, cuatrocientos cincuenta bojorigora ããrĩnerã ããrĩmã. Ìgüsã irogue ããrĩmakũ, Marĩpu ìgüsãrẽ doremurãrẽ pídi ããrĩmi. Ìgüsã Samuel wãikugu Marĩpuya kerere weredupiyudi ìgũ ããrĩnugãriipoegue doretũnunerã ããrĩmã. ²¹ Gua ñeküsãmarã Samuere: “Sugu gua opu gããmekoa”, ãrĩ sërẽmakũ pégu, Marĩpu ìgüsã opu ããrĩbure Saúre pídi ããrĩmi. Saúl, Cis wãikugu magũ, Benjamíya bumu ããrĩdi ããrĩmi. Ìgũ cuarenta bojorigora ìgüsã opu ããrĩdi ããrĩmi. ²² Puru Marĩpu Saúre Israel bumarã opu ããrĩrẽrẽ béo, David wãikugure ìgüsã opu ããrĩbure pídi ããrĩmi. Æsũ ãrĩdi ããrĩmi ìgũrẽ: “Davire Isaí magũrẽ bokabu. Buro usuyãa ìgũ merã. Æãrĩpereri yu gããmerĩrẽ irigukumi”, ãrĩdi ããrĩmi. ²³ “Sugu David parãmi ããrĩturiagu, musãrẽ Israel bumarãrẽ taugu aarigukumi”, ãrĩ weredi ããrĩmi Marĩpu gua ñeküsãmarãrẽ. Irasirigu ìgũ ãrĩderosũta Jesúre iriudi ããrĩmi. ²⁴ Jesús masakare buenugãburi dupiyuro Juan ããrĩpererã Israel bumarãrẽ: “Musã ñerõ irideare bujawere, musã gũñarĩrẽ gorawayuka! Musã irasirimakũ ìgũ, musãrẽ deko merã wãiyegukoa”, ãrĩ buedi ããrĩmi. ²⁵ Ìgũ buetũnuburi dupiyuro ìgüsãrẽ ãrĩdi ããrĩmi: “Musã yure: ‘Guare taugu ããrĩmi’, ãrĩ gũñadáa. Æãrĩbea yu. Yu puru gajigu aarigukumi. Yu gapu ubu ããrĩgũ, ìgũrẽ neõ saropebirikoa”, ãrĩdi ããrĩmi.

²⁶ Yaarã, Abraham parãmerã ããrĩturiarã, gajirã ìgüsã irirosũ Marĩpure buremurã õõ ããrĩrãde õãrõ péka! Marĩpu marĩrẽ: “Taugura”, ãrĩ kere iriudi ããrĩmi. ²⁷ Jerusalén marã, ìgüsã oparãde Jesús marĩrẽ taugure ìãmasĩbirinerã ããrĩmã. Siñajãrĩnuriķu Marĩpuya kerere weredupiyunerã gojadeare buekererã, neõ pémasĩbirinerã ããrĩmã. Pémasĩbirisã, Jesúre wẽjẽdorerã, Marĩpuya werenĩrĩ gojadea pũgue ãrĩderosũta irinerã ããrĩmã. ²⁸ Jesús ìgũ ñerõ irideare bokabirikererã, Pilatore: “Wẽjẽka ìgũrẽ!” ãrĩ sërẽñurã. ²⁹ Irasirirã iripoegue Marĩpuya kerere weredupiyunerã gojadea pũgue ãrĩderosũta Jesúre ããrĩpererire iri odo, ìgũrẽ curusague boadire ãidiju, masãgobe ãtãyegue mádea gobegue pínerã ããrĩmã. ³⁰ Ìgũrẽ wẽjẽkeremakũ, Marĩpu gapu boadiguere masũdi ããrĩmi. ³¹ Ìgũ masãdero puru, wãrinurĩ deyoadi ããrĩmi ìgũ merãmarãrẽ. Dupiyurogue ìgüsã ìgũ merã Galileague wiri, Jerusalẽgue wapikugorenarã waanerã ããrĩmã. Dapagorare ìsãta ìgũ masãdire ìãnerã, ìgũyare werema guayarãrẽ.

³²⁻³³ Irasirirã yu, yu merãmu Bernabé musãrẽ Jesúya kerere wererã aaribá. Iripoegue Marĩpu ìgũ Jesús merã õãrõ iriburire weredi ããrĩmi gua ñeküsãmarãrẽ. Ìgũ ãrĩderosũta guare ìgüsã parãmerã ããrĩturiarãrẽ irasiridi ããrĩmi Jesúre boadiguere masũgũ. Salmos wãikuri gojadea pũgue ãsũ ãrĩ gojasũdero ããrĩbú: “Yu magũ ããrã mu. Dapagã murẽ masãmakũ yãa”, ãrĩdi ããrĩmi Marĩpu. ³⁴ Gaji pũgue Marĩpu ãsũ ãrĩdi ããrĩmi, Jesúre boadiguere masũburire, ìgũ dũpu boabiriburire: “Iripoegue yu Davire: ‘Õãrõ irigura’, ãrĩderosũta murẽ irigukoa”, ãrĩdi ããrĩmi. ³⁵ Gaji Salmos pũ David ìgũ gojadea pũgue ãsũ

† 13:14 Judío masaka nerẽrĩ wii, sinagoga wãikuri wii ããrã. Irogue ìgüsã siñajãrĩnu ããrĩmakũ nerẽ, Marĩpuya werenĩrĩ gojadea pũrẽ buenama.

ārī gojadi āārīmí: “M̄ dorerire òārō iridiya d̄p̄ure neō boadorebirikoa”, āārī gojadi āārīmí. ³⁶ Diayeta werea. David okaḡ, Marīp̄ gāamederosūta īgū āārīdeapoe marārē iritamuníkōādi āārīmí. Īgū boadero p̄r̄, Īgū ñekūsāmarā darārē yáaderogueta gajirā Īgūrē yáanerā āārīmá. Īgūrē yáadero p̄r̄, Īgūya d̄p̄ boakōāyuro. ³⁷ Jesús Marīp̄ masūdiya d̄p̄ gap̄ neō boabiridero āārībú. ³⁸⁻³⁹ M̄sā āārīpererā Jesúya kerere ȳ weremakū, òārō péka! Īgū merā marī ñerō irideare kātiri bokarākoa. Īgūrē b̄remurānorē Īgūsā ñerō irideare Marīp̄ kātīgukumi. Moisés doreri iriri merā neō kātiri bokabirikoa. ⁴⁰ Irasirirā m̄sā dapagora marā òārō pémasīka! M̄sā òārō pémasībirimakū, iripoegue marā Marīp̄ya kerere weredupiyunerā gojaderosūta m̄sādere waarokoa. ⁴¹ Āsū āārī gojanerā āārīmá Marīp̄ya werenírī gojadea p̄gue:

Òārō péka, ȳre b̄ridarimasā! M̄sā okarin̄r̄ē m̄sārē gajino b̄ro goerire Īmuḡra. Gajirā m̄sārē irire weremakū pékererā, b̄remubirikoa. Irasirirā m̄sā b̄remubirideia waja béosūrākoa, āārī gojanerā āārīmá,✠

ārī wereyup̄ Pablo Antioquía marārē. ⁴² Pablosā irire were odo, wiriamakū, judío masaka āārīmerā iri wiigue nerēanerā Īgūsārē:

—Gaji siñajārīn̄ āārīmakū, ḡare irireta werenemoka doja! āārī sērēñurā. ⁴³ Irasirirā iri wii nerēanerā wiriamakū, wárā judío masaka, judío masaka irirosū b̄remurāde Pablosā wererire b̄remusīā, Īgūsārē t̄yañurā. Irasirirā Pablosā Īgūsārē: “Marīp̄ m̄sārē b̄ro maírī merā Īgūrē b̄remur̄rē neō piribirikōāka!” āārīñurā.

⁴⁴ Gaji semana siñajārīn̄ āārīmakū, wárā iri makā marā Marīp̄ya kerere pémurā iri wiigue nerēñurā doja. ⁴⁵ Īgūsā wárā nerēmakū Īārā, judío masaka Pablore b̄ro Īāturiñurā. Irasirirā ñerō werenírī merā Pablo wererire: “Diaye āārībea”, āārīñurā. ⁴⁶ Īgūsā irasū āārīmakū pérā, Pablo, Bernabé ḡuro marīrō merā Īgūsārē āārīñurā:

—Marīp̄ dorederosūta ḡa m̄sārē judío masakare Īgūya kerere werep̄roriadab̄. M̄sā gap̄ irire neō gāāmebea. Marīp̄ p̄ro perebiri okari opaburidere gāāmebea. Irasirirā ḡa judío masaka āārīmerā gap̄ure iri kerere wererākoa. ⁴⁷ Āsūta doredi āārīmí Marīp̄ Īgūya werenírī gojadea p̄guere:

M̄sārē judío masaka āārīmerārē yaa kerere weredoreḡ píḡkoa. Irasiriḡ Īgūsārē āārīpererā i nikū marā m̄sā irire weremakū pérānorē tauḡkoa perebiri peamegue waabonerārē, āārīdi āārīmí Marīp̄, āārī wereñurā.✠

⁴⁸ Īgūsā irasū āārīmakū pérā, judío masaka āārīmerā b̄ro us̄yari merā: “Marīp̄ya kere gap̄ òārī āārā”, āārīñurā. Irasirirā Marīp̄ beyesūnerā, Īgū p̄roque perebiri okari Īgū s̄sūmurā, Jesúre b̄remuñurā. ⁴⁹ Irasirirā Marīp̄yare āārīpererogue iri nikū marārē weregoreñañurā. ⁵⁰ Irasirimakū Īārā, surāyeri judío masaka Pablosārē ñerō wereniñurā. Īgūsā wererire pérā, gajirā wáro niyeru oparā judío masaka iririk̄ire b̄remurā nome Pablosā merā guañurā. Iri makā marā oparāde Īgūsā merā guañurā. Irasirirā Īgūsārē ñerō irin̄gā, Īgūsāya nikūrē béowiukōāñurā. ⁵¹ Irasirirā Pablo, Bernabé Īgūsāya gubu surire tuadea nikūwerare mojébéoñurā, iri makā marā Īgūsā ñerī iriri waja Īmurā. Irasiri odo, Iconiogue waakōāñurā. ⁵² Īgūsā waakeremakū, Jesúre b̄remurā gap̄ iroque āārīrā Ōāgū deyomarīgūrē opatari, b̄ro us̄yari merā dujañurā.

14

Pablo, Bernabé merā Iconiogue ejadea

¹ Pablo, Bernabé merā Iconiogue eja, judío masaka nerērī wiigue ñajāa, Jesúya kerere wereñurā. Īgūsā weremakū pérā, judío masaka, gajirā judío masaka āārīmerāde wárā Jesúre b̄remun̄gāñurā. ² Judío masaka Jesúyare péduamerā gap̄, Jesúre b̄remurārē ñerō wereniñurā. Judío masaka āārīmerārē, Jesúre b̄remurā merā guamakū iriñurā.

✠ 13:41 Hab 1.5 ✠ 13:47 Is 49.6

Irasirirã judío masaka ããrĩmerã Jesúre buremurãrẽ ñerõ gũñañurã. ³ Ìgũsã irasũ gũñamakũ ããrã, Pablosã gapũ yoaripoe irore duja, güiro marĩrõ merã: “Marĩpũ masakare bure maĩrĩ merã ããmi”, ãrĩ bueñurã. Ìgũsã buemakũ, Marĩpũ Ìgũyare: “Diyeta buema”, ãrĩgũ, Ìgũ turaro merã iri Ìmurĩrẽ Ìgũsã irimakũ iritamuyupũ. ⁴ Irasirirã iri makã marã dukawariñurã. Surãyeri judío masaka buerire gããmerã, gajirã Pablosã buerire gããmerã dujañurã. ⁵ Jesúya kerere gããmemerã: judío masaka, judío masaka ããrĩmerãde, oparã merã nerẽ, Pablosãrẽ ñerõ ãrĩ, ùtãyeri merã dea wẽjẽduañurã. ⁶⁻⁷ Ìgũsã irasũ wẽjẽduarire pérã, Pablo, Bernabé merã Licaonia nikũgue duriwãgãñurã. Irogue eja, iro marãrẽ Jesúya kerere buegoreñañurã. Ìgũsã irasũ buegorenarã, iri nikũ ããrĩrĩ makãrĩ Listra, Derbe wãikũri makãrĩgue ejañurã.

Listrague Pablöre ùtãyeri merã deadea

⁸ Listrague eja, sugũ neõ deyoagũgueta waamasĩbiridire iro doagure bokajañurã. ⁹ Irasirigũ irogue doagũ, Pablo buemakũ péyupũ. Ìgũ pémakũ, Pablo su diayeta ããyupũ Ìgũrẽ. “Ìĩ Jesúre buremumi. ‘Ìgũ yũre taumasĩmi’, ãrĩ gũñakumi”, ãrĩ gũñayupũ Pablo Ìgũrẽ ããgũ. ¹⁰ Irasirigũ turaro merã:

—Wãgãñugãka! ãrĩyupũ Ìgũrẽ.

Ìgũ irasũ ãrĩmakũ pégu, pariwãgãñugã waayupũ. ¹¹ Pablo Ìgũrẽ irasirimakũ ããrã, Licaonia marã Ìgũsã ya merã ãsũ ãrĩ gaguiniñurã:

—Marĩ buremurã ùmarõgue ããrãnerã ùma irirosũ deyorã marĩ pũrogue dijajama, ãrĩ gaguiniñurã.

¹² Irasirirã Bernabére: “Marĩ buremurã opũ Zeus wãikũgũ ããrĩmi”, ãrĩ wãĩyeñurã. Pablo gapũre Ìgũsãrẽ werepũroridi ããrĩmakũ: “Marĩ buremugũ Hermes wãikũgũ ããrĩmi”, ãrĩ wãĩyeñurã. ¹³ Iri makã ñajãrõ tũro Zeure buremurĩ wii ããrĩyuro. Sugũ paĩ iri wiire koregũ wekũare, goori Ìgũ ãmuadeare ããwãgãyupũ. Ìgũ, iro marã merã wekũare wẽjẽ soepeoduadiyupũ Pablosãrẽ buremuduagũ. ¹⁴ Ìgũsã irasũ iriduamakũ ããrã, Pablosã Ìgũsãya surĩre yegue, iro ããrĩrã watopegue ùmawãgã, ãsũ ãrĩ gaguiniñurã:

¹⁵ —Mũsã gũare, ¿nasirimurã irasũ yãri? Gũade mũsã irirosũta masaka ããrã. Gũa mũsãrẽ Marĩpũya kerere ãsũ ãrĩ wererã aaribũ. Keori weadeare béokõãka! Marĩpũ okagu gapũre buremuka! Ìgũta ùmũgasi, i nikũ, dia, ããrĩpererã i ùmũgue ããrĩrãrẽ iridi ããrĩmi. ¹⁶ Iripoegue ããrĩpereri buri marãrẽ Ìgũsã gããmerõ irimakũ kãmutabiridi ããrĩmi. ¹⁷ Masaka Ìgũrẽ buremubirikeremakũ, marĩrẽ õãrõ irigũ, Ìgũ õãrõ ããrĩrikũrere Ìmumi ããrĩpererãrẽ. Irasirigũ deko merẽmakũ yãmi. Marĩ oterire dukakũmakũ yãmi marĩ baaburire sigũ. Irasirigũ usũyari merã ããrĩmakũ yãmi marĩrẽ, ãrĩñurã Pablosã Ìgũsãrẽ.

¹⁸ Ìgũsã irasũ ãrĩmakũ pékererã, Pablosãrẽ buremuduarã, wekũare wẽjẽ soepeoduadiñurã dapa. Pablosã gapũ Ìgũsãrẽ: “Iropata irika! Iririre pirikõãka!” ãrĩmakũ pérã, irire pirikõãñurã pama.

¹⁹ Pũrũ gajirã judío masaka, Antioquía marã, Iconio marãde Listrague ejañurã. Irogue ejarã, Pablöre ñerõ wereniñurã. Ìgũsã irasũ ãrĩmakũ pérã, iro marãde Ìgũ merã gua, Ìgũrẽ ùtãyeri merã deañurã. Dea odo: “Ìĩ kõmoakõãmi”, ãrĩ, iri makã tũrogue tũãwãgã meépibéokõãñurã. ²⁰ Ìgũsã irasirikeremakũ, Jesúre buremurã gapũ Ìgũ pũro nerẽjañurã. Ìgũsã nerẽjamakũ, wãgãñugã, Ìgũsã merã makãgue dujáakõãyupũ doja. Gajinũ gapũ Bernabé merã Derbegue waayupũ.

²¹ Irogue eja, Jesúya kerere wereñurã. Ìgũsã weremakũ pérã, wãrã iro marã Jesúre buremuñurã. Irire were odo, Listrague goedujãñurã. Iro eja, Iconiogue waañurã. Pũrũ Pisidiana makã Antioquíague ejañurã. ²² Iri makãrĩgue weregorenarã, Jesúre buremurãrẽ õãrõ ããrĩrikũmakũ iriñurã. “Jesúre buremurĩrẽ neõ piribirikõãka! Marĩpũ Ìgũyarãrẽ doreroguerẽ waaduãrã, õõguere wãri poyari merã ããrĩrãkoa”, ãrĩ bueñurã Ìgũsãrẽ.

²³ Pwɔ iri makārīkɔ marārē Jesúre bɔremurārē iritamumurārē beyeñurā. Beye odo, bere, āsū ārī sērēñurā Marīpwɔre ĩgūsā bɔremugūrē:

—Gwa Opɔ, ĩsā mɔyarārē iritamuka! ārīñurā.

Pablo, Bernabé merā Siria nikūma makā Antioquíague dujáadea

²⁴ ĩgūsā Pisidia nikūgue weregorenadero pwɔ, Panfilia nikūgue ejañurā. ²⁵ Iri nikūma makā Pergere Marīpwɔya kerere were odoadero pwɔ, Atalia wāikuri makāgue waañurā. ²⁶ Iri makā āārānerā Antioquíague dujáarā, doódiru merā waañurā. Iripoegue iri makā marā Jesúre bɔremurā Pablosārē iriupwɔrorirā, Marīpwɔre ĩgūsāya āārīburire āsū ārī sērēbosanerā āārīmá: “Gwɔpwɔ, mɔ maĩrī merā ĩsārē mɔyare buegorenamakū, ōārō koreka!” ārī sērēnerā āārīmá. Irasirirā Pablo, Bernabé merā ĩgūsā buedoreadeare buepeo, iri makārē goeñurā doja. ²⁷ Irasirirā iri makārē goejarā, gajirā Jesúre bɔremurā merā nerē, āārīpereri ĩgūsā Marīpwɔ turari merā iriadeare, Marīpwɔ judío masaka āārīmerādere Jesúre bɔremumakū iriadeare wereñurā ĩgūsārē. ²⁸ Yoaripoe iroguere Jesúre bɔremurā merā āārīñurā.

15

Jerusalégue Jesúre bɔremurā nerēdea

¹ Pablo, Bernabé Antioquíague āārīripoe gajirā Judea nikū marā iroguere eja, Jesúre bɔremurārē āsū ārī buenugāñurā.

—Moisés dorederosūta āārīpererā mɔsāya dɔpwɔma gasirogārē wiiribirimakū, Marīpwɔ mɔsārē taubirikumi, ārīñurā. ² ĩgūsā irire ārīmakū pérā, Pablosā ĩgūsā merā bɔro gāme guaseoñurā. Irasirirā Antioquía marā Jesúre bɔremurā Pablöre, Bernabé, gajirā iro marādere Jerusalégue waamurārē beyeñurā. Āsū ārīñurā: “Jerusalégue waaka! Jesús buedoregɔ beyenerārē, ĩgūsārē iritamurādere: ‘¿Judea marā buerire diayeta āārīrī?’” ārī sērēñarā waaka!” ārī iriñurā.

³ Irasirirā Jesúre bɔremurā ĩgūsārē iriadero pwɔ, Pablo, Bernabé merā Fenicia nikū waa, pwɔ Samaria nikūrē tariwāgā, judío masaka āārīmerā ĩgūsā ñekūsāmarā bɔremunadeare piri, Marīpwɔya gapwɔre bɔremunugārī kerere wererā iriñurā Jesúre bɔremurārē. Irire pérā, āārīpererā bɔro mɔyayañurā.

⁴ Pablosā Jerusalégue ejamakū ĩārā, Jesúre bɔremurā, Jesús buedoregɔ beyenerā, ĩgūsārē iritamurāde ōārō mɔyari merā bokatīrīñurā. Irasirirā Pablo, Bernabé merā āārīpereri ĩgūsā Marīpwɔ turari merā irideare wereñurā. ⁵ Iroguere surāyeri fariseo bumarā Jesúre bɔremurā āārīñurā. Pablosā weremakū pékererā, ĩgūsā gapwɔ wāgānugā, āsū ārīñurā:

—Judío masaka āārīmerā Jesúre bɔremurā, ĩgūsāya dɔpwɔma gasirogārē wiiriburo. “Moisés doredeare irika mɔsādel!” ārīrō gāāmea ĩgūsārē, ārīñurā.

⁶ ĩgūsā irasū ārīmakū pé, Jesús buedoregɔ beyenerā, gajirā ĩgūsārē iritamurā nerē, irire āmuduarā wereníñurā. ⁷ ĩgūsā yoaripoe wereníadero pwɔ, Pedro wāgānugā, wereyupu ĩgūsārē:

—Yaarā, ōārō péka ywɔre! Iripoegue, ywɔ mɔsā merā āārīgūrē Marīpwɔ beyedi āārīmí, ywɔre ĩgūya kerere judío masaka āārīmerārē weredoregɔ. Irasirigɔ ĩgū masakare tauri kerere werea, Jesúre bɔremuburo, ārīgū. ⁸ Marīpwɔ āārīpererā gūñarīrē masīgū, judío masaka āārīmerārē Jesúre bɔremurārē: “Yaarā āārīma”, ārī ĩmubu, ĩgūsādere Ōāgū deyomarīgūrē iriumi marīrē iriuderosūta. ⁹ Irasirigɔ marīrē ĩgūsā merā surosū ĩāmi. ĩgūsā Jesúre bɔremumakū, ĩgūsādere ĩgūsā gūñarīgue ōārō āārīrikamakū yāmi. ¹⁰ Marīpwɔ Moisere doreri pídeare marī ñekūsāmarā bokatīūbirinerā āārīmá. Marīde ĩgūsā irirosū bokatīūbirikererā, ¿nasirimurā Jesúre bɔremurārē judío masaka āārīmerārē irire iridorebukuri? ¿Nasirimurā Marīpwɔ judío masaka āārīmerārē ĩgūyarā āārīmakū iririre: “Iro āārībea”, ārī gūñabukuri? ¹¹ Āsū gapwɔ gūñarō gāāmea. Marī Opɔ Jesús marīrē maĩrī merā,

Marĩpu marĩrẽ taumi. Irasirigu marĩrẽ taurosũta judío masaka ããrĩmerãdere taumi, ãrĩyupu Pedro ĩgũsãrẽ.

¹² ĩgũ irasũ ãrĩmakũ pérã, ããrĩpererã toepereakõãñurã. Irasirirã Pablo, Bernabé merã judío masaka ããrĩmerã watopegue Marĩpu turari merã ĩgũsã iri ĩmudeare weremakũ õãrõ péñurã. ¹³ ĩgũsã irire were odoadero puṛu, Santiagode wereyupu:

—Yaarã, péka yure! ¹⁴ Marĩpu judío masaka ããrĩmerãrẽ ĩgũyarã ããrĩnugãmakũ neõ irideare weresiami Simón Pedro musãrẽ. ¹⁵ Marĩpuya kerere weredupiyunerã werederosũta waabu judío masaka ããrĩmerãrẽ. Marĩpuya werenĩrĩ gojadea pũgue ãsũ ãrĩ gojanerã ããrĩmã ĩgũ ãrĩdeare gojarã:

¹⁶ Puṛu Daviya bumarã ĩgũsã oparã ããrĩdea pereadero puṛugue dupaturi ĩgũ parãmi ããrĩturiagure ĩgũsã Opu sóogura doja. Irasirigu ĩgũyarãrẽ ĩgũsã õãrõ ããrĩrikumakũ irigũkoa.

¹⁷⁻¹⁸ Irasirirã ããrĩpererã judío masaka ããrĩmerã yu beyenerã, yure ĩgũsã Opure buremurãkuma, ãrĩmi Marĩpu masakare irire masĩdoregu, ãrĩ gojanerã ããrĩmã.*

¹⁹ Irasirigu ãsũ gũñãa yu. Judío masaka ããrĩmerãrẽ Jesúre buremunugãrãrẽ wári: “Ãsũ irika!” ãrĩ garibobirikõãrõ gããmea marĩrẽ. ²⁰ Irasirirã marĩ ĩgũsãrẽ ãsũ ãrĩ gojarã: “Keori weadea puṛo baari pídeare baabirikõãka! Nome merã ñerõ iribirikõãka! Nomedede ãma merã ñerõ iribirikõãka! Waimurã wánugũ biu wějẽanerãya díkuri díre baabirikõãka! Díre iiribirikõãka!” ãrĩ gojarã! ²¹ Iripoegueta marĩ nerẽrĩ wiirigue siñajãrĩnũrikũ Marĩpu Moisére doreri pídeare masaka buema. Irasirirã ããrĩpereri makãrĩ marã iri dorerire masĩkuma. Irasirirã yu ãrãdea ditare gojarã! ãrĩyupu Santiago ĩgũsãrẽ.

Judío masaka ããrĩmerãrẽ gojadea

²² Irasirirã Jesús buedoregu beyenerã, ĩgũsãrẽ iritamurã, gajirã ããrĩpererã Jesúre buremurã merã Santiago ãrãdeare: “Irasũta irirã!” ãrĩ, ĩgũsã merãmarã pẽrãrẽ beyeñurã Antioquíague Pablo, Bernabé merã waamurãrẽ. Irasirirã Judare, Silare beyeñurã. Judata, “Barsabás” wãikũyupu. ĩgũsã Jesúre buremurã watopegue ããrĩrã oparã irirosũ ããrĩrã ããrĩñurã. ²³ Puṛu ĩgũsã gojadea pũrẽ ĩgũsã merã iriũñurã. ãsũ ãrĩ gojañurã:

Gua, Jesús buedoregu beyenerã, guare iritamurã, gajirã Jesúre buremurã õõgue ããrĩrã õãdorea musãrẽ.

Ããrĩpererã judío masaka ããrĩmerã Antioquíague, Siriague, Ciliciague ããrĩrãrẽ Jesúre buremurãrẽ õãdorea.

²⁴ Gajirã gua merãmarã musã puṛogue ejarã, musãrẽ garibogoreñañurã. Musãya dupuma gasirogãrẽ wiiridore: “Ããrĩpereri Moisés doredeare irika!” ãrĩgoreñañurã. Gua gapu ĩgũsãrẽ irire: “Buerã waaka!” ãrĩbiradibu. ²⁵ Irasirirã gua ããrĩpererã nerẽ, gua merãmarã Judas, Silas wãikũrãrẽ beyeabu musã puṛogue iriumurã. ĩgũsã marĩ maĩrã Pablo, Bernabé merã waarãkuma. ²⁶ Masaka Pablosãrẽta Jesucristo marĩ Opuya kerere gũiro marĩrõ merã buemakũ wějẽboyaunanerã ããrĩmã. Mẽrõgã tarinerã ããrĩmã.

²⁷ Judasã musã puṛogue ejarã, gua gojadeare wererãkuma. ²⁸ Õãgũ deyomarĩgũ guare gũñarĩ sĩrõsũta: “Gaji dorerire píbirikoa musãrẽ”, ãrĩ gũñãa. Irasirirã i doreri ditare píràkoa: ²⁹ “Keori weadea puṛo baari pídeare baabirikõãka! Díre iiribirikõãka! Waimurã wánugũ biu wějẽanerãya díkuri díre baabirikõãka! Nome merã ñerõ iribirikõãka! Nomedede ãma merã ñerõ iribirikõãka!” I gua dorerire irirã, õãrĩrẽ irirãkoa musã. Iropata ããrã musãrẽ gua wereduarĩ, ãrĩ gojañurã Jesúre buremurã Jerusalẽgue ããrĩrã.

³⁰ Iri pũrẽ goja odo, Pablosãrẽ: “Õãrõ waaka!” ãrĩ seretuñurã. Puṛu Pablosã Antioquíague waañurã. Irogue eja, Jesúre buremurãrẽ siiu neõ, iri pũrẽ wiañurã. ³¹ Iri pũrẽ bue odo, õãrĩ ĩgũsã were gojadeare ããrã, buro usũyañurã. ³² Judas, Silas merã Marĩpuya kerere weredupiyurã ããrĩñurã. Irasirirã Jesúre buremurãrẽ Marĩpu ĩgũsãrẽ

* 15:17-18 Am 9.11-12

weredoredeare wereñurã. Ìgūsã weremakũ pérã, Jesúre b̄remurã gap̄ ɯsuya, òãrõ gũñaturari merã dujañurã. ³³ Judas iroguere yoaweyaripoe ããrĩ: “Dujáagɯ yáa”, ãrĩ seretuyupɯ iro marãrẽ. Irasũ ãrĩmakũ pé: “Òãrõ waaka! Buro siñajãrĩ merã dujáaka Jerusalẽgue. Òãburo iro marã, m̄sãrẽ iriuanerã”, ãrĩ dujuñurã. Ìgūsã irasũ ãrãdero p̄ɯɯ, Judas, gajirã merã Jerusalẽgue dujáakõãyupɯ doja. ³⁴ Silas gap̄: “Òõgue dujagura”, ãrĩ gũñasã, Antioquíague dujakõãyupɯ dapa. ³⁵ Pablo, Bernabé merã yoaweyaripoe iroguere dujañurã. Irasirirã wãrã gajirã merã iro marãrẽ bue, marĩ Op̄ Jesúya kerere weregorenañurã.

Dupaturi Pablo Jesúya kerere buegorenagũ waadea

³⁶ Mérõgã p̄ɯɯ Pablo Bernabére wereyupɯ:

—Náka, ããrĩpereri makãrĩ marĩ Op̄ Jesúya kerere marĩ buegorenadea makãrĩ marãrẽ: “¿Naásũ ããrĩrikurĩ?” ãrĩ, Ìãgorenarã! ãrĩyupɯ.

³⁷ Ìgũ irasũ ãrĩmakũ péɯ, Bernabé gap̄ Juan Marcove ããdɯadiyupɯ. ³⁸ Dupiyurogue Juan Marcos Ìgūsã merã Panfiliague ããrĩgũ, Ìgūsã moãrĩrẽ bokatĩũbiridea waja Pablo dupaturi Ìgũrẽ ããdɯabiriyupɯ. Irasirigɯ Bernabé: “Ìgũrẽ ããabirimakũdere òãrokoa”, ãrĩyupɯ. ³⁹ Irasirirã Ìgūsã basi irire b̄ro gãme guaseo, dukawariakõãñurã. Irasirigɯ Bernabé gap̄ Juan Marcove ããyupɯ, doódiru merã Chipre n̄gũrõgue waagú. ⁴⁰ Pablode Silare beyeyupɯ Ìgũ merã waabure. Ìgūsã buerã waaburi dupiyuro Jesúre b̄remurã Ìgũsãrẽ: “Marĩ Op̄ m̄sãrẽ maĩgũ òãrõ koreburo”, ãrĩ s̄rẽbosa, iriũñurã. ⁴¹ Irasirirã Siria nikũ, Cilicia nikũdere tariwãgã, Jesúre b̄remurãrẽ Ìgũyare bue, òãrõ gũñaturamakũ iriñurã Ìgũsãrẽ.

16

Timoteo, Pablo, Silasãrẽ wapikɯwãgãdea

¹ P̄ɯɯ Pablo, Silas merã Derbegue, Listrague ejañurã. Iroguere ejarã, Timoteore Jesúre b̄remugũrẽ bokajañurã. Ìgũ pagode Jesúre b̄remugõ, judío masako ããrĩyupo. Pagɯ gap̄ griego masakɯ ããrĩyupɯ. ² Jesúre b̄remurã Listra marã, Iconio marãde Timoteore: “Òãgũ ããrĩmi”, ãrĩ Ìãñurã. ³ Irasirigɯ Pablo Timoteore Ìgũrẽ wapikɯbure ããdɯayupɯ. Judío masaka iri nikũ marã gap̄ Timoteo pagɯ griego masakɯ ããrĩrẽ masĩñurã. Irasirigɯ Pablo Ìgūsã merã guamakũ iridɯabi, Timoteoya d̄p̄ɯma gasirogãrẽ wiiriyupɯ judío masaka irinarõsũ irigɯ. ⁴ P̄ɯɯ Pablo, Timoteo merã waa, Ìgūsã gojadea pũmarẽ Jesúre b̄remurãrẽ Ìgūsã ejari makãrĩ marãrẽ wereñurã. Iri pũ Jerusalẽgue Jesús buedoregɯ beyenerã, Ìgũsãrẽ iritamurã: “Ãsũ irika!” ãrĩ gojadea pũ ããrĩyuro. ⁵ Ìgūsã irire weremakũ pérã, Jesúre b̄remurã: “Jãɯ”, ãrĩ, gũñaturari merã Jesúre b̄remunemoñurã. Gajirãde ãm̄rikɯ Jesúre b̄remubirinerã, b̄remunemowãgãñurã.

Pablo k̄rõgue irirosũ Macedoniam̄rẽ Ìãdea

⁶⁻⁷ P̄ɯɯ Pablosã Asia nikũgue Jesúya kerere buerã waadɯarãrẽ Òãgũ deyomarĩgũ waadorebiryupɯ. Irasirirã Ìgūsã Frigia nikũrẽ taria, Galacia nikũdere taria, Misia nikũ t̄roguere eja, Bitinia nikũgue waadɯadiñurã. Òãgũ deyomarĩgũ gap̄ iroguedere waadorebiryupɯ. ⁸ Irasirirã Misia nikũ t̄rore tariwãgã, Troas wãĩkurĩ makãgue buajañurã. ⁹ Iroguere iri ñamirẽ Pablo k̄rõgue irirosũ sugɯ Macedonia nikũm̄ Ìgũ p̄uro nímakũ Ìãyupɯ. “Ḡare Macedonia marãrẽ iritamugũ aarika!” ãrĩ siiuyupɯ. ¹⁰ Pablo k̄rõ irirosũ waadeare ḡare weremakũ pérã: “Marĩp̄ iri nikũ marãrẽ Ìgũya kerere weredoregɯ iriugɯ irikumi marĩrẽ”, ãrĩ gũña, ḡayare ãmu, Macedoniague waakõãbɯ. ((Yɯ Lucas i pũrẽ gojabude Ìgūsã merã waabɯ.))

Pablo, Silas merã Filipogue waadea

¹¹ Irasirirã Troague ããrãnerã doódiru merã Samotracia wãikuri nũgũrõgue taribuja, gajinũ gapũ Neápoligue waabũ. ¹² Iri makãrẽ taria, Filipino romano marãya makãgue ejabũ. Iri makãta Macedonia nikũma makãrĩrẽ doreri makã ããrĩbũ. Iroguere yoaweyaripoe ããrĩbũ. ¹³ Judío masaka siñajãrĩnũ ããrĩmakũ, Ìgũsã Marĩpũre sãrẽrã nerẽnarõrẽ ãmarã waarã, iri makã tũro, dia wekague waabũ. Iroguere eja, iro nerẽanerã nomerẽ Jesũya kerere were doanĩbũ. ¹⁴ Iroguere sugo Tiatira wãikuri makãmo, Lidia wãikũgo õãrĩ suri diari surĩre duarimasõ ããrĩmó. Marĩpũre bũremugõ ããrĩmó. Irasirigũ Marĩpũ igore Pablo wererire õãrõ pémasĩrĩ merã pé bũremumakũ irimi. ¹⁵ Irasirigũ Pablo igore, igoya wii marã ããrĩpererãrẽ deko merã wãiyemi. Ìgũ wãiyeadero pũrũ, ãsũ ãrĩmo:

—Mũsã yũre: “Diayeta Jesũre bũremugõ ããrĩmo”, ãrĩ gũñarã, yaa wiigũe dujaka! ãrĩmo guare.

Igo irasũ ãrĩmakũ pérã, igoya wiigũe dujabũ.

¹⁶ Sunũ iro marã Marĩpũre sãrẽrã nerẽnarõgue dupaturi waarã, wãtĩ ñajãsũdeore bokajabũ. Igo gajirãrẽ moãboego ããrĩmó. Irasirigo wãtĩ masĩrĩ sĩrĩ merã masakare: “Ãsũ waarokoa mũsãrẽ”, ãrĩboka, wáro niyeru wajatabosamo igo oparãrẽ. ¹⁷ Igo gũa noó waaró gũa merã waagó, ãsũ ãrĩ gaguinĩmo:

—Ìgũsã Marĩpũ ããrĩpererãrẽ doregũre moãboerimasã ããrĩma. Marĩpũ marĩrẽ tauri kerere werema mũsãrẽ, ãrĩ gaguinĩmo.

¹⁸ Wárinũrĩ gũare garibomakũ, Pablo gãmenugã, wãtĩ igoguere ããrĩgũrẽ ãsũ ãrĩmi:

—Jesucristo wãĩ merã, Ìgũ turari merã mũrẽ: “Igorerĩropata wirika!” ãrĩmi.

Ìgũ irasũ ãrĩmakũta, wãtĩ igore wiriakõãmi.

¹⁹ Wãtĩ igore wiriadero pũrũ, masakare: “Ãsũ waarokoa”, ãrĩ weremasĩbiri, igo oparãrẽ niyeru wajatanemobosabirimo pama. Irasirirã, igo oparã gapũ Pablo, Silare ñeã, iri makã marã oparã pũroguere ããrĩma. ²⁰ Pũrũ weresãrĩrẽ beyerimasã pũroguere Ìgũsãrẽ ãĩja, ãsũ ãrĩma:

—Ìĩsã judío masaka ããrĩma. Marĩya makã marãrẽ gariborã yãma. ²¹ Ìgũsã marĩrẽ buerã, marĩ romano marã iririkũrĩre iridorebema. Irasirirã Ìgũsã buerire gããmebea. Ìgũsã doreridere irimasĩbea, ãrĩma.

²² Ìgũsã irasũ ãrĩmakũ pérã, masaka wãrã iroguere ããrĩrã Pablosã merã guama. Weresãrĩrẽ beyerimasã gapũ Pablosãya surĩre túweadore, yuku merã tãrãdorema. ²³ Ìgũsãrẽ bũro tãrã odo, peresu irima. Ìgũsãrẽ korebure õãrõ Ìãduripídorema. ²⁴ Irasirigũ Ìgũsãrẽ koregũ gapũ iri wii dekoma taribugue Ìgũsãrẽ Ìgũsãya guburire taboa majĩrĩma goberigũe sũadobo, õãrõ biadobokõãyũrũ.

²⁵ Pũrũ ñami deko ããrĩmakũ, Pablosã Marĩpũre sãrẽ, bayapeoñurã. Ìgũsã irasũ bayamakũ, gajirã peresugue ããrĩrã péñurã. ²⁶ Ìgũsã bayaripoe gũñaña marĩrõ nikũ bũro ñomeyuro. Irasiriro iri wiide bũro gãmeña, suro merã ããrĩpereri iri wiima makãpũrori tũpãperekõãyuro. Peresugue ããrĩrãrẽ Ìgũsã kõmedari merã sũadeadaride kurakõãyuro. ²⁷ Irasũ waamakũ, Ìgũsãrẽ koregũ yobe, iri wiima makãpũrori toyomakũ Ìãgũ: “Peresu ããrãnerã duriwiriaperekõãñuma”, ãrĩ gũñayũrũ. Irasirigũ Ìgũya sareri majĩrẽ ãĩ, Ìgũ basi sareboadũagũ iriadiyũrũ. ²⁸ Ìgũ irasirimakũ Ìãgũ, Pablo Ìgũrẽ gaguinĩyũrũ:

—Mũ basi ñerõ neõ iribirikõãka! ããrĩperekõãa gũa, ãrĩyũrũ.

²⁹ Ìgũ irasũ ãrĩmakũ pégũ, sĩãgodore, Pablosã pũro ùmawãgã, Ìgũsãya guburi pũro naradari merã ejamejãyũrũ. ³⁰ Pũrũ Ìgũsãrẽ ãĩwiu, ãsũ ãrĩ sãrẽñayũrũ:

—¿Nasirigũkuri, yũ Marĩpũ yũre taumakũ gããmegũ? ³¹ Pablosã yũñũñurã:

—Marĩ Opũ Jesucristore bũremuka! Mũya wii marãde Ìgũrẽ bũremuburo. Mũsã Ìgũrẽ bũremumakũ Ìãgũ, Marĩpũ mũsãrẽ taugũkumi, ãrĩñũrã.

³² Irasũ ãrĩ odo, Ìgũya wii marãdere Jesũya kerere wereñurã. ³³ Ñami deko pũrũ Ìgũsãrẽ koreadi Ìgũsãya kãmĩrẽ koeyũrũ. Ìgũ koe odoadero pũrũ, Pablosã Ìgũrẽ, Ìgũya wii

marādere deko merā wāīyeñurā. ³⁴ Īgūsārē wāīyeadero p̄r̄u, Pablosārē ĩgūya wiigüe āña, baari ejoyup̄u. Īgū, ĩgūya wii marā merā Marīp̄ure b̄remusīā, b̄ro us̄yāñurā.

³⁵ Boyoripoe oparā surarare iriñurā, peresu wii koregure Pablosārē wiudorerā. ³⁶ Iri wii koregū irire pégu, Pablosārē ārīyup̄u:

—Oparā m̄sārē wiridoreañurā. Irasirirā güiro marīrō us̄yari merā wirika! ārīyup̄u.

³⁷ Īgū irasū ārīmakū pégu, Pablo gap̄u ārīyup̄u surarare:

—Oparā ḡua ñerō irideare bokabirikererā, masaka wárā ĩūrō ḡuare tārādoreama. Īgūsā, ḡua romano marā āārīkeremakū, tārādoreama. P̄r̄u peresu iriama. ¿Dapague ḡuare masaka ĩābero wiuduri? Āārībea. Īgūsā basita wiurā aariburo ḡuare, ārīyup̄u Pablo.

³⁸ Īgū irasū ārīmakū pérā, surara Pablo ārādeare oparārē wererā waañurā. Pablo, Silas romano marā āārīma, ārīrī kerere pérā, oparā güigorañurā. ³⁹ Irasirirā Pablosā p̄ro ejarā, āsū ārīñurā:

—Kātika, ḡua m̄sārē peresu iriadeare! Irasū ārī odo, ĩgūsārē peresugue āārānerārē wiu: “Ḡuaya makārē wirika!” ārīñurā. ⁴⁰ Irasirirā Pablosā peresugue āārānerā wiria, Lidiaya wiigüe waañurā. Irogue eja, Jesúre b̄remurā nerēanerārē bokajarā, ōārō güñaturanemomakū iriñurā. P̄r̄u waakōāñurā.

17

Tesalónica marā Pablo, Silas merā guadea

¹ Pablo, Silas merā waarā, Anfípolire, Apoloniare taria, Tesalónicague ejañurā. Iri makāguere judío masaka nerērī wii āārīyuro. ² Irogue eja, Pablo iri wiigüe waayup̄u ĩgū gaji makārīrē irinaderosūta. Ūre semana judío masaka siñajārīñarī āārīmakū, iro marārē Marīp̄uyare werenayup̄u. ³ Āsū ārī bueyup̄u:

—Marīp̄u iriudi, Cristo āārīmi. Marī ñerō iridea waja ñerō taridi āārīmí. Īgū boadero p̄r̄u, Marīp̄u gap̄u ĩgūrē masūdi āārīmí marī ōārō āārīburire. Ī Jesús yu āsū ārī wereḡu, ĩgūta Cristo āārīmi marīrē tauḡu. Āsūta ārī werea, Marīp̄uya kerere ĩgūsā gojadea p̄guere, ārī wereyup̄u.

⁴ Īgū irasū ārīmakū pérā, surāyeri judío masaka ĩgū wererire: “Diayeta āārā”, ārī b̄remuñurā. Irasirirā Pablosā merā waañurā. Gajirā wárā griego masaka Marīp̄ure b̄remurīmasā, oparā nomede, Pablo wererire pérā, b̄remuñurā. Irasirirā ĩgūsāde ĩgūsā merā waañurā. ⁵ Gajirā judío masaka irasirimakū ĩārā, Pablosārē ĩāturi, wárā ñerā moāmerārē siiu needō: “Pablo ĩgū merāmarā merā ñerō iriḡu yámi”, ārī gaguinírā waaka i makā marārē, ārī iriñurā. Irasū ārī gaguinírā, āārīpererā iri makā marārē Pablosā merā guamakū iriñurā. Irasirirā Jesúre b̄remugū Jasón wāīkuḡuya wiima makāp̄urore turaro merā tūākoro, ñajāa, Pablosārē āmadiñurā masakaguere wiad̄urā. ⁶ Īgūsārē bokabirisīā, Jasōrē, gajirā Jesúre b̄remurādere ñeā tūāwāgā, iri makā marā oparā p̄rogue āña, irogue eja, gaguiníñurā:

—Pablosā āārīpererogue masakare gariborā iriama. Dapagorare marīya makārē ejasiama. ⁷ Ī Jasón ĩgūsārē ĩgūya wiigüe ñajādoreami. Īisā āārīpereri marī romano marā op̄u dorerire tarin̄gāma. “Gajiḡu m̄sā Op̄u, Jesús wāīkuḡu āārīmi”, ārī buema masakare, ārī gaguiníñurā oparārē.

⁸ Īgūsā irasū ārī gaguinímakū pérā, āārīpererā iri makā marā, ĩgūsā oparāde Pablosā merā guañurā. “¿Naāsū waáari?” ārī gaguinísirikōāñurā. ⁹ Irasirirā oparā Jasōrē, ĩgū merāmarādere peresu waadoremerā: “Dupaturi Pablosārē iritamubirikōāka!” ārī, niyeru wajaridore, wiukōāñurā.

Pablo, Silas merā Bereague ejadea

¹⁰ P̄r̄u iri ñamita Jesúre b̄remurā Pablosārē Bereague iriukōāñurā. Irogue eja, judío masaka nerērī wiigüe waañurā. ¹¹ Judío masaka Berea marā gap̄u Tesalónica marā

nemorō Jesúya kerere òârō péduañurã. Irasirirã irire: “¿Diayeta ãârĩrĩ?” ãrĩ masĩduarã, ãmurikũ Marĩpũya werenĩrĩ gojadea pũmarẽ bueníkõañurã. ¹² Irasirirã wãrã Jesúre bũremuñurã. Gajirã griego masakade, iri makã marã oparã nomede bũremuñurã. ¹³ Pablo, Berea marãrẽ Marĩpũyare wereri kerere pérã, Tesalónica marã judío masaka ejañurã. Irore eja, Berea marãrẽ kere ãrĩ, Pablosã merã guamakũ iriñurã. ¹⁴ Ìgũsã irasirimakũ ìãrã, Jesúre bũremurã Pablore mumurō merã dia wãdiya tãroque iriuñurã. Ìgũ merãmarã gapũ Silas, Timoteo merã Bereague dujañurã. ¹⁵ Pablore ãiwãgãnerã Atenas wãikũri makãgue eja, Ìgũrẽ iroque pí, Bereague gãme dujáakõañurã doja. Iroque dujajarã, Pablo Ìgũ: “Murĩgora Silas, Timoteode òõgue aariburo”, ãrĩ kere iriuadeare wereñurã Ìgũsãrẽ.

Pablo Atenague ãârĩdea

¹⁶ Pablo Atenague Silas, Timoteore yũgũ, iri makã marã keori weadeare wãri opamakũ ìãgũ, bũro bũjawereyupũ. ¹⁷ Irasirigũ judío masaka nerẽrĩ wiigue Ìgũsã merã werenígũ waayupũ. Iroguere gajirã judío masaka ãârĩmerã Marĩpũre bũremurã ãârĩñurã. Ìgũsã merãdere wereníyupũ. Ëmurikũ iri makã marã Ìgũ bokajarã merã wereníyupũ. ¹⁸ Gajirã ãmade Epicúreos wãikũri bumarãyare buerimasã, gajirã Estoicos wãikũri bumarãyare buerimasã Pablo merã wereníñurã. Ìgũ weremakũ pérã, ãsũ ãrĩ gãme sãrẽñañurã:

—¿Naásũ ãrĩ weredũagũ yãri, ìi iropa werenígũ? ãrĩñurã.

Pablo Jesúyare, Ìgũ masã mũrĩadeare weremakũ pérã, gajirã ãsũ ãrĩñurã:

—Gajiro marã Ìgũsã bũremurãyare weregũ irikumĩ, ãrĩñurã. ¹⁹ Irasirirã Ìgũsã nerẽrõ Areópago wãikũroque Pablore ãrĩñurã. Iroque ãija, Ìgũrẽ ãrĩñurã:

—Gũa maama bueri mũ wererire masĩduakoa. ²⁰ Mũ bueri gajirosũ ããrã. Irasirirã gũa: “¿Naásũ ãrĩduaro yãri iri?” ãrĩ masĩduakoa, ãrĩñurã Pablore.

²¹ ãârĩpererã Atenas marã, gajiro marã iri makã ejanerãde maama bueri ditare wereníduañurã.

²² Irasirigũ Pablo Areópagogue Ìgũrẽ ãjadero pũrũ, wãgãnũgã, ãsũ ãrĩ wereyupũ Ìgũsãrẽ:

—Keori weadeare mũsã ãârĩpererã òârō bũremua. Irire masĩa yũ. ²³ I makã mũsãya makãrẽ naagorenagũ, mũsã bũremurõrẽ ìãbũ. Sugũ mũsã bũremugũrẽ sĩdea soepeorogue gojatúdeadeare ìãbũ. “Ëmũgasigue marã Opũ marĩ masĩña marĩgũrẽ bũremurõ ããrã”, ãrĩ gojatúdeadeare ìãbũ. Mũsã Ìgũrẽ masĩbirikeremakũ, Ìgũrẽta werea yũ mũsãrẽ, ãrĩyupũ Pablo. Irasũ ãrĩ odo, ãrĩnemoyupũ doja:

²⁴ —Marĩpũ i ãmurẽ ãârĩpereri iridi ãârĩmĩ. Ëmũgasi, i nikũ Opũ ãârĩmĩ. Masaka iridea wiirire ãârĩbemi. ²⁵ Marĩ iritamurĩrẽ gããmebemi. Ìgũ gapũ marĩrẽ iritamumi. Marĩ ãârĩrikũrere, ãârĩpereri gajinodere sĩmi. Okari opamakũ yãmi. Yũjuãĩmakũ yãmi marĩrẽ.

²⁶ Marĩpũ sugũ ãmũũ merãta ãârĩpereri buri marã ãârĩmakũ iridi ãârĩmĩ, Ìgũsãrẽ i nikũ ãârĩpererogue ãârĩburo, ãrĩgũ. “Òõpa yoaripoe okarãkuma Ìgũsã ãârĩrõguere”, ãrĩ pídi ãârĩmĩ. ²⁷ Marĩpũ: “Yũre ãmarã bokaburo”, ãrĩgũ, irasiridi ãârĩmĩ. Ìgũrẽ marĩ bokaburo, ãrĩgũ, yoarogue ãârĩbemi. Marĩ merãta ãârĩmĩ. ²⁸ Marĩpũ marĩrẽ ãârĩmakũ yãmi. Ìgũ marĩmakũ marĩbukuyo. Marĩ okari, marĩ irimasĩrĩ, marĩ ãârĩrikũrere sĩgũ ãârĩmĩ. Mũsã bayarire gojarimasãde ãsũ ãrĩ gojanerã ãârĩmã: “Marĩde ãmũgasigue marã Opũ pũrã ããrã”, ãrĩ gojanerã ãârĩmã. ²⁹ Irasirirã marĩ Ìgũ pũrã ãârĩrã, keori masaka weadeare Ìgũsã gũñarõ merã irideare: “Marĩpũ irirosũ ãârĩmĩ”, ãrĩ gũñabirikõãrã! Marĩpũ, masaka oro, plata, ãtãyeri merã keori weadea irirosũ ãârĩbemi. ³⁰ Marĩpũ iripoegue marã Ìgũrẽ masĩmerã Ìgũrẽ bũremubirimakũ irasũ ìãkõãdi ãârĩmĩ. Irasirigũ, dapaguere pama marĩrẽ ãârĩpererã i nikũgue ãârĩrãrẽ: “Mũsã ñerõ irideare bũjawereka! Mũsã gũñarĩrẽ gorawayuka!” ãrĩmĩ. ³¹ Pũrũ Marĩpũ ãârĩpererã ñerãrẽ wajamoãrĩnũ ejamakũ, Ìgũ beyedi Jesús merã ãârĩpererã i nikũgue ãârĩrãrẽ diayeta irigũkumi òãrãrẽ beye, ñerã gapũre béobu. Jesús boadero pũrũ, Marĩpũ Ìgũrẽ masũgũ, Ìgũ beyedi ãârĩrĩrẽ ìmudi ãârĩmĩ ãârĩpererãrẽ, ãrĩ wereyupũ Pablo Atenas marãrẽ.

³² Īgū Jesús boadigue masãdeare weremakū pérã, gajirã ĩgūrē ubu burikōãñurã. Gajirã gapu:

—Dupaturi ire mu weremakū péduakoa doja, ãrĩñurã.

³³ Pablo ĩgūsãrē piri waakōãyupu. ³⁴ Gajirã, ĩgū wererire pénemoduarã ĩgū merã waañurã. Irasirirã Jesúre buremunugãñurã. ĩgūsã merã sugu Dionisio wãikugu Areópague oparã merã nerērĩmasū ããrĩyupu. Gajigo Dámaris wãikugode gajirã merã Jesúre buremunugãyupo.

18

Pablo Corintogue ejadea

¹ Pumu Pablo Atenague ããrãdi waa, Corinto wãikuri makãgue ejayupu. ² Irogue judío masaku Aquila wãikugure Ponto nikūmurē bokajayupu. Aquila, ĩgū marãpo Priscila merã Italia nikūgue ããrĩnerã ããrãdima. ĩgūsã irogue ããrĩripoe romano marã opu Claudio wãikugu ããrĩpererã judío masakare Romarē wiridoremakū, Aquila ĩgū marãpo merã Corintogue ejanerã ããrĩmã. ĩgūsã irogue ããrĩmakū, Pablo ĩgūsãrē ĩãgū waayupu. ³ ĩgūde ĩgūsã moãrikurĩnorēta moãgū ããrĩyupu. Irasirigu dujakōãyupu ĩgūsã merã moãbu. ĩgūsã surí gasiri merã wiiri irirã ããrĩñurã. ⁴ Pablo, judío masaka siñajãrĩñuriku ĩgūsã nerērĩ wiigie waa, judío masakare, judío masaka ããrĩmerãdere Jesúya kerere werenayupu, ĩgūsã iri kerere: “Diayeta ããrã”, ãrĩ gũñaburo, ãrĩgū.

⁵ Timoteo, Silas merã Macedoniague ããrãnerã Pablo purogue ĩgūsã ejadero pumu, Pablo surí gasiri merã wiiri moãrĩrē piri, ãmuriku judío masakare Jesúya kerere diaye ãrĩrĩ merã bueyupu:

—Jesús ããrĩmi marĩ yoaripoe yúdi. ĩgūta Marĩpu iriudi, Cristo ããrĩmi, ãrĩyupu.

⁶ ĩgū irasū ãrĩ buekeremakū, judío masaka gapu ĩgūrē péduabiriñurã. Irasirigu ĩgūsã ñerō werenĩrĩ merã ĩgūrē werewamamakū pégu, Pablo ĩgūsãrē: “Buenemobirikoa”, ãrĩ ĩmugū ĩgūya surire iroma nikū tuadeare pásiri, ãsū ãrĩyupu:

—Marĩpu dorederosũta musãrē bueabu. Musã gapu yare péduabea. Irasirirã musã péduabiri waja perebiri peamegue waarãkoa. Irasirigu yu musãrē bueadeare pirigukoa. Dapagorare judío masaka ããrĩmerãrē buegu waagura, ãrĩyupu.

⁷ Irasū ãrĩ, iri wiigie ããrãdi wiria, Ticio Justo wãikuya wiigie waayupu. ĩgūya wii judío masaka nerērĩ wii taro ããrĩyuro. ĩgū Marĩpore buremugū ããrĩyupu. ⁸ Nerērĩ wii opu Crispo wãikugu, ããrĩpererã ĩgūya wii marãde Jesúre buremuñurã. Gajirã Corinto marãde wárã Jesúya kerere pérã, ĩgūrē buremunugãñurã. Irasirirã deko merã wãĩyesũñurã, ĩgūsã Jesúre buremurĩrē ĩmurã. ⁹ Su ñami Pablöre kërõgue irirosū marĩ Opu ĩgūrē ãsū ãrĩ wereyupu:

—Güibirikõaka! Neõ piriro marĩrõ yaa kerere buenikõaka i makã marãrē! ¹⁰ Yu, mu merã ããrã. Irasirirã masaka murē ñerō irimasibema. I makãrē wárã yaarã ããrĩma, ãrĩyupu.

¹¹ Irasirigu Pablo iro marã merã su bojori gaji bojori deko ããrĩyupu Marĩpuya kerere buegu.

¹² Iripore romanomu Galión wãikugu Acaya nikū marã opu ããrĩripoe judío masaka suro merã nerē, Pablöre ñeã, Galión purogue ãĩja, ¹³ ãsū ãrĩñurã:

—Ĩ masakare: “Ãsū gapu irika, Marĩpore buremurã!” ãrĩ buegu, i nikūma doreri gapure béodoremi, ãrĩñurã Galiõrē.

¹⁴ ĩgūsã irasū ãrĩmakū, Pablo ĩgūsãrē werebu iriripoeta Galión gapu judío masakare ãrĩyupu:

—Ĩgū ñerō iriadero pumu tamerãrē yu péboakuyo musã judío masaka weresãrĩrē. ¹⁵ Musã dorerire tarinugãmakū, musã basi ãmuka! Ire masibea yu. Irasirigu irire: “Irasũta irika!” ãrĩmasibirikoa, ãrĩyupu.

¹⁶ Irasũ ãrĩgũta ãgũyarã surarare Pablore weresãrãrẽ béowiudoreyupũ. ¹⁷ Irasirimakũ ãrã, ããrĩpererã iri wii ããrĩrã Sóstenẽrẽ judío masaka nerẽrĩ wii opũre ñeã, Galión ãũrõ páñurã. ãgũsã pámakũ ããgũ, Galión gapũ: “ãgũsã gããmerõ iriburo”, ãrĩ ããkõãyupũ.

Pablo Antioquíague goedujáa, dupaturi buegorenadea

¹⁸ Pablo Corintogue yoaripoe ããrĩyupũ dapa. Pũrũ Jesúre bũremurãrẽ: “Waagú yáa”, ãrĩ odo, doódiru merã Priscila, Aquila merã Siriama makãgue waakõãñurã. ãgũ doódiru merã waaburi dupiyuro Cencreague ããrĩgũ, Marĩpũre: “ãsũ irigũra mũrẽ bũremugũ”, ãrĩderosũta ãgũya poarire wũuapeokõãdoreyupũ. ¹⁹ Pũrũ ãgũsã merã waa, Efeso wãĩkũri makãgue eja, Priscila, Aquilare pikõã, judío masaka nerẽrĩ wiigũe waayupũ. Iri wiigũe eja, judío masaka iro nerẽanerã merã Marĩpũyare wereyupũ. ²⁰ ãgũ irasũ weremakũ pérã, ãgũrẽ: “Yoaripoe dujaka gũa merã!” ãrãdiñurã. ãgũ gapũ: “Dujabea mũsã merã”, ²¹ ãrĩgũta ãgũsãrẽ seretuyupũ:

—Jerusalẽgue bosenu ããgũ waagú yáa. Marĩpũ gããmemakũ dupaturi ããgũ dujaribukoa mũsãrẽ, ãrĩyupũ.

Irasũ ãrĩ odo, Efesogue ããrãdi doódiru merã waakõãyupũ. ²² Irasirigũ Cesareare tariwãgã, Jerusalẽgue eja, iro marã Jesúre bũremurãrẽ õãdoregũ ejayupũ. Pũrũ Antioquíague waayupũ doja. ²³ Irore yoaweyaripoe ããrĩ, pũrũ Galaciama makãrĩgue Frigiama makãrĩrẽ dupaturi eja, iri makãrĩ marãrẽ Jesúre bũremurãrẽ bue, ãgũsãrẽ õãrõ usũyari merã ããrĩrikũmakũ iriyupũ.

Apolos Efesogue buedea

²⁴ Iripoere judío masakũ Apolos wãĩkũgũ, Alejandría wãĩkũri makãmũ Efesogue ejayupũ. ãgũ õãrõ weregũ, Marĩpũya werenĩrĩ gojadeare masĩgũ ããrĩyupũ. ²⁵ Gajirã ãgũrẽ marĩ Opũ Jesúya kerere weresianerã ããrĩmã. Irasirigũ usũyari merã Jesús irideare diaye ãrĩrĩ merã wereyupũ. Irasirikeregũ, Juan masakare deko merã wãĩyedeã ditare masĩyupũ. ²⁶ Güiro marĩrõ judío masaka nerẽrĩ wiigũe ããrĩrãrẽ buenũgãyupũ. ãgũ buerire péanerã Priscila, Aquila ãgũsãya wiigũe ãgũrẽ ãã, irogoe õãrõ diaye ãrĩrĩ merã wereñurã ãgũ Marĩpũyare masĩbirire. ²⁷ Pũrũ Apolos Acayague waadũamakũ, Jesúre bũremurã ãgũrẽ su pũ gojabosañurã. Irasirirã Jesúre bũremurãrẽ Acayague ããrĩrãrẽ: “Apolore õãrõ bokatĩrĩñeãka!” ãrĩrĩ pũrẽ ãgũ merã iriũñurã. Irasirigũ Apolos irogoe ejamakũ, Marĩpũ ãgũsãrẽ maĩgũ, ãgũ merã õãrõ iritamuyupũ. ²⁸ Irasirigũ Apolos ããrĩpererã ãũrõ judío masakare õãrõ turari merã:

—Marĩpũ iriudi, mũsã yoaripoe yúdi, Cristo ããrĩmi. ãgũta Jesús ããrĩmi, ãrĩyupũ. Irasirirã Marĩpũya werenĩrĩ gojadea pũrẽ keoro weremakũ pérã, judío masaka: “Diaye ããrĩbea”, ãrĩmasĩbirĩñurã.

19

Pablo Efesogue buedea

¹ Apolos Corintogue ããrĩripoe Pablo gapũ ãtãyuku watopegue taria, Efesogue eja, wárã Jesúre bũremurãrẽ bokajayupũ. ² Bokaja, ãgũsãrẽ sãrẽñayupũ:

—¿Mũsã Jesúre bũremurã, Õãgũ deyomarĩgũrẽ bokatĩrĩñeãrĩ? ãrĩyupũ.

ãgũrẽ yũjuñurã:

—“Õãgũ deyomarĩgũ ããrĩmi”, ãrĩmakũ, neõ pébiribũ gũa.

³ Pablo ãgũsãrẽ sãrẽñayupũ doja:

—¿Noãya buerire pédero pũrũ, deko merã wãĩyeri mũsãrẽ? ãrĩyupũ. ãgũsã gapũ yũjuñurã:

—Juãya buerire gũa pédero pũrũ, gũare wãĩyema, ãrĩñurã.

⁴ Pablo ãsũ ãrĩyupũ doja:

—Juan masakare ìgùsà ñerĩ irideare bujawere, gũñarĩrẽ gorawayurãrẽ wãiyedi ããrĩmĩ. Irasũ wãiyekeregũ: “Yũ pũrũ aaribure bũremuka!” ãrĩ buedi ããrĩmĩ. Irasũ ãrĩgũ: “Jesũre Marĩpũ iriudire bũremuka mũsã!” ãrĩgũ iridi ããrĩmĩ, ãrĩyupũ Pablo.

⁵ Ìgũ irasũ ãrĩmakũ pérã, marĩ Opũ Jesús wãĩ merã wãiyesũñurã ìgũrẽ bũremurĩrẽ ìmurã. ⁶ Pũrũ Pablo ìgùsãya dipu weka ìgũya mojõrĩ merã ñapeomakũ, Òãgũ deyomarĩgũ dijjayupũ ìgùsãrẽ. Ìgũ dijjamakũ, gaji masã ya werenĩrĩ merã ìgùsã werenĩmasĩbirideare werenĩñurã. Marĩpũ ìgùsãrẽ weredorerire wereñurã. ⁷ Ìgùsã ããrĩpererã pe mojõma pere su gubu peru pẽrẽbejarãgora ããrĩñurã.

⁸ Pablo iri makãguere urerã abe ããrĩgũ, judío masaka nerẽrĩ wiigue ñajãa, gũiro marĩrõ Marĩpũ marĩ Opũ ããrĩrĩ kerere masakare werenayupũ. Irire gũñaturari merã weremakũ pérã: “I diayeta ããrã”, ãrĩñurã. ⁹ Gajirã gapũ Marĩpũyare pẽdũamerã, ìgũ wererire bũremubiriñurã. Irasirirã masaka pẽurogue marĩ Opũya bueri: “Ñegorãa”, ãrĩ wereñurã. Ìgùsã irasũ ãrĩmakũ pẽgũ, Pablo gapũ Jesús bũremurãrẽ siiu wiria, Tiranno wãikũgũya bueri wiigue waayupũ. Iroguere ãmũrikũ masakare buenayupũ. ¹⁰ Pe bojorigora bueyupũ ìgùsãrẽ iri wiiguere. Ìgũ irasũ buemakũ, ããrĩpererã Asia nikũ marã judío masaka, judío masaka ããrĩmerãde marĩ Opũyare pẽpereakõãñurã.

¹¹ Pablo iri makãgue ããrĩmakũ, Marĩpũ ìgũ turari merã ìgũrẽ wãri iri ìmurĩrẽ irimãkũ iriyupũ. ¹² Irasirimakũ ìãrã, masaka surĩ gasiri, Pabloya dũpũ pẽrẽadea gasirire pũrĩrikũrã pũro ãĩãnañurã. Ìgùsã ãĩãmakũ, pũrĩrikũrã iri gasirire moãña, tarinañurã. Wãtẽa ñajãũnerãde irire moãña, wirisũnañurã.

¹³⁻¹⁴ Iripoere gajirã judío masaka wãtẽãrẽ béowiugorenarã iriñurã. Ìgùsã Esceva wãikũgũ pũrã su mojõma pere gaji mojõ peru pẽrẽbejarãgora ããrĩñurã. Esceva paía opũ ããrĩyupũ. Ìgũ pũrã Pablo irirosũta marĩ Opũ Jesús wãĩ merã wãtẽãrẽ béowiudũarã, ãsũ ãrĩñurã:

—Jesũs, Pablo weredi wãĩ merã dorea mũsãrẽ. Wirika mũsã ñajãdire! ãrĩ béowiuadiñurã.

¹⁵ Ìgùsã irasũ ãrĩkeremakũ, wãtĩ masakãguere ñajãdi ãsũ ãrĩyupũ:

—Jesũre, Pablora masã. Mũsã gapũre masĩbea. ¿Niisãno ããrĩrĩ mũsã? ãrĩyupũ.

¹⁶ Ìgũ irasũ ãrĩmakũta, wãtĩ ñajãũdi gapũ pari meẽbeja, bũro turaro merã ìgùsã ããrĩpererãrẽ ñeã, tarinũgãyupũ. Ìgùsãrẽ pá, kãmitú, ìgùsãya surĩre yeguepeokõãyupũ. Irasirirã surĩ marĩrã, kãmikũrãgue ãmawiriañurã. ¹⁷ Ìgùsã irasũ waadea kerere pérã, ããrĩpererã Efeso marã, judío masaka, judío masaka ããrĩmerãde pẽgũka, bũro gũĩñurã. Irasirirã marĩ Opũ Jesús wãĩrẽ õãrõ goepeyari merã bũremuñurã pama.

¹⁸ Irasirirã wãrã dupiyuro Jesús bũremunũgãnerã gapũ ìgùsã ñerõ irideare masaka pẽurogue weretarirã ejañurã. ¹⁹ Ìgùsã merã wãrã yea ããrĩrã ããrĩñurã. Irasirirã ìgùsã bayirima gojadea papera turirire irogue ãĩa, masaka ìũrõ irire soebéokõãñurã. ããrĩpereri iri wajakũdeare ìgùsã keoñamakũ, cincuenta mil niyeru koeri wajakũadiyuro. ²⁰ Ìgùsã irasirimakũ ìãdero pũrũ, ãmũrikũ wãrã masaka Marĩpũya kerere pérã, ìgũ turari merã Jesús bũremunũgãñurã.

²¹ Irasũ waadero pũrũ, Pablo ãsũ ãrĩ gũñayupũ: “Macedonia nikũ waapũrori, iri nikũrẽ taria, Acaya nikũdere taria, Jerusalẽgue waagũra. Iro merãta Romarẽ ìãgũ waagũra”, ãrĩ gũñayupũ. ²² Irasirigũ ìgũ waaburi dupiyuro pẽrã ìgũrẽ iritamurãrẽ Erasto, Timoteore iriyupũ Macedoniague. Pablo gapũ sugũta dujayupũ dapa Asiaguere.

Efeso marã Pablo merã gua, gaguinĩdea

²³ Pablo Efesogue ããrĩripoe gajirã iro marã bũro werenĩrĩ merã ìgũrẽ ìãturiñurã, masaka wãrã Jesús bũremumakũ ìãrã. ²⁴ Sugũ plata wãikũri kõme merã moãrĩmasũ Demetrio wãikũgũ Pablora ìãturiwãgũyupũ. Ìgũ plata merã iro marã bũremugõ Artemisa wãikũgũ bũremurĩ keori wiirigãrẽ weanayupũ. Ìgũ, gajirã moãrã merã ìgùsã weadeare

masakare duarã, wáro wajatanañurã. ²⁵ Irasirigũ Demetrio ãgũ merã moãrãrẽ, gajirã ãgũ irirosũ plata moãrãrẽ siiu neeõ, ãsũ ãrĩyupũ:

—Yũ merãmarã, õãrõ péka! Irire masĩa musã. Marĩ weadeare duari merã wáro wajata, õãrõ ããrĩkõãa. ²⁶ Pablo buedeade masĩa. Æsũ ãrĩ buegorenami: “Masaka buremurã keori weadea, turari oparã irirosũ ããrĩbea. Æmũgasigue marã Opũ irirosũ neõ ããrĩbea, keori weadea ããrã”, ãrĩ buemi. Irire pérã, wãrã masaka õõ marã, ããrĩperero Asia marãde ãgũ buedeare: “Diayeta ããrã”, ãrĩ gũñama. ²⁷ I marĩrẽ bure goea. Marĩya moãrĩ wajamarĩãkõãburo yãa. Marĩ buremugõ Artemisaya wiide ubu ããrĩrĩ wii dujakõãrokoa. Dapagueta ããrĩperero Asia marã buremuadima igore. Masaka Pablo wererire buremurã sõõ gapũ merã igore buremunemobirikuma pama, ãrĩyupũ Demetrio ãgũsãrẽ.

²⁸ ãgũ irasũ ãrĩmakũ pérã, bure guari merã:

—Artemisa, Efeso marã buremugõ turago ããrĩmo, ãrĩ gaguinĩpũrorĩñurã.

²⁹ ãgũsã gaguinĩmakũ, gajirã wãrã Efeso marã: “¿Naásũ waari?” ãrĩ pémasĩbirikererã, ãgũsãde gaguinĩpereakõãñurã. Irasũ gaguinĩrãta Gayore, Aristarcore ñeã, iri makã marã nerẽrõgue ãgũsãrẽ tũãwãgãñurã. Gayo, Aristarco Macedonia marã, Pablore wapikũwãgãnerã ããrĩñurã. ³⁰ ãgũsãrẽ ñeãmakũ ããgũ, Pablo gapũ masaka wãrã watopegue ãgũsãrẽ werẽgũ waadũadiyupũ. Jesũre buremurã gapũ waadobirĩñurã. ³¹ Gajirã iri nikũ marã oparãde, Pablo merãmarã ãgũrẽ: “Gũa murẽ dorea: ‘ãgũsã nerẽrõgue waabirikõãka!’ ” ãrĩ kere iriũñurã.

³² Irogue nerẽanerã bure gaguinĩrã iriñurã dapa. “¿Nasirirã marĩ õõgue nerẽrĩ?” ãrĩmasĩmerã ãgũsã gããmerõ gaguinĩmirẽkõãñurã. ³³ Irasirirã judío masaka ãgũsãyagure Alejandro wãikũgure gaguinĩrã iũrõgue túmeénũñurã ãgũsãrẽ weredorerã. Irasirigũ ãgũ gapũ ãgũya mojõ merã irikeo: “Iropata gaguinĩka, toeaka!” ãrĩdũadiyupũ. “Gũa judío masaka ñerõ iribeã”, ãrĩ weredũadiyupũ. ³⁴ ãgũ judío masakũ ããrĩrĩrẽ ããmasĩrã, ããrĩpererã suro merã pe hora gaguinĩñurã:

—Artemisa, Efeso marã buremugõ turago ããrĩmo, ãrĩ gaguinĩñurã.

³⁵ ãgũsã bure gaguinĩmakũ ããgũ, sugũ iri makã marã oparãrẽ iritamugũ masakare toedore, ãsũ ãrĩyupũ:

—Musã, Efeso marã õãrõ péka! Artemisa, marĩ buremugõ turago ããrĩmo. Iгоре buremurĩ wiire, igo keori ãmũgasigue dijarideadere korerã ããrã marĩ. Irire ããrĩperero marã õãrõ masĩa. ³⁶ “I diaye ããrĩbeã”, ãrĩmasĩbema. Irasirirã iropata gaguinĩka, toeaka! Gaguinĩnemobirikõãka pama! Diaye gũñaka musãde! Noó gããmerõ pémasĩrĩ marĩrõ gajinorẽ iribirikõãka! ³⁷ ãsã musã ñeãnerã marĩ buremurĩ wiirimarẽ neõ yajabirama. Marĩ buremugõrẽ ñerõ neõ ãrĩ werenĩbirama. ãgũsã ñerõ iribirikeremakũ, ãgũsãrẽ ñeã, õõgue ãriayo. ³⁸ Demetrio, ãgũ merã moãrã ãgũsãrẽ weresãduarã, weresãrĩrẽ beyerimasã pũrogue waaburo. Irogue i nikũ marã oparã iũrõgue ãgũsãrẽ weresãdeare ãmumasĩma. ³⁹ Oparã i makã marãrẽ siiu neeõmakũ ããrã, gajino sãrẽduarã, werenĩrã aarika! ⁴⁰ Dapagã musã guari merã gaguinĩadea kerere marĩ oparã pérã: “Marĩrẽ tarinũgãduarã yãma”, ãrĩ weresãbukuma. Irasirirã marĩ bure gaguinĩadea waja marĩrẽ weresãmakũ neõ yũjamasĩbiribukoa, ãrĩyupũ oparãrẽ iritamugũ ãgũsãrẽ. ⁴¹ Irire were odo: “Iropata ããrã. Waaka musãya wiirigue!” ãrĩyupũ.

20

Pablo Macedoniague, Greciague ejadea

¹ ãgũsã irasũ ãrĩ gaguinĩmirẽdero pũrũ, Pablo gapũ Jesũre buremurãrẽ siiu neeõ, ãgũsãrẽ õãrõ ããrĩrikũdoregũ, wereyupũ. Were odo, mojõ ñeã, ãgũsãrẽ seretu, Macedoniague waakõãyupũ. ² Irogue eja, iroma makãrĩ marãrẽ Jesũre buremurãrẽ ãgũ werenĩrĩ merã õãrõ gũñaturamakũ iriyupũ. Pũrũ Greciague waayupũ. ³ Irore urerã abegora ããrĩyupũ. Pũrũ Siria nikũgue doódiru merã taribujabu iriripoe judío masaka: “Murẽ ñerõ iridũarã

iriyama”, ārīrī kerere péyupɯ. Irasirigɯ: “Maa merā Macedoniagueta dujáagura doja”, ārī gūñayupɯ. ⁴⁻⁵ Gɯa, ĩgū merā waaburi dupiyuro gajirā ĩgū merāmarā Troas wāikɯri makāgue waa, gɯare yúñurā. Īsākɯ āārīmá: Sópater wāikɯgɯ Bereamɯ, Pirro wāikɯgɯ magū āārīmí. Gajirā Tesalónica marā pērā Aristarco, Segundo wāikɯrā āārīmá. Gajigɯ Derbemɯ Gayo wāikɯgɯ, gajigɯ Timoteo, gajirā Asia marā Tíquico, Trófimo āārīmá. ⁶ ĩgūsā yúripoe gɯa gapɯ pā wemasārī morēña marīrī baari bosenu pɯɯɯ, Filipogue āārānerā doódiru merā su mojōma nūrī taribuja, Troague ejabɯ. Irogue ĩgūsārē bokaja, ĩgūsā merā su semana dujabɯ.

Troague Pablo naadea

⁷ Siñajārīnɯ āārīmakū, gajirā Jesúre bɯremurā merā pārē dukawa baamurā nerēbɯ. Pablo gajinɯ gapɯ waabu āārīsīā, yoaripoe buemi ĩgūsārē. Ńami deko āārīmakū bue odobirimi dapa. ⁸⁻⁹ Gɯa nerērī taribu, ure kaya wekama taribu, sīāgori wári opari taribu āārībú. Pablöre iro āārīrā péripoe sugɯ maamɯ Eutico wāikɯgɯ ventanague doami. Pablo ĩgūsārē yoaripoe buemakū, ĩgūrē wɯja ejayuro. Irasirigɯ kārītari, yebague yuridijakōāmi. ĩgū yuridijamakū ĩārā, ĩgū pɯro waa, kōmoadiguere āīwāgū doboma. ¹⁰ ĩgūsā irasū irimakū ĩāgū, Pablo dijari, maamurē pábɯa āīwāgūnú, ĩgūsārē weremi:

—Gukabirikōāka! Okami dapa, ārīmi.

¹¹ ĩgū irasū ārīmakū, maamɯ kōmoadiguere āārīkeregɯ, masākōāmi. ĩgū masāmakū ĩāgū, Pablo dupaturi mārīa, pārē dukawa, ĩgūsā merā baami. ĩgū irasiriadero pɯɯɯ, yoaripoe buenemomi doja. Boyoburo dupiyurogā ĩgūsārē bue odo, wiriakōāmi. ¹² ĩgū wiriadero pɯɯɯ, irogue nerēanerā Eutico kōmoadiguere masādire usɯyari merā ĩgūya wiigüe āīāma.

Pablosā Troas āārānerā Miletogue waadea

¹³ Pablo gɯare ārīderosūta doódiru merā ĩgū dupiyuro Asogue waabɯ. ĩgū gapɯ ĩgū waadɯaderosūta maague waami. ¹⁴ Asogue gɯare bokaja, gɯa merā doódirugue ñajāa, Mitilenegue waami. ¹⁵⁻¹⁶ Gajinɯ iro merā waarā, Quío wāikɯri nūgūrō bokatīūrōgue ejabɯ. Gajinɯ waarā, Samogue ejabɯ doja. Iro merā waa, Trogilio wāikɯrogue kārībɯ. Pablo, Pentecostés bosenu dupiyuro Jerusalēguere ejadɯagu, gɯare: “Asiare yoaripoe āārīdɯabirikoa yɯ”, ārīmi. “Irasirirā Efesore diayeta taria, Miletogue waapurumurā!” ārīmi. Irasirirā gajinɯ gapɯ waa, Miletogue ejabɯ.

Pablo Efeso marā Jesúre bɯremurā oparārē weredea

¹⁷ Pablo Miletogue āārīgú, Efeso marā Jesúre bɯremurā oparārē kere iriumi ĩgū pɯro aaridoregɯ. ¹⁸ ĩgūsā ĩgū pɯro ejamakū, ĩgūsārē ārīmi:

—Asiague ejagɯ, mɯsā merā neōgora yɯ irideare oārō masīa mɯsā. ¹⁹ Mɯsā merā āārīgú, marī Opɯyare iribɯ. Irasirigɯ mɯsārē neō tarinūgābiribɯ. Masaka Jesúre bɯremubirimakū ĩāgū, orebɯ. Judío masaka yure wējēdɯakeremakū, mɯsārē buebɯ.

²⁰ Mɯsā nerērōgue, mɯsāya wiiriguedere āārīpereri mɯsā oārō āārīrikuburire buebɯ.

²¹ Judío masakare, judío masaka āārīmerādere irireta buebɯ. “Oārō péka! Mɯsā ñerō iririre piri, Marīpɯya gapɯre oārō irinūgāka! Marī Opɯ Jesúre bɯremuka!” ārī buebɯ.

²² Irasirigɯ dapagorare Ōāgū deyomarīgū dorederosūta Jerusalēgue waagú yāa. Irogue yure āsū waarokoa, ārīmasībirikoa dapa. ²³ Yɯ ejadea makārīkɯ Ōāgū deyomarīgū āsū ārīmi yure: “Mɯ irogue waamakū, masaka mūrē peresu iri, ñerō tarimakū irirākuma”, ārīmi. Iri ditare masīa. ²⁴ Irire masīkeregɯ, güibe. Yaa okaridere maībea. Marīpɯ masaka āārīpererārē maīrī merā ĩāmi, ārīrī kerere marī Opɯ Jesús weredoremi yure. I ditare ĩgū yure moārī pídeare iripeodɯāa.

²⁵ Yɯ mɯsā merā āārīgú, Marīpɯ ĩgūyarārē doreri kerere weregorenabɯ. Dapagorare mɯsā neō dupaturi yure ĩānemobirikoa. Irire masīa yɯ. ²⁶⁻²⁷ Irasirigɯ dapagārē irire werea mɯsārē. Āārīpereri Marīpɯyare ĩgū yure weredoredeare werebɯ mɯsārē. Irasirirā

musã äärïpererã irire: “Neõ pébea yu”, äärïmasïbirikoa. Perebiri peamegue waamakü, ïgüsã péduabiridea waja äärïrokoa. Yaa waja äärïbirikoa. ²⁸ Irasirirã Marïpuyare õãrõ péduripïka! Musã Jesúre buremurãrê, Õãgü deyomarïgü musãrê koredorerãdere: “Õãrõ péka musãde!” ärrï wereka! ïgü magü boagu dí béodea merã Marïpu ïgüsãrê ïgüyará äärïmakü iridi äärïmí. Irasirirã ïgüsãrê õãrõ koreka, oveja korerã ïgüsãyarã ovejare õãrõ korederosüta! ²⁹ Yu waadero puru, gajirã ärrïkatorimasã, makãnúu marã diayéa ovejare wëjêduarã irirosü musã puro ejarãkuma. ïgüsã bueri merã musãrê dukawarimakü iriduarãkuma. ³⁰ Puruguerë gajirã musã merãmarãta musãrê Jesúre buremurãrê ärrïkatorãkuma ïgüsã buerire pédorerã. ³¹ Irasirirã õãrõ pémasïka! Ëre bojorigora umurï, ñamirï oreri merã musã äärïpererãrê werebu. Irasirirã yu weredeare güñanikõãka!

³² Dapagorare Marïpure sêrêbosagura musãrê koreburo, ärrïgü. ïgü musãrê maïrï merã ïãrï kerere buerã, õãrõ äärïrikurãkoa. Ëmuriku ïgü turari merã musãrê ïgürê buremunemomakü yámi. Musãrê ïgüyãrãrê äärïpererãrê õãrïrê sïgukumi ïgü iripoegue ärrïderosüta. ³³ Yu musã merã äärïgü, musãya niyerure, musãya surídere: “Yure sïka!” neõ ärrïbiribu. ³⁴ Yu basi moãdea waja merã, yu gããmerïrê, yu merãmarã gããmerïdere bokabu. Irire õãrõ masïa musã. ³⁵ Marï moã wajatadea merã gajino opamerãrê iritamurõ gããmea. Ire musãrê iri ïmubu: “Äsü iririkuka musãde!” ärrïgü. Marï Opu Jesús ärrïdeare güñaka! Äsü ärrïyupu: “Sugu gajino sïgü gapu ïgü sïrïrê ñeãgü nemorõ usuyami”, ärrï weremi Pablo Efeso marã Jesúre buremurãrê.

³⁶ Irasü ärrï odo, Pablo ïgüsã merã ñadukupuri merã ejamejã, Marïpure sêrêmi. ³⁷⁻³⁸ Sêrê odo: “Musã dupaturi neõ ïãnemobirikoa yure”, ïgü ärrïdeare güñarã, buro bujawereri merã dujama. Irasirirã äärïpererã ïgürê pábu, orema. Puru ïgürê perague tuyabuajama gna doódiru merã waamakü ïãtuyarã.

21

Pablo dupaturi Jerusalëgue waadea

¹ Gna Efeso marãrê Jesúre buremurãrê seretu odo, doódiru merã Cos wãikuri nugürõgue diaye waakõãbu. Gajinu Rodas wãikuri nugürõrê taria, Pátara wãikuri makãgue ejabu. ² Irogue eja, doódiru Feniciague waaburidirure bokaja, iriru merã waabu doja. ³ Waa, Chipre wãikuri nugürõrê tariarã, iri nugürõ kúgapu dujamakü ïãbu. Irore taria, Siria nikürê eja, Tiro wãikuri makãma perague ejabu. Irogue doódirure moãrã iriruma doebirire píma. ⁴ Irogue eja, Jesúre buremurãrê bokaja, su mojõma pere gaji mojõ peru përrêbejarinurï ïgüsã merã äärïbü. ïgüsã Õãgü deyomarïgü masïrï sïsünerã äärïsïã, Pablöre: “Jerusalëgue waabirikõãka murê wëjêrï!” ärrï werema. ⁵ ïgüsã irasü ärrïkeremakü, su mojõma pere gaji mojõ peru përrêbejarinurï puru, waakõãbu. Gna waamakü, äärïpererã Jesúre buremurã, ïgüsã marãposã nome, ïgüsã pürã iri makã turogue guare ïãtuyarã ejama. Irasirirã gna äärïpererã ïgüsã merã perague buáa, iroma ïmiparogue ñadukupuri merã ejamejãja, Marïpure sêrêbu. ⁶ Puru ïgüsãrê pábu seretu odo, doódiru merã waakõãbu. ïgüsã gapu ïgüsãya wiirigue majãkõãma.

⁷ Irasirirã gna Tirore äärãnerã waa, Tolemaida wãikuri makãgue ejabu. Irogue eja, Jesúre buremurãrê õãdore, sunu ïgüsã merã äärïbü. ⁸ Gajinu gapu Pablo gna merã maague waami, Cesarea wãikuri makãgue waagü. Irogue eja, Felipe wãikugu Jesúya kerere werëgorenaguya wiigüe waa, ïgü merã äärïbü. Felipe Jesúre buremurã su mojõma pere gaji mojõ peru përrêbejarã baari guerenerã watope äärïdi äärïmí. ⁹ Felipe pürã wapikurã nóome, marãpu marïrã nome äärïmã. ïgüsã Marïpu werëdorederosüta ïgüya kerere wereturiarã nome äärïmã. ¹⁰ Gna irore yoaweyaripoe äärãdero puru, Agabo wãikugu Marïpuya kerere werëdupiyugu Judeague äärãdi guare ïãgü ejami. ¹¹ ïgü gna puro eja,

Pabloya yujwēñarĩdare āi, ĩgũ basi ĩgũya guburire, ĩgũya mojõrĩrẽ sũami. Sũa odo, gũare ārĩmi:

—Āsũ ārĩmi Ōāgũ deyomarĩgũ yũre: “Idare opagũ Jerusalēgue ejamakũ, mũ basi ida merã sũaderosũta judío masaka sũarākuma ĩgũrẽ. Sũa odo, judío masaka āārĩmerārẽ ĩgũrẽ wiarākuma”, ārĩmi yũre, ārĩ weremi Agabo gũare.

¹² ĩgũ irasũ ārĩmakũ pérã, gũa Cesarea marã merã Pablore: “Jerusalēguere waabirikõāka!” ārĩ werebũ. ¹³ Pablo gapũ gũare ārĩmi:

—¿Nasirimurã iropa ore, yũre bũro bujaweremakũ yári? Jerusalēgue ĩgũsã yũre sũa, peresu irimakũ õārokoa. Marĩ Opũ Jesúya kerere weredeo waja yũ boamakũ õārokoa. Ñerõ yũre āārĩkeremakũ waagũra, ārĩmi.

¹⁴ Irasirirã gũa ĩgũrẽ: “Waabirikõāka!” ārãnerã pirikõābũ pama. Āsũ ārĩbũ:

—Marĩ Opũ ĩgũ gãāmerõsũta iriburo, ārĩkõābũ.

¹⁵ Pũũ gũayare āmu, Jerusalēgue waakõābũ. ¹⁶ Irogue waamakũ, gajirã Cesarea marã Jesúre bũremurã gũa merã waama. ĩgũsã merãmũ Mnasón wãĩkũgũ Chipremũ āārĩdi, yoaripoe Jesúre bũremugũ āārĩmĩ. Irasirirã Jerusalēgue eja, ĩgũya wiigũe ĩgũ merã āārĩbũ.

Pablo Santiagore ĩāgũ ejadea

¹⁷ Gũa Jerusalēgue ejamakũ, iro marã Jesúre bũremurã usũyari merã bokatĩrĩma. ¹⁸ Gajinũ Pablo gũa merã Santiagore ĩāgũ waami. ĩgũ pũroguere āārĩpererã Jesúre bũremurã oparã, nerẽnerã āārĩmã. ¹⁹ Pablo ĩgũsārẽ õādore odo, judío masaka āārĩmerārẽ āārĩpereri Marĩpũ ĩgũ merã irideare weremi. ²⁰ ĩgũ weremakũ pérã, Marĩpũre: “Ōātaria mũ”, ārĩ, usũyari sĩma. Pũũ āsũ ārĩma Pablore:

—Gũayagũ, ire õārõ masĩa mũ. Wárã judío masaka Jesúre bũremukererã, āārĩpererã: “Moisés doredeare iriro gãāmea dapa”, ārĩma. ²¹ Gajirã masaka āsũ ārĩ werewũama mũrẽ: “ĩgũ judío masaka āārĩmerã āārĩrõgue āārĩgũ, judío masaka irogue āārĩrãrẽ Moisés doredeare iridorebemi. ĩgũsã pũrãrẽ ĩgũsãya dũpũma gasirogãrẽ wiiridorebemi. Marĩ judío masaka iririkũrere iridorebemi”, ārĩ werewũama. ²² ĩgũsã mũ õõrẽ ejayupũ, ārĩrĩ kerere pérã, nerẽ, mũrẽ turirākuma. Iro tamerãrẽ, ¿nasirigũkuri mũ? ²³ Āsũ irika! Ōõrẽ wapikũrã ũma āārĩma. “Marĩpũre bũremurã, āsũ irirãra!” ārĩnerã āārĩma. ²⁴ ĩgũsã merã Marĩpũya wiigũe waaka! Mũde ĩgũsã irirosũta irika! Moisés doredeare irirã waamurã yãma. Irasirigũ Marĩpũ ĩũrõrẽ ĩgũsã iriri wajare wajaribosaka! Mũ irasiriadero pũũ, ĩgũsãya poarire wũadorerākuma. Mũ irasirimakũ ĩārã, āārĩpererã masaka mũrẽ werewũadeare: “Ārĩkatorã iriñũma”, ārĩrākuma. “ĩgũde Moisés doredeare õārõ irigũ āārĩmi”, ārĩrākuma. ²⁵ Judío masaka āārĩmerārẽ Jesúre bũremurãrẽ gũa gojadea pũrẽ iriusiabũ. Āsũ ārĩ gojabũ: “Keori weadea pũro baari pídeare, waimũrã wũnugũ biu wẽjẽanerãya díkũri díre baabirikõāka! Díre iirĩbirikõāka! Nome merã ñerõ iribirikõāka! Nomede ũma merã ñerõ iribirikõāka!” ārĩ gojabũ gũa, ārĩma Pablore.

Marĩpũya wiigũe judío masaka Pablore ñeãdea

²⁶ Irasirigũ Pablo gajinũ gapũ wapikũrã ũma merã Marĩpũ ĩũrõ Moisés doredeare irigũ waayupũ. Pũũ Marĩpũya wiigũe ñajãa, Pablo paĩre ārĩyupũ: “Su semana dũyãa, gũa Moisés doredeare iri odoburo. Gũa odorinũ āārĩmakũ, guakũ waimũrã ejorãrẽ āĩrĩrãkoa. Marĩpũ ĩũrõ ĩgũsārẽ wẽjẽ soepeoka! ārĩrã!” ārĩyupũ.

²⁷ ĩgũsã Moisés doredeare iri odoburipoe Asia marã judío masaka Pablore Marĩpũya wiigũe āārĩgãrẽ ĩãñurã. Irasirirã gajirãrẽ iri wii āārĩrãrẽ ĩgũ merã guamakũ iri, Pablore ñeã, āsũ ārĩ gaguinĩñurã:

²⁸ —Gũayarã Israel bumarã, gũare iritamuka! ĩĩta āārĩmi, āārĩpererogũe marĩrẽ ñerõ ārĩ werenĩgorenagũ. “Judío masaka ñegorama. Moisés doredea wajaamá. I wiide ñegorãa”,

ãrĩ buegorenami masakare. Gajire griego masakare i wiigüe ãññajãgũ ñerõ irigũ yámi i wiire, ãrĩñurã.

²⁹ Pablo iro dupiyuro Trófimo merã makãgue ããrĩmakũ ããnerã ããrĩsĩã, Pablo ãgũrẽ Marĩpũya wiigüe ãññajãgũ irikumi, ãrĩ gũñãñurã. Trófimo Efesomũ judío masakũ ããrĩbi ããrĩyupũ. Irasiriro ãgũnorẽ iri wiiguere ñajãmasĩña marĩyuro.

³⁰ Pablöre weresã gaguinĩmakũ pérã, iri makã marã ããrĩpererã burõ guañurã. Irasirirã ãmañajãa, Pablöre ñeã tũãwiria, iri wii makãpũrorire mata biakõãñurã. ³¹ ãgũsã Pablöre wẽjẽmurã iriripoe gajirã surara opũguere wererã waañurã. ãgũ pũroque eja: “ããrĩpererã Jerusalén marã nerẽ, burõ guarĩ merã gaguinĩrã iriama”, ãrĩ wereñurã. ³² ãgũsã irasũ ãrĩmakũ pégu, surara opũ ãgũyarã surarare, ãgũsarẽ dorerãdere siiu neeõ, ãgũsã merã Pablöre wẽjẽmurã pũroque ãmawãgãyupũ. ãgũsã ejamakũ ããrã, Pablöre pánerã piriñurã. ³³ Surara opũ Pablo pũroque eja, ãgũyarã surarare ãgũrẽ ñeãdore, pe kõmeda merã suadoreyupũ. ãgũsã sua odomakũ ããgũ, surara opũ masakare sãrẽñayupũ:

—¿Niño ããrĩrĩ ñi? ¿Nasiriri, ãgũ masã irasirimakũ? ãrĩ sãrẽñayupũ.

³⁴ ãgũ irasũ ãrĩmakũ, masaka gapũ: “ãsũ iriami”, ãrĩ, gajirã gajirosũ, gajirã gajirosũ gaguinĩmirẽkõãñurã. ãgũsã irasũ gaguinĩmakũ, surara opũ neõ diaye pébiriypũ. Irasirigu ãgũyarã surara ããrĩrĩ wiigüe Pablöre ããadoreyupũ. ³⁵⁻³⁶ ãgũsã irogue ãgũrẽ ããmakũ ããrã, wãrã masaka: “Wẽjẽkõãka ãgũrẽ!” ãrĩ gaguinĩ, tũyañurã. Irasirirã surara ãgũsãya wii makãpũro marĩaro ejarã, Pablöre ããkõã marĩãñurã, masaka ãgũrẽ wẽjẽrĩ, ãrĩrã.

Pablo masakare: “Neõ ñerõ iribea yũ”, ãrĩ weredeã

³⁷ Iri wiigüe eja, ãgũrẽ peresu irimurã iriripoe surara opũre:

—Yũ, mũ merã werenĩdũakoa, ãrĩyupũ.

Pablo griego ya merã werenĩmakũ pégu, surara opũ gapũ ãrĩyupũ:

—¿Mũ griego yare masĩrĩ? ³⁸ ¿Sõõ ããrãdi, Egiptomũ meta ããrĩrĩ mũ? ãgũ romano marã oparã merã gãmekẽãdũagũ, wãrã cuatro mil wẽjẽrĩmasãrẽ siiu neeõ, masaka marĩrõgue ããyupũ. ¿ãgũ meta ããrĩrĩ mũ?

³⁹ ãgũ irasũ ãrĩmakũ pégu, Pablo yũyupũ:

—Yũ, ãgũ meta ããrã. Judío masakũ ããrã. Tarso, Cilicia nikũ ããrĩrĩ makã deyoabũ. Ubu ããrĩrĩ makãmũ ããrĩbea. Irasirigu mũrẽ sãrẽa. ããsã masaka merã werenĩdoreka yũre! ãrĩyupũ.

⁴⁰ ãgũ irasũ ãrĩmakũ pégu, surara opũ: “Jãũ, werenĩka!” ãrĩyupũ. Irasirigu Pablo mũrĩroque mũrĩngã, ãgũya mojõ merã masakare toeburo, ãrĩgũ, irikeoyupũ. ãgũ irasirimakũ ããrã, toekõãñurã. ãgũsã toemakũ, Pablo hebreo ya merã wereyupũ ãgũsarẽ:

22

¹ —Yaarã, yũ irideare mũsãrẽ weremakũ, õãrõ péka! ãrĩyupũ Pablo.

² ãgũ hebreo ya merã werenĩmakũ pérã, masaka toepereakõãñurã. Irasirigu Pablo ãgũsarẽ ãsũ ãrĩ wereyupũ:

³ —Yũ judío masakũta ããrã. Cilicia nikũ Tarso wãĩkũri makãgue deyoabũ. Iro deyoadi ããrĩkeregũ, õõ Jerusalén masãbũ. Gamaliel wãĩkũgũ buemi yũre. Irasirigu marĩ ñekũsãmarãrẽ Moisés doreri pídeare õãrõ masã. Irasirigu mũsã irirosũta yũde Marĩpũ doredeare õãrõ yãa. ⁴ Iripoeguere Jesũre bũremurãrẽ ñerõ iriunabũ. Surãyerire wẽjẽdorebũ. Ñmarẽ, nomedere ñeã, peresu iriunabũ. ⁵ Paía opũ, ããrĩpererã judío masaka oparã yũ ãrĩrĩrẽ: “Irasũta iriunami”, ãrĩ weremasĩma mũsãrẽ. ãgũsãta yũre su pũ gojabosama marĩyarã Damasco marãrẽ Jesũre bũremurãrẽ ñeãdorerã. Irasirigu iri pũ merã Jesũre bũremurãrẽ ñeãgũ waadibũ, õõ Jerusalẽgue ãgũsarẽ ããya peresu iribu.

Pablo ãgũ Jesũre bũremunũgãdeare weredeã

6 'Goeripoe ããrĩmakũ, yu Damascogue ejabu iriripoe gũñaña marĩrõ ãmugasi buro kũmijũrõ yu pũrore gosesiribu. 7 Irasũ waamakũ, yebague meemejã, pũru ãsũ ãrĩ werenĩmakũ pẽbu. "Saulo, ¿nasirigu yure ñerõ yãri mu?" 8 Ìgũ irasũ ãrĩmakũ pẽgu: "¿Noã ããrĩrĩ mu?" ãrĩ sërẽñabu. Ìgũ gapu: "Yu, Jesús Nazaretmu mu ñerõ irigũta ããrã", ãrĩmi yure. 9 Yu merã ããrĩnerã iri gosesiririre ãgũkakõãma. Irire ããkererã, Jesús yure werenĩmakũ pẽbirima. 10 Pũru: "Yu Opu, ¿nasirigukuri yu?" ãrĩ sërẽñabu ãgũrẽ. Ìgũ yure yujumi: "Wãgãnũgã, Damascogue waaka! Irogue sugũ ããrĩpereri yu murẽ iridoreburire murẽ weregũkumi", ãrĩmi. 11 Buro kũmijũrõ waadea yaa koyere neõ deyomarĩmakũ irikubu. Irasirirã yu merãmarã yaa mojøgue ñeã, Damascogue ãããma.

12 'Yu iro ejadero pũru, Ananías wãikũgu, Marĩpũre buremugũ, Moisés doredeare õãrõ irigu yure ããgũ ejami. Ìgũ iro marã judío masaka ããrĩpererã buremugũ ããrĩmi. 13 Ìgũ yu pũro ejanũgãja: "Yaagu Saulo, mu dupaturi koye ããgũkoã doja", ãrĩmi. Ìgũ irasũ ãrĩmakũta, dupaturi ããbu doja. Irasirigu Ananías yu pũro nĩmakũ õãrõ ããbu. 14 Yu ããmasĩadero pũru, yure ãrĩmi doja: "Iripoegue Marĩpu marĩ ñekũsãmarã buremudi murẽ beyesiadi ããrĩmi, Ìgũ dorerire õãrõ iribure, ãgũ magũrẽ ñerĩ opabire ããbure, ãgũ werenĩrĩrẽ pẽbure. 15 Irasirigu ããrĩpererã masakare mu ããdeare, mu pẽdeare weregorenagũkoã. 16 Dapagorare yoaripoe yũbirikõãka! Wãgãnũgã, deko merã wãiyedoreka, mu marĩ Opu Jesũre buremurĩrẽ ãmugũ! Marĩpũre: 'Jesũre buremua, irasirigu yu ñerõ irideare kãtika!' ãrĩ sërẽka, mu ñerõ irideare kãtiburo, ããrĩgũ!" ãrĩmi Ananías yure.

Pablo judío masaka ããrĩmerãrẽ Marĩpu ããgũrẽ buedoredeare weredeã

17 Pũru Damascogue ããrãdi i makã Jerusalẽgue dujajagu, Marĩpũya wiigue ããgũrẽ sërẽgũ waabu. Irogue kërõ irirosũ waarĩre ããbu. 18 Irogue Jesús yure deyoo, weremi: "Jerusalén marã yaare mu weremakũ pẽdũabema. Irasirigu murĩgora gajirogue waaka!" ãrĩmi. 19 Ìgũ irasũ ãrĩmakũ pẽgu, ããgũrẽ ããrĩbu: "Yu Opu, Jerusalén marã yu irideare õãrõ masĩma. Yu judío masaka nerẽrĩ wiirigue ããrĩrãrẽ murẽ buremurãrẽ ñeã pá, peresu iribu. 20 Mũya kerere weredi Estebãrẽ ããgũsã wẽjẽmakũ, ããgũrẽ wẽjẽrãya surĩ wekamarẽ korebosabu. 'Õãrõ irirã, wẽjẽma', ããrĩ gũñabu", ããrĩ werebu yu Opũre. 21 Yu irasũ ãrĩmakũ pẽgu, yu Opu weremi: "Yoarogue waaka! Judío masaka ããrĩmerãrẽ buedoregu iriugũra murẽ", ããrĩmi, ããrĩ wereyupu Pablo ããgũsãrẽ.

Surara opu Pablo merã werenĩdea

22 Pablo: "Yu Opu Jesús judío masaka ããrĩmerãrẽ buedoregu iriugũra", ããrĩrĩrẽ pẽrã, buro guari merã gaguinĩñurã:

—Dapagorare ãã ããrĩnemobirikõãburo. Dapagorata boaburo, ããrĩ gaguinĩñurã.

23 Irasũ ããrĩ gaguinĩrã, ããgũsãya surĩ wekamarẽ wẽjãsiri, nikũwera merã meesiriñurã. 24 Irasirimakũ ããgũ, surara opu ããgũyarãrẽ Pablõre ããgũsãya wiigue ããñãjãadoreyupu. Pablõre: "¿Nasirirã masaka murẽ guari merã gaguinĩrĩ?" ããrĩ masĩdũagu ããgũrẽ tãrãdoreyupu. 25 Irasirirã ããgũrẽ sua, tãrãmurã iriripoe Pablo gapu ããgũ pũro nĩgũrẽ surarare doregũre ããrĩyupu:

—Yu romano marãya nikũmu ããrã. Irasirirã weresãrĩrẽ beyerimasũ yure: "Ãsũ iriami ñerõ irigu", ããrĩ weresãbirikeremakũ, ubogorata tãrãmasĩbeã mũsã yure, ããrĩyupu.

26 Ìgũ irasũ ãrĩmakũ pẽgu, surarare doregu ããgũ opu weregu waayupu:

—Õãrõ pẽmasĩka! "Romano marãya nikũmu ããrã yu", ããrãmi. Irasirigu ñerõ iribirikõãka ããgũrẽ! ããrĩyupu.

27 Ìgũ irasũ ãrĩmakũ, surara opu Pablõre sërẽñãgũ waayupu:

—¿Diyeta romano marãya nikũmu ããrĩrĩ mu? Wereka yure!

Pablo gapu ããgũrẽ:

—Ìgũta ããrã, ããrĩ yujũyupu.

28 Surara opu ããgũrẽ ããrĩyupu:

—Y_u romanom_u ããrĩd_uag_u wáro niyeru wajarib_u.

Pablo ìgūrē ãrĩyup_u doja:

—Y_u tamerã romanoma makãgue deyoab_u. Irasirig_u deyoag_ugueta romanom_u ããrĩdi ããrã y_u.

²⁹ Ìgū irasū ãrĩmakū pérã, ìgūrē tãrãboanerã güi wiriakõãñurã. Surara op_ude Pablo romanom_u ããrĩrĩrē pég_u, kōmedari merã ìgūrē sua tãrãdoreadeare güñagū, güiyup_u.

Pablo judío masaka oparã puro ããrĩdea

³⁰ Irasirig_u gajin_u gap_u judío masaka Pablöre weresãdeare masĩd_uag_u, paía oparãrē, gajirã ããrĩpererã judío masaka oparãrē siiu neeoyup_u. Ìgūsã nerēmakū ìãgū, Pablöre ìgūsã suadea kōmedarire kura, ãĩ, ìgūsã ìūrō doboyup_u.

23

¹ Pablo judío masaka oparãrē ìãbokatĩũn_ugãja, ãsū ãrĩyup_u:

—Yaarã, y_u okaro bokatĩũrō Marĩp_u ìūrō òãrō ããrĩrik_ua, ãrĩ péñãa. Irasirig_u güñarik_uro marĩrō ããrĩkõãa.

² Ìgū irasū ãrĩmakū pég_u, paía op_u Ananías Pablo werenĩrĩrē péduabi ìgū puro ããrĩrãrē ìgūya disire pádoreyup_u. ³ Irasirig_u Pablo Ananĩare ãsū ãrĩyup_u:

—Marĩp_u m_urē wajamoãg_ukumi gajirãrē m_u y_ure pádoreri waja. M_u irikatorik_ug_u ããrã. Y_ure: “Moisés doredeare tarin_ugãa”, ãrĩ ìãkereg_u, m_u gap_u iri dorerire tarin_ugãa, gajirãrē y_ure pádoreg_u, ãrĩyup_u.

⁴ Irasū ãrĩmakū pérã, iro ããrĩrã ãsū ãrĩñurã Pablöre:

—Ñerō ãrĩ werenĩbirikõãka paía op_ure Marĩp_u beyedire!

⁵ Ìgūsã irasū ãrĩmakū pég_u, Pablo ãrĩyup_u doja:

—Yaarã, y_u masĩbirakub_u ìgū paía op_u ããrĩrĩrē. Masĩgū irasū ãrĩbiriboakuyo. Marĩp_uya werenĩrĩ gojadea pũguere: “M_usãya makã marã op_ure ñerō ãrĩ werenĩbirikõãka!” ãrĩ gojasũdero ããrĩbú.

⁶ Iroge ããrĩrã: Saduceo bumarã, gajirã fariseo bumarã ããrĩñurã. Irasirig_u ìgūsãrē ìãgū, Pablo bus_uro werenĩyup_u:

—Yaarã, y_ude fariseota ããrã. Fariseo bum_u magãta ããrã. Irasirirã masaka boanerã masãrĩrē y_u b_uremurĩ waja y_ure wajamoãd_uakoa, ãrĩyup_u.

⁷ Ìgū boanerã masãrĩrē weremakū pérã, fariseo, saduceo bumarã merã gãme guaseon_ugãñurã. Irasirirã iri wiigue suro merã ããrãnerã ããrĩkererã, gãme dukawariakõãñurã. ⁸ Saduceo bumarã: “Masaka boanerã masãbirikuma. Marĩp_ure wereboerã marĩkuma. Masaka boanerã y_ujp_urãrĩde marĩkoa”, ãrĩ wererã ããrĩñurã. Fariseo bumarã gap_u ããrĩpereri irimarē b_uremurã ããrĩñurã. ⁹ Irasirirã irimarē gãme guaseo, b_uro gaguinĩn_ugãñurã. Irasirirã surãyeri fariseo bumarã Moisés doredeare buerimasã wãgãn_ugã, wereñurã:

—Masak_u boadi, o Marĩp_ure wereboeg_u diayeta ñĩ merã werenĩakumi. Irasirirã ìgūrē ñerō iriami, neō ãrĩmasĩbea. Ìgūrē wajamoãrã, Marĩp_ure ñerō irirã iribukõãa marĩ, ãrĩñurã.

¹⁰ Ìgūsã b_uro gaguinĩmakū ìãgū, surara op_u gap_u Pablöre güisãyup_u. “Ìgūrē ñeã, tããwējãsiribéokõãbukuma”, ãrĩgū, ìgūyarã surarare: “Pablöre ãĩaka, dupaturi marĩ ããrĩrĩ wiigue!” ãrĩ iriuyup_u.

¹¹ Iri ñamita marĩ Op_u Jesús Pablöre deyoa, wereyup_u:

—Güñaturaka! Güibirikõãka! I makã Jerusalén marãrē yaa kerere wereaderosũta Roma marãdere wereg_u waaka! ãrĩyup_u.

Judío masaka Pablöre wējẽd_uadea

¹² Gajin_u gap_u surãyeri judío masaka Pablöre wējẽd_uarã nerē, ãsū ãrĩñurã:

—Dapagã merã neõ baabiri, iiribirikõãrã! Ìgürẽ wějẽmerã ñamerãta boarã! Ìgürẽ wějẽbirimakũ, Marĩpũ marĩrẽ wajamoãburo, ãrĩñurã.

¹³ Irasũ ãrĩ werenĩrã cuarenta nemorõ ããrĩñurã. ¹⁴ Pũrũ paía oparã, gajirã judío masaka oparã pũroguere wererã waañurã:

—“Dapagã merã neõ baabirikõãrã! Ìgürẽ wějẽmerã ñamerãta boarã! Ìgürẽ wějẽbirimakũ, Marĩpũ marĩrẽ wajamoãburo”, ãrãbũ, ãrĩñurã. ¹⁵ Irasirirã mũsã, mũsã merãmarã oparãde ãrĩkatori merã kere iriuka surara opũguere! “Ñamigã Pablöre dupaturĩ Ìgũ irideare weremakũ pẽduakoa”, ãrĩka Ìgürẽ! Surara opũ iri kerere pẽgũ, Pablöre õõgue ãĩwãgãridoregukumi. Irasirirã maague yũrã, Ìgũ õõrẽ ejaburo dupiyuro Ìgürẽ wějẽmurã, ãrĩñurã.

¹⁶ Pablo tĩgõ magũ gapũ Ìgũsã irasũ ãrĩ werenĩmakũ pẽyupũ. Irasirigũ Pablöre surara ããrĩrĩ wiigũ ããrĩgũrẽ weregũ waayupũ. ¹⁷ Pablo irire pẽgũ, sugũ surarare siiu wereyupũ:

—Ìĩ maamũ mũ opũre gajino weredũayupũ. Irasirigũ Ìgũ pũroguere ãĩaka! ãrĩyupũ.

¹⁸ Ìgũ irasũ ãrĩmakũ pẽgũ, surara Pablo tĩgõ magũrẽ Ìgũ opũ pũroguere ãĩja, ãrĩyupũ:

—Pablo peresugũ ããrĩgũ yũre Ìĩ maamũrẽ mũ pũro iriuami. Ìgũ mũrẽ gajino weregũ aarigũ iriami, ãrĩyupũ.

¹⁹ Ìgũ irasũ ãrĩmakũ pẽgũ, surara opũ maamũrẽ Ìgũya mojõrẽ ñeã tũãwãgã, masaka pẽberogue sãrẽñayupũ:

—¿Naásũ ãrĩbu iriari mũ yũre?

²⁰ Maamũ gapũ Ìgürẽ ãrĩyupũ:

—Judío masaka oparã mũrẽ Ìgũsã pũroguere Pablöre ãĩadorerãkuma. Mũrẽ ãsũ ãrĩ werenĩama: “Ñamigãrẽ dupaturĩ Pablöre sãrẽñaduakoa Ìgũ irideare õãrõ masĩmurã”, ãrĩkatorãkuma. ²¹ Irasirigũ Ìgũsãrẽ yũjubirikõãka! Ëma cuarenta nemorõ maague Pablöre wějẽmurã duriri merã yũsiamã. “Dapagã merã neõ baabirikõãrã! Ìgürẽ wějẽmerã ñamerãta boarã! Ìgürẽ wějẽbirimakũ, Marĩpũ marĩrẽ wajamoãburo”, ãrãma, ãrĩ wereyupũ maamũ surara opũre.

²² Ìgũ irasũ ãrĩmakũ pẽgũ, surara opũ gapũ:

—Waaka doja! Irire gajirãrẽ neõ werebirikõãka! ãrĩyupũ Ìgürẽ.

Surara opũ Pablöre Félix pũroguere iriudea

²³ Maamũ waadero pũrũ, opũ pẽrã Ìgũyarã surarare dorerãrẽ siiu wereyupũ:

—Yaarã surarare doscientos gubu merã waamurãrẽ, setenta caballo weka peyamurãrẽ, doscientos sareri yuku oparãdere Cesareague waamurãrẽ Ìgũsãyare ãmudorerã waaka! Ìgũsã ãmu odomakũ, dapagã ñami nueve ããrĩmakũ, Ìgũsãrẽ siiuaka! ²⁴ Pablo peyamurã caballuadere ãmubosaka! Irasirigũ õãrõ waagũkumi. Õãrõ pĩrã waaka, Ìgürẽ opũ Félix pũro Cesareague! ãrĩyupũ surara opũ Ìgũ dokamarãrẽ.

²⁵ Irasũ ãrĩ odo, Félire su papera pũ ãsũ ãrĩ gojayupũ:

²⁶ Yũ, Claudio Lisias, mũrẽ opũ Félire yũ bũremugũrẽ õãdorea.

²⁷ Judío masaka Ìĩ Pablo wãikũgũre ñeã, wějẽadima. Ìgũ romano marã nikũmũ ããrĩrĩrẽ masĩgũ, yũ gapũ Ìgürẽ Ìgũsã wějẽboadire yaarã surara merã wijatagũ ejabũ. ²⁸ Irasirigũ Ìgürẽ Ìgũsã weresãdeare masĩduagũ judío masaka oparã pũro ãĩjabũ. ²⁹ Judío masakaya doreri ditare Ìgũ tarinũgãdea waja Ìgũsã weresãmakũ pẽgũ, Ìgürẽ peresu iribiribũ. Ñeeno waja wějẽmasĩña marĩbũ Ìgürẽ. ³⁰ Irasirigũ judío masaka Ìgürẽ wějẽkõãrã, ãrĩrĩ kerere pẽgũ, mũ pũroguere iriua. Ìgürẽ weresãnerã mũ pũrogueta waa, mũrẽ weresãrã waaburo, ãrĩbũ Ìgũsãrẽ. Iropata ããrã, ãrĩ gojayupũ surara opũ Félire.

³¹ Irasirirã surara Ìgũsã opũ doreaderosũta iri ñami merã Pablöre Antĩpatris wãikũri makãgue ããñurã. ³² Gajinũ gapũ surara gubu merã waanerã iro merãta Ìgũsã ããrĩrĩ wiigũ gãme dujãkõãñurã. Caballua weka waanerã dita Pablöre Cesareague ãĩ tariañurã.

³³ Pɯɾɯ Cesareague Pablore ãija, surara opɯ ïgũ iriuadea pũrẽ Félire wiañurã. Irasirirã Pablore Félix pɯrogueta pikõãñurã. ³⁴ Félix iri pũrẽ bueña odo, ãsũ ãrĩ sêrẽñayupɯ:

—¿Dií nikũmɯ ããrĩrĩ ïĩ?

—Cilicia nikũmɯ ããrĩmi, ãrĩ yɯjuñurã.

³⁵ Félix Pablore ãrĩyupɯ:

—Mɯrẽ weresãnerã õõrẽ ejamakã, mɯ wererire péguɾa, ãrĩyupɯ.

Irasũ ãrĩ odo, opɯ Herodes dagɯya wiigue Pablore pí, ïgũyarã surarare koredoreyupɯ.

24

Pablore Félix ïũrõ weresãdea

¹ Su mojõma nɯrĩ tariadero pɯɾɯ, paía opɯ Ananías Cesareague waayupɯ. ïgũ merã gajirã judío masaka oparã, gajigɯ masakare wereníbosarimasũ Tértulo wãikugɯde opɯ Félire Pablore weresãrã waañurã. ² Pablore ïgũsã nerẽrõgue ãjjamakũ, Tértulo ïgũrẽ Félire ãsũ ãrĩ weresãnugãyupɯ:

—Gɯa opɯ, wári masĩrĩ merã gɯare i nikũ marãrẽ doregɯ ããrã mɯ. Mɯ doreri merãta i nikũ õãrĩ gorawayuro yáa. Gãmekẽãrõ marĩrõ õãrõ ããrĩkõãa. ³ Irasirirã gɯa ããrĩperero marãgue mɯ merã õãrõ usɯyáa. ⁴ Yoaripoe mɯ merã wereníbirikoa. Irasirigɯ yɯ mɯ merã mérõgã werenímakũ péka dapa! ⁵ Gɯa ire weredɯakoa mɯrẽ. ïĩ Pablo wãikugɯ gɯare garibotarimi. ããrĩpereri nikũgue judío masakare guari merã gaguiní, ïgũsã basi gãme dukawarimakũ irigorenami. “Nazarenos” wãikuri bumarã opɯ ããrĩmi. ⁶ Marĩpɯya wiire ïgũ ñerõ iridɯamakũ ïãrã, ïgũrẽ peresu irimurã ñeãbɯ, gɯa judío masakaya dorerire ïgũ tarinugãrĩ waja ïgũrẽ wajamoãdɯarã. ⁷ Gɯa irasiridɯamakũ ïãgũ, surara opɯ Lisias wãikugɯ gapɯ gɯa pɯro eja, ïgũrẽ turaro merã êmakõãmi. ⁸ Pɯɾɯ Lisias, gɯa ïgũrẽ weresãnerãrẽ mɯ pɯroguete iriuami. ïgũ irasũ ãrĩmakũ pérã, õõgue aarabɯ. Mɯ basita ïgũrẽ sêrẽñagũ, ããrĩpereri gɯa ïgũrẽ weresãrĩrẽ diayeta ãrĩma, ãrĩgɯkoa, ãrĩyupɯ Tértulo Félire.

⁹ Gajirã judío masaka iro ããrĩrãde: “Tértulo diayeta wereními”, ãrĩñurã. ¹⁰ ïgũsã irasũ ãrĩmakũ pégu, opɯ Félix Pablore mojõ merã irikeo, weredoreyupɯ. Pablo ãrĩyupɯ ïgũrẽ:

—Wári bojori i nikũ marãrẽ mɯ dorerire õãrõ masĩa yɯ. Irasirigɯ yaamarẽ usɯyari merã mɯrẽ weregɯɾa. ¹¹ Pe mojõma pere su gubu peru pẽrẽbejarinurĩta taria, yɯ Jerusalẽgue Marĩpɯre bɯremugũ ejadero pɯɾɯ. Irire diaye masĩdɯagu, gajirãrẽ sêrẽñaka! ¹² Yɯ iri makãgue ããrĩmakũ, yɯre weresãnerã yɯ gajirã merã guaseomakũ neõ ïãbirama. Marĩpɯya wiire, judío masaka nerẽrĩ wiiriguedere, noó gajiro iri makã marãrẽ gua gaguinímakũ iribirabɯ. ¹³ Irasirirã yɯre weresãnerã: “Ãsũ iriami, irasirigɯ waja opami”, ãrĩmasĩbema. ¹⁴ Mɯrẽ gajigã gapɯre weregɯɾa. Gɯa ñekũsãmarã Marĩpɯre, Moisés doreri pídeare, Marĩpɯya kerere weredupiyunerã gojadeare bɯremuderosũta yɯ bɯremua. Irire bɯremukeregɯ, Jesús buedeare bɯremua. Yɯre weresãnerã: “Jesús bueade ãrĩkatori ããrã”, ãrĩ wereníma. ¹⁵ ïgũsã: “Marĩpɯ ããrĩpererã masaka boanerãrẽ õãrãrẽ, ñerãdere masũgukumi”, ãrĩ gũñarõsũta yɯde gũñáa. ¹⁶ Irasirigɯ yɯ Marĩpɯ ïũrõ, masaka ïũrõdere yɯ turaro bokatĩũrõ õãrõ iridɯakoa.

¹⁷ Yaa makã Jerusalẽrẽ yɯ wiriadero pɯɾɯ, wári bojori gajirogue naagorena, pɯɾɯ irogueta dujãabɯ. Iroguete eja, yaarã boporãrẽ niyeru sũgũ ejabɯ. Iroguete ããrĩgũ, Marĩpɯ ïũrõ waibɯre soepeodɯadibɯ ïgũrẽ bɯremugũ. ¹⁸ Marĩpɯya wiigue waa, ïgũ ïũrõ Moisés doredeare yɯ iriripoe judío masaka Asia marã yɯre bokajama. Yɯ merã gajirã masaka mérãgã ããrĩmã. Neõ ïgũsãrẽ gua gaguinímakũ iribiribɯ. ¹⁹ Judío masaka Asia marã yɯ Marĩpɯya wiigue irideare ïãnerã, yɯre: “Ñerõ iriami”, ãrĩ weresãdɯarã, õõgue mɯ ïũrõgue weresãrã aariburo. ²⁰ ïgũsã aaribirimakũ, judío masaka oparã õõgue ããrĩrã yɯ ïgũsã oparãrẽ wereadeare péanerã: “Ãsũ ããrã”, ãrĩ weresãdɯarã, weresãburo. ²¹ I tamerãrẽ

yure weresãmasĩma. Yu ĩgũsã merã ããrĩgũ, buro turaro merã: “ ‘Boanerã masãrãkuma’, ãrĩdea waja yure wajamoãduakoa”, ãrĩbu ĩgũsãrẽ, ãrĩ wereyupu Pablo Félire.

²² ĩgũ irasũ ãrĩmakũ pégu, Félix gapu Jesúre buremurã iririkurire õãrõ masĩsĩã, ãsũ ãrĩyupu Pablöre:

—Iropata pégu. Surara opu Lisias ejadero puru, murẽ yu iriburire wereguko, ãrĩyupu.

²³ Irasũ ãrĩ odo, Pablöre koregure: “Peresugue õãrõ koreka ĩgũrẽ! Iri wiigueta naãã ããrĩkõãburo. ĩgũ merãmarã ĩgũrẽ iritamudamakũ kãmutabirikõãka!” ãrĩyupu.

²⁴ Yoaweyaripoe tariadero puru, Félix ĩgũ marãpo judío masako Drusila wãikũgo merã eja, Pablöre ãrĩdoreyupu, Jesucristore ĩgũ buremurĩrẽ weremakũ péduarã. ²⁵ Pablo ĩgũsãrẽ ãsũ ãrĩyupu: “Marĩpu masakare diayemarẽ irimakũ, ĩgũsã basi ñerõ iriduarire iribirimakũ gããmemi. I umu peremakũ, Marĩpu ããrĩpererã ñerãrẽ wajamoãgũkumi”, ãrĩ weremakũ, Félix gapu pégu, gũi, “Waaka!” ãrĩyupu ĩgũrẽ:

—Gajipoe yure gajino moãrĩ marĩmakũ siiugura doja murẽ, ãrĩyupu.

²⁶ Félix irasũ ãrĩkeregu: “Pablo yure niyeru sĩburo”, ãrĩgũ, ĩgũ merã werenĩgũ wãri ĩgũrẽ siiunayupu. “Gajipoe irĩgu niyeru sĩmakũ ĩgũrẽ wiubukoa”, ãrĩ gũñadiyupu. ²⁷ Pe bojori puru, Porcio Festo wãikũgu Félire gorawayugu, opu ñajãyupu. Irasirĩgu Félix gapu ĩgũ opu ããrĩrĩrẽ wirĩgu, judío masaka merã õãrõ ããrĩduagu, Pablöre peresugueta ããrĩdorekõãyupu dapa.

25

Pablo, Festo merã werenĩdea

¹ Urenu ĩgũ opu ããrĩrĩ ñajãdero puru, Festo Cesareague ããrãdi, Jerusalẽgue waayupu.

² ĩgũ irogue ejadero puru, paia oparã, gajirã judío masaka oparã Pablöre ĩgũsã weresãdeare Festoguere wererã waañurã. ³ ĩgũ puro eja, turaro merã: “Gũare iritamuka! Pablöre õõ Jerusalẽgue ãrĩdoreka!” ãrĩ sãrẽñañurã. ĩgũsã ĩgũrẽ maague aarĩgure: “Wẽjẽkõãrã!” ãrĩ amuyusiadiñurã. ⁴ Festo gapu ĩgũsãrẽ yujũyupu:

—Pablo Cesareague peresu ããrĩmi dapa. Mérõgã puru irogue goedujãaguko doja.

⁵ Pablo ñerõ iririkũgu ããrĩmakũ ããrã, musã oparã Cesareague yu merãta waa, ĩgũrẽ weresãrã waaburo, ãrĩyupu.

⁶ Irasirĩgu Festo su semana pere, gajĩ semana urenu waaró merã Jerusalẽgue ããrãdi Cesareague goedujãakõãyupu. ĩgũ dujadero puru, gajĩgu gapu weresãrĩrẽ beyeri wiigue waayupu. Iro eja, opu doarogue doa, Pablöre ãrĩdoreyupu. ⁷ Pablo irogue ejamakũ ããrã, judío masaka Jerusalén merã aaranerã ĩgũ puro waa ejanũgã, ĩgũrẽ wãri ñerĩ weresãdiñurã. Irasũ ãrĩ weresãkererã: “Ãsũ irimakũ ããrã”, neõ ãrĩmasĩbiriñurã. ⁸ Puru Pablo ĩgũ irideare wereyupu:

—Judío masaka dorerire, Marĩpũya wiima dorerire, romano marã opu doreridere neõ tarĩũgãbiribu yu, ãrĩyupu.

⁹ Festo gapu judío masaka merã õãrõ ããrĩduagu, Pablöre sãrẽñayupu:

—¿Jerusalẽgue waadũakuri? Irogue mu irideare yure weremakũ, ĩgũsã murẽ weresãdeare weremakũ péduakoa, ãrĩyupu.

¹⁰ ĩgũ irasũ ãrĩmakũ, Pablo yujũyupu:

—Yu õõ romano marãrẽ weresãrĩrẽ beyerogue ããrĩsĩãã. Irasirĩgu Jerusalẽguere waadũabirikoa. Õõta yure irire beyero gããmea. Judío masakare neõ ñerõ iribiribu. Mu irire õãrõ masĩkoa. ¹¹ Yu ñerõ iridi tamerã: “Yu wẽjẽbirikõãka!” ãrĩbiriboakuyo. ĩgũsã yure ãrĩkatori merã weresãdea ããrĩmakũ, neõ sugu opũguere wiamasĩña mãã. Yu irideare romano marã opũre beyemakũ gããmekoa, ãrĩyupu Pablo Festore.

¹² ĩgũ irasũ ãrĩmakũ pégu, Festo ĩgũ merãmarã merã werenĩ odo, Pablöre ãrĩyupu doja:

—Mu irideare romano marã opũre weredũamakũ, ĩgũ purogue iriugura murẽ, ãrĩyupu.

Pablo, opu Agripare werede

¹³ Yoaweyaripoe puru Festo opu ñajãdero puru, Judea marã opu Agripa wãikugũ, ìgũ tìgõ Berenice merã Cesareague Festore òãdorerã waañurã. ¹⁴ Agripa irore yoaripoe ããrĩmakũ, Festo Pablöre ìgũsã irideare wereyupũ ìgũrẽ:

—Òõrẽ sugũ ããrĩmi Félix peresu iridi. ¹⁵ Yu Jerusalẽgue ããrĩmakũ, paia oparã, gajirã judío masaka oparã ìgũrẽ yure weresãrã ejama. “Ìgũ ñerõ iridea waja wẽjẽdoreka!” ãrĩ sërẽma yure. ¹⁶ Yu gapu: “Gua romano marã ubugorata gajirãrẽ neõ wẽjẽdorebea. Irasirirã sugũ masakure weresãnerã ìgũsã weresãdi merã weresãrĩrẽ beyerimasũ ìũrõ gãme werenĩbirikererã: ‘Wẽjẽkõãka!’ ãrĩmasĩbema”, ãrĩ yujũbu. ¹⁷ Irasirigũ ìgũrẽ weresãnerã yu merã òõgue ìgũsã ejadero puru, yooboro marĩrõ gajinu gapu weresãrĩrẽ beyeri wiigue waabu. Iro eja, opu doarogue doa, ìgũsã weresãdire ããrĩdorebu. ¹⁸ Ìgũ yu puru ejamakũ ìãrã, ìgũrẽ weresãnerã wãgãnugãma. Ìgũsã wãgãnugãmakũ ìãgũ: “Ìgũ ñerĩ irideare wãri weremurã yãma”, ãrĩ gũñadibu. Ìgũsã gapu: “Ìgũ ñerĩ irimakũ ìãbu”, ãrĩ neõ weremasĩbirima. ¹⁹ Judío masaka buremurĩ ditare weresãma. “Jesús wãikugũ boa, puru masãdi ããrĩmĩ”, ìgũ ãrĩdea waja weresãma ìgũrẽ. ²⁰ Nasirimasĩbirisĩã, ìgũrẽ sërẽñabu: “¿Jerusalẽgue mude yu merã waadũakuri? Irogue yu merã waasĩã, mu irideare wereaso yure”, ãrĩbu ìgũrẽ. ²¹ Yu irasũ ãrĩmakũ pẽgu: “Iroguere waadũabirikoa, Romano marã opu gapure yu irideare weregu waadũakoa”, ãrĩmi. Irasirigũ yu gapu ìgũrẽ òõta píkõãbu dapa. “Yu murẽ iriumakũ, romano marã opu Augusto puru waagukoa mu”, ãrĩbu ìgũrẽ, ãrĩ wereyupũ Festo Agripare.

²² Agripa Festore ãrĩyupũ:

—Yude ìgũ weremakũ péduakoa.

—Jãu, ñamigãta ìgũrẽ pẽgukoa mu, ãrĩyupũ.

²³ Gajinu gapu Agripa, ìgũ tìgõ Berenice merã iri makã marã nerẽrĩ taribugue waañurã. Irogue ñajãrã, oparã sãñarĩ suri merã ñajãñurã. Gajirã surara oparã, iri makã marã oparãde ìgũsã merã ñajãñurã. Ìgũsã nerẽadero puru, Festo Pablöre ããrĩdoreyupũ. ²⁴ Pablo ìgũsã purogue ñajãjamakũ, Festo iro ããrĩrãrẽ ãrĩyupũ:

—Opu Agripa, ããrĩpererã i taribugue nerẽanerã òãrõ péka yure! Wãrã judío masaka Jerusalén marã, i makã marãde ìrẽ weresãma yure. “Wẽjẽkõãka ìgũrẽ!” ãrĩ gaguinĩma.

²⁵ Ìgũsã irasũ ãrĩkeremakũ, yu gapu ìgũsã ìgũrẽ wẽjẽrõ gããmea, ãrĩrĩ wajare bokabiribu. Irasirigũ opu Augustore ìgũ irideare weregu waadũakoa, ãrĩmakũ: “Ìgũ purogue iriugura”, ãrĩ gũñabu. ²⁶ Yu gapu ìgũrẽ ìgũsã weresãdeare òãrõ masĩbirisĩã, opu Augustore irimarẽ gojabiribu dapa. Irasirigũ ìgũrẽ ããrĩdoreabu, ìgũ irideare musã péuro weredoregu. Opu Agripa, ìgũ irideare weremakũ mu péadero puru, ìgũrẽ sërẽña, puru yu òãrõ gojagukoa pama marĩ opu Augustore. ²⁷ Sugũ masakure ìgũ ñerõ irideare masĩbirikererã, marĩ opu Augusto purogue iriumasĩña máa. Ìgũrẽ weresãdeare òãrõ masĩbirikererã ìgũrẽ iriurã, ubugorata iriubukoa, ãrĩyupũ Festo Agripare.

26

Pablo Agripare werede

¹ Irasirigũ Agripa Pablöre:

—Wereka yure mu irideare! Ìgũsã murẽ weresãdeare mu yujũmakũ péduakoa, ãrĩyupũ.

Ìgũ irasũ ãrĩmakũ pẽgu, Pablo ìgũya mojõrẽ soemu, ìgũ irideare werenugãyupũ:

² —Opu Agripa, dapagorare mu yure weredoremakũ, buru usuyãa. Irasirigũ yu irideare, judío masaka yure weresãdeare ããrĩpererire murẽ weregura. ³ Gua judío masaka iririkurire gua gãme werenĩrdere òãrõ masĩkoa. Irasirigũ bopoñarĩ merã yu weremakũ, òãrõ péka!

Pablo Jesúre buremuburi dupiyuro ìgũ ããrĩrikũdeare werede

⁴ Āārīpererā judío masaka yaa nikū marā, Jerusalén marāde yu majīgūgueta ĩgūsā merā āārīdeare masīma. ⁵ Yu maamūgueta fariseo bumu āārīdi āārībá. Murē irire wereduarā, weremasīma. Āārīpererā gu judío masaka watopeguere fariseo bumarā gu bremurīrē gajirā nemorō ōārō yáma. ⁶ Marīpu gu ñekūsāmarārē masaka boanerārē masūgura, ārīdeare yu bremurī waja yure weresārā ōōgue iriuma wajamoāburo, ārīrā. ⁷ Gu judío masaka, Israel bumarā pe mojōma pere su gubu peru pērebejari buri marāgora, Marīpu marī boadero puru masūburire usuyari merā yúa. Irasirirā umarī, ñamirī Marīpūre bremunikōāa. Opu Agripa, gu irire yúkeremakū, surāyeri judío masaka weresāma yu irire bremurī waja. ⁸ Musā gapu, ¿nasirirā Marīpu boanerārē masūburire bremuberi?

Pablo Jesúre bremurārē ĩgū ñerō iriunadeare werede

⁹ Iripoegue Jesús Nazaretmurē bremurārē yu bokatīūrō ñerō iridudibū. ¹⁰ Jerusalēguere paía oparā dorero merā wārā Jesúre bremurārē peresu iribū. Irasirigu oparā ĩgūsārē wējēdoremakū, yude neō kāmatabiribū. ¹¹ Āārīpereri ĩgūsā nerērī wiirigue ñajāa, Jesúre bremurārē ñerō iriunabū, ĩgūrē bremurīrē piriburo, ārīgū. ĩgūsā merā buro guabū. Gaji makārīguedere irasūta ñerō irigorenabū.

Pablo Jesúre bremunūgādeare werede

¹² Irasirigu Damascogue Jesúre bremurārē ñerō irigu waadibū, paía oparā yure: “Gu dorero merā waaka!” ārīmakū pégu. ¹³ Opu Agripa, yu maague waamakū, āsū waabū. Goeripoe āārīmakū, umugasigue abe umumu gosero nemorō gosesiribū yu puro, yu merā waanerā pūrodere. ¹⁴ Gu āārīpererā yebague meémejābū. Sugū yure hebreo ya merā werenīmakū pébū. “Saulo, ¿nasirigu yure ñerō yári mu? Mu yure ñerō irigu, mu basita ñerō yáa”, ārīmi yure. ¹⁵ ĩgū irasū ārīmakū pégu, yu gapu: “¿Noā āārīrī mu?” ārī sērēñabū. Marī Opu gapu āsū ārīmi: “Yu, Jesús, mu ñerō iriguta āārā. ¹⁶ Wāgānugāka! Yu marē deyoa, yure moāboegu āārīburo, ārīgū. Irasirigu mu yure ĩādeare, purugue yu murē ĩmuburidere gajirārē werēgukoa. ¹⁷ Yu murē judío masaka āārīmerārē buebure iriugura. Judío masaka, judío masaka āārīmerāde murē ñerō irimakū wijatagura. ¹⁸ Yu murē judío masaka āārīmerārē buedoregu iriugukoa, yaa kerere masīburo, ārīgū. Irasirirā ñerīrē pirirākuma. Koye ĩāpāmerā, naītīārōgue āārīrā irirosū āārībirikuma. Boyorogue āārīrā irirosū āārīrākuma. Wātī ĩgūsā opu āārībirikumi pama. Marīpu gapu ĩgūsā Opu āārīgukumi. Irasirigu, ĩgūsā yure bremumakū ĩāgū, Marīpu ĩgūsā ñerī irideare kātīgukumi. ĩgūsārē ĩgūyarā āārīmakū irīgukumi”, ārīmi Jesús yure.

Pablo, Jesús dorerire yujudea

¹⁹ Opu Agripa, umugasigue Jesús yure werenīdeare tarinūgābiribū. ²⁰ Irasirigu Damasco marārē ĩgūya kerere wereroribū. Puru Jerusalén marārē, āārīpererogue Judea marārē werebū. Judío masaka āārīmerādere werebū. “Musā ñerō irideare bujawere, musā gūñarīrē gorawayuka! Marīpu gāāmerī gapure irika! Irasirirā musā gūñarī gorawayuadeare ĩmurākoa”, ārī buebū ĩgūsārē. ²¹ Yu irire budea waja judío masaka Marīpuya wiigue yu āārīgūrē ñeā wējēduarā irima. ²² ĩgūsā irasirikeremakū, Marīpu gapu yure iritamunikōāmi. Irasirigu āārīpererā oparārē, ubu āārīrādere yu ĩgūya kerere wererire neō piribea. Iripoegue Moisés, gajirā Marīpuya kerere weredupiyunerā, purugue āsū waarokoa, ārīdeare werea. Āsū ārī gojanerā āārīmá: ²³ “Cristo, Marīpu iriudi buro ñerō tarīgukumi. ĩgū boadero puru, ĩgūta masāpurori, neō dupaturī boabirikumi. Irasirigu ĩgū masakare taugu āārīrīrē judío masakare judío masaka āārīmerādere masīmakū irīgukumi”, ārī gojanerā āārīmá, ārī wereyupu Pablo Agripare.

Pablo Agripare: “Jesúre bremuka!” ārī werede

²⁴ ĩgū irasū āārīpoeta Festo gaguiniyupu:

—Pablo, mirēgū yáa. Wári buetarisīā, mirērīmasū waáa, ārīyupu.

²⁵ Pablo gapu Festore arĩyupu:

—Yu opu, mirēbea. Yu wereri diayeta aārā. Irasirigu ire goepeyaro merā werea. ²⁶ Opu Agripa gapu, yu wereri aārĩpererire oārō masĩkumi. Irire masĩa yu. Irasirigu ĩgūrē gũiro marĩrō werea. Yu Jesũyare weregu, yayerogue werebea, arĩyupu Pablo Festore. Irasũ arĩ odo, asũ arĩyupu Agripare:

²⁷ —Opu Agripa, Marĩpuya kerere weredupiyunerā gojadeare buremua mu. Mu irire buremurĩrē masĩa yu, arĩyupu.

²⁸ Agripa ĩgūrē yujyupu:

—Iropagā werekeregu, cyure Jesũre buremumakũ iridũari? arĩyupu.

²⁹ ĩgũ irasũ arĩmakũ pēgu, Pablo yujyupu ĩgūrē:

—Jesũyare wári, o mērōgā weregu, musā aārĩpererārē yu irirosũ ĩgūrē buremumakũ gāāmea. Marĩpuguerere irire sērēbosāa. Yu peresugue aārĩgũ irirosũ musā aārĩmakũ tamerārē gāāmebea, arĩyupu.

³⁰⁻³¹ ĩgũ irasũ arĩmakũ pērā, Agripa, Festo, Berenice gajirā ĩgūsā merā doanerāde wāgānugā, gaji taribugue waa, ĩgūsā basi asũ arĩ gāme werenĩnurā:

—ĩgūrē i waja wējērō gāāmea, arĩrĩ máa. I waja peresu iriro gāāmea, arĩrĩde máa, arĩ gāme werenĩnurā.

³² Irasirigu Agripa asũ arĩyupu Festore:

—Pablo romano marā opure yu irideare weredũakoa, ĩgũ arĩbirimakũ, marĩ ĩgūrē peresugue aārĩgūrē wiukōāboakuyo, arĩyupu.

27

Pablora Romague iriudea

¹ Irasirirā Pablora, gajirā peresu aārĩrādere doódiru merā Italia nikũma makā Romague gu merā iriuma. Julio wāikugu surara opudere iriuma ĩgūsārē koredorerā. ĩgūsā romano marā opu Augusto wāikuguyarā surara aārĩmá. ² Gna Adramitio wāikuri makā marāya doódiru Asia nikũma perague waadiru merā waabu. Gajigu Aristarco wāikugu Macedonia nikũma makā Tesalónica wāikuri makāmade gu merā waami. ³ Gajinu gapu Sidón wāikuri makāma perague ejabu. Irogue ejadero pu, Julio Pablora boponarĩ merā ĩā, ĩgūrē ĩgũ merāmarā puo naadoregu iriumi, ĩgūsā ĩgũ gāāmerĩrē sĩburo, arĩgũ. ⁴ Gna iri makāgue aārānerā doódiru merā waamakũ, buro mirũ guare gajipārēgue wējāputaribujubu. Irasirirā Chipre wāikuri nugūrō kugapu dujamakũ taribu. Iro gapu mirũ wējāpubiriweyabu. ⁵ Ciliciare, Panfiliadere taribu. Pu Licia nikũma makā Mira wāikuri makāgue ejabu.

⁶ Gna irogue ejamakũ, surara opu gajiru doódiru bokajami. Iriuru Alejandrĩague aaradiru, Italiague waaburidiru aārĩbũ. Irasirigu guare irirugue ñajādoemi. ⁷ Iriuru merā waarā, mirũ guare buro wējāpu kāmutamakũ, yoaripoe yoobobu. Buro ñerō tariri merā waa, Gnido wāikuri makā bokatĩūrō ejabu. Irore gu tarimakũ, mirũ dupaturi buro wējāpubu. Gna waaderoguere ejamasĩbiribu. Irasirirā Creta wāikuri nugūrōgue waa, Salmón wāikuri ñorōrē tariadero pu, mirũ guare neō wējāputaribujubiribu pama. ⁸ Iri nugūrō turo taria, gariboretarianerāgue “Oārĩ pera” wāikurogue ejabu. Iri pera Lasea wāikuri makā puogue aārĩbũ.

⁹ Gna yoaripoe yooboadea waja puibu waaburo mērōgā dũyabu. Irasirigu Pablo doódiru moārārē weremi:

¹⁰ —Péka! Marĩ dapagora waamakũ, iru doódiru, doebiride dederibukoa. Marĩdere mirĩboama goegorāa, arĩdimi.

¹¹ ĩgũ irasũ arĩkeremakũ, surara opu Pablo wererire pėbirimi. Doódiru opu, iriuru wejatugu wereri gapure buremami. ¹² ĩgūsā ejadea pera gapu puibu tamumakũ, ñegorayuro. Irasirirā: “Fenice wāikuri makāgue waakōādorea. Gajipoe irirā irogue puibu

tamubukoa”, ārīma. Fenice, Creta nūgūrōma makā abe ñajārō gapu āārīrī makā āārīyuro. Iri makāma pera gapure mirū wējāpubiriweyayuro.

Wádiyague buro mirū waadea

¹³ Irasirirā sur gapu mirū wējāpuweyamakū iārā, doódiru moārā: “Ōārīnu āārīrokoa”, ārī gūñadima. Gua irirure ñajāa, Creta nūgūrō turo waabu Fenicegue waaduarā. ¹⁴ Mérōgā puru buro mirū nordeste wāikuri aaribú. ¹⁵ Irasiriro guaya doódirure mirū wējāpubéokōābu. Mirū iro wējāpumakū gāme goroamasībiri, mirū wējāpuro gaputa waabu. ¹⁶ Gua Cauda wāikuri nūgūrōgā turogue ejamakū, mirū wējāpubiriweyabu. Irasirirā gua buro moātarianerāgue doódirumarū médiru kūmagārē oārō tūāmu saapeobu. Iriuru wádiru mirīmakū, ĩgūsā ñajāburidirugā āārībú. ¹⁷ Irirugārē saapeo odo, wádirure pūgubudari merā sanemoma mirū merā waarīri, ārīrā. Puru güi, Sirte wāikuri ĩmparo miēgue marīrē mirū āārīrī, ārīrā, ĩgūsā mirū ñeārī gasiri saatúdea gasirire kuradijukōāma. ĩgūsā kuradijuadero puru, mirū wējāpuro gaputa waabu. ¹⁸ Gajinu gapu murārōta buro mirū wējāpumakū iārā, iriruma doebirire diague béobu. ¹⁹ Gajinu gapudere iriruma āārīrīrē diague béobu. ²⁰ Yoaripoe ñipirinurī āārīmakū, abe umumu, neñukāde neō deyomarīma. Buro mirū wējāpubu dapa. Irasirirā: “Iro diaye waakōāa”, ārī masīña marību guare. “Mirī boakōārākoa”, ārī gūñabu.

²¹ Irasirigu yoaripoe gua baabirimakū ĩāgū, Pablo gua watopegue āārādi wāgānugā, āārīpererārē ārīmi:

—Musā yu Cretague weredeare pémakū ōāgorabukuyo. Marī iro wirimerā, irure poyanorē, doebiridere dedeubiriboakuyo. ²² Irasirirā dapagorare yu weremakū péka! Gūñaturaka! Güibirikōāka! Neō sugu boabiriko. Iru doódiru dita dederirokoa. ²³ Yu Marīpuyagu āārā. ĩgūrē buremua. Dapagā ñami ĩgūrē wereboegu yure deyoami. ²⁴ Āsū ārāmi: “Pablo, neō güibirikōāka! Mu romano marā opure mu irideare wereguko. Marīpu murē maīrī merā ĩāgū, mu sērēaderosūta murē, mu merāmarā irugue āārīrādere taugukumi”, ārāmi. ²⁵ Irasirirā gūñaturaka! Marīpu ĩgūrē wereboegu yure ārāaderosūta waamakū irigukumi, ārī buremua. ²⁶ Irasiriro marīrē nūgūrōgue mirū wējāpumeétúrokoa, ārī weremi Pablo.

²⁷ Su ñami, pe semana gua Cretare wiriadero puru, wádiya Adria wāikudiya mirū buro wējāpuro gaputa waabu dapa. Ñami deko āārīmakū, doódiru moārā: “Marī nikūgue ejarā irisuyua”, ārīma. ²⁸ Irasirirā pūgubudague kōmerūrē saatúdiyu keoñama. ĩgūsā keoñamakū, treinta y seis metrogora ūkūābu. Mérōta waa, dupaturi keoñamakū, veintisiete metrogora ūkūābu. ²⁹ Irasirirā ñami āārīyomakū, ūtāyerigue meétuabukoa, ārī güirā, āsū irima. Wapikuri majī kōme majīrīpare iriyaburigue pūgubudari merā saatúdeare wejaturu gapu meéyoma irirure tūāñeāpauburo, ārīrā. Irasiri odo: “Murīgora boyoro gāameadāa”, ārī gūñarikuma. ³⁰ Iri ñamita irirure moārā gapu duriduarā irima. Irasiri gajī kōme majīrīrē wejadupiyuro gapu meéyomurā yāa, ārīkato, doódirumarū médirugārē āīdiyu, iriru merā duriduarā irima. ³¹ ĩgūsā duriduumakū ĩāgū, Pablo surara opure ĩgūyarā suraradere weremi:

—Īsā iru moārā médirugā merā waamakū, musā āārīpererā taribirikoa, ārīmi.

³² ĩgū irasū ārīmakū pérā, surara gapu médirugā ĩgūsā sadadarire dítá, diague béokōāma.

³³ Boyoburi dupiyuro Pablo ĩgūsārē baadoregu, āsū ārīmi:

—Pe semanagora waáa, musā baamerāta buro gūñarikuro. ³⁴ Irasirigu tariduarā baaka! ārī, buro sērēa. Neō sugu musā dederibirikoa. Musāya poadaride neō dederibirikoa, ārīmi.

³⁵ Irasū ārī odo, Pablo pārē āi, āārīpererā ĩūrō Marīpore: “Mu merā usuyāa”, ārī, irire dukawa baami. ³⁶ ĩgū baamakū iārā, ĩgūsāde āārīpererā gūñatura baama. ³⁷ Gua irirugue

ããrĩrã ããrĩpererã doscientos setenta y seis gora ããrĩbú. ³⁸ Irasirirã ïgũsã ããrĩpererã baayapi, pũũ irirugue ããrĩrĩ, wári trigore diague béoma, kãrãwũridiru dujaburo, ãrĩrã.

Doódiru ïmparogue soemũrĩbeja mirĩdea

³⁹ Boyoripoe doódiru moãrã nũgũrõrẽ ïãboka: “Ãsũ wãikũri nũgũrõ ããrã”, ãrĩ ïãmasĩbirima. Dupatũgũguere ïmparo ããrĩmakũ ïãrã: “Sõõ bũanumuarã! Gajipoe irirã iro majãbukoa”, ãrĩma. ⁴⁰ Irasirirã kõme majĩrĩrẽ ïgũsã sũadeadarire ditimeedijubéokõãma. Iri odo, wejadupabu wejaturi ïgũsã sũadeadarire kurama. Pũũ iriru wejadupiyuro gapũ ããrĩrĩ suri gasirore ãiwãgũnúma mirũ ããburo, ãrĩrã. Irasiriro ïmparo pũro gapũ numuabũ.

⁴¹ Numua, wejadupiyuro gapũ ïmparo ùkũãberogue soemũrĩbejabũ. Neõ soebumasĩña marĩbũ. Iriru wejaturo gapũ makũrĩ pagari meétuamakũ waariakõãbũ.

⁴² Irasũ waamakũ ïãrã, surara gapũ ãrĩma:

—Iru mirĩmakũ, marĩ peresu irianerã bánumuã, duriakõãbukuma. Irasirirã ïgũsãrẽ wẽjẽpeokõãrã! ãrĩ werenĩma ïgũsã basi.

⁴³ ïgũsã opu gapũ Pabloure taudũagu: “Neõ sugũre wẽjẽbirikõãka! ããrĩpererã bámasĩrã mata nũgũrõ tũroguẽ bánumuaka!” ãrĩmi. ⁴⁴ “Gajirã taboa majĩrĩ merã, gaji iriruma waariadea majĩrĩ merã payanumuaka!” ãrĩmi. Irasirirã ããrĩpererã iri merã bánumuã, õãrõ tariperekõãbũ.

28

Pablo, Malta wãikũri nũgũrõgue ejadea

¹ ããrĩpererã tũroguẽ majãnũgãdero pũũ iri nũgũrõrẽ ïãmasĩbũ. Malta wãikũri nũgũrõ ããrĩdero ããrĩbú. ² Iri nũgũrõ marã masaka gũare õãrõ irima. Deko merẽmakũ, gũare bũro yũsakubũ. Irasirirã gũare peame diubosa, sũmadorema. ³ Pablode pea bojoñajãri seagu waa, seatĩãmi. ïgũ seatĩãripoe ãña ïgũ seadeague ããrãdi peame asiri gũiwirigũ, Pabloure ïgũya mojõgue kũrĩmeésiami. ⁴ ïgũrẽ kũrĩmeésiamakũ ïãrã, iri nũgũrõ marã ïgũsã basi ãsũ ãrĩ gãme werenĩma:

—Ïĩ masakare wẽjẽdi ããrĩkumi. ïgũ dia wãdiyare tariadi ããrĩkeremakũ, marĩ bũremugõ masakare wajamoãdorego ïgũrẽ okadorebirikumo, ãrãdima.

⁵ Pablo gapũ ãñarẽ peamegue wẽjãsiri meépeokõãmi. Neõ pũrĩsũbirimi. ⁶ Irasirimakũ ïãrã, iro marã gapũ: “Bijjakõãrokoa”, ãrĩma. ïgũrẽ bijibirimakũ ïãrã: “Gũñaña marĩrõ kõmoakõãgũkumi”, ãrĩma doja. Yoaripoe ïgũ pũrĩsũbirimakũ ïãrã: “Ïĩ sugũ ãmũgasigue marã opu ããrĩkumi”, ãrĩma.

⁷ Gũa majãdero pũro iri nũgũrõ marã opu Publio wãikũya nikũ ããrĩbú. Gũare ïgũya wiigue siuami. Irasirirã gũa urenũ ïgũ merã ããrĩmakũ, gũare õãrõ irimi. ⁸ Publio pagu nimakũri yojo merã sirĩgũ ïgũ kãrĩrõgue peyami. Irasirigũ Pablo ïgũrẽ ïãgũ waa, ïgũya taribugue ñajãa, Marĩpũre sãrẽ odo, ïgũya mojõrĩ merã ïgũ weka ñapeo, taumi. ⁹ ïgũrẽ taumakũ ïãrã, ããrĩpererã gajirã iri nũgũrõ marã pũrĩrikũrã Pablo pũro ejama. ïgũsã ejamakũ ïãgũ, Pablo ïgũsãdere taumi. ¹⁰ ïgũ irasirimakũ ïãrã, wári gajino sĩma, gũare ïgũsã bũremurĩrẽ ïmurã. Pũũ gũa waaburi dupiyurogã ããrĩpereri gũa gããmerĩ, gũa baaburidere doódirugue durisãbosama.

Pablo Romague ejadea

¹¹ Gũa iri nũgũrõgue urenã abe ããrãdero pũũ, doódiru Alejandriague aaradiru merã waabũ doja. Iriru iri nũgũrõgue puibũ tamudero ããrĩbú. Iriru wejadupiyurore pãrã masaka bũremurã Cástor, Pólux wãikũrã keori weadea ããrĩbú. ¹² Gũa iriru merã waa, Siracusa wãikũri makãma perague ejabũ. Irore urenũ ããrĩbú. ¹³ Iri makãrẽ wiriwãgã, iri nũgũrõ tũro taria, Regio wãikũri makãgue ejabũ. Gajinũ gapũ gũa waaripoe gũa pũũ gapũ mirũ wẽjãpuwãgãribũ. Irasirirã gajinũ gapũta Puteoli wãikũri makãgue ejabũ. ¹⁴ Iroguẽ gajirã Jesúre bũremurãrẽ bokajabũ. ïgũsã gũare: “Su semana gũa merã dujaka!”

ārimakū pérā, su semanagora ĩgūsā merā dujabu. Puru Romague waarā, maa merā waabu. ¹⁵ Gajirā Roma marā Jesúre buremurā guare waarí kerere pérā, Apio wāikuri makāgue guare bokatīrīrā ejama. Iri makā doebiri duari makā āārībú. Puru maague yoawayaro waaripoe naarā kārīrī wiiri, ure wii āārīrōgora gajirā guare bokatīrīrā ejama. ĩgūsā bokatīrīrā ejamakū ĩāgū, Pablo usuyari merā Marīpūre: “Murē usuyari sīa”, ārī, siñajā gūñaturakōāmi. ¹⁶ Romague guare ejadero puru, surara opu peresu āārīrārē Pablo merā āānerārē iro marā peresu āārīrārē korerā opure wiami. Pablo gapure: “Suguta āārīduamakū ōārokoa”, ārī, sugu surara ĩgūrē korebure pími.

Pablo Roma marārē buedea

¹⁷ Urenu puru Pablo judío masaka oparārē iro āārīrārē siiu neōmi. ĩgūsā nerēperemakū ĩāgū, āsū ārīmi:

—Yarā, yu marīyarārē, marī ñekūsāmarā iriunadeadere tarinugābirikeremakū, Jerusalén marā yure ñeā, romano marā oparāguere wia, yure peresu irima. ¹⁸ Romano marā oparā gapu yure sērēña wiudhadima wējērō gāāmea, ārīrī bokabirisīā. ¹⁹ Marīyarā judío masaka gapu neō yure wiudhabirima. ĩgūsā irasirimakū ĩāgū: “Romano marā opure yu irideare weredorerā iriuka!” ārī sērēbu. Iri sērēgū, yu gapu marīyarārē: “Ñerō irima”, ārī weresābiribu. ²⁰ Irasirigu musārē ire werebu siuabu. Marī judío masaka yoaripoe yūdi, marīrē taugu, Jesucristo āārīmi. Yu ĩgūrē buremurī waja peresugue i kōmeda merā sasūdi āārā, ārī weremi Pablo judío masaka oparārē.

²¹ ĩgūsā ĩgūrē ārīma:

—Neō su papera pū, marīyarā Judea marā, muyamarē gojadea pūrē ñeābea. ĩgūsā ōōgue naarā ejanerāde murē neō ñerō ārī weresābirima. Gajirāde: “Ñerō irimi”, ārī werebirima guare. ²² I ditare masīa. Āārīpererogue marā masaka mu merāmarārē: “ĩgūsā bueri ñegorāa”, ārī werenīma. Irasirirā mu buerire péduakoa, ārīma.

²³ Irasirirā sunu irire wereniburinurē beye odo, waakōāma. Puru irinu ejamakū ĩārā, wārā masaka Pablo āārīrī wiigue ejama. Irasirigu boyoripoe āārīmakū, ĩgūsārē buenugādi, bueneākōāmi. Marīpu ĩgūyarārē doreri kerere buemi. Moisés gojadeare, Marīpuya kerere weredupiyunerā gojadeadere buemi, Jesúre buremuburo, ārīgū. ²⁴ Surāyeri ĩgū buerire buremuma. Gajirā gapu neō péduabirima. ²⁵ Irasirirā surosū gūñabiri, wirianokōāma. ĩgūsā wiriaripoe Pablo ārīmi:

—Ōāgū deyomarīgū Marīpuya kerere weredupiyugu Isaías merā marī ñekūsāmarārē diayeta weredi āārīmí. Āsū ārī weredi āārīmí:

²⁶ Masakare āsū ārī weregu waaka: “Ūmuriku musā yaare pékererā: ‘Irasū ārīduaro irikoa’, ārī neō pémasībea. Ūmuriku yu ōārō iririre ĩakererā: ‘Irasū ārīduaro irikoa’, ārī neō ĩāmasībea”, ārī wereka ĩgūsārē!

²⁷ Yaa werenīrē pémerā diayeta pémasībema. Irasirirā gānipūrī pémerā, koye ĩāpāmerā irirosū āārīma. Irasū āārīmerā ĩāmasī, ōārō pémasībukuma. Irasirirā yu pémasīrī sīrē oparā yure buremubukuma. Irasirigu ĩgūsārē tauboakuyo, ārīdi āārīmí.✠

²⁸ Irasirirā musā yure péduabiri waja dapagora merā Marīpu masakare tauri kerere judío masaka āārīmerā gapure wererā waarākoa. ĩgūsā gapu pérākuma, ārīmi Pablo judío masaka ĩgū puro nerēanerārē.

²⁹ ĩgū irasū ārīmakū pérā, ĩgūsā basi buro gāme turi wiriama.

³⁰ Pe bojorigora Pablo iro marā ĩgūrē wayudea wiigue āārīmí. ĩgū iri wiigue āārīrī waja ĩgūsārē niyeru merā wajarinami. Iri wiigue āārīgú, ĩgūrē ĩārā ejanarārē usuyari merā bokatīrīñeānami. ³¹ Güiro marīrō Marīpu ĩgūyarārē doreri kerere, Jesucristoya keredere buenami. Neō sugu ĩgūrē: “Buebirikōāka!” ārībirima.

Iropata āārā.

Lucas

ROMANOS

Pablo Roma marârê ôãdoredea

¹ Y_u Pablo, Jesucristore moãboegu ãârã. Marĩpu y_ure ïgũ masakare tauri kerere buedoregu beyepĩmi.

² Iripoegue Marĩpu ïgũyare weredupuyunerârê iri kerere weredi ãârĩmĩ. Irasirirã irire ïgũya werenĩrĩ gojadea pũgue gojanerã ãârĩmã. ³ ïgũsã gojadea, Marĩpu magũ marĩ Op_u Jesucristoya kere ãârã. ïgũta i ãmũguere marĩ irirosũ dupakũgu deyoagu, David parãmi ãârĩturiagu ãârĩdi ãârĩmĩ. ⁴ ïgũ, Ôãgũ deyomarĩgũrê opagu ãârĩmĩ. ïgũ boadero p_ur_u, Marĩpu ïgũ turari merã ïgũrê masũdi ãârĩmĩ ãârĩpererârê: “Diayeta y_u magũ ãârĩmĩ”, ãrĩ ïmugũ. ⁵ ïgũta guare ôãrõ irigu, Jesucristo merã ïgũyare weredoregu pími, ãârĩpereri buri marârê ïgũrê b_uremurãno ïgũ dorerire iriburo, ãrĩgũ. ⁶ M_usãdere Jesucristoyarã ãârĩburo, ãrĩgũ, beyedi ãârĩmĩ.

⁷ Irasirigu y_u m_usãrê Marĩpu beyenerârê ãârĩpererã Roma marârê ôãdorea. Marĩpu ãârĩnĩgũ, marĩ Op_u Jesucristo m_usãrê ôãrõ iritamu, siuñajãrĩ merã ãârĩrikumakũ iriburo.

Pablo: “Romague waadũakoa”, ãrĩ gojadea

⁸ Ire m_usãrê werer_urorig_ura. ãârĩperero marã masaka, m_usã Jesucristore b_uremurĩrê werenĩpereakõãma. Irire pég_u, Jesucristo iritamurĩ merã Marĩp_ure _usuyari sãa.

⁹ ãârĩpereri y_u turari merã Marĩpu y_ure dorerosũta masakare ïgũ magũya kerere werea. Irasirigu ïgũrê sêrêrik_u, m_usãya ãârĩburire sêrêbosanĩkõãa. Marĩpu irire masĩmi. ¹⁰ Irasirigu Marĩp_ure: “M_u y_ure Romague iriudũagu, y_u waaburire ãmuyuka!” ãrĩ sêrênãa. ¹¹ M_usã p_uro ejagu, gũñaturari merã Jesúre b_uremunemoburo, ãrĩgũ, ïgũyare weredũakoa, Ôãgũ deyomarĩgũ y_ure iritamurõsũta m_usãdere iritamuburo, ãrĩgũ. ¹² Marĩ Jesúre b_uremurã ãârã. Irasirirã m_usã, y_u ïgũrê b_uremumakũ ïãrã, nemorõ gũñaturarãkoa. Y_ude, m_usã ïgũrê b_uremumakũ ïãgũ, gũñaturagũkoa.

¹³ Yaarã, y_u m_usã p_uro waadũarire masĩmakũ gããmekoa. Gajero marã masaka y_u Jesúya kerere weremakũ pérã, ïgũrê b_uremuma. Irasirigu m_usãya makã marãdere irire weregu waadũakoa, ïgũsãde ïgũrê b_uremuburo, ãrĩgũ. ¹⁴ Marĩpu y_ure ãârĩpererârê iri kerere weredoremi. Paga makãrĩ marârê, m_utã makãrĩ marârê, masĩrãrê, masĩmerãdere weredoremi. ¹⁵ Irasirigu m_usãya makã marârê Jesúre b_uremumerârê ïgũya kerere b_uro weredũakoa.

Jesúya kerere pérã, ïgũrê b_uremunũgãrãkuma, ãrĩ gojadea

¹⁶ Masaka iri kerere pérã, ïgũrê b_uremunũgãrãkuma. Irasirigu Marĩpu ãârĩpererã Jesúre b_uremurãrê ïgũ turari merã taugũkumi, perebiri peamegue waabirikõãburo, ãrĩgũ. Judío masaka, judío masaka ãârĩmerãde iri kerere pé, ïgũrê b_uremumakũ, Marĩpu ïgũsãrê taugũkumi. Irasirigu y_u, g_uyasĩrĩrĩ marĩrõ gũñaturari merã iri kerere werea.

¹⁷ Iri kere ãsũ ãrã. Marĩpu Jesucristore b_uremurã direta: “Ôãrã ãârĩma”, ãrĩ ïãmi. Marĩp_uya kerere gojadea pũguedere ãsũ ãrĩ gojasũdero ãârĩbú: “Marĩpu irasũ b_uremurãrê: ‘Ôãrã ãârĩma’, ãrĩ ïãmi. Irasirirã ïgũ merã ãârĩnĩkõãrãkuma”, ãrĩ gojasũdero ãârĩbú.

Masaka ïgũsã ñerĩ iriri merã waja opama, ãrĩ gojadea

¹⁸⁻¹⁹ Marĩpu masakare ïgũyamarê ôãrõ masĩmakũ yãmi. ïgũ irire masĩmakũ irikerep_ur_u, ñerĩrê yãma. Irasirirã Marĩp_uya diayemarê masĩmerã dujama. Irasirigu Marĩpu ãmũgasigue ãârĩgũ ãârĩpererã diayemarê irimerãrê, ñerõ irirãrê ïgũ b_uro wajamoãburire masĩmakũ yãmi. ²⁰ Marĩpu deyomarĩgũ ãârĩkerep_ur_u, ïgũ neõgorague i ãm_urê ãârĩpereri iri-dea merã ïgũ perebiri turarire, ïgũyamarê masĩsũa. Irasirirã masaka ïgũrê: “Masĩbirisĩã, waja opabea”, ãrĩmasĩbirikuma.

21 Marĩpuyamarẽ masĩkererã, ãgũrẽ: “Õãtaria mũ”, ãrĩ bũremubema. Ñgũ õãrõ irikererũ, ãgũrẽ: “Õãa”, ãrĩ, usuyari sĩbema. Irasirirã ãgũyare pẽmasĩmerã dujama. Ñerĩ direta gũñarĩ opama. Irasiriro ãgũsã gũñarĩguere naĩtĩãrõ irirosũ ããrã. 22 “Gũa masĩrã ããrã”, ãrĩkererã, Marĩpuyare neõ pẽmasĩmerã waama. 23 Irasirirã Marĩpũ ããrĩngũ gapũre bũremubema. Pũngue boaburi gapũre: masaka keorire, mirã, waimũrã paãrã, pĩrũa keori ãgũsã weadeare bũremuma.

24 Irasirigũ Marĩpũ ãgũsãrẽ ãgũsã ñerĩrẽ ãaribejari direta irinaburo, ãrĩgũ, bẽomi. Irasirirã gũyasiũrõ ñerĩrẽ gãme irinĩkõãma. 25 Marĩpũya diayema gapũre bũremubema. ãrĩgatori direta õãrõ pẽma. Irasirirã Marĩpũ ããrĩpereri i ãmãmarẽ iridi gapũre bũremumerã, ãgũ iridea gapũre bũremuma. ãgũsã ãgũrẽ bũremubirikererũ, marĩ gapũ ãgũrẽ: “Õãtaria mũ”, ãrĩ, usuyari sĩnĩkõãrõ gããmea. Irasũta irirã!

26 ãgũsã bũremubiri waja Marĩpũ ãgũsãrẽ bẽomi, ãgũsã gããmerõ gũyasiũrõ ñerĩrẽ iriburo, ãrĩgũ. Irasirirã nome ãmarẽ marãpũkũduabema. Nome basita gãme marãpũkũduarã irirosũ ããrĩma. Irasirirã ãgũsã nome seyaro ñerõ yãma. 27 ãmade irirosũta yãma. Nomerẽ marãpokũduabema. ãma basita gãme marãpokũduarã irirosũ ããrĩma. ãgũsã ãma seyaro ñerõ yãma. Irasirirã ãgũsã basita ñerõ iriri waja ãgũsãya dupũrĩre poyanorẽma.

28 ãgũsã Marĩpũre masĩduabiri waja ãgũsãrẽ bẽomi, ñerĩ gũñarĩ direta opaburo, ãrĩgũ. Irasirirã noó gããmerõ ñerĩrẽ irinĩkõãma. 29 ããrĩpereri ñerĩrẽ iririkũma. ãma nome merã, nome ãma merã ñerõ iririkũma. Ñetariro iririkũma. Gajerãyare bũro gããmemema. Gajerãrẽ ñerõ iridũama. Gajerã gajino opamakũ ããrã, ãgũsãrẽ ããturima. Gãmewẽjẽrikũrã, gãmekẽãrikũrã, ãrĩgatorikũrã, ñerõ ããrĩrikũrã, bũro kerekũrã ããrĩma. 30 Gajerãrẽ ãrĩgatori merã ñerõ ãrĩ werenĩma. Marĩpũre gããmemerã dooma. Gajerãrẽ ããmuĩrikũma. “Gajerã nemorõ ããrã”, ãrĩ gũñarã: “Õãrõ yãa”, ãrĩ weregorenama. Gajerosũperi ñerĩ iririre iribokadũama. ãgũsã pagũsãmarãrẽ tarĩngũgũrikũma. 31 Õãrĩrẽ pẽmasĩduabema. Gajerãrẽ: “ãsũ irirãra”, ãrĩdeare neõ keoro iribema. Neõ sugũnorẽ maĩrĩ merã ããbema. ãgũsãrẽ gajerã ñerõ irideare neõ kãtimasĩbema. Gajerãrẽ bopoñabema. 32 Marĩpũ irasirirãrẽ: “Wajamoãgũra”, ãrĩderosũta irigũkumi. Perekũri peamegue bẽogũkumi. ãgũsãrẽ bẽoburire masĩkererã, ñerĩrẽ neõ piribema. Gajerã ãgũsã irirosũ ñerĩrẽ irimakũ ããrã, õãrõ usuyari merã ããma.

2

Ñerĩ irirãrẽ Marĩpũ diayeta wajamoãgũkumi, ãrĩ gojadea

1 Irasirirã gajerãrẽ werewũarã ãgũsã irirosũ irikererã, mũsã basita werewũarã yãa. ãgũsãrẽ: “ãgũsã ñerõ iriri waja, waja opama”, ãrĩãrã, mũsã basita: “Gũade waja opãa”, ãrĩãrã irirosũ ãrĩãrã yãa. 2 Marĩpũ ñerĩ irirãrẽ: “ãgũsã ñerĩ iriri waja, wajamoãgũra”, ãrĩgũ, diayeta ãrĩgũ yãmi. Irire masĩa marĩ. 3 Mũsã gajerãrẽ: “Ñerõ yãma”, ãrĩ werewũarã, ãgũsã irirosũ irikererã: “Marĩpũ gũa gapũre wajamoãbirikumi”, ¿ãrĩ gũñarĩ? Irire irasũ ãrĩ gũñabirikõãka! Marĩpũ mũsãdere mũsã ñerõ iriri waja, wajamoãgũkumi.

4 Mũsã ñerĩ irirã: “Marĩpũ gũare bũro bopoñarĩ merã ããgũ, mata wajamoãbemi”, ãrĩ gũñabirikõãka! Õãrõ pẽmasĩka! Mũsã ñerõ iririre bũjoweremakũ ããduagũ, mũsã gũñarĩrẽ gorawayumakũ ããduagũ, mata wajamoãbirikeregũ, mũsã ãgũrẽ neõ pẽbirimakũ ããgũ, ñerõ iririre neõ piridũabirimakũ ããgũ, mũsã merã guanemomi. Irasirigũ pũngue ããrĩpererã ñerãrẽ ãgũ wajamoãrĩnũ ejamakũ, mũsãrẽ bũro wajamoãgũkumi. ãgũ irasirimakũ ããrã, ããrĩpererã: “Diayeta ãgũsãrẽ wajamoãgũta yãmi”, ãrĩ masĩrãkuma. 6 Irinũrẽ Marĩpũ masakakũre ãgũsã irideare ãã beye, keoro wajarigũkumi. 7 Õãrĩrẽ irinĩrã gapũ: Marĩpũ merã ããrĩduarã: “Mũsã õãrõ yãa”, ãrĩmakũ pẽduarã, ãgũ pũrogue perekũri okarire opadũarã ããrĩma. Irasirigũ ãgũsãrẽ perekũri okarire sĩgũkumi, ãgũ merã ããrĩnĩkõãburo, ãrĩgũ. 8 ãgũsã gããmerõ irirã gapũ diayemarẽ iridũabema. Ñerĩ direta

iriduma. Irasirigu Marĩpu ĩgũsã merã gua, buro ĩgũsãrẽ wajamoãgukumi. ⁹ Āãĩpererã ñerĩ irirã ñerõ tari, buro gũñarikurãkuma. Judío masakare waapũrorirokoa. Judío masaka āãĩmerãdere irasũta waarokoa. ¹⁰ Marĩpu āãĩpererã õãrĩ irirã gapũre: “Õãrõ yãma”, ãrĩ ĩãgukumi. ĩgũsãrẽ ĩgũ merã õãrõ āãĩmakũ irigukumi. Irasirigu siuñajãrĩ opamakũ irigukumi. Judío masakare irire iripũrorigukumi. Judío masaka āãĩmerãdere irasũta irigukumi.

¹¹ Marĩpu marĩ āãĩpererãrẽ: judío masakare, judío masaka āãĩmerãdere sũrosũta ĩãmi. ¹² Judío masaka āãĩmerã, Marĩpu Moisere doreri pídeare opabirikererã ñerĩ irimakũ ĩãgũ, Marĩpu ĩgũsãrẽ perebiri peamegue béogukumi. Judío masaka ĩgũ doreri pídeare oparãde ñerĩ irimakũ ĩãgũ, ĩgũsãdere irire tarinũgãrĩ waja, wajamoãgukumi. ¹³ ĩgũ Moisere doreri pídeare pékererã irire iribirimakũ ĩãgũ, ĩgũsãrẽ: “Õãrã āãĩma”, ãrĩ ĩãbemi. Irire irirã gapũre: “Õãrã āãĩma”, ãrĩ ĩãmi. ¹⁴ Judío masaka āãĩmerã Marĩpu Moisere doreri pídeare opabirikererã õãrõ irirã, Marĩpu dorederosũta yãma. Irasirirã ĩgũsã basi Marĩpu doredeare oparã irirosũ irire yãma. ¹⁵ Marĩpu ĩgũsã gũñarĩgue ĩgũ doredeare masĩmakũ iridi āãĩmĩ. Irasirirã ĩgũ dorederosũta irirã, irire masĩrã irirosũ yãma. Õãrõ irirã, o ñerõ irirã, ĩgũsã gũñarĩ merã ĩgũsã irideare masĩma. Ñerĩrẽ irianerã: “Waja opãa”, ãrĩ gũñama. Irasũta õãrĩrẽ irianerãde: “Waja opabea”, ãrĩ gũñama.

¹⁶ Irasirigu Marĩpu āãĩpererã ñerãrẽ wajamoãrĩnũ ejamakũ, Jesucristore: “Āãĩpererã gũñarĩrẽ, ĩgũsã gajerã ĩãberogue irideare ĩã beyeka!” ãrĩgukumi. Irasirigu Jesucristo ñerĩ gũñarĩ oparãrẽ, ñerĩ iririkurãrẽ: “Wajamoãgura”, ãrĩgukumi. Õãrĩ gũñarĩ oparãrẽ, õãrõ iririkurãrẽ: “Wajamoãbirikoa”, ãrĩgukumi. Marĩpu masakare tauri kerere buegu, irireta buea yũ.

Marĩpu Moisere doreri pídeamarẽ gojadea

¹⁷ Mũsã gapũ: “Gũna judío masaka Marĩpu Moisere doreri pídeare bũremusĩã, gajerã nemorõ Marĩpuyarã āãrã”, ãrĩ gũñadãa. ¹⁸ Gajire ãsũ ãrĩ gũñãa: “Gũna Marĩpu gããmerĩrẽ, ĩgũ Moisere doreri pídeare masĩrã āãrĩsĩã, õãrĩ direta beyemasĩã. ¹⁹ Irasirirã koye ĩãmerãrẽ tũãdupuyuwãgãrã irirosũ Marĩpuyare masĩmerãrẽ buemasĩã. Naĩĩãrõgue āãrĩrãrẽ sĩãgoro irirosũ diayema iririre masĩmerãrẽ diayema gapũre ĩgũsãrẽ iridorea. ²⁰ Marĩpu Moisere doreri pídeare opasĩã, diayema iririre õãrõ masĩã. Irasirirã masĩmerãrẽ, majĩrã irirosũ āãrĩrãrẽ buerimasã āãrã”, ãrĩ gũñadãa mũsã. ²¹ Gajerãrẽ irasũ ãrĩ buekererã, ¿nasirirã mũsã basi bueberi? “Yajabirikõãka!” ãrĩ buekererã, ¿nasirirã yajari mũsã? ²² “Gajigu marãpo, gajego marãpu merã ñerõ iribirikõãka!” ãrĩ buekererã, ¿nasirirã irasũ yãri? Masaka bũremurĩ keori weadeare dookererã, ¿nasirirã ĩgũsã bũremurĩ wiirimarẽ yajari, irire opamurã? ²³ “Marĩpu Moisere doreri pídeare opasĩã, gajerã nemorõ āãrã”, ãrĩ gũñakererã, iri dorerire tarinũgãrã, gajerãdere ĩgũrẽ bũremubirimakũ irirã yãa. ²⁴ Marĩpuya werenĩrĩ gojadea pũgue mũsã irasiririre ãsũ ãrĩ gojasũdero āãrĩbũ: “Mũsã judío masaka, judío masaka āãĩmerãrẽ Marĩpũre ñerõ ãrĩ werenĩmakũ yãa”, ãrĩ gojasũdero āãrĩbũ.

²⁵ Mũsã judío masaka Marĩpu Moisere doreri pídeare irirã, mũsãya dupũma gasirogãrẽ* wiirisũnerã āãĩmakũ õãgorãa. Marĩpu mũsãrẽ: “Yaarã āãĩma”, ãrĩ ĩãmi. Irire tarinũgãrã, mũsãya dupũma gasirogãrẽ wiirisũbirinerã irirosũ āãrã. ²⁶ Judío masaka āãĩmerã irasũ wiirisũbirinerã āãrĩkererũ, Marĩpu Moisere doreri pídeare irimakũ: “Yaarã āãĩma”, ãrĩ ĩãgukumi. Judío masakadere ĩgũsã irire irimakũ, irasũta ãrĩ ĩãgukumi. ²⁷ Judío masaka āãĩmerã gapũ ĩgũsãya dupũma gasirogãrẽ wiirisũbirinerã āãrĩkererã, Marĩpu doredeare irirã, mũsãrẽ judío masakare iri doredeare oparãrẽ mũsã irire tarinũgãrĩ

* **2:25** Gn 17.1-14: Iripoegue Marĩpu Abrahãrẽ ĩgũ pũrã ãmarẽ: “Yaarã āãrĩburo”, ãrĩgũ, ĩgũsãya dupũma gasirogãrẽ wiiridoredi āãrĩmĩ. Pũru iri dorerire Moisere pídi āãrĩmĩ. Irasirirã judío masaka Abraham parãmerã āãrĩturĩarã iri dorerire irirã, ĩgũsã pũrã ãmarẽ su mojõma pere gaji mojõ wũru pẽrẽbejarĩnũrĩ waarõ merã ĩgũsã deyoadero pũru irasũ yãma.

waja: “Waja opama”, ãrĩrãkuma. ²⁸ Sugu judío masakũ irasũ wiirisũdi: “Marĩpũyagu ããrã”, ãrĩ gũñakeregu, Marĩpũre bũremubi, diayeta Marĩpũyagu, judío masakũgora ããrĩbemi. ²⁹ Marĩpũyarã gapũ irasũ wiirisũnerã dita ããrĩbema. Õãgũ deyomarĩgũ ãgũsãya gũñarĩgue ããrĩ merã gorawayumakũ iridero pũru, ãgũsã Marĩpũyarã, judío masakũgora ããrĩma. Masaka ãgũsãrẽ: “Õãrã ããrĩma”, ãrĩ ããbirikerepũru, Marĩpũ gapũ: “Õãrã ããrĩma”, ãrĩ ããmi.

3

¹ Musã, yũ irasũ ãrĩmakũ pérã: “¿Gũã judío masaka, gũaya dupũma gasirogãrẽ wiirisũnerã ããrĩrĩ wajamarĩkuri?” ¿ãrĩ gũñarĩ? ² Gũã judío masaka ããrĩmakũ ããgorãa. Marĩpũ gũare wãri ããrĩrẽ sídi ããrĩmĩ. Irasirĩgu gũare ãgũya kerere pípuroridi ããrĩmĩ, irire gajerãrẽ weredoregu. ³ Yũ irasũ ãrĩmakũ pérã: “Judío masaka surãyeri Marĩpũ ãgũsãrẽ: ‘Ãsũ irigũra’, ãrĩdeare bũremubirimakũ, irire iribirikumĩ” ¿ãrĩ gũñarĩ? ⁴ Neõ irasũ ãrĩ gũñabirikõãka! ããrĩpererã masaka ãrĩgatokerepũru, Marĩpũ gapũ neõ ãrĩgatobemi. ãgũya werenĩrĩ gojadea pũgue ãsũ ãrĩ gojasũdero ããrĩbũ:

Gũapũ, mũ werenĩrĩ merã masakare mũ diayema iririre masĩmakũ yãa. Mũ ãrĩderosũta keoro irimakũ, neõ sugu masakũ mũrẽ: “Diaye iribemi”, ãrĩmasĩbirikumĩ, ãrĩ gojasũdero ããrĩbũ.*

⁵ Gajerã irire pérã, ãsũ ãrĩmoãmabokuma: “Gũã ñerõ iriri merã Marĩpũ diaye iriri masakare masĩmakũ yãa. Gũã irasirikerepũru, Marĩpũ gũare wajamoãgũ, diaye iribemi”, ãrĩbokuma. ⁶ Neõ irasũ ããrĩbea. ãgũsã irasũ ãrĩrĩ keoro ããrĩmakũ, Marĩpũ neõ sugũnorẽ ãgũsã ñerõ irikerepũru, wajamoãbiribokumi.

⁷ Gajerã idere ãrĩmoãmabokuma: “Gũã ãrĩgatori merã Marĩpũ ãrĩgatobi ããrĩrĩrẽ masakare masĩmakũ yãa. Irasirirã ãgũrẽ: ‘Õãtarimi’, ãrĩ bũremuma. Gũã irasirikerepũru, Marĩpũ gũare wajamoãgũ, diaye iribemi”, ãrĩbokuma. ⁸ ãsũ ãrĩbokuma doja: “Gũã ñerĩ irimakũ, gajerã Marĩpũ ããgũ ããrĩrĩ gapũre masĩnemorãkuma”, ãrĩbokuma. Surãyeri gũare ñerõ gũñarĩ merã: “Pablosãde irasũta ãrĩ buema”, ãrĩ werenĩma. ãgũsã irasũ ãrĩrĩ waja Marĩpũ ãgũsãrẽ wajamoãgũ, diayeta irigũkumi.

Ããrĩpererã masaka waja oparã dita ããrĩma, ãrĩ gojadea

⁹ ¿Naãsũ ãrĩ gũñarĩ? ¿Marĩpũ ãrĩrõ marĩ judío masaka, gajerã nemorõ ããrã ããrĩrĩ? Neõ irasũ ããrĩbea. Marĩ ããrĩpererã judío masaka, judío masaka ããrĩmerãde ñerõ irirã ããrĩsãã, waja oparã dita ããrã. Irire yũ mũsãrẽ weresiabu.

¹⁰ Marĩpũya werenĩrĩ gojadea pũgue ãsũ ãrĩ gojasũdero ããrĩbũ:
Neõ sugũno ããgũ mámi. Neõ marĩgorakõãmi.

¹¹ Neõ Marĩpũyare pémasĩgũ mámi. Neõ sugũno ããgũrẽ masĩdũagu mámi.

¹² ããrĩpererã Marĩpũyare iritũyamerã, dedirimurã dita ããrĩma. Neõ sugũno ããrĩrẽ irigu mámi. Neõ marĩgorakõãmi.*

¹³ Masãgobe toyori gobe ãrĩwiurosũ ãgũsã ñerĩ werenĩrĩ ããrã. ãrĩgatorikuma. ããña disigue nima opagu irirosũ pũrĩrõ werenĩma.*

¹⁴ ñerĩ direta werenĩ, gajerãrẽ dojama. Bũro turirikuma.*

¹⁵ Masakare wẽjẽbéodũari direta opasũrima.

¹⁶ Noó ãgũsã waaró masakare poyanorẽ, ãgũsãrẽ ñerõ tarimakũ yãma.

¹⁷ Gajerãrẽ siuñajãrĩ merã ããrĩmakũ neõ iribema.*

¹⁸ Marĩpũre goepeyari merã bũremubema. Irasirirã ããgũrẽ gũibema, ãrĩ gojasũdero ããrĩbũ.*

¹⁹ Marĩ ire masã. ããrĩpererã Moisés doreri gũã judío masakare: “ãsũ irika!” ãrĩ pídeare iripeobirisãã: “Waja opabea”, ãrĩmasĩbema. Irasirirã ããrĩpererã judío masaka,

* 3:4 Sal 51.4 * 3:12 Sal 14.1-3; 53.1-3 * 3:13 Sal 5.9; 140.3 * 3:14 Sal 10.7 * 3:17 Is 59.7-8 * 3:18 Sal 36.1

judío masaka ããrĩmerãde waja opasĩã, Marĩpũ wajamoãsumurã dita ããrĩma. ²⁰ Neõ sugũ masakũ Moisés doredeare iripeomasĩbemi. Irasirigũ: “Marĩpũ yũre: ‘Õãgũ ããrĩmi’, ãrĩ ããgũkumi”, ãrĩmasĩbirikumi. Marĩpũ iri dorerire pídea merãta marĩrẽ: “Ñerã ããrã”, ãrĩ masĩmakũ yãmi.

Marĩ Jesucristore bũremurĩ merã tausũrãkoa, ãrĩ gojadea

²¹⁻²² Daporare Marĩpũ marĩrẽ ire masĩmakũ yãmi. Marĩ Jesucristore bũremumakũ, ãgũ Moisére doreri pídeare iripeobirikerepũ, marĩrẽ: “Õãrã, waja opamerã ããrĩma”, ãrĩ ããmi. Irasirigũ marĩ ããrĩpererãrẽ Jesucristore bũremurãrẽ sũrosũta ããmi. ãgũ irasũ ãrĩ ããburire Moisés, gajerã ãgũyare weredupuyurimasãde ãgũya kerere gojadea pũgue gojanerã ããrĩmã.

²³ Marĩ ããrĩpererã ñerĩ irirã dita ããrã. Irasirirã, Marĩpũ: “Yũ merã õãrõ ããrĩrãkoa”, ãrĩdeare marĩ basi neõ bokabirikoa. ²⁴ Marĩ irasũ ããrĩkerepũ, Marĩpũ marĩrẽ maĩgũ ãgũ magũ Jesucristore iriudi ããrĩmĩ, marĩ ñerĩ iridea wajare wajaribosadoregũ. Irasirigũ, marĩrẽ Jesucristore bũremurãrẽ: “Waja opamerã ããrĩma”, ãrĩ ããmi. ²⁵ Marĩpũ Jesucristore ããrĩpererã masakare ãgũsã ñerĩ iridea wajare wajaridoregũ, ãgũrẽ iriudi ããrĩmĩ. Irasirigũ, Jesucristo boagũ dí béodea merã ãgũrẽ bũremurãrẽ ãgũsã ñerĩ iridea wajare kãtidi ããrĩmĩ. Bopoñagũ ããrĩsĩã, iripoegue marãdere ãgũsã ãgũ: “Ãsũ irigũra”, ãrĩdeare bũremudea merã ãgũsã ñerõ iridea wajare kãtidi ããrĩmĩ. Irire irigũ, ãgũ diaye irigũ ããrĩrĩrẽ ãmudi ããrĩmĩ. ²⁶ Marĩpũ dapora marãdere Jesús marĩ ñerĩ iridea wajare wajaribosadea merã ãgũrẽ bũremurãrẽ: “Õãrã, waja opamerã ããrĩma”, ãrĩ ããmi. Irasirigũ marĩrẽ ãgũ diaye irigũ ããrĩrĩrẽ masĩmakũ yãmi.

²⁷ Irasirirã Marĩpũ ãũrõ marĩ basita: “Õãrã ããrã, ãgũ Moisére doreri pídeare iripeorã yãa”, ãrĩmasĩbea. Ãsũ gapũ ãrĩ masĩa. Marĩpũ, Jesúsre marĩ bũremumakũ, marĩrẽ: “Õãrã ããrĩma”, ãrĩ ããmi. ²⁸ Ire masĩa. Marĩpũ Moisére doreri pídeare marĩ irimakũ meta marĩrẽ: “Õãrã ããrĩma”, ãrĩ ããmi. Marĩ Jesúsre bũremumakũ, marĩrẽ: “Õãrã ããrĩma”, ãrĩ ããmi.

²⁹⁻³⁰ ¿Marĩpũ judío masaka direta Opũ ããrĩrĩ? Neõ irasũ ããrĩbemi. Judío masaka, judío masaka ããrĩmerãdere ãgũ sugũta ããrĩpererã Opũ ããrĩmi. Irasirigũ, ãgũsã Jesúsre bũremumakũ: “Õãrã, waja opamerã ããrĩma”, ãrĩ ããmi. ³¹ Irasirirã marĩ Jesúsre bũremurã, ¿Marĩpũ Moisére doreri pídeare béorã yãri? ããrĩbea. Marĩ ãgũrẽ bũremurã Marĩpũ dorerire nemorõ irinemowãgãrãkoa.

4

Pablo, Abraham Marĩpũre bũremudeare gojadea

¹ Irasirirã, ¿naásũ ããrĩrãkuri Abrahãrẽ, marĩ ñekũ ããrĩpũroridire? ¿Naásũ waayuri ãgũrẽ? ² Marĩpũ Abrahãrẽ: “Õãrõ irigũ ããrĩsĩã, õãgũ ããrĩmi”, ãrĩ ããbodi ããrĩkerepũ, Abraham ãgũ basi: “Marĩpũ ãũrõ õãrõ yãa”, neõ ããrĩmasĩbiriunadi ããrĩmĩ. ³ Marĩpũya werenĩrĩ gojadea pũgue ãsũ ãrĩ gojasũdero ããrĩbũ: “Abraham Marĩpũre bũremumakũ, Marĩpũ ãgũrẽ: ‘Õãgũ ããrĩmi’, ãrĩ ããdi ããrĩmĩ”, ãrĩ gojasũdero ããrĩbũ.

⁴ Ãsũ ããrã. Sugũ gajino moãdire wajarirã, irasũ sũkõãrã meta irikuma. ãgũ moãdea waja wajarirã irikuma. ⁵ Marĩpũ gapũ irasiribemi. Ñerãrẽ, ãgũsã õãrĩrẽ iribirikerepũ, ãgũrẽ bũremumakũ: “Waja opamerã ããrĩma”, ãrĩ ããmi. Irasirigũ, marĩ ãgũrẽ bũremumakũ: “Yũ ãũrõ õãrã ããrĩma”, ãrĩ ããmi. ⁶ Iripoeguemu Davide yũ ããrĩrõsũta gojadi ããrĩmĩ. Marĩpũ masaka iririre ããgũ: “Õãrã ããrĩma”, ãrĩ ããgũ meta ããrĩmi. ãgũrẽ bũremurã direta: “Õãrã ããrĩmã”, ãrĩ ããgũ ããrĩmi. Irasirirã ãgũ merã õãrõ usuyama. ⁷ Irire ãsũ ãrĩ gojadi ããrĩmĩ David:

Marĩpũ dorerire tarinũgãrãrẽ ãgũsã ñerõ iridea wajare ãgũ kãtimakũ, õãrõ usuyama.

⁸ Marĩpũ ĩgũsã ñerõ iridea wajare: “Neõ gũñabirikoa”, ãrĩmakũ, õãrõ usũyama, ãrĩ gojadi ããrĩmĩ David.*

⁹ Judío masaka ĩgũsãya dupũma gasirogãrẽ wiirisũnerã dita usũyabirikuma. Judío masaka ããrĩmerãde usũyarãkuma. Abrahãrẽ dupaturi gũñaka! ĩgũ Marĩpũre bũremumakũ, Marĩpũ ĩgũrẽ: “Õãgũ, waja opabi ããrĩmi”, ãrĩ ĩãdi ããrĩmĩ. ¹⁰ ĩNaásũ ããrĩmakũ, Marĩpũ Abrahãrẽ: “Õãgũ ããrĩmi”, ãrĩ ĩãyuri? ĩgũya dupũma gasirogãrẽ wiiridero pũru, ĩgũrẽ irasũ ãrĩ ĩãyuri? ããrĩbea. ĩgũ irire iriburi dupuyurogueta: “Õãgũ ããrĩmi”, ãrĩ ĩãsiadi ããrĩmĩ. ¹¹ Marĩpũ ĩgũrẽ: “Õãgũ ããrĩmi”, ãrĩ ĩãdero pũru, ĩgũrẽ irasũ wiiridoredi ããrĩmĩ, ĩgũyagu ããrĩrĩrẽ ĩmudoregu. Irasirigu dupuyurogue ĩgũrẽ: “Õãgũ ããrĩmi”, ãrĩ ĩãdeare diaye masĩmakũ iridi ããrĩmĩ. Sugũ Abraham bũremuderosũta Marĩpũre bũremumakũ, Marĩpũ ĩgũrẽ: “Õãgũ ããrĩmi”, ãrĩ ĩãmi. Irasirigu Abraham ããrĩpererã Marĩpũre bũremurã ñekũ ããrĩpũroridi ããrĩmĩ, ĩgũsãya dupũma gasirogãrẽ wiirisũbirikerepũru.

¹² ããrĩpererã ĩgũsãya dupũma gasirogãrẽ wiirisũnerã Marĩpũre bũremurã, diayeta Abraham parãmerã ããrĩma. Abraham irasũ wiirisũburi dupuyuro Marĩpũre bũremuderosũ ĩgũsãde bũremurã, diayeta Abraham parãmerã ããrĩma.

Marĩpũ, Abraham ĩgũrẽ bũremumakũ: “Ãsũ irigũra”, ãrĩdeare gojadea

¹³ Marĩpũ Abrahãrẽ: “I nikũrẽ murẽ, mu parãmerã ããrĩturiarãdere sĩgũra”, ãrĩdi ããrĩmĩ. ĩgũ doredeare irimakũ ĩãgũ meta irasũ ãrĩdi ããrĩmĩ. ĩgũrẽ bũremumakũ: “Õãgũ ããrĩmi”, ãrĩ ĩãdi ããrĩmĩ. Irasirigu ĩgũrẽ: “I nikũrẽ sĩgũra”, ãrĩdi ããrĩmĩ. ¹⁴ Marĩpũ ĩgũ doredeare irirã direta: “Sĩgũra”, ãrĩdeare sĩmakũ, marĩ ĩgũrẽ bũremurĩ wajamarĩbokuyo. Irasũ ããrĩmakũ, ĩgũ Abrahãrẽ: “Sĩgũra”, ãrĩdea ubu ããrĩrĩta ããrĩyuwarikũkõãbokuyo. ¹⁵ Marĩpũ Moisere doreri pĩdeare masĩkererã, irire tarinũgãrã, wajamoãsurãkuma. Iri doreri marĩmakũ, irire neõ tarinũgãrĩ marĩbokuyo.

¹⁶ Irasirigu Marĩpũ ĩgũrẽ bũremurã direta ĩgũ Abrahãrẽ ãrĩderosũta sĩgũkumi. ĩgũ doreri pĩdeare irirã direta: “Sĩgũra”, ãrĩbirikumi. Abraham Marĩpũre bũremuderosũ bũremurãno ĩgũ parãmerã ããrĩturiarã ããrĩma. Irasirigu Marĩpũ Abrahãrẽ ãrĩdeare ĩgũsãrẽ ããrĩpererãrẽ wajamarĩrõ sĩgũkumi. Abraham, marĩ ããrĩpererã Marĩpũre bũremurã ñekũ ããrĩdi ããrĩmĩ. ¹⁷ Marĩpũ ĩgũya werenĩrĩ gojadea pũgue Abrahãrẽ ãsũ ãrĩdi ããrĩmĩ: “Murẽ wãri buri marã ñekũ ããrĩbure pĩbu”, ãrĩdi ããrĩmĩ. Marĩpũ irasũ ãrĩmakũ pẽgu, Abraham ĩgũrẽ bũremudi ããrĩmĩ. Irasirigu Marĩpũre bũremugũ, ĩgũ ĩũrõ marĩ ñekũ ããrĩdi ããrĩmĩ. Marĩpũ boanerãrẽ masũgũ ããrĩmĩ. ĩgũ werenĩrĩ merã dupuyurogue marĩdeare ããrĩmakũ irimasĩmi.

¹⁸ Marĩpũ Abrahãrẽ: “Mu parãmerã ããrĩturiarã wãrã ããrĩrãkuma”, ãrĩripoere Abraham gapũ pũrã marĩdi ããrĩmĩ. Pũrã marĩkeregu: “Marĩpũ ĩgũ yare ãrĩderosũta irigũkumi”, ãrĩ bũremudi ããrĩmĩ. Irasirigu Abraham wãri buri marã ñekũ waadi ããrĩmĩ. ¹⁹ ĩgũ cien bojori opakeregu, ĩgũ marãpode búro ããrĩkerepũru, Marĩpũre bũremusĩã: “Neõ pũrãkũbirikoa”, ãrĩ gũñabiridi ããrĩmĩ. ãsũ gapũ ãrĩ gũñadi ããrĩmĩ: “Guare pẽrãguereta pũrãkũboadero tarikerepũru, Marĩpũ ĩgũ yare ãrĩderosũta irigũkumi. Yu irire masĩa”, ãrĩdi ããrĩmĩ. ²⁰ “Marĩpũ ãrĩderosũta irigũkumi”, ãrĩ bũremurĩrẽ neõ piribiridi ããrĩmĩ. Irasirigu gũñatura, Marĩpũre bũremunemodi ããrĩmĩ. “Marĩpũ turatarigu ããrĩmi”, ãrĩ, usũyari sĩdi ããrĩmĩ. ²¹ Irasirigu Abraham: “Marĩpũ yare ãrĩderosũta diayeta ĩgũ turari merã iriyuwarikũgũkumi. Yu irire õãrõ masĩa”, ãrĩ bũremudi ããrĩmĩ. ²² ĩgũ bũremumakũ, Marĩpũ ĩgũrẽ: “Õãgũ ããrĩmi”, ãrĩ ĩãdi ããrĩmĩ.

²³ Irire Marĩpũya werenĩrĩ gojadea pũguere gojasũdero ããrĩbũ. Iri Abrahãyama direta gojadea meta ããrĩdero ããrĩbũ. ²⁴⁻²⁵ Marĩpũ Abrahãrẽ: “Õãgũ ããrĩmi”, ãrĩ ĩãderosũta marĩdere: “Õãrã ããrĩma”, ãrĩ ĩãburire gojadea ããrĩdero ããrĩbũ. Irasirigu Marĩpũ, marĩ ĩgũrẽ

* 4:8 Sal 32.1-2

buremumakū, marĩdere: “Ōārā āārĩma”, ārĩ ĩāmi. Marĩ ñerĩ iridea waja Marĩpu Jesúre ĩgũrē wējẽmurāguere wiadi āārĩmĩ, marĩrē boabosaburo, ārĩgũ. Marĩ Opũ Jesús boadero puũ, Marĩpu marĩrē ōārā, waja opamerā āārĩmakū iribu, ĩgũrē masũdi āārĩmĩ.

5

Marĩpu ĩũrō waja opamerā āārā, ārĩ gojadea

¹ Marĩ Opũre Jesucristore marĩ buremumakū, Marĩpu marĩrē: “Ōārā, waja opamerā āārĩma”, ārĩ ĩāmi. Irasirigũ Marĩpu, Jesús marĩ ñerĩ iridea waja boabosadea merā marĩrē ĩgũ merā siuñajārĩ opamakū iridi āārĩmĩ. ² Marĩ Jesucristore buremurā, Marĩpu marĩrē maĩgũ merā ōārō āārā. Puũgue Marĩpu ĩgũ irirosũ marĩrē ōārā āārĩmakū irigũkumi. Irasirirā gũñaturari merā, ōārō usũyari merā ĩgũ ōārō iriburire yúa. ³ Gajire masĩa. Marĩ ñerō tarirā, Marĩpũre marĩrē iritamugũrē gũñaturanemorākoa. Irasirirā marĩ ñerō tarikererā, usũyamasĩa. ⁴ Marĩ ĩgũrē gũñaturari merā ñerō tarire bokatĩumakū, Marĩpu marĩrē: “Ōārō yāma”, ārĩgũkumi. Irasirirā, ĩgũ marĩrē ōārō iriburire gũñaturari merā yúa. ⁵ Marĩpu marĩrē Ōāgũ deyomarĩgũrē iriudi āārĩmĩ marĩ merā āārĩdoregũ. Irasirigũ Ōāgũ deyomarĩgũ merā marĩrē ĩgũ maĩrĩrē opatarimakū yāmi. Irasirirā: “Marĩpu marĩrē: ‘Ōārō iritamugũra’, ārĩdeare keoro irigũkumi”, ārĩ masĩa.

⁶ Marĩ basi peamegue waaburire tarimasĩbirimakū, Marĩpu marĩrē tauripoe ejamakū, Cristo marĩ ñerārē boabosadi āārĩmĩ. ⁷ Marĩ gapũ sugũ boaboadeare boabosabirikoa, ĩgũ diayemarē irigũ āārĩkerepuũ. Gajipoe irirā sugũ ōāgũ gapũre boabosabokoa. ⁸ Marĩpu gapũ marĩ ñerā āārĩkerepuũ ĩgũ marĩrē buro maĩrĩrē masĩmakū iribu, Cristore iriudi āārĩmĩ. Irasirigũ Cristo marĩya āārĩburire boabosadi āārĩmĩ. ⁹ Cristo boagũ ĩgũya dí béodea merā Marĩpu marĩrē waja opamerā āārĩmakū iridi āārĩmĩ. ĩgũ irasiridero nemorō ĩgũ āārĩpererā ñerārē wajamoārĩnu ejamakū, Cristo merāta marĩrē taugũkumi. ¹⁰ Marĩ Marĩpũre gāāmemerā āārĩkerepuũ, ĩgũ magũ marĩrē boabosadea merā ĩgũ merā siuñajārĩ opamakū iridi āārĩmĩ. ĩgũ irasiridero nemorō Cristo marĩrē boabosa, dupaturi okadea merā marĩrē ĩgũ merā siuñajārĩ oparārē taugũkumi. ¹¹ I gaji āārĩnemoa. Marĩpu, marĩ Opũ Jesucristo merā marĩrē ĩgũ merā siuñajāmakū irideare gũñarā, ĩgũ merā buro usũyāa.

Adán, irasũ āārĩmakū Cristo iridea

¹² Āsũ āārā. Neōgoraguere Adán ñerĩ iripũroridi āārĩmĩ. ĩgũ ñerĩ iridea waja boadi āārĩmĩ. ĩgũ sugũya waja merāta āārĩpererā ĩgũ parāmerā āārĩturiarāde ñerĩ iri, boamurā dita āārĩma. ¹³ Marĩpu Moisére ĩgũ doreri pĩburi dupuyurogueta masaka ñerĩ irisianerā āārĩmā. ĩgũsā ñerĩ irikerepuũ iri doreri marĩmakū, Marĩpu ĩgũsārē: “Iri dorerire tarinũgārĩ waja, waja opama”, ārĩbiridi āārĩmĩ dapa. ¹⁴ Irasũ āārĩkerepuũ, Adán parāmerā āārĩturiarā Moisés āārĩdeapoegue āārĩnerāde boanerā āārĩmā. ĩgũsā Marĩpu doredeare Adán tarinũgāderosũ iribirikererā, ĩgũsā ñerĩ iridea waja boanerā āārĩmā. Adán i ũmũrē āārĩpũrorigũ, Marĩpu doredeare tarinũgāpũroridi āārĩmĩ. Jesucristo gapũ i ũmũguere aarigũ, Marĩpu dorerire tarinũgābiripũroridi āārĩmĩ.

¹⁵ Marĩ Adán tarinũgādeare, Marĩpu marĩrē maĩgũ ōārō irideare masĩa. Adán sugũya waja merāta masaka āārĩpererā boamurā dita āārĩma. Marĩpu gapũ marĩrē maĩgũ, marĩrē taubure Jesucristore iriudi āārĩmĩ. Irasirigũ Jesucristo sugũ āārĩkeregũ, āārĩpererāya āārĩburire wajamarĩrō boabosadi āārĩmĩ. Irasirigũ Marĩpu Jesucristo merā marĩrē wáro ōārĩ iridi āārĩmĩ. ¹⁶ Adán Marĩpu doredeare suñarō tarinũgāde waja merāta āārĩpererā masaka waja opama. Marĩ wári ñerĩ irikerepuũ, Marĩpu marĩrē maĩgũ, wajamarĩrō Jesucristore iriudi āārĩmĩ, marĩ ñerō iridea wajare taudoregũ. Irasirigũ Jesús merā marĩrē waja opamerā āārĩmakū iridi āārĩmĩ. ¹⁷ Adán sugũ Marĩpu doredeare tarinũgāde waja merāta marĩ āārĩpererā boamurā dita āārā. Marĩpu gapũ marĩrē buro maĩgũ Jesucristore iriudi āārĩmĩ, marĩrē boabosadoregũ. Irasirigũ Jesucristo sugũ marĩrē

wajamarĩrõ boabosadea merã Marĩpũ marĩrẽ: “Õãrã, waja opamerã ããrĩma”, ãrĩ ããmi. Ìgũ irasiridero nemorõ Jesucristo merã Ìgũ irasũ ãrĩ ããrãrẽ maama okari opamakũ irigũkumi, Ìgũ turari merã Ìgũyare iriburo, ãrĩgũ.

¹⁸ Adán, Marĩpũ doredeare tarinũgãdea waja merãta masaka ããrĩpererã ñerĩrẽ iriwek-abejama. Irasirirã Marĩpũ wajamoãsumurã dita ããrĩma. Jesucristo diayema irigũ marĩ ñerĩ iridea waja boabosadea merã gapũ Marĩpũ marĩrẽ: “Õãrã, waja opamerã ããrĩma”, ãrĩ ããmi, Ìgũ merã ããrĩnikõãburo, ãrĩgũ. ¹⁹ Æsũ ããrã. Adán, Marĩpũ doredeare tarinũgãdea waja merãta masaka ããrĩpererã ñerĩrẽ irirã dita ããrĩma. Jesucristo Marĩpũ dorerire iridea merã ããrĩpererã Ìgũrẽ buremurãnorẽ waja opamerã ããrĩmakũ iridi ããrĩmĩ. Irasirigũ Marĩpũ Ìgũsãrẽ: “Õãrã ããrĩma”, ãrĩ ããmi.

²⁰ Marĩpũ Ìgũ dorerire pídi ããrĩmĩ, marĩrẽ iri dorerire tarinũgãrĩrẽ masĩnemomakũ iribu. Wári ñerĩ marĩ irikererũ, Marĩpũ gapũ marĩrẽ bure maĩgũ, marĩ ñerĩ iriro nemorõ Jesucristo merã marĩrẽ õãtariro iridi ããrĩmĩ. ²¹ Marĩ ããrĩpererã ñerĩ iridea waja boamurã dita ããrĩunanerã ããrĩbũ. Irasũ ããrĩkererũ, Marĩpũ marĩrẽ maĩgũ, bopoñarĩ merã ããsĩã, marĩ Opũ Jesucristo boabosadea merã marĩrẽ waja opamerã ããrĩmakũ iridi ããrĩmĩ, Ìgũ pũro perebiri okarire opadoregũ.

6

Cristo merã õãrõ ããrĩrã, waja opamerã ããrĩrĩmarẽ gojadea

¹ Marĩpũ marĩrẽ bopoñamakũ ããrã, ¿naãsũ ããrĩrãkuri? Marĩrẽ Ìgũ bopoñanemomakũ ããduarã, ¿ñerĩrẽ irinemorãkuri? ² Irasũ neõ ããrĩbea. Marĩ Jesucristo marĩrẽ boabosadi merã boanerã irirosũ ããrã. Irasirirã, boanerã ñerĩrẽ neõ irinemomasĩmerã irirosũ ñerĩrẽ irinemobirikõãrõ gããmea. ³ Mũsã ire masĩa. Marĩ deko merã wãiyesũrã, marĩ Jesucristoyarã ããrĩrĩrẽ Ìmubu. Marĩ Ìgũyarã ããrĩsĩã, Ìgũ boamakũ, marĩde Ìgũ merã boanerã irirosũ waanerã ããrĩbũ. ⁴ Marĩ wãiyesũrã, Ìgũ boadero pũrũ yãasũmakũ, marĩde Ìgũ merã yãasũnerã irirosũ waanerã ããrĩbũ. Marĩpũ ãmũgasigue ããrĩgũ Ìgũ turari merã Ìgũrẽ masãgũ, marĩdere Ìgũ merã masãnerã irirosũ ããrĩmakũ iridi ããrĩmĩ, Ìgũ merã maama okarire opaburo, ãrĩgũ.

⁵ Marĩ Cristoyarã ããrĩsĩã, Ìgũ boaderosũta marĩde Ìgũ merã boanerã irirosũ waanerã ããrĩbũ. Irasirirã, Ìgũ boadigue masãderosũta marĩde masãrãkoa. ⁶ Æsũ masĩa. Cristo curusague boamakũ, marĩ ñerĩ direta iririkũnerã Ìgũ merã curusague boanerã irirosũ waanerã ããrĩbũ. Irasiriro marĩ ñerĩrẽ ãaribejari, marĩrẽ tarinũgãmasĩbirikoa pama. ⁷ Masaka boadero pũrũ, Ìgũsã ñerĩ iririkũrere neõ irinemobirikuma.

⁸ Marĩ Cristo merã boanerã irirosũ ããrĩrã: “Ìgũ merã õãrõ ããrĩnikõãrãkoa”, ãrĩ buremua. ⁹ Idere õãrõ masĩa. Cristo boadero pũrũ, Marĩpũ Ìgũrẽ masũ, dupaturi okamakũ iridi ããrĩmĩ. Irasirigũ Cristo dupaturi neõ boabirikumi pama. Boari neõ dupaturi Ìgũrẽ tarinũgãmasĩbirikoa. ¹⁰ Ìgũ suñarõta boari merã marĩ ñerĩ iridea wajare boa, wajaripeokõãdi ããrĩmĩ. Ìgũ boadero pũrũ, Marĩpũ Ìgũrẽ masũ, dupaturi okamakũ iridi ããrĩmĩ. Ìgũrẽ masũ, dupaturi okamakũ iridero pũrũ, Marĩpũ gããmerõsũta irigũ Marĩpũ merã õãrõ ããrĩnikõãmi. ¹¹ Irasirirã mũsã ãsũ ãrĩ gũñaka! “Gũna Opũ Jesucristo merã gũna boanerã irirosũ ããrĩsĩã, gũna ñerĩrẽ iriunaderosũ irinemobirikoa”, ãrĩ gũñaka! “Irasirirã Ìgũyarã ããrĩsĩã, Marĩpũ gããmerõsũta iri, Ìgũ merã õãrõ ããrĩnikõãrã!” ãrĩ gũñaka!

¹² Irasirirã mũsãya dupũ boaburi dupũ merã ñerĩrẽ neõ irinemobirikõãka, mũsã ñerĩrẽ ãaribejari mũsãrẽ tarinũgãbirikõãburo, ããrĩrã! ¹³ Mũsãya mojõrĩ, mũsã gũñarĩ, ããrĩpereri mũsãya dupũgue ããrĩrĩ merã ñerĩrẽ iribirikõãka! Mũsã Cristo merã boanerã dupaturi okarã irirosũ ããrã. Irasirirã ãsũ gapũ irika! Æãrĩpereri mũsãya dupũgue ããrĩrĩrẽ Marĩpũre wiaka, Ìgũ gããmerõsũta õãrĩ direta irimurã! ¹⁴ Marĩ irire irasirimakũ, marĩ ñerĩ iridũari marĩrẽ tarinũgãmasĩbirikoa. Marĩpũ marĩrẽ: “Yũ Moisére doreri pídeare iribirimakũ,

musārē béogura”, āriḅemi. Āsū gapu marĩrē yámi. Īgū marĩrē maĩgū āārĩsĩā, marĩrē iritamumi, Īgū doredeare iriburo, āriḅgū.

Marĩ, Cristore moāboerā āārĩrĩmarē gojadea

¹⁵ Marĩpu marĩrē maĩmakū ĩārā: “Marĩ, Marĩpu doreri pídea merā āārĩbea. Irasirirā ñerĩrē irirā!” ĵārĩrĩ? Irire neō āarĩbirikōārā! ¹⁶ Musā ire oārō masĩa. Marĩ sugu dorerire irirā, ĩgūyarā ĩgūrē moāboerā āārĩrākoa. Īgū marĩ opu āārĩgukumi. Iri irirosūta marĩ ñerĩ iriduarĩ, marĩ opu, marĩrē doregu irirosū āārĩrokoa. Irasirirā marĩ ñerĩ iririre pirimerā, Marĩpu merā perebiri okari bokabirikoa. Īgū doreri gapure irirā ĩgūrē moāboerā diayemarē irinĩrākoa. ¹⁷⁻¹⁸ Iripoegue ñerĩ iridoreguyarā ĩgūrē moāboerā irirosū musā ñerĩ iriduarire irinerā āārĩbú. Marĩpu musārē ĩgūya buerire pémasĩmakū iridero puru, ĩgū doreri gapure musā oārō iritayáa. Irasirirā ñerĩ iridoreguyarā ĩgūrē moāboerā irirosū neō āārĩbea pama. Īgūrē wirinerā irirosū āārĩrā, Marĩpure moāboerā ñajānerā āārā, diayema gapure irimurā. Irasirirā irire gūñarā: “Mu guare irasiridea oātaria”, ārĩ, usuyari sĩka ĩgūrē! ¹⁹ Yu ire musārē pémasĩmakū gāāmegū, masaka ĩgūsā gūñarĩ merā wererosū werea. Iripoegue āārĩpereri musāya dupugue āārĩrĩ merā ũmarĩku ñerĩ direta irinikōānerā āārĩbú. Daporare āārĩpereri musāya dupugue āārĩrĩrē Marĩpure wiaka, ĩgūrē moāboerā diayema direta irimurā! Irasirirā ĩgū gāāmerĩ direta iririkurākoa.

²⁰ Iripoegue musā ñerĩ iriduarĩ direta irirā, Marĩpure moāboerā ĩgū gāāmerĩ direta iriro gāāmekoa, āarĩbirinerā āārĩbú. ²¹ Musā ñerĩrē irasirirā, ĵñeéno oārĩrē bokari? Dapora musā ñerĩ iriunadeare gūñarā, buro guyasĩrĩa. Iri ñerĩrē musā iridea waja perebiri peamegue waabokuyo. ²² Iripoegue marĩ ñerĩ direta iridoregure moāboerā irirosū āārĩunanerā āārĩbú. Daporare Marĩpu marĩrē wiudero puru, ĩgūrē moāboerā āārā. Irasirirā ĩgū gāāmerĩrē iriwāgārā, ĩgū puro perebiri okarire opamurā āārā. ²³ Ñerĩ irirāno, ĩgūsā ñerĩ iriri waja, perebiri peamegue waarĩre wajatarākuma. Marĩpu, marĩ Opu Jesucristore buremurā gapure wajamarĩrō ĩgū puro perebiri okari opaburire sīgukumi.

7

Mojōsiarima keori merā weredea

¹ Yaarā, musā Marĩpu Moisére doreri pídeare oārō masĩa. Sugu masakū ĩgū okarinurĩ direta iri dorerire irimasĩmi. ² Marĩpu doreri pídea āsū ārā. Sugo nomeō igo mojōsiadero puru, igo marāpu okaripoere igo ĩgū merā āārĩnĩkōākumo. Īgū boamakū, igo marāpu dagu merā āārĩdea perekoa. Gajigu merā mojōsiamasĩkumo doja. ³ Igo marāpu okakerepuru gajigu merā marāpukugo, ĩgū merā ñerō irigo Marĩpu dorerire tarinugāgō irikumo. Igo marāpu boadero purugue dita gajigu merā marāpukumasĩkumo. Irasirigo ĩgū merā ñerō irigo meta irikumo. Marĩpu dorerire tarinugābirikumo.

⁴ Yaarā, musāde āsūta āārā. Iripoegue Marĩpu Moisére doreri pídea merā āārĩnerā āārĩbú. Jesucristo boamakū, ĩgū merā boanerā irirosū āārĩsĩā, daporare iri doreri pídea merā āārĩbea. Jesucristo boa, masārĩ merā Marĩpu marĩrē ĩgūyarā āārĩmakū iridi āārĩmĩ, ĩgū gāāmerĩrē iriburo, āriḅgū. ⁵ Iripoeguere marĩ ñerĩrē uaribejari direta iriunanerā āārĩbú. Marĩpu Moisére doreri pídeare masĩdero puru, iri dorerire tarinugā, āārĩpereri marĩya dupuma merā ñerĩrē uaribejanemonerā āārĩbú. Irasirirā perebiri peamegue waamurā dita āārĩnerā āārĩbú. ⁶ Daporare pama marĩ Cristo merā boanerā irirosū āārĩsĩā, Marĩpu Moisére doreri pídea merā āārĩbea. Irire tariwerenerāgue āārā. Irasirigu Marĩpu, Ōāgū deyomarĩgū merā marĩrē maama okarire opamakū yámi, ĩgū gāāmerĩrē iridoregu.

Marĩrē ñerĩ irimakū iriri marĩquere āārĩrĩmarē weredea

⁷ Irasirirā, Marĩpu Moisére doreri pídeare: “Ñegorāa”, ĵārĩrākuri? Neō irasū āarĩbirikōārā! Irita yu ñerĩ iririkurire masĩmakū iribu. Iri doreri pídea āsū ārā. “Gajerāyare

buro ɥaribejabirikõaka!” Irasirigu, iri doreri marĩmakũ, yu gajerãyare ɥaribejarire masĩbiribokuyo. ⁸ Iri doreri: “Ãsũ iribirikõaka!” ãrĩdeare masĩdero puru, iri yure ããrĩpereri ñerĩrẽ ɥaribejamakũ iribu. Iri doreri marĩmakũ: “Irire tarinugãgũ irikoa”, ãrĩmasĩbiribokuyo. ⁹ Yu iri dorerire masĩburi dupuyuro: “Yu, Marĩpu merã õãrõ ããrĩkõãgũ irikoa”, ãrĩ gũñadibu. Iri dorerire masĩdero puru, irire tarinugãgũ: “Ñerõ irigu irikoa, Marĩpu merã õãrõ ããrĩbirikoa”, ãrĩ masĩbu pama. ¹⁰ Marĩ iri dorerire irirã, Marĩpu merã õãrõ ããrĩkõãbokoa. Yu gapu irire iripeomasĩbirisĩã, ñerĩ iridea waja, waja opagu, perebiri peamegue waabodi dujabu. ¹¹ “Marĩpu dorerire irigu, ãgũ merã õãrõ ããrĩkõãgũ irikoa”, ãrĩ gũñakererupu, yu ñerĩ ɥaribejari, yure Marĩpu dorerire tarinugãmakũ iribu. Irasirigu iri dorerire tarinugãsiã, ñerĩ iridea waja, waja opagu peamegue waabodi dujabu.

¹² Irasũ ããrĩkererupu, Marĩpu Moisére doreri pídea õãrĩ ããrã. Diayema doreri ããrã. Marĩpu irire pídi ããrĩmĩ marĩrẽ iritamubu. ¹³ Iro tamerãrẽ Marĩpu doreri õãrĩ ããrĩkerero, ¿marĩrẽ peamegue waabonerã dujamakũ irikuri? Neõ irasũ ããrĩbirikoa. Marĩ ñerĩ iriri gapu marĩrẽ peamegue waabonerã dujamakũ iribu. Irasiro Marĩpu ãgũ õãrĩ doreri pídea merã marĩ ñerõ iririre: “Ñegorãã”, ãrĩ masĩsũa.

¹⁴ Ire masĩã marĩ. Marĩpu ãgũ dorerire Õãgũ deyomarĩgũ merã Moisére pídi ããrĩmĩ. Irasiro õãrĩ dita ããrã. Marĩ gapu marĩ ñerĩrẽ ɥaribejari merã ñerĩ iridoregure duasũnerã irirosũ ããrã. Irasirirã ñerĩrẽ iririkurã ããrã. ¹⁵ Õãrĩrẽ iridũakererã, iribea. Ñerĩrẽ iridũabirikererã, irinĩkõãa. Marĩ irasiririre pémasĩbea. ¹⁶ “Ñerĩrẽ iridũabirikoa”, ãrĩkererã, irikõãa. Irasirikererã: “Ñerĩrẽ iridũabirikoa”, ãrĩrã, Marĩpu dorerire: “Õãrĩ ããrã”, ãrĩ masĩã. ¹⁷ “Marĩ ñerĩrẽ dupaturi iribea pama”, ãrĩkererã, ñerĩrẽ irirã, marĩ basi meta irire yãa. Marĩguere ñerĩ ããrĩrĩ gapu marĩrẽ irire irimakũ yãa. ¹⁸ Marĩ ñerĩrẽ ɥaribejari merã ñerĩ direta irirã yãa. Irasirirã: “Marĩguere õãrĩ mãã”, ãrĩ masĩã. Marĩ õãrĩrẽ iridũakererã, bokatĩũbea. ¹⁹ Marĩ õãrĩ iridũakererã, iribea. Ñerĩ iridũabirikererã, iri gapure yãa. ²⁰ Irasirirã marĩ basi: “Ñerĩrẽ dupaturi iribirikoa”, ãrĩkererã, irikõãa doja. Marĩguere ñerĩ ããrĩrĩ gapu marĩrẽ irire irimakũ yãa.

²¹ Irasiro ãsũ waãã marĩrẽ. Õãrĩrẽ marĩ iridũakererupu, marĩguere ñerĩ ããrĩrĩ marĩrẽ ñerĩ direta irimakũ yãa. ²² Marĩ basi marĩ gũñarĩgue: “Marĩpu dorerire iridũakoa”, ãrĩ gũñãã. ²³ Iri dorerire iridũakererupu, marĩ ñerĩ iridũari gapu marĩ gũñarĩgue õãrĩ iridũarire tarinugãã. Irasirirã marĩ basi iri ñerĩ iridũarire tarinugããmasĩbea.

²⁴ Marĩ basi ñerĩ iridũarire tarinugããmasĩmerã, buro bujawereri merã: “¿Noã marĩrẽ ñerĩ iridea wajare taugukuri, Marĩpu merã õãrõ ããrĩburo, ãrĩgũ?” ãrĩ gũñãã. ²⁵ Marĩpu dita Jesucristo marĩ Opu merã marĩrẽ taumasĩmi. Irasirirã Marĩpure: “Õãtaria mu”, ãrĩ, ɥsuyari siã. Irasirirã marĩ gũñarĩgue: “Marĩpu dorerire iridũakoa”, ãrĩ gũñãã. “Gua Opu ããrã mu”, ãrã ãgũrẽ. Marĩ irasũ ãrĩkererupu, marĩ ñerĩrẽ ɥaribejari, marĩrẽ ñerĩrẽ iridoregu irirosũ ããrĩkõãã dapa.

8

Õãgũ deyomarĩgũ iritamurĩ merã õãrõ ããrĩrĩmarẽ gojadea

¹ Dapora Marĩpu marĩrẽ Jesucristoyarãrẽ ñerĩrẽ ɥaribejarire piri, Õãgũ deyomarĩgũ dorerosũ irirãrẽ: “Wajamoãgura”, ãrĩrĩno neõ mãã. ² Õãgũ deyomarĩgũ, marĩ Jesucristoyarã ãgũ dorerosũ irimakũ, marĩ ñerĩ iririkurire pirimakũ yãmi. Irasirigu marĩrẽ, perebiri peamegue waabonerãrẽ Marĩpu merã õãrõ ããrĩmakũ yãmi. ³ Marĩ ñerĩ iriri direta ɥaribejasiã, Marĩpu Moisére doreri pídeare neõ iripeomasĩbirinerã ããrĩbũ. Irasirigu Marĩpu gapu ãgũ magũrẽ iriudi ããrĩmĩ, marĩ ñerĩ iridea wajare boa, wajaribosadoregu. ãgũ ñerĩrẽ iribirikeregu, marĩ ñerĩ iridea waja, waja oparã irirosũ dupukugu, marĩrẽ boabosadi ããrĩmĩ, marĩ ñerĩ iridea waja oparire wajarigu. ⁴ Marĩpu, marĩrẽ ãgũ dorerire

iriburo, ãrĩgũ, irasiridi ããrĩmĩ. Irasirirã marĩ ñerĩ iririre ùaribejabea. Õãgũ deyomarĩgũ dorerosũ irirã yáa.

⁵ Ñerĩ iririre ùaribejarã, iri direta gũña, iridũama. Õãgũ deyomarĩgũ dorerosũ irirã gapũ, ĩgũ gããmerĩ direta gũña, iridũama. ⁶ Ñerĩ direta gũña, iridũarã, perebiri peamegue waarākuma. Õãgũ deyomarĩgũ gããmerĩ direta gũña, iridũarã gapũ Marĩpũ merã perebiri okari oparākuma. Irasirirã siuñajãrĩ merã ããrĩrākuma. ⁷ Ñerĩ direta gũña, iridũarã, Marĩpure ĩaturirã ããrĩma. ĩgũ dorerire iridũabiri, irire neõ irimasĩbema. ⁸ Irasirirã ñerĩ iriri direta ùaribejarã, Marĩpure ùsũyamakũ irimasĩbema.

⁹ Musã gapũ ñerĩ iriri direta ùaribejabea. Õãgũ deyomarĩgũ musãguere ããrĩmi. Irasirirã ĩgũ turari merã ĩgũ dorerosũ yáa. Õãgũ deyomarĩgũrẽ opamerã gapũ, Cristoyarã ããrĩbema. ¹⁰ Marĩ ñerõ iridea waja marĩya dupũ boaburi dupũ ããrĩkererũ, Cristo marĩguere ããrĩmakũ, Marĩpũ marĩrẽ: “Õãrã, waja opamerã ããrĩma”, ãrĩ ĩãmi. Irasiriro marĩya dupũ boakererũ, marĩya yũjũpũrã ùmũgasigue okanĩkõãrokoa. ¹¹ Marĩpũ, Õãgũ deyomarĩgũ merã Jesucristore boadiguere masũ, dupaturi okamakũ iridi ããrĩmĩ. Õãgũ deyomarĩgũ marĩguere ããrĩmakũ, Marĩpũ Jesucristore masũdita marĩya dupũ boadero pũũ, marĩdere masũ, maama okari opamakũ irigũkumi.

¹² Yaarã: “Marĩpũ marĩrẽ irasũta irigũkumi”, ãrĩ masĩrã, ñerĩ iririre ùaribejabirikõãrã! ¹³ Ñerĩ iriri direta ùaribejarã, perebiri peamegue waarãkoa. Õãgũ deyomarĩgũ turari merã marĩ ñerĩrẽ ùaribejarire pirirã, Marĩpũ merã perebiri okarire oparãkoa.

¹⁴ Õãgũ deyomarĩgũ dorerosũ irirãno, Marĩpũ pũrã ããrĩma. ¹⁵ Marĩpũ marĩrẽ Õãgũ deyomarĩgũrẽ iriudi ããrĩmĩ. ĩgũ marĩrẽ Marĩpũ pũrã ããrĩmakũ yãmi. ĩgũ merã Marĩpũ marĩrẽ wajamoãburire gũiderosũ dupaturi gũibe. Irasirirã ĩgũ iritamurĩ merã gũiro marĩrõ Marĩpure: “Yũpũ”, ãrĩ masĩa. ¹⁶ Õãgũ deyomarĩgũ marĩ gũñarĩgue marĩrẽ: “Diayeta Marĩpũ pũrã ããrã”, ãrĩ masĩmakũ yãmi. ¹⁷ Irasirirã marĩ ĩgũ pũrã ããrĩsĩa: “Ããrĩpererire yũ pũrãrẽ sĩgũra”, ãrĩdeare Cristo merã irire oparãkoa. Marĩ Cristoyarã ããrĩsĩa, ĩgũ i ùmũgue ñerõ tariderosũ marĩde ñerõ tarikererã, pũrugue ùmũgasigue ĩgũ ããrĩrõsũta ĩgũ merã õãrõ ããrĩrãkoa.

¹⁸ Dapora marĩ i ùmũgue ñerõ tarikererã, pũrugue ùmũgasigue Marĩpũ marĩrẽ õãrĩ sĩburire gũñarã: “Bũro ñerõ taribe”, ãrĩ masĩa. ¹⁹ Sunũ Marĩpũ marĩrẽ: “Īisã yũ pũrã ããrĩma”, ãrĩ, õãrĩrẽ sĩgũkumi. ĩgũ marĩrẽ sĩburire ããrĩpereri ĩgũ i ùmũma iridea, masaka gajinorẽ bũro ĩãũarã irirosũ yũro yáa.

²⁰ Iripoegue Adán ñerĩrẽ iripũroridea waja i ùmũma poyakõãdero ããrĩbũ. Iri gããmerõ poyabiridero ããrĩbũ. Marĩpũ dorederosũ poyadero ããrĩbũ. Irasirikeregũ, pũrugue õãrĩ gorawayugũkumi. ²¹ Irasirigũ Marĩpũ, i ùmũma boapereburi ããrĩkererũ, marĩrẽ ĩgũ pũrãrẽ õãrã gorawayurosũ, i ùmũma ããrĩpererire õãrĩ dita gorawayugũkumi doja. ²² Ire marĩ masĩa. Adán ñerĩrẽ iripũroridero pũũ, daporaguedere ããrĩpereri i ùmũma Marĩpũ iridea, nomeõ majĩgũ nijĩwãgũgõ pũrĩsũrõsũ ããrã. ²³ I ĩgũ iridea irirosũta marĩde poyari merã ããrã. Marĩ ĩgũyarã ããrĩnũgãmakũ, Õãgũ deyomarĩgũrẽ marĩrẽ sĩdi ããrĩmĩ. Daporare bũro ñerõ tarikererã, pũrugue ĩgũ marĩrẽ: “Yũ pũrã ããrĩma”, ãrĩ, boabiri dupũre maama dupũre sĩburire ùsũyari merã yũa. ²⁴ “Marĩpũ marĩrẽ: ‘Taugũra’, ãrĩderosũta taugũkumi”, ãrĩ yũmasĩa. ĩgũ marĩrẽ taudero pũũ, marĩ irire yũderosũ neõ yũnemobirikoa. ²⁵ Marĩ gajinorẽ ĩãbirikererã gũnaturari merã: “Īãrãkoa”, ãrĩ yũrosũ, Marĩpũ pũrugue ĩgũ marĩrẽ tauburire gũnaturari merã yũro gããmea.

²⁶ Marĩ Marĩpure: “¿Naásũ sērẽrõ gããmerĩ?” ãrĩ masĩbirimakũ, Õãgũ deyomarĩgũ marĩrẽ iritamumi. Irasirigũ, marĩ Marĩpure keoro sērẽmasĩbirimakũ, Õãgũ deyomarĩgũ marĩya ããrĩburire Marĩpure õãrõ sērẽbosami. Masaka werenĩrõsũ sērẽbemi. Marĩrẽ bũro bopoñarĩ merã, õãrõ masĩrĩ merã sērẽbosami. ²⁷ Marĩpũ gããmerõsũta Õãgũ deyomarĩgũ marĩ

Īgūyarā āārīburire sērēbosami. Irasirigū Marīpū, āārīpereri marī gūñarīrē masīpeogu, Ōāgū deyomarīgū marīrē sērēbosaridere ōārō masīmi.

Jesucristo turari merā ñerīrē tarinūgāmasīa, ārī gojadea

²⁸ Idere marī masīa. Marīpū Īgū gāāmederosūta marīrē beyedi āārīmī. Irasirigū āārīpereri marīrē Īgūrē maīrārē waaburire āmumi ōārī direta iribu. ²⁹ Neōgoragueta Marīpū marīrē Īgūyarā āārīmurārē masīsiadi āārīmī. Marī neō deyoaburo dupuyurogueta beyesiadi āārīmī, marīrē Īgū magū irirosū āārīburo, ārīgū. Irasirigū Īgū magū marī tīgū āārīmī. Marī Īgū pagupūrā wārā āārā. ³⁰ Neōgoragueta Marīpū Īgūyarā āārīmurārē: “Yū pūrā āārīma”, ārī beyesiadi āārīmī. Irasirigū marīrē Īgū beyenerārē Jesúre bñremunūgādogegū siiu: “Ōārā, waja opamerā āārīma”, ārī ĩāmi. Īgū marīrē irasū ārī ĩārārē ūmūgasigue Īgū āārīrōsūta Īgū merā ōārō āārīmakū irigūkumi.

³¹ Marī irire masīrā, ĩnaásū ārīrī? Āsū ārā. Marīpū marīrē iritamumakū, gajerā marīrē ĩaturikererā, neō poyanorēmasībema. ³² Marīpū marī ñerī iridea waja boabosabure Īgū magū Jesucristore iriudi āārīmī. “Yū magūrē maīsīā, iriubea”, ārībiridi āārīmī. Irasirigū Īgū magūrē iriudi āārīsīā, āārīpereri marīya āārīburire ōārī direta sīgūkumi. ³³ Marīpū marīrē Īgū beyenerārē: “Ōārā, waja opamerā āārīma”, ārī ĩāmakū, gajerā marīrē: “Ñerā āārīma”, neō ārī weresāmasībema.

³⁴ Cristo marī ñerī iridea wajare boabosa, masā, ūmūgasigue mūrīadi āārīmī. Irasirigū Marīpū diaye gapū doami. Marīya āārīburire sērēbosanīkōāmi. Irasirirā gajerā Marīpūre marīrē: “Īīsā ñerī iridea waja Īgūsārē wajamoāka!” neō ārīmasībema. ³⁵ Cristo marīrē bñro maīmakū, gajerā Īgūrē: “Neō maīnemobirikōāka Īgūsārē!” ārīmasībirikuma. Marī ñerō tarikererū, marī diasaro péñakererū, gajerā marīrē ñerō irikererū, marī ūaboakererū, surī marīrā āārīkererū, goero marīrē āārīkererū, gajerā marīrē wējēkererū, Cristo marīrē maīgū marī merā āārīnīkōāmi. Īgū marīrē maīrīrē neō piribirikumi. ³⁶ Marīpūya werenīrī gojadea pūgue marī waaburire āsū ārī gojasūdero āārībú:

Gūa mūyarā āārīrī waja gajerā gūare ūmūrikū wējēdūanīkōāma. Ovejare wējēmurā wējērōgue āārā irirosū gūare yāma, ārī gojasūdero āārībú.*

³⁷ Marī gapū ñerō tarikererā, Cristo marīrē maīgū iritamurī merā, marī āārīpereri ñerīrē tarinūgāa. Irasirirā Īgū merāta gūñaturanemoa. ³⁸ Irasirigū ire ōārō masīa. Marīpū marīrē bñro maīmi. Marī Opūre Jesucristore iriugū, Īgū marīrē maīrīrē masīmakū iridi āārīmī. Marī boamakū, o marī yoaripoe okamakū, marīrē maīgū marī merā āārīnīkōāmi. Marīpūre wereboerā, masaka oparā, wātēa oparāde Marīpūre marīrē maīrīrē pirimakū irimasībema. Marīrē gajino irimakū, Marīpū marīrē maīgū marī merā āārīmī. Daporama āārīrī, pūrama āārīburide Marīpūre marīrē maīrīrē pirimakū irimasībirikoa. ³⁹ Marī ūmarōgue waamakū, o ūkūārōgue waamakū, marīrē maīgū marī merā āārīmī. Gajinode Marīpū iridea āārā. Irasiro iride Īgūrē marīrē maīrīrē pirimakū irimasībea. Marīrē marī Opū Jesucristoyarārē Īgū maīrī neō perebirikoa.

9

Israel bumarā Marīpū beyenerā āārīma, ārī gojadea

¹ Yū, Cristore bñremugū āārīgū, diayeta werea mūsārē. Ārīgatobea. Ōāgū deyomarīgūde yū merā āārīgū, yū ārīrīrē: “Diayeta āārā”, ārī masīmakū yāmi. ² Yaarā Israel bumarā Cristore bñremubirimakū ĩāgū, bñro bñjawereri merā gūñarikūa. ³ Īgūsā Īgūrē bñremumakū gāāmegū, yū gapū gorawayudūadāa: “Perebiri peamegue wajamoāsūbokuma”, ārīgū. Yū Īgūsārē irasiribosagu Cristore dukawarinūgājagu, Īgūrē neō dupaturi ĩānemobiribokoa. ⁴ Īgūsā, Israel parāmerā āārīturiarā āārīma. Marīpū Īgūsārē: “Yū pūrā āārā”, ārīdi āārīmī.

* 8:36 Sal 44.22

Īgū gosewasiriri merā ĭgūsā watope āārīdi āārīmī. Īgūsārē: “Yū, musā Opū āārā. Musā, yaarā āārā”, ārīdi āārīmī. Īgūsārē ĭgū dorerire masīburo, ārīgū, Moisére irire pídi āārīmī. “Yaa wiigue yure buremurā, āsū irika!” ārī pídi āārīmī. “Musā parāmerā āārīturiarārē ōārō iritamugura”, ārīdi āārīmī. ⁵ Israel pūrā pe mojōma pere su gubu peru pērēbejarāgora, gūa ñekūsāmarā āārīnerā āārīmā. Cristode marī irirosū dupukugū deyoagu ĭgūsā parāmi āārīturiagu, Israel bumuta āārīdi āārīmī. Īgū āārīpererā, āārīpereri Opū āārīmi. Irasirirā ĭgūrē: “Ōātaria mu”, ārī, usuyari sīnīrā! Irasūta irirā!

⁶ Israel bumarā āārīpererā diayeta Marīpūyarāgora āārībema. Irasirigū Marīpū Israel bumarārē: “Yaarārē āsū irigura”, ārīdeare ĭgūsārē āārīpererārē iribirimakū ĭāgū: “Marīpū ĭgū ārīderosūta iribemi”, ārī gūñabea yū. ⁷ Israel bumarā, ĭgūsā ñekū Abraham parāmerā āārīturiarā āārīkerepuru, Marīpū ĭgūsārē āārīpererārē: “Diayeta yū pūrā āārīma”, ārī ĭābemi. Irasirigū Abrahārē: “Mū magū Isaac parāmerā āārīturiarā dita diayeta mū parāmerā āārīturiarā āārīrākuma”, ārīdi āārīmī. ⁸⁻⁹ Marīpū Abrahārē ĭgū magū Isaac deyoaburire weregū, āsū ārīdi āārīmī: “Gaji bojori ipapoeta aarigura doja. Iripoeta mū marāpo Sara majīgūrē pūrākugokumo”, ārīdi āārīmī. Irasirigū Marīpū ārīderosūta Abraham magū deyoadi āārīmī. Irasirirā marī ire masīa. Abraham parāmerā deyoaturawāgārā āārīpererā Marīpū pūrā āārībema. Marīpū ārīdeare buremurā dita diayeta Abraham parāmerā āārīturiarā, Marīpū pūrā āārīma.

¹⁰ Gaji āsū āārā. Isaac, Rebeca merā marāpokūdero pūgū, igo ūma pērāgue pūrākūdeo āārīmō. ĭgūsā pagū Isaac, gūa ñekū āārīdi āārīmī. ¹¹⁻¹³ ĭgū pūrā deyoaburi dupuyuro, ĭgūsā ōārīrē, o ñerīrē iriburi dupuyuro Marīpū ĭgūsā pago āārībore āsū ārīdi āārīmī: “ĭgū tīgū ĭgū pagumūrē moāboegukumi”, ārīdi āārīmī. ĭgū igore irire ārīderosūta ĭgūya werenīrī gojādea pūgue āsū ārī gojasūdero āārībū: “Jacore beyebu. Esāu gapure beyebiribū”, ārī gojasūdero āārībū. Irasirigū Marīpū Jacore beyederosūta ĭgūyarā āārīmurārē beyegu, ĭgūsā gajino iriburi dupuyuro ĭgū gāāmederosūta ĭgūsārē: “Yaarā āārīma”, ārīdi āārīmī.

¹⁴ Irire pérā, ¿naāsū gapū ārīrākuri marī? “Sugū gajino iriburi dupuyuro Marīpū ĭgūrē beyegu, diaye iribemi”, ¿ārīrākuri? Irasū ārībirikōārā! Marīpū diayeta irigū āārīmi. ¹⁵ Iripoegue Marīpū Moisédere āsū ārīdi āārīmī: “Yū bopoñarī merā ĭādūarārē bopoñarī merā ĭāgura. Yū maīrī merā ĭādūarārē maīgura”, ārīdi āārīmī. ¹⁶ Irasirirā ire masīa. Marīpū, ĭgū bopoñadūarārē bopoñarī merā ĭāmi. Masaka ĭgūrē bopoñadoremakū meta, ĭgūsā ōārō irimakū meta ĭgūsārē bopoñarī merā ĭāmi. ¹⁷ Marīpū ĭgūya werenīrī gojādea pūgue āsū ārīdi āārīmī Egipto marā opure, faraōrē: “Yū gāāmerōsūta mūrē Egipto marā opū āārībure píbu, mū merā yū turarire āārīpererārē ĭmubu. Āārīperero marārē, yū turagu āārīrīrē masīdoregū, irasiribū”, ārīdi āārīmī. ¹⁸ Irasirigū ĭgū bopoñadūarārē bopoñarī merā ĭāmi. ĭgū dorerire péduamerārē nemorō péduabirimakū yāmi.

¹⁹ Yū irasū ārīrīrē pérā, musā āsū ārībokoa: “Marīpū ĭgū basita masakare ĭgū dorerire péduabirimakū irikeregū, ¿nasirigū ĭgūsārē wajamoāgukuri? ¿Nasirisīā, ĭgū gāāmerō irasiririre kāmutamāsībokuri marī?” ārī pūrīwisi sērēñabokoa. ²⁰ Irire irasū ārībirikōāka! Marī masaka ubu āārīrā, Marīpū irinerā āārā. Irasirirā ĭgūrē: “¿Nasirigū yure irasū yāri mū?” ārī pūrīwisi sērēñamasībea. Diarisoro irisoro weagore: “¿Nasirigo yure irasū yāri mū?” ārīberosūta marīde Marīpūre irasū ārīmasībea. ²¹ Sorori weago diari merā igo iridūaro irikumō. Irasirigo ōārī soro iridūago, ōārī soro irikumō. Iri diari merāta ubu āārīrī sorodere iridūago, ubu āārīrī soro irikumō. Igo diari merā irirosūta Marīpūde masakare ĭgū iridūarosūta yāmi.

²² Marīpū peamegue ĭgū béomurārē, ĭgūsārē ĭgū turari merā būro wajamoāburire masīdoregū, ĭgūsā ñerō irire gūñatura, mumurō marīrō ĭgūsārē wajamoābemi. ²³ Marī ĭgū bopoñarī merā ĭārā gapure ĭgū ōātarigū āārīrīrē masīburo, ārīgū, ĭgūsārē irasirigū yāmi. Neōgoragueta marīrē ūmugasigue ĭgū āārīrōsūta ĭgū merā ōārō āārīmurārē beyedi āārīmī. ²⁴ Marīrē beyegu, surāyeri judío masaka watopegue āārīrārē, gajerā

judío masaka aãrĩmerã watopegue aãrĩrãdere beyedi aãrĩmí, ìgũyarã aãrĩburo, ãrĩgũ.
²⁵ Marĩpũya werenĩrĩ gojadea pũgue ìgũya kerere weredupuyudi Oseas, judío masaka aãrĩmerãyamarẽ ãsũ ãrĩ gojadi aãrĩmí:

Marĩpũ ãsũ ãrĩmí: “Yaarã aãrĩbirinerãrẽ: ‘Yaarã aãrĩma’, ãrĩgũkoa. Yũ maĩbirinerãrẽ: ‘Yũ maĩrã aãrĩma’, ãrĩgũkoa”, ãrĩmí.

²⁶ Marĩpũ: “Mũsã, yaarã meta aãrã”, ãrĩdea nikũ marãrẽ: “Yũ okanígũ pũrãta aãrã”, ãrĩsũrãkuma, ãrĩ gojadi aãrĩmí.✠

²⁷⁻²⁸ Isaías, Israel bumarã gapũre ãsũ ãrĩ gojadi aãrĩmí: “Marĩ Opũ ìgũ ãrĩderosũta i ùmũ marãrẽ mumurõ merã diayeta wajamoãgũkumi. Irasirirã Israel bumarã wadiyama ìmipayeri irirosũ wãrã aãrĩkererã, mërãgã tausũrãkuma”, ãrĩ gojadi aãrĩmí. ²⁹ Ìgũta idere ãrĩ gojadi aãrĩmí doja:

Marĩ Opũ aãrĩpererã nemorõ turagũ, marĩ ñekũsãmarã aãrĩturiarãrẽ mërãgãrẽ taubirimakũ, marĩ judío masaka aãrĩpererã béosũbonerã aãrĩbũ. Sodoma marãrẽ, Gomorra marãrẽ béoderosũta marĩdere béobodi aãrĩmí, ãrĩ gojadi aãrĩmí.✠

Judío masaka Jesucristoya kerere bũremubiridea

³⁰ Irire pérã, ¿naásũ ãrĩrãkuri? ãsũ aãrã. Judío masaka aãrĩmerã Marĩpũ merã ìgũsã õãrõ aãrĩburire ãmabirikererã, ìgũsã Jesucristore bũremurĩ merã irire bokama. Irasirigũ Marĩpũ ìgũsãrẽ: “Õãrã aãrĩma”, ãrĩ ìãmi. ³¹ Judío masaka gapũ: “Marĩpũ Moisére doreri pídeare marĩ irimakũ, marĩrẽ: ‘Õãrã, waja opamerã aãrĩma’, ãrĩ ìãgũkumi”, ãrĩ gũñadima. Irasũ ãrĩ gũñakererã, iri dorerire iripeomasĩbirisĩã, Marĩpũ merã õãrõ aãrĩbema.

³² ¿Nasirirã Marĩpũ merã õãrõ aãrĩberi? Jesucristore bũremurõ marĩrõ ìgũsã basi Marĩpũ Moisére doreri pídeare iridea merã gapũ, Marĩpũ merã õãrõ aãrĩduadima. Irasirirã Cristore Marĩpũ iriudire bũremumerã, Marĩpũ pũrogue neõ waabirikuma. Ìgũsã ùtãye, maa deko píadeayegue gubu tuameémejãnerã irirosũ aãrĩrãkuma. ³³ Marĩpũya werenĩrĩ gojadea pũgue Marĩpũ ìgũ magũrẽ iriburire ãsũ ãrĩ gojasũdero aãrĩbũ:

Sugũ yũ iriubure ùtãye irirosũ aãrĩgũrẽ Jerusalégue pígũra. Ìgũrẽ bũremumerã, iri yegue gubu tuameémejãrã irirosũ aãrĩrãkuma. Irasirirã yũ pũrogue neõ ejabirikuma. Ìgũrẽ bũremurã gapũ: “Ìgũrẽ ubugorata bũremukubũ”, ãrĩbirikumã. Yũ pũro ejarãkuma, ãrĩ gojasũdero aãrĩbũ.✠

10

¹ Yaarã, yũ Israel bumarãrẽ Marĩpũ ìgũ tauburire bũro gããmea. Irasirigũ ìgũrẽ ìgũsãya aãrĩburire bũro sërëbosáa. ² Diayeta ìgũsã Marĩpũ gããmerĩrẽ bũro iridũakererã, ìgũ gããmerĩrẽ õãrõ pëmasĩbema. ³ Marĩpũ marĩrẽ Jesucristore bũremurĩ merã: “Õãrã aãrĩma”, ãrĩ ìãrĩrẽ masĩbema. Irasirirã ìgũsã basi õãrĩrẽ iridũakererã, Marĩpũ Jesucristore bũremudoregũ iriudire bũremubema. Irasirigũ Marĩpũ ìgũsãrẽ: “Õãrã aãrĩma”, ãrĩ ìãbemi. ⁴ Cristo aãrĩpereri Marĩpũ Moisére doreri pídeare iripeodi aãrĩmí. Irasirigũ Marĩpũ aãrĩpererã Cristore bũremurãnorẽ: “Õãrã, waja opamerã aãrĩma”, ãrĩ ìãmi.

⁵ Moisés ãsũ ãrĩ gojadi aãrĩmí: “Marĩ, Marĩpũ dorerire aãrĩpereri iripeomakũ, Marĩpũ marĩrẽ: ‘Õãrã, waja opamerã aãrĩma, yũ merã õãrõ aãrĩrãkuma’, ãrĩ ìãgũkumi”, ãrĩ gojadi aãrĩmí. ⁶ Marĩpũ marĩrẽ: “Õãrã, waja opamerã aãrĩma”, ãrĩ ìãrĩ gapũ ãsũ aãrã. Marĩ Cristore bũremumakũ, Marĩpũ marĩrẽ: “Õãrã aãrĩma”, ãrĩ ìãgũkumi. Irasirirã ãsũ ãrĩ gũñabirikõãka: “¿Noã Cristore ùmũgasigue aãrĩgũrẽ ãidijugũkuri marĩrẽ taudoregũ?” ãrĩ gũñabirikõãka! Cristo i ùmũguere marĩrẽ taugũ ejasiadi aãrĩmí. ⁷ Irasirirã doja: “¿Noã, boanerã aãrĩrõgue ùkũãrĩ gobegue dijagũkuri Cristore siiu mũrĩribu?” ãrĩ gũñabirikõãka! Marĩ basi irire irimasĩña máa. Ìgũ boa, masã, mũrĩasiadi aãrĩmí. ⁸ Marĩpũya werenĩrĩ gojadea pũgue ãsũ ãrĩ gojasũdero aãrĩbũ: “Marĩpũya kerere mũsã pësiáa. Irire mũsãya

✠ 9:26 Os 2.23; 1.10 ✠ 9:29 Is 1.9 ✠ 9:33 Is 28.16

disi merã werenía. Musãya gãñarĩgue: ‘Diayeta ããrã iri’, ãrĩ gãñãã”, ãrĩ gojasũdero ããrĩbú. Irire, marĩrẽ Jesucristo tauri kerere diayeta b̄remua. Irasirirã masakare irireta werea. ⁹ Irasirirã marĩya disi merã: “Jesús, yu Op̄u ããrĩmi”, ãrĩ werenĩmakũ, marĩya gãñarĩgue: “Ìgũ boadero p̄ru, Marĩpu ìgũrẽ masũdi ããrĩmĩ”, ãrĩ b̄remumakũ, Marĩpu marĩrẽ perebiri peamegue waabonerãrẽ taugũkumi, ìgũ merã õãrõ ããrĩníkõãburo, ãrĩgũ. ¹⁰ Marĩpu, marĩ Jesucristore b̄remumakũ, marĩrẽ: “Õãrã, waja opamerã ããrĩma”, ãrĩ ìãmi. Marĩ gajerãrẽ: “Jesucristo yure taugu ããrĩmi, ìgũrẽ b̄remua”, ãrĩ weremakũ, marĩrẽ peamegue waabonerãrẽ ìgũ taumurã ããrĩmakũ yãmi.

¹¹ Marĩp̄ya werenĩrĩ gojadea pũgue: “Neõ sugũ ìgũrẽ b̄remugũ: ‘Ìgũrẽ ubugorata b̄remukubu’, ãrĩbirikumi”, ãrĩ gojasũdero ããrĩbú. ¹² Marĩpu, ããrĩpererã Op̄u ããrĩmi. Irasirigu judío masakare, judío masaka ããrĩmerãdere s̄rosũta ìãmi. Irasirigu ããrĩpererãrẽ ìgũrẽ b̄remurĩ merã s̄rẽrãrẽ õãrĩrẽ wãri s̄gũkumi. ¹³ Marĩp̄ya werenĩrĩ gojadea pũgue ãsũ ãrĩ gojasũdero ããrĩbú: “‘Yu Op̄u, yu ñerõ irideare yure kãtika!’ ãrĩ s̄rẽrãno tausũrãkuma. Peamegue wajamoãsũbirikuma”, ãrĩ gojasũdero ããrĩbú. ¹⁴ Irasũ ããrĩkererũ, marĩ Op̄ure: “Diayeta marĩrẽ taugu ããrĩmi”, ãrĩ b̄remumerã, ìgũrẽ s̄rẽmasĩbema. Ìgũya tauri kerere p̄merã, ìgũrẽ b̄remumasĩbema. Ìgũya kerere ìgũsãrẽ weregu marĩmakũ, irire masĩbirikuma. ¹⁵ Marĩpu ìgũya kerere weremurãrẽ iriubirimakũ, irire wererã waabirikuma. Ìgũya werenĩrĩ gojadea pũgue ãsũ ãrĩ gojasũdero ããrĩbú: “Marĩp̄ya õãrĩ kerere, ìgũ merã õãrõ siuñajãrĩ opari kerere wererã ejamakũ ìãrã, marĩ b̄ro usuyãa”, ãrĩ gojasũdero ããrĩbú.

¹⁶ Iri Marĩpu masakare tauri kere ããrĩkererũ, wãrã p̄duabema. Isaías ãsũta ãrĩ gojadi ããrĩmĩ: “Gua Op̄u, ìgũsã gua wererire p̄duabema”, ãrĩ gojadi ããrĩmĩ. ¹⁷ Irasirirã Cristoya kerere weremakũ p̄duripĩrã, ìgũrẽ b̄remurãkuma.

¹⁸ Irasirigu ire s̄rẽñaduakoa musãrẽ. ¿Israel bumarã iri kerere p̄biriuri? P̄nerã ããrĩmã. Marĩp̄ya werenĩrĩ gojadea pũguedere irasũta ãrĩ gojasũdero ããrĩbú: Marĩp̄yare wererimasã ããrĩpererogue marãrẽ ìgũya kerere wererã waama. Irasiriro ìgũsã wereri i ùmũ ããrĩpererogue seyakõãa, ãrĩ gojasũdero ããrĩbú.*

¹⁹ Dupaturi musãrẽ s̄rẽñaduakoa doja. ¿Israel bumarã p̄kererã, õãrõ p̄masĩbiriuri? P̄masĩnerã ããrãdima. Yu irire werenemogũ, Moisés ãrĩdeare wererũrorigũra. ãsũ ãrĩ gojadi ããrĩmĩ:

Marĩpu Israel bumarãrẽ ãsũ ãrĩmi: “Ubu ããrĩrãrẽ, yaare p̄masĩmerãrẽ yaarã ããrĩmakũ irigũra. Yu irasirimakũ ìãrã, musã gapũ ìgũsãrẽ ìãturirãkõa. Irasirigu musãrẽ ìgũsã merã guamakũ irigũkõa”, ãrĩmi, ãrĩ gojadi ããrĩmĩ Moisés.*

²⁰ P̄ru Isaíade: “Irasũ ãrĩbokõa”, ãrĩ, gãiri marĩrõ ãsũ ãrĩnemopeodi ããrĩmĩ:

ãsũ ãrĩmi Marĩpu: “Yure ãmamerã gapũ yure bokama. Irasirigu yure masĩmerãrẽ yure masĩmakũ iribu”, ãrĩmi, ãrĩ gojadi ããrĩmĩ Isaías.*

Judío masaka ããrĩmerã Marĩp̄yarã ããrĩburire weregu irasũ ãrĩ gojadi ããrĩmĩ. ²¹ Israel bumarã gapure ãsũ ãrĩ gojadi ããrĩmĩ: “ãsũ ãrĩmi Marĩpu: ‘Ëmurikũ yu merã õãrõ ããrĩduarã aarika!’ ãrãdibu ìgũsãrẽ. ‘Ìgũsã gapũ yu dorerire tarinugãrã, yure p̄duabirima’, ãrĩmi”, ãrĩ gojadi ããrĩmĩ Isaías.

11

Marĩpu Israel bumarãrẽ beyedeamarẽ gojadea

¹ Irasirigu musãrẽ ire s̄rẽñagura. ¿Marĩpu Israel bumarãrẽ: “Yaarã ããrĩma”, ãrĩdero p̄ru, ìgũsãrẽ b̄okõãyuri? B̄obiridi ããrĩmĩ. Yude Israel bumũ, Abraham parãmi ããrĩturiaguta Benjamĩya bumũ ããrã. ² Iripoegue Marĩpu Israel bumarãrẽ ìgũyarã ããrĩburo, ãrĩgũ, beyedi ããrĩmĩ. Ìgũ irasũ beyenerãrẽ b̄obemi. Musã Marĩp̄ya kerere

* 10:18 Sal 19.4 * 10:19 Dt 32.21 * 10:20 Is 65.1

weredupuyudi Elías ĩgũrẽ: “Israel bumarã waja opama”, ãrĩdeare masĩkoa. Irire Marĩpũya werenĩrĩ gojadea pũgue ãsũ ãrĩ gojadi ããrĩmĩ: ³ “Yũ Opũ, Israel bumarã mũya kerere weredupuyurimasãrẽ wẽjẽkõãma. Mũrẽ sĩdea soepeorore tuúmeédijukõãma. Irasirigũ ĩgũsã watope yũ sugũta mũrẽ bũremua. Yũ irasũ ããrĩmakũ ĩãrã, yũdere wẽjẽduama”, ãrĩ gojadi ããrĩmĩ. ⁴ ĩgũ irasũ ãrĩmakũ pẽgu, Marĩpũ ãsũ ãrĩ yũjudi ããrĩmĩ: “Mũ, sugũta ããrĩbea. Yaarã siete mil ããrĩma. ĩgũsãrẽ iritamubũ. Irasirirã yũre õãrõ bũremuma. Baal wãikũgũ keori weadeare neõ bũremubema. Irasirigũ mũrẽ wẽjẽduarãrẽ gũibirikõãka!” ãrĩdi ããrĩmĩ. ⁵ Elías ããrĩripoe Marĩpũ ĩgũ beyenerãrẽ iritamuderosũta daporadere Israel bumarã watopere surãyeri ĩgũ beyenerãrẽ iritamumi. Irasirirã ĩgũrẽ bũremuma. ĩgũsãrẽ bopoñarĩ merã ĩãsiã, beyedi ããrĩmĩ. ⁶ ĩgũsã iririkũrere ĩãgũ meta beyedi ããrĩmĩ. ĩgũsãrẽ bopoñagũ beyedi ããrĩmĩ. ĩgũsã õãrõ iriadero pũru ĩgũsãrẽ beyegũ, bopoñagũ meta iribokumi. ĩgũsã õãrĩrẽ iridea waja ããrĩbokuyo.

⁷ ãsũ ããrã. Israel bumarã ĩgũsã iriri merã, Marĩpũ ĩgũsãrẽ: “Õãrã ããrĩma”, ãrĩ ĩãmakũ gããmekererã, ĩgũsã Marĩpũ merã õãrõ ããrĩburire neõ bokabema. Irasirirã Marĩpũyare neõ pẽmasĩmerã dujama. Marĩpũ beyenerã gapũ ĩgũ merã õãrõ ããrĩma. ⁸ Marĩpũya werenĩrĩ gojadea pũgue ãsũ ãrĩ gojasũdero ããrĩbũ: “Marĩpũ ĩgũrẽ gããmemerãrẽ ĩgũyare pẽmasĩbirimakũ yãmi. Irasirirã diayemarẽ pẽkererã, pẽmasĩbema. ĩgũ iririre ĩãkererã, ĩãmasĩbema. Daporaguedere irasũta ããrĩnikõãma”, ãrĩ gojasũdero ããrĩbũ.

⁹ Davide ãsũ ãrĩdi ããrĩmĩ Marĩpũre:

Israel bumarã bosenũrĩ irirã ñerõ yãma. Irasirigũ, ĩgũsã ñerĩrẽ iriri merã ĩgũsãrẽ wajamoãsumurã ããrĩmakũ irika!

¹⁰ ĩgũsãrẽ pẽmasĩmerã, koye ĩãmerã irirosũ waamakũ irika! Ɛmũrikũ nukũrĩ ũũmarã sũgũ pũrĩsũrã irirosũ ñerõ tarimakũ irika! ãrĩdi ããrĩmĩ David Marĩpũre.*

Marĩpũ judío masaka ããrĩmerãrẽ taugũkumi, ãrĩ gojadea

¹¹ Gaji mũsãrẽ sërẽñanemogũra. ¿Judío masaka Jesucristore bũremubirimakũ, Marĩpũ ĩgũsãrẽ bẽopeokõãyuri? Bẽopeobiridi ããrĩmĩ. ĩgũsã Cristore irasũ bũremubirimakũ, daporare judío masaka ããrĩmerã gapũ Marĩpũ taumurã ããrĩma. ĩgũsãrẽ ĩgũyarã waamakũ yãmi, judío masakade ĩgũsãrẽ ĩãkũĩ, ĩgũsãde Cristore bũremuburo, ãrĩgũ. ¹² Judío masaka Cristore bũremubirisĩã, Marĩpũ ĩgũsãrẽ: “Yũ pũrãrẽ õãrĩ sĩgũra”, ãrĩdeare opabema. Irasirirã judío masaka ããrĩmerã gapũ Cristore bũremurã, irire oparãkuma. Pũru judío masaka Cristore bũremumakũ, ããrĩpererãrẽ i ãmũ marãrẽ nemorõ õãrõ waarokoa.

¹³ Daporare mũsãrẽ judío masaka ããrĩmerãrẽ weregũra. Jesucristo yũre mũsãrẽ judío masaka ããrĩmerãrẽ ĩgũya kerere weredoregũ pími. Ire weregũ, ubugora irigũ meta yãa. ¹⁴ ĩgũyare weregũ, gajipoe irigũ surãyeri yaarãrẽ judío masakare mũsãrẽ ĩãkũĩmakũ iribokoa, ĩgũsãde Jesucristore bũremuburo, ãrĩgũ. ĩgũrẽ bũremurã, tausũrãkuma ĩgũ merã õãrõ ããrĩmurã. ¹⁵ Marĩpũ judío masakare Cristore bũremumerãrẽ bẽomakũ, gajerã gapũ ĩgũ merã siuñajãrĩ opama. Judío masakade ĩgũrẽ bũremumakũ, õãtarirokoo. ĩgũsã boanerãgue masãnerã irirosũ Marĩpũ merã perebiri okarire oparãkuma. ¹⁶ ãsũ ããrã. Pã iriri merã suru iripũroridiru Marĩpũre sĩmakũ, ããrĩpereri iri pã iriri Marĩpũya ããrã. Yuku nũgũrĩ Marĩpũya ããrĩmakũ, irigũ dũpũride ĩgũya ããrã. Gũa ñekũ Abraham, irigũ nũgũrĩ irirosũ ããrĩdi ããrĩmĩ. Marĩ Jesucristore bũremurã Abraham parãmerã ããrĩturiarã ããrã. Irasirigũ Marĩpũ ĩgũrẽ: “Yaagũ ããrĩmĩ”, ãrĩ ĩãderosũta marĩdere: “Yaarã ããrĩma”, ãrĩ ĩãmi.

¹⁷ Judío masaka olivogũ dũpũri irirosũ ããrĩma. ĩgũsã irasũ ããrĩkerepũru, su dũpũrere ditibẽoderosũ Marĩpũ surãyeri ĩgũsãrẽ bẽodi ããrĩmĩ. Pũru iri dũpũri ããrĩderore gajigũ olivo makãnúmũma dũpũrere purĩñeãtuadoregũ, wiiri, puũñeãturosũ iridi ããrĩmĩ. Irasiriderosũ mũsãrẽ judío masaka ããrĩmerãrẽ ĩgũyarã ñajãmakũ iridi ããrĩmĩ. Irasirirã mũsã judío masaka ããrĩbirikererã, ããrĩpereri Marĩpũ Abraham parãmerã ããrĩturiarãrẽ õãrĩrẽ sĩgũra,

ārīdeare mūsāde ñeānerā āārībú. ¹⁸ Mūsārē ĩgũ irasirimakũ: “Gũa judío masaka nemorõ õārā āārā”, ārĩ gũñabirikõāka! Ire gũñaka! Judío masaka olivogu Marĩpu otedi irirosũ āārĩma. Mūsā gapu irigugue ĩgũ āitúdea dupuri irirosũ āārā. Irasirigu judío masaka merā mūsārē iritamumi. Mūsā merā meta ĩgũsārē iritamumi.

¹⁹ Mūsā judío masaka āārĩmerā gapu āsũ ārĩboko: “Surāyeri judío masakare, olivogu dupurire ditibéoderosũ Marĩpu ĩgũsārē béodi āārĩmĩ. Irasũ béogu, gaji dupurire irigugue ĩgũ āitúderosũ marĩrē pídi āārĩmĩ, ĩgũyarā āārĩmurārē”, ārĩboko mūsā. ²⁰ Irasũta āārā. ĩgũsā Jesucristore bũremubiridea waja Marĩpu ĩgũsārē béodi āārĩmĩ. Irasirigu mūsādere Cristore bũremubirimakũ, ĩgũyarā āārĩmakũ iribiribodi āārĩmĩ. Irasirirā: “Gũa judío masaka nemorõ õārā āārā”, ārĩ gũñabirikõāka mūsā! Irasũ ārĩmerāta Marĩpure õārõ gopeyari merā bũremuka! ²¹ Purorima dupuri irirosũ judío masaka Marĩpuyarā āārĩpurorinerā āārĩmā. Mūsā gapu ĩgũsā puru ĩgũyarā waanerā āārībú. Irasirigu Marĩpu ĩgũyarā āārĩpurorinerā ĩgũrē bũremubirimakũ, ĩgũsārē béodi āārĩmĩ. Mūsā ĩgũrē bũremubirimakũ, ĩgũsārē béoderosũta mūsādere béogukumi. ²² Marĩpu õārõ irigu bopoñarĩrē, ĩgũ turari merā wajamoārĩrē pémasĩka! ĩgũrē bũremumerārē wajamoāgukumi. Irasirikeregu, mūsā piriro marĩrõ ĩgũrē bũremunĩmakũ, mūsārē õārõ irigukumi. ĩgũrē bũremubirimakũ, ñerĩ dupurire ĩgũ ditibéoderosũta mūsādere béogukumi. ²³ Judío masaka ĩgũ béosũnerā Jesucristore bũremumakũ, ĩgũsārē yuku dupurire ditibéodeare dupaturi iriguguetā āitúro irirosũ irigukumi, ĩgũyarā ñajāmakũ irigu. ĩgũ suguta ĩgũ turari merā irire irimasĩmi. ²⁴ Mūsā judío masaka āārĩmerā olivo makāñũmũma dupuri irirosũ āārā. Judío masaka gapu ĩgũ beyepurorinerā āārĩmā. Olivogu Marĩpu otedi irirosũ āārĩma. Mūsā irigugue ĩgũ āitúdea dupuri irirosũ āārā. Irasirigu Marĩpu mūsārē ĩgũyarā ñajāmakũ iridi āārĩmĩ. Mūsārē irasirikeregu, judío masakare ĩgũ beyepurorinerā gapure mūsā nemorõ ĩgũyarā dupaturi ñajāmakũ irimasĩmi.

Purugue Israel bumarārē Marĩpu taugukumi, ārĩ gojadea

²⁵ Yaarā, masaka iripoegue masĩbirideare, Marĩpu ĩgũ gũñaderosũta iriburire weregura mūsārē: “Gũa judío masaka nemorõ masĩpeokõāa”, ārĩ gũñabirikõāburo, ārĩgũ. Wārā judío masaka Marĩpuyarē pémasĩturabema dapa. Marĩpu judío masaka āārĩmerārē: “Bũremurākuma”, ārĩnerākuta Cristore bũremudero puru, judío masakade bũremurākuma. ²⁶ ĩgũsā irasũ bũremumakũ, āārĩpererā Israel bumarārē Marĩpu ĩgũsā peamegue waabonerārē taugukumi. ĩgũya werenĩrĩ gojadea pũgue āsũ ārĩ gojasũdero āārĩbú:

Jerusalēgue, Siõn wāĩkari makāgue, judío masakaya makāgue ĩgũsārē taubu aarigukumi.

ĩgũsārē Jacob parāmerā āārĩturiarārē ĩgũsā ñerĩrē béogukumi.*

²⁷ Marĩpu āsũ ārĩmi: “ĩgũsārē ñerĩrē béogu, yu ĩgũsārē ārĩdeare irigukoa”, ārĩ gojasũdero āārĩbú.*

²⁸ Inuguerē wārā judío masaka Jesucristoya kerere péduamerā, Marĩpure ĩaturirā āārĩma. ĩgũsā irasũ āārĩmakũ, mūsā judío masaka āārĩmerā gapu Cristore bũremunugābu. Irasirigu Marĩpu judío masaka ñekūsāmarā ĩgũ beyenerā ĩgũsā āārĩmakũ, ĩgũsārē āārĩturiarādere maĩmi. ²⁹ “ĩgũsārē õārĩrē sĩgura”, ārĩ gũñadeare gorawayubemi. ĩgũ ārĩderosũta ĩgũ beyenerārē õārĩrē diayeta sĩgukumi. ³⁰ Iripoeguere mūsāde Marĩpu dorerire tarinugānerā āārĩbú. Inuguerē judío masaka Marĩpu dorerire ĩgũsā tarinugāmakũ ĩāgũ, mūsā gapure bopoñarĩ merā ĩāmi. ³¹ Daporare judío masaka ĩgũ dorerire tarinugārā āārĩma. ĩgũsā irasũ āārĩkerepuru, Marĩpu mūsārē bopoñarĩ merā ĩārõsũta, ĩgũsādere bopoñarĩ merā ĩāmi. ³² Āsũ āārā. Marĩpu āārĩpererā masakare

* 11:26 Is 59.20 * 11:27 Jer 31.33-34

Īgū dorerire Īgūsā tarinugāmakū, Īgūsārē peresu irigu irirosū iridi āārīmí, p̄r̄ugue Īgū āārīpererārē bopoñarī merā Īārīrē masīburo, ārīgū.

³³ Marīp̄u marīrē bopoñatarigu, turatarigu, āārīpererire masīpeogu āārīmi. Irasirirā marī Īgū gūñarīrē, Īgū iriburire ōārō pémasībea. ³⁴ Āsū ārī gojasūdero āārībú Marīp̄uya werenīrī gojadea p̄ugue: “Masaka marī Op̄u gūñarīrē ōārō pémasībema. Irasirirā Īgūrē: ‘Āsū irika!’ ārī weremasībema. ³⁵ Marīp̄ure gajino sī, p̄r̄u: ‘Marīrē wajamomi’, neō ārīmasībema”, ārī gojasūdero āārībú. ³⁶ Marīp̄u āārīpererire iridi āārīmí. Īgū turari merā āārīpererire āārīmakū iridi āārīmí. Irasiriro āārīpereri Īgūya dita āārā. Irasirirā āārīpererā Īgūrē: “Ōātaria m̄u”, ārī, us̄yari sīnīkōārā! Irasūta irirā!

12

Marīp̄u dorerire irinīkōāka! ārī gojadea

¹ Yaarā, Marīp̄u marīrē b̄uro bopoñarī merā Īāmi. Irasirirā marīrē Īgūrē b̄uremurā waib̄u sīunaderosūta daporare marī basita sīrō gāāmea. Irasirirā marī okaro bokatīūrōpā Īgūyarā āārīrā Īgū dorerire ōārō irinīkōārā! Īgūrē marī merā us̄yamakū gāāmerā, irasirirākoa. Āsū iriro gāāmea marīrē Īgūrē b̄uremurārē. ² I ūm̄u marā Īgūsā ñerī iririkurire neō irinemobirikōārā! Āsūpero gap̄u ārīrā! Marīp̄ure: “Ḡua gūñarīrē ōārī gap̄ure gorawayuwāgānīkōāka!” ārīrā! Īgū marīrē gorawayumakū, marī Īgū gāāmerīrē: “Āsū āārā”, ārī masīrākoa. Īgū gāāmerī, ōārī dita āārā. Iri, ñerī marīrī āārā. Marī Īgū gāāmerīrē irirā, Īgūrē us̄yamakū irirākoa.

³ Marīp̄u ȳure ōārō irigu, m̄usārē Īgūya kerere weredoreḡu beyedi āārīmí. Irasirigu m̄usārē āārīpererārē āsū ārī wereḡura. Neō suḡu irimasībirikereḡu: “Ȳu irikōāmasīa”, ārī gūñabirikōārō gāāmea. Marī irimasīrī direta: “Diaye irimasīa”, ārī gūñarō gāāmea. Irasirirā marī masakak̄u āsū ārī gūñarā: “Marīp̄u ȳure irimasīrī p̄ideare Īgūrē ȳu b̄uremurō oparosūta ȳu bokatīūrō irimasīa”, ārī gūñarā! ⁴ Suḡu masak̄uya dup̄u āsū āārā. Su dup̄u āārīkerero, w̄ari opāa. W̄ari āārīkerero, s̄urosū moābea. ⁵ I irirosūta marī Jesucristore b̄uremurā w̄arā āārīkererā, Īgū merā āārīrā suḡuya dup̄u irirosū āārā. Irasirirā marī āārīpererā su dup̄uma moārō irirosū yāa.

⁶ Irasirigu Marīp̄u marīrē maīgū, marī masakak̄ure gajerosūperi dita marī irimasībure p̄idi āārīmí. Irasirirā irire ōārō iriro gāāmea. Marīrē Īgūya kerere weretaudoreḡu p̄imakū, marī Īgūrē b̄uremurō oparosūta Īgūyare gajerārē ōārō weretauro gāāmea. ⁷ Marīrē gajerārē iritamudoreḡu p̄imakū, Īgūsārē ōārō iritamurō gāāmea. Gajerārē Īgūyare bue-doreḡu p̄imakū, Īgūsārē ōārō buero gāāmea. ⁸ Marīrē gajerārē gūñaturamakū irimurārē p̄imakū, irire ōārō iriro gāāmea. Marīrē gajerārē Īgūsā gāāmerīrē sīmurārē p̄imakū, gajinorē sīrā ōārō us̄yari merā sīrō gāāmea. Marīrē gajerārē doremurārē p̄imakū, ōārō merā dorero gāāmea. Marīrē gajerārē bopoñarī merā iritamumurārē p̄imakū, Īgūsārē iritamurā us̄yari merā iritamurō gāāmea.

Jesucristore b̄uremurā āsūpero āārīdorea, ārī gojadea

⁹ Gajerārē maīrā, diayeta maīka! Ñerīrē dooka! Ōārī gap̄u direta iriwāgānīka! ¹⁰ M̄usā Jesucristore b̄uremurā, suḡu p̄ūrā gāme maīrōsūta m̄usā merāmarā merā gāme maīka! Īgūsāya āārībure m̄usāya nemorō gūñaka! B̄uremurī merā ōārō gāme iritamuka!

¹¹ Marī Op̄u dorerire irirā, neō tébori marīrō ōārō us̄yari merā irika!

¹² “Marīp̄u ōārō iritamuḡukumi ȳure”, ārī, us̄yari merā Īgū iritamubure yūka! Irasirirā ñerō tarirā, Marīp̄ure piriro marīrō s̄urosū gūñaturari merā b̄uremunīkōāka! Īgūrē irasū s̄erēnīkōāka!

¹³ Jesucristore b̄uremurā gajino gāāmemakū Īārā, m̄usā opari merā Īgūsārē iritamuka! M̄usāya wiiriḡue ejarārē ōārō bokatīrīñeāka!

14 Músārē ñerō irirārē ĩgūsāya āārĩburire Marĩpũre sērēbosaka! “Īgūsā yũre ñerō iriri waja ĩgūsārē wajamoāka!” ārĩ sērēbirikōāka!

15 Gajerā usuyamakũ ĩārā, ĩgūsā merā musāde usuyaka! Gajerā oremakũ ĩārā, musāde ĩgūsā merā oreka!

16 Gajerā merā sũrosũ usuyari merā āārĩrikũka! “Yũ gajerā nemorō oāgũ āārā”, ārĩ gũñabirikōāka! Ubu āārĩrā merādere oārō āārĩrikũka! “Masĩtarinũgāgũ āārā yũ”, ārĩ gũñabirikōāka!

17 Gajerā musārē ñerō irikererũ, ĩgūsārē ñerō iri gāmibirikōāka! Ñerĩ gapũre irirono irirā, āārĩpererā masaka ĩũrōrē oārĩ gapũre irika! 18 Āārĩpererā merā musā oārō āārĩrikũburosũta musā bokatĩũrō oārĩrē irika! 19 Yaarā yũ maĩrā, gajerā musārē ñerō irikererũ, ñerō iri gāmibirikōāka! Musā basi ĩgūsārē wajarākũbirikōāka! Marĩpũ gapũ musārē ñerō irinerārē wajamoāgũkumi. ĩgũya werenĩrĩ gojadea pũgue āsũ ārĩ gojasũdero āārĩbũ: “Marĩ Opũ āsũ ārĩmi: ‘Yũ gapũ, masaka ñerō iridea waja ĩgūsārē wajamoāgũ āārā. ĩgūsārē diayeta wajamoāgũra’, ārĩmi”, ārĩ gojasũdero āārĩbũ. 20 Gaji āsũ ārĩ gojasũdero āārĩbũ: “Mũrē ĩaturigũ uaboamakũ ĩāgũ, baari ejoka! ĩgũ ñemesibusũmakũ ĩāgũ, ĩĩrĩrĩ tĩāka! Mũ irasirimakũ, ĩgũ mũrē ñerō irideare gũyasĩrĩgũkumi”. 21 Irasirirā musārē ñerō irinerārē ñerō iri gāmibirikōāka! Ñerĩ gapũre irirono irirā, ĩgūsārē oārō irika! Irasiriri merā ñerĩ iririre tarinũgārākoa.

13

1 Marĩpũ dita i ũmũ marā oparārē sóomi. ĩgũ pĩnerā āārĩma. Irasirirā āārĩpererā ĩgūsārē oārō yũjũka! 2 Sugũ oparārē tarinũgāgũno, Marĩpũ pĩnerārē tarinũgāgũ yámi. Marĩpũ ĩgūsārē tarinũgārārē wajamoāgũkumi. 3 Oparā, oārō irirārē gũimakũ iribema. Ñerō irirā gapũre gũimakũ yáma. Gũimerāta āārĩrikũduarā, oārō irika! Irasirimakũ, oparā musārē: “Oārō yáa”, ārĩrākuma. 4 Marĩpũ ĩgūsārē musāya āārĩburire iritamudoregũ pĩdi āārĩmĩ. Irasirirā ñerō irirā gũika! Oparā, ñerĩ irirārē wajamoārā, Marĩpũ dorero irirāta yáma. Marĩpũ ñerō irirārē wajamoādoregũ oparārē pĩdi āārĩmĩ. 5 Irasirirā oparā marĩrē doremakũ, bũremurĩ merā ĩgūsā dorerire oārō yũjũro gāāmea. Wajamoārĩ, ārĩrā dita yũjubirikōārō gāāmea. “Marĩpũ ĩũrō ĩgũ gāāmerĩrē iridũakoa”, ārĩ gũñarĩ merā ĩgūsā dorerire oārō yũjũro gāāmea. 6 Oparā ĩgūsā moārĩrē oārō irirā, Marĩpũre moāboerā irirosũ āārĩma. Irasirirā ĩgūsā wajasearopā keoro wajarika!

7 Āārĩpererā oparā dorerosũta keoro irika! ĩgūsā wajaseamakũ wajarika! ĩgūsā gajinorē irimurā wajaseamakũde wajarika! Irasirirā musā oparārē bũremuka! ĩgūsārē gopeyari merā ĩāka!

8 Neō gajerārē wajamorĩrē opabirikōāka! ĩgūsārē wajamorĩrē oparono irirā, maĩrĩ gapũre opaka! Sugũ ĩgũ bokajagũnorē maĩrĩ merā iritamugũno, Marĩpũ doreri pĩdeare keoro irigũ yámi. 9 Āsũ ārā Marĩpũ doreri pĩdea: “Gajigũ marāpo merā, nomede gajego marāpũ merā ñerō iribirikōāka! Masakare wējēbéobirikōāka! Yajabirikōāka! Gajerāyamarē ārĩgatori merā werebirikōāka! Gajerāyare uaribejabirikōāka!” ārĩ werea. Gaji ĩgũ doreri pĩdea āsũ ārā: “Mũ basi maĩrōsũta mũ pũro āārĩrādere maĩka!” ārĩ werea. Musā gajerārē maĩrā, Marĩpũ doreri pĩdea āārĩpererire irirā yáa. 10 Gajerārē maĩgũno, ĩgūsārē neō ñerō iribemi. Irasirigũ ĩgūsārē maĩgũno, Marĩpũ doreri pĩdeare iripeogũ yámi.

11 I āārĩpererire gũñaka! Irasirirā pēmasĩka! Kārĩrā irirosũ āārĩbirikōāka! Marĩ iripoegue Jesucristoya kerere bũremupũrorirā, ũmũgasigue marĩ waaburi dũyataria, ārādibu. Daporare marĩ masĩa. Jesucristo dupaturi aariburo mérō dũyáa. 12 Irasiro boyomũrĩro irirosũ āārā. Irire masĩrā, ñerĩrē masaka naĩtĩārōgue iririre pirirā! Oārĩrē boyorogue masaka ĩũrō iriri gapũre irirā! Marĩ irasirirā, Marĩpũ turari merā ñerĩ iririre pirikōārākoa. 13 Irasirirā masaka ũmũ merā deyorogue oārĩrē irirā irirosũ irirā! Bosenũrĩ āārĩmakũ, mejā, gainĩbirikōārā! Nome merā ñerō iribirikōārā! Nomede ũma merā ñerō

iribirikõãburo. Gajerã merã gãme guaseobirikõãrã! Gajerãyare ububirikõãrã! ¹⁴ Æsũ gapu ããrĩrikurã! Marĩ Opu Jesucristo iritamurĩ merã ĩgũ irirosũ õãrõ ããrĩrikurã! Marĩ ñerĩ uribejarire iridurire pirikõãrã!

14

Marĩ Jesucristore buremurã gãme werewurabirikõãrõ gããmea

¹ Sugũ Jesucristore buremuturabi ããrĩkeregũ, ĩgũ musã merã ããrĩduramakũ, ĩgũrẽ werewuraro marĩrõ ñeãka! ĩgũrẽ ñeãrã, Marĩpuyare masĩbirimakũ ĩãrã, ĩgũ merã guaseobirikõãka! ² Gajerã surãyeri Jesucristore buremurã: “Marĩ ããrĩpereri baamakũ õãgorãa”, ãrĩma. Gajerã gapu Jesucristore buremuturamerã: “Marĩ waibu diĩ baarã, Marĩpu dorerire tarinũgãbokoã”, ãrĩ gũñama. Irasirirã oteri direta baarikuma. ³ Æãrĩpererire baagũ, oteri direta baagũre irasũ ĩãbéobirikõãburo. Oteri direta baagũde ããrĩpererire baagũre: “Irasũ baamakũ ñegorãa”, ãrĩbirikõãburo. Marĩpu ããrĩpereri baagũdere: “Yaagu ããrĩmi”, ãrĩ ĩãsiadi ããrĩmĩ. ⁴ Marĩ gajigũre moãboegũre: “Ñerõ yãa”, ãrĩmasĩbirikoa. ĩgũ opu dita irasũ ãrĩmasĩmi. Marĩ Jesucristore buremurãde irasũta ããrã. Irasirirã marĩ gajerã Jesucristore buremurãrẽ: “Ñerõ yãa”, ãrĩmasĩbirikoa. Marĩpu ĩgũsã Opu ããrĩmi. ĩgũ sugũta ĩgũsãrẽ: “Õãrõ yãa, o ñerõ yãa”, ãrĩmasĩmi. ĩgũ turagũ ããrĩsĩã, ĩgũyarãrẽ ĩgũrẽ õãrõ buremuturamakũ irigũkumi.

⁵ Gaji werenemogura musãrẽ. Surãyeri: “Sunũta gajinurĩ nemorõ Marĩpũre buremurõ gããmea”, ãrĩ gũñama. Gajerã gapu: “Æãrĩpererinurĩ surõsũ, Marĩpũya ããrã”, ãrĩ gũñama. Irasirirã masakakũ: “Marĩpu yũre ãsũ irimakũ gããmemi”, ãrĩ gũñarõ gããmea. ⁶ Sugũ: “Irinũno direta nerẽ, Marĩpũre buremudorea”, ãrĩ gũñagũ, Marĩpũre buremubu irasũ ãrĩ gũñami. Gajigũ ããrĩpererire baagũde Marĩpũre: “Yũ baari, mu sĩdea ããrã”, ãrĩ, usuyari sĩmi. Irasirigũ ĩgũde Marĩpũre buremugũta ããrĩmi. Gajigũ gajinorẽ baabide Marĩpũre buremumi. ĩgũde Marĩpũre: “Yũ baari, mu sĩdea ããrã”, ãrĩ, usuyari sĩmi.

⁷ Marĩ okarã, boarãde marĩ basi: “Æsũ irigũra”, ãrĩmasĩña máa. ⁸ Marĩ, Jesucristoyarã marĩ okarinurĩrẽ ĩgũyare irimurã ããrã. Marĩ boadero purũgũdere ĩgũyarã ããrĩnikõãrãkoa. Irasirigũ marĩ okamakũ, marĩ boamakũdere Cristo marĩ Opũta ããrĩnikõãgũkumi. ⁹ Irasũta ããrã. Cristo boa, purũ masãdi ããrĩmĩ ããrĩpererã okarã, boanerã Opũ ããrĩbu.

¹⁰ Iro merẽ, ¿nasirirã musã gajerã Jesucristore buremurãrẽ: “Ñerõ yãma”, ãrĩ werewurari? ¿Nasirirã ĩgũsãrẽ irasũ ĩãbéokõãrĩ? Cristo marĩ ããrĩpererãrẽ ĩgũ diaye nĩdoregũkumi marĩ irideare werebu. Irasirirã gajerã Jesucristore buremurãrẽ: “Ñerõ yãma”, ãrĩ werewurabirikõãrõ gããmea. ¹¹ Marĩpũya werenĩrĩ gojãdea pũgue ãsũ ãrĩ gojasũdero ããrĩbũ:

Æsũ ãrĩmi marĩ Opũ: “Yũ okagũ ããrã. Yũ werenĩrĩ diayeta ããrã. Æãrĩpererã yũ ĩũrõ ñadũkupuri merã ejamejãrãkuma. Æãrĩpererã yũre: ‘Mu, gũa Opũ õãgũ, turagũ ããrã’, ãrĩrãkuma”, ãrĩ gojasũdero ããrĩbũ.*

¹² Irasirirã, Marĩpu marĩ irideare sãrẽñamakũ, marĩ masakakũ ããrĩpereri marĩ irideare wererãkoa.

Neõ musã iriri merã gajerã Jesucristore buremurãrẽ ñerĩ irimakũ iribirikõãka!

¹³ Irasirirã gãme werewuranemobirikõãrã! Æsũ gapu ãrĩ gũñarã! “Gũa iriri merã gajerã Jesucristore buremurãrẽ ñerĩ irimakũ iridurabirikoa”, ãrĩ gũñarã! ¹⁴ Yũ, marĩ Opũ Jesucristore buremugũ, ãsũ õãrõ masĩa. Æãrĩpereri Marĩpu baari pídea õãgorãa yũre. Gajigũ gapu: “Yũ irire baamakũ, ñegorãa”, ãrĩ gũñamakũ, ĩgũrẽ diayeta ñegorãa. ¹⁵ I diayeta ããrã. Gajigũ Jesucristore buremugũ, ĩgũ baabirire musã baamakũ ĩãgũ: “Iri Marĩpu baadorebiridea ããrã”, ãrĩ gũñakeregũ, musãrẽ ĩãkũĩ, baabokumi. Irasũ

* 14:11 Is 45.23

baagu: “Ñerō iriabũ”, ãrĩ gũñarikubokumi. Irasirirã, ïgũ baabirire dupaturi baarã, ïgũrẽ maĩrã meta yáa. Cristo ïgũdere boabosadi ããrĩmĩ. Irasirirã mũsã baari merã gajigu Cristore bũremugũrẽ poyanorẽbirikõãka! ¹⁶ Irasirirã: “Gua ãsũ iriri õãgoráa”, ãrĩ gũñakerepũ, gajerã gapũ mũsãrẽ: “Ñerō yáma”, ãrĩ werewuamakũ pérã, dupaturi irire irinemobirikõãka! ¹⁷ Marĩpũ ïgũyarãrẽ doreri: baa, iirĩri meta ããrã. I gapũ ããrã. Diayemarẽ irinĩrĩ, ïgũ merã siuñajãrĩ opari, usuyari merã ããrĩrĩ ããrã. Irire Õãgũ deyomarĩgũ iritamurĩ merã irisũa. ¹⁸ Sugũ irasũta Cristoyare õãrõ irigu Marĩpũre usuyamakũ yámi. Masakade ïgũ õãrõ irimakũ ïãrã, ïgũrẽ: “Õãrõ yámi”, ãrĩrãkuma.

¹⁹ Marĩpũ merã siuñajãrĩ opamurã, marĩ basi gãme iritamumurã irasiro gããmea. Irire irirã, Jesucristore bũremunemowãgãnrãkoa. ²⁰ Marĩpũ Jesucristore bũremurãnorẽ ïgũ merã õãrõ ããrĩmakũ yámi. Irasirirã, mũsã baari merã Marĩpũyare ïgũsã iririre pirimakũ iribirikõãka! Diayeta ããrĩpereri Marĩpũ baari pídea õãrĩ dita ããrã. Gajigu ïgũ baabirire mũsã baamakũ ïãgũ: “Iri Marĩpũ baadorebiridea ããrã, irire baagu ñerõ iribokoa”, ãrĩ gũñakeregũ, mũsãrẽ ïãkũĩ, baagu ñerõ iribokumi. Irasirirã mũsã irire baarã, ïgũrẽ ñerõ irimakũ iribokoa. Mũsã irasiriri ñegoráa. ²¹ Gajigu Jesucristore bũremugũrẽ marĩ iriri merã ïgũrẽ ñerĩ irimakũ iribokoa, ãrĩrã, ãsũpero iiro gããmea. ïgũ waibũ díi baabirimakũ ïãrã, irire baabirikõãrõ gããmea. Iguí deko pãmudeare ïgũ iirĩbirimakũ ïãrã, irire iirĩbirikõãrõ gããmea. ïgũrẽ Jesucristore bũremuturabirimakũ iribirikõãrõ gããmea. ²² “Marĩpũ ïũrõ yũ iriri õãgoráa”, ãrĩ bũremugũno irimarẽ gajerã bũremuturamerãrẽ guaseobirikõãburo. Sugũ: “Marĩpũ ïũrõ ñerõ iribea, waja opabea, diayeta yáa”, ãrĩ gũñagũ, usuyari merã ããrĩgũkumi. ²³ Gajigu gapũ: “Iri baarire baagu, ñerõ iribokoa”, ãrĩ gũñarikerekeregũ irire baagu, waja opami. Irasirirã: “Marĩ ãsũ irirã, ñerõ iribokoa”, ãrĩ gũñarikakererã irire irirã, waja opáa. ããrĩpereri marĩ irasiriri, ñerĩ iriri ããrã.

15

Gajerãya ããrĩburidere gũñarõ gããmea, ãrĩ gojadea

¹ Marĩ Jesucristore bũremurã, ïgũrẽ bũremuturamerãrẽ iritamurõ gããmea. Marĩya ããrĩburi direta iribirikõãrõ gããmea. ² Marĩ masakakũ marĩ pũro ããrĩrãya ããrĩburire gũñarõ gããmea, ïgũsãde Jesucristore bũremunemowãgãburo, ãrĩrã. ³ Cristode ïgũyama direta iribiridi ããrĩmĩ. Marĩpũya gapũre iridi ããrĩmĩ. Irasiro ïgũrẽ waadeare Marĩpũya werenĩrĩ gojadea pũgue ãsũ ãrĩ gojasũdero ããrĩbũ: “Mũrẽ ñerõ werenĩrã, yũguere ãrĩmeétuma”. ⁴ ããrĩpereri iripoegue Marĩpũya werenĩrĩ gojadea marĩrẽ buedorero gojasũdero ããrĩbũ. Irire buerã, gũñatura, õãrõ yũjũpũrãkũrãkoa. Irasirirã ñerõ tarirã, Marĩpũ iritamuburire usuyari merã yúa. ⁵ Marĩpũ marĩrẽ gũñatura, õãrõ yũjũpũrãkũmakũ irigu, Jesucristo gããmerõsũta mũsãrẽ sugũ pũrã irirosũ sũrosũ ããrĩrikũmakũ iriburo. ⁶ Irasirirã mũsã ããrĩpererã suro merã Marĩpũre marĩ Opũ Jesucristo Pagũre: “Õãtaria mũ”, ãrĩ, usuyari sũrãkoa.

Jesucristo judío masaka ããrĩmerãrẽ tauburire gojadea

⁷ Jesucristo ïgũ marĩrẽ ñeãderosũta marĩde gajerãrẽ õãrõ gãme bokatĩrĩñeãrõ gããmea, ããrĩpererã Marĩpũre: “Õãtaria mũ”, ãrĩburo, ãrĩrã. ⁸ Mũsãrẽ ire werea. Marĩpũ gua ñekũsãmarãrẽ ïgũ: “Ãsũ irigũra”, ãrĩdeare diaye iridi ããrĩmĩ. Irasirigu Jesucristo judío masakare iritamugũ i ãmũguere aaridi ããrĩmĩ. ïgũ irasiriri merã ïgũ Pagũ ãrĩdeare iri ïmupeodi ããrĩmĩ. ⁹ Irasũ ããrĩmakũ, judío masaka ããrĩmerã: “Marĩpũ guadere bopoñagũ õãtarimi”, ãrĩdoregũ, aaridi ããrĩmĩ. Marĩpũya werenĩrĩ gojadea pũgue gojaderosũta irasiridi ããrĩmĩ. ãsũ ãrĩ gojasũdero ããrĩbũ:
Marĩpũre ãsũ ãrĩmĩ: “Judío masaka ããrĩmerã watopegue mũrẽ usuyari sũgũra. ‘Turatarigu ããrã’, ãrĩ bayapeogũra mũrẽ”, ãrĩmĩ, ãrĩ gojasũdero ããrĩbũ.*

* 15:9 2 S 22.50; Sal 18.49

¹⁰ Gajeroguedere àsũ arĩ gojasũdero ããrĩbú:

Mũsã judío masaka ããrĩmerã Marĩpũyarã judío masaka merã usũyaka! arĩ gojasũdero ããrĩbú.✠

¹¹ Gajeroguedere àsũ arĩ gojasũdero ããrĩbú:

Ããrĩpererã judío masaka ããrĩmerã Marĩpũre: “Õãtaria mũ”, arĩ, usũyari sĩburo. ããrĩperero marã masaka: “Ìgũ turatarigũ ããrĩmi”, arĩburo, arĩ gojasũdero ããrĩbú.✠

¹² Isaíade àsũ arĩ gojadi ããrĩmĩ David pagũ, Isaí wãikũgũre gojagũ:

Isaí parãmi ããrĩturiagũ aarigũkumi. Irasũ aarigũ, judío masaka ããrĩmerã Opũ ããrĩgũkumi. Ìgũsã Ìgũrẽ: “Gũare taubu ããrĩmi”, arĩ bũremurãkuma, arĩ gojadi ããrĩmĩ.✠

¹³ Marĩpũ marĩrẽ Ìgũ òãrõ iriburire usũyari merã yũmakũ irigũ, mũsãrẽ Ìgũrẽ bũremurãrẽ usũyari, siũñajãrĩ sĩnemoburo. Irasirirã mũsã Õãgũ deyomarĩgũ iritamurĩ merã nemorõ usũyari merã yũrãkoa.

¹⁴ Yaarã mũsã, yũ péñamakũ, Jesucristore bũremurã, gajerã merã òãrõ ããrĩrikũa. Cristoyare òãrõ masĩa. Irasirirã mũsã basi irire òãrõ gãme weremasĩa. ¹⁵ Mũsã irasũ masĩkerepũrũ, i papera pũguere gũiro marĩrõ irire gojáa, mũsã masĩdeare kãtibirikõãburo, arĩgũ. Marĩpũ yũre òãrõ irigũ, mũsãrẽ Jesucristoyare buedoregũ pími. ¹⁶ Ìgũ yũre irasũ pímakũ, paía Marĩpũre gajino sĩrõ irirosũta yũ judío masaka ããrĩmerãrẽ Ìgũrẽ wiadũakoa, Ìgũyarã ããrĩburo, arĩgũ. Irasirigũ Ìgũsãrẽ Jesucristoya kerere buea. Yũ irasũ buemakũ pérã, Jesũre bũremurãkuma. Ìgũsã irasũ bũremumakũ Ìãgũ, Marĩpũ Ìgũsãrẽ: “Õãrã ããrĩma”, arĩ Ìãgũkumi. Õãgũ deyomarĩgũ Ìgũsãrẽ Marĩpũyarã waamakũ irigũkumi. Irasirigũ Marĩpũ Ìgũsãrẽ: “Yaarã ããrĩma”, arĩ ñeãgũkumi.

¹⁷ Yũ Jesucristore bũremugũ, Ìgũ iritamurĩ merã Marĩpũ yũre pídeare òãrõ yáa. Irasirigũ yũ moãrĩ merã òãrõ péñáa. ¹⁸ Irasirigũ Jesucristo yũ merã iridea direta mũsãrẽ weregũra. Mũsã judío masaka ããrĩmerãrẽ Marĩpũre bũremumakũ gããmesãgũ, yũre iritamumi. Irasirigũ yũ bueri merã, yũ iriri merã mũsã judío masaka ããrĩmerãrẽ Marĩpũre bũremumakũ irimi. ¹⁹ Yũ, Marĩpũ turari merã iri Ìmurĩ merã, Õãgũ deyomarĩgũ iritamurĩ merã mũsãrẽ buebũ. Irasũ buegũ, Jesucristo masakare tauri kerere Jerusalén merã buerũrori, pũrũ ããrĩpererogue buegorena, pũrũ Ilírigo wãikũri nikũgue iri kerere buetũnubũ. ²⁰ Gajerã buesũña marĩrõgue Jesucristoyare masĩmerãrẽ bũro buedũari merã buebũ. Irasũ buegũ, gajerã Ìgũsã buedeaguere buewekapeobiribũ. ²¹ Irasũ buegũ, Marĩpũya werenĩrĩ gojadea pũgue gojasũderosũta iribũ. Àsũ arĩ gojasũdero ããrĩbú Cristore masĩbirinerã masĩburire:

Ìgũya kerere neõ pébirinerã weresũrãkuma. Ìgũyare neõ pébirinerã òãrõ pémasĩrãkuma, arĩ gojasũdero ããrĩbú.✠

Pablo Ìgũ Romague waaburire gojadea

²² Yũ gaji makãrĩ marãrẽ buegorenasĩa, wãri mũsãrẽ Ìãgũ waadũakeregũ, waa-masĩbiribũ dapa. ²³ Dapagueta iri makãrĩguere yũ moãrĩ peoa. Irasirigũ iripoegueta mũsã pũrogue waadũanĩdĩ ããrĩsĩa, pũrũ weya irogue waagũra, mũsã merã ããrĩbu. ²⁴ Irasirigũ Espaĩague waagũ, mũsã pũro eja, mũsãrẽ Ìã, usũya, mũsã merã mérõgã ããrĩ, pũrũ mũsã yũre iritamurĩ merã tariagũra. ²⁵ Daporare Jerusalẽgue waapũroribu yáa dapa. Iro marãrẽ Jesucristore bũremurãrẽ iritamugũ, niyeru ãĩabu yáa. ²⁶ Jesucristore bũremurã Macedonia, Acaya marã Jerusalẽgue ããrĩrãrẽ boporãrẽ gũña, niyerure neõ, iriudũama Ìgũsãrẽ iritamurã. Irasirigũ irogue iri niyerure Ìgũsãrẽ sīgũ waabu yáa. ²⁷ Judío masaka ããrĩmerã Macedonia, Acayague ããrĩrã, judío masaka Jerusalẽgue ããrĩrãrẽ gũñama Ìgũsãrẽ iritamumurã. Ìgũsã irasũ gũñarĩ òãgoráa. Judío masaka, judío masaka ããrĩmerã gapũre Jesucristoya kerere wererũrorima. Irasirirã judío masaka ããrĩmerã Jesucristore bũremurã, Marĩpũ judío masakare: “Sĩgũra”, arĩdeare Ìgũsãde ñeãma. Irasirirã

judío masaka ããrĩmerã ãgũsã opari merã judío masakare boporãrẽ iritamurõ gããmea. ²⁸ Irasirigũ Jerusalén marãrẽ iri niyerure yũ sĩ odoadero pũũ, Españague waagũ, mũsãrẽ ãtariagũra. ²⁹ Yũ mũsã pũrogue waagũ, Jesucristoya kerere mũsãrẽ weregũkoa. Irasirirã mũsã iri merã õãrõ yũjũpũrãkũrãkoa.

³⁰ Yaarã, mũsã marĩ Opũre Jesucristore bũremua. Õãgũ deyomarĩgũ marĩrẽ gãme maĩmakũ yãmi. Irasirigũ yũ mũsãrẽ ãsũ irimakũ gããmea. Yũre iritamurã, yaa ããrĩburire Marĩpũre sërẽbosaka, yũ moãrĩmarẽ! ³¹ Ìgũrẽ yaa ããrĩburire ãsũ sërẽbosaka! Judea nikũ marã Jesũre bũremumerã yũre ãgũsã ñerõ iridũamakũ, Marĩpũ yũre iritamuburire sërẽka! Jerusalén marãrẽ iri niyerure yũ sĩmakũ, ãgũsã irire usũyari merã õãrõ ñeãburire sërẽka! ³² Mũsã irasũ sërẽmakũ, Marĩpũ gããmemakũ, usũyari merã mũsã pũro waagũkoa. Irasirigũ mũsã merã usũya, siũñajãgũkoa. ³³ Marĩpũ marĩrẽ siũñajãrĩ merã ããrĩmakũ irigũ, mũsã ããrĩpererã merã ããrĩburo. Irasũta ããrĩburo.

16

Pablo Romague ããrĩrãrẽ õãdoreri gojadea

¹ Gũa merãmo Jesucristore bũremugõ Febe wãikũgo mũsã pũrogue waabo yãmo. Igo Cencrea wãikũri makãgue Jesucristore bũremurãrẽ iritamugõ ããrĩmo. ² Mũsã Jesucristore bũremurã usũyari merã igore bokatĩrĩñeãka! Marĩrẽ Jesucristore bũremurãrẽ irasũta õãrõ bokatĩrĩñeãrõ gããmea. Igo wãrãrẽ iritamudeo ããrĩmo. Yũdere iritamumo. Irasirirã, igo gajino gããmemakũ iritamuka!

³ Aquila, ãgũ marãpo Priscilade õãburo. Jesucristoyare yũ buemakũ, ãgũsãde yũre buetamuma. ⁴ Gajerã yũre wẽjẽdũamakũ, ãgũsã yũre iritamurĩ waja ãgũsãdere mërõ wẽjẽboyama. Ìgũsã yũre irasũ õãrõ iritamurĩrẽ yũ dita Marĩpũre usũyari sĩbea. Judío masaka ããrĩmerã Jesucristore bũremurã ããrĩpererã Marĩpũre usũyari sĩma. ⁵ Jesucristore bũremurã Aquilaya wiigue nerẽnarãde õãburo. Yũ maĩgũ Epenetode õãburo. Ìgũta Asiaguere Cristore bũremupũrorinũgãdi ããrĩmĩ. ⁶ Mariãde õãburo. Igo mũsã merã bũro moãyupo. ⁷ Yaarã Andrónico, Juniãde õãburo. Peresu yũ ããrĩmakũ, ãgũsãta yũ merã ããrĩmã. Yũ Cristore bũremuburi dupuyuro ãgũsã gapũ bũremunũgãsianerã ããrĩmã. Jesús buedoregũ pĩnerã ãgũsãrẽ: “Diayeta õãrã ããrĩma”, ãrĩ werenĩma.

⁸ Amplias yũ maĩgũ Jesũre bũremugũ õãburo. ⁹ Urbano õãburo. Ìgũde gũa merã moãmi, Jesucristoya kerere masakare buegũ. Yũ maĩgũ Estaquide õãburo. ¹⁰ Apelede õãburo. Ìgũ diayeta Jesucristore õãrõ bũremumi. Ìgũ iririkũrere ããrĩ: “Cristore õãrõ bũremugũ ããrĩmĩ”, ãrĩ masĩa. Aristóbulo yũ wii marãde õãburo. ¹¹ Gajigũ yaagũ judío masaku Herodiõde õãburo. Narcisoya wii marã marĩ Opũ Jesũre bũremurãde õãburo. ¹² Trifena, Trifosa õãburo. Ìgũsã nome marĩ Opũ Jesũyare moãma. Gũa maĩgõ Pãrsidade õãburo. Igo marĩ Opũ Jesucristoyare bũro moãmo. ¹³ Rufode õãburo. ããrĩpererã ãgũrẽ: “Jesucristore õãrõ bũremumi”, ãrĩ ããma. Ìgũ pagode õãburo. Igo, yũpo irirosũta yũre õãrõ irimo. ¹⁴ Asĩncrito, Flegonte, Hermes, Patrobas, Hermas, gajerã Jesũre bũremurã ãgũsã merã ããrĩrãde õãburo. ¹⁵ Filólogo, Julia, Nereo, ãgũ pagũmode Olimpã, gajerã Jesũre bũremurã ãgũsã merã ããrĩrãde õãburo.

¹⁶ Mũsã gãme õãdorerã, õãrõ usũyari merã, bũremurĩ merã pãbũa õãdoreka! ããrĩpererã Jesucristore bũremurã mũsãrẽ õãdoreri iriũma.

¹⁷ Yaarã mũsã Jesucristore bũremurã, surãyeri mũsã watopegue ããrĩrã ãgũsã iriri merã mũsãrẽ ñerõ irimakũ, mũsãrẽ gãme dukawarimakũ iridũama. Irasirirã, mũsãrẽ Jesũyare buedeare goroweodũama. Irasirirã irasũ ããrĩrãrẽ wapikũbirikõãka! ¹⁸ Ìgũsã, marĩ Opũ Jesucristo dorerire irirã meta ããrĩma. Ñerĩrẽ ãgũsã haribejari direta irirã ããrĩma. Ìgũsã õãrõ pẽma õãrĩ werenĩrĩ merã pẽmasĩturamerãrẽ ãrĩgatoma. Ìgũsã irasũ ãrĩgatoma, ãgũsãrẽ õãrõ pẽtũyama. Irasirirã ãrĩgatorimasãrẽ wapikũbirikõãka! ¹⁹ ããrĩpererã masaka

m̄sã Jesucristoyare õãrõ iririre masĩsiamã. Irasirigũ yũ m̄sã merã burõ usũyãã. Yũ m̄sãrẽ õãrĩ gapũre masĩmakũ gããmekoa. Neõ ñerĩ tamerãrẽ gããmesãbirikoa. ²⁰ Marĩpũ marĩrẽ õãrõ siuñajãrĩ merã ããrĩmakũ irigũ, mérõgã purũ wãtẽã opũ Satanãrẽ béogakumi, m̄sãrẽ neõ tarinũgãnemobirikõãburo, ãrĩgũ. Marĩ Opũ Jesucristo m̄sãrẽ õãrõ iritamunĩkõãburo.

²¹ Timoteo yũ merã Jesucristoya kerere weretamugorenagũ m̄sãrẽ õãdoremi. Yaarã Lucio, Jasón, Sosípater m̄sãrẽ õãdorema.

²² Yũ, Tercio wãĩkũgũ i pũrẽ Pablõre gojabosãã. Ìgũ yũre gojadorerire gojatúa. Irasirigũ yũde Jesucristore burẽmugũ, m̄sãrẽ Jesucristore burẽmurãrẽ õãdorea.

²³ Yũ Pablo, Gayoya wii ããrã. Ìgũyã wiigũe Jesucristore burẽmurã nerẽnama. Ìgũde m̄sãrẽ õãdoremi. Erasto, i makã marã oparãrẽ niyeru duripĩboerimasũ m̄sãrẽ õãdoremi. Cuartode Jesucristore burẽmugũ m̄sãrẽ õãdoremi.

²⁴ Marĩ Opũ Jesucristo m̄sãrẽ ããrĩpererãrẽ õãrõ iritamuburo. Irasũta iriburo.

Pablo usũyari merã gojatũnudeã

²⁵ Daporare Marĩpũre: “Õãtaria mũ”, ãrĩ, usũyari sĩrã! Marĩpũ, marĩ Opũ Jesucristoya kere merã marĩrẽ ìgũrẽ nemorõ burẽmumakũ yãmi. Yũ iri kerere, Marĩpũ ìgũ Cristo merã marĩrẽ tauri kerere wereã m̄sãrẽ. Neõgoragueta Marĩpũ ìgũ masakare: “Taugũra”, ãrĩdea ããrĩsiadero ããrĩbũ. Irasũ ããrĩkererũ, ããrĩpererã masaka gapũ irire masĩbirinerã ããrĩmã.

²⁶ Daporare Marĩpũyare weredupuyunerã gojadeã kere merã ìgũ marĩrẽ: “Taugũra”, ãrĩdeare marĩ masĩã pama. Marĩpũ ããrĩnĩgũ ìgũ dorerosũta ããrĩpereri buri marãrẽ iri kerere, masaka iripoegue masĩbirideare masĩmakũ yãmi. ããrĩpererã masakare ìgũrẽ burẽmu, ìgũ dorerire iriburo, ãrĩgũ, irasũ yãmi. ²⁷ Marĩpũ sugũta ããrĩmi. Ìgũ sugũta ããrĩpererire masĩpeogũ ããrĩmi. Irasirirã Jesucristo iritamurĩ merã ìgũrẽ: “Õãtaria mũ”, ãrĩ burẽmunĩkõãrã! Irasũta irirã!

Iropãta ããrã.

Pablo

1 CORINTIOS

Pablo Corinto marārē òãdoredea

¹ Y_H Pablo, Sóstenes merā m_usārē òãdoredea. Marĩp_H gããmederosũta Jesucristo y_Hre ìgũyare buedoreg_H beyepími. Sóstenes Jesúre b_uremugũ, marĩyaguta ããrĩmi. ² Y_H ìgũ merā m_usã Corinto marārē gojáa. M_usã Jesucristore b_uremurã, ìgũ merā òãrõ ããrĩsĩã, Marĩp_Hyarã ããrã. Marĩp_H m_usārē, gajerã ããrĩpererogue marã marĩ Op_H Jesucristore: “Iritamuka y_Hre!” ãrĩ sērērãrē siudi ããrĩmĩ ìgũyarã ããrĩburo, ãrĩgũ. Jesucristo ìgũsã Op_H ããrĩmi. Irasũ ããrĩmakũ, marĩdere marĩ Op_Hta ããrĩmi. ³ Marĩp_H ããrĩnĩgũ, marĩ Op_H Jesucristo m_usārē òãrõ iritamu, siuñajãrĩ merã ããrĩrik_umakũ iriburo.

Marĩp_H Jesucristo merã m_usārē òãrõ iritamumi, ãrĩ gojadea

⁴ Ũm_urik_u y_H Marĩp_Hre ũsuyari sĩnĩkõãa Jesucristo iridea merã ìgũ m_usārē òãrõ iritamumakũ ìãgũ. ⁵ M_usã Cristo merã òãrõ ããrĩmakũ, Marĩp_H m_usārē ìgũyamarē ããrĩpereri òãrĩrē sĩdi ããrĩmĩ. Irasirig_H m_usārē òãrõ pémasĩrĩ merã ìgũyare gajerãrē weremakũ, irire masĩmakũ yámi. ⁶ Marĩp_H irire sĩgũ, y_H m_usārē: “Cristo òãrõ iritamug_ukumi”, ãrĩderosũta irire iridi ããrĩmĩ. ⁷ Irasirirã marĩ Op_H Jesucristo dupaturi aariburire yúrã Marĩp_H sĩrĩrē opapeokõãa. ⁸ I ũm_u peremakũgedere ìgũ turari merã m_usārē Jesucristore b_uremunĩmakũ irig_ukumi. Irasirig_H marĩ Op_H Jesucristo dupaturi aarimakũ, marĩrē waja opamerã ããrĩmakũ irig_ukumi. ⁹ Marĩp_H, ìgũ: “Ãsũ irig_ura”, ãrĩdeare keoro irig_u ããrĩmi. Ìgũta m_usārē beyedi ããrĩmĩ, ìgũ magũ Jesucristo marĩ Op_H merã òãrõ ããrĩburo, ãrĩgũ.

Pablo Corinto marārē Marĩp_Hyarãrē: “Gãme dukawaribirikõãka!” ãrĩ gojadea

¹⁰ Yaarã, y_H marĩ Op_H Jesucristo dorederosũta m_usārē ãsũ ãrĩ wereg_ura. S_urosũ gũñarĩ merã werenĩka! M_usã werenĩrĩ merã gãme dukawaribirikõãka! Ũsuyari merã werenĩ, s_urosũ gũñarĩ merã ããrĩrik_uka! ¹¹ Yaarã, Cloéya wii marã y_Hre m_usã gãme werenĩ guaseorire werema. ¹² M_usã ãsũ ãrĩ gãme guaseoyuro: “G_ua Pabloyarã ããrã”, ãrĩ guaseoyuro. Gajerã: “Apoloyarã ããrã”, gajerã: “Pedroyarã ããrã”, gajerã: “Cristoyarã ããrã”, ãrĩ gãme guaseoyuro. ¹³ Irasũ ãrĩ gãme guaseobirikõãka! Marĩ Cristore b_uremurã ããrã. Irasirirã ìgũ sug_uyarãta ããrã. Gãme dukawarimasĩña máa. Y_H, m_usãya ããrĩburire curusague boabosabirib_u. M_usã, y_H wãĩ merã wãĩyesũbirib_u. ¹⁴ Y_H Marĩp_Hre: “Òãa” ãrĩ, ũsuyari sĩa. Y_H m_usārē deko merã wãĩyebirib_u. Crispo, Gayosã direta wãĩyeb_u. ¹⁵ Irasirirã m_usã: “G_ua Pablo wãĩ merã wãĩyesũnerã ããrã”, ãrĩmasĩbea. ¹⁶ Gajerãrē Estéfanaya wii marãdere wãĩyeb_u, ãrĩ gũñab_u. Gajerãgue tamerãrē wãĩyeb_u, ãrĩmasĩbirikoa. ¹⁷ Cristo y_Hre wãĩyedoreg_H pĩbirimi. Ìgũ masakare tauri kere gap_ure weredoreg_H pími. Irire y_Hre pígu, masĩrĩmasã werenĩrõsũ werenĩdorebirimi. Y_H, ìgũsã irirosũ werenĩmakũ, masaka Cristo curusague boabosadeare pémasĩbiribokuma. Irasirirã ìgũ taiburire neõ masĩbiribokuma.

Cristo merã Marĩp_H turarire, ìgũ masĩrĩrē masĩsũa, ãrĩ gojadea

¹⁸ Jesucristore b_uremumerã peamegue béosũmurã, ìgũ curusague boadea kerere pérã: “Pémasĩmerãya bueri ããrã”, ãrĩma. Marĩ ìgũ tausũmurã gap_ure i kerere pémakũ, Marĩp_H ìgũ turari merã marĩrē ìgũrē b_uremumakũ yámi. ¹⁹ Marĩp_Hya werenĩrĩ gojadea pũgue ãsũ ãrĩ gojasũdero ããrĩbú:

I ũm_u marã masĩrĩmasã ìgũsã masĩrĩrē ubu ããrĩrĩ dujamakũ irig_ura. Gajinorē ěmabéogu irirosũ ìgũsã pémasĩrĩrē ěmagura, ãrĩdi ããrĩmĩ Marĩp_H.[☆]

²⁰ Irasirirã: “Masĩpeokõãa”, ãrĩrã, ubu ããrĩrã dujama. Gajerã ìgũsã gũñarõ buerimasãde irasũta dujama. I ũm_umarē òãrõ werenĩmasĩrãde irasũta dujama. I ũm_umarē: “Òãrõ

☆ 1:19 Is 29.14

masĩa”, ārkerepuru, Marĩpu gapu ĩgũsā masĩrĩrē ubu āārĩrĩ dujamakū yāmi. ²¹ Marĩpu masĩgũ āārĩsĩā, i ũmu marārē ĩgũsā masĩrĩ merā ĩgũrē masĩmakū iribiridi āārĩmĩ. Āsũ gapu ārĩdi āārĩmĩ. Jesucristoya kerere buremurārē: “Taugura”, ārĩdi āārĩmĩ. ĩgũrē buremumerā gapu iri kerere pérā: “Pemasĩmerāya bueri āārā”, ārĩma.

²² Judío masaka iri kerere buremumerā: “Marĩpu turari merā gajino iri ĩmumakū ĩārāgue buremurākoa”, ārĩma. Judío masaka āārĩmerā griego masakade i ũmuma ĩgũsā masĩrĩ diretta masĩduama. ²³ Gũa gapu Jesucristo curusague boadiya kerere werea. Judío masaka iri kerere pérā: “ĩgũ guare taugu meta āārĩmĩ”, ārĩma. Judío masaka āārĩmerāde iri kerere pérā: “Pemasĩmerāya bueri āārā”, ārĩma. ²⁴ Marĩ gapu Marĩpu beyenerā āārĩsĩā, iri kerere pérā: “Marĩpu masĩgũ, turatarigu āārĩsĩā, Cristo iridea merā marĩrē peamegue waabonerārē taugukumi”, ārĩ masĩa. Marĩ judío masaka, judío masaka āārĩmerāde Cristore buremurā āārĩsĩā, irire masĩa. ²⁵ Cristore buremumerā gapu Marĩpu ĩgũ masĩrĩ merā, ĩgũ turari merā iririre āsũ ārĩ gũñama: “Ubu āārĩrĩ āārā”, ārĩ gũñama. ĩgũsā irasũ ārĩ gũñakerepuru, Marĩpu masĩrĩ gapu masaka masĩrĩ nemorō ōārĩ āārĩtarinugārĩ āārā. ĩgũ turari gapu, masaka turari nemorō āārā.

²⁶ Yaarā, Marĩpu musārē ĩgũyarā āārĩdoregu siiuburo dupuyuro musā āārĩrikudeare gũñaka! Musā i ũmu marā masĩrĩmasā, dorerimasā, oparā pūrā irirosũ āārĩrā mérāgā āārĩnerā āārĩbũ. ²⁷ Marĩpu, i ũmu marā masĩrārē guyasĩūrō taridoregu, ĩgũsā pemasĩmerā āārĩma, ārĩrā gapure beyedi āārĩmĩ. Irasũ āārĩmakū, i ũmu marā oparārē guyasĩūrō taridoregu, ubu āārĩrā gapure beyedi āārĩmĩ. ²⁸ Ubu āārĩrā gapure, masaka ĩāduāña marĩrā gapure beyedi āārĩmĩ ĩgũyarā āārĩburo, ārĩgũ. Oparā irirosũ āārĩrā gapure ubu āārĩrā dujaburo, ārĩgũ, irasiridi āārĩmĩ. ²⁹ Irasirigu neō sugu masakũ: “Yũ gajerā nemorō masĩtarinugāgũ āārĩmakū ĩāgũ, Marĩpu yũre beyedi āārĩmĩ”, ārĩmasĩbirikumĩ. ³⁰ Musārē Marĩpu basita Jesucristo merā ōārō āārĩmakū iridi āārĩmĩ. Irasirigu Marĩpu Cristo merā marĩrē ĩgũyare masĩmakū yāmi. ĩgũ merā marĩrē: “Ōārā, waja opamerā āārĩma”, ārĩ ĩāmi. Irasirirā marĩ ĩgũyarā, peamegue waabonerā ĩgũ tausũnerā āārā. ³¹ Irasiriro Marĩpuya werenĩrĩ gojadea pũgue āsũ ārĩ gojasũdero āārĩbũ: “Neō sugu: ‘Gajerā nemorō masĩtarinugāgũ āārā’, ārĩbirikōāburo. Irasũ ārĩrōno irigu marĩ Opu gapure: ‘Turatarigu āārĩsĩā, marĩrē ōātariro iridi āārĩmĩ’, ārĩburo”, ārĩ gojasũdero āārĩbũ.

2

Cristo curusague boadea kerere gojadea

¹ Yaarā, yũ musā pũroge Marĩpuya kerere, masaka masĩbirideare buegu ejagu, masĩrĩmasā diasari werenĩrĩ merā buerosũ buebiribũ. ² Yũ musā merā āārĩgũ: “Jesucristoya kerere, irasũ āārĩmakū ĩgũ curusague boadea directa buegura”, ārĩ gũñabũ. ³ Irasirigu musā merā āārĩgũ, ubu āārĩgũ irirosũ péñabũ. “Gajipoe irigu yũ iri kerere ōārō buemasĩbiribokoa”, ārĩgũ, gũi naradari merā āārĩkubũ. ⁴ Yũ musārē iri kerere buremumakū gāamegũ, masĩrĩmasā werenĩrĩosũ buebiribũ. Irasirirā, Marĩpu turari, Ōāgũ deyomarĩgũ iritamurĩ merā yũ musārē iri kerere buemakū pérā: “Diyeta āārā”, ārĩ buremubũ. ⁵ “Masaka masĩrĩ merā ĩgũsā guare buemakū buremua”, ārĩ gũñamakū gāamebiribũ. “Marĩpu, ĩgũ turari merā guare Jesucristoya kerere buremumakū yāmi”, ārĩ gũñamakū gāamegũ, irasũ buebũ musārē.

Marĩ Ōāgũ deyomarĩgũ iritamurĩ merā Marĩpũre masĩa, ārĩ gojadea

⁶ Gũa musārē Jesucristore ōārō buremurĩ oparārē buerā, Marĩpu wáro masĩrĩ sĩrĩ merā buea. Iri masĩrĩ i ũmuma meta āārā. Irasũ āārĩmakū, i ũmu marā masakare dorerāya meta āārā. I ũmuma ĩgũsā basi masĩrĩ pereakōārokoa. ⁷ Gũa, Marĩpu ĩgũ masĩrĩ merā irideare, neōgorague masaka ĩgũsā masĩbirideare buea. I ũmu iriburo dupuyuro, Marĩpu: “Āsũ irigura”, ārĩ gũñasiadi āārĩmĩ. Irasirigu marĩrē tauburire, marĩ ũmugasigue ĩgũ merā

ããrĩnĩburire gũñasiadi ããrĩmĩ. ⁸ ããrĩpererã i ùmũ marã masakare dorerã gapũ Marĩpu òãrõ gũñadeare pémasĩbirinerã ããrĩmã. Irire òãrõ pémasĩrãno ããrĩã, marĩ Opũ Jesucristo òãtarigure curusague pábiatú wějẽbiribonerã ããrĩmã. ⁹ ãsũ ãrĩ gojasũdero ããrĩbũ Marĩpũya werenĩrĩ gojadea pũgue:

Marĩpu ìgũrẽ maĩrãya ããrĩburire òãrõ ãmuyusiadi ããrĩmĩ. I ìgũ òãrĩ ãmubosadea, ìgũsã neõ ìãbiridea, pébiridea, neõ mérõgã gũñabiridea ããrã, ãrĩ gojasũdero ããrĩbũ.✠

¹⁰ Marĩpu ìgũ irideare, marĩ masĩbirideare Òãgũ deyomarĩgũ merã marĩrẽ masĩmakũ yámi. Òãgũ deyomarĩgũ Marĩpu gũñarĩrẽ masĩgũ ããrĩpererire masĩpeokõãmi.

¹¹ Gajigũ masakũ gũñarĩrẽ marĩ neõ masĩbea. Ìgũ basi ìgũ gũñarĩrẽ masĩmi. Ìgũ irirosũta Òãgũ deyomarĩgũ sugũta Marĩpu gũñarĩrẽ masĩmi. ¹² Marĩrẽ i ùmũma direta gũñabirikõãburo, ãrĩgũ, Marĩpu marĩrẽ Òãgũ deyomarĩgũrẽ sidi ããrĩmĩ ìgũ irirosũ gũñaburo, ãrĩgũ. Marĩrẽ maĩgũ, Òãgũ deyomarĩgũ merã ããrĩpereri ìgũ sĩdeare masĩburo, ãrĩgũ, irasiridi ããrĩmĩ. ¹³ Irasirirã gũna mũsãrẽ Marĩpũyare buerã, Òãgũ deyomarĩgũ masĩrĩ sĩrĩ merã buea. Gũna basi masĩrĩ merã buebea. Irasirirã, Òãgũ deyomarĩgũ gũna buedorerosũta ìgũrẽ oparãrẽ buea.

¹⁴ Òãgũ deyomarĩgũrẽ opamerã, Marĩpu Òãgũ deyomarĩgũ masĩrĩ sĩrĩrẽ gããmebema. Irire gããmemerã: “Ubu ããrĩrĩ ããrã”, ãrĩma. Òãgũ deyomarĩgũ iritamurĩ merãta marĩ ìgũyare pémasĩa. Ìgũrẽ opamerã gapũ ìgũyare neõ pémasĩbema. ¹⁵ Marĩ Òãgũ deyomarĩgũrẽ oparã, ìgũ iritamurĩ merã ããrĩpereri ñerĩrẽ, òãrĩrẽ ìã beyemasĩa. Òãgũ deyomarĩgũrẽ opamerã gapũ, marĩ ìgũrẽ oparã iririre neõ ìã beyemasĩbirikuma. ¹⁶ Marĩpũya werenĩrĩ gojadea pũgue ãsũ ãrĩ gojasũdero ããrĩbũ: “Neõ sugũ marĩ Opũ gũñarĩrẽ masĩgũ mámi. Neõ sugũno ìgũrẽ buemasibirikumi”, ãrĩ gojasũdero ããrĩbũ. Marĩ gapũ Òãgũ deyomarĩgũrẽ oparã ããrĩsĩã, marĩ Opũ Cristo gũñarĩrẽ masĩa.

3

Marĩpũyarã ìgũrẽ moãboerã ããrĩma, ãrĩ gojadea

¹ Yaarã, yũ Òãgũ deyomarĩgũ doreri irirãrẽ buerosũ mũsãrẽ buebiribũ. I ùmũ marã Òãgũ deyomarĩgũrẽ opamerã irirosũ mũsã ããrĩmakũ ìãgũ, irasiribũ. Cristoyare mũsã bũremuturabirimakũ ìãgũ, majĩrãgãrẽ buerosũ mũsãrẽ buebũ. ² Irasirigũ, majĩrãgã baari baamasĩmerã, ùpĩku dita mirĩrã irirosũ mũsã ããrĩmakũ ìãgũ, diasabiri direta mũsãrẽ buebũ. Daporadere mũsã diasari buerire pémasĩbea dapa. ³ Mũsã, Òãgũ deyomarĩgũrẽ opamerã irirosũ gãme uburikũrã, gãme ìãduamerã, gãme dukawaridũarã yáa. Irasirirã i ùmũ marã ìgũsã noó gããmerõ iridũarosũ yáa. ⁴ Mũsã: “Yũ Pabloyagũ ããrã”, gajigũ: “Yũ Apoloyagũ ããrã”, ãrĩ werenĩa. Irasũ ãrĩrã, i ùmũ marã masaka Òãgũ deyomarĩgũrẽ opamerã irirosũ werenĩa.

⁵ Gũna Apolos merã, ¿nasirirã ããrĩrĩ mũsã ìãmakũ? Gũna Marĩpũre moãboerã ããrã. Gũna ìgũ iridorederosũta yáa. Irasirirã gũna Jesucristoya kerere weremakũ pérã, mũsã ìgũrẽ bũremunũgãbũ. ⁶ Yũ neõgoraguere mũsãrẽ buerũroribũ. Irasirigũ sugũ oteri yerire otegu irirosũ iribũ. Irasiriadero pũrũ, Apolos mũsãrẽ buenemogũ, oterire koregũ irirosũ iridi ããrĩmĩ. Marĩpu gapũ oteri purimakũ irirosũ mũsãrẽ Jesũre bũremunũgãmakũ iridi ããrĩmĩ. ⁷ Irasirirã oteri yerire oterimasã, korerimasãde ubu ããrĩã ããrĩma. Marĩpu gapũ iri oterire purimakũ irigũ ããrĩmi. Ìgũ sugũta irire irimasĩmi. ⁸ Otepuroridi, pũrũ iri oteadeare koredi ìgũsã suro merã moãboerimasã ããrĩma. Marĩpu ìgũsã moãderopã ìgũsãrẽ keoro wajarigũkumi. ⁹ Gũna Marĩpũyarã ìgũrẽ moãboerã ããrã. Mũsã gũayarã ããrĩbea. Marĩpũyarã ããrã. Irasirirã mũsã ìgũyã poore otedea irirosũ ããrã.

Irasũ ããrĩmakũ, mũsã ìgũ wãri wii irimũrĩri wii irirosũ ããrã. ¹⁰ Wii irimerẽgũ borari keoro nũpurorigũ irirosũ, yũ, Marĩpu iritamurõ merã mũsãrẽ Jesucristoyare keoro

✠ 2:9 Is 64.4

buep̄roribũ. P̄rũ gajerã musãrẽ buenemorã, iri wiire peom̄rĩãrã irirosũ irirãkuma. Iri wiire odorã irirosũ musãrẽ buenemorã, goepeyari merã keoro buero gããmea.

¹¹ Marĩp̄rũ Jesucristore suḡureta pídi ããrĩmĩ masakare tauburo, ãrĩgũ. Irasirigũ yũ musãrẽ buegũ, Jesucristo masakare tauri kerere buep̄roribũ. Neõ suḡuno iri kerere gorawayumasĩbirikumi. ¹² Jesucristoyare õãrõ keoro buenemorã, oro, plata, gaji wajapari ãtãyeri merã wii irirã peom̄rĩãrã irirosũ irirãkuma. Gajerã gapũ piriri yuku merã, tá merã, mijĩ pũ merã tiiam̄rĩãrã irirosũ irirãkuma. Ìgũsã irirosũ gajerã musãrẽ buenemorã, ubu ããrĩrĩrẽ, mata pererinorẽ buerãkuma. ¹³⁻¹⁴ I ãmũ peremakũ, Jesucristo masakare ìgũsã buedeare: “I musã buedeã õãbũ, i õãbiribũ”, ãrĩ weregũkumi. Oro, plata, wajapari ãtãyeri merã iridea gapũ peamegue soemakũ ãjũbirikoa. Yuku, tá, pũrĩ merã iridea gapũ ãjũp̄reakõãrokoa. Irasirigũ, gajinorẽ peamegue soegũ, çdiĩ ãjũrokuri, diĩ ãjũbirikuri? ãrĩ beyerosũ, Jesucristo ìgũsã õãrõ, ñerõ buedeare beyegũkumi. Õãrõ keoro buedire keoro wajarigũkumi. ¹⁵ Õãrõ keoro buebiridi gapũre wajaribirikumi. Gajino ãjũrõsũ ìgũ buedeã waja, wajataboadeã p̄reakõãrokoa. Ìgũ wajatabirikeregũ, peamegue waabirikumi. Tausũgũkumi. Wii ãjũmakũ duriwiriagũ irirosũ mérõgã tarigũkumi.

¹⁶ Çmũsã masĩberi? Õãgũ deyomarĩgũ marĩguere ããrĩmi. Irasirirã Marĩp̄rũya wii irirosũ ããrã. ¹⁷ Ìgũya wii irirosũ ããrĩã, ìgũyarã ããrã. Irasirigũ Marĩp̄rũ ìgũyarãrẽ poyanorẽãnorẽ poyanorẽgũkumi.

¹⁸ Musã basi péwisibirikõãka! “Yũ i ãmũ marã buerire masĩtarinũgãgũ ããrã”, ãrĩbirikõãka! Irire masĩmerã irirosũ ããrĩka! Irasirimakũ, Marĩp̄rũ diayeta õãrõ masĩrã dujamakũ irigũkumi. ¹⁹ I ãmũ marã ìgũsã masĩrĩ, Marĩp̄rũ ìãmakũ ubu ããrĩrĩ ããrã. Marĩp̄rũya werenĩrĩ gojadeã pũgue ãsũ ãrĩ gojasũdero ããrĩbũ: “Marĩp̄rũ gapũ masĩrĩmasã: ‘Ãsũ irirãrã’, ãrĩ gũñaderosũ iridũarire iribirimakũ yãmi”, ãrĩ gojasũdero ããrĩbũ. ²⁰ Gajeroguedere ãsũ ãrĩ gojasũdero ããrĩbũ: “Marĩ Opũ, i ãmũ marã masĩrĩmasã gũñarĩrẽ masĩmi. Irire masĩgũ: ‘Ubu ããrĩrĩ ããrã iri’, ãrĩ ìãmi”, ãrĩ gojasũdero ããrĩbũ. ²¹ Irasirirã musãrẽ buegũre: “Gajigũ nemorõ õãrõ buemi”, ãrĩbirikõãka! Marĩp̄rũ ããrĩpereri musãya ããrĩburire sĩsiadi ããrĩmĩ. ²² Irasirigũ yũre, Apolore, Pedrore iriumi musã õãrõ ããrĩburire buedoregũ. Irasũ ããrĩmakũ, i ãmũma, musãya ããrĩburire sĩdi ããrĩmĩ. Dapora musã ããrĩburire, musã boadero p̄rũgue ããrĩburidere sĩdi ããrĩmĩ. I ããrĩpereri musãya ããrã. ²³ Irasũ ããrĩmakũ, musã Cristoyarã ããrã. Cristo Marĩp̄rũyagũ ããrĩmi. Irasirirã musã Cristo merã Marĩp̄rũyarã ããrã.

4

Pablo, Jesucristo ìgũyare buedoregũ pínerã moãrĩrẽ gojadeã

¹ Musã gũare: “Cristore moãboerimasã ããrĩma”, ãrĩ gũñarõ gããmea. Gũare Marĩp̄rũya kerere, masaka masĩbirideare buedoregũ pídi ããrĩmĩ. ² Moãrĩmasã ìgũsã opũ dorerire keoro irirã irirosũ gũã Cristore moãboerimasãdere ìgũ dorerire keoro iriro gããmea. ³ Musã yũre: “Marĩ Opũyare õãrõ buemi, o õãrõ buebirimi”, ãrĩmakũ, neõ bũjawerebirikoa. Gajerã masaka, yũ buerire: “Keoro ããrã, o keoro ããrĩbeã”, ãrĩmakũdere neõ bũjawerebirikoa. Yũ baside yũ buerire: “I gapũre õãrõ buebũ, i gapũre õãrõ buebiribũ”, ãrĩmasĩbirikoa. ⁴ Yũ buedeare gũñagũ: “Ñerõ buekubũ”, ãrĩ gũñabeã. Irasirigũ: “Yũ ñerõ buedeã waja, waja opãã” ãrĩmasĩbeã. Marĩ Opũ suḡuta yũ buerire: “Õãgorãã, o õãbeã”, ãrĩ masĩmi. ⁵ Irasirirã marĩ Opũ i ãmũgue dupaturi aariburo dupuyuro gajerãrẽ: “Ìgũ dorederosũ keoro iribema”, ãrĩ werewũabirikõãka! Ìgũ dupaturi aarigũ, ããrĩpererãrẽ ìgũsã iridea gajerã masĩbirideare masĩmakũ irigũkumi. Ìgũsã gũñarĩgue: “Ãsũ iridũakoa”, ãrĩ gũñadeãdere masĩmakũ irigũkumi. Irasirigũ Marĩp̄rũ õãrõ irirãrẽ: “Õãrõ iribũ”, ãrĩgũkumi. Ìgũsã õãrõ irideropã ìgũsãrẽ keoro irigũkumi.

⁶ Yaarã, musãya ããrĩburire gũã Apolos merã iririkurire werebũ, musãde gũã irirosũta iriburo, ãrĩgũ. Marĩp̄rũya werenĩrĩ gojadeã pũgue ìgũ dorerire tarinũgãbirikõãburo,

āriḡū, mūsārē irire werebu. Irasirirā mūsā guare iākūirā: “Guare bueḡu gapu, mūsārē bueḡu nemorō masītarinḡāmi”, āribirikoā. ⁷ Mūsā gajerā nemorō masītarinḡārā āārībea. Āārīpereri mūsā opari, Marīpu mūsārē sīdea dita āārā. Īḡū sīdea āārīkerepu, iro tamerārē, ḡnasirirā mūsā basi: “Īḡūyare masīpeokoa”, ārīrī? Īḡū mūsārē masīrīrē sībirimakū, neō masībiribokoa. Īḡū mūsārē masīmakū iridea direta masīa.

⁸ Mūsā i gapure āsū ārī ḡūñadāa: “Guā āārīpereri opāa. Marīpuḡyare masīpeokōāa”, ārī ḡūñadāa. Irasirirā guā mūsārē Īḡūyare buenemomakū ḡāāmebea. Mūsā oparā irirosū: “Āārīpereri masītarinḡārā āārā”, ārī ḡūñadāa. Mūsā diayeta oparā irirosū āārīpereri masītarinḡārā āārīmakū oātari bokoa. Irasirirā guā mūsārē buerāde mūsā merā oparā irirosū āārībokoa. ⁹ Yu āsū ārī péñāa: “Marīpu guare Jesucristoyare buedoreḡu píḡu, āārīpererā nemorō ubu āārīrā irirosū āārīdoreḡu pídi āārīmī”, ārī péñāa. Irasirirā guā wējēbéosūmurā irirosū āārā. Āārīpererā i umu marā masaka, Marīpure wereboerā iūrō guā ñerō taria. ¹⁰ Jesucristoya kerere guā buemakū, masaka guare: “Pemasīmerā āārīma”, ārīma. Mūsā gapu mūsā basi: “Guā Cristoyare pēmasīpeorā āārā”, ārīkoā. Guā, mūsā iāmakūta ubu āārīrā āārā. Mūsā gapu: “Guā oparā irirosū āārā”, ārīkoā. Masaka guā gapure ubu iābéokōāma. Mūsā gapure goepeyari merā iāma. ¹¹ Guā neōgoragueta ñerō tarīpurorimūrīrinerā, daporaguedere irasūta āārīkōāa. Ūaboāa, ñemesibua, surī opabea. Jesucristore buremumerā guare buro ñerō iribirama. Guā buegorenasīā, wiiri opabea. ¹² Irasū āārīmakū, guāyā āārīburire, guā baaburidere, guā basi moāpoyāa. Gajerā guare ñerō werenīmakū, guā gapu Marīpure Īḡūsāyā āārīburire sērēbosāa. Gajerā guā noó waaró guare ñerō irimakū, ubu péñakōāa. ¹³ Gajerā guare ñerō ārī werewhamakū, guā gapu Īḡūsārē āmuduarā, Īḡūsārē oārō merā werea. I umumarē Īḡūsā ḡāāmebirire Īḡūsā béodea irirosū guare iāma. Neōgoragueta guare doopurorinerā, daporaguedere irasūta doonīkōāma.

¹⁴ Irire gojagu, mūsārē ḡuyasīrdoreḡu meta yāa. Yu mūsārē maīḡū, yu pūrārē irirosū werea. ¹⁵ Wārā gajerā diez mil gora mūsārē Cristoyare buebonerā āārīkerepu, Īḡū masakare tauri kerere buepuroridi sugūta āārīmi. Iri kerere mūsārē buepuroridi yūta āārā. Yu iri kerere buemakū pérā, mūsā Īḡūrē buremunḡābu. Irasirigū yu mūsāpu irirosū āārā. ¹⁶ Irasirigū mūsārē: “Yu iririkurire, majīrā Īḡūsā pagure iākūirōsū iākūituyaka!” ārī werea.

¹⁷ Mūsā irire irimakū ḡāāmegū, Timoteore mūsā pūroḡue iriua. Īḡū yu buedi yu magū irirosū, yu maīḡū āārīmi. Marī Opū ḡāāmerōsū keoro irinīkōāmi. Yu Cristore buremugū iririkurire mūsārē ḡūñamakū irigukumi mūsāde irasūta iriburo, āriḡū. Irasirigū, āārīpererā Cristore buremurārē āārīpererogū āārīrārē yu buederosūta mūsārē bueḡukumi. ¹⁸ Surāyeri mūsā watope āārīrā: “Pablo guā pūro aaribirikumī”, ārī ḡūñañurā. Irasirirā Īḡūsā basi: “Guā gajerā nemorō masītarinḡārā āārā”, ārī, ḡūñanīkōāñurā. ¹⁹ Yu gapu āsū ārī ḡūñāa: “Marī Opū ḡāāmemakū, mata mūsā pūroḡue waagura”, ārī ḡūñāa. Iroḡue ejaḡu, masītarinḡārā āārā, ārī werenīrārē iāḡura. Iri direta iābirikoā. “ḡDiayeta Īḡūsā marī Opū turari merā Īḡūyare irirāta yāri?” ārī iāḡukoā. ²⁰ Marīpu Īḡūyarārē doreri āsū āārā. Marī Īḡūyare werenīkererā irire marī iribirimakū, marī werenīrī wajamāa. Īḡū turari merā Īḡūyare irimakū ḡāāmeme. ²¹ ḡÑeēnorē ḡāāmekuri mūsā? ḡMūsā pūroḡue mūsā ñerō iriri waja mūsārē turigū waamakū ḡāāmekuri, o mūsā oārō iriri waja gapure usuyari merā mūsārē wereḡu waamakū ḡāāmekuri?

5

Ñerō irigūre béokal ārī gojadea

¹ Gajerā āsū ārī kere werema yure. Sugū mūsā merāmu Īḡū búamorēta marāpokuyayupu. Irire péḡu, péḡukakōābu. Gajerā Marīpure masīmerā āārīkererā, irasūgora ñerō iribema.

² Īḡū ñerī irigū mūsā merā āārīkerepu, mūsā gapu: “Guā gajerā nemorō oārā āārā”,

ãrĩ gũñadáa. Irasũ gũñarõno irirã, ìgũ ñerĩ iriri gapure buro bujawereri merã gũñaka! Irasirirã, ìgũ ñerõ iririre piribirimakũ ìãrã, ìgũrẽ béokõãka! Mũsã merã nerẽdorebirikõãka! ³ Yũ gapũ mũsã pũroque ããrĩbirikeregũ, yũ gũñarĩ merã mũsã merã ããrĩgũ irirosũ ããrã. Irasirigũ yũ gũñarĩgue mũsãrẽ: “Ìgũ ñerõ irigure béokõãrõ gããmea”, ãrĩ gũñasiãa. ⁴ Irasirirã mũsã, marĩ Opũ Jesucristoyarã, ìgũ dorero merã nerẽka! Yũde, yũ gũñarĩ merã mũsã merã nerẽgũ irirosũ ããrĩgũkoa. Marĩ Opũ Jesũde ìgũ turari merã mũsã merã ããrĩgũkumi. ⁵ Mũsã irasũ nerẽrã, ìgũ ñerõ irigure béokõãka, wãtẽa opũ Satanás ìgũ gããmerõ ìgũrẽ iriburo, ãrĩrã! Irasirigũ ñerõ tarigũ, ìgũ ñerõ iririre pirigũkumi. Marĩ Opũ Jesũs i ãmũgue dupaturi aarigũ, ìgũrẽ taugũkumi.

⁶ Ìgũ ñerõ irigure béomerã: “Gua gajerã nemorõ õãrã ããrã”, ãrĩ gũñabirikõãka! Mũsã ìgũ ñerõ iririre ubu ìãkõãrã, ããrĩpererã mũsãde ìgũ ñerõ iririre pẽrẽbejarãkoa. ¿Mũsã ãsũ ãrĩ wererire masĩberi? “Pãrẽ irirã, mérõgã pã wemasãrĩ poga merã trigo pogare morẽkuma. Pũrũ iri wemasãseyakõãkoa”, ãrĩ werea. Iri poga wemasãseyarosũta ñerĩde mũsãguere õãrõ seyakõãrokoa. ⁷ Irasirirã ìgũ ñerĩ irigure béoka, gajerãde ñerõ iriri, ãrĩrã! Gũayarã, judío masaka pascua bosenu irimurã pã wemasãmakũ iriri pogare béokuma. Irire béorosũta mũsã ñerĩ iririre béoka, ñerĩrẽ opamerã ããrĩmurã! Pascua bosenu ããrĩmakũ, judío masaka ovejare wẽjẽkuma ìgũsã ñerĩ irideja wajare Marĩpũre béodorerã. Oveja boaderosũta Cristo marĩ ñerõ irideja waja boabosadi ããrĩmĩ Marĩpũ marĩrẽ: “Ñerĩ marĩrã ããrĩma”, ãrĩ ìãburo, ãrĩgũ. ⁸ Irasirirã marĩ ñerĩ iririkũdeare pirikõãrõ gããmea. Ñerĩrẽ iriro marĩrõ ããrĩrõ gããmea. Irigatori marĩrõ, diayema õãrõ werenĩrĩ merã ããrĩrõ gããmea.

⁹ Yũ mũsãrẽ iripoegue gojadea pũgue ãsũ ãrĩ gojabũ: “Nomerẽ ñerõ gãmebirarikũrãrẽ wapikũbirikõãka!” ãrĩ gojabũ. ¹⁰ Yũ irasũ gojagũ: “Ããrĩpererã ñerõ iririmasã i ãmũgue ããrĩrãrẽ neõ wapikũbirikõãka!” ãrĩgũ meta iribũ. I ãmũguere noó mũsã waaró Jesũre bũremumerã ããrĩma. Nomerẽ ñerõ gãmebirarikũrã, gajerãyare buro gããmerã, yajarimasã, keori weadeare bũremurĩmasã wãrã ããrĩma. Ìgũsã ããrĩpererogue ããrĩmakũ, ìgũsãno marĩrõgue waamasĩña máa. ¹¹ ãsũ gapũ ãrĩ gojabũ: “Surãyeri mũsã merã ããrĩrã: ‘Jesũre bũremua’, ãrĩkererã ñerĩ iririkũmakũ ìãrã, ìgũsãrẽ wapikũbirikõãka!” ãrĩ gojabũ. “Irasirirã nomerẽ ñerõ gãmebirarikũrãrẽ, gajerãyare buro gããmerãrẽ, keori weadeare bũremurãrẽ, gajerãrẽ ñerõ kere wererãrẽ, mejãrikũrãrẽ, yajarikũrãrẽ wapikũbirikõãka! Irasiririkũrãno merã neõ baabirikõãka!” ãrĩ gojabũ. ¹²⁻¹³ Marĩpũ Jesũre bũremumerãrẽ ìgũsã ñerõ irideja waja wajamoãgũkumi. Irasirigũ yũ mũsãrẽ: “Wajamoãka ìgũsãrẽ!” ãrĩbea. Mũsã tamerã mũsã merã ããrĩrãrẽ ìgũsã ñerõ irimakũ ìãrã, ìgũsãrẽ wajamoãka! Marĩpũya werenĩrĩ gojadea pũgue gojaderosũta irika! ãsũ ãrĩ gojasũdero ããrĩbũ: “Sugũ mũsã merã ããrĩgũ ñerõ irimakũ ìãrã, ìgũrẽ béokõãka!” ãrĩ gojasũdero ããrĩbũ. Irasirirã mũsã merã ããrĩgũrẽ ìgũ búamorẽ ñerõ irigure béokõãka!

6

Jesũre bũremurã gãme weresãrĩrẽ gojadea

¹ Mũsã basi gãme guaseorã, ¿nasirirã weresãrĩrẽ beyerimasã Jesũre bũremumerã pũroque ãmudorerã waari? Jesũre bũremurãrẽ mũsã merãmarãrẽ weresãduarã, gajerã Jesũre bũremurãrẽ irire ãmudorerã waaró gããmea. ² ¿Ire mũsã masĩberi? I ãmũ pere-makũ, marĩ Jesũre bũremurã Marĩpũyarã ããrĩsĩã, Jesũs merã i ãmũ marãrẽ dorerã ããrĩrãkoa. Irasirirã ìgũsãrẽ doremurã daporadere marĩ gãme guaseorire ãmudoremasĩa. ³ ¿Idere masĩberi mũsã? Marĩ Jesũs merã Marĩpũre wereboerã ãmũgasigue ããrĩrãrẽ dorerãkoa. Irasirirã ìgũsãrẽ doremurã ããrĩsĩã, i ãmũmadere ãmudoremasĩa. ⁴ ¿Nasirirã i ãmũmarẽ gãme guaseorã, Marĩpũyare masĩmerã pũroque irire ãmudorerã waari? ⁵ Mũsãrẽ gũyasĩrĩburo, ãrĩgũ, ire gojãa. ¿Mũsã watopeguere neõ sugũ masĩgũ, mũsã

guaseorire amugano marigorakõarĩ? ⁶ Musã merãmu masĩgũno gapure amudorerono irirã, gajĩgu Jesũre bũremugũrẽ weresãduarã, Jesũre bũremumerã pũroguẽ amudorerã waãa.

⁷ Irasiriro, musã gãme guaseorã, musã basi amumasĩmerã, Jesũre bũremumerã pũroguẽ irire amudorerã waamakũ õãbea. Igũsarẽ weresãrõno irirã, gajerã Jesũre bũremurã musãrẽ diaye iribirideare, musãrẽ yajadeare irasũ iãkõãmakũ nemorõ õãboakuyo. ⁸ Musã Jesũre bũremurã ããrĩkererã, gajerã musãyarãrẽ diaye irimerã, musãde igũsãyare yajarã yãa.

⁹ ¿Ire musã masĩberi? Ñerõ iririkurã Marĩpu igũyarãrẽ doreroguere waabirikuma. Ire pẽwisibirikõãka! Ūma nomerẽ ñerõ gãmebirarikurã, keori weadeare bũremurĩmasã, gajĩgu marãpore ãma marãpokurã, gajego marãpu merã ñerõ iririkurã, ãma seyaro igũsã dupuri merã ñerõ iririkurã, nome de igũsã seyaro ñerõ iririkurã Marĩpu pũroguere neõ waabirikuma. ¹⁰ Irasũ ããrĩmakũ, yajarimasã, gajerãyare bũro gããmerĩmasã, mejãrikurã, gajerãrẽ ñerõ kere wererimasã, ãrĩgatori merã gajerãyare yajarimasã neõ Marĩpu pũroguẽ waabirikuma. ¹¹ Iripoeguere musã surãyeri irasiririkurã ããrĩnerã ããrĩbũ. Irasiririkurã ããrĩkererũ, Marĩpu musã ñerĩ oparire koedi ããrĩmĩ igũyarã ããrĩmakũ irigu. Irasirigu musãrẽ: “Õãrã, waja opamerã ããrĩma”, ãrĩ iãmi. Marĩ Opũ Jesucristo iridea merã, Õãgũ deyomarĩgũ musãguere ããrĩrĩ merã irasũ ãrĩ iãmi.

Marĩya dupũ merã õãrõ iridorea, ãrĩ gojãdea

¹² Masaka surãyeri ãsũ ãrĩ werenĩma: “Marĩ iriduarire noó gããmerõ irimasã”, ãrĩ werenĩma. Irasũta ããrã, ãrĩrõ tamerã. Yũ iriduarĩ gajerãrẽ iritamubirimakũ iãgũ, irire iribea. Irasirigu irire piridũagu, pirikõãrõ gããmea. ¹³ I masaka werenĩrĩ diayeta ããrã. ãsũ ãrĩ werenĩma: “Baari, marĩya paruma ããrĩburi ããrã. Marĩya paru, baari baasãdiru ããrã”, ãrĩ werenĩma. Marĩpu gapũ i pe wãirẽ peremakũ irigũkumi. Irasiriro baari, marĩya paru irasũ ããrĩkõãrõ yãa. ãsũ gapũ ããrã. Marĩpu, marĩya dupũ irigu, ñerĩrẽ ãaribebaburi dupure iribiridi ããrĩmĩ. Marĩ Opũ Jesucristo gããmerĩ gapure iriburi dupũ ããrã. Igũta marĩ merã ããrĩgũ marĩya dupũ Opũ ããrĩmĩ irire õãrõ iribu. ¹⁴ Marĩpu igũ turari merã marĩ Opũ Jesucristo boadero pũrũ, igũya dupure masũdi ããrĩmĩ. Igũrẽ masũderosũta marĩ boadero pũrũ, marĩya dupũdere masũgũkumi.

¹⁵ ¿Ire musã masĩberi? Marĩ Cristoyarã ããrĩmakũ, marĩya dupũ, igũya dupũma ããrĩrĩ irirosũ ããrã. Marĩ irasũ ããrĩrã, nomeõ ãma merã ñerõ iririkurimasõ merã ñerõ irimakũ õãbirigorakõãa. Irasirirã irinorẽ neõ iribirikõãdorea. ¹⁶ ¿Idere musã masĩberi? Marĩpũya werenĩrĩ gojãdea pũgue ãsũ ãrĩ gojasũdero ããrĩbũ: “Ūmũ, nomeõ merã marãpokũgu, pẽrã ããrĩkererã, Marĩpu iãmakũ su dupũ irirosũta ããrĩrãkuma”, ãrĩ gojasũdero ããrĩbũ. Irasirigu sugũ ñegõ merã marãpokũmakũ, igũya dupũ igoya dupũ merã ããrĩrõ, su dupũ irirosũta ããrã. ¹⁷ Irasũta sugũ marĩ Opũ Jesucristore bũremugũ igũ merã pẽrã ããrĩkererã, su dupũ irirosũta ããrĩma. Irasirirã su gũñarĩta opama.

¹⁸ Irasirirã ãma nomerẽ gãmebirarire neõ iribirikõãka! Gaji marĩ ñerõ iririre irirã, marĩya dupũguere ñerõ iribea. Ūma igũsã marãposã nome ããrĩmerã nomerẽ gãmebirarã gapũ igũsã basi igũsãya dupure ñetariro irirã yãma. Cristoya dupũguere ñerõ irirã irirosũ yãma. ¹⁹ ¿Musã ire masĩberi? Marĩpu marĩrẽ Õãgũ deyomarĩgũrẽ sĩdi ããrĩmĩ. Irasirigu Õãgũ deyomarĩgũ marĩguere ããrĩmakũ, marĩya dupũ igũya wii irirosũ ããrã. Irasiriro marĩya dupũ marĩya dupũgora ããrĩbea. ²⁰ Marĩpu marĩrẽ bũro maĩgũ, Jesucristore iriudi ããrĩmĩ marĩ ñerĩ iridea wajare wajaridoregu. Igũyarã ããrĩburo, ãrĩgũ, irasiridi ããrĩmĩ. Irasirirã marĩ igũ wajarinerã ããrĩsã, marĩya dupũ merã Marĩpu gããmerõsũta iriro gããmea gajerãde igũrẽ bũremuburo, ãrĩrã.

¹ Daporare musã yure sêrêña gojadeare yujugura. Marâpokubirimakû, marâpokubirimakû, ôãgoráa. ² Irasû ãârîkerepuru, ãârîpereroguere ùma nomerê gãmebirari ãârã. Irasirirã ùma ìgûsãkû marâpokuro gããmea, gajerã nome merã ñerõ iriri, ãrîrã. Nomedede ìgûsãkû marâpokuro gããmea, gajerã ùma merã ñerõ iriri, ãrîrã. ³ Marâpokugu ìgû marâpo merã ôârõ ãârîrikuro gããmea. Igoode marâpu merã ôârõ ãârîrikuro gããmea. ⁴ Marâpokugore igoya dupu igoya dita ãârîbea. Igo marâpu gããmerõsûta ìgû merã ãârîrõ gããmea. Igo marâpudere ìgûya dupu ìgûya dita ãârîbea. ìgû marâpo gããmerõsûta igo merã ãârîrõ gããmea. ⁵ Æsû iriburo. Igo marâpu igo merã ãârîduamakû yujuburo. ìgûde igore yujuburo. ìgûsã Marîpûre sêrêmurã: “Irikunurî marî iririkurinerõ iribirikõârã”, ãrî ãmuadero puru merê irasû iribirikõãburo. Marîpûre sêrê odoadero puru, dupaturi ìgûsã ãârîrikuderosûta ãârîburo doja. ìgûsã irasiribirimakû, wãtî ìgûsãrê gajerã merã ñerõ irimakû iribokumi.

⁶ Yu musãrê ire dorerigora irirosû werenígû meta yáa. Musã irasû irimakû ôãrokoa, ãrîgû, irasû ãrã. ⁷ Yu ãsû ãrî gûñáa. Æârîpererã musã yu irirosûta marâpo marîrã ãârîmakû gããmeadikoa. Marîpu gapu marî ãârîpererãrê surosû píbiridi ãârîmí. Surayerire marâpo marîmurãrê, o marâpu marîmurãrê pídi ãârîmí. Gajerã gapure marâpokumurãrê, o marâpokumurãrê pídi ãârîmí.

⁸ Irasirigû musã marâpo marîrãrê, marâpu marîrãrê, wapiweyarã nomerê ãsû ãrã. Yu irirosû musã marâpokubirimakû, o marâpokubirimakû ôãgoráa. ⁹ Æma, nome merã ãârîduarire nûgãmerãno marâpokuburo. Nomedede irasûta iriburo. ìgûsã marâpokumakû, marâpokumakû ôãgoráa. Irasirirã ìgûsã nome merã, ùma merã ãârîduari direta gûñanîbirikuma.

¹⁰ Marâpokurãrê, marâpokurãrê yu ãsû dorea. I yu doreri ãârîbea. Marî Opu ire doredi ãârîmí. Æsû ãrî doredi ãârîmí: “Nomeõ igo marâpûre béobirikõãburo”. ¹¹ Nomeõ igo marâpûre béogo, gajigure marâpokubirikõãrõ gããmea. Igo marâpu ãârîdi merã ãmubeo, sugota ãârîkõãrõ gããmea. Æmãude ìgû marâpore béobirikõãrõ gããmea. ìgûde ìgû marâpo ãârîdeo merã ãmubi, marâpo marîgûta ãârîkõãrõ gããmea.

¹² Gajerãrê yu gûñarîrê weregura marî Opu weredoredea ãârîbirikerepuru. Æsû ãrã. Sugû Jesúre bûremugû, Jesúre bûremubeore marâpokuburo puru, igo ìgû merãta dujaduamakû, igore béobirikõãrõ gããmea. ¹³ Nomeõde Jesúre bûremugõ Jesúre bûremubire marâpokugo, igo merã ìgû dujaduamakû, ìgûrê béobirikõãrõ gããmea. ¹⁴ Sugû Jesúre bûremubi marâpo Jesúre bûremugõ ãârîmakû ìãgû, Marîpu ìgûrê: “Yaagu irirosû ãârîmí”, ãrî ìãmi. Irasûta sugo Jesúre bûremubeo marâpu Jesúre bûremugû ãârîmakû ìãgû, Marîpu igore: “Yaago irirosû ãârîmo”, ãrî ìãmi. ìgû irasû ìãbirimakû, ìgûsã pûrã Jesúre bûremumerã pûrã irirosû ãârîbokuma. Irasirigû ìgûsã pûrãdere Jesúre bûremurã pûrã irirosû ìãmi. ¹⁵ Jesúre bûremubi gapu ìgû marâpo Jesúre bûremugõrê béoduagu, béoburo. Irasûta Jesúre bûremubeo igo marâpu Jesúre bûremugûrê béoduago, béoburo. Marîpu marîrê gajerã merã gãmekêãrõ marîrõ usuyari merã ãârîmakû gããmemi. Irasirirã ìgûsã béoduamakû ôãgoráa. ¹⁶ Jesúre bûremugõ, igo marâpu Jesúre bûremubire: “Yu merã ãârîgû, bûremugukumi”, ãrîmasîña máa. Irasûta Jesúre bûremugû, ìgû marâpo Jesúre bûremubeore: “Yu merã ãârîgõ, bûremugokumo”, ãrîmasîña máa.

¹⁷ Æsû iriro gããmea marîrê ãârîpererã marî Opu Jesucristoyarãrê. Marîpu marîrê Jesúre bûremunugãdoregu siiudeapoe ìgû marîrê: “Æsû irika!” ãrî píderosûta iriwãgãrõ gããmea. Yu irire ãârîperero marãrê Jesúre bûremurãrê dorea. ¹⁸ Marîpu sugure ìgûya dupuma gasirogãrê* wiirisûdire siiumakû, irasûta dujaro gããmea. Irasûta wiirisûbire

* **7:18** Gn 17.1-14: Iripoegue Marîpu Abrahãrê ìgû pûrã ãmarê: “Yaarã ãârîburo”, ãrîgû, ìgûsãya dupuma gasirogãrê wiiridoredi ãârîmí. Puru iri dorerire Moisére pídi ãârîmí. Irasirirã judío masaka Abraham parãmerã ãârîturiarã iri dorerire irirã, ìgûsã pûrã ãmarê su mojóma pere gaji mojó ureru pêrêbejarinurî waaró merã ìgûsã deyoadero puru irasû yáa.

siiumakū, wiirisūbita dujaro gāamea. ¹⁹ Daporare wiirisūnerā āārīrī, wiirisūbirinerā āārīrīde wajamāa. Marīpɯ dorerire marī iriri gapɯ wajakɯtarinɯgāa. ²⁰ Irasirirā Marīpɯ marīrē masakakɯre siuideapoe īgū marīrē pīderosūta iriwāgārō gāamea.

²¹ Marīpɯ mɯsārē siuideapoe surāyeri gajerārē moāboerimasā āārībú. Irasū āārīkererā, mɯsā moāboerimasā āārīrīrē gūñarikɯbirikōāka! Gajipoe mɯsā oparā mɯsārē wiudɯamakū, wirika! ²² Marīpɯ mɯsārē marī Opɯ Jesucristore bɯremudoregɯ siiudi āārīmí. Irasirirā surāyeri mɯsā gajerārē moāboerimasā āārīkererā, daporare Jesucristoyarā īgū wiunerā irirosū āārā īgūyare irimurā. Mɯsā gajerārē moāboerimasā āārībirikererā, daporare Jesucristore moāboerā āārā. ²³ Marīpɯ marīrē īgūyarā āārīburo, ārīgū, īgū magū Jesucristo boagɯ dí béodea merā wajaridi āārīmí. Irasirirā masakare moāboerā irirosū āārībirikōāka! Masaka gāamerīnorē iribirikōāka! Marīpɯ gāamerī gapɯre irika! ²⁴ Irasirirā, Marīpɯ mɯsārē Jesucristore bɯremunɯgādoregɯ siuideapoe mɯsārē pīderosūta īgū merā ōārō āārīnīkōāka!

²⁵ Daporare mɯsā marāpo marīrārē, marāpɯ marīrādere weredɯakoa. I yɯ wereburi marī Opɯ weredoredea āārībea. Irasū āārībirikererɯɯ, yɯ basi gūñarī merā mɯsārē weregɯra. Marī Opɯ yɯre bopoñarī merā īāsīā, yɯre iritamumi. Irasirirā mɯsā yɯ wererire: “Irimakū ōāgorāa”, ārī masīrākoa. ²⁶ Daporare marīrē wári ñerō tariri āārā. Irasirirā mɯsā āārīkɯrosūta dujamakū ōāgorāa. ²⁷ Marāpokurā, marāpukurā gāme béobirikōāka! Marāpo marīrā, marāposā nome āmabirikōāka! ²⁸ Yɯ mɯsārē irire werekererɯɯ, mɯsā marāpokurā, Marīpɯ dorerire tarinɯgārā meta yāa. Nomeōde marāpukɯgo, Marīpɯ dorerire tarinɯgāgō meta yāmo. Irasū āārīkererɯɯ, marāpokurā, marāpukurā gapɯ īgūsā okarinɯrīrē poyari merā āārīrākuma. Irasirigɯ yɯ irire: “Poyari merā āārībokuma”, ārīgū: “Marāpo marīrā, marāpɯ marīrā āārīkōāka!” ārā mɯsārē.

²⁹ Yaarā, yɯ mɯsārē irasū ārīgū, āsū ārīdɯagɯ yāa. Marī i ūmɯgue āārīkɯri pereburo mērō dɯyāa. Irasirirā daporare marāpo marīrā Marīpɯyare ōārō moārōsūta marāpokurādere ōārō moārō gāamea. Marāpukurā nomede irasūta Marīpɯyare ōārō iriro gāamea. ³⁰ Marī orekererā, bujaweremerā irirosū āārīrō gāamea. Ūsuyakererā, ūsuyari merā bosenu irimerā irirosū āārīrō gāamea. Gajino wajarikererā: “I yaa āārīnīkōārokoa”, ārī gūñabirikōārō gāamea. Irasirirā, marīrē Marīpɯyare ōārō iriro gāamea. ³¹ I ūmɯma marī īārī perewāgārō yāa. Irasirirā i ūmɯmarē iridɯarire bɯro gūñarikɯbirikōārō gāamea.

³² Yɯ mɯsārē gūñarikɯro marīrō āārīmakū gāamea. Marāpo marīgū, marī Opɯyare ōārō gūñami. Irasirigɯ īgūrē ūsuyamakū gāamegū, īgūyare ōārō yāmi. ³³ Marāpokɯgɯ gapɯ īgū marāpo ōārō ūsuyari merā āārīmakū gāamegū, i ūmɯmarē gūñami. ³⁴ Irasirigɯ marī Opɯ gāamerīrē, īgū marāpo ūsuyamakū gāamerī gapɯdere gūñami. Nomedere irasūta āārā. Marāpɯ marīgō marī Opɯyare ōārō gūñamo. Igo gūñarī merā Marīpɯyago ōārō āārīdɯago, īgū gāamerōsūta iridɯamo. Marāpukɯgo gapɯ igo marāpɯ ōārō ūsuyari merā āārīmakū gāamegō, i ūmɯmarē gūñamo.

³⁵ Yɯ mɯsārē ōārō waaburo, ārīgū, marī Opɯ gāamerī direta keoro iridoregɯ ire gojāa. Mɯsārē marāpokurire, marāpukurire kāmɯtagɯ meta yāa.

³⁶ Sugɯ īgū magō búro waamakū īāgū, āsū ārībokumi: “Yɯ magōrē ōārō iribirikoa. Igo marāpukɯmakū ōābokoā”, ārībokumi. Irasū ārīgū nomesukōāburo. Irasiriri, ñerō iriri āārībea. ³⁷ Gajigɯ gapɯ: “Nomesuro gāamekoa”, ārībiribokumi. Āsū gapɯ ārībokumi: “Yɯ magō marāpukɯbirikōāburo”, ārībokumi. Īgū irasū ārīmakū, igore ōārō waabokoā. Īgū irasū iridɯari ōāgorabokoā. ³⁸ Magōrē marāpukɯdoregɯ, ōārō irigɯ yāmi. Irota marāpukɯdorebi gapɯ nemorō ōārō iritarinɯgāgū yāmi. Daporare marīrē wári ñerō tariri āārā. Irasiriro marāpukɯbirimakū, marāpokɯbirimakū nemorō ōāa.

³⁹ Marīpɯ marīrē doreri āsū ārā. Marāpukɯgo igo marāpɯ okamakū, īgū merā āārīnīkōāburo. Īgū boadero pɯrɯgue, gajigɯ igo suyugare marāpukɯmasīgokumo īgū Jesúre bɯremugū āārīmakū. ⁴⁰ Yɯ gapɯ āsū ārī gūñāa. Igo dupaturi marāpukɯbeo,

nemorõ ɯɯyabokumo. Yude, gajerã mɯsãrẽ buerimasã irirosũ Õãgũ deyomarĩgũrẽ opáa. Irasirigɯ irire werea mɯsãrẽ.

8

¿Keori weadea ɱuro baari pídeare baamakũ õãkuri? ãrĩ gojadea

¹ Dapora mɯsã: “¿Keori weadea ɱuro baari pídeare baamakũ õãkuri?” ãrĩ sērẽñadeare yɱɱugura. Mɯsã irire masĩa. Ìgũsã bɱremurĩ weadea neõ wajamáa. Irasirirã: “Gɱa tamerã õãrõ masĩa”, ãrĩ gũñarã, gajerãrẽ masĩtarinugãduarã irirosũ yáa. Gajerãrẽ maĩrã, ãsũ gapɱ iriro gããmea. Nemorõ Ìgũsãrẽ Marĩɱuyare bɱremunemomakũ iriro gããmea. ² Sugɱ: “Masĩpeokõã”, ãrĩgũno, õãrõ masĩbemi. Wári dɱyáa Ìgũ masĩbiri. ³ Marĩɱ Ìgũrẽ maĩgũ gapɱre masĩmi. “Yaagɱ ããrĩmi, Ìgũrẽ masĩa”, ãrĩmi.

⁴ Irasirigɱ yɱ mɯsãrẽ keori weadea ɱuro baari pídea baarire weregɱra. Diayeta ããrã. Ìgũsã bɱremurĩ weadea neõ wajamáa. Gajigɱ, Marĩɱ irirosũ ããrĩgũ neõ mámi. Ìgũ suguta ããrĩmi. ⁵ Gajerã masaka Ìgũrẽ bɱremumerã wárã gajerãnorẽ bɱremuma. Ɛmarõgue ããrĩrãrẽ, i ɱmugue ããrĩrãrẽ bɱremuma. “Marĩ bɱremurã, marĩ oparã ããrĩma”, ãrĩ bɱremuma. ⁶ Marĩɱ suguta ããrĩpererire iridi ããrĩmi. Irasirirã marĩ Ìgũyarã ããrĩsĩã, Ìgũ dorerire irimurã ããrã. Irasũ ããrĩmakũ, Jesucristo suguta marĩ Opɱ ããrĩmi. Ìgũ merã Marĩɱ ããrĩpererire iridi ããrĩmi. Ìgũ merã marĩdere Ìgũyarã ããrĩmakũ iridi ããrĩmi. Irasirirã Ìgũ merã ããrĩníkõãrãkoa.

⁷ Yɱ wereri diaye ããrĩkereɱɱɱ, surãyeri Jesúre bɱremurã irire masĩbema. Iripoegue keori weadeare bɱremunerã ããrĩsĩã, daporadere iri keori weadea ɱuro baari pídeare baarã: “Marĩ bɱremunerã keori weadeare bɱremurã yáa”, ãrĩ gũñadima. Irasirirã õãrõ masĩmerã irire baarã: “Ñerõ irirã yáa”, ãrĩ gũñadima. Irasũ gũñakererã, irire baakõãma. ⁸ Marĩ irire baarã, Marĩɱ merã nemorõ õãrõ ããrĩmasĩbirikoa. Gajerã nemorõ õãrã waabirikoa. Irire baamerãde, gajerã nemorõ ñerã waabirikoa. ⁹ Irasũ ããrĩkereɱɱɱ, õãrõ pémasĩka! Mɯsã noó gããmerõ baarã, gajigɱ Jesúre bɱremuturabire ñerõ irimakũ iribirikõãka! ¹⁰ Æsũ ããrã. “Ìgũsã bɱremurĩ keori weadea neõ wajamáa”, ãrĩ masĩa. Irasirirã iri keori weadeare bɱremurĩmasã baarogue baarã: “Õãbea”, ãrĩ gũñabea. Jesúre bɱremuturabi gapɱ, mɯsã irogue baamakũ Ìãgũ: “Irogue baarã, Marĩɱre bɱremubema”, ãrĩ gũñabokumi. Irasũ ãrĩ gũñakeregɱ, mɯsãrẽ Ìãkũĩ, Ìgũde baakõãbokumi. Irasũ baagɱ: “Ñerõ irigɱ yáa”, ãrĩ gũñabokumi. Ìgũ irasũ gũñamakũ, mɯsã Ìgũrẽ ñerõ irimakũ irirãkoa. ¹¹ Mɯsã õãrõ masĩrã irogue baarã, gajigɱ õãrõ masĩbi gapɱre ñerõ irimakũ iribokoa. Cristo Ìgũdere boabosadi ããrĩmi. Irasirirã mɯsã baari merã Cristoyagɱre poyanorẽbokoa. ¹² Irasũ ããrĩmakũ, gajigɱ õãrõ masĩbire: “Irire baamakũ ñegorãa”, ãrĩ gũñakeregɱ irire baamakũ irirã, Cristodere ñerõ irirã yáa. ¹³ Irasirigɱ yɱ baari merã gajigɱ Cristoyagɱre ñerõ irimakũ iribokoa, ãrĩgũ, iri baarire neõ dupaturi baabirikoa.

9

Jesús buedoregɱ pídi Ìgũ wajatarimarẽ gojadea

¹ Jesucristo yɱre Ìgũyare buedoregɱ pídi ããrĩmi. Irasirigɱ yude gajerã Ìgũ buedoregɱ pínerã irirosũta irimasĩa. Yude marĩ Opɱ Jesúre Ìãdita ããrã. Irasũ ããrĩmakũ, yɱ mɯsãrẽ Ìgũya kerere buemakũ pérã, Ìgũrẽ bɱremunugãbɱ. ² Gajerã yɱre: “Ìgũ Jesús buedoregɱ pídi meta ããrĩmi”, ãrĩ werewɱakererɱɱɱ, mɯsã gapɱ irasũ ãrĩbea. Yɱ buemakũ pérã, mɯsã Jesúre bɱremubɱ. Irasirirã Ìgũrẽ bɱremurã ããrĩsĩã, yɱre: “Ìgũ Jesús buedoregɱ pídi ããrĩmi”, ãrĩ masĩa.

³ Yure werewuarārē āsū ārī yuḡuḡura. ⁴ Yu musārē bueri waja, musā yure baari ejo, iiriri tīmakū ñeāmasīa. ⁵ Gajerā Jesús buedoreḡu pīnerā, ĩḡu paguḡūrā, Pedrosā buegorenarā, ĩḡūsā marāposā nomerē āīānama. ĩḡūsā irirosūta yude Jesucristore buremugōrē marāpokugū āīānabokoa. ⁶ ¿Naāsū ḡūñarī musā? Gajerā Jesús buedoreḡu pīnerā musārē buerā, ĩḡūsā baaburire moā wajatabema. ¿Nasirirā yu, Bernabé musārē buerā, ḡua baaburire wajataduarā, moāduumasībirikuri? ⁷ Surara ĩḡu baaburi waja ĩḡu basī wajaribirikumi. ĩḡu surara moārī waja ĩḡu oparā gapu irire wajaribosakuma. Iguidari otedi, ĩḡu otedea dukare tea, baamasīkumi. Ovejare koreḡude, ĩḡūsāya ūpīkure bipi, iirīmasīkumi. ⁸ Yu musārē irasū ārīḡū, masaka ḡūñarī merā werebea. Yu ārīrōsūta Marīḡu doreri gojadea pūḡue āsū ārī gojasūdero āārībú: ⁹ “Weku trigo yeri gasirire ĩḡūya guburi merā kura koro, trigore baadugū baaburo. ĩḡūya disi túsārī berore túsābirikōāka!” ārī gojasūdero āārībú. Marīḡu irire doreḡu, wekuayama direta ārīḡū meta iridi āārīmí. ¹⁰ Irire doreḡu, ḡua ĩḡūya kerere buerāya āārīburire ārīḡū iridi āārīmí. Āsū āārā. Sugu oteburore āmukumi. Pḡuḡu gajigū iro otedea dukare seakumi. Irasirirā iri otedea dukare dukawaburire ḡūñarā, pērāḡueta ōārō moākuma. ¹¹ ḡua musārē Marīḡuya werenīrīrē buerā, oterimasū ĩḡu oteri yerire oteḡu irirosū iribu. Oterimasū ĩḡu moārī waja, ĩḡu otedea dukare seamasīkumi ĩḡūya āārīburire. Irasiriro, ḡua musārē bueri waja, musā ḡuaya āārīburire gajino ḡuare sīmakū ōābokoa. ¹² Musā ḡuare sībirikererā, gajerā buerā musārē sērēmakū, ĩḡūsā gapure sīyuro. ḡua gapu ĩḡūsā nemorō sērēmasīa musārē bueri waja.

ḡua musārē: “Sīka!” ārībonerā āārīkererā, neō irasū ārībea. “ĩḡūsā Cristoya kerere péduabiribokuma ḡua ĩḡūsārē gajinorē sērēmakū”, ārī ḡūñabu. Irasirirā ḡua ḡāāmerīrē opabirikerepḡuḡu, musārē neō sērēbiribu. ¹³ Musā ire masīa. Marīḡuya wiḡue moārīmasā, Marīḡure buremurā waibu dií āiri sīdeare baama ĩḡūsā iroḡue moārī waja. Iri wiima waimurārē wējē soepeoro pḡuro moārāde irireta baama. ¹⁴ I irirosūta marī Opḡu ĩḡūya kerere wererāya āārīburire āsū ārīdi āārīmí: “ĩḡūsā moārī merā ĩḡūsā baaburire wajata baaburo”, ārīdi āārīmí. ¹⁵ Irasū āārīkerepḡuḡu, yu gapu musārē: “Sīka!” neō ārībiribu. Daporadere gojagū, musārē gajino sērēḡū meta gojāa. Ūboari merā boakereḡu, musārē buedea waja neō wajaseabirikoa. Irasirigū wajamarīrō musārē usuyari merā buea. Yu musārē buedea waja merā neō wajata baabirikoa.

¹⁶ Marīḡu yure ĩḡu masakare tauri kerere weredoreḡu pídi āārīmí. Irasirigū yu iri kerere wereḡu: “Gajerā nemorō masītarinḡḡāḡū āārā”, neō ārī ḡūñabea. Iri kerere werebi, buro bujawereri merā ñerō taribokoa. ¹⁷ Iri kerere yu basī yu ḡūñarī merā bueḡu, wajatabokoa. Marīḡu yure dorederosūta iri kerere bueḡu, ĩḡu yure pídea gapure irigū yāa. ĩḡu yure píderosūta iriro ḡāāmea. Gaji gapure neō irimasīña máa. ¹⁸ Irasirigū Jesucristoya kerere bueḡu, yu bueri waja musārē: “Wajarika!” ārī sērēbuno āārīkereḡu, irire neō sērēbiribu. Yu irasirimakū, yu wajatari āsū āārā: “Jesucristo ĩḡūrē buremurārē taugḡukumi”, ārīrī kerere wajamarīrō bueḡu, ōārō usuyari merā āārā. Irita āārā yu wajatari.

¹⁹ Masakare moāboeḡu neō āārībirikereḡu, āārīpererārē moāboeḡu irirosū irigū yāa, ĩḡūsā Jesucristoya kerere péburo, ārīḡū. Wārā ĩḡūrē buremumakū ḡāāmeḡū, irasū yāa. ²⁰ Irasirigū yaarā judío masaka merā āārīḡú, ĩḡūsā ōārī iririkurosūta yāa, ĩḡūsā Jesúre buremumakū ḡāāmeḡū. Āsū āārā. ĩḡūsā Moisés dorerire buremuma. Yu Moisés doreri direta buremugū āārībirikereḡu, ĩḡūsā merā āārīḡú, ĩḡūsā iririkurosūta yāa, yu buerire pémakū ḡāāmeḡū. ²¹ Moisés dorerire buremumerā merā āārīḡú, ĩḡūsā ōārī iririkurosūta yāa, ĩḡūsāde Jesúre buremumakū ḡāāmeḡū. Irasirikereḡu, Cristore buremusīa, Marīḡu dorerire tarinḡḡābea. ²² Jesúre buremuturamerā merā āārīḡú, ĩḡūsā ōārī iririkurosūta yāa, ĩḡūsāde Jesúre buremunemoburo, ārīḡū. “Musā nemorō Jesúre buremugū, ĩḡūyare

masĩpeogu ããrã”, neõ ãrĩbea ĩgũsãrẽ. Irasirigu ããrĩpererã õãrĩ iririkũrosũta yáa: “Surãyeri yũ buerire pérã, tausũrãkuma”, ãrĩgũ. ²³ I ããrĩpererire irasũ yáa: “Jesucristo ĩgũrẽ bũremurãrẽ taugũkumi”, ãrĩrĩ kerere ĩgũsã õãrõ péburo, ãrĩgũ. ĩgũsã iri õãrĩ kerere bũremumakũ ĩãgũ, yũ ĩgũsã merã bũro usuyáa.

²⁴ Musãrẽ i keori merã ãsũ ãrĩ werea. Ũma birarimasã, ããrĩpererã ũmakererã, wajataperebirikuma. Ũmaturagu dita wajakatumi. Irasirirã, wajataduagu bũro ũmaderosũta musãde Marĩpũ gããmerĩrẽ õãrõ irika, ĩgũ sĩburire wajakaturã! ²⁵ ããrĩpererã ũma biraturã ĩgũsã ũmaburi dupuyuro õãrõ ũma buekuma. ããrĩpereri ĩgũsãya dupure poyanorẽrĩrẽ pirikõãkuma. Olivo wãikũdima pũrĩ merã iridea berore wajakaturã, irasũ ũma buekuma. Pũrũ gajerãrẽ ĩmurã, wajakadiya dipurugue iri berore peokuma. Iri bero mata boakõãkoa. Marĩde Marĩpũyare õãrõ buero gããmea. Ñerĩrẽ pirikõã, ĩgũ gããmerĩ gapure iriro gããmea, ĩgũ sĩburire wajakaturã. ĩgũ sĩrĩ neõ boabirikoa. ²⁶ Irasirigu yũ gapũ, ũma birarimasũ ĩgũ noó gããmerõ ũmagũ irirosũ iribebe. Yũ gããmerõ irimoãmabebe. Marĩpũyare masĩsĩã, ĩgũ gããmerĩrẽ irigu yáa. ²⁷ Irasirigu yũ iriduarire, yũ uaribejarire iribebe. Yũ iriduarire irimakũ, gajerãrẽ Marĩpũyare buedi ããrĩkererũ, Marĩpũ yare: “Õãrõ iribũ”, ãrĩbiribokumi.

10

Keori weadeare bũremubirikõãka! ãrĩ gojadea

¹ Yaarã, musãrẽ irire masĩmakũ gããmea. Marĩpũ, gũ ñekũsãmarã merã ããrĩdi ããrĩmĩ ĩgũsãrẽ Egiptogue ããrĩrãrẽ ãrĩ wiugu. ĩgũ iriudea mikãyebo merã ĩgũsãrẽ dupuyudi ããrĩmĩ. ããrĩpererã ĩgũrẽ tuyarã, dia wãdiya, deko diadiya wãikũdiya dekogue, bojori maã ĩgũ iridea maague taribujanerã ããrĩmã. ² ĩgũsã Moisés merã mikãyebo doka, dia wãdiyare taribujanerã ããrĩmã. Iro taribujarã, ããrĩpererã ĩgũ merã wãdiya dekogue wãiyesũrã irirosũ waanerã ããrĩmã. Iri merã ĩgũyarã ããrĩrĩrẽ ĩmunerã ããrĩmã. ³ ĩgũsã ããrĩpererã Marĩpũ sĩdea ũmugasima baarire baanerã ããrĩmã. ⁴ ããrĩpererã Marĩpũ ũtãyegue deko wiridoredeare iirĩnerã ããrĩmã. Cristo iri ũtãye irirosũ ããrĩdi ããrĩmĩ. ĩgũta okari sĩdi ããrĩmĩ. Irasirigu ĩgũta ĩgũsãrẽ wapikũwãgãdi ããrĩmĩ. ⁵ Marĩpũ ĩgũsãrẽ õãrõ iritamukererũ, wãrã ĩgũ dorerire tarinũgãnerã ããrĩmã. ĩgũsã irasirimakũ ĩãgũ, Marĩpũ ĩgũsãrẽ ĩãsuyubiridi ããrĩmĩ. Irasirigu ĩgũsãrẽ masaka marĩrõgue boamakũ iridi ããrĩmĩ ĩgũ dorerire tarinũgãdea waja.

⁶ ããrĩpereri ĩgũsãrẽ waadea kere, marĩrẽ ĩgũsã iriderosũ ñerĩrẽ iribirikõãburo, ãrĩ keori pídea ããrã. ⁷ Irasirirã, keori weadeare surãyeri ĩgũsã bũremuderosũ bũremubirikõãka! Keori weadeare ĩgũsã bũremudeare Marĩpũyare werenĩrĩ gojadea pũgue ãsũ ãrĩ gojasũdero ããrĩbũ: “Masaka baa, iirĩ odo, bosenu irinũgãnerã ããrĩmã”, ãrĩ gojasũdero ããrĩbũ. ⁸ Pũrũ surãyeri ũma nomerẽ ñerõ iri gãmebiranerã ããrĩmã. ĩgũsã iriderosũ iribirikõãrõ gããmea marĩrẽ. ĩgũsã ñerõ iriri waja, sunũrẽ veintitrés mil masaka boanerã ããrĩmã. ⁹ Gajipoe gajerã: “Marĩpũ gũare õãrõ korebemi”, ãrĩ werewũanerã ããrĩmã. ĩgũsã ãrĩderosũ ãrĩbirikõãrõ gããmea marĩrẽ. ĩgũsã ñerõ werenĩrĩ waja ĩgũsãrẽ ãña kũrĩ wẽjẽnerã ããrĩmã. ¹⁰ Gajipoe gajerã ĩgũsã Marĩpũ irideare ñerõ ãrĩ werewũamakũ, Marĩpũyare wereboegu ĩgũsãrẽ wẽjẽdi ããrĩmĩ. ĩgũsã ãrĩderosũ ãrĩbirikõãrõ gããmea marĩrẽ.

¹¹ Marĩrẽ inũ marãrẽ i ũmũ pereburo mérõgã dũyawãgãriro yáa. Irasirigu Marĩpũ ĩgũyare werenĩrĩ gojadea pũgue gũ ñekũsãmarãrẽ ĩgũ wajamoãdeare gojadoredi ããrĩmĩ, ĩgũsã iriderosũ ñerõ iribirikõãburo, ãrĩgũ. ¹² Sugu: “Yũ tamerã Marĩpũyare õãrõ bũremusĩã, ñerõ iribirikoa”, ãrĩ gũñagũno, õãrõ pémasĩka, iripoegue marã iriderosũ ñerĩrẽ iriri, ãrĩgũ! ¹³ Gajipoere marĩ ããrĩpererã sugu dũyaro marĩrõ ñerĩrẽ iriduarã, wãtĩ ñerĩ ãrĩmesãsũrã, ñerõ tarirã ããrã. Irasũ ããrĩkererũ, Marĩpũ gapũ ĩgũ ãrĩderosũta marĩrẽ

iritamunikõãmi ñerĩrẽ tarinugãburo, ãrĩgũ. Marĩ ñerĩrẽ tarinugãnemomasĩbirimakũ ããgũ, gaji ñerĩrẽ tau kãmutagukumi marĩrẽ poyanorẽĩ, ãrĩgũ. Irasirigũ marĩrẽ ãgũ merã gũñaturamakũ irigukumi ñerĩrẽ iribirikõãburo, ãrĩgũ.

¹⁴ Yaarã yũ maĩrã, yũre péka! Neõ keori weadeare bũremubirikõãka! ¹⁵ Mũsã õãrõ pémasĩrã ããrĩmakũ, irire mũsãrẽ werea. Irasirirã yũ ãrĩrĩrẽ: “Diayeta ããrã”, ãrĩ masĩa.

¹⁶ Marĩ nerẽ bokatĩrĩrã Marĩpũre: “Õãã”, ãrĩ, mũyari sĩ odo, igui deko iirĩripare iirĩa. Irasũ iirĩrã: “Cristo boagũ, marĩ ñerĩ iridea wajare ãgũ dí béodea merã wajaribosadi ããrĩmĩ”, ãrĩ ãmuã. Pãrũrẽ marĩ dukawa baarã: “Cristo ãgũya dupũ curusague boadea merã marĩrẽ ãgũyarã ããrĩmakũ iridi ããrĩmĩ”, ãrĩ ãmuã. ¹⁷ Marĩ wãrã ããrĩkererã, suru pãrũrẽ dukawa baarã, ããrĩpererã marĩ Cristoyarã su dupũta irirosũ ããrã. Irasirirã sugũyarãta ããrã.

¹⁸ Gũayarã Israel marã Moisés dorederosũta iririre gũñaka! Marĩpũre bũremurã, ãgũya wiigũe waibũre ãã wẽjẽ soema. Wẽjẽ soe odo, Marĩpũ iũrõ diire baama. Irasũ baarã: “Marĩpũyarã ããrã”, ãrĩ ãmuma. ¹⁹ Yũ ire irasũ ãrĩgũ: “Keori weadea wajakũ, irasiriro iri keori weadea pũro waibũ dí pídea, gaji waibũ dí nemorõ ããrã”, ãrĩgũ meta yãa. ²⁰ ãsũ gapũ ãrĩ werea. Marĩpũre masĩmerã, keori weadea pũro waibũ dí píra, Marĩpũre bũremubema. Wãtẽa gapũre bũremurã yãma. ãgũsã irasũ bũremumakũ, ãgũsã bũremurĩ wiigũe mũsã ãgũsã merã baarã: “Wãtẽayarã ããrã”, ãrĩ ãmurã irirosũ yãa. Mũsã irasirimakũ, neõ gããmebea. ²¹ Marĩ Opũ Jesucristoyarã ããrĩsĩa, ãgũrẽ bũremurã nerẽ bokatĩrĩrã, igui deko iirĩripare iirĩ, pãrũrẽ dukawa baãa. Gajerã ãgũsã keori weadeare bũremurã iirĩri, waibũ dí ãgũsã baari, wãtẽaya ããrã. Irasirirã marĩ Opũ Jesúyare baarã, wãtẽayare baamasĩbea. Irasũta wãtẽayare baarã, Jesúyare baamasĩbea.

²² Marĩ Opũ ãgũyarãrẽ ãgũ direta bũremumakũ gããmemi. Irasirirã marĩ wãtẽãrẽ bũremurã, marĩ ãgũrẽ guamakũ iribokoa. ãgũ guamakũ, marĩ ãgũrẽ tarinugãmasĩbirikoa. Marĩrẽ wajamoãburire kãmutamasĩbirikoa.

Marĩpũ gããmerĩ direta irika! ãrĩ gojadea

²³ Masaka surãyeri ãsũ ãrĩ werenĩma: “Marĩ iridũarire noó gããmerõ irimasĩa”, ãrĩ werenĩma. ãgũsã irire irasũ ãrĩkerepũrũ, ããrĩpereri marĩ iridũarire irirã, gajerãrẽ iritamurã meta yãa. Noó marĩ gããmerõ irirã, gajerãrẽ Marĩpũre bũremunemomakũ iribiribokoa. ²⁴ Marĩya ããrĩburi direta gũñabirikõãrõ gããmea. Gajerãya ããrĩburidere gũñarõ gããmea.

²⁵ Irasirirã baari duarogue baarire wajarirã, noó gããmerõ wajari baaka! “¿I baari keori weadea pũroge pídea ããrĩrĩ?” ãrĩ sãrẽñabirikõãka: “Irire baarã, ñerõ irirã yãa”, ãrĩ gũñarĩ, ãrĩrã! ²⁶ Marĩpũya werenĩrĩ gojadea pũgũe ãsũ ãrĩ gojasũdero ããrĩbũ: “ããrĩpereri i mũmũma, marĩ Opũya ããrã”, ãrĩ gojasũdero ããrĩbũ. Irasirirã ããrĩpereri ãgũ baari pídeare baamasĩa.

²⁷ Jesúre bũremubi mũsãrẽ baadoregũ siumakũ, waadũarã waaka! Baarã waarã, mũsãrẽ ãgũ ejorire baaka! “¿I baari, keori weadea pũroge pídea ããrĩrĩ?” ãrĩ sãrẽñabirikõãka: “Irire baarã, ñerõ irirã yãa”, ãrĩ gũñarĩ, ãrĩrã! ²⁸ Gajigũ iro ããrĩgũ ãsũ ãrĩbokumi mũsãrẽ: “I baari, keori weadea pũroge pídea dí ããrã”, ãrĩbokumi. ãgũ irasũ ãrĩmakũ, iri díre baabirikõãka! ãgũ, mũsã baamakũ: “Ñerĩrẽ irirã yãma”, ãrĩ gũñabokumi. ãgũ irasũ ãrĩ gũñabirikõãburo, ãrĩrã, irire baabirikõãka! ²⁹ Yũ irire ãrĩgũ, ãgũ gũñarĩrẽ werenĩgũ yãa. Mũsã gũñarĩrẽ werenĩbea.

Mũsã gapũ ãsũ ãrĩ sãrẽñabokoa yũre: “¿Nasirirã, gajigũ diaye gũñabiri waja, gũa iridũarire gorawayubokuri? ³⁰ Gũa baarire Marĩpũre: ‘Õãã’, ãrĩ, mũyari sĩmakũ, gajigũ gũa baarire werewũamasĩbemi”, ãrĩbokoa mũsã yũre. ³¹ Yũ gapũ ãsũ ãrĩ werea mũsãrẽ. Mũsã baa, iirĩrã, gajinorẽ irirãde, Marĩpũ gããmerĩ direta irika, gajerãde ãgũrẽ: “Õãtarigũ ããrĩmĩ”, ãrĩ bũremuburo, ãrĩrã! ³² Neõ mũsã iriri merã judío masakare, judío masaka ããrĩmerãrẽ, Marĩpũyarãdere ñerõ irimakũ iribirikõãka! ³³ Yũ irirosũ irika! ããrĩpereri yũ

iriri merã masaka ããrĩpererãrẽ õãrõ iriduãa. Irasirigu õãrõ yu ããrĩburi direta gũñabea. Gajerãya ããrĩburi gapure õãrõ gũñãa, ìgũsãde Jesucristore buremuburo, ãrìgũ. Ìgũrẽ buremumakũ, ìgũsãrẽ taugakumi, peamegue waabirikõãburo, ãrìgũ.

11

¹ Irasirirã yu Cristore irituyarosũta musãde yure irituyaka!

Jesúre buremurã nerẽrõgue nome irimarẽ gojadea

² Yaarã, yure musã gũñamakũ, ããrĩpereri yu buedeare keoro irimakũ ìãgũ, musãrẽ: “Õãrõ yãa”, ãrì, usuyari merã werea. ³ Gaji musãrẽ masĩmakũ gããmea. Cristo, ããrĩpererã ãma dipuru ããrĩmĩ. Ëmũu, marãpore igo dipuru ããrĩmĩ. Marĩpu, Cristo dipuru ããrĩmĩ. ⁴ Musã Marĩpure buremurã nerẽmakũ, sugu Marĩpure sërẽgũ, Marĩpu ìgũrẽ weredoredeare weregu, ìgũya dipurare buremabirikumi. Ìgũya dipurare buremabu, guyasĩũrõ irigu iribokumi. Cristore ìgũ Opure gopeyari merã buremubiribokumi. ⁵ Nomeõ gapu Marĩpure sërẽgõ, Marĩpu ìgore weredoredeare werego, igoya dipurare buremabokumo. Igoya dipurare buremabeo, guyasĩũrõ irigo iribokumo. Marãpure igo dipurare gopeyari merã buremubiribokumo. Poari pera buremabeodeo irirosũ ããrĩbokumo. ⁶ Igoya dipurare buremabirimakũ, diayeta igoya poarire pera buremabeokõãrõ gããmea. Igoya poarire pera buremabeodeo: “Guyasĩũgorãa”, ãrìgõ, igoya dipurare buremaburo. ⁷ Ëmũu gapu Marĩpu irirosũ opu ããrĩsã, ìgũya dipurare buremabirikõãburo, Marĩpu yu Opure ããrĩmĩ, ãrì ìmubu. Nomeõ gapu igoya dipurare buremaburo, ãmũu yu opu ããrĩmĩ, ãrì ìmubo. ⁸ Neõgoraguere Marĩpu ãmũurẽ irigu, nomeõya gõã merã iribiridi ããrĩmĩ. Nomeõ gapure ãmũuya gõã merã iridi ããrĩmĩ. ⁹ Irasirigu ãmũurẽ irigu, nomeõrẽ iritamubure iribiridi ããrĩmĩ. Nomeõ gapure, ãmũurẽ iritamubore iridi ããrĩmĩ. ¹⁰ Irasirirã musã Marĩpure buremurã nerẽrõguere, nome ìgũsãya dipure buremabo gããmea. Irasũ buremarã, ãmũu dorerire õãrõ yujurire ìmurakuma. Ìgũsã irasiririre Marĩpure wereboerã ìãrãkuma. ¹¹ Irasũ ããrĩkererũ, marĩ Jesucristore buremurã gãme iritamua. Ëma, nome iritamurĩ marĩrõ ããrĩmasĩbirikuma. Nomedede ãma iritamurĩ marĩrõ ããrĩmasĩbirikuma. ¹² Diayeta ããrã. Marĩpu nomeõrẽ ãmũuya gõã merã iridi ããrĩmĩ. Ide diayeta ããrã. Ëma, nome merã deyoama. Irasirirã ããrĩpererã masaka: ãma, nome Marĩpu irinerã ããrĩma.

¹³ I ããrĩpereri diayeta ããrĩmakũ, ¿musã basi naãsũ gũñarĩ? Musã Marĩpure buremurã nerẽrõgue, nomeõ igoya dipurare buremabeota, Marĩpure sërẽmakũ ¿õãrĩ, o õãberi? ¹⁴ Ëmũu poañapu ãmamakũ guyasĩũgorãa. ããrĩpererã masaka irire masĩma. ¹⁵ Nomeõ poañapu ãmagõ ããrĩmakũ: “Õãgorãa”, ãrã. Igo poañapu ãmamakũ, igoya dipuru buremabo irirosũ ããrã. ¹⁶ Yu werenĩrĩrẽ: “Irasũ ããrĩbea”, ãrì guaseodugunorẽ ãsũ ãrì weregura. Marĩ Jesúre buremurã, gajerã Marĩpureyãrãde irire irasũ dita yãa.

Marĩ Opure Jesucristo boadeare gũñarã, ìgũ nerẽ baadorederosũ keoro iribiridea

¹⁷ Dapora musãrẽ gaji gojãa. Irire gojagu, yu musãrẽ: “Õãrõ irirã yãa”, ãrĩbea. Musã nerẽrã, õãrõ iriboanerã, ubu gapu poyanorẽayuro. ¹⁸ Irasirigu ãsũ ãrì werepurorigura musãrẽ. Musã nerẽrã, gãme guaseo dukawariayuro. Gajerã yure irire weremakũ pẽgu: “Diayeta ããrĩkoa”, ãrì gũñãa. ¹⁹ Musã gãme dukawarirã, ãsũ ãrì gũñãkoa: “Marĩrẽ gãme dukawariro gããmea. Irasirirã, ¿noã gapu Jesucristoyarãgora ããrĩrĩ? ãrì masĩrãkoa”, ãrĩkoa. ²⁰ Irasirirã musã gãme dukawariri waja, musã marĩ Opure Jesucristo boadeare nerẽ gũñarã, ìgũ buerã merã baatũnugũ dorederosũ keoro iirĩ, baabea. ²¹ Musã nerẽ baarã, surãyeri noó gããmerõ baapurorikõãa. Gajerã naboama. Gajerã mejãma. ²² Musã noó gããmerõ iirĩ, baadmarã, ¿nasirirã musãya wiirigue baa, iirĩberi? Musã Marĩpureyãrã ããrĩkererã, noó gããmerõ baa, iirirã, musã nerẽrĩrẽ wajamarĩrõsũ irirã yãa. Musã watopegue ããrĩrã baari opamerãrẽ guyasĩũrõ tarimakũ irirã yãa. Musã irasiriri kerere pẽgu, ¿naãsũ ãrì weregukuri yu musãrẽ? “Õãrõ irirã yãa”, ãrĩbirikoa.

Marĩ Opũ Jesucristo ĩgũ buerã merã baatũnudeare gojadea

²³⁻²⁴ Marĩ Opũ Jesucristo yũre buedeare yũ musãrẽ werebũ. Iri àsũ ããrã. ĩgũrẽ wẽjẽduarãguere ĩgũrẽ Judas ĩmuburi dupuyuro ma ñamita marĩ Opũ Jesucristo pãrũrẽ ãĩ, Marĩpũre: “Murẽ usuyari sĩa”, ãĩ, irirure pea, ĩgũ buerãrẽ: “I yaa dupũ ããrã”, ãĩ gueredi ããrĩmĩ. “Irasirirã yũ musã merã dapora iriaderosũ nerẽ, pãrũrẽ baarikũ, yũ musãrẽ boabosarire gũñaka!” ãrĩdi ããrĩmĩ. ²⁵ ĩgũsã baa odoadero purũ, pãrũrẽ ãĩderosũta iirĩripare ãĩ, àsũ ãrĩdi ããrĩmĩ: “Yũ musãrẽ boabosagũ yaa dí béori merã Yũpũ musãrẽ: ‘Õãrõ irigũra’, ãrĩdeare iriyuwarikũgũkumi. Irasirirã musã nerẽ, iirĩripare iirĩrikũ, yũ dí béobosarire gũñaka!” ãrĩdi ããrĩmĩ. ²⁶ ĩgũ ãrĩderosũta irirã, marĩ nerẽrã, pãrũrẽ baarikũ, iirĩripare iirĩrikũ: “Marĩ Opũ Jesucristo marĩrẽ boabosadi ããrĩmĩ”, ãĩ ĩmurãkoa. Irire irinĩkõãrõ gããmea. ĩgũ i ĩmũgue dupaturi aarimakũ, irire irinemobirikoa.

Marĩ Opũ Jesucristo boadeare gũñarã, àsũ iridorea, ãrĩ gojadea

²⁷ Marĩ Opũ Jesucristo boadeare marĩ nerẽ gũñaripoe Marĩpũre bũremurĩ marĩrõ merã pãrũrẽ baa, iirĩripare iirĩgũno ñerõ irigũ yámi. Jesucristo marĩrẽ boabosagũ dí béodeare ubu ããrĩrĩ irirosũ gũñami. ²⁸ Irasirirã pãrũrẽ baa, iirĩripare iirĩburi dupuyuro masakakũ marĩ irideare: “Ñerõ irikubũ”, ãrĩ gũñapũroriro gããmea. ²⁹ Marĩ Opũ Jesucristoya dupũ ããrĩrĩrẽ pémasĩrõ marĩrõ merã pãrũrẽ baa, iirĩripare iirĩmakũ, Marĩpũ marĩrẽ wajamoãgũkumi. ³⁰ Musã irire pémasĩbiridea waja wárã musã merãmarã pũrĩrikũrã, turamerã ããrĩma. Surãyeri boakõãsiama. ³¹ Marĩ baa, iirĩburi dupuyuro marĩ irideare: “Ñerõ irikubũ”, ãrĩ gũñapũrorimakũ, marĩ Opũ marĩrẽ wajamoãbirikumi. ³² Marĩ Opũ gapũ marĩrẽ ĩgũyarãrẽ marĩ ñerĩ iririre piriburo, ãrĩgũ, wajamoãmi. Irasirigũ ĩgũrẽ bũremumerãrẽ peamegue waadore, marĩ gapũre ĩgũsã merã wajamoãbirikumi.

³³ Irasirirã yaarã, musã nerẽ baarã, suro merã baamurã gajerãdere yúka! ³⁴ Uaboagũno ĩgũya wiigue baaburo. Irasirimakũ, musã õãrõ nerẽ baamakũ, Marĩpũ musãrẽ wajamoãbirikumi. Gajire musã pũroque waagũ, õãrõ were ãmũgũra.

12

Õãgũ deyomarĩgũ Marĩpũyare marĩrẽ irimasĩmakũ iririre gojadea

¹ Yaarã, Õãgũ deyomarĩgũ Marĩpũyare marĩrẽ irimasĩmakũ irigũ ããrĩmĩ. Yũ irire musãrẽ õãrõ masĩmakũ gããmea. ² Musã ire õãrõ masĩsiáa. Jesucristore bũremuburi dupuyuro keori weadeare bũremutũyanerã ããrĩbũ. Iri keori weadea okari opabea. Neõ werenĩbea. ³ Irasirigũ daporare yũ musãrẽ ire masĩmakũ gããmea. Neõ sugũ Õãgũ deyomarĩgũ iritamurĩ merã weregũ: “Jesũre ñerõ waanaburo”, ãrĩmasĩbirikumi. Gajigũ Õãgũ deyomarĩgũ iritamurĩ marĩrõ merã weregũ: “Jesús marĩ Opũ ããrĩmĩ”, neõ ãrĩmasĩbirikumi.

⁴ Õãgũ deyomarĩgũ Marĩpũyare marĩrẽ irimasĩmakũ iriri, wári ããrã. ĩgũ sugũta irire sĩgũ ããrĩmĩ. ⁵ Marĩ Opũ Jesucristo marĩrẽ moãdoreri, wári ããrã. ĩgũ sugũta irire moãdoregu ããrĩmĩ. ⁶ Marĩpũyare iriri, sũrosũ ããrĩbea. Marĩpũ sugũta marĩ ããrĩpererãrẽ ĩgũyare õãrõ irimasĩmakũ irigũ ããrĩmĩ. ⁷ Marĩpũ Õãgũ deyomarĩgũrẽ marĩ masakakũre sĩrĩ merã ĩgũ marĩ merã ããrĩrĩrẽ ĩmumi, ããrĩpererã Jesucristore bũremurãrẽ gãme iritamuburo, ãrĩgũ. ⁸ Õãgũ deyomarĩgũ surãyerire õãrõ masĩrĩ merã Marĩpũyare weremakũ yámi. Gajerãdere õãrõ pémasĩrĩ merã ĩgũyare weremakũ yámi. ⁹ Gajerãrẽ: “Marĩpũ iritamurĩ merã marĩ õãrõ irimasĩa”, ãrĩ bũremumakũ yámi. Irasũ ããrĩmakũ, gajerãrẽ ĩgũ turarire sĩmi pũrĩrikũrãrẽ tauburo, ãrĩgũ. ¹⁰ Gajerãrẽ ĩgũ turari merã iri ĩmurĩrẽ irimasĩmakũ yámi. Gajerãrẽ Marĩpũ ĩgũsãrẽ weredorerire õãrõ weremasĩmakũ yámi. Gajerãrẽ: “Wãtĩ turari merã, o Õãgũ deyomarĩgũ turari merã àsũ yámi ĩĩ”, ãrĩ masĩrĩrẽ sĩmi. Gajerãrẽ gajĩ masã ya werenĩrĩ merã ĩgũsã dupuyurogue werenĩmasĩbirideare werenĩmasĩmakũ yámi. Gajerãrẽ, iri werenĩrĩrẽ masĩbirikererã, Õãgũ deyomarĩgũ iritamurĩ merã: “Ãsũ ãrĩduaro

yáa i”, ãrĩ masĩmakũ yámi. ¹¹ Õãgũ deyomarĩgũ marĩ masakakũre gajerosũperi dita ãgũ sĩduarire sĩmi. ãgũ sugũta Marĩpũyare marĩ irimasĩburire sĩgũ ããrĩmi.

Marĩ Cristoyarã ããrĩrã su dupũta irirosũ ããrã, ãrĩ gojadea

¹² Marĩya dupũma wári ããrã. Wári ããrĩkerero, su dupũta ããrã. Cristode irasũta ããrĩmi. Marĩ ãgũrẽ buremurã wárã ããrĩkererã, su dupũta irirosũ ããrã. ¹³ Murãrõta marĩ ãgũrẽ buremurã ããrĩpererã: judío masaka, judío masaka ããrĩmerã, gajerãrẽ moãboerã, moãboemerãde wárã ããrĩkererã, Õãgũ deyomarĩgũ sugũ merãta wãiyesũbu. Irasirigũ marĩrẽ su dupũta irirosũ ããrĩmakũ yámi. Irasirirã marĩ ããrĩpererã Õãgũ deyomarĩgũrẽ opáa.

¹⁴ Marĩya dupũma ããrĩrĩ su wãita ããrĩbea. Wári ããrĩkõãa. ¹⁵ Marĩya gubu werenĩrĩ gubu ããrĩrõ ãsũ ãrĩbokoa: “Mojõ ããrĩbea. Irasiriro mũya dupũma ããrĩbea”, ãrĩbokoa. Marĩya gubu irasũ ãrĩkerero, marĩya dupũmata ããrã. ¹⁶ Marĩya gãmipũ werenĩrĩ gãmipũ ããrĩrõ ãsũ ãrĩbokoa: “Koyuru ããrĩbea. Irasiriro mũya dupũma ããrĩbea”, ãrĩbokoa. Marĩya gãmipũ irasũ ãrĩkerero, marĩya dupũmata ããrã. ¹⁷ Marĩya dupũ, koyuru dita ããrĩmakũ, ¿nasirisĩã, pébokuri marĩ? Marĩya dupũ, gãmipũ dita ããrĩmakũ, ¿nasirisĩã, gajinorẽ wĩjĩbokuri marĩ? ¹⁸ Marĩpũ marĩya dupũre irigũ, ããrĩpereri ãgũ gããmerõsũta keoro iridi ããrĩmĩ. ¹⁹ ããrĩpereri marĩya dupũgue ããrĩrĩno su wãita ããrĩmakũ, marĩya dupũ marĩbokuyo. ²⁰ ãsũ ããrã. Marĩya dupũgue ããrĩrĩ wári ããrĩkererũ, su dupũta ããrã. I irirosũta marĩ Jesúre buremurã wárã ããrĩkererã, su dupũta irirosũ ããrã.

²¹ Irasiriro koyuru, mojørẽ: “Mũrẽ gããmebea”, ãrĩmasĩbirikoa. Dipuru, guburire: “Mũrẽ gããmebea”, ãrĩmasĩbirikoa. ²² ãsũ gapũ ããrã. Gaji marĩya dupũgue ããrĩrĩ, turabiri ããrĩkererũ, marĩ gapũ irire burõ gããmea. ²³ Gaji marĩya dupũgue ããrĩrĩrẽ: “Ubu ããrĩrĩ ããrã”, ãrĩ gũñãa. Irasirirã irire õãrõ deyoburo, ãrĩrã, õãrõ ãmua. Gaji marĩ gũyasĩrĩsãrĩrẽ surĩ sãña kãmutãa masaka ããrĩkõãburo, ãrĩrã. ²⁴ Gaji marĩya dupũgue ããrĩrĩrẽ õãrĩ deyori gapũre ãmubea. Marĩpũ marĩya dupũgue ããrĩrĩrẽ ããrĩpererire õãrõ ãmudi ããrĩmĩ, su dupũta õãrõ dupũkũburo, ãrĩgũ. Irasirigũ: “Ubu ããrĩrĩ ããrã”, marĩ ãrĩrĩ gapũre õãrõ gããmemakũ yámi. Irasirirã marĩ neõ gajigũ Jesúyagũre: “Ubu ããrĩgũ ããrĩmi, irasirirã ãgũrẽ gããmebea”, ãrĩbirikõãrõ gããmea. ²⁵ ãsũta ããrĩdoredi ããrĩmĩ, Marĩpũ marĩya dupũ suro merã iritamuburo, ãrĩgũ. ²⁶ Marĩya dupũgue ããrĩrĩ su wãĩ ñerõ tarimakũ, gajide ããrĩpereri ñerõ taria. Su wãirẽ õãrõ ãmumakũ: “Marĩya dupũ ããrĩperero õãrõ ããrã”, ãrĩ gũñãa.

²⁷ Yũ irire ãrĩgũ, ãsũ ãrĩduagũ yáa. Marĩ Cristore buremurã ãgũya dupũ irirosũ ããrã. Irasirirã marĩ masakakũ ãgũya dupũgue ããrĩrã irirosũ ããrã. ²⁸ Irasirigũ Marĩpũ marĩ Jesúre buremurãrẽ gãme iritamuburire pígu, ãsũ pídi ããrĩmĩ. Jesucristo buedoregũ pínerãrẽ píperoridi ããrĩmĩ. Pũrũ Marĩpũ gajerãrẽ ãgũ weredorerosũ weremurãrẽ pídi ããrĩmĩ. Pũrũ gajerãrẽ ãgũyare buemurãrẽ pídi ããrĩmĩ. Gajerãrẽ ãgũ turaro merã iri ãmumurãrẽ, gajerãrẽ pũrĩrikũrãrẽ taumurãrẽ, gajerãrẽ masakare iritamumurãrẽ, gajerãrẽ dorerimasã ããrĩmurãrẽ, gajerãrẽ gaji masã ya merã ãgũsã dupuyurogue neõ werenĩmasĩbirideare werenĩmasĩmurãrẽ pídi ããrĩmĩ. ²⁹ Irasirigũ marĩ ããrĩpererãrẽ sũrosũ irimurãrẽ píbiridi ããrĩmĩ. Irasirirã marĩ ããrĩpererã Jesucristo buedoregũ pínerã meta ããrã. Marĩ ããrĩpererã Marĩpũ weredorerosũ wererã meta ããrã. Marĩ ããrĩpererã Marĩpũyare buerã meta ããrã. Marĩ ããrĩpererã Marĩpũ turaro merã iri ãmumurã meta ããrã. ³⁰ Marĩ ããrĩpererã pũrĩrikũrãrẽ taumasĩrã meta ããrã. Marĩ ããrĩpererã gaji masã ya werenĩrĩ merã werenĩmasĩrã meta ããrã. Marĩ ããrĩpererã ãgũsã werenĩrĩrẽ péadero pũrũ: “ãsũ ãrĩduaro yáa”, ãrĩ wererã meta ããrã. ³¹ Irasirirã Õãgũ deyomarĩgũ Marĩpũyare irimasĩrĩ sĩrĩrẽ gããmekã mũsã! Yũ mũsãrẽ i ããrĩpereri nemorõ õãrĩrẽ wererũ.

13

Gãme maĩrĩmarẽ gojadea

¹ Marĩ gaji masã ya werenĩrĩre werenĩmasĩkererã, Marĩpũre wereboerã ya werenĩrĩre werenĩmasĩkererã, gajerãrẽ maĩbirimakũ, marĩ werenĩrĩ wajamarĩbokoa. Kõme majĩ pábiramakũ busurosũ marĩ werenĩrĩ busukõãbokoa. ² Marĩpũ marĩrẽ weredorerosũ õãrõ weremasĩkererã, gajerãrẽ maĩbirimakũ, marĩ wereri wajamarĩbokoa. Aãrĩpererire masĩkererã, Marĩpũyare masaka dupuyurogue masĩbiridea aãrĩpererire pémasĩkererã, gajerãrẽ maĩbirimakũ, marĩ masĩrĩ wajamarĩbokoa. Marĩpũre bũremurĩ marĩrẽ ãgũ sĩrĩ merã buúrure gajerogue waadoremasĩkererã, gajerãrẽ maĩbirimakũ, marĩ bũremurĩ merã iriri wajamarĩbokoa. ³ Marĩ opari aãrĩpereri boporãrẽ sĩkererã, ãgũsãrẽ maĩbirimakũ, marĩ iriri wajamarĩbokoa. Marĩpũyare marĩ iridea waja marĩya dupũre masaka sokekererũ, marĩ gajerãrẽ maĩbirimakũ, Marĩpũ marĩrẽ: “Õãrõ iribũ”, aĩbiribokumi.

⁴ Marĩ gajerãrẽ maĩrã, mata ãgũsã merã guaña máa. ãgũsãrẽ bopoñarĩ merã õãrõ yáa. ãgũsãrẽ ãturiña máa. “ãgũsã nemorõ õãgũ aãrã”, aĩmasĩña máa. “ãgũsã nemorõ masĩtarĩngãgũ aãrã”, aĩmasĩña máa. ⁵ Marĩ gajerãrẽ maĩrã, ãgũsãrẽ bũremurĩ merã keoro werea. Marĩya aãrĩburi direta gũñabea. ãgũsãya aãrĩburidere gũñáa. ãgũsãrẽ guari merã wereña máa. ãgũsã marĩrẽ ñerõ irimakũ, yoaripoe ãgũsã merã guanĩña máa. ⁶ Gajerãrẽ maĩrã, ãgũsã ñerõ irimakũ ãrã, usuyamasĩña máa. Diayema gapũre ãgũsã irimakũ ãrã, usuyáa. ⁷ Marĩ gajerãrẽ maĩrã, ãgũsã ñerõ irimakũ ãrã, masakare neõ kere werebea. Gajerã ãgũsãrẽ werewhakerepũ, marĩ ãgũsãrẽ bũremurĩrẽ neõ piribirikoa. “Pũrugue ãgũsãde õãrĩ gapũre irirãkuma”, aĩ gũñáa. ãgũsã iriri merã marĩ ñerõ tarikererã, ãgũsãrẽ maĩsĩã, neõ piribeã.

⁸ Marĩ gãme maĩrĩ neõ perebirikoa. Marĩpũ weredorerosũ wereri gapũ pererokoa. Gaji masã ya merã marĩ werenĩrĩde pererokoa. Marĩpũyare masĩrĩ merã õãrõ wereride, pũrugue pererokoa. Iri irasũ waamakũ, marĩ masĩdero nemorõ aãrĩpererire masĩrãkoa. ⁹ Daporare marĩ aãrĩpereri Marĩpũyare masĩbea. ãgũ weredorerosũta ãgũ masĩrĩ sĩrĩ merã werekererã, aãrĩpereri ãgũyare weremasĩbea. ¹⁰ Pũrugue Jesucristo Marĩpũyare masĩpeogũ aarimakũ, marĩ masĩbirideare masĩpeorãkoa.

¹¹ Yũ majĩãgũ aãrĩãgũ, majĩrã irirosũ gũñarĩ marĩrõ werenĩ, ãgũsã irirosũta iriunabũ. Yũ bũgũro waagũ, majĩrã irirosũ aãrĩdeare pirikõãbũ. ¹² Daporare Marĩpũyare marĩ õãrõ masĩbea. Diuru bũgũru merã marĩ aĩñamakũ õãrõ deyomarĩrõ irirosũ aãrã. Õãrõ deyobeã. Pũũ õãrõ deyorogue Marĩpũre ãrãrãkoa. Daporare marĩ ãgũrẽ sĩrũgã masĩã. Pũũ Marĩpũ marĩrẽ masĩpeorosũta marĩde masĩpeorãkoa.

¹³ Daporare ure wãĩ aãrã: Marĩpũre bũremurĩ, ãgũ marĩrẽ õãrõ irigũkumi, aĩ usuyari, marĩ gãme maĩrĩ aãrã. Iri ure wãĩ neõ perebirikoa. Gãme maĩrĩ gapũ gaji nemorõ õãrĩ aãrã.

14

Gaji masã ya werenĩrĩ merã marĩ werenĩmasĩbirikererã werenĩrĩmarẽ gojadea

¹ Gajerãrẽ maĩnemoka! Irasũ aãrĩmakũ, Marĩpũyare Õãgũ deyomarĩgũ masãrẽ irimasĩrĩ sĩrĩrẽ gããmekã! Aãrĩpereri ãgũ irimasĩrĩ sĩrĩrẽ gũñarã, gaji nemorõ Marĩpũ weredorerosũ weremasĩrĩ gapũre bũro gããmekã! ² Sugũ gaji masã ya werenĩrĩ merã werenĩmasĩbirikeregũ werenĩmakũ, Marĩpũ dita ãgũ werenĩrĩrẽ pémi. Masaka gapũ ãgũ werenĩrĩrẽ pébema. Õãgũ deyomarĩgũ turari merã Marĩpũyare masĩña marĩdeare werenĩmi. ³ Marĩpũ weredorerosũ weregũ gapũ masakare weremi. ãgũ wereri pérãrẽ Jesucristore bũremunemomakũ yãmi. ãgũ wereri merã ãgũsãrẽ õãrõ aãrĩrikũmakũ, õãrõ yũpũrãkũmakũ yãmi. ⁴ Gaji masã ya werenĩrĩ merã werenĩmasĩbirikeregũ werenĩgũ ãgũ basi Jesucristore bũremunemogũ yãmi. Marĩpũ weredorerosũ weregũ gapũ gajerã Jesucristore bũremurãrẽ ãgũrẽ bũremunemomakũ irigũ yãmi.

⁵ Gaji masã ya werenírĩ merã musã werenímasĩbirideare ããrĩpererã musã werenímasĩmakũ gããmea yu. Iri nemorõ Marĩpu weredorerosũ musã weremakũ buro gããmea. Marĩpu weredorerosũ weregu gapu, gaji masã ya werenírĩ merã werenígũ nemorõ masakare iritamugũ ããrĩmi. Irasũ ããrĩkerepu, gaji masã ya werenírĩrẽ pégu: “Ásũ ãrĩduaro yáa”, ãrĩ weremakũ õãgoráa. Ígũ irasũ ãrĩ weregu, Jesucristore buremurãrẽ ígũrẽ buremunemomakũ irigu yámi. ⁶ Yaará, yu musã prougue waagú, gaji masã ya werenírĩ merã werenígũ, musãrẽ iritamubiribokoa. Marĩpu ígũyare yure masĩmakũ irideare weregu, ígũya diayema kerere masĩrĩ merã weregu, ígũ yure weredorerire weregu, ígũyare musãrẽ buegu, musãrẽ iritamubokoa.

⁷ Keori merã musãrẽ weregura. Tẽrẽdirure keoro puribirimakũ, o arpa wãikuro buaputẽrõde keoro buaputẽbirimakũ, iri wãĩ bayari ããrĩkoa, ãrĩmasĩña máa. ⁸ Surara gãmewẽjẽrã waaburi dupuyuro sugu ígũsã merãmu puridirure keoro puribirimakũ, gajerã surara ígũsã mojõkuburire ãmubirikuma. ⁹ Musãde irasũta ããrã. Musã gaji masã ya werenírĩ merã werenímakũ pérã: “Ásũ ãrĩrã irikuma ígũsã”, ãrĩmasĩbirikuma. Irasirirã musã ubugorata werenímoãmakõãrã irikoa. ¹⁰ I ãmũguere wári buri marã ããrĩma. Ígũsã basi ígũsã werenírĩrẽ pémasĩma. ¹¹ Yu gaji masã ya werenírĩ merã werenígũrẽ pébi: “Gajeromu ããrĩmi”, ãrĩ gũñagukoa. Ígũde yu gaji masã ya werenírĩ merã werenímakũ pébi yure: “Gajeromu ããrĩmi”, ãrĩ gũñagukumi. ¹² Irasũta ããrã musãdere. Musã Óãgũ deyomarígũ turaro merã irimasĩrĩ sĩrĩrẽ gããmea. Irasirirã gajerã Jesucristore buremurãrẽ ígũrẽ buremunemomakũ irimasĩrĩrẽ buro gããmekala!

¹³ Irasirigu sugu gaji masã ya werenírĩ merã werenímasĩbirikeregu werenígũno Marĩpũre: “Yu werenírĩrẽ gajerãrẽ: ‘Ásũ ãrĩduaro yáa’, ãrĩ weremakũ iritamuka yure!” ãrĩ sërẽburo. ¹⁴ Yu gaji masã ya werenírĩ merã werenímasĩbirikeregu werenírĩ merã Marĩpũre sërẽgũ, Óãgũ deyomarígũ gũñarĩ sĩrĩ merã sërẽa. Irasũ sërẽkeregu, gũñarĩ merã yu sërẽadeare: “Ásũ ãrĩduaro irikoa”, ãrĩ pémasĩbirikoa. ¹⁵ Irasirirã ãsũ iriro gããmea. Óãgũ deyomarígũ turari merã gaji masã ya werenírĩ merã Marĩpũre sërẽrõ gããmea. Irasũ ããrĩmakũ, pémasĩrĩ merã marĩ ya werenírĩ merã Marĩpũre sërẽrõ gããmea. Óãgũ deyomarígũ turari merã gaji masã ya werenírĩ merã Marĩpũre bayapeoro gããmea. Irasũ ããrĩmakũ, pémasĩrĩ merã marĩ ya werenírĩ merã Marĩpũre bayapeoro gããmea. ¹⁶ Marĩ Óãgũ deyomarígũ turari merã gaji masã ya werenírĩ merã Marĩpũre usuyari sĩkerepu, marĩ merã ããrĩrã pibiribokuma. Ígũsã irire pémerã: “Irasũta ããrã”, ãrĩ, marĩ merã Marĩpũre usuyari sibiribokuma. ¹⁷ Marĩ gaji masã ya werenírĩ merã Marĩpũre usuyari sĩrĩ õãgoráa. Irasũ ããrĩkerepu, marĩ merã ããrĩrã gapu marĩ werenírĩrẽ pibirimakũ, marĩ ígũsãrẽ Jesucristore buremunemomakũ iribirikoa. ¹⁸ Gaji masã ya werenírĩ merã werenímasĩbirikeregu werenírĩrẽ yuta musã ããrĩpererã nemorõ werenía. Irire irisĩa, Marĩpũre usuyari sĩa. ¹⁹ Irasũ ããrĩkeregu, Jesure buremurã nerẽrõgue gaji masã ya werenírĩ merã wári musã pibirire yu weremakũ musãrẽ õãbirikoa. Musã pémasĩrĩrẽ yu mérĩgã weremakũ gapu, musãrẽ õãrokoa.

²⁰ Yaará, majĩrã pémasĩmerã irirosũ gũñabirikõãka! Murã irirosũ õãrõ pémasĩrĩ merã gũñaka! Nerõ iriri gapure majĩrãgã gũñamerã irirosũ ããrĩka! ²¹ Marĩpũya werenírĩ gojadea pũgue ãsũ ãrĩ gojasũdero ããrĩbũ: “Marĩ Opũ ãsũ ãrĩmi: ‘Gajero marãrẽ ígũsã ya werenírĩ merã i makã marãrẽ weredoregura. Yaare ígũsãrẽ irasũ weredorekerepu, i makã marã yure neõ buremubirikuma’, ãrĩmi marĩ Opũ”, ãrĩ gojasũdero ããrĩbũ. ²² Irasirigu Marĩpu gajero marãrẽ ígũsã ya werenírĩ merã ígũrẽ buremurãrẽ weredoregu, ígũsã ígũrẽ buremubirire ãmumi. Ígũrẽ buremurã gapure irasiribemi. Ígũyare ígũ weredorerosũ wererã merã ígũsãrẽ weremi. ²³ Irasirirã musã Jesure buremurã nerẽrõgue gaji masã ya werenírĩ merã werenímasĩbirikererã werenírĩrẽ musã ããrĩpererã wereníbokoa. Musã irasũ werenímakũ, Marĩpũyare masĩmerã, gajerã Jesure

buremumerãde ñajãjabokuma. Mũsã irasũ werenírĩrẽ pérã, mũsãrẽ: “Niãrĩmasã ããrĩma”, ãrĩbokuma. ²⁴ Mũsã ããrĩpererã Marĩpũ weredorerosũ weremakũ Marĩpũyare masĩbi, Jesũre buremubide ñajãri pégu, ãgũ ñerõ irideare masĩgakumi. Irasirigu ãgũ ñerĩ irideare bujaweregukumi. ²⁵ ãgũ gũñarĩgue ñerõ: “Ñerĩrẽ gũñayo yũ”, ãrĩ pémasĩgakumi. Irasirigu ñadukũpuri merã ejamejã, Marĩpũre: “Yũ Opũ ããrã”, ãrĩ buremugukumi. Irasũ ããrĩmakũ: “Marĩpũ diayeta mũsã merã ããrĩmi”, ãrĩ masĩgakumi.

Mũsã nerẽrã, gopeyari merã õãrõ keoro irika! ãrĩ gojadea

²⁶ Yaarã, mũsãrẽ ãsũ ãrĩ werea. Mũsã nerẽmakũ, surãyeri Marĩpũre bayapeoma. Gajerã Marĩpũyare buema. Gajerã Marĩpũ ãgũyare ãgũsãrẽ masĩmakũ irideare werema. Gajerã gaji masã ya werenírĩ merã werenĩmasĩbirikererã werenĩma. Gajerã iri werenírĩrẽ: “Ãsũ ãrĩduaro yãa”, ãrĩ werema. Irasirirã ããrĩpereri irire mũsã Jesũre buremurã õãrõ keoro irika, mũsã ãgũrẽ buremunemoburosũta! ²⁷ Irasirirã gaji masã ya werenírĩ merã werenĩmasĩbirikererã werenĩrã, pẽrã, o ñrerã werenĩburo. Sugũ werenĩ odoadero pũrũ, gajigu werenĩburo. Pũrũ gajigu ãgũsã werenírĩrẽ: “Ãsũ ãrĩduaro yãa”, ãrĩ wereburo. ²⁸ Mũsã nerẽmakũ, ãgũsã werenírĩrẽ: “Ãsũ ãrĩduaro yãa”, ãrĩ werebu marĩmakũ, gaji masã ya merã werenĩbirikõãburo. ãgũsã seyaro ãgũsã gũñarĩgue Marĩpũ merã werenĩburo. ²⁹ Marĩpũ weredorerosũ wererãde, pẽrã, o ñrerã wereburo. Irasũ keoro weremakũ pérã, gajerã ãgũsã wererire: “Diayeta Marĩpũya kereta ããrã”, ãrĩburo. ³⁰ Mũsã nerẽrõgue sugũ weremakũ, Marĩpũ gajigũre irogũ doagũre weredoremakũ, werepũroriadi gapũ toeburo. ³¹ Mũsã irasũ irirã, mũsã ããrĩpererã Marĩpũ weredorerosũ weremasĩrãkoa. Sugũ werepũroriadi were odoadero pũrũ, gajigu werewãgãnaburo. Irasirimakũ, ããrĩpererã pé, õãrõ yũpũrãkũrãkuma. ³² Marĩpũ weredorerosũ wererã mũsã wereburi dupuyuro: “¿Naãsũ ããrĩmakũ irire wererãkuri?” ãrĩ gũñapũroriro gããmea. ³³ Marĩ nerẽmakũ, Marĩpũ marĩrẽ keoro irimakũ gããmemi. Noó gããmerõ iriro marĩrõ ñsũyari merã nerẽmakũ gããmemi. ããrĩpererogue Jesũre buremurã nerẽrãrẽ irasũ dita irimakũ gããmemi.

³⁴ Jesũre buremurã nerẽmakũ, nome werenĩbirikõãburo. Nomerẽ werenĩdoreri máa. Werenĩrõnorẽ irirã, Marĩpũya werenírĩ gojadea pũgue dorederosũta õãrõ péro gããmea. ³⁵ Jesũre buremurã nerẽmakũ, sugo nomeõ werenĩgõ, gũyasĩũrõ iribokumo. Irasirigo igo gajino õãrõ pébirideare masĩduago igoya wiigue igo marãpũre sërẽñaburo.

³⁶ Ire mũsã masĩka! Mũsã Marĩpũya kerere werepũrorinerã ããrĩbea. Irasũ ããrĩmakũ, mũsã dita ãgũyare buremurã ããrĩbea. Gajerãde ãgũrẽ buremurã ããrĩma. ³⁷ Sugũ mũsã merãmũ: “Yũ Marĩpũ weredorerosũ weregu ããrã”, ãrĩ gũñagũ, o gajigu: “Yũ Õãgũ dey-omarĩgũ irimasĩrĩ sĩrĩrẽ opãa”, ãrĩ gũñagũ, i yũ mũsãrẽ gojarire: “Marĩ Opũ doreri ããrã”, ãrĩ masĩgakumi. ³⁸ Yũ gojarire: “Marĩ Opũ doreri ããrĩbea”, ãrĩmakũ, ãgũrẽ: “Marĩpũyare weregu ããrĩbemi”, ãrĩka!

³⁹ Yaarã, Marĩpũ weredorerosũ weremasĩrĩrẽ bure gããmea mũsã! Mũsã merãmarãrẽ ãgũsã gaji masã ya merã werenĩmasĩbirikererã werenĩmakũ: “Werenĩmerãta!” ãrĩbirikõãka! ⁴⁰ Mũsã nerẽrã, noó gããmerõ iribirikõãka! Gopeyari merã ããrĩpereri mũsã iririre õãrõ keoro irika!

15

Cristo masãdeare gojadea

¹ Yaarã, yũ mũsãrẽ iripoegue werede, Jesucristo masakare tauri kerere daporare gũñamakũ gããmea. Mũsã irire pérã, buremubũ. Daporadere irire buremunikõãa. ² Mũsã iri kerere buremusĩã, peamegue waamurã meta ããrã. Iri kerere mũsãrẽ yũ weredeare buremurĩrẽ piribirimakũ, Marĩpũ mũsãrẽ taugũkumi. Mũsã iri kerere buremubirinerã, diayeta tausũbiribokoa.

³ Yure buedeare masārē weretaubũ. Iri bueri, gaji bueri nemorō ōātaria. Āsũ āārã. Marĩpũya werenĩrĩ gojadea pũgue gojaderosũta Cristo marĩ ñerō iridea waja marĩrē boabosadi āārĩmĩ. ⁴ Īgũ boadero pũũ, Īgũrē yáanerã āārĩmã. Pũũ Marĩpũya werenĩrĩ gojadea pũgue gojaderosũta urenũ waaró merã Marĩpũ Īgũrē masũdi āārĩmĩ. ⁵ Īgũrē masũdero pũũ, Cristo Pedrore deyoayupũ. Pũũ Īgũ buedoregũ pĩnerã, pe mojõma pere su gubu peru pērēbejarārē deyoayupũ. ⁶ Pũũ suñarō wárã quinientos masaka nemorō Īgũrē bũremurārē deyoayupũ. Wárã Īgũrē ĩānerã okama dapa. Gajerã boasianerã āārĩmã. ⁷ Pũũ Santiagore deyoayupũ. Iro pũũ āārĩpererã Īgũ buedoregũ pĩnerārē deyoayupũ.

⁸ Āārĩpererã gajerārē Īgũ deyoadero pũũ, yũdere deyoatũnumi pama. Majĩgũgã keoro deyoabigã deyoadi irirosũ yũ āārĩkeregũ, Jesũre bũremutũyãa. ⁹ Īgũ yure deyoaburi dupuyurogue Īgũrē bũremurārē ñerō irigorenabũ. Irasirigũ gajerã Jesús buedoregũ pĩnerã āārĩpererã dokague āārã. Masaka yure: “Īgũ Jesús buedoregũ pĩdi āārĩmĩ”, ārĩmakũ: “Yũ Jesús buedoregũ pĩbodi āārĩbiradibũ”, ārĩ gũñãa. ¹⁰ Irasũ āārĩkerepũũ, Marĩpũ yure ōārō iritamumi. Irasirigũ Jesucristo yure Īgũyare buedoregũ pĩmĩ. Marĩpũ yure ubugora ōārō iritamugũ meta yãmi. Yũ āārĩpererã gajerã Jesucristo buedoregũ pĩnerã nemorō moãa. Yũ gũñarĩ merã irasiribea. Marĩpũ yure ōārō iritamugũ, yũ merã āārĩnkõãmi. Yure Īgũ iritamurĩ merã ōārō moãmakũ yãmi. ¹¹ Yũ bueri, gajerã Jesucristo buedoregũ pĩnerã bueri irirosũta āārã. Gũã āārĩpererã Jesucristo boa, masãdea kerere buea. I kerere pērã, masã Īgũrē bũremunũgãbũ.

Boanerã masãburire gojadea

¹² Gũã, Cristo boa, masãdeare buekerepũũ, gajerã masã merã āārĩrã: “Boanerã neõ masãbirikuma”, ārĩma. ¿Nasirĩã irasũ ārĩrĩ ire? ¹³ Boanerã masãburi marĩmakũ, Cristode masãbiribodi āārĩmĩ. ¹⁴ Cristo masãbirimakũ, gũã bueri neõ wajamarĩbokoa. Masã Īgũrē bũremurĩde wajamarĩbokoa. ¹⁵ Marĩpũ boanerārē masũbi, Cristodere masũbiribodi āārĩmĩ. Īgũ irasũ iribirimakũ, gũã: “Marĩpũ Cristore masũdi āārĩmĩ”, ārĩrã, ārĩgatorã iribokuyo. ¹⁶ “Boanerã masãbirikuma”, Īgũsã ārĩrĩ diaye āārĩmakũ, Cristode masãbiribodi āārĩmĩ. ¹⁷ Cristo masãbirimakũ, Īgũrē masã bũremurĩ wajamarĩbokoa. Irasirirã masã ñerĩ iridea waja, waja opakõãbokoa dapa. ¹⁸ Diayeta i irasũ āārĩmakũ, Cristore bũremurã boanerã, Īgũrē bũremubirinerã peamegue waamurã irirosũ āārĩbokoma. ¹⁹ Marĩ Cristore bũremurã: “Marĩ okarinurĩ dita Īgũ merã ōārō āārĩrãkoa. Marĩ boadero pũũ masãburire masĩña máa”, ārĩ gũñarã, āārĩpererã masaka nemorō boporã āārĩbokoa.

²⁰ “Cristo boadero pũũ, masãdi āārĩmĩ”, ārĩrĩ gapũ diaye āārã. Marĩ āārĩpererã masaka boadero pũũ masãburi dupuyuro masãpũroridi āārĩmĩ. ²¹ Āsũ āārã. Neõgorague āārĩpũroridi Adán ñerĩ iripũroridea waja marĩ masaka āārĩpererã boamurã dita āārã. Pũũ Jesucristo ōārĩrē iripeodea waja marĩ boadero pũũ masãrãkoa. ²² Marĩ masaka āārĩpererã Adán parãmerã āārĩturiarã āārĩrĩ waja boamurã dita āārã. Cristoyarã marĩ āārĩmakũ, marĩ boadero pũũ, Marĩpũ marĩ āārĩpererārē masũgũkumi. ²³ Marĩpũ marĩrē keoro masũgũkumi. Cristo masãsiadi āārĩmĩ. Pũũ Īgũ i ãmũgue dupaturi aarimakũ, marĩ Īgũyarã āārĩsĩã, masãrãkoa. ²⁴ Irasũ waamakũ, i ãmũ pereakõãrokoa. Irinurē Cristo āārĩpererã ñerārē: oparārē, dorerārē, turarārē béogũkumi. Īgũ irasiriadero pũũ, Īgũ Pagure Īgũ āārĩpererã Opũ āārĩrĩrē wiagũkumi. ²⁵ Īgũ wiaburi dupuyuro Marĩpũ Cristore ĩaturirã āārĩpererārē béogũkumi. Īgũsārē béoburi dupuyuro Marĩpũ gããmederosũta Cristo āārĩpererã Opũ āārĩgũkumi. ²⁶ Āārĩpererã Īgũrē ĩaturirārē béodero pũũ, boaridere pere-makũ irigũkumi. ²⁷ Marĩpũ Īgũya werenĩrĩ gojadea pũgue ārĩderosũta Cristore āārĩpererārē doregũ, āārĩpererire opagũ āārĩmakũ iridi āārĩmĩ. Irasũ ārĩrō: “Marĩpũ weka doregũ Cristo āārĩmĩ”, ārĩdũaro meta yãa. Marĩputa āārĩpererire, āārĩpererārē Cristo dokague pĩdi āārĩmĩ. ²⁸ Marĩpũ Īgũrē irasiri ododero pũũ, Cristo Marĩpũ magũ Īgũ āārĩpererārē doregũ,

ããrĩpereri opagu ããrĩrĩrẽ Marĩpũre wiagakumi. Irasirigu Marĩpũ ããrĩpereri, ããrĩpererã Opũ ããrĩgũkumi.

²⁹ Gaji ããrã. “Boanerã masãbirikuma”, ĩgũsã ãrĩkerekerepũ, ĩnasirirã gajerã masaka boanerãya ããrĩburire wãĩyebosayuri? ĩgũsã: “Boanerã masãbirikuma”, ãrĩrã, ĩgũsãya ããrĩburire wãĩyebosabiribokuma.

³⁰ Gũa: “Boanerã masãrãkuma”, ãrĩ bueri waja ãmũrikũ gajerã gũare ñerõ iridũama. Gũare ĩgũsã ñerõ iridũakererepũ, boanerã masãburire masĩsĩã, irire buenĩkõãa. ³¹ Yaarã, i diayeta ããrã. Marĩ Opũ Jesucristore mũsã bũremumakũ ĩãgũ, yũ bũro usũyãa. Ide diayeta ããrã. Ñmũrikũ: “Masaka yũre wẽjẽkõãrãkuma”, ãrĩ pẽñaã. ³² Yũ Jesucristoya kerere bueri waja Efesoguere makãnũũ marã yãa bũro guarã irirosũ ããrĩrã, yũre ñerõ irima. “Boanerã masãbirikuma”, ĩgũsã ãrĩrĩ diaye ããrĩmakũ, yũ irogue bueri waja ñerõ taridea wajamarĩbokuyo. “Boanerã masãbirikuma”, ĩgũsã ãrĩrĩ diaye ããrĩmakũ, marĩde gajerã irirosũ ãsũ ãrĩ werenĩbokoã: “Nãka baa, iirĩrã! Ñamigã boakõãbokoa. Irasirirã marĩ boaburi dupuyuro marĩ gããmerõ irirã!” ãrĩbokoa.

³³ Gajerã ãrĩgatorire pãbirikõãka! Masaka ãsũ ãrĩ werewũakuma: “Ñerãrẽ wapikũrã, mũsã õãrõ iririkũrĩre pirikõãrãkõã”. ³⁴ Irasirirã mũsã dupuyurogue goepeyari merã keoro iriderosũta irika doja! Ñerĩrẽ irinemobirikõãka! Mũsã surãyeri Marĩpũre masĩbea. Mũsãrẽ gũyasĩrĩdoregũ irasũ ããrã.

Boanerã masãburire gojanemodea

³⁵ Gajipoe sugũ ãsũ ãrĩ sãrẽñabokumi: “ĩNasiri boanerã masãrãkuri? ĩNaásũperi dupũ oparãkuri?” ãrĩbokumi. ³⁶ Irasũ sãrẽñagũ pẽmasĩbi ããrĩmi. Marĩ oteri yeri otedero pũrũ, iri yeri puriburi dupuyuro yeba poekague boakõãkõã. Boa, pũrũ puri wirikõã. Boabirimakũ, neõ puri wirimasĩbirikõã. ³⁷ Marĩ oterã, puridiguere ãĩ otebea. Dupayeri direta otea. Iri yeri trigo yeri ããrĩrõ, o gaji yeri ããrĩrõ ããrĩkõã. ³⁸ Iri yerire marĩ otedero pũrũ, Marĩpũ gapũ ĩgũ gããmederosũta iri yerire purimakũ yãmi. Irasirigu ojodũka yerire ojodũkañũ waamakũ yãmi. Trigo yerire trigo sari waamakũ yãmi. Irasũ dita yãmi Marĩpũ. ³⁹ ããrĩpererã okari oparã sũrosũ dupũkũrã ããrĩbema. Masakaya dupũ, waimũrãya dupũ irirosũ ããrĩbea. Mirãya dupũ, waaiya dupũ irirosũ ããrĩbea. ⁴⁰ Ñmarõ marãya dupũ, i ãmũ marãya dupũ irirosũ ããrĩbea. Ñmarõ marã õãrĩ dupũ opama. I ãmũ marã, ãmarõ marã irirosũ ããrĩbirikererã, ĩgũsãde õãrĩ dupũ opama. ⁴¹ Abe ãmũmũ kũmijũrĩ merã asimi. Ñamimũ irirosũ boyobemi. Neñukãde gajerosũperi gosema. Neñukãrẽ marĩĩãmakũ, gajerã sĩrũgã goserã deyoma. Gajerã bũro goserã deyoma.

⁴² Marĩ boanerã masãrã ãsũ ããrĩrãkõã. Marĩ boamakũ yãadero pũrũ, marĩya dupũ boarokõã. Pũrũ masãrã, gaji dupũ neõ boabiri dupũ oparãkõã. Irasirirã neõ dupaturĩ boabirikõã. ⁴³ Marĩya dupũre yãamakũ, boanerãya dupũ boari dupũ, turabiri dupũ daro ããrã. Marĩpũ marĩrẽ masũmakũ, marĩya dupũ õãrĩ dupũ, turari dupũ ããrĩrokõã. ⁴⁴ Marĩya dupũre yãamakũ, marĩya dupũ i ãmũma dupũ ããrã. Marĩ boanerã masãmakũ, marĩya dupũ ãmũgasima dupũ ããrĩrokõã. Irasirirã ãsũ ãrĩ masĩã. Daporare marĩ i ãmũma dupũre opãã. Pũrũ ãmũgasima dupũre oparãkõã.

⁴⁵ Marĩpũya werenĩrĩ gojadea pũgue ãsũ ãrĩ gojasũdero ããrĩbũ: “Marĩpũ ĩgũ iripũroridi Adãrẽ okarĩre sĩdi ããrĩmĩ”, ãrĩ gojasũdero ããrĩbũ. Adãn pũrũmũ Jesucristo gapũ perebiri okarĩre sĩgũ ããrĩmĩ. ⁴⁶ Marĩ i ãmũma dupũre opapũroria. Pũrũguere ãmũgasima dupũre oparãkõã. ⁴⁷ I ãmũgue ããrĩpũroridi Adãn, nikũ merã irisũdi ããrĩmĩ. ĩgũ pũrũmũ marĩ Opũ Jesucristo gapũ ãmũgasiguemũ ããrĩmĩ. ⁴⁸ Adãn nikũ merã iridea dupũ dupũkũderosũ marĩ ããrĩpererã nikũ merã iridea dupũ dupũkũã. Irasũ ããrĩmakũ, ãmũgasiguemũ Jesucristoyarã ããrĩsĩã, ĩgũya dupũ irirosũ dupũkũrãkõã. ⁴⁹ Adãn nikũ merã irisũdi ããrĩmĩ. Marĩ ĩgũ irirosũ dupũkũã. Pũrũ ãmũgasiguemũ Cristo irirosũ dupũkũrãkõã.

⁵⁰ Yaarã, mũsãrẽ ire werea. Marĩrẽ i ãmũma dupũ merã ãmũgasigue Marĩpũ ĩgũyarãrẽ dorerogue neõ waamasĩña mãã. I ãmũma boaburi dupũ merã ãmũgasigue perebiri okari

ããrĩrõguere neõ waamasĩña máa. ⁵¹⁻⁵² Masaka masĩbirideare daporare musãrẽ weregura. Jesucristo i amugue dupaturi aariburi dupuyuro ããrĩpererã ãgũyarã boabirikuma. Jesucristo aaripoe Marĩpũ wereboegu puriduru puritũnugukumi. Irasũ puriadero pũrũ, mata kãrĩ yoberã irirosũ marĩ ããrĩpererã Jesucristore bũremurã gorawayurãkoa. Marĩ boanerã gajĩ dupũ boabiri dupũ merã masãrãkoa. Irasirirã neõ dupaturi boabirikoã. Okarãde gajĩ dupũ boabiri dupũ oparãkuma. ⁵³ Marĩpũ marĩya dupũ pereburi dupũ gorawayugukumi, perebiri dupũ opaburo, ãrĩgũ. Marĩya dupũ boaburi dupũ gorawayugukumi, neõ boabiri dupũ opaburo, ãrĩgũ. ⁵⁴ Marĩya dupũ pereburi dupũ, neõ perebiri dupũ gorawayumakũ, marĩ boaburi dupũ, neõ boabiri dupũ gorawayumakũ, Marĩpũya werenĩrĩ gojadea pũgue ãrĩderosũta waarokoa. Æsũ ãrĩ gojasũdero ããrĩbũ iri pũguere: “Marĩpũ boarire bẽokõãmi, dupaturi marĩrẽ neõ boabirikõãburo, ãrĩgũ. ⁵⁵ Marĩ boakõãrãkoa, ãrĩ gũidea pereakõãã”, ãrĩ gojasũdero ããrĩbũ. ⁵⁶ Marĩ ñerõ iridea waja boamurã dita ããrã. Marĩpũ Moisére doreri pídea merã marĩ ñerõ irideare masĩa. ⁵⁷ Irasũ ããrĩkererũ, Marĩpũ marĩ Opũ Jesucristo iridea merã marĩrẽ peamegue waabonerãrẽ taumi. Irasirirã Marĩpũre: “Õãtaria mũ”, ãrĩ, usũyari sĩa.

⁵⁸ Irasirirã, yaarã yũ maĩrã, musãrẽ ãsũ ãrĩ weregura. Musã marĩ Opũ Jesucristore bũremurĩrẽ neõ piribirikõãka! Gajerã musãrẽ ãgũyare bẽodoremakũ, neõ bẽobirikõãka! Æmũrikũ ãgũ moãdorerire õãrõ irinĩkõãka! Ire marĩ masĩa. ãgũ merã marĩ õãrõ ããrĩrã ãgũ marĩrẽ moãdorerire irimakũ, marĩ moãrĩ, ubu ããrĩrĩ neõ ããrĩbea.

16

Corinto marã gajerã Jesũre bũremurãrẽ niyeru sĩburi neeõrĩrẽ gojadea

¹ Daporare musãrẽ niyeru neeõ, musã gajerã Jesũre bũremurãrẽ sĩburire weregura. Yũ gajerã Jesũre bũremurãrẽ Galacia nikũgue ããrĩrãrẽ dorederosũta musãde irika! ² Semanarikũ siuñajãrĩnũ* ããrĩmakũ, ããrĩpererã musã gajerã Jesũre bũremurãrẽ sĩburi niyerure dukawa duripĩka! Mẽrõgã oparã mẽrõgã dukawa duripĩka! Waaweyaro oparã waaweyaro dukawa duripĩka! Irasirirã, yũ musã pũrogue ejamakũ, musã sĩburire opasiarãkoa. ³ Yũ musã pũrogue ejagu, musã beyenerãrẽ Jerusalẽgue iriugukoa. Papera pũgue ãsũ ãrĩ gojagukoa: “Ïsã ããrĩma Corinto marã beyenerã”. Irasũ ãrĩ goja odo, ãgũsã merã iri pũrẽ, musã duripĩ neeõdea niyerure iriugukoa, Jesũre bũremurã Jerusalẽgue ããrĩrãrẽ sĩdoregu. ⁴ Musã yũre: “ãgũsã merã waamakũ gããmea”, ãrĩmakũ, ãgũsã yũ merã waarãkuma.

Pablo ãgũ Corintogue waaburire gojadea

⁵ Yũ musã pũrogue waagũ, Macedonia nikũgue waapũrorigukoa. Ire tariwãgã, musã pũro waagukoa. ⁶ Gajipoe irigu yoaweyaripoe musã merã ããrĩgukoa, o gajipoe irigu puibũre ããrĩpeogu, ããrĩpeokõãbokoa. Irasirirã musã yũ gajerogue waaburire iritamumasĩrãkoa. ⁷ Yũ musãrẽ ããrĩ dita ããrĩtariadũabirikoã. Irasirigu marĩ Opũ gããmemakũ, yoaripoe musã merã ããrĩgukoa. ⁸ Pentecostés bosenu ããrĩmakũ, õõ Efesogueta taugukoa dapa. ⁹ Õõguere wãri moãrĩ ããrã. Marĩ Opũya kerere pẽdũarã wãrã ããrĩma. Irasũ ããrĩmakũ, yũ irire weremakũ kãmutadũarãde wãrã ããrĩma.

¹⁰ Timoteo musã pũrogue ãgũ ejamakũ, ãgũrẽ õãrõ merã bokatĩrĩ, õãrõ usũyari merã ñeãka! Musã irasirimakũ, ãgũ musã merã bũjawereri marĩrõ ããrĩgukumi. ãgũ yũ irirosũ marĩ Opũyare moãmi. ¹¹ Irasirirã ãgũrẽ irasũ ããrĩbẽomerãta õãrõ merã ãgũrẽ iritamuka! Musã irasirimakũ, ãgũ yũ pũrogue õãrõ usũyari merã goedujarigukumi. Gajerã Jesũre bũremurã merã gũ ãgũrẽ yũrã yãa. Irasirirã, ãgũ õõgue aariburire iritamuka!

* **16:2** Jesũre bũremurãya siuñajãrĩnũ, domingo ããrã. Domingo ããrĩmakũ, Jesũs boadigue masãdi ããrĩmi. Irasirirã, domingo ããrĩmakũ, ãgũrẽ bũremurã nerẽnama.

¹² Apolore marĩyagu Jesúre b̄remuḡrē m̄s̄rē ãḡũ waamakũ b̄uro ḡãmeadibũ. Irasirigu ãḡrē gajerã Jesúre b̄remurã merã waadoreadibũ. Yũ waadorekerepũ, ãḡũ daporare waad̄habemi. Pũ ãḡrē gajino iriri marĩmakũ, m̄s̄ã p̄rogue waaḡkumi.

Pablo Corinto marãrē õãdoretũnudea

¹³ Õãrõ pémasĩka! Jesucristore b̄remurĩrē neõ piribirikõãka! Güiri marĩrõ õãrõ gũñaturarã ããrĩka! Marĩpũ turari merã õãrõ ããrĩrikuka! ¹⁴ ããrĩpereri gajinorē irirã, gajerãrē maĩrĩ merã irika!

¹⁵ Yaarã, m̄s̄ã masĩa. Acaya nikũguere Estéfanos wãĩkũgũya wii marã, gajerã iro marã Jesúre b̄remup̄roriburi dupuyuro ãḡrē b̄remup̄rorinerã ããrĩma. ãḡsã, gajerã Jesúre b̄remurãrē õãrõ iritamuníkõãma. ¹⁶ ãḡsã irirosũ irirãrē õãrõ ãḡsã dorerire iritũyaka! Gajerã ãḡsã merã Jesucristoyare moãtamurãrē m̄s̄ã õãrõ ãḡsã dorerire iritũyamakũ ḡãmea yũ. ¹⁷ M̄s̄ã merãmarã Estéfanos, Fortunato, Acaico yũ p̄rogue ejasiama. ãḡsã yũ merã ããrĩmakũ, b̄uro usũyã. ãḡsã m̄s̄ã yũre iritamuboadearē iritamuma. ¹⁸ Yũre õãrõ yũj̄p̄rãkũmakũ yãma. M̄s̄ãdere irasũta iriñurã. M̄s̄ãrē gajerã p̄rogue ãḡsã irirosũ irirãrē: “Õãrõ irirã yãma”, ãrĩ werero ḡãmea.

¹⁹ Asia nikũ marã Jesúre b̄remurã m̄s̄ãrē õãdorema. Aquila, Priscila, gajerã Jesúre b̄remurã ãḡsãya wiigue nerẽnarãde m̄s̄ãrē b̄uro õãdorema. ²⁰ Õõ marã Jesúre b̄remurã ããrĩpererã m̄s̄ãrē õãdorema. Usũyari merã gãme bokatĩrĩ, õãrõ merã mojõ ñeãnaka!

²¹ Yũ Pablo, yũ basi: “M̄s̄ãrē õãdorea”, ãrĩ gojãa.

²² Marĩ Op̄re Jesucristore maĩbino wajamoãsũburo. “Gũa Op̄re aarika!”

²³ Marĩ Op̄re Jesucristo m̄s̄ãrē õãrõ iritamuburo. ²⁴ Marĩ ããrĩpererã Jesucristoyarã ããrã. Irasirigu yũ m̄s̄ã ããrĩpererãrē b̄uro maĩa. ãsũ ããrã. Irasũta ããrĩburo.

Iropãta ããrã.

Pablo

2 CORINTIOS

Pablo Corinto marārē òãdoredea

¹ Y_u Pablo, marĩyagu Timoteo merã musã Marĩpuyarã Corinto marārē, irasũ ããrĩmakũ ããrĩpererã Acaya nikũgue ããrĩrãrē òãdoredea. Marĩpu gããmederosũta Jesucristo yare ĩgũyare buedoregu pími. ² Marĩpu ããrĩngũ, marĩ Op_u Jesucristo musãrē òãrõ iritamu, siuñajãrĩ merã ããrĩrikũmakũ iriburo.

Pablo ĩgũ ñerõ tarideare gojadea

³ Marĩpu, marĩ Op_u Jesucristo Pag_u marĩrē bopoñarĩ merã ĩãmi. ĩgũ sugũta marĩrē gũñaturamakũ irigu ããrĩmi. Irasirirã ĩgũrē: “Òãtaria mu”, ãrĩ, usuyari sĩrã! ⁴ Marĩ ñerõ taririkũ, Marĩpu marĩrē gũñaturamakũ yãmi. Irasirirã gajerã ñerõ tarimakũ ĩãrã, Marĩpu marĩrē gũñaturamakũ iriderosũ marĩde ĩgũsãrē gũñaturamakũ irimasĩa. ⁵ Marĩde Cristoyarã ããrĩslã, ĩgũ ñerõ tariderosũ buro ñerõ taria. Marĩ ñerõ tariro nemorõ Marĩpu Cristo merã marĩrē iritamugũ òãrõ gũñaturamakũ irigũkumi. ⁶ G_{ua} Marĩpu musãrē taurire gũñaturaburo, ãrĩrã, ñerõ taria. G_{ua} ñerõ tarimakũ, Marĩpu gũare iritamumi gũñaturari merã tariburo, ãrĩgũ. Musã, g_{ua} irirosũ ñerõ tarimakũ, Marĩpu musãdere iritamumasĩmi gũñaturari merã tariburo, ãrĩgũ. ⁷ G_{ua} ire masĩa. G_{ua} ñerõ tarirosũ musãde g_{ua} merã ñerõ taria. Irasũ ñerõ tarimakũ, Marĩpu gũare gũñaturamakũ irirosũ musãdere òãrõ gũñaturamakũ yãmi. Irasirirã musã gũñaturari merã ñerõ tariburire g_{ua} masĩa.

⁸ G_{uay}arã, Asia nikũgue gũare waadeare musãrē masĩmakũ gããmea. G_{ua} iroguere ããrĩrã buro ñerõ tarirã: “I ñerõ taririre neõ bokatĩũbirikoa. Boarãkoa. ⁹ Wējēbéokõãrãkuma”, ãrĩ gũñadibu. Marĩpu direta g_{ua} gũñaturaburire irasũ ñerõ taribu. Irasirirã: “Marĩ basi neõ iritamumasĩbirikoa. Marĩpu boanerãrē masũgũ sugũta marĩrē taumasĩmi”, ãrĩ gũñaturabu. ¹⁰ G_{uare} buro wējēdũakerepũ, Marĩpu gũare taumi. Irasirirã: “Dapoadere, pũrugedere taugũkumi”, ãrĩ buremua. ¹¹ Irasirirã musã gajerã merã Marĩpũre gũaya ããrĩburire sērēbosarosũta ĩgũ gũare iritamumakũ ĩãrã, wãrã ĩgũrē: “Pablosãrē òãrõ iritamubu”, ãrĩ, usuyari sĩrãkuma.

Pablo ĩgũ Corintogue waadũadideare gojadea

¹² G_{ua} irideare gũñarã, usuyari merã ãsũ ãrĩ gũñãa: “G_{ua} i ãmũguere Marĩpu ĩũrõ ãrĩgatori marĩrõ goepeyari merã masakare buebu”, ãrĩ gũñãa. Musãdere irasũta iribu. G_{ua} masĩrĩ merã buebiribu. Marĩpu gũare maĩgũ ĩgũ turari merã iritamumi. ¹³ G_{ua} musãrē gojarã, pémasĩma òãrõ dita gojabũ, òãrõ pémasĩmakũ gããmerã. ¹⁴ Irasirirã g_{ua} musãrē gũñarã: “G_{uayamar}ē ĩgũsã pémasĩturabirideare pũrugue òãrõ pémasĩrãkuma”, ãrĩ gũñãa. Irasirirã, marĩ Op_u Jesús dupaturi aarimakũ, g_{ua} musã iridea merã usuyarosũta, musãde g_{ua} iridea merã usuyarãkoa.

¹⁵⁻¹⁶ Irasũ ãrĩ gũñagũ, Macedonia nikũgue waagũ musãrē ĩãgũ waapũroridũadibu. Irasirigu musãrē ĩãtariwãgã, gãme dujari, musãrē dupaturi ĩãbokuyo. Pea yare musã ĩãrĩ merã usuyamakũ iridũagu, irasiridũadibu. Musã, irasirimakũ, y_u Judea nikũgue waaburire iritamubokuyo. ¹⁷ “Y_u musã pũro waagũra”, ãrĩkeregu, ejabirimakũ ĩãrã: “Pablo, gajerã masaka ĩgũsã gããmerõ irirosũ iriañumi”, ¿ãrĩ gũñarĩ? “ĩgũ ãrĩderosũ iribirañumi”, ¿ãrĩ gũñarĩ? ¹⁸ Marĩpu ĩgũ: “Ãsũ irigũra”, ãrĩdeare yãmi. G_{uade}: “Ãsũ irirãkoa”, ãrĩdeare: “Iribirikoa” ãrĩrã meta yãa. Irire masĩmi Marĩpu. ¹⁹ Y_u, Silvano, irasũ ããrĩmakũ Timoteo, Marĩpu magũ Jesucristoyare musãrē werebu. Marĩpu: “Y_u magũ merã ãsũ irigũra”, ãrĩgũ, diayeta irigũno ããrĩmi. “ĩgũ merã ãsũ irigũra”, ãrĩ, pũrũ: “Iribirikoa”, ãrĩgũ meta yãmi. ²⁰ Irasirigu ããrĩpereri Marĩpu masakare: “Ãsũ irigũra”, ãrĩdeare Jesucristo ĩgũ magũ merã iripeokõadi ããrĩmi. ĩgũ irasirimakũ ĩãrã, marĩ Jesucristoyarã Marĩpũre: “Irasũta ããrã, m_u magũ Jesucristo merã iridea òãtaria”, ãrĩ,

usuyari sĩa. ²¹ Guare, irasũ ããrĩmakũ musãdere Cristore piriro marĩrõ buremurã, ãgũ merã õãrõ ããrĩmakũ irigũ, Marĩputa ããrĩmi. Ìgũta marĩrẽ beyepĩdi ããrĩmĩ Cristoyarã ããrĩdoregũ. ²² Irasirigũ marĩrẽ ãgũyarã ããrĩrĩrẽ masĩmakũ iridoregũ, Õãgũ deyomarĩgũrẽ marĩ merã ããrĩmakũ iridi ããrĩmĩ. Irasirigũ ããrĩpereri ãgũ marĩrẽ sĩburire ãgũ merã masĩmakũ yãmi.

²³ Marĩrũ yũ wererire, yũ gũñarĩrẽ masĩmi. Irasirigũ yũ musã pũroguere Corintoguere waabirideare diayeta weregũra. Musã ñerõ iridea waja turidũabi, musã pũroguere waabiribũ, musãrẽ bujaweremakũ iribokoa, ãrĩgũ. ²⁴ Gũta musãrẽ bure doreri merã: “Jesucristore buremurã ãsũpero gapũ iriro gããmea”, ãrĩrã meta ããrã. Piriro marĩrõ musã ãgũrẽ õãrõ buremua. Irasirirã, musãrẽ ãgũ merã nemorõ usuyamakũ gããmerã, õãrõ iritamudũãa.

2

¹ Iro dupuyuro yũ musãrẽ ããgũ ejagũ, yũ wereri merã musãrẽ bujaweremakũ iribũ. Irasirigũ: “ ‘Dupaturi ãgũsãrẽ bujaweremakũ iribokoa’, ãrĩgũ, daporare ãgũsãrẽ ããgũ waabea”, ãrĩ gũñabũ. ² Musãrẽ bujaweremakũ irigũ, yũde bujawerebokoa. Marĩ basi gãme bujaweremakũ irirã, gãme usuyamakũ irimasĩña marĩbokoa. ³ Irasirigũ irinũgue musãrẽ su pũ gojabũ yũ musã pũroguere waaburi dupuyuro iririre ãmudoregũ. Irire ãmuburi dupuyuro yũ musãrẽ ããgũ waamakũ, yũre usuyamakũ iriboanerã, yũre bujaweremakũ iribokoa. Yũ ãsũ ãrĩ gũñãã: Yũ musã merã usuyamakũ, musãde yũ merã usuyarãkoa. Irasirigũ musã merã bujaweredũabi: “Waabea dapa”, ãrĩ gojabũ. ⁴ Musãrẽ irire gojagũ, bure gũñarikũri merã, õãrõ yũjũpũrãkũri marĩrõ merã, bure oreri merã musãrẽ gojabũ. Musãrẽ bujawereburo, ãrĩgũ meta gojabũ. Yũ musãrẽ bure maĩrĩrẽ masĩmakũ iridũagũ, gojabũ.

Ñerõ iridi irideare kãtika! ãrĩ gojãdea

⁵ Sugũ musãyagũ ãgũ ñerõ iridea merã yũre bujaweremakũ irimi. Yũ direta irasũ iribirimi. Musãdere ããrĩpererãrẽ bujaweremakũ iridi ããrĩmĩ. ãgũ yũre musã nemorõ bujaweremakũ irikererũrũ: “Ìgũrẽ bure wajamoãka!” ãrĩgũ meta yãa. ⁶ Musã nerẽnarõgue: “Ìgũ ñerõ iridea waja marĩ merã neõ nerẽnemobirikõãburo”, ãrĩdeare irisi-ayuro. Irasirigũ yũ musãrẽ: “Iropãta ãgũrẽ wajamoãka!” ãrĩ gojãa. ⁷ ãgũ ñerõ irideare bujawerekeregũ, ãgũrẽ musã wajamoãnemomakũ, bure bujawereri merã dujabokumi. Irasirirã ãgũ ñerõ irideare kãti, ãgũrẽ iritamuka, gũñaturari merã ããrĩburo, ãrĩrã! ⁸ Irasirigũ yũ musãrẽ: “Dupaturi ãgũrẽ õãrõ bokatĩrĩñeãka, musã dupuyurogue maĩderosũta ãgũrẽ maĩrĩrẽ masĩburo, ãrĩrã!” ãrĩ gojãa. ⁹ Iro dupuyuro musãrẽ gojagũ: “¿Diayeta yũ dorerire irirãkuri?” ãrĩ masĩdũagũ gojabũ. ¹⁰ Musã ãgũ ñerõ irideare kãtirosũta, yũde irire kãtia. Yũre ñerõ iribirikererũrũ, musãrẽ iritamudũagũ: “Ìgũ ñerõ irideare kãtia. Cristo marĩ ñerõ irideare kãtigũ ãrĩrõ, irasũ yãa”, ãrĩ gojãa. ¹¹ Marĩ ãgũ ñerõ irideare kãtimakũ ããgũ, wãtẽa opũ Satanás marĩrẽ ñerõ iridoredũagũ marĩrẽ tarinũgãmasĩbirikumi. ãgũ marĩrẽ ñerĩ irimakũ gããmerĩrẽ õãrõ masĩa.

Pablo: “Troague ããrĩgũ gũñarikũbũ”, ãrĩ gojãdea

¹² Yũ Troas wãikũri makãgue Jesucristoya kerere buegũ ejamakũ, marĩ Opũ Jesucristo wãrã iroguere ããrĩrãrẽ iri kerere pẽdũamakũ iridi ããrĩmĩ. ¹³ Irasũ ããrĩkererũrũ, marĩyagũ Titore bokabirisĩã, bure bujawere gũñarikũbũ. Irasirigũ iro marãrẽ: “Waagũ yãa”, ãrĩ, Macedonia nikũgue ãgũrẽ ãmagũ waabũ.

Cristoyarã wãtĩ ñerõ iridorerire tarinũgãmasĩma, ãrĩ gojãdea

¹⁴ Yũ gũñarikũkererũrũ, Marĩrũre: “Mũ yũre õãrõ iritamunĩã”, ãrĩ, usuyari sĩa. Marĩ Jesucristoyarã ããrĩmakũ, Marĩrũ marĩrẽ ãgũ iritamurĩ merã ããrĩpereri wãtĩ ñerõ iridorerire tarinũgãmasĩmakũ yãmi. Marĩ Jesucristoya kerere bueri merã masakare ãgũyamarẽ masĩmakũ yãmi. Sũrõrĩ ããrĩpererogue sũrõ seyaro irirosũ ããrĩpererogue marãrẽ masĩmakũ

yámi. ¹⁵ Ásũ ããrã. Marĩpũ, marĩ Jesucristoya kerere were, ãgũyare iritũyamakũ ããgũ, õãrĩ sãrõrĩ ãgũrẽ sãdea soemurĩ merã usũyarusũ, marĩ merã usũyami. Sãrõrĩrẽ ãgũ ãũrõ soemumakũ sãrõ seyarosũ, marĩ noó waaró marĩ Jesucristoyarã ããrĩrĩrẽ ãgũ taumurãrẽ, peamegue waamurãdere masĩmakũ yámi. ¹⁶ Peamegue waamurã Jesucristoya kerere marĩ weremakũ pérã, ãgũrẽ gããmebiri waja irogue wajamoãsũburire masĩma. Jesucristo taumurã gapũ iri kerere marĩ weremakũ pé buremurã, Marĩpũ pũro ãgũ merã ããrĩburire masĩma. Marĩ basi iri kerere õãrõ weremasĩbea. Marĩpũ iritamurĩ merã irire õãrõ weremasĩa. ¹⁷ Wãrã gajerã Marĩpũyare buegorenarã, niyeru direta wajatadũama. Gũa gapũ ãgũsã irirosũ iribea. Gũa Cristore moãboerã, Marĩpũ iriunerã ãgũ ãũrõ ãgũ weredoredeare goepeyari merã werea.

3

Marĩpũ Jesucristo iridea merã: “Õãrõ irigũra musãrẽ”, ãrĩrĩrẽ gojadea

¹ Gũa musãrẽ irire ãrĩrã, dupaturi gũa basi õãrõ werenĩrã meta yáa. Gajerã buerimasã musã pũro ejaburi dupuyuro ãgũsã buenerãrẽ su papera pũgue ãgũsã buerire: “Keoro ããrã”, ãrĩrĩrẽ gojadoreñurã. Irasirirã musã pũro ejarã, iri pũrẽ musãrẽ wiañurã. Musã gũare masĩsĩaã. Irasirirã gũa ãgũsã irirosũ musãrẽ iri pũnorẽ iriubea. Irasũ ããrĩmakũ gajerogue buerã waamurã, musãrẽ iri pũnorẽ gojabosadorebea. ² Gũa iri pũnorẽ gããmebea. Musã, gũa Jesucristoya kerere weremakũ pérã, ãgũrẽ buremu, ãgũyare irinũgãbũ. Masaka, musã irasirimakũ ããrã, gũa buerire: “Keoro ããrã”, ãrĩ masĩrãkuma. Gũade gũa gũñarĩgue musãrẽ: “Diayeta Jesucristore buremu, ãgũyare iritũyarã yáma”, ãrĩ masĩa. Musã irasiriri merã masaka gũare: “Õãgorama”, ãrĩ masĩrãkuma. Gũayamarẽ gojadea pũ merã masĩrõsũ irire masĩrãkuma. ³ Jesucristo, gũa ãgũya kerere weremakũ, musãrẽ ãgũrẽ buremu, ãgũyare iritũyamakũ iridi ããrĩmĩ. Irasirirã masaka musã ãgũyare iririre ããrã, ãgũyarã musã ããrĩrĩrẽ gojadea pũ merã masĩrõsũ masĩrãkuma. Irasirirã musã Cristo gojadea pũ irirosũ ããrã. Irire masĩdoregũ, papera pũgue gojadi merã gojabiridi ããrĩmĩ. Marĩpũ okanĩgũ gããmerõsũta Õãgũ deyomarĩgũ turari merã musãya gũñarĩgue: “ãgũ iritamurĩ merã gũa ãsũ ããrĩrikua”, ãrĩ masĩmakũ yámi. Irasirigũ, iripoegue Marĩpũ Moisére ãgũ dorerire pídeare ããrĩrĩrẽ ããrĩmĩ.

⁴ Gũa Cristo iritamurĩ merã Marĩpũre gũñaturasĩã, musãrẽ irire gojãa. ⁵ “Gũa masĩrĩ merã i moãrĩrẽ yáa”, neõ ãrĩmasĩbea. Marĩpũ iritamurĩ merãta Jesucristoya kerere werea. ⁶ Irasirigũ gũare iri kerere, ãgũ masakare: “Õãrõ irigũra musãrẽ”, ãrĩrĩrẽ õãrõ buemakũ yámi. Iri kere, iripoegue Marĩpũ Moisére ãgũ doreri pídea irirosũ ããrĩbea. Marĩpũ Jesucristo iridea merã, Õãgũ deyomarĩgũ iritamurĩ merã marĩrẽ ãgũ merã õãrõ ããrĩmakũ iriri kere ããrã. Neõ sugũ ãgũ dorerire iripeogũ mámi. Irasirirã marĩ irire iripeobiri waja peamegue waamurã dita ããrĩbokoã. Õãgũ deyomarĩgũ iritamurĩ merãta Marĩpũ merã õãrõ ããrĩmasĩa.

⁷ Marĩpũ Moisére ãgũ doreri pídeare ããrĩrĩrẽ ããrĩmĩ, ãgũ ããrĩrõgue gosegasiriri waamakũ iridi ããrĩmĩ. Irasiriro Moiséya diapu Marĩpũ gosegasiriri merã kũmijũdero ããrĩbũ. Iri gosegasiriri peredijakerepũrũ, Israel bumarã ãgũrẽ ããmeétũmasĩbirinerã ããrĩmã. Marĩpũ bure gosegasiriri merã deyoa, Moisére iri doreri pídea ããrĩkerepũrũ, iri doreri, masakare ãgũsã irire iripeomasĩbiri waja peamegue waamurã dita ããrĩmakũ iridero ããrĩbũ. ⁸ Irasirigũ Marĩpũ iri doreri merã iridea nemorõ, ãgũ Õãgũ deyomarĩgũ iritamurĩ merã marĩrẽ ãgũ merã õãrõ ããrĩmakũ iriri õãtaria. ⁹ Marĩpũ, masaka Moisére ãgũ doreri pídeare iripeobiri waja ãgũsãrẽ: “Wajamoãgũra”, ãrĩkerepũrũ, õãgoradero ããrĩbũ. Iri nemorõ, Marĩpũ Jesucristo iridea merã marĩrẽ: “Õãrã, waja opamerã ããrĩma”, ãrĩ ããrĩ, õãtaria. ¹⁰ Irasiriro Marĩpũ Moisére ãgũ doreri pídea õãrĩ ããrĩkerepũrũ, Jesucristoya kere gapũ, iri nemorõ õãtaria. Iri kere, iri dorerire ubu ããrĩrĩ ããrĩrĩrẽ ããrĩmĩ. ¹¹ Marĩpũ bure gosegasiriri merã Moisére ãgũ dorerire píkerepũrũ, iri pereburi ããrĩdero ããrĩbũ.

Jesucristo ìgũ iridea merã marĩrẽ tauri kere gapũ òãtaria. Neõ ubu ããrĩrĩ ããrĩbirikoa. Neõ perebirikoa.

¹² Irasirirã gũa irire masĩsĩã, gũiro marĩrõ merã pémasĩma òãrõ musãrẽ Jesucristoya kerere werea. ¹³ Iri kere, Marĩpũ Moisére ìgũ doreri pídea perederosũ neõ perebirikoa. Irasirirã gũa iri kerere wererã, Moisés iriderosũ irirã meta yáa. Moisés Marĩpũ merã ããrĩdero pũũ, ìgũya diapu Marĩpũ gosewasiriri merã kũmijũdero ããrĩbũ. Israel bumarã iri gosewasiriri peredijarire masĩrĩ, ãrĩgũ, ìgũya diapure suríro gasiro merã buuadi ããrĩmĩ. ¹⁴ Moisés irasirimakũ, iri gosewasiriri peredijarire masĩbiriderosũ, Marĩpũ doreri ìgũrẽ pídeare: “Àsũ ãrĩduaro irikoa”, ãrĩ pémasĩbirinerã ããrĩmã. Daporaguedere Israel bumarã irire buerã, pémasĩbema dapa. Cristoyarã dita irire pémasĩma. ¹⁵ Daporaguedere Israel bumarã Marĩpũ Moisére ìgũ doreri pídeare buekererã, pémasĩrĩ marĩrõ buema. ¹⁶ Sugũ masakũ marĩ Opũre bũremunugãmakũ, marĩ Opũta ìgũyare pémasĩmakũ yámi. ¹⁷ Marĩ Opũ, Òãgũ deyomarĩgũ merã sugũta ããrĩmi. Irasirirã, Òãgũ deyomarĩgũ marĩ merã ããrĩmakũ: “Marĩpũ Moisére ìgũ doreri pídeare marĩ tarinugãdea waja marĩrẽ wajamoãgũkumi”, ãrĩ gũñabea. ¹⁸ Irasirirã marĩ Opũyarã ããrĩsĩã, marĩ Opũ òãtarigu ããrĩrĩrẽ masĩa. Gajerãde marĩ ìgũyarã ããrĩrĩrẽ masĩma. Irasirigu marĩrẽ ìgũ òãgũ ããrĩrõsũ ããrĩmakũ gããmegũ, ããrĩpereri marĩ okarinũrĩrẽ gorawayumakũ yámi. Marĩ Opũ, Òãgũ deyomarĩgũ merã sugũta ããrĩmi. Ìgũta marĩrẽ irasũ yámi.

4

¹ Marĩpũ gũare bopoñarĩ merã ìãgũ, gũare Jesucristoya kerere weremurãrẽ pídi ããrĩmĩ. Irasirirã piriro marĩrõ gũñaturari merã masakare iri kerere werea. ² Gũyasĩũrõ iririre, masaka ìãberogue ñerĩ iririre doogorãa. Ærĩgatori merã buebea. Marĩpũya werenĩrĩrẽ gorawayuro marĩrõ buea. Marĩpũ iũrõ diayema ããrĩrĩ diretta pémasĩma òãrõ masakare werea, ããrĩpererã gũare: “Keoro buema”, ãrĩburo, ãrĩrã. ³ Peamegue waamurã dita Marĩpũ Jesucristo iridea merã masakare tauri kerere gũa wererire pémasĩbema. ⁴ Ìgũsã Jesucristore bũremubiri waja, wãtĩ i ãmũ marã ñerã opũ ìgũsãrẽ iri òãrĩ kerere pémasĩbirimakũ yámi. Koye ìãmerã sĩãgorire ìãmasĩmerã irirosũ ããrĩmakũ yámi. Irasirirã Cristo òãtarigu ããrĩrĩrẽ ìãmasĩbema. Cristo, Marĩpũ ããrĩrikũrere opagũ, Marĩpũta ããrĩmi. ⁵ Gũa Jesucristoya kerere wererã, masaka gũare òãrõ gũñaburo, ãrĩrã meta yáa. Ìgũsãrẽ: “Jesucristo marĩ Opũta ããrĩmi. Ìgũrẽta bũremurõ gããmea”, ãrĩ werea. Gũayamarẽ wererã: “Jesús gũare maĩgũ ìgũyare weredoredea merã gũa musãrẽ moãboerã irirosũ musãrẽ iritamurã yáa”, ãrĩ werea. ⁶ Neõgoraguere ããrĩperero i ãmũgue naĩtĩãrõ ããrĩmakũ, Marĩpũ: “Boyori waaburo”, ãrĩrĩ merãta boyori waamakũ iridi ããrĩmĩ. Ìgũta iriderosũ marĩya gũñarĩgue boyori ããrĩmakũ yámi. Irasirigu marĩrẽ ìgũ òãtarigu ããrĩrĩrẽ masĩmakũ yámi. Marĩ Jesucristo òãtarigu ããrĩrĩrẽ masĩã, Marĩpũ òãtarigu ããrĩrĩdere masĩa.

Jesucristore bũremurã Marĩpũ merã òãrõ ããrĩma, ãrĩ gojadea

⁷ Gũa Marĩpũ òãtarigu ããrĩrĩrẽ masĩã, diarisoro ubu ããrĩrĩ soro, òãtariri opari soro irirosũ ããrã. Irasirirã gajerã, gũa Marĩpũya kerere weremakũ pérã: “Marĩpũ turatarigu iritamurĩ merãta marĩrẽ ìgũyare werema ìgũrẽ bũremuburo, ãrĩrã”, ãrĩ gũñarãkuma. ⁸ Gũa noó waaró ñerõ tarikerepũũ, Marĩpũ iritamumi, gajerã gũare ìgũyare wererire pirimakũ iribirikõãburo, ãrĩgũ. Irasirirã: “¿Naásũ waarokuri?” ãrĩ gũñarĩkũkererã: “Marĩpũ marĩrẽ iritamubirikumi”, ãrĩ gũñabea. ⁹ Gajerã gũare ñerõ irikerepũũ, Marĩpũ gũare koregũ neõ béowãgãbemi. Ìgũsã gũare wẽjẽduarã pámeépĩkerepũũ, Marĩpũ ìgũsãrẽ gũare wẽjẽdorebemi. ¹⁰⁻¹¹ Jesús i nikũgue ããrĩmakũ, masaka ìgũrẽ wẽjẽma. Irasirirã gũa ìgũyarã ããrĩrĩ waja ããrĩpereri gũa okarinũrĩrẽ ããrĩpererogue gũa noó waaró gũadere wẽjẽduama. Marĩpũ gapũ Jesúre dupaturi okamakũ iridi ããrĩmĩ. Irasirigu, gũa boaburi dupure opakerepũũ, gũare Jesús okari sĩrĩrẽ opakamakũ yámi gajerã irire masĩburo, ãrĩgũ.

¹² Irasirirã gũa Jesúya kerere wereri waja gajerã gũare wějẽma goero ããrĩkererũ, masã gapũ iri kerere bũremurã, Marĩpũ pũro perebiri okari opamurã ããrã.

¹³ Marĩpũya werenĩrĩ gojadea pũgue ãsũ ãrĩ gojasũdero ããrĩbũ: “Yũ Marĩpũre bũremubũ. Irasirigũ ĩgũyare werebũ”. Gũade irasũta bũremua. Irasirirã ĩgũyare werea. ¹⁴ Ire masĩa. Marĩpũ, marĩ Opũ Jesũre boadiguere masũdi ããrĩmĩ. ĩgũrẽ masũderosũta marĩ Jesũyarã ããrĩmakũ, marĩdere masũgũkumi. Irasirigũ marĩrẽ ĩgũ pũrogue ãĩmarĩagũkumi ĩgũ merã ããrĩdoregũ. Gũa irire masĩsĩa, masãrẽ ĩgũyare werea. ¹⁵ Irasirirã masãrẽ iritamudũarã masã õãrõ ããrĩburire i ããrĩpererire irirã ñerõ taria. Wãrã gajerãdere gũa wererire pãrã Marĩpũ Jesũs merã õãrõ iririre masĩmakũ gããmerã, irasũ yãa. Irire masĩrã, ĩgũrẽ: “Õãtaria mũ”, ãrĩ, usũyari sĩrãkuma.

¹⁶ Irasirirã gũa ñerõ tarikererã, piriro marĩrõ gũñaturari merã masakare ĩgũyare werea. Ũmũrikũ gũaya dupũma turari perewãgãkererũ, Marĩpũ gũare gũñaturamakũ yãmi. ¹⁷ Irasirirã gũa Jesúya kerere wereri waja gũa daporare ñerõ taririre, Marĩpũ pũrũgue gũare iriburire ãsũ ãrĩ gũñãa: “Marĩ ñerõ tariri, pereburi ããrã. Marĩpũ pũrũgue nemorõ õãrĩ iriburi gapũ neõ perebirikoa. Bũro usũyari merã ĩgũ pũro ããrĩnikõãrãkoa”. ¹⁸ Daporare gũa i nikũmarẽ ĩãrĩrẽ gũñarikũbea. Ũmũgasima ĩãña marĩrĩrẽ, irogue Marĩpũ merã ããrĩburire gũñãa. Gũa daporare i nikũmarẽ ĩãrĩ, pereakõãrokoa. Ũmũgasima ĩãña marĩrĩ gapũ ããrĩnikõãrokoa.

5

¹ Marĩ ire masĩa. Marĩya dupũ, marĩya wii irirosũ ããrã. Wii irirosũ marĩya dupũ boamakũ, Marĩpũ gaji wii marĩrẽ sĩrõsũ gaji dupũ ũmũgasima dupũre sĩgũkumi. Iri dupũ, masaka iridea dupũ meta ããrĩrokoa. Irasiriro neõ boabiri dupũ ããrĩrokoa. ² Marĩ i nikũma dupũre oparã yũjũpũrãkũturabiri, bũjawereri merã ñerõ taria. Maama wii marĩ õãrõ ããrĩburi wiire bũro opadũarosũ, ũmũgasima dupũre bũro gããmea. ³ Surĩro maamañerẽ sãñadũarosũ iri dupũre gããmea. Surĩ marĩrã ããrĩdũamerã irirosũ, dupũ marĩrã ããrĩdũabea. ⁴ I nikũma dupũre oparã yũjũpũrãkũturabiri, gũñarikũ, ñerõ taria. Ñerõ tarikererã, marĩya dupũ, boaburi dupũre bẽodũarã meta yãa. Maama dupũ, neõ boabiri dupũ gapũre bũro opadũãa. Iri dupũre oparã, Marĩpũ pũro ĩgũ merã ããrĩnikõãrãkoa. ⁵ Marĩpũ marĩrẽ maama dupũre opamurã ããrĩmakũ iridi ããrĩmĩ ĩgũ pũro õãrõ ããrĩburo, ãrĩgũ. Marĩrẽ irire masĩburo, ãrĩgũ, Őãgũ deyomarĩgũrẽ marĩ merã ããrĩdoregũ sĩdupuyudi ããrĩmĩ.

⁶ Irasirirã Marĩpũre gũñaturanĩkõãa. Ire masĩa. Marĩ i nikũma dupũkũrã, marĩ Opũ pũro ããrĩbea. ⁷ ĩgũrẽ ĩãbirikererã: “Diyeta ĩgũ ãrĩderosũta irigũkumi”, ãrĩ bũremurĩrẽ neõ piribea. ⁸ Gũñaturari merã marĩya ããrĩburire ãsũ ãrĩ gũñãa: “Marĩ boarã, i nikũma dupũre bẽorã, marĩ Opũ pũro bũro usũyari merã ããrĩrãkoa. Irire bũro gããmea marĩ”. ⁹ Irasirirã marĩ Opũre marĩ merã usũyamakũ iridũarã, i nikũgue ããrĩrã, o ĩgũ pũrogue ããrĩrã, ĩgũ gããmerĩrẽ iridũãa. ¹⁰ Marĩ Cristo pũrogue waamakũ, marĩ ããrĩpererãrẽ ĩgũ diaye nidoregũkumi marĩ i nikũgue ããrĩrã irideare werebu. Irasirigũ, marĩ õãrĩ irideare, o ñerĩ irideare keoro weregũkumi. Marĩ, ĩgũ irasiriburire masĩrã, ĩgũ gããmerĩrẽ iridũãa.

Marĩpũ merã õãrõ ããrĩrĩmarẽ gojadea

¹¹ Irasirirã gopepyari merã marĩ Opũ Jesucristore bũremua. Gũa masakare ĩgũsã ĩgũrẽ bũremumakũ gããmerã, ĩgũyare werea. Marĩpũ gũa iririre masĩmi. Yũ, masãdere gũa iririre: “Õãrõ yãma”, ãrĩ masĩmakũ gããmea. ¹² Yũ masãrẽ gojagũ, dupaturi gũayamarẽ: “Õãgorãa”, ãrĩ gojagũ meta yãa. Gũare õãrõ masĩ, usũyari merã gũñaburo, ãrĩgũ, masãrẽ gojãa. Gajerã buerimasã: “Gajerã nemorõ õãrã ããrã”, ãrĩ gũñarã, masaka ĩũrõ direta õãrã irirosũ ããrĩma. ĩgũsã ããrĩrikũri gapũre pẽmasĩbema. Gũare: “Keoro buebema”, ãrĩ werewũamakũ, masã ĩgũsãrẽ õãrõ yũjũrãkoa. ¹³ Gajerã gũa iririre ĩãrã: “Niãsũrã yãma”, ãrĩ ĩãkererũ, niãsũrã meta yãa. Marĩpũ gããmerĩrẽ irirã, irasũ yãa. Pẽmasĩrĩ merã masãrẽ

iritamurã yáa. ¹⁴ Cristo suguta marĩ ããrĩpererãrẽ maĩgũ marĩ ñerĩ iridea waja marĩrẽ boabosadi ããrĩmĩ. Irasirirã marĩ ããrĩpererã ãgũ merã boanerã irirosũ dujabũ. Gũa irire gũñarã: “Diayeta ããrã”, ãrĩ gũñáa. Irasirirã ãgũyare piriro marĩrõ yáa. ¹⁵ ããrĩpererã marĩ ñerĩ iridea waja marĩrẽ boabosadi ããrĩmĩ, marĩ gããmerõ irinemobirikõãburo, ãrĩgũ. Marĩ õãrõ ããrĩburire marĩrẽ boabosa, masãdi ããrĩmĩ ãgũ gããmerĩrẽ iridoregũ. ¹⁶ Irasirirã ãgũrẽ masĩsĩã, i ãmũ marã ãgũrẽ masĩmerã gajerãrẽ werewũari merã ããrã irirosũ neõ ããbea. Iripoeguere yũ ãgũrẽ: “Ubu ããrĩgũ, i nikũmuta ããrĩmĩ”, ãrĩ ããunabũ. Dapora gapũre ãgũrẽ masĩã. ¹⁷ Marĩ Cristoyarã ñajãmakũ, Marĩpũ marĩrẽ maama ããrĩrikũrĩre opamakũ iridi ããrĩmĩ. Irasirirã marĩ ãgũyarã ããrĩburi dupuyurogue ããrĩrikũunaderosũ neõ ããrĩbea.

¹⁸ Marĩpũ marĩrẽ iri ããrĩpererire irasiridi ããrĩmĩ. Iripoeguere marĩ, Marĩpũ merã õãrõ ããrĩburiunanerã ããrĩbã. Irasirigũ Marĩpũ, Cristo boari merã marĩrẽ ãgũ merã õãrõ ããrĩmakũ iridi ããrĩmĩ. ããrĩpererã irasũ ããrĩmakũ gããmegũ, gũare ãgũyare kerere weredoregũ pídi ããrĩmĩ. ¹⁹ Iri kere ãsũ ãrã: “Marĩpũ, Cristo boari merã ããrĩpererã i ãmũ marãrẽ ãgũ merã õãrõ ããrĩburire pídi ããrĩmĩ. ãgũsã ñerõ iridea wajare peremakũ iridi ããrĩmĩ”. Irasirigũ ããrĩpererãrẽ ãgũ merã õãrõ ããrĩmakũ gããmegũ, gũare iri kerere weredoregũ pídi ããrĩmĩ. ²⁰ Irasirirã Cristore wereboerã ãgũ iriunerã ããrã. Gũa ãgũyare wererã, Marĩpũ ãgũ basi masakare wereboderosũta gũa ãgũsãrẽ ãsũ ãrĩ werea: “Cristore wereboerã ãgũyare wererã yáa. Irasirirã musãrẽ: ‘Marĩpũ merã õãrõ ããrĩka!’ ” ãrĩ werea. ²¹ Cristo neõ ñerĩ iribirikerepũrũ, Marĩpũ, marĩ ñerĩ iridea waja marĩrẽ wajamoãboderosũ ãgũrẽ iridi ããrĩmĩ marĩrẽ Cristoyarã ããrĩdoregũ. ãgũ gããmerõsũta ãgũ irirosũ marĩrẽ diaye irirã ããrĩdoregũ, irasiridi ããrĩmĩ.

6

¹ Gũa Marĩpũyare moãrã ããrĩsĩã, turaro merã musãrẽ: “Marĩpũ Cristo merã musãrẽ õãrõ iritamudeare ubu ããrĩrĩrẽ irirosũ ããbéobirikõãburo, ãrĩrã, ãgũyare irinĩkõãka!” ãrĩ werea. ² Marĩpũ ãgũyare werenĩrĩ gojadea pũgue ãsũ ãrĩdi ããrĩmĩ:

Yũ musãrẽ: “Õãrõ iritamugũra”, ãrĩdeare iriripoe ããrĩmakũ, musã sãrẽrĩrẽ pãbũ. Yũ tauripoe ããrĩmakũdere musãrẽ iritamubũ, ãrĩdi ããrĩmĩ.✧

Irasirirã gũa wererire õãrõ pãka! Daporare masaka Marĩpũre: “Yũre iritamuka!” ãrĩ sãrẽrãrẽ ãgũ pãdũaripoe ããrã. Daporare ãgũrẽ: “Yũre tauka!” ãrĩ sãrẽrãrẽ ãgũ taudũaripoe ããrã, ãrĩ werea.

³ Gũa Marĩpũyare buerire ñerõ werenĩrĩ, ãrĩrã, gũa neõ sugũnorẽ ñerõ iribeã, ãgũyare piribokumi, ãrĩrã. ⁴ ããrĩpererĩ gũa iriri merã Marĩpũre moãboerã ããrĩrĩrẽ gajerãrẽ masĩmakũ gããmerã, ãsũ gapũ yáa. ãgũyare buegorenarã, ñerõ taririre, gũa gããmerĩrẽ opabirire, ñerõ gũare waarĩre õãrõ merã gũñatura, bokatĩũa. ⁵ Gajipoere gajerã gũare tãrãma. Peresugue biadoboma. Gajipoere wãrã masaka nerẽ, guarĩ merã gainĩma gũare wẽjẽdũarã. Gajipoere bũro poyari merã moãbũ. Kãrĩrõ marĩrõ, ãboari merã moãbũ.

⁶ Gũa Marĩpũre moãboerã ããrĩrĩrẽ masakare masĩmakũ gããmerã, idere yáa. ãgũsãrẽ ãgũyare buerã, õãrĩ direta iridũari merã, diayema ããrĩrĩ masĩrĩ merã, bopoñarĩ merã, iritamudũari merã, Õãgũ deyomarĩgũ gũaguere ããrĩrĩ merã, diaye maĩrĩ merã, ⁷ diayema ããrĩrĩrẽ wererĩ merã, Marĩpũ turari merã buea. Sugũ masakũ ãgũ mojókũrĩ merã ãgũ merã gãmekẽãdũagũre kãmuta tarinũgãgũ irirosũ gũa diayema iriri merã ñerĩrẽ kãmuta tarinũgãa. ⁸ Gũa masakare buemakũ, surãyerĩ gũare bũremurĩ merã ããma. Gajerã gũare bũremubema. Surãyerĩ gũare õãrõ werenĩma. Gajerã gũare ñerõ werenĩma. Diayema ããrĩrĩrẽ gũa werekererũrũ: “ãrĩgatori merã buema”, ãrĩma. ⁹ Gajerã gũare ããmasĩkererã: “Ubu ããrĩã ããrĩma”, ãrĩsĩã, ããmasĩmerã irirosũ ããma. Gũa noó waaró gajerã gũare wẽjẽdũakererũrũ, okãa dapa. Gũare bũro wajamoãkererã, wẽjẽbema. ¹⁰ Gũa bujawererĩ

✧ 6:2 Is 49:8

merã ããrĩkererã, usuyankõãa. Boporã ããrĩkererã, gũa buerire pérãrẽ wajaparire opa-
makũ irirosũ yãa. Wãri i ãmũmarẽ opabirikererã, Marĩpũ merã ããrĩpereri õãrĩrẽ opãa.

¹¹ Gũayarã Corinto marã, gũa musãrẽ gojarã, gũa gũñarĩrẽ diayeta gojãa. Musãrẽ gũa
bũro maĩrĩrẽ masĩmakũ gããmea. ¹² Gũa musãrẽ maĩrĩrẽ neõ piribea. Musã gapũ gũare
maĩturabea. ¹³ Irasirigũ sugũ ãgũ pũrãrẽ wererosũ, musãrẽ ãsũ ãrĩ weregura. Yũ musãrẽ
diaye maĩrõsũta yũdere maĩka!

Marĩpũ okanígũ marĩ merã ããrĩmi, ãrĩ gojadea

¹⁴ Cristore bũremumerã merã sũrosũ ããrĩbirikõãka! Sugũ õãrĩrẽ irigũ, ñerĩrẽ irigũ merã
õãrõ gãmesuribemi. Boyorogue ããrĩrã irirosũ Marĩpũre masĩrã, naĩtĩarõgue ããrĩrã irirosũ
Marĩpũre masĩmerã gãme wapikũmasĩbema. ¹⁵ Cristo, wãtẽa opũ merã sũrosũ gũñabemi.
Cristore bũremugũ, Cristore bũremubi merã sũrosũ gũñarĩrẽ opabemi. ¹⁶ Marĩpũre
bũremurĩ wii ãgũ ããrĩrĩ wii, masaka ãgũsã bũremurĩ keori weadeare pĩburi wii ããrĩbea.
Marĩ, Marĩpũ okanígũya wii irirosũ ããrĩsĩã, ãgũ direta bũremua. ãgũya wiigũ ããrĩrõsũta
marĩ merã ããrĩmi. ãgũya werenĩrĩ gojadea pũgue irire ãsũ ãrĩ weredi ããrĩmi:

Yũ ãgũsã merã ããrĩgũ, ãgũsã watopegue ããrĩnikõãgũkoa. Yũ ãgũsã Opũ ããrĩgũkoa. ãgũsã,
yaarã ããrĩrãkuma, ãrĩdi ããrĩmi.*

¹⁷ Irasirigũ marĩ Opũ ãsũ ãrĩnemodi ããrĩmi:

Ñerõ iririkũrãrẽ wapikũnemobirikõãka! ãgũsã ñerĩ iririre iribirikõãka! ãgũsã irirosũ ñerĩ
iribirimakũ, yũ musãrẽ õãrõ bokatĩrĩñeã, wapikũnikõãgũkoa.*

¹⁸ Yũ, Musãpũ ããrĩgũkoa. Musã yũ pũrã ããrĩrãkoa, ãrĩdi ããrĩmi marĩ Opũ ããrĩpererã nemorõ
turagũ.*

7

¹ Yaarã yũ maĩrã, musãrẽ ire werea. Marĩ, i Marĩpũ ãrĩdeare pérã, ããrĩpereri ñerõ iririre,
ñerĩ gũñarĩdere pirirã! Irasirirã gopeyari merã ãgũrẽ bũremu, ãgũ gããmerĩ direta irinĩrã!

Pablo, Corinto marã gũñarĩ gorawayudeare gojadea

² Gũare maĩka! Gũa musãrẽ neõ poyanorẽbiribũ. Gũa bueri merã musãrẽ ñerõ irimakũ
iribiribũ. Neõ sugũnorẽ musã merãmurẽ ãrĩgatori merã ãgũyare ãĩabiribũ. ³ Yũ irire irasũ
ãrĩgũ: “Musã gũare ñerõ werenĩdea waja opãa”, ãrĩgũ meta yãa. Gũa musãrẽ bũro maĩrĩ
merã gũñanĩa. Yũ irire musãrẽ weresiabũ. Irasirirã marĩ okarã, o boarã, suro merãta
ããrĩnrãkoa. ⁴ Yũ, musã õãrõ iriri kerere pégu: “Diayeta yãma”, ãrĩ gũñãa. Irasirigũ ñerõ
tarikeregũ, gũñatura, bũro usuyãa.

⁵ Gũa Macedonia nikũgue ejarãgueta neõ siuñajãrĩ bokabiribũ. Noó waaró ñerõ taribũ.
Gajerã gũa merã gãme guaseodũama. Musãrẽ gũa buenerãrẽ gũñarã, bũro gũñarikũbũ.
⁶ Marĩpũ, bũjawereri merã ããrĩrãrẽ gũñaturamakũ irigũ gapũ Tito gũa pũrogue ejari
merã gũare gũñaturamakũ irimi. ⁷ ãgũ gũa pũrogue ejari direta usuyabiribũ. Musã ãgũrẽ
gũñaturamakũ irideare ãgũ weremakũ pérã, bũro usuyabũ. Musã yũre ããduarire, musã yũre
werewũdeare bũjawereri merã ããrĩrĩrẽ, musã yũre gũñarikũrere gũare weremi. Yũ irire
pégu, bũro usuyanemobũ.

⁸ Yũ musã ñerõ irideare musãrẽ gojadupuyudea pũ merã yoaweyaripoe
bũjaweremakũ iribũ. Irasirigũ: “Yũ gojabirimakũ õãboyo”, ãrĩ gũñabũ. Irasũ ãrĩ
gũñakeregũ, daporare: “Yũ irire gojamakũ õãgorabũ”, ãrĩ gũñãa. ⁹ Irasirigũ daporare
usuyagũ, musã bũjaweredearẽ usuyagũ meta yãa. Yũ musãrẽ gojadea pũrẽ buedero pũrũ,
musã ñerõ irideare gũña, Marĩpũ gããmerõsũta bũjawereyuro. Musã gũñarĩrẽ gorawayu,
ñerõ iririre piriyo. Iri gapũ yũre usuyamakũ yãa. Musãrẽ bũjaweremakũ irikeregũ,
neõ poyanorẽbiribũ. ¹⁰ Marĩ ñerõ irideare gũñarã, Marĩpũ gããmerõsũta bũjawere,
marĩ gũñarĩrẽ gorawayu, ñerĩ iririre pirirã, peamegue waabonerã tausũrãkoa. Gajerã i ãmũ

* 6:16 Lv 26.12; Ez 37.27 * 6:17 Is 52.11 * 6:18 2 S 7.14; 1 Cr 17.13; Is 43.6; Jer 31.9

marã Jesúre b̄remumerã gap̄ ãḡsã ñerõ irideare b̄jawerekererã, ãḡsã ḡñarĩrẽ neõ gorawayubema. Ñerĩ iririre piribema. Irasirirã peamegue waamurã ããrĩma. ¹¹ M̄sã gap̄ m̄sã ñerõ irideare ḡñarã, Marĩp̄ gããmerõsũta b̄jawereyuro. Irasirirã m̄sã iririre goepeyari merã ḡñanugãyuro. M̄sã ñerõ irideare piririre gajerãrẽ b̄ro masĩmakũ gããmeyuro. M̄sã ñerõ irideare ḡñarikũ, b̄ro b̄jawere, ḡuyuro. Irasirirã yure b̄ro ããduayuro. Ñerĩ iriḡure wajamoãyuro, ãḡ ñerõ irideare dupaturi iribirikõãburo, ãrĩrã. ããrĩpereri m̄sã irasiriri merã m̄sã daporare diaye irirã ããrĩrẽ ḡuare ãmua. ¹² Irasiriḡ ȳ m̄sãrẽ gojadupuyuḡ, ñerõ iridire ãḡ ñerõ irididere iritamud̄aḡ iribũ. M̄sãdere iritamubu, iri p̄rẽ gojabũ, Marĩp̄ ãũrõ ḡuare m̄sã õãrõ ḡñarĩrẽ masĩburo, ãrĩḡ. ¹³ Irasirirã m̄sã ḡuare ḡñaturamakũ yãa.

Irasũ ããrĩmakũ m̄sã Titore õãrõ bokatĩrĩñeãrã ãḡrẽ us̄yamakũ iriyuro. Ḡua irire p̄rã, m̄sã merã us̄yadero nemorõ us̄yanemobũ. M̄sã ãḡrẽ õãrõ ããrĩrikũmakũ iriyuro. ¹⁴ Tito m̄sã p̄ro waaburi dupuyuro ȳ m̄sã merã us̄yarire ãḡrẽ werebũ. ãḡ irogue ejamakũ, ȳ ãrĩderosũta ãḡrẽ õãrõ iriyuro. Irasiriḡ ȳ ãḡrẽ weredeare ḡuyasĩrĩbea. Ḡua m̄sãrẽ diayema ããrĩrĩ direta wererosũta ḡua Titore m̄sãyamarẽ weredeade diayeta ããrĩbũ. ¹⁵ M̄sã p̄rogue ãḡ ejamakũ, ããrĩpererã b̄remurĩ merã ãḡrẽ õãrõ bokatĩrĩñeãyuro. Goepeyari merã ãḡ dorerire iriyuro. M̄sã irasirideare ḡñaḡ, m̄sãrẽ maĩdero nemorõ maĩnemomi. ¹⁶ Ȳ, m̄sã õãrõ iririre masĩsã, “Õãrõ yãma”, ãrĩ, b̄ro us̄yãa.

8

Gajerãrẽ ãḡsã gããmerĩrẽ sĩburimarẽ gojadea

¹ Ḡuayarã, ḡua m̄sãrẽ ire masĩmakũ gããmea. Marĩp̄ Jesúre b̄remurĩ buri marãrẽ Macedonia nikũgue ããrĩrãrẽ õãrõ iritamumi. ² ãḡsã b̄ro ñerõ tarikererã, gajerãrẽ iritamuma. B̄ro bopokererã, ãḡsãya niyerure maĩrõ marĩrõ, b̄ro us̄yari merã ãḡsãrẽ sĩburire neeõnama. ³ ãḡsã gããmerõ ããrĩpereri ãḡsã s̄rõ bokatĩũrõ s̄kererã, s̄nemonama. Ȳ, ãḡsã irasirideare masĩa. Irasiriḡ m̄sãrẽ irire werea. ⁴ Marĩp̄yarãrẽ boporãrẽ iritamud̄arã, ãḡsãrẽ s̄duarire ḡuare: “Ãiabosaka!” ãrĩ s̄rẽma. ⁵ Irasũ ãrĩrã, ḡua ḡñadero nemorõ õãrõ yãma. Niyerure ãḡsã sĩburire neeõburi dupuyuro marĩ Op̄re: “M̄ gããmerĩ direta irid̄akoa”, ãrĩma. P̄rũ ḡuare: “Marĩp̄ gããmerõsũta m̄sã dorerire irirãra” ãrĩma. ⁶ ãḡsã irasirideare ããrã, ḡua Titore m̄sã p̄ro Corintogue waadorebũ. Iro dupuyuro m̄sã p̄rogue ããrĩḡ, boporãrẽ iritamuburire niyerure s̄rẽ, neeõnugãdi ããrĩmĩ. Irasirirã, m̄sã õãrõ irinugãderosũta irire odonũburo, ãrĩrã, ãḡrẽ iriua. ⁷ M̄sã Marĩp̄yare ããrĩpererire õãrõ yãa. ãḡrẽ diayeta b̄remua. ãḡya kerere ãḡ masĩrĩ s̄rĩ merã keoro buea. ãḡ gããmerõsũta gajerãrẽ õãrõ iritamud̄ãa. Ḡuare b̄ro maĩa. Irasirirã m̄sã i ããrĩpererire õãrõ irirosũta m̄sã boporãrẽ s̄buri neeõrĩdere õãrõ irika!

⁸ Ȳ irire m̄sãrẽ irasũ ãrĩḡ, turaro merã: “ãḡsãrẽ niyeru s̄ka!” ãrĩḡ meta yãa. Macedonia marã boporãrẽ õãrõ iritamudeare werea, ãḡsã irirosũ m̄sãde diayeta maĩrĩ merã boporãrẽ iritamud̄arire masĩduaḡ. ⁹ Ire m̄sã masĩa. Marĩ Op̄ Jesucristo marĩrẽ b̄ro maĩḡ, marĩrẽ õãrõ iritamudi ããrĩmĩ. ããrĩpereri ãm̄gasiguema õãrĩrẽ opaḡ ããrĩkereḡ, marĩya ããrĩburire i nikũguere aariḡ, bopoḡ irirosũ aaridi ããrĩmĩ, marĩrẽ ããrĩpereri ãm̄gasiguema õãrĩrẽ opaburo, ãrĩḡ.

¹⁰ Irasiriḡ ȳ m̄sãrẽ: “Ãsũ irimakũ õãgorabokoa”, ãrĩ ḡñarĩrẽ wereḡra. M̄sã gap̄ si bojori merã gaji makã marã dupuyuro boporãrẽ niyeru s̄burire us̄yari merã neeõp̄rorisiabũ. ¹¹ Irasirirã m̄sã us̄yari merã neeõp̄roriderosũta daporare s̄yuarikũka! Wãro oparã, wãro s̄ka! M̄rõgã oparã, m̄rõgã s̄ka! ¹² Us̄yari merã m̄sã s̄duaropã s̄makũ, Marĩp̄ m̄sã merã us̄yagakumi. Wãro opamerãrẽ wãro s̄dorebemi.

¹³ Y_H musārē: “Boporārē iritamuka!” āriḡū, “Īḡūsā gap_H wáro oparā dujaburo, musā gap_H boporā dujaka!” āriḡū meta yáa. ¹⁴ Āārīpererā surosū āārīrikaburo, āriḡū, irire irasū ārā. Daporare musā opari merā Īḡūsārē iritamumasīa. P_Hrugue musā gāāmerīrē opabirimakū, Īḡūsāde musārē iritamumasīrākuma. Musā irasū gāme sīrā, musā gāāmerīrē opapeokōārākoa. ¹⁵ Marīp_Hya werenīrī gojadea pūgue marī gāme sīrīrē āsū ārī gojasūdero āārībú*: “Wáro opadi gajig_H nemorō opabirimi. Mérōgā opadide mérōgā opakereg_H, Īḡū gāāmerīrē opapeokōāmi”, ārī gojasūdero āārībú.

Tito Īḡū merāmarā merā Corintog_H waadea

¹⁶ Y_H musārē b_Hro iritamud_Harosūta Marīp_H Titore musārē iritamud_Hamakū yámi. Irasirig_H Marīp_Hre _Hs_Hyari sīa. ¹⁷ Tito, g_Ha Īḡūrē musā p_Hrogue waadoreburi dupuyurogueta musārē iritamug_H waad_Hasiadi āārīmí. Irasirig_H, g_Ha Īḡūrē waadoremakū pégu: “Já_H, waag_Hra”, ārī y_Hyami.

¹⁸ Īḡū merā gajig_H marīyag_Hure iriua. Āārīpererog_Hue Jesúre b_Hremurī buri marā Īḡūrē: “Marīp_H masakare Jesucristo iridea merā tauri kerere oārō buemi”, ārī werenīnūrā.

¹⁹ Īḡūrēta beyenerā āārīmá, niyerure boporā p_Hrogue g_Ha āāmakū g_Hare wapikaburo, ārīrā. Iri niyerure musā gajerā merā neeōdeare g_Ha boporārē sīmakū Īārā: “Marī Op_H marīrē oārō iritamug_H yámi”, ārīrākuma. Marī Īḡūsārē b_Hro iritamud_Harire masīrākuma.

²⁰ G_Ha iri niyerure wáro musā neeōdeare oārō kore, boporārē keoro sīrākoa, gajerā g_Hare: “Keoro iribirima”, ārī werew_Habirikōāburo, ārīrā. ²¹ G_Ha marī Op_H Īūrō, masaka Īūrōdere diayemarē irid_Háa.

²² Irasirirā Titosā merā gajig_H marīyag_Hure iriua. G_Ha, Īḡū gajerārē oārō iritamumakū wári Īāb_H. Irasirig_H daporare musā gajerārē iritamud_Harire pésīā, Īḡū dupuyuro musārē iritamud_Hadero nemorō iritamug_H waad_Hami. ²³ Masaka Titoyamarē sērēñamakū, Īḡūsārē āsū ārī y_Hyaka: “Pablo merām_H, Īḡū merā moāḡū āārīmí musārē iritamubu”, ārīka! Gajerā Īḡū merā waamurārē sērēñamakū, āsū ārīka: “Jesúre b_Hremurī buri marā iriuanerā āārīma. Cristoyare iriri merā gajerārē Cristore: ‘Oātarimi’, ārī, _Hs_Hyari sīmakū yáma”, ārīka! ²⁴ Irasirirā g_Ha Titosārē: “Corinto marā musārē oārō bokatīrīñeārākuma”, ārī wererosūta oārō bokatīrīñeāka! Musā irasiririre pérā, Īḡūsārē iriuanerā musā Īḡūsārē maīrīrē masīrākuma.

9

Jesúre b_Hremurārē niyeru sīburi neeōrīrē gojadea

¹ Y_H musārē gojag_H: “Īḡūsā gajerā Jesúre b_Hremurārē niyeru sīburi neeōrīrē masīsīama. Irasirig_H irire gojanemobea”, ārī ḡūñáa. ² Y_H, gajerārē musā iritamud_Harire masīsīáa. Irasirig_H _Hs_Hyari merā Macedonia nikū marārē āsū ārī wereb_H: “Si bojorire Corinto marā Acaya nikūgue āārīrā, gajerā Jesúre b_Hremurārē boporārē iritamud_Hasiama”, ārīb_H. Irire pérā, wárā Macedonia nikū marāde musā irirosū _Hs_Hyari merā Īḡūsārē iritamud_Hama.

³ Y_H Macedonia nikū marārē: “Corinto marā niyeru sīrākuma”, ārīderosūta waamakū gāāmea. Irasirig_H iri niyeru musā sīd_Harire y_H musā p_Hrogue ejaburi dupuyuro neeō odosiaburo, āriḡū, Titosārē iriua. ⁴ Y_H Macedonia nikū marā merā musā p_Hrogue ejag_H, musā sīd_Harire neeō odobirimakū Īāḡū, g_Hyasīrībokoa. Y_H Īḡūsārē: “Corinto marā boporārē sīrākuma”, ārīdero p_Hr_H musā sībirimakū Īāḡū, g_Hyasīrībokoa. Musāde irasūta g_Hyasīrībokoa. ⁵ Irasirig_H: “Y_H musā p_Hrogue ejaburo dupuyuro Titosārē iriup_Hrorig_Hra”, ārī ḡūñáa. Īḡūsā irogue ejarā, musārē iritamurākuma musā: “Sīrākoa”, ārīdeare iri odoburo, ārīrā. Irasirirā g_Ha musā p_Hrogue ejamakū, g_Ha musārē sīdorero marīrō musā gajerārē sīd_Harire b_Hro iritamud_Hari merā, neeō odosiarākoa.

* **8:15** Exodo 16.13-18: Iripog_Hue Israel bumarā masaka marīrōg_Hue waagorenamakū, ām_Hrik_H Marīp_H Īḡūsārē maná wāik_Hri baari sīdi āārīmí. Irasirig_H Marīp_H dorederosūta Moisés Īḡūsārē irire keoro seadoredi āārīmí, Īḡūsāk_H Īḡūsā baaburire opaburo, āriḡū.

⁶ Ire gũñaka! Méri yeri otedi, mérĩgã ðuka seagukumi. Wári yeri otedi, wári ðuka seagukumi. Iri irirosũ marĩ boporãrẽ mérõgã sĩmakũ, Marĩpũ marĩrẽ mérõgã sĩgukumi. Wáro marĩ sĩmakũ, wáro sĩgukumi. ⁷ Irasirirã mũsã: “Õõpã sĩgũra”, ãrĩ gũñaderosũta sĩka! “Sĩðabirikerepũ, yũre sĩdorema. Irasirigũ sĩgũkoa”, ãrĩ gũñarõ marĩrõ sĩka! Marĩpũ, usũyari merã sĩrãrẽ maĩmi. ⁸ Æãrĩpereri õãrĩrẽ mũsãrẽ sĩmasĩmi mũsã gããmerĩrẽ opapeokõáburo, gajerãdere mũsã opari merã õãrõ iritamuníkõáburo, ãrĩgũ. ⁹ Marĩpũya werenĩrĩ gojadesa pũgue irire ãsũ ãrĩ gojasũdero ããrĩbũ:

Õãgũ boporãrẽ wáro sĩmi. Ìgũsãrẽ õãrõ iritamurĩ neõ perebirikoa.*

¹⁰ Marĩpũ, oterimasũrẽ oteri koyere ìgũ oteburire opamakũ yámi. Oterimasũ irire otedero pũrũ, Marĩpũ ìgũ otedeare ðukakumakũ yámi masaka baaburire. Irire irirosũ mũsãrẽ ããrĩpereri mũsã boporãrẽ sĩburire opamakũ irigukumi. Irire sĩdero pũrũ, mũsã opadero nemorõ mũsã boporãrẽ sĩnemoburire opamakũ irigukumi. ¹¹ Marĩpũ mũsãrẽ ããrĩpereri õãrĩrẽ opamakũ irigukumi gajerãrẽ wáro sĩburo, ãrĩgũ. Irasirirã gũa iri niyerure mũsã neeõdeare marĩyarã boporãrẽ sĩmakũ ìãrã, Marĩpũre usũyari sĩrãkuma. ¹² Mũsã ìgũsãrẽ iritamurã, ìgũsã gããmerĩ diretta sĩrã meta yáa. Marĩpũre: “Õãtaria, mũ ìgũsãrẽ gũare sĩmakũ iriri”, ãrĩ, usũyari sĩmakũ yáa. ¹³ Mũsã ìgũsãrẽ iritamumakũ ìãrã: “Corinto marã Cristoyare õãrõ yáa. Gũare wáro sĩrã, gajerãdere õãrõ sĩma”, ãrĩrãkuma. Irasirirã Marĩpũre bũro usũyari sĩrãkuma. ¹⁴ Ìgũ mũsãrẽ õãrõ iritamurĩrẽ masĩrãkuma. Irasirirã mũsãrẽ bũro maĩrĩ merã mũsãya ããrĩburire ìgũrẽ sërëbosarãkuma. ¹⁵ Marĩpũ Jesucristo merã marĩrẽ õãtariro iridi ããrĩmĩ. Ìgũ irasũ irideare marĩ werenĩrĩ merã weredũarã, werepeomasĩña máa. Irasirirã ìgũrẽ: “Õãtaria mũ”, ãrĩ, usũyari sĩa.

10

Pablo ìgũ Jesús buedoregũ pídi ããrĩrĩrẽ gojadesa

¹ Yũ Pablo mũsãrẽ gaji weregũra. Ire weregũ, Cristo turiro marĩrõ bopoñarĩ merã werederosũta mũsãrẽ weredũáa. Surãyeri mũsã pũro ããrĩrã, yũre ãsũ ãrĩñũrã: “Marĩ merã ããrĩgũ, turabi ubu ããrĩgũ irirosũ marĩrẽ weremi. Gajerogue ããrĩgũ, marĩrẽ bũro turari merã were gojami”, ãrĩñũrã. ² Irasirigũ mũsãrẽ ãsũ ãrĩ werea. Yũ mũsã pũro gũe ejamakũ, yũre turaro merã weremakũ iribirikõãka! Gajerã mũsã watopegue ããrĩrã gũare: “Ì ãmũ marã irirosũ ìgũsã gããmerĩ diretta irirã yáa”, ãrĩñũrã. Irasũ ãrĩrãrẽ turaro doreri merã weregũra. ³ Gũa ì ãmũgue ããrĩkererã, gũare ìãturirãrẽ wererã, ì ãmũ marã irirosũ iribea. ⁴ Ì ãmũ marã ìgũsã turaro merã ìgũsãrẽ ìãturirãrẽ tarinũgãmurã werema. Gũa gapũ Marĩpũ doreri merã ìgũsãrẽ werea, ìgũyare ãrĩgatori merã gũñarĩrẽ: “Diaye ããrĩbea”, ãrĩ masĩburo, ãrĩrã. ⁵ Iri doreri merã Marĩpũyare: “Diaye ããrĩbea”, ãrĩrãrẽ diayema ããrĩrĩrẽ masĩmakũ irimasĩa. “Masĩtaria”, ãrĩ gũñarãrẽ ããrĩpereri ìgũsã gajerãrẽ Marĩpũre masĩbirimakũ iririre pirimakũ irimasĩa. Iri doreri merã ããrĩpereri ìgũsã gããmerõ gũñarĩrẽ pirimakũ irimasĩa, Cristo gapũre gũña, ìgũ gããmerĩ diretta iriburo, ãrĩrã. ⁶ Mũsã: “Ìgũ dorerire tarinũgãbirikoa”, ãrĩdero pũrũ, iri dorerire tarinũgãgũnorẽ gũa wajamoãmasĩa.

⁷ Mũsã gajerãrẽ ìãrã, ìgũsã iririkũri diretta ìãrã yáa. Ìgũsã gũñarĩ gapũre neõ ìãmasĩbea. “Cristoyagũ ããrã”, ãrĩgũno gũadere: “Cristoyarã ããrĩma”, ãrĩ masĩdorea. ⁸ Yũ mũsãrẽ: “Marĩ Opũ gũare ìgũyare buedoregũ pími”, ãrĩ werekeregũ, irire gũyasĩrĩbea. Gũare irasũ buedoregũ, mũsãrẽ iritamudoregũ pími. Mũsãrẽ poyanorẽdoregũ meta pími. ⁹ Yũ mũsãrẽ gojagũ, yũ gojari merã gũkamakũ iridũagũ meta yáa. ¹⁰ Surãyeri mũsã watopegue ããrĩrã ãsũ ãrĩma: “Pablo marĩrẽ gojagũ, bũro turari merã doremi. Irasirikeregũ, marĩ merã ããrĩgũ, turabi ubu ããrĩgũ irirosũ marĩrẽ weremi”, ãrĩma. ¹¹ Irire irasũ ãrĩgũnorẽ ãsũ ãrĩ weregũra: “Gũa gajerogue ããrĩrã, mũsãrẽ: ‘Ãsũ irirãra’, ãrĩ gojaderosũta mũsã pũro gũe ejarã, irire irirãkoa”.

* 9:9 Sal 112.9

¹² Surāyeri mūsā watopegue āārīrā ĩgūsā basi: “Marĩ gapu ōārō masĩa, gajerā nemorō āārā”, ārĩ gāme wereníma. Irasũ ārĩ wereníkera, masībema. Gua gapu ĩgūsā irirosũ gua basi gua iririre neō wereníñabea. ¹³ Irasirirā gua mūsārē wererā, Marĩpu guare buedoregu pídea direta werea. Gajerārē ĩgũ pídeare irirā meta yáa. ĩgũta guare pími mūsādere buedoregu. ¹⁴ Irasirirā, ĩgũ guare buedoregu píderosũta mūsārē Cristoya ōārĩ kerere buerorirā ejabu. Irogu mūsārē buerā ejarā, ĩgũ guare dorederosũta iribu. ¹⁵ ĩgũ guare buedoregu píderosũta iririre wererā, keoro werea. Gajerā iririre: “Gua iriri āārā”, neō ārĩbea. Mūsārē buerā, mūsārē Cristore buremunemomakũ gāāmea. Mūsā buremunemomakũ ĩārā, Marĩpu guare dorederosũta irirā, gajerā mūsā pūrogu āārĩrādere buerākoa Cristore buremuburo, ārĩrā. ¹⁶ Pupu yoarogue marārē Marĩpu Jesucristo merā masakare tauri kerere pémerārē buerā waarākoa. Gajerā iri kerere buederoguerē buerā waa: “Gua bueri gapure pérā, Jesucristore buremunegāma”, ārĩrā meta yáa.

¹⁷ Marĩpuya werenírĩ gojadea pūgue āsũ ārĩ gojasũdero āārĩbú: “Neō sugu: ‘Gajerā nemorō masĩgũ āārā’, ārĩbirikōāburo. Irasũ ārĩrōno irigu marĩ Opu gapure: ‘Turatarigu āārĩsĩā, marĩrē ōātariro iridi āārĩmĩ’, ārĩburo”, ārĩ gojasũdero āārĩbú. ¹⁸ Sugu ĩgũ basi: “Ōārō yáa”, ārĩ werenírĩ waja máa. Marĩ Opu: “Ōārō yámi”, ārĩ ĩāsũgũ gapu diayeta ōārō irigu āārĩmi.

11

Pablo ārĩgatori merā buerimasāyamarē gojadea

¹ Daporare mūsārē mérōgā yaamarē ārĩmoāmagũ irirosũ were gojagura. Yu irasũ ārĩ gojarire gariborero marĩrō buemakũ gāāmekoa. ² Marĩpu mūsārē maĩrōsũta yude buro maĩa. Mūsā yu magō irirosũ āārā. Cristo mūsā marāpu āārĩbu irirosũ āārĩmi. Irasirigu, yu magō gajerā ūma merā neō ñerō iribeo sugureta marāpukmakũ gāāmegũ irirosũ, yu mūsārē Cristoyarā dita āārĩmakũ gāāmea. ³ Irasũ gāāmekeregu: “Evare iripoegue waaderosũ ĩgūsādere waabokoa”, ārĩ gũñariku. Wātĩ, pĩrũ irirosũ deyoa, ĩgũ masĩrĩ merā ārĩgatomakũ pégo, Marĩpu dorerire tarinugādeo āārĩmó. ĩgũ iriderosũ gajerā mūsārē ārĩgatomakũ pérā, mūsā gũñarĩgue Cristoya direta mūsā iriduarire piribokoa. ⁴ Mūsā āsũ yáa. Gajerā mūsā pūro ārĩgatori merā buerā ejamakũ, ĩgūsā buerire ōārō pésuyua. ĩgūsā Jesúyamarē, Ōāgũ deyomarĩgũ mūsā bokatĩrĩñeādiyamarē, Marĩpu Jesús merā masakare tauri kerere gua mūsārē buede irirosũ ĩgūsā buebirikerepupu, ĩgūsā buerire pé buremua. ⁵ ĩgūsā mūsārē buerā: “Gua gajerā Jesús buedoregu pínerā nemorō masĩa”, ārĩ péñakuma. Yu gapu: “Jesús yure ĩgũyare buedoregu pími. Irasirirā yure masĩtarinugābema”, ārĩ péñāa. ⁶ Yu ōārō wererimasũ irirosũ werebirikeregu, Marĩpu werenírĩrē ōārō masĩa. Yu masĩrĩrē, āārĩpereri yu ĩgũyare iriri merā mūsārē masĩmakũ iribu.

⁷ Yu mūsārē Marĩpu Jesús merā masakare tauri kerere buegu: “Niyeru sĩka!” neō ārĩ sērēbiribu. Ubu āārĩgũ irirosũ moā wajata baabu, mūsārē Marĩpuyare ōārō masĩburo, ārĩgũ. ¿Yu irasirideā ōāberi? ¿Naāsũ gũñarĩ? ⁸ Gajerā Jesúre buremurĩ buri marā yure niyeru sĩma mūsārē bueburo, ārĩrā. ĩgūsā sĩrĩrē ñeābu mūsārē iritamubu. Irire ñeāgũ, ĩgūsāya niyerure ēmawāgāgũ irirosũ péñabu. ⁹ Mūsā merā āārĩgũ, gajino yu gāāmerĩrē opapeobirikeregu, mūsārē niyeru neō sērēbiribu. Marĩyarā Macedonia nikũ marā yu gāāmerĩnorē āijama. Irasirigu mūsārē: “Niyeru sĩka!” neō ārĩ garibobiribu. Pūrugudere mūsārē neō garibobirikoa. ¹⁰ “Cristo weregu, diayeta weredi āārĩmĩ”, ārĩ masĩa. ĩgũ diaye werederosũta yude mūsārē niyeru sērēbirideare diayeta werea. Neō sugu āārĩperero Acaya nikũgue āārĩgũno i mūsārē yu sērēbirideare wererire: “Diaye werebemi”, ārĩmasĩbirikumi. ¹¹ Mūsārē yu sērēbirideare wererire pérā, ¿naāsũ gũñarĩ mūsā? “Pablo

guare maĩbirisĩã, irasũ ãrĩ weremi”, ¿ãrĩ gũñarĩ? Æãrĩbea. Musãrẽ maĩa. Marĩpũ irire masĩmi.

¹² Irasirigũ yũ musãrẽ irinũgãderosũta iriwãgãnikõãgũra. “Gajerã Jesús buedoregũ pĩnerã nemorõ masĩa”, ãrĩgatorã musãrẽ bueri waja niyeru wajatadũama. Gũa gapũ ãgũsã irirosũ wajatadũabea. Irasirirã ãgũsã: “Gũade Pablosã irirosũta yãa”, neõ ãrĩmasĩbema. ¹³ “Jesús buedoregũ pĩnerã ããrã”, ãrĩrã, ãrĩgatorã yãma. “Diayeta Jesús buedoregũ pĩnerã ããrĩma”, ãrĩ gũñamakũ iridũarã ããrĩsĩã, masakare ãrĩgatorã. ¹⁴ Yũ gapũ ãgũsã irasirimakũ ããkeregũ: “¿Nasirimurã irire irasũ yãri?” ãrĩ gũñabea. Wãtẽa opũ Satanãde Marĩpũre wereboegũ irirosũ deyoami masaka ãgũ ãrĩgatorire: “Diayeta ããrã”, ãrĩ gũñamakũ iridũagũ. ¹⁵ Irasirirã ãrĩgatori merã buerimasã wãtĩrẽ moãboerã ãgũ irirosũ yãma. Ñerã ããrĩkererã, ãgũsã irigatori merã masakare: “Marĩpũre moãboerã ããrĩma, õãrõ yãma”, ãrĩ gũñamakũ iridũama. Daporare masaka ãgũsãrẽ: “Õãrã ããrĩma”, ãrĩ gũñakererũ, pũngũguere ããrĩpereri ãgũsã ñerõ iridea waja bũro wajamoãsũrãkuma.

Pablo, ãgũ ñerõ tarideare gojadea

¹⁶ Dupaturi musãrẽ ire were gojagũra. Neõ sugũ yũre: “Niãrĩmasũ ããrĩmi”, ãrĩ gũñabirikõãka! Irasũ ãrĩ gũñarã: “Niãrĩmasũ irirosũ werenĩburo”, ãrĩka! Irasirigũ mérõgã yũ basi werenĩgũra. ¹⁷ Yũ irasũ werenĩgũ, niãrĩmasũ irirosũ werenĩgũ yãa. Marĩ Opũ yũre: “Irire wereka!” ãrĩbirimi. ¹⁸ Wãrã masaka i ãmũma direta gũñakererã, ãgũsã iririre: “Õãrõ yãa”, ãrĩma. Yũde ãgũsã irirosũ musãrẽ yũ õãrõ iririre weregũra. ¹⁹ Musã basi: “Masĩtaria”, ãrĩkererã, niãrĩmasã irirosũ werenĩrã bueri gapũre gariborero marĩrõ péa. ¿Nasirirã ãgũsãrẽ õãrõ péri? ²⁰ ãgũsãrẽ moãboerãrẽ dorerosũ musãrẽ bũro dorekererũ, ãrĩgatori merã musãyare ããakererũ, musãrẽ oparã irirosũ dorerã ãgũsã gããmerĩ direta gũñakererũ, musãrẽ: “Ubu ããrĩrã ããrĩma”, ãrĩ ããbéokerepũ, musãrẽ gũyasĩrĩmakũ iridũarã musãya wayupãrãrĩrẽ pákererũ, ããrĩpereri ãgũsã irasiririre gariborebirikoa musã. ²¹ Musãrẽ irasirirã, ñerõ irirã yãma. Gũa gapũ ãgũsã irirosũ musãrẽ neõ irasiribiri-bokoa.

Yũ ãgũsã irirosũ musãrẽ ñerõ iribirikeregũ, niãrĩmasũ ãgũ iririre: “Õãrõ yãa”, ãrĩ werenĩgũ irirosũ musãrẽ ãsũ ãrĩ weregũra. ²² ãgũsã: “Hebreo masaka ããrã”, ãrĩma. Yũde hebreo masakuta ããrã. “Israel bumarã ããrã”, ãrĩma. Yũde Israel bumuta ããrã. ãgũsã: “Abraham parãmerã ããrã”, ãrĩma. Yũde Abraham parãmita ããrã. ²³ ãgũsã: “Cristore moãboerã ããrã”, ãrĩma. Yũ tamerã ãgũsã nemorõ Cristore moãboegũ ããrã. ãgũyare õãrõ yãa. Yũ basi niãrĩmasũ irirosũ werenĩkeregũ, yũ õãrõ iririre ãsũ ãrĩ werenemogũra. Yũ Cristoyare irigũ, ãgũsã nemorõ moãtarinũgãbũ. Cristoya kerere wereri waja ãgũsã nemorõ peresugue biadobosũbũ. ãgũsã nemorõ tãrãsũbũ. Wãri masaka yũre wẽjẽboyama. Irasirigũ mérõgã merã taribũ yũ boaboderore. ²⁴ Su mojõmagora judío masaka yũre ñeãma. ãgũsã yũre ñeãrikũ, treinta y nueve gora tãrãnama. ²⁵ Urea gajerã yũre ñeã, yuku merã páma. Suñarõ masaka ãtãyeri merã yũre deama. Urea doóriduparu merã mirĩbũ. Suñarõ mirĩgũ, sunũ, su ñami taboa majĩ weka wãdiyaguere bá payanĩbũ. ²⁶ Yũ wãri makãrĩguere buegorenagũ waanabũ. Yũ buegorenamakũ, goetaribũ. Diarigue yũ mirĩrĩ, yũre yajari, yaa nikũ marã judío masaka, judío masaka ããrĩmerãde yũre ñerõ iridũari, makãrĩgue, masaka marĩrõgue yũre wẽjẽdũari, wãdiyague mirĩboama goetaribũ. “Mũ merãmarã ããrã”, ãrĩgatorãde yũre ñerõ irima goetarima. ²⁷ Cristoya kerere weregũ, bũro moã wajata baabũ. Irasũ moãgũ, ñerõ taribũ. Wãja pũrĩkererũ, irasũ moãnikõãbũ. Gajipoere ãboabũ. Ñemesibubũ. Gajipoere baabiritaunokõãbũ. Gajipoere bũro yũsamakũ, gajĩ surĩ sãñanemoburi marĩbũ.

²⁸ Irasũ ããrĩmakũ ãmũrikũ Jesũre bũremurĩ buri marãrẽ ããrĩpererogue ããrĩrãrẽ gũñarikũ. ²⁹ Irasirigũ sugũ gũñaturabi ããrĩmakũ ããgũ, yũ basi gũñaturabi irirosũ péñãa. Jesũre bũremugũrẽ ñerõ irimakũ irirã merã gua, Jesũre bũremugũrẽ gũyasĩrĩsãa.

³⁰ Musãrẽ yaamarẽ werenemogũ, yũ turabi ããrĩrĩrẽ masĩburo, ãrĩgũ, yũre waadeare

weregura. ³¹ Marĩ Opu Jesús Pagu, yu musârê ârĩgatori marĩrõ merã yaamarê wererire masĩmi. Īgûrêta: “Turatarigũ âârã”, ârĩ, usuyari sĩnikõârõ gããmea. ³² Yu Damascogue âârĩmakũ, iro marã opu Areta wãikugũ dokamu yure ñeãduadi âârãdimi. Yure ñeãduagu, iri makã turogue Īgûsã ùtã majĩrĩ merã weadea sãrĩrõma disipurorikũ surarare koredoredi âârĩmĩ. ³³ Yu merãmarã gapu puui wãri puui merã iri sãrĩrõ âârĩrĩ gobegue yure yótaudijuma. Irasirigũ, Īgûsã iritamurĩ merã yure ñerõ iriduarãrê duriwãgãkõãbu.

12

Pablo kërõ irirosũ ĩgũ ĩãdeare gojadea

¹ Marĩ basi: “Õãrõ masĩa”, ârĩ werenĩgorenarĩ wajamarĩkerepũ, marĩ Opu Jesús kërõ irirosũ yure ĩmudeare, ĩgũ yure masĩmakũ irideare werenemogura. ² Yu Cristore buremunugãdero purũ, Marĩpu yure ùmugasigue ĩgũ âârĩrõgue ãĩmurĩãmi. Irogue ãĩmurĩadero purũ, catorce bojorigora taria. Yu dupũ merã, o yu yũpũrã merãta irogue waagũ waakuyo, masĩbirikoa. Marĩpu dita masĩmi. ³⁻⁴ I gapure masĩa. Yure irogue ãĩmurĩagu, paraíso wãikurogue ãĩmurĩjami. Yu dupũ merã, o yu yũpũrã merãta yure irogue ãĩagu, ãĩagukumi, masĩbirikoa. Marĩpu sugũta irire masĩmi. Yu irogue âârĩgũ, ĩgũ masaka iripoegue neõ masĩbirideare werenĩrĩrê pébu. Iri, ĩgũ neõ sugũ masakure weredoreri meta âârĩbũ. ⁵ Irogue ĩgũ yure ãĩmurĩadeare gũyasĩrĩrĩ marĩrõ musârê weremasĩa. Yaama gapure weregu, gũyasĩrĩbokoa. Irasirigũ yu turabi âârĩrĩ direta werenemogura. ⁶ Yu basi yaamarê weredũamakũ, yu werenĩrĩ diaye âârĩbokoa. Niãrĩmasũ werenĩrĩ irirosũ âârĩbiribokoa. Yaamarê weremasĩkeregu, werebirikoa musã yure: “Gajerã nemorõ õãmi”, ârĩ gũñabirikõãburo, ârĩgũ. Yu iririkurire ĩãdero purũ, yu bueri gapure pédero purũ, musã yure: “Õãgorami”, ârĩ gũñamakũ gããmea.

⁷ Marĩpu yure ĩmudea õãtaribũ. Yu irire gũñagũ: “Gajerã nemorõ masĩa”, ârĩ gũñabokuyo. Marĩpu gapu irire gũñabirikõãburo, ârĩgũ, wãtẽa opu Satanás yaa dupure pũrĩrikamakũ iririre kãmutabiridi âârĩmĩ. Iri pũrĩrĩ poraru ñajãrõsũ pũrĩa. ⁸ Urea yu marĩ Opure: “Yure i pũrĩrĩrê tauka!” ârĩ sêrẽadibũ. ⁹ ĩgũ gapu yure ãsũ arĩmi: “Murẽ maĩsĩã, õãrõ iritamugura. Yu murẽ iritamurĩ neõ perebirikoa. ‘Turabea’, ârĩ gũñagũnorẽ yu turari merã õãrõ iritamua gajerã yu turarire masĩnemoburo, ârĩgũ”, ârĩmi. Irasirigũ yu turabi âârĩrĩrê usuyari merã weregũkoa Cristo ĩgũ turari merã yure õãrõ iritamunikõãburo, ârĩgũ. ¹⁰ Irasirigũ Cristoyagu yu âârĩrĩ waja pũrĩrĩ merã turabi âârĩsĩã, usuyari merã irire bokatĩũa. Gajerã yure ñerõ werenĩkerepũ, yu gããmerĩrẽ opabirikeregu, gajerã yure ñerõ irikerepũ, yure ñerõ waakerepũ, usuyari merã irire bokatĩũa. ãsũ âãrã. Yu, turari opabirimakũ, Cristo gapu yure ĩgũ turarire opamakũ yãmi ñerõ taririre bokatĩũburo, ârĩgũ. Irasirigũ usuyãa.

Pablo Corinto marãrẽ Jesũre buremurãrẽ ĩgũ gũñarikurire gojadea

¹¹ Yu basi yaamarê werenĩgũ: “Niãrĩmasũ irirosũ werenĩgũ iribũ”, ârĩ gũñãa. Musã gapu yure irasirimakũ iribũ. Musã yaamarê õãrõ werenĩmakũ, õãgorabokuyo. Musã yure õãrõ werenĩbirikerepũ, “Ubu âârĩgũ âârĩmi”, ârĩkerepũ: “Jesũ buedoregu pĩnerã âãrã”, ârĩgatorã yu nemorõ âârĩbema. ¹² Yu musã pũro âârĩgũ, musârê bure iritamudũari merã, wãri Marĩpu turari merã iririre iri ĩmubu, diayeta Jesús buedoregu pĩdi âârĩrĩrẽ masĩburo, ârĩgũ. ¹³ Gajerã Jesũre buremurĩ buri marãrẽ, musãdere sũrosũ iribũ. Yaa âârĩburire musârê niyeru wajaseabiribũ. Musã péñamakũ, ¿iri musârê ñegorari? Iri musârê ñemakũ, musârê: “Irire kãtika!” ârĩ sêrẽa.

¹⁴ Pea musã pũrogue ejasiabu. Daporare dupaturi yu irogue waaburire ãmugũ yãa. Irogue ejagu, musârê: “Niyeru yure sĩka!” ârĩ sêrẽbirikoa. Musãyare gããmebea. Cristoya gapure musã iritũyanemomakũ gããmea. ãsũ âãrã. Pagusãmarã ĩgûsã pũrãrẽ masũrã, ĩgûsã gããmerĩrẽ sĩma. Pũrã gapu pagusãmarãrẽ ĩgûsã gããmerĩrẽ sĩbema. ¹⁵ Irasirigũ musârê

y_u pūrā irirosū āārīrārē iritamugū āārīpereri y_u oparire sīmakū ōārokoa. M_usāya āārīburire, āārīpereri y_u turari merā m_usārē b_uro iritamud_uakoa. M_usārē y_u b_uro maīkerep_uru: “Īgūsā gap_u y_ure sīrūgā maīma”, ārī gūñāa.

¹⁶ Surāyeri m_usā watopegue āārīrā, y_u m_usārē sērēbirideare masīkererā, āsū ārīma: “G_uare sērēbirikereg_u, ārīgatori merā g_uayare āīadi āārīmī”, ārīma. ¹⁷ ĶM_usā p_urogue y_u iriunerā ārīgatori merā m_usāyare y_ure āiriyuri? M_usā masīkoa. Neō gajino m_usāyare āiribirinerā āārīmā. ¹⁸ Irin_ugue Titore m_usā p_urogue waadoreb_u. Gajig_u marīyagure Īgū merā iriub_u. Tito m_usā merā āārīgū, Ķgajino m_usāyare ārīgatori merā āārī? M_usā masīkoa. Neō āābiridi āārīmī. Īgū y_u irirosūta m_usārē iritamud_uag_u āārīmi.

¹⁹ Gajipoe irirā, y_u m_usārē gojarire buerā: “Pablosā Īgūsāyamarē wereri merā g_uare: ‘Ōāgorama Īgūsā’, ārī gūñadorerā yāma”, ārī gūñabokoa. Āārībea. G_ua Cristoyarā āārā. Irasirirā Marīp_u Īūrō m_usārē diayeta werea. Yaarā y_u maīrā, āārīpereri g_ua iriri merā m_usārē iritamud_uāa Cristoyare irit_uyanemoburo, ārīrā. ²⁰ Y_u m_usārē gūñarik_ua. Gajipoe irirā, y_u m_usā p_urogue ejamakū, y_u gāāmerōsū iribiribokoa. Irasirig_u y_ude m_usā gāāmerōsū iribiribokoa. Gajipoe irirā gāme guaseorikurā, gajerārē ĩaturirikurā, mata guarikurā, m_usāya āārīburi direta gūñarikurā, gajerārē ñerō kere wererikurā, ñerō ārī werew_uarikurā, “Gajerā nemorō āārā”, ārī weregorenarā, m_usā nerērōgue noō m_usā gāāmerō iririkurā āārībokoa. Gajipoe irig_u irasū āārīrārē bokajabokoa, ārīgū, irasū ārī gūñarik_ua. ²¹ Irasirig_u y_u m_usā p_urogue dupaturi ejamakū, Marīp_u m_usā ñerō iririkurī waja y_ure g_uyasīūrō tarimakū iribokumi. Wārā m_usā iro dupuyurogue gūñarīgue ñerī opadeare, ūma nome merā, nome ūma merā ñerō irideare, m_usā noō gāāmerō g_uyasīūrī ñerī irideare pirid_uaro marīrō iriwāgāmakū ĩāgū, b_uro b_ujawereri merā oreg_ukoa.

13

Pablo: “Āsū irika!” ārī ōādoretūnudea

¹ Dapora y_u m_usā p_urogue waarī merā _urea waarokoa. Irasirig_u m_usārē: “Marīp_uya werenīrī gojadea pūgue gojaderosūta āārīpererire iriro gāāmea”, ārī werea. Iri pūgue āsū ārī gojasūdero āārībú: “Pērā, o _urerā sug_u ñerō irideare ĩānerā oparāguere weresārō gāāmea”, ārī gojasūdero āārībú. ² Iro dupuyuro y_u m_usā p_urogue āārīgū, m_usā āārīpererā p_uerogue ñerō irirārē: “Wajamoāg_ura”, ārī weresiab_u. P_uru ejag_u, m_usārē irireta wereb_u doja. Daporadere yoarogue āārīkereg_u, goepeyaro merā irireta were gojāa doja. Mérōgā p_uru m_usā p_uro dupaturi waagū, y_u werederosūta ñerō irirārē diayeta wajamoāg_ura pama. ³ Y_u irasirimakū ĩārā, ire masīrākoa. Y_u m_usārē Cristo y_ure gūñarī sīrī merā werea. Cristo turabi āārībemi. Īgū turari merā m_usā watopegue ñerō irirārē wajamoāg_ukumi, Īgūsā ñerō iririre piriburo, ārīgū. ⁴ Diayeta āārā. Īgū turari opabi irirosū curusague pábiatūsū, boadi āārīmī. Irasū boakereg_u, daporare Marīp_u turari merā okami. G_uade Īgū āārīderosūta turamerā āārā. Irasū āārīkererā, Cristoyarā āārīsīā, Marīp_uya turari merā okāa Īgū turari merā m_usārē iritamumurā.

⁵ Irasirirā m_usā basi: “ĶDiayeta Jesucristore piriro marīrō b_uremurī y_u?” ārī gūñaka! Diayeta m_usā Jesucristoyarā āārīmakū, Īgū m_usā merā āārīmi. ⁶ Diayeta g_ua Jesucristoyarā, Īgū buedoreg_u pīnerā āārīrīrē m_usārē masīmakū gāāmea. ⁷ Irasirirā ñerō iribirikōāburo, ārīrā, Marīp_ure m_usāya āārīburire sērēbosāa. Īgūrē sērērā, m_usārē g_uare ōārō gūñadorerā meta yāa. M_usā g_uare ōārō gūñabirikerep_uru, Marīp_ure m_usāya āārīburire sērēbosāa, Īgū iritamurī merā ōārīrē iriburo, ārīrā. ⁸ Marīp_uya, diayema āārīrī āārā. Irasirirā Īgūyare keoro irimakū ĩārā, g_ua m_usārē: “Irire iribirikōāka!” neō ārīmasībirikoa. “Diayema direta irika!” ārīmasīa. ⁹ Irasirirā m_usā ōārō y_ujpūrākaturari merā Īgūyare keoro irimakū ōāgorāa. G_ua b_uro turari merā m_usārē: “Āsū gap_u irika!” ārīmasīmerā, _usuyāa. Marīp_ure m_usāya āārīburire sērēbosanīkōāa, Īgūyare keoro iriwāgānemoburo, ārīrā. ¹⁰ Irasirig_u m_usā p_urogue waaburi dupuyuro m_usārē i pūrē gojāa. Iroque ejag_u, m_usā ñerō iririre

piribirimakũ ããgũ, marĩ Opũ yũre dorederosũta mũsãrẽ buro wajamoãgũra. Pirimakũ ããgũ, wajamoãbirikoa. Marĩ Opũ yũre: “Yũ dorederosũta irika!” ãrĩ pĩmi. Mũsã ãgũrẽ buremunemomakũ gããmegũ, irasirimi. Mũsãrẽ poyanorẽmakũ gããmebemi.

¹¹ Yaarã, iropãta ããrã yũ mũsãrẽ gojari. Õãrõ ããrĩrikuka! Yũ dorerire õãrõ yũjũpũrãkũri merã keoro irika! Guaseori marĩrõ suro merã gũña, õãrõ siuñajãrĩ merã ããrĩka! Irasirigu Marĩpũ mũsãrẽ siuñajãrĩ sĩgũ, mũsãrẽ maĩgũ mũsã merã ããrĩgũkumi. ¹² Mũsã merãmarã merã õãrõ merã gãme mojõ ñeãka! ¹³ ããrĩpererã Jesũre buremurã õõgue ããrĩrã mũsãrẽ õãdorema.

¹⁴ Marĩ Opũ Jesucristo marĩrẽ õãrõ iritamugũ, Marĩpũ marĩrẽ maĩgũ, Õãgũ deyomarĩgũ marĩ merã ããrĩnĩgũ ããrĩpererã mũsã merã õãrõ ããrĩburo.

Iropãta ããrã.

Pablo

GÁLATAS

Pablo Galacia nikũ marãrẽ õãdoredea

¹⁻² Yũ Pablo, ããrĩpererã marĩyarã yũ merã ããrĩrã merã musãrẽ Galacia nikũgue ããrĩrãrẽ Jesũre bũremurãrẽ õãdore, gojáa. Jesucristo yũre ãgũyare buedoregũ beyepĩmi. Irasũ ããrĩmakũ, Marĩpũ ãgũrẽ boadiguere masũdi yũre pídi ããrĩmĩ, ãgũ magũyare bueburo, ãrĩgũ. Masaka yũre beyepĩbirima. ³ Marĩpũ ããrĩnĩgũ, marĩ Opũ Jesucristo musãrẽ õãrõ iritamu, siuñajãrĩ merã ããrĩrikũmakũ iriburo. ⁴ Jesucristo, Marĩpũ gããmederosũta irigũ, ãgũ basi marĩ ñerĩ iridea waja boabosadi ããrĩmĩ, í ùmũ marã ñerĩ irirã irirosũ irinemobirikõãburo, ãrĩgũ. ⁵ Irasirirã ùmũrikũ Marĩpũre: “Õãtaria mũ”, ãrĩ, usũyari sĩnĩkõãrã! Irasũta irirã!

Cristo sugũta marĩrẽ taugũ ããrĩmĩ, ãrĩ gojadea

⁶ Marĩpũ musãrẽ maĩgũ, Cristore bũremunũgãdoregũ siiudi ããrĩmĩ musãrẽ peamegue waabonerãrẽ taubu. Musã gapũ, ãgũ irasirikerepũrũ, matagora ãgũ Cristo merã masakare tauri kerere bũremuduũrã irikoa. Gaji bueri gapũre tuyakoa. Musã irasiririre pẽgũ, bũro pẽgũkãa. ⁷ Gajerã musãrẽ, musã Cristoya kerere bũremunũgãdeare bũremuduũdorerã: “Gaji ããrã marĩrẽ tauri kere”, ãrĩgato, werema. Marĩrẽ gaji tauri kere máa. Cristore bũremurĩ merãta marĩ tarimasĩa. ⁸ Gũa musãrẽ Marĩpũ Cristo merã marĩrẽ tauri kerere werebũ. “Gaji ããrã marĩrẽ tauri kere”, ãrĩgato, wererãrẽ Marĩpũ bũro wajamoãburo. Yũ, o Marĩpũre wereboegũ ùmũgasiguemũ musãrẽ irasũ ãrĩgato, weremakũdere wajamoãburo. ⁹ Musãrẽ ire weresiabu. Weredi ããrĩkeregũ, dupaturi musãrẽ werenemoduakoa doja. Sugũ, gũa Marĩpũ Cristo merã marĩrẽ tauri kerere musãrẽ weredeare: “Diaye ããrĩbea, gaji ããrã marĩrẽ tauri kere”, ãrĩgato, weremakũ, Marĩpũ ãgũrẽ perebiri peamegue wajamoãburo.

¹⁰ Yũ ire weregũ, Marĩpũ gããmerõsũta buea. Masaka yũre: “Õãrõ weremi”, ãrĩdoregu meta buea. Irasũ ãrĩdoregũ tamerã Cristoyare iribiribokoa. ãgũrẽ moãboegũ meta ããrĩbokoa.

Pablo: “Jesucristoya kerere weredoregũ Marĩpũ yũre pími”, ãrĩ werede

¹¹ Yaarã, musãrẽ ire masĩmakũ gããmea. Yũ musãrẽ Marĩpũ Cristo merã marĩrẽ tauri kerere bueri, masaka ãgũsã basi ãgũsã gũñarĩ merã bueri meta ããrã. ¹² Iri kerere neõ sugũ masakũ yũre werebirimi. Neõ sugũ masakũ yũre irire buebirimi. Jesucristo ãgũ basi yũre irire masĩmakũ irimi.

¹³ Musã, yũ iripoegue judío masaka ãgũsã bũremurĩrẽ iririkũdeare pẽunakuyo. Yũ Marĩpũyarãrẽ Jesũre bũremurãrẽ ñerõ iridũari merã ãgũsãrẽ bũro ããturitũyaunabu. ãgũsã Jesũre bũremurĩrẽ peodũagũ irasiriunabu. ¹⁴ Yũ, judío masaka ãgũsã bũremurĩrẽ õãrõ iririkũunakubu. Gajerã, yũ merãmarã nemorõ gũa ñekũsãmarã iririkũunadeare iritarinũgãunakubu. ¹⁵ Yũ irasirikũkerepũrũ, Marĩpũ, yũ deyoaburi dupuyuro yũre beyesiadi ããrĩmĩ ãgũyagũ ããrĩburo, ãrĩgũ. Irasirigũ ãgũ yũre bũro maĩrĩ merã ãgũ gããmerõsũ iridoregũ siiumi. ¹⁶ ãgũ irasiriderosũta keoro ãgũ magũrẽ yũre masĩmakũ irimi, judío masaka ããrĩmerãrẽ ãgũ magũ merã ãgũsãrẽ tauri kerere weredoregũ. I yũre irasũ waadero pũrũ, gajerãrẽ: “¿Nasirigũkuri yũ?” ãrĩ sãrẽñagũ waabiribũ. ¹⁷ Jerusalẽgue ããrĩrãrẽ Jesucristo yũ dupuyuro ãgũyare buedoregũ beyepĩnerãdere sãrẽñagũ waabiribũ. Ubu gapũ Arabia nikũgue diaye waakõãbu. Pũrũ Damasco goedujãabu doja.

¹⁸ Ñre bojori tariadero pũrũ, Jerusalẽgue Pedrore ããgũ waabu. Pe semanata ãgũ merã ããrĩbũ. ¹⁹ Irogue ããrĩgũ, gajerã Jesucristo ãgũyare buedoregũ beyepĩnerãrẽ neõ ããbiribũ. Marĩ Opũ Jesucristo pagũmũ Santiago direta ããbu. ²⁰ Marĩpũ ããrõ musãrẽ gojáa. Yũ gojari, ãrĩgatori meta ããrã.

²¹ Jerusalégue aãrĩdi Siria nikũgue, Cilicia nikũgue waabu. ²² Iripoere Judea nikũgue aãrĩrã Jesucristore b̄remurĩ buri marã yure iãmasĩbirima. ²³ Yaa kere diretta pénerã aãrĩmá. Īgūsārē yaamarē wererã àsũ arĩ werenerã aãrĩmá: “Sõõ aãrĩdeapoe guere marĩrē ñerõ iriduarĩ merã b̄ro iãturitayadi, marĩ Jesucristore b̄remurĩrē peod̄adi daporague masakare: ‘Jesucristore b̄remuka!’ arĩ weregorenagũ iriayupũ”, arĩ werenerã aãrĩmá. ²⁴ Irasirirã Judea nikũgue aãrĩrã Jesucristore b̄remurã yũ ĩgũrē b̄remurĩrē pérã, Marĩp̄re usuyari s̄nerã aãrĩmá.

2

Jesús buedoregũ pínerã Pablöre õãrõ bokatĩrĩñeãdea

¹ Catorce bojori p̄rũ, dupaturi Jerusalégue Bernabé merã waabu doja. Tito wãikũgũdere aĩabu. ² Marĩp̄rũ yure irogue waadoremi. Irasirigũ irogue waabu. Iroguere eja, Jesúre b̄remurã oparã merã dita nerē, werenĩbu. Judío masaka aãrĩmerãrē Marĩp̄rũ Cristo merã marĩrē tauri kerere yũ buedeare ĩgūsārē werebu. Yũ neõgorague buenagãdeare, dapora yũ buerire: “Diaye aãrã, õãgorãa”, arĩ masĩburo, arĩgũ, irasũ arĩ werebu. Gajerã yũ buerire: “Wajamáa”, arĩrĩ, arĩgũ, irasũ arĩ werebu. ³ Titodere, ĩgũ judío masakũ aãrĩbirikerep̄rũ: “Gũa judío masaka iririkũrosũ dupũma gasirogãrē* wiiriro gããmea”, neõ arĩbirima. ⁴ Irire dorebirikerep̄rũ, gajerã ubu arĩboerã gapũ: “Moisés doredederosũta dupũma gasirogãrē wiiriro gããmea”, arĩma. Īgūsã Jesúre b̄remugatorã, irigatorimasã aãrĩmá. Irasirirã, gũa judío masaka aãrĩkererã Jesúre b̄remurã iririre iãmurã gũa nerẽrõgue gũa merã nerẽnama. “Gũare peamegue waabonerãrē tausũmurã, Jesucristore b̄remurõ gããmea. Moisés doredeare iriri merã tausũbirikoa”, arĩmakũ iãma. Irire iãrã: “Moisés doredeare irirã dita tausũrãkuma, irasirirã ĩgũ doredeare irika!” arĩma. Gũare irire b̄remudorerã, irasũ arĩma. ⁵ Īgūsã gũare irasũ dorekerep̄rũ, neõ ĩgūsã dorerire iribiribu. Gũa musãrē Jesucristore b̄remurĩ merã dita tausũrãkoa, arĩrĩ kerere: “Diaye aãrã”, arĩ b̄remunĩmakũ gããmea. Irasirirã ĩgūsã dorerire neõ iribiribu.

⁶ Jesúre b̄remurã oparã yure: “Àsũ gapũ wereka!” arĩbirima. “Judío masaka aãrĩmerãrē: ‘Gũa ñekũsãmarãrē Moisés iridoredeare iriro gããmea’, arĩ wereka!” arĩbirima. Īgūsārē masaka b̄remukerep̄rũ, Marĩp̄rũ aãrĩpererãrē s̄rosũ iãmi. Irasirigũ: “Īsã oparã, yũ nemorõ aãrĩma”, arĩ gũñabiribu. “Marĩp̄rũ ĩgūsārē beyederosũta yũdere beyemi”, arĩ gũñabu. ⁷ Oparã irasũ yure: “Àsũ gapũ wereka!” arĩrõno irirã, yure iãmasĩ, àsũ arĩma: “Mũde, Marĩp̄rũ judío masaka aãrĩmerãrē Jesucristoya kerere weredoregũ beyepĩdita aãrã. Marĩp̄rũ Pedrore judío masakare iri kerere weredederosũta mũdere iri kerere weredoreñumi”, arĩma yure. ⁸ Marĩp̄rũ Pedrore judío masakare Jesucristoya kerere weredoregũ iriudi aãrĩmĩ. Īgũta yũdere judío masaka aãrĩmerã p̄ro iri kerereta weredoregũ iriumi.

⁹ Jerusalégue Jesúre b̄remurã urerã oparã: Santiago, Pedro, Juan wãikũrã aãrĩmá. Gajerã oparã nemorõ aãrĩmá. Īgūsã yure Marĩp̄rũ ĩgũ maĩrĩ merã beyepĩdi yũ aãrĩmakũ iãmasĩ, yure, Bernabédere õãrõ bokatĩrĩ: “Marĩ s̄rosũ moãrãkoa”, arĩma. “Musã Jesucristoya kerere judío masaka aãrĩmerãrē wererã waaka!” arĩma. “Gũa gapũ judío masakare wererãkoa”, arĩma. ¹⁰ Gũare: “Bopoñarãrē iritamuka!” arĩrĩ diretta werema. I dita aãrĩbũ: “Yũ õãrõ irigura”, arĩ, b̄ro gũñadea.

Pablo Pedrore Antioquíague weredea

¹¹ P̄rũ gũa Antioquía wãikũri makãgue aãrĩripoe Pedro ejami. Īgũ irogue ejadero p̄rũ keoro iribirimakũ iã, ĩgũguereta turaro merã werebu. ¹² Iro dupuyuro ĩgũ

* **2:3** Gn 17.1-14: Iripoegue Marĩp̄rũ Abrahãrē ĩgũ pũrã ãmarē: “Yaarã aãrĩburo”, arĩgũ, ĩgūsãya dupũma gasirogãrē wiiridoredi aãrĩmĩ. P̄rũ iri dorerire Moisére pĩdi aãrĩmĩ. Irasirirã judío masaka Abraham parãmerã aãrĩturiarã iri dorerire irirã, ĩgūsã pũrã ãmarē su mojõma pere gaji mojõ ureru p̄rẽbejarinurĩ waarõ merã ĩgūsã deyoadero p̄rũ irasũ yãma.

irogue aarĩgũ, judío masaka aarĩmerã Jesúre buremurã merã baa, aarĩrikukõãyupu. Īgũ irasiriripoe gajerã judío masaka Santiago iriunerã ejañurã. Īgũsã ejamakũ iã, judío masaka aarĩmerã merã aarãdi aarĩduúkõãyupu: “Yure turibokuma”, aarĩgũ. Iroque ejanerã judío masaka aarĩmerãrẽ: “Moisés dorederosũta dupuma gasirogãrẽ wiiri ro gããmea”, aarĩ weregorenarã iriñurã. Irasirigu Pedro, Antioquía marã Īgũsãya dupuma gasirogãrẽ wiirisũbirinerã aarĩmakũ, Īgũsã merã baa, aarĩrikuadi duúkõãyupu. ¹³ Īgũ irasirimakũ iãrã, gajerã judío masaka Jesúre buremurã, Īgũ irirosũta irigatori merã iriñurã. Judío masaka aarĩmerã merã aarĩrikanerã, Īgũsã merã baanerã baanemobiriñurã. “Īgũsã merã baaduúmakũ õãbea”, aarĩ masĩkeregu, Bernabéde Īgũsã irirosũta iriyupu. ¹⁴ Īgũsã: “Jesucristore buremurĩ merã dita tausũrãkoa”, aarĩri kerere masĩkererã, keoro iribirima. Irasirigu, irire iã, Pedrorẽ aarĩpererã Jesucristore buremurã iũrõgue burõ turaro merã aũũ aarĩ werebu: “Mũ judío masakũ aarĩkeregu, judío masaka aarĩmerã irirosũta Īgũsã merã baa, aarĩkõãbu. Mũ irasirigu, Moisés marĩrẽ judío masakare iridoredorosũ iribiribu. ¿Nasirigu judío masaka aarĩmerã gapure: ‘Gũa judío masaka iririkurire irika!’ aarĩdũari?” aarĩbu Īgũrẽ.

Āarĩpererã Jesúre buremurã tausũrãkuma, aarĩ gojadea

¹⁵ Gũa neõ deyoarãgueta judío masaka aarĩsianerã aarĩbũ. Gaji buri marã irirosũ Marĩpu Moisére doreri pídeare tarinũgãbea. ¹⁶ Irasũ aarĩkererã, ire masĩa. Marĩpu Moisére Īgũ doreri pídeare masaka irimakũ meta Īgũsãrẽ: “Õãrã, waja opamerã aarĩma”, aarĩ iãmi. Masaka Jesucristore buremumakũ, Marĩpu Īgũsãrẽ: “Õãrã, waja opamerã aarĩma”, aarĩ iãmi. Irasirirã guade Jesucristore buremunũgãbu. Īgũrẽ buremumakũ, Marĩpu guadere: “Õãrã, waja opamerã aarĩma”, aarĩ iãmi. Marĩpu, iri doreri pídeare gũa irimakũ meta guare irasũ aarĩ iãmi. Neõ sugũ masakũ iri doreri pídeare iripeomasĩbemi. Irasirigu Marĩpu neõ sugũre: “Yũ dorerire iripeokõãmi, irasirigu Īgũrẽ: ‘Õãgũ aarĩmi’, aarĩ iãa”, aarĩbirikumi.

¹⁷ Irasirirã: “Gũa Jesucristore buremumakũ, Marĩpu guare: ‘Õãrã, waja opamerã aarĩma’, aarĩ iãmi”, aarĩrã: “Gũa judío masakade Marĩpu Moisére doreri pídeare iripeobirikoa, irasirirã guade ñerõ yáa”, aarĩ masĩa. ¿Iri irasũ aarĩ masĩrã: “Jesucristore buremusĩã, ñerõ irikerepuru, õãgoráa”, aarĩrã yári? Iri neõ aarĩbea. Jesucristo guare Īgũrẽ buremurãrẽ ñerõ siiu irigu meta aarĩmi. ¹⁸ Irasirigu masakare aũũ aarĩ werea. “Jesucristore buremumakũ, Marĩpu mũsãrẽ: ‘Õãrã, waja opamerã aarĩma’, aarĩ iãmi” aarĩ werea. “Marĩpu Moisére Īgũ doreri pídeare mũsã irimakũ, mũsãrẽ: ‘Õãrã, waja opamerã aarĩma’, aarĩ iãmi”, aarĩgũ meta yáa. Īgũsãrẽ: “Marĩpu Moisére doreri pídeare mũsã iriri merã Marĩpu iũrõ waja opabirikoa”, aarĩgũ, yũde waja opabokoa irire iripeobirisĩã.

¹⁹ Iripoeguere: “Yũ, Marĩpu Moisére doreri pídeare irigu, Īgũ iũrõ waja opabi aarĩgũkoa”, aarĩ gũñadibu. Irasũ aarĩ gũñakeregu, bokatĩũbirikubu. Waja opagu, peamegue waa-bodi aarĩbũ. Daporare: “Iri dorerire iriri merã Marĩpu merã õãrõ aarĩ, Īgũ gããmerĩrẽ yáa”, aarĩ masĩa. ²⁰ Jesucristo Marĩpu magũ yure maĩgũ curusague boagu, yũ ñerõ iridea wajare wajaribosadi aarĩmi. Yũ Īgũyagu aarĩsĩã, Īgũ boaderosũta yũde Īgũ merã boadi irirosũ waadi aarĩbũ. Sugũ boagu Īgũ iridũarire neõ irinemomasĩbi irirosũ waadi aarĩbũ. Irasirigu Cristore buremusĩã, yũ iridũarire piri, Īgũ turaro merã Īgũyare irigu yáa. ²¹ Yũ: “Marĩpu Cristo merã marĩrẽ õãrõ iritamudi aarĩmi”, aarĩ buremurĩrẽ piridũabea. Marĩpu Moisére Īgũ doreri pídeare marĩ iriri merã waja opabirimakũ, Cristo marĩ ñerõ iridea waja boabosadea wajamarĩbokuyo.

3

¿Moisés doredeare iriri merã, o Jesucristore buremurĩ merã Marĩpuyarã aarĩrĩ? aarĩ gojadea

¹ Mũsã Galacia marã pémasĩmerã irirosũ irirã yáa. ¿Nasirirã ãrĩgatorimasã buerire pénuġãrĩ? Ĩġũsã buerire pésĩã, Jesucristoya diayema kerere bũremurĩrẽ pirirã yáa. Gũa, mũsã pũrogue ããrĩrã, mũsãrẽ Jesucristo curusague boadea kerere diaye werebũ. Iri gũa wererire mũsã õãrõ pébũ. ² Irasirigũ mũsãrẽ ire sërẽñadũakoa. ¿Mũsã Moisés doredeare iriri merã Õãġũ deyomarĩġũrẽ opanũġãrĩ? Ĩġũrẽ opabiribũ. Jesucristoya kerere péã, Ĩġũrẽ bũremunũġãrã, Õãġũ deyomarĩġũrẽ opanũġãbũ. ³ ¿Nasirirã daporare pémasĩmerã irirosũ irirã yãri? Mũsã Jesucristore bũremurã Õãġũ deyomarĩġũ iritamurĩ merã Marĩpũ dorerire irinũġãbũ. ¿Nasirirã daporare Ĩġũ iritamurĩ marĩrõ mũsã basi mũsã turari merã iri dorerire iripeodũari? ⁴ ¿Mũsã Jesucristore bũremunũġãripoe gajerã mũsãrẽ ñerõ tarimakũ irideare ġũñaberi? Daporare Ĩġũya kerere bũremuduúrã: “Ubugora irire bũremubũ”, ¿ãrĩ ġũñarĩ? ⁵ Marĩpũ mũsãrẽ Ĩġũyagũre Õãġũ deyomarĩġũrẽ iriudi ããrĩmĩ. Õãġũ deyomarĩġũ mũsã merã ããrĩmakũ, Marĩpũ Ĩġũ turari merã mũsã watopeguere wãri iri ĩmurĩrẽ irigũ yãmi. Mũsã Moisés doredeare irimakũ, ¿irasirigũ yãri? Iribemi. Mũsã Jesucristoya kerere pé bũremumakũ gapũ irasũ yãmi.

⁶ Abraham Marĩpũre bũremumakũ, Marĩpũ Ĩġũrẽ: “Õãġũ, waja opabi ããrĩmĩ”, ãrĩ ĩãdi ããrĩmĩ. ⁷ Irasirirã mũsã ire masĩka! Abraham Marĩpũre bũremuderosũta bũremurãno Abraham parãmerãgora ããrĩma. ⁸ Marĩpũya werenĩrĩ gojadea pũgue judío masaka ããrĩmerãdere Ĩġũsã Marĩpũre bũremumakũ, Marĩpũ Ĩġũsãrẽ: “Õãrã, waja opamerã ããrĩma”, ãrĩ ĩãburire gojasiasũdero ããrĩbũ. Marĩpũ Abrahãrẽ irire weregũ, ãsũ ãrĩdi ããrĩmĩ: “Yũ, mũ merã ããrĩpereri buri marãrẽ õãrõ irigura”, ãrĩdi ããrĩmĩ. ⁹ Abraham Marĩpũre bũremumakũ, Marĩpũ Ĩġũrẽ õãrõ iridi ããrĩmĩ. Irasirigũ daporadere ããrĩpererã Ĩġũrẽ bũremurãnorẽ õãrõ yãmi.

¹⁰ “Moisés doredeare irimakũ, Marĩpũ marĩrẽ: ‘Õãrã, waja opamerã ããrĩma’, ãrĩ ĩãġũkumi”, ãrĩ ġũñarãnorẽ Marĩpũ wajamoãġũkumi. Marĩpũya werenĩrĩ gojadea pũgue irimarẽ ãsũ ãrĩ gojasũdero ããrĩbũ: “Ããrĩpereri Moisés doredeare iripeomerãno wajamoãsũrãkuma”, ãrĩ gojasũdero ããrĩbũ. ¹¹ Neõ sugũ Moisés doredeare iripeomasĩġũ mámi. Irasirigũ Marĩpũ neõ sugũre: “Yũ dorerire iripeokõãmi, irasirigũ Ĩġũrẽ: ‘Õãġũ ããrĩmĩ’, ãrĩ ĩãã”, ãrĩbirikumi. Irire marĩ masĩa. Marĩpũya werenĩrĩ gojadea pũgue ãsũ ãrĩ gojasũdero ããrĩbũ: “Marĩpũ Ĩġũrẽ bũremurãrẽ: ‘Õãrã, waja opamerã ããrĩma’, ãrĩ ĩãmi. Irasirirã Ĩġũ merã õãrõ ããrĩnĩkõãrãkuma”, ãrĩ gojasũdero ããrĩbũ. ¹² Moisés doreri gojadea pũgue: “Marĩpũre bũremugũno Marĩpũ ĩũrõ waja opabi ããrĩmĩ”, neõ ãrĩ gojasũbiribũ. ãsũ gapũ ãrĩ gojasũdero ããrĩbũ: “Ããrĩpereri Moisés doredeare iripeogũno, Marĩpũ merã õãrõ ããrĩnĩkõãġũkumi”, ãrĩ gojasũdero ããrĩbũ. Iri dorerire iripeobi gapũre Marĩpũ Ĩġũrẽ: “Yũ ĩũrõ waja opami, yũ merã neõ õãrõ ããrĩbirikumi”, ãrĩ ĩãġũkumi.

¹³ Irasirigũ, marĩ ããrĩpererã Moisés doredeare iripeobirimakũ, Marĩpũ marĩrẽ: “Iri dorerire iripeobema”, ãrĩġũ: “Waja opama”, ãrĩdi ããrĩmĩ. Irasirigũ Jesucristo curusague pábiatúsũġũ, waja opagũ irirosũ marĩrẽ wajamoãbodeare boa, wajaridi ããrĩmĩ. Marĩpũya werenĩrĩ gojadea pũgue ãsũ ãrĩ gojasũdero ããrĩbũ: “Sugũ yukũgue siasiusũadi, Marĩpũ wajamoãdoreadi ããrĩmĩ”, ãrĩ gojasũdero ããrĩbũ. Jesucristo boari merã marĩ ñerõ iridea wajare taudi ããrĩmĩ. ¹⁴ Ĩġũ marĩ ñerõ iridea wajare boa, wajaribosadea merã Marĩpũ Abrahãrẽ: “Irasũta irigura”, ãrĩderosũta judío masaka ããrĩmerãdere iridi ããrĩmĩ. Irasirigũ Ĩġũ ãrĩderosũta marĩrẽ Jesucristore bũremurãrẽ: “Õãrã, waja opamerã ããrĩma”, ãrĩ ĩã, Õãġũ deyomarĩġũrẽ sĩdi ããrĩmĩ marĩ merã ããrĩburo, ãrĩġũ.

Marĩpũ: “Abraham merã ãsũ irigura”, ãrĩdea

¹⁵ Yaarã, masaka Ĩġũsã iririkũrere, su keori merã mũsãrẽ weregũra. Ĩġũsã: “Ãsũ irirã!” ãrĩ, oparã pũro papera ãmukuma. Ĩġũsã irire ãmuadero pũrũ, neõ gajerã Ĩġũsãrẽ: “I pũrẽ béokõãka! ãsũ gapũ gojaka!” ãrĩbirikuma. ¹⁶ Marĩpũ Abrahãrẽ Ĩġũ ãrĩdea, i irirosũta ããrã.

Gajerã ìgũ àrĩdeare neõ béomasĩbema. Àsũ àrĩ weredi àãrĩmĩ ìgũrẽ: “Mũ parãmi àãrĩturiagu merã àãrĩpereri buri marãrẽ õãrõ irigũra”, àrĩdi àãrĩmĩ. “Mũ parãmerã àãrĩturiarã merã õãrõ irigũra”, àrĩbiridi àãrĩmĩ. Ubu gapũ: “Mũ parãmi àãrĩturiagu sugũ merãta irasirigũra”, àrĩdi àãrĩmĩ. Irasũ àrĩgũ, Jesucristore àrĩgũ iridi àãrĩmĩ. ¹⁷ Yũ musãrẽ wereri àsũ àrĩduaro yáa. Marĩpũ Abrahãrẽ masakare ìgũ õãrõ iriburire weredi àãrĩmĩ. Pũrũ cuatrocientos treinta bojori pũrũ, Marĩpũ ìgũ doreri Moisére pídi àãrĩmĩ. Irire pígu, Abrahãrẽ: “Yũ irasirigũkoa”, àrĩdeare peremakũ iribiridi àãrĩmĩ. ¹⁸ Marĩpũ, Moisés doredeare irirã direta: “Yũ merã õãrõ àãrĩrãkuma”, àrĩmakũ, ìgũ Abrahãrẽ àrĩdea wajamarĩbokuyo. Irasũ àãrĩbea. Marĩpũ Abrahãrẽ maĩgũ wajamarĩrõ ìgũ: “Àsũ irigũra”, àrĩdeare keoro iridi àãrĩmĩ. ((“Àãrĩpererã mũ irirosũ yũre bũremurãrẽ yũ merã õãrõ àãrĩmakũ irigũra”, àrĩdi àãrĩmĩ.))

¹⁹ Iro merẽ, ¿nasirigũ Marĩpũ ìgũ dorerire Moisére píyuri? Masaka ñerõ irirã, waja oparã àãrĩrĩrẽ ìgũsãrẽ masĩdoregu irire pídi àãrĩmĩ. Abraham parãmi àãrĩturiagu Jesucristo aariripoegue Marĩpũ masakare: “Àsũ irika!” àrĩ pítũnudi àãrĩmĩ. Jesucristo aarimakũ, Marĩpũ Abrahãrẽ: “Mũ parãmi àãrĩturiagu merã àãrĩpereri buri marãrẽ õãrõ irigũra”, àrĩdea keoro waabũ. Marĩpũ ìgũ dorerire ìgũrẽ wereboerãrẽ Moisére weredoredi àãrĩmĩ. Irasirigũ Moisés irire pégu, masakare wereturiadi àãrĩmĩ. ²⁰ Marĩpũ Abraham parãmi àãrĩturiagu merã masakare õãrõ iriburire gajerãgue merã Abrahãrẽ weredorebiridi àãrĩmĩ. ìgũ basita weredi àãrĩmĩ. ((Irasiriro Abrahãrẽ ìgũ weredea gapũ, Moisére ìgũ dorerire pídea nemorõ àãrã.))

Pablo, Moisés doredeare weredea

²¹ Iro merẽ, Marĩpũ Abrahãrẽ weredea, ìgũ dorerire Moisére pídea nemorõ àãrĩmakũ, ¿ìgũ dorerire Moisére pídea gapũ wajamarĩyuri? Irasũ àãrĩbiridero àãrĩbú. Àsũ gapũ àãrã. Masaka àãrĩpereri Moisés doredeare iripeori merã Marĩpũ merã õãrõ àãrĩmasĩmakũ, Marĩpũ irire iripeorãrẽ: “Õãrã, waja opamerã àãrĩma”, àrĩ ìãbodi àãrĩmĩ. ²² Marĩpũya werenĩrĩ gojadea pũgue irimarẽ àsũ àrĩ gojasũdero àãrĩbú: “Masaka àãrĩpererã ñerõ irirã, waja oparã àãrĩma”, àrĩ gojasũdero àãrĩbú. Irasirigũ Marĩpũ Abrahãrẽ: “Mũ parãmi àãrĩturiagu merã àãrĩpereri buri marãrẽ õãrõ irigũra”, àrĩderosũta irigũkumi. Àãrĩpererã Jesucristore bũremurãrẽ: “Õãrã, waja opamerã àãrĩma”, àrĩ ìãgũkumi.

²³ Marĩ Jesucristoya kerere pé, ìgũrẽ bũremuburi dupuyuro Marĩpũ ìgũ dorerire Moisére pídea direta masĩnerã àãrĩbú. Irasirirã marĩ ñerõ iridea waja peresugue do-bosũnerã marĩrẽ peresu iridi doreri direta masĩrã irirosũ àãrĩnerã àãrĩbú. ²⁴ Marĩpũ ìgũ dorerire Moisére pídea merã marĩ iri dorerire iripeomerã àãrĩrĩrẽ masĩmakũ iridi àãrĩmĩ. Pũrũ Cristoyare masĩmakũ iridi àãrĩmĩ ìgũrẽ bũremumakũ, marĩrẽ: “Õãrã, waja opamerã àãrĩma”, àrĩ ìãbu. ²⁵ Daporare Jesucristore bũremua. Irasirirã ìgũrẽ bũremusĩã: “Marĩpũ Moisére ìgũ doreri pídeare marĩ irimakũ meta marĩrẽ: ‘Õãrã, waja opamerã àãrĩma’, àrĩ ìãmi”, àrĩ masĩã.

²⁶ Irasirirã musã àãrĩpererã Jesucristore bũremurĩ merã ìgũyarã àãrĩsĩã, Marĩpũ pũrã àãrã. ²⁷ Musã àãrĩpererã deko merã wãiyesũnerã àãrĩbú musã Cristoyarã àãrĩrĩrẽ ìmumurã. Irasirirã ìgũyarã àãrĩsĩã, ìgũ irirosũ àãrĩrikũ. ²⁸ Marĩ àãrĩpererã ìgũyarã àãrĩsĩã, sugũyarãta àãrã. Irasirigũ Marĩpũ judío masakare, judío masaka àãrĩmerãdere, moãboerimasãrẽ, moãboemerãdere, ùmarẽ, nomedere sũrosũta ìãmi. Irasiriro marĩrẽ Jesucristoyarãrẽ dukawari masĩña máa. ²⁹ Marĩ Cristoyarã àãrĩsĩã, Abraham parãmerã àãrĩturiarã àãrã. Irasirigũ Marĩpũ Abrahãrẽ: “Mũrẽ õãrõ irigũra”, àrĩderosũta marĩdere irigũkumi. Marĩ Cristoyarã àãrĩmakũ, marĩrẽ irasirigũkumi.

4

¹ Musãrẽ i keori merã wereduakoa. Sugũ majĩgũ àãrĩpereri ìgũ pagũyare opaturiyabu àãrĩkeregũ, majĩgũ àãrĩsĩã, sugũ moãboegũ irirosũ àãrĩkumi. ² Gajerã ìgũrẽ,

Īgūya āārīburidere ĩāduripībosakuma. Irasirigu, ĩgūsā doreri doka āārīkumi. Sunu ĩgū pagu, ĩgū boaburi dupuyuro ĩgūya āārādeare ĩgū magūrē wiaburinurē werepīkumi. “Inu ejamakū, āārīpereri yaa āārīdeare yu magūrē wiaka!” āārīkumi. Irasirirā irinu ejamakū, ĩgūrē wiakuma pama. ³ Marīde Jesucristore b̄remuburi dupuyuro marī ñekūsāmarā i ūmumarē buerire iritayarā, majīgū ĩgū āārīderosū marī ñekūsāmarā doreri doka āārīunanerā āārībú. Irasirirā gajerārē moāboerā irirosū āārīnerā āārībú. ⁴ Irasū āārīkerepuru, Marīpu gapu ĩgū: “Āsū irigura”, āārīdeanu ejamakū, keoro ĩgū magūrē i ūmuguere iriudi āārīmí. ĩgū iriumakū, sugo nomeōguere deyoadi āārīmí. ĩgū judío masaku āārīsīā, Marīpu doreri Moisére pīdeare iridi āārīmí. ⁵ Marīpu ĩgū magūrē, marī iri dorerire iripeobiri wajare boa, wajaribosadoregu iriudi āārīmí ĩgū pūrā waaburo, āārīgū.

⁶ Irasirigu Marīpu marīrē: “Yu pūrā āārīsīama”, āārīgū, ĩgū magū Jesucristo merā Ōāgū deyomarīgūrē iriudi āārīmí. Irasirirā Ōāgū deyomarīgū iritamurī merā Marīpūre: “Guapu”, āārī masīa. ⁷ Marī, Marīpu pūrā āārīsīā, moāboerimasā irirosū āārībea pama. Irasirirā āārīpereri Marīpu ĩgū magū Cristo iridea merā marīrē ĩgū pūrārē sīburire ñeārākoa.

Pablo Jesúre b̄remurārē Galaciague āārīrārē gūñarikudea

⁸ Iripoeguere musā Marīpūre masībirisīā, gajerānorē b̄remunerā āārībú. ĩgūsārē b̄remurā, ĩgūsā doreri doka āārītuuyanírā irirosū āārīnerā āārībú. Marīpūgorare b̄remubirinerā āārībú. ⁹ Dapora musā Marīpūre masīa. ĩgū musārē masīgū ĩgūrē masīmakū iridi āārīmí. Musā ĩgūrē masīsīā, musā iripoegue ubu āārīrērē b̄remudeare b̄remuduúkōānerā āārībú. Irasirikererā, daporare Moisés doredeare iripeoduarā, musā ubu āārīrērē b̄remupurorideare b̄remurā irirosū irirā yāa. ¿Nasirirā irire irasirirā yāri? ¿Nasirirā dupaturi moāboerimasā irirosū āārīduari doja? ¹⁰ Musāde, Marīpu merā ōārō āārīduarā, judío masaka bosenuārī irinarōsūta iriadīkoa. Iri bosenuārērē irirā, siuñajārīnurīku, abe deyoarikū, gajinurī bosenuarīku, bojorīku bosenuārērē irīkoa. ¹¹ Musā irasirimakū pégu: “¿Yu ĩgūsārē ubugora bueyuri?” āārīgū, b̄ro musārē gūñarikua.

¹² Yaarā, yu musārē āsū irimakū gāāmea. Musā judío masaka āārībirisīā, Moisés doredeare iribirinerā āārībú. Yude, judío masakū āārīkeregu, musā iriderosūta iri dorerire irībea. Irasirigu dupaturi musādere yu irirosū irimakū gāāmea. Marī Jesucristore b̄remusīā, Marīpu merā ōārō āārīmasīa. Yu musārē Jesucristoyare buemakū, musā yure neō ñerō iribirību. ¹³ Musā masīa. Yu, Jesucristo masakare tauri kerere musārē buepurorigu, pūrīrikūbu. ¹⁴ Yu pūrīrikūmakū musārē diasagorabu. Irasū āārīkerepuru, musā yure ĩāturi doobirību. Ubu gapu Marīpūre wereboegure irirosū ōārō bokatīrīñeābu. Jesucristore irirosū yure ōārō irību. ¹⁵ Musā yu merā usuyari opadea, ¿naāsū waāari? Ire yu masīa. Musā irasirimasīrā, musāya koyere yure wea sībokuyo yure iritamumurā. ¹⁶ Yu musārē diayemarē weredeā waja daporare yure: “Guare ĩāturigu irirosū irigu yāmi”, ¿ārī ĩārī?

¹⁷ Gajerā āārīgatori merā buerimasā gapu musārē b̄ro iritamuduarā irirosū irikererā, ōārō merā irirā meta āārīma. Musārē guā buerire iritayarire piri, ĩgūsā bueri gapure irituyadorerā yāma. ¹⁸ Gajerā musārē iritamudūamakū ōāgorāa. ĩgūsā musārē iritamuduarā, ōārō gūñarī merā iritamunīkōāburo. Yu musā merā āārīmakū direta irasiribirīkōāburo. ¹⁹ Musā yu pūrā irirosū āārīrārē musāya āārīburire gūñagū, dupaturi b̄ro pūrīsūrī merā ñerō tarīgu irirosū āārā. Sugo nomeō pūrākūburi dupuyuro pūrīrī péñarōsū péñakoa. Musā Jesucristo irirosū āārīrikūmakūgue, irasū poyarikātūnugūkoa. ²⁰ Yu musā p̄ro musā merā b̄ro āārīduadīkoa. Musārē daporata turīro marīrō ōārō pémasīma ōārō weredūadīkoa. Weredūakeregu, ñeēno merā werenīumasībirīkoa.

Pablo, Agar, Saraya keori merā weredeā

²¹ Musā, Moisés doredeare iridūakererā, ¿nasirirā iri dorerire ōārō pémasīberī?

²² Marīpūya werenīrī gojadea pūgue āsū āārī gojasūdero āārībú: “Abraham pērā ūma

pūrākudi āārīmí. Sugure ĩgũ marāpore moāboego Agar wāikũgo merā pūrākudi āārīmí. Gajigure ĩgũ marāpo diaye Sara merā pūrākudi āārīmí. Igo, moāboego meta āārīdeo āārímó”, ārī gojasũdero āārībú. ²³ Abraham marāpore moāboego magũ marī masaka deyoarosũta deyoadi āārīmí. Abraham marāpo magũ gapũ Marĩpũ Abrahārē: “Mũ marāpo sugũ majĩgũ pūrākũgokumo”, ārīderosũta deyoadi āārīmí.

²⁴⁻²⁵ ĩgũsā pērā nomeya, pe keori irirosũ āārā. Saraya: Abraham, Marĩpũ ĩgũrē ārīdeare bũremuderostũta Jesucristore bũremurāya keori irirosũ āārā. Agarya: Marĩpũ Sinaí wāikũri buúrũgue Arabia nikũgue ĩgũ dorerire Moisére pídeare irirāya keori irirosũ āārā. Agar, moāboego āārīsā, igo magũde moāboegũ āārīdi āārīmí. Irasirirā Moisés doredeare irirā igo magũ irirosũ āārĩma. Moāboerā irirosũ iri doreri doka āārĩma. Daporare Jerusalén marā Moisés doredeare irirā, Agar magũ irirosũ āārĩma. Irasirirā, moāboerā irirosũ iri doreri doka āārĩma. ²⁶ Saraya: Jerusalén ũmũgasima makā marā Jesucristore bũremurāya keori irirosũ āārā. Sara, moāboego āārĩbirimakũ, igo magũde, moāboegũ meta āārīdi āārīmí. Irasirirā marī Jesucristore bũremurā, Sara magũ irirosũ āārā. Moāboerā irirosũ Moisés doreri doka āārĩrā meta āārā. ²⁷ Marĩpũ ĩgũya werenĩrĩ gojadea pũgue āsũ ārīdi āārīmí:

“Nomeō, mũ pũrā marĩkerego, usũyaka! Sugo nomeō, pũrākũgo pũrĩrĩ péñarōsũ péñabirikerego, bũro usũyaka! Mũ pũrā marĩkerepũrũ, pũrũguere mũ parāmerā āārĩturiarā wārā āārĩrākuma.

Gajego marāpũkũgo igo marāpũ merā āārĩgō parāmerā āārĩturiarā nemorō wārā āārĩrākuma”, ārīdi āārīmí Marĩpũ. ((Iri ārīdea āsũ ārĩdũaro yāa. Jesucristore bũremurā Sara parāmerā āārĩturiarā āārĩma. ĩgũsā, Moisés doredeare irirā nemorō wārā āārĩrākuma.))^{*}

²⁸ Irasirirā yaarā, marī Sara magũ Isaac irirosũ āārā. Marĩpũ pũrā Abrahārē ārīderosũta Sara Isaare pũrākũdeo āārímó. Irasirigũ Marĩpũ ĩgũ ārīderosũta marĩrē Jesucristore bũremurārē ĩgũ pũrā āārĩmakũ iridi āārīmí. ²⁹ Iripoeguere Agar magũ marī masaka deyoaderostũta deyoadi, Sara magũ Ōāgũ deyomarĩgũ turari merā deyoadore ĩāturi, ñerō iridi āārīmí. Daporadere irasũta āārā. Moisés doredeare irirā, marĩrē Jesucristore bũremurārē ĩāturi, ñerō irirā yāma. ³⁰ Marĩpũ ĩgũya werenĩrĩ gojadea pũgue Abrahārē āsũ ārīdi āārīmí: “Moāboego magũ mũ sĩburire opabirikumi. Mũ marāpo diaye moāboego āārĩbeo magũ gapũ mũ sĩburire opagũkumi. Irasirigũ moāboegore, igo magũ merāta béoka!” ārīdi āārīmí Marĩpũ. ³¹ Irasirirā yaarā, marī Jesucristore bũremurā, Sara parāmerā āārĩturiarā āārā. Moāboego parāmerā āārĩturiarā meta āārā. Sara magũ ĩgũ pagũ sĩburire opaderosũta, marī Marĩpũ ĩgũ pũrārē sĩburire oparākoa.

5

Pablo: “Jesucristoyare bũremurĩrē piribirikōāka!” ārĩ gojadea

¹ Jesucristo marĩrē Moisés doreri doka āārĩnerārē taudi āārīmí. Marĩ ñerō iridea wajare ĩgũ boari merā wajaribosadi āārīmí, Marĩpũ merā ōārō āārĩburo, ārĩgũ. Irasirirā mũsā Marĩpũ pũrā āārīsā, Jesucristoyare gũñaturari merā bũremuníkōāka! Ārĩgatori merā buerimasā mũsārē Moisés doredeare iridoremakũ, ĩgũsārē pébirikōāka! Iri dorerire irirā, moāboerā irirosũ āārĩma. Irasirirā iri doreri doka neō āārĩnemobirikōāka!

² Ōārō péka yũre! Yũ Pablo, mũsārē ire weregũra. “Gũaya dupũma gasirogārē wiirirā, Marĩpũ merā ōārō āārĩrākoa”, ārĩ gũñabirikōāka! Mũsā irasũ ārĩ gũñamakũ, mũsārē Jesucristo boabosadea wajamarĩboyo. ³ Irasirigũ gopeyari merā mũsārē werea doja. Marĩpũ merā ōārō āārĩburire ĩgũsāya dupũma gasirogārē wiirirānorē Moisés doredeare āārĩpererire iripeoro gāāmea. ⁴ Mũsā: “Moisés doredeare irimakũ, Marĩpũ gũare: ‘Ōārā, waja opamerā āārĩma’, ārĩ ĩāgũkumi”, ārĩ gũñarā, Jesucristore pirirā yāa. Mũsā irasirirā, Marĩpũ mũsārē maĩgũ ōārō iritamurĩdere gāāmebea. ⁵ Marĩ: “Ōāgũ deyomarĩgũ iritamurĩ

^{*} 4:27 Is 54.1

merã Jesucristore buremumakũ, Marĩpu guare: ‘Õãrã, waja opamerã ããrĩma’, ãrĩ ããmi”, ãrĩ masĩa. ⁶ Irasiriro, marĩ Jesucristoyarã ããrĩmakũ, Marĩpu iũrõ dupuma gasirogãrẽ wiirisũnerã ããrĩrĩ, wiirisũbirinerã ããrĩrĩde wajamãa. Marĩpu iũrõ marĩ Jesucristore buremurã ããrĩrĩ gapu wajakua. Ìgũrẽ buremusĩã, gajerãrẽ maĩa.

⁷ Musã Jesucristore buremunugãrã, ìgũyare õãrõ irituyanerã ããrĩbũ. Dapora gapure gajerã musãrẽ ìgũya diayemarẽ õãrõ irituyabirimakũ irirã yãma. ⁸ Ìgũsã musãrẽ irasirirã Marĩpu gããmerĩ gapure irirã meta yãma. Marĩputa musãrẽ Jesucristore buremunugãdoregu siiudi ããrĩmi, Jesucristoyare õãrõ irituyaburo, ãrĩgũ. ⁹ Masaka ãsũ ãrĩ werema: “Pãrẽ irirã, mërõgã pã wemasãrĩ poga merã trigo pogare morẽkuma. Pũũ iri wemasãseyakõãkoa”, ãrĩ werema. I irirosũ, ãrĩgatori merã buerimasã buerire surãyeri irire irituyarã, pũugue musã ããrĩpererã ãrĩgatori buerire irituyarãkoa. ¹⁰ Yũ gũñaturari merã marĩ Opũ Jesucristore buremua. Musãde, yũ irirosũ ìgũrẽ buremua. Irasirigu musãya ããrĩburire ãsũ ãrĩ gũñãa: “Ìgũsã ãrĩgatori merã buerimasã buerire irituyarire piri, dupaturi yũ irirosũ Jesucristoya diayemarẽ irituyarãkuma doja”, ãrĩ gũñãa. Marĩpu, musãrẽ ãrĩgatori merã buerã gapure wajamoãgukumi.

¹¹ Yaarã, gajerã yũre ãsũ ãrĩma: “Pablo masakare: ‘Marĩpu merã õãrõ ããrĩduarã, dupuma gasirogãrẽ wiirika!’ ãrĩ buemi”, ãrĩma. Yũ irire neõ irasũ ãrĩ buebea. Yũ irasũ ãrĩ buemakũ, judío masaka gajerãrẽ irire iridorerã yũre ñerõ iribiribokuma. Yũ, Jesucristo ìgũ curusague boari merã masakare tauri kere gapure buea. Yũ irire bueri waja judío masaka yũre ñerõ tarimakũ yãma. ¹² Yũ, ìgũsã ãrĩgatori merã buerimasã musãrẽ dupuma gasirogãrẽ wiiridorerãrẽ musã puro neõ ããrĩnemobirimakũ gããmea. Musãrẽ irasũ wiiridoreduarã, ìgũsã basi wiiri, pũrã marĩrã dujaburo.

¹³ Yaarã, Marĩpu musãrẽ Moisés doreri doka ããrĩburo, ãrĩgũ meta siiudi ããrĩmĩ. Irasirirã: “Gũã gããmerõ ñerĩ ñaribejarire irimakũ õãrokoa”, ãrĩ gũñabirikõãka! ãsũ gapu irika! Maĩrĩ merã gãme iritamunĩka! ¹⁴ Musã gajerãrẽ diaye maĩrã, Moisés doredeare ããrĩpererire irirã yãa. Irasũta ãrĩ gojasũdero ããrĩbũ: “Mũ basi maĩrõsũta mũ puro ããrĩrãdere maĩka!” ãrĩ gojasũdero ããrĩbũ. ¹⁵ Irasirirã pẽmasĩka! Musã gãme ãaturiduũmerã, pũrĩsũrĩ sĩtĩrĩ werenĩduũmerã, musã basi gãme dukawaripereakõãrãkoa.

Pablo: “Õãgũ deyomarĩgũ gããmerĩrẽ irinĩka!” ãrĩ weredeã

¹⁶ Yũ musãrẽ ãsũ ãrĩ werea. Õãgũ deyomarĩgũ gããmerĩrẽ irinĩka! Musã irasirirã, musã gããmerõ ñerĩ ñaribejarire iribirikoa. ¹⁷ Marĩ ñerĩ ñaribejari, Õãgũ deyomarĩgũ gããmerĩrẽ meta ããrã. Irasirirã marĩ ñerĩ ñaribejarire irirã, Õãgũ deyomarĩgũ gããmerĩrẽ irirã meta yãa. Õãgũ deyomarĩgũ gããmerĩ gapure irirã, marĩ gããmerõ ñerĩ ñaribejarire iribirikoa. ¹⁸ Marĩ Õãgũ deyomarĩgũ marĩrẽ iridorerire irirã, Moisés doreri doka ããrĩrã meta ããrã. “Marĩ Moisés doredeare irirã, Marĩpu merã õãrõ ããrĩrãkoa”, ãrĩ gũñabea.

¹⁹ Masaka ìgũsã ñerĩ ñaribejarire irimakũ, marĩ õãrõ ããmasĩa. Ìgũsã ñerĩ ñaribejarire irirã, ãsũ yãma: Ëma, ìgũsã marãposã nome ããrĩmerãrẽ; nomede, ìgũsã marãpusãmarã ããrĩmerãrẽ ñerõ gãmebiragorenama. ããrĩpereri gũyasĩũrĩ, ñerõ iririre yãma. Gũyasĩrĩrõ marĩrõ ñerõ iririre taubẽokõãma. ²⁰ Keori weadeare buremuma. Yãa iririre yãma. Gajerãrẽ ãaturi dooma. Gãme guaseoma. Gãme ãaturima. Gajerã merã mata gua, sĩtĩrĩ werenĩma. Ìgũsãya ããrĩburi direta gũñama. Ìgũsã gããmerĩrẽ ãaturima, ìgũsãya bumarãrẽ gãme dukawarimakũ yãma. ²¹ Gajerãrẽ gajinorẽ ìgũsã opamakũ, ãaturima. Masakare wẽjẽbẽoma. Mejãrikurã ããrĩma. Bosenũrĩrẽ irirã, mejãrã ñerĩrẽ yãma. Irasũ ããrĩmakũ, wãri gajino ñerĩdere yãma. Irasirigu yũ musãrẽ ãrĩderosũta gopeyari merã werea doja. Iri ñerĩrẽ irinĩgũno, Marĩpu ìgũyarãrẽ doreroguerẽ waabirikumi.

²² Õãgũ deyomarĩgũ gapu marĩrẽ ìgũyare irimakũ yãmi. Irasirirã ìgũ iritamurĩ merã masakare maĩa. Ësũyari opãa. Siuñajãrĩ merã ããrĩrikũ. Gajerã marĩrẽ ñerõ irikerepũrũ, ìgũsã merã guabea. Masakare bopoñarĩ merã ããa. Ìgũsãrẽ õãrõ gũñarĩ merã iritamua.

Piirō marĩrō Marĩpũ gããmerõsũ gajerãrẽ keoro õãrõ yáa. ²³ “Gajerã nemorõ ããrã”, ãrĩ pẽñabea. Marĩ ñerĩ ñaribejarire iridũakererã, iribeã. Õãgũ deyomarĩgũyare irirã, irasũta yáa. Gajigũ irasirirãnorẽ: “Irire irasiribirikõãka!” neõ ãrĩbemi. ²⁴ Marĩ Jesucristoyarã ããrĩsã, marĩ ñerĩ ñaribejarire piribũ. Irasirirã marĩ gããmerĩrẽ, marĩ ñerõ iridũarire iribeã. ²⁵ Marĩ, Õãgũ deyomarĩgũ iritamurĩ merã Marĩpũ merã õãrõ ããrĩrikũã. Irasirirã Õãgũ deyomarĩgũ marĩrẽ iridorerire ĩgũ iritamurĩ merã irinĩkõãrõ gããmea.

²⁶ Irasirirã marĩ: “Gajerã nemorõ ããrã”, ãrĩbirikõãrã! Marĩ werenĩrĩ merã gajerãrẽ gãme ĩaturimakũ iribirikõãrã! Gajerã õãrõ ããrĩrikũrere ĩaturibirikõãka!

6

Pablo: “Mũsã Jesucristore bũremurã gãme iritamuka!” ãrĩ gojadea

¹ Yaarã, sugũ Jesũre bũremugũ ñerĩrẽ irimakũ ĩãrã, mũsã Õãgũ deyomarĩgũ iridorerire irirã ĩgũrẽ iritamuka, ĩgũ iri ñerõ iririre piriburo, ãrĩrã! “Gũã, ĩgũ nemorõ ããrã”, ãrĩ gũñarõ marĩrõ õãrõ merã ĩgũrẽ wereka! Irasũ iritamurã, õãrõ pẽmasĩka, mũsãde ĩgũ irirosũta ñerĩrẽ iriri, ãrĩrã! ² Mũsã bũjawererãnorẽ, gũñaturamerãnorẽ, ñerĩ ñaribejarire tarinũgãmasĩmerãnorẽ iritamuka! Mũsã irasũ iritamurã, Jesucristo dorederosũta irirãkoa.

³ Sugũ õãrĩrẽ iribirikeregũ: “Yũ õãrĩrẽ irigũ ããrã”, ãrĩ gũñagũ, ĩgũ basi ãrĩgatogũ yámi.

⁴ Marĩ masakakũ: “¿Õãrõ irigũ yári?” ãrĩrã, marĩ basi marĩ iririre pẽmasĩrĩ merã gũñarõ gããmea. Irasiridero pũrũ, marĩ iriri õãrĩ ããrĩmakũ: “Gajerã nemorõ ããrã”, ãrĩ gũñarõ marĩrõ ñũyari merã: “Yũ õãrĩrẽ yáa”, ãrĩ masĩrãkoa. ⁵ Irasirirã marĩ masakakũ, Marĩpũ ĩũrõ ĩgũ: “Yaare irirã, ãsũ irika!” ãrĩ pídeare õãrõ iriro gããmea.

⁶ Mũsã Jesũya kerere buerimasãrẽ iritamuka! ĩgũsã mũsãrẽ bueri waja, mũsã õãrĩ oparire ĩgũsãrẽ dukawaka, ĩgũsã gããmerĩrẽ opaburo, ãrĩrã!

⁷ Mũsã basi ãrĩgatobirikõãka! Marĩpũre gopeyari marĩrõ merã: “Yũ ñerõ irimakũ, yũre wajamoãbirikumi”, ãrĩ gũñabirikõãka! Marĩ õãrĩ oterã, pũrũgue õãrĩ dukare bokarosũ marĩ õãrĩ irirã, pũrũgue õãrĩrẽ bokarãkoa. Ñerĩrẽ irirã, pũrũgue ñerĩrẽ bokarãkoa.

⁸ Sugũ ĩgũ ñerĩ ñaribejarire irinĩgũno, ĩgũ ñerĩ iridea waja ñerĩrẽ bokagũkumi. Perebiri peamegue wajamoãsũgũkumi. Õãgũ deyomarĩgũ gããmerĩrẽ irigũ gapũ õãrĩrẽ bokagũkumi. Marĩpũ pũro perebiri okari opagũkumi. ⁹ Irasirirã Õãgũ deyomarĩgũ gããmerõsũ gariborero marĩrõ õãrĩrẽ irinĩkõãrã! Marĩpũ iridũarinũ ejamakũ, marĩrẽ õãrĩ iririre pirimerãrẽ õãrĩrẽ sĩgũkumi. ¹⁰ Irasirirã noó waaró ããrĩpererã marĩ bokajarãnorẽ õãrĩrẽ irirã! Marĩyarãrẽ Jesucristore bũremurãrẽ neõ piirō marĩrõ ĩgũsãrẽ õãrĩrẽ irinĩkõãrã!

Pablo weretũnudea

¹¹ ĩãka! Yũ basi mũsãrẽ ire gojadũakoa. Irasirigũ i pagari gojari merã mũsãrẽ ãsũ ãrĩ gojagũ yáa. ¹² ĩgũsã mũsãrẽ dupũma gasirogãrẽ wiiridorerimasã, ĩgũsãrẽ gajerã judío masaka õãrõ gũñamakũ gããmerã, irasũ wiiridorema. Marĩ Jesucristo ĩgũ curusague boadea merã masakare tauri kerere bueri waja judío masaka marĩrẽ turi, ñerõ yáma. Mũsãrẽ dupũma gasirogãrẽ wiiridorerimasã gapũ gajerã ĩgũsãrẽ turi, ñerõ irimakũ gããmemerã, mũsãrẽ irasũ wiiridorema. ¹³ ĩgũsã ĩgũsãya dupũma gasirogãrẽ wiirisũnerã ããrĩkererã, ããrĩpereri Moisés doredeare iripeobema. Iri dorerire iripeobirikererã, gajerã judío masaka pũuro: “Gũã Moisés doredeare iridoremakũ, Galacia marã, gũã iridorederosũta irima”, ãrĩdũarã, mũsãrẽ irasũ wiiridorema.

¹⁴ Yũ tamerã ĩgũsã irirosũ irasũ ãrĩrĩrẽ gajerã pũuro neõ ãrĩbirikoa. Marĩ Opũ Jesucristo ĩgũ curusague boari merã marĩ ñerõ iridea wajare wajaribosadea kere direta masakare weregũkoa. Jesucristo yũre yũ ñerõ iridea wajare taudi ããrĩmakũ, i ãmũma ñerĩ ñaribejarĩ iririre piribũ. I ãmũ marã yũre ĩgũsã irirosũ ñerĩ ñaribejarire iridoremakũ, neõ iribeã.

¹⁵ Irasiriro, marĩ Jesucristoyarã ããrĩmakũ, Marĩpũ ĩũrõ dupũma gasirogãrẽ wiirisũnerã

ããrĩrĩ, wiirisũbirinerã ããrĩrĩde wajaamáa. Marĩ Jesucristoyarã ñajãmakũ, Marĩpũ marĩrẽ maama ããrĩrikũrire opamakũ iridi ããrĩmĩ. Iri maama ããrĩrikũrire opari dita wajakũa.
¹⁶ Marĩpũ ããrĩpererãrẽ yũ Jesucristoyare buerire iritũyarãrẽ bopoñarĩ merã ãã, siuñajãrĩ merã ããrĩrikũmakũ iriburo. Marĩpũ ããrĩpererãrẽ ããrĩrĩrẽ irasiriburo.

¹⁷ Yũ Jesucristoyare buedea waja gajerã yũre pá, yaa dupũre kãmitú, ñerõ tarimakũ irima. ããrĩrĩrẽ irasirideã merã yũ Jesucristore moãboegũ ããrĩrĩrẽ masĩsũa. Irasirirã dapora merã neõ sugũ yũre garibonemobirikõãburo. Yũ buerire: “Diaye ããrĩbea”, ããrĩ, yũre ñerõ werenĩnemobirikõãburo.

¹⁸ Yaarã, marĩ Opũ Jesucristo musãrẽ ããrĩpererãrẽ õãrõ iriburo. Irasũta iriburo.

Iropãta ããrã.

Pablo

EFESIOS

Pablo Efeso marãrẽ õãdoredea

¹ Yũ Pablo, mũsãrẽ õãdoredea. Marĩpũ gããmederosũta Jesucristo yũre ãgũyare buedoregũ pĩmi. Irasirigũ mũsãrẽ Efeso marãrẽ Marĩpũyarãrẽ Jesucristore bũremurãrẽ gojãa. ² Marĩpũ ããrĩnĩgũ, marĩ Opũ Jesucristo mũsãrẽ õãrõ iritamũ, siuñajãrĩ merã ããrĩrikũmakũ iriburo.

Marĩpũ, Cristo merã marĩrẽ õãrõ iritamũmi, ãrĩ gojãdea

³ Ũsũyari sĩrã marĩ Opũ Jesucristo Pagũre! ãgũ marĩrẽ Cristoyarãrẽ ããrĩpereri ãmũgasimarẽ, marĩya yũjũpũrãrĩma õãrĩrẽ sĩdi ããrĩmĩ. ⁴ I ãmũ iriburi dupuyuro marĩrẽ Cristoyarã ããrĩmurãrẽ beyedi ããrĩmĩ ãgũ ãũrõ õãrã, waja opamerã ããrĩburo, ãrĩgũ. ⁵ Neõgoragueta ãgũ marĩrẽ maĩgũ ãgũ gããmederosũta Jesucristo iridea merã marĩrẽ: “Yũ pũrã ããrĩmakũ irigũra”, ãrĩ beyepĩsiadi ããrĩmĩ. ⁶ Marĩpũ marĩrẽ bũro bopoñarĩ merã ããrĩsã, ãgũ magũ ãgũ maĩgũ merã marĩrẽ ãgũyarãrẽ õãrõ iridi ããrĩmĩ. Irasirirã ãgũrẽ ũsũyari sĩnĩkõãrã! ⁷ ãgũ magũ boagũ, ãgũ dí bẽori merã marĩ ñerĩ iridea wajare wajaribosadi ããrĩmĩ. Irasirigũ Marĩpũ marĩrẽ bũro maĩgũ, marĩrẽ bopoñarĩ merã ããrĩgũ, marĩ ñerĩ irideare kãtidi ããrĩmĩ. ⁸ Marĩrẽ irire masĩburo, ãrĩgũ, ããrĩpereri masĩrĩ, pẽmasĩrĩdere sĩdi ããrĩmĩ. ⁹ ãgũ iriburire marĩ dupuyurogue masĩbirideare marĩrẽ masĩmakũ iridi ããrĩmĩ. Irasirigũ marĩrẽ: “Yũ gããmerõsũta ũsũyari merã ããrĩsũ irigũra”, ããrĩdeare masĩmakũ iridi ããrĩmĩ. ¹⁰ ãgũ: “Ãsũ irigũra”, ããrĩdeare iriripoe ejamakũ, ããrĩpereri irigũkumi. Irasirigũ ããrĩpererã ãmũgasi ããrĩrãrẽ, i nikũ ããrĩrãdere Cristore ãgũsã Opũ ããrĩmakũ irigũkumi.

¹¹ Iripoegueta Marĩpũ gũare Cristo merã õãrõ ããrĩmurãrẽ beyesiadi ããrĩmĩ ãgũ sĩgũra, ããrĩdeare opaburo, ãrĩgũ. ãgũ gããmederosũta i ããrĩpererire õãrĩ irigũra, ããrĩdeare irisiadi ããrĩmĩ. ¹² Gũare Cristore bũremupũrorinerãrẽ irasiridi ããrĩmĩ. ãgũ gũare wãri õãrĩrẽ irimakũ ããrĩrã, ãgũrẽ: “Õãtaria mũ”, ãrĩ, ũsũyari sĩa. ¹³ Marĩpũ, Cristo merã masakare tauri kerere mũsãde pẽbũ. Iri diayema kerere pẽrã, Cristore bũremunũgãbũ. Irasirigũ Marĩpũ mũsãrẽ Cristo merã õãrõ ããrĩmakũ iridi ããrĩmĩ. ãgũ iripoegue ããrĩderosũta Õãgũ deyomarĩgũrẽ mũsãrẽ iriudi ããrĩmĩ ãgũ merã ãgũyarã ããrĩrĩrẽ masĩdoregũ. ¹⁴ Irasirigũ Marĩpũ marĩrẽ ãgũyarãrẽ tariwepereperemakũ iridero pũrũ, ãgũ iripoegue: “Sĩgũra”, ããrĩdeare sĩgũkumi. Õãgũ deyomarĩgũ marĩ merã ããrĩgũ, Marĩpũ marĩrẽ: “Sĩgũra”, ããrĩdeare marĩ opaburire masĩmakũ yãmi. Irasirirã Marĩpũre: “Õãtaria mũ”, ãrĩ, ũsũyari sĩnĩkõãrã!

Pablo Marĩpũre: “Cristore bũremurãrẽ mũyare masĩburo”, ãrĩ sãrẽbosarire gojãdea

¹⁵ Yũ mũsã õãrõ iririkũrere masĩa. Mũsã marĩ Opũ Jesũre õãrõ bũremua. Mũsã ããrĩpererã gajerã Marĩpũyarãrẽ maĩa. ¹⁶ Irasirigũ yũ mũsãrẽ gũñagũ, Marĩpũre: “Õãtaria ãgũsã irasũ ããrĩmakũ”, ãrĩ, ãgũrẽ mũsãya ããrĩburire sãrẽnĩkõãa. ¹⁷ Marĩpũ, marĩ Opũ Jesucristo Pagũ õãtarimi. Irasirigũ yũ ãgũrẽ mũsãya ããrĩburire ããrĩ ãrĩ sãrẽbosãa: “Gũapũ, Õãgũ deyomarĩgũ masĩrĩ sĩa, ãgũsã mũyamarẽ pẽmasĩrĩ merã masĩnemoburo, ãrĩgũ!” ¹⁸ Marĩpũ, ãgũyarã ããrĩmurãrẽ iripoegue ããrĩderosũta mũsãrẽ ãgũ beyepĩnerãrẽ sĩgũkumi. Õãtaria ãgũ mũsãrẽ sĩburi. Irasirigũ yũ Marĩpũre: “ãgũsã gũñarĩgue ãgũsãrẽ irire õãrõ pẽmasĩmakũ irika!” ãrĩ sãrẽa. ¹⁹⁻²⁰ Gajidere mũsã õãrõ pẽmasĩburire sãrẽbosãa. Marĩpũ ããrĩpererã nemorõ turagũ ããrĩmĩ. ãgũ turari merãta marĩ Jesucristore bũremurãrẽ ãgũ merã õãrõ ããrĩmakũ yãmi. ãgũ iri turari merãta Cristo boadiguere masũ, ãmũgasigue ãgũ diaye gapũ doamakũ iridi ããrĩmĩ ãgũrẽ ããrĩpererã Opũ ããrĩdoregũ. ²¹ ãgũrẽ iroguẽ doamakũ irigũ, ããrĩpererã ãmũgasi, i nikũgue turarãrẽ, dorerãrẽ, oparãrẽ, noó gajerãrẽ dorerãnorẽ doregũ wekamũ ããrĩmakũ iridi ããrĩmĩ. Irasirigũ Cristo ããrĩpererã dapora marã oparãrẽ,

pɔɔɔgue marã oparãdere doreɔũ ããrĩmi. ²² Marĩpɔ ããrĩpererire, ããrĩpererãrẽ Cristo doka dujamakũ iridi ããrĩmĩ. Irasirigɔ Cristo, ããrĩpererã marĩ ĩgũrẽ bɔremurĩ bumarã Opɔ, marĩ dipuru ããrĩmi. ²³ Marĩ ĩgũrẽ bɔremurĩ bumarã, sugɔyarãta ããrĩsĩã, ĩgũya dupɔ irirosũ ããrã. ĩgũ ããrĩpererogue marĩ ããrĩpererã merã ããrĩnĩgũ marĩrẽ ããrĩpereri ĩgũyare opamakũ yãmi.

2

Marĩpɔ marĩrẽ maĩgũ taurimarẽ gojadea

¹ Iripoeguere Jesucristore bɔremuburo dupuyuro mɔsã ñerõ iririkɔ, Marĩpɔ dorerire tarinɔgãnerã ããrĩbũ. Irasirirã, Marĩpɔ ĩũrõrẽ boanerã irirosũ ĩgũ merã õãrõ ããrĩbirinerã ããrĩbũ. ² Mɔsã i ãmɔ marã irirosũ ñerõ iriunanerã ããrĩbũ. Wãtẽa opɔ dorerire iriunanerã ããrĩbũ. ĩgũta i ãmɔ marã ããrĩpererã Marĩpɔ dorerire tarinɔgãrẽ doreɔũ ããrĩmi. ³ Iripoeguere marĩ ããrĩpererã ñerĩ direta iriunanerã ããrĩbũ. Irasirirã marĩ noó gããmerõ iridɔarire, ñerĩ gũñarĩrẽ iriunanerã ããrĩbũ. Irasirirã marĩde Marĩpɔre bɔro wajamoãsumurã ããrĩbonerã ããrĩbũ. Gajerã peamegue wajamoãsumurã irirosũ marĩde wajamoãsumurã ããrĩbonerã ããrĩbũ. ⁴ Marĩpɔ gapɔ marĩrẽ bɔro maĩgũ, bopoñarĩ opatarigɔ ããrĩmi. ⁵ Marĩ ñerõ iridea waja ĩgũ ĩũrõrẽ marĩ boanerã irirosũ ããrĩkererɔ, marĩrẽ Cristo merã õãrõ ããrĩmakũ iridi ããrĩmĩ. ĩgũ Cristore masũ, dupaturi okamakũ iriderosũta marĩdere ĩgũ pɔro perebiri okari sĩdi ããrĩmĩ. Irasirigɔ marĩrẽ bopoñarĩ merã ĩãsĩã, taudi ããrĩmĩ.

⁶ Marĩpɔ Jesucristo boadiguere masũdi ããrĩmĩ. Masũ, ãmɔgasigue ĩgũ merã doamakũ iridi ããrĩmĩ ããrĩpererãrẽ doreɔũ ããrĩburo, ãrĩgũ. ĩgũrẽ masũderosũta marĩdere Cristoyarãdere masũ: “Ɛmɔgasigue doarã ĩgũ merã dorerã ããrĩma”, ãrĩ ĩãdi ããrĩmĩ. ⁷ ĩgũ, Jesucristo merã marĩrẽ wãro maĩrĩrẽ ĩmudi ããrĩmĩ. Pɔɔɔguere ããrĩpererãrẽ ĩgũ marĩrẽ bopoñarĩrẽ masĩmakũ gããmegũ, irasiridi ããrĩmĩ. ⁸ Marĩpɔ marĩrẽ bopoñagũ, Cristore bɔremumakũ, marĩrẽ taudi ããrĩmĩ. Marĩ basi marĩ iridea merã neõ taribirikoa. Marĩpɔ marĩrẽ taudea: ĩgũ marĩrẽ wajamarĩrõ sĩdea, ĩgũ marĩrẽ iribosadea ããrã. ⁹ Marĩ õãrõ iririre ĩãgũ meta taudi ããrĩmĩ marĩrẽ. Irasirirã marĩ basi: “Yɔ õãrõ iridea waja Marĩpɔ yɔre taumi”, ãrĩmasĩbirikoa. ¹⁰ Marĩ, Marĩpɔ irinerã ããrã. ĩgũ marĩrẽ Jesucristoyarã ããrĩdoreɔũ, irasiridi ããrĩmĩ. Iripoegue marĩ õãrõ iriburire gũñasiadi ããrĩmĩ. Irasirigɔ marĩrẽ Jesucristoyarãrẽ ire pídi ããrĩmĩ õãrĩrẽ iridoreɔũ.

Marĩ, Jesucristo merã õãrõ ɔsɔyari opãã, ãrĩ gojadea

¹¹ Mɔsã iripoegue ããrĩrikũdeare õãrõ gũñaka! Gɔa mɔsãrẽ, judío masaka ããrĩmerãrẽ, mɔsã ãmaya dupɔma gasirogãrẽ wiiribiri waja: “Marĩpɔyarã ããrĩbea”, ãrĩ ĩãturiunanerã ããrĩbũ. Gɔa judío masaka gapɔ irasũ wiirisũnerã: “Marĩpɔyarã ããrã”, ãrĩ gũñakererɔ, iri wiiridea marĩrẽ ĩgũyarã waamakũ iribea. ¹² Iripoeguere Marĩpɔ iriudi Cristore mɔsã bɔremubirinerã ããrĩbũ. Irasirirã mɔsã Israel bumarã merã ããrĩbirinerã ããrĩbũ. Marĩpɔ Israel bumarãrẽ: “Ĩgũsãrẽ õãrõ irigura. ĩgũsã Opɔ ããrĩgura. Yaarã ããrĩrãkuma”, ãrĩ pídeare opabirinerã ããrĩbũ. Irasirirã mɔsã: “Marĩpɔ gɔare taugakumi”, ãrĩmasĩbirinerã ããrĩbũ. Marĩpɔ merã õãrõ ããrĩbirinerã ããrĩbũ. ¹³ Mɔsã iripoegue Marĩpɔre masĩbirinerã ããrĩkererã, daporare mɔsã Jesucristore bɔremurã ĩgũyarãta ããrã. ĩgũ boari, ĩgũ dí béori merã Marĩpɔ mɔsãrẽ ĩgũrẽ masĩrã, ĩgũyarã waamakũ iridi ããrĩmĩ. ¹⁴ Gɔa judío masaka, mɔsã judío masaka ããrĩmerã merã pe bumarã ããrĩkererɔ, Cristo iridea merã marĩrẽ sugɔ pũrãta ããrĩmakũ iridi ããrĩmĩ. Irasirigɔ marĩ basi gãme ĩãturideare pirimakũ iridi ããrĩmĩ. Irasirigɔ Cristo marĩrẽ ĩgũyarãrẽ siuñajãmakũ yãmi. ¹⁵ Cristo curusague boagɔ: “Marĩpɔ merã õãrõ ããrĩdɔarã, ããrĩpereri ĩgũ Moisére doreri pídeare iripeoka!” ãrĩdeare peremakũ iridi ããrĩmĩ. Irasirigɔ Cristo marĩrẽ ĩgũyarãrẽ pe bumarã ããrĩnerãrẽ su bumarãta ããrĩmakũ iridi ããrĩmĩ. Iri merãta marĩrẽ siuñajãrĩ merã õãrõ ããrĩmakũ iridi ããrĩmĩ. ¹⁶ ĩgũ curusague

boari merã marĩ pe bumarã gãme ãaturideare pirimakũ iridi ããrĩmĩ. Irasirigũ marĩrẽ pe bumarã ããrĩnerãrẽ, Marĩpũyarã ãgũ merã õãrõ ããrĩmakũ iridi ããrĩmĩ.

¹⁷ Cristo, Marĩpũ merã marĩ õãrõ ããrĩburi kerere weregũ aaridi ããrĩmĩ. Mũsãrẽ judío masaka ããrĩmerã Marĩpũre masĩbirinerãrẽ, gũare judío masaka Marĩpũ Moisére doreri pídea oparãdere weregũ aaridi ããrĩmĩ, marĩ ããrĩpererã Marĩpũ merã siuñajãrĩ bokaburo, ãrĩgũ. ¹⁸ Irasirirã Cristo merã, irasũ ããrĩmakũ Õãgũ deyomarĩgũ iritamurĩ merã marĩ ããrĩpererã judío masaka, judío masaka ããrĩmerãde Marĩpũ marĩ merã ããrĩmakũ ãgũrẽ sërẽmasĩa. ¹⁹ Irasirirã daporare mũsã gajero marã irirosũ ããrĩbea. Mũsãya nikũrẽ ããrĩmerã irirosũ ããrĩbea. Mũsã, gũa merã su makã marã irirosũ, Marĩpũyarãta ããrã. Irasirirã sugũ pũrãta ããrã marĩ.

²⁰ Mũsã, gũa merã Jesucristore bũremurã, Marĩpũ moãrĩ wii irirosũ ããrã. Iripoegue Marĩpũya kerere weredupuyurimasã ãgũyare gojapũrorinerã ããrĩmã. Pũru Jesucristo buedoregũ pínerã ãgũyare werenerã ããrĩmã. Mũsã, ãgũsã gojadeare buedero pũru, ãgũsã weredeare pédero pũru, Jesucristore bũremunũgãbũ. Jesucristo, Marĩpũya wiima weanũpũroridea ãtãye irirosũ ããrĩmĩ. Marĩpũyare gojapũrorinerã, Jesucristo buedoregũ pínerã, gaji weanũdea ãtãyeri irirosũ ããrĩma. ²¹ Jesucristo gajerãdere ãgũrẽ bũremumakũ yãmi Marĩpũyarã ããrĩburo, ãrĩgũ. ãtãyeri merã wiire peoturiamũrĩagũ keoro weanũrĩ wiire irirosũ irigũ yãmi. Irasirigũ marĩrẽ gajerã Marĩpũyarã merã õãrõ gãmesurimakũ yãmi. ããrĩpererã marĩ, ãgũsã merã Marĩpũyarã ããrĩsĩa, ãgũ ããrĩrĩ wii irirosũ ããrĩrãkoa. ²² Irasũ ããrĩmakũ mũsãde, gajerã Jesucristore bũremurã ããrĩpererã merã Marĩpũyarã ããrã. Irasirirã Marĩpũ moãrĩ wii, ãgũ ããrĩrĩ wii irirosũ marĩ ããrã. Marĩpũ, Õãgũ deyomarĩgũ merã marĩ merã ããrĩmĩ.

3

Pablo judío masaka ããrĩmerãrẽ Jesucristoya kerere weredea

¹ Yũ Pablo, Jesucristoya kerere mũsãrẽ judío masaka ããrĩmerãrẽ weredea waja peregũ ããrã. Marĩpũ, Jesucristo merã mũsãdere ãgũyarã ããrĩmakũ yãmi. Irasirigũ yũ mũsãya ããrĩburire sërẽbosãa ãgũrẽ. ² Mũsã ire masĩsiãa. Marĩpũ mũsãrẽ bopoñagũ, Jesucristoya kerere buedoregũ yũre pími mũsã õãrõ irigũ. ³ Marĩpũ, ãgũ Cristo merã iriburire, iripoegue marã masĩbirideare yũre masĩmakũ irimi. Mũsãrẽ irire mérõ gojasiabũ. ⁴ Yũ gojadeare buerã, Marĩpũ, ãgũ Cristo merã iriburire yũ masĩdeare mũsãde masĩrãkoa. ⁵ Marĩpũ, ãgũ Cristo merã iriburire iripoegue marã gapũre masĩmakũ iribiridi ããrĩmĩ. Dapora gũa gapũre Jesucristoyare wererimasãrẽ, ãgũya kerere weredupuyurimasãdere Õãgũ deyomarĩgũ merã masĩmakũ yãmi. ⁶ ãsũ ããrã Marĩpũ iriburi, iripoegue marã masĩbiridea. Gũa judío masaka, mũsã judío masaka ããrĩmerãde Marĩpũ masakare tauri kerere bũremumakũ, gũare, mũsãdere Jesucristoyarã ããrĩmakũ yãmi. Marĩrẽ sugũ pũrãta ããrĩmakũ yãmi. Irasirigũ Marĩpũ judío masakare: “ãsũ sĩgũra”, ãrĩpũroriderosũta marĩrẽ ããrĩpererã Cristoyarãrẽ õãrĩrẽ sĩgũkumi.

⁷ Marĩpũ Jesucristoya kerere buedoregũ yũre pídi ããrĩmĩ. Yũre õãrõ iri, ãgũ turarire sĩdi ããrĩmĩ iri kerere õãrõ wereburo, ãrĩgũ. ⁸ ããrĩpererã gajerã Marĩpũyarã yũ nemorõ ããrĩma. Irasũ ããrĩkererũ, Marĩpũ yũre õãrõ iri, judío masaka ããrĩmerãrẽ Jesucristoya kerere buedoregũ pími. Irasirigũ: “Cristo õãtarigũ ããrĩmĩ, ãgũ marĩrẽ sĩburi õãtariri ããrã”, ãrĩ werea ãgũsãrẽ. Ire neõ pẽmasĩbokajaya mãã marĩrẽ. ⁹ Marĩpũ yũre pígu: “ãsũ taugũkoa judío masaka ããrĩmerãdere”, ãrĩ gũñadupuyudeare yũre weredoremi. ãgũta ããrĩpereri i ãmũmarẽ iridi, iripoegue marãrẽ ãgũ judío masaka ããrĩmerãrẽ Cristo merã tauburire werebiridi ããrĩmĩ. Daporague yũre weredoremi ããrĩpererã masakare irire masĩdoregũ. ¹⁰ Marĩpũ marĩrẽ Jesucristore bũremurãrẽ su bumarã ãgũyarãta ããrĩmakũ iririre ããrã, ãmarõ marã dorerã ãgũrẽ wereboerã, wãtẽade, ãgũ ããrĩpereri masĩpeogu ããrĩrĩrẽ masĩrãkuma. ãgũsãrẽ irire masĩmakũ gããmemi Marĩpũ.

11 I ũmũ iriburo dupuyurogueta Marĩpũ ĩgũ gããmederosũta marĩrẽ: “Yaarã ããĩmurã ããĩma”, ãĩdeare marĩ Opũ Jesucristo merã iriyuwarikũdi ããĩmĩ. 12 Marĩ Cristore bũremurã ĩgũ merã õãrõ ããĩsĩã, gũiro marĩrõ gũnaturari merã Marĩpũre sërẽmasĩã. 13 Yũ musãrẽ Jesucristoya kerere weredeã waja peresugue poyari merã ããrã. Musã õãrõ ããĩburire iri kerere werebũ. Irasirirã musã yũ poyarire gũnarã, bujawereri merã ããĩbirikõãka! Poyakeregũ, Marĩpũ musãrẽ õãrõ irideare gajerãrẽ masĩmakũ yãã.

Cristo marĩrẽ bũro maĩgũ ããĩmĩ, ãĩ gojadea

14 Irasirigũ Marĩpũ, marĩ Opũ Jesucristo Pagũ ããĩpereri irideare yũ gũnagũ, ĩgũ ĩũrõrẽ yaa ñadũkupuri merã ejamejã, ĩgũrẽ: “Õãtaria mũ”, ãĩ, usuyari sĩa. 15 ĩgũta ããĩpererã ĩgũyarã ũmũgasigue ããĩrã, i nikũgue ããĩrã Pagũ ããĩmĩ. 16 ĩgũta turatarigũ ããĩmĩ. Irasirigũ yũ musãya ããĩburire ĩgũrẽ sërẽbosãã musãguere Õãgũ deyomarĩgũ merã ĩgũ turarire opaburo, ãĩgũ. 17 Musã Cristore bũremumakũ, ĩgũ musãguere õãrõ ããĩnikõãburo, ãĩgũ, sërẽã. Gaji sërẽbosãã Cristo musãrẽ bũro maĩrẽ masĩsĩã, gajerãrẽ maĩburo, ãĩgũ. 18 Irasirigũ musãrẽ, ããĩpererã gajerã ĩgũrẽ bũremurãdere Cristo marĩrẽ bũro maĩrẽ pẽmasĩdoregũ, sërẽbosãã. Cristo marĩrẽ maĩrẽ neõ keomasĩña mãã. “Õõpã eyaro, yoaro, ũmarõ, ũkũãrõ ããrã”, neõ ãĩ masĩña mãã. 19 Cristo marĩrẽ maĩrẽ marĩ neõ masĩpeobirikerepũ, yũ musãya ããĩburire Marĩpũre sërẽbosagũ: “Ire ĩgũsãrẽ õãrõ masĩnemomakũ irika!” ãĩ sërẽã. Irasirirã marĩ ire masĩpeorã, Marĩpũyamarẽ masĩpeorãkoã.

20 Irasirirã Marĩpũre: “Ãsũ iribosaka guare!” ãĩ sërẽmakũ, marĩ sërẽrĩ nemorõ irimasĩmĩ. Marĩ basita: “Ãsũpero iriburo ĩgũ”, ãĩ gũnamakũ, marĩ gũnarĩ nemorõ irimasĩmĩ. ĩgũ turagũ ããĩsĩã, ĩgũ turari marĩrẽ sĩdea merã irire iribosami. 21 Irasirirã Jesucristoyamarẽ, ĩgũrẽ bũremurĩ bumarã marĩ ããĩrĩrẽ masĩrã, ããĩpererinũrĩ ããĩpererã Marĩpũre: “Õãtaria mũ”, ãĩ, usuyari sĩburo. ããĩpererã dapora marã, pũrugue marãde neõ ĩgũrẽ usuyari sĩrĩrẽ piribirikõãburo. Irasũta ããrã.

4

Marĩ Cristoyarã Õãgũ deyomarĩgũ merã su bumarãta ããrã, ãĩ gojadea

1 Yũ marĩ Opũya kerere weredeã waja peresugue ããĩgũ, turaro merã ãsũ wereã musãrẽ doja. Marĩpũ musãrẽ siiudi ããĩmĩ ĩgũyarã ããĩburo, ãĩgũ. Irasirirã ĩgũ musãrẽ: “Ãsũ irika, yaarã ããĩsĩã!” ãĩdeare õãrõ irika! 2 “Gajerã nemorõ ããrã”, ãĩ gũñabirikõãka! Gajerãrẽ õãrõ merã irika! Guari marĩrõ gajerãrẽ bopoñarĩ merã ĩãka! Gajerã musãrẽ garibokerepũ, ĩgũsãrẽ maĩrĩ merã ĩãka! 3 Õãgũ deyomarĩgũ iritamurĩ, ĩgũ musãrẽ siuñajãrĩ pĩri merã suro merã õãrõ ããĩrikũka! Musã irasũ ããĩrĩrẽ piriro marĩrõ ããĩnikõãka! 4 Marĩ Jesucristoyarã su bumarã ããĩsĩã, ĩgũya dupũ irirosũ ããrã. Õãgũ deyomarĩgũ sugũta ããĩgũ, ĩgũ sugũ masakũ merã ããĩrõsũ marĩ ããĩpererã merã ããĩmĩ. Marĩpũ marĩ ããĩpererãrẽ ũmũgasigue perebiri okari sĩbu, siiudi ããĩmĩ. 5 Marĩ Opũ Jesucristo marĩ bũremugũ sugũta ããĩmĩ. Marĩrẽ deko merã wãiyeride su wãita ããrã marĩ ĩgũyarã ããĩrĩrẽ ĩmuburi. 6 Marĩpũ sugũta marĩrẽ iridi ããĩmĩ. ĩgũta marĩ ããĩpererã Opũ ããĩmĩ. Marĩ ããĩpererã merã ããĩmĩ. Irasirigũ ĩgũ gããmederosũta marĩ ããĩpererã merã ããĩpererire õãrõ yãmi.

7 Marĩ su bumarã ããĩkerepũ, Cristo marĩ ĩgũyarãrẽ masakakũre Marĩpũyare irimasĩburire dukawa pĩdi ããĩmĩ. Irasirigũ ĩgũ dukawa pĩderosũta keoro marĩ gãme iritamumakũ yãmi. 8 Cristo ĩgũ i nikũgue aariburo dupuyuroguere ãsũ gojasũdero ããĩrbũ Marĩpũya werenĩrĩ gojadea pũgue:

Ĩgũrẽ ĩãturĩãrẽ tarinũgãdero pũ, ũmũgasigue mũrĩãkõãgũkumi. Irasirigũ masakare i nikũgue ããĩrãrẽ õãrĩrẽ sigũkumi, ãĩ gojasũdero ããĩrbũ.*

* 4:8 Sal 68.18

⁹ Īgũ ũmugasigue mũrĩarire ārĩ gojadea, āsũ ārĩduaro yāa. Jesucristo ũmugasigue mũrĩaburi dupuyuro i nikũgue dijari, ōōgue āārĩdi āārĩmĩ. ¹⁰ Īgũta i nikũgue āārĩdi, ũmugasigue Marĩpu āārĩrōgue mũrĩākōādi āārĩmĩ. Irasirigu āārĩpererogue āārĩgũ, āārĩpererārē doregu āārĩmĩ. ¹¹ Irasirigu marĩ Īgũyarārē masakakũre Marĩpuhare irimasĩburire pĩdi āārĩmĩ ōārō gāme iritamuburo, ārĩgũ. Surāyerire beyepĩdi āārĩmĩ Īgũyare buedoregu. Gajerārē Marĩpu weredoredeare wererimasā āārĩmurārē, Īgũ masakare tauri kerere weregorenarĩmasā āārĩmurārē, Īgũyarārē korerimasā āārĩmurārē, Īgũyarārē buerimasā āārĩmurārē beyepĩdi āārĩmĩ. ¹² Irasũ beyepĩdi āārĩmĩ marĩ Īgũyarā gāme iritamuburo, ārĩgũ. Irasirirā marĩ Īgũyarā su bumarā, Īgũya dupu irirosũ ōārō turarā masārōsũ Īgũrē bũremuturawāgānemorākoa.

¹³ Irasirirā marĩ āārĩpererā sũrosũ Cristore bũremurā, masā odorā irirosũ āārĩpereri Īgũ, Marĩpu magũ āārĩrĩrē nemorō ōārō masĩrākoa. Irasirirā marĩde Cristo irirosũ āārĩrikurākoa. ¹⁴ Majĩrāgā irirosũ āārĩrā meta, pémasĩrākoa. Irasirirā marĩrē ārĩgatomerērā buemakũ pérā, diayema āārĩrĩrē bũremurĩrē pirimerā: “Īgũsā maama bueri, diaye āārā”, ārĩ bũremubirikoa. ¹⁵ Marĩ gāme maĩrĩ merā diayema āārĩrĩrē werero gāāmea. Irasirirā majĩrāgā masā pémasĩrōsũta marĩde marĩ Opũ Cristo marĩ dipuru āārĩgũ merā Marĩpuhare ōārō pémasĩrākoa. ¹⁶ Marĩ Īgũyarā su bumarā āārĩsĩā, Īgũya dupu irirosũ āārā. Sugũ masakũ turagu masā, āārĩpereri Īgũya dupuma merā ōārō irimasĩmi. I irirosũ, Cristo marĩ masakakũre: “Āsũ iriburo”, ārĩ dukawa pĩdeare irirā, marĩ āārĩpererā ōārō gāme iritamumasĩa. Irasirirā gāme maĩrā, gāme iritamurā, nemorō turaro merā Cristoyare ōārō iriwāgānemorākoa.

Marĩpu Cristoyarārē maama āārĩrikurire opamakũ iridi āārĩmĩ, ārĩ gojadea

¹⁷ Irasirigu yũ marĩ Opũ Cristo dorero merā mũsārē āsũ ārĩ werea. Marĩpũre masĩmerā gapũ noó gāāmerō gũñamoāmakōāma. Īgũsā irirosũ neō irinemobirikōāka! ¹⁸ Īgũsā Marĩpuhare péduabema. Irasirirā irire neō pémasĩbirigorakōāma. Īgũsāya gũñarĩguere bũro naĩtĩārĩ oparā irirosũ āārĩma. Irasirirā Marĩpu merā ōārō āārĩburire Īgũ sĩrĩrē neō opabema. ¹⁹ Ñerĩrē irirā, neō gũyasĩrĩbirigorakōāma. Āārĩpereri ñerĩ ĩaribejarire neō pĩriduaro marĩrō ñerĩ direta iririkurā yāma. ²⁰ Cristoya bueri gapũ, mũsārē Īgũsā irirosũ ñerō iririre iridoreri máa. ²¹ Mũsā Īgũya diayema buerire pérā: “Jesús diayeta āsũ āārĩmĩ, diayema āārĩrĩrē buemi”, ārĩ masĩkuyo. ²² Iripoeguere mũsā ñerĩ ĩaribejari iririre: “Ōāgorāa”, ārĩ gũñarā, mũsā basita ārĩgatonerā āārĩbũ. Iri ñerĩrē irirā, mũsā basita poyanorēnerā āārĩbũ. Irasirirā mũsā iripoegue āārĩunaderosũta āārĩnemobirikōāka! ²³ Mũsā ñerĩ direta gũñaunadeare pĩrikōāka! Ōārĩ gũñarĩ gapũre gorawayuro gāāmea mũsārē. ²⁴ Marĩpu Īgũ gāāmederōsũta marĩrē maama āārĩrikurire opamakũ iridi āārĩmĩ Īgũ irirosũ diayema irirā, Īgũ ĩũrō ōārā āārĩburo, ārĩgũ. Irasirirā, surĩro boari dariñe béo, maama surĩro ōārĩñe gorawayu sãñarā irirosũ, iripoegue ñerĩ iriunadeare piri, maama iririkurire gorawayu irika!

²⁵ Marĩ Cristoyarā Īgũ dupu irirosũ āārĩrā, su bumarā āārā. Irasirirā marĩ basi neō gāme ārĩgatonebobirikōārā! Marĩ merāmarārē ārĩgatoro marĩrō diaye wererā!

²⁶ Gajerā merā guarā, Īgũsārē ñerō iribirikōāka! Irinũ merāta Īgũsā merā guarire pĩrikōāka! ²⁷ Wātĩ mũsārē gajerā merā guamakũ iririre kāmataka! ²⁸ Yajarikugũ āārĩdi neō dupaturi yajabirikōāburo. Ōārĩ moārĩ gapũre moāburo, Īgũ moā wajatari merā gajerā boporārē iritamubu.

²⁹ Neō ñerō werenĩrĩrē werenĩbirikōāka! Ōārĩ gapũ direta werenĩka! Mũsā werenĩrĩ merā gajerārē iritamuka! Irasirirā mũsā ōārĩ werenĩrĩrē pérā, Īgũsāde ōārō āārĩrikurākuma. ³⁰ Marĩ ñerĩrē irirā, ñerō werenĩrā, Ōāgũ deyomarĩgũrē bũjaweremakũ irirākoa. Irire iribirikōāka! Ōāgũ deyomarĩgũ marĩrē: “Marĩpuharā āārā”, ārĩ masĩmakũ

yámi. Irasirirã marĩ masĩa. Marĩpu, Jesucristo merã marĩrẽ taurinu ejamakũgue õãrõ taugorakõãgukumi.

³¹ Irasirirã musã gajerã merã suyubirire, ãgũsã merã guataririre, ñerõ gainírĩ merã gãme turirire, ñerõ ãrĩ buridarire pirikõãka! Irasirirã ããrĩpereri ñerõ iririre pirika! ³² Æsũ gapu irika! Bopoñarĩ merã gãme õãrõ iritamuka! Marĩpu marĩrẽ Cristo merã marĩ ñerĩ irideare kãtiderosũta musãde gajerã musãrẽ ñerõ irideare kãtika!

5

Marĩpu pũrã ããrĩrã ãsũ ããrĩrikuro gããmea, ãrĩ gojadea

¹ Musã Marĩpu pũrã, ãgũ maĩrã ããrã. Irasirirã ãgũ irirosũ ããrĩrikuro gããmea.

² Cristo marĩrẽ maĩrõsũta musãde gajerãrẽ maĩka! ãgũ marĩrẽ maĩgũ ãgũ basita ãgũrẽ wẽjẽduarãguere wiadi ããrĩmĩ marĩrẽ boabosabu. ãgũ boabosagu, judío masaka oveja majĩgũrẽ wẽjẽ, Marĩpu ãũrõrẽ soepeosũdi irirosũ ããrĩdi ããrĩmĩ. Irasirĩgu ãgũ irasiriri merã Marĩpũre usuyamakũ iridi ããrĩmĩ.

³ Irasirirã Marĩpũyarã ããrĩrã, musã marãposã nome ããrĩmerãrẽ, marãpusãmarã ããrĩmerãrẽ neõ ñerõ gãmebiragorenabirikõãka! ããrĩpereri gũyasĩũrĩ ñerõ iririre neõ iribirikõãka! Gajerãyare uaribejabirikõãka! Neõ mérõgã ñerõ iririre iribirikõãka!

⁴ Gũyasĩũrõ werenĩrĩrẽ werenĩbirikõãka! Pémasĩmerã irirosũ werenĩmoãmabirikõãka! Ñerĩrẽ ãrĩ buridabirikõãka! Æsũpero gapu werenĩka! Marĩpũre: “Õãrõ yãa mu gũare”, ãrĩ, usuyari sĩka! ⁵ Ire õãrõ masĩka musã! Gajigu marãpo merã ñerõ iririkurã, gajego marãpu merã ñerõ iririkurã, gũyasĩũrõ ñerĩrẽ iririkurã, Marĩpũyarã ããrĩbema. Gajerãyare uaribejarikurãde Marĩpũyarã ããrĩbema. ãgũsã gajino gapũre Marĩpũre gããmerõ nemorõ gããmerã, keori weadeare buremurã irirosũ yãma. Marĩpu gapũre buremubema. Irasirirã Marĩpu ãgũyarãrẽ dorerogue neõ waabirikuma. Irogue Cristo merã neõ ããrĩbirikuma. ⁶ Gajerã musãrẽ ãgũsã ñerõ irideare: “Æsũ irimakũ õãgorãa”, ãrĩgatorire pẽbirikõãka! Marĩpu, ãgũsã irasũ ñerõ iri, ãgũ dorerire tarinũgãrĩ waja ãgũsãrẽ perebiri peamegue wajamoãgukumi. ⁷ ãgũsã ñerĩ irirã merã neõ ñerĩrẽ iriwekabejabirikõãka!

⁸ Marĩ Opũyarã musã ããrĩburo dupuyuro ñerĩrẽ irirã, ãgũrẽ masĩmerã naĩtĩãrõgue ããrĩrã irirosũ ããrĩnerã ããrĩbũ. Dapora gapũre ãgũrẽ masĩrã ãgũyarã ããrĩsĩã, boyorogue ããrĩrã irirosũ ããrã. Irasirirã ãgũ ãũrõ õãrĩrẽ iririkuka! ⁹ Boyorogue ããrĩrãno, õãrĩrẽ, Marĩpu dorerire, diayemarẽ irirãkuma. ¹⁰ Irasirirã marĩ Opũyare õãrõ bueka, ãgũrẽ usuyamakũ iririre irimurã! ¹¹ Ñerĩ iririkurã, naĩtĩãrõgue ããrĩrã irirosũ ããrĩma. ãgũsã irirosũ neõ iribirikõãka! Æsũ gapu irika! ãgũsã ñerõ iririre: “Ñegorãa”, ãrĩ wereka, ãgũsãrẽ irire masĩdorerã! Musã wererire pẽrã, boyorogue ããrĩrã irirosũ ñerõ irideare piri, õãrĩ gapũre irirã dujarãkuma. ¹² Masaka ããberogue ãgũsã ñerõ iriboedeare marĩ werenĩmakũ gũyasĩũgorãa. ¹³ Boyorore ããrĩpereri ããmasĩsũa. Marĩ ãgũsã ñerõ iririre: “Ñegorãa”, ãrĩmakũ, ãgũsã ñerõ iririkurire masĩrãkuma. ¹⁴ Irasirirã gajerã sugũ ñerõ iririkugũnorẽ ãsũ ãrĩ werema:

Mu pémasĩbi, kãrĩgũ irirosũ ããrã. Yobe, pémasĩka! Cristo merã õãrõ ããrĩbi, boanerã merã ããrĩgũ irirosũ ããrã.

Irasirigu wãgãnũgã, ãgũ merã õãrõ ããrĩka! Mu irasirimakũ, Cristo murẽ boyorogue ããrĩmakũ irirosũ ãgũyare masĩmakũ irigukumi.

¹⁵ Irasirirã õãrõ pémasĩka, õãrĩrẽ irimurã! Marĩpũyare masĩmerã irirosũ iribirikõãka! ãgũya gapũre õãrõ masĩka! ¹⁶ Dapora marã masaka ñerĩ iririkuma. Irasirirã musã okarinũrĩrẽ Marĩpu gããmerĩ direta irika, gajerãde ãgũyare masĩburo, ãrĩrã! ¹⁷ Pémasĩmerã irirosũ iririkubirikõãka! Marĩpu gããmerĩrẽ õãrõ pémasĩduaka, irire irimurã! ¹⁸ Irasirirã mejãbirikõãka! Mejãrã ãgũsã basita poyanorẽma. Mejãrõnorẽ irirã, Õãgũ deyomarĩgũrẽ opatarirã ããrĩka! ¹⁹ Musã ãgũrẽ opatarirã, Marĩpũya bayari merã musã basi gãme

werenírãkoa. Salmos gojadea pũgue bayarire, gaji marĩ Opure buremu bayaridere ãgũrẽ bayapeorãkoa. Mũsãya yũjũpũrãrĩgue õãrõ mũsũyari merã bayapeorãkoa ãgũrẽ: “Õãtaria mũ”, ãrĩ buremurã. ²⁰ Marĩpũ ããrĩpererire marĩrẽ õãrõ yãmi. Irasirirã marĩ Opũ Jesucristoyarã ããrĩsĩã, ãgũ wãĩ merã Marĩpũre: “Mũ iridea õãtaria”, ãrĩnĩkõãka!

Su wii marã Cristoyarã ãsũ ããrĩrõ gããmea, ãrĩ gojadea

²¹ Mũsã ããrĩpererã Cristore gopeyari merã buremurã ããrĩsĩã, õãrõ gãme pé buremuka!

²² Mũsã marãposã nomerẽ ãsũ ãrĩ weregũra. Cristo marĩ Opure marĩ pé buremurõsũta mũsã marãpũsãmarãrẽ õãrõ pé buremuka! ²³ Cristo marĩrẽ ãgũyarãrẽ oparosũta, marãpũsãmarã mũsãrẽ ãgũsã marãposã nomerẽ opama. Cristo marĩrẽ ãgũrẽ buremurĩ bumarãrẽ taudi ããrĩmĩ. Irasirigũ ãgũ marĩ Opũ ããrĩmĩ. Marĩrẽ doregũ, marĩ dipuru ããrĩmĩ. Marĩ, ãgũya dupũ irirosũ ããrã. ²⁴ Irasirirã marĩ Cristore buremurĩ bumarã ãgũrẽ pé buremurõsũta mũsã marãpũkũrã nome mũsã marãpũsãmarãrẽ õãrõ pé buremuka!

²⁵ Mũsã marãpũsãmarãdere weregũra. Cristo marĩrẽ ãgũyarãrẽ maĩgũ, marĩya ããrĩburire boabosadi ããrĩmĩ. Irasirirã marĩrẽ ãgũ maĩrõsũta mũsãde mũsã marãposã nomerẽ maĩka!

²⁶ Cristo marĩrẽ boabosadi ããrĩmĩ ãgũyarã ããrĩmakũ irigũ. Irasirigũ, marĩ ãgũ werenĩrẽ buremumakũ, deko merã gũrarire koebóro irirosũ marĩrẽ ñerĩ opamerã ããrĩmakũ iridi ããrĩmĩ. ²⁷ ãgũ irire irasirimakũ, marĩ ãgũ ãũrõrẽ neõ mérõgã ñerĩ opamerã, gũrari marĩrã õãrõ deyorã irirosũ ããrĩrãkoa. ãgũyarã õãrã dita ããrĩrãkoa. Irasirigũ: “Yaarã ããrĩma”, ãrĩ, mũsũyari merã marĩrẽ opagũkumĩ.

²⁸ Mũsã marãpokũrã mũsã marãposã nomerẽ maĩrõ gããmea. Sugũ ãgũ marãpore maĩgũ, ãgũ baside maĩmi. Irasirigũ Cristo marĩrẽ ãgũya dupũ irirosũ ããrĩrãrẽ maĩrĩ merã korerosũta mũsã marãposã nomerẽ maĩrĩ merã õãrõ koreka! ²⁹⁻³⁰ Neõ marĩya dupũre ñerõ waamakũ gããmebea. Marĩ basi marĩya dupũre korea. Marĩ Cristoyarã ããrĩrã ãgũya dupũ irirosũ ããrã. Irasirigũ Cristo marĩrẽ õãrõ koremi. ³¹ Marĩpũya werenĩrĩ gojadea pũgue ãsũ ãrĩ gojasũdero ããrĩbũ: “Sugũ mũmũũ nomeõrẽ marãpokũgũ, ãgũ pagũsãmarãrẽ wirigũkumĩ ãgũ marãpo merã ããrĩbu. ãgũsã pẽrã ããrĩkererã, Marĩpũ ãũrõrẽ su dupũta ããrĩrãkuma”, ãrĩ gojasũdero ããrĩbũ. ³² Iri gojadeare õãrõ pẽmasĩduamakũ, diasagorãa marĩrẽ. Irasũ ããrĩkererũ, yũ irire: “Ãsũ ãrĩduaro yãa”, ãrĩ werea. Cristoyarã Marĩpũ ãũrõrẽ su dupũta ããrĩma. ³³ Gaji i marẽ mũsãrẽ ãrĩ werenemogũra doja. Mũsã basi korerosũta mũsã marãposã nomedere maĩrĩ merã koreka! Mũsã nomede mũsã marãpũsãmarãrẽ õãrõ gopeyaro merã pé buremuka!

6

¹ Mũsã majĩrãrẽ ãsũ weregũra. Mũsã marĩ Opure buremurã mũsã pagũsãmarãrẽ õãrõ yũjũka! Irasiriri, õãrĩ ããrã. ²⁻³ Iri poegue Marĩpũ ãgũ pe mojõma dorerire pígu, su dorerire ãsũ ãrĩ pídi ããrĩmĩ: “Mũsã pagũsãmarãrẽ õãrõ buremuka!” ãrĩ pídi ããrĩmĩ. I dorerireta pígu, gajidere pídi ããrĩmĩ. “ãgũsãrẽ irasũ buremurã, i nikũguere yoaripoe mũsũyari merã ããrĩrãkoa”, ãrĩdi ããrĩmĩ.

⁴ Mũsã pagũsãmarãdere ãsũ ãrĩ weregũra. Mũsã pũrãrẽ bũro turiri merã ãgũsãrẽ guamakũ iribirikõãka! ãsũ gapũ irika! ãgũsãrẽ marĩ Opũyare bueka, ãgũrẽ buremuburo, ãrĩrã! ãgũsã, ãgũ dorerire iribirimakũ ããrã, ãgũsãrẽ: “ãsũ gapũ irika!” ãrĩ bueka! Irasirirã ãgũsãrẽ õãrã masãmakũ irirãkoa.

⁵ Moãboerimasãdere ãsũ ãrĩ weregũra. Mũsã i nikũgue ããrĩrãrẽ mũsã oparãrẽ õãrõ yũjũka! Õãrõ buremurĩ, gopeyari merã moãboeka! Irasũ moãboerã, Cristore moãboerã irirosũ yãa. ⁶ Mũsã oparã ãũrõ moãrõsũta, ãgũsã ããberoguedere moãka! ãgũsã ãũrõ direta õãrõ moãrã, ãgũsã mũsãrẽ: “Õãrõ moãma”, ãrĩ gũñamakũ iriduarã dita ããrĩbokoa. Irasirirã ãgũsã ããberoguedere õãrõ moãka! Cristore moãboerã irirosũta Marĩpũ gããmerõsũ õãrõ merã moãka! ⁷ Mũsã masakare moãboerã ããrĩkererã: “Cristore moãboerã irirosũ ããrã”, ãrĩ

gũñaka! Irasirirã usuyari merã moãboeka musã oparãrẽ! ⁸ Irire masĩsiãa musã. Marĩ Opũ Cristo marĩrẽ õãrõ moãrãkure õãrĩ wajatamakũ irigũkumi. Irasirigũ moãboerimasã ããrĩrãrẽ, ããrĩmerãdere marĩ õãrõ moãderopãta marĩrẽ õãrĩ wajatamakũ irigũkumi.

⁹ Oparãdere ãsũ ãrĩ weregũra. Musãrẽ moãboerãrẽ õãrõ irika! Ìgũsãrẽ wajamoãduari merã dorebirikõãka! Ire õãrõ pémasĩka! Marĩ Opũ Cristo umugasigue ããrĩgũ, musã Opũ ããrĩmi. Ìgũta musãrẽ moãboerã Opũ ããrĩmi. Marĩ ããrĩpererã Ìgũrẽ moãboerã ããrã. Irasirigũ oparã ããrĩrãrẽ, ããrĩmerãdere sũrosũta Ìãmi marĩ ããrĩpererãrẽ.

Cristoyarã wãtĩrẽ tarinũgãrĩmarẽ gojadea

¹⁰ Musãrẽ ãsũ ãrĩ weretũnugũra. Musã, marĩ Opũyarã ããrĩsĩã, Ìgũ merã õãrõ ããrã. Irasirirã Ìgũya turari merã Ìgũrẽ gũñaturaka! ¹¹ Wãtĩ ãrĩgatori merã musãrẽ ñerõ iridoremakũ, Marĩpũ iritamurĩ merã Ìgũ ñerĩ ãrĩmesãrĩrẽ kãmutaka! Sugũ surara kãmutari kõme surĩro sãñadi irirosũ ããrĩka! ¹² Marĩrẽ Marĩpũ dorerire tarinũgãmakũ iriduarã, masakagora meta ããrĩma. Wãrã ñerã: umarõ marã, oparã, turarã, i umama ñerĩrẽ iridorerã ããrĩma. Deyomarĩrã, masakare gũñarĩgue ñerõ iridorerã ããrĩma. ¹³ Irasirirã musã, surara Ìgũya kõme surĩro sãñadero pũrũ, Ìgũ merã gãmekẽãduarãrẽ kãmuta tarinũgãmasĩgũ irirosũ ããrĩka! Irasirirã, Marĩpũ iritamurĩ merã wãtĩrẽ kãmuta tarinũgãrãkoa. Ìgũrẽ tarinũgãrã, gũñaturarã dujarãkoa.

¹⁴ ãsũ irika, wãtĩrẽ tarinũgãmurã! Marĩpũya werenĩrĩ diayema ããrĩrĩrẽ õãrõ péduripĩka! Irasirirã musã surara Ìgũya surĩrore yũjũwẽñarĩda merã õãrõ yũjũwẽñadi irirosũ ããrĩrãkoa. Marĩpũ iritamurĩ merã diayema irika! Irasirirã musã surara Ìgũya koretibi kãmutari kõme surĩro sãñadi irirosũ ããrĩrãkoa. ¹⁵ Marĩpũ masakare siuñajãrĩ sĩburi kerere weregorenarã waamurã õãrõ amuyuka! Irasirirã musã surara sapatu sãñadero pũrũ, Ìgũ waaburire õãrõ amu ododi irirosũ ããrĩrãkoa. ¹⁶ I ããrĩpererire iri odo, gajidere irika, wãtĩrẽ tarinũgãmurã! Musã Cristore buremurĩrẽ neõ piribirikõãka! Irasirirã musã surara Ìgũ kãmutari kõmeti opagũ, iriti merã gãrũyuku peame opari yukure kãmutagũ irirosũ ããrĩrãkoa. Irasirigũ wãtĩ musãrẽ bokatĩũbirikumi musã Cristore buremumakũ Ìãgũ. ¹⁷ “Cristo marĩrẽ taugũkumi”, ãrĩ gũñanĩkõãka! Irasirirã musã surara Ìgũya dipurugue kõme pero peyarosũ ããrĩrãkoa. Gajidere irika! Marĩpũ werenĩrĩrẽ Õãgũ deyomarĩgũ musãrẽ masĩrĩ sĩrĩ merã wereka! Irasirirã musã surara Ìgũya sareri majĩ opagũ irirosũ ããrĩrãkoa. Iri merã wãtĩrẽ tarinũgãrãkoa.

¹⁸ Irasirirã umũrikũ Õãgũ deyomarĩgũ gããmerõsũta Marĩpũre sërẽnĩkõãka! Õãrõ gũñaka! Ìgũrẽ sërẽrĩrẽ neõ piribirikõãka! ããrĩpererã Ìgũyarãya ããrĩburidere sërẽbosanĩkõãka! ¹⁹ Yũdere Marĩpũre ãsũ ãrĩ sërẽbosaka! “Ìgũ weremakũ iritamuka, Ìgũ mũyare gũiro marĩrõ õãrõ wereburo, ãrĩgũ”, ãrĩ sërẽka! Irasirigũ Marĩpũ masakare Cristo merã tauburire yũ õãrõ weregũkoa Ìgũsã iripoegue masĩbirideare masĩburo, ãrĩgũ. ²⁰ Marĩpũ yũre iriumi Cristoya kerere weredoregũ. Yũ irire weredea waja peresugue ããrã. Irasirirã Marĩpũre: “Iroge ããrĩgũ, gũiro marĩrõ mũyare wereburo”, ãrĩ sërẽka!

Pablo, Efeso marãrẽ õãdoretũnudea

²¹ Tĩquico, marĩyagũ marĩ maĩgũ, yũ merã ããrĩmi. Ìgũ marĩ Opũyare õãrõ iritamunĩkõãmi. Musã pũroge ejagũ, yũ iririre musãrẽ weregũkumi. Irasirirã musã yũre: “Irasũta iriñumi”, ãrĩrãkoa. ²² Irasirirã gũa ããrĩrikũrere musãrẽ weredorerã Ìgũrẽ iriua. Ìgũ irire weregũ, musãrẽ usuyari merã ããrĩmakũ irigũkumi.

²³ Marĩpũ ããrĩnĩgũ, marĩ Opũ Jesucristo ããrĩpererãrẽ musãrẽ siuñajãmakũ iriburo. Musãrẽ Cristore buremurĩ merã õãrõ gãme maĩmakũ iriburo. ²⁴ Marĩpũ ããrĩpererã marĩ Opũ Jesucristore maĩnĩrãrẽ õãrõ iriburo. Irasũta iriburo.

Iropãta ããrã.

Pablo

FILIPENSES

Pablo peresugue ããrĩgũ Filipos marãrẽ õãdoredea

¹ Yũ Pablo, Timoteo merã Jesucristore moãboerã ããrã. Irasirirã ããrĩpererãrẽ musãrẽ Filipos marãrẽ Jesucristore buremurãrẽ õãdoredea. Musã oparãdere, ãgũsãrẽ iritamurãdere õãdoredea. ² Marĩpũ ããrĩnĩgũ, marĩ Opũ Jesucristo musãrẽ õãrõ iritamu, siuñajãrĩ merã ããrĩrikũmakũ iriburo.

Pablo Marĩpũre Jesũre buremurãya ããrĩburire sãrẽbosadea

³ Yũ musãrẽ gũñarikũ, Marĩpũre yũ Opũre usũyari sĩa. ⁴ Irasũ ããrĩmakũ, yũ musãya ããrĩburire sãrẽbosarikũ, Marĩpũre usũyari merã sãrẽa. ⁵ Musã neõgoragueta yũ Jesũya kerere weremakũ pé buremunũgãdero pũgũ, yũre iritamunũgãbũ. Dapaguedere irasũta õãrõ iritamunĩkõãa. ⁶ Irasirigũ ire õãrõ masĩa. Marĩpũ musãrẽ õãrĩrẽ iridũamakũ irinũgãdi irasirigũ yãmi. Musãrẽ ãgũ irinũgãderosũta Jesucristo i ãmũgue dupaturi aarimakũgue iriyuwarikũgũkumi. ⁷ Yũ musãrẽ ããrĩpererãrẽ õãrõ gũñarĩ merã gũñamakũ õãgorãa. Musãrẽ bure maĩa. Marĩpũ yũre iritamurõsũ musãdere iritamumi. Irasirirã, yũ oparãrẽ Jesũs masakare tauri kerere: “Diayeta ããrã”, ãrĩ weremakũ, musã yũre iritamubũ. Peresu yũ ããrĩmakũdere iritamubũ. Irasirirã marĩ suro merã Marĩpũ iritamurĩrẽ opãa. ⁸ Marĩpũ ire masĩmi. Jesucristo musãrẽ gũña maĩrõsũ yũde musãrẽ gũña maĩa. ⁹ Marĩpũre musãya ããrĩburire ãsũ ãrĩ sãrẽbosãa. “Gũapũ, ãgũsã mũyare õãrõ masĩrĩ merã õãrõ pãkũĩnũpeoburo, gajerãrẽ maĩdero nemorõ maĩnemoburo”, ãrĩ sãrẽbosãa. ¹⁰ Irire irasirirã: “Marĩpũ gããmerĩrẽ irirã, gajino nemorõ iririre irirã yãa”, ãrĩ, õãrĩrẽ beyemasĩrãkoa. Musã irire beyemasĩrã, Cristo i ãmũgue dupaturi aarimakũ, õãrĩrẽ irinĩnerã, waja opamerã ããrĩrãkoa. ¹¹ Jesucristo musãrẽ Marĩpũ gããmerĩ direta irimakũ irigũkumi. Irasirirã õãrĩrẽ irinĩnerã ããrĩrãkoa. Gajerã ãgũrẽ: “Marĩpũ õãtarigũ, turatarigũ ããrĩmi”, ãrĩ, buremunũmakũ irirãkoa.

Pablo ãgũ Cristoyagũ ããrĩrĩrẽ gojadea

¹² Yaarã, ire musã masĩmakũ gããmea. Daporare yũ peresugue ããrĩkerekerepũ, Jesucristo masakare tauri kere gapũ pãnemosũa. ¹³ Irasirirã ããrĩpererã surara romano marã opũya wii korerã yũ Cristoyagũ ããrĩrĩ waja peresugue dobobiarire masĩperekõãma. ããrĩpererã gajerãde irire masĩma. ¹⁴ Yũ peresugue ããrĩkeregũ marĩ Opũ Jesũre gũñaturari merã buremunũmakũ ããrã, wãrã marĩyarãde gũñaturari merã ãgũrẽ buremunemoma. Irasũ buremurã, gũiro marĩrõ Marĩpũya kerere gajerãrẽ werema.

¹⁵ Surãyeri Cristoyare buerã ããrĩkererã, yũre ããturima. Masakare yũ buerire tũyabirimakũ iridũama. Gajerã gapũ õãrõ gũñarĩ merã Cristoyare buema. ¹⁶⁻¹⁷ Jesucristo masakare tauri kerere: “Diaye ããrã”, ãrĩ wereburire Marĩpũ yũre pĩdeare õãrõ masĩma. Irasirirã yũre maĩrã Cristoyare buema. Gajerã gapũ yũre ããturirã, masakare ãgũsã gapũre tũyamakũ gããmerã ãgũsãde Cristoyare buema. Yũ peresugue ããrĩmakũ, ãgũsã yũre bujaweremakũ iridũarã, irasũ yãma. ¹⁸ ãgũsã yũre maĩbirikerekerepũ õãrokoa. Óãrõ gũñarĩ marĩrõ Cristoyare buerekerekerepũ õãgorãa. Gajerã õãrõ gũñarĩ merã ãgũyare buemakũdere õãgorãa. ããrĩpererã ãgũsã Cristoyareta buerã yãma. Irasirigũ usũyãa. Irasũ usũyanĩkõãgũkoa.

¹⁹ Ire masĩa. Marĩpũre yaa ããrĩburire musã sãrẽbosadea merã, Jesucristo yũre Óãgũ deyomarĩgũ sĩdi iritamurĩ merã Marĩpũ yũre õãrõ tarimakũ irigũkumi. ²⁰ Marĩpũ iritamurĩ merã ãsũta irinĩkõãdũãa dapa. Yũ irideare gũyasĩrĩrõ marĩrõ gũñadũãa. Irasirigũ doyarõ marĩrõ yũ iriderosũta dapaguedere masaka Cristore: “Óãtarigũ, turatarigũ ããrĩmi”, ãrĩ buremunũmakũ irinĩkõãdũãa. Boagũ, o okagũgora yũ boari merã, o yũ okari merã irasũta iridũakõa. ²¹ Yũ okaro bokatĩũrõ Cristoyare irinĩkõãgũkoa dapa. Boagũ, Cristo

puro ĩgũ merã ããrĩmakũ õãtarirokoa. Yũ okagũ ããrĩdero nemorõ ããrĩgũkoa. ²² Okagũ, marĩ Opũ Cristoyamarẽ irinemomasĩa. Irasirigũ: “Boamakũ, o okamakũ õãgorarokoa”, ãrĩmasĩbirikoa. ²³ “Yũ boadũakoa, o okadũakoa”, ãrĩ beyemakũ diasagorãa yũre. Irasũ ããrĩkerepũ, boadũakoa Cristo puro ĩgũ merã ããrĩbu. Irasirigũ: “Yũ boamakũ õãtarirokoa”, ãrĩ gũñãa. ²⁴ Irasũ ããrĩkerepũ: “Okagũ gapũ musãrẽ nemorõ iritamugũkoa, irasiriro gããmea”, ãrĩ gũñãa. ²⁵ Irire masĩgũ, musã merã yũ ããrĩburidere masĩa. Musã merã ããrĩgũ, musãrẽ iritamugũkoa Cristoyare bũremunemoburo, ãrĩgũ. Irasirirã bũremurĩ merã nemorõ usũyarãkoa. ²⁶ Yũ, musã pũro gũ ããrĩburidere musã merã dupaturi ããrĩmakũ, usũyarãkoa. Irasirirã, Jesucristo yũre iritamurĩrẽ masĩrã, ĩgũrẽ: “Turataria mũ”, ãrĩ, usũyari sĩrãkoa.

²⁷ I diretta irika! Cristoya bueri ãrĩrõsũta ããrĩrikũka! Gũñaturarã ããrĩka! Irasirirã gãme dukawariro marĩrõ ĩgũ masakare tauri kerere suro gũñarĩ merã bueka, gajerã ĩgũrẽ bũremuburo, ãrĩrã! Yũ musã puro ĩãgũ waabirimakũ, o yũ ĩãgũ waamakũdere musã irasirimakũ gããmea. Musã suro gũñarĩ merã õãrõ ããrĩrikũmakũ pẽduãa. ²⁸ Musãrẽ ĩãturirãrẽ neõ gũibirikõãka! Musã gũibirimakũ ĩãrã, musã Marĩpũyarã ããrĩrĩrẽ masĩrãkuma. Irasirirã, Marĩpũ ĩgũsãrẽ peamegue beoburire, ĩgũ musãrẽ tauburidere masĩrãkuma. Marĩpũ masakare ãsũta irire masĩmakũ yãmi. ²⁹ Marĩpũta musãrẽ Cristore bũremudoregũ pĩdi ããrĩmĩ. Irasũ ããrĩmakũ: “Cristoyare musã wereri waja ñerõ tarirãkoa”, ãrĩ pĩdi ããrĩmĩ. ³⁰ Irasirirã marĩ Cristoyarã ããrĩrĩ waja gajerã marĩrẽ ñerõ yãma. Musã merã yũ ããrĩmakũ, yũre ĩgũsã ñerõ irasirimakũ ĩãbũ. Daporadere ĩgũsã yũre irasiririre pẽkoa musã.

2

Cristo i mũngue marĩ irirosũ dupũkũgũ ããrĩpererã Opũ ããrĩrĩmarẽ gojadea

¹ Cristo musãrẽ ĩgũyarãrẽ gũñaturamakũ yãmi. ĩgũ musãrẽ maĩgũ õãrõ yũpũrãkũri merã usũyamakũ yãmi. Oãgũ deyomarĩgũ musã merã ããrĩmĩ. Marĩpũ ĩgũ musãrẽ maĩrĩrẽ, ĩgũ musãrẽ bopoñarĩ merã ĩãrĩrẽ masĩmakũ yãmi. ² Irasirirã yũre usũyari opatarimakũ irika! Sũrosũ gũñarĩ merã õãrõ ããrĩrikũka! Sũrosũ gãme maĩka! Sũrosũ õãrõ yũpũrãkũri merã õãrõ ããrĩka! ³ Musãyama directa gũñarĩkũri marĩrõ: “Gajerã nemorõ ããrã”, ãrĩ gũñarĩ marĩrõ masakare õãrõ irika! Gajerã gapũre: “ĩgũsã nemorõ ããrĩbea”, ãrĩ gũñaka! Bũremurĩ merã ĩgũsãrẽ: “Gũa nemorõ õãrã ããrĩma”, ãrĩ gũñaka! ⁴ Musãya ããrĩburi directa gũñabirikõãka! Gajerãya ããrĩburidere gũñaka! Gãme iritamuka!

⁵ Jesucristo ĩgũyamarẽ gũñaderosũta musãde musãyamarẽ gũñaka! ⁶ ĩgũ Marĩpũ ããrĩrikũrĩre opakeregũ, i mũngue aarigũ, Marĩpũre: “Yũ mũngasigue ããrĩrikũrĩre piribirikoa”, ãrĩbiridi ããrĩmĩ. ⁷ Irasirigũ ĩgũ Opũ ããrĩrĩrẽ piri, i mũngue aarigũ marĩ irirosũ dupũkũgũ deyoa, moãrĩmasũ irirosũ ããrĩdi ããrĩmĩ. ⁸ Irasirigũ marĩ irirosũ dupũkũgũ ubu ããrĩgũ irirosũ waadi ããrĩmĩ. ĩgũ Pagũ ĩgũrẽ masakare boabosabu iriudeare masĩgũ, ĩgũ Pagũre yũpũgũ tarinũgãbiridi ããrĩmĩ. Curusague gũyasĩũrõ boakeregũ, ĩgũ Pagũre tarinũgãbiridi ããrĩmĩ. ⁹ ĩgũ irasirimakũ, Marĩpũ ĩgũrẽ: “ããrĩpererã Opũ ããrĩbure sóobũ, ĩgũ wãĩ yũ ĩgũrẽ sĩdea wãĩ, ããrĩpererã gajerã wãĩ nemorõ ããrã”, ãrĩ pĩdi ããrĩmĩ. ¹⁰ Irasirirã ããrĩpererã mũngasi marã, i nikũ marã, boanerã ããrĩrõgue ããrĩrãde Jesús wãirẽ pẽrã, ñadũkupuri merã ejamejã, ĩgũrẽ bũremurãkuma. ¹¹ ĩgũsã ããrĩpererã: “Jesucristo marĩ Opũ ããrĩmĩ”, ãrĩrãkuma. Irasirirã Marĩpũre bũremurãkuma.

Jesucristore bũremurã ĩgũyare iriro gããmea, ãrĩ gojadea

¹² Irasirirã yũ maĩrã, musã merã yũ ããrĩmakũ, musã Marĩpũ dorerire iriderosũta daporadere yũ yoarogue ããrĩmakũdere irire õãrõ irika! Marĩpũ musãrẽ peamegue waabonerãrẽ taudi ããrĩmĩ. Irasirirã, ĩgũ tausũnerã ããrĩsĩã: “Gajerã nemorõ ããrã”, ãrĩ gũñarõ marĩrõ gopeyari merã ĩgũyare irinĩkõãka! ¹³ ãsũ ããrã. Marĩpũ musãrẽ ĩgũ gããmerĩrẽ iridũamakũ yãmi. Irasũ ããrĩmakũ, musãrẽ iritamunĩkõãmi, ĩgũ gããmerõsũta iriburo, ãrĩgũ. Irasirirã, ĩgũ: “ãsũ irika!” ãrĩderosũta irimasĩa.

14 Āārīpererire gajerārē guaseoro marĩrõ usuyari merã irika! 15 Mũsã Marĩpũ pũrã irasirirã, waja opamerã, ñerĩrē irimerã āārĩrãkoa. I ũmũ marã ñerã, Marĩpũya diayemarē irimerã watopegue mũsã āārã. Īgũsã ñerã i ũmũ marã naĩtĩārõgue āārĩrã irirosũ āārĩma. Īgũsã watopegue mũsã Marĩpũyare irirã, neñukã naĩtĩārõgue boyorosũ irirã yãa. Īgũsãrē mũsã Marĩpũyarã āārĩrĩrē masĩmakũ yãa. 16 Irasirirã Cristore bũremurã Marĩpũ merã perebiri okari opaburire Īgũsãrē wererã yãa. Yũ, mũsã irire weremakũ ĩãgũ: “Mũsãrē buegũ, ubugorata buebirikuyo”, ārĩ masĩgũkoa. Cristo i ũmũgue dupaturi aarimakũ, mũsã merã usuyagũkoa. 17 Yũ mũsãrē Cristoyare bueri waja yũre Īgũsã wẽjẽduakerepũrũ, usuyãa. Cristore mũsã bũremuturamakũ, ĩgũyare irimakũ ĩãgũ, Marĩpũ, mũsã ĩgũrē gajinorē sĩrĩ merã usuyarosũ mũsã merã usuyami. Irasirigũ yũde mũsã merã usuyãa. 18 Mũsãde yũre usuyatamuka!

Pablo Timoteoyamarē, Epafroditoyamarē weredea

19 Marĩ Opũ Jesũs gããmemakũ, mata Timoteore mũsã pũroguere iriugũra mũsã āārĩrikũrere masĩbu. Mũsã õãrõ āārĩrĩ kerere pẽgũgueta usuyagũkoa. 20 Timoteo yũ irirosũta mũsã õãrõ āārĩburire bũro gũñami. Gajigũ ĩgũ irirosũ mũsã õãrõ āārĩburire gũñagũ mámi. 21 Gajerã gapũ ĩgũsã āārĩburi direta gũñarikũma. Jesucristo gããmerĩ gapũre gũñabema. 22 Mũsã, Timoteo õãrõ irinĩrĩrē masĩa. Sugũ, pagũ merã moãgũ irirosũ ĩgũ yũ merã Jesucristoya kerere weretamumi. 23 Irasirigũ: “Yũre waaburire õãrõ masĩadero pũrũ, ĩgũrē mũsã pũroguere iriugũra”, ārĩ gũñãa. 24 ĩgũrē iriudũakeregũ: “Marĩ Opũ Jesũs yũdere iriugũkumi, irasirigũ mata mũsã pũroguere waagũkoa”, ārĩ gũñãa.

25 Idere ārĩ gũñãa: “Epafroditodere mũsã pũroguere iriugũra”, ārĩ gũñãa. Mũsã ĩgũrē yũre iritamudorerã, yũ pũroguere iriunerã āārĩbũ. ĩgũ, yaagũ yũ merã moãgũ, Marĩpũyare yũre weretamugũ āārĩmi. 26 ĩgũ mũsãrē āārĩpererãrē bũro ĩãduami. ĩgũ pũrĩrikũdeare mũsã masĩmakũ pẽgu: “Īgũsã yũre gũña, bũjawerekuma”, ārĩ gũñarikũmi. 27 Diayeta āārã. ĩgũ bũro pũrĩrikũmi. Mẽrõgã boaboyatarimi. ĩgũ irasũ pũrĩrikũkerepũrũ, Marĩpũ ĩgũrē bopoña, tarimakũ irimi. Yũdere: “Īgũ boamakũ bũro bũjawerebokumi”, ārĩgũ, Marĩpũ bopoñarĩ merã ĩãmi. Irasirigũ ĩgũrē tarimakũ irimi. 28 Irasirigũ, ĩgũrē ĩã, usuya, gũñaturaburo, ārĩgũ, mũsã pũroguere dupaturi bũro iridũari merã iriua. Mũsã usuyari kerere pẽgu, yũde usuyagũkoa. 29 ĩgũ mũsã pũro ejamakũ, ĩgũrē marĩ Opũ Jesũyagũre õãrõ usuyari merã bokatĩrĩñeãka! Gajerãrē ĩgũ irirosũ āārĩrãrē bũremurĩ merã ĩãka! 30 ĩgũ Cristoyare iridũagũ boakõãdimi. Mũsã yũre iritamumasĩbirire iridũagũ, irasũ waami. Irasirirã ĩgũrē õãrõ bokatĩrĩñeãka!

3

Pablo: “Āsũ āārĩrikũka!” ārĩ gojadea

1 Yaarã, daporare mũsã marĩ Opũyarã āārĩsĩã, usuyaka! Yũ iro dupuyuroguere mũsãrē gojãdeare dupaturi mũsãrē gojamakũ õãgorãa, ārĩ gũñãa. Ire dupaturi gojanemogũ, mũsãrē iritamugũ yãa. 2 Ñerõ irirãrē pẽmasĩka! ĩgũsã ñerã keoro buemerã āārĩma. Āārĩpererãrē ĩgũsãya dupũma gasirogãrē wiiridorema. 3 Irasũ wiiridorerã: “Iri merã Marĩpũre bũremusĩã, peamegue waabirikoa”, ārĩ gũñadima. Marĩ gapũ Īãgũ deyomarĩgũ iritamurĩ merã diayeta Marĩpũre bũremua. “Marĩ Jesucristoyarã āārĩsĩã, peamegue waabirikoa”, ārĩ usuyãa. 4 Irasũ āārĩkerepũrũ, yaamarē ĩgũsã irirosũ ārĩduagũ, ĩgũsãrē tarinũgãkõãbokuyo. Gajerã ãsũta ārĩ tarinũgãkõãduama. Yũ gapũ ĩgũsã nemorõ ārĩmasĩa. 5 Āsũ ārã yũre. Su mojõma pere gaji mojõ ureru pẽrẽbejanurĩ waaró merã yũ deyoadero pũrũ, yaa dupũma gasirogãrē wiirinerã āārĩmã. Yũ Israemũ, Benjamĩya bumũ āārã. Yũ pagũsãmarãde hebreo masaka āārĩnerã āārĩmã. Irasirigũ hebreo masakũta āārã. Moisés dorerire iripeodũagũ fariseo bumũ āārĩbũ. 6 Iri dorerire tarinũgãrõ marĩrõ iriunabũ. Neõ sugũ yũre: “Iri dorerire keoro iribemi”, ārĩmasĩbirimi. Irasirigũ Jesũre bũremurã

gapure: “Moisés dorerire buremubema”, ārī gūña, ĩgūsārē ñerō iriunabu. ⁷ Iripoeguere: “Y_u āārīrikurire oāgorāa”, ārī gūñaunadibu. Daporare: “Jesucristore buremusiā, āārīpereri y_u iripoegue iriunadeama wajamāa”, ārī gūñāa.

⁸ Jesucristore y_u Opure y_u masīmakū oātaria. “Gajino āārīpereri gapu wajamāa”, ārī gūñāa. Irasirigu, masaka gajino gāamebirire béorosū iri āārīpereri y_u iriunadeare béobu. Cristore oārō masību, ĩgūyagu āārību irasiribu. ⁹ Jesucristo y_u merā āārīnīmakū gāamea. Marīpu ĩgū Moisére doreri pídeare y_u iridea merā yure: “Waja opabi, oāgū āārīmi”, ārī ĩābemi. Jesucristo gapure y_u buremumakū: “Waja opabi, oāgū āārīmi”, ārī ĩāmi. Marī ĩgūrē buremumakū, Marīpu marīrē waja opamerā oārā āārīmakū yāmi. ¹⁰ Irasirigu Cristore oārō masīduakoa. Cristo ñerō tarikeregu, Marīpu gāamerīrē iridi āārīmi. Irasirigu curusague boadi āārīmi. ĩgū iriderosūta yude ñerō tarikeregu, Marīpu gāamerīrē iridūakoa. Boagugue irire iridūakoa. Marīpu ĩgū turari merā Cristo boadiguere masūdi āārīmi. Irasirigu iri turari merā Marīpu gāamerīrē iridūakoa. ¹¹ “Marīpu ĩgū boanerārē masūrīnu ejamakū, Cristore masūderosūta, yudere masūgukumi”, ārī gūñāa. Yure irasirimakū buro gāamea.

¹² I āārīpereri irasū ārīgū: “Cristo irirosū Marīpu gāamerīrē iripeosiāa”, ārīgū meta yāa. Y_u irasiribirikereperu, Cristo yure ĩgūyagu āārīmakū irisiadi āārīmi. Irasirigu ĩgū irirosū āārīduagu turaro merā ĩgūyare yāa. ¹³ Yaarā, y_u mūsārē irasū ārīgū: “Cristo irirosū āārīgū ĩgūyare iripeosiāa”, ārīgū meta yāa. Āsū gapu ārīgū yāa. Y_u iripoegue iriunadeare gūñabea. “Y_u Op_u, ĩnaāsū irimakū gāamerī yure?” ārīgū, buro ĩgūyare iritayāa. ¹⁴ Ūma birarimasū ejapurorigu wajataduarosū ĩgūyare buro iripeodūāa. Marīpu ĩgū gāamerī direta iriburo, ārīgū, yure Jesucristoyagure ūmugasigue ĩgū merā āārīdoregu siudi āārīmi. Irasirigu irire buro iridūagu Cristoyare turaro merā yāa.

¹⁵ Āārīpererā Cristore oārō buremurā y_u ārīrōsūta gūñarō gāamea. Mūsā y_u were-deare péduabirimakū, gajerosū mūsā gūñamakū, Marīpu mūsārē diaye gūñamakū iritamugukumi. ¹⁶ Irasirirā Cristoyare marī iritayaderosūta oārō gūña, iritayarā!

¹⁷ Yaarā, mūsā āārīpererā y_u iririkurire ĩākūītayaka! Gajerā g_ua irirosū irirārē ĩgūsā iriridere ĩākūīka! ¹⁸ Y_u mūsārē wāri gajerā ñerō iririre weresiabu. Daporadere oreri merā ĩgūsārēta werea mūsārē doja. ĩgūsā ñerō iriri merā: “Cristo, marī ñerō iridea waja curusague boabosadi āārīmi”, ārī buerire buremumerā āārīma. ¹⁹ ĩgūsā purugue peamegue waadedirirākuma. Marīp_ure buremumerā ĩgūsā haribejari direta irirā yāma. G_uyasīrīrō marīrō: “Marī iriri oārī āārā”, ārītarinugāma. I ūmuma direta gūñama. ²⁰ Marī gapure marīya makā ūmugasigue āārā. Irogue merāta marīrē taugu marī Op_u Jesucristo dupaturi aarigukumi. Irasirirā ĩgū aariburire usuyari merā yūrā yāa. ²¹ Marīrē ĩgū turari merā marīya dupure ubu āārīrī dupure ĩgūya dupu irirosū oārī ūmugasima dupu gorawayugukumi. Iri turari merā āārīpererārē, āārīpererire doregukumi.

4

Marī Op_u Jesucristo merā usuyanikōāka! ārī gojadea

¹ Irasirirā yaarā y_u maīrā, buro y_u gūñarā, yure usuyamakū irirā, neō piriro marīrō gūñaturari merā marī Op_ure buremunikōāka!

² Evodiare, Síntiquere ire weregura: “Mūsā Jesúyarā nome āārā. Irasirirā mūsā gāme guaseorire piri, oārō surosū gūñarī merā āārīrikuka!” ³ Y_u merāmu, mudere y_u merā oārō moāgūrē weregura: “ĩgūsā nomerē iritamuka!” Y_u, Clemente merā, gajerā y_u wapikurā merā Jesús masakare tauri kerere weremakū, ĩgūsā nome g_uare oārō iritamuma. ĩgūsā wāirē, Marīpu merā perebiri okari opamurā wāirē gojatūri pūgue gojatūsūnerā āārīma.

⁴ Mūsā marī Op_uyarā āārīsīā, ĩgū merā usuyanikōāka! Dupaturi werenemogura doja. Piriro marīrō usuyanikōāka! ⁵ Mūsā gajerārē bopoñarī merā oārō iritamurīrē āārīpererā masaka ĩāmasīburo. Marī Op_u Jesucristo i ūmugue dupaturi aariburo mérō dūyāa.

⁶ Musârê gajerosû waaríre bujawereri merã gũñarikubirikõãka! Æsũ gapu irika! Æãrĩpereri musârê waaríre Marĩpũre werepeokõãka! Musã gããmerĩrê ĩgũrê sêrêka! ĩgũrê sêrêrã: “Õãa”, ãrĩ, usuyari sĩka! ⁷ Musã irasirimakũ, Marĩpũ musârê siuñajãrĩ merã ããrĩrikumakũ irigukumi. ĩgũ irasũ iriri õãtaria. Marĩ irire neõ pemasĩpeobirikoa. Marĩ Jesucristoyarã ããrĩmakũ, Marĩpũ ĩgũ siuñajãrĩ sĩrĩ merã marĩrê õãrõ yujupũrãkumakũ irigukumi. Irasũ ããrĩmakũ, marĩ gũñarĩguere õãrĩ gũñamakũ irigukumi.

Õãrĩ direta gũñarõ gããmea, ãrĩ gojadea

⁸ Yaarã, musârê ire weretũnugũra. Æãrĩpereri diayema ããrĩrĩrê, Marĩpũyare gopepyari merã buremurĩrê, diayemarê iririre, õãrĩrê, Marĩpũ: “Õãrĩ ããrã”, ãrĩ ĩãrĩrê, ĩgũ ĩũrõ keoro iririre, ĩgũrê: “Mu iriri, õãtariri ããrã”, ãrĩ, usuyari sĩrĩrê gũñaka! I ããrĩpererire gũñaka irire irimurã!

⁹ Yu musã merã ããrĩgũ, musârê yu buederosũta, yu werederosũta, yu iriderosũta irinĩkõãka! Musã irasirimakũ, Marĩpũ musârê siuñajãrĩ merã ããrĩrikumakũ irigu musã merã ããrĩgukumi.

Filipo marã Pablõre iritamudea

¹⁰ Musã yoadero purugue dupaturi yure gũñarã, musã iritamurĩrê buro usuyagu, marĩ Opũ Jesucristore: “Õãa”, ãrĩ, usuyari sĩa. “Musã yure kãtiakõãbu”, ãrĩgũ meta yãa. Musã yure iritamudũakerepũru, iritamumasĩña marĩbu. ¹¹ Musârê irasũ ãrĩgũ: “Gajino yu gããmerĩrê opabea”, ãrĩgũ meta yãa. Yu opari merã usuyamasĩa. ¹² Gajinorê opabide, wãri opagũde õãrõ usuyari merã ããrĩmasĩa. Noó waaró õãrõ usuyari merã ããrĩmasĩa. Uboagũde, yapigũde, wãri opatarigũde, opabide usuyamasĩa. ¹³ Cristo yure turamakũ irigu merã ããrĩpererire yu irasũ waaríre bokatĩumasĩa. ¹⁴ Yu irasũ ããrĩkerepũru, yu ñerõ tarĩripoe musã yure iritamurã, õãrõ iribu.

¹⁵ Musã Filipo marã ire masĩa. Yu Macedonia nikũ musãya nikũ ããrĩdi Jesús masakare tauri kerere weregu waagorenanugãmakũ, musã dita yure iritamubu. Musârê yu Jesũyare buemakũ, usuyari merã pẽbu. Irasirirã yure iritamubu. ¹⁶ Musã, yu Tesalõnicague ããrĩmakũ, yure iritamunabu. Irasirirã gajino yu gããmerĩrê iriunabu. ¹⁷ Yu musârê gajino siuro dita gããmegũ meta yãa. Marĩpũ ĩũrõ gajerãrê musã iritamudea merã nemorõ ĩgũya õãrĩ opanemomakũ gããmea. Musã irasũ iritamumakũ, Marĩpũ musârê õãrõ iritamugukumi. ¹⁸ Musã yure yu gããmerĩ ããrĩpereri sĩbu. Musã Epafrodito merã yure iriudero purũ, nemorõ yu gããmerĩ ããrĩpererire opãa. Musã yure sĩdea, Marĩpũre sĩdea irirosũ ããrã. Musã irasiriri merã Marĩpũre õãrõ usuyamakũ yãa. ¹⁹ Marĩpũ yu Opũ ããrĩpereri musã gããmerĩnorê musârê sĩgukumi. ĩgũ wãri õãrĩ oparire Jesucristo merã musârê sĩgukumi. ĩgũ musârê sĩburi õãtaria. ²⁰ Umũrikũ piriro marĩrõ marĩ Opũ Marĩpũre usuyari sĩnĩrã! Irasũta irirã!

Pablõ õãdoretũnudea

²¹ Æãrĩpererã Marĩpũyarã Jesucristore buremurã õãburo. Marĩyarã Jesũre buremurã yu merã ããrĩrã musârê õãdorema. ²² Æãrĩpererã õõ marã Marĩpũyarã musârê õãdorema. Marĩpũyarã romano marã opũya wii ããrĩrãde buro õãdorema.

²³ Marĩ Opũ Jesucristo musã ããrĩpererãrê õãrõ iritamuburo.

Iropãta ããrã.

Pablõ

COLOSENSES

Pablo Colosas marĩrẽ õãdoredea

¹ Yũ Pablo, marĩyagũ Timoteo merã musãrẽ õãdorea. Marĩpũ gããmederosũta Jesucristo yũre ìgũyare buedoregũ pími. ² Irasirigũ musãrẽ Colosas marãrẽ Marĩpũyarãrẽ Jesúre gũñaturari merã bũremurãrẽ gojáa. Marĩpũ ããrĩnìgũ musãrẽ iritamũ, siuñajãrĩ merã ããrĩrikũmakũ iriburo.

Pablo Jesúre bũremurãya ããrĩburire Marĩpũre sërẽbosadea

³ Marĩpũre marĩ Opũ Jesucristo Pagũre musãya ããrĩburire sërẽbosarikũ usũyari sĩa. ⁴ Gũa, musã Jesucristore bũremurĩ kerere, gajerãrẽ Marĩpũyarãrẽ ããrĩpererãrẽ maĩrĩ kerere pébũ. ⁵ Iripoegue musã Jesucristo masakare taurĩ kerere õãrõ péduripíbũ. I diayema kerere pérã: “Marĩpũ Jesucristo merã marĩrẽ taugũkumi. Marĩrẽ taugũ, ãmũgasigue ìgũ merã õãrõ ããrĩmakũ irigũkumi”, ãrĩ masĩbũ. Irasirirã Jesúre bũremurã, gajerãrẽ Marĩpũyarãrẽ maĩa. ⁶ ããrĩpererogue Jesúya kerere weremakũ pérã, gajerãde musã iriderosũta Jesúre bũremunũgãma. Irasirirã ìgũyare irinũgãma. Musã iri kerere pépũrorirãgueta: “Marĩpũ marĩrẽ maĩsĩã, Jesús merã marĩrẽ taugũkumi”, ãrĩ masĩbũ. Irasirirã: “Iri kere diayeta ããrã”, ãrĩ masĩa. ⁷ Gũa maĩgũ Epafras musãrẽ iri kerere weremi. Ìgũ, gũare moãtamugũ, Cristore moãboegu, ìgũyamarẽ musãrẽ weregu ããrĩmi. Iri moãrĩrẽ neõ piribemi. ⁸ Ìgũta gũare musã gajerã Jesúyarãrẽ Õãgũ deyomarìgũ iritamurĩ merã maĩrĩ kerere weremi.

⁹ Irasirirã Epafras musãya kerere gũare weredeana merãta Marĩpũre musãya ããrĩburire sërẽbosanerã, inũguedere ãsũ ãrĩ sërẽbosanìkõãa: “Gũapũ, ìgũsãrẽ Õãgũ deyomarìgũ mũ gããmerĩrẽ masĩpeomakũ iriburo, mũyare pémasĩpeomakũ iriburo”, ãrĩ sërẽbosãa. ¹⁰ Marĩpũre musã marĩ Opũ Cristoyarã ããrĩsĩã, ìgũ gããmerõsũta õãrõ irinĩburire sërẽbosãa. Ìgũ gããmerĩrẽ irirã, õãrĩ direta irirãkoa. Marĩpũre masĩnemorãkoa. Musã irasirimakũ ìãgũ, usũyagũkumi. ¹¹ Marĩpũre turatarìgũre ìgũ turari merã musã õãrõ yũpũrãkuturarã ããrĩburidere sërẽbosãa. Irasirirã, ñerõ tarikererã, ããrĩpereri musãrẽ waaburire gũñaturari merã, usũyari merã ããrĩrikũrãkoa. ¹² Marĩpũ marĩrẽ ìgũyarã ããrĩmakũ iridi ããrĩmĩ. Irasirigũ ìgũyarãrẽ: “Yũ gosewasiriri ããrĩrõgue ãsũ sũgũra”, ãrĩdeare marĩrẽ opamurã ããrĩmakũ iridi ããrĩmĩ. Irasirirã, musã Marĩpũre: “Mũ gũare irasiriburi, õãtaria”, ãrĩ, usũyari sĩburidere ìgũrẽ sërẽa. ¹³ Ìgũta marĩrẽ naĩtĩãrõgue ããrĩrã irirosũ ããrĩnerãrẽ taudi ããrĩmĩ, wãtĩ doresũnerã ããrĩnemobirikõãaburo, ãrìgũ. Ìgũ magũrẽ ìgũ maĩgũrẽ marĩ Opũ ããrĩburo, ãrìgũ, irasiridi ããrĩmĩ. ¹⁴ Ìgũ magũ boari merã marĩ ñerõ iridea wajare taudi ããrĩmĩ. Irasirigũ marĩ ñerĩ irideare kãtidi ããrĩmĩ.

Cristo boagũ, marĩrẽ Marĩpũ merã siuñajãrĩ bokamakũ iridea

¹⁵ Marĩpũre ìãña máa. Cristo ìgũ magũ, ìgũ Pagũ ããrĩrikũrere ìmudi ããrĩmĩ masakare. Ìgũ magũ ããrĩpererã dupuyuro, ããrĩpereri dupuyuro ããrĩsiadi ããrĩmĩ. Irasirigũ ããrĩpererã Marĩpũ irinerã nemorõ Opũ ããrĩmĩ. ¹⁶ Cristo merã Marĩpũ ããrĩpererã ãmũgasigue, i nikũgue ããrĩrã, marĩ ìãrãrẽ, marĩ ìãmerãdere iridi ããrĩmĩ. Gaji marĩ ìãrĩrẽ, marĩ ìãbiridere iridi ããrĩmĩ. Oparãrẽ, dorerãrẽ, turarãrẽ, ãmũgasigue ããrĩrãrẽ, i nikũgue ããrĩrãdere ããrĩpererãrẽ iridi ããrĩmĩ. Irasiriro ããrĩpererã, ããrĩpereri ìgũ iridea ããrã. Irire irigũ: “Yũ magũya ããrã”, ãrĩdi ããrĩmĩ. ¹⁷ Cristo ããrĩpererã, ããrĩpereri dupuyuro ããrĩsiadi ããrĩmĩ. Irasirigũ ìgũ turari merã ããrĩpererãrẽ, ããrĩpereridere i ãmũguere ìgũ gããmerõsũta keoro ããrĩmakũ irinĩmĩ. ¹⁸ Marĩ ìgũrẽ bũremurĩ bumarã, ìgũyarã ããrĩsĩã, ìgũya dupũ irirosũ ããrã. Irasirigũ marĩ dipuru, marĩ Opũ ããrĩmĩ. Ìgũ boadero pũrũ, marĩ ããrĩpererã dupuyuro ãmũgasigue masã mũrĩapũroridi ããrĩmĩ ããrĩpererere, ããrĩpererãrẽ dorebu.

19 Marĩpu ĩgũ gããmederosũta ĩgũrẽ ասũ արիւնի ասիրիմի: “Yũ magũ, yũ irirosũta ասիրiburo”, արիւնի ասիրիմի. Irasirigu Cristo ասիրipereri Marĩpu ասիրirikũre opami. 20 Marĩpu ասիրipereri i umumarẽ, ասիրipererã i umugue ասիրirãdere ĩgũ merã õãrõ ասիրimakũ gããmegũ, Cristore iriudi ասիրimĩ. ĩgũ gããmederosũta Cristo curusague boagũ dı beori merã umugası marãrẽ, i nikũ marãdere: “Yũ merã õãrõ ասիրiburo”, արĩgũ, irasiridi ասիրimĩ.

21 Iripoegue musãde ñerĩrẽ iririkũsĩã, Marĩpu merã õãrõ ասիրibiri, ĩgũrẽ ĩãturi, ñerõ gũñaunanerã ասիրibũ. 22 Musã irasũ ասիրikerepũrũ, Marĩpu, Cristo boadea merã musãrẽ ĩgũ merã õãrõ ասիրimakũ iridi ասիրimĩ. Cristo, marĩ irirosũ dupũkũgũ ñerõ tari, boadi ասիրimĩ. Irasirigu Cristo boadea merã Marĩpu musãrẽ ĩgũ pũroque ĩgũyarã õãrã, waja opamerã ասիրiburire ãmudi ասիրimĩ. 23 Musã piriro marĩrõ gũñaturari merã Cristore bũremumakũ, ĩgũ musãrẽ tauri kerere kãtibirimakũ, Marĩpu musãrẽ ĩgũ pũroque ĩgũ merã ասիրimakũ irigũkumi. Iri kerere musã pẽdeare ասիրiperero i umũ marã pẽpereakõãma. Yũ Pablode iri kerere weretamugũta ասira.

Marĩpu Pablode Jesũre bũremurãrẽ iritamudoredea

24 Cristo marĩ ĩgũyarã ասիրiburire curusague boagũ, bũro ñerõ taridi ասիրimĩ. Marĩ Cristore bũremurĩ bumarã, ĩgũyarãta ասirsĩã, ĩgũya dupũ irirosũ ասira. Irasirirã ĩgũyarã ասirĩrĩ waja ñerõ taria. Marĩ ñerõ tariburo dũyãã dapa. Irasirigu yũde ĩgũrẽ bũremurãrẽ iritamudũgũ, ñerõ taria. Ñerõ tarikeregũ, usũyãã. Pũrugue marĩ ñerõ tariri pererokoa. 25 Marĩpu yũre Jesũre bũremurãrẽ iritamubure, musãya ասիրiburire ĩgũya kerere musãrẽ werepeobure pĩmi. 26 Iripoeguere wãri buri marãrẽ iri kerere masĩpeomakũ iribiriunadi ասիրimĩ. Dapora marãrẽ ĩgũyarãrẽ irire õãrõ masĩpeomakũ yãmi. 27 Irasirigu iri kerere iripoegue marã masĩbirideare musã judıo masaka ասirimerãdere masĩmakũ gããmemi. Iri kere ասũ արã: “Cristo ĩgũyarãguere ասirimi. Irasirirã umugasigue ĩgũ õãtariro ասirĩrõgue ĩgũ merã ասirĩrãkuma”.

28 Gũã Cristoyamarẽta werea. ասիրipererãrẽ ĩgũyare pẽmasĩdorerã, ասիրipereri Marĩpu gũare masĩrĩ sĩrĩ merã buea. ĩgũ gããmerõsũta iridorerã, ĩgũ merã õãrõ ասիրiburo, արĩrã, werea. 29 Irita ասira yũ moãrĩ. Cristo turari sĩdero bokatĩũrõ masakare ĩgũyare bue, ĩgũsãya ասիրiburire Marĩpũre sẽrẽbosãã.

2

1 Ire musã masĩmakũ gããmea. Musãya ասիրiburire, Laodicea marãya ասիրiburire, ասիրipererã yũre ĩãmerãya ասիրiburidere bũro gũña, Marĩpũre sẽrẽbosãã. 2 ասũ արĩ sẽrẽã Marĩpũre: “Gũãrũ, ĩgũsãrẽ õãrõ yũjũpũrãkũmakũ irika! ասũrõ gãme maĩrĩ merã ասiririkũmakũ irika! ĩgũsãrẽ mũ magũyamarẽ õãrõ pẽmasĩmakũ irika! Mũ magũyamarẽ pẽmasĩrã, gũñaturari merã ասiririkũrãkuma. Iripoegue marã masĩbirideare õãrõ masĩrãkuma”, արĩ sẽrẽbosãã. 3 Cristo dita ասիրipererire õãrõ masĩgũ, õãrõ pẽmasĩgũ ասիրimĩ. ĩgũ dita marĩrẽ ĩgũyamarẽ masĩmakũ irigũ ասիրimĩ. Irire masĩrã, õãtaririre masĩa. 4 Gajerã musãrẽ õãrõ pẽsuyuri werenĩrĩ merã արĩgatobokuma, արĩgũ, irire werea. 5 Yũ musã watopegue ասiribirikeregũ, musã merã ասirĩgũ irirosũ pẽñãã. Musãrẽ bũro gũñãã. Musã Cristore gũñaturari merã õãrõ bũremurĩrẽ musã õãrõ ասiririkũre pẽgũ, usũyãã.

6 Irasirirã marĩ Opũ Jesucristore bũremurã ĩgũrẽ musã bũremunũgãderosũta: “Yũre iritamugũkumi”, արĩ bũremunĩ, umũrikũ ĩgũ merã õãrõ ասirĩnikõãka! 7 ĩgũrẽ õãrõ masĩrã, ĩgũyare irirã ասirĩka! Gajerã musãrẽ buederosũta piriro marĩrõ gũñaturari merã ĩgũrẽ bũremunemoka! Umũrikũ Marĩpũre: “Õãã”, արĩ, usũyari sĩka!

Jesũre bũremurã Marĩpu merã õãrõ ասirĩrmarẽ gojadea

8 ասũrõ pẽmasĩka! Masaka ĩgũsã gããmerõ buerire, ĩgũsã արĩgatorire pẽbirikõãka! ĩgũsã iripoegue marã ասiririkũdeare, ĩgũsã basi i umumarẽ ĩgũsã gũñarĩrẽ buema. Gajerãrẽ Jesucristoyare buerã meta ասira. ĩgũsã ĩgũyare pirimakũ iridũarã, irasũ buema.

⁹ Cristo, marĩ irirosũ dupukugũ ããrĩgũ ããrĩpereri Marĩpũ ããrĩrikurire opagũ ããrĩmi. ¹⁰ Mũsã Cristoyarã ããrĩmakũ, Marĩpũ mũsãrẽ ĩgũ irirosũ õãrã ããrĩmakũ yãmi. Cristota ãmũgasi marã, i nikũ marã, deyorã, deyomarĩrã ããrĩpererã oparã nemorõ Opũ ããrĩmi. Irasirirã ãrĩgatori merã buerãrẽ pėbirikõãka!

¹¹ Cristoyarã ããrĩsĩã, dupũma gasirogãrẽ wiirisũbirikererã, wiirinerã irirosũ ããrã. Masaka mũsãrẽ irasũ ããrĩmakũ iribirima. Marĩpũ gapũ mũsã Cristoyarã ããrĩmakũ, mũsãrẽ ĩgũ merã taudi ããrĩmĩ, mũsã ñerĩ ãaribejarire piriburo, ãrĩgũ. ¹² Mũsã Cristoyarã ããrĩsĩã, deko merã wãiyesũrã, Cristo boa, yãasũderosũta mũsãde ĩgũ merã boa, yãasũnerã irirosũ waabũ. Boanerã ñerĩrẽ neõ irinemomasĩbema. Irasirirã mũsã wãiyesũrã, mũsã iripoegue ñerõ iriunadeare piririre ĩmurã iribũ. Mũsã irasũ wãiyesũmakũ, Marĩpũ Cristo boadiguere masũderosũta mũsãdere ĩgũ merã masũnerã irirosũ ããrĩmakũ iridi ããrĩmĩ. “Marĩpũ ĩgũ turari merã Cristore masũdi ããrĩmĩ”, ãrĩ bũremumakũ, mũsãrẽ irasiridi ããrĩmĩ õãrĩ gapũre iriburo, ãrĩgũ. ¹³ Iripoeguere mũsã ñerõ iridea waja peamegue waabonerã ããrĩnerã ããrĩbũ. Marĩpũyarã ããrĩbirisĩã, irasũ ããrĩnerã ããrĩbũ. ĩgũ dorerire opabirisĩã, irire iribirinerã ããrĩbũ. Daporare pama Marĩpũ marĩrẽ ĩgũ merã irasũ õãrõ ããrĩnĩmurã ããrĩmakũ yãmi. Cristo boadea merã irasũ yãmi. ĩgũ boadea merãta ããrĩpereri marĩ ñerĩ irideare kãtidi ããrĩmĩ. ¹⁴ Iripoegue Marĩpũ ĩgũ dorerire marĩrẽ: “Ãsũ irika!” ãrĩ pĩdi ããrĩmĩ. Marĩ iri dorerire tarinũgãnerã ããrĩkererũ, Cristo curusague boadea merã marĩ ñerĩ iridea wajare kãtipeokõãdi ããrĩmĩ. ¹⁵ Irasũ ããrĩmakũ, Cristo curusague boari merã wãtẽa oparãrẽ, ĩgũsãrẽ dorerã turarãrẽ tarinũgãkõãdi ããrĩmĩ. Irasirigũ ĩgũ ĩgũsãrẽ tarinũgãdeare gajerãrẽ masĩmakũ iridi ããrĩmĩ.

Ƴmũgasimarẽ, Marĩpũyare iritũyaka! ãrĩ gojadea

¹⁶ Irasirirã gajerã mũsãrẽ doredũarã: “Irire baarã, irire iirĩrã ñerĩrẽ irirã yãa”, ãrĩ werewũamakũ irasũ pėkõãka! Bojorikũ, abe deyoanarikũ, semanarikũ bosenũrĩ ããrĩrĩnũrĩrẽ ĩgũsã judĩo masaka irirosũ mũsã iridũabirimakũ werewũaridere irasũ pėkõãka! ¹⁷ Iripoegue Marĩpũ marĩrẽ ĩgũ dorerire pĩdi ããrĩmĩ, ĩgũ marĩrẽ Cristo merã iritamuburire pėmasĩburo, ãrĩgũ. Daporare Cristo iri dorerire iripeogu ejadigue ããrĩmĩ marĩ ñerõ iridea wajare taubu. ¹⁸ ĩgũsã mũsãrẽ doredũarã: “Gajerã nemorõ ããrã”, ãrĩ gũñakererã, masaka pėurogue: “Gajerã nemorõ ããrĩbea”, ãrĩ weregorenama. Marĩpũre wereboerãrẽ bũremurã, ĩgũsãrẽ: “Iritamuka gũare!” ãrĩ sērẽma. “Kěrõ irirosũ Marĩpũ gũare ĩmudeare ĩãbũ”, ãrĩmoãmarã: “Masĩtarinũgãrã ããrã”, ãrĩ gũñadima. ĩgũsã basi gũñarõsũ yãma. Irasirirã mũsãrẽ: “Gũa irirosũ iribirimakũ, diayemarẽ iribeã”, ãrĩ werewũamakũ irasũ pėkõãka! ¹⁹ ĩgũsã Cristore bũremubema. Marĩ gapũ ĩgũrẽ bũremurĩ bumarã, ĩgũyarã ããrĩsĩã, ĩgũya dupũ irirosũ ããrã. ĩgũta marĩrẽ doregũ, marĩ dipuru ããrĩmi. Irasirigũ, Marĩpũ gããmerõsũta marĩrẽ ĩgũya dupũ irirosũ ããrĩrãrẽ gãme iritamu, ĩgũrẽ bũremunemomakũ yãmi.

²⁰ Mũsã, Cristo boaderosũta ĩgũ merã boanerã irirosũ waanerã ããrĩsĩã, mũsãrẽ doredũarã i ãmũmarẽ ĩgũsã gũñarõsũ buerire bũremubirikõãka! Mũsã ñerõ iririre pirikererã, Cristoya buerire bũremukererã, ¿nasirirã ĩgũsã dorerire iridũari dapa? ²¹ ĩgũsã gããmerõsũ ãsũ ãrĩ buema: “Irinorẽ baabirikõãka! Irinorẽ ñeãbirikõãka!” ãrĩma. ĩgũsã irire irasũ ãrĩmakũ, ¿nasirirã ĩgũsã dorerire yujuri? ²² ĩgũsã doreri: i ãmũma pereburi, masaka ĩgũsã gũñarĩ merã bueri ããrã. Irasiriro wajamãa. ²³ ĩgũsã dorerire irirã: “Marĩpũyare õãrõ masĩrĩ merã ĩgũrẽ bũremurã yãa”, ãrĩ gũñadima. ĩgũsã dupũre ñerõ tarimakũ irirã, “Goepeyari merã Marĩpũre bũremurã yãa”, ãrĩ gũñadima. ĩgũsã dorerire irirã, masaka pėurogue: “Gajerã nemorõ ããrĩbea”, ãrĩ weregorenakererã, diayemarẽ irirã irirosũ iriadima. ĩgũsã dorerire irikererã, ĩgũsã ñerĩ ãaribejarire piribema. Irasiriro ĩgũsã doreri wajamãa.

3

1 Marĩpu Cristore boadiguere masũderosũta musãdere ĩgũ merã masũnerã irirosũ ããrĩmakũ iridi ããrĩmĩ õãrĩ gapure iriburo, ãrĩgũ. Irasirirã musã iro dupuyuro ñerĩ irideare piri, umugasimarẽ Cristoyare gããmekã! Irogue Cristo ĩgũ Pagu diaye gapu doagu ããrĩpererãrẽ doregu ããrĩmi. 2 Umugasimarẽ gũñanĩka! I umumarẽ gũñanĩbirikõãka! 3 Musã Cristoyarã ããrĩsĩã, ĩgũ boaderosũta musãde ĩgũ merã boanerã irirosũ waanerã ããrĩbũ. Irasirirã boanerã ñerĩrẽ neõ irinemomasĩmerã irirosũ musã iripoegue ñerõ iriunadeare piribu. Daporare Cristo merã Marĩpu purogue masaka ĩãberogue perebiri okari opamurã ããrã. 4 Irasirirã, Cristo marĩrẽ okari sĩgũ i umugue dupaturi aarimakũ, umugasigue ĩgũ gosewasiri ããrĩrõgue ĩgũ merã waarãkoa.

Iro dupuyuro ñerĩ irideare pirika! ãrĩ gojadea

5 Irasirirã i umuma ñerĩ iririre pirikõãka! Neõ sugu mojõsiabirikeregu, nomeõ merã ããrĩbirikõãka! Neõ sugo mojõsiabirikerego, umuu merã ããrĩbirikõãka! Ñerã seyaro ñerõ irirã irirosũ iribirikõãka! Ñerĩ haribejarire iribirikõãka! Gajinorẽ opaduarã, buro gããmebirikõãka! Masaka Marĩpũre gããmerõ nemorõ gajino gapure gããmerã, keori weadeare buremurã irirosũ yãma. 6 Iri ñerĩrẽ irirã, Marĩpu dorerire tarinugãrã ããrĩma. Irasirigu ĩgũsarẽ buro wajamoãgukumi. 7 Iripoeguere iri ñerĩrẽ irirã irirosũ musã ããrĩunanerã ããrĩbũ. 8 Dapora ããrĩpereri i ñerĩrẽ pirika! Guarire, sĩtirĩrẽ, gajerãrẽ ñerõ gũñarĩrẽ, gajerãrẽ ñerõ kere werenĩrĩrẽ, ñerĩ gũyasĩũrĩ werenĩrĩrẽ pirikõãka! 9 Gãme ãrĩgatobirikõãka! Musã Cristoyarã ããrĩsĩã, musã ĩgũyarã ããrĩburi dupuyurogue ããrĩrikũunaderosũ neõ ããrĩbea. Musã ñerĩ iririkũunadeare pirinerã ããrã. 10 Musã Cristoyarã ñajãmakũ, Marĩpu musãrẽ maama ããrĩrikũrere opamakũ iridi ããrĩmĩ. Irasirigu musãrẽ ĩgũ õãgũ ããrĩrõsũ ããrĩmakũ yãmi. Musãrẽ ĩgũrẽ õãrõ masĩnemoburo, ãrĩgũ, irasũ yãmi. 11 Irasirirã marĩ Cristoyarã ããrĩrã: judío masaka, judío masaka ããrĩmerãde, dupuma gasirogãrẽ wiirisũnerã, wiirisũbirinerãde, gaji nikũ marã, masĩmerãde, moãboerimasã, moãboerimasã ããrĩmerãde, Marĩpu ĩũrõrẽ sũrosũ ããrã. Cristo marĩ ããrĩpererã Opũ ããrĩmi. Irasirigu ããrĩpererã ĩgũyarã merã ããrĩmi.

12 Irasirirã musã Marĩpu beyenerã, õãrã, ĩgũ maĩrã ããrĩrã ãsũ ããrĩrikũka! Gajerãrẽ bopoñarĩ merã ĩãka! ĩgũsarẽ õãrõ usũyari merã iritamuka! “Gajerã nemorõ ããrã”, ãrĩ gũñabirikõãka! Musãrẽ ñerõ irikerepũru, irasũ peñakõãka! Gũñaturaka! 13 Guarĩ marĩrõ gajerãrẽ bopoñarĩ merã ĩãka! Gajerã merã gãme turianerã, ĩgũsã musãrẽ ñerõ irideare ĩgũsarẽ kãtika! Marĩ Opũ musã ñerĩ irideare kãtidi ããrĩmĩ. ĩgũ kãtiderosũta musãde musã merãmarã musãrẽ ñerõ irideare kãtika! 14 I doreri nemorõ musãrẽ: “Gajerãrẽ buro maĩ buremuka!” ãrã. Musã irasirirã ããrĩpererã gajerã merã õãrõ ããrĩrãkoa. 15 Marĩpu marĩrẽ siuñajãrĩ merã ããrĩrikũmakũ yãmi. Irasirirã musã merãmarã merã õãrõ ããrĩka! Marĩ ĩgũyarã su bumarãta ããrã. Marĩpu marĩrẽ irasũ ããrĩmurãrẽ pídi ããrĩmĩ. Irasirirã ĩgũrẽ: “Õãa”, ãrĩ, usũyari sĩnĩkõãka!

16 Cristoya kerere gũñanĩkõãka, irire masĩnemomurã! Õãrõ pémasĩrĩ merã ĩgũyare gajerãrẽ bueka! Goepeyari merã wereka, ĩgũsãde ĩgũyare õãrõ iriburo, ãrĩrã! Irasirirã Salmos wãĩkũri gojadea pũgue Marĩpũya bayarire, gaji ĩgũrẽ buremurĩ bayarire ĩgũrẽ bayapeoka! Õãrõ gũña buremurĩ merã bayapeoka! Irasirirã Marĩpũre: “Õãa”, ãrĩ, usũyari sĩka! 17 Marĩ Opũ Jesús usũyaburosũta ããrĩpereri musã iririre, ããrĩpereri musã werenĩrĩrẽ õãrõ yũpũrãkũri merã irika! Irasirirã, Jesús iritamurĩ merã Marĩpũre: “Õãa”, ãrĩ, usũyari sĩka!

Pablo Jesũre buremurãrẽ: “Ãsũ irika!” ãrĩ gojadea

18 Musã marãpũkũrã nome, Cristo marĩ Opũyarã nome ããrĩsĩã, musã marãpũsãmarãrẽ õãrõ yũjũka! 19 Musã marãpokũrã, musã marãposã nomerẽ maĩ buremuka! ĩgũsarẽ turibirikõãka! 20 Musã ĩgũsã pũrãde ããrĩpereri musã pagusãmarã dorerire

tarinugābirikōāka! Mūsā irasirimakū, marī Opū oārō usuyagukumi. ²¹ Mūsā ĩgūsā pagūsāmarāde mūsā pūrārē turi, ĩgūsārē guamakū iribirikōāka, bujawereri merā yujupūrākuri, ārīrā! ²² Moāboerimasā, āārīpereri mūsā oparā i ũmū marā dorere yujuka! ĩgūsā ĩūrōrē, ĩgūsā ĩāberoguedere oārō moāka! ĩgūsā mūsārē oārō gūñaburire ĩgūsā ĩūrō direta oārō moāmakū oābea. Mūsā, marī Opūre goepeyari merā buremurā āārīsīā, mūsā oparādere oārō merā yujuka! ²³ Āārīpereri mūsā iririre, oārō yujupūrākuri merā irika! Masakare moāboekererā, diayeta marī Opūre Cristore moāboerā āārā. Irasirirā mūsā oparārē oārō moāboeka! Irasū moāboerā, Cristore moāboerā irirosū yāa. ²⁴ Mūsā irasirimakū, Cristo mūsārē wajarigukumi. ĩgūyarārē: “Āsū sīgura”, ārīdeare mūsārē sīgukumi. Mūsā irire masīa. Mūsā marī Opūre Cristore moāboerā āārā. ĩgūta mūsā Opūgora āārīmi. ²⁵ Marīpū ñerō irirārē ĩgūsā ñerō iridea waja wajamoāgukumi. ĩgūsārē āārīpererārē sūrosū ĩāgū, keoro wajamoāgukumi. Neō sugū tariwerebirikumī.

4

¹ Mūsā oparā, mūsārē moāboerimasārē diayemarē irika! ĩgūsārē oārō opaka! Ire mūsā masīa. Mūsāde Opū opāa. Mūsā Opū ũmugasigue āārīgū Marīpū āārīmi.

² Ūmurikū oārō gūña pémasī, Marīpūre sērēnikōāka! ĩgūrē: “Oāa”, ārī, usuyari sīka! ³ Marīpūre guaya āārīburidere sērēbosaka! Gūa Cristoya kerere iripoegue marā masībirideare gajerārē buedukoa. Irasirirā Marīpūre gūa ĩgūsārē iri kerere oārō bueburire sērēbosaka! Yū iri kerere wereri waja daporare peresugue āārā. ⁴ Irasirigū Marīpūre yaa āārīburire mūsā sērēbosamakū gāāmea. Marīpūre ĩgū dorederosūta Cristoya kerere gajerārē pémasīma oārō yū wereburire sērēbosamakū gāāmea.

⁵ Jesúre burenumerārē pémasīrī merā oārō irika! ĩgūsārē ĩgūyare wereka! ĩgūsā merā mūsā āārīrōpā ĩgūsārē oārō irika, ĩgūsāde Jesúre buremuburo, ārīrā! ⁶ Gajerā merā weretamurā, oārō merā weretamuka! Oārī direta werenīka! Mūsā irasirirā gajerā ĩgūsā Jesúyamarē mūsārē sērēñamakū, oārō masīrī merā yujurākoa ĩgūsārē.

Pablo oādoretūnudea

⁷ Tīquico, marīyagū marī maīgū, Jesúre buremugū āārīmi. ĩgū yū āārīrikurire mūsārē weregukumi. Marī Opūyare buegū, yū merā moāgū āārīmi. Neō iri moārīrē piribemi. ⁸ Mūsā pūrogue ĩgūrē iriua, gūa āārīrikurire masī, mūsārē gūñatura, usuyamakū iriburo, ārīgū. ⁹ Onésimo merā ĩgūrē iriua. ĩgūde Jesúyare neō piribemi. Mūsāya makāmū, marīyagū marī maīgū āārīmi. ĩgūsā pērā gūa naásū waadeare āārīpererire wererākuma mūsārē.

¹⁰ Aristarco yū merāmū, yū merā peresugue āārīgū mūsārē oādoremi. Marcode oādoremi. ĩgū Bernabé pagūmū āārīmi. Mūsā pūrogue ĩgū ejamakū, oārō merā ĩgūrē bokatīrīñeāka, yū mūsārē werederosūta! ¹¹ Jesús wāikugū, gajerā “Justo” wāiyedi mūsārē oādoremi. ĩgū, Marcos, Bernabé merā yūre moātaturā āārīma. ĩsā ũrerāta gajerā judío masaka Jesúre buremurā watopeguere yūre moātaturā, masaka Marīpū ĩgūyarārē doreri kerere péburo, ārīrā. ĩgūsā yūre iritamurī merā gūñatura, usuyāa. ¹² Epafra mūsāya makāmude mūsārē oādoremi. ĩgū Cristoyagū ĩgūrē moāboegū āārīmi. Marīpūre sērēgū, turaro mūsāya āārīburire sērēbosanīkōāmi. Marīpūre oārō gūñaturaní, ĩgū gāāmerōsū iriburo, ārīgū, irasū sērēbosami. ¹³ ĩgū Marīpūre mūsāya āārīburire turaro sērēbosamakū ĩāa. Laodicea marāya āārīburire, Hierápolis marāya āārīburidere turaro sērēbosami. ĩgū irasirimakū ĩāgū, mūsārē irire diaye werea. ¹⁴ Duturu Lucas, marī maīgū mūsārē oādoremi. Demade oādoremi.

¹⁵ Oāburo marīyarā Laodicea marā. Ninfa wāikugode oāburo. Jesúre buremurā igoya wiigū nerērāde oāburo. ¹⁶ I pūrē yū gojadea pūrē mūsā nerērōgue bue ĩmu odo, Laodicea marādere iriuka, ĩgūsāde ĩgūsā nerērōgue bue ĩmuburo, ārīrā! Irasirirā ĩgūsārē gajī yū

gojadea pūrē ñeārã, musãde iri pūrē bue ñmuka! ¹⁷ Ñsũ ãrĩka Arquipore: “Marĩ Opũ Jesúyagũ mũ ããrĩmakũ, mũrē ñgũ moãrĩrē pídi ããrĩmĩ. Irasirigũ irire õãrõ moãyuwarikũka!” ãrĩka ñgũrē!

¹⁸ Yũ Pablo, yaa mojõ merã ire gojáa: “Musãrē õãdorea”. Peresugue yũ ããrĩrĩrē gũña, Marĩpure yaa ããrĩburire sērēbosaka! Ñãrõ ããrĩka musã! Marĩpũ musãrē õãrõ iritamuburo. Iropãta ããrã.
Pablo

1 TESALONICENSES

Pablosã Tesalónica marârê òãdoredea

¹ Y_H Pablo, y_H merãmarã Silvano, Timoteo merã musã Tesalónica marârê Jesúre b_Hremurârê òãdoredea. Musã Marĩp_Huyarã, marĩ Op_H Jesucristoyarã ããrã. Irasirig_H musãrê i papera pũrê gojáa. Marĩp_H ããrĩngũ, marĩ Op_H Jesucristo musãrê òãrõ iritamu, siuñajãrĩ merã ããrĩrik_Hmakũ iriburo.

Pablo, Tesalónica marã Jesúre b_Hremurĩrê gojadea

² G_Hua Marĩp_Hure musãya ããrĩburire sêrêbosarã, musã òãrõ iririre gũñáa. Irasirirã ìgũrê: “M_H iritamurĩ merã òãrõ yáma”, ãrĩ, us_Hyari sĩnĩkõãa. ³ Ìgũrê sêrêrã, ãsũ ãrĩ sêrêa: “G_Hap_H, Tesalónica marã m_H magũ Jesucristore b_Hremusiã, ìgũyare òãrõ irirã yáma. Maĩrĩ merã gajerãrê òãrõ iritamuma. Marĩ Op_H Jesucristo dupaturi aariburire us_Hyari merã yúsĩã, ñerõ tarikererã gũñaturama. Irasirig_H ìgũsãrê irire iriduúbirimakũ irika!” ãrĩ sêrêa. ⁴ G_Huayarã, Marĩp_H musãrê maĩmi. Ìgũta musãrê beyedi ããrĩmĩ, ìgũyarã ããrĩburo, ãrĩgũ. G_Hua irire masĩa. ⁵ Musãrê Jesús masakare tauri kerere wererã, g_Hua masĩrĩ merã werebirib_H. Òãgũ deyomarĩgũ turari merã gap_H musãrê iri kerere wereb_H. G_Hua musãrê òãrõ iritamudeare masĩsĩã, g_Hua iri kerere weremakũ pérã: “Diayeta ããrã”, ãrĩ masĩb_H.

⁶ Irasirirã, g_Hua irideare iãnerã ããrĩsĩã, g_Hua iriderosũ, irasũ ããrĩmakũ Jesucristo iriderosũ irirã dujab_H. Ñerõ tarikererã, Òãgũ deyomarĩgũ iritamurĩ merã Jesúya kerere us_Hyari merã pé, b_Hremunugãb_H. ⁷ Musã irasirideare pérã, ããrĩpererã Jesúre b_Hremurã, Macedonia nikũ marã, òõ Acaya nikũ marã: “Marĩdere ìgũsã irirosũta ããrĩrik_Hro gããmea”, ãrĩma. ⁸ Musã merãta ããrĩpererogue marã marĩ Op_H Jesúya kerere pépereakõãñurã. Macedonia marã, Acaya marã dita iri kerere pérã meta iriñurã. ããrĩpererogue marã musã Marĩp_Hure b_Hremurĩrê masĩsiañurã. Irasirirã g_Hua ìgũsãrê irire werenemobirikoa. ⁹ Ìgũsã gap_H g_Hua musã p_Hro ejamakũ, musã g_Huare òãrõ bokatĩrĩñeãdeare gajerãguere werema. Gaji musã keori weadeare b_Hremurĩrê pirikõã, Marĩp_H gap_Hure b_Hremu, ìgũ gããmerĩ direta irinugãdeare werema. Ìgũ diayeta Marĩp_H okanĩgũ ããrĩmi. ¹⁰ Musã, ìgũ magũ Jesús ùmugásigue ããrĩgũ i ùmugue dupaturi aariburire òãrõ us_Hyari merã yúrã iriayuro. Marĩp_H Jesúre boadiguere masũdi ããrĩmĩ. Jesúta marĩrê peamegue b_Hro wajamoãsũbonerãrê taug_H ããrĩmi.

2

Pablo Tesalónicague ìgũ buedeare gojadea

¹ G_Huayarã, musã ire òãrõ masĩa. G_Hua musã p_Hro ããrĩrã, ubu ããrĩrĩrê irirã meta irib_H. G_Hua buerire pérã, wãrã musã Jesúre b_Hremunugãb_H. ² G_Hua musã p_Hro waaburi dupuyuro Filipogue ããrĩb_H. G_Hua irogue ããrĩmakũ, iro marã g_Huare ñerõ iri, ñerõ ãrĩ b_Hridama. Musã irire masĩa. Musãya makã marãde g_Huare ñerõ irid_Hakerer_H, Marĩp_H g_Huare iritamumi. Irasirirã gũiro marĩrõ gũñaturari merã ìgũ masakare tauri kerere musãrê wereb_H. ³ G_Hua musãrê: “Iri kerere b_Hremuka!” ãrĩ wererã, diayema ããrĩrĩrê b_Hremumakũ gããmeb_H. Musãrê ñerõ irid_Harã, ãrĩgatori merã buerire b_Hremumakũ irid_Harã meta irib_H. ⁴ Marĩp_H ìgũ gããmederosũta g_Huare ìgũ masakare tauri kerere weremurãrê beyepĩdi ããrĩmĩ. Irasirirã, masaka g_Hua merã us_Hyaburo, ãrĩrã meta iri kerere werea. Marĩp_H gããmerĩ gap_Hure irid_Harã, irire werea. Ìgũta ããrĩpereri marĩ gũñarĩrê iãmasĩgũ ããrĩmi. ⁵ Musã masĩa. G_Hua musã p_Hro ããrĩrã, musãrê òãrõ werenĩgatori merã g_Hua gããmerĩrê irimakũ irid_Harã meta irib_H. Musãrê niyerure ãid_Harã ãrĩgatori merã wererã meta irib_H. Marĩp_Hude irire masĩmi. ⁶ G_Hua Marĩp_Huya kerere wererã, musã g_Huare: “Òãrõ buema”, ãrĩmakũ irid_Harã meta yáa. Gajerãde g_Huare irasũ ãrĩmakũ neõ gããmebea. ⁷ G_Hua, Cristo

buedoregũ beyepínerã ããrĩsĩã, m̄sãrẽ: “Gũare iritamuka!” ãrĩbonerã ããrĩkererã, neõ irasũ ãrĩbiribũ. Sugo pago igo pũrãrẽ maĩrĩ merã õãrõ korerosũta m̄sãrẽ maĩrĩ merã õãrõ korebũ. ⁸ M̄sãrẽ bũro maĩsĩã, Marĩpũya kerere õãrõ iridũari merã buebũ. ããrĩpereri gũa irimasĩrĩ merã m̄sãrẽ iritamubũ. M̄sãrẽ maĩsĩã, irasiribũ. ⁹ M̄sã gũayarã, gũa m̄sã merã ããrĩrã bũro moãdeare gũñakoa. M̄sãrẽ Marĩpũya kerere buerã: “Gũare iritamuka!” ãrĩdũabirisĩã, gũa baaburire wajarimurã ãmũrĩ, ñamirĩ moãbũ.

¹⁰ Gũa iririkũre m̄sã masĩa. Marĩpũde masĩmi. Gũa, m̄sã Jesũre bũremurã merã ããrĩrã, gũa m̄sãrẽ õãrõ irirã, diayema iribũ. Irasirirã gajerã gũare: “Ñerõ yãma, waja oparã ããrĩma”, neõ ãrĩmasĩbirima. ¹¹ Idere m̄sã masĩa. Sugũ pagũ ãgũ pũrãrẽ õãrõ wereri merã ãgũsãrẽ gũñaturamakũ irirosũta gũa m̄sãdere ããrĩpererãrẽ irasiribũ. ¹² Marĩpũ m̄sãrẽ ãgũyarãrẽ dorerogue ãgũ õãrõ gosewasirogue m̄sã ããrĩmurãrẽ beyedi ããrĩmi. Irasirirã m̄sãrẽ ãgũyarãrẽ: “ãgũyare õãrõ irinĩkõãka!” ãrĩ werebũ.

¹³ Gũa m̄sãrẽ Marĩpũya kerere weremakũ pérã, m̄sã: “I Marĩpũya werenĩrĩgora ããrã”, ãrĩ bũremubũ. “Masakaya werenĩrĩ meta ããrã”, ãrĩbũ. Gũa, m̄sã irasirideare gũñarã, Marĩpũre m̄sũyari sĩnĩkõã. ãgũ m̄sãrẽ ãgũya kerere bũremurãrẽ iri merã m̄sã gũñarĩrẽ, m̄sã iririre õãrĩ gapũre gorawayumakũ yãmi. ¹⁴ Gũayarã, m̄sã Jesucristore bũremurã ããrĩmakũ ããrã, m̄sãya nikũ marã m̄sãrẽ ñerõ tarimakũ iriañurã. M̄sãrẽ waarósũta Judea nikũ marãdere Marĩpũyarãdere waaró iriayuro. ãgũsã Jesucristore bũremurã ããrĩmakũ ããrã, ãgũsãya nikũ marã judío masaka ãgũsãrẽ ñerõ tarimakũ iriañurã. Judío masaka Jesũre gããmemerã ããrĩsĩã, ãgũrẽ bũremurãrẽ ñerõ tarimakũ iriañurã. ¹⁵ ãgũsã ñekũsãmarã Marĩpũya kerere weredupuyunerãrẽ wẽjẽderosũ, marĩ Opũ Jesũdere wẽjẽnerã ããrĩmã. Gũadere gũa m̄sãya makãgue ããrĩmakũ, ñerõ iri, béowiuma. Marĩpũ, ãgũsã irasirideare neõ gããmebemi. ãgũsã ããrĩpererãrẽ gããmebema. ¹⁶ Judío masaka ããrĩmerãrẽ peamegue waabirikõãburo, ãrĩrã, gũa ãgũsãrẽ Jesũyare buedũamakũ, judío masaka Jesũre gããmemerã gũare kãmutadũadima. Gũare ãgũyare weredorebirima. Irasirirã ãgũsã ñerõ iririre nemorõ irisĩã, wãro waja opama. ãgũsã daporata Marĩpũ bũro wajamoãsũmurã dujasiamã.

Pablo Tesalónica marãrẽ ãgũ dupaturi ããgũ waadũarire gojãdea

¹⁷ Gũayarã, gũa m̄sã pũroque ããrãnerã wiridero pũru m̄erõgã tarikerepũru, m̄sãrẽ gũñanĩkõã, dupaturi bũro ããrã waadũadibũ. ¹⁸ Wãri gũa m̄sãrẽ ããrã waadũadibũ. Yũ Pablo wãri: “Irogue waagũra”, ãrĩnadibũ. Gũa waadũarikũ, wãtĩ gapũ gũa waadũarire kãmutanami. ¹⁹⁻²⁰ M̄sãta gũare m̄sũyamakũ irirã, gũare m̄sã õãrõ iriburimarẽ gũñaturamakũ irirã ããrã. Irasirirã m̄sãrẽ ããrã waadũadibũ. Marĩ Opũ Jesucristo i ãmũgue dupaturi aarimakũ, m̄sã õãrõ irideare gũñarã, gũa ãgũrẽ: “ãgũsãta ããrĩma, gũare bũro m̄sũyamakũ irinerã. Gũa m̄yare buemakũ pérã, m̄rẽ bũremunũgãma. M̄yare õãrõ iritũyanĩkõãma”, ãrĩ wererãkoa. Irasirirã m̄sã merã bũro m̄sũyãa.

3

¹⁻² M̄sãya kerere péduarã bokatĩũbirikubũ. Irasirirã, Timoteore: “ãgũsãrẽ ããgũ waaka!” ãrĩ iriubũ. “Gũa gapũ Atenague dujarãkoa”, ãrĩbũ. Timoteo marĩyagũ, Marĩpũre moãboegũ, gũa merã Jesucristoya kerere buegũ ããrĩmi. “ãgũ Jesũyare buemakũ pérã, gũñaturari merã ãgũrẽ bũremunemorãkuma”, ãrĩrã, ãgũrẽ iriubũ. ³ M̄sã Jesucristore bũremurĩ waja gajerã m̄sãrẽ ñerõ iriañurã. Irasirirã, m̄sã Jesũyare neõ piribirikõãburo, ãrĩrã, Timoteore m̄sã pũroque iriubũ. Marĩ Jesũre bũremurĩ waja gajerã marĩrẽ ñerõ irirãkuma. Irire masĩa m̄sã. ⁴ Iro dupuyuro gũa irogue m̄sã merã ããrĩrã, irire ãsũ ãrĩ weresiabũ: “Marĩ Jesũre bũremurĩ waja ñerõ tarirãkoa”, ãrĩbũ. Gũa ãrĩderosũta gajerã marĩrẽ ñerõ irirã yãma. M̄sã irire masĩsĩã. ⁵ Irasirigũ, m̄sãrẽ: “ã Jesũre gũñaturari merã bũremunĩkõãkuri?” ãrĩ s̄erẽña, m̄sãya kerere péduagũ bokatĩũbirisĩã, Timoteore iriubũ. “Gũñaturanerãrẽ gajipoe

irigũ wātĩ ĩgũsārē Jesúya buerire b̄remuduúmakũ irikumi, ḡua irire ubugora bueyo”, āĩ gũñarikabũ. Irasirigũ Timoteore m̄sā p̄rogue iriubũ.

⁶ Daporare, Timoteo, m̄sārē ĩāgũ ejadi oōguere goejasiami. ĩgũ oārĩ m̄sāyare kereku goejami. M̄sā piriro marĩrō Jesúre oārō gũñaturari merā b̄remurĩrē, m̄sā gāme maĩrĩrē, ḡuare were goejami. Ḡuare maĩrĩ merā gũñanĩkōāyuro. Ḡua m̄sārē ĩād̄uārosũta, m̄sāde ḡuare b̄uro ĩād̄uāyuro. ⁷ Irasirirā, m̄sā Jesúre b̄remurĩrē p̄rā, ḡua ñerō tarikererā, oārō ȳj̄p̄rākari merā us̄yáa. ⁸ Marĩ Op̄u Jesúre m̄sā b̄remunĩmakũ p̄rā, dapagueta siuñajārĩ op̄áa. ⁹ Irasirirā m̄sārē gũñarā, Marĩp̄re b̄uro us̄yari s̄ia. Nasiri us̄yari s̄ibokatĩũmasĩña máa. ¹⁰ Ũm̄arĩ, ñamirĩ Marĩp̄re: “Ḡua ĩgũsārē ĩārā waaburire āmubosaka!” āĩ, b̄uro s̄ērēa. M̄sārē Jesúya kerere wereyuwarik̄rā waad̄uakoa, ĩgũrē oārō b̄remunemoburo, āĩrā.

¹¹ Marĩp̄u āārĩnĩgũ, marĩ Op̄u Jesucristo ḡuare iritamuburo. Ḡuare m̄sārē ĩārā waaburire āmu, iriuburo. ¹² Marĩ Op̄u m̄sārē nemorō gāme maĩwāgānĩmakũ iriburo. Ḡua m̄sārē maĩrōsũta m̄sāde gajerā āārĩpererārē gāme maĩnemomakũ iriburo. ¹³ M̄sārē ĩgũrē piriro marĩrō oārō gũñaturari merā b̄remunĩmakũ iriburo. Irasirirā, marĩ Op̄u Jesús āārĩpererā ĩgũyarā merā i ũm̄gue dupaturi aarimakũ, Marĩp̄u āārĩnĩgũ ĩũrōgue ĩgũ iritamurĩ merā ñerĩ marĩrā, waja opamerā āārĩrākoa.

4

Pablo Jesúre b̄remurārē: “Marĩp̄u gāāmerĩ direta irika!” āĩ gojadea

¹ Daporare marĩ Op̄u Jesús doreri merā m̄sārē āsũ āĩ werea: “Ḡua m̄sārē: ‘Āsũ iriro gāāmea’, āĩ buederosũta irika, Marĩp̄u gāāmerĩ direta irimurā! Daporare m̄sā ĩgũ gāāmerĩrē irirā iriayuro. Irasirirā: ‘Irire nemorō irinemoka!’ ” āĩ werea. ² Ḡua buedeare m̄sā mas̄ia. Irire buerā, marĩ Op̄u Jesús doreri merā m̄sārē buebũ.

³ Marĩp̄u m̄sārē ñerĩ marĩrā āārĩmakũ gāāmemi. Irasirirā: marāpo marĩrā, marāpok̄rā, marāp̄u marĩrā, marāp̄uk̄rā gāmebirabirikōāka! ⁴ M̄sākũ ñerō iri ĩmurō marĩrō gopeyari merā m̄sā marāposā nomerē op̄aka! Gajerā m̄sā irasirimakũ ĩārā: “Oārō yāma”, āĩ ĩārākuma. ⁵ Marĩp̄re mas̄imerā irirosũ, nomerē ñerō irid̄uari merā uaribejabirikōāka! ⁶ M̄uyagũ marāpore gāmebirarā, igo marāp̄udere ñerō irikoa. Irinorē iribirikōāka! Marĩp̄u irasirirānorē b̄uro wajamoāgukumi. Ḡua m̄sārē irire weresiabũ. ⁷ Marĩp̄u marĩrē ñerĩrē iriburo, āĩgũ meta beyepĩdi āārĩmĩ. ĩgũ gāāmerĩ direta iridoregũ, marĩrē beyepĩdi āārĩmĩ. ⁸ I buerire gāāmemerā, ḡua direta gāāmemerā meta yāma. Marĩp̄udere gāāmebema. Marĩp̄u marĩrē ĩgũ gāāmerĩ direta iridoregũ, Ōāgũ deyomarĩgũrē iriudi āārĩmĩ. Ōāgũ deyomarĩgũ ñerĩ opabi āārĩmĩ.

⁹ M̄sā sugũ p̄rā irirosũ gāme maĩrĩ tamerārē gojabea. Marĩp̄u ĩgũ basi m̄sārē gāme maĩd̄oresiadi āārĩmĩ. ¹⁰ M̄sā irasũta iriayuro. Marĩp̄u m̄sārē dorederosũta āārĩperero Macedoniague āārĩpererā Jesúre b̄remurārē maĩayuro. M̄sā gāme maĩrĩ merā āārĩkerer̄ũ: “Nemorō gāme maĩnemoka!” āĩ werea. ¹¹ Gāme ĩaturiro marĩrō oārō āārĩrik̄ka! Gajerāya āārĩrĩnorē gũñarikũ, ĩgũsārē werew̄uabirikōāka! M̄sāyama āārĩburi gap̄re gũña, oārō moārikũ, āārĩkōāka! Ḡua m̄sā p̄rogue āārĩrā, ire m̄sārē weresiabũ. ¹² M̄sā oārō moārā, gajerārē baari s̄ērēbirikoa. M̄sā moārĩ merā m̄sā baaburire oparākoa. M̄sā irasirimakũ ĩārā, Jesúre b̄remumerā gopeyari merā m̄sārē ĩārākuma.

Pablo marĩ Op̄u dupaturi i ũm̄gue aariburire gojadea

¹³ Ḡuayarā, m̄sārē boanerā waaburire wered̄uakoa, irire mas̄iburo, āĩgũ. Jesúre b̄remurā boarā, ĩgũ merā āārĩnĩrā waarākuma. M̄sā irire mas̄irā, m̄sāyarā Jesúre b̄remurā boamakũ, b̄uro b̄jawerebirikoa. Jesúre b̄remumerā gap̄u, ĩgũsāyarā boamakũ, b̄uro b̄jowererākuma. ĩgũsā irirosũ b̄uro b̄jawerebirikoa. ¹⁴ Marĩ ire b̄remua. Jesús boadigue mas̄adi āārĩmĩ. ĩgũ dupaturi i ũm̄gue aarimakũ, ĩgũrē b̄remurā

boanerārē Marīpυ ĩgūrē masūderosūta ĩgūsārē masūgukumi. Masū odo, ĩgū āārīrōgue āīmūrīagukumi.

¹⁵ Marī Opυ Jesús weredeare mūsārē werea. Jesús dupaturi i ũmugue aarimakū, ĩgūrē bυremurā boanerā masā, āīmūrīāsūrākuma. ĩgūsā pυpυ, marī Jesúre bυremurā okarāde āīmūrīāsūrākoa. ¹⁶ Āsū waarokoa. Marī Opυ Jesús ĩgū basita ũmugasigue āārīdi bυro turaro werenīrī merā aarigukumi. ĩgū aarimakū, Marīpυre wereboerā opυde werenīgukumi. Marīpυyaru puridirude bυsurokoa. Irasū waamakū, Jesúre bυremurā boanerā masāpυrorirākuma. ¹⁷ ĩgūsā pυpυ, marī okarāde Jesúre bυremurā, ĩgūsā merā mikāyeborigue mūrīa, irogue Jesúre bokatīrīrākoa. ũmugasigue ĩgū merā āārīnikōārākoa. ¹⁸ Mūsā basi irire gāme werenīka! Irasirirā gāme gūñaturamakū irirākoa.

5

¹ Irinυ, iropā āārīmakū, Jesús dupaturi aarigukumi, ārīrī tamerā masīña máa. Irasirigυ iri tamerārē gojabea. ² Mūsā masīsīáa. Sugυ yajarimasū ñami merā gūñaña marīrō yajagυ ejarosū, Jesúde marī gūñabiripoe ejagukumi. ³ Jesúre bυremumerā ĩgū dupaturi aariburi dupuyurogārē: “Gυa gūiro marīrō ōārō āārīkōāa”, ārī gūñarākuma. ĩgūsā irasū gūñaripoere ĩgūsārē wāri ñerī waarokoa. Sugo nomeō nijīpo āārīgō, majīgū nijīwāgūgō pūrīsūrōsū, Jesúre bυremumerā irasūta gūñaña marīrō bυro ñerō tarirākuma. Neō sugυ taribirikumī. ⁴ Masaka Jesúre bυremumerā, naītīārōgue āārīrā irirosū āārīma. Mūsā gapυ ĩgūsā irirosū āārībea. Irasirirā Jesús dupaturi i ũmugue aarimakū, yajarimasūrē ĩagukarā irirosū waabirikoa. ⁵ Mūsā āārīpererā Jesúyarā āārā. Irasirirā ũmυ boyorogue āārīrā ĩāmasīrōsū Jesús aariburire masīa. Jesúre bυremumerā gapυ naītīārōgue āārīrā irirosū āārīma. Irasirirā ñami merā ĩāmasīberosū Jesús aariburire masībema. ⁶ Irasirirā ñami merā kārīrā irirosū āārībirikōārā marī! Jesús dupaturi aariburire gūñamerā, kārīrā irirosū āārīma. Marī gapυ ĩgū aariburire pémasīrī merā gūñanīkōārā! Mejārā irirosū iribirikōārā! Diayema gapυre irirā! ⁷ Masaka ñamirē kārīkuma. Mejārīmasā ñamirē mejākuma. ⁸ Marī Jesúyarā gapυ ũmυ boyorogue āārīrā irirosū āārā. Irasirirā ōārō pémasīrī merā diayemarē irinīkōārā!

Sugυ surara gāmewējērōgue waabu, ĩgūya koretibire kāmυtagυ, kōme surírore sāñakumi. ĩgū irirosūta marīde Jesúre bυremurī merā, marī gāme maīrī merā, wātīrē ĩgū marīrē irire pirimakū iridυarire kāmυtarā! Surara ĩgūya dipurure kāmυtagυ, kōme perore peyakumi. ĩgū irirosūta marīde, Jesús marīrē taugυ aariburire: “Diayeta aarigukumi”, ārī masīrī merā wātīrē ĩgū marīrē: “Irasū waabirikoa”, ārīgatorire kāmυtarā! ⁹ Marīpυ marīrē wajamoābu meta beyepīdi āārīmī. Marī ñerō iridea wajare marī Opυ Jesucristo merā taubu, marīrē beyepīdi āārīmī. ¹⁰ Jesús ĩgū merā āārīnīkōāburo, ārīgū, marīrē boabosadi āārīmī, marī ñerō iridea wajare wajarigυ. Irasirirā ĩgū dupaturi aarimakū, ĩgūrē bυremurā boanerā, marī okarāde ĩgū merā āārīnīkōārākoa. ¹¹ Irire gūñarā, mūsā irinīrōsū nemorō gāme iritamυ, gūñaturamakū irika! Irasirirā Jesúre bυremunemorākoa.

Pablo Jesúre bυremurārē weretūnudea

¹² Gυayarā, mūsārē turaro merā āsū ārī weredυakoa. Marī Opυya kerere mūsārē wererārē gopepyari merā ĩāka! Marī Opυ ĩgūsārē mūsārē ōārō doreburo, ārīgū, beyepīdi āārīmī, mūsārē ōārō āārīrikυburire, ōārō iririkυburire buedoregυ. ¹³ ĩgūsā mūsārē irire buerā, marī Opυyare ōārō irirā yāma. ĩgūsā irasirimakū ĩārā, ĩgūsārē bυro bυremurī merā, bυro maīrī merā ĩāka! Gāme turiro marīrō ōārō āārīrikυka!

¹⁴ Gυayarā, gajī mūsārē āsū ārī weredυakoa doja. Moādυamerārē moādoreka! Gūñaturamerārē gūñaturamakū irika! Jesúre bυremuturamerārē iritamuka, ĩgūrē bυremunemoburo, ārīrā! Āārīpererā merā guaro marīrō bopoñarī merā ōārō irika!

¹⁵ M̄s̄ar̄ē gajerā ñerō irimakū, ĩḡs̄ar̄ē ḡamibirikoaka! Ōārī gap̄ure m̄s̄ayar̄ar̄ē, āārīpererā gajerādere ōārō irinikōāka!

¹⁶ M̄s̄ā Jesúyarā āārīsīā, us̄yari merā āārīnikōāka! ¹⁷ M̄s̄ā noó waaró, m̄s̄ā noó āārīrō, Marīpure gūña, ĩḡar̄ē m̄s̄āya āārīburire s̄ērēnikōāka! ¹⁸ M̄s̄ar̄ē gajinu ñerō waamakū, ōārō waamakūdere Marīpure us̄yari s̄īnikōāka! Marīpu, marī Jesucristore b̄uremur̄ar̄ē irire irimakū ḡāāmemi.

¹⁹ Ōāḡū deyomarīḡū, m̄s̄ā gūñarīgue ĩḡū weremakū, irire k̄amutabirikōāka! ĩḡū dorerire ōārō yujuka! ²⁰ Sugu Jesúre b̄uremuḡū Ōāḡū deyomarīḡū masīrī s̄īrī merā, Marīpu weredoredeare weremakū pérā, irire doo b̄uridabirikōāka! ²¹ Ubu gap̄u ĩḡs̄ā weremakū, ōārō pékūinú, gūñaka! “¿Diayeta wereri?” ārī masīduarā, irasirika! Ōārī bueri āārīmakū, iri gap̄ure irika! ²² Noó ñerī āārīmakū, irire iribirikōāka!

²³ Marīpu siuñajārī merā āārīrik̄makū irigu m̄s̄ar̄ē ōārō, ñerī marīrō, ĩḡū ḡāāmerī direta iririk̄makū iriburo. M̄s̄ā ñerī opabirimakū, m̄s̄āya gūñarīgue ōārī direta opamakū, m̄s̄āya dup̄ari merā ñerō iribirimakū iriburo. M̄s̄ar̄ē waja opamerā āārīmakū iriburo. ĩḡū irasirimakū, marī Op̄u Jesucristo dupaturi aarigú, m̄s̄ar̄ē waja opamerā āārīmakū bokajaḡukumi. ²⁴ Marīpu m̄s̄ar̄ē ĩḡūyarā āārīburo, ārīḡū, beyepídi, i āārīpereri ĩḡū m̄s̄ar̄ē: “Āsū iriḡura”, ārīdeare diayeta iriḡukumi.

Pablo ōādoretūnudea

²⁵ Guayarā, m̄s̄āde Marīpure guaya āārīburire s̄ērēbosaka!

²⁶ Āārīpererā iro marā Jesúre b̄uremur̄ar̄ē, ĩḡū marīrē maīrōsūta maīrī merā ōādoreka!

²⁷ Marī Op̄u Jesucristo doreri merā i p̄rē āārīpererā ĩḡar̄ē b̄uremur̄ar̄ē siiu need, bue ĩmuka!

²⁸ Marī Op̄u Jesucristo m̄s̄ar̄ē ōārō iritamuburo.

Iropāta āārā.

Pablo

2 TESALONICENSES

Pablo Tesalónica marārē òãdoredea

¹ Y_u Pablo, y_u merāmarā Silvano, Timoteo merā m_usā Tesalónica marārē Jesúre b_uremurārē òãdoredea. M_usā Marīp_uyarā, marī Op_u Jesucristoyarā āārā. Irasirig_u m_usārē i papera pūrē gojāa. ² Marīp_u āārīnīg_u, marī Op_u Jesucristo m_usārē òārō iritamu, siuñajārī merā āārīrik_umakū iriburo.

Pablo, Jesucristo ñerō irirārē wajamoāg_u aariburire gojadea

³ G_uayarā, m_usā Jesucristore b_uremudero nemorō ĩgūrē b_uremunemo, gāme mañnemo iriayuro. Irasirirā g_ua m_usārē gūñarā, diayema irirā Marīp_ure _usuyari sīnīkōārō gāāmea. G_ua irasirimakū òārokoa. ⁴ G_ua noó waaró, m_usāyamarē gajerārē Marīp_uyarārē ĩgūsā nerērōgue _usuyari merā werea. M_usā Jesúre b_uremurī waja masaka m_usārē ñerō irikerep_u, neō ĩgūrē b_uremuduúbea. M_usārē ñerō waamakūdere gūñaturakōāa. Irire ĩgūsārē werea. ⁵ I merāta marī masīa. M_usā Marīp_uyarā āārīrī waja gajerā m_usārē ñerō irikerep_u, gūñaturanīkōāa. Irasirig_u Marīp_u diayema irig_u m_usārē: “Yaarārē dorerogue aarika! Yaarā, òārā āārā”, ārīg_ukumi.

⁶ Marīp_u diayema irig_u āārīsīā, m_usārē ñerō tarimakū irinerārē ñerō tarimakū irig_ukumi. ⁷⁻⁸ M_usārē ñerō tarinerārē, g_uadere òārō siuñajārī bokamakū irig_ukumi. Marī Op_u Jesús aarirín_u āārīmakū irasirig_ukumi. Jesús ũm_ugasigue merā aarig_u, ĩgūrē wereboerā turarā merā, peame ũjārī pūrā watopegue dijarig_ukumi. ĩgūya kerere péd_uamerārē, Marīp_ure gāāmemerārē b_uro wajamoāg_u aarig_ukumi. ⁹ ĩgūsā ñerō iri-dea waja prebiri peamegue béosūrākuma. Irasirirā, marī Op_u turag_u āārīrōgue neō waabirikuma. ĩgū gosewasiririre neō ĩārō marīrōgue béodijusūrākuma. ¹⁰ ĩgū aarirín_urē ĩgūyarā ĩgūrē b_uremurā āārīpererā ĩgūrē ĩārākuma. ĩgūrē ĩārā: “Diayeta òātarig_u, turatarig_u, āārīpererā oparā nemorō Op_u āārīmi”, ārī, ĩāg_uka, b_uro _usuyarākuma. M_usāde, g_ua m_usārē ĩgūyare buedeare b_uremusīā, ĩgūsā merā _usuyarākoa.

¹¹ G_ua irire gūñarā, Marīp_ure m_usāya āārīburire āsū ārī sērēbosanía: “G_uap_u, m_u ĩgūsā y_u gāāmerī direta irirā āārīburo, ārīg_u, ĩgūsārē beyepídi āārībú. Irasirig_u ĩgūsārē m_u gāāmerōsūta āārīrik_umakū irika! ĩgūsā āārīpereri m_urē b_uremurī merā òārō iriduarire iriyuwarik_uburo. ĩgūsārē m_u turari merā irasirimakū irika!” ārī sērēbosāa. ¹² M_usā irire irimakū ĩārā, gajerā, marī Op_u Jesúre gopeyari merā ĩārākuma. ĩgū m_usārē: “Yaarā āārīma, òārō yāma”, ārī ĩāg_ukumi. Marīp_u, marī Op_u Jesucristo m_usārē iritamu, b_uro mañmakū, irasū waarokoa.

2

Pablo, ñeg_u aariburire gojadea

¹ G_uayarā, daporare marī Op_u Jesucristo aariburire, ĩgū marīrē neeōnú, ĩgū p_urogue āīm_urīburire wereg_ura. ² Gajerā m_usārē: “Marī Op_u i ũm_ugue dupaturi aarirín_u ejasiāa”, ārīmakū gūñarik_ubirikōāka! Irire péwisibirikōāka! Gajerā: “Irire Ōāg_u deyomarīg_u yure irasū ārī wereami”, gajerā: “Sug_u g_uare irasū ārī wereami”, gajerā: “Pablosā irasū ārī gojanerā āārīmá”, ārībokuma. Irire pérā, gūñarik_ubirikōāka! ³ Ārīgatosūbirikōāka! Marī Op_u Jesús aariburín_u dupuyuro āsū waarokoa. Wārā masaka Marīp_u dorerire tarin_ugārākuma. Irasiriripoe sug_u ñerō iri, tarin_ugāgūgora deyoag_ukumi. ĩgūta prebiri peamegue béosūbu āārīg_ukumi. ⁴ ĩgū Marīp_ure ĩāturig_u, āārīpereri masaka Marīp_uyare b_uremurīrē ñerō ārī werenīg_ukumi. ĩgū direta b_uremumakū gāāmeg_ukumi. Irasirig_u

Īgūrē b̄remudoreḡu: “Yuta āārā, ūm̄ugasiguem̄u m̄usā Op̄u”, ārīgū, Marīp̄uya wiigue ñajāa, doanaḡukumi.

⁵ Ȳu, m̄usā p̄rogue āārīgú, irire m̄usārē wereb̄u. ¿M̄usā irire gūñaberi? ⁶ M̄usā Īgū ñegū aariburire kām̄utaḡare masīa. Īgū aariburire kām̄utanemobirimakū aariḡukumi. ⁷⁻⁸ Īgū w̄ari ñerī iriburire marī masībirikerep̄uru, ñerī Īgū iririno āārīsíaa. Īgū aariburire kām̄utaḡu gajerogue āāsūḡukumi. Īgūrē āādero p̄uru, ñegū gap̄u aariḡukumi. Īgū ñerō iriri masīsūrokoa. P̄uru marī Op̄u Jesucristo dupaturi i ūm̄ugue aarīgú, puriri merā, Īgū turari merā ñegūrē w̄ējēḡukumi. Īgū gosewasiriri merā aarīgú, Īgūrē béodediuḡukumi. ⁹ Ñegū aarīgú, wātēa op̄u Satanás iritamurī merā ejaḡukumi. Irasiriḡu wātī turari merā w̄ari iri ĩm̄uḡukumi. “Ūm̄ugasiguema turari merā iri ĩm̄ugū yāa”, ārīgatorḡukumi. ¹⁰ W̄ari Īgū ñerō iriri merā perebiri peamegue waamurārē Īgū ārīgatorire b̄remumakū iriḡukumi. Īgūsā Marīp̄uya diayema āārīrīrē b̄remubirisīā, iri ārīgatorire b̄remurākuma. Irasirirā tausūbirikuma. ¹¹ Īgūsā diayema āārīrīrē b̄remud̄uabiri waja, Marīp̄u Īgūsārē irire masībirimakū iriḡukumi, ārīgatori gap̄ure b̄remuburo, ārīgū. ¹² Irasirirā āārīpererā Īgūsā Marīp̄uya diayema āārīrīrē b̄remud̄uamerā āārīsīā, ñerō iririre b̄ro irid̄uanemorākuma. Irasiriḡu Marīp̄u Īgūsārē wajamoādediuḡukumi.

Pablo, Marīp̄u Īgū beyenerārē tauburire gojadea

¹³ Ḡuayarā, m̄usā marī Op̄u Jesús maīrā, Marīp̄u beyenerā āārā. Irasirirā ḡua m̄usārē gūñarā, Marīp̄ure ūsuyari s̄inikōārō gāāmea. Neōgoragueta m̄usārē beyedi āārīmī peamegue waabonerārē tauḡu. Ōāgū deyomarīgū turari merā m̄usārē Īgūyarā āārīmakū iribu, m̄usā diayema āārīrīrē b̄remuburo, ārīgū, beyedi āārīmī. Irasirirā tausūmurā āārā. ¹⁴ Marīp̄u Īgū tauri kerere ḡua m̄usārē buedea merā m̄usārē siudi āārīmī, marī Op̄u Jesucristo ōārī oparire Īgū merā opaburo, ārīgū.

¹⁵ Irasirirā piriro marīrō gūñaturaka! Ḡua m̄usā p̄rogue āārīrā buedeare, irasū āārīmakū ḡua m̄usārē gojadeare gūña, irire irit̄uyaka! ¹⁶⁻¹⁷ Marī Op̄u Jesucristo basita, irasū āārīmakū Marīp̄u āārīnīgū m̄usārē āārīpereri m̄usā werenīrī, m̄usā iririkurire gūñaturari merā ōārō āārīrikumakū iriburo. Marīp̄u marīrē bopoñarī merā maīgū, perebiri gūñaturari opamakū iriḡu, Īgū ōārī s̄iburire: “Oparākōa”, ārī masīmakū iriḡu āārīmī.

3

Pablo: “Ḡuaya āārīburire Marīp̄ure s̄ērēbosaka!” ārī gojadea

¹ Ḡuayarā, m̄usārē āsū ārī gojatūnua. Ḡuaya āārīburire Marīp̄ure s̄ērēbosaka! M̄usā, ḡua marī Op̄uya kerere buedeare pé b̄remub̄u. Irasirirā, wārā masaka m̄usā iriderosūta ḡua buerire pé b̄remuburire, Īgūsā ḡuare ōārō bokatīrīñeāburire Marīp̄ure s̄ērēbosaka! ² Surāyeri masaka Jesúya kerere b̄remubema. Irasirirā masaka diayema irimerā ñerā ḡuare ñerō iribirikōāburo, ārīrā, Marīp̄ure serebosaka! ³ Marī Op̄u: “Āsū iriḡura”, ārīderosūta m̄usārē gūñaturamakū iriḡukumi. Ñegūrē, m̄usārē Īgū ñerō irid̄uarire kām̄utaḡukumi. ⁴ Ḡua m̄usārē iridorederosūta irirā irikoa. “Irire marī Op̄u iritamurī merā ōārō irinikōārākuma”, ārī b̄remua. ⁵ Marī Op̄u Jesucristo, Marīp̄u m̄usārē maīrīrē masīnemomakū iriburo. Īgū ñerō tariḡu gūñaturaderosūta m̄usādere gūñaturamakū iriburo.

Pablo moādoredea

⁶ Ḡuayarā, Jesucristo marī Op̄u wāi merā Īgū dorero merā m̄usārē werea. Gajerā Jesúre b̄remurā moāduamerārē, ḡua m̄usārē buedeare irit̄uyamerārē wapik̄unemobirikōāka! ⁷ M̄usā masīa. M̄usādere ḡua iriderosūta iriro gāāmea. Ḡua m̄usā merā āārīrā, gajino iriro marīrō āārībirib̄u. ⁸ Neō suḡure wajamarīrō s̄ērē, baabirib̄u. M̄usārē garibod̄uamerā, ūmurī, ñamirī ḡua baaburire moā wajatab̄u. ⁹ Ḡua m̄usārē bueri waja: “Ḡuare baari ejoka!” ārībonerā āārīkererā, neō irasū ārībirib̄u. M̄usārē: “Āsū iriro gāāmea”, ārī ĩm̄ud̄arā

gua basi moã wajata baabu. ¹⁰ Gua musã merã ããrĩrã, musãrẽ ãsũ ãrĩbu: “Baaburi moã wajatadubino baabirikõãburo”, ãrĩbu. ¹¹ Gajerã musã iriri kerere guare ãsũ ãrĩ werema: “Surãyeri ĩgũsã merã moãmerã ããrĩma. Moãbirikererã, wãri irimoãmarĩ merã gajerãrẽ garibogorenarã yãma”, ãrĩma. ¹² Gua marĩ Opũ Jesucristo wãĩ merã ĩgũ dorero merã irasirirãnorẽ: “Irimoãmarĩrẽ iropãta irika! Musã baaburire, musã gããmerĩnorẽ moã wajataka!” ãrĩ werea.

¹³ Guayarã, gariborero marĩrõ õãrĩrẽ irinĩkõãka! ¹⁴ Gua dorerire i pũgue gojarire tarinũgãgũnorẽ ĩãmasĩ, ĩgũrẽ guyasĩũrõ tariburo, ãrĩrã, wapikubirikõãka! ¹⁵ ĩgũrẽ wapikubirikererã, musãrẽ ĩãturĩgure irirosũ ĩãbirikõãka! Musã pagumũrẽ wererosũ ĩgũrẽ wereka, õãrĩrẽ iriburo, ãrĩrã!

Pablo õãdoretĩnudea

¹⁶ Marĩ Opũ ĩgũ basi marĩrẽ siuñajãrĩ merã õãrõ ããrĩrikumakũ irigu musãrẽ ãsũ iriburo. Musã noó waaró, musãrẽ gajerosũ waamakũ, siuñajãrĩ sĩnĩkõãburo. Musã ããrĩpererã merã ããrĩburo.

¹⁷ Yũ Pablo, yũ basita i õãdorerire gojãa. Yũ musãrẽ gojanarõsũta gojãa. Irasirirã musã: “ĩgũta gojañumi”, ãrĩ ĩãmasĩrãkoa. ¹⁸ Marĩ Opũ Jesucristo musã ããrĩpererãrẽ õãrõ iritamuburo. Irasũta iriburo.

Iropãta ããrã.

Pablo

1 TIMOTEO

Pablo Timoteore õãdoredea

¹ Y_H Pablo m_{ur}ẽ õãdorea. Jesucristo, Marĩp_H marĩrẽ peamegue waabonerãrẽ taugu dorederosũta y_{ur}e pídi ããrĩmĩ ĩgũyare buedoreg_H. ĩgũrẽta, ĩgũ marĩrẽ õãrõ iriburire yúrã yáa. ² M_H diayeta y_H magũ irirosũ ããrĩgũ ããrã. Irasirig_H m_{ur}ẽ ire gojáa. Marĩp_H ããrĩngũ, marĩ Op_H Jesucristo m_{ur}ẽ iritamu, bopoñarĩ merã ĩã, siuñajãrĩ merã ããrĩrik_umakũ iriburo.

Pablo ãrĩgatori merã buerire pédorebiridea

³ Y_H Macedonia nikũgue waagũ, m_{ur}ẽ Efesogue dujadoreb_H, irore surãyeri ãrĩgatori merã buerãrẽ: “Iropãta bueka!” ãrĩ weredoreg_H. ⁴ ĩgũsãrẽ: “Iripoegue marã ĩgũsã basi ĩgũsã gũñarĩ merã kere wereunadeare, m_{ur}sã ñekũsãmarã iririk_uunadeare gũñanĩbirikõãka!” ãrĩ wereka! Marĩ irire gũñanĩrã, iri merã gãme guaseo, Marĩp_H marĩrẽ iridorerire iribea. “Marĩp_H y_{ur}e iritamug_ukumi”, ãrĩ b_{ur}emurĩ merãta ĩgũ marĩrẽ dorerire irimasã.

⁵ Marĩp_H marĩrẽ: ñerĩrẽ opamerã, ĩgũ ĩũrõ waja opamerã ããrã, ãrĩ gũñarã, diaye Jesucristore b_{ur}emurã ããrĩmakũ gããmemi. Irasirig_H õãrĩrẽ doremi. Marĩ irasũ ããrĩrã, ĩgũrẽ, gajerãdere õãrõ maĩrãkoa. ⁶ Surãyeri irire t_uyanemobema. Irasirirã gaji ubu ããrĩrĩrẽ gãme guaseoma. ⁷ Marĩp_H Moisére doreri pídeare gajerãrẽ buerimasã ããrĩduakererã: “I ãsũ ãrĩduaro yáa”, ãrĩ buekererã, ĩgũsã buerire pémasĩbema.

⁸ Marĩ masã. Marĩp_H Moisére doreri pídeare diaye buemakũ õãgoráa. Marĩp_H, masakare iri dorerire tarinũgãrĩrẽ masĩdoreg_H, irire pídi ããrĩmĩ. ⁹ Iri dorerire buerã, ire masĩrõ gããmea. Marĩp_H iri dorerire pígu, diayema irirãrẽ diayema iridoreg_H meta pídi ããrĩmĩ. Iri dorerire irimerã gap_{ur}e irire pídi ããrĩmĩ, diayema gap_{ur}e masĩburo, ãrĩgũ. Iri dorerire tarinũgãrãrẽ, ñerãrẽ, ñerõ iririk_urãrẽ, ĩgũrẽ b_{ur}emumerãrẽ, ĩgũya buerire gããmemerãrẽ, ĩgũsã pagusãmarãrẽ wẽjẽrãrẽ, masakare wẽjẽbéorãrẽ, ¹⁰ nome merã ñerõ irirãrẽ, ãma merã ñerõ irirã nomerẽ, ãma seyaro ñerõ irirãrẽ, nome seyaro ñerõ irirãrẽ, masakare ñeã gajerãguere duarãrẽ, ãrĩgatorik_urãrẽ, ãrĩgatori merã: “Ãsũ irirãkoa”, ãrĩdeare irimerãnorẽ, ããrĩpererã õãrĩ buerire kãmutad_uarãrẽ iri dorerire pídi ããrĩmĩ. ¹¹ I õãrĩ bueri, Marĩp_H masakare tauri kerere wereri ããrã. Marĩp_H õãtarig_H y_{ur}e i kerere masakare weredoreg_H pídi ããrĩmĩ.

Pablo, Marĩp_H ĩgũrẽ bopoñarĩ merã ĩãrĩrẽ gojadea

¹² Y_H marĩ Op_H Jesucristore m_{ur}s_uyari sã. ĩgũ y_{ur}e: “Õãrõ bueg_ukumi”, ãrĩ gũñagũ ĩgũyarãrẽ iritamudoreg_H beyepídi ããrĩmĩ. Irasirig_H ĩgũ turarire y_{ur}e sídi ããrĩmĩ. ¹³ Iro dupuyurogue y_H Jesucristore ñerõ werenĩ, ĩgũrẽ b_{ur}emurãrẽ ñerõ iri: “ĩgũ õãbemi”, ãrĩnab_H. Y_H ĩgũrẽ b_{ur}emubirisã, y_H ñerõ iririre: “Ñerõ irig_H irikoa”, ãrĩ gũñabirisã, irasirib_H. Irasirikerep_{ur}_H, Marĩp_H y_{ur}e bopoñarĩ merã ĩãgũ, beyedi ããrĩmĩ. ¹⁴ Marĩ Op_H y_{ur}e b_{ur}o maĩgũ õãrõ irimi. ĩgũ y_{ur}e Jesucristore b_{ur}emumakũ, gajerãdere maĩmakũ irimi. Marĩrẽ Jesucristo merã ĩgũrẽ b_{ur}emumakũ, gajerãdere maĩmakũ irimi.

¹⁵ I y_H wereburi diayeta ããrã. ããrĩpererã irire b_{ur}emurõ gããmea. Jesucristo ñerõ irirãrẽ ĩgũsã ñerĩ iridea wajare taug_H, i ãmũguere aaridi ããrĩmĩ. Y_Hta ããrĩpererã nemorõ ñerõ iritarinũgãdi ããrã. ¹⁶ Y_H irasũ ããrĩkerep_{ur}_H, Marĩp_H y_{ur}e bopoñarĩ merã ĩãmi. Irasirig_H, Jesucristo y_{ur}e neõ perebiri bopoñarĩrẽ masĩmakũ irimi. Gajerãrẽ Jesucristore b_{ur}emurãrẽ ĩgũ y_{ur}e bopoñarõsũta ĩgũsãdere bopoñarĩrẽ masĩmakũ irig_ukumi. P_{ur}_H ĩgũsãrẽ ĩgũ p_{ur}o perebiri okari opamakũ irig_ukumi. ¹⁷ Irasirirã Marĩp_{ur}e: “Õãtarig_H, turatarig_H ããrã”,

ārī, usuyari sīnīkōārā! Īgūta marī Opu āārīnīkōāgukumi. Īgū neō boabirikumi. Īgū suguta Marīpu āārīmi. Deyomarīgū, masītarīgū āārīmi. Irasūta āārīmi.

18-19 Timoteo, mu yu magū irirosū āārā. Irasirīgū yu mūrē: “Āsū irika!” ārī werea. Iro dupuyuro Marīpu marīyarārē mu iriburire mūrē weredoredi āārīmi. Irasirīgū, Īgūsā mūrē: “Marīpu yare Īgū turaro merā āsū irigūkoa”, ārī werederosūta Īgūrē b̄remurīrē piriro marīrō gūñaturari merā irika! “Marīpu Īūrō ñerō iridea waja opabea”, ārī, oārō gūñagū āārīka! Surāyeri: “Ñerīrē iribirikōārō gāāmea”, ārī gūñakererā, ñerō irima. Irasirirā Jesuyare b̄remurīrē poyanorēma. ²⁰ I, Himeneorē, Alejandrore irasūta waabu. Irasirīgū Īgūsā pērārē wātēa opu Satanás Īgū gāāmerō iriburo, ārīgū, Jesúre b̄remurā merā āārīnemodorebiribu. Marīpure ñerō ārī werenīnemobirikōāburo, ārīgū, irasiribu.

2

Marīpure sērērā āsū iriro gāāmea, ārī gojadea

¹ Musārē āsū iridorep̄roria. Āārīpererāya āārīburire Marīpure sērēbosaka! Īgūsārē oārō iritamu, bopoñarī merā Īāburo, ārīrā, Īgūsārē sērēbosaka! Īgūrē: “Mu merā usuyāa”, ārīka! ² Oparāya āārīburire, masakare dorerā āārīpererāya āārīburidere Marīpure sērēbosaka, oārō doreburo, ārīrā! Īgūsā oārō doremakū, gopeyari merā Marīpure b̄remu, Īgū gāāmerī direta iri, oārō siuñajārī merā āārīrikurākoa. ³ Marī gajerāya āārīburire Marīpure sērēbosamakū oāgorāa. Irire marī irimakū Īāgū, Marīpu marīrē taugu usuyari merā marīrē Īāmi. ⁴ Īgūta āārīpererā masakare perebiri peamegue waabirimakū gāāmeme. Diayema āārīrīdere masīmakū gāāmeme. ⁵ Īgū suguta Marīpu āārīmi. Jesucristo, Marīpu merā marī masakare oārō āārīmakū āmubosagu suguta āārīmi. Īgū marī irirosū dupukūgu āārīmi. ⁶ Īgū curusague boari merā āārīpererā masakare Īgūsā ñerī iridea wajare wajaribosadi āārīmi Īgūsārē taugu. Irasirīgū Marīpu Īgū masakare irire masīmakū iriripoe ejamakū, iri kerere wererārē weredoremi āārīpererā masīburo, ārīgū. ⁷ Jesucristo judío masaka āārīmerārē iri kerere weredoregu, Īgūsārē Īgūrē b̄remurīrē, Īgūyama diaye āārīrīrē yure buedoregu pīmi. Irire diayeta mūrē werea. Ārīgatorgu meta yāa.

⁸ Yu āārīperero marā ūmarē guaro marīrō, gāme guaseoro marīrō Marīpu yare oārō irirārē mojōrī soemu, Marīpure sērēmakū gāāmea. ⁹ Nomerē, ūma merā ñerō irirā nome sāñarōsūpero sāñabirimakū gāāmea. Oārō keoro Īgūsārē ejari surīre sāñaburo. Gajerā Īgūsārē: “Oārō deyoma”, ārī gūñamakū iriduarā, Īgūsāya poañapure w̄napuwea nome āārīduari direta gūñarikūbirikōāburo. Īgūsāya dupuridere oro merā, perla wāīkuri yeri wajapari yeri merā iridea merā mamubirikōāburo. Wajapari surīdere sāñabirikōāburo. ¹⁰ Masaka Īgūsārē: “Oārā āārīma”, ārī gūñaburo, ārīrā, āsū gapu iriburo. Gajerā nome: “Marīpure b̄remua”, ārīrā nome irirosūta oārīrē iriburo. ¹¹ Jesúre b̄remurā nerērōgue nerērārē Marīpu yare buerimasā bueripoere nome werenīrō marīrō b̄remurī merā pēburo. ¹² Musā nerērōgue nerēmakū, nome ūmarē buebirikōāburo. Īgūsārē dorebirikōāburo. Werenīrō marīrō buerimasā buerire pēburo. ¹³ Āsū āārā. Marīpu Adārē irip̄roridi āārīmi. Puru Evare iridi āārīmi. ¹⁴ Adán, wātī ārīgatosūdi meta āārīdi āārīmi. Eva gapu wātī ārīgatorire b̄remusā, Marīpu dorerire tarinugādeo āārīmó. ¹⁵ Irasū āārīkerep̄ru, igo pūrākudea merā* Jesúre b̄remu, gajerārē maī, ñerō iribiri, diayema gapure irirāno tausūrākuma.

* **2:15** Génesis 3.15: Eva Marīpu dorerire tarinugādero puru, Marīpu āārīnīgū p̄rūrē āsū ārīdi āārīmi: “Igo nomeō mūrē Īāduabirikumo. Dapagā merā igo parāmerā āārīturiarāde mu parāmerā āārīturiarārē Īāduabirikuma. Mu, sugū igo parāmerā āārīturiagūya gubure kūrīmakū, Īgū gapu m̄ya dipurure k̄ramutūgukumi”, ārīdi āārīmi. Irasirīgū Jesús, Eva pūrākūdi parāmerā āārīturiaguta, marī Īgūrē b̄remurārē taugu āārīmi.

3

Jesúre b̄remurã oparãamarẽ gojadea

¹ I ȳ wereburi diayeta ããrã. Suḡ Jesúre b̄remurã op̄ ããrĩduaḡ, õãrĩ moãrĩrẽ irid̄aḡ ããrĩmi. ² Irasirid̄aḡno ãsũ ããrĩburo. Masaka: “Ñerõ iriḡ ããrĩmi”, ãrĩsũña marĩḡ, sugoreta marãpok̄ḡ, pémasĩrĩ merã iririk̄ḡ, diayemarẽ iriḡ, masaka b̄remusũḡ, ĩḡya wii gãmeñajãrã ejarãrẽ õãrõ bokatĩrĩñeãḡ, gajerãrẽ õãrõ bueḡ ããrĩburo. ³ Neõ mejãbi, gãmekẽãduabi, gajerã merã guaseobi, ñerõ iriri merã niyeru wajatad̄uabi ããrĩburo. Irasirirono iriḡ: masakare bopoñarĩ merã iritamuḡ, niyerure uaribejabi ããrĩburo. ⁴ ĩḡya wii marãrẽ õãrõ doremasĩḡ, ĩḡ pũrãrẽ b̄remurĩ merã ĩḡrẽ õãrõ ȳjumakũ iriḡ ããrĩburo. ⁵ ĩḡya wii marãrẽ doremasĩbi, Marĩp̄re b̄remurĩ bumarãrẽ irota nemorõ koremasĩbirikumi. ⁶ Suḡ Jesúre b̄remurã op̄ ããrĩduaḡ maama b̄remunuḡãḡ ããrĩbirikõãburo. Maama b̄remunuḡãḡ gajipoe iriḡ ĩḡ: “Gajerã nemorõ ããrã ȳ”, ãrĩ gũñabokumi. Irasũ ãrĩ gũñaḡ, wãtĩ gũñaderosũ gũñabokumi. Irasiriḡ Marĩp̄ wãtĩrẽ wajamoãderosũ ĩḡrẽ iribokumi. ⁷ Irasiriḡ Jesúre b̄remurã op̄ ããrĩbu Jesúre b̄remumerã: “Õãḡ ããrĩmi”, ãrĩsũḡ ããrĩburo. ĩḡ õãrĩrẽ iribirimakũ ĩãrã, ĩḡrẽ ñerõ werenĩbokuma. Wãtĩ ĩḡrẽ ñerĩ iridorerire iribokumi.

Jesúre b̄remurã oparãrẽ iritamurãamarẽ gojadea

⁸ Jesúre b̄remurã oparãrẽ iritamurãde masaka b̄remusũrã ããrĩburo. Ārĩgatori marĩrõ wererã, mejãmerã, ñerõ iriri merã niyerure wajatad̄uamerã ããrĩburo. ⁹ Jesúya diayema ããrĩrĩrẽ Marĩp̄ marĩrẽ ĩmudeare piriro marĩrõ b̄remurã: “Marĩp̄ ĩũrõ waja opabea”, ãrĩ gũñarã ããrĩburo. ¹⁰ ĩḡsãrẽ sóoburi dupuyuro ĩḡsã ããrĩrikurire õãrõ ĩãburo. P̄ru ĩḡsã õãrõ ããrĩrikurire ĩã odo: “Waja opabema”, ãrĩ, ĩḡsãrẽ sóoburo. ¹¹ Jesúre b̄remurã oparãrẽ iritamurã nomede irasũta masaka b̄remusũrã ããrĩburo. Gajerãrẽ ñerõ kere ãrĩ weremerã nome, pémasĩrĩ merã irirã nome, õãrĩrẽ irinĩrã nome ããrĩburo. ¹² Suḡ Jesúre b̄remurã oparãrẽ iritamuḡ sugoreta marãpok̄ḡ, ĩḡ pũrãrẽ, gajerãrẽ ĩḡya wii marãrẽ õãrõ doremasĩḡ ããrĩburo. ¹³ Jesúre b̄remurã oparãrẽ iritamurã õãrõ iritamumakũ ĩãrã, gajerã ĩḡsãrẽ: “Õãrõ yãma”, ãrĩrãkuma. Irasirirã güiro marĩrõ ḡyasĩrĩrĩ marĩrõ gũñaturari merã ĩḡsã Jesucristore b̄remurĩrẽ gajerãrẽ wererãkuma.

Jesúyamarẽ gojadea

¹⁴⁻¹⁵ Mata ȳ m̄ p̄rogue waad̄adãa. Waad̄akereḡ, gajipoe iriḡ waamasĩbiribokoa. Irasiriḡ i pũ merã m̄rẽ: “Marĩp̄ pũrã ãsũ iriburo”, ãrĩ were gojãa. Marĩp̄ pũrã Jesúre b̄remurĩ bumarã Marĩp̄ okanĩḡyarã ããrĩma. ĩḡsãta Marĩp̄ya diayemarẽ b̄remurã, gajerãrẽ irire buerã ããrĩma. ¹⁶ Marĩ: “I diayeta ããrã”, ãrĩ masĩa. Marĩp̄ya diayema, marĩ dupuyuro masĩbiridea, ĩḡ marĩrẽ ĩmudea õãtaria. I ãsũ ããrã:

Marĩp̄ maḡ marĩ irirosũ dup̄k̄ḡ deyoadi ããrĩmĩ. Õãḡ deyomarĩḡ: “Ĩḡ diayema iriḡ ããrĩmi”, ãrĩrĩrẽ marĩrẽ masĩmakũ iridi ããrĩmĩ.

Marĩp̄re wereboerã ĩḡrẽ ĩãnerã ããrĩmã. ĩḡyarã ĩḡya kerere ããrĩperero marãrẽ weren-erã ããrĩmã. Irasirirã i ãm̄guere masaka ĩḡrẽ b̄remunerã ããrĩmã. P̄ru Marĩp̄ ãm̄gasigue ĩḡrẽ ãĩm̄ĩadi ããrĩmĩ.

4

Pablo Timoteore Jesúre b̄remudinerã ĩḡrẽ b̄remuduúrãamarẽ gojadea

¹ Õãḡ deyomarĩḡ ire pémasĩma õãrõ marĩrẽ weremi. I ãm̄ pereburi dupuyuro surãyeri masaka Jesúre b̄remudinerã ĩḡrẽ b̄remuduúrãkuma. Wãtẽa ãrĩgatorire, wãtẽaya buerire pét̄yarãkuma. ² Irigatorikurã irire buemakũ pérã: “Õãrĩ bueri ããrã”, ãrĩ gũñarãkuma. Ārĩgatori merã buekererã, ĩḡsã basi: “Ñerõ irirã yãa”, neõ ãrĩ gũñabirikuma. ³ Masakare: “Marãpok̄birikõãka! I baarire baabirikõãka!” ãrĩma. Marĩp̄ ããrĩpereri

marĩ baaburire iridi ããrĩmĩ. Irasirirã marĩ Jesúre b̄remurã diayemarẽ masĩrã, ĩgũrẽ: “Õãa”, ãrĩ, ɯɯyari sĩ odo, baarire baamasĩa. ⁴ ããrĩpereri Marĩp̄u iridea õãrĩ ããrã. Irasirirã ĩgũ irideare: “Gããmebea”, ãrĩbirikõãrã! ĩgũrẽ: “Õãa”, ãrĩ, ɯɯyari sĩ odo, baaro gããmea. ⁵ Marĩp̄u ĩgũ irideare: “Õãa”, ãrĩ weresiadi ããrĩmĩ. Irasirirã marĩ baaburi dupuyuro ĩgũrẽ: “Õãa”, ãrĩ, ɯɯyari sĩmakũ, marĩ baarire õãrĩ waamakũ yámi.

Pablo Jesúre moãboeḡuyamarẽ werede

⁶ M̄u, i ȳu weredeare Jesúre b̄remurãrẽ bueḡu, Jesucristore õãrõ moãboeḡu ããrĩḡukoa. Irasiriḡu Marĩp̄uya werenĩrĩ marĩ b̄remurĩrẽ, ĩgũyare õãrĩ buerire m̄u õãrõ irit̄uyarire gũñaturari merã b̄remunemoḡukoa. ⁷ Masaka i ùm̄umarẽ ĩgũsã basi ĩgũsã gũñarĩ merã kere wererire pébirikõãka! Iri Marĩp̄uya ããrĩbea. Marĩp̄u gããmerĩ direta irit̄uyawãḡanĩka! ⁸ Marĩ õãrõ moãpaumakũ õãgorãa. I nemorõ Marĩp̄u gããmerĩrẽ õãrõ irimakũ õãtaria. ĩgũ gããmerĩrẽ iripaurã, i ùm̄uguere marĩ ĩgũ merã õãrõ ããrã. P̄u ùm̄ugasiguedere ĩgũ merã ããrĩrãkoa. ⁹ Iri ȳu wereri diayeta ããrã. ããrĩpererã irire: “Diayeta ããrã”, ãrĩ b̄remurõ gããmea. ¹⁰ Irasirirã marĩ gajerãrẽ Marĩp̄uyare buerã, ñerõ tari, b̄uro moãa. Marĩp̄u okanígũ marĩrẽ õãrõ iriburire ɯɯyari merã yúsĩa, irasũ yáa. ĩgũ ããrĩpererãrẽ tauḡu ããrĩmĩ. Jesúre b̄remurã direta tauḡukumi ĩgũ p̄uro ããrĩburo, ãrĩgũ.

¹¹ Jesúre b̄remurãrẽ iri ããrĩpereri ȳu ãrĩrĩrẽ iridore, bueka! ¹² Gajerã, m̄u maamu ããrĩmakũ ĩãrã, m̄urẽ péduabiribokuma. Irasiriḡu, Jesúre b̄remurãrẽ m̄urẽ péburo, ãrĩgũ, õãrĩrẽ werenĩka! Õãrõ irinĩka! Gajerãrẽ maĩka! Jesúre b̄remut̄uyanĩkõãka! Marĩp̄u ĩũrõ ñerĩ marĩgũ ããrĩka! M̄urẽ ĩãkũburo, ãrĩgũ, irasirika! ¹³ Ȳu, m̄u p̄urogue ejaburo dupuyuro Jesúre b̄remurã nerẽrãrẽ Marĩp̄uyare gojadea p̄urẽ bue ĩmuka! ĩgũsãrẽ: “Ãsũ ããrĩrikũka!” ãrĩ wereka! Marĩp̄uyare õãrõ bueka, ĩgũsã irire masĩnemoburo, ãrĩgũ! ¹⁴ Iro dupuyuro Marĩp̄u Jesúre b̄remurã oparã m̄urãrẽ m̄urẽ weredoredi ããrĩmĩ. Irasiriḡu, ĩgũsãya mojõrĩ merã m̄urẽ ñapeomakũ, ĩgũ turarire sidi ããrĩmĩ, ĩgũ weredorederosũta m̄u ĩgũyare irimasĩburo, ãrĩgũ. Irasiriḡu, ĩgũ m̄urẽ irimasĩrĩ sĩrĩrẽ kãtibirikõãka!

¹⁵ Irire gũña, irinĩka, ããrĩpererã m̄u Marĩp̄uyare irimasĩnemowãḡarire ĩãburo, ãrĩgũ! ¹⁶ “¿Õãrõ iriḡu yári?” ãrĩ gũñagũ, m̄u iririk̄urire, gajerãrẽ m̄u buerire gũñaka! Õãrĩ direta irinĩka! Irasirirã m̄u, m̄urẽ pénerãde tausũrãkoa.

5

Pablo Timoteore: “Jesúre b̄remurãrẽ ãsũ irika!” ãrĩ gojadea

¹ M̄urãrẽ turibirikõãka! M̄up̄ure m̄u õãrõ irirosũta m̄urãdere õãrõ b̄remurĩ merã wereka! M̄u paḡup̄urãrẽ m̄u õãrõ irirosũta maamarãdere b̄remurĩ merã wereka! ² M̄upore m̄u õãrõ irirosũta m̄urã nomedere õãrõ b̄remurĩ merã wereka! M̄u paḡup̄urã nomerẽ m̄u õãrõ irirosũta nóomedere ñerõ ɯaribejaro marĩrõ õãrõ b̄remurĩ merã wereka!

³ Wapiweyarã nome iritamusũña marĩrãrẽ iritamuka! ⁴ Wapiweyo p̄urãk̄udeo ããrĩmakũ, parãmerãk̄udeo ããrĩmak̄udere ĩgũsã igore iritamuburo, igo ĩgũsãrẽ masũdea waja. Irasũ iritamurã, Marĩp̄u ĩgũsãyarãrẽ iritamudorederosũta irirã yáma. ĩgũsã irasiriri merã Marĩp̄ure ɯɯyari merã ĩãmakũ yáma. ⁵ Bopogo wapiweyo igoyarã marĩgõ: “Marĩp̄u ȳure iritamuḡukumi”, ãrĩ gũñamo. Irasirigo ùm̄urĩ, ñamirĩ Marĩp̄ure: “Iritamuka ȳure!” ãrĩ s̄er̄enĩkõãmo. ⁶ Gajego wapiweyo igo gããmerĩ direta irimoãmagõ, okago ããrĩkeregõ, boadeo irirosũ Marĩp̄u gããmerĩrẽ irimasĩbeo ããrĩmo. ⁷ Iri ããrĩpereri wapiweyarã nomerẽ iritamurĩmarẽ ȳu m̄urẽ gojarire Jesúre b̄remurãrẽ wereka, gajerã ĩgũsãrẽ: “Ñerõ yáma, ĩgũsãyarãrẽ iritamubema”, ãrĩ werew̄uabirikõãburo, ãrĩgũ! ⁸ Sugu ĩgũyarãrẽ, ĩgũya wii marãdere õãrõ korebi: “Jesúre b̄remubea”, ãrĩgũ irirosũ yámi. Jesúre b̄remumerã nemorõ ñerõ iriḡu ããrĩmĩ.

⁹ Wapiweyarã nomerẽ iritamuburi dupuyuro, papera pũgue ãsũ ããrĩrã nomerẽ gojatúka! Búro, sesenta bojori nemorõ opago, sugureta marãpũkũdeo ããrĩburo. ¹⁰ Masaka: “Igo õãrĩrẽ irigo ããrĩmo”, ãrĩsũgõ, igo pũrãrẽ õãrõ masũdeo, igoya wiire gãmeñajãrã ejarãrẽ õãrõ bokatĩrĩneãgõ, moãboego irirosũ Jesúre bũremurãrẽ iritamugõ, ñerõ tarirãrẽ iritamugõ, ããrĩpererãrẽ bopoñarĩ merã ããgõ, gajino õãrĩrẽ irinĩgõ ããrĩburo.

¹¹ Wapiweyarã nome, nóomeweya nome ããrĩmakũ, i papera pũgue gojatúbirikõãka! Ìgũsã Cristoyare iridũaro nemorõ ãma merã ããrĩduarã, dupaturi marãpũkũdũabokuma. ¹² Irasũ Ìgũsã dupaturi marãpũkurã, Ìgũsã: “Marãpũ marĩgõ, Cristoya direta irigokoa”, ãrĩdeare iribiribokuma. Irire iribiridea waja, waja opabokuma. ¹³ Ìgũsã dupaturi marãpũkũmerã, térĩkurã, gajerãya wiirigue gãmeñajãgorenarã, gajerãrẽ ñerĩ kerere werenĩrã, gajerãrẽ Ìgũsãamarẽ sãrẽñarikurã, gajerã Ìgũsãrẽ weredorebirideareta masakare weregorenarã dujabokuma. ¹⁴ Irasirigu: “Ìgũsãrẽ, gajerã wapiweyarã nome mũrãrẽ iritamurõsũ iritamubirikõãrõ gããmea”, ãrĩ werea. Dupaturi marãpũkũ, pũrãkũburo doja. Ìgũsãya wii marãrẽ õãrõ koreburo. Ìgũsã irasirimakũ, ñegũ marĩrẽ ãaturigu masakare Ìgũsãrẽ: “Ñerĩrẽ irirã yãma”, ãrĩ werewũamakũ iribiribokumi. ¹⁵ Surãyeri wapiweyarã nome Cristoyare pirikõã, wãtẽa opũ Satanãya gapũre iritũyasiama.

¹⁶ Jesúre bũremurã, Ìgũsãyarã wapiweyarã nome ããrĩmakũ Ìgũsãrẽ iritamuburo. Jesúre bũremurĩ bumarãguere Ìgũsãrẽ iritamudorebirikõãburo. Irasirirã Jesúre bũremurĩ bumarã gajerã wapiweyarã nome iritamuña marĩrã gapũre iritamumasĩma.

¹⁷ Jesúre bũremurã oparã mũrã Ìgũsãyarãrẽ õãrõ dorerãrẽ gajerãrẽ bũremurõ nemorõ bũremurõ gããmea. Ìgũsã õãrõ moãrĩ waja õãrõ wajariburo. Surãyeri Marĩpũyare wererã, Ìgũsãyarãrẽ buerã ããrĩma. ¹⁸ Marĩpũya werenĩrĩ gojadea pũgue, sugũ moãgũrẽ marĩ wajariburire ãsũ ãrĩ gojasũdero ããrĩbũ: “Wekũ trigo yeri gasirire Ìgũya guburi merã kũra koro, trigore baadũagũ baaburo. Ìgũya disi tũsãrĩ berore tũsãbirikõãka!” ãrĩ gojasũdero ããrĩbũ. Gajero ãsũ ãrĩ gojasũdero ããrĩbũ: “Moãgũrẽ Ìgũ moãrĩ wajare wajariro gããmea”.

¹⁹ Sugũta Jesúre bũremurã opũre: “Ñerĩrẽ iriami”, ãrĩ werewũamakũ pãbirikõãka! Pẽrã o mũrerã Ìgũ irideare ããnerã Ìgũrẽ werewũarire pãka! ²⁰ Jesúre bũremurã nerẽrõgue ããrĩpererã pãurogue ñerõ irigũre: “Irire neõ irinemobirikõãka!” ãrĩ wereka, gajerã gũirã, Ìgũ irirosũ iribirikõãburo, ãrĩgũ!

²¹ Yũ, Marĩpũ Ìũrõ, Jesucristo Ìũrõ, irasũ ããrĩmakũ Marĩpũre wereboerã Ìgũ beyenerã Ìũrõguedere mũrẽ ãsũ ãrĩ weregũra. Yũ mũrẽ dorerire irigu, ããrĩpererã Jesúre bũremurãrẽ bũremurĩ merã sũrosũ ããka! Mũsã surãyeri Ìgũsãrẽ õãrõ irirosũ, gajerã Ìgũsã watope marãdere sũrosũ õãrõ irika! ²² Gajerãrẽ Jesúre bũremurã oparã ããrĩmurãrẽ mũya mojõrĩ merã ñapeo, Ìgũsãrẽ sóoburi dupuyuro Ìgũsã ããrĩkurire õãrõ ããpũrorika! Ñerĩrẽ irirãrẽ sóogũ, Ìgũsã irirosũta mũde ñerõ irigu ããrĩbokoa. ããrĩpereri ñerĩrẽ iribita ããrĩrikuka!

²³ Mũ paru pũrĩrĩ opagũ ããrã. Irasirigu irire kũkũgũ, deko direta iirĩbirikõãka! Mẽrõgã igui deko pãmudeadere iirĩka!

²⁴ Mũ Jesúre bũremurã oparã ããrĩmurãrẽ Ìgũsã ããrĩkurire ããgũ, ire õãrõ masĩka! Marĩpũ ñerãrẽ wajamoãburi dupuyuro surãyeri masaka Ìgũsã ñerĩrẽ iririre marĩ ããmasĩa. Gajerã gapũre Ìgũsã ñerĩ iririre ããmasĩbea. Marĩpũ ããrĩpererã ñerãrẽ wajamoãrĩnũ ããrĩmakũ, Ìgũsã ñerĩ irideare masĩrãkoa. ²⁵ Irasũta masaka Ìgũsã õãrĩ iririre ããmasĩsũa. Gajerã Ìgũsã õãrĩrẽ iririre daporare ããmasĩbirikererã, pũrũgue masĩrãkoa.

6

¹ Moãrĩmasã Jesúre bũremurã Ìgũsã oparã dorerire gopeyari merã iriburo. Ìgũsã irasirimakũ ããrã, gajerã Marĩpũre, marĩ bueridere ñerõ ãrĩ werenĩbirikuma. ² Ìgũsã oparã Jesúre bũremurã ããrĩmakũ: “Ìgũsã guare dorebirikõãrõ gããmea”, ãrĩ gũñabirikõãburo. Irasũ gũñarõno irirã Ìgũsã dorerire bũremurĩ merã iriburo. “Marĩ oparã Jesúre

buremurã ããrĩmakũ, ĩgũsãrẽ maĩa, irasirirã ĩgũsãrẽ õãrõ moãboerãkoa”, ãrĩ gũñaburo. I yu were gojarire Jesúre buremurãrẽ bueka!

Marĩpũre buremurĩmarẽ, õãrõ ããrĩrikũrimadere gojadea

³ Masakare ãrĩgatori merã buerã marĩ Opũ Jesucristoya diayema ããrĩrĩrẽ buedeare buremubema. Marĩpũyare marĩ buremurĩrẽ gããmemerã ããrĩma. ⁴ “Gajerã nemorõ masĩa”, ãrĩ gũñakererã, diayemarẽ neõ masĩbema. Pémasĩmerã irirosũ masaka werenĩrĩrẽ gãme guaseodũarã ããrĩma. Irasirirã gajerãrẽ gãme ĩãturi, gãme ĩãdũabiri, ñerõ kere gãme ãrĩ were, ñerõ gãme gũñamakũ yáma. ⁵ Diaye gũñamerãrẽ gãme guaseonĩmakũ yáma. ĩgũsã diayema ããrĩrĩrẽ masĩmerã ããrĩmakũ, ĩgũsãrẽ: “Marĩpũyare iritũyarã, wáro niyerure wajatarãkoa”, ãrĩ gũñamakũ yáma. ĩgũsãnorẽ wapikũbirikõãka! ⁶ Marĩ, Marĩpũyare buremurĩrẽ õãrõ iritũyarã, wári õãrĩ oparã irirosũ ããrã. I merã usũyáa. ⁷ Marĩ i ãmũguere deyoarã, neõ gajino merã deyoabiribũ. Boarãde neõ gajinorẽ ãĩabirikoã. ⁸ Irasirirã surĩ, baari marĩ dapora opari merãta usũyaro gããmea. ⁹ Gajerã gapũ wári opadũasĩa, ĩgũsã ñerĩ iridũarire pirimerã, pémasĩrĩ marĩrõ ñerĩrẽ ãaribejarã dujama. Irasirirã iri merã ĩgũsã basita poyanorẽsĩa, peamegue béosũrãkuma. ¹⁰ Niyeru maĩrĩ, masakare ããrĩpereri ñerĩrẽ irinũgãmakũ iriri ããrã. Surãyeri niyerure bũro gããmerã, Jesúyare buremuadideare piri, ĩgũsã basita bũro bũjawereri bokama.

Pablo Timoteore: “Mũ Jesúre buremurĩrẽ neõ piribirikõãka!” ãrĩ gojadea

¹¹ Mũ tamerã Marĩpũyagũ i ããrĩpereri ñerĩrẽ ãaribejabirikõãka! Diayema irigũ, Marĩpũ gããmerĩrẽ irigũ, ĩgũyare: “Diaye ããrã”, ãrĩ buremugũ, gajerãrẽ maĩgũ, ñerõ tarikeregũ gũñaturari merã Marĩpũyare irigũ, “Gajerã nemorõ ããrã”, ãrĩ gũñarõ marĩrõ ĩgũsãrẽ iritamugũ ããrĩka! ¹² Marĩpũ mũrẽ siiudi ããrĩmĩ, ĩgũ pũro perebiri okari opaburo, ãrĩgũ. Irasirigũ Jesucristore mũ buremurĩrẽ wãrã masaka péurogue werebũ. Iri okarire opabu, ñerõ tarikeregũ, ĩgũrẽ buremurĩrẽ piribirikõãka! ¹³ Yũ, Marĩpũ ããrĩpererãrẽ okari sĩgũ ĩũrõ, Jesucristo ĩgũyamarẽ Poncio Pilatore diaye weredi ĩũrõ ire mũrẽ iridorea. ¹⁴ Jesucristo i ãmũguere dupaturi aarimakũguedere ñerĩ marĩgũ, masaka werewũasũña marĩgũ ĩgũ doredeare gorawayuro marĩrõ irinĩkõãka! ¹⁵ Marĩpũ ĩgũ: “Ãsũ irigũra”, ãrĩdeare iririnũ ejamakũ, Jesucristore dupaturi iriugũkumi. ĩgũ sugũta õãtarigũ, turagũ, ããrĩpererã oparã nemorõ Opũ, ããrĩpererã dorerã nemorõ Doregũ ããrĩmi. ¹⁶ ĩgũ sugũta neõ boabi ããrĩmi. Boyorogue neõ sugũ masakũ ejamasĩberogue ããrĩmi. Neõ sugũ masakũ ĩgũrẽ ĩãdi, ĩgũrẽ ĩãgũde mámi. Irasirirã neõ piriro marĩrõ ããrĩpererinũrĩ ĩgũrẽ: “Turataria mũ”, ãrĩ buremurã! Irasũta irirã!

¹⁷ I ãmũmarẽ wári oparãrẽ ãsũ ãrĩ wereka: “‘Gajerã nemorõ ããrã’, neõ ãrĩ gũñabirikõãka! Mũsã opari pereakõãrokoa. Irasirirã: ‘Yũ wári opari merã õãrõ ããrĩgũkoa’, ãrĩ gũñabirikõãka! ‘Marĩpũ yũre sĩrĩ merã õãrõ ããrĩgũkoa’, ãrĩ gũñaka!” ãrĩka ĩgũsãrẽ! Marĩpũ marĩrẽ ããrĩpereri marĩ oparire sĩmi, iri merã usũyaburo, ãrĩgũ. ¹⁸ Wári oparã õãrĩrẽ iriburo. ĩgũsã wári opari merã opamerãrẽ iritamuburo. ĩgũsãrẽ iritamurã, ĩgũsã oparire õãrõ merã sĩburo. ¹⁹ ĩgũsã irasirirã, wári ãmũgasimarẽ opasiarãkuma. Irogue ããrĩrĩ neõ perebirikoã. Irasirirã irogue Marĩpũ merã perebiri okari opanĩkõãrãkuma.

Pablo Timoteore doretũnudea

²⁰ Timoteo, Marĩpũ mũrẽ weredoregũ pídeare piribirikõãka! Marĩpũre gããmemerã i ãmũma ubu ããrĩrĩ werenĩrĩrẽ, ĩgũsã noõ gããmerõ werenĩmoãmarĩdere pétũyabirikõãka! “Marĩ werenĩrĩ, masĩrĩmasã werenĩrĩ ããrã”, ãrĩkererã, Marĩpũyare masĩrã irirosũ werenĩrã meta yáma. ²¹ Surãyeri ĩgũsã werenĩrĩrẽ pétũyarã, Marĩpũyare ĩgũsã buremuadideare pirinokõãma.

Marĩpũ mũrẽ õãrõ iritamuburo. Irasũta iriburo.

Iropãta ããrã.

Pablo

2 TIMOTEO

Pablo Timoteore òãdoredea

¹ Y_u Pablo m_urē òãdoredea. Marĩp_u g_ããmederosũta Jesucristo y_ure beyepídi ããrĩmĩ. Marĩp_u: “Jesucristore b_uremurã y_u merã òãrõ ããrĩrãkuma”, ãrĩdeare y_ure masakare buedoreg_u beyepídi ããrĩmĩ. ² M_u diayeta y_u magũ irirosũ ããrĩgũ ããrã. Irasirig_u m_urē ire gojáa. Marĩp_u ããrĩnĩgũ, marĩ Op_u Jesucristo m_urē iritamu, bopoñarĩ merã ãã, siuñajãrĩ merã ããrĩrik_umakũ iriburo.

Pablo Timoteore: “Masakare Cristoyare wereka!” ãrĩ gojadea

³ Y_u Marĩp_ure sērērik_u, m_urē gũñáa. Ëm_urik_u, ñamirik_u ĩgũrē: “Òãa”, ãrĩ, ãs_uyari sĩ, m_uya ããrĩburire sērēbosaníkõãa. Y_u ñek_usãmarã ĩgũrē b_uremuderosũta: “Y_u, ĩgũ ĩũrõ waja opabi ããrã”, ãrĩ masĩrĩ merã y_ude ĩgũrē b_uremua. ⁴ Y_u, m_u p_urogue ããrãdi waamakũ m_u oredeare gũñanísĩã, m_urē ããduakoa doja, m_u merã b_uro ãs_uyad_uag_u. ⁵ M_u Jesúre diayeta b_uremurĩrē gũñáa. M_u ĩgũrē b_uremuburi dupuyuro m_u ñekõ Loida, m_upo Eunicede Jesúre b_uremup_urorima. Daporare y_u òãrõ masĩa. ĩgũsã ĩgũrē b_uremurĩ oparosũta m_ude opáa.

⁶ Irasirig_u ire m_urē gũñamakũ irid_uáa. Iro dupuyuro yaa mojõrĩ merã m_urē y_u ñapeomakũ, Marĩp_u ĩgũ turarire m_urē sĩmi, ĩgũyare irimasĩburo, ãrĩgũ. Daporare ĩgũ m_urē iridorederosũta ĩgũ turari merã ĩgũyare iriwãgãníka! ⁷ Marĩp_u marĩrē Òãgũ deyomarĩgũrē sĩmi. Òãgũ deyomarĩgũ marĩrē gũimakũ irig_u meta ããrĩmĩ. Marĩp_uyare ĩgũ turari merã irirã, masakare maĩrã, pémasĩrĩ merã irirã ããrĩmakũ irig_u ããrĩmĩ. ⁸ Irasirig_u marĩ Op_uyare gajerãrē wereg_u, g_uyasĩrĩbirikõãka! ĩgũyare gajerãrē y_u werede waja peresugue ããrĩmakũ, y_ure g_uyasĩrĩsãbirikõãka! M_u Marĩp_u masakare tauri kerere wereri waja y_u irirosũ ñerõ tarig_u: “Òãrokoa”, ãrĩ gũñaka! Marĩp_u m_urē turaro sĩrõpã irasirika! ⁹ Marĩp_u marĩrē perebiri peamegue waabonerãrē taudi ããrĩmĩ. Òãrã ĩgũyarã ããrĩburo, ãrĩgũ, marĩrē siiudi ããrĩmĩ. “Òãrĩrē yãma, irasirig_u ĩgũsãrē siiub_u”, ãrĩ gũñagũ meta siiudi ããrĩmĩ. ĩgũ marĩrē Jesucristoyarãrē maĩgũ i ãm_u iriburi dupuyuro: “ĩgũsãrē taug_ura”, ãrĩ gũña, marĩrē beyedi ããrĩmĩ. ¹⁰ Irasirig_u Jesucristore marĩrē taug_ure iriug_u, ĩgũ marĩrē diayeta maĩrĩrē masĩmakũ iridi ããrĩmĩ. Jesucristo marĩrē ĩgũrē b_uremurãrē perebiri peamegue waamurã ããrĩmakũ neõ iribiridi ããrĩmĩ. ĩgũ marĩrē tauri kerere weredeare b_uremurĩ merã marĩrē Marĩp_u p_uro ĩgũ merã ããrĩnĩburire masĩmakũ iridi ããrĩmĩ.

¹¹ Marĩp_u y_ure iri kerere weredoreg_u beyedi ããrĩmĩ judío masaka ããrĩmerãrē Jesucristoyare buedoreg_u. ¹² Irire bueri waja y_u b_uro ñerõ taria. Ñerõ tarikereg_u, Jesúre y_u gũñaturari merã b_uremugũrē masĩa. Irasirig_u peresugue ããrĩkereg_u, g_uyasĩrĩrõ marĩrõ ããrĩkõãa. Jesúta turag_u, y_ure ĩgũyare buedoreg_u pídi, y_ure òãrõ koreg_u ããrĩmĩ. Irasirig_u dupaturi aarigũ, ĩgũ y_ure buedoredea merã: “Ãsũ irig_ura”, ãrĩdeare iriyuwarik_ug_ukumi. Irire masĩa.

¹³ Y_u m_urē diayema buedeare: “Ãsũ iriro gããmea y_ure”, ãrĩ, Jesúre b_uremurĩ merã, gajerãrē maĩrĩ merã iriníkõãka! Marĩ Jesúyarã ããrĩsĩã, irasirimasĩa. ¹⁴ Òãgũ deyomarĩgũ marĩguere ããrĩgũ iritamurĩ merã Marĩp_u m_urē ĩgũya kerere weredoredeare gorawayuro marĩrõ wereka!

¹⁵ M_u masĩsiáa. Y_u peresugue ããrĩmakũ ããrã, ããrĩpererã Asia nikũ marã Jesúre b_uremurã y_ure béowãgãperekõãma. ĩgũsã watope ããrĩnerãde Figelo, Hermógenesãde béowãgãkõãma. ¹⁶ Onesíforo gap_u irasiribirimi. Marĩ Op_u ĩgũya wii marãrē bopoñarĩ merã ããburo. Wári Onesíforo y_ure gũñaturamakũ irimi. Y_u peresugue ããrĩmakũ ããgũ, y_ure g_uyasĩrĩsãbirimi. ¹⁷ Irasirig_u Romague eja_u, y_ure ãmaníkõãdi ããrĩmĩ. Y_ure bokag_ugue

ãmuduúmi. ¹⁸ Marĩ Op_u dupaturi aarigú, ìgürè bopoñarĩ merã ìãburo. Efesoguedere ìgũ marĩrè iritamudeare m_u òãrò masĩsíaa.

2

Pablo Timoteore òãrò iridorerimarè gojadea

¹ M_u, Jesucristoyag_u diayeta y_u magũ irirosũ ããrĩgú ããrã. Irasirig_u Jesucristo iritamurĩ merã ìgürè gũñaturari merã buremuníkòãka! ² Y_u wárã masaka péurogue buemakũ m_u pédeare Jesucristoyare gũñaturarãrè bueturiaka! Irasirirã irire gajerãrè keoro buemasĩrãkuma.

³ Surara ñerò tarikereg_u gũñaturakumi. Ìgũ irirosũ m_u Jesucristoyag_u gajerã ìgũyarã merã ñerò tarikereg_u gũñaturaka! ⁴ Surara ìgũ op_u gããmeròsũ doreri diretta irikumi. Surara ããrĩbi moãròsũ iribirikumi. Irasirig_u m_u ìgũ irirosũ marĩ Op_u doreri diretta irika! ⁵ I irirosũ ùma birarimasãde gajerã nemorò ùmakereg_u, oparã dorerire keoro iribi, ìgũsã ìgürè sĩboadeare wajatabirikumi. Irasirig_u marĩ Op_u dorerire òãrò irika, ìgũ òãrĩ sĩburire wajatabu! ⁶ Pooere òãrò moãgũ ìgũ moãdea waja iri pooema oteri dukare opap̄rorikumi. Irasirig_u ìgũ irirosũ marĩ Op_uyare òãrò moãgũ, gajerãrè ìgũyare bueri waja ìgũ murè sĩrĩrè opagakoa. ⁷ Y_u wererire òãrò gũñaka! M_u irasirimakũ, marĩ Op_u i ããrĩpererire masĩmakũ irigukumi.

⁸ Jesucristore gũñaka! Ìgũ, op_u David parãmi ããrĩturiag_u ããrĩmi. Ìgũta boadigue masãdi ããrĩmĩ marĩrè peamegue waabonerãrè taug_u. Iri marĩrè tauri kerereta y_u werea. ⁹ Iri kerere wereri waja ñerò taria. Masaka y_ure ñerò irig_u irirosũ kòme dari merã sia, peresugue biadoboma. Ìgũsã y_ure peresu irikerep̄ur_u, Marĩp̄yaya kerere ããrĩpererogue pèsũrokoa. ¹⁰ Irasirig_u y_u ñerò tarikereg_u, gũñaturaníkòãka, Marĩp̄u beyenerã ìgũ merã òãrò ããrĩburo, ãrĩgũ. Ìgũsãde marĩ irirosũta Jesucristoyarã ããrĩma. Irasirig_u, ìgũsãde peamegue waabirikòãburo, ãrĩgũ, irasũ yáa. ¹¹ I diayeta ããrã:

Marĩ Jesucristore buremurĩ waja gajerã marĩrè wějẽmakũ, ùmugasigue ìgũ merã ããrĩnìkòãrãkoa.

¹² Marĩ ñerò tarikererã gũñaturari merã marĩ ìgürè buremurĩrè pirimerã, ìgũyarãrè dorerogue ìgũ merã dorerã ããrĩrãkoa. Marĩ Jesúre masĩkererã gajerãrè: “Ìgürè masĩbea”, ãrĩmakũ, ìgũde marĩrè: “Mũsarè masĩbea”, ãrĩgukumi.

¹³ Marĩ, ìgũ: “Ãsũ irigura”, ãrĩdeare buremubirikerep̄ur_u, ìgũ ãrĩdeare diayeta irigukumi. ããrĩpereri ìgũ ãrĩrĩ, diayeta ããrã. Neò ãrĩgatomasĩbirikumi.

Pablo Timoteore keoro buerimarè gojadea

¹⁴ I y_u were gojarire m_u buerãrè gũñanĩmakũ irika! Marĩ Op_u ìüròrè ìgũsãrè turaro merã ãsũ ãrĩ wereka! Masaka werenĩrĩrè mũsã gãme guaseori wajamãa. Irire pérãrè diaye gũñamerã dujamakũ yáa. ¹⁵ M_u gap_u Marĩp̄u ìürò ìgũyaya diretta buro iridug_u ããrĩka! Ìgũyaya diayema kerere pémasĩrĩ merã gajerãrè keoro bueka! Ìgũ murè:

“Òãrò yámi”, ãrĩ ìãburo, ãrĩgũ, òãrò moãgũ ìgũ moãdeare gũyasĩrĩberosũ ããrĩbu, irasirika!

¹⁶ Masaka i ùmama ubu ããrĩrĩ werenĩrĩrè pébirikòãka! Irire irasũ werenĩrã nemorò ñerĩrè iriwãgãnemorãkuma. ¹⁷ Ìgũsã bueri, dup̄re kãmirò boawãgãrò irirosũ gajerãrè poyanorãa. Ìgũsã watopere Himeneo, Fileto ããrĩma. ¹⁸ Ìgũsã Marĩp̄yaya diayemarè buebema.

“Jesúre buremurã boanerã ìgũsã dup̄u merã masã, mũrĩasianerã ããrĩmã, irasirirã i ùm_u peremakũ, ìgũsã dupaturi masãbirikuma”, ãrĩ buema. Irasũ ãrĩrã, surãyeri Jesúre buremurãrè ìgũyaya diayema buerire buremuduúmakũ yáma. ¹⁹ Marĩp̄yaya werenĩrĩ, ìgũ marĩrè pídea neò gorawayubea. Wii neò boabiriburi borari merã òãrò núdea wii irirosũ ããrã. Neò perebirikoa. ãsũ ãrĩ gojasũdero ããrĩbú: “Marĩ Op_u ìgũyarãrè masĩmi.

ããrĩpererã: ‘Ìgũyarã ããrã’, ãrĩrã ñerĩ iririre pirikòãburo”.

²⁰ I keori merã ãsũ ãrĩ weregũra. Sugu wári opagũya wiiguere wári soropari ããrĩkoa. Bosenũ ããrĩmakũ oro merã irideapari, plata merã irideapari baarogue peokuma. Diiari merã irideaparire, o kooãre ubu ããrĩrĩnũrĩrẽ peokuma. ²¹ Marĩ õãrĩ pari irirosũ ããrĩduarã, ããrĩpereri ñerĩrẽ opamerã ããrĩnĩkõãrõ gããmea. Irasirirã, marĩ Opũyarã ãgũ irisũnerã ããrĩsĩã, ããrĩpereri ãgũ iridorerire õãrõ irirã ããrĩrãkoa.

²² Irasirigũ, maamarã ñerĩ ãaribejarire iribirikõãka! Diayemarẽ irinĩka! Jesũre bũremunĩka! Masakadere maĩka! Gajerã merã õãrõ ããrĩrikũka! Irasũta ããrĩpererã ñerĩ opamerã marĩ Opũre sãrẽnĩrã merã ããrĩka! ²³ Pemasĩmerã ubu ããrĩrĩrẽ gãme guaseorire pãbirikõãka! Mũ masĩa. ãgũsã irasũ gãme guaseo, pũrũ gãme turirãkuma. ²⁴ Mũ, marĩ Opũre moãboegũ ããrã. Irasirigũ gajerã merã gãme turibirikõãka! ãsũ gapũ ããrĩka! ããrĩpererã merã õãrõ ããrĩgũ, ãgũsãrẽ õãrõ buegũ, bopoñarĩrẽ opagũ ããrĩka! ²⁵ Gajerã mũ buerire gããmebirimakũ, ãgũsãrẽ bũremurĩ merã õãrõ wereka! Marĩpũ ãgũsãrẽ ãgũsã ñerĩ iririre bũjawere, õãrĩ gapũre gorawayumakũ irigũkumi, ãrĩgũ, irasirĩka! Irasirirã diayema ããrĩrĩrẽ masĩngãrãkuma. ²⁶ Irire masĩrã, pãmasĩrãkuma. Wãtĩ ãgũsãrẽ ãgũ gããmerĩrẽ iridorerire pirirãkuma.

3

Pablo Timoteore i ãmũ pereburi dupuyuro ñerõ waaburire gojãdea

¹ Ire masĩka! I ãmũ pereburi dupuyuro wári ñerĩ aarirokoa. ² Masaka ãsũ ããrĩrãkuma. ãgũsãya ããrĩburi direta gũñarã, niyerure ãaribejarã: “Gajerã nemorõ ããrã”, ãrĩ werenĩrã, gajerãrẽ ñerõ turirã, Marĩpũre ñerõ ãrĩ werenĩrã, pagusãmarãrẽ tarinũgãrã, gajerã ãgũsãrẽ sĩkerepũrũ: “ãgũsã gũare õãrõ iriabũ”, neõ ãrĩ, usũyari sĩmerã, gopeyari merã Marĩpũyare bũremumerã ããrĩrãkuma. ³ Gajerãrẽ maĩrĩ merã iritamumerã, bopoñarĩ merã ããmerã, ñerĩ kere wererã, ñerĩ ãaribejarire pirimasĩmerã, gajerãrẽ ñerõ tarimakũ irirã, ããrĩpereri õãrĩrẽ doorã ããrĩrãkuma. ⁴ ãgũsã merãmarãrẽ ãgũsãrẽ ñerõ iridũarãguere wiarã, pãmasĩrĩ marĩrõ ãgũsã noõ gããmerõ irirã, “Masĩpeorã ããrã”, ãrĩ gũñarã ããrĩrãkuma. Marĩpũre gããmerõnorẽ irirã, ãgũsã gããmerõ ãaribejarire iri, usũyarã ããrĩrãkuma. ⁵ Masaka ãũrõ Marĩpũre bũremurã irirosũ irikererã: “Marĩpũ gããmerĩrẽ ãgũ turari merãta irimasĩa”, ãrĩ gũñamerã ããrĩrãkuma. “Yũ basi irire irimasĩa”, ãrĩ gũñarãkuma.

ãgũsãnorẽ neõ wapikũbirikõãka! ⁶ ãgũsãno ãsũ yãma. Masakaya wiirigue õãrõ werenĩgato, ñajãa, pãmasĩmerã nomerẽ ãgũsã ãrĩgatorire pã bũremumakũ yãma. ãgũsã nome bũro ñerĩrẽ irirã nome ããrĩsĩã, ããrĩpereri ñerĩ ãaribejarire iridũarã ããrĩma. ⁷ Gajino buerire buenĩkererã, Marĩpũya diayema gapũre neõ pãmasĩbema. ⁸ Iripoegue marã Janes, Jambres yã ããrĩnerã Moissẽ weredeare pãdũabiriderosũ, ãgũsã ãrĩgatori merã buerã diayemarẽ neõ pãdũabema. Ñerĩ direta gũñapausĩã, Jesũre bũremumerã ããrĩma. ⁹ Irasũ ããrĩkererã, wãrã masakare ãgũsã ãrĩgatori merã buerire pã bũremumakũ irimasĩbirikuma. Moissẽre pãdũabirinerã Janes, Jambreere waaderosũ ãgũsãdere waarokoa. Irasirirã, ãgũsãrẽ ãrĩgatorikũrã, pãmasĩmerã ããrĩrĩrẽ ããrĩpererã ããmasĩrãkuma.

Pablo Timoteore doretũnudea

¹⁰ Mũ gapũ yũ buedeare õãrõ irinĩkõãa. Yũ ããrĩrikũrĩre, yũ: “ãsũ irigũra”, ãrĩ gũñarĩrẽ, Jesũre yũ bũremurĩrẽ, masakare bopoñarĩ merã yũ iritamurĩrẽ, ãgũsãrẽ yũ maĩrĩrẽ, ñerõ tarikeregũ yũ gũñaturarire mũ masĩa. ¹¹ Jesucristoyare yũ iridea waja masaka yũre ñerõ irima. Bũro ñerõ taribũ. Yũ Antioquíague, Iconiogue, Listrague ããrĩmakũ, ããrĩpereri yũre waadeare, iri makãrĩ marã yũre ñerõ tarimakũ irideare mũ masĩa. Yũ ñerõ taririkũ, marĩ Opũ gapũ yũre iritamumi. ¹² I diayeta ããrã. ããrĩpererã Jesucristoyarã Marĩpũ gããmerĩrẽ irinĩduarãnorẽ gajerã ãgũsãrẽ ñerõ tarimakũ irirãkuma. ¹³ Ñerã, ãrĩgatorikũrã, ãgũsã ñerõ iridero nemorõ ñerõ irinemonĩrãkuma. Gajerãrẽ ãgũsã ãrĩgatorire pã bũremumakũ irirã, ãgũsãde gajerã ãrĩgatorire pã bũremurã ããrĩma.

14 M_u gap_u y_u m_urē buedeare irinikōāka! M_u Marīp_uyare: “Diayeta āārā”, ārī b_uremudeare piriro marīrō b_uremunikōāka! M_u masīa m_urē buenerārē. 15 M_u majīgūgueta, Marīp_uyaya werenírī gojadeare masīnūgāyuro. Irasirig_u ĩgūyare masīgū: “Marīp_u Jesucristore b_uremurārē taumi, perebiri peamegue waabirikōāburo, ārīgū”, ārī masīa. 16 Āārīpereri Marīp_uyaya werenírī gojadea, ĩgū masīrī sīrī merā gojadea āārā. Iri gojadeare buerā, diayemarē marī masīa. Marī ñerō irideare: “Ñegorab_u”, ārī, “Ōārī gap_ure iriro gāāmea”, ārī masīa. Irasirirā iri pūgue gojadeare buerā, diayemarē irimasīa. 17 Marīp_u ĩgūyarārē ĩgūyare ōārō masīdoreg_u, ĩgūyaya werenírī gojadeare marīrē pídi āārīmí, āārīpereri ōārīrē irimasīburo, ārīgū.

4

1 Jesucristo āārīpererā Op_u i ūmūguere dupaturi aarigukumi. Irasū aarigú, masaka okarārē, boanerādere: “¿Níisā waja oparā, níisā gap_u waja opamerā āārīrī?” ārī beyegukumi, waja oparārē wajamoābu. Irasirig_u ĩgū ĩūrō, Marīp_u ĩūrōdere turaro merā m_urē dorea. 2 Marīp_uyaya kerere masakare ĩgūsā péduamakū, péduabirimakūdere wereka! ĩgūsārē ĩgūsā ñerī irideare masī, piridoreg_u, iri kerere wereka, ōārī gap_ure iriburo, ārīgū! B_uro bopoñarī merā pémasīma ōārō ĩgūsārē irire bueka! 3 P_ungūguere masaka Marīp_uyaya ōārī buerire péduabirikuma. Irasirirā ĩgūsā gāāmerīrē irirā, ĩgūsā péduari direta buemurārē wārā āmarākuma. 4 Marīp_uyaya diayema āārīrīrē béo, masaka ĩgūsā basi ĩgūsā gūñarī merā wererire pétyarākuma. 5 M_u gap_u pémasīrī merā diayemarē irinikōāka! Ñerō tarikereg_u, gūñaturaka! Ōārō iriduari merā Jesús masakare tauri kerere bueka, peamegue waabirikōāburo, ārīgū! Marīp_u m_urē moādoredeare ōārō iri odonúkōāka!

6 Y_u Marīp_uyare iridea waja okanemosūbirikoa, y_u boaburo mérō d_uyáa, ārī péñáa. 7 Y_u Jesucristo y_ure buedoreg_u pídeare ōārō bueyuwarikub_u. ĩgū y_ure iridorerire ōārō iri odonúb_u. Ñerō tarikereg_u, ĩgūrē b_uremurīrē neō piribirib_u. 8 Irasirig_u dapora y_u diayema iridea waja marī Op_u y_ure y_u wajatadeare siburire usuyari merā yúa. ĩgūta diayemarē irig_u masakare: “¿Níisā waja oparā, níisā gap_u waja opamerā āārīrī?” ārī beyerin_u āārīmakū, y_u wajatadeare sīgukumi*. Y_u direta sibirikumi. Āārīpererā ĩgū aariburire b_uro ĩaduari merā, ĩgūrē maírī merā yúrārē irire sīgukumi.

Pablo Timoteore iridorenemodea

9 M_u aariró bokatīūrō y_ure ĩāgū aarika! 10 Demas i ūm_umarē gāāmesīa, y_ure béo, Tesalónicague waakōāmi. Crescente Galacia nikūgue, Titode Dalmaciague marī Op_uyare buerā waama. 11 Lucas dita y_u merā āārīmi. Irasirig_u Marcore āma, ĩgūrē āarika! ĩgū y_ure iritamugukumi, marī Op_uyare ōārō moāburo, ārīgū. 12 Y_u Tíquicore Efesogue iriub_u. 13 M_u ōōgue aarigú, y_u weka sāñarī surírore, Troas wāikari makā Carpoya wiigue y_u pídeañerē āarika! Yaa papera tūrūrīrē āarika! Waim_urāya gasiri merā iridea tūrūrīdere b_uro gāāmea. Irasirig_u iridere āarika!

14 Alejandro kōme merā moārīmasū y_ure ñetariro irimi. ĩgū y_ure irasiridea waja marī Op_u ĩgūrē wajamoāgukumi. 15 ĩgū marī buerire neō gāāmebirigorami. Irasirig_u ĩgūrē pémasīka!

16 Oparā y_ure peresugue biadoborā y_u irideare sērēñapurorimakū, neō sug_u y_ure iritamubirimi. Āārīpererā y_ure béowāgāperekōāma. Marīp_u ĩgūsā y_ure irasirideare kātiburo. 17 ĩgūsā y_ure béowāgākerep_u, marī Op_u y_ure iritamumi. Y_ure turari sīmi, ĩgū masakare tauri kerere ōārō wereburo, ārīgū. Āārīpererā judío masaka āārīmerā iri

* 4:8 Sug_u ūma birarimasū gajirā nemorō ōārō ūmagū, olivo wāikūdima pūrī merā iridea berore wajatakumi. Masaka iri berore ĩgūya dipurugue peokuma, gajerārē ĩgū wajatadeare ĩmumurā. I irirosū, sug_u Jesúre b_uremugū ĩgū diayema iridea waja ūmagasigue perebiri okari wajatagukumi. Iri ūmagasigue perebiri okari wajatari, i berore wajatari irirosū āārā.

kerere péburo, ãrĩgũ, irasirimi. Ëõkaye yare baabéobodire tariweremakũ irirosũ ñegũ yare wējēbēobodire tariweremakũ irimi. ¹⁸ Irasũ ããrĩmakũ, ããrĩpereri ñerã yare ñerõ iriburire yare tariweremakũ irigukumi. Ëmũgasigue ĩgũyarãrẽ dorerogue waaburo, ãrĩgũ, yare õãrõ koregukumi. Marĩ Opure: “Õãtarigũ, turatarigũ ããrã”, ãrĩ, usuyari sĩnkõãrã! Irasũta irirã!

Pablo õãdoretũnudea

¹⁹ Priscila, igo marãpũ Aquila, Onesíforoya wii marãde õãburo. ²⁰ Erasto Corintogue dujami. Trófimo pũrĩrikũakõãmi. Irasirigũ Miletogue ĩgũrẽ píbũ. ²¹ Mũ puibũ dupuyuro aaripurumuka! Eubulo, Pudente, Lino, Claudia, ããrĩpererã marĩyarã mũrẽ õãdorema.

²² Marĩ Opũ Jesucristo mũ merã ããrĩburo. Marĩpũ ããrĩpererãrẽ mũsãrẽ õãrõ iritamuburo. Irasũta irinĩkõãburo.

Iropãta ããrã.

Pablo

TITO

Pablo Titore òãdoredea

¹ Yũ Pablo, mũrẽ òãdorea. Yũ Marĩpũre moãboegũ ããrã. Jesucristo yũre ìgũya kerere buedoregũ pími. Marĩpũ beyenerãrẽ ìgũrẽ òãrõ buremumakũ gããmegũ, ìgũsãrẽ ìgũyare òãrõ irimakũ gããmegũ, yũre iriumi, ìgũya diayema kerere masĩburo, ãrĩgũ. ² Irasirirã iri kerere masĩrã, ìgũsã ùmũgasigue perebiri okari opaburire masĩma. Marĩpũ i ùmũrẽ iriburo dupuyuro: “Perebiri okari sĩgũra”, ãrĩdi ããrĩmĩ. Ìgũ ãrĩgatobi ããrĩsĩã, ìgũ ãrĩderosũta marĩrẽ sĩgũkumi. ³ Daporare Marĩpũ: “Ãsũ irigura”, ìgũ ãrĩdeare iriripoe ejasiãa. Irasirigu ìgũya kerere wererãrẽ weredoremi marĩrẽ irire masĩburo, ãrĩgũ. Ìgũ marĩrẽ taugũ, yũdere iri kerere weredoregũ pími.

⁴ Tito, yũ mũrẽ gojãa. Yũ Jesúyare weremakũ pégu, mũ ìgũrẽ buremunũgãbũ. Irasirigu yũ magũ irirosũ ããrã. Daporare marĩ pẽrãgueta Jesúre buremurã ããrã. Marĩpũ ããrĩngũ, Jesucristo marĩrẽ taugũ mũrẽ òãrõ iritamu, siuñajãrĩ merã ããrĩrikũmakũ iriburo.

Pablo Titore Creta marãrẽ buedoredea

⁵ Yũ mũrẽ Creta wãikũri nũgũrõgue píwãgãribũ, mũrẽ Jesúre buremurãrẽ yũ iripeo-birideare òãrõ ãmupeokõãburo, ãrĩgũ. Irasirigu iri nũgũrõma makãrĩrẽ waagorenagũ, iri makãrĩkũ yũ mũrẽ dorederosũta Jesúre buremurãrẽ ìgũsã oparã ããrĩmurãrẽ sóoka! ⁶ Sugũ ìgũsã opũ ããrĩbure sóogũ, ãsũpero ããrĩgũrẽ sóoka! Masaka: “Ñerõ irigu ããrĩmĩ”, ãrĩ werewũasũña marĩgũrẽ, sugoreta marãpokũdire sóoka! Ìgũ pũrãde Jesúre buremurãta ããrĩburo. Masaka ìgũ pũrãrẽ: “Ñegorama, ìgũsã pagũsãmarãrẽ tarinũgãgorama”, ãrĩ werewũasũña marĩrã ããrĩburo. ⁷ Sugũ Jesúre buremurã opũ Marĩpũre moãboegũ ããrĩmĩ. Irasirigu masaka werewũasũña marĩgũ ããrĩburo. Ìgũ gããmerĩ direta gajerãrẽ iridorebino, mata gajerã merã guarikũbi, mejãbi, gãmekẽãdũabi, ñerõ iriri merã niyeru wajatadũabi ããrĩburo. ⁸ Ãsũ gapũ irigu ããrĩburo. Ìgũya wiigũe gãmeñajãrã ejarãrẽ òãrõ bokatĩrĩneãgũ, òãrĩ gapũre gããmegũ, pẽmasĩrĩ merã iririkũgu, diayemarẽ irigu, Marĩpũyagũ, noó gããmerõ iridũarire iribi ããrĩburo. ⁹ Marĩpũya diayema kerere, marĩ ìgũrẽ buedea buremurĩrẽ piribi ããrĩburo. Irasirigũ, ìgũde gajerã Jesúre buremurãrẽ òãrĩ bueri merã ìgũsãrẽ Marĩpũyare gũñatura, òãrõ ããrĩrikũmakũ irigũkumi. Irire buegũ, diayema buerire werewũarãrẽ òãrõ yũjũmasĩgũkumi, ìgũsãde diaye gũñanũgãburo, ãrĩgũ.

¹⁰ Wãrã ããrĩma Marĩpũ dorerire tarinũgãrã. Ìgũsã noó gããmerõ werenĩmoãmarĩ merã masakare ìgũsã ãrĩgatorire buremumakũ yãma. Judío masaka surãyari irasũgora yãma. ¹¹ Niyeru direta wajatadũarã, ìgũsã gããmerõ buemoãmakõãma. Irasirirã wiiri marãrẽ poyanorẽma. Irasirigu mũ ìgũsãrẽ kãmutakõãka! “Irire iropãta buenemoka!” ãrĩka ìgũsãrẽ!

¹² Iripoegue sugũ iro Creta nũgũrõmũ òãrõ wererimasũ ãsũ ãrĩ wereyupũ iro marãrẽ: I nũgũrõ marã bũro ãrĩgatorikũma. Makãnúũ marã waimũrã bũro goerã irirosũ ããrĩma. Baaparã, baari direta gũñarikũrã, moãdũamerã, bũro térĩkũrã ããrĩma, ãrĩyupũ.

¹³ Ìgũ irasũ ãrĩgũ, diayeta ãrĩ werenĩdi ããrĩmĩ. Daporare Creta marã iripoegue iriderosũta yãma. Irasirigu Tito, turaro merã ìgũsãrẽ wereka, Marĩpũya diayema buerire òãrõ gũñaturari merã buremuburo, ãrĩgũ! ¹⁴ Ìgũsãrẽ òãrõ bueka, judío masaka noó gããmerõ gũñaboka, weremoãmadea kerere, Marĩpũya diayema kerere gããmemerã dorerire pẽnemobirikõãburo, ãrĩgũ!

¹⁵ Marĩpũyare buremurãrẽ òãrĩ gũñarĩ oparãrẽ, ããrĩpereri gajino ìgũsãrẽ ñerĩrẽ gũñamakũ iribirikoa. Marĩpũyare burenumerã gapũre ñerĩ gũñarĩ direta oparãrẽ, ããrĩpereri gajino ìgũsãrẽ ñerĩrẽ gũñamakũ yãa. Irasirirã ñerĩrẽ irirã: “Ñerõ iriakubũ

yu”, neõ ãrĩ bujawerebema. ¹⁶ “Marĩpure masĩa gua”, ãrĩkererã, ãgũrẽ masĩbema. ãgũsã ñerõ iriri merã ãgũrẽ masĩbema, ãrĩ masĩsũa. Gajerãrẽ ãaturi dooma. Marĩpu dorerire tarinũgãgorama. ããrĩpereri õãrĩrẽ neõ irimasĩmerã, ñerãgora ããrĩma.

2

Keoro buedorerimarẽ gojadea

¹ Irasirigu Marĩpuya diayema ããrĩrĩrẽ masakare keoro bueka!

² ãsũ ãrĩ wereka, mũrã ãmarẽ: “Mũsã pẽmasĩrĩ merã iririkurã, masaka buremusũrã, diayemarẽ irirã, Marĩpure gũñaturari merã buremurã, gajerãrẽ maĩrã ããrĩka! Mũsarẽ ñerõ waamakũ, gũñaturanĩkõãka!” ãrĩ wereka ãgũsãrẽ!

³⁻⁴ Mũrã nomedere: “Mũsã Marĩpure gopeyari merã buremuka! Gajerãrẽ ñerõ ãrĩ werewũamerãta, wãro mejãrĩnorẽ iirĩmerãta ããrĩka! Maamarã nomerẽ õãrĩrẽ bueka, ãgũsãrẽ irire irimasĩburo, ãrĩrã! Mũsã irasũ buemakũ pẽduripĩrã, ãgũsã marãpusãmarãrẽ, ãgũsã pũrãdere õãrõ maĩrãkuma. ⁵ Diayemarẽ irirã, õãrĩ gũñarĩ oparã, ãgũsãya wi-irigue ããrĩrãrẽ õãrõ korerã, gajerãrẽ iritamurã, ãgũsã marãpusãmarãrẽ tarinũgãmerã ããrĩrãkuma. Irasirirã ãgũsã maamarã nome irire õãrõ irimakũ ããrã, gajerã Marĩpuya kerere ñerõ werenĩmasĩbirikuma. ‘Iri kerere buremurã ñerõ yãma’, ãrĩ masĩbirikuma”, ãrĩ wereka ãgũsãrẽ!

⁶ Maamarã ãmadere: “Mũsãde diayemarẽ irika!” ãrĩ wereka! ⁷ Mũ õãrĩ direta irika! Mũ irasirimakũ ããrã, gajerãde õãrĩrẽ irirãkuma. Masakare gopeyari merã diayema ããrĩrĩrẽ keoro bueka! ⁸ Õãrõ pẽmasĩrĩ merã werenĩka, gajerã mũrẽ werewũabirikõãburo, ãrĩgũ. Mũ werenĩrĩrẽ pẽrã, mũrẽ gããmemerã: “I diaye ããrĩbea”, ãrĩmasĩbirikuma. Irasirirã marĩrẽ werewũanerã gũyasĩrĩrãkuma. Marĩrẽ ñerĩ werenĩrĩ merã werewũamasĩbirikuma.

⁹ Moãboerimasãdere: “Mũsã oparã dorerire tarinũgãbirikõãka! ãgũsã doremakũ, ããrĩpereri ãgũsã dorerire irika! ãgũsãrẽ mũsã merã usũyamakũ irika! ãgũsã mũsarẽ doremakũ: ‘Iribea’, ãrĩbirikõãka! ¹⁰ ãgũsã oparire neõ yajabirikõãka! ãgũsã oparire mũsã õãrõ koremakũ ããrã: ‘Õãrõ yãma’, ãrĩrãkuma. Gajerãde mũsã õãrõ iririre ããrã, marĩrẽ taugu Marĩpuya buerire: ‘Õãrĩ ããrã’, ãrĩ gũñarãkuma”, ãrĩ wereka ãgũsãrẽ!

¹¹ Marĩpu marĩrẽ maĩgũ ããrĩpererã i ãmũ marã ãgũsã ñerõ iridea wajare taudũagu, Jesucristore iriudi ããrĩmĩ. ¹² Marĩrẽ ãgũ gããmibirinorẽ, i ãmũma ñerõ mũaribejarire piriburo, ãrĩgũ, irasiridi ããrĩmĩ. Marĩ i ãmũgue ããrĩrãde õãrõ pẽmasĩrĩ merã diayemarẽ irirã, Marĩpu gããmerĩrẽ irirã ããrĩrõ gããmea. ¹³ Marĩ Opũ turatarigu marĩrẽ taugu Jesucristo dupaturĩ aariburire usũyari merã yũrã yãa. ãgũ ãrĩderosũta aarigũkumi marĩrẽ õãrĩrẽ irigu aarigũ. Ire marĩ masĩsã, ãgũ gããmerĩrẽ iriro gããmea. ¹⁴ Marĩ ñerõ iridea wajare wajaribosabu, ãgũrẽ wẽjẽrãrẽ kãmutaro marĩrõ boadi ããrĩmĩ. Irasirigu ããrĩpereri marĩ ñerõ iridea wajare taudi ããrĩmĩ, marĩrẽ neõ ñerĩrẽ opabirikõãburo, ãrĩgũ. Marĩrẽ ãgũyarã ããrĩburo, õãrĩrẽ õãrõ iriburo, ãrĩgũ, irasiridi ããrĩmĩ.

¹⁵ Mũ Jesũre buremurãrẽ irire õãrõ bueka, õãrĩrẽ usũyari merã iriburo, ãrĩgũ! Marĩpu mũrẽ irire weredoredi ããrĩmĩ. Irasirigu ãgũ dorero merã irire iridũamerãrẽ: “ãsũ irika!” ãrĩ wereka! Neõ sugũ masakũ, mũ weremakũ, mũrẽ irasũ ããbẽbirikõãburo.

3

Pablo Jesũre buremurãrẽ: “ãsũ irika!” ãrĩ gojadea

¹ Irogue marã Jesũre buremurãrẽ ãsũ ãrĩ wereka: “Mũsã oparãrẽ, mũsarẽ dorerãrẽ tarinũgãbirikõãka! ãgũsã dorerire õãrõ pẽka! Õãrõ iririre irirã ããrĩka! ² Neõ sugũ masakũre ñerõ ãrĩ werewũabirikõãka! Masaka merã gãme turimerãta, ãgũsã merã õãrõ usũyari merã ããrĩrikũka! Gajerãrẽ maĩrĩ merã iritamuka! ããrĩpererãrẽ buremurĩ merã gũña maĩka!” ãrĩ wereka ãgũsãrẽ!

³ Iripoegue marĩ Jesúre b̄remubirisĩã, Marĩp̄uyare pémasĩbiri, ĩgũ dorerire tarinugã, ãrĩgatorire b̄remu, dedirinerã ããrĩbú. ããrĩpereri noó gããmerõ ɯaribearire, ñerĩ iridɯarire pirimasĩbirinerã ããrĩbú. Gajerãrẽ uburikɯã, ĩgũsãrẽ ñerõ irirã ããrĩnerã ããrĩbú. Gajerã marĩrẽ ĩãturi doonerã ããrĩmá. Marĩ baside gãme ĩãturi doonerã ããrĩbú.

⁴ Marĩ irasũ ããrĩkerepɯɯ, Marĩp̄u marĩrẽ taugɯ gapɯ ĩgũ marĩrẽ maĩrĩrẽ, ĩgũ marĩrẽ iritamudɯarire marĩrẽ masĩmakũ iridi ããrĩmĩ. ⁵ Irasirigɯ marĩrẽ taudi ããrĩmĩ. Marĩ õãrĩrẽ neõ iribirikerepɯɯ, marĩrẽ b̄ro bopoñarĩ merã ĩãsiã, marĩrẽ taudi ããrĩmĩ, perebiri peamegue waabirikõãburo, ãrĩgũ. Marĩ ñerĩ oparire koedi ããrĩmĩ, Õãgũ deyomarĩgũ merã marĩrẽ majĩrã maama deyoarã irirosũ ããrĩburo, ãrĩgũ. Irasirigɯ marĩrẽ maama okarire sĩdi ããrĩmĩ ĩgũ pũrã ããrĩburo, ãrĩgũ. ⁶ Õãgũ deyomarĩgũrẽ Jesucristo marĩ ñerõ iridea wajare taugɯ merã marĩrẽ iriudi ããrĩmĩ ĩgũ turarire opatarikõãburo, ãrĩgũ. ⁷ Irasirigɯ marĩrẽ maĩgũ: “Õãrã, waja opamerã ããrĩma”, ãrĩ ĩãdi ããrĩmĩ. Irasirirã gũñaturari merã: “Ĩgũ marĩrẽ ĩgũ pũrãrẽ: ‘Ɛmugasigue perebiri okarire sĩgura’, ãrĩdeare oparãkoa”, ãrĩ masĩa.

⁸ Iri yɯ m̄rẽ wereri, diayema kere ããrã. Irasirigɯ Marĩp̄ure b̄remurãrẽ irire õãrõ gũñaturari merã bueka, piriro marĩrõ õãrĩrẽ irinikõãburo, ãrĩgũ! I bueri õãgorãa. Irire péduriprãnorẽ õãrõ ããrĩrikɯmakũ iriri ããrã. ⁹ Gajerã merã ubu ããrĩrĩrẽ, gua ñekũsãmarã iriunadea kerere, Marĩp̄u Moisére doreri pídeare: “¿Naásũ ãrĩdɯaro yári?” ãrĩ s̄erẽñarĩrẽ gãme guaseobirikõãka! Irire gãme guaseori ñegorãa. Masakare õãrõ ããrĩrikɯmakũ iriri ããrĩbea.

¹⁰ Sugɯ masakɯ Jesúre b̄remurĩ bumarãrẽ gãme guaseo, dɯkawarimakũ irigɯnorẽ: “Irere iribirikõãka!” ãrĩ wereka! Mɯ suñarõ o péa ĩgũrẽ wereadero pɯɯ ĩgũ pébirimakũ ĩãgũ, Jesúre b̄remurã nerẽrõgue ĩgũsã merã ããrĩgũrẽ béowiuka! ¹¹ ĩgũsãrẽ gãme guaseo, dɯkawarimakũ iriri merã: “Ñegũ, waja opagɯ ããrĩmi”, ãrĩ masĩsũa.

Pablo iritamudoredea

¹² Yɯ Artemarẽ o Tíquicore mɯ p̄rogue iriugɯkoa. Mɯ p̄ro ejamakũ, Nicópolis wãĩkɯri makãgue yɯre bokatĩrĩgũ waapurumuka! Yɯ: “Irogue puibɯ tamugɯkoa”, ãrĩ gũñãa.

¹³ Mɯ iritamurõ bokatĩũrõ Zenas masakare werenĩbosarimasũrẽ, Apolodere iritamuka! ĩgũsã gajerogue waaburi dupuyuro ĩgũsã gããmerĩrẽ sĩka, iri ããrĩpererire opaburo, ãrĩrã!

¹⁴ Mɯ irasũ iritamumakũ ĩãrã, marĩyarãde õãrĩ iri, ĩgũsã basi gãme iritamurãkuma ĩgũsã gããmerĩrẽ opamurã. Irasirirã irimoãmamerãta ããrĩrãkuma.

Pablo õãdoretũnudea

¹⁵ ããrĩpererã yɯ merã ããrĩrã m̄rẽ õãdorema. Marĩyarã Jesúre b̄remurãrẽ marĩrẽ maĩrãrẽ mɯ p̄ro ããrĩrãrẽ õãdoreka! Marĩp̄u m̄sãrẽ ããrĩpererãrẽ õãrõ iritamuburo.

Iropãta ããrã.

Pablo

FILEMÓN

Pablo Filemórē òãdoredea

¹ Y_H Pablo, Jesucristoya kerere weredeadea waja peresugue ããrã. Marĩyag_H Timoteo merã m_Herē òãdoreade. Filemón, m_H g_Hua maĩgũ, g_Hua merã moãgũ ããrã. ² Y_H gajerã Jesúre b_Hremurã m_Huya wiig_Hue nerērãrē, marĩyago Apia wãik_Hgore, irasũ ããrĩmakũ Arquipodere òãdoreade. Arquipo g_Hua merã moãmi, gajerã Jesucristoya kerere péburo, ãrĩgũ. ³ Marĩp_H ããrĩnĩgũ, marĩ Op_H Jesucristo m_Hsãrē òãrō iritam_H, siuñajãrĩ merã ããrĩrik_Hmakũ iriburo.

Filemón gajerãrē maĩgũ Jesúre b_Hremugũ ããrĩmi, ãrĩ gojadeade

⁴⁻⁵ Y_H Marĩp_Hre sērērik_H m_Huya ããrĩburire sērēbosáa. Marĩ Op_H Jesúre m_H maĩrĩrē, ãgũrē m_H b_Hremurĩrē, gajerã Marĩp_Hyarãrē m_H maĩrĩrē péb_H. Irasirig_H Marĩp_Hre: “Òãa”, ãrĩ, usuyari sĩa. ⁶ M_H Jesúre b_Hremusĩã, ãgũrē b_Hremurĩrē gajerãrē wereade, ãgũsãde ãgũrē b_Hremuburo, ãrĩgũ. Irasirig_H y_H Marĩp_Hre: “Ígũsãrē wereg_H, ããrĩpereri Jesucristo marĩrē òãrō iririre masĩpeog_H waaburo”, ãrĩ sērēa. ⁷ Yaag_H, m_H Marĩp_Hyarãrē òãrō y_Hjp_Hrãk_Hmakũ irib_H. M_H ãgũsãrē maĩrĩrē pég_H, y_H m_H merã òãrō y_Hjp_Hrãk_H, usuyáa.

Pablo Filemórē: “Onésimo m_Herē moãboeg_Hre òãrō bokatĩrĩñeãka!” ãrĩ sērēdeade

⁸ Irasirig_H y_H Jesucristo buedoreg_H pídi ããrĩsĩã, m_Herē doremasĩkereg_H: “Ãsũ iriro gããmeade, irasirig_H irire irika!” ãrĩbirikoa. ⁹ Maĩrĩ merã gap_H m_Herē sērēduakoa. Y_H Pablo b_Hg_Hro ããrã. Jesucristoya kerere weredeade waja peresugue ããrã. ¹⁰ Irasirig_H Onésimōyamarē m_Herē sērēduakoa. Ígũ, y_H peresugue ããrĩgũ p_Hro eja, y_H Jesúyare were-makũ pég_H, ãgũrē b_Hremunugãmi. Irasirig_H y_H magũ irirosũ ããrĩmi.

¹¹ Jesúre b_Hremuburi dupuyuro Onésimo m_Herē òãrō moãboebirisĩã, béowãgãdi ããrĩmi. Dapora tamerãrē marĩ pērãguereta iritamumi. Y_Hre òãrō iritamugũ yámi. M_Hdere òãrō iritamug_Hkumi. ¹² Irasirig_H daporare m_H p_Hrogue ãgũrē y_H b_Hro maĩgũrē iriua. ãgũrē òãrō bokatĩrĩñeãka! ¹³ Y_H Jesucristoya kerere weredeade waja peresu ããrĩripoe m_H y_Hre iritamuboadeare iritamudoreg_H, òõgue ãgũrē y_H merã dujamakũ gããmeadãa. ¹⁴ Ígũ, y_H merã dujamakũ gããmekereg_H, m_H gããmerĩ direta irid_Hakoa. Irasirig_H m_H y_Hre: “Jáa”, ãrĩmakũ tamerãrē y_H doreri meta ããrĩrokoa. M_H gããmerõsũ waarokoa. ¹⁵ “Gajipoe irig_H Onésimo m_Herē béowãgãgũ yoaripoe ããrĩbu meta waakumi. Dupaturi m_H merã òãrō ããrĩnikõãbu irasirikumi”, ãrĩ gũñãa. Irasirig_H ãgũrē y_H merã dujadorebirikoa. ¹⁶ Ígũ m_Herē moãboeg_H ããrĩkereg_H, daporare Jesúre b_Hremumi. M_Huya wereg_H irirosũ ããrĩmi. Y_H ãgũrē b_Hro maĩa. M_H gap_H y_H nemorõ ãgũrē maĩrõ gããmeade. “Y_Hre moãboeg_H ããrĩkereg_H, Jesúre b_Hremusĩã, yaa wereg_H irirosũ ããrĩmi, irasirig_H ãgũrē b_Hro maĩa”, ãrĩ gũñarõ gããmeade.

¹⁷ Irasirig_H m_H y_Hre: “Y_H merã moãgũ ããrĩmi gajerã Jesúyare péburo, ãrĩgũ”, ãrĩ gũñagũ, y_Hre bokatĩrĩñeãrõsũta Onésimorē òãrō bokatĩrĩñeãka! ¹⁸ Ígũ gajino m_Hyare poyanorēdi, o m_Herē wajamomakũ, y_Hre wereka! Y_H m_Herē wajarig_Hkoa. ¹⁹ Y_H Pablo, y_H basi ire m_Herē ãrĩ gojáa: “Y_H wajarig_Hra”. Irire irasũ ãrĩ gojakereg_H, m_Herē gaji gũñamakũ irimasĩa. Jesúyare y_H m_Herē weremakũ pég_H, ãgũrē b_Hremunugãb_H. Irasirig_H, y_H m_Herē weredeade waja y_Hre wãro wajamogũ irirosũ ããrã. ²⁰ Irasirig_H m_Herē yaag_Hre ãsũ ãrĩ sērēa: “M_H marĩ Op_H Jesucristore b_Hremugũ ããrĩsĩã, Onésimorē òãrō bokatĩrĩñeãka!” Marĩ Cristoyarã ããrã. Irasirig_H y_Hre òãrō y_Hjp_Hrãk_Hmakũ irika!

²¹ I y_H m_Herē sērērĩrē: “Irig_Hkumi”, ãrĩ masĩa. Irasirig_H ire m_Herē gojáa. Idere masĩa. Y_H sērērĩrē nemorõ m_H òãrō irig_Hkoa. ²² M_Herē gojag_H, gajidere sērēa. Y_Hre wiuadero p_Hr_H, m_Hsã p_Hrogue waad_Hakoa. Irasirig_H y_H irogue ejaburi dupuyuro y_H kãrĩburi tarĩbure ãmuyuka! Marĩp_H m_Hsã ãgũrē sērērĩrē: “Jáa”, ãrĩmakũ, m_Hsã p_Hrogue waag_Hkoa.

Pablo Filemórē gojatũnudeade

²³ Epafras m̄rē òãdoremi. Īgũ Jesucristoya kerere weredeia waja ȳ merã peresugue ããrĩmi. ²⁴ Ȳ merã moãrã Marcos, Aristarco, Demas, irasũ ããrĩmakũ Lucas m̄rē òãdorema.

²⁵ Marĩ Op̄ Jesucristo m̄sãrē òãrõ iritamuburo. Irasũta iriburo.

Iropãta ããrã.

Pablo

HEBREOS

Marĩpu ĩgũ magũ Jesucristo merã weredeamarẽ gojadea

¹ Iripoegue Marĩpu ĩgũya kerere weredupiyunerã merã marĩ ñekũsãmarãrẽ werenugãdi ããrĩmĩ. Yoaripoe wãri ĩgũ turari merã iri ĩmurĩ, ĩgũ weredoreri, kërõgue ĩmurĩ merã ĩgũsãrẽ ĩgũyare masĩmakũ iridi ããrĩmĩ. ² Dapagorare i ãmũ pereburi dupiyuro ĩgũ magũ Jesucristo merã marĩrẽ ĩgũyare weremi. Neõgoraguere Marĩpu ĩgũ magũ merã i ãmurẽ iridi ããrĩmĩ, ããrĩpereri ĩgũ gããmerõsũta ããrĩburo, ãrĩgũ. Irire iriburo dupiyuro ĩgũ magũrẽ pídi ããrĩmĩ, iri ããrĩpererire opabure. ³ Jesucristo, Marĩpu gosesiririre opagũ, turatarigũ, õãtarigũ, Marĩpu ããrĩrikũrere opagũ ããrĩmĩ. ĩgũ turaro doreri merã ããrĩpereri i ãmũmarẽ ããrĩnikõãmakũ yãmi. Marĩ ñerõ iridea wajare tau odo, pũũ ãmũgasigue Marĩpu turatarigũ diaye gapũ eja doadi ããrĩmĩ, ããrĩpererãrẽ doregũ ããrĩbu.

Marĩpu magũ, Marĩpũre wereboerã nemorõ turagũ ããrĩmi, ãrĩ gojadea

⁴ Irasirigũ Marĩpu magũ Jesucristo, Marĩpũre wereboerã nemorõ turagũ ããrĩmi. Marĩpu ĩgũrẽ: “Makũ, mũ yũ magũ ããrã”, ãrĩdi ããrĩmĩ. Ángeles gapũre: “Yũre wereboerã ããrã”, ãrĩdi ããrĩmĩ. ⁵ ĩgũ magũrẽ ãsũ ãrĩdi ããrĩmĩ: Yũ magũ ããrã mũ. Dapagã merã mũ, yũ magũ ããrĩrẽ masakare masĩmakũ yãa, ãrĩdi ããrĩmĩ.*

Neõ sugũ ĩgũrẽ wereboegũre irasũ ãrĩbiridi ããrĩmĩ. ĩgũ magũyamarẽ ãsũ ãrĩdi ããrĩmĩ doja: Yũ, ĩgũ pagũ ããrã. ĩgũ, yũ magũ ããrĩmi, ãrĩdi ããrĩmĩ.*

Neõ sugũ ĩgũrẽ wereboegũre irasũ ããrĩbiridi ããrĩmĩ. ⁶ ĩgũ magũrẽ sugũ ããrĩgũrẽ i ãmũgue iriugũ, ãsũ gapũ ãrĩdi ããrĩmĩ:

Ããrĩpererã yũre wereboerã, yũ magũrẽ ejamejã, bũremuburo, ãrĩdi ããrĩmĩ.*

⁷ ĩgũrẽ wereboerãyamarẽ ãsũ ãrĩdi ããrĩmĩ:

Yũre wereboerãrẽ mirũ wẽjãpu taurosũ, peame ãjãrĩ pũrã irirosũ waamakũ yãa, ãrĩdi ããrĩmĩ.*

⁸ ĩgũ magũ gapũre ãsũ ãrĩdi ããrĩmĩ:

Mũ ããrĩpererã Opũ ããrĩnĩgũ ããrã. Mũyarãrẽ diayeta dorea.

⁹ Diayema iririre gããmea. Ñerõ iririre dooa. Irasirimakũ ĩãgũ, yũ mũpũ mũrẽ ããrĩpererã Opũ ããrĩbure beyebũ.

Irasirigũ mũrẽ ããrĩpererã mũ merãmarã nemorõ usũyari merã ããrĩmakũ iribũ, ãrĩdi ããrĩmĩ.*

¹⁰ Idere ãrĩdi ããrĩmĩ Marĩpu ĩgũ magũrẽ:

Mũ ããrĩpererã Opũ, neõgoragueta i nikũ, ãmũgasidere iribũ.

¹¹ Gajipoe i ãmũ mũ iridea pereakõãrokoa. Mũ gapũ ããrĩnikõãgũkoa. ããrĩpereri mũ iridea gapũ surĩro boarosũ, boapereakõãrokoa.

¹² Irasirigũ surĩro bũgũñerẽ túwea bẽo, gajĩne maamañe gorawayurosũ, ããrĩpereri õãrĩ ditare gorawayugũkoa. Mũ gapũ neõ gorawayubirikoa. Mũrãrõta ããrĩnikõãgũkoa, ãrĩdi ããrĩmĩ.*

¹³ Irasirigũ ĩgũ magũrẽ ãsũ ãrĩdi ããrĩmĩ doja:

Yũ diaye gapũ doaka! Mũ doaripoe mũrẽ ĩãturirãrẽ mũ dorerire neõ tarĩnũgãnemobirimakũ irigũra, ãrĩdi ããrĩmĩ.*

ĩgũrẽ wereboerã gapũre neõ irasũ ãrĩbiridi ããrĩmĩ. ¹⁴ ããrĩpererã Marĩpũre wereboerã deyomarĩrã, ĩgũrẽ moãboerã ããrĩma. Marĩpu Jesucristo taurãrẽ iritamudoregũ ĩgũsãrẽ iriumi.

* 1:5 Sal 2.7 * 1:5 2 S 7.14; 1 Cr 17.13 * 1:6 Dt 32.43 * 1:7 Sal 104.4 * 1:9 Sal 45.6-7 * 1:12 Sal 102.25-27

* 1:13 Sal 110.1

2

Marĩpu ĩgũ masakare tauri kerere õãrõ pémakũ gããmemi, ãrĩ gojadea

¹ Irasirirã Marĩpu magũ Jesucristoya kerere marĩ pédeare irasũ gãñaníkõãrõ gããmea, ĩgũrẽ bũremurĩrẽ piriri, ãrĩrã. ² Iripoegue Marĩpu ĩgũrẽ wereboerãrẽ ĩgũya kerere weredoredi ããrĩmĩ. Irasirigu: “Ñerõ irirãnorẽ, yũ dorerire tarinũgãrãrẽ wajamoãgura”, ãrĩderosũta ĩgũsãrẽ diayeta wajamoãdi ããrĩmĩ. ³ Marĩpu masakare tauri kere õãtaria. Marĩ gapũ irire pémerã, ĩgũ wajamoãrĩrẽ tausũbirikoa. Marĩ Opũ Jesucristo iri kerere werepũroridi ããrĩmĩ. ĩgũ weredeare pérã: “Diayeta ããrã”, ãrĩ masĩnerã ããrĩmã. Irasirirã marĩdere wereturiamã, irire masĩburo, ãrĩrã. ⁴ Marĩpu gajĩ irinemodi ããrĩmĩ. Iri kerere wererãrẽ ĩgũ turari merã wãri iri ĩmurĩrẽ irimakũ iridi ããrĩmĩ. Irasũ ããrĩmakũ ĩgũ gããmederosũta ĩgũsãrẽ wãri Õãgũ deyomarĩgũ iritamurĩ merã irimasĩrĩrẽ sĩdi ããrĩmĩ, iri kerere weremakũ pérã: “Diayeta ããrã”, ãrĩ masĩburo, ãrĩgũ.

Jesucristo, marĩ irirosũ dupũkũgũ deyoadi ããrĩmi, ãrĩ gojadea

⁵ Marĩpu ĩgũrẽ wereboerãrẽ: “I ãmũ peredero pũrũguere oparã ããrĩrãkoa mũsã”, ãrĩ, neõ píbiridi ããrĩmĩ. ⁶ ĩgũyare weredupiyudi ãsũ gapũ ãrĩ gojadi ããrĩmĩ: Gũã Opũ, masaka ubu ããrĩrã ããrĩkeremakũ, ĩnasirigu ĩgũsãrẽ gãñarĩ mũ? ĩgũsã boamurã dita ããrĩkeremakũ, ĩnasirigu ĩgũsãrẽ iritamurĩ mũ?
⁷⁻⁸ Yoabiripoegãta ĩgũsãrẽ mũrẽ wereboerã doka ããrĩmakũ iridi ããrĩbũ. Irasirikeregũ, pũrũguere ĩgũsãrẽ oparã sóogu, mũ turarire sĩbu, ĩgũsãrẽ ããrĩpereri opaburo, ãrĩgũ, ãrĩ gojadi ããrĩmĩ.*

Marĩpu masakare irasũ sĩgũ: “Ããrĩpererire dorerãkuma”, ãrĩ pídi ããrĩmĩ. ĩgũsãrẽ irire píkeremakũ, ããrĩpererire dorebema dapa. ⁹ Marĩ Jesúyama gapũre: “Ããrĩpererã Opũ ããrĩmĩ”, ãrĩ masĩa. Yoabiripoegãta ĩgũdere Marĩpu ĩgũrẽ wereboerã doka pídi ããrĩmĩ, ããrĩpererãya ããrĩburire boabosabure. Jesús marĩrẽ boabosamakũ, Marĩpu ĩgũrẽ maĩgũ, õãrõ iritamudi ããrĩmĩ. Irasirigu ĩgũ boadigue masãdero pũrũ, Marĩpu ĩgũrẽ turarire sĩ, Opũ sóodi ããrĩmĩ, ããrĩpererã ĩgũrẽ bũremuburo, ãrĩgũ.

¹⁰ Marĩpu ĩgũ gããmederosũta ããrĩpereri i ãmũmarẽ iridi ããrĩmĩ. ããrĩpereri ĩgũya dita ããrã. ĩgũ pũrã ããrĩpererã ãmũgasigue ĩgũ ããrĩrõgue ĩgũ merã ããrĩmakũ gããmemi. Irasirigu ĩgũ magũ Jesúre iriudi ããrĩmĩ, marĩrẽ ĩgũ ñerõ tariri merã taubure. ĩgũrẽ iriudi ããrĩmĩ, marĩ Opũ ããrĩbure, marĩrẽ ãmũgasigue ãĩmũrĩabure. ¹¹ Jesús marĩrẽ taugũ, Marĩpũyarã ããrĩmakũ iridi ããrĩmĩ. Irasirirã marĩ ĩgũyarã ããrĩsĩã, sugũ pũrã irirosũ, Jesús marĩ tĩgũ merã Marĩpu pũrã ããrã. Irasirigu Jesús marĩrẽ: “Yũ pagũpũrã ããrĩmã”, ãrĩgũ, neõ gũyasĩrĩbemi. ¹² Marĩpũya werenĩrĩ gojadea pũgue Jesús ĩgũ Pagũre weredeare gojasũdero ããrĩbũ. ãsũ ãrĩdi ããrĩmĩ ĩgũrẽ:

Mũ ããrĩrĩkũrĩre, mũyamarẽ weregũkoa yũ pagũpũrãguere. ĩgũsã nerẽnarõgue nerẽmakũ, ĩgũsã merã: “Õãtaria mũ”, ãrĩ bayapeogũkoa mũrẽ, ãrĩdi ããrĩmĩ.*

¹³ Gajĩ ãrĩdi ããrĩmĩ doja:

Yũde mũrẽ yũ Opũre bũremuníkõãgura.*

Idere ãrĩdi ããrĩmĩ doja:

Õõta ããrã Yũpũ pũrã ĩgũ yũre pínerã merã, ãrĩdi ããrĩmĩ.*

¹⁴ Marĩ, Marĩpu pũrã, dupũkũrã ããrã. Irasirigu Jesúde marĩ irirosũta dupũkũgũ aaridi ããrĩmĩ. ĩgũ curusague boari merã wãtĩrẽ, boarire gũirã opũre tarinũgã béodi ããrĩmĩ.

¹⁵ Jesús ĩgũrẽ irasũ tarinũgãgũ, marĩ boaburire gũiníkõãnerãrẽ taudi ããrĩmĩ. ¹⁶ ãsũ ããrã. Jesucristo Marĩpũre wereboerãrẽ iritamugũ meta aaridi ããrĩmĩ. Marĩ, Abraham parãmerã gapũre ĩgũ Marĩpũre bũremuderosũta bũremurãrẽ iritamugũ aaridi ããrĩmĩ.

¹⁷ Irasirigu marĩ irirosũta dupũkũgũ aaridi ããrĩmĩ, ĩgũ boari merã marĩ ñerĩ iridea wajare

wajaribosabu. I merã Marĩpũre: “Waja opamerã ããrĩma”, ãrĩ ããmakũ iridi ããrĩmĩ. Paía opũ marĩya ããrĩburire Marĩpũre sãrẽbosarosũ, ãgũde marĩrẽ õãrõ sãrẽbosami. Irasingũ marĩrẽ bopoñarĩ merã ããgũ marĩrẽ õãrõ iritamunĩkõãmi. ¹⁸ Wãtĩ ããgũrẽ ñerõ iridoremakũ, Jesũs burõ ñerõ tarikeregũ, ãgũ dorerire iribiridi ããrĩmĩ. Irasingũ wãtĩ marĩdere ñerĩ iridoremakũ ããgũ, Jesũs marĩrẽ iritamumasĩmi, ñerĩ iribirikõãburo, ããrĩgũ.

3

Jesũs, Moisãs nemorõ ããrĩmi, ãrĩ gojadea

¹ Yaarã, mũsã Marĩpũ beyenerã, ããgũyarã ããrã. Irasingũ Jesucristore: “Bũremua mũrẽ”, ããrĩnerã ããrĩsĩã, ããgũrẽ õãrõ gũñanĩkõãka! Marĩpũ ããgũrẽ iriudi ããrĩmĩ, ããgũya kerere werebure, paía opũ irirosũ marĩya ããrĩburire sãrẽbosabure. ² Marĩpũ ããgũrẽ beyepĩdi ããrĩmĩ irire iribure. Irasingũ Moisãs, Marĩpũ ããgũrẽ: “Ãsũ iridoreka yaarãrẽ!” ãrĩ pĩdeare õãrõ iriderosũta Jesũde Marĩpũ ããgũrẽ pĩdea ããrĩpererire õãrõ iridi ããrĩmĩ. ³ Irasingũ Moisãse bũremudero nemorõ Jesũs gapũre bũremurõ gããmea marĩrẽ. Iri ããsũ ããrã. Wiire: “Õãrĩ wii ããrã”, ããrĩ ããrõ nemorõ iri wiire iridi gapũre: “Õãtarimi”, ããrĩ bũremurõ gããmea marĩrẽ. ⁴ Masaka gapũ wiiri irirã ããrĩma. Marĩpũ gapũ ããrĩpererĩ i ããmũmarẽ iridi ããrĩmĩ. ⁵ Moisãs gapũ Marĩpũyarãrẽ doregũ, ããgũsãrẽ õãrõ iritamudi ããrĩmĩ. “Ãsũ irika, Marĩpũre bũremurã!” ããrĩ weredi ããrĩmĩ, pũrũgue marã Marĩpũya kerere pãmasĩburo, ããrĩgũ. ⁶ Cristo, Marĩpũ magũ gapũ Moisãs nemorõ Marĩpũyarãrẽ õãrõ doregũ ããrĩmĩ. Irasingũ marĩ Marĩpũyarã, gũñaturarire piriro marĩrõ ããgũ tauburire usũyari merã yũnĩrã, ããgũya wii marã ããrã.

Marĩpũ ããgũyarãrẽ ããgũ merã õãrõ siñajãmakũ gããmemi, ããrĩ gojadea

⁷ Irasingũ Õãgũ deyomarĩgũ ire ããsũ ããrĩ weredi ããrĩmĩ, Marĩpũya werenĩrĩ gojadea pũgue:

Dapagãrẽ mũsã Opũ mũsãrẽ weremakũ, pãdũamerã irirosũ ããrĩbirikõãka!

⁸ Õãrõ pãka ããgũrẽ! Iripoegue Israel bumarãrẽ masaka marĩrõgue ããrĩrãrẽ ããgũ werekeremakũ, ããgũ dorerire tarinũgãma. “Marĩrẽ iritamumasĩbirikumĩ”, ããrĩrã, ããgũrẽ bũremubirĩma.

⁹ Irasingũ ããsũ ããrĩmi: “Iroguere cuarenta bojorigora yũ turaro merã iririre iri ããmuadibu ããgũsãrẽ iritamugũ. Yũ irasingũkeremakũ: ‘ããgũ marĩrẽ iritamumasĩbirikumĩ’, ããrĩ gũñanama yũre.

¹⁰ Irasingũ ããgũsã merã gua, ããsũ ããrĩbũ: ‘Yaa gapũre neõ gũñatũyabema. Yũ dorerire iridũabema’, ããrĩbũ.

¹¹ Irasingũ ããgũsã merã guagũ, gopeyaro merã ããsũ ããrĩ werebũ: ‘Yũ merã õãrõ siñajãrĩ bokabirikoa mũsã yũre bũremubiri waja’ ”, ããrĩmi.*

¹² Irasingũrã yaarã, õãrõ pãmasĩka! Neõ sugũ mũsã watopemũ ñerõ gũña, bũremubi ããrĩbirikõãburo. Irasingũ ããrĩgũno, Marĩpũ ããrĩnĩgũrẽ bẽogũ iribukumĩ. ¹³ ããsũ gapũ iriro gããmea. ããmũrikũ mũsã basi Marĩpũyare gãme werenĩka, ñerĩrẽ iriri, ããrĩrã! Dapagã merã Marĩpũya werenĩrĩ gojadea pũgue dorederosũta gãme werenĩka! “Ñerĩ gapũre irirã, usũyãa gũ”, ããrĩ gũñarã, mũsã basita ããrĩkatorã yãa. Ñerĩrẽ irirã, Marĩpũ dorerire tarinũgãrãkoa. ¹⁴ Cristore bũremunũgãderosũta marĩ okaro bokatĩũrõ bũremunĩkõãrã, ããgũ ããrĩrõgue ããgũ merã ããrĩrãkoa.

¹⁵ Yũ wererosũta Marĩpũya werenĩrĩ gojadea pũgue ããsũ ããrĩ gojasũdero ããrĩbũ: Dapagãrẽ Marĩpũ mũsãrẽ weremakũ, ããgũrẽ õãrõ pãka! Iripoegue Israel bumarã ããgũ dorerire tarinũgãderosũ iribirikõãka! ããrĩ gojasũdero ããrĩbũ.*

¹⁶ ããgũsã Marĩpũya werenĩrĩrẽ pãkererã, ããgũ dorerire tarinũgãnerã ããrĩmã. ããrĩpererã Egiptogue ããrĩrãrẽ Moisãs ããrĩsũnerã ããrĩkererã, Marĩpũ dorerire tarinũgãnerã ããrĩmã.

* 3:11 Sal 95.7-11 * 3:15 Sal 95.7-8

17 Īgūsā tarinugādea waja cuarenta bojorigora Marīpu Īgūsā merā guadi āārīmī. Masaka marīrōgue Īgūsārē āārīdoredi āārīmī. Irogueta boanerā āārīmá. 18 Īgū dorerire tarinugāmakū Īgū, gopepyaro merā Īgūsārē āsū ārī weredi āārīmī: “Yū merā ōārō siñajārī bokabirimakū irigura”, ārīdi āārīmī. 19 Irasirirā ire masīa marī. Īgūsā Marīpure bñremubiridea waja Īgū merā ōārō siñajārī bokabirinerā āārīmá.

4

1 Marīpu iripoegue marārē: “Yū merā siñajārī bokarākoa”, ārī píderosūta marīdere pídi āārīmī. Irasirirā marīde gopepyaro merā Marīpure yujuro gāāmea, Īgū merā ōārō siñajārī bokamurā. 2 Marīpu masakare tauri kerere iripoegue marā péderosūta marīde pébu. Īgūsā gapu iri kerere pékererā, bñremurī merā pébirinerā āārīmá. Irasirirā irire ubugorata péunanerā āārīmá. 3 Marī gapu Marīpure bñremurā Īgū merā ōārō siñajārī bokarākoa. Īgūrē bñremumerā gapure āsū ārīdi āārīmī:

Yūre bñremubiri waja Īgūsā merā guabu. Irasirigu Īgūsārē gopepyaro merā āsū ārī werebu: “Yū merā ōārō siñajārī bokabirikuma”, ārīdi āārīmī.*

I ūmurē iri odo, siñajādi āārīmī. Irasirigu masakadere Īgū merā siñajāburire pídi āārīmī.

4 Gaji āsū ārī gojasūdero āārībú, Īgūya werenírī gojadea pūgue:

I ūmuma āārīpererire iripeo odogu, su mojōma pere gaji mojō peru pērēbejarinurī waaró merā Īgū moārīrē piri, siñajādi āārīmī.*

5 Īgūrē bñremumerā gapure āsū ārīdi āārīmī doja Īgūya werenírī gojadea pūgue:

Yū merā ōārō siñajārī bokabirikuma, ārīdi āārīmī.*

6 Iripoegue marā, Īgū masakare tauri kerere pépurorinerā, Īgū dorerire tarinugādea waja Īgū merā ōārō siñajārī bokabirinerā āārīmá. Gajirā gapu Īgūrē bñremurā Īgū merā ōārō siñajārī bokarākuma. 7 Irasirigu Marīpu masakare Īgū merā siñajāburire pígu: “Dapagorare yūre ōārō péka!” ārīdi āārīmī. Israel bumarā Īgū dorerire tarinugādero puru, yoaripoe puru irire Davire gojadedi āārīmī. Irasirigu musārē dupaturi irire weregura doja. Āsū ārī gojadi āārīmī David:

Dapagorare Marīpu musārē weremakū, ōārō péka! Īgūrē péduamerā irirosū āārībirikōāka! ārī gojadi āārīmī.*

8 Iripoegue David irire gojaburi dupiyuro Josué Israel bumarārē Marīpu Īgūsārē sīdea nikūgue āījadi āārīmī. Iro gapure siñajārī bokabirinerā āārīmá. Irasirigu Marīpu Īgūyarārē gaji siñajārī sīburire weredi āārīmī. 9 Irasirirā, Marīpu i ūmurē iri odo, Īgū siñajāderosūta marī Īgūyarāde Īgū merā ōārō siñajārī bokarākoa. 10 Marīpu merā siñajārā, marī gāāmerō moārīrē piri, Īgū gāāmerī gapure iripurorirā, Īgū merā ōārō siñajāníkōārākoa, Īgū i ūmumarē iri odo siñajāderosūta. 11 Irasirirā Īgūrē ōārō bñremurō gāāmea, Īgū merā siñajārī bokamurā. Iripoegue marā Īgūrē bñremubiridea waja Īgū merā neō siñajārī bokabirinerā āārīmá. Īgūsā iriderosū iribirikōārō gāāmea marīrē.

12 Marīpuya werenírīrē pérā, Īgū merā ōārō āārīníkōāa. Sareri majī pe gapu usiri majī sareñajārō nemorō Marīpuya werenírī marīya yujupūrārīgue, marī gūñarīgue ñajārokoa. Irasirirā Īgūya werenírīrē pérā, marīya yujupūrārīmarē marī gūñarīdere: “I gapu ōāgorāa, o i gapu ñegorāa”, ārī masīrākoa. 13 Marī masaka āārīpererā Marīpu irinerā dita āārā. Īgū ĩāberogue neō āārībea. Āārīpereri marī āārīrikurire marī iririkurire masīmi. Irasirirā ōārī gūñarī oparā ōārō irirā, Īgū ĩūrō marī irideare, marī gūñadeare weredoremakū, gūyasīrīrō marīrō weremasīrākoa.

Jesús paía opu nemorō āārīmi, ārī gojadea

14 Jesús, Marīpu magū, paía opu nemorō marīya āārīburire Marīpure sērēbosagu āārīmi. Īgū Marīpu purogue āārīmi. Irasirirā neō piri marīrō Īgūrē bñremuníkōārā! 15 Jesús

paía opu nemorõ, marĩ turamerãrẽ bopoñarĩ merã ãgũ marĩrẽ iritamugũ ããrĩmi. Wãtĩ marĩrẽ ñerĩrẽ iridorerosũta Jesũdere ããrĩpereri ñerĩrẽ iridoredi ããrĩmĩ. Jesũs gapu ñerĩrẽ neõ iribiridi ããrĩmĩ. ¹⁶ Ìgũ marĩya ããrĩburire sërẽbosagu ããrĩmakũ ããrĩ, Marĩpũre gũiri marĩrõ marĩ sërẽmasĩa. Ìgũ ããrĩrõgue ãgũ merã ããrĩrã irirosũ sërẽmasĩa. Ìgũ marĩrẽ maĩgũ, marĩrẽ bopoñarĩ merã ããrĩ, marĩ ñerõ tariripoere diayeta iritamugũkumi.

5

¹ Marĩ ire masĩa. Sugũ paía opu, masaka watope Marĩpũ beyepísũdi ããrĩmi. Masakaya ããrĩburi ããrĩpererire Marĩpũre sërẽbosagu ããrĩmi. Irasirigu Marĩpũre ãgũsã síduarire síbosagu ããrĩmi. “Ìgũsã ñerĩ iridea waja ãgũsãrẽ wajamoãbirikõãka!” ãrĩ sërẽgũ, Marĩpũ ãũrõ waĩbũre wẽjẽ soepeobosagu ããrĩmi. ² Paía opu marĩ irirosũta ãgũ turari merã ãgũ ñerĩ iriduarire tau kãmutamasĩbemi. Irasirigu pẽmasĩmerãrẽ, ñerõ irirãrẽ bopoñarĩ merã ããrĩmasĩmi. ³ Turabi ããrĩsĩa, gajirãrẽ iribosarosũta ãgũ basi ñerõ iridea waja Marĩpũ ãũrõ waĩbũre wẽjẽ soepeomi.

⁴ Neõ sugũ ãgũ gããmerõ paía opu ñajãmasĩbemi. Marĩpũ gapu ãgũrẽ beyepĩmi, iripoeguemu Aarõrẽ ãgũ beyepĩderosũta. ⁵ Cristode ãgũ gããmerõ paía opu ñajãbiridi ããrĩmĩ. Marĩpũ ãgũrẽ Opu pídi ããrĩmĩ. ãsũ ãrĩdi ããrĩmĩ ãgũrẽ: Yu magũ ããrã mu. Dapagã merã mu, yu magũ ããrĩrẽrẽ masakare masĩmakũ yãa, ãrĩdi ããrĩmĩ.✧

⁶ Gajirogue ãgũya werenĩrĩ gojadea pũgue ãgũ magũrẽ ãsũ ãrĩdi ããrĩmĩ: Melquisedec paĩ ããrĩderosũta mu ããrĩnĩkõãgũkoa, ãrĩdi ããrĩmĩ.✧

⁷ Cristo i ãmũgue ããrĩgũ, bũro oreri gaguinĩrĩ merã Marĩpũre ãgũ turari merã ãgũ boaburire taumasĩgũrẽ sërẽdi ããrĩmĩ. ãgũ, Marĩpũ gããmerĩ ditare iridũamakũ ããrĩgũ, ãgũ sërẽrẽrẽ pé, ãgũrẽ gũñaturamakũ iridi ããrĩmĩ. ⁸ Cristo, Marĩpũ magũ ããrĩkeregũ, bũro ñerõ taridi ããrĩmĩ. Ñerõ tarikeregũ, Marĩpũ dorerire tarinũgãrõ marĩrõ ãgũrẽ õãrõ yũjuri merã irire iritariweredi ããrĩmĩ. ⁹ ãgũ curusague boagu, ããrĩpereri Marĩpũ ãgũrẽ iridoredeare iripeodi ããrĩmĩ. Irasirigu ããrĩpererã marĩrẽ ãgũrẽ yũjũrãrẽ taudi ããrĩmĩ, ãgũ pũro perebiri okari opaburo, ããrĩgũ. ¹⁰ Irasirigu Marĩpũ ãgũrẽ: “Melquisedec paĩ ããrĩderosũta mu ããrĩnĩkõãgũkoa”, ãrĩ pídi ããrĩmĩ, marĩya ããrĩburire sërẽbosabure.

Jesucristore bũremurĩrẽ piriri, ããrĩã, ãgũrẽ gũñaturanĩkõãrõ gããmea, ããrĩ gojadea

¹¹ Cristo paía opu nemorõ ããrĩrẽrẽ wãri werenemodũadãa. Mũsã pẽmasĩturabirimakũ, irire weremasĩbirikoa. ¹² Mũsã yoaripoe Cristore bũremubu. Irasirirã dapagoraguere gajirãrẽ Marĩpũyare buerimasã ããrĩbukoa. Mũsã irasũ ããrĩbonerã, dapagoraguedere neõ buepũrorirã irirosũta ããrĩkõãa. Õpĩkũ mirĩrã, baari baagasĩmerã, majĩrãgã irirosũta ããrĩkõãa. Irasirirã gajirã buerimasã mũsãrẽ buepũrorideare dupaturi buero gããmea. ¹³ Õpĩkũ mirĩrã majĩrãgã irirosũ ããrĩrãno, “I ñerĩ, i gapu õãrĩ ããrã”, ããrĩ beyemasĩbema. ¹⁴ Baari bũriri gapu mũrã baari ããrã. Mũrã ããrĩrãno, õãrõ buenerã, õãrĩrẽ, ñerĩrẽ beyemasĩrãgue ããrĩma.

6

¹ Irasirirã mũrã pẽmasĩrã irirosũ Cristoyamarẽ õãrõ pẽmasĩrã dujarã, irire buenemorõ gããmea. Neõgorague ãgũyare buepũrorirã, marĩ ñerõ irideare bũjawere, gũñarĩ gorawayurire buebu, Marĩpũ marĩrẽ perebiri peamegue béori, ããrĩã. Marĩ ñerõ iririkũdeare piri, Marĩpũre õãrõ bũremurĩdere buebu. ² Gajidere, deko merã, Õãgũ deyomarĩgũ merã wãiyerire buebu. Marĩ oparã ãgũsãya mojõrĩ merã marĩrẽ: “Marĩpũ mũrẽ iritamuburo”, ããrĩ ñapeoridere buebu. Boanerã masãburire, Marĩpũ Cristore bũremumerãrẽ perebiri peamegue wajamoãburidere buebu. ³ Irasirirã marĩ Cristore bũremurã ãgũyare buenemowãgãnĩkõãrãkoa, Marĩpũ gããmemakũ ãgũ iritamurĩ merã masĩnemorã.

⁴ Āsū āārā. Masaka Jesucristoya kerere pémasīkererā, Marīpu ĩgūyarārē ōārī sīburire masīkererā, Ōāgū deyomarīgūrē opakkererā, ⁵ Marīpu ōārī werenírīrē pékererā, i ūmu peredero puru ĩgū turari merā iriburire masīkererā, ⁶ iri gapure gāāmemerā, neō dupaturi ĩgūsā ñerō irideare bujawereri merā pirimasībirikuma. Neō dupaturi ĩgūsā gūñarīrē ōārī gapu gorawayumasībirikuma. Irasirirā Marīpu yare gāāmebiri waja, Marīpu magū Cristore buremumerā, ĩgūrē dupaturi curusague pábiatú wējērā irirosū āārīrākuma. Gajirārē ĩgūrē masaka ĩūrōgue buridamakū irirākuma. ⁷ Āsū āārā. Marī, su pooema nikū irirosū āārā. Ōārī nikūrē ūmurikū deko merēmakū, sibi ñajānakoā. Irasiriro iri pooe opu otedea ōārō puri dukakukoa. Irasirigu iri pooe opu dukare opakumi ĩgū baaburire. Gajirā iri yebare ōārī dukakumakū ĩārā: “Marīpu ōārō dukakumakū irikumi”, ārīkuma. Irasūta yāmi Marīpu ĩgūyare pérārē. Gajirā ĩgūsā ĩgūyare ōārō irimakū ĩārā: “Marīpu ĩgūsārē ōārō iritamumi, irasirirā ōārō yāma”, ārīrākuma. ⁸ Iri poeere pora, ñerī tá dita puri dukakumakū, béokōārō gāāmea. Irasūta yāmi Marīpu ĩgūyare pékererā irimerārē. Perebiri peamegue béogukumi ĩgūsārē wajamoāgū.

Jesucristore buremurīrē piriro marīrō marī ūmugasigue waaburire yúro gāāmea, ārī gojadea

⁹ Yū, Marīpu ĩgūsārē béoburire weregu, musārē yū maīrārē: “Īgū béosūmurā āārā”, ārīgū meta yāa. Marīpu musārē Cristo merā taudi āārīmī, ĩgūyarā āārīburo, ārīgū. Irasirirā musā ōārī yebague otedea ōārō dukakurosūta ōārīrē yāa. Irire yū masīa. ¹⁰ Marīpu diayema irigu āārīmi. Irasirigu ĩgūyare musā ōārō iririre kātibirikumi. Musā ĩgūrē maīsīā, gajirā ĩgūyarārē iritamurīdere kātibirikumi. ¹¹ Yū, musā okaropa usuyari merā gajirārē iritamunimakū gāāmea. Irasirirā Marīpu ĩgūyarārē: “Ōārīrē sīgura”, ārīdeare musā yūrere, purugue diayeta oparākoā. ¹² Irasirigu musā Marīpu yare téri merā irituyamakū gāāmebea. Gajirā Marīpu Jesucristo merā tauri kerere buremurā ñerō tarikererā, Marīpore: “Diayeta yure iritamugukumi”, ārī buremunikōāma. ĩgūsā irasirimakū ĩāgū, Marīpu ĩgūyarārē: “Ōārīrē sīgura”, ārīdeare ĩgūsārē sīgukumi. Irasirirā musāde ĩgūsārē ĩākūī, ĩgūsā irirosūta irinīkōāka!

¹³⁻¹⁴ Iripoegue Marīpu Abrahārē āsū ārī pídi āārīmī: “Diayeta murē ōārīrē irigura yū ārīderosūta. Mu parāmerā āārīturiarārē wārā āārīmakū irigura”, ārī pídi āārīmī. Irasū ārī pígu, ĩgū wāī merā wāīpeodi āārīmī. Gajigu ĩgū nemorō āārīgú neō marīmakū, ĩgū wāī merā wāīpeodi āārīmī. ¹⁵ Abraham, Marīpu ĩgūrē ārī pídeare ōārō buremurī merā yūdi āārīmī. Irasirigu Marīpu ĩgū ārīderosūta ĩgūrē ōārō iridi āārīmī. ¹⁶ Sugu masakū gajirā péuro: “Diayeta ārīgū yāa”, ārīgū, ĩgū nemorō āārīgúya wāī merā wāīpeokumi. ĩgū irasū ārī wāīpeomakū pérā: “Diayeta werekumi”, ārī, ĩgū merā neō guaseomasībirikuma. ¹⁷ Irasirigu Marīpu Abrahārē: “Diayeta murē ōārīrē irigura”, ārī pígu, ĩgū wāī merā wāīpeodi āārīmī. Marī ĩgū irasū wāīpeo weredeare pérā: “Īgū ārīderosūta diayeta irigukumi”, ārī masīa. “Īgū ārīdeare neō gorawayubirikumi”, ārī masīa. Irasirigu irire marīrē ōārō masīburo, ārīgū, Abrahārē ārī pídeare weregu, ĩgū wāī merā wāīpeodi āārīmī. ¹⁸ Marīpu neō ārīkatobi āārīmī. Irasirigu ĩgū ārī pídea merā, ĩgū wāīpeodea merā, ĩgū ārīdea neō gorawayubiriburire marīrē masīmakū iridi āārīmī. Marī irasirigure masīrā, marī ñerō irideare piri, ĩgū marīrē taaburire gūñaturari merā yūa. “Irasūta irigukumi”, ārī masīa. ¹⁹ Irasirigu Marīpu marīrē ĩgū ōārō iriburire yūrārē ūmugasigue ĩgū merā āārīmakū irigukumi. ĩgū turatarigu āārīsīā, irire diayeta irigukumi. Irire ōārō masīa marī.

Āsū āārā. Sugu paía opu Marīpu āārīrī taribu poekague ñajāgū, iri taribu makāpuro kāmūtari gasiro tariñajāmi. Irasū ñajāgū, masakaya āārīburire sērēbosami Marīpore. ²⁰ Marīpu āārīrī taribugorogue ñajārōsū Jesús ūmugasigue Marīpu āārīrōgue ñajādi āārīmī. Marī iroque ñajāburi dupiyuro ñajāsiadi āārīmī, paía opu nemorō Marīpore marīya āārīburire sērēbosanīkōābu. Melquisedec paí āārīderosūta āārīnīkōāgukumi.

7

Melquisedec paí ããrĩderosũta Jesũs ããrĩmi, ãrĩ gojadea

¹ Iripoegue Melquisedec wãikũgũ Salem* wãikũri makã marã opũ ããrĩdi ããrĩmĩ. Ĩgũ paí ããrĩgũ, masakaya ããrĩburire Marĩpũre ããrĩpererãrẽ doregure sãrẽbosagũ ããrĩdi ããrĩmĩ. Abraham gajirã oparãrẽ wẽjẽ tarinũgãgũ ejadi goedujãamakũ, Melquisedec ĩgũrẽ bokatĩrĩgũ waadi ããrĩmĩ. Ĩgũrẽ bokatĩrĩgũ, Marĩpũre: “Gũapũ, ĩrẽ õãrõ irika!” ãrĩ sãrẽbosadi ããrĩmĩ. ² Abraham gajirã oparãrẽ wẽjẽ tarinũgãsiã, ĩgũsãya ããrĩdeare ãĩadi ããrĩmĩ. Irasirigũ ĩgũ ãĩdeare pe mojõma buri dukawa pí, subu sĩdi ããrĩmĩ Melquisedere. “Melquisedec”, ãrĩrõ: “Opũ diayeta irigũ”, ãrĩduaro yãa. Ĩgũ Salem marãrẽ doregũ ããrĩdi ããrĩmĩ. Ĩgũyarãrẽ õãrõ siñajãrĩ merã ããrĩmakũ iridi ããrĩmĩ. Irasiriro: “Salem”, ãrĩrõ: “Siñajãrĩ”, ãrĩduaro yãa. ³ Melquisedec pagũsãmarãrẽ, ĩgũ ñekũsãmarãrẽ ĩgũsã were gojatũdea neõ máa. Ĩgũ deyoadeare, ĩgũ boadeare, ĩgũrẽ gorawayubure were gojatũdea neõ máa. Irasirigũ ĩgũ, Marĩpũ magũ Jesucristo paí ããrĩnikõãgũ irirosũ ããrĩdi ããrĩmĩ.

⁴ Irasirirã Melquisedere gũñaka! Ubu ããrĩgũ meta ããrĩdi ããrĩmĩ. Marĩ ñekũ Abraham marĩya bumũ ããrĩpũroridi ããrĩkeremakũ, Melquisedec, Abraham nemorõ ããrĩdi ããrĩmĩ. Irasirigũ Abraham Melquisedere, gajirã oparãrẽ wẽjẽ tarinũgãsiã, ĩgũsãya ããrĩdea ãĩadeare pe mojõma buri dukawa pí, subu sĩdi ããrĩmĩ. ⁵ ãsũ ããrã. Moisés dorederosũta ããrĩpererã gajirã Israel bumarã ĩgũsãyare, Levĩ parãmerã ããrĩturiarãrẽ paía ããrĩrãrẽ keoro sĩma. Abraham Levĩya bumarã ñekũ ããrĩdi ããrĩmĩ. Ĩgũ ããrĩpererã gajirã Israel bumarã ñekũ ããrĩdi ããrĩmĩ. Ĩgũ, ĩgũsã ñekũ ããrĩdi ããrĩkeremakũ, ĩgũsã gapũ Moisés dorederosũta irirã, Levĩ parãmerã ããrĩturiarã ditare sĩma. ⁶ Melquisedec gapũ Levĩ parãmi ããrĩturiagu ããrĩbiridi ããrĩmĩ. Abraham gapũ Marĩpũ: “Õãrõ irigũra”, ãrĩ písũdi ããrĩkeregũ, Melquisedere sĩdi ããrĩmĩ. Irasirigũ Melquisedec Abrahãrẽ: “Marĩpũ mũrẽ õãrõ iriburo”, ãrĩdi ããrĩmĩ. ⁷ Irasirirã marĩ ire masĩa. Melquisedec Abrahãrẽ: “Marĩpũ mũrẽ õãrõ iriburo”, ãrĩgũ, Abraham nemorõ ããrĩdi ããrĩmĩ. ⁸ Gajire masĩa. Paía, marĩ watope ããrĩrã, marĩ irirosũta masaka ããrĩma. Irasirirã boamurãta ããrĩma. Moisés dorederosũta irirãno, ĩgũsãyare pe mojõma buri oparire subu sĩma paĩare. Abraham Melquisedere sĩgũ, ããrĩnĩgũ irirosũ ããrĩgũrẽ sĩdi ããrĩmĩ. Marĩpũya werenĩrĩ gojadea pũgue Melquisedere: “Boakõãdi ããrĩmĩ”, ãrĩ gojadea neõ máa. ⁹⁻¹⁰ Masaka Moisés dorederosũta irirã, ĩgũsãyare pe mojõma buri oparire subu sĩma, Levĩ parãmerã ããrĩturiarãrẽ paĩare. Iripoegue Levĩ deyoaburi dupiyuro Melquisedec Abrahãrẽ bokatĩrĩgũ waadi ããrĩmĩ. Ĩgũ bokatĩrĩmakũ, Abraham ĩgũ ãĩdeare pe mojõma buri dukawa pí, subu sĩdi ããrĩmĩ Melquisedere. Levĩ, Abraham parãmi ããrĩdi ããrĩmĩ. Ĩgũ parãmerã ããrĩturiarãde Abraham parãmerãta ããrĩnerã ããrĩmã. Irasirirã, Abraham Melquisedere sĩdea merã ĩgũsãde ĩgũrẽ sĩnerã irirosũ ããrĩnerã ããrĩmã. Irasirigũ Melquisedec ĩgũsã nemorõ ããrĩdi ããrĩmĩ.

¹¹ Marĩpũ Israel bumarãrẽ ĩgũ dorerire pígu, Aarõn parãmerã ããrĩturiarã Levĩya bumarãrẽ: “Paía ããrĩma”, ãrĩ pídi ããrĩmĩ. Irasirirã ĩgũ dorederosũta paía waimũrãrẽ wẽjẽ soepeo, Marĩpũre masakaya ããrĩburire sãrẽbosanerã ããrĩmã. Ĩgũsã irasiridea gapũ masakare Marĩpũ ĩũrõ õãrã waamakũ irimasĩbea. Irasirigũ Marĩpũ ĩgũsãrẽ gorawayubure Cristore iriudi ããrĩmĩ, paí ããrĩbure, marĩrẽ õãrã ããrĩmakũ iribure. Cristo gapũ Levĩya bumũ, Aarõn parãmi ããrĩturiagu ããrĩbemi. Melquisedec ããrĩderosũta paí ããrĩmi.

¹² Irasirigũ Marĩpũ Cristore paĩare gorawayubure iriugu, ĩgũ iripoegue dorededere gorawayudi ããrĩmĩ. ¹³⁻¹⁴ Marĩpũ ĩgũ iripoegue dorederosũta Levĩya bumarã ditare paía sóounadi ããrĩmĩ. Marĩ Opũ Jesucristo gapũ Israel bumũ ããrĩkeregũ, Levĩya bumũ meta ããrĩmi. Judãya bumũ ããrĩmi. Marĩpũ Moisére ĩgũ dorerire pígu, neõ Judãya bumarãrẽ: “Paía ããrĩrãkuma”, ãrĩbiridi ããrĩmĩ. Irire masĩa marĩ.

* 7:1 Salem wãikũri makã, Jerusal'eta ããrĩyuro.

¹⁵ Irire masĩrã, idere õãrõ pémasĩa. Cristo, Marĩpu paĩ sóodi, gajirã paĩare gorawayugu, Melquisedec irirosũ ããrĩgũ ããrĩmi. ¹⁶ Marĩpu iripoegue dorederosũta Levĩya bumarã dita paĩa ñajãunanerã ããrĩmã. Jesucristo gapu Marĩpu pídi gajirã paĩa irirosũ paĩ ñajãbiridi ããrĩmĩ. Marĩpu turari merã ããrĩnĩgũ ããrĩsĩã, paĩ ñajãdi ããrĩmĩ. ¹⁷ Marĩpu ĩgũ werenĩrĩ gojadea pũgue ĩgũ magũrẽ irire ãsũ ãrĩdi ããrĩmĩ:

Melquisedec paĩ ããrĩderosũta mu ããrĩnĩkõãgũkoa, ãrĩdi ããrĩmĩ.*

¹⁸ Marĩpu Moisére doreri pípuroridea marĩrẽ Marĩpu merã õãrõ ããrĩmakũ irimasĩbea. Irasirigu Marĩpu iri dorerire bojepikõãdi ããrĩmĩ. ¹⁹ Marĩpu Moisére doreri pídea merã marĩ ĩgũ ĩũrõ õãrã neõ ããrĩmasĩbea. Irasirigu Marĩpu Jesucristo merã marĩrẽ õãrã ããrĩmakũ iriburire pídi ããrĩmĩ. Irasirirã marĩ Cristore buremurã, Marĩpu purogue ñajãrã irirosũ ĩgũrẽ diayeta sërẽmasĩa.

²⁰ Marĩpu Cristore paĩ sóogu: “Yu wãĩ merã murẽ wãĩpeo píã”, ãrĩdi ããrĩmĩ. ²¹ Gajirã paĩa gapure ĩgũ wãĩ merã wãĩpeo píbiridi ããrĩmĩ. Cristo gapure wãĩpeo, paĩ pídi ããrĩmĩ. ãsũ ãrĩ weredi ããrĩmĩ Marĩpu Cristore:

Yu, mu Opu ããrã. Irasirigu yu wãĩ merã murẽ wãĩpeogu, diayeta werẽgura.

Irasirigu neõ gorawayuro marĩrõ murẽ ãsũ ãrĩ werea: “Melquisedec paĩ ããrĩderosũta mu ããrĩnĩkõãgũkoa”, ãrĩdi ããrĩmĩ Marĩpu ĩgũ magũrẽ.*

²² Marĩpu irasũ ãrĩ weregu, ĩgũ Jesucristo merã marĩrẽ õãrã ããrĩmakũ iriburire pídi ããrĩmĩ. Iri ĩgũ Moisére doreri pípuroridea nemorõ, marĩ õãrõ ããrĩburire pídea ããrã.

²³ ããrĩpurorinerã paĩa boamakũ, gajirã gorawayu ñajãnerã ããrĩmã doja. Irasirirã wãrã paĩa ñajãnanerã ããrĩmã. ²⁴ Jesús gapu irasũ ããrĩnĩkõãmi. Irasirirã ĩgũrẽ gorawayurã paĩa neõ máma. ²⁵ Irasirigu Marĩpure marĩya ããrĩburire sërẽbosanĩkõãmi. Marĩpure masĩrãno, Jesúre buremurã ããrĩma. Irasirigu ããrĩpererã marĩrẽ ĩgũrẽ buremurãrẽ taumasĩmi, Marĩpu merã õãrõ ããrĩnĩkõãburo, ãrĩgũ.

²⁶ Irasirigu Jesús paĩa opu nemorõ, ããrĩpereri marĩya ããrĩburire keoro iritamugũ ããrĩmi. ĩgũrẽta marĩ buro gããmea. ĩgũ õãtarigu, neõ ñerĩrẽ iribi, ñerĩ opabi ããrĩmi. Irasirigu Marĩpu ĩgũrẽ ñerã watope ããrĩdire ãĩ, umugasigue ããrĩpererã gajirã nemorõ Opu pídi ããrĩmĩ. ²⁷ Gajirã paĩa oparã irirosũ ããrĩbemi. ĩgũsã gapu umurĩku waimurãrẽ wẽjẽ soepeo sërẽbosama, Marĩpure masaka ñerĩ iridea waja ĩgũsãrẽ wajamoãbirikõãburo, ãrĩrã. Paĩade ĩgũsã ñerĩ iridea waja Marĩpu ĩũrõ ĩgũsã basi waimurãrẽ wẽjẽ soepeopurorima. Puru gajirã ñerĩ ĩgũsã iridea waja waimurãrẽ wẽjẽ soepeobosama. Umurĩku irasirinama. Jesús gapu paĩa opu nemorõ ããrĩgũ, marĩ ñerĩ iridea waja waimurãrẽ wẽjẽ soepeobiridi ããrĩmĩ. Suñarõta marĩ ããrĩpererãrẽ boabosadi ããrĩmĩ, marĩ ñerĩ iridea wajare taugu.

²⁸ Marĩpu Moisére doreri pídea merã paĩa oparã sóosũma. ĩgũsã irasũ sóosũkererã, õãrĩ ditare irimerã ããrĩma. Iri dorerire pídero puru, Marĩpu ĩgũ magũ gapure ĩgũ wãĩ merã wãĩpeo, paĩa opu nemorõ sóodi ããrĩmĩ. Irasirigu ĩgũrẽ sóogu, ĩgũ gããmerõsũta õãrĩ iripeogu ããrĩnĩmakũ iridi ããrĩmĩ.

8

Jesús marĩya ããrĩburire Marĩpure sërẽbosagu ããrĩmi, ãrĩ gojadea

¹ ããrĩpereri yu musãrẽ wererire pérã, ire õãrõ pémasĩka! Jesucristo paĩa opu nemorõ ããrĩgũ umugasigue Marĩpu turatarigu diaye gapu doami ĩgũrẽ marĩya ããrĩburire sërẽbosabu. ² Umugasigue marĩ Opu iridea wii ĩgũya wiigora ããrã. Iri wii, masaka iridea wii meta ããrã. Irasirigu Jesucristo irogu marĩya ããrĩburire Marĩpure sërẽbosagu, iri wiigueta sërẽbosami. ³ Marĩpu i nikũ marã paĩa oparãrẽ sóogu, ĩgũ ĩũrõ waimurãrẽ wẽjẽ soepeomurãrẽ, gajino ĩgũrẽ sĩmurãrẽ sóomi. Irasirigu Jesucristode ĩgũsã Marĩpure gajino sĩrã irirosũ irigu, ĩgũ basi marĩrẽ boabosadi ããrĩmĩ. ⁴ Jesucristo i nikũgue ããrĩgũ, paĩ ããrĩbiribukumi. Gajirã paĩa Moisés dorederosũta Marĩpu ĩũrõ ĩgũrẽ gajinorẽ sĩrã ããrĩsiamã.

⁵ I nikū marā paía Marĩp̄ya wiigüe ãgũ ãũrõ moãma. Iri wii i nikũma wii ããrã. Marĩp̄ya wiigora ãmũgasigüe ããrã. Irasiriro Marĩp̄ya wii i nikũma wii, ãmũgasima wii keori ããrã. Moisés i nikũma wiire iriburo dupiyuro Marĩp̄ ãsũ ãrĩdi ããrĩmĩ ãgũrẽ: “Yũ murẽ ãtãũgüe ãmuderosũta yaa wiire irigũkoa. Yũ dorederosũta yaa wiire keoro irika!” ãrĩdi ããrĩmĩ.

⁶ Jesús gap̄re: “Paía opũ nemorõ ããrã mũ”, ãrĩ pídi ããrĩmĩ. Irasiriro Jesús ãmũgasigüe paí moãrĩ, i nikū marā paía moãrĩ nemorõ õãrĩ ããrã. Iripoegüe Marĩp̄ masakare: “Moisére yũ doreri pídeare iripeorãrẽ õãrõ irigũra”, ãrĩ werepĩdi ããrĩmĩ. Pũrũ Jesucristore iriugũ: “ãgũrẽ buremurãrẽ yũ merã õãrã ããrĩmakũ irigũra”, ãrĩ werepĩdi ããrĩmĩ. Irasiriro ãgũ iripoegüe werepĩdea nemorõ õãrĩ ããrã. Irasirigũ Jesucristo Marĩp̄ merã marĩ õãrõ ããrĩburire ãmubosagũ ããrĩsã, paía opũ nemorõ ããrĩmĩ.

⁷ Moisére Marĩp̄ doreri pídea, marĩrẽ Marĩp̄ merã õãrõ ããrĩmakũ iribiridero ããrĩbũ. Iri doreri marĩrẽ õãrõ irimakũ tamerãrẽ Marĩp̄ dupaturi gajĩ werepĩbiribodi ããrĩmĩ.

⁸ ãgũyarã, Israel bumarã ãgũ doredeare iribiri waja ãgũsarẽ ãsũ ãrĩdi ããrĩmĩ ãgũya werenĩrĩ gojadea pũgüe:

Yũ mũsã Opũ, ãsũ ãrã: “Õãrõ péka! Mũsã Israel bumarãrẽ, Judáya bumarãdere pũrũguere gajĩ maama werepĩgũkoa.

⁹ Iri, yũ mũsã ñekũsãmarãrẽ iripoegüe werepĩdea irirosũ neõ ããrĩbirikoa. Yũ basi ãgũsarẽ Egipto nikũgüe ããrĩrãrẽ õãrõ koreri merã wiubũ. Wiu: ‘Yũ dorerire irimakũ, mũsarẽ õãrõ irigũra’, ãrĩ werepĩbũ. Yũ irasũ ãrĩdeare ãgũsã gapũ tarinũgãma. ãgũsã tarinũgãrĩ waja ãgũsarẽ béobũ, ãgũsã gããmerõ iriburo, ãrĩgũ.

¹⁰ Irasirigũ pũrũguere Israel bumarãrẽ ãsũ ãrĩ weregũra: Yũ dorerire ãgũsarẽ gũña pémasĩmakũ irigũkoa. Yũ dorerire ãgũsarẽ iridũmakũ irigũkoa. Irasirigũ yũ, ãgũsã Opũ ããrĩgũkoa. ãgũsã, yaarã yũ ditare buremurã ããrĩrãkuma.

¹¹ Neõ sugũ ãgũyarãrẽ ãgũ merãmarãrẽ, ãgũ pagũpũrãrẽ: ‘Marĩ Opũre masĩka mũsã!’ ãrĩ buebirikuma. ããrĩpererã yũre masĩrãkuma. Majĩrã, irasũ ããrĩmakũ mũrã yũre masĩrã dita ããrĩrãkuma.

¹² Irasirigũ ãgũsã ñerĩ irideare kãtigũkoa. ãgũsã ñerĩ irideare neõ gũñanemobirikoa. ãgũsarẽ wajamoãbirikoa”, ãrĩdi ããrĩmĩ Marĩp̄ Israel bumarãrẽ.*

¹³ Irasũ ãrĩ weregũ, maama werepĩri merã iripoegüe ãgũ masakare werepĩpũrorideare peremakũ iridi ããrĩmĩ. Gajino bũgũre béo gorawayurosũ, maama merã ãgũ werepĩpũrorideare gorawayudi ããrĩmĩ.

9

Marĩp̄re buremurĩ wiimarẽ gojadea

¹ Iripoegüe Marĩp̄ Moisére ãgũ dorerire pípũrorigũ, masaka ãgũrẽ buremuburidere pídi ããrĩmĩ. Irasirigũ ãgũsarẽ ãgũrẽ buremuburi wii i nikũma wiire iridoredi ããrĩmĩ.

² Iri wii waimũrã gasiri merã ãgũsã iridea wii, pe taribu opari wii ããrĩdero ããrĩbũ.

Ñajãnũgãpũroriri taribu Marĩp̄ya taribu wãĩkũdero ããrĩbũ. Iri taribure sãgõri yuku peodi, irasũ ããrĩmakũ baari peyaro ããrĩdero ããrĩbũ. Iri peyaro weka Marĩp̄ ãũrõ pã duparu peyadero ããrĩbũ. ³ Iri taribu korema taribu surĩro gasiro merã kãmutadea taribu ããrĩdero ããrĩbũ. Iri taribu Marĩp̄ ããrĩrĩ taribugora wãĩkũdero ããrĩbũ. ⁴ Iri taribugüe ñajãrõ pũro sũrõrĩ soemurõ oro merã iridero ããrĩdero ããrĩbũ. Iri taribu poekagüe oro merã õmabiadea kũma, Marĩp̄ ãgũ doreri gojadea ãtã majĩrĩ opari kũma ããrĩdero ããrĩbũ. Gajĩ soro oro merã iridea soro Marĩp̄ masakare ejodea manã wãĩkũri poga oparisoro, irasũ ããrĩmakũ Aarõyagũ tuadi ñasãtuadi iri kũmagüe ããrĩdero ããrĩbũ.

⁵ Marĩp̄ iri kũma bũhari majĩ weka pãrã ãgũrẽ wereboerã kãdũpũrikũrã keori weadea merã ãgũ iri taribugüe ããrĩrĩrẽ ãmudi ããrĩmĩ. ãgũsãya kãdũpũri merã iri kũma bũhari majĩrẽ sãrẽ kãmutadero ããrĩbũ. Iri bũhari majĩ, Marĩp̄ masakare: “ãgũsã ñerõ iridea

* 8:12 Jer 31.31-34

waja wajamoãbirikoa”, ãrĩdeare keori ããrĩdero ããrĩbú. Dapagorare ããrĩpereri iri wiimarẽ werenemomasĩbirikoa.

⁶Iri wiimarẽ ãmu ododero pũũ, ãmũrikũ paía ããrĩpũroriri taribure ñajãunanerã ããrĩmá Marĩpũ iũrõ ãgũsã moãrĩrẽ irirã. ⁷Paía opũ dita gaji taribuguere ñajãunadi ããrĩmí. Bojorikũ iri taribuguere suñarõta waimũrã díre ãi ñajãunadi ããrĩmí. Dí marĩrõ neõ ñajãbiridi ããrĩmí. ãgũ basi ñerĩ iridea waja, irasũ ããrĩmakũ masaka ãgũsã masĩña marĩrõ ñerõ iridea waja iri díre ãi ñajãdi ããrĩmí, Marĩpũre: “Wajamoãbirikõãka gũare! Gũa ñerõ irideare kãtika!” ãrĩ sãrẽgũ. ⁸I ããrĩpereri merã Õãgũ deyomarĩgũ marĩrẽ ire pẽmasĩmakũ yámi. Iri wii ããrĩdeapoe masaka Marĩpũre bũremurã, ãgũ ããrĩrĩ taribugue ñajãbirinerã ããrĩmá. ⁹I ããrĩpereri Marĩpũ ãgũrẽ bũremurĩ wiimarẽ pídeare marĩ buesĩã: “Dapagoraguere marĩ ãgũrẽ bũremurĩ ãsũ ãrĩdũaro yáa”, ãrĩ pẽmasĩa. Iro dupiyuro paía gajino Marĩpũre sĩrĩ, waimũrãrẽ wẽjẽ soepeori, masakare: “Marĩpũ iũrõ waja opamerã ããrã gũa”, neõ ãrĩ masĩmakũ iribiridero ããrĩbú. ¹⁰Ãsũ ããrã. Marĩpũ Moisére doreri pídea ãgũ masakare baadoreri, iirĩdoreri, ãgũ iũrõ koedoreri dita ããrã. ãgũsãya yũjũpũrãrĩma ããrĩbea. Irasiriro iri doreri marĩrẽ õãrã waamakũ iribeã. Marĩpũ iri dorerire masaka ãgũsã iriburire pídi ããrĩmí. Irire Jesucristo merã gorawayuburo dupiyuro pídi ããrĩmí.

¹¹Cristo gapũ paía opũ nemorõ ããrĩgũ aarisiadi ããrĩmí. Irasirigũ ãgũ boadeã merã marĩrẽ õãrõ iridi ããrĩmí. Marĩpũ iũrõ marĩ ñerĩ iridea wajare peredoregũ, Marĩpũ ããrĩrõgue ãmũgasima wiigũ ñajãdi ããrĩmí. I nikũma wiire ñajãbiridi ããrĩmí. ãmũgasima wii, i nikũma wii nemorõ õãtariri wii, masaka iridea wii meta ããrã. ¹²Irasirigũ Cristo, Marĩpũ ããrĩrõgue ãmũgasima wiigũ suñarõta ñajãdi ããrĩmí. Irogue ñajãgũ, paía oparã i nikũma wiigũ Marĩpũ ããrĩrĩ taribuguere cabraya díre, wekũa majĩrãya díre ãi ñajãderosũ ãi ñajãbiridi ããrĩmí. ãgũ basi marĩ ñerĩ iridea waja boagũ, ãgũya dí merã Marĩpũ ããrĩrõgue ñajãdi ããrĩmí, marĩrẽ Marĩpũ merã õãrõ ããrĩnikõãburo, ãrĩgũ. ¹³Paía oparã cabraya, wekũaya dí merã, wekũgo majĩgõrẽ ãgũsã soeidea nitĩ merã masakare ãgũsã ñerĩ iridea waja Marĩpũya wiigũ ñajãmasĩmerãrẽ wẽãsiripeoma. ãgũsãrẽ wẽãsiripeomakũ, Marĩpũ iũrõ ñerĩrẽ opamerã duja, Marĩpũya wiigũ dupaturi ñajãmasĩma doja. ¹⁴Paía oparã wekũaya dí merã, cabraya dí merã masakare iritamuma. Cristo gapũ ãgũsã nemorõ ãgũya dí merã marĩrẽ õãrõ iritamutarigũ yámi. ãgũ ñerĩ marĩgũ, Õãgũ deyomarĩgũ ããrĩnĩgũ iritamurĩ merã ãgũ basi Marĩpũre wiadi ããrĩmí curusague boabu. Paía waimũrã Marĩpũre wia, ãgũ iũrõrẽ soepeorosũ ãgũ basi irasũ wiadi ããrĩmí. Irasirigũ marĩrẽ Marĩpũ merã neõ õãrõ ããrĩbonerãrẽ taudi ããrĩmí, Marĩpũ okanĩgũ dorerire õãrõ irimasĩburo, ãrĩgũ. Irasirigũ marĩ gũñarĩgue: “Marĩpũ gũare wajamoãgũkumi gũa ñerõ iridea waja”, ãrĩ gũñarĩkũnemobirimakũ iridi ããrĩmí.

¹⁵Irasirigũ Jesucristo, Marĩpũ ãgũ beyenerãrẽ maama werepĩderosũta iridi ããrĩmí marĩrẽ taubu. Marĩrẽ taugũ, Marĩpũyarã ãgũ merã õãrõ ããrĩnĩmakũ iridi ããrĩmí. Irasirirã Marĩpũ ãgũyarãrẽ sĩburire oparãkoa. Moisés doreri dita ããrĩmakũ, marĩ ñerĩ iridea waja, waja oparã dita ããrĩbukoa dapa. Cristo marĩrẽ curusague boabosadi ããrĩmí, marĩ ñerĩ iridea waja, waja opabonerãrẽ taubu. ¹⁶⁻¹⁷Ãsũ ããrã. Sugũ masakũ ãgũ boaburo dupiyuro ãgũyarãrẽ: “Yũ opari mũsãrẽ dujarokoa”, ãrĩkumi. Irasirigũ ãgũ boaburo dupiyuro sĩbirikumi dapa. ãgũ boadero pũũ, ãgũyarãrẽ: “Mũsãrẽ dujarokoa”, ãrĩderosũta ãgũ opadeare ãĩkuma.

¹⁸Irasiriro Marĩpũ masakare: “Ãsũ irigũra”, ãrĩ werepĩpũrorideã, waimũrãrẽ wẽjẽ, ãgũsãya dí béoro marĩrõ wajamarĩdero ããrĩbú. Waimũrãrẽ wẽjẽ, ãgũsãya díre béodero pũũ, Marĩpũ dorerire diayeta irinerã ããrĩmá. ¹⁹Irasirigũ Moisés, Marĩpũ ãgũ doreri pídeare masakare werepeodi ããrĩmí. Pũũ cabraya díre, wekũa majĩrãya díre deko merã morẽdi ããrĩmí. Morẽ odo, hisopo wãĩkũdi dupũ merã oveja poarire diari merã ñimudeã merã tũrãdi ããrĩmí. Iri dupũ merã díre yosa, Marĩpũ dorerire ãgũ gojãdea pũ weka, ããrĩpererã masaka wekadere wẽãsiripeodi ããrĩmí. ²⁰Pũũ ãgũsãrẽ ãsũ ãrĩdi ããrĩmí: “Marĩpũ marĩrẽ

Īgū doreri pídea, i dí merā diaye āārīmakū masīa. I díre ĩārā, diayeta ĩgū ārīderosūta ĩgū marīrē iriburire masīa. Irasirigū Marīpū: “Yū dorerire ōārō irika!” ārīmi”, ārīdi āārīmí Moisés. ²¹ Pūpū masakare ĩgū iriderosūta Marīpūre būremurī wii wiamurā gasiri merā ĩgūsā iridea wiire, āārīpereri iri wiigue āārīrīdere wēāsiripeodi āārīmí. ²² Āsū āārā. ĩgū dorederosūta Marīpūre būremurī wiimarē dí merā wēāsirimakū, Marīpū irire: “Yū ĩūrō ōārī āārā”, ārī ĩādi āārīmí. Irasū wēāsiribirimakū: “Ōārī āārā”, ārī ĩābiribodi āārīmí. Irasirigū dí béoro marīrō, marī űerī iridea wajare marīrē kātimasībirikumi.

Jesucristo, ĩgū boari merā marī űerō iridea wajare taudi āārīmí, ārī gojadea

²³ Irasirirā i nikūma wiire, iri wiigue āārīrīdere paía: “Marīpū ĩūrō ōārī āārā”, ārīrā, waimurā dí merā wēāsiripeonerā āārīmá. I nikūma wii, ũmugasima wii keori dita āārīdero āārībú. Irasiriro ũmugasima wiire, iri wiigue āārīrīdere: “Marīpū ĩūrō ōārī dita āārā”, ārī, waimurā dí nemorō Cristoya dí merā wēāsiripeoro gāāmea. ²⁴ Irasirigū Cristo marīya āārīburire Marīpūre sērēbosagū, Marīpūre būremurī wii masaka iridea wiire űajābiridi āārīmí. Iri wii, ũmugasima wii keori āārīdero āārībú. Marīpūya wiigora ũmugasigue āārā. Irasirigū Cristo ũmugasima wiigue űajādi āārīmí, Marīpū ĩūrō marīya āārīburire sērēbosabu.

²⁵ Bojorikū sugū paía opū i nikūma wiigue, Marīpū āārīrī taribugue waimurā dí merā űajānadi āārīmí. Cristo gapū marīrē boabosagū, suñarōta ũmugasima wiigue, Marīpū āārīrōgue ĩgūya dí merā űajādi āārīmí. ²⁶ Paía opū dí merā űajānaderosū irigū, i ũmū āārīűgādeapoegueta boa, masādi tamerā irasūta boa, masānīkōābodi āārīmí. Suñarōta i ũmū pererīnū ejaburi dupiyuro i nikūguere deyoadi āārīmí, ĩgū suñarōta boari merā marī āārīpererā űerī iridea wajare béobu. ²⁷ Āārīpererā marīde suñarōta boarākoa. Marī boadero pūpū, Marīpū ĩgū ĩūrōrē marīrē nídoregukumi ĩgūrē būremurārē ōārō iri, ĩgūrē būremubirinerārē wajamoābu. ²⁸ Marī suñarōta boarosū, Cristode suñarōta boadi āārīmí. Irasirigū ĩgū boari merā wārā masaka űerō iridea wajare béobosadi āārīmí. Irasiri odo, ũmugasigue mūrīa, pūpū i nikūgue dupaturi aarīgukumi doja. Irasū aarīgú, masaka űerō iridea wajare béogū aarīgú meta irīgukumi. ĩgūrē ũsuyari merā yūrārē taugū aarīgukumi, ũmugasigue ĩgū merā āārīburo, ārīgū.

10

¹ Marīpū Moisére ĩgū doreri pídea, pūpūgue ĩgū Cristo merā masakare ōārō iriburi keori dita āārīdero āārībú. Cristo masaka űerī iridea wajare béodi āārīmí. Marīpū Moisére doreri pídea gapū ĩgūsā űerī iridea wajare béomakū irimasībiridero āārībú. Irasiriro iri dorederosūta paía bojorikū Marīpū ĩūrō waimurārē wējē soepeorire irinakeremakū, masaka űerī iridea wajare béomakū irimasībiridero āārībú. ĩgūsārē Marīpū ĩūrō ōārā āārīmakū irimasībiridero āārībú. ² Iri doreri masakare ōārā āārīmakū irimasīmakū, suñarōta waimurā wējē soepeori merāta ĩgūsā űerī iridea wajare béosūbonerā āārīmá. “Waja opamerā āārā”, ārī gūñabonerā āārīmá. Irasirirā, Marīpū ĩūrō ĩgūsā waimurā wējē soepeorire pirikōābonerā āārīmá. ³ Āsū gapū āārīdero āārībú. Marīpū, bojorikū ĩgūsā waimurārē wējē soepeodea merā ĩgūsā űerō irideare gūñamakū iridi āārīmí. ⁴ Irasirirā wekūaya dí, cabraya dí merā marī űerī iridea wajare neō béomasībea.

⁵ Irasirigū Cristo i nikūguere aariburo dupiyuro ĩgū Pagure āsū ārīdi āārīmí: Mū ĩūrō ĩgūsā waimurārē wējē soepeorire, gajino ĩgūsā mūrē sīrīdere gāāmebea. Irasirigū yūre dupūkūgu deyoamakū irīgukoa, ĩgūsā űerō iridea waja ĩgūsārē boabosadoregū.

⁶ Masaka ĩgūsā űerō irideare kātidoreduarā, mū ĩūrō ĩgūsā waimurārē wējē soepeorire, gajino ĩgūsā mūrē sīrīdere ũsuyari merā ĩābea.

⁷ Irasirigũ yũ ãsũ ãrĩbũ: “Mũ, yũ Opũ ããrã. Irasirigũ mũya werenĩrĩ gojadea pũgue gojaderosũta mũ gããmerĩrẽ irigũ waagũra”, ãrĩdi ããrĩmĩ Cristo ĩgũ Pagũre.✠

⁸ Irire ãrĩgũ, ire ãrĩpũroridi ããrĩmĩ Marĩpũre: “Mũ ĩũrũ ĩgũsã waimũrãrẽ wẽjẽ soepeorire, gajino ĩgũsã mũrẽ sĩrĩdere gããmebea. ĩgũsã irasũ iririre usũyari merã ĩãbea”, ãrĩdi ããrĩmĩ Marĩpũ dorederosũ ĩgũsã irikeremakũ. ⁹ Pũrũ ãsũ ãrĩnemodi ããrĩmĩ: “Mũ, yũ Opũ ããrã. Irasirigũ mũ gããmerĩrẽ irigũ waagũra”, ãrĩdi ããrĩmĩ. Irasirigũ Marĩpũ ĩgũ masakare waimũrãrẽ wẽjẽ soepeodoredeare bẽodi ããrĩmĩ. Irire bẽogũ: “Cristo boari merã gapũ masakare ĩgũsã ñerĩ iridea wajare taugũra”, ãrĩ werepĩdi ããrĩmĩ. ¹⁰ Jesucristo, Marĩpũ gããmederosũta ĩgũ basita Marĩpũre wiadi ããrĩmĩ, marĩ ããrĩpererãrẽ suñarõta boabosagũ. Irasirigũ ĩgũ boari merã Marĩpũ marĩrẽ ĩgũyarã õãrã, waja opamerã ããrĩmakũ iridi ããrĩmĩ.

¹¹ ããrĩpererinũrĩ Marĩpũ ĩũrũ judío masaka paĩa waimũrãrẽ wẽjẽ soepeonĩkõãma. Irasirikeremakũ, marĩ ñerĩ iridea wajare neõ bẽomakũ irimasĩbea. ¹² Jesucristo gapũ suñarõta marĩrẽ boabosadi ããrĩmĩ, marĩ ñerĩ iridea wajare bẽobu. Irire irasiri odo, ãmũgasigue Marĩpũ diaye gapũ doadi ããrĩmĩ marĩ Opũ ããrĩgũ. ¹³ Iroguere doagũ, ĩgũrẽ ĩãturirãrẽ Marĩpũ tarinũgãbosaburire yũgũ yãmi. ¹⁴ ĩgũta suñarõta boari merã ĩgũyarãrẽ õãrã, waja opamerã ããrĩnĩmakũ iridi ããrĩmĩ. ¹⁵ Jesucristo irasũ irideare Oãgũ deyomarĩgũ marĩrẽ: “Irasũta ããrã”, ãrĩ masĩmakũ yãmi. ãsũ ãrĩ weredi ããrĩmĩ:

¹⁶ Mũsã Opũ ãsũ ãrĩmi: “Pũrũguere yaarãrẽ ãsũ ãrĩ weregũra: ‘Yũ dorerire ĩgũsãrẽ iridũamakũ irigũkoa. Yũ dorerire gũña pẽmasĩmakũ irigũkoa’ ”.✠

¹⁷ Idere ãrĩnemomi: “Ĩgũsã ñerũ irideare dupaturi neõ gũñanemobirikoa”, ãrĩmi, ãrĩ weredi ããrĩmĩ Oãgũ deyomarĩgũ.✠

¹⁸ Irasirirã marĩ ñerĩ irideare Marĩpũ kãtisũnerã ããrã. Dupaturi marĩ ñerĩ iridea wajare waimũrã wẽjẽ soepeorire gããmenemobea.

Marĩpũ ããrĩrõgue ñajãrã irirosũ marĩya ããrĩburire ĩgũrẽ sërẽrõ gããmea, ãrĩ gojadea

¹⁹ Irasirirã dapagorare marĩ ãmũgasigue Marĩpũya wiigue ĩgũ ããrĩrĩ taribugorague ñajãrã irirosũ gũiro marĩrõ ĩgũrẽ diaye sërẽmasĩa. Jesucristo marĩrẽ boabosagũ dí bẽodea merã irasirimasĩa. ²⁰ Jesucristo boaburi dupiyuro Marĩpũ ããrĩrĩ taribugoraguere paĩa opũ dita iri taribu makãpũro kãmutari gasirore tariñajãdi ããrĩmĩ, masakaya ããrĩburire Marĩpũre sërẽbosabu. Jesucristo gapũ ĩgũ boadea merã Marĩpũ merã marĩ õãrõ ããrĩrĩrẽ kãmutadeare bẽodi ããrĩmĩ. Irasirirã dapagorare marĩ Jesucristo marĩrẽ boabosadea merã Marĩpũ ããrĩrõguere ñajãrã irirosũ marĩya ããrĩburire Marĩpũre diaye sërẽmasĩa.

²¹ Jesucristo paĩa opũ nemorõ paĩ ããrĩgũ Marĩpũ ããrĩrõgue marĩya ããrĩburire sërẽbosagũ ããrĩmĩ. Iroguere ĩgũ marĩrẽ Marĩpũyarãrẽ õãrõ doregũ ããrĩmĩ. ²² Irasirirã diaye gũñarĩ merã, bũremurĩrẽ neõ piriro marĩrõ merã Marĩpũ ããrĩrõgue ñajãrã irirosũ marĩ ĩgũrẽ diaye sërẽrõ gããmea. Cristo ĩgũ boadea merã marĩrẽ waja opamerã ããrĩmakũ iridi ããrĩmĩ: “Ñerĩ iridea waja, waja oparã ããrã gũ”, ãrĩ neõ gũñarikũnemobirikõãburo, ãrĩgũ. Irasirirã gũrari marĩrĩ deko merã marĩya dupũre túkoenerã irirosũ Marĩpũ ĩũrũ õãrã ããrã. ²³ Marĩpũ marĩrẽ: “Taugũra”, ãrĩderosũta irigũkumi. Irasirirã marĩrẽ ĩgũ ãrĩdeare bũremupũroriderosũta piriro marĩrõ õãrõ usũyari merã bũremuwãgãnĩkõãrã! ²⁴ Gajirã Jesũre bũremurãdere gũñarã! Irasirirã gãme iritamurã! Gãme maĩrĩ merã õãrõ irirã! ²⁵ Piriro marĩrõ merã Marĩpũyare nerẽ buerã! Surãyeri marĩ merã nerẽ buemerã irirosũ iribirikõãrã! Marĩ Opũ i nikũguere dupaturi aariburo mërõ duyãa. Irasirirã irire masĩrã, gãme iritamurõ gããmea ĩgũrẽ bũremunemomurã.

²⁶ Marĩpũ marĩrẽ Jesũya kerere: “Diayeta ããrã”, ãrĩ masĩmakũ iridero pũrũ, marĩ ñerĩ iridũarire piriro marĩrõ iriwãgãnĩkõãrã, marĩ ñerũ iridea waja Jesucristo ĩgũ boadea merã marĩrẽ taudeare bẽobukoa. Irire bẽomakũ, dupaturi ĩgũ marĩrẽ boabosari neõ mãa.

²⁷ Marĩ ĩgũ taudeare bẽomakũ ĩãgũ, Marĩpũ ããrĩpererã ĩgũrẽ ĩãturirãrẽ bũro wajamoãgũ,

marĩdere ĩgũsã merã perebiri peamegue béogukumi. Irasirirã marĩrẽ gajirã ĩgũyare béonerã merã ĩgũ wajamoãburire bũro gũiri merã ããrĩbukoa. ²⁸ Iripoegue marã Moisés dorerire tarinũgãgũrẽ wajamoãnerã ããrĩmã. ĩgũ ñerõ irideare pẽrã, o ƿererã ĩã, ĩgũrẽ weresãdero ƿũũ, Marĩƿũ dorederosũta neõ bopoñarĩ merã ĩãrõ marĩrõ ĩgũrẽ wẽjẽnerã ããrĩmã. ²⁹ ¿Naásũ gũñarĩ mũsã? ĩgũrẽ wajamoãdero nemorõ Marĩƿũ magũrẽ ĩãturigũnorẽ bũro wajamoãgukumi. ĩgũ magũya dí béodea merã Marĩƿũ marĩrẽ: “Õãrã, waja opamerã ããrĩma”, ãrĩ ĩãdi ããrĩmĩ. Iripoegue irire werepĩdi ããrĩmĩ. Irasirigu Jesucristoya dí béodeare: “Wajamãa”, ãrĩrãrẽ, Õãgũ deyomarĩgũrẽ Marĩƿũ marĩrẽ maĩrĩrẽ masĩmakũ irigũre ñerõ werenĩrãrẽ bũro wajamoãgukumi. ³⁰ Marĩ Opũ ãrĩdeare masĩa marĩ. Æsũ ãrĩdi ããrĩmĩ: “Yũ ããrã, waja oparãrẽ wajamoãbu. ĩgũsã ñerĩ iridea waja ĩgũsãrẽ wajamoãgũra”, ãrĩdi ããrĩmĩ. Æsũ ãrĩnemodi ããrĩmĩ doja: “Yaarã iririre ĩãgũ, ĩgũsãrẽ diayemarẽ irigũra”, ãrĩdi ããrĩmĩ. ³¹ Marĩƿũ okanĩgũ masakare wajamoãrĩ bũro goeri ããrã.

³² Mũsã iripoegue ããrĩdeare gũñaka! Marĩƿũ mũsãrẽ Jesucristoya kerere masĩnũgãmakũ iridero ƿũũ, gajirã mũsãrẽ ñerõ tarimakũ irinerã ããrĩmã. Irasirikeremakũ, mũsã gapũ ĩgũrẽ bũremurĩrẽ neõ piribirinerã ããrĩbũ. ³³ Masaka ĩũrõ gajirã surãyeri mũsãrẽ ñerõ werenĩ, ñerõ iribiranerã ããrĩmã. Gajipoe mũsã merãmarãrẽ gajirã ñerõ iribiramakũ ĩãrã, ĩgũsãrẽ béobiri, mũsãde ĩgũsã merã ñerõ iribirasũnerã ããrĩbũ. ³⁴ Surãyeri mũsã merãmarã peresugue ããrĩmakũ ĩãrã, bopoñarĩ merã ĩã, ĩgũsãrẽ iritamunerã ããrĩbũ. Gajirã mũsãyare ãmakeremakũ, usuyari merã: “Õãrokoa”, ãrĩnerã ããrĩbũ. I nikũma nemorõ õãrĩ perebiriburire ãmagasiguere mũsã opaburire masĩnerã ããrĩbũ. Irasirirã mũsã oparire ĩgũsã ãmamakũ, bũjawerebirinerã ããrĩbũ. ³⁵ Irasirirã Jesucristore gũñaturanĩkõãka! ĩgũrẽ bũremurĩrẽ neõ piribirikõãka! ĩgũrẽ bũremurã, wãri õãrĩrẽ wajatarãkoa. ³⁶ Mũsãrẽ õãrõ gũñaturari merã Marĩƿũ gããmerĩrẽ irinĩkõãrõ gããmea. Irasirirã, ĩgũ: “Õãrĩrẽ sĩgũra”, ãrĩdeare oparãkoa. ³⁷ Marĩƿũ ãsũ ãrĩdi ããrĩmĩ ĩgũya werenĩrĩ gojadea ƿũgue: Mẽrõ dũyãa yũ iriudi i ãmũguere dupaturi aariburo. Yooboro marĩrõ ejagukumi.

³⁸ ĩgũrẽ bũremurãrẽ: “Õãrõ irirã, yaarã ããrĩma”, ãrĩ ĩãa. Yũ merã ããrĩnikõãrãkuma. ĩgũrẽ bũremurĩrẽ pirirã gapũre suyubirikoa, ãrĩdi ããrĩmĩ Marĩƿũ.✧

³⁹ Marĩ gapũ ĩgũrẽ bũremurĩrẽ pirirã irirosũ ããrĩbea. Irasirirã perebiri peamegue waamurã ããrĩbea. Marĩ Jesucristore bũremua. Irasirirã ĩgũ taunerã, ĩgũ ƿũro waamurã ããrã.

11

Marĩƿũre bũremurĩmarẽ gojadea

¹ Marĩƿũre bũremurã: “Ĩgũ marĩrẽ: ‘Õãrĩrẽ sĩgũra’, ãrĩdeare diayeta sĩgukumi”, ãrĩ bũremua. Irire ĩãbirikererã, ĩãrã irirosũ: “Diayeta ããrã, ĩgũ ãrĩdeare oparãkoa”, ãrĩ bũremua. ² Iripoeguere marĩ ñekũsãmarã ĩgũrẽ bũremumakũ, ĩgũsãrẽ: “Õãrã ããrĩma”, ãrĩ ĩãdi ããrĩmĩ.

³ Marĩƿũre bũremurĩ merã: “Ĩgũ werenĩrĩ merã i ãmũma ããrĩpereri ããrĩmakũ iridi ããrĩmĩ. Irasirigu iro dupiyuro neõ marĩdeare i ãmũmarẽ ããrĩpereri marĩ dapagora ĩãrĩrẽ iridi ããrĩmĩ”, ãrĩ masĩa.

⁴ Iripoeguemu Abel Marĩƿũre bũremusĩã, ĩgũ ĩũrõ oveja majĩgũrẽ wẽjẽ soepeogu, ĩgũ tĩgũ Caín sĩdea nemorõ sĩdi ããrĩmĩ. Marĩƿũ, Abel ĩgũrẽ bũremurĩrẽ ĩãgũ, ĩgũ sĩdeare: “Õãgorãã”, ãrĩdi ããrĩmĩ. Irasirigu ĩgũrẽ: “Õãgũ ããrĩmĩ”, ãrĩ ĩãdi ããrĩmĩ. Abel iripoegue boadi ããrĩkeremakũ, ĩgũ Marĩƿũre bũremurĩ merã irideare marĩde gũñãa. Irasirirã ĩgũ bũremuderosũta marĩdere Marĩƿũre bũremurõ gããmea.

⁵ Enoc Marĩƿũre bũremusĩã, boabiridi ããrĩmĩ. ĩgũ boabirikeremakũ, Marĩƿũ ĩgũrẽ ãĩmũrĩãkõãdi ããrĩmĩ. Masaka ĩgũrẽ ãmakererã, neõ bokabirinerã ããrĩmã. Marĩƿũya

✧ 10:38 Hab 2.3-4

werenířĩ gojadea pũgue ășũ ăřĩ gojasũdero ăăřĩbũ: “Marĩpũ Enorė ăĩmarĩaburi dupiyuro ășuyari meră ĩadi ăăřĩmĩ”. ⁶ Marĩpũre marĩ bũremumeră ĩgũrė ășuyamakũ irimasĩbea. Ĩgũrė sėrėgũno: “Diayeta ĩgũ Marĩpũgora ăăřĩmĩ”, ăřĩ gũňarõ găămea. “Marĩ ĩgũrė bũremurĩ meră sėrėřĩrė õărõ pėmi”, ăřĩ gũňarõ găămea. Marĩ irire gũňameră ĩgũrė sėrėmasĩbea.

⁷ Noė Marĩpũre bũremusĩă, Marĩpũ ĩgũrė: “Mũ neõ ĩăbiridea meră i nikũ marărė ĩgũsă yũre bũremubiri waja bũro wajamoăgura”, ăřĩdeare bũremudi ăăřĩmĩ. Irasirigũ, Marĩpũ dorederosũta wădiru doódiru iridi ăăřĩmĩ, ĩgũyară meră dia mirĩburire taribu. Marĩpũre bũremusĩă, i nikũ marărė ĩgũsă ĩgũrė bũremubirire masĩmakũ iridi ăăřĩmĩ. Marĩpũ, ĩgũrė bũremumakũ: “Õăgũ ăăřĩmĩ”, ăřĩ ĩadi ăăřĩmĩ.

⁸ Abraham Marĩpũre bũremusĩă: “Gaji nikũ yũ murė sĩburi nikũgue waaka!” ăřĩmakũ pėgũ, ĩgũrė yũjũdi ăăřĩmĩ. “Irogue waagũ irikoa”, ăřĩmasĩbirikeregũ, ĩgũya nikũrė wiriwăgădi ăăřĩmĩ. ⁹ Marĩpũ ĩgũrė: “Iri nikũrė sĩgũra”, ăřĩdeare bũremugũ, iri nikũgue eja, ăăřĩmejăjadi ăăřĩmĩ. Iro ăăřĩmejăjakeregũ, gaji nikũmũ irirosũ surĩ gasiri meră iridea wiiri meră naaunadi ăăřĩmĩ murărõ ăăřĩbirisĩă. Marĩpũ ĩgũ magũ Isaare, ĩgũ parămi Jacore: “Iri nikũrė sĩgũra mũsădere”, ăřĩmakũ, ĩgũsăde Abraham irirosũta iri nikũgue naaunaneră ăăřĩmă. ¹⁰ Abraham iri nikũrė naagũ, makăřĩ iribiridi ăăřĩmĩ. Gaji makăgue Marĩpũ ăăřĩřĩ makăgue ămũgasigue ĩgũ waaburire yũgũ iridi ăăřĩmĩ. Iri makă Marĩpũ iridea makă neõ perebiri makă ăăřă.

¹¹ Abraham marăpo Sara pũră marĩdeo Marĩpũre bũremusĩă, búrogora ăăřĩkerego: “Marĩpũ ăřĩderosũta yũre irigũkumi”, ăřĩ bũremurĩ meră pũrăkũdeo ăăřĩmõ. ¹² Irasirigũ Abraham bũgũrogora ăăřĩkeregũ, Sara meră majĩgũrė pũrăkũdi ăăřĩmĩ. Ĩgũ parămeră ăăřĩturiară wără ăăřĩneră ăăřĩmă. Neňukărė, ĩmipa yerire keo bokatiũňa marĩrõ irirosũ ĩgũsărė keo bokatiũmasĩňa măa.

¹³ Ăăřĩpereră, Marĩpũ ĩgũsărė: “Sĩgũra”, ăřĩdeare neõ opamerăgue boaneră ăăřĩmă. Irire opabirikereră, gũňaturari meră: “Marĩpũ ĩgũ ăřĩderosũta pũrũgue sĩgũkumi gũare”, ăřĩ, ĩgũrė bũremunikõăneră ăăřĩmă. Irasiriră gajirărė: “Gaji nikũ mară irirosũ i nikũgue naară dita ăăřă”, ăřĩ wereneră ăăřĩmă. ¹⁴ Ĩgũsă irirosũta irire ăřĩrăno, gaji nikũ, ĩgũsăya nikũ ăăřĩburire ămară yăma. Irire õărõ masĩa marĩ. ¹⁵ Marĩ ñekũsămară: “Gaji nikũ mară ăăřă”, ăřĩră, ĩgũsă bėowăgădea nikũrė gũňabirineră ăăřĩmă. Irasũ ăřĩ gũňară, goedujaakõăboneră ăăřĩmă. ¹⁶ I nikũ nemorõ ămũgasigue õăřĩ nikũ gapũre: “Bũro waadũakoa”, ăřĩ gũňaneră ăăřĩmă. Irasirigũ Marĩpũ ĩgũsă ĩgũrė: “Gũa Opũ ăăřĩmĩ”, ăřĩmakũ pėgũ, gũyasĩřĩrĩ marĩrõ: “Ĩgũsă Opũ ăăřă”, ăřĩdi ăăřĩmĩ. Ĩgũ pũro ĩgũsăya makă ăăřĩburore ămubosasiadi ăăřĩmĩ.

¹⁷ Marĩpũ Abrahărė: “¿Diayeta yũre bũremugũ yări?” ăřĩ gũňagũ, ĩgũrė: “Yũ ĩũrõ mũ magũ Isaare wějė soepeoka!” ăřĩdi ăăřĩmĩ. Abraham gapũ Marĩpũre bũremusĩă: “Neõ yũ magũ sugũ ăăřĩgũrė wějė soepeobirikoa”, ăřĩbiridi ăăřĩmĩ. ¹⁸ Iro dupiyurogue Marĩpũ ĩgũrė: “Mũ magũ Isaac meră mũ parămeră ăăřĩturiarărė opagũkoa”, ăřĩsũdi ăăřĩkeregũ, Abraham Marĩpũre: “Yũ magũrė neõ wějė soepeobirikoa”, ăřĩbiridi ăăřĩmĩ. ¹⁹ Abraham: “Marĩpũ ĩgũ turari meră boanerărė masũmasĩsĩă, yũ magũrė wějėkeremakũ, masũgũkumi”, ăřĩ gũňadi ăăřĩmĩ. Irasirigũ, Marĩpũ Abrahărė kămutagu: “Mũ magũrė wějėbirikõăka!” ăřĩdi ăăřĩmĩ. Irasiriră ire masĩa. Abraham ĩgũ magũrė boadigue masădi irirosũ dupaturi opadi ăăřĩmĩ.

²⁰ Isaac Marĩpũre bũremusĩă, ĩgũ pũră Jacore, Esaũre: “Pũrũgue Marĩpũ mũsărė õărõ irigũkumi”, ăřĩdi ăăřĩmĩ.

²¹ Jacob Marĩpũre bũremusĩă, ĩgũ boaburo dupiyurogă ĩgũ tuadi meră tuawăgănũgăja, Marĩpũre sėrė bũremudi ăăřĩmĩ. Irasirigũ ĩgũ magũ Josė pũrărė: “Marĩpũ mũsărė õărõ iritamuburo”, ăřĩdi ăăřĩmĩ.

²² José Marĩpũre bũremusĩã, ĩgũ boaburo dupiyurogã ĩgũ pũrãrẽ ãsũ ãrĩ weredi ããrĩmĩ: “Marĩ parãmerã ããrĩturiarã Egiptogue ããrĩrã pũrũ wirirãkuma”, ãrĩdi ããrĩmĩ. “Irore wirirã, yaa gõãrĩrẽ ããburo, ĩgũsã ejari nikũgue yãamurã”, ãrĩdi ããrĩmĩ.

²³ Moisés pagũsãmarã Marĩpũre bũremusĩã, Moisés deyoadero pũrũ, ĩgũ õãgũ ããrĩmakũ ĩãrã, Ɂrerã abegora ĩgũrẽ duripĩnerã ããrĩmã. Egipto marã opũ: “Israel bumarã majĩrã ãmarẽ wẽjẽburo”, ãrĩ doregũ ããrĩdi ããrĩmĩ. Moisés pagũsãmarã gapũ: “Marĩpũ marĩrẽ iritamugũkumi”, ãrĩ gũñarã, iri dorerire gũiri marĩrõ tarinũgãnerã ããrĩmã. ²⁴ Pũrũ Moisés Egipto marã opũ magõ masũdi ããrĩkeregũ, Marĩpũre bũremusĩã: “Igo magũ ããrĩmĩ”, ĩgũsã ããrĩmakũ pẽduabiridi ããrĩmĩ. ²⁵ ãsũ gapũ iridũadi ããrĩmĩ. Marĩpũyarã Israel bumarã merã ñerõ taridũadi ããrĩmĩ. Egipto marã merã wãri opakeregũ, ĩgũsã merã ããrĩduabiridi ããrĩmĩ. ĩgũsã ñerĩ iriri gapũ iridũabiridi ããrĩmĩ. ²⁶ Irasirigũ ñerõ tarikeregũ, Egipto marã opari nemorõ Cristo Marĩpũ iriubuyarã merã ñerõ tariburire suyudi ããrĩmĩ. Pũrũgue Marĩpũ ĩgũrẽ õãrĩrẽ sĩburire masĩgũ, ĩgũsã merã ñerõ taridũadi ããrĩmĩ. ²⁷ Moisés Marĩpũre bũremusĩã, Egipto marã opũ ĩgũ merã guamakũ ĩãgũ: “Marĩpũ yũre iritamugũkumi”, ãrĩ, irore ããrĩdi gũiri marĩrõ wiridi ããrĩmĩ. Irasirigũ Marĩpũ deyomarĩgũrẽ ĩãgũ irirosũ ĩgũ: “Marĩpũ iritamurĩ merã ãsũ irigũra”, ãrĩrĩrẽ neõ gorawayuro marĩrõ iridi ããrĩmĩ.

²⁸ Moisés Marĩpũre bũremusĩã, Israel bumarãrẽ Egiptogue ããrĩrãrẽ ãĩwiuburi dupiyuro pascua wãĩkũri bosenu iripũroridi ããrĩmĩ. Irasirigũ Marĩpũ dorederosũta Moisés Israel bumarãrẽ oveja majĩrãrẽ wẽjẽdore, ĩgũsãya dí merã makãpũrorire wãkãdoredi ããrĩmĩ. Irire ĩãgũ, Marĩpũre wereboegũ Egipto marã masã tĩrã ãmarẽ wẽjẽgũ, Israel bumarã masã tĩrã gapũre wẽjẽbiridi ããrĩmĩ. ²⁹ Israel bumarã Marĩpũre bũremusĩã, dia wãdiya deko diidiya deko dukawanũgãdea maa bojoñajãri maarẽ taribujanerã ããrĩmã. ĩgũsã irasũ taribujamakũ ĩãrã, Egipto marã gapũ ĩgũsãrẽ tũya taribujanerã, mirĩ boakõãnerã ããrĩmã.

³⁰ Israel bumarã Marĩpũre bũremusĩã, Jericó tũroma sãrĩrõrẽ ãtã majĩrĩ merã iridea sãrĩrõrẽ su mojõma pere gaji mojõ peru pẽrẽbejarinurĩ iri makãrẽ ĩgũsã gãmegorodero pũrũ, iri sãrĩrõ meẽmejãdero ããrĩbũ. ³¹ Iro dupiyuro iri makãmo ãma merã ñerõ irideo, Rahab wãĩkũgo Marĩpũre bũremusĩã, Israel bumarã iri makãrẽ ĩãdurirã ejarãrẽ iritamudeo ããrĩmõ. Irasirigo iri makã marã Marĩpũ dorerire tarinũgãrã merã boabirideo ããrĩmõ.

³² ¿Ñeẽnorẽ werenemogũkuri yũ? Gajirã Marĩpũre bũremurã: Gedeõn, Barac, Sansõn, Jeftẽ, David, Samuel irideare, irasũ ããrĩmakũ Marĩpũya kerere weredupiyunerã irideare weregũ, werepeobiribukoa. ³³ ĩgũsã Marĩpũre bũremusĩã, gaji nikũgue ããrĩrĩ makãrĩ marãrẽ gãmewẽjẽ, tarinũgãnerã ããrĩmã. ĩgũsãyarã masakare diaye dorenerã ããrĩmã. Marĩpũ: “Mũsãrẽ õãrõ iritamugũra”, ãrĩderosũta ĩgũsãrẽ õãrõ iritamudi ããrĩmĩ. Eõkayea ĩgũsãrẽ baabonerãrẽ disirire biamakũ irinerã ããrĩmã. ³⁴ Surãyeri peame bũro asirogue bẽosũkererã, ãjũbirinerã ããrĩmã. Gajirã, sareri majĩrĩ merã sare wẽjẽduamakũ, tarinerã ããrĩmã. Turamerã ããrĩkererã, Marĩpũre bũremusĩã, turarã waanerã ããrĩmã. Irasirirã gaji nikũ marã ĩgũsãrẽ ĩãturirãrẽ gãmewẽjẽ tarinũgãnerã ããrĩmã. ³⁵ Surãyeri nome ĩgũsãyarã boanerãgue dupaturi okamakũ ĩãnerã ããrĩmã.

Gajirã Marĩpũre ĩgũsã bũremurĩrẽ piridũabiri waja peresugue bũro ñerõ iribirari merã boanerã ããrĩmã. ĩgũsã pũrũgue masã, Marĩpũ merã ãmũgasigue õãrõ ããrĩburire gããmesĩã, ĩgũrẽ bũremurĩrẽ piridũabirinerã ããrĩmã. ³⁶ Gajirã Marĩpũre bũremurã, bũridari merã bũro tãrãsũnerã ããrĩmã. Gajirã ĩgũsãya guburi, mojõrĩrẽ kõme dari merã sua, peresugue biadobosũnerã ããrĩmã. ³⁷ Gajirã ãtãyeri merã dea wẽjẽsũnerã ããrĩmã. Gajirã ĩgũsãya dũpũre wiiri merã wiritã wẽjẽsũnerã ããrĩmã. Gajirã sareri majĩrĩ merã wẽjẽsũnerã ããrĩmã. Gajirã surĩ marĩrã, oveja gasiri, cabra gasiri merã surikũrã waagorenanerã ããrĩmã. Bũro boporo tarinerã ããrĩmã. ³⁸ I nikũgue ããrĩkererã, i nikũ marã ñerã irirosũ neõ ããrĩbirinerã ããrĩmã. Oãrã ããrĩnerã ããrĩmã. Surãyeri wiiri marĩrã, masaka marĩrõgue,

ūtāyukugue waagorenanerā āārīmá. Ʋtāyukugue āārīrī goberigue, yebague āārīrī gob-eriguedere kārīgorenanerā āārīmá. ³⁹ Marīpɥ ĩgūrē bɥremurārē āārīpererārē: “Ōārō yáma”, ārī ĩādi āārīmí. ĩgūrē ōārō bɥremukererā, ĩgū āārīpereri ĩgūsārē: “Āsū irigura”, ārīdeare ĩgūsā boaburi dupiyuro bokabirinerā āārīmá dapa. ⁴⁰ Marīpɥ āsū ārī gūñasiadi āārīmí: “ĩgūsārē, pɥrɥgue marā yɥre bɥremurādere suro merā yɥ merā ōārō āārīmakū irigura”, ārīdi āārīmí. ĩgū ārīderosūta irigukumi. Irasiro ĩgū iro dupiyuro iridero nemorō, ĩgū Jesucristo merā iridea ĩgūsārē, marīdere ōātariro āārīrokoa.

12

Jesúre ĩākū ĩgūñanídorerimarē gojadea

¹ Iripoegue marā wárā yɥ werenerā ĩgūsā iridea merā ĩgūsā Marīpɥre bɥremurīrē ĩmunerā āārīmá. Irasirirā marī, ĩgūsā ĩānīgāmegorosūrā irirosū sugɥ ũma birarimasū ōārō ũmaduagu āārīpereri nukūrīrē pirirosū, ōārō iriduarā āārīpereri ñerō iririre piriro gāamea. Irire pirirā, Marīpɥ gāamederosūta ōārī gapɥre gūñaturari merā iriwāgānīkōārō gāamea. ² Irasirirā Jesúre ĩākū ĩgūñanīkōārā! ĩgūta marīrē Marīpɥre bɥremunugāmakū iridi, marīrē piriro marīrō ĩgūrē bɥremuwāgānīkōāmakū irigɥ āārīmí. Bɥro poyari merā ñegū irirosū curusague boagu, gɥyasīrībodi āārīkeregɥ, ĩgū pɥrɥgue ɥsɥyaburire masīsā, gɥyasīrībiriidi āārīmí. Masā mɥrīadero pɥrɥ, dorebu Marīpɥ diaye gapɥ doadi āārīmí.

³ Irasirirā Jesús waadeare gūñaka! Ñerā ĩgūrē bɥro ñerō tarimakū irinerā āārīmá. Irasirirā mɥsāde ñerō tarirā, ōārō yɥjɥpūrāku, piriro marīrō ĩgūrē gūñaturanīkōāka! ⁴ Ñerā ñerīrē iridorerire mɥsā tarinugāduamakū ĩārā, mɥsārē wējēñabema dapa. ⁵ ¿Marīpɥ mɥsārē ĩgū pūrārē weredeare kātiakōārī? ĩgūya werenírī gojadea pūgue āsū ārīdi āārīmí: Yɥ magū, yɥ mɥ Opɥ, mɥrē ōārō iriburo, ārīgū, wajamoārīrē pémasīka! Mɥrē: “Ñerīrē iropata irika!” ārīmakū pégu, bujawerebirikōāka!

⁶ Āsū āārā. Yɥ maīrārē: “Ñerīrē irimerāta!” ārī, pūrīrō páro irirosū werea. Yɥ pūrā āārīpererārē wajamoāa ōārō iridoregu, ārīdi āārīmí.*

⁷ Marīpɥ mɥsārē wajamoāmakū ĩārā, ĩgūrē ōārō yɥjuka! Sugɥ pagɥ ĩgū magū ñerō irimakū ĩāgū, ĩgūrē wajamoākumi. Irasūta Marīpɥ, marī ñerō irimakū ĩāgū, marīrē ĩgū pūrārē pūrīrō páro irirosū weregukumi ōārō iriburo, ārīgū. ⁸ Marīpɥ āārīpererā ĩgū pūrārē ĩgūsā ñerō iridea waja pūrīrō páro irirosū weremi. ĩgū werebirimakū, mɥsā ĩgū pūrā āārībiribukoa. Pagɥ marīrā, ñerō irisīā bokasūnerā irirosū āārībukoa. ⁹ Marī majīrā āārīmakū, marī pagɥsāmarā marī ñerō iriri waja pūrīrō páro irirosū weremakū, ĩgūsārē bɥremubɥ. Irasirirā marī pagɥsāmarārē bɥremurī merā yɥjɥro nemorō, Marīpɥ ũmugasigue āārīgūrē bɥremurī merā ōārō yɥjɥro gāamea. ĩgūrē bɥremurā, ĩgū merā ōārō āārīrākoa. ¹⁰ Marī ñerō irimakū, marī pagɥsāmarā ĩgūsā gāamerōsū yoabiripoe wajamoāma. Marīpɥ gapɥ diayema merā wajamoāmi, marīrē ĩgū irirosū ōārā āārīmakū irigɥ. ¹¹ Diayeta āārā. Marīpɥ marīrē wajamoāmakū, ɥsɥyabea. Marī bujawerekererā, ĩgū marīrē wajamoādero pɥrɥ, marī ĩgūrē ōārō yɥjɥrā, diayema iririre iri, ĩgū merā siñajārī oparākoa.

Marīpɥ werenírīrē péduabirimakū gogoráa marīrē, ārī gojadea

¹² Irasirirā mɥsā Marīpɥre bɥremuturamerā āārībirikōāka! ĩgūrē ōārō gūñaturanemoka! ĩgūyare piriro marīrō ōārō iritɥyaka! ¹³ Ōārō diayema irika! Gajirā Marīpɥre gūñaturamerā, mɥsā irasirimakū ĩākūrā, gūñaturari merā ĩgūyare iritɥyarākuma.

¹⁴ Āārīpererā masaka merā gāmekēārō marīrō ōārō āārīrikuka! Ñerō iriro marīrō āārīka! Ñerī marīrā dita marī Opɥ Jesucristore ĩārākuma. ¹⁵ Ōārō pémasīka! Marīpɥ mɥsārē iritamurīrē: “Gāamebirikoa”, ārībirikōāka! Ñerī tá puri masā, ōārī oteri gapɥre

* 12:6 Job 5.17; Pr 3.11-12

poyanorẽrokoa. Musãde ñerĩrẽ irirã, gajirãrẽ poyanorẽrãkoa. Irasirirã ñerĩrẽ iribirikõãka!
¹⁶ Sugũ Ìgũ marãpo ããrĩbeo merã, neõ sugo ìgo marãpũ ããrĩbi merã ñerõ iribirikõãburo. Marĩpũyadere gããmemerã irirosũ neõ ããrĩbirikõãka! Iripoeguemũ Esau Marĩpũyare gããmebiridi ããrĩmĩ. Ìgũ masã tĩgũ ããrĩsĩã, Ìgũ pagũyare Ìgũ boadero purũ opabu ããrĩkeregũ, sunũ burũ uaboa, baari merã Ìgũ pagũmurẽ Ìgũ opabodeare gorawayudi ããrĩmĩ. ¹⁷ Ìgũ irasiridero purũ waadeare masĩa musã. Esau, Ìgũ pagũ Ìgũrẽ: “Yũ sĩburi merã õãrõ ããrĩgũkoa”, ãrĩburire pẽduakeremakũ, Ìgũ pagũ gapũ Ìgũrẽ: “Mũ pagũmurẽ sĩsiabu irire”, ãrĩdi ããrĩmĩ. Ìgũ irasũ ãrĩmakũ pẽgũ, Esau burũ oreri merã Ìgũ pagũre: “Sĩka yare!” ãrĩ sẽrẽkeregũ, Ìgũ pagũ Ìgũrẽ sĩmakũ neõ irimasĩbiridi ããrĩmĩ.

¹⁸ Marĩpũ Ìgũ dorerire Moisere pĩmakũguere marĩ ñekũsãmarã Israel bumarã Marĩpũ ããrĩrõgue ejanũgãmakũ goegoradero ããrĩbũ. Dapagorare musã gapũre irasũ ããrĩbea. Marĩpũ Ìgũ dorerire Moisere pĩgũ, Sinai wãikũdi ùtãũgue ããrĩdi ããrĩmĩ. Irasiriro irogue Ìgũsã ejanũgãburipoe iri ùtãũguere peame burũ ùjãrõ, naĩtĩãrõ, ñĩmikãyebori, mirũ burũ wẽjãpuro ããrĩdero ããrĩbũ. ¹⁹⁻²⁰ Irogue puriduru burũ busumakũ penerã ããrĩmã. Purũ Marĩpũ Ìgũsãrẽ werenĩmakũ penerã ããrĩmã. Marĩpũ goero merã ãsũ ãrĩdi ããrĩmĩ Ìgũsãrẽ: “Iri ùtãũrẽ ñapeorãnorẽ ùtãyeri merã dea wẽjẽka, o sareri majĩ merã sare wẽjẽka!” ãrĩdi ããrĩmĩ. “Waimũradere irasũta irika!” ãrĩdi ããrĩmĩ. Ìgũ irasũ ãrĩ werenĩmakũ pẽrã, gũiri merã Moisere: “Iropata guare wereburo”, ãrĩ, burũ sẽrẽnerã ããrĩmã. ²¹ Moisès ããrĩpererire ùtãũguere goero ããrĩrĩrẽ Ìãgũ: “Burũ gũiri merã naradagũ yãa”, ãrĩdi ããrĩmĩ.

²² Musã gapũ iripoegue marã Sinai wãikũdi ùtãũgue ejanũgãnerã irirosũ ããrĩbea. Æmũgasigue Marĩpũ ããrĩrõgue Sion wãikũdi ùtãũgue mũrĩjarosũ diaye Ìgũ merã werenĩmasĩa. Irogue Marĩpũ okanĩgũya makã, Jerusalen wãikũri makã ããrã. Irogue Marĩpũ wereboerã wãrãgora ããrĩma. ²³ Ìgũsã usuyari merã nerẽrã, Marĩpũre: “Õãtaria mũ”, ãrĩ buremuma. Irogue Marĩpũ pũrãde ùmũgasima gojadea pũgueta Ìgũsã wãrẽ gojatúsũnerã nerẽma. Marĩpũ ããrĩpererã iririre: “I gapũ õãa, i gapũ õãbea”, ãrĩ weregũ ããrĩmĩ. Marĩde Ìgũ merã õãrõ ããrã. Irasirirã irogue marã merã nerẽrãsũta ããrã. Marĩpũ Ìgũsãrẽta ñerĩ opamerã ããrĩmakũ irisiadi ããrĩmĩ. ²⁴ Marĩ Jesũre buremurã ããrã. Iripoegue Marĩpũ marĩrẽ: “Õãrõ irigũra”, ãrĩ werepĩdi ããrĩmĩ. Ìgũ irasũ ãrĩ werepĩderosũta Jesũs iridi ããrĩmĩ. Ìgũya díre bẽo boadea merã marĩrẽ taudi ããrĩmĩ. Iripoeguemũ Abel Ìgũya dí bẽodeare Ìãgũ, Marĩpũ Ìgũrẽ wẽjẽdire wajamoãdi ããrĩmĩ. Jesucristoya dí bẽodea gapũre Ìãgũ, marĩrẽ waja opamerã ããrĩmakũ iridi ããrĩmĩ. Irasiriro Cristo dí bẽodea, Abel dí bẽodea nemorõ wajakũa.

²⁵ Irasirirã õãrõ pẽmasĩka! Marĩpũyare weregũre pẽduamerã irirosũ ããrĩbirikõãka! Iripoegue i nikũmũ Moisès Marĩpũyare weremakũ pẽrã, wãrã irire pẽduabirinerã ããrĩmã. Ìgũsã irire pẽduabiridea waja Marĩpũ Ìgũsãrẽ wajamoãdi ããrĩmĩ. Ìgũsã nemorõ Cristore pẽduamerã gapũre burũ wajamoãgũkumi. Cristo ùmũgasiguemũ Marĩpũyare weregũ ããrĩmĩ. ²⁶ Iripoegue Marĩpũ Ìgũ dorerire Moisere pĩgũ, Ìgũ werenĩrĩ merã nikũ ñomemakũ iridi ããrĩmĩ. Dapagorare ãsũ ãrĩmĩ: “Sunũ i nikũ ñomemakũ irigũ, suñarõta gajino irinemogũra. I nikũ dita ñomemakũ iribi meta ããrĩgũkoa. Æmũgasiguedere ñomemakũ irigũra”, ãrĩmĩ. ²⁷ “Sunũ i nikũ ñomemakũ irigũ, suñarõta gajino irinemogũra”, ãrĩgũ: “Ããrĩpereri yũ irideare bẽogũkoa”, ãrĩgũ yãmi. Ìgũyarãrẽ doregũ ããrĩrĩ gapũre bẽobirikumi. Irasiriro Ìgũ irideare bẽomakũ, Ìgũyarãrẽ doregũ ããrĩrĩ dita dujarokoa. ²⁸ Marĩpũ Ìgũyarãrẽ dorerogue marĩrẽ Ìgũ merã ããrĩmakũ irigũkumi. Irasirirã Ìgũyarãrẽ doregũ ããrĩrĩrẽ bẽosũbirimakũ Ìãrã, Marĩpũre: “Mũ merã usuyãa”, ãrĩrõ gããmea. Irasirirã buremurĩ, gopeyaro merã Ìgũyare iritũyaro gããmea. Irasũ irirã, marĩ Ìgũrẽ usuyamakũ irirãkoa. ²⁹ Peame ùjãrõ goerosũ Marĩpũ goero wajamoãgũ ããrĩmĩ. Irasirirã Ìgũrẽ gopeyaro merã buremurã!

13

Marĩpũ suyuri ditare iriro gããmea, ãrĩ gojadea

¹ Marĩ Jesucristore bũremurã sugũ pũrã irirosũ ããrã. Irasirirã gãme maĩrĩrẽ neõ piribirikõãka! ² Musã pũro ejarãrẽ õãrõ merã musãya wiirigue ñajãridoreka! Irire kãtibirikõãka! Iripoegue gajirã irasirirã, Marĩpũre wereboerãrẽ ãgũsãya wiigue ñajãdorenerã ããrĩmã. “Marĩpũre wereboerã ããrĩmã”, ãrĩmasĩbirinerã ããrĩmã.

³ Peresugue ããrĩrãrẽ bopoñarĩ merã gãñaka! ãgũsã merã peresugue ããrĩrã irirosũ pẽñaka! Gajirã ñerõ tarirãdere bopoñarĩ merã gãñaka! ãgũsã merã musãde ñerõ tarirã irirosũ pẽñaka! Iritamuka ãgũsãrẽ!

⁴ ããrĩpererã marãpokũrã, marãpũkũrã gãme gopeyari merã iãburo. Ũma ãgũsã marãposã nome merã õãrõ ããrĩrikũburo. Nomedede ãgũsã marãpũsãmarã merã õãrõ ããrĩrikũburo. Marãpũ marĩrã, marãpũkũrãde gajirã ũma merã ñerõ irimakũ iãgũ, marãpo marĩrã, marãpokũrãde gajirã nome merã ñerõ irimakũ iãgũ, Marĩpũ ãgũsãrẽ wajamoãgũkumi.

⁵ Niyerure maĩbirikõãka! Musã opari merã usũyaka! Marĩpũ ãsũ ãrĩdi ããrĩmĩ: “Musãrẽ neõ béobirikoã. Musã merã ããrĩnĩgũkoã musãrẽ iritamubu”, ãrĩdi ããrĩmĩ. ⁶ Irasirirã gãñaturari merã ãsũ ãrĩ masĩa:

Marĩ Opũ yũre iritamugũ ããrĩmi. Neõ sugũ masakũ yũre ñerõ iridũarire gãũbea, ãrĩ masĩa.✧

⁷ Musãrẽ õãrõ siiu, Marĩpũya kerere werenerãrẽ gãñaka! ãgũsã okaro bokatĩũrõ õãrõ ããrĩrikũdeare gãñaka! Irasũ gãñarã, Jesucristore ãgũsã bũremuderosũta musãde bũremuka!

⁸ Jesucristo marĩrẽ iritamugũ, neõ gorawayubirikumi. Iripoegue, dapagoradere, pũrũguedere ãgũ ããrĩderosũta ããrĩnikõãgũkumi. ⁹ Gajirã gajirosũ buerire pẽnemobirikõãka, Marĩpũya diayema buerire béori, ãrĩrã! ãgũsã marĩrẽ: “Ire baaka! I gapũre baabirikõãka!” ãrĩ buemoãmakõãma. Iri buerire tũyamakũ marĩrẽ iritamubea. Marĩpũyare marĩrẽ gãñaturamakũ iribeã. Marĩpũ dita ãgũ marĩrẽ maĩrĩ merã marĩrẽ gãñaturamakũ yãmi.

¹⁰ Iripoegue Marĩpũya wiigue paía waimũrãrẽ wẽjẽ soepeonerã ããrĩmã. Irasirikererã, iri merã masakare ãgũsã ñerõ iridea wajare neõ taumasĩbirinerã ããrĩmã. Jesucristo gapũ ãgũ boari merã marĩ ñerõ iridea wajare taudi ããrĩmĩ. ¹¹ Paía opũ waimũrã wẽjẽ, Marĩpũ ããrĩrĩ taribugorague ãgũsãya díre ãĩ ñajãdi ããrĩmĩ. Irogue Marĩpũre masaka ãgũsã ñerõ iridea wajare: “Béoka!” ãrĩ sãrẽbosadi ããrĩmĩ. ãgũ wẽjẽnerã waimũrãya dũpũri gapũre makã tũrogue soebéokõãdi ããrĩmĩ. ¹² Irire iriderosũta Jesúdere makã tũrogue wẽjẽbéonerã ããrĩmã. Irasirikerekũ, ãgũya dí béori merã marĩrẽ waja opamerã ããrĩmakũ iridi ããrĩmĩ. ¹³ Jesús makã tũrogue curusague boari: “Gũyasĩũgorãa”, ãrĩsũdero ããrĩbũ. ãgũ boamakũ, masaka ãgũrẽ turi, bũridanerã ããrĩmã. ãgũrẽ irasiriderosũta masaka marĩdere turi, bũridakeremakũ, piriro marĩrõ ãgũrẽ tũyaro gããmea. ¹⁴ I nikũgue marĩ ããrĩburi makã máa. Gaji makã, marĩ pũrũgue ããrĩburi makãrẽ ũmũgasima makãrẽ yũrã yãa. ¹⁵ Irasirirã Jesucristo iritamurĩ merã Marĩpũre bũremurã, iro dupiyuro ãgũrẽ gajino sũnaderosũ, dapagorague ãgũrẽ usũyari sĩnikõãrã! ãgũrẽ: “Gũapũ, õãtarigu ããrã”, ãrĩ bũremurã! ¹⁶ Gajirãrẽ õãrõ irika! Musã oparire opamerãrẽ guereka! Irire kãtibirikõãka! Musã irasirirã, Marĩpũre sĩrã irirosũ irirãkoã. ãgũrẽ usũyamakũ irirãkoã.

¹⁷ Musã oparãrẽ õãrõ péka! ãgũsã dorerire bũremurĩ merã iritũyaka! Marĩpũ pídi ããrĩmĩ, ãgũsãrẽ musãrẽ õãrõ koredoregũ. Irasirirã musãrẽ ãgũyare õãrõ buenikõãma, ãgũrẽ bũremurĩrẽ piribirikõãburo, ãrĩrã. Pũrũgue Marĩpũ ãgũsãrẽ: “Wereka yũre! ¿Naásũ bueri?” ãrĩ sãrẽñamakũ, ãgũrẽ yũjũrãkuma. Irire masĩsĩã, õãrõ buedũama. Irasirirã

✧ 13:6 Sal 56.3-4, 9-11; 118.6

ĭgŭsā buerire mŭsā ōārō pémakŭ, ŭsuyari merā moārākuma. Mŭsā pébirimakŭ gapu bŭjawererākuma. Mŭsā ĭgŭsārē tarinŭgārā, ōārō āārīrikubirikoa.

¹⁸ Mŭsā Marīpure sērērā, gŭaya āārīburire sērēbosanīka! Gŭa ōārī ditare iridŭáa. Marīpu ĭūrō: “Ōārīrē irirā, waja opamerā āārā”, ārī péńáa. ¹⁹ Yŭre Marīpure sērēbosarā, āsŭ ārī sērēka: “Mérōgā pŭrŭta ĭgŭ gŭa pŭroque dupaturi aariburire āmuka!” ārī sērēka!

Ōādoretŭnudea

²⁰ Marīpu marīrē ĭgŭ merā ōārō sińajārī sĭgŭ marī Opŭ Jesucristo boadiguere masŭdi āārīmí. Jesucristo ovejare korerimasŭ irirosŭ marīrē ōārō koregŭ āārīmi. Iripoegue Marīpu marīrē: “Ōārō irigura”, ārī werepídi āārīmí. ĭgŭ werepídeare Jesús boagŭ ĭgŭya dí béodea merā marīrē iriyuwarikŭdi āārīmí. Irire neō béobirikumi. ²¹ Irasirigŭ Marīpu mŭsārē iritamuníkŭāburo. Iri iritamunírī merā āārīpereri ōārīrē, ĭgŭ gāāmerī ditare irimakŭ iriburo. ĭgŭ gāāmerōsŭta Jesucristo merā marī āārīpererārē irasiriburo. Irasirirā Cristore: “Ōātaria mŭ”, ārī bŭremuníkŭāārā! Irasŭta irirā!

²² Yaarā, i pŭgue yŭ mŭsārē: “Āsŭ irika!” ārī gojarire ōārō merā péka! Yŭ mŭsārē wárigora gojabodi āārīkeregŭ, mérĭgā were gojabŭ. Irasirirā irire ōārō bueka! ²³ Idere mŭsārē weregŭra. Marīyagŭ Timoteore peresugue āārādire wĭuańurā. Dapagorare ĭgŭ aarimakŭ, yŭ ĭgŭ merā mŭsārē ĭāgŭ waagŭra.

²⁴ Mŭsā oparārē, gajirā Jesucristore bŭremurārē āārīpererā iro āārīrārē ōādorea gŭa. Gŭa merāmarā Italia marā mŭsārē ōādorema.

²⁵ Marīpu mŭsā āārīpererārē ōārō iritamuburo. Irasŭta iriburo.

Iropata āārā.

SANTIAGO

Santiago Marĩpũyarã ããĩpererogue waasirinerãrẽ gojadea

¹ Yũ Santiago i pũ merã mũsãrẽ õãdorea. Yũ Marĩpũre, irasũ ããĩmakũ marĩ Opũ Jesucristore moãboegũ ããrã. Mũsãrẽ Israel bumarãrẽ pe mojõma pere su gubu peru pẽrẽbejari buri marãrẽ ããĩpererogue waasirinerãrẽ gojáa.

Marĩpũ masĩrĩ sĩrĩmarẽ gojadea

² Yaarã, mũsãrẽ wári gajirosũperi ñerĩ waamakũ, gajipoe gũñaña marĩrõ ñerõ tarirã, õãrõ usuyari merã ããĩnikõãka! ³ Mũsã ire masĩa. Ñerõ tarirã: “Marĩpũ yũre iritamugukumi”, ãrĩ bũremurĩrẽ pirimerã, gũñaturari merã ãgũrẽ bũremunemorãkoa. ⁴ Mũsãrẽ Marĩpũre bũremurĩrẽ neõ piriro marĩrõ gũñaturanĩkõãrõ gããmea. Gũñaturanĩrã, õãrõ pémasĩrã, Marĩpũ ãgũ masĩrĩ sĩrĩrẽ oparã ããĩrãkoa.

⁵ Mũsã masĩrĩrẽ opamerã, Marĩpũre sẽrẽka! Mũsã sẽrẽmakũ pégu, mũsãrẽ sĩgukumi. Neõ turiro marĩrõ merã ããĩpererã ãgũrẽ sẽrẽrãrẽ wári masĩrĩ sĩgukumi. ⁶ Irasirirã irire sẽrẽrã: “¿Yũre sĩgukuri?” ãrĩ gũñamerãta bũremurĩ merã sẽrẽka! Sugũ: “¿Yũre sĩgukuri, o sĩbirikuri?” ãrĩ gũñarikugũ, dia wádiyama makũrĩ gorawayuro irirosũ ãgũ gũñarĩrẽ gorawayunakumi. ⁷ Irasirigũ: “¿Yũre sĩgukuri, o sĩbirikuri?” ãrĩ gũñagũ: “Marĩ Opũre sẽrẽrĩrẽ opagũkoa”, neõ ãrĩ gũñabirikõãburo. ⁸ Sunũrẽ gajirosũ, gajinũrẽ gajirosũ gũñami. Irasirigũ: “Ãsũ irigũra”, ãrĩ gũñabirisĩã, keoro neõ irimasĩbemi.

⁹ Sugũ ubu ããĩgũ ããĩkeregũ, Jesũre bũremusĩã, Marĩpũ ãũrõrẽ ubu ããĩgũ meta ããĩmi. ãgũyagũ ããĩmi. Irasirigũ usuyaburo. ¹⁰ Gajigũ wári doebiri opagũ, ãgũya doebiri peremakũ ããkeregũ, Jesũre bũremusĩã, usuyaburo. Marĩpũ ãũrõrẽ ãgũya doebiri ubu ããĩrĩ ããrã. Tá goori irirosũ pererokoa. ¹¹ Abe mũrĩja, bũro asimakũ, tá ñãã, iri gooride ñããdijakoa. Iri goori õãrĩ ããĩkerero, pereakõãkoa. ãsũta waakoa doebiri opagũre. ãgũ moãrĩ merãta boakumi.

Ñerõ taririre, irasũ ããĩmakũ ñerõ iridũarire gojadea

¹² Jesũre bũremugũ ñerõ tarikeregũ: “Marĩpũ yũre iritamugukumi”, ãrĩ bũremurĩrẽ piribi, usuyami. ãgũ gũñaturari merã tariwerederõ pũrũ, Marĩpũ ãgũrẽ: “Õãrõ irimi”, ãrĩgukumi. Irasirigũ ãgũrẽ ãmũgasigue perebiri okari sĩgukumi*. ããĩpererã ãgũrẽ maĩrãrẽ: “Iri okarire sĩgũra”, ãrĩdi ããĩmĩ. ¹³ Sugũ ñerĩrẽ iridũagũ: “Marĩpũ yũre ñerõ iridũamakũ yãmi”, ãrĩ gũñabirikõãburo. Marĩpũ neõ ñerĩrẽ iridũabemi. Irasũ ããĩmakũ, neõ marĩrẽ ñerõ iridũamakũ iribemi. ¹⁴ ãsũ gapũ ããrã. Masaka ãgũsã ñerĩ ãaribejari gũñarĩrẽ piribirimakũ, iri gũñarĩ ãgũsãrẽ ñerõ iridũamakũ yãa. ¹⁵ Irasirirã ãgũsã ñerĩ ãaribejari gũñarĩrẽ pirimerã, pũrũ iri ñerĩ ãaribejarire irirãkuma. Iri ñerĩ iririre pirimerã, pũrũ perebiri peamegue waarãkuma.

¹⁶ Yaarã yũ maĩrã, diayeta gũñaka! “Marĩpũ yũre ñerõ iridũamakũ yãmi”, neõ ãrĩ gũñabirikõãka! ¹⁷ Marĩpũ ãmũgasigue ããĩgũ marĩrẽ õãrĩ, diayema ditare sĩmi. ãgũ abe ãmũmũrẽ, ñamimũrẽ, neñukãdere iridi ããĩmi. Neõ gorawayubemi. Irasirigũ ãgũ ããĩderosũta ããĩnikõãgukumi. ¹⁸ ãgũ gããmederosũta ãgũya kere diayema ããĩrĩ merã marĩrẽ ãgũyarã ããĩmakũ iridi ããĩmĩ, ãgũ pũrã ããĩpũroriburo, ãrĩgũ.

Marĩpũya kerere pérã, ãgũ dorerosũta irika! ãrĩ gojadea

* **1:12** Sugũ ãma birarimasã gajirã nemorõ õãrõ ãmagũ, olivo wãikãdima pũrĩ merã iridea berore wajatakumi. Masaka iri berore ãgũya dipurugue peokuma, gajirãrẽ ãgũ wãjatadeare ãmũrã. I irirosũ, sugũ Jesũre bũremugũ ñerõ tarikeregũ: “Marĩpũ yũre iritamugukumi”, ãrĩ bũremurĩrẽ piribi, ãmũgasigue perebiri okari wajatagukumi. Iri ãmũgasigue perebiri okari wajatari, i berore wajatari irirosũ ããrã.

¹⁹ Yaarã yu maĩrã, ire masĩka! Mũsã ããrĩpererãrẽ Marĩpũya kerere õãrõ péro gããmea. Gajirã mũsãrẽ weremakũ pérã, õãrõ gũña odorãgue ìgũsãrẽ wereka! Mata guabirikõãka! ²⁰ Sugũ noó gããmerõ guagũ, Marĩpu gããmerĩrẽ iribemi. ²¹ Irasirirã ããrĩpereri mũsã ñerõ gũñarĩrẽ, ñerĩ iririre pirikõãka! Marĩpũya kerere mũsã pédeare bũremurĩ merã õãrõ irika! Ìgũya kerere pémakũ, ìgũ turari merã mũsãrẽ peamegue waabonerãrẽ taugũkumi.

²² Ìgũya kere pédeare õãrõ irika! Iri kerere pékererã, irire irimerã, mũsã basi ãrĩkatori merã: “Õãrõ yáa”, ãrĩ gũñarãkoa. ²³ Mũsã Marĩpũya kerere pékererã, irire irimerã, sugũ masakũ ìgũya diapure diuru merã ãñĩagũ irirosũ ããrã. ²⁴ Ìgũya diapure ãñĩadero purũ, gajirogue waa, ìgũ deyorire mata kãtiakõãkumi. Irasirirã, ìgũ kãtiderosũta Marĩpũya kerere péadero purũ, mata kãtikõãa. ²⁵ Gajigũ gapũ Marĩpũya kere pédeare gũñanìgũ, kãtibirikumi. Irasirirã, ìgũ irirosũ irirã, marĩ pédeare kãtibirikoa. Marĩpu dorerire irinĩrãkoa. Irasirigũ Marĩpu marĩrẽ marĩ iriri merã usũyamakũ irigũkumi. Ìgũ doreri keoro ããrã. Irire marĩrẽ pídi ããrĩmĩ, iri merã ìgũ gããmerĩrẽ irimasĩburo, ãrĩgũ.

²⁶ Sugũ: “Marĩpũre bũremua”, ãrĩ gũñakeregu, gajirãrẽ werewũarire, ìgũsãrẽ ñerõ werenĩrĩrẽ piribirimakũ, ìgũ: “Marĩpũre bũremua”, ãrĩrĩ waja máa. Ìgũ basita ãrĩkatogu yámi. ²⁷ Marĩ diayeta Marĩpu ããrĩnìgũrẽ bũremurã, ãsũ iriro gããmea. Pagũsãmarã marĩrãrẽ, wapiweyarãdere ìgũsã ñerõ tarimakũ ìãrã, ìgũsãrẽ iritamurõ gããmea. I ùmu marã ñerĩ irirã irirosũ iribirikõãrõ gããmea.

2

Masakare surosũ ìãka! ãrĩ gojadea

¹ Yaarã, mũsãrẽ Jesucristo marĩ Opũ õãtarigũre bũremurã masakare surosũ ìãrõ gããmea. Surãyeri masakare õãrõ irirã, gajirãdere õãrõ irika! ²⁻³ Mũsãrẽ i keori merã weregũra. Wãri doebiri opagũ oro merã iridea mojõsũrĩ túsãrĩ berorĩre opagũ õãrĩ surĩ sãñagũ, mũsã Jesũre bũremurã nerẽrõgue aarimakũ ìãrã, ìgũrẽ õãrõ merã: “Õõ, i õãrĩ doaripẽrõgue doaka!” ãrĩbukoa. Gajigũ bopogu boaro daro surĩro sãñagũ aarimakũ ìãrã, ìgũ gapũre õãrõ bokatĩrĩñeãbiribukoa. Gajipoe irirã ìgũrẽ: “Irota dujaka!” o “Õõ yebague doaka!” ãrĩbukoa. ⁴ Mũsã ìgũsãrẽ surosũ ìãmerã, ñerõ gũñarĩ merã: “Wãri doebiri opagũ, bopogu nemorõ ããrĩmĩ”, ãrĩrã yáa.

⁵ Yaarã yu maĩrã, yũre péka! Marĩpu i ãmũgue: “Boporã ããrĩma”, masaka ãrĩrãrẽ beyedi ããrĩmĩ, ìgũrẽ wãro bũremurĩ opamurãrẽ. Ìgũrẽ maĩrãrẽ: “Sĩgũra”, ãrĩdeare ìgũyarãrẽ dorerogue opaburo, ãrĩgũ, ìgũsãrẽ beyedi ããrĩmĩ. ⁶ Marĩpu boporãrẽ beyek-eremakũ, mũsã gapũ ìgũsãrẽ bũremubea. Doebiri oparã gapũ mũsãrẽ bũro poyari merã moãdorenama. Ìgũsãta mũsãrẽ weresãrĩrẽ beyerimasã purõguere weresãmurã ãñwãgãnama. ⁷ Mũsã: “Jesús õãgũyarã ããrĩma”, ãrĩsũrã ããrã. Doebiri oparã gapũ ìgũyamarẽ ñerõ werenĩrã ããrĩma.

⁸ Marĩpu marĩrẽ doregu ìgũ dorerire gojadea pũgue ãsũ ãrĩdi ããrĩmĩ: “Mu basi maĩrõsũta mu purõ ããrĩrãdere maĩka!” Mũsã i dorerire irirã, õãrĩrẽ irirã yáa. ⁹ Mũsã gajirãrẽ surosũ ìãmerã ñerõ irirã yáa. Marĩpu doreri gojadea pũgue irasirirãrẽ ãsũ ãrĩ gojasũdero ããrĩbũ: “Marĩpu dorerire tarinũgãrã ããrĩma”. ¹⁰ Sugũ ããrĩpereri Marĩpu dorerire irikeregu, su wãrẽ tarinũgãgũ, ñerõ iridea wajare opami. Irasirigũ ããrĩpereri Marĩpu dorerire tarinũgãgũ irirosũ ããrĩmĩ. ¹¹ Marĩpu ãsũ ãrĩdi ããrĩmĩ: “Gajigũ marãpo merã ñerõ iribirikõãka!” Gajidere ãrĩdi ããrĩmĩ: “Masakare wẽjẽbirikõãka!” Irasirigũ sugũ, gajigũ marãpo merã ñerõ iribirikeregu, masakare wẽjẽgũ, Marĩpu dorerire tarinũgãgũ ããrĩmĩ. Ñerõ iridea waja, waja opami. ¹² Marĩpu ìgũ dorerire marĩrẽ pídi ããrĩmĩ, iri merã ìgũ gããmerĩrẽ irimasĩburo, ãrĩgũ. Ìgũ masakare ìgũsã ñerõ iridea waja, wajamoãgũ ããrĩmĩ. Ìgũ dorerire marĩ irideare: “Õãgorabũ”, marĩ iribirideare: “Ñegorabũ”, ãrĩ beyegũkumi. Irasirirã ìgũ dorerire irika! Ìgũ gããmerõsũta werenĩka! ¹³ Marĩpu ìgũ ããrĩpererã ñerãrẽ

peamegue wajamoãrĩnũ ejamakũ, masakare bopoñarĩ merã ãamerãrẽ bopoñarĩ merã ãabirikumi. Gajirãrẽ bopoñarĩ merã ãarã gapũre bopoñarĩ merã ãagũkumi. Ñgũsãrẽ wajamoãbirikumi.

Jesúre bũremurĩrẽ, irasũ ããrĩmakũ òãrĩ iririre gojadea

¹⁴ Yaarã, ire péka! Sugũ òãrĩrẽ iribi: “Jesúre bũremua”, ãrĩrĩ wajamáa. Irire ãrĩrĩ merã dita tausũbirikumi. Peamegue waagũkumi. ¹⁵ Jesúre bũremugũ, o Jesúre bũremugũ, surí gorawayumerã, baari mérõgã opamakũ ãarã, ¿nasirirãkuri mũsã? ¹⁶ Ñgũsãrẽ: “Òãrõ waaburo mũsãrẽ. Òãrĩ surí bokarã, baayapirã waaka!” ãrĩrã, Ñgũsã gããmerĩ gapũre sĩbirimakũ, mũsã ãrĩrĩ neõ wajamáa. ¹⁷ I irirosũ ããrã. Sugũ: “Jesúre bũremua”, ãrĩgũ, òãrĩ gapũre iribirimakũ, Ñgũ: “Jesúre bũremua”, ãrĩrĩ neõ wajamáa.

¹⁸ Gajipoe irigũ yũ wererire péduabi gapũ yũre ãsũ ãrĩbukumi: “Sugũ Jesúre bũremurĩ opami. Gajigũ gapũ Jesúre bũremubirikeregũ, òãrĩrẽ yámi”, ãrĩbukumi. Ñgũ irasũ ããrĩmakũ pégu, yũ Ñgũrẽ ãsũ ãrĩbukoa: “Masaka sugũ òãrĩ iririre neõ ããbirikererã, Ñgũrẽ: ‘Jesúre bũremugũ ããrĩmi’, ãrĩmasĩbirikuma. Gajigũ gapũ Ñgũ òãrĩ iriri merã gajirãrẽ Ñgũ Jesúre bũremugũ ããrĩrĩrẽ masĩmakũ yámi”, ãrĩbukoa. ¹⁹ Mũsã: “Marĩpũ sugũta ããrĩmi”, ãrĩ bũremua. Mũsã irasũ ãrĩ bũremumakũ òãgorãa. Wãtẽa òãrĩrẽ neõ irimerãde irire bũremuma. Ñgũsã Marĩpũ ããrĩrikurire masĩma. Irasirirã Ñgũrẽ gũirã, naradama. ²⁰ Mũsã pémasĩmerã ããrã. Irasirigũ ire mũsãrẽ werenemogũra, pémasĩdoregũ. Sugũ: “Jesúre bũremua”, ãrĩgũ òãrĩ gapũre iribirimakũ, Ñgũ: “Jesúre bũremua”, ãrĩrĩ neõ wajamáa. Jesúre bũremugũ meta ããrĩmi.

²¹ Iripoeguemu marĩ ñekũ Abraham irideare gũñaka! “¿Diayeta Ñgũ yũre bũremurĩ?” ãrĩgũ, Marĩpũ Ñgũ magũ Isaare ütãyeri merã iridea soepeorogue wẽjẽ soepeodoredi ããrĩmi. Irasirigũ Abraham Marĩpũ dorederosũta Ñgũ magũrẽ ãĩ wẽjẽbu iridi ããrãdimi. Marĩpũ Ñgũ dorerire Abraham tarinũgãbirimakũ ããgũ, Ñgũrẽ: “Mũ magũrẽ wẽjẽbirikõãka!” ãrĩdi ããrĩmi. Irasirigũ Ñgũrẽ: “Diayeta yũre bũremumi, òãgũ ããrĩmi”, ãrĩ ããdi ããrĩmi. ²² Irasirirã mũsã ire masĩa. Abraham Marĩpũre bũremusĩa, Ñgũ doredere iridi ããrĩmi. Irasũ ããrĩmakũ Ñgũ doredere irisĩa, Marĩpũre bũremurĩ opatarigũ dujadi ããrĩmi. ²³ Irasiro Marĩpũya werenĩrĩ gojadea pũgue Abraham irideare gojaderosũta waadero ããrĩbũ. ãsũ ãrĩ gojasũdero ããrĩbũ: “Abraham Marĩpũre bũremudi ããrĩmi. Ñgũ bũremumakũ ããgũ: Marĩpũ Ñgũrẽ: ‘Òãgũ ããrĩmi’, ãrĩ ããdi ããrĩmi”, ãrĩ gojasũdero ããrĩbũ. Irasũ ããrĩmakũ, Marĩpũ Ñgũrẽ: “Abraham, yũ merãmũ ããrĩmi”, ãrĩdi ããrĩmi.

²⁴ Irasirirã Abrahãyamarẽ gũñarã, mũsã ire masĩa. Sugũ: “Marĩpũre bũremua”, ãrĩgũ, òãrĩ gapũre iribirimakũ ããgũ, Marĩpũ Ñgũrẽ: “Òãgũ ããrĩmi”, ãrĩ ããbemi. Gajigũ gapũ diayeta Marĩpũre bũremugũ òãrĩrẽ yámi. Irasirimakũ ããgũ, Marĩpũ Ñgũrẽ: “Òãgũ ããrĩmi”, ãrĩ ããmi. ²⁵ Gaji iripoeguemo ãma merã ñerõ irideo Rahab wãikũgo irideare gũñaka! Josué iriunerã igoya makãgue ããdurirã ejamakũ, Ñgũsãrẽ iritamudeo ããrĩmó. Igoya makã marã Ñgũsãrẽ boka wẽjẽrĩ, ãrĩgõ, igoya wiigũ Ñgũsãrẽ duúdeo ããrĩmó. Pũrũ Ñgũsã duri dujariri maarẽ ããmudeo ããrĩmó. Igo Marĩpũyarãrẽ iritamurĩ merã Marĩpũre igo bũremurĩrẽ ããmudeo ããrĩmó. Irasirimakũ ããgũ, Marĩpũ igore: “Òãgõ ããrĩmó”, ãrĩ ããdi ããrĩmi. ²⁶ ãsũ ããrã. Masakũ yũjũpũrã marĩmakũ, Ñgũya dũpũ okabirikoa. Sugũ: “Marĩpũre bũremua”, ãrĩgũ, òãrĩ gapũre iribi, diayeta Marĩpũre bũremubemi. Irasiro Ñgũ: “Marĩpũre bũremua”, ãrĩrĩ neõ wajamáa. Yũjũpũrã marĩrĩ dũpũ, boari dũpũ irirosũ ããrã.

3

Marĩya disi wiririre gojadea

¹ Yaarã, ire mũsã masĩa. Marĩpũ gũ Ñgũyare buerimasã buerire, gajirã moãrĩmasã iriri nemorõ ãã beyegũkumi. Ñgũyare keoro buebirimakũ ããgũ, gajirã nemorõ gũare wajamoãgũkumi. Irasirirã mũsã watopegue ããrĩrã mérãgã dita gajirãrẽ buerimasã

ãārĩburo. ² Marĩ ãārĩpererã wári òãrõ iribirire yáa. Sugũ ñerĩ neõ wereníbi: òãgũ Marĩpũ gããmerĩ ditare irigũ ãārĩmi. Gaji ñerõ iriridere neõ iribemi. Ígũ ñerĩ werenírĩ Ígũya disi wiririre kãmutamasígũ, ãārĩpereri Ígũya dupugue ãārĩrĩ merã gaji ñerõ iriridere kãmutamasĩmi.

³ Marĩ werenírĩmarẽ keori merã weremakũ i irirosũ ããrã. Marĩ kõme berore cabal-luya disire túsãkoa. Irasirirã i berogã merã, Ígũ wágu waibu ãārĩkeremakũ, tũãgãmenú, marĩ waadũaro waamakũ irikoa. ⁴ Doódirude irasũta ããrã. Iriuru wádiru ãārĩkeremakũ, mirũ buru wẽjãpukeremakũ, wejatugũ mérĩ majĩgã merã dita iriru waaróre wejatukumi.

⁵ Marĩ werenírĩ irasũta ããrã. Marĩya nediru médirugã ãārĩkeremakũ, marĩya disi wári: “Masítaria”, ãrĩ werenírĩ wiria. Ásũ ããrã. Peame marĩ mérĩmegã diukeremakũ, wári makãnúurẽ ãjũmakũ irikoa. ⁶ Irasiro marĩya disi nediru merã ñerĩ werenírĩ, i peame irirosũ ããrã. Marĩya dupugue, marĩya nediru su wãĩgã ãārĩkeremakũ, marĩ ñerĩ werenírĩ marĩrẽ ãārĩpereri gajirosũperi ñerĩrẽ irimakũ irikoa. Irasiro peame gajinorẽ ãjũwãgã, poyanorẽrõ irirosũ, marĩ ñerĩ werenírĩ, marĩ i ãmũgue okarinũrĩrẽ òãrõ ãārĩrĩrẽ poyanorẽmakũ yáa. Marĩ ñerĩ werenírã, wãtĩ ñerĩ iridorerire irirã yáa.

⁷ Masaka Ígũsãyarã ejorãrẽ kãmutarosũ ãārĩpererã makãnúu marã waimũrãrẽ, wãrãrẽ, pĩrũãrẽ, dia marãrẽ kãmutamasĩma. Neõgoraguedere Ígũsãnorẽ kãmutamasĩsianerã ããrĩmã. ⁸ Ígũsãrẽ kãmutamasĩkeregũ, neõ sugũ masakũ Ígũ basi Ígũ werenírĩrẽ kãmutamasĩbemi. Irasirirã marĩ ñerĩrẽ wereníduabirikererã, ñerĩ werenía. Áña kũrĩmakũ Ígũya nima merã masakare wẽjẽrõ irirosũ, marĩ ñerĩ werenírĩ merã gajirãrẽ ñetariro yáa.

⁹ Marĩ werenírĩ merã Marĩpũ marĩ Opũre: “Òãtaria”, ãrĩ, usuyari sĩa. Marĩ werenírĩ merãta masakare: “Ñerõ waaburo Ígũsãrẽ”, ãrĩ werenía. Marĩpũ marĩ masaka ãārĩpererãrẽ Ígũ irirosũ ããrĩmakũ irikeremakũ, marĩ gãme ñerõ werenía. ¹⁰ Su disita òãrĩ werenírĩ, irasũ ããrĩmakũ ñerĩ werenírĩ wiria. Yaarã, irasiribirikõãrõ gããmea. ¹¹ Deko wiriri gobere òãrĩ wiriro, ñerĩ wiribirikoa. ¹² Yaarã, musã ire masĩa. Higuera, iguĩ dukakũbirikoa. Iguigũ, higuera dukakũbirikoa. Misõrĩ deko wiriri gobere moãkũri dekode wiribirikoa. Marĩde i irirosũ òãrĩ ditare werenírõ gããmea.

Diayema masĩrĩ ásũ ããrã, ãrĩ gojadea

¹³ Musã watopegue sugũ òãrõ masígũ ããrĩgũno, òãrĩrẽ irinĩkõãburo. “Gajirã nemorõ masítarinũgãa”, ãrĩbi, Ígũ masĩrĩ merã òãrĩrẽ iriburo. Irasirimakũ ããrã, gajirã Ígũrẽ: “Òãrõ masĩmi”, ãrĩrãkuma. ¹⁴ Musã gajinorẽ oparãrẽ buru ubu ããrĩrũrã, Ígũsã nemorõ ããrĩduarã, musãya ããrĩburi ditare iriduarã: “Masítarinũgãa”, ãrĩ gũñabirikõãka! Musã irasũ ãrĩ gũñarã, ãrĩkatorikũrã, diayema ããrĩrĩrẽ keoro werenírã meta yáa. ¹⁵ Musã: “Masítarinũgãa”, ãrĩ gũñarĩ, Marĩpũ gũñarĩ sĩrĩ ããrĩbea. I ãmũ marã gũñarĩ, wãtĩya ããrã. ¹⁶ Masaka gajirãrẽ ubu ããrĩrũ, Ígũsãya ããrĩburi ditare iriduarã, gãme guaseonírã ããrĩma. ããrĩpereri gajirosũperi ñerĩrẽ yáma. ¹⁷ Marĩpũ masĩrĩ sĩrĩ oparã gapũ òãrã ããrĩma. Gãme guaseodũamerã, gajirãrẽ iritamurã, gajirã wererire burumuri merã pérã, bopoñarĩ merã ããrã, òãrĩrẽ irirã, masakare surosũ ããrã, irikatoro marĩrõ irinírã ããrĩma. ¹⁸ Gajirã merã òãrõ ããrĩduarã, gãmekẽãrõ marĩrõ òãrõ siñajãrĩ merã ããrĩmakũ iriduarã, diayema iririre irinírã ããrĩma.

4

I ãmũmarẽ gããmerã, Marĩpũre gããmebema, ãrĩ gojadea

¹ ¿Nasirirã gãme guaseo, gãmekẽãrĩ musã? Ásũ ããrã. Musã gũñarĩgue musã ñerĩrẽ iriduarĩ, òãrĩrẽ iriduarĩ merã gãmekẽãrĩ irirosũ ããrã. ² Gajinorẽ musã gããmea. Irasirirã irire opabirisĩã, masakare wẽjẽa, Ígũsãyare ãmaduarã. Gajigũ gajinorẽ opamakũ ããrã, Ígũrẽ ubu ããrĩria. Irasirirã Ígũyare opabirisĩã, gãme guaseo, gãmekẽãa. Musã Marĩpũre sãrẽbirisĩã, musã gããmerĩrẽ opabea. ³ Gajipoere gajinorẽ sãrẽkererã, ñerõ gũñarĩ merã sãrẽa. Musã basi musã ñerĩ ãaribejari ditare iriduarã sãrẽa. Irasirigũ Marĩpũ musã

sērērīrē sībemi. ⁴ Mūsā sugo nomeō marāpukugo āārīkerego gajigūre gāāmegō irirosū āārā. ĸMūsā ire masīberi? Sugū i ūmū marā űērīrē irirā irirosū iridūagū, Marīpūre gāāmebemi. I ūmū marā űērīrē irimakū īāgū: “Īgūsā irirosū irigūra”, ārī gūñagū, Marīpūre īāturigū dujami.

⁵ Marīpūya werenīrī gojadea pūgue irire āsū ārī gojasūdero āārībū: “Marīpū Ōāgū deyomarīgūrē marīrē pīdi āārīmī marī merā āārībure. Ōāgū deyomarīgū marīrē maīgū, marī űērīrē iridūamakū gāāmebemi”, ārī gojasūdero āārībū. Iri gojadea ubu āārīrī meta āārā. Āārīrōma āārā. ⁶ Irasirigū Marīpū marī űērīrē irinemobirikōāburo, ārīgū, marīrē bopoñarī merā īā, ōārō iritamumi. Irasiro īgūya werenīrī gojadea pūgue āsū ārī gojasūdero āārībū: “‘Gajirā nemorō āārā’, ārī gūñagūrē Marīpū iritamubemi. ‘Yū ubu āārīgū āārā, yūre iritamuka!’ ārīgū gapūre ōārō iritamumi”, ārī gojasūdero āārībū. ⁷ Irasirirā Marīpū dorerire būremurī merā irika! Wātī dorerire iribirikōāka! Mūsā īgūrē pēbirimakū īāgū, mūsārē piri, duriwāgākōāgukumi. ⁸ Marīpū pūroque īgūrē: “Yū merā āārīka!” ārī ejanūgārā irirosū irika, īgūrē masīnemoduarā! Irasirimakū īāgū, mūsā pūroque ejanūgāgū irirosū irigukumi mūsārē iritamunemobu. Mūsā űērō irirā āārā. Irasirirā űērō iririre pirika! Mūsā Marīpūyare irirā, o i ūmū marā irirosū irirā: “Ōāgorāa”, ārī gūñadāa. Ire irasū ārī gūñabirikōāka! I ūmū marā irirosūta űērīrē irimakū, űegorāa. Marīpūya ditare irimakū, ōāa. ⁹ Mūsā űērō iririre gūñarā, ūsūyari merā būrirono irirā, būjawereri merā oreka! Mūsā űērō iririre gūyasīrīrī merā, būjawereka! ¹⁰ Marī Opūre: “Mū īūrōrē yū űegū, ubu āārīgū āārā, irasirigū yūre iritamuka!” ārī sērēka! Mūsā irasū ārī sērēmakū: “Mūrē iritamugūra, yaagū, ōāgū āārā”, ārī īāgukumi.

Mūsā Jesúre būremurā mūsā basi gāme werewūabirikōāka! ārī gojadea

¹¹ Yaarā, mūsā Jesúre būremurā mūsā basi gāme werewūabirikōāka! Gajirārē űērī werenīrā, o īgūsārē werewūarā, Marīpū marīrē gāme maīdoredeare tarinūgārā yāa. Irire tarinūgārā: “Iri doreri ōābea”, ārīrā irirosū yāa. Irasirirā Marīpū dorerire: “Ōābea”, ārī werewūarā: “Yū Marīpū nemorō doremasīa”, ārīrā irirosū yāa. ¹² Marīpū sugūta masakare īgū dorerire pīdi āārīmī. Īgū sugūta īgūsā iririre īā beyemasīmi. Masakare tau-masīmi, o peamegue bēomasīmi. Irasirirā mūsā gapū: “Gajirā masakare werewūamasīa”, ārī gūñabirikōāka!

űamigāgue marī iriburire masībirimarē gojadea

¹³ Dapagorare gajire weremakū, ōārō péka! Mūsā surāyeri: “Dapagā, o űamigā gaji makāgue su bojori moā, wáro niyeru wajatarākoa”, ārī werenīa. Irasū ārī werenīrārē āsū ārī weregura. ¹⁴ Mūsārē űamigāgue waaburire neō masībea. Marī i ūmūgue okari, űimikā boyoripoe duji, mérōgā pūru perero irirosū āārā. Marī i ūmūgue āārī, mérōgā pūru boakōārākoa. ¹⁵ Irasirirā mūsārē āsū ārī werenīrō gāāmea: “Marīpū gāāmemakū, okarākoa ire, o gajire irimurā”. ¹⁶ Mūsā gapū: “Marī masīa, irasirirā marī gāāmerō āsū irirākoa”, ārī werenīa. Iri āārīpereri mūsā irasū ārī werenīrī, űegorāa. ¹⁷ Irasirirā: “Marī āsū irirā, ōārīrē irirākoa”, ārī masīkererā, irire irimerā, űērīrē irirā yāa.

5

Wári doebiri oparārē waaburire gojadea

¹ Mūsā wári doebiri oparā yūre péka! Mūsā űērō tarirākoa. Irasirirā ire gūña, būro būjawereri merā gaguínī oreka! ² Mūsāya doebiri boakōārōkoa. Mūsāya surīre burua baarākuma. ³ Mūsā niyeru koeri, oro, plata merā iridea koeri mūsā duripīdea gūrawijīakōārōkoa. Irasū waamakū, mūsā niyerure maīsīā, duripīdeare masīsūrokoa. I niyeru mūsā maīrī, peame gajinorē soebéorosū mūsārē poyanorēmakū irirokoa. Dapagorare mūsā, i ūmū pererīnū ejaburo dupiyuro, wáro niyerure duripīrā yāa. Irire duripīri waja būro wajamoāsūrākoa. ⁴ Mūsāya pooerire moānerārē wajarībea. Irasirirā mūsārē:

“Gware musā ārāderosūta wajarika!” āri gaguiníma. Īgūsā irasū āri gaguinírīrē marī Op_u Īgūrē wereboerārē doreg_u pémi. ⁵ Musā i ūmugue okarā, wári doebiri opáa. Musā opari merā musā gāamerī ditare yáa. Musā irasiriri waja wajamoāsūrākoa. Wekure Īgūsā wējēburi dupiyuro oārō baa, diikug_u irirosū āārā. ⁶ Musā ñerō irimerārē: “Ñerō yáma”, āri, peresugue āiwāgā: “Wējēka!” ārā, musā Īgūsārē iririre kāmutamasiña marīrō.

Jesucristo i ūmugue dupaturi aariburire marīrē oārō yúro gāāmea, āri gojadea

⁷ Irasirirā yaarā, marī Op_u Jesucristo i ūmugue dupaturi aariburire gūñaturari merā oārō yúka! Pooe op_u Īgū otedea dukakuburire oārō yúkumi. Īgūya pooere otedero p_ur_u, deko merēburire, irasū āārīmakū Īgū otedea puri, masāburire oārō yúkumi. ⁸ Musāde Īgū irirosūta oārō yúka! Marī Op_u dupaturi aariburo mérō d_uyáa. Irasirirā gūñaturari merā Īgūrē b_uremurīrē neō piriro marīrō merā Īgū aariburire oārō yúníkōāka!

⁹ Yaarā, Marīp_u musārē wajamoārī, ārīrā, gāme turibirikōāka! Īgū āārīpererā ñerārē wajamoāgū aariburo mérō d_uyáa. ¹⁰ Yaarā, iripoegue marārē marī Op_uya kerere weredupiyunerārē gūñaka! Marī Op_uyare werede waja gajirā Īgūsārē ñerō irinerā āārīmá. Īgūya kerere weredupiyunerā gap_u ñerō tarikererā, Īgūyare wereduúbirinerā āārīmá. Īgūsārē ñerō irirārē ñerō iribirinerā āārīmá. Irasirirā musāde Īgūsā iriderosūta irika! ¹¹ Ñerō tarikererā marī Op_ure b_uremurīrē neō piribirinerārē gūñarā: “Marī Op_u oārō iritamunerā, us_uyari bokanerā āārīma”, āri gūñāa. Iripoeguemu Job wāikug_u ñerō taridea kerere musā pébu. Īgū b_uro ñerō tarikereg_u, marī Op_ure b_uremurīrē piribiridi āārīmí. Irasirig_u Īgū ñerō taridero p_ur_u, marī Op_u Īgūrē maīgū Īgūrē bopoñarī merā Īāsīā, wári oārīrē iridi āārīmí. Irasirirā, Īgū marīdere maīrīrē, Īgū marīdere bopoñarī merā Īārīrē musā masīa.

¹² Yaarā, gaji y_u wererire gopeyari merā oārō péka! Musā gajirārē wererā, āsū āri werebirikōāka: “Ūmugasima merā āsū irig_ura”, o “I nikūma merā āsū irig_ura”, āribirikōāka! Musā gajirārē wererā, ārikatori marīrō su diayeta wereka! Gajinorē irianerā: “Iriabu”, ārika! “Āsū irirāra”, ārīrā, irika! “Āsū iribirikoa”, ārīrā, iribirikōāka! Marīp_u wajamoābirikōāburo, ārīrā, irasirika!

¹³ Musā ñerō tarirā, Marīp_ure: “Iritamuka y_ure!” āri sērēka! Ūs_uyari merā āārīrā, bayapeori merā Īgūrē: “Ōātaria m_u”, āri, us_uyari sīka! ¹⁴ Sug_u pūrīrikug_u, Jesúre b_uremurā oparārē siuburo. Īgūsā Īgūrē ūye merā piupeo, marī Op_ure: “Jesús, ĩ m_urē b_uremugūrē tauka!” āri sērēbosarākuma. ¹⁵ Īgūsā marī Op_ure b_uremurī merā sērēmakū, marī Op_u Īgūrē taug_ukumi. Irasirig_u Īgūrē pūrīrī marīgū dujamakū irig_ukumi. Pūrīrik_uadi ñerō iridi āārīmakū, Marīp_u Īgū ñerō irideare kātig_ukumi. ¹⁶ Irasirirā musā ñerō irideare gāme weretarika! Irasū āārīmakū, Marīp_ure musāya āārīburire gāme sērēbosaka! Irasirika, Marīp_u musārē pūrīrī marīrā āārīburo, ārīrā! Ōārīrē iririkug_u b_uro b_uremurī merā gajirāya āārīburire Marīp_ure sērēbosamakū, Marīp_u Īgū sērērōsūta irig_ukumi. ¹⁷ Iripoeguemu Marīp_uya kerere weredupiyudi Elías wāikug_u marīsūta masak_u āārīdi āārīmí. Īgū āārīdeapogue marā ñerō irimakū Īāgū, Marīp_ure: “Deko merēbirimakū irika!” āri, b_uro b_uremurī merā sērēdi āārīmí. Marīp_u Īgū sērērīrē pé, ūre bojori gaji bojori dekogora, Īgūsāya nikūrē deko merēbirimakū iridi āārīmí. ¹⁸ Par_u Marīp_ure: “Deko merēmakū irika doja!” āri sērēdi āārīmí. Īgū sērēmakū, deko merēdero āārībú. Irasū waamakū, Īgūsāya nikūrē dupaturi oteri puri dukak_udero āārībú.

¹⁹ Yaarā, sug_u musā merām_u diayema āārīrīrē irinemobirimakū Īārā, dupaturi Marīp_uyare irimakū irirā, Īgūrē oārō irirā irikoa. ²⁰ Ire masīka! Musā sug_u ñerō irig_ure Īgū ñerō iririre pirimakū irirā, Īgūrē oārō irirā irikoa. Marīp_u Īgūrē peamegue waabodire taug_ukumi. Īgū wári ñerī irideare kātig_ukumi.

1 SAN PEDRO

Pedro Jesúre bɔremurã waasirinerãrê gojadea

¹ Yɔ Pedro musãrê õãdorea. Jesucristo yɔre ãgũyare buedoregɔ beyemi. Irasirigɔ musãrê, musãya nikũrê wiri, gajirogue Ponto, Galacia, Capadocia, Asia, Bitinia wãikuri nikũgue waasirinerãrê i pũrê gojáa. ² Marĩpɔ ããrĩnĩgũ dupiyurogue musãrê: “Yaarã ããrĩma”, ãrĩderosũta beyedi ããrĩmĩ. Õãgũ deyomarĩgũ merã musãrê ããrĩmakũ iridi ããrĩmĩ, Jesucristo gããmerĩrê iriburo, ãrĩgũ. Jesucristo dí béori merã ñerĩrê koesũnerã ããrĩburo, ãrĩgũ, irasiridi ããrĩmĩ. Musãrê õãrõ iritamũ, siñajãrĩ merã ããrĩdero nemorõ ããrĩrikumakũ iriburo.

Jesúre bɔremurã Marĩpɔ merã õãrõ ããrĩnĩburire gojadea

³ Marĩpɔre, marĩ Opɔ Jesucristo Pagɔre: “Õãtaria mɔ”, ãrĩ, usɔyari sĩrã! ãgũ marĩrê bɔro bopõnasĩã, Jesucristore boadiguere masũrĩ merã marĩrê dupaturi deyoarã irirosũ ãgũ pũrã ñajãmakũ iridi ããrĩmĩ. Irasirigɔ ãgũ merã marĩ õãrõ ããrĩnĩkõãburire masĩmakũ yãmi. ⁴ Irasirirã, ãgũyarãrê: “Õãrĩrê sĩgura”, ãrĩdeare marĩ opaburire usɔyari merã yũrã yãa. ãgũ marĩrê sĩburi: ãgũ ãmũgasigue õãrĩ opari, neõ pereburi, boaburi meta ããrã. ⁵ Marĩpɔ marĩrê ãgũrê bɔremurãrê ãgũ turari merã koremi. Irasirigɔ, i ãmũ peremakũ, ãgũ marĩrê peamegue waabonerãrê: “Taugɔra, yɔ merã ããrĩnĩkõãrãkuma”, ãrĩdeare iriyuwarikɔrere masĩmakũ irigukumi.

⁶ Marĩ mérõgã i ãmũgue ããrĩrõpa wãri gajirosũperi ñerõ tarikererã, ãmũgasigue Marĩpɔ marĩrê sĩburire gũñarã, bɔro usɔyari merã ããrã. ⁷ Ñerõ tarikererã, marĩ diayeta Marĩpɔre õãrõ bɔremunĩrĩ, oro nemorõ wajakɔa. Oro wajakakerero, pereburi ããrã. Masaka irire peamegue soekuma õãrĩ oro dita dujaburo, ãrĩrã. Irasũta marĩ ñerõ tariri merã diayeta Marĩpɔre õãrõ bɔremunĩrã dujarãkoa. Irasirigɔ, Jesucristo dupaturi aarimakũ, Marĩpɔ marĩrê: “Õãrõ iribɔ, irasirirã yɔ pɔro yɔ merã ããrĩnĩkõãrãkoa”, ãrĩgukumi.

⁸⁻⁹ Musã Jesucristore ãgũ i ãmũgue ããrĩmakũ ããrĩnerã ããrĩkererã, ãgũrê maĩa. Dapagoradere ãgũrê ããrĩkererã, gũñaturari merã ãgũrê bɔremua. Musã ãgũrê irasũ bɔremunĩmakũ, Marĩpɔ musãrê peamegue waabonerãrê tarimakũ irigukumi. Irasirirã musã Marĩpɔ pɔrogue waaburire gũñarã, irogue eja, usɔyarosũ bɔro usɔyãa. I usɔyari oparire werenĩrĩ merã weremasĩña mãa.

¹⁰ Iripoegue Marĩpɔya kerere weredupiyunerã ãgũ musãrê õãrõ iritamugũ tauburire werenã ããrĩmã. Irire werekererã, pẽmasĩbirinerã ããrĩmã. Irasirirã irire masĩduarã, bue, gũñamanerã ããrĩmã. ¹¹ Õãgũ deyomarĩgũ Cristo ãgũsãrê iriudi iritamurĩ merã Cristo ñerõ tari, boadigue masã, ãmũgasigue mũrĩa, pɔrɔ ããrĩpererã Opɔ ããrĩburire weredupiyunerã ããrĩmã. Irasirirã: “¿Noã irasũ waagukuri, ñããsũ ããrĩmakũ irasũ waarokuri?” ãrĩ masĩduarã, irire bue, gũñamanerã ããrĩmã. ¹² Marĩpɔ ãgũsã masĩmakũ gããmegũ, ãgũsãrê ãsũ ãrĩdi ããrĩmĩ: “Musã ããrĩripoe i irasũ waabirikoa dapa. Pɔrɔ marã gapɔ irire ããrãkuma”, ãrĩdi ããrĩmĩ. Dapagorare Marĩpɔ marĩrê tauri kerere wererã ãgũsã iripoegue weredeareta musãrê werema. Õãgũ deyomarĩgũ Marĩpɔ ãmũgasigue merã iriudi iritamurĩ merã musãrê irire werema. Marĩpɔ Jesucristo iridea merã marĩrê taurire Marĩpɔre wereboerãde bɔro masĩduama.

Marĩpɔ marĩrê ñerĩ marĩrã ããrĩdoremi, ãrĩ gojadea

¹³ Irasirirã musã iriburire õãrõ pẽmasĩrĩ merã gũñaka! Jesucristo i ãmũgue dupaturi aarimakũ, Marĩpɔ musãrê õãrõ iritamugũ musã peamegue waabonerãrê tauburire gũñanĩkõãka! Irire gũñarã, bɔro usɔyari merã yũka! ¹⁴ Iripoegue musã Marĩpɔre masĩburi dupiyuro ñerõ ãaribejarire iriunaderosũta dapagorare neõ irinemobirikõãka! Majĩrã ãgũsã pagusãmarã dorere tarinũgãmerã irirosũ Marĩpɔ dorere tarinũgãbirikõãka!

15 Marĩpu musãrẽ ãgũyarã ããrĩdoregu siiudi, ñerĩ marĩgũ ããrĩmi. Irasirirã, ãgũ irirosũ musãde ñerĩ marĩrãta õãrĩ ditare irika! 16 Marĩpũya werenĩrĩ gojadea pũgue irasũta ãrĩ gojasũdero ããrĩbũ. Æsũ ãrĩdi ããrĩmĩ: “Yũ õãgũ, ñerĩ marĩgũ ããrã. Irasirirã musãde ñerĩ marĩrã ããrĩka!” ãrĩdi ããrĩmĩ.

17 Marĩpu ããrĩpererãrẽ surosũ ãgũ, ãgũsã irideare: “Iri õãbũ, iri õãbiribũ”, ãrĩ weregu ããrĩmi. Irasirirã ãgũrẽ: “Guapu”, ãrĩrã, i ãmũgue musã ããrĩrõpa gopeyari merã ãgũyare irika! 18 Musã ñekũsãmarã Marĩpũyare iribirinerã ããrĩmã. Musã ãgũsã iriderosũ iriri wajamãa. Irasirigũ Marĩpu musãrẽ ãgũsã iriderosũ iriunanerãrẽ taudi ããrĩmĩ ãgũyare iriburo, ãrĩgũ. Musã ire masĩa. Marĩpu marĩrẽ taugũ, marĩ ñerõ iridea wajare wajari-bosadi ããrĩmĩ. Irasũ wajaribosagũ, niyeru, oro merã wajaribosabiridi ããrĩmĩ. Niyeru, oro pereburi ããrã. 19 Irasirigũ iri wajakuro nemorõ marĩ ñerĩ iridea wajare wajaribosadi ããrĩmĩ. ãgũ magũ Cristo boagũ dí béodea merã gapũ marĩ ñerĩ iridea wajare wajaribosadi ããrĩmĩ. Oveja majĩgũ masaka Marĩpũre buremurã wẽjẽ soepeobu õãgũ ããrĩderosũta Cristo õãgũ ñerĩ marĩgũ ããrĩmĩ. 20 Marĩpu i ãmurẽ ãgũ iriburo dupiyurogueta Cristo ãgũ boagũ dí béoburire masĩsiadi ããrĩmĩ. Ipapoere i ãmũ pereburi dupiyuro Cristore i ãmũgue iriudi ããrĩmĩ, ãgũya dí béori merã musãrẽ iritamuburo, ãrĩgũ. 21 Irasirirã Cristo iritamurĩ merã Marĩpũre buremua. Marĩpu Cristore boadiguere masũ, ãmũgasigue ãĩmurĩa, ããrĩpererã Opũ sóodi ããrĩmĩ. Irasirirã Marĩpũre: “Guare õãrõ irigũ ããrĩmĩ”, ãrĩ buremu, ãgũ merã õãrõ ããrĩnĩburire õãrõ masĩa.

22 Cristoya diayema kerere pé buremusĩa, musã ñerĩ iririkurire pirinerã ããrĩbũ. Dapagorare diayeta musãyarãrẽ maĩmasĩa. Irasirirã musãya yũjũpũrãrĩ, ããrĩpereri musã turari merã gãme maĩka! 23 Musã Marĩpũya werenĩrĩrẽ buremurã, dupaturi deyoarã irirosũ waabũ. Irasirirã ãgũ pũrã waabũ. Marĩ pagũsãmarã merã deyoa, pũrũ boakõãrãkoa. Iri irirosũ ããrĩbea Marĩpu pũrã waamakũ. ãgũya werenĩrĩ, perebiri werenĩrĩ ããrã. Irasirirã iri werenĩrĩ merã ãgũ pũro ãgũ merã ããrĩnĩkõãrãkoa. 24 ãgũya werenĩrĩ gojadea pũgue ãsũ ãrĩ gojasũdero ããrĩbũ:

Ããrĩpererã masaka tá irirosũ ããrĩma. ãgũsã õãrĩ oparide tá goori irirosũ ããrã. Tá masã, boakõãa. Gooride boakõãa. Iri irirosũta marĩ masakade boarãkoa.

25 Marĩ Opũ werenĩrĩ gapũ neõ perebirikoa. ãgũ ãrĩderosũta waarokoa. ããrĩpereri ãgũ: “Æsũ irigũra”, ãrĩdeare iriyuwarikũgũkumi, ãrĩ gojasũdero ããrĩbũ.*

Iri õãrĩ bueri, musãrẽ ãgũsã weredea, Jesucristo marĩrẽ tauri kerere bueri ããrã.

2

1 Irasirirã ããrĩpereri gajirosũperi ñerĩ iririre: ãrĩkatorire, irikatorire, gajirã gajino opamakũ ãaturirire, gajirãrẽ ñerõ ãrĩ werewũarire pirika! 2-3 Musã, marĩ Opũ musãrẽ õãrõ iririre sĩrũ masĩsiãa. Irasirirã neõ deyoarãgã õpĩkũrẽ gããmerõsũ musãde marĩ Opũyare diayemarẽ bure gããmekã! Irire gããmerã, ãgũrẽ buremunemorãkoa. Musã irasirimakũ, musãrẽ taugũkumi.

Cristo masakare okari sĩgũ ãtãye irirosũ ããrĩmi, ãrĩ gojadea

4 Cristo marĩrẽ okari sĩgũ suye ãtãye masaka ãgũsã béoadeaye irirosũ ããrĩgũ ããrĩmi. ãgũsã ãgũrẽ gããmebirikeremakũ, Marĩpu ãgũ Pagũ gapũ ãgũrẽ: “Õãtarigũ, ããrĩpererã Opũ ããrĩmi”, ãrĩ beyedi ããrĩmĩ. Irasirirã ãgũrẽ: “Õãgũ ããrĩmi”, ãrĩ buremua. 5 Marĩde Cristo merã okari oparã ãtãyeri irirosũ ããrã. Marĩpu, sugũ ãtãyeri merã wii irigũ irirosũ marĩ merã irigũ yãmi. Irasirigũ marĩrẽ ãgũyarãrẽ ãgũya wiima irirosũ ããrĩmakũ yãmi. ãgũyarã paĩa ãgũrẽ buremurã, ãgũ dorederosũta gajino sĩa. Marĩrẽ ãgũsã irirosũ ããrĩmakũ yãmi, Jesucristo iritamurĩ merã ãgũrẽ usũyari sĩburo, ãrĩgũ. Irasirirã ãgũyare irirã, ãgũrẽ usũyamakũ irirãkoa. 6 Marĩpu ãgũya werenĩrĩ gojadea pũgue ãsũ ãrĩdi ããrĩmĩ:

* 1:25 Is 40.6-8

Y_u beyedire yaa wiima weanú_{pu}roridea útāye irirosū āārīgūrē Jerusalēgue pí_{gu}ra. Īgū, y_u beyedi ōātarig_u, āārīpererā Op_u āārīmi. Īgūrē b_uremurāno, b_uro _uṣ_uyarākuma. “Ubugorata Īgūrē b_uremukub_u”, ārī gūñabirikuma, ārīdi āārīmi.✠

7 M_usāde Īgūrē b_uremurā: “Ōātarig_u āārīmi”, ārī ĩāa. Īgūrē b_uremumerā gap_ure Marī_{pu}ya werenī_{ri} gojadea pūgue āsū ārī gojasūdero āārībú:

Marī_{pu} beyedi suye útāye wii iririmasā béoadeaye irirosū āārīkeremakū, Marī_{pu} gap_u Īgūrē iri wiima weanú_{pu}roridea útāye irirosū āārīmakū iridi āārīmi. Irasirig_u Īgūrē āārīpererā Op_u pídi āārīmi, ārī gojasūdero āārībú.✠

8 Gaji Marī_{pu}ya werenī_{ri} gojadea pūgue āsū ārī gojasūdero āārībú:

Marī_{pu} beyedire b_uremumerā, iri útāyegue gubut_uameémejānerā irirosū āārīma. Irasirirā Marī_{pu} p_urogue neō waabirikuma, ārī gojasūdero āārībú.✠

Īgūya kerere b_uremubiri waja útāyegue gubut_uameémejānerā irirosū āārīma. Marī_{pu} p_urogue ejabirikuma. Īgūsārē irasū waaburire Marī_{pu} iripoeguetā: “Irasū waarokoa”, ārīsiadi āārīmi.

Marī_{pu}yarā āsū āārīma, ārī gojadea

9 M_usā gap_u Marī_{pu} pūrā Īgū beyenerā āārā. Marī Op_uyarā paía irirosū Īgūyare moārā, Marī_{pu}ya bumarā Īgū ĩūrō ñerī marīrā Īgūyarā āārā. M_usārē naītīārō āārīrā irirosū Īgūyare neō masībirinerārē masīdoreg_u siiudi āārīmi. Irasirig_u m_usārē boyorogue āārīrā irirosū irire ōārō masīrā āārīmakū iridi āārīmi. M_usārē Īgū ōārō irideare gajirārē weredoreg_u, irasiridi āārīmi. 10 M_usā iro dupiyurogue Marī_{pu} pūrā āārībirib_u. Dapagorare Marī_{pu} pūrā āārā pama. M_usā iro dupiyurogue bopoñarī merā ĩāsūña marīb_u. Dapagorare m_usārē Marī_{pu} bopoñarī merā ĩāmi.

Marī_{pu}yare irirā āārīka! ārī gojadea

11 Yaarā y_u maīrā, m_usā i ũmūrē naagorenarīmasā m_usāya makāgue āārīmerā irirosū, Marī_{pu} p_uro waamurāta āārā. Irasirig_u m_usārē ire turaro werea. M_usā ñerī _uaribejarire iribirikōāka! M_usārē ñerō irimakū irid_uarā irirosū m_usā ñerī _uaribejari m_usārē ñerō irimakū irid_uaro yāa. 12 Marī_{pu}re masīmerā watopegue āārīrā ōārō irirā āārīka, m_usārē werew_uari, ārīrā! M_usā irasirimakū m_usārē werew_uad_uakererā, Marī_{pu} Īgūsārē Īgūyare masīmakū iriripoe m_usā ōārō iririre ĩānerā āārīsiā, Īgūrē: “Ōāgū, turag_u āārīmi”, ārī b_uremurākuma.

13 Marī Op_ure b_uremusīā, āārīpererā i nikū marā oparārē ōārō merā y_ujuka! I nikū marā oparā op_u āārīgūdere y_ujuka! 14 Īgū dokamarā oparādere y_ujuka! Īgūsārē Īgū doreri tarinugārārē wajamoāmurārē pídi āārīmi. Īgū dorerire irirārē: “Ōārō iriab_u m_usā”, ārīdoreg_u pídi āārīmi. Irasirirā Īgūsārē y_ujuka! 15 Marī_{pu}, m_usā ōārō irimakū gāāmemi. M_usā irasirimakū ĩārā, pémasīmerā m_usārē werew_uad_uakererā, werew_uamasībema.

16 M_usā, Marī_{pu} tausūnerā āārīsiā, gajirārē moāboerimasāgora āārībea. Marī_{pu} tausūnerā āārīkererā, “G_uare doreri máa. Irasirirā g_ua gāāmerō ñerīrē irirākoa”, ārī gūñabirikōāka! Āsū gap_u irika! “Marī_{pu}re moāboerā āārā g_ua”, ārī gūñaka! Irasū ārī gūñarā, Īgū dorerire irika! 17 Āārīpererā masakare b_uremurī merā ĩāka! Marīyarārē Jesúre b_uremurārē maīka! Marī_{pu}re gopeyari merā b_uremuka! I nikū marā op_udere b_uremurī merā ĩāka!

Cristo ñerō tarig_u Īgū bokatīūderosū m_usāde bokatīūka! ārī gojadea

18 Moāboerimasā, ōārō b_uremurī merā m_usā oparārē y_ujuka! M_usārē ōārō irirā ditare y_ujubirikōāka! M_usārē turaro merā dorerādere y_ujuka! 19 M_usā ñerō iribirikeremakū, m_usā oparā m_usārē wajamoābukuma. M_usā, Marī_{pu} ĩūrō diayemarē irid_uamakū, Īgūsā wajamoārīrē bokatīūmakū, Marī_{pu} m_usārē: “Ōārō yāma”, ārī ĩāgukumi. 20 M_usā ñerō iriri waja gap_u Īgūsā m_usārē wajamoāmakū, irire m_usā bokatīūkeremakū, Marī_{pu} m_usārē:

“Ōārō yáma”, āri iābirikumi. Musā ōārō irikeremakū ĩgūsā musārē wajamoāmakū, musā ōārō merā guaro marīrō bokatīūmakū, Marīpu musārē: “Ōārō yáma”, āri iāgakumi. ²¹ Irasiriburo, āriġū, Marīpu musārē ĩgūyarā āārīdoregū siudi āārīmí. Cristode musāya āārīburire ñerō tarimi, musāde ĩgū iriderosū iritayaburo, āriġū. ²² ĩgū neō suñarō ñerō iribirimi. Gajirārē ārīkatori merā neō wereníbirimi. ²³ Masaka ĩgūrē turimakū, ĩgūsārē neō turi gāmibirimi. ĩgūrē ĩgūsā ñerō irikeremakū: “Musārē ñerō irigura”, neō ārībirimi. ĩgū Pagū gapure: “Yupū diayemarē irigū, yure ñerō irirārē diayeta wajamoāgukumi. ĩgūgue āmugukumi”, āri gūñadi āārīmí. Irasirirā marīdere ĩgū ārīderosū ārīrō gāamea. ²⁴ Cristo, marī irirosū dupukugū ĩgū basi marī ñerī iridea wajare wajaribosagū curusague boami. Marī okaropa ñerī iririre piri, Marīpuya diayema gapure iriburo, āriġū, boami. ĩgū marīrē peamegue waabonerārē taugū, buro kāmikū, buro ñerō tarimi. ²⁵ Oveja dedeinerā irirosū musāde peamegue dederibonerā āārībú. Dapagorare Cristore buremusiā, ĩgūyarā āārā. Irasirigū ovejare koregū irirosū Cristo musārē koremi. Musā ōārō āārīrikuburo, āriġū, musārē ōārō koremi.

3

Mojōshanerā āsū irika! āri gojadea

¹⁻² Moāboerimasārē yu werederosūta musā marāposā nomerē weregura. Musā marāpusāmarārē ōārō merā yujuka! ĩgūsā dorerosū irika! Surāyeri musā marāpusāmarā Marīpuya kerere buremumerā āārīma. Irasirirā ĩgūyare musā ĩgūsārē werebirikererā, ĩgūyare ōārō iririkuka! Ōārī ditare irika! Musā marāpusāmarā musārē dorerire buremurī merā yujuka! Musā irasirimakū iārā, ĩgūsāde Marīpuya kerere buremubukuma. ³ Musāya dupure wāri mamarikubirikōāka! Musāya dupure gajirārē iāsuyumakū iribirikōāka! Musārē: “Ōārō deyoma”, āri iāmakū iribirikōāka! Irasirirā musāya poañapure wūwupuwea mamuanerā nome, oro merā iridea dari buyanerā nome, wajapari surī sāñanerā nome āārīduari ditare gūñarikubirikōāka! ⁴ Āsū gapū āārīka, ōārā, ōārō deyorā nome āārīduarā! Ōārī gūñarī oparā nome, gajirārē turiro marīrō goepeyaro merā weretamurā nome, siñajārī merā āārīrikurā nome āārīka! Ōārō āārīrikuri, dupure mamarī ōārō deyori pereburosū neō perebirioka. Musā ōārō āārīrikuri, Marīpu iūrōrē ōatariri āārā. ⁵ Iripoeguere Marīpuyarā nome āsūta āārīunanerā āārīmá. ĩgūsā nome: “Marīpu ārīderosūta yure ōārō irigukumi”, āri buremurā, ĩgūsā marāpusāmarā dorerire ōārō yujunerā āārīmá. ⁶ Āsūta Sara igo marāpure Abrahārē ōārō merā yujudeo āārīmó. Irasirigo ĩgūrē: “Yu opu”, āārīunadeo āārīmó. Irasirirā musā ōārō irirā, güiro marīrō āārīrikurā, Sara āārīderosū āārīrākoa.

⁷ Āsūta musā marāpokurāde musā marāposā nomerē pémasīrī merā ōārō irika! Nome, marī ūma irirosū turarā āārībema. Irasirirā ĩgūsārē buremurī merā iritamuka! Marīpu musārē bopoña, ĩgū puro perebiri okari sīburosūta nomedere bopoña, perebiri okari sīgukumi. Irasirirā musā marāposā nomerē ōārō koreka! Marīpu musā sērērīrē yujuburosūta ĩgūsā nomerē ōārō irika!

Ōārō ĩgūsā irikeremakū, gajirā ĩgūsārē ñerō iririre weredeā

⁸ I merā musā āārīpererārē weretūnugura. Suro merā ōārō āārīrikuka! Musā merāmarārē bopoñarī merā iāka! Sugū pūrā irirosū gāme maīrikuka! Ōārō merā gāme iritamuka! “Gua, gajirā nemorō āārībea”, āri gūñaka! ⁹ Gajirā musārē ñerō irimakū, ĩgūsārē gāmibirikōāka! Musārē ĩgūsā ñerō āri werenímakū, ĩgūsārē ñerō āri gāmibirikōāka! Āsū gapū irika! ĩgūsāya āārīburire Marīpure sērēbosaka! Marīpu musārē ōārō iribu, irire irimurārē pídi āārīmí. ¹⁰ Marīpuya werenīrī gojadea pūguere āsūta āri gojasūdero āārībú: Musā okaropa ōārō usuyari merā āārīduarā, neō ñerō wereníbirikōāka! Neō ārīkatobirikōāka!

11 Āārīpereri ñerī iririre pirikōāka! Ōārī gapure irika! Gāme iāturiro marīrō siñajārī merā āārīrikuka! Irire bure gāameka!

12 Diayemarē irirārē marī Opu irasū koreníkōāmi. Īgūsā Īgūrē sērērīrē irasū pénikōāmi. Ñerō irirā gapure gāamebemi, ārī gojasūdero āārībú.✠

13 Ōārī ditare iriduumakū, ¿noā musārē poyanorēbukuri? 14 Diayemarē musā irik-eremakū, gajirā musārē ñerō irimakū, Marīpu gapu musārē oārō yāmi. Irasirirā usuyāa. Musārē ñerō iriduarārē gübirikōāka! Īgūsā musārē iriburire güñarikubirikōāka! 15 Āsū gapu irika! Cristore: “Gua Opu āārīmi”, ārī buremuka! Musārē: “¿Nasirirā Cristore buremurī?” ārī sērēñarānorē pémasīrī merā oārō yujuka! Īgūsā musārē sērēñaburo dupiyuro Īgūsārē yujaburire oārō güñayuka! Irasirirā Īgūsārē Cristo musārē tauburire oārō yujarākoa. 16 Turiro marīrō oārō buremurī merā Īgūsārē yujuka! Ōārō irika! Irasirirā: “Marīpu iūrō waja opabea”, ārī güñarākoa. Cristore musā buremurā Īgūyare oārō irirā āārīmakū gajirā musārē: “Ñerō yāma”, ārī werewuanerā Īgūsā musārē werewuadea diaye āārībirimakū iārā, gūyasīrīrākuma. 17 Marī ñerō iriri waja gajirā marīrē ñerō tarimakū iribukuma. Marīpu gāamemakū, marī oārō iriri waja gajirā marīrē ñerō tarimakū iriri gapu oāgorāa.

18 Irasūta Cristo oāgū āārīkeregu, ñerō tarimi. Suñarōta āārīpererā ñerī iridea wajare boa, wajaribosadi āārīmī. Marī ñerā āārīmakū, marīya āārīburire ñerō tarimi, marīrē Marīpuyarā waamakū iribu. Īgū, marī irirosū dupukugu āārīsīā, Īgūya dupugora tamerā boakōāmi. Īgū boakeremakū, Īgūya yujapūrā merā okakōādi āārīmī. 19 Irasirigu Īgūya yujapūrā merā boanerā Īgūsā peresu irisūnerā āārīrōgue waa, Īgūsāya yujapūrārīrē Marīpuhare weredi āārīmī. 20 Īgūsā iripoeguere Marīpu dorerire tarinugāunanerā āārīmā. Noé āārīdeapoeguere Īgū wādiru doódirure dooripoe Marīpu Īgūrē buremumakū gāamedi āārādimi. Irasirigu: “Gajipoe irirā yare buremubukuma”, ārī, Īgūsārē yoaripoe yūdi āārādimi. Īgūsā gapu neō buremubiriunanerā āārīmā. Irasirigu Marīpu Īgūsārē wajamoādi āārīmī. Noé Īgūya wii marā merā dita: su mojōma pere gaji mojō ureru pērēbejarā dia mirīrīrē tariweredi āārīmī. 21 Marīpu i nikūrē miūgū Īgūsārē taudea, marīrē deko merā wāiyeri irirosū āārā. Irasiriro marī peamegue waabonerārē tauburire ĩmua. Deko merā marīrē wāiyemakū, marīya dupure gurarire koerosū āārībea. Marī wāiyesūrā, Marīpurre: “Gūare mu iūrō ñerī marīrā āārīmakū irika!” ārī sērēa. Irasirirā, Jesucristo masādea merā marī peamegue waabonerā tarimurā āārā. 22 Jesucristo masādero puru, ũmugasigue marīadi āārīmī. Irasirigu Marīpu diaye gapu doami Īgū merā dorebu. Īgū Marīpurre wereboerā nemorō, ũmarō marā oparā nemorō, āārīpererā dorerā nemorō doregu āārīmī.

4

Marīpu iritamurī merā Īgūyare irimasīrākoa, ārī weredea

1 Jesucristo, marī irirosū dupukugu ñerō tarimi. Irasirirā: “Īgū ñerō tarikeregu Marīpu gāamerīrē iriderosū marīde ñerō tarikererā Marīpu gāamerīrē irirākoa”, ārī güñarō gāamea. Marīde, Īgū ñerō tariderosū ñerō tarirā, ñerō iririre pirikōāa. 2 Irasū pirirā, i ũmu marī āārīrōpa dupaturi ñerī uribejarire iribirikoa. Marīpu gāamerīrē irinīrākoa. 3 Iripoegue, Marīpurre masīmerā ñerīrē iriduarire iriderosūta musāde ñerīrē iriunanerā āārībú. Irasirirā gūyasīrīrō marīrō ñerīrē iririkurā, ñerī uribejarire iririkurā, mejārikurā, bosenuī irirā mejā, gaguinīrikurā āārīnerā āārībú. Marīpu dorerire tarinugārā keori weadeare buremunerā āārībú. Irasirirā iropata iri ñerīrē irika! 4 Dapagorare irire marārōta irirā gapu musā iri ñerīrē Īgūsā merā iribirimakū iārā, iāgukakōāma. Irasirirā musārē iāhuri, ñerō werenīma. 5 Marīpu Īgūsārē: “Musā irasū ñerī irideare werepeoka!”

✠ 3:12 Sal 34.12-16

ārīgukumi. Īgūta okarārē, boanerādere: “Ire irimakū òāgorabu, iri gapure irimakū òābiribu”, āri beyebu āārīmi. ⁶ I ūmūrē āārīpererā masaka boamurā dita āārīkeremakū, Marīpu Īgūya kerere wererārē Īgūsārē irire weredoredi āārīmi, boadero puṛu Īgū irirosū Īgū puṛo okanikōāburo, ārīgū.

⁷ Āārīpereri i ūmuma pereburo mérō dūyanugāwāgārisiāa. Irasirirā òārō pémasīrī merā diayemarē irinikōāka! Irasirirā Marīpūre būremurī merā sērērākoa. ⁸ Āārīpereri gajino iriri nemorō diayeta gāme maīka! Neō gāme maīduūbirikōāka! Marī gajirārē maīrā, marīrē Īgūsā ñerō irikeremakū, mata Īgūsā ñerō iriadeare kātiakōākoa. ⁹ Mūsā merāmarā mūsāya wiirigue ejamakū, òārō ūṣuyari merā Īgūsārē bokatīrīñeāka! ¹⁰ Marīpu Īgūyarākure Īgūyare irimasīburire pídi āārīmi. Irasirirā iri merā òārō gāme iritamuka! Marīpu mūsākure mūsā Īgūyare irimasīburire pídea merā Īgū gāāmerōsū gāme iritamurā, òārō gāme iritamurā yāa. ¹¹ Irasirirā Marīpūyare wererā, Īgū weredorederosūta wereka! Gajirārē iritamurāde Īgū turari sīrō bokatīūrō iritamuka! Āārīpereri mūsā iririre Marīpūre masaka ūṣuyari sīburosū irika! Jesucristo iritamurī merā irasirika! Marīpūre āārīpererinurī būremuka! Marī āārīpererā Īgūrē: “Òātarigu, turatarigu āārā”, āri, ūṣuyari sīrā! Irasūta irirā!

Jesúre būremurī waja ñerō taririre gojadea

¹² Yaarā yu maīrā, mūsā Jesúre būremurī waja ñetariro tarirā, diayeta Īgūrē būremurīrē masīsūa. Irasirirā: “¿Nasiriro yure irasū waari? Gajirosū waakoa”, āri gūkabirikōāka! ¹³ Āsū gapu irika! Ñerō tarirā: “Cristo ñerō tariderosū guade ñerō taria”, āri ūṣuyaka! Irasirirā Cristo dupaturi i ūmugue Īgū gosesiriri merā, Īgū turari merā aarimakū iārā, būro ūṣuyarākoa. ¹⁴ Cristoyarā mūsā āārīrī waja gajirā mūsārē ñerō āri būridamakū, mūsārē ñerō werenimakūdere ire masīka! Marīpūyagu Ōāgū deyomarīgū mūsā merā āārīmi. Īgū turatarigu mūsārē iritamumi. Irasirirā ūṣuyāa. ¹⁵ Masakare wējēbéorimasā, yajarimasā, noó waaró ñerō iririmasā, gajirārē Īgūsāyamarē sērēñarikurā ñerō tarirākuma. Īgūsā irirosū iribirikōāka! Ōārī iridea waja merā gapu ñerō tarimakū òāgorāa. ¹⁶ Cristoyarā mūsā āārīrī waja gajirā mūsārē ñerō tarimakū irirā yāma. Īgūsā irasirimakū, guyasīribirikōāka! Ubu gapu Marīpūre: “Mu guare Jesucristoyarā āārīmakū iridi āārā, irasirirā mūrē ūṣuyari sīa”, ārīka!

¹⁷ Marīpu marīrē Īgūyarārē marī irideare: “I gapure irimakū òāgorabu, i gapure irimakū òābiribu”, āri beyeripoe ejasiāa. Āārīpererārē marīrē Īgūyarārē marī irideare irasū āri beyepuṛorigukumi. Īgūyarārē irasū beyepuṛorigu, ¿nasirigukuri Īgūyarā āārīmerā gapure? Īgūya kerere gāāmebiri waja Īgūsārē būro wajamoāgukumi. ¹⁸ Marīpūya werenirī gojadea pūgue āsū āri gojasūdero āārībú: “Òārā Marīpūyarā būro ñerō taridero puṛu, Marīpu Īgūsārē tau, Īgū puṛo āīagukumi. Ñerā Īgūrē gāāmemerā gapu ñetariro tarirākuma. Peamegue waadederirākuma”, āri gojasūdero āārībú. ¹⁹ Irasirirā Marīpu gāāmerōsū marī ñerō tarirā, òārī iririre irinikōārō gāāmea. Marīya āārīburire Marīpūre marīrē iridire wiaro gāāmea. Āārīpereri Īgū: “Mūsārē òārō irigura”, ārīdeare diayeta irigukumi. Irasirirā Īgūrē: “Mu gāāmerō yure irika!” ārīrō gāāmea.

5

Pedro, Jesúre būremurā iriburire gojadea

¹ Dapagorare mūsārē Jesúre būremurā oparā mūrārē weregura. Yude Jesúre būremurārē doregu āārā. Cristo ñerō tarimakū iābu. Īgū gosesiri merā, Īgū turari merā dupaturi i ūmugue aarimakū, yude āārīpererā Īgūrē būremurā merā iāgukoa. ² Marīpūyarā oveja irirosū āārīma. Mūsā Īgūyarārē dorerā ovejare korerā irirosū āārā. Irasirirā Marīpu mūsārē Īgū pínerārē Īgūyarārē òārō koreka! Marīpu gāāmerōsū

ōārō yujupūrākuri merā ĩgūsārē koreka! ĩgūsārē korerā: “Niyerure wajatarākoa”, ārī gũñabirikōāka! ³ ĩgūsārē korerā, pūrīrō merā dorebirikōāka! Ōārō iririkuka! Irasirirā musā iririkurire ĩākūrā, ĩgūsāde ōārō iririkurākuma. ⁴ Musā irasū ōārō iririkurā, Cristo marīrē āārīpererā korerā Opu dupaturi i umugue aarigá, musārē: “Ōārō iribu”, ārīgukumi. Irasirirā, ĩgū puro gosesirogue ĩgū ōātariri sīburire* wajatarākoa. Iri neō perebirikoa.

⁵ Yu musā oparārē wererosū musā maamarādere weregara. “Murārē bremurī merā yujuka!” ārī werea. Irasirirā musā Jesúre bremurā āārīpererā: “Gajirā nemorō āārā”, ārī gũñarō marīrō gāme iritamuka! Marīpuya werenírī gojadea pūgue āsū ārī gojasūdero āārībú:

“Gajirā nemorō āārā”, ārī gũñagūrē Marīpu iritamubemi. “Yu ubu āārīgá āārā, yure iritamuka!” ārīgū gapure ōārō iritamumi, ārī gojasūdero āārībú.*

⁶ Irasirirā: “Gajirā nemorō āārā”, ārī gũñabirikōāka! Marīpu turagu musārē doremakū, yujuka! Musā irasirimakū, Marīpu ĩgū: “Āsū irigura”, ārīrīnu ejamakū, masaka ĩūrō musārē: “Yu maīrā, yu iritamurā āārīma”, ārī ĩmugukumi. ⁷ Marīpu buro maīrī merā musārē koremi. Irasirirā āārīpereri musā gũñarikurire ĩgūrē wereka! ĩgū musārē iritamugukumi.

⁸ Ōārō pémasírī merā diaye gũñaka! Wātī musārē ĩaturigu musārē ñerī irimakū iridugū ēōkaye guagu waibure baadugū āmagorenagū irirosū musārē poyanoredugū āmagorenami. ⁹ Ire masīa. Musā ñerō tarirosūta āārīpererogue gajirā Jesúre bremurā ñerō tarirā yāma. Irasirirā ñerō tarikererā, wātīrē neō yujubirikōāka! Jesús gapure gũñaturaníkōāka! ĩgūrē bremurīrē neō pīribirikōāka! ¹⁰ Musā i umugue āārīrōpa dita ñerō tarirākoa. Pupu Marīpu musārē gũñaturarā, ōārā, turarā āārīmakū irigukumi. Marīputa neō pīriro marīrō marīrē iritamunígū Jesucristore bremunugādogu siudi āārīmí, marīrē ĩgū merā ĩgū gosesirogue āārīnīkōāburo, ārīgū. ¹¹ Irasirirā ĩgūrē: “Mu turatarigu, āārīpererā Opu āārā”, ārī, usuyari sīnírā! Irasūta irirā!

Pedro ōādozetūnudea

¹² Silvano iritamurī merā i pūguere yu musārē mérīgā gojáa. ĩgū, yu ĩāmakū, Jesúre bremugū marīyagu diayemarē irigu āārīmi. Irasirigu ĩgū iritamurī merā musārē gũñatura, usuyamakū irigu, Marīpu marīrē diayeta maīgū āārīmi, ārīgū, i pūrē musārē gojáa. Marīpu marīrē maīrīrē masīrā ĩgūrē irasū bremuníkōāka!

¹³ Babilonia marā Jesúre bremurā musārē ōādozema. ĩgūsāde, musā irirosūta Marīpu beyenerā āārīma. Marcos yu magū irirosū āārīgūde musārē ōādozemi. ¹⁴ Musā merāmarārē bokatírīrā, maīrī merā, ōārō usuyari merā mojō ñeāka!

Marīpu āārīpererā musārē Jesucristoyarārē ōārō siñajārī merā āārīrikamakū iriburo. Irasūta iriburo.

Iropata āārā.

Pedro

* **5:4** Sugu ūma birarimasū gajirā nemorō ōārō ūmagū, olivo wāikūdima pūrī merā iridea berore wajatakumi. Masaka iri berore ĩgūya dipurugue peokuma, gajirārē ĩgū wajatadeare ĩmurā. I irirosū, sugu Jesúre bremugū ñerō tarikeregu: “Marīpu yure iritamugukumi”, ārī bremurīrē pīribi, umugasigue perebiri okari wajatagukumi. Iri umugasigue perebiri okari wajatari, i berore wajatari irirosū āārā. ☆ **5:5** Pr 3.34

2 SAN PEDRO

Pedro Jesúre bɔremurãrẽ gojadea

¹ Yɔ Simón Pedro, Jesucristore moãboegɔ, ìgũ buedoregɔ pídi, mɔsãrẽ i pũrẽ gojáa. Marĩ Opɔ Jesucristo marĩrẽ taugɔ diayemarẽ irigɔ ããrĩmi. Irasirigɔ Marĩpɔ Jesucristo merã gɔhare iriderosũta mɔsãdere ìgũrẽ bɔremumakũ iridi ããrĩmi. Marĩ Jesucristore bɔremurĩ opamakũ òãtaria. ² Mɔsã Marĩpɔre, irasũ ããrĩmakũ marĩ Opɔ Jesúre masĩa. Irasirigɔ Marĩpɔ ìgũ mɔsãrẽ òãrò iritamurĩrẽ, ìgũ mɔsãrẽ siñajãrĩ sĩrĩrẽ masĩnemomakũ iriburo.

Jesucristoyarã ãsũ ããrĩma, ãrĩ gojadea

³ Marĩpɔ marĩrẽ ìgũrẽ masĩmakũ iridi ããrĩmi. Irasirigɔ ìgũ turari merã marĩrẽ ããrĩpereri òãrĩrẽ sidi ããrĩmi ìgũ merã òãrò ããrĩ, ìgũ gããmerĩrẽ iriburo, ãrĩgũ. Ìgũ òãtarigɔ, ããrĩpereri òãrò irigɔ marĩrẽ siiudi ããrĩmi, ìgũyarã ããrĩdoregɔ. ⁴ Ìgũ òãgũ, òãrò irigɔ ããrĩsĩã, marĩrẽ: “Yɔ turari merã mɔsãrẽ wãri òãtaririre irigɔra”, ãrĩdi ããrĩmi. Irasirigɔ ìgũ ãrĩderosũta marĩrẽ yãmi, ìgũ irirosũ òãrĩrẽ iriburo, ãrĩgũ. Marĩrẽ i ùmɔma ñerĩrẽ ɔaribejarire piriburo, ãrĩgũ, irasirimi. ⁵ Ìgũ marĩrẽ irasirimakũ ìãrã, mɔsã Jesúre bɔremurã ããrĩpereri mɔsã turari merã ire irinemoka! Òãrĩ irika! Òãrĩ irirã, òãrò pémasĩrĩ merã irika! ⁶ Pémasĩrĩ merã irirã, mɔsã ñerò iridɔarire iribirikòãka! Ñerò iridɔarire irimerã ñerò tarikererã, Marĩpɔre gũñaturaníkòãka! Irasũ gũñaturanĩrã, Marĩpɔre bɔremurĩ merã ìgũ gããmerĩrẽ iririkũka! ⁷ Ìgũ gããmerĩrẽ iririkũrã, sugɔ pũrã irirosũ mɔsã basi gãme iritamuka! Gãme iritamurã ããrĩpererã gajirãdere maĩ bɔremuka!

⁸ Mɔsã irasiriwãgãrã, òãrò irirãkoa. Irasirirã marĩ Opɔ Jesucristore masĩrã, ìgũ gããmerĩrẽ òãrò irinĩrãkoa. Ubu ããrĩrĩrẽ iribirikoa. ⁹ Sugɔ òãrò iriwãgãbi gapɔ koye ìãbi, o koye òãrò ìãjabi ìgũ waaburire masĩbi irirosũ ããrĩmi. Marĩpɔyare masĩbi: “Ìgũyare iriro gããmea”, ãrĩ gũñabemi. Ìgũ ñerò iridea wajare Marĩpɔ koebéodeare gũñabemi. ¹⁰ Yaarã, ire péka! Marĩpɔ mɔsãrẽ siiu, beyedi ããrĩmi, ìgũyarã ããrĩburo, ãrĩgũ. Irasirirã ìgũyarã ããrĩsĩã, ìgũ gããmerĩrẽ neò piriro marĩrò merã iridɔarã ããrĩka! Irasiridɔarã, ìgũyarã ããrĩmerã ñerĩrẽ iririkũrã irirosũ neò ããrĩbirikoa. ¹¹ Marĩpɔ ìgũ gããmerĩrẽ marĩ irimakũ ìãgũ, marĩ Opɔ marĩrẽ taugɔ Jesucristo ìgũyarãrẽ perebiri dorerogue marĩrẽ òãrò bokatĩrĩñeã: “Òò, yɔ merã òãrò ããrĩnókòãka!” ãrĩ ñajãdoregukumi.

¹² Mɔsã yɔ wererire masĩsiãa. Irasũ ããrĩmakũ, diayema ããrĩrĩrẽ mɔsã pédeare piriro marĩrò òãrò yãa. Mɔsã irire masĩkeremakũ, yɔ wererire kãtiri, ãrĩgũ, gũñanimakũ irigɔra. ¹³⁻¹⁴ Marĩ Opɔ Jesucristo yɔre: “Mérògã dɔyãa mɔ boaburo”, ãrĩ weresiãmi. Irasirigɔ yɔ okaro ejatuario mɔsãrẽ: “Ãsũ irika!” ãrĩ weredeare mɔsãrẽ gũñamakũ irigɔra. “Irasiriro gããmekoa yɔre”, ãrĩ gũñãã. ¹⁵ Irasirigɔ yɔ boadero pɔrɔ, yɔ weredeare neò kãtibirikòãburo, ãrĩgũ, ããrĩpereri yɔ iridɔaropã merã mɔsãrẽ irire gojapigɔra.

Gɔna Jesucristo ìgũ turagɔ ããrĩrĩrẽ ìãbɔ, ãrĩ gojadea

¹⁶ Gɔna marĩ Opɔ Jesucristo turarire, irasũ ããrĩmakũ ìgũ dupaturi i ùmɔgue aariburire mɔsãrẽ weresiãbɔ. Irire wererã, sugɔ masakũ ìgũ gããmerò gũñaboka weredeare wererã meta iribɔ. Gɔna basi ìgũ turagɔ ããrĩrĩrẽ ìãbɔ. Irasirirã ire mɔsãrẽ werebɔ. ¹⁷ Marĩpɔ ããrĩnĩgũ Jesucristo turatarigɔ, gosesirigɔ ããrĩrĩrẽ gɔhare ìmumakũ ìãbɔ. Irire ìmugũ, ùmɔgasigue merã ãsũ ãrĩ werenĩmi: “Ìĩ yɔ magũ, yɔ maĩgũ ããrĩmi. Ìgũ merã bɔro ɔsɔyãã”, ãrĩmi. ¹⁸ Ùmɔgasigue merã irasũ ãrĩ werenĩrĩrẽ pérã, ùtãũ wekague marĩ Opɔ Jesús merã ããrĩbũ. Irigɔgue ããrĩgũta ùmɔgasiguema gosesiriri merã ìgũ deyomakũ ìãbɔ.

¹⁹ Gɔna irire ìãnerã ããrĩsĩã: “Marĩpɔyã kerere weredupiyunerã gojadea diayeta ããrã”, ãrĩ masĩa. Irasirirã mɔsã ìgũsã gojadeare òãrò péka! Ìgũsã gojadea mɔsãrẽ sĩãgodiru

irirosũ ããrã. Naĩtĩãrõgue sĩãgodiru merã marĩ waarõre sĩãgowãgãrã irirosũ ïgũsã gojadea merã Marĩpũyare masĩa. Irasirirã Jesucristo dupaturi aarimakũguedere irire buenĩkõãka! ïgũ neñukãmũ boyodiru õãrõ boyoro irirosũ ããrĩgũ, marĩrẽ maama ãmurẽ píbu ããrĩmi. Irasirigu aarigũ, marĩrẽ Marĩpũyare masĩbirideare õãrõ masĩmakũ irigũkumi. ²⁰ I gapũre masĩpũrorika! Marĩpũya kerere weredupiyunerã ïgũya werenĩrĩ gojadea pũgue ïgũyare gojarã, ïgũsã masĩrĩ merã ïgũsã basi gũñarĩ merã gojarã meta irinerã ããrĩmã. ²¹ ïgũsã Marĩpũya kerere weredupiyudea, ïgũsã gããmerõ ïgũsã gũñarĩ merã werede meta ããrã. I ïgũsã weredupiyudea, Marĩpũ ïgũsãrẽ weredorede ããrã. Irasirirã ïgũsã Marĩpũyarã, Õãgũ deyomarĩgũ iritamurĩ merã Marĩpũyare were, irire gojanerã ããrĩmã.

2

Ãrĩkatori merã buerimasãyamarẽ gojadea (Jud 4-13)

¹ Iripoegue Israel bumarã surãyeri: “Marĩpũya kerere weredupiyurimasã ããrã”, ãrĩkatonerã ããrĩmã. ïgũsã iriderosũta dapagoradere ãrĩkatori merã buerimasã musã pũro aarirãkuma. Musãrẽ masĩña marĩrõ diayema ããrĩbirire buerãkuma. Marĩ Opũ Jesucristore ïgũsã ñerõ iridea waja ïgũ boari merã wajaribosadire: “Gũã Opũ ããrĩbemi”, ãrĩrãkuma. ïgũsã irasiriri waja gũñaña marĩrõ Marĩpũ ïgũsãrẽ peamegue bêogũkumi. ² ïgũsã ãrĩkatori merã buerire pérã, ïgũsã ñerĩ ãaribejari iririre ïãrã, wãrã musã watopegue ããrĩã ïgũsãrẽ ïãkũirãkuma. ïgũsãrẽ ïãkũĩmakũ ïãrã, gajirã musã Jesũre buremurã watopegue ããrĩmerã Jesũyamarẽ ñerõ ãrĩ werenĩrãkuma. ³ ãrĩkatori merã buerimasã niyerure bũro gããmesĩã, musãrẽ ãrĩkatori bueri merã musã ïgũsãrẽ niyeru sĩmakũ irirãkuma. Iripoegue Marĩpũ gapũ: “ïgũsã irasiriri waja ïgũsãrẽ wajamoãgũra”, ãrĩsiadi ããrĩmĩ. Irasirigu ïgũ ãrĩderosũta ïgũsãrẽ peamegue bêogũkumi.

⁴ Irasirigu yũ musã masĩdeare dupaturi gũñamakũ iridũãã. Iripoegue Marĩpũ ïgũrẽ wereboerã ããrãdinerã ïgũsã ñerõ irimakũ peamegue peresu iribéodi ããrĩmĩ. Naĩtĩãrõgue kõmedari merã siadobobéodi ããrĩmĩ. ããrĩpererã ñerãrẽ wajamoãrĩnũ ejamakũ, ïgũsã ñerõ iridea waja ïgũsãrẽ wajamoãgoragũkumi. ⁵ Noé ããrĩdeapoegue marãrẽ ïgũsã ñerõ iridea waja ïgũsãrẽ wajamoãdi ããrĩmĩ. Irasirigu i nikũ ããrĩperero miũgũ, ïgũsãrẽ mirĩboaperemakũ iridi ããrĩmĩ. Noé ditare, marãpo, ïgũ pũrã ãma ãrerã, ïgũsã marãposã nomerẽ taudi ããrĩmĩ. Noé masakare: “Diayemarẽ irika!” ãrĩ weregũ ããrĩdi ããrĩmĩ.

⁶ Marĩpũ Sodoma, Gomorra wãĩkũri makãrĩ marãdere wajamoãdi ããrĩmĩ. ïgũsã ñetariro iriri waja ïgũsãya makãrĩrẽ peame merã soebéogu, nitĩ poga dita dujamakũ iridi ããrĩmĩ. Pũrgue gajirã ñerãrẽ wajamoãburire masĩburo, ãrĩgũ irasiridi ããrĩmĩ. ⁷ Iri makãrĩ marãrẽ wajamoãgũ, Lot diayema irigu ditare taudi ããrĩmĩ. Lot Sodomamũ, gajirã ïgũya makã marã Marĩpũ dorerire irimerã ñerĩ iririkũmakũ ïãgũ, bũro gariboredi ããrĩmĩ. ⁸ ïgũ õãgũ, ïgũsã watope ããrĩgũ, ãmurikũ ïgũsã ñerõ iririre ïãgũ, ïgũsã ñerõ werenĩrĩrẽ pégu, ïgũya yũpũrãgue bũro bũjawereri merã poyadi ããrĩmĩ. ⁹ Irasirirã, iripoegue marã waadeare marĩ masĩsĩã, idere masĩa. Marĩ Opũ ïgũrẽ gããmerãrẽ ñerõ tarimakũ taumasĩmi. Ñerã gapũre: “Wajamoãgũra”, ãrĩdeare pídi ããrĩmĩ. Irasirigu ããrĩpererã ñerãrẽ wajamoãrĩnũ ejamakũ, ïgũsãrẽ wajamoãgũkumi.

¹⁰ Gajirã ñerã nemorõ ñerĩ ãaribejari iririkũrãrẽ, ïgũ Opũ ããrĩrĩrẽ gããmemerãrẽ wajamoãgũkumi. ïgũsã musãrẽ ãrĩkatori merã buerã noó gããmerõ yãma. “Gajirã nemorõ õãrõ masĩa”, ãrĩ gũñama. Gũiri marĩrõ turari oparãrẽ ñerõ ãrĩ bũridama. ¹¹ Marĩpũre wereboerã gapũ ãrĩkatori merã buerimasã nemorõ turarã ããrĩkererã, Marĩpũ ïũrõ neõ ñerõ ãrĩ bũridari merã turari oparãrẽ: “Ñerã ããrĩma”, ãrĩ weresãbema.

¹² Ārīkatori merā buerimasā gapu waimurā pémasīmerā iririkurosū noó gāāmerō iriduari ditare yáma. Īgūsā pémasībirideare ñerō wereníma. Masaka waimurārē ñeā, wējékuma. Ārīkatori merā buerimasā, waimurā irirosū boamurā dita āārīma. Boadero puru peamegue béosūrākuma. ¹³ Irasirirā gajirārē ñerō tarimakū iriri waja, ñerō tarirākuma. Ūmūrī, masaka iūrōgue noó gāāmerō Īgūsā ñerī ɥaribejarire iri, ɥɥayama. Musā merā bosebaarā, ñerō gɥyasiūrī iririkurā āārīma.

¹⁴ Nomerē iārā, Īgūsā merā ñerō iridɥama. Īgūsā merā ñerō iririre neō piribema. Marīpɥare gūñaturamerārē Īgūsā irirosū ñerō iridɥamakū yáma. Īgūsā buro opadɥarire: “Āsū irirāra opamurā”, ārī gūñarā āārīma. Irasirirā Marīpu wajamoāsūmurā āārīma. ¹⁵ Diayemarē piri, iripoeguemɥ Balaam iriderosū ñerō yáma. Balaam, Beor wāikɥu magū āārīdi āārīmí. Īgū ñerī iriri merā niyerure wajatadɥagu āārīdi āārīmí. ¹⁶ Īgū irasiribu maague waamakū, Īgūyago burra Īgūrē turideo āārímó. Marīpu igore masako irirosū werenímakū iridi āārīmí. Igo werenímakū pégu, Balaam Īgū pémasībi irirosū iriboasideare pirikōādi āārīmí.

¹⁷ Masaka deko āārīrī gobegue deko bokarākoa, ārī gūñama. Ārīkatori merā buerimasā gapu deko āārīrī gobegue deko marīrō irirosū āārīma. Īmīkāyebori mirū wējāpuri merā eja, otederogue deko merērō marīrō tariaro irirosū neō masakare iritamubema. Irasirigɥ Marīpu: “Īgūsārē āsū wajamoāgura”, ārīderosūta gajiro nemorō naītīārōgue āārīnīmakū irigukumi. ¹⁸ Ārīkatori merā buerimasā werenírī, Īgūsā: “Masītarinugāa”, ārīrī neō wajamāa. Jesúre buremunugārārē ñerō iririkurā iririre piriwāgārārē: “Marī noó gāāmerō irimakū oāgorāa”, ārī buema. Irire irasū ārī buerā, Jesúre buremunugārārē ñerō ɥaribejarire dupaturi iridɥamakū yáma. ¹⁹ Īgūsārē: “Marī noó gāāmerō irimasīa”, ārī buema. Irasū āārīkeremakū, Īgūsā ñerō ɥaribejari, Īgūsārē ñerō irimakū yáa. Ñerō iririre neō pirimasībema. Irasirirā ñerō iridoregure moāboerā, Īgū doreri ditare irirā irirosū āārīma. ²⁰ Marī Opɥ Jesucristore marīrē taugure masīnugārā i ūmama ñerīrē pirikōāma. Iri ñerīrē piridero puru, dupaturi piriro marīrō irinemomakū, ñegorakoa. Īgūsā Jesucristore masīburo dupiyuro Īgūsā āārīpuroridero nemorō ñerō dujama. ²¹ Ñerīrē irasiririkurārē diayeta Jesucristoyare diayema iririre masībirimakū oābukuyo. Marīpu doreri Īgūsārē Īgū pídeare masīdero puru irire gāāmemerā, ñetariro dujama. ²² Irasirirā dupaturi ñerīrē piriro marīrō irinemorā, masaka ārīnarōsū irirā yáma. Āsū ārīnama: “Dīayée doka, puru Īgū dokadeareta baakumi doja. Irasū āārīmakū yesede guua, puru ñerī sóoberogue oyakumi doja”, ārīma.

3

Marī Opɥ Jesucristo dupaturi i ūmague aariburire gojadea

¹ Yaarā yɥ maīrā, mɥsārē su pū gojasiabɥ. Yɥ iri dupiyurogue gojadea pū, irasū āārīmakū i pū merā mɥsārē: “Āsū irika!” ārīrīrē oārō gūñamakū iridɥagu yáa. ² Iripoegue marā oārā Marīpɥaya kerere weredupiyunerā gojadeare, irasū āārīmakū marī Opɥ marīrē taugɥ dorerire gūñaka! Iri dorerire gɥa Īgū buedoregɥ pīnerā mɥsārē buebɥ.

³ Ire gūñapurorika! I ūmɥ pereburi dupiyuro masaka Marīpɥare buřidarākuma. Ñerō ɥaribejarire iririkurākuma. ⁴ Buřidari merā: “Cristo: ‘Dupaturi aarigura’, Īgū ārīdea, ɥnaāsū waari? Marī ñekūsāmarā boanerā āārīmá. Neōgorague i ūmɥ āārīnugādero puru, āārīpereri mɥrārōta āārīnīkōāa. Irasirigɥ Cristo neō aarībirikumi”, ārīrākuma. ⁵ I gapure neō gūñadɥabema. Iripoeguere Marīpu i nikū, ūmɥgasire āārīmakū iridi āārīmí. Īgū werenírī merā dorederosūta deko āārīrōgue nikū deyoamakū iridi āārīmí. Irasū āārīmakū deko merā i nikū āārīmakū iridi āārīmí. ⁶ Puru deko merāta i nikūrē miūdi āārīmí. Irire miūgū, i nikūma āārīdeare peremakū iridi āārīmí. ⁷ Dapagorare Īgū werenírī merā dorerosūta ūmɥgasi, i nikū āārīnīmakū yámi. Puruguerē āārīpererā ñerārē

wajamoãrĩnũ ejamakũ, i ããrĩpererire peame merã peremakũ irigukumi. Irinũ ããrĩmakũ, ñerãrẽ peamegue béogukumi ìgũsãrẽ wajamoãgũ.

⁸ Yaarã yũ maĩrã, i gapũre gũñaka! Marĩ: “Mil bojori tariri yoataria”, ãrĩ gũñaá. Marĩ Opũ gapũ gũñamakũ, mil bojori tariri, sunũ tariro irirosũ ããrã. Sunũ tariride mil bojori tariri irirosũ ããrã ìgũrẽ. ⁹ Surãyeri masaka marĩ Opũ ìgũ: “Dupaturi aarigukoa”, ãrĩdeare gũñarã: “Yoobotarimi, aaribiribukumi”, ãrĩ gũñama. Ìgũsã irasũ gũñarĩ diaye ããrĩbea. Masakare bopoñarĩ merã ìãsiã, mata aaribirikumi. Neõ sugũ masakũre peamegue waamakũ gããmebemi. ããrĩpererã ìgũsã ñerõ iririre bujawere, gũñarĩrẽ gorawayumakũ gããmemi. Irasirigu aaribemi dapa.

¹⁰ Marĩ Opũ dupaturi i ãmũgue aarirĩnũ ããrĩmakũ, yajarimasũ gũñaña marĩrõ yajagu aarigũ irirosũ gũñaña marĩrõ aarigukumi. Ìgũ aarimakũ, buro busuro merã ãmũgasi pereakõãrokoa. I ãmũma ãjũpereakõãrokoa. Nikũ, irasũ ããrĩmakũ ããrĩpereri i nikũgue ããrĩrĩ ãjũpereakõãrokoa.

¹¹ Marĩpũ i ããrĩpereri peremakũ iriburire pérã, marĩ ñerõ iririre piri, Marĩpũ gããmerĩ gapũre iriro gããmea marĩrẽ. ¹² Marĩ Opũ dupaturi i ãmũgue aarirĩnũrẽ yúrãta Marĩpũ gããmerĩrẽ iriri merã ìgũ aarimakũ iriyuwarikũpurumurã! Irinũrẽ ãmũgasima ãjũpereakõãrokoa. I ãmũgue ããrĩrĩ ãjũ sebebepereakõãrokoa. ¹³ Marĩ gapũ Marĩpũ ìgũ: “Maama ãmũgasi, maama nikũrẽ irigũra”, ãrĩderosũta ìgũ iriburire yúa. Ìgũ maama dita iriadero pũrũguere õãrã diayema irirã dita ããrĩrãkuma.

¹⁴ Irasirirã mũsã yũ maĩrã, marĩ Opũ aariburire yúrãta, buro iridũari merã õãrĩ ditare irika! Irasirimakũ, ìgũ aarigũ, mũsãrẽ ìgũ merã õãrõ siñajãrĩ oparã, Marĩpũ ìũrõ ñerĩ marĩrã, waja opamerãrẽ bokajagukumi. ¹⁵ Mũsã ire masĩka! Marĩ Opũ masakare bopoñarĩ merã ìãgũ, ìgũsã peamegue waabirimakũ gããmegũ, mata aaribirikumi. Ìgũsã ñerõ iririre bujowereri merã gũña, ìgũrẽ buremunũgãmakũ yámi. Marĩyagu Pablo marĩ maĩgũ, Marĩpũ masĩrĩ sĩrĩ merã ãsũta mũsãrẽ gojadi ããrĩmĩ. ¹⁶ ããrĩpereri ìgũ gojadea pũgue marĩ Opũ dupaturi aariburimarẽ gojadi ããrĩmĩ. Irire marĩ pémasĩdũamakũ diasagorãa marĩrẽ. Marĩpũyare masĩmerã, irasũ ããrĩmakũ ìgũyare gũñaturamerã: “Pablo gojadea ãsũ ãrĩdũaro yáa”, ãrĩ buerã, keoro buebema. ãrĩkatori merã buema. Gaji Marĩpũyare werenĩrĩ gojadea pũgue gojadeare buerãde irasũta yáma. Irasiriri waja peamegue béosũrãkuma.

¹⁷ Yaarã yũ maĩrã, yũ mũsãrẽ ãrĩkatori merã buerimasã iririre weresiabũ. Irasirirã ñerã mũsãrẽ ãrĩkatori merã buerire pémasĩka! Ìgũsã Marĩpũ dorerire irimerã irirosũ ããrĩbirikõãka! Irasũ ããrĩmakũ, mũsã ìgũyare gũñaturari merã buremurĩrẽ neõ piribirikõãka! ¹⁸ Marĩ Opũ Jesucristo marĩrẽ taugũ gapũre, irasũ ããrĩmakũ ìgũ marĩrẽ maĩrĩ gapũre masĩnemoka! Dapagorare, pũrũguedere neõ piriro marĩrõ marĩ ìgũrẽ buremunikõãrã! “Õãtaria mũ”, ãrĩrã ìgũrẽ! Irasũta ãrĩrã!

Iropata ããrã.

Pedro

1 SAN JUAN

Juan Jesucristoyamarē gojadea

¹ Gwa musārē Jesucristoyamarē gojáa. Neōgoragueta i ũmu āārīburi dupiyuro āārīsiadi āārīmí. I ũmugue deyoadero puru, ĩgūrē guaya koye merā ĩā, ĩgū werenírīrē pébu. ĩgū āārírīrē ĩāmasí, guaya mojōrī merā ĩgūrē moañabu. ĩgū marírē Marĩpu merā āārínimakū irigu Marĩpuya werenírīrē weregu āārīmi. ² ĩgū, Marĩpu merā āārínígū, i ũmugue deyoadi āārīmí, marírē Marĩpu merā āārínimakū iribu. ĩgū deyoadero puru, guare ĩgū Pagu merā perebiri okarire sīgū āārírīrē masĩmakū irimi. Gwa ĩgūrē ĩāsĩā, gwa ĩādeare musārē werea. ³ Gwa Marĩpu merā, irasū āārĩmakū ĩgū magū Jesucristo merā oārō āārā. Irasirirā gwa ĩā, pédeare musārē werea, musāde gwa irirosūta Marĩpu merā, Jesucristo merā oārō āārī, gwa merādere oārō āārīburo, āārīrā. ⁴ Irireta gwa musārē gojáa, buro usuyari opaburo, āārīrā.

Marĩpu āārírī, boyorigora āārā, āārī gojadea

⁵ Jesucristo guare ĩgūya kere buedeare musārē werea. Āsū āārīmi: “Marĩpu āārírī, boyorigora āārā. ĩgūguere naĩtīārī neō máa. Irasirigu oārī ditare opagu, ñerírē neō opabi āārīmi”. ⁶ Ñerírē irirā naĩtīārōgue āārīrā irirosū āārīma. Marĩ, ĩgūsā irirosū ñerírē iririkakererā, “Marĩpu merā oārō āārī, oārō yáa”, āārīrā, āārīkatorā yáa. Diayemarē iribea. ⁷ Marĩpu oārī ditare irigu irirosū marĩ oārírē iririkarā, boyorogue āārīrā irirosū āārā. Irasirirā, Marĩpu merā oārō āārīrā, marĩ baside oārō āārīrā yáa. Jesucristo, Marĩpu magū curusague boagu ĩgūya dí béodea merā marĩ ñerī opari āārīpererire koeníkōāmi.

⁸ Marĩ ñerírē irirā: “Ñerírē irirā meta āārā”, āārīrā, marĩ basita āārīkatorā yáa. Diayema āārírīrē masĩbea. ⁹ Marĩ ñerō irideare Marĩpue weretaripeomakū, ĩgū āārīderosūta diayemarē irigu āārīsĩā, marĩ ñerō irideare kātipeokōāgukumi. Āārīpereri marĩ ñerī oparire koepeokōāgukumi. ¹⁰ Marĩpu: “Āārīpererā masaka ñerírē irirā āārīma”, āārīdi āārīmí. Irasirirā marĩ: “Neō ñerírē iribea”, āārīrā: “Marĩpu āārīkatogu āārīmi”, āārīrā irirosū āārā. ĩgū werenírīrē gāāmemerā irirosū āārā.

2

Juan: “Cristo ĩgū Pagure marĩya āārīburi sērēbosami”, āārī gojadea

¹ Yaarā, musā yu purā irirosū āārā. Yu musārē ire gojáa, ñerírē iribirikōāburo, āārīgū. Marĩ ñerō irimakū, Jesucristo diayemarē irigu ĩgū Pagure marĩya āārīburi āsū āārī sērēbosami: “ĩgūsā ñerō irideare kātika, ĩgūsārē wajamoābirikōāka!” āārīmi. ² Jesucristo ĩgū boari merā marĩ ñerō iridea wajare marírē wajaribosadi āārīmí. Marĩ ñerō iridea waja ditare wajaribosabiridi āārīmí. Āārīpererā i ũmu marārē ĩgūsā ñerō iridea wajare wajaribosadi āārīmí.

³ Marĩpu dorerire marĩ irirā: “Marĩpue diayeta masĩa”, āārī masĩa. ⁴ Sugū Marĩpu dorerire iribi: “Yude Marĩpue masĩa”, āārīgū, āārīkatogu yámi. Diayema āārírīrē masĩbemi. ⁵ Marĩpu dorerire irigu gapu Marĩpue buro maĩmi. Irasirigu: “Yu Marĩpu merā oārō āārā”, āārī masĩmi. ⁶ Irasirirā marĩ: “Marĩpu merā oārō āārā”, āārīrā, Jesucristo ĩgū iririkaderosūta iriro gāāmea.

Juan, Marĩpu dorerimarē gojadea

⁷ Yaarā, yu musārē dapagora gojari, maama doreri meta āārā. I doreri, musā Jesúya kerere buremunugādeapoegue pédeata āārā. Irasirirā musā iri dorerire pésiabu. ⁸ Iri doreri: “Gāme maĩka!” āārā. Irasiro iri doreri, iripoeguema doreri āārīkerero, maama doreri irirosū āārā. Iri dorerire irimerā naĩtīārōgue āārīrā irirosū āārīma. Iro dupiyuro

musã iri dorerire iribirinerã ããrĩbú. Dapagorare Cristo irirosũ musãde irire irirã yáa. Irasirirã naĩtĩãrõgue ããrĩrã irirosũ ããrĩbea. Boyorogue ããrĩnũgãrã irirosũ irirã yáa.

⁹ Sugũ gajigu ĩgũyagũre ĩãturi dookeregũ: “Marĩpu dorerire irigu ããrã”, ãrĩgũ, naĩtĩãrõgue ããrĩgũ irirosũ ããrĩmi dapa. ¹⁰ Gajirãrẽ ĩgũyarãrẽ maĩgũ gapũ boyorogue ããrĩgũ irirosũ ããrĩmi. ĩgũguere neõ ñerĩ opari ĩgũrẽ ñerõ irimakũ iriri máa. ¹¹ Gajirãrẽ ĩgũyarãrẽ ĩãturi doorikũgũ gapũ naĩtĩãrõgue waagorenagũ irirosũ ñerĩrẽ iririkũgũ ããrĩmi. ĩgũ ñerĩrẽ iririkuri waja, koye ĩãbi ĩgũ waaburore masĩbi irirosũ Marĩpu dorerire neõ masĩbi ããrĩmi.

¹² Yũ musãrẽ yũ pũrã irirosũ ããrĩrãrẽ gojáa. Marĩpu, Jesucristo ĩgũ boari merã musã ñerõ iridea wajare wajaribosari merã musã ñerĩ irideare kãtidi ããrĩmĩ. Irasirigu musãrẽ gojáa. ¹³ Musã pagũsãmarã, musã Cristore neõgoragueta ããrĩdire masĩa. Irasirigu musãdere gojáa. Musã maamarã, wãtĩrẽ tarinũgãnerã ããrã. Irasirigu musãrẽ gojáa.

¹⁴ Musã Marĩpure masĩa. Irasirigu musãrẽ yũ pũrã irirosũ ããrĩrãrẽ gojáa. Musã pagũsãmarã, musã Cristore neõgoragueta ããrĩdire masĩa. Irasirigu musãrẽ gojáa. Musã maamarã, Marĩpure gũñaturarã ĩgũ werenĩrĩrẽ gããmerã, wãtĩrẽ tarinũgãnerã ããrã. Irasirigu musãrẽ gojáa.

¹⁵ I ãmũrẽ, i ãmũma ñerĩrẽ maĩbirikõãka! Sugũ i ãmũmarẽ maĩgũno, Marĩpure maĩbemi. ¹⁶ I ãmũma ãsũ ããrã. Masaka noó gããmerõ ñerĩ ãaribejari, gajinorẽ ĩã bũro gããmerĩ, gajirã nemorõ opari merã usũyari ããrã. Iri Marĩpũyama ããrĩbea. I ããrĩpereri i ãmũma dita ããrã. ¹⁷ I ãmũ pereburo yáa. ããrĩpereri masaka ĩgũsã i ãmũma ñerĩ ãaribejaride pereakõãrokoa. Marĩpũya gapũ neõ perebirikoa. Irasirirã, Marĩpu gããmerĩrẽ irirã ĩgũ merã ããrĩnĩkõãrãkuma.

Juan: “Diayema ããrĩrĩ, diayema ããrĩbiri ããrã”, ãrĩ gojadea

¹⁸ Musã yũ pũrã irirosũ ããrĩrã, i ãmũ pereburo mérõ dũyáa. I ãmũ pereburo dupiyuro Cristore ĩãturigu aarigũkumi. Musã irire pésiabũ. Dapagoradere gajirã Cristore ĩãturirã wãrã ããrĩsiamã. Irasirirã marĩ i ãmũ pereburo mérõ dũyarire masĩa. ¹⁹ ĩgũsã Cristore ĩãturirã marĩ merã ããrĩnerã ããrĩkererã, marĩyarã diaye ããrĩbema. Irasirirã ããrĩpererã marĩrẽ béo wiriamã. ĩgũsã irasirimakũ ĩãrã, masĩa. ĩgũsã marĩyarã ããrĩnerã, marĩ merã dujabonerã ããrĩmã.

²⁰ Cristo musãrẽ Ōãgũ deyomarĩgũrẽ sĩsiadi ããrĩmĩ masĩrĩ opadoregũ. Irasirirã musã ããrĩpererã Ōãgũ deyomarĩgũ merã Jesucristoya kere diayema ããrĩrĩrẽ masĩa. ²¹ Irasirigu yũ musãrẽ gojagũ: “Diayema ããrĩrĩrẽ masĩbea musã”, ãrĩ gojagũ meta yáa. Musã diayema ããrĩrĩrẽ masĩsĩa: “Jesucristoya kere, diayema ããrĩrĩ, neõ ãrĩkatori kere meta ããrã”, ãrĩ masĩa. Irasirigu musãrẽ gojáa.

²² Ārĩkatorikurã gapũ ãsũ ãrĩma: “Jesús, Marĩpu iriudi Cristo ããrĩbemi”, ãrĩma. Irire irasũ ãrĩrã Cristore ĩãturirã ããrĩma. ĩgũrẽ Marĩpu magũ ããrĩrĩrẽ bũremubirisĩa, ĩgũ Pagũdere bũremubema. ²³ Noó: “Jesús, Marĩpu magũ ããrĩbemi”, ãrĩrãno ĩgũ Pagũ merãdere õãrõ ããrĩbema. “Jesús, Marĩpu magũ ĩgũ iriudi Cristo ããrĩmi”, ãrĩrã gapũ ĩgũ Pagũ merãdere õãrõ ããrĩma.

²⁴ Irasirirã, Jesucristoya kerere musã bũremunũgãdeapoegue pédeare õãrõ gũñaduripĩka! Irire gũñaduripĩrã, Jesucristo merã, ĩgũ Pagũ merãdere neõ piriõ marĩrõ õãrõ ããrĩnĩkõãrãkõa. ²⁵ Jesucristo marĩrẽ ãsũ ãrĩ weresiami: “Yũpũ merã perebiri okari sĩgũkõa musãrẽ”, ãrĩmi.

²⁶ Gajirã musãrẽ ãrĩkatori merã buedũama. Irasirigu musãrẽ irire gojáa, ĩgũsã ãrĩkatorire péri, ãrĩgũ. ²⁷ ĩgũsã musãrẽ irasũ ãrĩkatokeremakũ, Jesucristo gapũ musãrẽ Ōãgũ deyomarĩgũrẽ sĩsiadi ããrĩmĩ masĩrĩ opadoregũ. Irasirigu Ōãgũ deyomarĩgũ musã merã

ãārīnīsīā, neō ārīkatori marīrō ãārīpereri diayema ãārīrīrē mūsārē masīmākū yāmi. Irasirimakū ĩārā: “Gajirā gũare diayema ãārīrīrē buemakū gāāmea”, ārībirikōādorea. Irasirirā, Ōāgū deyomarīgū mūsārē buerosūta Cristo merā ōārō ãārīnīkōāka!

²⁸ Irasirigū yū mūsārē yū pūrā irirosū ãārīrārē: “Cristo merā ōārō ãārīnīkōāka!” ārī werea. Marī irasirirā, Cristo i ūmūgue dupaturi aarimakū, neō gūiri marīrō ĩgū ĩūrōrē gūyasīrīrī marīrō gūñaturari merā ĩgūrē ōārō bokatīrīñeārākoa. ²⁹ Jesucristo Marīpū magū diayemarē irigū ãārīrīrē mūsā masīa. Irasirirā, ãārīpererā diayemarē irirāno Marīpū pūrā ãārīma. Idere mūsā masīa.

3

Mūsā Marīpū pūrā ãārā, ārī gojadea

¹ Marīpū marīrē maītarimi. Irasirigū marīrē: “Yū pūrā ãārīma”, ārīmi. Irasirirā ĩgū pūrā ãārā marī. I ūmū marā ñerā Marīpūre masībema. Irasirirā marīdere ĩgū pūrādere masībema. ² Yaarā yū maīrā, yū mūsārē werea. Marīpū pūrā ãārā marī. Pūmūgue marī ãārīburire marī ōārō masībea dapa. Cristo dupaturi aarimakūgue diayeta irire masīrākoa. ĩgū aarimakū ĩārā: “Āsūta ãārīmi”, ārī masīrākoa. Irasirirā, Cristo aarimakūgue, marī ĩgū irirosū ãārīrākoa. ³ ĩgū irirosū ãārīburire gūñarāno: “ĩgū irirosūta ōārīrē iriro gāāmea marīrē”, ārīrā, ñerī iririre piri, ōārī gapure irirā yāma.

⁴ ãārīpererā ñerīrē irirā, Marīpū dorerire tarinūgārā ãārīma. Ñerō iriri, Marīpū dorerire tarinūgārī ãārā. ⁵ Jesucristo marī ñerō iridea wajare peremakū iribu i ūmūgue aaridī ãārīmī. ĩgūrē ñerī opari neō máa. Mūsā irire masīa. ⁶ Irasirirā ãārīpererā ĩgū merā ōārō ãārīnīrā, ñerīrē irinīrā meta ãārīma. Ñerīrē irinīrā gapū ĩgūrē neō masībiri, ĩgū ãārīrikuridere masībema. ⁷ Yaarā, yū pūrā irirosū ãārīrā, ōārō pémasīka! Gajirā mūsārē ārīkatomakū, ĩgūsārē pébirikōāka! Sugū diayemarē irigano, Jesucristo irirosū ōāgū ãārīmi. ⁸ Ñerīrē irinīgū wātīyagū ãārīmi. Wātī neōgoragueta ñerīrē irinūgādi ãārīmi. Irasirigū Marīpū magū Jesucristo wātī ñerī iririre béogū i ūmūgue aaridī ãārīmī.

⁹ Marīpū ĩgū pūrārē ĩgū irirosū ãārīrikumakū iridī ãārīmī. Irasirirā ñerīrē irinībema. Marīpū pūrā ãārīsīā, ñerī ditare irinīmasībema. ¹⁰ Marīpū pūrārē, wātī pūrādere āsū ĩāmasīa. Wātī pūrā, Marīpū pūrā irirosū ãārībema. Diayemarē irinīmerā, gajirā ĩgūsāyarārē maīmerā, Marīpū pūrā ãārībema.

Gāme maīdoredea

¹¹ “Marīrē gāme maīrō gāāmea”, ārī bueri, mūsā Jesúya kerere bũremunūgādeapogue púdeata ãārā. ¹² Irasirirā marī Caín iripoegumū iriderosū iribirikōārā! Caín wātīyagū ãārīsīā, ĩgū pagumūrē wējēbéokōādi ãārīmī. ¿Nasirigū ĩgūrē wējēyuri? ĩgū ñerīrē irinīdi ãārīmī. ĩgū pagumū gapū diayemarē irinīdi ãārīmī. ĩgū irasū iriri waja, Caín ĩgūrē ĩāturi doo, wējēbéokōādi ãārīmī.

¹³ Yaarā, i ūmū marā ñerō iririkurā marī ōārīrē iriri waja marīrē ĩāturi doomakū ĩārā: “¿Nasiro irasū waáari yure?” ārī gūñabirikōāka! ¹⁴ Iripoeguere marī peamegue waamurā dita ãārīnerā ãārādibu. Dapagora gapure marīyarārē maīsīā: “Marīpū marīrē ĩgū ãārīrōgue waamurā ãārīmakū iridī ãārīmī”, ārī masīa. Sugū gajigū ĩgūyagure maībino, peamegue waabu ãārīmi dapa. ¹⁵ ĩgūsāyarārē ĩāturi doorāno Marīpū ĩūrōrē masakare wējēbéorā irirosū ãārīma. Masakare wējēbéorā Marīpū merā perebiri okari opamerā ãārīma. Irire mūsā masīa. ¹⁶ Jesucristo marīya ãārīburire marīrē boabosadeare gūñarā, ĩgū marīrē bũro maīrē masīa. Irasirirā marīde marīyarārē maīrā, ĩgūsāya ãārīburire boamurā ãārīkererā, ĩgūsārē iritamurō gāāmea. ¹⁷ Sugū wāri ĩgū ãārīburire opagū gapū ĩgūyagure bopogure ĩākeregū, ĩgūrē bopoña sībi, Marīpū maīrōsū maībemi. ¹⁸ Yaarā yū maīrā: “Marī gajirārē maīa”, ārī werenīrā, ĩgūsārē iritamurō gāāmea. ĩgūsārē iritamurā, marī ĩgūsārē diaye maīrē masīmākū yāa.

Marĩpu iũrõ güiro marĩrõ ããrĩrẽ gojadea

¹⁹ Gajirãrẽ maĩrã: “Marĩ diayeta Marĩpu pũrã ããrã”, ãrĩ masĩa. Irasirirã, ĩgũ iũrõ güiro marĩrõ ããrĩmasĩa. ²⁰ Marĩ basi: “Ñerõ iriakubu, irasirigu waja opakoa”, ãrĩ gũñarikakeremakũ, Marĩpu ããrĩpererire masĩgũ, marĩ nemorõ marĩ ããrĩrikũrere masĩmi. Irasirigu marĩrẽ õãrõ ããrĩrikũmakũ irimasĩmi. ²¹ Yaarã yu maĩrã: “Marĩpu iũrõ marĩ ñerĩ iridea wajare opabea”, ãrĩ gũñarã, ĩgũ iũrõ güiro marĩrõ gũñaturari merã ããrĩmasĩa. ²² Irasũ ããrĩmakũ ĩgũ dorerire ĩgũ gããmerĩrẽ marĩ irimakũ ĩãgũ, ĩgũrẽ marĩ sërẽrĩrẽ sĩgũkumi. ²³ ĩgũ marĩrẽ doregu, ãsũ ãrĩmi: “Yu magũ Jesucristore bũremuka! Irasũ ããrĩmakũ, ĩgũ musãrẽ dorederosũta gãme maĩka!” ãrĩmi. ²⁴ Marĩ ĩgũ dorerire irirã, ĩgũ merã õãrõ ããrĩnikõãa. ĩgũde marĩguere ããrĩnikõãmi. ĩgũ marĩrẽ Õãgũ deyomarĩgũrẽ sĩsiami. Irasirigu ĩgũ marĩguere ããrĩnĩrĩrẽ Õãgũ deyomarĩgũ merã marĩrẽ masĩmakũ yãmi.

4*“Marĩpu werederosũta wererã ããrã”, ãrĩrãyamarẽ masĩdorea, ãrĩ gojadea*

¹ Yaarã yu maĩrã, musãrẽ werea. Dapagorare i ãmurẽ wãrã: “Marĩpu werederosũta wererã ããrã”, ãrĩkererã, ãrĩkatorã ããrĩma. Irasirirã, ããrĩpererã musã masĩmerã musã pũroque buerã ejamakũ, mata ĩgũsã buerire bũremubirikõãka! ĩgũsã buerire pãrã: “¿Diayeta Marĩpu buedoreri ããrĩrĩ? ¿Õãgũ deyomarĩgũrẽ oparã ããrĩrĩ irasũ ãrĩ wererã?” ãrĩ gũñaka! ² Õãgũ deyomarĩgũrẽ oparãno, ãsũ ãrĩma: “Jesucristo marĩ irirosũ dũpũkũgu i ãmũguere aaridi ããrĩmĩ”. Musã, ĩgũsã irire irasũ ãrĩmakũ pãrã: “Õãgũ deyomarĩgũrẽ oparã, Marĩpu dorederosũta werema”, ãrĩ masĩrãkoa. ³ “Jesús marĩ irirosũ dũpũkũgu i ãmũguere aaridi ããrĩmĩ”, ãrĩrĩrẽ bũremumerã gapu Õãgũ deyomarĩgũrẽ opabema. Cristore ĩãturigure doreguta ĩgũsãdere doremi. Musã, Cristore ĩãturigu aariburire pãsiabu. Dapagoradere ĩgũrẽ doreguta i ãmũguere ããrĩsiami.

⁴ Musã yu pũrã irirosũ ããrĩrã, Marĩpũyarã ããrã. Õãgũ deyomarĩgũ musãguere ããrĩmi. Wãtĩ ĩgũyarãrẽ i ãmũgue ããrĩrãrẽ doregu ããrĩmi. Õãgũ deyomarĩgũ gapu, wãtĩ nemorõ turagu ããrĩmi. Irasirirã, ãrĩkatori merã wererã wererire bũremubiri, ĩgũsãrẽ tarinũgãsiabu. ⁵ ãrĩkatori merã wererã i ãmu marã ããrĩma. I ãmũma ditare werema. Gajirã i ãmu marã ĩgũsã irirosũ ããrĩrãta ĩgũsã wererire pãma. ⁶ Marĩ gapu Marĩpũyarã ããrã. Marĩpũre masĩrãno, marĩ wererire pãma. Gajirã ĩgũyarã ããrĩmerã gapu, marĩ wererire pãbema. Irasirirã marĩ ãsũ ãrĩ masĩa: “Marĩpũyarã ããrĩrãno, Õãgũ deyomarĩgũ dorederosũta diayema ããrĩrĩrẽ wererãrẽ pãma. Marĩpũyarã ããrĩmerã gapu, wãtĩ dorederosũta ãrĩkatori merã wererãrẽ pãma”, ãrĩ masĩa.

Marĩpu diayeta ããrĩpererãrẽ maĩgũ ããrĩmi, ãrĩ gojadea

⁷ Yaarã yu maĩrã, musãrẽ werea. Marĩ gãme maĩmakũ, Marĩputa irasirimakũ yãmi. Irasirirã marĩ gãme maĩrã! Gajirãrẽ maĩrãno, Marĩpu pũrã, ĩgũrẽ masĩrã ããrĩma. ⁸ Marĩpu diayeta ããrĩpererãrẽ maĩgũ ããrĩmi. Irasirirã gajirãrẽ maĩmerãno ĩgũrẽ masĩbema. ⁹ Marĩpu ĩgũ magũ sugũ ããrĩgũrẽ i ãmũgue iriudi ããrĩmĩ, marĩrẽ ĩgũ merã perebiri okarire opaburo, ãrĩgũ. ĩgũrẽ iriugu, ĩgũ marĩrẽ maĩrĩrẽ masĩmakũ iridi ããrĩmĩ. ¹⁰ ĩgũ marĩrẽ maĩrĩ, marĩ ĩgũrẽ maĩrĩ irirosũ meta ããrã. ĩgũ gapu marĩrẽ diayeta maĩsĩa, ĩgũ magũrẽ iriudi ããrĩmĩ, ĩgũ boari merã marĩ ñerõ iridea wajare wajaribosadoregu. Irasirigu iri merã marĩ ñerõ irideare kãtimi.

¹¹ Yaarã yu maĩrã, musãrẽ werea. Marĩpu marĩrẽ maĩmakũ ĩãrã, marĩde gãme maĩrõ gããmea. ¹² Neõ sugũ masakũ Marĩpũre ĩãdi mámi. ĩgũrẽ ĩãbirikeremakũ, marĩ gãme maĩmakũ, marĩ merã ããrĩnikõãmi. Irasirigu, ĩgũ maĩrõsũta marĩrẽ gajirãrẽ õãrõ maĩmakũ yãmi. ¹³ Marĩpu Õãgũ deyomarĩgũrẽ marĩrẽ sĩdi ããrĩmĩ. Irasirirã, Õãgũ deyomarĩgũ merã Marĩpu marĩ merã ããrĩnĩrĩrẽ, marĩde ĩgũ merã ããrĩnĩrĩrẽ masĩa. ¹⁴ Gũa, Marĩpu magũrẽ

ĩānerā āārĩsĩā, gajirārē: “Marĩpũ ĩgũ magũrē iriudi āārĩmĩ, i ũmũ marārē ĩgũsā ñerō iridea wajare taudoregũ”, ārĩ werea. ¹⁵ “Jesús, Marĩpũ magũ āārĩmĩ”, ārĩrāno, Marĩpũ merā āārĩnĩma. ĩgũde ĩgũsā merā āārĩnĩkōāmi.

¹⁶ Irasirirā: “Marĩpũ marĩrē maĩmi”, ārĩ masĩa. “ĩgũta marĩrē maĩmi”, ārĩ bũremua. ĩgũ diayeta āārĩpererārē maĩgũ āārĩmi. Sugũ gajirārē maĩgũno, Marĩpũ merā āārĩnĩmi. Marĩpũde ĩgũ merā āārĩnĩkōāmi. ¹⁷ Irasirigũ ĩgũ marĩ merā āārĩnĩsĩā, ĩgũ maĩrōsũta marĩrē gajirārē ōārō maĩmakũ yāmi. ĩgũ āārĩpererā ñerārē peamegue wajamoārĩnũ ejamakũ, marĩrē gũiri marĩrō āārĩburo, ārĩgũ, irasũ yāmi. Marĩ gũiri marĩrō āārĩrā, Jesucristo i ũmũgue āārĩgũ Marĩpũ merā ōārō āārĩderosũta marĩde ĩgũ merā ōārō āārā. ¹⁸ Marĩpũre maĩrā, ĩgũ marĩrē maĩrĩrē masĩrā, gũiri marĩrō āārā. Irĩta marĩrē neō gũibirimakũ yāa. Sugũ: “Marĩpũ yũre wajamoāgũkumi”, ārĩ gũñagũno, gũimi. ĩgũrē ōārō maĩbi, ĩgũ ĩgũrē bũro maĩrĩrē masĩbi āārĩmi.

¹⁹ Marĩpũ, marĩ ĩgũrē maĩburi dupiyuro marĩrē maĩpũroridi āārĩmi. Irasirirā marĩde ĩgũrē maĩa. ²⁰ Sugũ masakũ gajigũre ĩgũyagũre ĩāturi doogu: “Yũde Marĩpũre maĩa”, ārĩgũ, ārĩkatogu āārĩmi. Gajigũre ĩgũ ĩāgũrē maĩbi, Marĩpũre ĩgũ ĩābire maĩmasĩbemi. ²¹ Jesucristo i doreri marĩrē pĩmi: “Marĩpũre maĩrā, gajirādere maĩrō gāāmea”, ārĩmi.

5

Marĩpũ pũrā āārĩrā ñerĩ iririre piri, ōārĩ gapũre yāma, ārĩ gojadea

¹ “Jesús, Marĩpũ magũ ĩgũ iriudi Cristo āārĩmĩ”, ārĩ bũremurāno, Marĩpũ pũrā āārĩma. Marĩpũre maĩrāno, ĩgũ pũrādere maĩma. ² Marĩ, Marĩpũre maĩrā, ĩgũ dorerire irirā, ĩgũ pũrādere maĩa. Irire marĩ masĩa. ³ Marĩpũre maĩrā, ĩgũ dorerire irirā yāa. ĩgũ dorerire irimakũ diasābea. Nũkũrĩrē ũũmarō irirosũ āārĩbea. ⁴ Irasirirā āārĩpererā Marĩpũ pũrā i ũmũma ñerĩ iririre piri, irire irinĩbema. Marĩ Jesucristore bũremurĩ merā i ũmũma ñerĩ iririre piri, ōārĩ gapũre irimasĩa. ⁵ “Jesús, Marĩpũ magũ āārĩmĩ”, ārĩ bũremurā dita i ũmũma ñerĩ iririre piri, ōārĩ gapũre irimasĩa.

Marĩpũ magũyamarē gojadea

⁶ Jesucristo i ũmũgue āārĩgũ, deko merā wāĩyesũmi. Pũrũ boagu, ĩgũya dí béomi. Irasirirā marĩ, ĩgũ deko merā wāĩyesũdeare, ĩgũya dí béodeadere masĩrā: “Jesús, Marĩpũ magũ āārĩmĩ”, ārĩ masĩa. ĩgũ deko merā wāĩyesũdea ditare masĩrĩ merā irire masĩbea. Ōāgũ deyomarĩgũ marĩrē i Jesucristoyamarē masĩmakũ yāmi. ĩgũta marĩrē diayema āārĩrĩrē masĩmakũ irigu āārĩmi. ⁷ ũmagasiguedere: “Jesús, Marĩpũ magũ āārĩmĩ”, ārĩ wererā, ũrerā āārĩma. Marĩpũ, ĩgũ magũ, Ōāgũ deyomarĩgũ āārĩma. ĩgũsā ũrerā āārĩkererā, sugũta āārĩmi. ⁸ I nikũguedere Ōāgũ deyomarĩgũ marĩrē Jesús, Marĩpũ magũ āārĩrĩrē masĩmakũ yāmi. Irasũ āārĩmakũ, marĩ Jesús deko merā wāĩyesũdeare, ĩgũya dí béodeadere masĩrĩ merā: “Jesús, Marĩpũ magũ āārĩmĩ”, ārĩ masĩa. Iri merā marĩ ōārō masĩa. ⁹ Masaka marĩrē ĩgũsā ĩādeare weremakũ pérā, ĩgũsā wererire bũremua. Marĩpũ marĩrē wereri gapũre, masaka wereri nemorō bũremurō gāāmea. Irasirirā, ĩgũ magũyamarē wererire bũremurō gāāmea. ¹⁰ Marĩpũ magũrē bũremurāno, ĩgũyamarē wererire: “Diayeta āārā”, ārĩ gũñama. ĩgũ magũyamarē wererire: “Diaye āārĩbea”, ārĩ gũñarā gapũ: “Marĩpũ ārĩkatogu āārĩmĩ”, ārĩrā irirosũ āārĩma. ¹¹ Marĩpũ ĩgũ magũyamarē āsũ ārĩ weredi āārĩmĩ: “Yũ magũrē bũremurārē yũ pũro perebiri okarire opamurā āārĩmakũ iribũ”, ārĩdi āārĩmĩ. ¹² ĩgũ magũrē bũremurĩ oparāno, ĩgũ pũro i perebiri okarire oparākuma. ĩgũrē bũremurĩ opamerā gapũ iri okarire opabirikuma.

Juan gojatũnudea

¹³ Yũ mũsārē Marĩpũ magũrē bũremurārē irire gojāa, Marĩpũ pũro perebiri okari opaburire masĩburo, ārĩgũ.

¹⁴ Marĩpure ĩgũ gããmerõsũta marĩ sērēmakũ, ĩgũ marĩrē pémi. Irasirirã irire masĩrã, gũiro marĩrõ gũñaturari merã ĩgũrē sērēmasĩa. ¹⁵ Irasũ sērērã, ĩgũ marĩrē périre, marĩ sērērõsũta ĩgũ sĩburidere masĩa.

¹⁶ Mũsã, sugũ mũsãyagure ñerĩ irimakũ ĩãrã, ĩgũya ããrĩburire Marĩpure sērēbosaka! “Ĩgũ ñerõ iridea, ĩgũrē peamegue béomakũ iriri ããrĩbea”, ãrĩ masĩrã, ĩgũya ããrĩburire sērēbosaka! Irasirigũ Marĩpũ ĩgũrē ĩgũ pũro perebiri okari opabu ããrĩmakũ irigũkumi. Gaji ñerõ iriri gapũ, masakare peamegue béomakũ iriri ããrã. Sugũ masakũ irireta irimakũ ĩãrã: “Ĩgũya ããrĩburire Marĩpure sērēbosaro gããmea”, ãrĩbea yũ mũsãrē. ¹⁷ ããrĩpereri ñerõ iriri, Marĩpũ dorerire tarinũgãrĩ ããrã. Irasũ ããrĩkerero, ããrĩpereri ñerĩ iriri, masakare peamegue béomakũ iribe. Marĩpũ ããrĩpereri ñerĩ iririre: “Neõ kãtibiriko”, ãrĩbemi.

¹⁸ Ire marĩ masĩa. Marĩpũ magũ marĩrē ĩgũ Pagũ pũrã ããrĩrãrē õãrõ koreri merã iritamumi. Irasirirã marĩ ñerĩrē irinĩbea. Wãtĩ marĩrē ñerõ iridũakeregũ, marĩrē poyanorēmasĩbemi.

¹⁹ Marĩ, Marĩpũ pũrã ããrã. Wãtĩ ããrĩpererã i mũmũ marã ñerãrē doregũ ããrĩmi. Irire masĩa marĩ.

²⁰ Gajidere masĩa. Marĩpũ magũ marĩrē pémasĩrĩ sĩgũ, i mũmũgue aaridi ããrĩmĩ: “Marĩpũ diayeta ããrĩnĩgũ ããrĩmi”, ãrĩ masĩburo, ãrĩgũ. Jesucristo merã õãrõ ããrĩnĩsĩã, ĩgũ Pagũ merãdere õãrõ ããrĩnĩkõãrã yãa. Jesucristo diayeta Marĩpũ ããrĩmi. ĩgũta marĩrē ĩgũ pũro perebiri okari sĩgũ ããrĩmi.

²¹ Irasirigũ mũsãrē yũ pũrã irirosũ ããrĩrãrē werea. Gajirã masaka bũremurã keori weadeare bũremubirikõãka! Marĩpũ ditare bũremuka! Irasũta iriro gããmea.

Iropata ããrã.

Juan

2 SAN JUAN

Juan gãme maĩrĩmarẽ gojadea

¹ Yũ bũgũro, mũrẽ Marĩpũ beyedeore mũ pũrãdere i pũrẽ gojáa. Yũ mũsãrẽ diayeta maĩa. Yũ dita mũsãrẽ maĩbea. Aãrĩpererã mũsã pũro aãrĩrã Jesúya diayema aãrĩrĩrẽ masĩrã mũsãrẽ maĩma. ² Marĩ ãgũya diayema aãrĩrĩrẽ marĩya yũjũpũrãrĩgue masĩa. ãgũ neõ piriro marĩrõ marĩ merã aãrĩnĩsĩã, marĩrẽ irire masĩmakũ yámi. Irasirirã gũa mũsãrẽ maĩa. ³ Marĩpũ aãrĩnĩgũ, ãgũ magũ Jesucristo marĩ Opũ merã mũsãrẽ õãrõ iritamu, bopoñarĩ merã ãã, siñajãrĩ merã aãrĩrikũmakũ iriburo. Irire irigũ, diayema aãrĩrĩ, maĩrĩ merã irasiriburo.

⁴ Surãyeri mũ pũrã Marĩpũ marĩrẽ dorederosũta Jesúyare irirã aãrĩma, ãrĩrĩ kerere pégũ, bũro usũyabu. ⁵ Dapagora mũrẽ ire gojagura. Marĩ gãme maĩrõ gããmea. I yũ gojari, maama doreri aãrĩbea. I doreri, marĩ Jesúre bũremunũgãdeapogue masĩdeata aãrã. ⁶ Marĩ gãme maĩrã, Marĩpũ dorederosũta yáa. I doreri, mũsã Jesúre bũremunũgãdeapogue pédeata aãrã. Aũ ãrã. Gajirãrẽ maĩnĩkõãka!

Wãrã ãrĩkatorikũrã aãrĩma, ãrĩ gojadea

⁷ I ãmũguere wãrã ãrĩkatorikũrã waagorenama. “ Jesucristo marĩ irirosũ dũpũkũgũ i ãmũguere aaridi aãrĩmĩ, ãrĩrĩ, diaye aãrĩbea”, ãrĩma. ãgũsãta ãrĩkatorikũrã, Cristore ãaturirã aãrĩma. ⁸ Irasirirã õãrõ pémasĩka mũsã! ãgũsã ãrĩkatorire bũremubirikõãka! ãgũsã ãrĩkatorire bũremurã, mũsã Marĩpũyare iridea waja ãgũ mũsãrẽ wajariburire dedeubukoa. ãgũsã ãrĩkatorire bũremubirimakũ, mũsã ãgũyare iridea waja mũsãrẽ wajariburire sĩpeogũkumi.

⁹ Sugũ Cristo buedeare béo, ãgũ gããmerõ gajire buegũno, Marĩpũ merã õãrõ aãrĩbemi. Cristo buedeare bũremugũ ãgũyare iritũyagũ gapũ Marĩpũ merã õãrõ aãrĩmi. Irasũ aãrĩmakũ, ãgũ magũ Cristo merã õãrõ aãrĩmi. ¹⁰ Irasirirã, sugũ Cristo buedeare buebi, gaji buerire buegũno mũsã pũro ejamakũ, ãgũrẽ bokatĩrĩsẽrẽ, mũsãya wiigue ñajãdorebirikõãka! ¹¹ Mũsã ãgũrẽ bokatĩrĩñeãrã, ãgũrẽ iritamubukoa. Irasirirã ãgũrẽ iritamurã ãgũ irirosũ ñerõ irirã aãrĩbukoa.

Juan gojatũnudea

¹² Yũ gaji wãri mũsãrẽ weredũakeregũ, i pũguere gojabirikoa. Yũ basita mũsã pũrogue mũsã merã werenĩgũ waagũkoa. Marĩ basi weretamurã, õãrõ usũyari merã aãrĩrãkoa.

¹³ Mũ pagamo pũrã mũrẽ õãdorema. Igođe Marĩpũ beyedeota aãrĩmo.

Iropata aãrã.

Juan

3 SAN JUAN

Juan, Gayo wāikguyamarē gojadea

¹ Y_u bu_guro, m_urē Gayore diayeta y_u maigūrē i pūrē gojāa.

² Ire gojāa m_urē y_u maigūrē. Y_u m_uya āārīburire Marīp_ure sērēbosāa. M_u Marīp_u merā ōārō āārīrōsūta āārīpereri m_uyare ōārō waaburire, pūrīrī marīrō merā m_u āārīburire sērēbosāa. ³ Gajirā Jesúre b_uremurā y_u p_uro ejarā, m_u āārīrikurire y_ure werema. “Jesúyare irinígū, i diayema āārīrīrē iriwāgāgū yāmi”, ārī werema. Īgūsā irire weremakū pégu, b_uro usuyāa. ⁴ Jesúre b_uremurā y_u buerā Īgūya diayema āārīrīrē irinírā yāma, ārīrī kerere pégu, usuyataria. Y_u i kerere péri, āārīpereri gaji nemorō y_ure usuyamakū yāa.

⁵ M_u Jesúre b_uremurārē ōārō iritamunígū iriyuro. Gajiro marā m_u iāmasīmerā āārīkeremakū, Īgūsārē ōārō iritamugū iriyuro. ⁶ Īgūsā g_uare, Jesúre b_uremurā nerēnarōgue gajirārē m_u maīrīrē werema. Irasirigu, Īgūsā m_u p_uro ejarārē Īgūsā gajirogue ōārō waaburire iritamuka! M_u Īgūsārē iritamugū, ōārō irigukoa. Marīp_u marīrē irasirimakūta gāamemi. ⁷ Īgūsā Jesucristoya kerere werewāgārā, Jesúre b_uremumerārē: “G_uare iritamuka!” neō ārī sērēbema. ⁸ Irasirirā marī Jesúre b_uremurā Īgūsārē iritamurō gāamea. Īgūsārē iritamurā, marī Īgūsā merā moārā yāa, gajirā Jesúya diayema āārīrīrē péburo, ārīrā.

Diótrfes ñerō irideare gojadea

⁹ Y_u m_usārē Jesúre b_uremurā iroque āārīrārē su pū gojab_u. Diótrfes gap_u m_usārē dored_uagu āārīsīā, g_ua m_usārē: “Āsū irika!” ārī weredeare péduabirayup_u. ¹⁰ Y_u m_usā p_uro ejaagū, Īgūrē m_usā péurogue Īgū irideare: Īgū g_uare ñerō kere ārīdeare, Īgū ārīkatodeare wereg_ura. Īgū i ditare iribirayup_u. Jesúya kerere wererā waagore-narārē bokatīrīñeābirayup_u. Gajirā m_usā merāmarā Īgūsārē bokatīrīñeāduamakū iāgū: “Bokatīrīñeābirikōāka!” ārāyup_u. Īgūsārē bokatīrīñeārārē Jesúre b_uremurā nerēnarōgue ñajādorebirayup_u.

¹¹ M_u, y_u maigū, ñerō irirārē iākūbirikōāka! Ōārō irirā gap_ure iākūika! Ōārīrē irirā Marīp_uyarā āārīma. Ñerīrē irirā gap_u Marīp_ure masībema.

Demetrio ōārō irideare gojadea

¹² Āārīpererā: “Demetrio ōāgū āārīmi”, ārīma. Irasirirā masaka Īgū iririre iārā: “Marīp_u dorederosūta Jesúyare yāmi”, ārīma. G_uade: “Īgū ōārō irigu āārīmi”, ārā. M_usā masīa. G_ua diayeta werea.

Juan Gayore gojatūnudea

¹³ Y_u gaji wāri m_urē wered_uakereg_u, i pūguere gojabirikoa. ¹⁴ Mérōgā p_uru m_urē iāgū waad_uakoa. Irasirigu m_u p_uro ejaagū, m_u merā werenígukoa.

¹⁵ Ōārō siñajārī opaka! Ōō marā marī merāmarā Jesúre b_uremurā m_urē ōādorema. Āārīpererā iroque āārīrā marī merāmarā ōāburo.

Iropata āārā.

Juan

SAN JUDAS

Judas Jesúre b̄remur̄rē gojadea

¹ Ȳu Judas*, Santiago paḡum̄u Jesucristore mōãboeḡu m̄s̄arē i p̄rē gojáa. Mar̄ip̄u m̄s̄arē māiḡu beyedi āār̄im̄í, ĩḡuyarā āār̄iburo, ār̄iḡū. Jesucristo m̄s̄arē koremi, ĩḡurē b̄remur̄rē piribirikōāburo, ār̄iḡū. ² Mar̄ip̄u m̄s̄arē b̄ro bopoña, mār̄i merā ĩāburo. M̄s̄arē siñajār̄i s̄iburo.

Ār̄ikatori merā buerimasāyamarē gojadea (2 Pe 2.1-17)

³ Mar̄ip̄u mar̄rē peamegue waaboner̄rē taurire m̄s̄arē, ȳu mār̄rē b̄ro gojad̄adib̄u. Ir̄ire gojad̄akereḡu, dapagorare gaj̄i gap̄ure gojaro gāāmea, ār̄i ḡūñāa. Mar̄ip̄u āār̄ipererā ĩḡuyar̄rē Jesucristoya kerere: “Ās̄ū āār̄ā, ir̄ire neō gorawayu-birikōāka!” ār̄i p̄idi āār̄im̄í. Mar̄i ĩḡuyarā iri kerere b̄remua. Gajirā ār̄ikatori merā buerimasā gap̄u iri kerere gorawayud̄ama. Ir̄asiriḡu ȳu m̄s̄arē: “Īḡūsā ār̄ikatori merā buerire p̄ebirikōāka!” ār̄i gojáa. Īḡūsārē: “Mar̄ip̄u ḡuare p̄idea diayeta āār̄ā, m̄s̄ā bueri gap̄u ār̄ikatori merā bueri āār̄ā”, ār̄ika! ⁴ Īḡūsā ñerā, mas̄iña mar̄rō m̄s̄ā p̄uro ejanerā m̄s̄ā merā āār̄ima. Īḡūsā ār̄ikatori merā: “Mar̄ip̄u mar̄i ñerō ir̄ideare k̄atimi, ir̄asirirā noō gāāmerō ir̄imas̄ā”, ār̄i buema m̄s̄ā, ĩḡūsā ñer̄i ir̄irikur̄ire: “Ōāa”, ār̄i ḡūñaburo, ār̄irā. “Jesucristo mar̄rē doreḡu, mar̄i Op̄u suḡu āār̄iḡū āār̄ibemi”, ār̄i buema. Ir̄ipoegue Mar̄ip̄u ĩḡuya weren̄r̄i gojadea p̄ugue ĩḡūsā ir̄irosū ār̄ikatori merā buer̄rē: “Wajamoāḡura”, ār̄idi āār̄im̄í.

⁵ Ir̄asiriḡu ȳu m̄s̄ā mas̄ideare dupaturi ḡūñamakū ir̄iduāa. Ir̄ipoegue Mar̄ip̄u ḡua ñekūsāmarā Israel bumar̄rē Egiptogue āār̄ir̄rē wiudi āār̄im̄í. Īḡūsārē wiukereḡu, ĩḡurē b̄remumerā gap̄ure w̄ej̄edi āār̄im̄í. ⁶ Mar̄ip̄ure wereboerā āār̄adiner̄dere ḡūñaka! Īḡūsā Mar̄ip̄u doreri p̄ideare tarinugānerā āār̄im̄á. Īḡūsārē ĩḡū āār̄idorederore āār̄iduabirinerā āār̄im̄á. Ir̄asiriḡu Mar̄ip̄u ĩḡūsārē kōmedari merā nāit̄iār̄ogue suap̄ikōādi āār̄im̄í. Īḡū āār̄ipererā ñer̄rē wajamoār̄in̄u ejamakū, ĩḡūsārē b̄ro wajamoāḡukumi. ⁷ Ir̄ipoegue Sodoma, Gomorra w̄aik̄uri makār̄i marā, ir̄asū āār̄imakū iri makār̄i p̄uro āār̄ir̄i makār̄i mar̄ade, Mar̄ip̄ure wereboerā āār̄adinerā ir̄irosū ñerō ir̄inerā āār̄im̄á. Ūma, nome merā ñerō ir̄inerā āār̄im̄á. Ir̄asū āār̄imakū ūma seyaro ñerō ir̄inerā āār̄im̄á. Nomedē ir̄as̄uta ir̄inerā āār̄im̄á. Ir̄asiriḡu, ĩḡūsā ñerō ir̄idea waja Mar̄ip̄u ĩḡūsārē soeb̄odi āār̄im̄í. Āār̄ipererā ĩḡūsā ir̄iderosū ĩḡū dorerire tarinugārā perebiri peamegue wajamoāburire mas̄iburo, ār̄iḡū, ir̄asir̄idi āār̄im̄í.

⁸ Īḡūsā Mar̄ip̄u dorerire tarinugāderosū, ār̄ikatori merā buerimasā m̄s̄ā watope āār̄ir̄ā ñerō yāma. Īḡūsā k̄er̄ogue ĩār̄i merā ĩḡūsā ñerō ir̄id̄uar̄ire: “Ōāa”, ār̄i ḡūñama. Ir̄asirirā ĩḡūsā ñerō ir̄iri merā ĩḡūsāya d̄up̄ure poyanorēma. Mar̄i Op̄u dorerire tarinugāma. Turari opar̄rē ñerō weren̄ma. ⁹ Mar̄ip̄ure wereboerā op̄u Miguel w̄aik̄uḡu ir̄iderosū ir̄ibema. Miguel Moiséya d̄up̄u darore āīad̄uḡu, wāt̄i merā gāme guaseodi āār̄im̄í. Ir̄asirikeremakū, Miguel gap̄u neō suñarō ñerō weren̄r̄i merā wāt̄irē: “Iropata ir̄ika! Peamegue waaka!” ār̄i turibir̄idi āār̄im̄í. Ās̄ū gap̄u ār̄idi āār̄im̄í: “Ȳu Op̄u m̄r̄ē: ‘Iropata ir̄ika!’ ār̄iburo”, ār̄idi āār̄im̄í. ¹⁰ Ār̄ikatori merā buerimasā m̄s̄ā watope āār̄ir̄ā gap̄u ĩḡūsā mas̄ibir̄ideare ñerō weren̄r̄i merā werema. Waim̄urā p̄emas̄imerā ir̄irikurosū ĩḡūsā noō gāāmerō ir̄id̄uari ditare yāma. Ir̄asirirā peamegue b̄eos̄ūr̄akuma.

* **1:1** Mt 13.55; Mr 6.3: Ip̄u gojadi Judas Iscariote meta āār̄iyup̄u. ĩḡū t̄iḡū Santiago w̄aik̄uyup̄u. Peamas̄aya merā gajirā Santiagore “Jacobo” w̄āiyenerā āār̄im̄á.

11 Īgūsāta neō usuyari bokabirikuma. Caín wāikugū Marīpuyare būremubi, Īgū pagumūrē ĩāturi, wējēderosū űerō yāma. Balaam wāikugū Īgū niyeru wajataburire, Marīpuyarāya āārīburi nemorō gūñasīā, Īgūsārē ārīkatori merā buederosū űerō yāma. Gajigū Coré wāikugū Īgūya bumarā oparā Marīpū pīnerārē tarinugādi āārīmī. Īgū tarinugārī waja Marīpū Īgūrē wajamoāgū, boamakū iridi āārīmī. Ārīkatori merā buerimasā, Coré iriderosū űerō yāma. Irasirigū Marīpū Īgūrē wajamoāderosū Īgūsādere wajamoāgukumi. 12 Mūsārē ārīkatori merā buerimasā, mūsā Jesúre būremurā nerē, bosebaaripoe būremurī marīrō noó gāāmerō yāma. Mūsā merā baa, iirīrā, Īgūsāyama ditare gūñama. űerā oveja korerimasā ovejare baari ejomerā irirosū yāma. ĩmikāyebori mirū wējāpuri merā otederogue deko merērō marīrō tariaro irirosū neō mūsārē iritamubema. Yuku dukakuripoe būgū yukū dukamarī yukū irirosū yāma. Masaka irigure nugūrīgue merāta duuadero pūru űāipereakōākoa. Irigū irirosū āārīma. Ōārō iririre neō irimasībema. 13 Īgūsā űerō gūyasīūrī iririkuri, sūmu gūrarikurire makūrī pámuĵūpīdea irirosū āārā. Neñukā Īgūsā keoro waanarōgue merā yuridijanerā irirosū āārīrā, gajirārē diaye buerire tūyamakū neō iribema. Irasirigū Marīpū: “Īgūsārē āsū wajamoāgūra”, ārīderosūta gajiro nemorō naītīārōgue āārīnīmakū irigukumi.

14 Iripoeguemu Enoc wāikugū Adán parāmerā āārīturiagu āārīdi āārīmī. Adán merā marī keopurori, Enoguere keotūnumakū, āārīpererā Adán parāmerā āārīturiarā su mojōma pere gajī mojō peru pērēbejari burigora masāporewāgānerā āārīmā. Marīpū ārīkatori merā buerimasārē Īgū wajamoāburire Enorē weredoredi āārīmī. Irasirigū Enoc āsū ārī weredupiyudi āārīmī: “Péka yūre! Marī Opū wārā Īgūyarā merā aarigukumi. 15 Āārīpererā masaka Īgūsā irideare ĩā beyegu aarigukumi. Āārīpererā űerārē āārīpereri Īgūsā űerī iridea waja, irasū āārīmakū āārīpereri Īgūrē űerō werenídea waja Īgūsārē wajamoāgū aarigukumi”, ārīdi āārīmī Enoc iripoeguere. 16 Irasirirā ārīkatori merā buerimasā wajamoāsūrākuma. Āārīpererārē werewuarikurā, gajirā iririre: “Ōābea”, ārī gūñarā āārīma. Īgūsā űerī űaribejari ditare yāma. “Masītarinugāa”, ārī weregorenama. Īgūsāya ditare gāāmesārā, gajirārē ōārō wereníkatoma.

Judas Jesúre būremurārē gojanemodea

17 Mūsā yū maīrā, marī Opū Jesucristo buedoregū pīnerā mūsārē buedeare gūñaka! 18 Īgūsā mūsārē āsū ārīnerā āārīmā: “I űmū pereburi dupiyuro masaka noó gāāmerō Marīpuyare būridarākuma. Marīpūre gāāmemerā, űerī űaribejarire irirākuma”. 19 Irire irasirirā Jesúre būremurārē gāme dukawarimakū yāma. Īgūsā iridūarire irirā Ōāgū deyomarīgūrē neō opabema.

20 Mūsā yū maīrā gapū, ōārī Jesúyare būremurīrē neō piribirikōāka! Gūñaturanikōāka! Ōāgū deyomarīgū iritamurī merā Marīpūre sērēka! 21 Marīpū mūsārē maīgūrē piribirikōāka! Marī Opū Jesucristo marīrē bopoñarī merā ĩāgū űmūgasigue perebiri okari sīgukumi. Irasirirā Īgū sīburi: “Oparākoa”, ārī gūñaturari merā yūka!

22 Gajirā Jesúyare: “ĵDiayeta āārīrī?” ārī būremuturamerārē bopoñarī merā ĩāka! Īgūsārē Jesúyare: “Diayeta āārā”, ārī wereka! 23 Wīi űĵūrī wīi poekague āārīrārē taurā irirosū Īgūsārē iritamuka, peamegue waabonerārē waabirikōāburo, ārīrā! Gajirārē űerō irimakū, bopoñarī merā ĩāka! Īgūsā űerī iriri gapūre dooka, Īgūsārē ĩākūrī, ārīrā! Surīro gūrarikurore gāāmemerā irirosū Īgūsā űerī iririre gāāmebirikōāka, irire pērērī, ārīrā!

Judas Marīpūre būremurīmarē gojadea

24-25 Marīpū sugū āārīgū, marī Opū Jesucristo merā marī peamegue waabonerārē taugū āārīmī. Īgū turari merā marīrē koremasīmi, űerīrē iribirikōāburo, ārīgū. Irasū āārīmakū Īgū pūroguere marī űerī opamerā ōārō usuyari merā āārīmakū irimasīmi. Irasirirā āārīpererā Īgūrē: “Mū ōātarigu, turatarigu, āārīpererārē doregū, gūa Opū āārā”, ārīburo.

“Neōgoragueta ããrĩnkõãdi ããrĩmí. Dapagoradere ããrĩnkõãmi. Paruguedere irasũta ããrĩnkõãgukumi”, ãrĩburo. Marĩde irasũta ãrĩã!

Iropata ããrã.

Judas

EL APOCALIPSIS

Jesucristo Juārē i ūmwa waaburire werede

¹ I papera pū Marīpu ĩgū mērōgā paru iriburire Jesucristore wereri pū āārā. Jesucristo-yarārē irire masīdoregū ĩgūrē weredi āārīmí. Jesucristo sugū Marīpūre wereboegure iriudi āārīmí yure irire weredoregū. Yū Juan, Jesucristore moāboegū āārā. ² Irasirigū i pūguere āārīpereri yū ĩādeare, yū pédeare, Marīpūya kerere, Jesucristo yure weredeade gojáa.

³ I pūgue gojaderosū waaburo, mērō dūyáa. I pūrē gajirārē buerāno ūsuyari bokarākuma. Marīpūya kerere i pūgue gojadeare buemakū péduripírānode ūsuyari bokarākuma.

Juan su mojōma pere gaji mojō peru pērēbejari makārī marārē Jesucristore bwaremurārē gojadea

⁴ Yū, mūsā Asiague āārīrārē su mojōma pere gaji mojō peru pērēbejari makārī marārē Jesucristore bwaremurārē gojáa. Marīpu mūsārē ōārō iritamuburo. Mūsārē ĩgū siñajārī sīrīrē opaka! Marīpu neōgoragueta āārīsiadi āārīmí. Dapagoradere āārīnīkōāmi. Pūruguedere irasūta āārīnīkōāgukumi. Opū doarogue doami. ĩgū diaye, Ōāgū deyomarīgū su mojōma pere gaji mojō peru pērēbejari turari* opagū āārīmí. ĩgūde mūsārē ōārō iritamuburo. ⁵ Jesucristode mūsārē ōārō iritamuburo. ĩgū Marīpūya kerere diayeta weregū āārīmí. ĩgū āārīpererā boanerā masāburi dupiyuro boadigue masāpūrōridi, neō dupaturi boabi āārīmí. Irasirigū, i ūmugue āārīrā āārīpererā masaka oparārē doregū āārīmí. Marīrē maīgū ĩgūya dí béori merā marī űerī iridea wajare taudi āārīmí. ⁶ Irasirigū marīrē oparā āārīmakū iridi āārīmí. Irasū āārīmakū marīrē paía masakaya āārīburire Marīpūre sērēbosarā āārīmakū iridi āārīmí, ĩgū Pagūyare iriburo, ārīgū. Irasirirā ĩgūrē: “Ōātarigū, āārīpererā nemorō turagū āārā mū”, ārī bwaremurā! Irasūta āārīburo.

⁷ Mūsā ōārō pémasīka! Jesucristo ĩmīkāyeborigue dijarīgukumi. ĩgū dijarimakū, āārīpererā ĩārākuma. ĩgūrē curusague pábiatú wējēnerāde ĩārākuma. I ūmū marā āārīpereri buri marā, ĩgū aarimakū ĩārā, ĩgū ĩgūsārē wajamoāburire gūñarā, orerākuma. Irasūta waarokoa.

⁸ Marīpu marī Opū āārīpererā nemorō turagū āsū ārīmi: “Yū neōgoragueta āārīpereri i ūmūmarē iridi, pūruguedere i āārīpererire peremakū iribu āārā”, ārīmi. “I ūmū āārīburo dupiyuro āārīsiabū. Dapagoradere irasūta āārīnīkōāa. Pūruguedere irasūta āārīnīkōāgukoa”, ārīmi.

Juan kērō irirosū Jesucristore ĩādea

⁹ Yū Juan, mūsāyagu Jesucristore bwaremugū āārīsīā, mūsā irirosūta yude űerō taria. Marīpu, marī Opū āārīmí. Marī űerō tarimakū, Jesucristo marīrē gūñaturamakū yāmi. Yū Patmos wāīkūri nūgūrōgue peresu āārībú. Marīpūya kerere Jesucristo weredeare gajirārē yū buede waja irogue āārībú. ¹⁰ Irinū siñajārīnū āārīmakū, Ōāgū deyomarīgū ĩgū turaro merā kērō irirosū yure ĩmumi. Irasū waaripoe yū pūrupū gapū turaro werenírī, suru puriduru turaro būsūro irirosū būsūmakū pébū. ¹¹ Turaro werenígū yure āsū ārīmi:

—Yū neōgoragueta āārīpereri i ūmūmarē āārīmakū iridi āārā. Yūta pūruguedere i āārīpererire peremakū iribu āārā. Dapagora āārīpereri mū ĩārīrē, papera pūgue gojatúka! Pūru iri pūrē Asiague āārīrārē yure bwaremurārē iriuka! ĩgūsā su mojōma pere gaji mojō

* **1:4** “Ōāgū deyomarīgū su mojōma pere gaji mojō peru pērēbejari turari opagū āārīmí”, ārīrō: “Ōāgū deyomarīgū āārīpereri turari opagū āārīmí”, ārīduaro yāa. Iri pūgue “su mojōma pere gaji mojō peru pērēbejari”, ārīrō: “āārīpereri”, ārīduaro yāa.

peru p̄r̄ēbejari makārī marā āārīma. Efeso marā, Esmirna marā, Pérgamo marā, Tiatira marā, Sardis marā, Filadelfia marā, Laodicea marā āārīma, ārīmi.

¹² Īgū werenírī busamakū pégu, gāmenugābu Īgūrē ĩābu. Irasū gāmenugā ĩāgū, su mojōma pere gaji mojō peru p̄r̄ēbejari sīāgori yukure oro merā iridea yukure ĩābu. ¹³ Iri yuku watopegue sugu masakure ĩābu. Īgū yoaro suríro ĩgūya guburigue āārīdijimejārīñerē sāñami. Īgūya koretibire oro merā iridea yujwēñarīdare suatúadi āārīmí. ¹⁴ Īgūya poari ōārō boreri āārībú. Īgūya koye peame ujūrī pūrā irirosū gosesiribu. ¹⁵ Īgūya guburi bronze wāikuri kōme tīmudea irirosū gosesiribu. Īgū werenírī wári ūtādupabu irirosū busubu. ¹⁶ Īgūya mojō diayema mojō gapu su mojōma pere gaji mojō peru p̄r̄ēbejarāgora neñukā opamí. Īgūya disire sareri mají pe gapu ōārō usiri mají wiribu. Īgūya diapu abe ūmumu kūmijūrōsū gosesiribu.

¹⁷ Irasirigu yu ĩgūrē ĩāguka, kōmogū irirosū ĩgūya guburi puro meémejābu. Yu meémejāmakū ĩāgū, ĩgūya mojō diayema mojō merā yure ñapeo, āsū ārīmi:

—Güibirikōāka! Yu neōgoragueta āārīpereri i ūmumarē āārīmakū iridi, purugedere i āārīpererire peremakū iribu āārā. ¹⁸ Okanígū āārā. Iripoegue boabu. Dapagorare okanikōāa. Masakare boadoregu, ĩgūsārē boanerā āārīrōgue waadoregu āārā. ¹⁹ Dapagora āārīrī, purugue waaburidere mu ĩārīrē gojatúka! ²⁰ Yu masakare neō dupiyuro werebirideare, mu ĩārīrē weregura. Īgūsā su mojōma pere gaji mojō peru p̄r̄ēbejarā neñukā, yaa mojō diayema mojō gapu yu oparā, yure buremurārē yaare wererā keori irirosū āārā. Iri su mojōma pere gaji mojō peru p̄r̄ēbejari sīāgori yuku oro merā iridea yuku, yure buremurī buri marā keori irirosū āārā, ārīmi yure.

2

Jesucristo Juārē Efeso marārē gojadoredea

¹ Jesucristo irire ārī odo, āsū ārīnemomi:

—Efeso marā yure buremurārē, ĩgūsārē yaare weregudere āsū ārī gojaka!

Yu, yaa mojō diayema mojō gapu su mojōma pere gaji mojō peru p̄r̄ēbejarā neñukārē opagu, su mojōma pere gaji mojō peru p̄r̄ēbejari sīāgori yuku watope waagorenagū āārā. ² Yu, āārīpereri musā iririre masīpeokōāa. Musā buro moārīrē, ñerō tarikererā musā yure güñaturarire, ñerārē musā ĩāduabirire masīa. Gajirā ĩgūsā basi: “Jesús buedoregu beyenerā āārā”, ārīkererā, keoro buebema. Musā ĩgūsā iririre ĩārā: “Ārīkatori merā buema”, ārī masīa. ³ Yaare musā moārī waja ñerō tarikererā, yure neō piribea. Irire gariborero marīrō yāa.

⁴ Musā ōārō irikeremakū, gajire musārē āsū ārī weregura. Musā yure neōgorague mañugāderosū iribea. ⁵ Irasirirā dapagorare musā ñerō waadeare güñaka! Musā ñerī iririre bujawereka! Musā güñarīrē gorawayuka! Ōārī gapure irika doja, musā iripuroriderosūta! Musā ñerī iririre piribirimakū ĩāgū, musāyagu sīāgodire āikōāgura. ⁶ Musā yure neōgorague mañugāderosū iribirikererā, i ōārī gapure iribu. Nicolaita wāikuri bumarā ñerō iririre musā neō gāamebea. Yude irire neō gāamebea.

⁷ Musā gāmpūrī oparā, Ōāgū deyomarīgū yure buremurī buri marārē wererire ōārō péka! Āsū ārīmi Ōāgū deyomarīgū yure buremurārē: “Āārīpererā Jesúre buremurīrē pirimerārē ūmugasigue paraíso wāikurogue Marīpuya poemu dukare baadoregura”, ārīmi. Irigu perebiri okari sīdi* āārā. I āārīpererire gojaka, yaarā Efesogue āārīrārē! ārīmi yure Jesucristo.

* **2:7** Sugu ūma birarimasā gajirā nemorō ūmagū, olivo wāikudima pūrī merā iridea berore wajatakumi. Masaka iri berore ĩgūya dipurugue peokuma, gajirārē ĩgū wajatadeare ĩmumurā. I irirosū, sugu Jesúre buremugū masaka ĩgūrē wējekeremakū, Jesúre buremurīrē neō piribi, ūmugasigue perebiri okari wajatagukumi. Iri ūmugasigue perebiri okari wajatari, i berore wajatari irirosū āārā.

Juan Esmirna marārē gojadea

⁸ Jesucristo irire āri odo, āsū ārīnemomi:

—Esmirna marā yure b̄remurārē, ĩgūsārē yaare weregudere āsū āri gojaka!

Y_u neōgorague āārīpereri i ūmumarē āārīmakū iridi, p̄r̄ugure i āārīpererire peremakū iribu āārā. Y_u boa, dupaturi masāgū āārā. ⁹ Y_u, āārīpereri m̄sā ñerō taririre, boporā āārīrīrē masīpeokōāa. Irasū boporā āārīkererā, Marīp̄yare masīsīā, wāri ūmugasima ōārīrē opāa. Gajire y_u masīa. Gajirā m̄sārē ĩaturirā m̄sārē ñerī kere ārīma. ĩgūsā: “Gua judío masaka āārīsīā, Marīp̄yarā āārā”, ārīma. Irasū ārīkererā, ĩgūyarā āārībema. Wātēa op̄u Satanārē b̄remurī bumarā āārīma. ¹⁰ M̄sā ñerō tariburire gūibirikōāka! Wātī m̄sārē yure b̄remurīrē pirimakū iriduḡu surāyeri m̄sārē peresugue biadobomakū irigukumi. Pe mojōma n̄rīta ñerō tarirākoa. ĩgūrē b̄remurā m̄sārē wējēkeremakū, yure b̄remurīrē neō piribirikōāka! P̄r̄u y_u p̄rogue m̄sārē y_u merā perebiri okarire sīgukoa.

¹¹ M̄sā gāmpūrī oparā, Ōāgū deyomarīgū yure b̄remurī buri marārē wererire ōārō péka! Āsū ārīmi Ōāgū deyomarīgū yure b̄remurārē: “Āārīpererā yure b̄remurīrē pirimerā, perebiri peamegue neō waabirikuma”, ārīmi. Irasiriḡu iri āārīpererire gojaka, yaarā Esmirnague āārīrārē! ārīmi yure.

Juan Pérgamo marārē gojadea

¹² Jesucristo irire āri odo, āsū ārīnemomi doja:

—Pérgamo marā yure b̄remurārē, ĩgūsārē yaare weregudere āsū āri gojaka!

Y_u sareri majī, pe gap̄u usiri majīrē opaḡu āārā. ¹³ M̄sā āārīrōrē masīpeokōāa. Satanás m̄sāya makā marā op̄u āārīmi. ĩgūsā Satanārē b̄remukeremakū, m̄sā gap̄u yure b̄remua. ĩgūsā m̄sā merām̄ Antipare Marīp̄ya kerere ōārō weredire wējēma. ĩgūrē wējēmakū ĩakererā, m̄sā yure b̄remurīrē neō piribea.

¹⁴ M̄sā yure b̄remurīrē piribirikeremakū, gajino m̄sārē āsū āri weregura. Surāyeri m̄sā merāmarā Balaāya buedeare iritayama. Iripoegue Balaam āsū ārīdi āārīmī, Israel bumarārē ĩaturirā op̄ure Balac wāikuḡure: “Israel bumarārē tarinugāduḡu, ĩgūsārē m̄sā merā gāmesurimakū irika, m̄sā irinarīrē iritayaburo, ārīgū!” ārīdi āārīmī. Irasirirā Israel bumarā ĩgūsā merā gāmesurirā, keori weadea p̄ro baari pīdeare baanerā āārīmā. Ñerō gāmebiranerā āārīmā. ¹⁵ ĩgūsā irirosūta gajirā m̄sā merāmarā Nicolaita wāikuri bumarā buerire iritayama. Iri buerire neō piridubema. Y_u gap̄u irire neō gāamebea. ¹⁶ Irasirirā m̄sā ñerī iririre b̄jawereka! M̄sā gūñarīrē gorawayuka! M̄sā gorawayubirimakū ĩāgū, gūñaña marīrō m̄sā p̄rogue waa, yaa disigue sareri majī opari majī merā m̄sārē wajamoāgura.

¹⁷ M̄sā gāmpūrī oparā, Ōāgū deyomarīgū yure b̄remurī buri marārē wererire ōārō péka! Āsū ārīmi Ōāgū deyomarīgū yure b̄remurārē: “Ñerō iridorerānorē tarinugāgūrē maná wāikuri ūmugasima baarire sīgura. Ĕtāye boreriyedere sīgura ĩgūrē. I ūtāye maama wāirē y_u gojatúdeaye āārīrokoa. Gajirā iri wāirē neō masībirikuma. Iri ūtāyere āīgū dita masīgukumi”, ārīmi. Irasiriḡu iri āārīpererire gojaka, yaarā Pérgamogue āārīrārē! ārīmi yure.

Juan Tiatira marārē gojadea

¹⁸ Jesucristo irire āri odo, āsū ārīnemomi doja:

—Tiatira marā yure b̄remurārē, ĩgūsārē yaare weregudere āsū āri gojaka!

Y_u, Marīp̄u magū āārā. Yaa koye peame ūjārī pūrā irirosū gosea. Yaa guburi bronze wāikuri kōme t̄mudea irirosū gosea. ¹⁹ Y_u āārīpereri m̄sā iririre masīpeokōāa. M̄sā yure maīrī, yure b̄remurī, gajirārē iritamurī, ñerō tarikererā m̄sā yure gūñaturarire masīa. Neōgorague m̄sā ōārō iridero nemorō dapagorare ōārō irirā yāa.

²⁰ Músã òãrõ irikeremakũ, gajino músãrẽ àsũ ãrĩ weregũra. Jezabel wãikũgo: “Marĩpũyare werego ããrã”, ãrĩkatogo músã watopegue ããrĩmo. Músãrẽ igo ñerõ buemakũ pékererã, igore: “Gũa merã ããrĩbirikõãka!” neõ ãrĩbea. Igo ãrĩkatori merã buego, yũre moãboerãrẽ ñerõ gãmebiramakũ yámo. Keori weadea pũro baari pídeare ìgũsãrẽ baamakũ yámo. ²¹ Irinũgue igore, igo ñerõ iririre bujawere, gorawayudore-adibũ. Igo gapũ neõ gorawayuduabemo. Igo ñerõ gãmebirarire neõ piriduabemo. ²² Irasirigũ igore, igo merã ñerõ irinerãdere pũrĩrikũmakũ irigũra. Igo merã ñerõ irideare ìgũsã bujawere, piribirimakũ, ìgũsãrẽ bũro ñerõ tarimakũ irigũkoa. ²³ Igo pũrãdere wẽjẽgũra. Yũ irasũ irimakũ ìãrã, ããrĩpererã yũre bũremurã: “Ìgũ marĩ gũñarĩrẽ, marĩ ùaribejaridere masĩpeokõãmi”, ããrĩrãkuma. “Ããrĩpereri marĩ iririkũrere ìã, keoro irigũkumi. Ñerõ irirãrẽ wajamoãgũkumi. Òãrõ irirã gapũre òãrõ irigũkumi”, ãrĩ masĩrãkuma. ²⁴ Surãyeri músã Tiatira marã igoya buerire, wãtẽa opũ Satanáyama yayeridere gããmebea. Irasirigũ yũ músãrẽ gajino dorenemobirikoa. ²⁵ I ditare dorea músãrẽ. Yũ buerire músã masĩdeare neõ mérõgã piribirikõãka! Yũ músã pũro aarimakũguedere òãrõ irinĩkõãka!

²⁶ Yũ músã pũro gae aarigũ, òãrĩrẽ irirãrẽ, yũ dorerire irinĩrãrẽ i ùmũ marãrẽ dorerã ããrĩmakũ irigũra. ²⁷ Yũpũ yũre, Opũ sóoderosũta, yũde músãrẽ, oparã sóogũra. Irasirirã kõmegũ merã, sorori ðiari merã weadea sororire pámutũrõsũ i ùmũ marãrẽ turaro merã dorerãkoa. Irasirirã músã dorerire neõ tarinũgãbirikuma. ²⁸ Yũ gajidere àsũ irigũra. Neñukãmũ boyodiru òãrõ boyoro irirosũ ããrĩgũ, músãrẽ maama perebiri ùmũ píũkoa. ²⁹ Músã gãmipũrĩ oparã, Òãgũ deyomarĩgũ yũre bũremurĩ buri marãrẽ wererire òãrõ péka! ãrĩ gojaka, yaarã Tiatirague ããrĩrãrẽ! ãrĩmi yũre.

3

Juan Sardis marãrẽ gojadea

¹ Jesucristo irire ãrĩ odo, àsũ ãrĩnemomi doja:

—Sardis marã yũre bũremurãrẽ, ìgũsãrẽ yaare weregũdere àsũ ãrĩ gojaka!

Yũ, Òãgũ deyomarĩgũ su mojõma pere gaji mojõ peru pẽrẽbejari turari* opãa. Irasũ ããrĩmakũ, su mojõma pere gaji mojõ peru pẽrẽbejarã neñukãdere opãa. ããrĩpereri músã iririre masĩpeokõãa. Músã: “Marĩpũyare òãrõ yãma”, ãrĩsũrã ããrã. Irasũ ããrĩkererã, boanerã irirosũ, ìgũyare neõ koero iribeã. ² Irasirirã òãrõ pémasĩka! Músã òãrĩ iriri ðũyarigãrẽ piriro marĩrõ òãrõ irika! Irire iribirimakũ, músã òãrĩ iriri pereakõãrokoa. Yũ, músã iririre ìãa. Yũpũ ìũrõguere òãrõ iripeobeã. ³ Yũpũyare gajirã músãrẽ buedeare gũñaka! Irireta dupaturi iritũyaka doja! Músã ñerĩ iririre pirika! Irasũ iribirimakũ, gũñaña marĩrõ yajarimasũ aarirõsũ, gũñaña marĩrõ músãrẽ wajamoãgũ aarigũkoa.

⁴ Irasũ ããrĩkeremakũ, surãyeri músã watopere ñerõ irirãrẽ ìãkũlbema. Marĩpũyare iritũyarã ããrĩsã, ìgũsãya surĩ gũraritũmerã irirosũ ããrĩma. Irasirirã ñerõ iridea wajare opamerã, boreri surĩ sãñarã yũ merã waagorenarãkuma. ⁵ ããrĩpererã piriro marĩrõ Marĩpũyare irirã irasũta surĩ òãrõ boreri sãñarã yũ pũro ããrĩrãkuma. Yũ merã perebiri okari opamurã wãrẽ gojatũri pũgue ìgũsã wãrẽ gojatũdeare neõ koebirikoa. Koeronorẽ irigũ, Yũpũ, ìgũrẽ wereboerã ìũrõguere: “Yaarã ããrĩma”, ããrĩgũkoa. ⁶ Músã gãmipũrĩ oparã, Òãgũ deyomarĩgũ yũre bũremurĩ buri marãrẽ wererire òãrõ péka! ãrĩ gojaka, yaarã Sardigue ããrĩrãrẽ! ãrĩmi yũre.

Juan Filadelfia marãrẽ gojadea

⁷ Jesucristo irire ãrĩ odo, àsũ ãrĩnemomi doja:

* **3:1** “Òãgũ deyomarĩgũ su mojõma pere gaji mojõ peru pẽrẽbejari turari opagũ ããrĩmi”, ãrĩrõ: “òãgũ deyomarĩgũ ããrĩpereri turari opagũ ããrĩmi”, ãrĩduaro yãa. Iri pũgue “su mojõma pere gaji mojõ peru pẽrẽbejari”, ãrĩrõ: “ããrĩpereri”, ãrĩduaro yãa.

—Filadelfia marã yure buremurãrẽ, ãgũsãrẽ yaare weregũdere ãsũ ãrĩ gojaka!

Yũ ñerĩ opabi, diayeta weregũ ããrã. Yũ, iripoeguemu opũ David dorederosũ turari merã doregũkoa. Iri turaro merã doreri, sawire opari irirosũ ããrã. Irasirigũ, yũ tũpãmakũ neõ gajigũ biamasĩberosũ, yũ iridoremakũ kãmutamasĩbemi. Yũ biamakũdere neõ gajigũ tũpãmasĩberosũ, yũ iridorebirimakũ irimasĩbemi. ⁸ Yũ ããrĩpereri mũsã iririre masĩpeokõãa. Mũsã mérõgã turari opakrerã, yaa buerire õãrõ iritũyãa. Gajirã, mũsã yaarã ããrĩrĩ waja mũsãrẽ ñerõ iridũakeremakũ: “Jesũre masĩbea”, neõ ãrĩbea. Irasirigũ yũ mũsãrẽ su makãpũro tũpãnũmakũ, neõ sugũ biamasĩberosũ, yũ mũsãrẽ yaamarẽ iridoremakũ, mũsãrẽ kãmutamasĩbemi. ⁹ Gajirã mũsã pũro ããrĩrã: “Gũa judío masaka ããrĩsĩã, Marĩpũyarã ããrã”, ãrĩkererã, ãgũyarã ããrĩbema. ãrĩkatorimasã, wãtẽa opũ Satanãrẽ buremurĩ bumarã ããrĩma. Irasirigũ ãgũsãrẽ mũsãya guburi pũro buremurĩ merã ejamejãjamakũ irigũra. Yũ irasirimakũ ããrã, yũ mũsãrẽ maĩrĩrẽ ããmasĩrãkuma. ¹⁰ Yũ mũsãrẽ: “Neõ piriro marĩrõ yaare irika!” ãrĩdeare õãrõ irirã yãa. Irasirigũ, ããrĩpererã i ãmũgue ããrĩrã iririkũrere ããbu, ãgũsãrẽ ñerõ tarimakũ irigũ, mũsãrẽ õãrõ koregũra.

¹¹ Mérõ dũyãa, yũ i ãmũgue dupaturi aariburo. Irasirirã yaare mũsã masĩdeare neõ kãtibirikõãka! Piriro marĩrõ irire irinĩkõãka, mũsã wajataburire ãmarĩ, ãrĩrã! ¹² Õãrõ yaare iritariwere, irire pirimerãnorẽ Yũpũ pũroguẽ ããrĩmakũ irigũra. ãgũsã ãgũya wiima borari ããrĩrõsũ ãgũ pũro ããrĩnĩkõãrãkuma. Yũpũ wãrẽ ãgũsãguere gojagũkoa, ãgũyarã ããrĩrĩrẽ ãmubu. ãgũya makã wãidere gojagũkoa. ãgũya makã, maama makã Jerusalén wãikũa. Iri makã ãmũgasigũ merã dijariri makã ããrĩrokoa. Yũde ãgũsãrẽ yũ wãĩ, maama wãrẽ gojagũkoa. ¹³ Mũsã gãmpĩrĩ oparã, Õãgũ deyomarĩgũ yure buremurĩ buri marãrẽ wererire õãrõ péka! ãrĩ gojaka, yaarã Filadelfiague ããrĩrãrẽ! ãrĩmi yure.

Juan Laodicea marãrẽ gojadea

¹⁴ Jesucristo irire ãrĩ odo, ãsũ ãrĩnemomi doja:

—Laodicea marãrẽ yure buremurãrẽ, ãgũsãrẽ yaare weregũdere ãsũ ãrĩ gojaka!

Yũ ããrĩrõsũta irigũ ããrã. Irasirigũ diayeta weregũ, Yũpũya kerere keoro weregũ ããrã. Yũpũ, yũ merã ããrĩpereri i ãmũmarẽ iridi ããrĩmĩ. ¹⁵ Yũ ããrĩpereri mũsã iririre masĩpeokõãa. Mũsã yure buremumerã, õãrõ buremurã ããrĩbea. Mérõgã yure buremurĩ opãa. Irasirigũ yũ mũsãrẽ irasũ ããrĩnemobirimakũ gããmea. ¹⁶ Yũ, mũsã mérõgã buremurĩ oparire doogorãa. Irasirigũ gajino ñerĩrẽ dokabéodũagu irirosũ mũsãrẽ béodũagu ããrã. ¹⁷ Yũ mũsãrẽ irasũ iridũakeremakũ, mũsã gapũ ãsũ ãrĩ werenĩa: “Wãri opãa”, ãrã. “ããrĩpereri õãrõ waãa, ããrĩpereri gũa gããmerĩrẽ opakõãa”, ãrã. Irasũ ãrĩkererã, yũ ããrõ neõ gajino opamerã, boporã, surĩ marĩrã, koye ããmerã irirosũ ããrã. Mũsã buremurĩ opamerã ããrĩrĩrẽ masĩbea. ¹⁸ Irasirigũ mũsãrẽ: “Wãri oparã ããrã”, ãrĩ péñarãrẽ ãsũ ãrĩ weregũra. Oro peamegue soe ãmuadea yũ oparire wajarika, wãri opamurã! Iri õãrĩ oro oparã irirosũ ããrĩrã, yure õãrõ buremurĩ oparãkoa. Surĩ boreri yũ oparidere wajarika, surĩ marĩrõ ããrĩbukoa, ãrĩrã! Mũsã irire sãñarã irirosũ ããrĩrã, mũsã ñerĩ irideare pirirã, gũyasĩrĩrõ marĩrõ ããrĩrãkoa. Irasũ ããrĩmakũ, koye piuri kũdere wajarika, õãrõ ããmurã. Mũsã irire piuanerã irirosũ ããrĩrã, Marĩpũyare õãrõ ããmasĩrãkoa.

¹⁹ Mũsãrẽ ããrĩpererã yũ maĩrãrẽ ñerĩrẽ irinemobirikõãburo, ãrĩgũ, pũrĩrõ páro irirosũ werea. Irasirirã yaare buro gããmekã! Mũsã ñerĩ irideare bujawere, irire pirika! ²⁰ Õãrõ péka! Yũ mũsã merã ããrĩdũagu, sugũ makãpũro ejanũgã oenĩgũ irirosũ ããrã. Sugũ yure pégu, õãrõ merã makãpũro tũpãsóogũ irirosũ ããrĩmi. Irasirigũ yũ ãgũ merã õãrõ usũyanĩkõãgũkoa. ãgũde yũ merã usũyanĩgũkumi. ²¹ Õãrĩrẽ iritariwererãnorẽ yũ doaro tũroguẽ doamakũ irigũra, yũ merã doreburo, ãrĩgũ. Yũ õãrĩrẽ iritariwere, Yũpũ merã Opũ doarogue doarosũ, yũde õãrĩrẽ irirãrẽ iroguẽ doamakũ irigũra. ²² Mũsã gãmpĩrĩ

oparã, Õãgũ deyomarĩgũ yũre bũremurĩ buri marãrẽ wererire õãrõ péka! ãrĩ gojaka, yaarã Laodiceague ããrĩrãrẽ! ãrĩmi Jesucristo yũre.

4

Juan ãmugasigue Marĩpũre bũremurãrẽ ããdea

¹ Pũrũ ãmugasigue ããmu, tũpãdea makãpũrore ããbũ. Puriduru turaro bũsũro irirosũ werenĩpũroridi dupaturi turaro werenĩrĩ bũsũrore pébũ. ãsũ yũre ãrĩmi:

—Õõgue mũrĩrika! Pũrugue yũ waamakũ iriburire mũrẽ ãmugũra. Yũ ãrĩderosũta waarokoa, ãrĩmi.

² Ìgũ irasũ ãrĩ wereadero pũrũ, mata Õãgũ deyomarĩgũ ãgũ turari merã yũre ãmugasigue ãĩmũrĩãmi. Irogue mũrĩjagũ, sugũ Opũ doarogue doagũre ããbũ. ³ Ìgũ, jaspe, cornalina wãikũri yeri ãtãyeri goserosũ õãrõ gosesirigũ ããrĩmĩ. Õãrõ gosesiriri bero, esmeralda wãikũriye irirosũ gosesiri bero dekogue doami. ⁴ Ìgũ doaro tũrore su bero veinticuatro oparã doari ããrĩrĩ berore ããbũ. Iri doariguere veinticuatro gora oparã mũrã doama. Boreri surĩ sãñama. Ìgũsã peyari berorĩde oro berorĩ ããrĩbũ. ⁵ Opũ doarogue merã bupu miã, bũro pámi. Iro doaro diaye su mojõma pere gajĩ mojõ peru pẽrẽbejari sĩãgori yuku ããrĩbũ. Iri yukukũta, Õãgũ deyomarĩgũ turari keori ããrĩbũ. ⁶ Gajĩ iro doaro diaye dia wãdiya diumajĩ gosesirirosũ ããrĩbũ. Õãrõ deko sũridiya irirosũ ããrĩbũ.

Iro doaro pũro gajirã wapikũrã okarã ããrĩmã. Ìgũsãya diapure, ãgũsãya pũrũpũrĩre wãri koye opama. ⁷ Yũ ããpũroridi, ãõkaye irirosũ deyogũ ããrĩmĩ. Ìgũ pũrũmũ, wekũ irirosũ deyogũ ããrĩmĩ. Ìgũ pũrũmũ, masakũ irirosũ diapukũgũ ããrĩmĩ. Ìgũsã urerã pũrũmũ, gapãu ãgũ kẽdũpũri sãẽgũ irirosũ deyomi. ⁸ Ìgũsã wapikũrãgueta su mojõma pere gajĩ mojõ suru pẽrẽbejari kẽdũpũri oparã ããrĩmã. Ìgũsãya kẽdũpũri pe gapũgueta wãri koye opabũ. Ñmũrikũ, ñamirikũ bayama. ãsũ ãrĩ bayama:

“Õãgũ, õãgũ, õãgũ Marĩpũ ããrĩpererã nemorõ turagũ, marĩ Opũ ããrĩmi.✧

Ìgũ neõgoragueta ããrĩsiadi ããrĩmĩ.

Dapagoradere irasũta ããrĩnĩkõãmi.

Pũrũguedere irasũta ããrĩnĩkõãgũkumi”, ãrĩ bayanama.

⁹ Irasũ bayarã, Marĩpũ turarire bayarã irima. Ìgũrẽ ããrĩpererĩnũrĩ ããrĩnĩgũrẽ: “Bũro hũyãa mũ merã”, ãrĩ bũremurã irima. ¹⁰ Ìgũsã irasũ baya bũremumakũ ããrã, veinticuatro oparã mũrã, ãgũ doarogue doagũ diaye ñadũkũpuri merã ejamejã, ãgũrẽ bũremuma. Ìgũ ããrĩpererĩnũrĩ ããrĩnĩgũ ããrĩmi. Irasũ bũremurã, ãgũsã peyari berorĩre ãgũ diaye meẽpeo, ãsũ ãrĩma:

¹¹ “Mũ, gũa Opũ turatarigũ, õãtarigũ ããrã. Gũa bũremugũ ããrĩkõãgũta yãa. Mũrẽ irasũta bũremunĩkõãrõ gããmea. ããrĩpererire iridi ããrã. Mũ gããmerõsũta i ããrĩpererire iribũ”, ãrĩma Marĩpũre.

5

Jesucristo oveja majĩgũ irirosũ ããrĩgũ su papera tũrũrẽ kuraburi

¹ Marĩpũre Opũ doarogue doagũre ãgũya diayema mojõ gapũ papera tũrũrẽ opagũre ããbũ. Iri tũrũ, pe gapũ gojadea tũrũ, su mojõma pere gajĩ mojõ peru pẽrẽbejarigora õãrõ wĩtãbiadea tũrũ ããrĩbũ. ² Marĩpũre wereboegũ turagũdere ããbũ. Ìgũ bũro bũsũro merã ãsũ ãrĩ sãrẽñami:

—¿Noã ããrĩrĩ, gajirã nemorõ õãgũ i papera tũrũ wĩtãbiadeare kurabu? ãrĩmi.

³ Ɛmugasigue, i nikũgue, i nikũ poeka boanerã ããrĩrõguedere neõ sugũ iri tũrũrẽ kura, iri tũrũma gojadeare ããgũ mámi. ⁴ Irasirigũ iri tũrũrẽ kurabure ããgũ bokabirimakũ ããgũ, yũ bũro orebũ. ⁵ Yũ irasũ oremakũ ããgũ, sugũ, oparã mũrã watopemũ ãsũ ãrĩmi yũre:

—Iropata oreka! Iripoeguemũ opũ David parãmi ããrĩturiagu iri tũrũrẽ su mojõma pere gaji mojõ peru pẽrẽbejarigora wĩtãbiadeare kuramasĩmi. ããgũ Judáya bumũ, ẽõkaye irirosũ turatarigũ ããrĩmi. ããgũrẽ ããturirãrẽ tarinũgãdi ããrĩmi, ãrĩ weremi yũre.

⁶ ããgũ irasũ ããrĩmakũ pẽgũ, Opũ doarogue doagũ diaye Jesucristo oveja majĩgũ irirosũ ããrĩgũ nímakũ ããbũ. ããgũ wapikũrã okarã, oparã mũrã watopegue ními. Oveja majĩgũ wẽjẽsũdi dupaturi okagũ irirosũ deyogũ ããrĩmĩ. Su mojõma pere gaji mojõ peru pẽrẽbejari kũsari, irikũta koyedere opami. Iri kũsari, koye: Õãgũ deyomarĩgũ turari, ããgũ masĩpeori keori ããrã. Marĩpũ, Õãgũ deyomarĩgũrẽ ããrĩperero i nikũguere iriudi ããrĩmi. ⁷ Jesucristo oveja majĩgũ irirosũ ããrĩgũ, Opũ doaro pũrogue e jagũ, iro doagũre ããgũya diayema mojõ gapũ opadea tũrũrẽ ããmi. ⁸ ããgũ irire ããmakũ ããrã, wapikũrã okarã, veinticuatro oparã mũrãde ããgũ oveja majĩgũ irirosũ ããrĩgũ diaye ããgũsãya ããdukũpuri merã ejamejã, ããgũrẽ bũremuma. ããgũsãkũ arpa wãikũri bũapũtẽrĩrẽ, oro merã iridea paridere opama. Iri pari sũrõrĩ utũriripari dita ããrĩbũ. Iri sũrõrĩ Marĩpũyarã ããgũrẽ sẽrẽdea ããrĩbũ. ⁹ Irasũ ããgũrẽ bũremurã, maama bayarire ãsũ ãrĩ bayapeoma:

Mũ wẽjẽsũdi ããrã. Boagũ, mũya dí béori merã masaka ããrĩ iridea wajare wajaribosabũ, ããgũsã Marĩpũyarã ããrĩburo, ããrĩgũ. ããrĩpereri buri marãrẽ, ããgũsã ya werenĩrãrẽ, ããrĩpererogue ããrĩpereri nikũ marãrẽ ããgũsã ããrĩrẽ iridea wajare wajaribosabũ. Irasirigũ iri tũrũrẽ ãã, wĩtãbiadeare kuramasĩa.

¹⁰ Marĩpũyarãrẽ: oparã, paía masakaya ããrĩburire ããgũrẽ sẽrẽbosarã ããrĩmakũ iribũ, ããgũ dorerire iriburo, ããrĩgũ. Irasirirã i ẽmũ ããrĩpererogue ããrĩrãrẽ dorerãkuma, ããrĩma.*

¹¹ Pũrũ ẽmugasigue ããmũ, Marĩpũre wereboerã wãrã werenĩmakũ pẽbũ. Opũ doaro, irasũ ããrĩmakũ wapikũrã okarã, veinticuatro oparã mũrã tũro nígoroama. ããgũsãrẽ keo bokatĩũña marĩbũ. ¹² Turaro merã ãsũ ãrĩ bayapeoma:

Oveja majĩgũ, ããgũsã wẽjẽdi, dupaturi okagũ, õãtarigũ ããrĩmi. Irasirirã ããgũrẽ: “ããrĩpererãrẽ doregũ, ããrĩpererire opagũ, masĩpeogũ, turatarigũ, marĩ gopeyari merã bũremugũ, gosesiriri merã deyogũ, õãtarigũ ããrĩmi”, ããrĩ, ẽsũyari sĩburo, ããrĩma.*

¹³ Pũrũ gajirã bayapeomakũ pẽbũ. ããgũsã ããrĩpererã Marĩpũ irinerã ããrĩmã: Ɛmugasigue ããrĩrã, i nikũgue ããrĩrã, i nikũ poeka boanerã ããrĩrõgue ããrĩrã, dia wãdiyague ããrĩrã ããrĩmã. ããrĩperero i ẽmũguere ããrĩrã ããrĩmã. ããgũ ããrĩ bayapeoma:

Opũ doarogue doagũre: “Õãtarigũ, marĩ gopeyari merã bũremugũ, gosesiriri merã deyogũ, turatarigũ ããrĩmi”, ããrĩ bũremuburo.

Irasũ ããrĩmakũ, oveja majĩgũ irirosũ ããrĩgũdere irasũta piriro marĩrõ ããrĩpererinũrĩ bũremuburo, ããrĩma.

¹⁴ ããgũsã irasũ ããrĩmakũ pẽrã, wapikũrã okarã: “Irasũta ããrĩburo”, ããrĩma. Irasirirã veinticuatro oparã mũrã ããdukũpuri merã ejamejã, ããgũrẽ ããrĩnĩgũrẽ ããrĩpererinũrĩ ẽsũyari sĩa.

6

Jesucristo oveja majĩgũ irirosũ ããrĩgũ papera tũrũ wĩtãbiadeare kurawãgãdea

¹ Pũrũ Jesucristo oveja majĩgũ irirosũ ããrĩgũ papera tũrũ ããgũ ããdea tũrũ wĩtãbiapũroriderore kuramakũ ããbũ. ããgũ kuradero pũrũ, sugũ, wapikũrã okarã watopemũ yũre: “ããgũ aarika!” ããrĩmakũ pẽbũ. Irasũ ããrĩgũ, bupu bũro bũsũrosũ werenĩmi.

* 5:10 Ex 19.6; Ap 1.6; 20.6 * 5:12 Jn 1.29; 1 Co 5.7

² Īgũ irasũ ārãdero pũũ, caballu boregũre iãbũ. Īgũ weka peyagũ sĩrĩturore opami. Marĩpũ Īgũrẽ opũ peyari berore sĩmi. Irasirigũ Īgũrẽ iãturirãrẽ gãmekẽã tarinũgãgũ ããrĩsĩã, dupaturi gãmekẽã tarinũgãgũ waami doja.

³ Pũũ Jesucristo oveja majĩgũ irirosũ ããrĩgũ gajiro wĩtãbiaderore kurami doja. Īgũ kuradero pũũ, gajigũ wapikũrã okarã watopemũ yũre: “Īãgũ aarika!” ãrĩmakũ pẽbũ. ⁴ Īgũ irasũ ārãdero pũũ, gajigũ caballu diiagũ wirimi. Marĩpũ Īgũ weka peyagũre turarire sĩmi. Iri turari merã i ãmũgue ããrĩrãrẽ Īgũsã basi siñajãrĩ opanemobirimakũ irimi. Wãri majĩ sareri majĩrẽ Īgũrẽ sĩmi. Irasirigũ Īgũsãrẽ gãmewẽjẽmakũ irimi.

⁵ Pũũ Jesucristo oveja majĩgũ irirosũ ããrĩgũ gajiro wĩtãbiaderore kurami doja. Īgũ kuradero pũũ, gajigũ wapikũrã okarã watopemũ yũre: “Īãgũ aarika!” ãrĩmakũ pẽbũ doja. Īgũ irasũ ārãdero pũũ, gajigũ caballu ñĩgũrẽ iãbũ. Īgũ weka peyagũ ñũkũrĩ keorore opami.

⁶ Pũũ wapikũrã okarã watopegue sugũ ãsũ ãrĩ werenĩmakũ pẽbũ:

—Baari pereakõãrokoa. Irasirirã masaka trigo yerire su kilota, sunũ moãrĩ waja merã wajarirãkuma. Sunũ moãrĩ waja merã cebada yeridere ãre kilota wajarirãkuma. Uye, igui deko* gapũre peremakũ iribirikõãburo, ãrĩmi.

⁷ Pũũ Jesucristo oveja majĩgũ irirosũ ããrĩgũ gajiro wĩtãbiaderore kurami. Īgũ kuradero pũũ, gajigũ wapikũrã okarã watopemũ yũre: “Īãgũ aarika!” ãrĩmakũ pẽbũ. ⁸ Īgũ irasũ ãrĩmakũ pẽgũ, diiaweya borewijigũ caballure iãbũ. Īgũ weka peyagũ masakare boamakũ irigũ ããrĩsĩã: “Boari” wãikũmi. Īgũ pũũ gajigũ “Boanerã ããrĩrõ” wãikũgũ aarimĩ. Jesucristo oveja majĩgũ irirosũ ããrĩgũ Īgũsã pẽrãrẽ ããrĩperero i nikũguere surãyeri masakare wẽjẽdoremi. Gãmewẽjẽrĩ merã, ãboari merã, pũrĩrikũri merã, waimũrã makãnũũ marã guarã merã, surãyeri masakare wẽjẽburire pími. ããrĩpererã masaka wapikũri buri dukawa, keomakũ, su bumarã keoropa ããrĩrãrẽ wẽjẽdoremi.

⁹ Pũũ Jesucristo oveja majĩgũ irirosũ ããrĩgũ gajiro wĩtãbiaderore kurami doja. Īgũ kuradero pũũ, Marĩpũre sĩdea soepeoro doka, Jesucristore bũremurã wẽjẽsũnerãya yũjũpũrãrĩrẽ iãbũ. Īgũsã Īgũya kerere weredeã waja, irasũ ããrĩmakũ Īgũyare piribiridea waja wẽjẽsũnerã ããrĩmã. ¹⁰ Īgũsã turaro merã Marĩpũre ãsũ ãrĩma:

—Gũã Opũ, mũ õãtarigũ, ñerĩ marĩgũ ããrã. Mũ: “Ãsũ irigũra”, ãrĩdeare diayeta irigũ ããrã. ¿Naásũ ããrĩmakũ i ãmũ marãrẽ wajamoãgũkuri, Īgũsã gũare wẽjẽdeã waja? ãrĩma.

¹¹ Pũũ Īgũsãrẽ boreri surĩ, yoarire sĩmi. ãsũ ãrĩmi:

—Siñajãka dapa! Gajirã mũsãyarã Jesucristore bũremurã Īgũya kere wereri waja mũsã irirosũ wẽjẽsũrãkuma. Īgũsãrẽ wẽjẽpeoburo mërõ dũyãã, ãrĩmi.

¹² Pũũ Jesucristo oveja majĩgũ irirosũ ããrĩgũ gajiro wĩtãbiaderore kuramakũ iãbũ doja. Ireore kuramakũ, nikũ bũro ñomebũ. Abe ãmũmũ goero ñĩgũ waami. Kó surĩro ñĩrõ sãñarõ irirosũ deyogũ waami. Abe ñamimũ goero diiagũ, dí irirosũ deyogũ waami. ¹³ Neñukãde ãmũgasigũ ããrãnerã, nikũgue yuridijakõãma. Yukũbũ dukare mirũ bũro wẽjãpu bura dijurosũ yuridijama. ¹⁴ Irasiriro papera pũrẽ tũrãbéo dedeuosũ, ãmũgasi dederiakõãbũ. ããrĩpereri ãtãyuku, ñũgũrĩde gajirogue waabũ. ¹⁵ Irasũ waamakũ iãrã, i ãmũ marã oparã ãtãyukuma goberigũ, ãtãyeri watopegue durirã waama. Gajirã: surara oparã, wãri doebiri oparã, turari merã dorerã, ããrĩpererã moãrĩmasã, moãrĩmasã ããrĩmerãde irogueta duriadima. ¹⁶ Irasũ durirã, ãtãyukure, ãtãyeridere ãsũ ãrãdima:

—Gũã weka yuridijarikõãka! Kãmutaka, Opũ doarogue doagũ gũare bokabirikõãburo. Kãmutaka, oveja majĩgũ irirosũ ããrĩgũ gũare bũro wajamoãbirikõãburo. ¹⁷ Īgũ gũare wajamoãrĩnũ ejasiãã. ¿Noã bokatũbũkuri ire? ãrĩ gaguĩma.

* **6:6** Masaka olivo wãikũdima dukã aceitunas wãikũri dukare bipirã, ãye opakuma Īgũsã baaburire. Iguida dukare kũrabipirã, igui deko opakuma Īgũsã iirĩburire. Irasirigũ sugũ wapikũrã okarã watopeguemũ: “ãye, igui deko gapũre peremakũ iribirikõãburo”, ãrĩgũ: “Olivo wãikũri yuku, iguidarire poyanorẽbirikõãburo”, ãrĩ werenĩmi.

7

Israel bumarāya diapuserorire Marīpɛ wāi tuusūnerāyare weredeā

¹ Pɛɛ wɔpikɛrā Marīpɛ wereboerārē iābɛ. Sugɛ norte gapɛ, gajigɛ sur gapɛ, gajigɛ abe mɛrīriro gapɛ, gajigɛ abe ñajārō gapɛ nīma, mirū wējāpubirimakū irimurā. Irasiriro i nikūgue, dia wādiyaguedere neō mirū wējāpubiribɛ. Neō sugɛ yukɛre mirū wējāpubiribɛ. ² Īgūsā i nikūrē, dia wādiyadere poyanorēdoresūnerā āārīmá. Pɛɛ gajigɛ Marīpɛ wereboegure iābɛ doja. Īgū abe mɛrīriro gapɛ aarimí. Marīpɛ okanígūya wāi tuuyariñerē opami. Gajirā Marīpɛ wereboerā wɔpikɛrārē turaro merā āsū ārī wereními:

³—I nikū, dia wādiya, yukure poyanorēbirikōāka dapa! Marī Opɛre moāboerārē Īgūsāya diapuserorire Īgū wāi tuuadero pɛɛ, irire poyanorēka! ārīmi.

⁴ Pɛɛ Īgū werenímakū pébɛ. Āsū ārīmi: “Ciento cuarenta y cuatro mil masaka Israel parāmerā āārīturari buri marā Īgūsāya diapuserorire Marīpɛ wāi tuusūnerā āārīmá”, ārīmi. ⁵ Īgūsā āārīnerā āārīmá:

Judáya bumarā doce mil, Rubēya bumarā doce mil,
Gadya bumarā doce mil, ⁶ Aserya bumarā doce mil,
Neftalíya bumarā doce mil, Manaséya bumarā doce mil,
⁷ Simeōya bumarā doce mil, Levíya bumarā doce mil,
Isacarya bumarā doce mil, ⁸ Zabolōya bumarā doce mil,
Joséya bumarā doce mil, Benjamíya bumarā doce mil
āārīnerā āārīmá.

Wárā surí boreri sāñarāyare weredeā

⁹ Pɛɛ wárā masakare iābɛ. Surāyeri āārīpereri buri marā, Īgūsā ya werenírā, āārīpererogue āārīpereri nikū marā āārīmá. Īgūsā, Marīpɛ, Opɛ doarogue doagɛ diaye, Jesucristo oveja majīgū irirosū āārīgū diaye nīma. Īgūsārē keo bokatīūña marībɛ. Surí borerire sāñama. Mujī pūrīrē opama. ¹⁰ Īgūsā āārīpererā turaro merā āsū ārī gaguiníma: Marīpɛ marīrē taugɛ āārīmi. Īgū, Opɛ doarogue doagɛ āārīmi. Jesucristo oveja majīgū irirosū āārīgūde marīrē taugɛ āārīmi, ārīma.

¹¹ Āārīpererā Marīpɛ wereboerā Opɛ doaro tɛro, irasū āārīmakū oparā mɛrā, wɔpikɛrā okarā tɛro nígoroama. Marīpɛ irogue doagɛre bɛremurā, Īgū diaye ñadukɛpuri merā ejamejā, Īgūsāya diapurire yebague moomejāma. ¹² Āsū ārīma:

Marī Opɛre: “Ōātarigɛ, gosesiriri merā deyogɛ, masīpeogɛ āārā, gɛa mɛ merā usuyáa”, ārī, usuyari sīrā!

“Mɛ, gɛa gopeyari merā bɛremugū, turatarigɛ, āārīpererārē doregɛ āārā”, ārīrā Īgūrē!

Āārīpererinurī irasū ārīnírā! Irasirirā: “Irasūta ārīburo”, ārī bɛremuma Īgūrē.

¹³ Pɛɛ sugɛ, oparā mɛrā watopemɛ yare sērēñami:

—¿Ñeémarāno āārīrī ĩsā surí boreri sāñarā? ¿Noógue aarayuri? ārīmi.

¹⁴ Īgū irasū ārīmakū pégɛ, yɛ gapɛ Īgūrē yujɛbɛ:

—Yɛ opɛ, mɛ masíkoa, ārībɛ.

Yɛ irasū ārīmakū pégɛ, āsū ārīmi:

—I ũmɛ marā bɛro ñerō tariripoere Īgūsāde ñerō tarima. Īgūsā Jesucristo oveja majīgū irirosū āārīgūya dí béori merā Īgūsāya suríre koe, boreri surí waamakū irinerā irirosū āārīma. Irasū āārīrā, Jesucristore Īgūsārē boabosa, Īgūya dí béodire bɛremusīā, Marīpɛ ĩūrōrē ñerīrē opamerā āārīma. ¹⁵ Irasirirā, Marīpɛ, Opɛ doarogue doagɛ diaye nīma, Īgū gāāmerōsū irimurā. Ɛmɛrikɛ, ñamirikɛ Īgūya wii ũmɛgasima wiigue Īgūrē bɛremuma. Īgū, Īgūsā merā irasū āārīnikōāmi Īgūsārē koregɛ. ¹⁶ Irasirirā neō dupaturi nabooanemobirikuma. Neō ñemesibusūnemobirikuma. Neō abe ũmɛmɛ Īgūsārē bɛro

asinemobirikumi. Gaji asiri ĩgūsārē neō ñerō tarimakū irinemobirikoa. ¹⁷ Oveja majĭgū irirosū āārĭgū, ĩgū doarogue doagu diaye nĭgū, ovejare korerimasū irirosū ĩgūsārē koregukumi. Perebiri okari sĭrĭ deko* wiriri gobegue āāgukumi. Irasirirā usuyari merā āārĭnĭkōārākuma. Marĭpū āārĭpereri ĩgūsā kōdeko wiririre niūgukumi. Irasirirā neō dupaturi bujawereri merā āārĭbirikuma.

8

Papera tūrūrē wĭtābiatūnudea, sārōrĭ soemudiru oro merā irideare weredea

¹ Jesucristo oveja majĭgū irirosū āārĭgū, su mojōma pere gaji mojō suru pērēbejari papera tūrūrē wĭtābiadeare kura odoadero pūru, iri tūrūrē wĭtābiatūnuderore kurami. Irore kuramakū, āārĭperero ũmugasigue gajino neō busubiriakōābu. Su hora deko irasū waabu. ² Pūru su mojōma pere gaji mojō peru pērēbejarā Marĭpūre wereboerā ē ĩgū pūro nĭmakū ĩābu. ĩgūsākure puririduparure sĭmi. ³ Pūru gajigu Marĭpūre wereboegu sārōrĭ soemudiru oro merā iridirure opagu, Marĭpūre sĭdea soepeoro pūrogu waa ejanugājami. ĩgū irogu nĭmakū, wáro sārōrĭrē sĭma. Iri sārōrĭ, āārĭpererā Marĭpūyarā ĩgūrē sērēdea merā morē soemuburi āārĭbū. Irasirigu, Marĭpū, Opū doarogue doagu diaye, oro merā iridea soepeorogue irire soemumi. ⁴ Iri sārōrĭ, soepeoro weka poósiri peo soemumakū, Marĭpū pūrogu ĩmĭkā, ĩgūyarā ĩgūrē sērēdea merā mūrĭākōābu. ⁵ Pūru Marĭpūre wereboegu i soepeoroma peamerē ĩgū soemudirugue āi poósā odo, i nikūgue poómeédijukōāmi. ĩgū irasū poómeédijumakūta, bupu miā, buro pámi. Irasū āārĭmakū, nikūde ñomebu.

Marĭpūre wereboerā puririduparure puridea

⁶ Pūru su mojōma pere gaji mojō peru pērēbejarā Marĭpūre wereboerā ĩgūsāya puririduparure āmurā irima.

⁷ Āārĭpūrorigu Marĭpūre wereboegu ĩgūyarure purimi. ĩgū puriadero pūru, deko yeri yusari yeri peame merā, dí merā morērĭ yeri nikūgue yuribu. Iri yeri yurimakūta, i nikū ũjūākōābu. I nikū deko ejaburogora ũjūtūnubu. Yukude, tá yasaride iropata ũjūbu.

⁸ Pūru gajigu Marĭpūre wereboegu ĩgūyarure purimi doja. ĩgū purimakū, wádi ũtāū irirosū deyodi, peame merā ũjūnĭdi, dia wādiyague mirūa dijabu. Irasiriro i nikū ũjūderopata wādiyama deko, dí poyakōābu. ⁹ Irasirirā āārĭpererā wādiya marā ure bu dukawamakū, su bumarā boakōāma. Doóriduparu wādiyague āārĭrĭde, iropata ũjūbu.

¹⁰ Pērā Marĭpūre wereboerā ĩgūsāya puririduparu puriadero pūru, gajigu Marĭpūre wereboegu ĩgūyarure purimi doja. ĩgū purimakū, wágu neñukāmu sĭāgori turu ũjūrĭ irirosū deyogu ũjū, mutādi nikūguere dijijami. ĩgū diariguere, deko wiriri goberiguere deko ejaburogora meémejāmi. ¹¹ ĩgū: “Sūĭgū” wāĭkumi. Deko ĩgū meémejādero ejaturo sūĭrĭ deko waabu. Irasū waadero pūru, iri dekore iirĭrā, wārā masaka boama.

¹² Ũrerā Marĭpūre wereboerā ĩgūsāya puririduparu puriadero pūru, gajigu Marĭpūre wereboegu ĩgūyarure purimi doja. ĩgū purimakū, abe ũmumu, ñamimude deko ejaburogora poyanorēma. Neñukāde iropata poyanorēma. Irasirigu abe, ũmūrē wapikari horagora neō boyobirimi. Ñamidere wapikari horagora abe ñamimu, neñukā neō boyobirima.

¹³ Pūru ũmarōgue ĩāmugū, gapáu wúwāgāgūrē ĩābu. ĩgū turaro merā āsū ārĭ werenĭmakū pébu:

* **7:17** San Juan 11.25: Jesús ārĭmi: —Yū boanerārē masāmakū irigu, ĩgūsārē okari sĭgū āārā. Yure buremugū boadigue āārĭkeregū, okagukumi, ārĭmi. San Juan 14.6: Jesús ārĭmi doja: —Yū dita Yūru pūrogu waarĭ maa irirosū āārā. Yū diayema āārĭrĭrē masakare masĭmakū irigu, ĩgūsārē okamakū irigu āārā. Yū merāta Yūru pūrogu waarākuma, ārĭmi. Irasirigu Jesús deko wiriri gobema perebiri okarire sĭrĭ deko irirosū āārĭmi. ĩgū merā ĩgūrē buremurā ĩgū Pagu pūro i perebiri okarire opamurā āārĭma.

—Ayó! Ayó! Ayó! Gajirã ɯrerã Marĩpɯre wereboerã ãgũsãya puririduparure puribema dapa. ãgũsã irire puriadero pɯɯɯ, ñetariro waarokoa i nikũgue ããrĩrãrẽ, ãrĩmi.

9

¹ Pɯɯɯ wapikɯrã Marĩpɯre wereboerã ãgũsãya puririduparu puriadero pɯɯɯ, gajigu Marĩpɯre wereboegu ãgũyarure purimi doja. ãgũ purimakũ, neñukãmɯ irirosũ deyogu ãmɯgasigue ããrãdi i nikũgue yuriadire ããbɯ. Bɯro ãkũãrĩ gobema sawire ãgũrẽ sĩma. ² ãgũ iri gobere tũpãmakũ, wãri peamema ãĩmikã wiribɯ. Iri ãĩmikã abe ãmɯmɯrẽ tuúbiatobɯ. Irasiriro ãmarõgue naĩtĩãrõ waabɯ. ³ Poreroa, ãĩmikã watopegue ããrãnerã, i nikũgue wãdijarima. Korebaba irirosũ toarã ããrĩmã. ⁴ Marĩpɯ ãgũsãrẽ táre, yukure, gaji otedeare poyanorẽdorebirimi. “ãgũsãya diapuserorire yɯ wãĩ tuuña marĩrãno ditare ñerõ tarimakũ irirãkoa”, ãrĩmi. ⁵ ãgũsãrẽ toawẽjẽdorebirimi. Su mojõmarã abegora ãgũsãrẽ bɯro pũrĩmakũ iridoremi. Irasirirã korebaba toari pũrĩrõsũ ãgũsãrẽ pũrĩmakũ irima.

⁶ ãgũsãrẽ pũrĩripoere masaka bɯro boadɯadima. ãgũsã boadɯakeremakũ, boamasĩña marĩbɯ.

⁷ Poreroa, caballua gãmekẽãburi dupiyuro ãmu odoanerã irirosũ deyoma. ãgũsãya dipure oparã peyari berorí, oro merã iridea berorí irirosũ deyorire peyama. ãgũsãya diapuri masakaya diapu irirosũ deyobɯ. ⁸ ãgũsãya poari, nomeya poañapu irirosũ ããrĩbú. ãgũsãya guika, eõkayea guika irirosũ ããrĩbú. ⁹ ãgũsãya koretibirire kõme merã iridea kãmutari suríro sãñanerã irirosũ ããrĩmã. ãgũsã wãmakũ, ãgũsãya kẽdɯpuri bɯro bɯsɯbɯ. Wãrã caballua tũrũrĩduparure ãgũsã gãmewẽjẽrõgue mumurõ merã tũãwãgãrã irirosũ bɯsɯbɯ. ¹⁰ Korebaba irirosũ ãgũsãya pore merã toarã, masakare su mojõmarã abegora pũrĩmakũ irima. ¹¹ Poreroa opɯ, bɯro ãkũãrĩ gobe opɯ ããrĩmi. ãgũ Marĩpɯre wereboegu ããrĩdi ããrãdimi. Hebreo ya merã “Abadón” wãĩkãmi. Griego ya merã “Apolión” wãĩkãmi. “Apolión”, ãrĩrõ: “Ñerõ poyanorẽrĩmasũ”, ãrĩdɯaro yãa.

¹² Poreroa masakare ñerõ pũrĩmakũ iriadero pɯɯɯ, ñerõ taripɯroridea pereakõãbɯ. Iri pɯɯɯ, pero ñerõ tariri dɯyãa dapa.

¹³ Pɯɯɯ su mojõmarã Marĩpɯre wereboerã ãgũsãya puririduparu puriadero pɯɯɯ, gajigu Marĩpɯre wereboegu ãgũyarure purimi doja. ãgũ purimakũ, sugɯ werenĩmakũ pébɯ. Marĩpɯ ãũrõ ãgũsã ãgũrẽ sĩdea soepeoro, oro merã iridea soepeorogue ãgũ werenĩrĩ bɯsɯbɯ. Iri soepeoroma wapikɯri kúsari watopegue ãgũ werenĩrĩ bɯsɯbɯ. ¹⁴ Irasũ werenĩgũ, puriduru puriadire ãsũ ãrĩmi:

—Wapikɯrã Marĩpɯre wereboerã ããrãdinerãrẽ wiuka! ãgũsã dia wãdiya Eufrates wãĩkũdiyague sɯadobosũnerã ããrĩma, ãrĩmi.

¹⁵ Irasũ ãrĩmakũ pégɯ, Marĩpɯre wereboegu ãgũsã wapikɯrãrẽ wiumi, wãrã masakare wẽjẽmurãrẽ. Irasirigɯ Marĩpɯ ãgũsãrẽ: “I hora, inɯ, ãĩ abe, i bojori ããrĩmakũ, wiusũrãkuma”, ãrĩderosũta keoro waabɯ. Irasirirã ããrĩpererã i nikũgue masakare ɯre bu dukawamakũ, su bumarãrẽ wẽjẽrã waama. ¹⁶ ãgũsã merã wãrã surara caballua weka peyarã ããrĩmã. “ãgũsã ããrĩpererã doscientos millones surara ããrĩma”, ãrĩrĩrẽ pébɯ.

¹⁷ Yɯ kẽrõsũgue caballuare, ãgũsã weka peyarãdere ããbɯ. ãsũ deyoma: ãgũsãya koretibirire kõme merã iridea kãmutari suríro sãñanerã ããrĩmã. Iri kãmutari surí, diiari, yasari, boreri surí deyobɯ. Irasiriro peame ãjũrĩ, ãtãye jacinto wãĩkũriye, azufre wãĩkũri poga irirosũ deyori ããrĩbú. Caballuaya dipu eõkayea dipu irirosũ deyobɯ. ãgũsãya disirigue peame, ãĩmikã, azufre wãĩkũri poga ãjũrĩ ãĩmikãde wiribɯ. ¹⁸ Irasirirã caballua ãgũsãya disi wiriri: peame, ãĩmikã, azufre ãjũrĩ merã ããrĩpererã masakare ɯre bu dukawamakũ su bumarãrẽ wẽjẽma. ¹⁹ ãgũsãya disi wiriri merã, ãgũsãya pore merã wẽjẽma. ãgũsãya pore yuwari, ãña dipu irirosũ deyobɯ. Iri merã masakare kãmitúma.

²⁰ Gajirā masaka peame, ĩmĩkā, azufre ũjārĩ merā boamerā gapu irire waamakū ĩākererā, ĩgūsā ñerō iririre neō piribirima. Wātēārē b̄remurĩrē neō piribirima. ĩgūsā b̄remurā keori weadea: oro, plata, bronce, ũtāyeri, yuku merā irideare b̄remurĩrē neō piribirima. Iri keori weadea neō ĩābiri, neō pēbiri, neō naabiri āārĩkeremakū, ĩgūsā irire soebuima. ²¹ Irasū āārĩmakū, ĩgūsā masakare wējēdeare, ĩgūsā yēa āārĩrā irideare, ĩgūsā kōābiradeare, ĩgūsā yajadeadere neō b̄jawerebirima. Iri āārĩpererire neō piribirima.

10

Marĩp̄re wereboeḡu papera tūrũgārē opadea

¹ P̄ru gajigu turagu Marĩp̄re wereboeḡu ũmugasiḡue merā ĩmĩkāyebo dekoḡue dijari-makū ĩāb̄u. ĩḡuya dipuru wekare buida āārĩb̄u. ĩḡuya diapu abe ũm̄m̄u irirosū gos-esirib̄u. ĩḡuya ñigārĩ peame irirosū goseb̄u. ² ĩḡuya mojōḡue papera p̄u kuradea tūrũgārē opami. ĩḡuya diayema gubu merā dia wād̄iyaḡue t̄apĩmi, kúgar̄uma gubu merā nikūḡue t̄apĩmi. ³ Iroḡue níḡu, turaro ēōkaye gaguin̄rōsū gaguin̄mi. ĩḡu irasū gaguin̄makū, su mojōma pere gaji mojō peru p̄rēbejarā bupua werenĩma. ⁴ ĩḡūsā werenĩadero p̄ru, ĩḡūsā werenĩadeare gojan̄ḡāb̄u. Ȳu gojan̄ḡāmakū, suḡu ũmugasiḡue āārĩḡu ȳre āsū ārĩ weremi:

—Bupua werenĩadeare gajirārē werebirikōāka! Irire gojabirikōāka! ārĩmi.

⁵ P̄ru ȳu wād̄iyaḡue, nikūḡue nĩmakū ĩādi, ĩḡuya diayema mojōrē ũmugasiḡue soemumi. ⁶ Irasū soemuḡu, Marĩp̄u okan̄iḡu, ũmugas̄i, i nikū, dia wād̄iya āārĩpererā iroḡue āārĩrārē iridi wāi merā wāīpeo, āsū ārĩmi:

—I ũm̄u p̄reakōāa. Iropata āārā. ⁷ Su mojōma pere gaji mojō suru p̄rēbejarā Marĩp̄re wereboerā ĩḡūsāya puririduparure puris̄ama. Gajigu ĩḡuyarure purimakū, Marĩp̄u ĩḡu: “Āsū iriḡura”, ārĩdeare, iripoeḡue marā masĩbirideare iriyuwarik̄uḡukumi. Iras̄iriro iri, ĩḡurē moāboerārē, ĩḡuya kerere weredupiyunerārē ĩḡu: “Āsū iriḡura”, ārĩdea keoro waarokoa, ārĩmi.

⁸ ĩḡu irasū ārādero p̄ru, ũmugasiḡue āārĩḡu ȳre werenĩdi, dupaturi āsū ārĩ werenĩmi:

—Sĩ Marĩp̄re wereboeḡu, wād̄iyaḡue, nikūḡue níḡu p̄roḡue waaka! ĩḡuya mojōḡue papera p̄u kuradea tūrũgārē opami. Iri p̄gārē āika! ārĩmi. ⁹ ĩḡu irasū ārĩmakū p̄gu, ĩḡu p̄roḡue waabu. ĩḡurē ȳu papera p̄gārē s̄er̄emakū p̄gu, āsū ārĩ ȳj̄ami ȳre:

—Āi, baaka! M̄u baamakū, mume irirosū ōārō misōrokoa. M̄ya paru gapu, p̄ru b̄ro s̄ũirokoa, ārĩmi.

¹⁰ ĩḡu irasū ārĩmakū p̄gu, iri p̄gārē ĩḡurē āi, baabu. Ȳu baamakū, mume irirosū misōb̄u. Baa odoadero p̄ru, yaa paruḡuere s̄ũrō p̄ñabu. ¹¹ P̄ru āsū ārĩmi ȳre:

—Dupaturi wār̄i buri marārē, wār̄i nikū marārē, ĩḡūsā ya werenĩrārē, ĩḡūsā oparādere Marĩp̄u ĩḡūsārē: “Āsū iriḡura”, ārĩdeare weregu waaka! ārĩmi.

11

P̄rā Marĩp̄uyare wererimasā weredeā

¹ P̄ru Marĩp̄u ȳre keodi, tuadi irirosū deyodire s̄imi. S̄i odo, ȳre āsū ārĩmi:

—ĩḡu merā yaa wiire keogu waaka! Iri wiimarē ȳu ĩūrō ĩḡūsā ȳre s̄idea soepeorodere keoka! Iri wiiguere masakare ȳre b̄remurādere: “¿Nĩsāk̄u āārĩrĩ?” ārĩ keoka! ² Iri wii t̄roma gap̄re keobirikōāka! Iri gajiro marā masakare wiadea nikū āārā. ĩḡūsā cuarenta y dos abegora yaa makārē* poyanor̄egorenarākuma. ³ Iras̄irigu yaare weremurārē p̄rā iriuḡura. Yoaripoe mil doscientos sesenta n̄r̄iḡora yaare wererākuma. ĩḡūsā b̄jawereri ĩmurā, kó surĩ s̄añanerā āārĩrākuma, ārĩmi.

* 11:2 Marĩp̄uya makā, Jerusal'ēta āārā.

4 Īgūsā pērā Marīpuyare weremurā, pegu olivo wāikuri yuku, irasū āārīmakū pegu sīāgori yuku irirosū āārīma. Marīpu i nikū Opu iūrō nīma. 5 Īgūsārē iāturirā Īgūsārē ñerō iridumamakū, Īgūsāya disigue peame ujūrī pūrā wiriri merā Īgūsārē soe wējēpeokōārākuma. Irasirirā āārīpererā Īgūsārē ñerō iriduarārē iri merā boamakū irirākuma. 6 Īgūsā Marīpuyare wererimārē deko merēdorebirimakū merēbirikoa. Irasū āārīmakū dekore dí poyadoremakū dí poyarokoa. I nikū āārīpererogue āārīrārē āārīpereri gajirosūperi ñerō taridorerākuma. Īgūsā iriduaropa ñerō tarimakū irirākuma.

7 Marīpuyare were odomakū, buro ukūārī gobegue āārīgū, ñegū gajirosū deyogu wirigukumi, Īgūsā pērā merā gāmekēābu. Īgūsārē gāmekēā, Īgūsārē tarinugā, wējēkōāgukumi. 8 Īgūsārē wējēadero puru, Īgūsāya dūpuri dari wāri makāma maague oyarokoa. Iri makā, marī Opure Jesucristore Īgūsā curusague pábiatú wējēdea makā āārā. Iri makā marā ñerā āārīrā, Sodoma marā, Egipto marā ñerā āārīnerā irirosū āārīma. 9 Urenu gajinu dekogora Īgūsāya dūpuri dari iri maarē oyarokoa. Āārīpereri nikū marā, āārīpereri buri marā, Īgūsā ya werenirā Īgūsāya dūpuri darire iārākuma. Gajirārē iri dūpuri darire yāadorebirikuma. 10 Īgūsā pērā okarā, i umu marā masakare buro ñerō tarimakū irinerā āārīma. Īgūsā boamakū iārā, usuyarākuma. Bosenu iri, gajinorē gāme sīrākuma.

11 Īgūsā boadero puru, urenu gajinu deko puru, Marīpu Īgūsārē masū, dupaturi okamakū irimi doja. Īgūsā wāgānugāmakū iārā, āārīpererā buro güima. 12 Puru sugu umugasigue āārīgū Īgūsā pērārē turaro merā āsū āri werenimākū péma:

—Ōōgue mūrīrika musā! ārīmi.

Īgū irasū ārīmakū pērā, iimikāyebo merā mūrīākōāma. Īgūsā mūrīāmakū, Īgūsārē iāturirā iāma. 13 Īgūsā mūrīaripoe nikū buro ñomebu. Iri makāma wiiri wāri mirūadijabu. Wārā siete mil masaka boama. Gajirā dūyarā gapu buro güima. “Marīpu umugasigue āārīgū turatarigu āārīmi”, ārīma.

14 I āārīpereri irasū waadero puru, pero ñerō tariri waasiabu. Irasū waakeremakū, mérōgā puru masaka dupaturi ñerō tarirākuma doja.

Marīpure wereboegu puriduru puritūnudea

15 Puru su mojōma pere gaji mojō suru pērēbejarā Marīpure wereboerā Īgūsāya puririduparure puriadero puru, gajigu Īgūrē wereboegu Īgūyare purimi. Īgū purimakū, umugasigue āārīrā turaro merā āsū āri werenīma:

Dapagorare Marīpu, Īgū iriudi Cristo merā āārīpererā i umu marārē doregu ñajāmi. Īgū doreri neō perebirikoa, ārīma.✧

16 Irasū ārīmakū pērā, Marīpu diaye oparā doarigue doarā veinticuatro oparā mūrā Marīpu iūrō ñadukupuri merā ejamejāja, Īgūsāya diapure yebague moomejā, Īgūrē buremu, 17 āsū ārīma:

Gna Opu, āārīpererā nemorō turagu āārā. Mu merā usuyāa. I umurē iriburo dupiyuro āārīsiabu. Dapagoradere āārīnikōāa. Puruguedere irasūta āārīnikōāgukoa. Mu turari merā masakare dorenugāa. Irasirirā mūrē usuyari sīa.

18 I umu marā mūrē gāamemerā, mu merā guatarima. Mu Īgūsārē wajamoārīnu, irasū āārīmakū boanerādere mu wajamoārīpoe ejasiāa. Āārīpererā mūyarā gapure oārīrē sīgukoa.✧

Muya kerere weredupiyurimasārē, mūrē oārō gopeyari merā buremurārē, oparārē, ubu āārīrādere oārīrē sīgukoa. I umu marārē poyanorērā gapure béoripoe ejasiāa, ārīma.✧

¹⁹ Īgūsā irasū ārādero p̄r̄u, Marīp̄ya wii ūm̄ugasigie āārīrī wii makāp̄uro t̄p̄āsūbu. Iri wii poekague su kūmarē īābu. Iri kūma, Marīp̄u masakare werep̄iri gojadea opari kūma āārībū. Iri kūmarē īāmakūta, bupu miā, b̄uro p̄ami. Irasū āārīmakū, i nikū ñomebu. Wári deko yeri ȳsari yeri nikūgue yuribu.

12

Nomeōya, irasū āārīmakū p̄r̄u irirosū deyoḡya kerere weredeā

¹ P̄r̄u ūm̄ugasigie gajirosūperi b̄uro goeri deyoamakū īābu. Irasū waaripoe sugo nomeōrē īābu. Igoya suriro abe ūm̄umu irirosū goesiribu. Abe ñamim̄u weka nimo. Op̄u peyari berore, pe mojōma pere su gubu peru p̄r̄ebejarā neñukā opari berore peyamo. ² Igo p̄r̄ākuburo m̄erōgā d̄yabu. Irasirigo igo niñwāḡḡō p̄r̄irō merā gaguinimo. ³ P̄r̄u gaji ūm̄ugasigie deyoamakū īābu. Wāḡu p̄r̄u diiaḡu diakēā irirosū deyoḡre īābu. Īḡu su mojōma pere gaji mojō peru p̄r̄ebejari dipu opaḡu āārīmī. Dipuk̄u, oparā peyari berorire peyami. Pe mojōma kūsari opaḡu āārīmī. ⁴ Ūm̄ugasigie āārīrā neñukārē ure bu dukawamakū, su bumarārē īḡuya pore merā w̄jāsiri meédijumi. Īḡu, nomeō p̄r̄ākubo p̄uro nīmi, majīḡu deyoamakū baabu. ⁵ M̄erōgā p̄r̄u, majīḡurē p̄r̄ākumo. Īi majīḡuta āārīpereri nikū marā Op̄u āārību āārīmī. Wári turari merā, op̄u kōme merā iridea yuku opaḡu masakare dorebu āārīmī. P̄r̄u Marīp̄u Īḡu doaro p̄rogue īḡurē āīm̄rīāmi. ⁶ Nomeō masaka marīrō Marīp̄u āmuyuderogue duriwāḡkōāmo. Irogue igore mil doscientos sesenta narīgora baari sīmi.

⁷ P̄r̄u ūm̄ugasigie ḡāmewējērī waabu. Marīp̄ure wereboerā op̄u Miguel wāik̄uḡu, īḡuyarā Marīp̄ure wereboerā, p̄r̄u merā ḡāmekēāma. P̄r̄u, īḡuyarā merā Miguesā merā ḡāmekēāmi. ⁸ Miguesā p̄r̄urē tarinḡāma. Irasiriḡu p̄r̄u, īḡuyarā merā ūm̄ugasiguere īḡūsā āārīrō neō bokanemobirimi. ⁹ Irasiriḡu Marīp̄u p̄r̄urē b̄eokōāmi. Īḡu wāḡu p̄r̄u, neōgoraguere deyoadi, Satanás wāik̄uḡu, wātī āārīmī. Īḡu āārīpererā i ūm̄u marā masakare ārīkatorik̄uḡu āārīmī. Marīp̄u īḡurē, īḡuyarā merā i nikūgue b̄eodijumi.

¹⁰ P̄r̄u sugu ūm̄ugasigie āārīḡū turaro merā āsū ārī werenīmakū p̄ebu:

—Marīp̄u marīrē tauri, īḡu turari merā marī Op̄u āārīrī, īḡu iriudi Cristo marīrē doreri ejasiāa. Irasiriḡu Marīp̄u wātīrē ūm̄ugasigie āārīdire i nikūgue b̄eodijumi. Ūm̄uriku, ñamiriku wātī Marīp̄ure, marīyarā Jesúre b̄uremurārē: “Ñerō irirā āārīma”, ārī weresāḡū iriadimi. ¹¹ Marīyarā wātīrē tarinḡāma. Jesucristo oveja majīḡu irirosū āārīḡurē, īḡu dí b̄eori merā īḡūsārē taurire b̄uremusiā, irasirima. Jesúya kerere weredeā waja gajirā īḡūsārē w̄jēduakeremakū, īḡūsā okarire maībirima. Neō p̄riro marīrō īḡuya kerere weresiā, wātīrē tarinḡāma. ¹² Irasirirā m̄usā ūm̄ugasigie āārīrā āārīpererā usuyaka! Wātī nikūgue b̄eodijusūadi āārīmī. M̄usā i nikū āārīrārē, dia wādiyague āārīrārē wātī dijajamakū, m̄usārē ñetariro waanḡābu. Īḡurē wajamoāburo m̄erō d̄yāa. Irire masīmi. Irasiriḡu guatarikōāmi, ārī weremi.

¹³ Irasiriḡu p̄r̄u, nikūgue b̄eodijumakū īāḡū, majīḡu pagore narūtuyawāḡāmi. ¹⁴ Marīp̄u gap̄u igore gapāu k̄ēdup̄urire sīmi. Iri merā igo, p̄r̄urē masaka marīrōḡue wū duriwāḡāmo. Irogue ure bojori gaji bojori dekogora Marīp̄u igore baari sīmi. ¹⁵ Igo irogue āārīmakū īāḡū, p̄r̄u igore miūd̄uḡu, wāro dekore dokab̄eomi. ¹⁶ Irasirikeremakū, i nikū gap̄u igore iritamubu. P̄r̄uya disi wiriri dekore yeteoma, uju āīpeokōābu. ¹⁷ Irasū waamakū īāḡū, p̄r̄u igo merā guatarimi. Irasiriḡu igo parāmerā āārīturiarā merā ḡāmewējēḡū waami. Īḡūsā, Marīp̄u dorerire irirā, Jesucristoya diayema buerire neō pirimerā āārīma. ¹⁸ P̄r̄u dia wādiya t̄ro eja, irogue yūmi.

13

P̄r̄u gajirosū deyorāyare gojadea

¹ Puru gajirosu deyogu dia wadiyague aaradi waggapamakū iābu. Igū su mojōma pere gaji mojō peru pērebejari dipu, pe mojōma kūsari opagu aarimi. Igūya kūsarigue oparā peyari berorire peyami. Igūya dipure Maripure ñerō doori wāi gojatúdea aaribú. ² Igū, yé dorogu guagu irirosu deyomi. Buguya guburi irirosu opagu aarimi. Eōkaye irirosu disikugu aarimi. Pīrū Igū turarire sīmi Igūrē. Irasū sigū, Igūrē opu doarogue dobomi, Igū irirosuta masaka wārārē doreburo, ārigū. ³ Gajirosu deyogu dipuru su dipuru kāmīrōkuri dipurusu deyobu. Iri kāmīrō Igūrē wējēboyadea kāmīrō, yaridea kāmīrōgue aaribú. Irire iārā, i ūmu marā aaripererā iāgakakōāma. Irasirirā Igūrē: “Turagu aarimi”, āri, Igūyare iritayama. ⁴ Pīrū Igū turarire gajirosu deyogure sīmakū iārā, masaka pīrūrē: “Ōatarigu aarimi”, āri buremuma. Gajirosu deyogudere asū āri buremuma:

—Neō gajigu mu irirosu turagu mámi. Gajigu murē neō tarinugāmasībemi, āriāma.

⁵ Pīrū dorederosuta gajirosu deyogu: “Yu, gajirā nemorō aaritarinugāgū aarā”, āri weregorenami. Maripure ñerō āri doogorenami. Masakare cuarenta y dos abegora doremi. Maripu Igūrē: “Iropata irika!” ārimakūgue duúmi. ⁶ Irasirigu masakare doregu, asū irimi. Maripure, Igū wāirē, Igū aarīrōrē, aarīpererā Igū puro aarīrādere ñerō āri doomi. ⁷ Maripuyarā merā gāmewējē, Igūsārē tarinugāmi. Aarīpererogue aarīpereri buri marārē, Igūsā ya werenīrārē, aarīpereri nikū marārē doremi. Maripu Igūrē: “Iropata irika!” āribirimi dapa. Irasirigu ñerīrē irimi. ⁸ Aarīpererā i nikū marā Maripuyarā aarīmerā gajirosu deyogure buremuma. Maripu Igū i ūmarē iriburo dupiyuro Igūyarā aarīmurā Igū merā perebiri okari opamurā wāirē su papera pūgue gojatúsiadi aarimi. Iri pū Jesucristo oveja majīgū irirosu aarīgū wējēsūdiya pū aarā.

⁹ Gānipūrī oparā, ire péka! ¹⁰ Peresugue waarō gāāmea, ārisūnerā iroque waarākuma. Sareri majī merā gajirārē wējērā, sareri majī merā wējēsūrākuma. Iri irasū waaripoe Maripuyarā aarīrā gūñaturari merā Igūrē buremurīrē neō piribirikōārō gāāmea.

¹¹ Puru gajigu gajirosu deyogure iābu doja. Nikū poekague aaradi wiri murīrīmi. Igū oveja majīgū irirosu pe kusa opagu aarimi. Irasū aarīkeregū, pīrū irirosu werenīmi. ¹² Gajirosu deyogu aarīpuroriadiya turarire opami. Iri turari merā aarīpererā i nikū marārē gajirosu deyogu aarīpuroriadire wējēsūboyadi kāmīrō yarisūadire buremumakū irimi. ¹³ Wāri deyoromurīrē iri ūmumi. Masaka iūrō peame ūmugasigū aarādeare nikūgue dijarimakū irimi. ¹⁴ Igū, gajirosu deyogu aarīpuroriadiya turari Igūrē sīrī merā wāri deyoromurīrē iri ūmumi. Iri merā masakare ārikatomi: “Ii masā buremugū aarimi”, ārigū. Irasirigu Igūsārē gajirosu deyogu aarīpuroriadi keorire weadoremī. Gajirōsu deyogu aarīpuroriadi sareri majī merā saresūadi aarīkeregū okami. ¹⁵ Gajirosu deyogu puru aaradi, gajirosu deyogu aarīpuroriadiya turari merā Igū keori weadeare okamakū irimi. Irasirigu iri keori weadeare masakū irirosu werenīmakū, aarīpererā irire burenumerārē wējēmakū irimi. ¹⁶ Aarīpererārē Igūsāya diayema mojō gapure, o Igūsāya diapuserorire gajino gojatúdoemi. Ubu aarīrārē, oparārē, wāri doebiri oparārē, boporārē, moāboerimasārē, moāboerimasā aarīmerārē, aarīpererārē irasū gojatúdoemi. ¹⁷ Gojatúsūña marīrā neō wajarimasībiri, neō duamasībiri. Iri gojatúdea, gajirosu deyogu aarīpuroriadi wāi, o Igū wāi keori aarā.

¹⁸ Irire oārō pémasīrō gāāmea. Pémasīrā, gajirosu deyogu wāi keorire masīburo. Igū wāi keori, masakū wāi keori, seiscientos sesenta y seis aarā.

14

Maripu taunerā ciento cuarenta y cuatro mil masaka Igūrē bayadea

¹ Puru Jesucristo oveja majīgū irirosu aarīgūrē ūtāū Sión* wāikudigūe nīgūrē iābu. Igū merā ciento cuarenta y cuatro mil masaka aarimā. Igūsā, Igū wāirē, Igū Pagu wāidere

* **14:1** Jerusalén, Sión wāikudigūe aarīyuro.

Īgūsāya diapuserorire gojatúsūnerā āārīmá. ² Pꝛꝛꝛ ũmꝛgásigue merā bꝛo bꝛsꝛdijaririre pébꝛ. Wádibu ũtāmu irirosū, bꝛo bupu páro irirosū bꝛsꝛbꝛ. Wárā arpa wáikꝛri bꝛapꝛtērō irirosū bꝛsꝛbꝛ. ³ Īgūsā ciento cuarenta y cuatro mil masaka, Marĩꝛꝛ, Opꝛ doarogue doagu diaye, irasū āārĩmakū wapikꝛrā okará, opará mꝛrā ĩūrō bayama. Maama bayarire bayama. Īgūsā dita iri bayarire masĩma. Īgūsā i nikū marā watopegue āārĩrā, Marĩꝛꝛ tausūnerā āārīmá. ⁴ Neō Īgūsā suñarō nome merā ñerō iribirinerā, neō sugo nomeōrē marāpokꝛbirinerā āārīmá. Jesucristo oveja majĩgū irirosū āārĩgúyare iritayama. I nikū marā masaka watopeguere Marĩꝛꝛ tausūnerā āārīmá. Īgūsā Marĩꝛꝛyarā, irasū āārĩmakū Jesucristo oveja majĩgū irirosū āārĩgúyarā āārĩꝛꝛrorirā āārĩnerā āārīmá. ⁵ Īgūsā watopere neō sugꝛ ārĩkatogꝛ mámi. Marĩꝛꝛ ĩūrōrē ñerĩrē opamerā āārĩma.

Urerā Marĩꝛꝛre wereboerā weredea

⁶ Pꝛꝛꝛ gajigꝛ Marĩꝛꝛre wereboegꝛ ũmarōgue wúgꝛre ĩābꝛ. Īgū āārĩpererā i nikūgue āārĩrārē Marĩꝛꝛ masakare tauri kerere wererimasū āārĩmĩ. Āārĩpererogue āārĩpereri nikū marārē, āārĩpereri buri marārē, ĩgūsā ya werenĩrārē iri kerere weregꝛ āārĩmĩ. Iri kere, neō gorawayubiri, perebiri kere āārā. ⁷ Turaro merā ārĩmi:

—Marĩꝛꝛre gopeyari merā āsū ārĩ bꝛremuka: “Turatarigꝛ, oātarigꝛ āārĩmi”, ārĩka! Īgū āārĩpererā ñerārē peamegue béoripoe ejasiáa. Īgū ũmꝛgásire, i nikūrē, dia wádiyare, āārĩpereri deko wiriri goberidere iridi āārĩmi. Irasirirā ĩgūrē bꝛremuka! ārĩmi.

⁸ Īgū pꝛꝛꝛꝛ, gajigꝛ Marĩꝛꝛre wereboegꝛ āsū ārĩmi doja:

—Wári makā Babilonia wáikꝛri makā pereakōābꝛ. Iri makā marā āārĩnerā āārĩpereri nikū marārē ñerō irimakū irima. Masaka ĩgūsārē ĩākũrā, mejārĩkꝛrā igui deko pāmudeare turaro ꝛaribejarosũta ĩgūsā ñerĩ iriridere turaro ꝛaribejama, ārĩmi.

⁹⁻¹⁰ Pērā Marĩꝛꝛre wereboerā irasū ārādero pꝛꝛꝛ, gajigꝛ Marĩꝛꝛre wereboegꝛ turaro merā āsū ārĩnemomi doja:

—Āārĩpererā gajirosū deyogꝛre, ĩgū keori weadeare ejamejā bꝛremurārē ĩgūsāya diapuserorire, o ĩgūsāya mojóĩrē ĩgū wāĩ gojatúsūnerārē Marĩꝛꝛ bꝛo wajamoāgꝛkumi. Īgūsā merā bꝛo guagꝛ, turaro wajamoānĩgꝛkumi. Azufre wáikꝛri poga bꝛo asiri ũjārĩ, peame merā ñerō tarimakū irigꝛkumi. Īgūrē wereboerā, Jesucristo oveja majĩgū irirosū āārĩgú ĩūrō, ĩgūsārē wajamoāgꝛkumi. ¹¹ Iri peame irasū ĩĩmikakꝛnĩkōārokoa. Neō yaribirikoa. Īgūsārē irasū pūrĩnĩmakū irirokoa. Āārĩpererā gajirosū deyogꝛre, ĩgū keori weadeare ejamejā bꝛremurārē, ĩgū wāĩ gojatúsūnerārē irasū pūrĩnĩrokoa. ũmꝛrĩ, ñamirĩ pūrĩnĩkōārokoa, ārĩmi.

¹² Irasirirā mꝛsā Marĩꝛꝛyarā, ĩgū dorerire irirā, Jesúre bꝛremurĩrē neō pirimerā āārĩrā, gũñaturaka!

¹³ Pꝛꝛꝛ sugꝛ ũmꝛgásigue āārĩgú werenĩmakū pébꝛ doja. Yꝛre āsū ārĩmi:

—Ire gojaka: “Marĩ Opꝛre bꝛremurā boadero pꝛꝛꝛguedere usꝛyari bokarākuma”, ārĩmi. Ōāgū deyomarĩgúde: “Irasũta āārā”, ārĩmi. “Īgūsā turaro moārĩrē pirikōā, siñajārākuma. ũmꝛgásigue ĩgūsā waamakū, Marĩꝛꝛ ĩgūsā oārō irideare gũñagꝛkumi. Irasirigꝛ ĩgūsārē oārō irigꝛkumi”, ārĩmi Ōāgū deyomarĩgū.

I nikūma otedea dꝛkꝛrĩmarē weredea

¹⁴ Pꝛꝛꝛ ĩĩmikāyebō boreri yebore ĩābꝛ. Iri yebō weka sugꝛ masakꝛ doami. Īgūya dipurugue oro merā iridea berore peyami. Dꝛka diti āĩri usiri berore opami. ¹⁵ Pꝛꝛꝛ gajigꝛ Marĩꝛꝛre wereboegꝛ Marĩꝛꝛya wiigue āārādi wirijami. ĩĩmikāyebō weka doagꝛre turaro merā āsū ārĩ gaguĩnĩmi:

—Mꝛya usiri bero merā i nikūma otedea dꝛkꝛre diti āĩkōāka! Irire diti āĩripoe ejasiáa. Dꝛka boresiabꝛ, ārĩmi.

¹⁶ Irasũ āřĩmakũ pégu, ĩĩmikayebo weka doadi ĩgũya usiri bero merã i nikũma otedea dukare wãjĩ āĩmi.

¹⁷ Pũũ gajigu Marĩpũre wereboegu ũmũgasigue āārĩřĩ wii Marĩpũya wiigüe āārãdi wirijami. ĩgũde duka diti āĩri usiri berore opami. ¹⁸ Pũũ gajigu Marĩpũre wereboegu Marĩpũre sĩdea soepeoro pũroguē āārãdi wirijami. ĩgũ peame opu āārĩmĩ. Irasũ wirijagu, duka diti āĩri usiri bero opagũre turaro merã āsũ āĩmi:

—Mũya usiri bero merã i nikũma igui tũrĩrē diti āĩka! Iri igui ĩĩsiabu, āĩmi.

¹⁹ ĩgũ irasũ āřĩmakũ pégu, ĩgũya usiri bero merã i nikũma igui tũrĩrē wiiritã āĩmi. Irire āĩ, igui kũrabipiri gobe miēgüe sãmi. Iri gobegüe kũrabipiri, Marĩpũ ĩgũrē gãamemerãrē bũro wajamoãrũ irirosũ āārã. ²⁰ Makã tũroguē iri igui kũrabipisũbu. Igui kũrabipisãripoere iri gobeguere wãro dí wiribu. Iri dí merã wãdiya, caballuya disire tũsãřĩ berogue mirĩtuũnujãbu. Trescientos kilómetros yoadiya waabu.

15

Marĩpũre wereboerã masakare ñerũ tarimakũ iritũnuburire weredeã

¹ Pũũ ũmũgasigue gajirosũperi bũro goeri deyoamakũ ĩãbu doja. Su mojõma pere gajĩ mojõ peru pẽrẽbejarã Marĩpũre wereboerãrē ĩãbu. Marĩpũ ĩgũsãrē masakare wajamoãtũnudoregũkumi. Irasirirã, ĩgũ wajamoãdoregu pĩnerã āārĩmã. Iri wajamoãřĩ merã Marĩpũ i ũmũ marã merã guari pererokoa.

² Pũũ dia wãdiyare õãrũ deko sũridiya peame merã morẽadiya irirosũ āārĩdiyare ĩãbu. Iriya tũro nĩrãrē, gajirosũ deyogu dorerire iribiri, ĩgũ keori weadeare bũremubirinerãrē ĩãbu. ĩgũsã gajirosũ deyogũya wãrē gojatũdorebirinerã āārĩmã. Iroguē nĩrã, arpa wãĩkũri bũapũtẽrĩrē opama. Iri bũapũtẽrĩ Marĩpũ sĩdea āārĩbũ. ³ ĩgũsã Marĩpũre moãboegu Moiséya bayarire, Jesucristo oveja majĩgũ irirosũ āārĩgũya bayaridere bayapeoma. Āsũ āřĩ bayama:

Gũa Opu, mũ āārĩpererã nemorũ turagu āārã. Āārĩpereri mũ iridea õãtaria. Irire ĩãrã, ĩãgũkakõã. Mũ āārĩpererã i nikũ marã Opu āārã. Āřĩkatori marĩrũ, diayemarē õãrũ yãa.

⁴ Āārĩpererã mũrē gũirãkuma. Āārĩpererã mũrē: “Turatarigu āārĩmi”, āřĩrãkuma. Mũ dita ñerĩ marĩgũ āārã.

Āārĩpereri nikũ marã mũ pũroguē eja, mũ ĩũrũ ñadũkũpuri merã ejamejã, mũrē bũremurãkuma. Mũ diayema irideare ĩãnerã āārĩsã, irire irasũ irirãkuma, āřĩ bayama.

⁵ Pũũ Marĩpũya wii, ũmũgasigue āārĩřĩ wii tũpãmakũ ĩãbu. Iri wii poekague Marĩpũ āārĩřĩ taribu ĩgũ doreri gojadeã majĩřĩ ũtã majĩřĩ āārĩbũ. ⁶ Iri wii poekague āārãnerã, su mojõma pere gajĩ mojõ peru pẽrẽbejarã Marĩpũre wereboerã wirijama. ĩgũsã Marĩpũ wajamoãdoregu pĩnerã āārĩmã. ĩgũsãkũ masakare ñerũ tarimakũ iriburire opama. ĩgũsã boreri, gũrari marĩřĩ surĩ, bũro goesiriri surĩ sãñarã āārĩmã. ĩgũsãya koretibirire oro merã iridea yũjũwẽñarĩdarire suatũanerã āārĩmã. ⁷ ĩgũsã wirijamakũ, wapikũrã okarã merãmũ ĩgũsãkũ Marĩpũre wereboerãrē oro merã irideaparire sĩmi. Iripari Marĩpũ āārĩnĩgũ bũro wajamoãburi õãrũ ũturibu. ⁸ ĩgũ iriparire ĩgũsãrē sĩmakũ, Marĩpũya wii poekague ĩgũ goesiriri merã, ĩgũ turari merã ĩĩmikãkũseyakõãbu. Irasũ ĩĩmikãkũseyamakũ, iri wiire neõ sugũno ñajãmasĩbirimi. Marĩpũre wereboerã ĩgũ wajamoãdoregu pĩderosũta ĩgũsã masakare wajamoãtũnuadero pũrugüe dupaturi iri wiire ñajãmasĩrãkuma doja. ĩgũ wajamoãburo dupiyuro ñajãmasĩña mãã dapa.

16

Juan Marĩpũ masakare wajamoãburire gojadeã

¹ Pɔɔ Marĩpɔya wii ɔmɔgasigue ɔãrĩrĩ wiigue ɔãrĩgũ turaro merã werenĩmakũ pébu. Su mojõma pere gajĩ mojõ peru pẽrebejarã Marĩpɔre wereboerãrẽ ɔsũ ɔrĩmi:

—Marĩpɔ wajamoãdoredeare irirã waaka! Irasirirã mɔsãya parimarẽ nikũgue písiridijurã waaka! ɔrĩmi.

² Irasũ ɔrĩmakũ pégu, ɔãrĩpɔrorigu Marĩpɔre wereboegu ɔgũ oparipamarẽ nikũgue písiridijumi. ɔgũ irasirimakũ, gajirosũ deyogu wãĩ gojatúsũnerã, ɔgũ keori weadeare bɔremurã ñerõ kãmikũ, bɔro pũrĩsũma.

³ ɔgũ irasũ písiridijuadero pɔɔ, gajigu Marĩpɔre wereboegu ɔgũ oparipamarẽ dia wádiyague písiridijumi. ɔgũ irasirimakũ, deko, dí poyabu. Boadiya dí irirosũ ɔãrĩbũ. Irasũ waamakũ, wádiyague ɔãrĩrã boapereakõãma.

⁴ Pẽrã písiridijuadero pɔɔ, gajigu Marĩpɔre wereboegu ɔgũ oparipamarẽ diarigie, deko wiriri goberigie písiridijumi. ɔgũ irasirimakũ, diari, wiriri goberima deko, dí poyabu.

⁵ Pɔɔ gajigu Marĩpɔre wereboegu ɔãrĩpererogue dekore doregu ɔsũ ɔrĩmakũ pébu:

—Gɔa Opɔ, mɔ ñerĩ marĩgũ ɔãrã. Dapagoradere irasũta ɔãrĩnikõãa. Iripoegedere irasũta ɔãrĩnikõãbu. Irasirigu wajamoãgũ, diayeta irigu yáa. ⁶ Gajirosũ deyoguyarã, mɔyarãrẽ, mɔya kerere weredupiyunerãrẽ wẽjẽrã dí béomakũ irima. ɔgũsã dí béomakũ iridea waja, deko dí poyamakũ iribu ɔgũsãrẽ iirídoregu, ɔrĩmi.

⁷ ɔgũ irasũ ɔrãdero pɔɔ, Marĩpɔre sídea soepeoro pɔrogu sugu werenĩmakũ pébu doja:

—Irasũta ɔãrã. Gɔa Opɔ, mɔ ɔãrĩpererã nemorõ turagu ɔãrã. ɔgũsãrẽ keoro wajamoãdoregu, diayeta irigu yáa, ɔrĩmi.

⁸ Ʋrerã Marĩpɔre wereboerã ɔgũsã opariparimarẽ písiridijuadero pɔɔ, gajigu Marĩpɔre wereboegu ɔgũ oparipamarẽ písiridijumi doja. Abe ɔmɔmɔ weka písiridijumi. ɔgũ irasirimakũ, abe bɔro asimi. ɔgũ asiri merã masakare soemi. ⁹ ɔgũsã bɔro ɔjũrĩ merã wajamoãsũkererã, ɔgũsã ñerõ iririre bɔjawerebirima. ɔgũsã gũñarĩrẽ neõ gorawayubirima. Irasirirã, Marĩpɔre ɔgũsãrẽ wajamoãgũrẽ ñerõ doo werenĩma. “Ʋãgũ ɔãrĩmi”, neõ ɔrĩ bɔremubirima.

¹⁰ Wapikurã Marĩpɔre wereboerã ɔgũsã opariparimarẽ písiridijuadero pɔɔ, gajigu Marĩpɔre wereboegu ɔgũ oparipamarẽ písiridijumi doja. Gajirosũ deyogu, opɔ doarogue písiridijumi. ɔgũ irasiriadero pɔɔ, gajirosũ deyoguyarã ɔãrĩrõgue naĩtĩãrõ waabu. Irasirirã ɔgũyarã masaka ñerõ pũrĩmakũ, ɔgũsãya nedearẽ bɔro sírĩtu kũrĩdiuma.

¹¹ ɔgũsãrẽ ñerõ pũrĩkeremakũ, ñerõ kãmikukererã, Marĩpɔre ɔmɔgasigue ɔãrĩgũrẽ ñerõ doo werenĩma. ɔgũsã ñerõ iriri gapɔre bɔjawerebirima. Irasirirã ñerĩrẽ neõ piribirima.

¹² Su mojõmarã Marĩpɔre wereboerã ɔgũsã opariparimarẽ písiridijuadero pɔɔ, gajigu Marĩpɔre wereboegu ɔgũ oparipamarẽ Eufrates wãikũdiya wádiyague písiridijumi. ɔgũ irasirimakũ, iriya bojomejãkõãbu. Abe marĩriro marã oparã ɔgũsãyarã surara gãmewẽjẽrã waarã taribujaburore irasũ irimi.

¹³ Pɔɔ ɔrerã wãtẽãrẽ tárua irirosũ deyorãrẽ iãbu. Sugu tárua, pĩrũya disigue wirimi. Gajigu, gajirosũ deyoguya disigue wirimi. Gajigu: “Ʋmɔgasigue marã Opɔyare weregu ɔãrã”, ɔrĩkatoguya disigue wirimi. ¹⁴ ɔgũsã ɔrerã wãtẽa, tárua irirosũ deyorã deyoromurĩrẽ iri ñmuma. Irasirirã ɔãrĩperero marã oparãrẽ neeõma, Marĩpɔ merã gãmewẽjẽdorerã. ɔgũsã gãmewẽjẽrĩnu, Marĩpɔ ɔãrĩpererã nemorõ turaguyanũ* ɔãrĩrokoa.

¹⁵⁻¹⁶ Ʋrerã wãtẽa ɔãrĩperero marã oparãrẽ hebreo ya merã Armagedón wãikũrogu siiu neeõma. Iro dupiyuro Jesús ɔsũ ɔrĩdi ɔãrĩmi: “Ire õãrõ pémasĩka mɔsã! Yajarimasũ gũñaña marĩrõ aarirósũ yude gũñaña marĩrõ aarigũkoa. Sugu yu aariburore õãrõ yũgũno, yaare irituyagu, Marĩpɔ iũrõ waja opabi ɔsuyagũkumi. Óãrõ yobegũno surĩro sãñadi irirosũ ɔãrĩgũkumi. Masaka iũrõ surĩro marĩgũ gũyasĩrĩgũ irirosũ ɔãrĩbirikumi”, ɔrĩdi ɔãrĩmi.

* **16:14** “ɔgũsã gãmewẽjẽrĩnu, Marĩpɔyanũ”, ɔrĩrõ: “Marĩpɔ ɔgũsãrẽ tarinũgãrĩnu, ɔãrĩpererã ñerãrẽ wajamoãrĩnu ɔãrĩrokoa”, ɔrĩduaro yáa.

¹⁷ Su mojõma pere gaji mojõ suru pẽrẽbejarã Marĩpũre wereboerã ĩgũsã opariparimarẽ pĩsiridijuadero pũũ, gajĩgu Marĩpũre wereboegu ĩgũ oparipamarẽ ĩmĩkãyebori wekague pĩsiridijumi doja. ĩgũ irasiriadero pũũ, Marĩpũya wii ũmũgasigue ããrĩrĩ wii poekague ĩgũ Opũ doarogue doagu turaro merã ãsũ ãrĩ werenĩmi:

—Iropata ããrã. ããrĩpereri iri odosiabũ, ãrĩmi.

¹⁸ ĩgũ irasũ ãrĩmakũ, bupu miã, bũro busaro, páro, goero nikũ ñomebũ. I nikũgue masaka ĩgũsã ããrĩnũgãdero pũũ, i nikũ iropa neõ ñomebiribũ. ¹⁹ Irasũ ñomemakũ, wári makã Babilonia wãĩkũri makãrẽ urema yeteomakõãbũ. Paga makãrĩ i nikũ ããrĩrĩ makãrĩ dijakõãbũ. Marĩpũ Babilonia wãĩkũri makã marãrẽ gũñami ĩgũsãrẽ wajamoãbu. ĩgũsã ñerĩrẽ iriri waja ĩgũsã merã bũro guami. Irasirĩgu ĩgũsãrẽ bũro wajamoãmi. ²⁰ ããrĩpereri nũgũrĩ, ũtãyukude dederidijakõãbũ. ²¹ Irasũ ããrĩmakũ, masaka weka deko yũsari yeripa dijaribũ. Surãyeri deko yeri cuarenta kilo nukũrĩ yeri ããrĩbũ. ĩgũsã weka irasũ dujirimakũ, Marĩpũ ĩgũsãrẽ bũro wajamoãmakũ ĩãrã, ĩgũrẽ ñerõ doo werenĩma masaka.

17

Ũma merã kõãbirarimasõrẽ wajamoãdea

¹ Pũũ su mojõma pere gaji mojõ peru pẽrẽbejari parire oparã Marĩpũre wereboerã merãmũ yũ pũrogu eja, ãsũ ãrĩmi:

—Īãgũ aarika! Paga diari weka doagore ũma merã kõãbirarĩkũgore Marĩpũ wajamoãburire mũrẽ ĩmũgũkoa. ² I ũmũ marã oparã igo merã ñerõ gãmebirarĩkũma. Irasũ ããrĩmakũ, i nikũ marã, mejãrĩkũrã igui deko pãmudeare bũro ãaribejarosũta ĩgũsã igo merã ñerõ gãmebirarire bũro ãaribejama, ãrĩmi.

³ ĩgũ irasũ ãrãdero pũũ, Őãgũ deyomarĩgũ yũre kẽrõgue irirosũ gajĩnorẽ ĩãmakũ irimi. Irasirĩgu Marĩpũre wereboegu masaka marĩrõgue yũre ãĩãmi. Irogu igo nomeõrẽ ĩãbũ. Igo gajĩrosũ deyogu diiagu weka peyamo. ĩgũya ãpũgue wári wãĩ gojatũsũdero ããrĩbũ. Iri wãĩ, Marĩpũre doo werenĩrĩ ããrĩbũ. Su mojõma pere gaji mojõ peru pẽrẽbejari dipukũgu, pe mojõmagora kũsarĩkũgu ããrĩmĩ. ⁴ Nomeõ diãñiweyari surĩrore sãñamo. Igoya surĩro oro, wáro wajapari ũtãyeri, perla wãĩkũri yeri merã mamudeañe ããrĩbũ. Igoya mojõgue iirĩripa oro merã irideapare opamo. Iripa igo ñetarĩro iridea ũtarĩripa, igo ũma merã ñerõ kõãbirari oparipa ããrĩbũ. ⁵ Igoya diapuserore igo wãĩ gojatũsũbũ. Marĩ iri wãĩrẽ õãrõ pẽmasĩbea. ãsũ ãrĩ gojatũsũbũ: “Wári makã Babiloniamo, ããrĩpererã ũma merã kõãbirarĩkũrã, irasũ ããrĩmakũ ããrĩpereri ñetarĩro irirĩkũrã pago ããrĩmo”, ãrĩ gojatũsũbũ. ⁶ Pũũ igo mejãmakũ ĩãbũ. Wãrã Marĩpũyarã Jesũya kerere wererã wẽjẽsũnerãya dí merã irasũ waamo. Mejãrã ũsũyarosũ igo ĩĩsã wẽjẽsũnerãrẽ ĩãgõ, ũsũyamo. Yũ igore ĩãgũ, ĩãgũkakõãbũ. ⁷ Irasirĩgu Marĩpũre wereboegu yũre ãrĩmi:

—¿Nasirĩgu ĩãgũkari? Mũ masĩbirideare mũrẽ masĩmakũ irĩgũra. Igo nomeõrẽ, igo peyagũdere weregũra. Igo peyagu, gajĩrosũ deyogu ããrĩmi. Su mojõ pere gaji mojõ peru pẽrẽbejari dipukũgu, pe mojõma kũsarĩkũgu ããrĩmĩ. ⁸ ĩgũ gajĩrosũ deyogu mũ ĩãdi, dupiyurogu ããrĩdi ããrĩmĩ. Dapagorare mámi. Pũũ bũro ũkũãrĩ gobegue ããrãdi wiri, dupaturi deyoagũkumi doja. ĩgũ wiriadero pũũ, peamegue bẽosũgũkumi. I ũmũ marã ĩgũ deyoamakũ ĩãgũkakõã, ĩgũrẽ bũremurãkuma. I ũmũ ããrĩbũro dupiyuro Marĩpũ su papera pũgue ĩgũ merã perebiri okari opamurã wãĩrẽ gojatũdi ããrĩmĩ. ĩgũ gojatũbirinerã gajĩrosũ deyogu bũremurã ããrĩma. Gajĩrosũ deyogu dupiyurogu ããrĩdi, dapagorare mámi. Pũũ dupaturi deyoagũkumi doja. Irasirĩrã masaka ĩgũ deyoamakũ ĩãrã, ĩãgũkakõãrãkuma.

⁹ Dapagorare yũ wererire õãrõ masĩduarã, õãrõ pẽmasĩrĩ merã gũñarõ gããmea. Gajĩrosũ deyogũya dipu, su mojõma pere gaji mojõ peru pẽrẽbejari dipu, ũtãyuku irirosũ ããrã. Iri ũtãyuku weka peyamo, ũma merã kõãbirarĩkũgo. ¹⁰ Iri diputa, oparã irirosũ

ãārã. Su mojõmarã oparã béosũsiamã. Gajigu ìgũsã pũũ ããrìgũ opũ ããrĩmi dapagorare. Ìgũ pũũ gajigu gapũ opũ ñajãgũkumi. Ìgũ yoaweyaripoeta opũ ããrìgũkumi. ¹¹ Irasirigu gajirosũ deyogu dupiyuro ããrĩdi, dapagorare marìgũ, Ìgũsã su mojõma pere gaji mojõ peru pẽrẽbejarã oparã pũũ opũ ããrìgũkumi. Ìgũsã oparã merãmũ ããrĩmi. Pũũ peamegue béosũgũkumi.

¹² Gajirosũ deyogũya kũsari, mũ ìãdea, pe mojõmarã oparã irirosũ ããrã. Ìgũsã oparã ñajãbema dapa. Pũũ oparã ñajãrã, yoaweyaripoe oparã ããrìrãkuma. Irasirirã gajirosũ deyogu merã dorerãkuma. ¹³ Ìgũsã pe mojõmarã oparã surosũ gũñarã ããrìrãkuma. Irasirirã gajirosũ deyogũre: “Gũare doregũ ããrìka!” ãrĩ, Ìgũsã opũ pìrãkuma. ¹⁴ Irasirirã Jesucristo oveja majìgũ irirosũ ããrìgũ merã gãmewẽjẽrã waarãkuma. Jesucristo oveja majìgũ irirosũ ããrìgũ gapũ Ìgũsãrẽ tarinũgãgũkumi. Ìgũ ããrìpererã oparã nemorõ Opũ, ããrìpererã dorerã nemorõ Doregũ ããrĩmi. Ìgũrẽ neõ béobirinerã Marìpũ siuu, beyenerã ìgũ merã ããrìrãkuma, ãrĩmi Marìpũre wereboegũ yũre.

¹⁵ Pũũ Marìpũre wereboegũ ire yũre werenemomi doja:

—Igo kõãbirarikũgo paga diari weka doamo. Iri diari mũ ìãdea: wãri makãrĩ marã, wãri buri marã, Ìgũsã ya werenìrã, wãri nikũ marã irirosũ ããrã. Igo, Ìgũsã wekamo, Ìgũsãrẽ dorego ããrĩmo. ¹⁶ Gajirosũ deyogu, irasũ ããrìmakũ pe mojõmarã oparã, ùma merã kõãbirarikũgore doo, igoyare ãmãpeo, surì marìgõ béorãkuma. Irasirirã, igoya diire baa, pũũ dũyarire soebéokõãrãkuma. ¹⁷ Pũũ Ìgũsã pe mojõmarã oparã surosũ gũñarã, gajirosũ deyogũre Ìgũsã opũ pìrãkuma. Marìpũ ìgũ gããmerõsũta Ìgũsãrẽ irasirimakũ irigũkumi. Irasirigu gajirosũ deyogu Ìgũsã opũ ããrìgũkumi. Marìpũ ããrìpereri ìgũ iripoegue ãrĩderõsũta iriyuwarikũdero pũũ, gajirosũ deyogũre béogũkumi. ¹⁸ Igo, mũ ìãdeo, wãri makã Babilonia wãikũri makã irirosũ ããrìmó. Iri makãta ããrìpererã i ùmũ marã oparãrẽ doreri makã ããrã, ãrĩmi Marìpũre wereboegũ yũre.

18

Babilonia marãrẽ wajamoãdea

¹ Pũũ gajigu Marìpũre wereboegũre ùmũgasigue merã dijarimakũ ìãbũ. Wãri turari opami. Ìgũ gosesiriri ããrìperero i nikũguere õãrõ boyoro waabũ. ² Turaro merã ãsũ ãrĩ gaguinĩmi:

—Babilonia wãri makã pereakõãa. Dapagorare wãtẽa iri makã darore ããrĩma. Gajirã ñerã deyomerãde, irasũ ããrìmakũ ããrìpererã mirã masaka doo, baaya marìrã iri makã darore biadobosũanerã ããrĩma. ³ Iri makã pereburi dupiyuro ããrìpereri nikũ marã, mejãrikũrã igui deko pãmudeare bũro ùaribejarosũ i makã marã merã ñerõ gãmebirarire bũro ùaribejanerã ããrìmã. I ùmũ marã oparã, i makã marã merã ñerõ gãmebirarikerã ããrìmã. I makã marã wãri gajinorẽ wajapari wajarinerã ããrìmã. Irasirirã i ùmũ marã duarimasã Ìgũsãrẽ dua, wãri wajatanerã ããrìmã, ãrĩmi.

⁴ Pũũ gajigu ùmũgasigue ããrìgũ ãsũ ãrĩ werenìmakũ pẽbũ:

—Yaarã, iri makã marã merã ããrìbirikõãka! Ìgũsã ñerõ iririre ìãkũbirikõãka! Mũsã, Ìgũsã merã gãmesurirã, mũsãde Ìgũsã merã wajamoãsurãkoa. ⁵ Ìgũsã wãri ñerõ yãma. Marìpũ ùmũgasigue ããrìgũ, Ìgũsã wãri ñerĩ iririre masĩmi. ⁶ Gajirãrẽ Ìgũsã ñerõ iridero nemorõ Ìgũsãrẽ ñerõ iriburo. Gajirãrẽ Ìgũsã ñerõ tarimakũ iridero nemorõ Ìgũsãrẽ ñerõ tarimakũ iriburo. ⁷ Ìgũsã gajino wajaparire gããmerã, wajarima. “Gajirã nemorõ ããrã”, ãrĩ gũñadima. Ìgũsã irasiriropa Ìgũsãrẽ wãri ñerõ tari, bũro ñerõ waamakũ iriburo. Ìgũsã basi: “Gũa i ùmũ marã oparã ããrã. Boporã ããrìbea. Irasirirã neõ ñerõ taribirikõa”, ãrĩ gũñadima. ⁸ Irasiriropũ Ìgũsãrẽ gũñaña marìrõ wajamoãburinũ ããrìrokoa. Boari, pũrìrikũri, kó oreri, ùaboari ããrìrokoa. Iri makã soebéosũrokoa. Marìpũ ããrìpererã Opũ iri makã marãrẽ wajamoãgũ turatarigũ ããrĩmi.

⁹ Iri makã ùjũ ìmìkákùmakù ìãrã, i ùmũ marã oparã bũro bũjawereri merã orerãkuma. Ìgũsã iri makã marã wajaparire opari merã usũya, Ìgũsã merã ñerõ gãmebirarã ããrĩnerã ããrĩmã. ¹⁰ Iri makã ùjũmakù ìãrã, bũro gũiri merã yoarogue ìũ nĩrã, ãsũ ãrĩrãkuma:

—Ayó, bopori makã ããrã Babilonia. Wári makã, turari makã ããrãdabũ. Gũñaña marĩrõ merã iro marã wajamoãsumã, ãrĩrãkuma.

¹¹ I ùmũ marã doebiri duarimasã iri makã ùjũmakù ìãrã, bũro bũjawereri merã orerãkuma. Iri makã peremakù ìãrã, Ìgũsãya doebirire wajarirã marĩmakù ìãrã, dũjaritua orerãkuma. ¹² Ìgũsã ãiwãgã duadũarire: orore, platare, wajapari ùtãyerire, perla wãikuri yeridere wajarirã marĩrãkuma. Gaji Ìgũsã ãiwãgã duadũarire: wãro wajapari surĩre, oparã sãñarĩ diiañiweyari surĩre, seda wãikuri dari merã suadea surĩre, diiari surĩdere wajarirã marĩrãkuma. Gaji Ìgũsã ãiwãgã duadũarire: yukũ sũrõrĩ yukũre, marfil wãikuri merã irideare, wajapari yukũ merã irideare, bronce merã irideare, hierro merã irideare, mármol merã irideare wajarirã marĩrãkuma. ¹³ Gaji Ìgũsã ãiwãgã duadũarire: canela wãikurire, gaji baari usũrimakù iririre, incienso, mirra wãikuri sũrõrĩrẽ, gaji sũrõrĩdere wajarirã marĩrãkuma. Gaji: igui deko pãmudeare, uyere, trigo pogare, trigo yerire, wekũare, ovejare, caballuare, Ìgũsã tũãrĩduparure, moãboerimasã opamurãrẽ wajarirã marĩrãkuma. Irasirirã doebiri duarimasã bũro bũjawererãkuma. ¹⁴ Irasirirã, iri makã ùjũadero pũrũ, ãsũ ãrĩrãkuma:

—Ñetariro waabũ Ìgũsãrẽ. ããrĩpereri Ìgũsã maĩdea, Ìgũsã õãrĩ wajapari opadea pereakõãbũ. I ããrĩpereri dupaturi neõ marĩrokoa, ãrĩrãkuma.

¹⁵ Ìgũsã iri makã marãrẽ doebiri duarimasã wãro wajataunanerã ããrĩmã. Irasirirã, iri makã marã wajamoãsumakù ìãrã, bũro gũiri merã yoarogue ìũ nĩrãkuma. Dũjaritua ore, ¹⁶ ãsũ ãrĩrãkuma:

—Ayó, ñetariro waabũ i makã wãri makã. Iri makã marã õãrĩrẽ opaunadima. Nomeõ õãrĩ surĩro, wajapari diiañiweyariñerẽ sãñadeo irirosũ ããrãdima. Oro, wajapari ùtãyeri, perla wãikuri yeri mamudea surĩrore sãñadeo irirosũ ããrãdima. ¹⁷ Gũñaña marĩrõ wãri doebirikuri opadea makã pereakõãbũ, ãrĩrãkuma.

ããrĩpererã doóriduparu merã naarã, iri duparu oparã, Ìgũsãyarã ùma, gajirã dia wãdiyague moã wajatarãde iri makãrẽ yoarogue ìũ nĩrãkuma. ¹⁸ Iri makã ùjũ ìmìkákùmakù ìãrã, ãsũ ãrĩrãgaguinĩrãkuma:

—I makã irirosũ ããrĩrĩ makã, neõ gaji makã máa, ãrĩrãkuma. ¹⁹ Irasũ bũjawererã, Ìgũsãya dipu weka nikũwera mápeorãkuma. Dũjaritua ore, ãsũ ãrĩrãkuma:

—Ayó, ñetariro waabũ i makã daro. Õãrĩ makã ããrãdibũ. ããrĩpererã marĩ doóriduparu oparã dia wãdiyague naarã iri makãma doebiri merã õãrõ wãjatadibũ. Gũñaña marĩrõ iri makã pereakõãbũ, ãrĩrãkuma.

²⁰ Musã ùmũgasigue ããrĩrã gapũ, iri makã béosũmakù ìãrã, usũyaka! Musã Marĩpũyarã, Jesús buedoregũ beyenerã, Ìgũyare weredupiyunerã ããrĩpererã usũyaka! Iri makã marã musãrẽ ñerõ tarimakù irima. Ìgũsã irasiridea waja, Marĩpũ Ìgũsãrẽ wajamoãmi.

²¹ Pũrũ turagũ Marĩpũre wereboegũ wãriye trigo yeri Ìgũsã oeri ùtãyere ãiwãgũ, dia wãdiyague meeyo, ãsũ ãrĩmi:

—I ye ùtãye meébiaderosũta wãri makã Babilonia wãikuri makã béodijusũrokoa. Musã iri makãrẽ neõ dupaturi ìãbirikoa. ²² Iri makã béodijusũdero pũrũ, neõ bayarire péña marĩrokoa. Arpa wãikuri bũapũtãrĩrẽ, tãrẽ duparure, puririduparudere neõ dupaturi péña marĩrokoa. Irore moãnerã dupaturi neõ moãnemobirikuma. Trigo yeri ùtãyeri merã Ìgũsã oedeade neõ péña marĩrokoa. ²³ Iri makãrẽ neõ suru sãgõdiru boyobirikoa. Mojõsũarã bosenu irirã usũyari merã Ìgũsã werenĩrĩrẽ neõ dupaturi péña marĩrokoa. Iri makã marã doebiri duarimasã, gajirã i ùmũ marã nemorõ oparã ããrĩmã. Iri makã marã yéa iriri merã ããrĩperero marãrẽ Ìgũsã ãrĩkatorire bũremumakù irima.

²⁴ Marĩpaya kerere weredupiyunerãrẽ, gajirã ãgũyarãdere, irasũ ããrĩmakũ i ãmugue ããrĩpererã masaka wẽjẽsũnerãrẽ i makã marã wẽjẽnerã ããrĩmã, ãrĩmi yare turagu Marĩpũre wereboegu.

19

¹ Babilonia béodijusũdero pũũ, ãmugasigue wãrã turaro merã ãsũ ãrĩ werenĩmakũ pébũ: Aleluya, Marĩpũre usuyari sĩrã! Ìgũ marĩrẽ taugu ããrĩmi. Ìgũrẽ bũremurã! Turatarigu ããrĩmi.

² Masakare keoro wajamoãgũ, diayeta irigu ããrĩmi. Iri makã Babilonia, nomeõ ãma merã kõãbirarikũgo irirosũ ããrĩbũ. Iri makã marãrẽ ããkũĩrã, i ãmu marã ñerõ irima. Irasirigu Marĩpũ, ãgũrẽ moãboerãrẽ ãgũsã wẽjẽdea waja iri makã marãrẽ wajamoãmi, ãrĩma.*

³ Dupaturi ãsũ ãrĩma doja:

Aleluya, Marĩpũre usuyari sĩrã! Iri makã neõ piriro marĩrõ ãjũ ãĩmikãkũnĩkõãrokoa, ãrĩma.*

⁴ Veinticuatro oparã mũrã, wapikũrã okarã merã ejamejãja, ãgũsãya diapuserorire yebague moomejã, Marĩpũre Opũ doarogue doagũre ãsũ ãrĩ bũremuma:

—Irasũta ããrã. Aleluya, Marĩpũre usuyari sĩrã! ãrĩma.

⁵ Pũũ Opũ doarogũ ããrĩgũ ãsũ ãrĩmi:

Marĩ Opũre usuyari sĩka! ããrĩpererã ãgũrẽ moãboerã gopeyari merã ãgũrẽ bũremurã: oparã, ubu ããrĩrã irasũ irika! ãrĩmi.*

Jesucristore bũremurã mojóshari bosenuẽ usuyarãkuma, ãrĩ weredeã

⁶ Pũũ yũ wãrã masaka werenĩmakũ pébũ. Ìgũsã wádibu ãtãmu irirosũ, bũro bupu páro irirosũ bũsuma. ãsũ ãrĩma:

Aleluya, Marĩpũre usuyari sĩrã! Ìgũ marĩ Opũ, turatarigu, dapagorare ããrĩpererãrẽ doregu ñajãsiami.*

⁷ Usuyarã! Yũjũpũrãrĩgue wãri usuyari merã ããrĩrã! Marĩpũre: “Õãtaria mũ”, ãrĩ, usuyari sĩrã! Jesucristo oveja majĩgũ irirosũ ããrĩgũ ãgũrẽ bũremurã merã ããrĩnũgãrĩnũ, ãgũ mojóshari bosenu ejasiãa. Ìgũrẽ bũremurã, ãgũ merã mojóshabo, iri bosenuẽ õãrõ ãmuyudeo irirosũ ããrĩma.*

⁸ Ìgũsã õãrĩ surĩ, gũrari marĩrĩ, bũro gosesiriri surĩ Marĩpũ ãgũsãrẽ sĩdea sãñarã ããrĩma. Iri surĩ, Marĩpũyarã õãrĩrẽ iridea irirosũ ããrã, ãrĩma.*

⁹ Pũũ Marĩpũre wereboegu yare ãrĩmi:

—Ire gojaka: “Jesucristo oveja majĩgũ irirosũ ããrĩgũ mojóshari bosenuẽ ãgũ siiunerã usuyarã ããrĩma”, ãrĩ gojaka! ãrĩmi.

Yũre ãrĩnemomi doja:

—Diayeta ããrã yũ wereri. I Marĩpũya werenĩrĩ ããrã, ãrĩmi.

¹⁰ Irasũ ãrĩmakũ pégu, ñadukũpuri merã ejamejã, ãgũrẽ bũremubu iriadibũ. Yũ ejamejãmakũ ããgũ, ãsũ ãrĩmi:

—Irire irasiribirikõãka! Mũ, mũyarã Jesũre bũremurã ãgũ diaye weredeare iritũyarã irirosũta yũde Marĩpũre moãboegu ããrã. Irasirigu Marĩpũ gapũre ejamejã, bũremuka!

Jesũs diaye weredeare wereturiarã Õãgũ deyomarĩgũ iritamurĩ merã wererosũta, Marĩpũ weredoredeare wereturiarã werema.

Juan, caballu boregu weka peyagũyare weredeã

¹¹ Pũũ ãmugasi tũpãmakũ ããbũ. Iro caballu boregu ããrĩmĩ. Ìgũ weka peyagũ* ãsũ wãĩkũmi: “Ìgũ ãrĩrõsũta keoro irigu, diaye irigu ããrĩmi”. Ìgũ masakare ãgũsã ñerõ iriri waja wajamoãgũ, ãgũrẽ ããturĩrã merã gãmewẽjẽgũ, diayeta yãmi. ¹² Ìgũya koye peame ãjũrĩ

* 19:2 Dt 32.43; 2 R 9.7 * 19:3 Is 34.10 * 19:5 Sal 115.13 * 19:6 Sal 93.1; 97.1; 99.1 * 19:7 Ef 5.23-32

* 19:8 Ap 7.14 * 19:11 Caballu boregu weka peyagũ, Jesucristota ããrĩmi.

pūrã irirosũ gosebũ. Īgũya dipurure wãri oparã peyari berorí peyami. Īgũ wãirẽ Īgũrẽ gojatúsũdero ããrĩbũ. Iri wãirẽ Īgũ dita masĩmi. ¹³ Īgũ sãñarĩñe yoariñe dí merã dibuadeañe ããrĩbũ. Īgũ ãsũ wãikũmi. “Marĩpũya werenĩrĩrẽ weregũ” wãikũmi. ¹⁴ Īgũyarã surara ãmũgasigue marã Īgũrẽ tũyama. Caballua borerã weka peyama. Ōãrĩ surĩ boreri, gũrari marĩrĩ surĩre sãñarã ããrĩmã. ¹⁵ Īgũya disigue sareri majĩ usiri majĩ wiribũ. Iri majĩ merã i nikũ marãrẽ tarinũgãgũkumi. Īgũ turari merã, kũme merã iridea yukũ merã Īgũsãrẽ doremakũ, neõ sugũ Īgũrẽ tarinũgãgũno bokatĩũbirikumi. Marĩpũ ããrĩpererã nemorõ turagũ i ãmũ marã ñerã merã guatarimi. Irasirigũ caballu boregũ weka peyagũ, sugũ Īgũ turari merã igui kũrabipsisãrõsũ Īgũsãrẽ Īgũ turari merã wajamoãgũkumi. ¹⁶ Īgũya surĩro, Īgũya ñugãdere i wãirẽ gojatúsũdero ããrĩbũ: “Īgũ ããrĩpererã oparã nemorõ Opũ, ããrĩpererã dorerã nemorõ Doregũ ããrĩmi”, ãrĩ gojatúsũdero ããrĩbũ.

¹⁷ Pũrũ Marĩpũre wereboegũ abe ãmũmũgue nĩgũrẽ ĩãbũ. ããrĩpererã mimua ãmarõgue wãrãrẽ turaro merã ãsũ ãrĩmi:

—Nerẽrã aarika! Marĩpũ baari ãmurĩrẽ baarã aarika! ¹⁸ Wãri nikũ marã oparãya diire baarãkoa. Surara oparã, surara turarã, caballua, Īgũsã weka peyarãya diire baarãkoa. ããrĩpererãya diire: moãboerã, moãboerã ããrĩmerã, oparã, ubu ããrĩrãya diire baarã aarika! ãrĩmi.

¹⁹ Pũrũ gajirosũ deyogũre, i ãmũ marã oparã Īgũsãyarã surara merã nerẽnerãrẽ ĩãbũ. Īgũsã nerẽnerã ããrĩmã, caballu boregũ weka peyagũ merã, Īgũyarã surara merã gãmewẽjẽmurã. ²⁰ Caballu boregũ weka peyagũ gapũ gajirosũ deyogũre peresu irimi. Gajigũ: “Īmũgasigue marã Opũyare weregũ ããrã”, ãrĩ ãrĩkatodidere peresu irimi. Īgũ ãrĩkatodi gapũ gajirosũ deyogũ ĩũrõ deyoromurĩrẽ iridi ããrĩmĩ. Īgũ deyoromurĩrẽ iridea merã gajirosũ deyogũ wãĩ gojatúsũnerãrẽ, Īgũ keori weadeare bũremurãrẽ Īgũ ãrĩkatorire pẽmakũ iridi ããrĩmĩ. “Yũ wereri ãmũgasigue marã Opũya ããrã”, ãrĩ ãrĩkatodi ããrĩmĩ. Caballu boregũ weka peyagũ Īgũsã pẽrãrẽ peresu iriadero pũrũ, Īgũsãrẽ okarãrẽta peamegue béomi. Iri peame dia wãdiya irirosũ wãri peame azufre wãikũri poga merã ãjãrĩme ããrĩbũ. ²¹ Pũrũ Īgũsãyarã surara dũyarãrẽ sareri majĩ Īgũya disigue wiriri majĩ merã wẽjẽmi. Irasũ Īgũ wẽjẽadero pũrũ, mimua Īgũsãya dũpũrĩma diire baayapitari-akõãma.

20

Mil bojorigora Cristo Īgũyarã merã masakare doregũkumi, ãrĩ gojadea

¹ Pũrũ gajigũ Marĩpũre wereboegũ ãmũgasigue merã dijarimakũ ĩãbũ. Bũro ãkũãrĩ gobema sawire, wãrida kũmedadere opami. ² Irasũ dijarigũ, pĩrũrẽ ñeãmi. Īgũ pĩrũ neõgoraguere deyoadi, Satanás wãikũgũ, wãtĩ ããrĩmi. Īgũrẽ ñeã, kũmeda merã sũami, mil bojorigora peresu iribu. ³ Sũa odo, bũro ãkũãrĩ gobegue béodijumi, i ãmũ marãrẽ mil bojorigora ãrĩkatobirikõãburo, ãrĩgũ. Irasũ béodiju odo, iri gobema makãpũrore sawi merã bia, wĩtãbiatokõãmi. Irasirigũ mil bojori tariadero pũrũ, dupaturi Īgũrẽ mérĩnũrĩgãta wiugũkumi dapa.

⁴ Pũrũ oparã doarigue doarãrẽ ĩãbũ. Marĩpũ Īgũsãrẽ masaka irideare: “I gapũ õãbũ, i gapũ õãbiribũ”, ãrĩ weremurãrẽ pídi ããrĩmĩ. Gajirãdere ĩãbũ. Īgũsã Jesũya kerere, Marĩpũyare weredea waja Īgũsãya dipure diti béosũnerã ããrĩmã. Gajirosũ deyogũre, Īgũ keori weadeadere neõ bũremubirinerã ããrĩmã. Īgũsãya diapuserorire, o mojørĩrẽ Īgũ wãirẽ gojatũdorebirinerã ããrĩmã. Irasirirã gajirã Īgũsãrẽ wẽjẽnerã ããrĩmã. Īgũsãrẽ wẽjẽdero pũrũ masã, dupaturi okarã ããrĩnerã ããrĩmã. Mil bojorigora Cristo merã doren-erã ããrĩmã. ⁵⁻⁶ Iri masãrĩ, ããrĩpũroriri masãrĩ ããrã. ããrĩpererã masãpũrorirã, Marĩpũyarã bũro ãsũyarã ããrĩrãkuma. Neõ dupaturi boabiri, perebiri peamegue waabirikuma.

Marĩpu, irasũ ããrĩmakũ Cristo ãũrõ paía ããrĩrãkuma. Mil bojorigora Cristo merã masakare dorerã ããrĩrãkuma. Iri mil bojori tariadero puru, gajirã boanerã masãrãkuma.

Wãtẽa opu béosũgukumi, ãrĩ gojadea

⁷ Iri mil bojori tariadero puru, wãtẽa opu peresugue ããrĩgũ wiusũgukumi. ⁸ Ñgũ wiriadero puru, ããrĩperero i ãmu marãrẽ ãrĩkatogu waagukumi. “Nãka, gãmewẽjẽrã”, ãrĩgũ, Gog wãĩkuro marãrẽ, Magog wãĩkuro marãdere ãrĩkatogu waagukumi. Irasirirã, ñgũ ãrĩkatorire pẽrã, ñgũsãyarã surarare siu neõrãkuma gãmewẽjẽmurã. Dia wãdiyama ñmipa yerire keo bokatũña marĩrõ irirosũ, ñgũsãyarã surarare keo bokatũña marĩrokoa. Wãrãgora ããrĩrãkuma.

⁹ Irasirirã i nikũ ããrĩpereroguerẽ ããrĩseyanugã, Marĩpuyarã ããrĩrĩ makã ñgũ maĩrĩ makãrẽ kãmutabianugãjarãkuma. Ñgũsã irasũ kãmutabianugãjadero puru, Marĩpu ñgũsãrẽ ãmugasima peame merã soepeogukumi. ¹⁰ Irasũ waadero puru, wãtĩrẽ ñgũsãrẽ ãrĩkatodire perebiri peamegue béogukumi. Iri peame, dia wãdiya irirosũ ããrĩrĩ peame azufre merã ãjũrĩme ããrã. Irogue gajirosũ deyogure, gajigu: “Ëmugasigue marã Opuyarẽ weregũ ããrã”, ãrĩkatodire béosiami. Irogue ããrĩrã, ãmurĩ, ñamirĩ neõ perero marĩrõ burõ pũrĩrikurãkuma.

Masakare wajamoãtũnurĩmarẽ gojadea

¹¹ Puru wãro Opu doaro borerore ñãbu. Iro doarogue doagudere ñãbu. Ñgũ ãũrõrẽ i nikũ, ãmugaside dederipereakõãbu. Neõ deyobiribu. ¹² Puru boanerã iro doarogue doagu ãũrõ nímakũ ñãbu. Ubu ããrĩrã, oparãde ããrĩmã. Irogue ñgũsã níripoeta Marĩpu ñgũ gojadea pũrĩrẽ tũpãmi. Iri pũrĩgue masaka irideare gojatúdeã ããrĩbũ. Gaji pũ ñgũ merã perebiri okari opamurã wãirẽ gojatúdeã pũ ããrĩbũ. Irasirigu iri pũrĩgue gojatúdeare ñã odo, boanerãrẽ ñgũsã irideare keoro wajarimi. ¹³ Dia wãdiyague mirĩnerã, boanerã ããrĩrõgue ããrĩnerãde ñgũ ãũrõ ããrĩmã. Irasirigu Marĩpu, Opu doarogue doagu ããrĩpererãrẽ ñgũsã irideare keoro wajarimi. ¹⁴ Puru boarire, boanerã ããrĩrõdere perebiri peamegue béokõãmi. Iri peame, wãdiya irirosũ ããrĩrĩ peame ããrĩbũ. Irasirirã irogue béosũrãno dupaturi boarã irirosũ dujama. Marĩpu merã neõ ããrĩbirikuma. ¹⁵ Irasirirã ããrĩpererã Marĩpu merã perebiri okari opamurã wãirẽ gojatúdeã pũgue gojatúsũña marĩnerã perebiri peamegue béosũma.

21

Ëmugasĩ, i nikũde maama dita gorawayurimarẽ gojadea

¹ Puru yu Juan, ãmugasĩ, i nikũde maama ããrĩrĩrẽ ñãbu. ããrĩpuroridea dari ãmugasĩ, i nikũ dederidijapereakõãbu. Dia wãdiya marĩbu pama. ² Neõ ñerĩ marĩrĩ makã, ãmugasĩ Marĩpu purogue ããrĩrĩ makã dijarimakũ ñãbu. Iri makã, maama makã, Jerusalen wãĩkuri makã ããrĩbũ. Ñãrõ deyori makã, mojosuabo igo marãpu suyuburo, ãrĩgõ, surĩro ñãrõ sãñadeo irirosũ ããrĩbũ. Marĩpu ãsũta i makãrẽ ãmuyudi ããrĩmĩ. ³ Puru Opu doaro purõ ããrĩgũ, turaro merã ãsũ ãrĩ werenĩmakũ pẽbu:

—Ñãrõ pẽka! Dapagora Marĩpu masaka watope ããrĩmi. Ñgũsã merã ããrĩgukumi. Ñgũsã ñgũyarã ããrĩrãkuma. Ñgũta ñgũsã merã ããrĩ, ñgũsã Opu ããrĩgukumi. ⁴ ããrĩpereri ñgũsãya kódeko wiririre niũgukumi. Boari, bujawereri, kó oreri, pũrĩrikuride neõ marĩrokoa. I ãmuma ããrãdea ããrĩpereri pereakõãbu, ãrĩmi.

⁵ Puru Marĩpu, Opu doarogue doagu ãsũ ãrĩmi:

—ããrĩpererire maama dita gorawayumakũ yãa, ãrĩmi.

Puru ãsũ ãrĩmi doja:

—Yu ãrĩrĩrẽ gojaka! Yu ãrĩrĩ diayeta ããrã. Irasiriro yu ãrĩrõsũta waarokoa, ãrĩmi.

⁶ Puru yure ãsũ ãrĩmi doja:

—Iropata ããrã. Yu neõgoraguere ããrĩpereri i ãmumarẽ ããrĩmakũ iridi, i ããrĩpererire peremakũ iribu ããrã. Yure gããmerã, ñemesiburã burõ iirĩduarã irirosũ ããrĩma. Irasirigu

Īgūsārē perebiri okari sīrī deko*, ūmawiuroma dekore tīāgukoa. Wajamarīrō iri dekore iirīrākuma. ⁷ Āārīpererā ñerō tarikererā yure būremuduúmerārē āārīpereri yu: “Sīgara”, ārīdeare sīgukoa. Īgūsā Opu āārīgukoa. Īgūsā, yu pūrā āārīrākuma. ⁸ Gajirā gapu masakare gūisīā, yaare pirirā, yure būremumerā, ñetariro irirā, wējērīmasā, ūma, nome merā, nome ūma merā ñerō kōābirarikurā, yéa āārīrā iririkurā, keori weadeare būremurā, āārīpererā ārīkatorikurā peamegue waarākuma. Iro dia wádiya irirosū āārīrī peame azufre merā ūjārīme āārā. Irogue waarā, yu merā neō āārībirikuma. Irasirirā dupaturi boarā irirosū dujarākuma, ārīmi.

Maama makā Jerusalēmarē weredea

⁹ Puru sugu Marīpura wereboegu yu purogue ejami. Īgū su mojōma pere gaji mojō peru pērēbejari pari opanerā merāmu, Marīpu masakare wajamoādogu pīnerā merāmu āārīmi. Āsū ārīmi yure:

—Īgū aarika! Jesucristo oveja majīgū irirosū āārīgū mojōsuabore† ĩmugukoa murē, ārīmi. ¹⁰ Irasirigu Ōāgū deyomarīgū, kērō irirosūgue yure Marīpura makārē ĩmakū irimi. Ūmadi ūtāw wekague yure āimurā, irogue Marīpura makārē Jerusalērē neō ñerī marīrī makārē, Marīpu purogue ūmugasigue merā dijariri makārē ĩmumi. ¹¹ Marīpu gosesiriri merā, jaspe wāikuriye, wajapariye, ōārō deko suririye irirosū deyoriye gosesirirosū gosesiribu. ¹² Iri makā turo wāri sārīrō ūmarī sārīrō āārībú. Iri sārīrōrē pe mojōma pere su gubu peru pērēbejarigora makāpurori āārībú. Iri makāpuroriku sugu Marīpura wereboegu koremi. Iri makā makāpuroriguere Israel bumarā pe mojōma pere su gubu peru pērēbejari buri marā wāirē gojatúsūbu. ¹³ Iri sārīrōrē abe murīro gapu ure makāpuro āārībú. Sur gapu ure makāpuro, norte gapu ure makāpuro, abe ñajārō gapu ure makāpuro āārībú. ¹⁴ Iri sārīrō pe mojōma pere su gubu peru pērēbejari paga ūtā majīrī weka peyabu. Iri ūtā majīrīku Jesucristo oveja majīgū irirosū āārīgū buedoregu beyenerā wāirē gojatúsūbu.

¹⁵ Marīpura wereboegu yure weregu keodi oro merā iridire opami. Iri makārē, iri makāma makāpuroridere, iri sārīrōdere keobu irimi. ¹⁶ Īgū keodi merā iri makārē keo odomakū, dos mil doscientos kilómetros yoari makā, iropata eyari makā, iropata ūmarōde āārībú. ¹⁷ Puru iri makāma sārīrōrē keomi. “Sesenta y cinco metros āārā”, ārīmi. Marī masaka keorosūta keomi.

¹⁸ Iri sārīrō jaspe wāikuri ūtāye merā iridea sārīrō āārībú. Iri makā oro merā iridea makā āārībú. Iri oro gajino morēña marīrī, ōārō deko suriri irirosū deyobu. ¹⁹ Iri sārīrō doka āārīrī ūtā majīrīrē āārīpereri wajapariyeri merā mamudea āārībú. Āārīpuroriri majī jaspe wāikuriye āārībú. Iriye puruma majī zafiro wāikuriye āārībú. Peye puruma majī ágata wāikuriye, ureye puruma majī esmeralda wāikuriye āārībú. ²⁰ Wapikuriyeri puruma majī ónice wāikuriye āārībú. Su mojōma puruma majī cornalina wāikuriye, su mojōma pere gaji mojō suru pērēbejari puruma majī crisólito wāikuriye āārībú. Su mojōma pere gaji mojō peru pērēbejari puruma majī berilo wāikuriye āārībú. Su mojōma pere gaji mojō ureru pērēbejari puruma majī topacio wāikuriye āārībú. Su mojōma pere gaji mojō wapikadiru pērēbejari puruma majī crisoprasa wāikuriye āārībú. Pe mojōma puruma majī acinto wāikuriye āārībú. Pe mojōma pere su gubu suru pērēbejari puruma majī amatista wāikuriye āārībú. ²¹ Iri sārīrōrē pe mojōma pere su gubu peru pērēbejari makāpurori, perla merā iridea seri āārībú. Iri seriku suye perlaye merā iridea dita āārībú. Iri makā

* **21:6** San Juan 11.25: Jesús ārīmi: —Yu boanerārē masāmakū irigu, Īgūsārē okari sīgū āārā. Yure būremugū boadigue āārīkeregu, okagukumi, ārīmi. San Juan 14.6: Jesús ārīmi doja: —Yu dita Yuru purogue waarī maa irirosū āārā. Yu diayema āārīrīrē masakare masāmakū irigu, Īgūsārē okamakū irigu āārā. Yu merāta Yuru purogue waarākuma, ārīmi. Irasirigu Jesús perebiri okarire sīrī deko irirosū āārīmi. Īgūrē būremurā Īgū Paga puro i perebiri okarire opamurā āārīma. † **21:9** Jesucristo oveja majīgū irirosū āārīgūrē būremurā maama makā Jerusalén marā āārīmurā Īgū mojōsuabo irirosū āārīma.

deko waarí maa, oro gajino morēña marĩrĩ merã iridea maa, õãrõ deko sũriri irirosũ deyorí maa ããrĩbũ.

²² Iri makãrẽ Marĩpũya wiire iãbiribu. Iri makã ããrĩpererogue Marĩpũ turatarigu, irasũ ããrĩmakũ Jesucristo oveja majĩgũ irirosũ ããrĩgũde ããrĩrõ ããrĩbũ. Irasiriro iri makã ããrĩperero Marĩpũya wii irirosũ ããrĩbũ. ²³ Iri makã abe ãmũmũ, ñamimude boyoro gããmebea. Marĩpũ goesiriri merã õãrõ boyoa. Jesucristo oveja majĩgũ irirosũ ããrĩgũde iri makãrẽ sããgodiru irirosũ boyomi. ²⁴ Irasirirã i ãmũ marã Marĩpũ taunerã iri makãma boyori merã ããrĩrãkuma. I ãmũ marã oparã iri makãgue ãgũsã õãrĩ oparire sĩrã ãĩjarosũ Marĩpũre: “Õãtaria mũ”, ãrĩ, usũyari sĩrãkuma. ²⁵ ãmũrẽ iri makãma makãpũrori tũpãdea ããrĩrokoa. Iroguere neõ ñami marĩrokoa. ²⁶ Wãri nikũ marã ãgũsã õãrĩ oparire iri makãgue sĩrã ãĩjarosũ Marĩpũre bũremurã ejarãkuma. ²⁷ Ñerĩ ããrĩrĩ gapũre iri makãguere neõ ãĩñajãbirikuma. Ñerõ iririkurã, ãrĩkatorikurãde neõ iri makãguere ñajãbirikuma. Jesucristo oveja majĩgũ irirosũ ããrĩgũ merã perebiri okari opamurã ãgũya gojadea pũgue ãgũsã wãĩ gojatũsũnerã ããrĩma. ãgũsã dita iri makãguere ñajãrãkuma.

22

¹ Pũrũ Marĩpũre wereboegu diare yũre ãmumi. Iriyama deko perebiri okari sĩrĩ deko* ããrĩbũ. Õãrõ deko sũridiya, diumajĩ irirosũ ããrĩbũ. Marĩpũ, Jesucristo oveja majĩgũ irirosũ ããrĩgũya doaro doka wiribu. ² Iri makã dekoma maa, wãri maague ãmayobũ. Iriya pe gapũ tũrorire perebiri okari sĩrĩ yukũ nĩbũ. Iri yukũ aberikũ dukakũ. Su bojorire, pe mojóma pere su gubu peru pẽrẽbejarigora dukakũ. Iriguma pũrĩ i ãmũ marã masaka pũrĩrikurire tauri pũrĩ ããrã. ³ Irasiriro neõ pũrĩrĩ marĩrokoa. Iri makãgue Marĩpũ, Jesucristo oveja majĩgũ irirosũ ããrĩgũya doaro ããrĩrokoa. ãgũyarã ãgũrẽ bũremurãkuma. ⁴ ãgũya diapure iãrãkuma. ãgũsãya diapuserorire ãgũ wãirẽ tuuyasũrã ããrĩrãkuma. ⁵ Iroguere ñami neõ marĩrokoa. Irasirirã iro ããrĩrã sããgoriduparure, abe boyoridere gããmebirikuma. Marĩpũ boyori merã ããrĩrãkuma. ãgũ merã neõ piriro marĩrõ dorenĩrãkuma.

Jesucristo i ãmũgue dupaturi aariburo mérõ dũyãa, ãrĩ gojadea

⁶ Pũrũ Marĩpũre wereboegu yũre ãrĩmi:

—Yũ wererĩ diaye ãrĩrĩ ããrã. Irasiriro yũ ãrĩrõsũta waarokoa. Marĩpũ ãgũya kerere weredupiyurãrẽ ãgũyare masĩmakũ irigu ããrĩmi. ãgũrẽ wereboegũre iriumi ãgũrẽ moãboerãrẽ mérõgã pũrũ waaburire masĩdoregũ, ãrĩmi.

⁷ Irasirigu Jesús ãsũ ãrĩmi:

—Mérõgã pũrũ aarigũkoa. Irasirirã, Yũpũya kere i papera pũgue gojadeare iritũyarã usũyarãkuma, ãrĩmi.

⁸ Yũ Juan, i ããrĩpererire pé, iãbu. Irasirigu irire pé, iãdero pũrũ, yũre ãmuadi Marĩpũre wereboegũya guburi pũro ñadũkupuri merã ejamejãjabũ ãgũrẽ bũremubu. ⁹ Yũre ãgũ gapũ ãrĩmi:

—Iri irasiribirikõãka! Mũ, mũyarã Marĩpũya kerere weredupiyurã, ããrĩpererã i papera pũma dorerire irirã irirosũta yũde Marĩpũre moãboegu ããrã. Irasirigu Marĩpũ gapũre ñadũkupuri merã ejamejã, bũremuka! ãrĩmi.

¹⁰ Pũrũ yũre ãrĩnemomi:

—I pũgue: “ãsũ waarokoa”, ãrĩ gojadea keoro waaburo, mérõ dũyãa. Irasirigu, Marĩpũya kere i pũgue gojadeare duũrogu opabirikõãka! Yayeri ããrĩbea. ¹¹ Irasirirã ñerã

* **22:1** San Juan 11.25: Jesús ãrĩmi: —Yũ boanerãrẽ masãmakũ irigu, ãgũsãrẽ okari sĩgũ ããrã. Yũre bũremugũ boadigue ããrĩkerẽgũ, okagũkumi, ãrĩmi. San Juan 14.6: Jesús ãrĩmi doja: —Yũ dita Yũpũ pũrogu waarí maa irirosũ ããrã. Yũ diayemarẽ masakare masĩmakũ irigu, ãgũsãrẽ okamakũ irigu ããrã. Yũ merãta Yũpũ pũrogu waarãkuma, ãrĩmi. Irasirigu Jesús perebiri okarire sĩrĩ deko, perebiri okarire sĩrĩ yukũ irirosũ ããrĩmi. ãgũ merã ãgũrẽ bũremurã ãgũ Pãrũ pũro i perebiri okarire opamurã ããrĩma.

i kerere péduamerã murãrõta ãgũsã gããmerõ irinikõãburo. Ñerĩrẽ iririkurãde murãrõta ñerĩrẽ irinikõãburo. Õãrõ irirã gapu murãrõta õãrõ irinikõãburo. Marĩpu gããmerĩrẽ iririkurãde murãrõta irire irinikõãburo, ãrĩmi.

¹² Pupu Jesús ãsũ ãrĩmi:

—Ãsũta ããrã. Gũñaña marĩrõ aarigura. Masakakure yu sĩburire opãa. Ñgũsã iriderosũta ãgũsãrẽ keoro sĩgura. ¹³ Yu neõgoraguere ããrĩpereri i ãmumarẽ ããrĩmakũ iridi, i ããrĩpererire peremakũ iribu ããrã. Yu i ãmurẽ iriburo dupiyuro ããrĩsiabu. Iri pereadero pupu, ããrĩnikõãgukoa, ãrĩmi.

¹⁴ 'Ããrĩpererã ãgũsã ñerĩ irideare pirirã usuyarãkuma. Surĩ koe odo, gurari marĩrĩ sãñanerã irirosũ ããrĩma. Irasirirã iri makãma makãpurore tariñajãrãkuma. Iri makãma yuku perebiri okari sĩrĩ yuku dukare baarãkuma. ¹⁵ Gajirã ñerõ iririmasã gapu iri makãgue ñajãbirikuma. Ñgũsã yã ããrĩrã iririkurã, ãma, nome merã, nome ãma merã ñerõ kõãbirarikurã, wẽjẽrĩmasã, keori weadeare buremurã, ãrĩkatorikurã ããrĩma.

¹⁶ Yu Jesús, yure wereboegure iriubu, musã yure buremurãrẽ i papera pũmarẽ werebure. Opu David parãmi ããrĩturiagu ããrã. Neñukãmu boyodiru õãrõ boyoro irirosũ ããrĩgũ, maama perebiri ãmurẽ pígu ããrã, ãrĩmi.

¹⁷ Õãgũ deyomarĩgũ, irasũ ããrĩmakũ Jesucristo oveja majĩgũ irirosũ ããrĩgũyarãde ãgũ mojõsũabo irirosũ ããrĩrã ãgũrẽ ãsũ ãrĩma: “Aarika!” ãrĩma. ããrĩpererã irire ãrĩmakũ pérãde: “Aarika!” ãrĩburo. Ñemesiburã iiriduarã, perebiri okari sĩrĩ dekore iirirã aariburo. Wajamarĩrõ iri dekore iirirãkuma.

¹⁸ Yu Juan, ããrĩpererã Marĩpuya kere i pũgue gojadeare pérãrẽ gopeyari merã ãsũ ãrĩ weregura: “I pũgue gojadeare gaji bueri merã morẽsóo werenemorãrẽ Marĩpu wajamoãgukumi. I pũgue wajamoãburire gojaderosũta ãgũsãrẽ wajamoãgukumi. ¹⁹ Gajirã Marĩpuya kere i pũgue gojadeare gorawayurãrẽ ãsũ irigukumi. ãgũsãrẽ perebiri okari sĩrĩ yuku dukare sĩboadeare sĩbirikumi. Irasirirã Marĩpu merã neõ ñerĩ marĩrĩ makãgue ããrĩnikõãbirikuma. Irire i pũgue gojasũa”, ãrĩmi.

²⁰ Jesús irire weregu, ãsũ ãrĩmi:

—Irasũta ããrã. Mẽrõ duyãa yu aariburo, ãrĩmi.

Irasũta waaburo. Guu Opu Jesús aarika!

²¹ Marĩ Opu Jesús musã ããrĩpererãrẽ õãrõ iritamuburo. Irasũta ããrĩburo.